



## 大佛頂 省

瑛 法 師 著

圓

楞 財團法人佛陀教育基金會 殿

經 講

義



印贈



## 圓瑛法彙序

治生產 待寺 度, 著作 揮演繹,皆切於護國愛人,旨趣之宏,足維風化,爰樂而為之序。 見稱也。 童寺不戒于火,上人則奔走四方,募化重修, 弟,薰育者眾。旋歷內地,並南洋群島,周流說法,於大乘教義,多所闡明。生平 於石鼓山之涌泉寺,早參三昧,夙擅譚經,素以宏化利生為本願。 ,編成法彙。近被推為寧波天童、七塔,二大叢林及中國佛教會首席 圓瑛上人,吾閩產也。幼失怙恃,依季父教養,穎悟絕人。甫成年,即受牒 倡辦寧波佛教孤兒院;次至泉州 , 今秋上人,蒞京說法,持示所講「仁王護國般若波羅密經講義」。其所發 為發展化育基金 ,是皆躬行實踐, ,重興開元寺,創辦開元慈兒院 以求達其利濟宏願 規模閎敞,為四明道場之冠 ,固不僅以舌粲蓮花 初主寧波接 , 間 孤露子 去年天 |
亦
稍

民國二十二年十月一日 閩侯 林森 敬撰

## 圓瑛法彙序二

佛學書 耀 之要 既 鉅 何 使 演 住持七塔 業 猶 人解 公講楞 徹 細 以 有 , 故 迥 光 閳 靡 存 應物 遺 局 巖 者 中 ? 脫 黏 每 明 此心既空 根 脱縛 反復誥誠而 俊 Щ 、天童二寺, 0 緇素翕集 至 ΪЩ 無方 以 員 塵 偉 於挺身 | 瑛法師 一磅礴 法 ,雖不立文字可也;其或明宗弘教,發為文辭 , , 與先 , 明心見性而已 師平生撰著 雖熾: ,靈氣所鍾 , 衛道 則文字與實相 (,法師 哲 不已 , 籍隸古 法雨覃敷,三根普被。余今夏曾詣天童 同揆 然有為,而不著有為之相 0 處事 信 闡 , , 当子宗說: 明義 彙刻行世, 鄉 田 ,高僧輩出,黃蘗心要,百丈清規 ۰ 人士皈: 變艱危之會 學道之士,真積力久,有悟 , 蚤歲 趣 ,不相違 兼 ,機辯縱橫,聽者無不悅服!又以持戒 脱俗 通 依 徴序於余 , 行 座 異 下者 ,真參實學 , 不忧 解相 , 故 , 不撓 故觀法師之文,即事即 法 如 應 0 師 夫我佛設 水 , 足為學者之模楷也 , , 孜孜 趨 願 , 力宏毅 尤為 壑 ,等身著作 0 於第一 4沸懈 教 一,參承 難 比歲卓錫 能 ,古德流 , , 法門 所至 可 , 義諦 道席 卒能成就 貴 修廢舉 雖 浙 ! , 亦 惟 理 廣 , 東 風 , 是時方 靈光獨 今海 其 為 可 無非 學佛 先後 其德 圓 真 墜 也 融 理

無礙,而佛法之體用彰明,具可於言外得之。嗚呼!魔說害教,魚目混珍,大法之

陵夷甚矣!

有如法師言句,引經據論,涵義深廣,而歸於平實,是能燦真燈於既昏,續慧

民國二十二年十月一日

命於將墜者,余安得不為之往復讚歎也哉!

閩侯 林翔 敬撰

## 大佛頂首楞嚴經講義序

嚴經 得心 不相應 卷 方 相 唯 證 如 由性 自在,而入三昧也。綜觀 必先假名言 來 相 夫佛法首重實證 應故 此經以阿難尊者誤墮婬室 0 , 圃 蓋妙理空寂 得成菩提 相 0 · ,由顯 經云:「言妄顯諸真 ,以為助緣;此世尊所以苦口婆心 , 而密 , 妙奢摩他 , 非實證無以契真常。 從本以來 ,由解而行 一代時教 、三摩 ,離言說相 , 恨無始來, , ,由行而證 妄真同二妄」 ` ,闡明從凡至聖,而事理並重者, 禪 那 因一切眾生,皆有妄心,念念分別 ,離名字相,離心緣相 , 最初方便 ,徹終徹始 向多聞 ,廣說法要,冀眾生因指見月 , 即 此 , 0 未全道力 義也 ,廣度有情 於是世尊 0 然眾生之欲契入實 , , 慇懃啟請 , 乃離念境界 敷演洪文十 莫逾首楞 , 皆 ,

六十八 為之序。竊念學佛信眾, 作行 員 [瑛法師者,今佛門之龍象也。慧性天生, 世 , 始行 十有餘種 注釋此經 0 十二年前 , 苟無南針,而欲深入經藏 以四十餘年之鑽研 , 曾撰楞嚴綱要一 , 究厥精微 辯才無礙,宏施法雨,中外咸沾 書 譬靡管而闚天 , 明燈普照 , 編成 講 義 廣被遐 棄蠡 大願 以測海 既償 邇 迨年 囑

## 求能了解妙理,誠恐北轍南轅!

順矣と 一段,横隔其間,或因前人錄刊倒置,致與前後文不相接續,法師指示此段應在請法之後,則問答相應,怡摩阿難頂,告示阿難及諸大眾:有三摩提,名大佛頂,首楞嚴王,具足萬行,十方如來,一門超出,妙莊嚴路」 能契合時機;而勘校經文,正其錯簡 法師為當代大德,瞭知學人心理,以平淡言辭,演釋甚深經義,方便善巧, 0 抑其敷弘正道,詮行布不礙圓融;顯示真常,離二邊而趨空寂。正猶增輝於 , 巨眼如燭,有裨來學。 (轉,在大眾中,舒金色臂,經中破處之文有「爾時世

太陽,助深於巨壑,法施功德,沾溉靡窮,無緣慈悲,同無量矣!

辛卯孟春之望 菩薩戒優婆塞 王學仁 謹序於香港

#### 自序

顯其真 愛欲 顯根 為詰 體 成 用 首告阿難云:「一切眾生,從無始來,生死相續 生 個 定者 諸妄 ; 圓 , 迷真 以 根 為 成 夫群生莫不有心,而真心難悟;修行莫不有定,而性定難明;指真心 , 想 其唯首楞嚴經歟 探 破識心五種勝善功能 禪定之障 為涅槃妙門 性 向六根而指見性,令親驗乎不動之本真;會四科而示藏心, 悉病 為 起妄 何 謂 · 此想 圓通之正因 源 性定? ,認識為心 不真 0 , 由是備破三迷 故以多聞誤墮為緣 ,令人決定用之。則欲令捨識用根 即 , ?!何謂: 故有輪 自 , 楞嚴實自性之本具 性天真 , 則本有真心,不能解悟 ,猶屬生死妄想,令人決定捨之;顯根性 真心?即眾生所具 轉 , , 。 \_\_ 極 不動搖之定體 顯 , 是知識心, 發起 性 大教;識心乃生死之根 0 三重 故 阿難請示成佛大定 ,皆由不知常住真心, ,不生滅之根性 乃大定之冤賊 一破識 號曰首楞嚴 ,天然性定,無從修證 ,為修楞嚴要旨也明矣!當知 , 全破 其妄 ,菩提 人人具足 , 名 為 , , 令自明常住之 十 故 如 • —• 性 以見相 菲 番 來 如 精元 此 來藏 淨 顯 即 0 0 故 心 崩 良 而 見 為 所得 铜心 體 如來 破 由 示性 , 極 識 個

後知 觀 咎 明性定耶?但倒想雖銷 自 體 照 徹 復極 復融七大,圓滿 發盡無餘矣 法 於五 底源之定體 大圓融 ;回視強制識心之定, , 本自圓 三藏備 干虛 , 細惑未盡,迨滿慈究三種生續之因,而如來答一念覺 。阿難知心精之偏圓,讚大定之希有,詎非悟真心,而 成 顯 , , 究竟堅固之楞嚴 離 切相 何啻天淵哉!然而定雖本有,未經如 , 即 \_ 切法 非由造作 , 離即 離非 所謂奢摩 , 是即 他 菲 莭 來明 丽為 微 , 然 密

示

何由開解照了,自性天然本定?

悟實相 菩提心 向 員 發 修修 決定 故當 茲聞 門深入;不了根性真常,擊鐘驗其不滅。別索結元所在 ,求佛不捨大悲,令獲如來 , 於 破識顯根之教 以 機喩 知定體 因 彿 如天王 同 如 果 來 無虧 , , 旋妄還覺 妙三摩提 , , 賜與華 , 天然本妙 初則真妄 屋 , , 得令五濁澄清 ,無餘涅槃,本發心路。佛告云:「汝等決定 , 不生疲倦, , 雖獲大宅, ,決擇分明;乃至普融聖凡十界 近具 根中 應當先明, 要因 • -遠該萬法 ` 門入;此即 決定從根 發覺初心,二決定義 0 無如根結未開 , 現佛證其無他 解結 大開 圓 , 捨劣取 層之後 疑惑銷除 ,大用不 勝 綰巾 繼請 , 發 仴

總名。 滿菩提 後文意 是圓 幻三摩 因尅果 字 出 得 數量;十地 為 生 示 也 佛子 結 以問 妙莊 廣 通 ,六解一亡;冥授 故先答云:「有三摩提 阿難 提 明 加 日 ; 十 行 , , 淨緣起 全無 嚴路 然後再逐答三名。初三卷半之文,即二說奢摩他路 歸 行 ,彈指超無學」矣! 請定 無所得 : , 豈有 接續 ,汝今諦聽 妙奢摩他 依中道而趣佛果;等覺:齊佛際而破生相; : 廣六度而作佛事 , 列舉 上 異門者哉 0 0 所謂 今為審定 歴 ·三 名 六十 選根 、三摩 。 阿 禪那 ·聖位 !由是修門既 ,耳門獨妙 , 因不 修證聖位 至若清淨明 ,名大佛頂首楞嚴王,具足萬行 , ` ]難頂禮 當在請定願聞之後 禪 ; 十 0 東三 那 知佛定總名 回向 , ,伏受慈旨。 最初 |漸為 , , 深入如來藏 但 啟 誨 : 乾慧 明其復還本體 方 口 , , 歷位宜 四重 便 佛 , 但 事 ; 開初住 | | | | | 將 此文橫隔在第 而 初示 如來 平日 向 明 性 佛心 「,備發| , , 建立 佛定 為 先示 方盡妙覺 , , 出 聞 所 十信 ; 、染緣起 道場 總名 聞 其 四 圓 ;十方如 , 令悟密因 [加行: 本有家珍 通 便 三定別 ; 十 番破 大用 知 , ,成無上道 , 令 五會 阿 , 住 知諸 處文中 ,所謂 來 名 泯 而 難 心 不 生 成 神 , 大開 悉 非 千二 佛 佛 加 佛 門超 佛定 從 , 圓 家 而 妙 修 前 類 仴 如 圓 外 滅 而

發願 之文 經 十 實教意 慧助定而 落 後 路 解 以警淹留 妙定始終 頓 应 。」次三卷零之文,即三說三摩修法,令向耳根,一門深入。第四卷喻屋求門之 0 文云:「汝等決定,發菩提心 是欲 著 悟 第一卷七處被破之後,文云:「惟願世尊 远講義 即 仰 聽 禪 ,圓頓法門 四說 講斯經 已 以慧助定而已 那 叩慈光 如指諸掌。八卷中後半以去,復談七趣,無非情想之升沈,判決邪正 是欲 , 斯經從始暨終, 修證聖位 禪那證位 ,用報佛恩 冥護 以戒助定而已。 愧學識之淺陋,感註疏之繁多,用心過度 。從上疏解,不一而足,可作南針,又何須重為註釋?緣余年二 , 0 頓令惡疾速愈 , 令住 重明五陰 增上妙理 ,藉酬私願。 圓定 問定三,說定三 詳示五魔,僉由三昧以招致 , , ,心慮虛凝 , 同是妄想成就 於佛如來 直趣菩提 , 越日, 更求得悟 見有化人,狀如老媼者 ,助定三,成就首楞嚴王三昧 。 \_\_ 0 , 第 妙三摩提 , ,寂常 一經問答,界線層次分明,具示 八卷如來結答五名之後 大悲哀愍, 因果淺深 心性 ,不生疲倦 , 致患血 , , 開示我等 真實 滅除 叮嚀覺悟 圓 疾 .頓 。 \_\_\_ 通 來示余日 漸 0 ',奢摩 後半卷多 乃於佛前 , 文 云 : , 宏 以護墮 是以戒 揚是 為終 他

講義, 年之久 之處 嚴著 功 H 四 課 嚴專宗學院 八 究一番,自有一番進步,意欲掩關,專著是疏,機緣未湊 依言購服 始 云不要緊!以白杜鵑花燉冰糖,服之可愈。」言訖回首, 。」於七十四歲夏告完,計二十四卷,裝成五冊, , 述未 得 正講演時,忽患中風之病,由徒明暘,急扶下座,入室遂已不省人事 餘 深感老病之軀 轉機 遂 遲遲著述者 時 竣 編 ,三次血止。於是信願益堅,精心研究,竟達十載 房疑義 0 著 , 書條 幸有良醫黃鍾、鄭葆湜二醫師診治, 講義 大願莫償 有欲造就僧才 ,何也?以楞嚴妙義 , , , , 風前殘燭 貼於壁上 扯 每夜輒至三更乃止 盡 於是樂慧斌居士勸余曰: 無餘 , , ,若不速償斯願 0 續宏大教 所著 逐條靜坐參究 經論講義 ,豐富深藏 ٥ , 謹擇四月八日 如是者久,辛勞過度 , ,既明白一 ,已出版流 恐悔莫及 方告安然。至七十二歲 , 聊據管窺之見,以論性天; 「從容編著 每講一次,則有一次發明 條 , 通者 0 ,致延時日。迨年六十有 **媼即不見,心竊異之。遂** 開演 遂於圓 , ,於經中疑義深奧難解 即 , , 斯經 既有 , 十有 扯 旋至次年二 図明講堂 善願 , 餘 條 H 種 , 更 , 如是者 , , , , 經時七 復思楞 躬 創 必 惟 一月初 親授 但憑 獲成 辦 此 楞 經

佛曆二千九百七十八年仲夏 圓瑛弘悟 序於上海圓明講堂

# 大 ·佛頂如來密因修證了義諸菩薩萬行首楞嚴經講義第|卷

福 州 鼓山涌泉禪寺圓瑛弘悟著 受法弟子 明暘 日新 敬校

者 後 或具足十門 0 今則略為變更 今解此經 開卷便知題中義理;聞經亦復如是,第一日即可聽講經題 ,謹遵賢首十門解釋。考諸賢宗諸疏,而十門次序名目 或略取數門 ,提總釋名題為第一,先釋經題 皆先述一 經大意, 乃以總釋名題 ,繼述綱要 ,後解經文 別解文義 ,此固一時之權變 ,亦不盡同 , , 俾閱疏 兩 菛 列

甲 初 六 所被機宜 總釋名題 七 宗趣通別 起教因緣 八  $\equiv$ 說時前後 藏乘攝 屬 九 四 義理淺深 歷明傳譯 五 別解文義 能詮教體 耳

以後科目,以天干地支標之,令易記憶,而便尋討。即分為十

## 今初 總釋名題

# 大佛頂 ,如來密因,修證了義,諸菩薩萬行,首楞嚴經

題 **急總綱** 題為全經之總 0 凡釋題者 經乃一題之別;全經要義 當知經家,既以題目冠列經前,而釋題者 ,萃於一 題, 欲識 經中 自應據經而 別義 , 須 取其 解法

經藏 字 **H**. 毫 義 不相 名中 0 全取第三題 如密因、了義等,即當說是何等法,經中何文即是,未可儱侗拈弄 , 涉 諸部同名為經 , 結集者 。若陡事論量文體,不依解釋文體,安能令文義雙暢乎?此題 ;後八字 , 揀擇重要 ,故謂之通題。今先約別題,依古判定,後合通別,逐句分 ,分取第五 , 略取十九字,合成一題。前三字,分取第 題 0 名異諸經 故謂之別題 0 經之一 , , 字 題 : 乃佛自命 而與經文 中八 凡

釋:

吼》 類 首楞嚴是果法 三單 三種 **公發明** ;六法 喻 法為題 , 雙字三種 切諸經 如 乃舉直稱法體之佛頂 、喻:如《妙法蓮華》;七人、法、喻:如《大方廣佛華嚴》 《梵網》 如來是果人,菩薩是因人,密因是理法 ,別名無量 :故以人 ,具足一種 ; 四 人、 ` 法為題 ,按古德所判,不出七種立題:以人、法、喻三字,單字 • 法 : , 單人:如 以表勝妙 ,亦可略兼於喻 如 《地藏菩薩本願》 《佛說阿彌陀》 故 曰略兼於喻 0 以佛頂 ,了義是教法 ,五人、喻 ;二單法:如 0 二字, 此依古判定,下逐句分 非舉 : 如 ,萬行是行法 柏 《大涅槃》 似之物 **勿** 來師子 此 經以 比

大佛

釋

讚之。 受持是經者 故 別 無 頂 母 肉 故 法 故 .警在 大者 楞嚴 萬 ; 了 是之謂妙;表下 捧 猶 大 佛頂表顯之義 青螺紺髮正 言 佛頂三字, 歷 行 持 , 義為 意令受持是經者 為大行 為 恆 大矣哉是經也!則知 諦 妙定 沙 ,當依發妙耳門之妙教 觀 佛 妙 , 土 義 不見其頂 , , 自性 為能讚能表,下之四法,為所讚所表。 中 如實 ,終不能見 , ·四 法 (。佛頂 修行故 本具不假修成故 周 門深入 「,當依· ,猶言妙矣哉是教也!則知密因為妙因 圍 ; 又 紅色 , ; 楞嚴 0 即佛肉髻相上,無見頂相也,乃三十二相之第 , 佛成道後 密因為大因 此不屬於有 大教解大理 , 六根清淨故;萬行為妙行 狀如春山吐日 , 悟如來藏性之妙理; 為 大定 , ,具此諸: 遊 , ;稱大理起大行 , ,王三昧故: 具此 得成菩提故 化波羅奈國 而能 妙 放光化佛 佛初生時 , 是謂 ;了義為大義 大者,稱讚之詞 從妙理起妙行 妙法 , 東 , , ;滿大行證 稱 又不屬 方應持 嵐毗尼林神 諸 0 表以佛 真 , 大 因心 如 , . 菩薩 理 是為 於 頂者 果覺 大果 無 ;滿妙行證 , , 中 稱 大經 , ,讚下四 , , 雙離 欲 實 中 為 , , 二 不 意令 相 故以 窮 佛乳 理 0 說 首 有 佛

妙 果 提妙 ~覺極 歸 無 所得) 0 故以表之。 結集者,取此三字,冠於經題之首,令知所讚所

表,必非權漸教也。

屬報 道 身 聚智慧以為身;諸惑皆淨,智慧圓滿。經云: 迷悟: 身 證 如 佛 如來 妙理 為本 佛 經 真 道 如來 生 積聚之義 應二身如來 ·· 千百億化身 死 如 甍 云 同 密因 妙理 始覺與本覺合一,名究竟覺,方成佛道,方稱 : 7 來為始覺 後 [:如來 1無所得 自覺已圓 佛 , 0 猶若虛空 如先佛之再來 , , 。 — 法身 。依本覺 是諸佛通號 隨機應現 , 即法 能覺他者 , ?如來:梵語毗盧遮那 徧 身義。二、 , 切處 不生滅之理性 故曰 , 此積聚機緣以為身 ?。佛有十號 , |如來 如來應世 0 經云:「常住妙明 報身如來 , 此約普通解釋 明 , ,如來為第一號,乃倣同先德號;以 0 ,華言徧 起始覺 即應身義 極即如來 梵語 如有 , 如來。更約三身釋之:身 盧舍那 迴光返照之觀智 0 切處 不動 今按本經 ; \_\_ 。今連下密因二字,當 可度機緣 即報身義 周 , 此積聚理法 華言 圓 0 即 終實教意 淨滿 求於去來 現 。 三 , 依 八 相成 以為 此 妙智 應 積

生人人 如 不生 性 修 覺 何復名因 證 0 以 所 滅 密 果覺之因 本 团 性 如 依之因心  $\overline{?}$ 來雖 真 , 成 揀 , 答:「須見此不 為因 地心 證極果, 迷 非 ;亦即 事相修 而 地 不 0 十方如來 甍 心 不離 行 一切眾生 稱性 未能 , 顯因 正 起修 生不滅之根性後,方是究竟果覺之因, 因 依之修證 , 皆依 「,所謂! ,所具之根性 可見者。而 , 始獲究竟果覺 此不生不 因該果海 , 故謂之密 日 滅為 ,為菩提涅槃,本元清淨之體 如來密因,即是十方如來,得 , 果徹因 本 , 0 即此 修因 又 , 源也。 此不特 二性 , 然後圓 , 而能 問 是因 成 : 更須 性 果 通 因 既 地 , 徹 依 即 亦 修 此圓湛 果性 證 飹 果 成果 是果 可 ; 眾 故 為

沙 緣 劫 渦 覺 來 劬 0 勞 破 欲 以彼不達 又 識 成嘉 及 密因 顯 成 終 根 無實果 饌 外 ,密具不生滅之根性 三字 道 即 縱經塵劫 , 顯 諸 。 第 此密因也 遣 天魔 一卷文云:「諸修行人 Ħ. 種人過。 王 終不能得 , 及 魔 ,即是成佛真因,反認意識為心, 密之一字 眷屬 , 皆由 佛欲令人捨妄本 ,不能得成無上 遣 不 凡夫 知二 ` 種 外道 根 ,而依真本也 本 菩提 ` , 權 錯 亂 教 , 錯亂 乃至 修 擅 小 修習 乘 別 因 之 一 猶 四 成 如 聲聞 種 , 塵 璃 人

如鑛 字 因 正 遣利根狂慧人過。以彼未明所具不生滅之根性,但是正因佛性 雖是金 因方顯 ,不假鍛煉,終久是鑛 。遂乃自恃天真,本來是佛,頓捐修證,不依方便進修,終無得證 ,不能成金 ,須假了、緣二

是本真 心性 心 本修因者。 識 如來藏性 三名中 精元明 如 然此密因 來 奢摩他體 , 妙奢摩他。第一卷阿難求示真心,文云:「開示我等,奢摩他路 融七大無非藏 ,能生諸緣 ,即自性本定,而能開解照了於此者,即奢摩他微密觀照也 密因之旨 十方如來,得成菩提,靡不依此因心,而成果覺。此之密因 ,即二種根 ;十番顯見,顯此密因 ,顯發無遺矣 , 緣所遺者。」眾生在迷,非失說失,實則人人本具 性 本中真本 , 明三種生續之因 。題中此一 0 經云:「無始菩提涅槃,元清淨體 ,非惟近具根中, 句 一,示五大圓融之故 , 經中佔三卷半之文,即答阿 實則遠該萬法 ,全彰三藏 , , 0 則汝今者 ,所應取為 即是寂常 會四科惟 , 不 難 此三 所請 離

藏 性 修證 員 了義 滿 周 記即 徧 稱密因, 喻如天王, 所起之修證也 賜與華屋 0 求門而入。而如來為答三摩提 由阿 難聞 佛極顯密因 天然本具 妙修行 頓悟

大佛

倫 纏 路 次; 頓 , 分門: 證 冥 授 圓 以定 通義 , 以選此方本根 0 一義 擊鐘 : ,驗聞性真常 、決定 一勝而發三用 0 蓋必一 以因同果 不滅 門深入, ; , 現佛 澄濁頓入涅槃義。二、決定從根解結 逆彼 , 證涅槃生死無他 無始 , 織妄業流 **!**;綰巾 , 解六 , 結 以示 而 結 越三 脫 解

空

方為了義之修

;獲

,方為了義之證

修因, 界 乘 會 耳 地 乃至 修 云何 0 , 阿羅 證 官 以 此 別 7 而求佛乘 義復含二意 勝 其 方真 成 不 0 漢等 超 成 經云 聲聞緣覺 義 諸 (教體 中 , 聖而獨: 無 : , , 皆獲一 上 真勝 ,不生不滅,無有是處。經云:「諸修行人,不能得成無上菩提 ,清淨在音聞,欲取三摩提 一知覺」 若棄 , 等 與通常之解不同 妙 義 乘, 僅 , 生滅 , 故非 為三世之通軌 , 故 0 寂滅場地, 令汝會中 , 為了義。 了義 守於真常 0 用根 : , 真阿練若 又特選耳根圓通 0 定性聲聞 , ` 經中佛告富樓那云: ,則依 常光現前 用 ,實以聞中入。」 根 不生滅 不用 ,正修行處。 及諸 , 識; 根 , , 塵 圓湛 文殊白 用識 切 識 心 性成 「如來今日 , 更是了義中之了義 未得二 當知勝義 佛言 則以生滅心 , 應 , 時 然後 空 銷 落 佛 員 , 普為 即 빒 迴 成 , , 乃 為本 修 向 娑婆 , 果 證 此

之了義,耳根圓通,乃了義中真了義耳。

義 如來 之文,即答阿難所請三名中妙三摩之問 場定慧,神咒利益,無非修證圓通加行,亦即了義也。題中此一句,經中佔三卷半 乃發現其本有家珍 昧 圓理 而修證了義之旨 0 依 但 二、稱性不著相。著相之修,為事相之染修,著相之證,為新成之實證,未悟 ,均非了 妙三摩提 向 此了義 一門深入 義 修證自性本定,得耳根圓通,所謂「如幻三摩提,彈指超無學」 ,更無餘蘊矣。 0 ,不生疲倦 稱性之修,乃從聞、思、修,入三摩地,如幻聞熏聞修 ,證亦無證;「此是微塵佛 , 而得六根解脫 , 應當先明發覺初心,二決定義 , 修即 。第四卷佛云:「汝等決定發菩提心 無修;稱性之證 **,** 路涅槃門 , 生滅既滅 。」方為了義 。 \_\_\_ 決定義 寂滅 ,亦即了 , 。至若道 金剛三 現 於佛 前

法二空之有情;二、能覺法界,無量諸有情;三、智悲並運,自他兩利 提譯云覺 諸菩薩萬行 , 薩 [埵譯云有情 **!** : 菩薩 ,梵語具云菩提薩埵,此方人有好略之習慣 ,乃大道心眾生之稱。今作三義釋之:一、已經覺悟 ,簡稱菩薩 運智 我 菩

大佛

頂如來密因修證了義諸菩薩萬行首楞嚴經講義第一卷

求 佛覺以自利;運悲,下度有情以利他。修諸波羅密,乃如來道前之號,自 I覺覺

他,以求大圓滿覺。而言諸者,通指五十五位也。

佛事; 要之, 薩婆若 因行未滿,深入真修之行位也。不是極果之位,若是修終,只有佛位。」 槃 畏 <u>无</u> ;等覺 一十五位諸菩薩 四 萬 此行根柢於三如來藏性 行 十回向 海 ·思議 0 如 即 齊佛際而破生相 一十信 ,回佛事而向佛心;四加行,泯心佛而滅數量;十地,契真如而覆涅 稱圓通體 , 雙躡 ,全根力而植 , 應是證位 前奢摩他 ,所起之無作妙行也。 0 其行應有無量,今言萬者,但明 ,今以位為行,豈不屈證為修耶?」答: ,即定之慧;三摩 , 歸 佛種;十住 極 於四無礙法界, ·,生佛家而為佛子;十行,廣六度而行 如觀世音菩薩 ,即慧之定;定慧圓 ·請詳· 干行 ,三十二應 其多 ,後五 , 非局定數 行自 融 諸位 **,** 十 中 知 中流 凼 問 也 無

義 員 融 問 勝 問:「了義之證,不攝諸位耶?」答:「此有二義:一、但證圓通體 解 - 此位為行則圓通了義之修,應不具萬行。 | 答:「理具而非事造也 念念具足諸 度 , 以初心貴在精專 , 但反聞自性 , 不 -兼萬行 故 但 初發 稱了 雖

|勝用,是故不攝;二、圓人所修,一證一切證,一位即攝一切位,初心、究竟

一不別故

非頓除 五魔 無所得。安定經文,問答相應,已盡正說全經 目,頓悟禪那,修證聖位,顯是住持自性本定,入於如來妙莊嚴海,圓滿菩提,歸 之文,即答阿難所請三名中妙禪那之問 ,五陰妄想 又前言修證 ,因次第盡 ,自是經外餘意 ,推重圓通,此分階級 ;究竟圓 [融不礙行布 ,別詳初心緊要 。第八卷結經名後 ,對治狂慧,令知理雖頓悟 , 行布不礙圓融 , ,以戒慧助定而已。 歷收大定別目 0 題中此一句 , 阿 |難兼聞: ,故結經名 , 此經 乘悟併銷 , 經中 ,至七趣 ,了義名 佔 ; 事

體 中自顯見起 經》佛自釋首楞嚴為「一切事究竟堅固」。而古德即明其為徹法底源 迥不同於常途,工夫引起之定,亦不同於起心對境之定,此自性定耳 首楞嚴者,大定之總名也。圓含妙奢摩他、三摩、禪那三種別名 至四卷半 即所謂徹法底源 圓彰藏性止 極 ,無動無壞也 崩一 切事 ,究竟堅固之理;會四科即性常 ,無動 , 而成 一 無壞 《涅槃 定全

住

融七大

,即性周徧

大佛

飛光親驗 假 兼 云 : 來 而 修成 別 萬 朩 取 有 動 今釋此定 常 工夫者 , , 縱 獨 住 為 , 雙離動靜 妙 在 制 定體 , 迷位 锏 ,二義料揀:一 皆非妙定也 心者 , 不 ,即所謂 , 其體 動 ,不然, , 皆非圓定也 周 **如故** 圓 0 何以為徹法底源 <u>\_\_</u> 日月經天而 , 即所謂 不然, 此是圓定:不但獨取自心不動,乃統 • <u>-</u> 何 ` 長安雖 以為 不動 此是妙定 , , 切事 無動無壞之定哉 鬧 江 河競注而不流」, , 我國 正 , ·以性本: 究竟堅固之定哉 安然 ·自具 。 \_\_\_ ?!據此凡不即性 故稱 , 天 故 萬 然不 稱為 為妙 法 ! ·據此 ,悉皆本 圓 動 經中 經

半 全 他 也 無 中 間 , 合此 全取 此 在定縱經多劫 說 永 經經 無諸 員 圓 四卷半前 前自請定 通 妙二 委 所 曲 義 以 相 (修證藏 , ,所顯正因佛性 ,後至結名 , , 必以靜而礙動;出定略涉須臾,必以動而 故為首楞嚴王 亦無出退 性 始終不出 , 乃為 非常途之定, 三昧 ,略兼了因為定體;了因慧心開發 正說 ٥ ?。經中: 自發解起行 定耳 有入、住 0 ·前半全談藏性 當知 , 三定,不出三 直 、 出 至歷位成佛 :礙靜,皆非圓妙大定 0 , 入之則 所 以開 因 ,當機承教解 , 佛 發 有 從始 性 圓 , 通 出之則 洎 奢 ; 後 摩

入 即定之慧也。三摩 悟 從聞 朗 然照體現前 ` 思、修人三摩地, ,亦取所顯正因佛性 ,即此照體,為了因佛性,名奢摩他微密觀照。 乃為出世善法 ,略兼緣因為定體 , 即緣因佛性 ;綠因善心開發 , 然行依解起 然解從性發,乃 , 乃即慧之 ,選根直

定也

散 大定總別 即定慧均等,中中流入,妙莊嚴果海也。今合三定別名,成一大定總名;復攝 禪 那 ,為一全部經題,共十九字,是別題 , 全 取 Ė 因佛性, 雙兼了緣二因為定體;寂照雙行,不浮不沈,不昏不 ,屬所詮之法。

契諸 生所 因 應度之機 教 應遵 度 經之一字是通題 佛所說之理,下契眾生可度之機。又此方聖教稱經 脫 其軌 呵 ,令得解脫故 、攝、常 難 , 0 此經亦具四義 及性比丘尼,得菩提心, 、法四義。貫、則貫串所應知之義,令不散失故;攝、 , 為能詮之文,即詮上四種實法 ; 常、 則盡未來際,萬古不能易其說 :貫串妙奢摩他 入偏知海 ) 三 摩 ;常、法二義 • 0 禪那 梵語修多羅 ,今譯契經 ;法、則極十方界 , 所 應知之義 如 , 華言 圓 ,顯是西 通法門 則攝 契經 ; 攝 受親 受所 域聖 , 眾 一 過 0

軸之制度 十方三世 去諸如來 ,舒之可能讀誦,卷之以便供奉 共遵不易,豈非法、常義耶?餘義避繁不錄。卷第 斯門已成就,現在諸菩薩,今各入圓明;未來修學人,當依如是法 ,後人易制 , 未易其名 古來經書 故仍稱卷 多取 而第

### 甲二 起教因緣

數之始也,十卷玄文,次序居首。

總釋名題竟

0

世。 乘機應 教 佛 法因緣 或 法不孤起 可見如來出世,即是一段度生之大因緣也。 世 說 漸教 ,有總 , 為 其開示 ,起必有由。世間諸事,尚有因緣,況無上佛法,豈無因緣耶?今明 , 無非顯 、有別 ,令得悟入。 | 理度生 0 總約一代時教 , 所顯之理 《法華經》 , 四十九年 , 即佛知 云 : 見 , 或說. 如來為一 , 眾生等有 大乘 大事因緣故 , 或說小乘 , 迷不 自 知 0 , 出 或說頓 , 現於 佛 則

中 具見 雖有若無,幾如宅中寶藏;佛為開其本有家珍,使得離垢清淨故 聞 ` 為開眾生佛之知見,使得清淨故,出現於世。 雤 ` 知之性 ٥ 此性 即是佛性 , 人人本具 , 無奈埋沒於塵勞煩惱 佛知見,乃眾生六根中, , 垢染心 所

師 根 生 無分 知法 云: ,不知人人皆有 , 有 為欲 無位 無非佛之知見。 示眾生佛之知見故,出現於世。佛之知見,眾生 |真人,在汝諸 ,故佛為指示,尋常日用中,眼根見色,耳根聞聲 知見二字, 人六根門頭 包括六根中性 ,放光動地」 ,六性只是一 是也 |咸認惟佛獨有 性 , 故臨 ,乃至意 ;而眾 濟祖

到日久月深 依理起行,但肯迴光返照,照顧二六時中,見色、聞聲,乃至知法,畢竟是誰?照 三、欲令眾生悟佛知見故,出現於世。 , 自有豁然貫通 ,悟明本來是佛時節,方信聖凡不二, 既經如來開示,而眾生自當依教觀心 生佛平等

智滿 反觀 四 內 轉 照 八識 欲令眾生 , 照到 [成四智,是為入佛知見道故。此為如來出世一大事因緣,亦為諸教總 一心本源 ,入佛知 , 則名為入;入無所入, 見故 ,出現於世。眾生心光外洩 即始覺智 , , 照本 則名為出 覺理 「;若肯: , 照到 詩時 惑淨

慧護邪思;三、指真心顯根性 別 約 本經 因緣 交光法師開有十種 ; 四 、示性定勸實證;五 ,今則惟六 : 、銷倒想除細惑;六、明二 ` 恃多聞忽定力 警狂 因緣

也

大佛

頂

門利今後。

懃啟請 云: 雖 重聞慧,少及思、修,如人說食,終不能飽。故以阿難多聞 觀阿難歸 「歷劫,憶持如來,秘密妙嚴,不如一日修無漏業,遠離世間,憎愛二苦。」又偈 將聞持佛佛,何不自聞聞?」佛為恃多聞忽定力,故說此經 , 、恃多聞忽定力:大凡利根之士,好務多聞,不勤定力,於聞、思、修,偏 十方如來所修,得成菩提之大定;足見多聞無功,不逮修習。 佛所 ,頂禮悲泣 自述 「恨無始來,一 向多聞 ,未全道力」 ,誤墮婬室發起大教 即定力 後責阿難「汝 故慇

生為念,意顯婬愛 了, 了不依佛方便之門, 力不自由 警狂慧護邪思:世有大心凡夫,見理高妙,自恃天真 ,賴遇佛頂神咒,方得解脫。故自述見相發心,以佛相好,非欲愛所 ,為定門之冤賊;大定,為破欲之將軍。偈云:「欲漏不先除 屈於欲魔,無力敵苦 0 如 阿難為摩登伽邪咒所攝 ,頓捐修證 , 心 , 玩留惡 雖明

畜聞成過誤

0

佛為警狂慧護邪思,

故說此經

三、指真心顯根性:一

切眾生,多皆錯認肉團之心為心。此心在色身之內,狀

26

之日 說此 故有 泛凡 分別 也; 如 為本修因 又能思慮 倒 一夫如是 掛蓮花 輪 心 今竟認妄想心之功能 有作用 即 轉 此可證非真 、分別 0 顯教心 切眾生, ',是假: 即權教、小乘,亦皆認識為心。 由是乃有二次徵心,三番破識 , · 其心存: 7,何以 ,即大定之全體也。故應加徵問 非真,全無作用。人聞此言,必定諍辯不休,曰:「此心能 從 0 (無始來 在 而妄想非真心難破 而說全無作用?」當知此人,先認肉團心為真心 ,當作肉團心之功能 , 應當皆有作用 ,不知常住真心 , , 何以其· ,十番 因眾生迷執既深 故阿難請說諸佛所修大定, , ,又一錯也。 性淨明體 入方死 顯見,佛意欲修大定 看阿難是否錯認 ,用諸妄想, , 其心 但 , 迷根難拔 .肉團非真心易破 仍在 , 此想不真 即 , , 佛即 又非 須以真心 不 , 是 能 首告 獨泛 思慮 一錯 知 若

過帶言 唯心 佛 簡 與目 前 !阿難:「當初發心,於我法中, Ë 由 目觀見, , 今何所在?」 如是阿難 如來勝相,心生愛樂,故我發心, 0 歷計 此乃第一 :七處 ,如來一一斥其咸非。此即三番破識中 次徵心 見何勝相 文似心目 ,頓捨世間 雙徵 願捨生死。」 , 佛意但是徵心 ,深重恩愛?」 佛 ᄞ ,首破妄 徴 目不 阿難 云:

,

大佛

頂

如來密因修證了義諸菩薩萬行首楞嚴經講義第一卷

言 : 根 拳 因 識 不 : 呵 無處。有人指此文,為七處徵心者,非也。徵是徵詰,經中如來只有二次徵心 , 契 且 難 「我與大眾 紀計被破,不知心在之處,如來則直指真心,欲令阿難當下領悟 看 我見如 阿難如 故 加 審問 來 , 何 , 同將眼見。」佛遂徵云:「汝目可見,以何為心,當我拳耀 理會 舉臂屈指 : 「汝今見不?」 ;此即同宗門玄示玄提 , 為光明拳 阿難答言: , 耀我心目。」 ,不落言語文字 「 見 。 — 又問: 又問 : 0 「汝將誰見?」 如來因恐阿 汝何 所 遂舉手擎 見? 難 ? , 答 答 鈍

中, 心 有 前 心 此即第二次徵心 塵虛妄相想 第二 若離 遂 阿 生 難言 此 塵無體 驚怖 番破妄識非心。阿難白佛:「此非我心,當名何等?」 則 分明 : 0 , 佛以此 認妄識 惑汝真性 如 斯則前塵分別影事 來現今徵心所在 心 以為真心 離 塵無體為答 阿難聞佛 0 佛言 , : 而我以心, 此即三番破識中,第三番破妄識無體 0 ,令阿難自己勘驗 咄 發明妄識非心 ! 呵 難 推窮尋逐 , 此非汝心 ,以為離此覺 , , 若離 即能推者 佛則告云:「 0 塵有體 此即 知 , , 香番 我 即 更無所 不特 此是 將為 破識 真 汝

肉 團 [無有作用,不是真心,即使妄想善能分別,亦非真心。又不特此心,三毒諸

惡 思想當除,乃至五種勝善功能,亦復不取

元所圓 五. 生 人所 、界外取證 難捨 意識五種勝善功能 滿 聞 。本經欲修佛定, ,常住心地;四 佛 聲教 1,得滅盡定,受、想不行,成阿羅漢。 ,憶持如 ,皆本經歷述:一、見佛相好,常自思惟,此相非是欲愛所 、止散入寂,縱滅一切,見、聞 務將意識剷除 來 ,秘密妙嚴,恆不忘失;三、 ,以此心非菩提因故 此五種皆是意識,勝善功能 聞法領解 覺 ` 知 , , 內 守 悟 妙 幽閑 明心

聲聞緣覺 經中 佛判真 及成外道,諸天魔王 、妄二本,告阿難言:「諸修行人,不能得成無上菩提 ,及魔眷屬 ,皆由不知二種根 本 錯亂修習; , 乃至別成 猶如

,

心 修, 煮沙,欲成嘉饌 性即 根 (即意) 現前 , 能 雖 , 為 自 1.生諸緣 成九次第定, ,縱經塵劫,終不能得。一 性者;二者, , 緣所遺者 終無實果。第一 。 \_\_\_ 無始菩提涅槃 祇因眾生 卷三番破識 者 , ,元清淨體 遺真認妄 無始生死根本:則汝今者 ,破盡無餘 , :則汝今者 執妄為 真 阿難方肯捨妄求 , , 識 多依妄 ,用攀緣 精 (本而 元 明

以後 真 求示寂常心性 十番顯見 ,即指根性為真心。古德云:「顯見即所以顯心者」是也 ,惟願如來,發妙明心(即根性真本),開我道眼(求開圓 解

顯根性 不肯放 不與指 超情 玉不 後再 見不失; 與剖 純 先 棄 **利川十番** 茁 (即如來) 妄出 ` Ŧ. 故又為破同 若向眾生分上,指出純真無妄之心,絕對無可指 顯 佛 ` 真 見離見。後則二見,略破其妄 顯 為帶妄顯 , 極 **見無還** 0 故說此經。 · 顯 其 真 交光法師 分 、 真 ; 六 別業二種妄見 : , 指見是心 ` , 喻明此! ` 顯見不雜 顯見是心;二、顯見不動;三、顯見不滅 理甚妙: , 如指璞說玉 , 七 如剖璞出玉 (非同破識) ` 顯見無礙 冏 **|難認識** , 璞雖是玉 , 0 光瑩煥發矣 阿難既求示真心 ; 為心 八 ,故只得先帶妄顯真 ` 顯見不分 , , 尚有石皮未 如愚人執石 。 \_\_\_ 佛為指真心 , 如來 九 四 破 為 ` 不得 玉 顯 其 顯 見

究竟者 切見 四 0 示性定勸實證 聞 何 也? 覺 ·以其徒 知 以慕真修 內守幽閑 :凡夫 , 外道 不諳 猶為法塵 真本 小乘 , 全用 ,分別影事 ` 權宗 識 心 其所修行 錯亂: 斯則諸凡夫天 修 睝 ,各皆有定 如 經 云 樂修禪 而悉無 縱 滅

等 應攝權教菩薩, 為 間 而 云:「若此發明 真實 未決擇者,所修八定、寧能出此境界?又云:「分別都無,非色非空,拘舍離 , 昧 諸修行人,現前雖成九次第定,不得漏盡 為冥諦 」是知 。 \_\_\_ ,不是心者,我乃無心,同諸土木。兼此大眾,無不疑惑!」大眾 以始教權乘,全取第六識,作我、法二空觀,其所修之定,有入 , 諸 則知一 山乘人 切外道,所修之定,亦同用緣影之心。又云:「一 (,所用之心 , 亦非真實心 ,成阿羅漢,皆由執此生死妄想 0 又如來咄破識心之後 切世 呵 , 誤 難

定

、住定、出定

,亦非究竟堅固之性定。

不動搖 末云:「若棄生滅 番 源 天 B破識者 , 皆由以生滅心,為本修因,不能發明不生滅性也。經中阿難請定,如來首先三 因 如上所述 | 謗三寶 決定令悟自性本定,依真常根性 ,即是決定,令捨生滅識心,撤去大定之障礙,後乃廣顯見性 , ,直入地獄;小雖不墮,了無進境;權雖略進 終無實果,凡 ,守於真常,常光現前 、外定銷 , , 根 ,成因地心, 或降德貶墮 塵、識心,應念銷落。」乃至「云 然後圓 ,散入諸趣;或從無想外道 一,亦不 成 果地修證 遠到 ,不生滅 推 四卷 其病

何 不成無上知覺?」五卷偈云:「如幻三摩提,彈指超無學。」此皆指示凡、外

權 、小,令修真常性定,得證真實圓通也。

卷如來詳列歷證之位,皆欲導其深入,抵於實果而後已。佛為示性定、勸實證,故 修 實以聞中入 圓 六卷文殊承命選擇 通 超餘者,真實心如是。」 。 \_\_\_ 又云: , 此是微塵 **偈答如來云:「此方真教體,清淨在音聞** 以上諸文,皆是曲開巧修之門, 佛 , 路涅槃門。」 乃至結云: 指示性定,第八 , 但以此根 欲取三摩提 根耳

說

此

經經

度 緣 破 修 居心 因 0 斯 孙 ; 緣 但有言說,都無實義:此皆銷倒想之文也。 自 Ħ. 《經第九番顯見超情,正遣因緣、自然,二種妄情計執 然 ` 銷 或固 約 倒 融 如 国執因緣 想除細惑 來藏隨緣義 七大文中 , :良以眾生,元明失照 而繫縛權宗;或謬執自然 , , 以破自然;會四科一一 責為 世間 無 知 , ,妄識紛 惑為因緣 , 而馳騁外計 本如 來藏 ` 自然;皆是識心分別計 或迷心在身內 0 約如來藏不變義 ;皆為倒 妙真如 性 想 , 雙非 ·或認法 足障真 , 以

因

界 ? 界 水 如 了 · 疑: 來藏 阆 , ` 湛然常住 疑 而我不知 火二性 融之深故 旧 倒 Ħ. , 大圓 清 想先銷 疑 淨 , 國融之故 俱徧虚空 萬 本 , 0 是義 仍能障乎性定 <u>\_</u> 然 法生續之因 , 世尊 細惑未盡 0 攸往 云 , 何忽生 問云: !若地性徧 , 0 不相陵滅 **一,雖信諸法** , 此 問云: 。是故 「又如來說 Ш 一均 ` 河 ,云何容水?水性周徧,火則不生, 屬細 世尊! 阿難希更審除 **位唯心**, 若復 大 惑 地 : 世間 地性障礙 , ¬ 地 未徹唯心之本源 諸 有 ` , 水 為 , 切根 早登妙覺 相 , ` 空性虛通 火 , 次第 ` 風 塵 遷流 ; 固 , , ` 陰 本 由是滿 , 云何二 知五大圓融 性 , 終 處 圓 慈躡 復云何 融 而 ` 一俱周 界等 復 , 周 始 前 徧 崩 徧 以質 , 未 皆 法 法

明覺 真 相 生 無礙 , 亦 終 如來 復 以為其咎,由是 而 ٥ 逐答 如是 文云 相續 0 : , 相妄 以 猶 釋 如揑目 譬 如 疑 本 三細俄興,六麤競作,故有世界、眾生、 虚 -無生滅 , 0 空空 亂 先說不空藏 , 華發生。 體 非羣相 不傾奪則諸礙何成?性真 後說空不空藏 , , 以示萬法 丽 不拒彼諸 生續之因: , 相發揮 以示五 , 先 非· 大圓融之故 因於性覺必明 業果三種 , 五 水火 大一一 能合 , , 相 喻 始 妄為 妄 融 崩 而忽 性 則 性

萬用齊妙。此二即是審除

佛語復 惑 此 不生 出 向方名 豈有 故 至滿 說 執 則 因緣 汝心 慈索妄因 此 因緣 , 經 無戲論法 中 , ; 如來迭拂深情 忽然狂 , 演若 |而擬進修 0 種種委細詳示,方得疑惑銷除,心悟實相: 達多 歇 , 頭 , , 4非外得 狂性 佛答妄元無因, , 本然非· 自歇 , 本然 縱未歇狂 , 歇 歇即菩提 , 和合非和合,合然俱離 譬如演若達多, , 亦何遺失?乃至三緣斷故 1;勝淨 明心 迷頭認影 本周 佛為銷倒想除細 法界 , 離 合俱 , 0 狂 阿 , 怖妄 菲 難 因 躡 ,

心 相 生 因 本 原無差 生萬法 ` 平 果 六 唯 ` 等 , 心 明二 無差 無不從心建立, 所 法法 平 現 門利 等 , 如 唯心 |今後 依金 相 切因 , 心為大 作器 : 亦復如是 果 以心 惟有圓實教家 , 世界微塵, (總相) 器器皆金 為體 ,惟有 法 , 離心無有一 門體 , , 因心成體 器雖 方能二門雙具 , 真是實 世出 成多 法 世 可得 間 諸妄本空 金原 , 心法雖 凡 0 0 是一 即如經中所云 聖 ` 有二名 平等門: , 所 離 染 有凡 金 ` 淨 萴 無器 其 : 心萬 聖 依 諸法所 可得 正 染 體 法

本空」 淨;依 聖凡無二路,巧從方便門,揀擇真妄,然後捨妄從真,及至深心,普融一味,知真 不假方便,捨妄從真,則終不能入。此經乃圓實家,善巧方便,明知迷悟只一途 則終不能見:妄雖本空 顯 ,乃有迷 ,達妄本空,非同權宗 ,非同撥無因果之邪見。二、方便門:於諸法中,分真、分妄;許破 、正;因、果,一切差別之相,了不可得。此即圓實家,「知真本有,達妄 、悟;修 證 ,而執之已深,不方便破之,則終不能覺;縱了見 ,種種差別,良以真雖本有,而迷之已久,不方便顯之, ,真、妄條然,迷、悟 別也 分明 , 若

惟 取之,了無平等之相。迨真妄既分,真體既露,阿難既肯捨妄從真,若局此真體 便 在根中 ,決擇真妄,於識則三番破其妄,令其決定捨之;於見則十番顯其真,令其決定 故後用平等門, 故佛逐答三名,或二門雙用,或二門各用,在文可見。奢摩他中 本經雙具平等、 ,而不與萬法普融 會四科即性常住, 方便二門,當機啟請即含此義 ,則何以明圓理 融七大即性周徧,三種生續,不出一心,五 ,而開圓解 0 , 既請圓融大定,復懇最初方 成奢摩他微密觀照乎? 先用方便

真妄混 大圓 融 淆 ,全體法界;極於三如來藏,離即離非,是即非即,故屬平等門。 何以尅體見真?無後門則真妄永隔,何以悟圓入妙?故示性定 無前門則 ,必二門

雙具

也

皎然清 即以此心 中 且. 知 示結 圓成果地修證」。又云:「但於一門深入,入一無妄,彼六知根,一 則 遠契如來常 三摩 處 淨 専用平等 中 ,中中流入;十向以去,無非法法圓融,全歸平等,義尤著也。 ,獨指六根 譬如琉璃 , 則專 , , 樂、我 用方便, 趣 圓 ,選門時 , 內懸明月 融之極果 、淨,應當先擇死生根本 擇從入之妙門。文云: , 更專一耳 ,身心快然,妙圓平等,獲大安隱。」 。三漸文云: , 揀擇分明,全屬方便 「返流全一 ,依不生滅 阿難 ,六用不行 ,汝今欲令見 ,圓湛性成」 , 義顯然也。 , 時清淨 十信之初 十 聞 方國 , 乃至 禪那 土 覺

來即云 如來又云:「吾當為汝,分別開示,亦令當來,修大乘者,通達實相 吾當為汝 ,分別開示;亦令將來 , 諸有漏者 ,獲菩提果。」 七大之前 。」如是語

斯

非特當時會眾蒙益,猶作未來勝緣

。二卷,破二顛倒分別見妄之前

, 如

末劫沈淪 類 ,在文非一 ,良以末法障重 如來辨魔,則曰 :「汝等必須,將如來語,傳示末法。」 ,悲念猶深。故文殊選圓 ,則曰:「堪以教阿難 佛為明二 及

### 甲三 藏乘攝

利今後,故說此經。二起教因緣竟

藏 : 定心。 分 。 二 解 樂果而勿貪; 定之戒慧而已 以招致也;闡揚內魔伏藏,囑其勿起邪悟 經詮定學;律詮戒學;論詮慧學。古德云:「三藏從正不從兼,從多分不從少 已知此經有大因緣 即 斯經阿難請定,如來答定,正詮定學,雖有少分戒 如備 :明七趣,示以三惡劇苦,令其慎惡因而勿犯;示以四善終淪 0 無非以戒助定而已。及其詳辨五魔,則警覺外魔窺伺,囑其勿縱邪 經中四重律儀 ,未審藏乘, ,攝心為戒 何所攝屬?藏有三藏,即戒、定、慧三學之 ,由戒生定,三種漸次 , 以引發也, 7、慧, 無非以慧助定而已。 (,首申 但是所兼 ·戒品 ,令其捨 而 畢護 為 助

乘有二乘,即大、小二乘。小乘 人根機小 志願小,但求利己,獨善其身 速 知始終皆為大定

,三藏中

,

屬修多羅藏攝

大佛

頂如來密因修證了義諸菩薩萬行首楞嚴經講義第一卷

別教 等 復能 會 見 獲 請 信 出 大教 ? 求 如 , , 皆 言 來 華 度 界 乘 獲 勝 又 無餘涅槃 屋之門 人 , 而了 , 解 義 如來告富樓那 0 又不廢小乘果法戒品 乘 本 中 大 **寂滅場** 生死 真勝義性 經 理 , 文 云 : ,本發心路。令有學者 ,修大行 乘中 (; 喻 地 -大乘所 如 , ,及諸會中漏盡無學, 真阿 7小車 令汝會中定性聲聞 惟 證 願 |蘭若 攝 如來 大果,自行化他 , 祗能自度 , 亦可傍兼。三藏乘攝屬竟 以當機所請 , , 正修行 不捨大悲 , 從何 ,不能度人。大乘人根機大, 處 , 及諸 攝 , 0 , , 諸 示 勇猛精進 伏 純是大乘菩薩 阿羅漢云:「如來今日 故乘攝則正 我在會諸蒙暗 , 疇 昔 切未得二空, 攀緣 ); 喻 惟 行故 如 , 得陀 者 大車 同 教 迴向 , 0 第 捐 , 羅 志願 既 乘 尼 捨 上 四 乘 ,普為此 卷 能 , 入 小 , 大,能 而 阿 乘 自 , 兼 羅 佛 呵 度 難 畢 屬 漢 知

### 甲四 義理淺深

深 理 義者相也 聖人之設 知 此 經 教 , 為 雖有 彻 大 , 多相 乘教法 理 以 統之, 歸本則理無差別 ,未悉義理淺深 義 以析之。 理者體 ,分齊如何?文之實曰義 0 若不悉心 也 , 研究 本 惟 何以知分齊之淺深 體 , 隨 機 ; 事 萴 之主曰 義 有 淺

别 乎?今按 ` 員 南 四 有 教 本 天 臺 經 ; 賢 , , 先依宗 (首依 北 有 賢首 華 巖 判 教 而 , 天臺依 立宗 , 次約 , 法華 判 論 辨義 釋 一面立宗 如 來 ,後會通 二代時 , 判 教 釋 天臺 如 , 為 來 0 依宗 小 代 ` 始 時 者 真 , ` 終 中 , 為 國 ` 頓 藏 向 有 ` 圓 涌 兩 大 **H**.

教

生聚眾。 分教 次 少 乘 少諍論 法 及 ` 亦不說 法 始 但 今 無 , 廣談 教 說 遵 性 相 0 故名 賢宗 闡提 三、終教: : 人空,不明法空,惟依六識三毒,建立染淨根本,未盡法源 , 說諸 法 法 縱 L 為分。 相 相 說 , , 法皆空 悉當作佛 先 法相 , , 少說 唯 舉 縱 辨 說如來藏隨緣,成阿賴耶識,緣起 庒 , 少說法性 真性 法 , 亦會歸 教 即 性 : ,方盡大乘至極之說 空宗 , , Ħ. 即 ` 性 法 。有遮 相宗 , 小 , 其所 正名 教 以 智、 0 、相、妄想 稱 : 云性 有成 也遣 亦名愚法二乘教 實 如如。),三自性、妄想、) 理 無表 , 佛不成佛 , 亦 ,故名為終 故 是相 ,未盡大乘法理 無 諍論 數 (說三種人無佛性:定性聲聞 , 無性 說有 ; 1(編計執性、依此 0 , 隨機施設 四 亦 名實教 ,一切皆如 百法 頓 , 教 , 決擇 故名 性他 , 0 ,故多諍論 0 只有· 不 為 談 依 分明 始 ,定性二 定 七十 皆 地 法 辟 支及邪 亦名 位 性 與不 故 漸 Ŧ.

重 頓 八識 無盡 0 Ŧi. , 一無我 員 教 信 (人無無 滿 總 心 が 我 我 , 法界 即 俱遣 攝 五位 , 性海圓融 吅 教離念 , 成 等正 ,絕相 緣起 覺 , 無礙 故名: 泯心 為圓 身 念 不 毛、 此 但 生 塵 略 , 引 即 剎 如如佛 , , 廣 互 如 相 賢 涉入 , 首 故 Ŧi. 名 重 教 為

儀

彈指超 實之教 坐微 又十二 現 如 藉 指 小 來 劬 四 藏 勞 科惟是本真 若 塵裏 無學 據 類 0 , 肯 唯 第 生 五. ; 轉大法輪 教 妙 綮 应 , 0 不 %修證 覺明 卷云 本元 , 動 顯 (,融七) 此 道 ? 此經之分齊 則 真 : , 場 兼屬頓 員 \_ 如 相此 大無非 |照法界 , 五. 狂 , 徧 即是 巻孤 性 +教 自 0 方界 起頌云 藏性 0 歇 如 , , 四義交徹 第四卷云: 經中多談法性 是故於中 來 , 歇 ,滿慈究萬法生續之因 , 身含 **歌即菩提** 成佛教體 : 干 是名 , 四相 方 , 勝 我以妙明 妙蓮 為 , , 少及法 無礙 無盡 淨 無 明心 量 華 乘 虚 宣心 , , 三藏圓 空 無量 相 , 金 , 不 本周 剛 , , , 縱說 皆當: 於 滅 如來答一念覺明 為 王 融 不生 寶 法 毫端 法相 ; 小 覺 界 厏 會歸 佛 , , , · 合如· 不從 中 如 , 現 現 大 亦 極 寶 來藏 分 正 則 大 人得 會 摩 歸 為 王 不特 剎 大 提 屬終 咎 性 0 , 中 而 何

超諸位 理事 互用 攝 此 单 無 若 礙 能 以經 入於如來 ,乃至事 入菩薩金剛乾慧 攝 教 妙莊 事亦皆無礙。第十卷云:「 , 亦 可全該 嚴海 , 0 圓明精心,於中發化,如淨瑠璃 , 此則 以不廢 兼 小乘 屬 圓 教 , 果法戒品 識陰若盡,則汝 , 若 以五教攝經 , 兼存 始教 現前 , , 後終 內含寶月 諸 , 八識 ` 頓 根 互用 0 如 圓 是乃 從 教

也

先依宗判

教竟

如門: 緣起 切法 出世間 本 次 淺 來 向 芣 此 所 深 次約論辨義。依《起信論》 不變隨緣 動 頓 所謂心性 染 法 , 教 而論 0 法法 本不 此 分齊 文則由深及淺,二者分別耳 心即本經 生滅 , 唯 , 不生不滅, 隨緣不變 始教空宗 心 , 隨無 體 如來藏心 節法界 朔緣 , 離名絕相,畢竟平等,惟是一心, 正屬終教分齊, 亦密說此門;心生滅門;依如來藏 ,從本向末,亦有五重分屬 , , ,不變隨 此圓 動 成生 **國教分齊** 滅 緣 0 論文初惟一心為本 , , 始教相宗 隨緣 雖 。二依一 成生滅 不變 ,亦密示此門 心開二 , , 體即 能 ?,亦同五教。 為 門 , 不生不滅 即心即佛 切法 有生 能 , 即該 攝 滅心 所依 切 但五教乃從 此 教 伳 , , 即藏心 亦 不 間 如 無漸 心真 來藏 法

大佛

頂

覺故 如實 細 義 智相 0 知 謂 此 生 生三 滅 、二相續相(+ 識)、三執取相、四計名字相(ホ 識) 始 心體離念 , 真如 門中,不 教相宗分齊。 種 相 法 : ,即是平等法身 故 生不滅, 業相 ,不覺心起 依第三現相 (即自) 與生滅和合 、二轉相 , , 說名本覺 而有其念, (即相) ,成阿黎耶識。 ,復生六種 (即見) 0 此始教空宗分齊。二、不覺義 所起不覺之相 、三現相 麤相 此識有覺不覺二義 分相 , 乃屬 ` , 此小教分齊 不離本覺之性 , 境界為緣長六麤 乃屬 無明 不覺 ;五起業 3:謂不 一;依不 、覺 生三

明三 無所 相 心 性 1生滅 藏,不出一心,此兼齊一心本源 此 又 若約論文 有 門 兼 如 齊心 來藏 此 ,亦不違前終教分齊。若會妄歸真,見與見緣, 見及 真 清 , 如門 淨 而 緣 本 明 ,元是菩提妙淨明體 然 斯 亦不違前兼 經義理 , 周徧 法界 一淺深 , 屬 , ,亦不違前兼屬圓教 頭 教 隨眾生心 經 中 0 ·所顯 與夫妙性 若 妙極 , 根 應 性 所 心, 圓明 , 知量 即是識精 併所 四義 , 斯經實與 離 循業發現等 諸名相 想相 交徹 元明 , 《華嚴》 等 如虚 四 , 體 相 , , 皆 空華 大分 通 圓 唯 如 融 來藏 性 Ē 圓 本 歷 齊 無

相

六業繋苦相

,此人天分齊;但亦

略引

,

廣

如彼文

覺》 同條共貫,其為無上甚深之典,故以大佛頂表之。

善故 心 中 明 偈云:「 人天。斯經具足十法界,攝法周備,超於餘經 ,六品微細煩惱,進位於二果,摩登伽女,知歷劫因,貪愛為苦,一念熏修無漏 妄為 若 熾然成異 (明相) ,或得出纏 以論攝經,正齊心生滅門,兼齊心真如門,及一心本源;若以經攝論,經中 朔覺 見聞 , :如幻翳,三界若空華。」 覺非所明,因明立所 , 此齊前四麤;至七趣情想, 。」此齊三細,亦兼始教,大乘相宗 (蓋分);所既妄立,生汝妄能 亦兼始教,大乘空宗;又經云: ,次約論辨義竟 以論升沈 ,此齊後二麤 。至若阿難 (轉相) ,斷除三界修 ,亦不廢小乘 「性覺必 無 同

當體即空 教 乘三藏學者 不過開合而已。天臺開賢首之始教,而為通、別二教,合賢首終、頓 後會通天臺 圓教 身心世界,猶如空華夢境;若約廣談諸法差別義 , 但證我空之理。二、始教有二 。若會其義,一、小教:但明人空,不說法空, 。賢首五教與天臺四教,二宗判教 :若約但明諸法皆空義 , 雖有四、五不同 ,即臺宗別教 即臺宗藏教 , 即臺宗 應知名異義 ,三諦攸 ,貪著小 、圓三 通 教

宗圓 宗 宗 分 , , 教 十界具足。三 員 員 教 中 教 遮 中 中雙照義 照 雙 同 遮 蒔 義 義 ` 0 0 終 Ŧi. 四 0 宗雖 教 ` ` 頓教 圓教 : 各立 明如來藏隨緣 : : 性相 不說法相 , 義 3無差別 圓 融 , , , 唯辨真 成一 體 不 節 切法 可 法 界 性 分河飲水 , , , 緣起 離 絕 即 相泯 無性 離 , 心 各存門戶之見 非 , , 是即 切寂 切皆如 非 即 滅 , , 即臺 即 即 敹

體 則釋 間 體 殊答世尊偈云 自是 以音聲含名、 風 : 他非 甲五 聲 必 迦以音聲 ` 知 須 ` 隨相門 水聲 聲 此 能詮教體 不但不明他宗 經經 ` 名 一一 句 : , , 無有名 義 : 佛事 謂聲 句、 我今啟如 理 文 甚深 , 文四法 、名、句、文,若徒有音聲,而無名 乃攝假從實 是以音聲為教體 ,抑亦不徹自宗 句 , 未審 來 文 ,假實體用 , **|何為教體?教體者** 佛出娑婆界 , 不能詮 , 得成教體 。今依賢首疏 ・四義理淺深竟 理 , 互相資 , , 此方真教體 不 -成教體 如來滅後 莇 , 如來教法所依之體也。 , 《起信》 不可偏 0 按 , 清淨 佛 、句 論 紙墨之教 廢 在 冊 在音 , 文, 方成 略 , 說 聞 侟 教體 亦不能 法 边 0 是為名 度 門 本經文 生 據 以 成教 如 此 明 , 是 教 卌

旬 文,乃以體從用,亦得成教體;今當通取四法(聲、名、)為教體

本質教 為眾 故以唯識為教體 法 亦不離識 生 , 説 唯識門:「唯」遮外境,「識」表內心 如石印石上之文字;影像教託彼所成,如石印所印之文字。二皆不離識 ` 。 — 影像教 、本質教:乃是如來鑒機既定,應以何法得度 : 即聽者之識 ,託彼本質教上 。此按萬法唯識之旨,即 ,而現文義之相 ,即從淨識 ,為已所 現起 一切教 緣

言說相 處 ,十八界之眼識界、耳識界,一一皆歸如來藏妙真如性,故聲、色二教,皆以歸 無離文字 , 歸性門:性即真如。以上識心無體 離名字相 丽 說 解脫」 ,離心緣相 亦此門意耳。此經五陰之色陰,十二處之眼色處 ,畢竟平等,唯是一心,故名真 ,唯是真如。以一切法,從本以來 如 ٥ 《淨名經》云: 、 耳 辨離 聲

法界 四 隨相門屬境 無礙門: 即 (聲名句文屬) 前三門,心 ,唯識門屬心,合之成心境無礙;又前二門屬 境 理 二、事 , 圓 副無無礙 交徹相攝 , 而 成 四 無礙 歸

性為教體

大佛

頂

礙 性 菛 塵剖出大千經卷 屬 藏 理 ,合之成 員 融 得 理 以 事 無礙為教 塵如是,塵塵皆然 無礙; 又前二門事 體 後二 一門與臺宗明此經 之與事 , 則屬事事無礙 , 隨相 不 一礙性 0 以 此經四義 如來藏 識 , 唯 為 交徹 識 體 不 礙 , 亦 四 隨 相 相 相 并 無

合 五. 能 詮教體竟

,

0

,

,

### 所被機宜

眾生 實教意 擇 得 性 無二 理契機之教 悟 尋常揀去非機 入 何 員 0 此 知 .機 潚 , , 此經 淺者 不當被哉 經 明 0 乃 0 阿 既 切眾 今按本經 , 祗 能詮之體 然生 難 能 ?局 請 生 信解 此則 問 , ` 皆當 佛 , , 揀擇乎當機也 應分通 得成菩提之法 無二 , 即揀擇當機 都 未悉所被何機?聖人設教,本是應機而說,故經稱 作 **[無夙** 沸 , 則 0 ` 根 富 局 者 樓 切 0 , 那言 以通中攝機雖廣 眾 通 , 不 凡有心者 生 : 過結 即普被群機 : , 本來 縁成種 我 是佛 與 , 皆當: 如 , 來 , , 論 受益 作佛 前判 祈 , 益 寶覺 因 則屬 難齊 迷此 , 此 蠢動含靈 經 員 遠 無二 明 , , 因 但 正 .綠 一之體 真 根 屬 深者 終教 妙 , , 皆有 淨 故當揀 為契 故 心 0 終 即 佛 為

門 此 會 0 此 皆意 ?經既屬終實教意,自是歎大褒圓 宣勝 在接引小乘 義 单 ‧真勝義性。 」又偈云:「此阿毗達磨,十方薄伽梵, 一 ,趣入大乘也。 ,引小入大之教。經云:「如來今日 又阿難當機 ,示居有學聲聞之位 佛云 路 涅槃 普為

汝先厭 離聲聞緣覺 諸 小乘法 , 發心勤求無上菩提 • 皆回 小向大之明證 也

,

愍會中 性 學 知 見 0 先明 經 經云:「令汝會中 應當審觀 云 小乘 緣覺聲聞 : 「令有學者 四類:一、回心聲聞 ,因地發心,與果地覺,為同為異。」二、並為緣覺。 , 於菩提心未自在者 , 定性 從何 一聲聞 攝伏疇昔攀緣 0 , 及諸 一 經云:「汝等若欲捐捨聲聞,修菩薩乘,入佛 , 切未得二 , 得陀 開無上乘 羅尼 |空,回向上乘阿羅漢等 ,妙修行路 , 入 **(佛知見?)** 。 \_\_ 四 經云:「哀 、 並 兼 皆獲 | 及有 為定

乘,寂滅場地。」以上四類,皆此教之當機眾 次 (明帶病 |四類 認識 為心。 以攀緣心為自性者 ,不知常住真心

:

`

求他 加被 經云: 自我從佛 ,發心出家 , 恃佛威神 常自思惟 無勞我修 想

`

恃 聞

忽定

0

呵

難白佛

:

自我出家

,

**恃佛憍愛** 

,

求多聞

故

, 未證

無為

0

用諸妄

將謂如來惠我三昧,不知身心本不相代」

竟 故知阿難乃大權示現,既為發起眾,又屬當機眾,正為眾生作弄引耳!六所被機宜 藥 指 不方便顯之,則終不能見;妄雖本空,不方便破之,則終不能覺 為 , 正治 菲 四 機 恃性忘修。知真本有,達妄本空,自恃天真,頓捐修證,不知真雖本有 此之四病 , 皆揀 ;其病而去之,今則亦揀列乎當機 ,故以阿難發起 ,示居小位 ,示現諸病,引發如來 ,其故 何也 ?以此經 0 以上 應機 乃 远 類 對症之良 施 , 尋常 教

### 甲七 宗趣通別

趣」 分之, 證入果地為趣 入 , 則 知 悟 具通 權乘多重修成 即宗 此經 、局二門,通指一代時教,局約本經,一代時教,不出權實,今以總意 。經中如來破識顯根 , 而 ,被機之廣 入即 , 趣也 動張因果,則因 , 未悉何為宗趣?賢首云: 0 此經若就通中圓實 , 顯此根性不生不滅 即宗,而果即趣 , 以取宗趣, 「當部所崇曰宗,宗之所 ,即為楞嚴定體 ;圓實多重性具 則 以悟明心 要阿難徹 地 首 為宗 明悟 歸

底悟 明此性,取以為因地心;依此不生不滅,為本修因 ,躡解起行 ,證入果地也

明別意 起其 請 入 如 嬣 來妙莊 , ` 趣也 體 局 禪 約 方 莂 ,以定宗趣 本經 如來 用 嚴海 , ; 行 而 如來所示三如來藏心,即性具圓融大定, ,亦分總 , , 得成菩提 圓滿菩提 ` 位;分、滿 ,依交光法師 別別 , , 歸 而 0 世尊示 也。 無所得,即十方佛究竟極果,詎非一經之所趣乎?若 總以圓定為宗,極果為趣 , 根據本經,應有六對:謂破、 皆先宗後趣,又皆以前對之趣 以一 門深入 , 圓修之法 詎非 阿難所請妙奢摩他 , 中 經之所宗乎? -中流入 顯;偏 , 作後對之宗,復 , 、全;悟 結示 阿 難所 入 於

根 識 處 +;二、破妄識非心;三、破妄識無體 Ŧ. 番 |種勝善功能(ポ)悉舉而破之。迨阿難悟妄求真之後 極 I 顯 其 真 破 顯 對 ,二見 (<sub>同分</sub>) 徵破識心為宗 略破其妄 , 顯發根性為趣 0 0 顯真處 不特破除緣慮分別 , 0 如指璞說玉 文中備破 ,乃與顯發根性 , , 迷 : 破妄處 惑亂真性 , 破妄 如剖 ,且將意 , 即 識 璞出 約 眼 無

玉

意令其捨識用根

也

全也。 相 員 以 妙 明 細無 見精圓妙 要 偏 知 全對 此 、三續 性 , : , 偏 情與無情 根 指 如 (三種相續不斷 根性為宗 是 種 , 相 根根皆然, 續 , 本同 斷。 ,全彰三藏 體 為 根 不空藏 , 故佛自近及遠 性 無非藏: 為趣 ;四義三藏為空不空藏 0 此躡 性,若偏 ,全彰四科七大為空藏 前 所顯 執藏 (根性 性獨 , 在 雖 , 有情 意令由 偏 就 眼 偏 ; 十 削 根 非 及

必得其門而入;即 悟入 **、對:圓悟華屋為宗** 阿難大開圓解之後 ,求門深入為趣。此亦躡前所彰藏性,喻 ,繼請圓修也 如華屋

,畏、四不思議。)、三十二應、十四無) 靜 四 體 滅、 用 0 對 而 , 越三空( 即發自在用 證 圓 通體 · ( 空、俱空。 ) 為 宗 , ; 發自 即證 在用 圓 通 為 體 趣 , 0 獲 此 /亦躡 勝 (下同眾生悲仰。) 前 門 深 入 , 而 解 六

結

用

行 即 五. 無 行位 作 :妙行也 對 運 0 能 圓定行為宗 利眾生 , 能取佛果 , 歷圓 因位為趣 ,依此妙行 0 此亦躡前圓通 , 上歷圓 因五 大用 十五位 無 , 非 真菩提 圓定

路

而

趣

妙莊

嚴海

悟而入 地 諸 及第十卷云: 莅 等覺圓明 ,覺行圓滿 六、分滿對:分證諸位為宗 , 由入而深 , 入 如是乃超 , 始證. 、於如 , 由 來 深 大圓滿 十信 前 , 妙莊嚴海 極 覺 ` , 行布 + ,圓滿菩提 , 住 無上菩提 分明。又云:「 0 ` + 行 又極圓融 為趣 。一經宗趣, ` +回 0 此亦躡前圓因之位 . . 向 , 如幻 正所謂行布不礙圓 ` 四 由破 加 摩 行 心 提 而顯 , 菩薩 彈指 , 由 ,必經歷 超 顯 融 所 行 無學 而 , 圓 金 悟 融不 分證 剛 0 由

### 甲八 說時前後

礙行布。七宗趣通別竟

轉 教 網 輪 賢首三時 名直顯教;令彼同教一乘人等 會也 初轉 令彼 知 此經 時 。二、日昇 三類人等 後 為下根眾生 再 , 宗 審定 趣 , ·轉照時 員 0 轉 三時者 極 , 轉 , 成一 未悉說自何時?諸家 : 小乘法輪 : 為下 , 如 , ` 山地 ` 轉同 日 中 出先 , 有 ` 成別 名隱實教。 上三類眾生 高 照時 下 , , 如日初出 註疏判時不 : 故 為 照有 令彼凡夫外道 圓 , 頓 轉 先後 大根眾 ,先照高山 依 本起末法輪 ,亦各有據 於此 生 , 轉凡 轉 , 即 時 無 成聖 H. , 《華嚴 。今先明 名 方 照 根 有 本法 如 便 梵

大佛

頂

輪 轉 時 攝教;令彼三乘人等,轉小成大 H :昇初轉 : , , 名開 普 為上根眾生,轉大乘法輪 照大地 !會教;令彼偏教五乘人等,轉偏 , 照於黑山 , 即妙智般若會也。三、 ,即提胃阿含會也。中轉時:為中根眾生,轉三乘法輪 , ,如日昇中轉 名融通教;令彼三乘人等 日沒還照時 成圓 ,照於高原,即方等深密會也 , 如日將沒 :為上上根眾生 , , 還照高山 轉權成實 , ,即法華 轉攝末歸 如 日 , 名引 後轉 昇後 本法 涅

彈偏斥小 故我今時 會 妙菩提路 經云 今按此經 ,意令捨小入大之文 : 0 為汝開示第一義諦 又告阿難言:「 汝等狹劣無識 , 義 **程因緣** 通於前後 ,不能通達清淨實相 汝先厭離聲聞緣覺, , 如何復將世間戲論,妄想因緣,而自纏繞。」此皆 ,未能的指何時 ,吾今誨汝 諸小乘法 , 若據彈斥經義 , , 當善思惟 發心勤求無上菩提 , , 應屬 無得 方等 疲怠

槃會也。以上三時,共有五會,與天臺五時,若合符節

誠不覺, 若據匿王年齡 寒暑遷流 , , 應屬般若會 漸至如此,於今六十又過於二。」佛六十二歲 匿王 與佛同年 , 經中匿王自述 : 正說 變化 密移 《般若》 , 我

之中 後際 應在 ,結集者,類為一聚耳,何必強判, 《法華》之後。據上諸文,皆以本經為證,不得別判一時,須知說不一時 。若據小乘求成佛道,諸聖各說本門,耶輸已蒙受記,善星瑠璃事迹,則此經 以滋諍論?如定欲判屬 , 則應從多分之經 ;通前

義,判歸中轉時,方等會。八說時前後竟。

### 甲 九 歷明傳譯 分四 乙初 主譯人 譯語人 三 證譯人 四 潤文人

# 唐中天竺沙門般刺密諦譯

瞋癡 沙門 之總名 神龍元年 九萬餘里,分東、西、南、北、中五區,共七十餘國。師乃中天竺人,未詳何國 識心 唐, ,一心本源未達者, 達本源 乃出家修道者之通稱也, 是朝號 譯為月邦 ,五月二十三日此應是開始譯經日 ,故號為沙門。」 ,紀時也。按譯經圖記 ,有聖賢繼化 皆愧稱為沙門也。譯主則堪當此稱 此云:勤息,謂勤修戒定慧 是則沙門二字,故不易稱 , 如月照臨 ,此經翻譯在唐朝,則天罷政 0 0 地當南閻浮提中心,即今之印度 中天竺,是譯主生處。天竺乃西域國 ,若不修戒定慧 。又有四種沙門:一、 ,息滅貪瞋癡 ,中宗嗣位 , 、又云: 未斷貪 , 有

勝道沙門, 修行證果者。二、說道沙門,宏法利生者。三、活道沙門,持戒修身

以道自活者。四、污道沙門,不持戒律,敗壞佛門者。譯主則屬前三種

不翻 翻梵音 方可讀之,但同密咒,翻字不翻音,仍不知其為何等語,必須兼通兩國言音者, 變梵音為華語 般剌密諦 非惟不知其語 為 華語 , ,所以有翻字、 譯主別名, ,謂之音字俱翻、如諸經文,可以識言詞明義理也 , 兼亦不識其字。 此云極量, 翻音之別 須先隨其音 乃才智僧也。 0 西域語字 , 以此方之字易之,名為翻字 譯者 與此全殊 , 易也。 , 若觀梵本 翻梵字為華文 , 音字俱

家 出國 見智者大師 龍 藏中 , 亦視為希有之法寶,藏諸國庫,禁傳諸國。 特科為主譯者 而宏法之願愈堅,精進愈力,乃用極細白氈 十八年終未得見 有 ,所立三觀 此 經 , , 乃譯場之主也。 披閱之下, , 謂與彼國 0 譯主志益此方 歎為希有 《楞嚴經》 此經藏於龍宮, ,初次匿經東來 特默誦而出 意旨相符, 此經未來,盛名先至,因有梵僧 書寫此經 因龍勝菩薩 , 由是智者西向 ٥ 以利閻浮眾生 被守邊官吏查獲 ,剖膊潛藏 , 至龍宮說法 拜求 (天臺山 , 迨瘡口 錄呈國 , 不 許 見

不惜身 在廣州 平復 主潛藏 ,再請出國,關吏搜查不著,乃得航海而來,於唐神龍元年達廣州,適房相謫 出國 命 知南銓事 ,正所謂 , 國王罪責守邊官吏, 重法輕身,功莫大焉!我國眾生,均沾法施 ,請於制止寺, 剖膊出經,譯成速回本國 故速回,願以自身承當其罪 ,以解邊吏之難 , 。夫譯主冒禁艱苦 雖功成身退 未可 因譯

### 乙二 譯語人

忘其功,而泯其名,故宜首標,以重元勳也。

## 烏萇國沙門彌伽釋迦譯語

天竺。 烏萇國名,《奘傳》名烏仗那,華言苑,即阿輸迦王之苑囿也 彌 伽釋迦 ,此云能降伏。譯語 即翻音 ,將梵音變成華語,定言詞成章句 0 舊稱烏場 , 在北

厥功亦偉,故宜並列焉。

### 乙三 證譯人

# 羅浮山南樓寺沙門懷迪證譯

古本有證譯人名一行,今為加入。 羅浮乃山名, 在廣東省,為名山之一;南樓

大佛

頂如來密因修證了義諸菩薩萬行首楞嚴經講義第一卷

音字之中,總為參詳校正。以師久習經論,備諳梵語,前二師雖兼美華文,以乍來 寺迪師所住之處。迪者,進也,其師字以懷迪,取其常懷精進之意。證譯者,謂於 此方,恐未盡善, 經師證明 ,可謂盡美盡善 ,亦未可泯其功也。

### 乙四 潤文人

受。

### 菩薩戒弟子,前正議大夫,同中書門下,平章事 ,清河 房融,筆

王位時 能之責 議 之,以菩薩為兄,以佛為父,故稱弟子,此法銜也。下乃世職 史稱正諫,乃言官之名;大夫者,大正風化,扶樹人才,有維持世道 菩薩戒者,大乘戒法,十重、四十八輕,通在家者受之。梵網經云:「欲受國 ',百官受位時,應先受菩薩戒,一 切鬼神,救護王身,百官之身 ,前者 , 先 也 。 — ,舉薦賢 房相遵 ; 正

多掌王言;門下省,多出政事 同 中 ·書門下:同者 ,兼也。 ,融乃權兼兩相,故曰同,又僚佐非一,同預其事 中書門下,二俱內省,左、右相府之名 中 書省

度 也 事 |。平章事者:平,均也;章,顯也:書云: | 平章百姓。 | 即均理政務,顯彰法 ',即政務法度之事。清河地名,房相梓里也。融子房琯,父子俱相;而融事

略出琯之傳文

文法 然融不特有功於此經,實大有功於此土眾生。九歷明傳譯竟。 庭 職專司之名。正脈科為潤文人,以宰輔之才,潤色斯經,使文義雙美,故楞嚴語句 ,雖未得即時頒布,後為神秀入內錄出,復得家藏原本,卒致流通,盛行宇內 筆受者:秉筆確定文字,翻字翻音之後,委問華梵相當,然後下筆, ,為諸經冠。房相與此經宿有因緣,初請譯,次筆受,再潤文,後則奏入內 亦譯場分

### 甲十二 別解文義 分三 乙初 序分 二 正宗分 三 流通分

緣分;二、聖教所說分;三、信受奉行分;與道安法師全同,故後代法師皆依之。 此三分,始於道安法師,證於親光菩薩《佛地論》,亦有三分之意:一、起教因

乙初分二 丙 初 證信序 二 發起序 丙初 又二 丁初 先明五 義 廣列聽眾

今初 聽 心眾則 明 五 六 種成 者: 就即 信、聞、 證明此法可信,故曰證信序。 時 主 、處五

加

#### 如是我聞 • 時 , 佛在室羅筏城 ,祗桓精舍

是當說 意焉 心 種 信 信生 言不 聞 成就 視 阿 故 難 凡 既 解 如 由 如是乃指法之辭 我聞 能 〔夫妄執之我:二、外道妄計神我:三、 是 稱 具 如 佛 , , 殺所聞 記憶 我 以信 依 傳授 0 , 當時阿難結集經時 , 解 , 按本經 乃隨 立行 切 而 為第一, 0 功德 佛 我領受也 ;皆信順意 以 順 , 世間 因行 \_\_ , , 我聞 切眾 如是聞性 由 是為信成就 信 得證 0 , 生 假名稱我 又 明授受之本 0 加 生 信為道源功德母 ,大眾請云: 如是者: , , 咸 無上 ,是心非耳,由根中不生滅之聞 , 認認 故 0 道果 也 為功德母 肉 我聞;即聞 信順 耳 ; 0 聞者 即指此經 能 , 之辭 聞 故信為佛道之根源 如尊者所聞 菩薩隨世假我;四 ; — ,長養一切諸善法。諸佛 , , 故 從 , 成就。我之一字, 切善法 耳 即 如是十卷玄文, 不 根發  $\dot{\boxminus}$ 信 耳 ,當如是說 成就;信則言如是 聞 耳 , 亦 識 , 而 由 0 , 又信為 性 聞 ` 教 信 如 乃我阿 佛 稱 而 !阿難答言 託根 有 來法 我 聲 得 教 四 因地 聞 增 五 身真 者 難 聞法 |根之首 種 長 , , 不 親從佛 由 不 , , 故六 皆由 有 耳 我 同 : 肉 達 如 深 則

耳實無 某處 外教 住 ? 法 果 住 切經首 槃 時  $\frac{3}{\circ}$ , , , 德業 乃我從佛所聞 阿 , 2 2 外道經首 與某某大眾俱 那 聞法功能 疑他方佛 ,當安何語?(4) 陞 不 律陀教阿難 法 以戒 -及羅漢 佛在世我等依佛為師 座 為師 來?至阿難高 ,故曰我聞 , 相好同佛 皆安阿憂二字 , 何 , 眾知阿難多聞第一,由耳達心,永不忘失,故息諍論 , ۰ 問 況  $\widehat{3}$  $\overbrace{4}$ 上位 佛 , 惡性比丘,佛滅後如何處之?佛答:( 四 。如是我聞 眾起三疑:(1)疑佛再來?( 當來結集經時 ?若不曰 事 惡性比丘 唱 ,佛滅後我等依誰為師? : 阿者無也,  $\widehat{1}$ 如是我聞, 1我聞 , , 默 有 佛在世我等依 , 四義:一、斷眾疑:因 , 而擯之。三、息諍論 憂者有也; 必滋諍論。 三疑頓息。二、 切經首當安如是我聞 佛 今 曰 以其有無不決  $\stackrel{\frown}{3}$ 而住 如是我聞 , 2)疑 秉佛 佛滅 佛滅 : [阿難結集經藏之  $\bigcup_{i=1}^{n}$ 以 後結 囑 <u>`</u> 後我等依 阿 呵 : , 依 集經 難 故安此二 佛 以如 難 時 0 四 位 將 成 四念處 是之 居 佛 時 誰 入涅 佛 、 異 初 在 ? 而

大佛頂如來密因修證了義諸菩薩萬行首楞嚴經講義第一卷

字

佛

囑安六緣成就

所以異也。

以上皆就事

解釋

今更約理解釋

,

如是之法,按本經

,

如

來藏妙真如性為如

,

如者不動之義

藏

理 稱 性 [編滿 全相皆性 將 :虚空,充塞法界,湛然凝然,如如不動。 | 切事 相之法 堅固不壞 ,悉心窮究,究到畢竟之處,即所謂徹法流之源底,全事即 無一物不是我心,無一 法不是我體 切事究竟堅固為是, 是者無非之

,

,

,

待昌期 故 是 :是為時 時 唯 我 聞 不能定指何時 ,大法弘宣 如來 成就 約 理即 藏性 以無我之真我 ,豈無嘉運?蓋必假良時,方成法益,師資道合說聽始終,謂之 , 為此經之理體 : ` 以華 一夏印度 , 起不聞之真聞 ,是為聞成就 ,紀曆不同故;二、 0 , 聞 時:即時 如是之法 以楞嚴 成就 ,法法皆如 0 世 經 事會合 , 通前 , 法法皆 後際 , 出

覺理合 是佛 所俱 經 終實教意釋之,覺有三義,作二種解釋:一 佛者 祗因迷故 不生不滅之本覺理體 成究竟覺之極果 主 成就 ,而為眾生,猶幸雖迷, , 佛是說法主故 , 名之為佛。二、 , 起始覺智照 0 梵語佛陀 而佛性不失,而此生滅身中 , 自覺 迴光返照 , 、本覺、始覺 譯為覺者 ` 覺 他 , 照到惑盡智滿 ` 覺滿 , 乃大覺悟之者 ;謂自己覺悟 、究竟覺;謂依 ,自有不生不 始覺智與本 。今按本 本來 根中

覺異凡 即中天竺迦毗 界 兩利 滅之佛性。 得 夫 三覺圓滿 阿耨多羅三藐三菩提 ,則超六凡法界;覺他異小乘 既自覺已,以此大乘之理,輾轉化他,覺悟一切有情,智悲雙運,自 羅國 ,自覺慧滿,覺他福滿 ,淨飯王太子,十九歲出家,三十歲成佛, ,名之為佛 , ٥ , 佛是十種通號之一 則超二乘法界;覺滿異分證 福慧滿足,萬德具備,超九界以獨尊 , 號釋迦牟尼,是為主 乃指本土娑婆教主 , 則超菩薩法 自 他

成就

鷲 無量相好莊嚴,在蓮 處 佛有三身: Ш 故 在室羅筏城 無所不在 或 在 竹林園 , 法身佛 ,祇桓精舍:處成就。上句是所化處,下句為所住處。在者住 。經云:清淨法身 , [華藏世界。三、應身佛,乃應眾生之機,所示現之身 今在室羅筏城 , 無在無所不在 ,猶若虛空,亦無在無所不在。二、 ,祗園精舍,以示迹此處 ,以法身無相 ,故無所在 ,無論久暫 ; ·以法身! 報 , 身佛 去來行 或在靈 徧 也。 切 有

室羅 筏城 即憍薩羅國都城 ,因有二國同名,故以帝都見稱, 乃波斯匿王所都 止

皆名為住

與 允 太 磚 常 即 是太子布施 舍 子名 故 彻 人 以鋪之,太子止之曰 啇 祗 有 子 以 , , 0 買 財 陀 乃 多 余 太子自起門樓 詎 譯為豐德 林 須 聞 以 物 以 可失信?迨金磚布滿 计諸 太子 其 解脫 財寶五欲 達多長者 袁 周 生 地 ,舍乃長者所建, 之德 煮 田 給 樹 蒔 金 ,舊云國豐四德 ;給孤 磚 孤獨之人 , ,請佛 適 ,不足稱德 鋪 , , 故名豐德 卿 為 王 徧 | 戦勝 財富 獨 佛 :前乃戲言 , 出入 建立 自當 , , 無量 故得是名 乃 他 ,太子曰 存其功永留盛事 須達多長者之善名 或 , 0 , , 屬 五欲 故曰祗樹給孤獨園 以供眾僧 祗者 乃將豐德二字,分而釋之。謂 , , 卿 耳 奏凱 能 , 以金 0 0 , **層**色 而 我當與卿 長者曰:今日之殿下 袁 具云祗陀 口 樹 磗 一本祗陀太子之花 , 朝 聲、香 五塵 根 精 布 , 金磚鋪 在欲境。) 滿 賜 修梵行之舍。 0 有他經,稱祗樹給孤獨園 以 袁 0 ,亦云逝多 共成供養佛僧 是名 長者家財大富 地 0 不到 、財寶 , 《楞嚴》 即 , 算 園 以誌 , 自 今連 卿 、多聞 , , , 當 譯為 大法得此勝地 他日之君王 買 地多五 長者欲請 喜 屬 功德 祗 也 0 , 我 長者 生平 戦勝 桓 0 ` 並 欲 0 , 栢 解脫四皆豐足 長者 長 萴 樂善布 佛 稱 即 財寶之豐 , 者 乃匿 , 君 毅然運金 說 者 是林 0 祇 祇 法 不 , 無戲 以林 可 得 允 施 樹 王太 , 0 乃 以 承

宏宣,是為處成就。合上信聞時主處,初先明五義竟

丁二 廣列聽眾分三 戊初 聲聞眾 **一人緣覺眾 三二菩薩眾**戊初分三 據迹

標數 二 顯本歎德 三 列上首名 今初

# 與大比丘眾,千二百五十人俱。

所共聞 揀非小德,天王大人,所敬仰故;多者揀非寡解,內外典籍 法 ,非我獨聞,乃共一千二百五十人,俱在同聞也;並有無量辟支,恆沙菩薩,亦 此第六眾成就,上先明五義證信, ,具足六種成就,證明是法可信。大比丘,大具三義:謂大 此引眾證信。與者共也,結集者,謂如是之 , 無不博通故;勝者揀 、多、 勝 大者

非劣器

; 超出九十六種外道故

成比丘性,入僧寶數。當時地行羅剎高聲唱言:善哉!善哉!此處有正信男女,如 惡;三、怖魔:謂比丘登壇受具足戒,得三師七證作法,白四羯磨竟,名為得戒 身 內 比丘梵語,即五不翻中多含不翻,以名含三義故:一、乞士:外乞食以養色 ?乞法以資慧命;二、破惡:麤破身口七支之非,細破三界見思 (జ ఌ)之

美 法出家,受具足戒 聲傳第六天。魔王聞已,心生恐怖,以彼貪著塵勞,不捨生死,恐出家人眾 ,當使人天增勝,修羅減損,於是空行夜叉,天行夜叉, 輾轉讚

則佛界增多,魔界減少。

離也。 十五人 葉兼徒一千人,次度舍利、目連師徒各一百人,次度耶舍等五十人,共一千二百五 舉類皆是大比丘眾 邊方授具 眾乃四人以上之稱,所以一比丘不名僧,二三比丘,亦不名僧,四比丘同住 事和有六 切如 眾者 初 ,今略去零數 法 樣迹標數竟 僧事 :謂戒和同修;見和 ,若十比丘 梵語僧伽 。惟除自恣、授具、出罪三種羯磨,若五比丘同住 。千二百五十人俱: 同 。此等皆先修異道,勤苦無獲,遇佛得益,感恩常隨 , 此云和合眾。和合有二:一 住 , 皆 同解; 。若二十比丘同住 利和同均;身和 此標數也。 先度鹿苑陳那等五人 理和 同住 , 則 ; □ :謂同證擇滅無為;二、 切羯磨可作 和 無諍;意和 ,即可自 , 次度三迦 恣 ,俱即不 , 至此 一,方作 ,亦可 同 悅

則

### 顯本歎德

### 皆是無漏大阿羅漢

阿羅漢 羅漢 乘 云:「二乘無漏,方超三有(¤ºº);菩薩無漏 落於三界,而受生死之果,今下句是大阿羅漢,則第三漏當併指界外無明 有三漏:謂欲漏 歎之德,實異二乘。今歎千二百五十五人,位位皆是不漏落於生死 丘之果,亦含三義 (舞醫) 之賊,大阿羅漢則界外無明亦得分斷;小乘無生,但出界內分段生死,大阿(譯內) 之賊,大阿羅漢則界外無明亦得分斷;小乘無生,但出界內分段生死,大阿 (薩一) 之行,外現聲聞 應供 此顯大比丘過去之本。佛子住持, 則變易生死亦將垂盡 今大阿羅漢 止於天上人間 (煩惱),有漏(炬惱),無明漏(無明)也。有此三漏生死之因 : 曰應供、殺賊 , (開聲修道證)之身 **迹雖同於二乘,** ,大阿 。又小乘取證偏真 羅 漢 、無生 , 0 本實在是菩薩 則 至越諸塵累止,乃據本歎德。眾皆內秘大心 無漏大阿羅漢之名,雖同常途,下十二句所 通 0 既曰大阿羅漢 世出 ,更越三空。」大阿羅漢 ,沈空滯寂,不肯回小向大,名定性 [世間 , ;小乘殺賊 內秘外現 , 三義亦與小乘不同 ,只斷 助揚佛道 , 故 Ħ , 見思 是前 無漏 故歎 正 必漏 煩 大比 0 惱 脈

德皆:

|約本歎

#### 佛 子住持 • 善超諸有 ,能於國土 • 成就威儀 0

住首楞 之內 成就 而超諸 非指 無運用之能 超出三界 塵勞,不同凡夫。下三句即稱性作用。 羅 威 此下十二句,歎實德迴異二乘, 三業無虧 睺羅 有 嚴 儀 得 者 (即三界二) ,不敢復 佛 味 , ,那有威儀之事?今顯住楞嚴大定,從體起用 , 乃指 法 承上善超 , 持 分 , 內秘外現 六塵不染 入, , 如實行修證 , 堪紹 不為諸 如此雖 故能 佛 種 ,堪稱佛子。 有生緣所縛 , , 非同 有威可畏 超非善。 ,不變隨緣,示入生死 者 **|尋常** ٥ 住持有 顯然菩薩作略;此四句歎自利之德體 善超者:不同二乘,斷 小聖,入滅盡定, 今大阿羅漢 , , 即 來去自由 有儀 三釋 《法華經》 可象 : , , 謂之善超 所謂 不捨塵勞 ` 所云:「從佛口 , 住法王 不同定性 形如 即定而動 ,故能於同居國土, 稿木 [盡見思,灰身泯智 家 ,而作佛事 能於國土 ;隨緣 , 持 , 心似 7秘密藏 即 生 動 不變,不染 , (土應讀) 從法 而定 死灰 。佛 , 即諸有 塵勞 化生 尚 此

### 從佛轉輪 妙堪遺囑;嚴淨毗尼,弘範三界。 應身無量 • 度脫眾

歎定德也

# 生,拔濟未來,越諸塵累。

以智慧 煩惱 趣寂聲聞 從佛之軌轍 此 深妙 又輪 八句 ,智悲並劣,如世老人,不堪遺囑:此歎慧德也 , , 有 , 能代 歎利他之德用 運載之義 助轉法輪 **| 轉法輪** 也。 , 喻 , 助揚 法以輪稱者 佛法能運載眾生 。從佛轉輪者:非徒隨從佛之左右,執持巾甁 **鎌化** , 故堪受如來遺命 , 謂輪 , 速出 有摧碾之功 . 昏 衢 , , 囑累宏法利生事業 直登覺地 , 喻 佛法能摧 0 妙 堪 碾眾生麤細 遺 ,乃是依 囑 者

戒則嚴 行化 弘 僅 緊 諸 .範三界者:弘大也,範乃師範 , 非 嚴凈 他 惡 能 但大戒當持 , , 於道 :毗尼者 斷 能為三界人天之大師, , !戒則淨也。又嚴則止諸惡,即攝律儀戒;淨則作眾善,即攝善法 若有能斷之心未忘 : 毗尼戒律之總名,此云善治 , 即 小戒 亦不得犯 即饒益 • 涅槃經云:「戒是汝等大師 ,不足稱淨 , 如 有情戒 星之火 , 必須 。嚴以治身口 0 三聚無虧,三學具足 , 斷 性亦無 能燎須彌之山 , ,方為淨心 淨以治心意 又持戒清淨 ; 淨謂 : , 此歎戒德 此則 清淨 , 嚴謂 , 自 戒 於事 不 嚴

也

機多類 應以 方諸 三昧,一身不分而普現 何 佛 應 法得度 沙身 廣 , (無量 本妙覺心 其數無量 ,度脱眾生四句,正明上之三學,不唯自度,實欲普度眾生 ,即說何 , 與佛如來 ,若欲度脫 ,萬機咸應以無遺 法 , 普度眾生 , 同 ,應機示現之身,亦當無量 慈力,隨類現身 , 同 ,無作妙力,自在成就.此歎慈德也 出 |愛河 誕登彼岸; , 應以何身得度 0 即大菩薩 如觀音菩薩 , 即 普現 現 0 ,上合十 以眾生 何 身

歎德竟 累 正路 以三學, , 出 拔濟未來 於五陰三界之牢獄 滯於分段生死此岸 拔濟群苦 ,越諸塵累:謂非特現在,分身塵剎,度脫眾生,乃至盡未來際 , 謂眾生陷於見愛煩惱污泥 , 內脫身心 不能得離 , 外遺世界,得大解脫 則 濟之使渡 ,不能得出 , 而登涅槃彼岸;超越 ,則拔之令出 : 此歎悲德也。二顯本 , 塵勞之羈 而置菩提 , 皆

### 己三 列上首名

其 <del>名</del>日 須菩提、優婆尼沙陀等,而為上首 大智舍利弗 • 摩訶日犍連 • 摩訶拘絺羅 0 • 富樓那彌多羅尼

律陀 神 道 故 航 子也 母 涌 以大智稱之 眼 採菽 輕舉 助 Ħ 此 此 揚 明利 列 在 法化 行而食 舉常隨眾 云無節樹 胎 飛到十方者 即 , 能寄辯母 似彼鳥故。弗即 ,因以命族。采菽氏,從佛出家者多人,故加一大字以別之。本名拘 0 0 摩訶目犍連 《阿含》云: ,上首六名。 父母無子 ,  $\Box$ 目犍連為第 , 出胎甫七歲 ,摩訶此云大,目犍連 , 子也,心經譯舍利子,舍利是其母名,言舍利所生之 我佛法中智慧無窮 禱此樹而生 梵語舍利弗,譯為鶖子, , 即辯勝論 , 即以名焉 此云采菽氏 師 決了諸疑者 , 0 深本已證金龍佛位 《阿含》云:「我佛法 **鶖即鶖鷺** , 姓 舍利 也。先人入山修 , 乃是鳥名 弗 為第 倒 駕慈 中 其

不及姊 學畢 辯 愧 勝 由 口 摩 呈發憤 當 訶 或 , 還 知在胎必是智人,寄辯母口。自念若甥出世, 拘 絺 汝甥 欲 與 羅此云大膝 ,往南天竺讀十八經 甥辯 彼心中暗喜 姊云: , 即舍利弗母 , 他已從佛出家 所學智書 , 四韋馱典(是名) 舅 0 平日與姊論 今日正好在此一 ٥ 乃往佛所 , 無暇 議 為舅者論 辄勝 剪爪 索 顯本事 甥 , 自姊 佛 世 不及甥,豈不大 令立 稱 懷 但自負心太 長 孕 論 爪 以 梵志 來 , 謂若 論

勝 佛法中,得四辯才,觸問能答者,拘絺羅為第一。 斬我頭去。」 走。 (吳為宗故);若不受是見,自宗則壞 我 走至 與佛立約云:「若我辯屈,自願 以一 |中途,心思大丈夫一言既出 切法不受為宗。」 佛曰:「我法無如是事。」 佛曰:「還受是見否?」自思:若受是見,自宗相違 (有巴還同眾見,) 斬頭。」 自當踐約 即向佛謝罪, 佛即問曰:「汝以何為宗?」乃曰 ,乃返佛所 ,兩頭俱墮 求度出家。 , 謂言 , 理屈 《阿含》云:「我 : 詞窮 請 取 , 遂 刀 即逃 來

兼父母為名 富 樓那 彌多羅尼子 , 簡稱滿慈子 0 富樓那此云滿願,父名:彌多羅尼,此云慈女 《阿含》云:「我佛法中 ,善能廣說 , 分別義理者 , 母名 , 滿 雙 慈

子為第一。」

性空 已證青 名善現 須菩提此云空生,因生時,其家庫藏財寶忽空,故以名焉;未幾庫藏復現 龍 而得道果 其父往卜吉凶 佛位 , 深 。本經自陳圓通云:「觀不淨相,生大厭離, 本難思 ,卦占既善且吉,故又名善吉。常修無諍三昧 ,佛弟子中 解空第一 0 優婆尼沙陀 悟諸色性 此云塵 過 性 去劫 , 以從不 大 觀塵 中 , 又

列舉 淨 白骨微塵,歸於虛空,空色二無, ,以一等字該之。而為上首者,而為眾中上座首領也。 成無學道,如來印我名尼沙陀。」 初聲聞眾竟 餘眾不能

### 戊二 緣覺眾

#### 復 有無量 • 辟支無學 , 並其初心, 同來佛所 , 屬諸比丘 ,休 夏自

#### 态。

內 云 云 覺 羅 悟 因緣 : : 名含二義故不翻 無生者 堪稱無學 復有,復字去聲,不獨聲聞在座, 「八百萬億大仙緣覺 「釋尊出世,五百獨覺,從山中來。」 教 緣 0 斷證真者 名為獨覺 言無量者 今簡稱辟支 , ٥ 名為緣覺 若約 , 極表其數之多也 皆來集會。」無學者 佛世 , ;出無佛世, , 應 譯緣覺 更有無量辟支,云集而來。梵語具云辟支迦 惟 緣覺 此出無佛世,住世待佛者。 ,二譯獨覺 ,今以他方雲集 樂獨善寂 果滿 取證 0 求自然慧 出有佛世 真諦涅槃 , 許有 , , 獨覺 覽物 秉佛所 <mark>个</mark>仁王 , 而 觀 於界 經》 慈恩 化 說

並其初心同來佛所

並者並及,初心即初發心

或依因緣觀

研真斷惑

休夏之時 同 居觀化,求悟無生 ]前之常隨眾也。屬諸比丘 , 要附 屬諸比丘 ,諸有學人也。 , ,休夏自恣, 作自恣法耳 師來資隨,師資道合,同來佛所,乃雲集眾 0 屬者附屬 諸比丘 , :此二句陳述辟支來意 指常隨眾 ;辟支師資 , , 為 外 來參 值遇 ; 非

加

哀愍語我,我當懺悔。」故曰自恣。恐有瑕玼即玷清眾 七月十 竟 為護生避嫌。休夏,即九旬限滿 , 他 佛 休夏者: 過檢 应 制 七月十五 ` 0 十五 對眾白言: 止夏 、十六也 也, 百解 又 竟 制 「大德長老!或見我過 。 \_\_\_ , 考劾九旬德業 也。 自恣者 佛制比丘 ,結夏休止之時,亦為 : · 自知 一,結夏安居 , 三過 作自恣法 , , 或聞我罪 自行陳說 孤 , 九旬禁足 山日 解夏 , 或疑我犯, ; 自不知過 : ,亦稱解制 , 自恣律開三 為結制辦道 恣任所 , 恣任 。當此夏 日 僧舉

緣覺聲 何攝伏 此 聞 疇昔攀緣 雖為大乘了義之教,本科辟支初心 於菩提心 ,得陀羅尼,入佛知見?」 , 未自 在 者 , 開 無上 乘 , 皆欲令其回小乘心, 妙修行路 俱屬當機之眾 。」又云 0 經云: : 向大乘道也。二 令有 「哀愍會 學者 中 從

緣覺眾竟

## 戊三 菩薩眾 分二 己初 自恣先集眾 二二聞音後至眾

## 十方菩薩,咨決心疑,欽奉慈嚴,將求密義

問 菩薩 期 !;決求決斷;心疑即心中之疑。菩薩於大乘律儀,未能心無疑慮,故當休夏之 ,而來咨問於佛,請求決斷也。屬諸比丘,休夏自恣二句,可以連上辟支,及此 自恣之時 ,皆雲集而來,附屬法會也。 ',不僅辟支咸集,而十方菩薩,亦來預會 菩薩解見題中 咨謂咨

是欽承奉事 欽奉慈嚴 , ,將求密義者:上咨決心疑是一事,此將求密義,又是一事 欽奉:

即秘密之義,菩薩志在菩提,自是理趣冲深,故稱密義,而曰將求者,待自咨法 用顯如來之德。將求:是欲求未求,存諸心,而未形於口也。密義:有二釋:一、 敬順無違之義,乃表菩薩之心。 慈嚴:是慈悲嚴肅,恩**威並著之稱** 

有所待也。 竟 ,乃行請求。二 此菩薩為密機,亦《楞嚴》發起之眾,故經中如來鑒機施化,因阿難示 、即密因了義,以為悟修之本,不可不求,而云將求者 ,正是心

墮 ,而與說如來密因,修證了義,亦密應菩薩之求,正見感應道交之妙也。

## 即時如來 ,敷座宴安,為諸會中,宣示深奧,法筵清眾,得未曾

1

既除,心疑已釋,各皆歡喜 義 常隨雲集大眾,作自恣法會,羯磨之法,以除三乘聖賢之過罪心疑,即宣示深奧之 敷尼師壇具於座;宴者,恬然寂靜之貌,安者安處不動之儀 0 法筵清眾:筵者席也,謂法席海眾 此段有二釋:一、約自恣法會解釋:即時者,即自恣時也。如來應時及節 ,得未曾有 1 , 而曰清者 ,即三業無虧 。為諸自恣法會之中 ,六塵不染, 過罪 , 自

無量義處三昧,先說《無量義經》 會中,一 類密機,宣示甚深秘密奧妙之義。經中無文,例如佛未說法華之前,入於 約將求密義解釋:即時者,即意請時也。 《法華經》中, 亦復無文,義則準此 如來應機施教,敷座宴安 初自恣先 為諸

## 己二 聞音後至眾

集眾竟

## 迦陵仙音 ,徧十方界;恆沙菩薩 ,來聚道場,文殊師利而為 上首

此 報身甚鉅 經》云:「目連試佛音聲,以神足力,飛過西方,恆沙國土,還同近聞 聲 妙 鳥 蟲 , 非汝可窮 稱 未 招 其音和雅 迦陵:具云迦陵頻伽,此云妙聲;又稱仙音:鳥名也。 竟 過 可 性周徧 人其頭 輕 飯缽圍邊 切音聲 視 ,目連聞已,遂還本國 ,聽者歡悅 ,但有緣者 也 ?佛告云:此是娑婆世界 0 佛問 , ,可當道路 故以喻之。 首 ,皆可得聞;今欲召集諸聖 0 連 有云迦陵頻伽是仙禽 , 因何 ,目連振錫而游其上 又佛名大覺金仙 至此?答曰:欲窮佛音 ,釋迦牟尼佛 ,其音非眾鳥所可及 ,故稱 0 , 所以徧至十方世界 彼諸弟子見已, ,高足弟子目 仙音 • 此鳥在豰出音 彼佛語云:「 0 徧 十方 短連 三至一 0 界 問 如來法音微 佛 0 ,已踰眾 , 佛國 佛音無 佛之音 神 《寶積 : 通第 何以

大佛頂如來密因修證了義諸菩薩萬行首楞嚴經講義第一卷

之頂

阿耨達

池

,

狀其來處之高

,

故曰天堂來

。 此

河闊四十里

,

沙

細

如

麵

舉

此沙

恆

沙菩薩

來聚道場:

恆即

恆河

,

正音殑伽河,此云天堂來。

恆河發源於雪山

數

以

喻菩薩之多

0

而菩薩心聞通達

故得聞音遠集

,來聚道場

。道場乃自恣作法

辦道之場,即祗桓精舍也

之師 列 有 間 喜摩尼寶積如來 首 **不列** : 0 在 文殊師利而為上首,文殊師利亦云曼殊室利,此云妙德,其德微妙,曾為 。又云妙吉祥 諸經聽眾,皆有八部,此經何以不列?」答:「諸經別序,各有不同 華嚴為根本智 廣列聽眾竟 本經別序 ,未來成佛, , ,降生之時, ;合上科初證信序竟 發起在自恣之時 在本經為擇法眼 名 曰 有十種吉祥瑞相;又稱妙首 |普現 ,乃是考劾九旬德業 , 。蓋為影響大化,示居 深本乃過去龍種尊王 全屬三乘僧事 如 , 因 門 , 以智德深妙恆 來 , 現 為眾 在北 , **',有列** 上首 是以不 方 為歡 居眾 七佛

#### 丙二 發起序

耳! 明恃多聞 本同 然必以阿難示墮者,有二意:一、以多聞第一 .前 此經以阿難示墮婬室為發起之端,以阿難過去空王佛所,與佛同時發心,其深 上首 而 , 非實有學人也。誤墮婬室 不勤定力 不能抵敵邪咒 , ,但是大權示現,引發大教而已。且此 而被攝入婬席 力不勝邪 , 正勸 多聞者 ,可證聞不足恃 , 策 力於大定 經欲 必

位 顯 宜從聞思修。二、以是佛堂弟,修不能代,亦見佛不足恃,必宜自己深修 阿難 必 深本 能 曲盡淺位情態 ,至下文中 , ,仍應據迹發揮,方能激引真實凡小。大凡深位 如執迷謬辯 , 感悟涕泣 ,皆所以盡其情態, 旁發諸真實者 , 示 0 此 現淺 處以

之心曲,令生慶快解悟耳 ,不必處處迴護阿難 0 分 妸

時 |波斯匿王,為其父王諱日營齋,請佛宮掖,自迎如來,廣設珍 丁 初 王臣設供 佛僧赴請 Ξ 阿難示墮 四 如來垂救 今初

## 饈,無上妙味,兼復親延,諸大菩薩。

薩 軍 生 應於是日齋僧 眾僧自恣之時 釋迦 其父王見諸光明,不知是佛生祥瑞 以 以下發起序 其 當時居第八地, 軍旅 最勝 ,諸佛歡喜之日 ,以度親靈,故王臣皆喜是日設供。波斯匿此云月光 為此經發起因緣 , 諸 國 今來成佛 無能 敵故 , 供佛齋僧 , 0 過去龍· 與諸經不同 彼即大權 ,謂是太子福力所致 光佛世 功德倍勝 示現 ,又名別序 , 位登四 內秘菩薩行 0 《盂蘭 地 , ,別在此經故 「盆經》 故命名月光 , 與釋迦同 外現國 , 與 , 佛 佛 <del>皆</del>目 王身 為 0 亦名勝 同時降 時 地 連 以 菩 即

助揚法化也

接如來 答 : 宮掖 處則內;其迎則親;其設則廣;其饈則珍;其味則妙;其伴則同;可謂敬之至也 般 初 辰 ()俱備 王以萬乘之尊,而迓萬德之佛,何以不請佛於內宮正殿,而請於掖庭之理乎?」 ;人子而於是日隱諱而不敢言,言之即慟故!世教每歲茲辰 一 正 內教令人是日修齋 為其父王諱日營齋,為(毒)其父王,即匿王之先王,諱日乃親喪之日 ,資薦親靈 也 兼復親延諸大菩薩:延亦迎請也,觀文中匿王請佛,具有六種敬意:謂其 0 |殿原為施政重地,營齋亦非所宜也。 | 自迎如來者:示崇敬之極 **廣設珍饈:珍饈是貴重食品,饈熟食也** 。營辦也;宮掖為王宮左右掖庭,謂請佛在王宮掖庭受齋 ,以資冥福 。今匿王父王諱日, ;無上妙味 適當自恣之期 ,具足色香美味 ,服食俱變 ,故營齋請佛 , ,俗謂忌 , 示慟如 親 問 自迎 ,

## 城中復有長者居士,同時飯僧,佇佛來應。

長者不獨年高 室羅筏城之中 ,應具十德:一、姓貴;二、位高;三、大富;四、威猛 ,復有長者居士,同受佛化, 故 亦同時飯僧 ,以自恣作福勝故 ; 五 、 智

深 ;六、年耆;七、行淨;八、禮備;九、上歎;十、下歸。居士乃居家守道之 身處塵勞,心恆清淨,有有德有位者,如此方蘇東坡居士之類,有有德無位

者 如此方龐居士之類。佇,候也,待也。 **佇佛來應者,作二解:一** ` 長者居士

前來應供 不知佛受國王之請 。初王臣設供竟 ,則等待佛來應供;二、已知佛受王請,則佇候佛派菩薩聖眾

丁二 佛僧赴請

# 佛敕文殊,分領菩薩,及阿羅漢,應諸齋主。

此明佛僧分赴,以應齋主。 佛敕命文殊分派者,以文殊為眾中上首 諸菩薩

羅漢皆能信從故。二佛僧赴請竟。

丁三 阿難示墮 分三 戊初 將墮之由 二 正墮之事 今 初

# 唯有阿難,先受別請,遠遊未還,不遑(ছ兩)僧次;既無上座,及阿

## 閣黎,途中獨歸。

此下敘將墮之由 厥有四端:一、別請未還:唯 (毒) 有阿難一人,自恣之前

大佛

頂如來密因修證了義諸菩薩萬行首楞嚴經講義第一卷

成道日 有致墮之事 早歸 喜也 先受別請 故字曰 降 遠遊未還二句 生 遠遊未還。阿難具云阿難陀 慶喜 王聞太子成道,一 0 而別請 即別請處遠 , 是別種 喜也;又白飯王入宮,報告生子 ,未克早還 事緣所請 , 譯為慶喜 , , 所 如懺罪 以不及分列眾僧 , 乃佛堂弟 ` 施物等 ,白飯王之子 0 ,請王賜名 自恣時 , 應供 班 到 次 又 於佛 理宜 故

黎 乃 至 法 故 故 二 人 : 一 者 , 0 為 阳 夜者 闍黎此 懺摩滅罪 戒臘 無侶 ` 上座;二、阿闍黎 ; 五 教 上座 云軌 **潘歸:既無上座** 授 阿闍黎 , 受比丘戒時,當壇白四羯磨者;四、依止阿闍黎 教讀阿闍黎 範師 ,受戒久故;三、福德上座 , 堪為 於受具足時 人師範故 , , ,及阿闍黎;上座有四種:一、生年上座 所以嚴行止 即從受經義 , , 屏處問 共有五 ,乃至四句偈者 防過失也。今阿難無侶獨歸 , 遮難 種 福慧尊故;四 : ,教令乞戒者 ` 出家 律制 阿 ` ]闍黎 法性上座 ; = ,即從受依 僧遠出 , 授沙 羯 ,年齡長 , , 無為證 故有 彌 蘑 侶須 止 阿 十戒 闍 致

## 其日無供 ,即時阿難 ,執持應器 ,於所遊城,次第循乞

時飯僧 乘力薄 心 不餿;量則應已食量多少而為,極大不過三升,至少亦容升半。於所遊城:即 量三 午前未食之時 所遊室 中初求 皆應法故 |羅筏城也。 , , 無供循乞:其日即自恣時 弱羽只可 故無人送供,若有齋供 , 最後檀越 執持應器 ;體則鐵 纏枝 次第循乞:循者順也,不分淨穢 阿難 也鉢 、 瓦 二 以為齋主 乃初果有學之人,欲學佛菩薩行履 , |種;色則用竹煙、杏仁, 梵語缽多羅 , 應無墮事 `,匿王請佛之日,眾知城中,復有長者居士,同 ,無問淨穢 0 , 此云應法器 因其日無供 挨戶順序 • 烘如鳩鴿之色, , ,乃受食之具 剎 阿難不得已行乞, 利尊姓 , 次第行乞。 故有致墮之事 , , 0 炎夏盛食 體 及旃陀 乃以小 即於 平日 色

# ,方行等慈,不擇微賤,發意圓成,一切眾生,無量功德

窮苦海 次第循 四 乞, 欲行等慈:小乘乞食,向揀五家:一官,二唱,三屠,四沽 最後云者 呵 **|難心中** ,以王及長者居士, , 初求最後檀越 , 修 以為 供在先, 齋主 0 檀即是施 為先前檀越; , 謂檀 阿難 施 獲 心中 ,五婬舍 福 , 初求有 能 越貧

威德 薩 欲取法,而行等慈 有五義:一、由 良民共處 主 姓 發心施我者,乃最後檀越,以為我之齋主(佛菩薩阿羅漢齋主。)矣!無問淨穢 而乞。方行等慈,不擇微賤:此二句釋上無問淨穢之意。方者法也,因要效法佛菩 ,以平等之慈心,行平等之乞食,不揀擇卑微下賤之家,而不乞也。等心乞食 , 及旃陀羅:此無問淨穢,即次第循乞也。剎利具云剎帝利,此云王種 為王家種族 不懼惡象 行走鳴鈴持幟 内證平等理,外不見有貧富相;二、心離貪慢,慈無偏利;三、表 , ,乃四姓中尊 沽酒 ,故不擇微賤也。上雖云無問淨穢,其意實在不擇微賤耳 ` 婬女家;四、 ,與人異道 ,是為淨家;旃陀羅此云殺者,謂屠殺為業 而行 息凡夫猜疑;五、破二乘分別 ,是為穢家 0 不問淨家穢家 0 ,皆次第順序 是以阿難有 ,剎利尊 ,或譯田 ,不許與

擇微賤,令微賤者 小乘捨賤不乞, 發意圓成,一切眾生,無量功德:發意即發心也,發大乘心,行平等乞,既不 則此等眾生,不得布施功德矣 ,亦可施食求福 ,故能圓滿成就 切淨穢眾生 ,無量功德 ; 如

又平等行乞,無有揀擇,免生疑謗,於食等者,於法亦等,功德亦等 故能圓

力量 乘之損 成眾生,無量功德。若令人疑謗,非特功德不得圓成,而反令人疑謗生罪 妸 2何?如 益 ,為何如耶?然取法大乘,等心行乞,美則美矣!但宜審自己根器如 阿難猶如嬰兒, 自應傍母 ,今頓忘自身根器力量 ,離佛無侶 ,其大小 , 取法大 何 ?

乘,而行等乞,故有致墮之事。

#### 阿 難已知 0 欽仰如來,開闡無遮, 如來世尊 訶 須菩提 度諸疑謗 • 及大迦葉 • 為阿羅漢 ,心不均

之訶 含二種 闡 不平 難 故 無遮 稱 ;大迦葉捨富乞貧,憐其久苦,令植樂因,且避趨富之議。二尊者,意雖善而心 世尊 此下明等乞之由 世間 即世尊之訶 故為淨名居土所訶。文中說如來世尊訶者,淨名為金粟如來後身 欽者敬也;仰者慕也;敬慕如來 訶者 , 佛具足十號,能為六凡有情世間 詞責 0 又釋迦世尊 , 由阿難於淨名會上,早已知也。 因須菩提 ,不以淨名之訶為非 ,捨貧乞富 ,開發闡明 , ,三乘正覺世間 恐其福盡 , 足知亦 如來解見在前。 無遮限之慈心,平等行乞 ,與續: 訶也 , 善根 九法界之所尊敬 , 且 欽 仰 世尊世字 無減 則 如 知淨名 來 冠之 , 開

之行,故可度脫眾生之疑謗。諸乃助語辭。初將墮之由竟 可以度諸疑謗。專乞貧必致疑,專乞富多招謗;既貧富無遮,慈無偏利,方合大乘

### 戊二 正墮之事

## 經彼城隍,徐步郭門,嚴整威儀,肅恭齋法 0

持 隍 ,端嚴整飭其威儀, 郭門即護城之門 此入城行乞之儀 0 。徐步者:行履端莊,猶如清風徐來,即要入城,則 肅穆敬恭其齋法, 經謂經歷、經過,彼指室羅筏城 以期感化於人 豈知反以誤己耶 0 隍者城外濠壍 ! ,無水為 加倍矜

#### 爾時阿 難 • 因乞食次, 經歷婬室 **,遭大幻術** • 摩登伽女 ,以娑毗迦

## 羅先梵天咒,攝入婬席。

餘幻 被其咒力所攝 室 遭遇大幻術。幻術者:尋常變化物像 術可比 爾時即入城乞食時。因阿難欲學菩薩,等心乞食;次即次第循乞,經歷婬女之 ,故以大稱。摩登伽:依《戒因緣經》 ,不覺隨從而已 ۰ 彼之幻咒 , ,虚幻咒術,今則迷惑於人,令人失性 能移日月墮地 ,翻小家種,亦云下賤種 ,能咒梵天使下 , 知 是其 非其

母 名 女名缽吉蹄 , 此云本性,謂雖墮婬女,本性不失,今云摩登伽女者 ,依母彰

名也。

難 離 難為夫婦,愛習未忘,一見則喜,故白其母,願得為夫。母告以阿難從佛出家 伽 苦行外道名 愛欲 0 其女因見阿難 而 以娑毗迦羅三句:以用也;娑毗迦羅,此云黃髮,亦云金頭,以發黃如金故 呵 , 難 莫作是念, 心意恍惚 其咒稱先梵天者:偽云,過去先梵天所授也。 ,具佛二十種相好, 女求其母 , 被其邪咒所攝 , 當滿所願 , 色白如銀,心生愛染 便至其家 , 母不得已 ,身入婬席 , 乃咒巾覆食 ,因過去五 金頭 , 即摩登伽女之寢席 外道 , 矚 言 世 傳 女送與阿 與摩 ; 捨 與阿 登

## 婬躬撫摩,將毀戒體。

也

即受戒時 近 阿 此戒體 難 , 撫之, 锤危 登壇白羯磨竟 摩之, 。婬躬 阿難 (如) 撫摩者:乃指缽吉蹄,婬心熾盛,欲燄飛揚 , 所得妙善無漏 劕 如癡 似醉 , Ė 色法 雖 崩了 , 即是無作戒體 , 力不自由 0 羯 將毀戒體者 層師第 , 將己身迫 番白已 戒體

是第二番羯磨已成,十方妙善戒法,於虚空中,如雲如蓋,覆汝頂上。」三云: 云:「此是第一番羯磨已成,十方妙善戒法,由心業力,悉皆震動。」 次云:「此

此是第三番羯磨已成,十方妙善戒法,從汝頂門,流入身心,充滿正報

。 —

是為

戒體。

心悉知 毀而未毀 之戒體,以遂其欲;二、幸阿難已證初果,有道共戒力,身雖近,而心不動 交光云:即護戒心 ,故有下文,齋畢即歸 ,猶得保全戒體 0 此將毀戒體句,作二義釋之:一 0 然當此勢迫情危,遂默禱世尊大慈,寧不救我 , 說咒救脫也。 三阿難示墮竟 、乃缽吉蹄,將欲毀阿難 !世尊他 7,乃將

丁四 如來垂救 分二 戊初 速歸說咒 二 遣往救脫 今初

## 如 來知彼 • 婬術所加,齋畢旋歸,王及大臣、長者、 居士俱來隨

## 佛,願聞法要。

咒為導婬之術 如來 知彼 (:彼指) 。既被咒力所加,無力敵苦,故望佛垂救 阿難 ,佛心真知 , 無所不知,知阿難為婬術所加 。佛常儀齋畢 0 皆為說法 婬術 ::指邪

今日速歸 , 必有因緣 , 故王臣等 ,俱來隨佛 1,願聞: 大法心要之義

0

# 於時世尊,頂放百寶無畏光明,光中出生千葉寶蓮,有佛化身

跏

跌

坐

, 宣

一說神咒

o

修大 具無畏 理體 覺 理體 於時 乘 行 1;光明 而 , 也 起始覺智 表威勢力用,無惡不摧,可以折服眾邪;從頂放光,表從體起用:依 即 表始覺智用 佛歸眾 苚 隨 也。 , 阿難戒體將毀未毀之時 光中出生千 ;光具百寶 -葉寶蓮(表因) , 表慈悲德用 0 ) :表躡解起行 頂即肉髻頂 , 有求 必應 相 , 可 , 謂 表如 以攝 依始 來藏 受群品 覺智 性 本覺 ; 光 本 而

面 華 密 云 中 坐 : 0 佛 有 無為心佛 頂 佛 具 顯 果覺 化 表諸 身 止 不 觀 , 開極果 離 結 ,無上心法是也。」 0 因心 跏 本經共有五 跌 宗蓮華 坐 謂修德有功 , 宣 , 說 一次放光 表如 神咒: 佛居佛頂,乃尊中之尊 來密因;今華從頂出 , , 性德方顯 此第 上乃放光生蓮 次從頂 , 能成 , 究竟覺 表依理起智 此 , 則 顯 , 化佛說 所說神咒 佛 因心不離 0 跏 兜 ;第二次從面 趺 果覺 坐 , 0 即密 戒 , 乃 環 一疊足 中之 佛 禪 在 師

門 五. 一次從五體 表諸智將開;第三次從卍字, 一表耳 T 根 圓 通 ,總攝諸根 表因心 。初速歸說咒竟 )顯見;第四次從諸佛頂, 表 多無礙;第

## 文殊師利,將 戊二 遣往救脫

#### 敕 文殊 師利 • 將咒往護 • 惡咒銷 滅 • 提獎阿難 • 及摩登 伽 • 歸 來 佛

#### 所。

登伽欲 智莫能 提 伽 假 僧傳 攜 神 敕者敕令,人王法王,俱 ,獎對登 解故 燄 兜 0 必敕 領息 至 0 伽 將咒往護 文殊者 , , 惡咒消 提攜獎勸 , 如 癡 , 不悟 者 以 滅 ,二人歸來佛所 呵 , ·文殊將 難 如 , 湯 為那 可 未肯放歸 稱敕。 銷 佛 術 冰 所說 所 , 佛為能敕人,文殊是所敕人 如 魘 , 故須 神咒 H 0 , 提對 非 破 變勸 暗 大智莫能醒 , 持往登伽家 阿 , 究竟邪 難 0 登伽 , 似醉初 不 覚佛 ;登伽 敵 中 醒 正 , 為 承 救 , , 佛 精 凝愛所 () 咒雖 阿 護 崩 神 難 阿 導 未復 難 如從夢覺 佛說 縛 , , 頓 以 故須 反 登 非 必 大

果,亦機熟藉緣成益也。

經云 **婬怒癡性** , 即戒定慧性,」 以登伽之事證之, 即 可斷疑 善性惡性

聖凡立判 同 癡人,不必更換其性 報 此婬女之相 金鑄 喻 如真金,真金本非善惡,能隨善惡之緣。譬如兩人,一 ,即善惡之緣、了二因,未嘗不同,只在善用而已。登伽一 一婬女,此善惡之分也。設有善友,勸彼鑄婬女者曰:「汝以貴重之真金,鑄 其人聞言悔悟 ,即其驗矣!本科發起序竟,併上證信序,初序分竟 ,令人動欲念,造罪業,何不以真金,鑄成佛相,令人生敬心, ,即依其教,不必更換真金,別具爐鞴 ,即可修成戒定慧,三無漏學,亦復如是 以真金鑄一佛像,一以真 , 轉婬機,頓證三果 即得鑄成佛像 。非但善惡之正因 求福 婬怒

初 阿難請定 乙二 正宗分 ※三 如來答定 丙初 正修具示成佛妙定 三二二 當機獲益 丁初分二 戊初 助道別詳護定要法丙初 悔聞請定 會眾願聞 分三 J

今初

阿難見佛,頂禮悲泣,恨無始來,一 :十方如來,得成菩提, 妙奢摩他、三摩 向多聞,未全道力。 • 禪那, 最初方便 殷勤啟

此去至流通分以前諸文,皆屬正宗分,乃一 經真正宗要之義,即正說楞嚴性定

宗旨 返迷歸 即 自 即 性 此 道 提 偏 思 恨 定 般若 受用 法 聞之轍 以 : ٥ 身 又 應 修 是 無 歸 德 德 即 結名以前 報 機 悟 始 極 來 ` 身 施教 真 證 故 來 見 一真平等之性 , 飳 而 實智菩提者 改過自新之心 方便菩提者 所 果 佛 , , 此智 為道 菩 趣正修之路矣 言時之久也 以未全道 提 頂 梵語菩提 為正修 照 (禮者 0 , 真 此 理 (性菩提) 以理 力 , : , 生佛 權巧方便 真實之智 理 0 結名以後為 。 — , 謝 , 無 為道 儒云:「不憤不啟 。殷勤啟請 不 此云覺道 垂救之恩;悲泣 者 不徹 不二, 敵 向多聞句 邪咒 0 即真 又名理 窮徹 眾生迷此 自覺已圓 , 助道 , 介如自性 實智菩提 :誠懇請求也。 道 , 謂自 謂 力 0 即定 心本 智 覺 者,傷循乞之失。 此則阿難悔多聞之無功 味偏 7,不悱 , , , , 諸佛證此 ` 然後覺他 亦名實智 源 真 万 覺他 也 如 此以智慧為道 向多聞 稱 是理 不發。 0 十方如來為極證 真 ` 此 覺行 如 , , , 以 證 從根本智 理 此 不勤定力 今有 圓滿 真 極 理 恨 恨 此理 ご字 實智 所證之根 ; = ` 無始來 為自心本覺之佛 此 所 ,法身 , , , 請 照 方便菩 成三菩提之 恨 起後得智 人 未曾從 正 成 本 本智 是 ;所成菩 , 《佛之大 顯 正 恨 覺 阳 即悔 理 現 提 難 聞 可 成 改

提也 事智 現他受用報身,為大機說法,又應各種機,現應化身,成就度生,各種事業;又名 亦名權智;種種示現,自在無礙 阿難既恨小乘無力敵魔 ,思修最上一乘之法, ,即解脫德 。佛證三德,具三身、成就三菩 此即發回小向大之心 ,故有此

請。

定 那 常途三種定之別名,加一妙字以揀之。妙字須貫下三名:妙奢摩他、妙三摩、妙禪 揀此定 故以妙稱之。 妙奢摩他、三 (⁂) 摩、禪那者:阿難不知,十方如來,因地所修之定名 ,非作意修習之定,乃天然本具之定;非獨制識心之定,乃圓含萬有之 ,乃舉

意 阿難 楞嚴王,具足萬行,十方如來,一 知 ,已回小向大 ,奢摩他等三,乃定之共名,他經亦有故;首楞嚴為定之不共名,獨局此經 既 奢摩他等三,乃定之別名;首楞嚴為定之總名。舊注所云,此意極是 加一妙字以揀之,是尅定請佛指示,十方如來得成菩提之定。佛 ,發菩提心,故摩頂安慰,示之曰:「有三(蓋)摩提 門超出 ,妙莊嚴路。」此首楞嚴王即 7,名大 十方如來 知 。然更當 /佛頂首 阿難 故

定體 見性 照 此 滅 去 妄識非心 出 得 復按定信 常住 卷 成菩提,不共之定 大定不成, 即 斌之作觀) 如 ,文有三卷半 妙明 更與 以生滅心為因 佛 破妄 解修證次序,逐答三名,於正說全經文中,三段各有標出 乘了義修證之法門,方能超出權小,而趣 妄識 (會四科 , **| 識無處之後** 不動周圓之定體 , 乃性具即定之慧。佛要阿難 故此三名,不可用止觀釋之。以止觀不能捨離識心,識心有生有 無體,乃撤去奢摩他路之障礙;以識心乃楞嚴大定之障礙 ,融七大,極於三如來藏 即題中如來密因是也 ,決定不能發明不生滅性 ,此定圓含奢摩他等三種別名,成一佛定總名也。此一 , 阿難即求世尊 , 即為奢摩他 , 開示我等 , , , 生信發解,圓悟如來藏性,為首楞嚴 依正 皆開奢摩他路也 , 故佛指示根中 因佛 妙莊嚴路 , 奢摩他路 性 , 略兼 0 佛既示總名之後 0 不動搖 要阿 了因 0 當 , 界線 佛性 難開 知 此 , 解 不生滅之 下 分明 ,識心不 , 微密觀 照了 門超 , 仍 第

不說修

故獨

屬奢摩他

開解照了,

如來藏性,本具之定體

0

此四卷後半以去,佛

第四卷

阿難

請

示華屋之門

,

即是悟後請修

以此證.

知

,

前

巻半

乃說

性

本修因 解絕 以悟後 難 即 倦 答妙三摩 為妙三摩, ,應當先明發覺初心,二決定義。」一 多聞之人 ,自可入一 起修 , 而求 佛云:「阿難,汝等決定 , ,仍向耳門,就路還家。文有三卷餘,即題中修證了義是也。 依正因佛性 須於六根 `佛乘不生不滅,無有是處 無妄,一根返源,六根解脫。然後文殊特選耳根,從聞 , 選擇 ,略兼緣因佛性,從根修證,乃性具即慧之定。 一根下手 ,發菩提心,於佛 。 \_\_\_ , 、決定以因同果,「若於因地,以生滅心為 但從一 此捨識也明矣!二、決定從根 門深入 0 :如來,妙三摩提,不生疲 此用根也 , 又 明 思 矣 解結 佛要阿 ! 修 行 0 教 起

行 起 請禪那修位 未 1繁興 求 出離 返妄歸真 第七卷末 動 雙躡前之定慧 ,蒙佛慈誨 ,故佛先對示染、淨緣起。示染緣起 , 佛為說妙性圓明,離諸名相,本來無有迷、悟、凡、聖之分 , ,則成五 佛答妙禪 (脂奢摩他顯), 十五位 , 那 中中流入薩婆若海 , 因 ; 由 阿難白佛言 得正熏修 前三摩 , 證 :「我輩愚鈍 (圖修之文),身心 圓 ,從真起妄,則成十二類生;示淨緣 乃如來一切種智之海。文云從是漸 通體 , 則安住圓定 , 快然, 好為 多聞 獲大饒益 稱體 ,於諸 起 ,因眾生 用 漏 心 萬 再

合此三定別名 那 修 進 聖 依 隨 位 所發行 正 因佛 0 文祗 性 ;安立 , 成 , 雙兼 嵳 聖位 卷 首 楞嚴總 , 緣 即 ` , 了二因 住持本定 題中諸菩薩萬行是也 號 , 即 ,乃性具圓融之定慧 呵 , 難 歷位增進,圓滿菩提 所請 , 十 0 方如 此是自他 來 0 阿難 , 得成菩提之定 兩 , 歸 利 自云:「 無所 , 上 得 求 下化之行 頓 , 即 悟 請 為 禪 妙禪 答相 那

應

啐啄

·無違

忇

便 那 選 便 嬣 生 顯 杗 耳 見是心 為 中 , 入三 論 滅 方 根 最 初 云 便 如 , 一摩地 反聞 方便者: 為本 來 , 令悟根 問問 以 -修因 十地菩薩 入流 。 \_\_\_ 禪 諸聖文云: 那 以此 即 性 , 得 中 , 即 奢摩他,為首楞嚴定之最初方便也。 , , 不動搖 證 為 而觀,悟理為最初方便 (奢摩他) ,修行為初方便 已 滿足方便 圓通 得成菩提之因地心 )得圓 吾今問汝 , , 證 不生滅 而登初住 , ,得成菩提 定慧 , , 均 最初發心 即 , 而 等 是天然本定 , 故為 為初發心住之方便, 。 \_\_ 中 中流入之行 , 故以圓定行位為方便 最初 · 悟十 方便 , 八界 如來藏: 以奢摩他中,破識 0 三摩為 , 為 誰 性 故為 入薩 為 0 圓 初 依 (三摩修) 婆若 約方便 通 方 此 正 ? 便 根 罪心, 海 從 由 性 以三 如來 何 , 不 , 禪 獨 方

巧答 方便 乃見阿難之巧問也。佛教以方便為門,今奢摩他最初方便,是悟門 是修門;悟修超出生死之門,禪那方便,是證門,經歷五十五位 ,真菩提 ;三摩初

路,證入涅槃之門也。

方便; 融之故 之 宗少人提倡 語者 便。從始至終,如分九品,行布昭然,方得圓滿無上菩提。本經三定別名 性 為最初方便;佛囑以不生滅之根性,為因地心, (生成) 非 又三種別定,各有最初方便 ,即尊重不翻之例。此三名最重要,又最難解 謂 ;乾慧地 會四科全事即理,說七大全相即性 ,為方便;是圓悟三如來藏理性之方便。妙三摩,以建立道場,加持神 門深入, 天臺 , 故復學賢首,二宗並重 止觀之不善 ,是合十信為乾慧, 為方便 ;乃圓修證 , 余先習天臺教觀 ` 初方便、方便 入初住之方便 為初方便;五十五位為方便;是證 絕無門戶之見。實因研究本經正文,如來以 , 為初方便;究三種生績之因 ,十分敬佩 為初方便;文殊為選耳根 0 妙奢摩他 。余前云,此三名不可用止 妙禪那 後見臺宗 ,以三漸次為最 , 以破識顯根 ,宏法 入妙覺之方 , 明五 人多 ,仍存梵 為最初 初 反聞自 方便 觀釋 大圓 賢

常根性 定義 滅 不合 捨 識用 因果為宗 故 根 , 決定以因同果,不可 丕 入涅槃門 ,為修楞嚴要旨,所以三番破識 可 以 此 上觀 解 0 極 此皆如來金 , 好 解釋三定別名。 0 若以止觀釋定名不特與經旨有違, 以生滅識心, **当所宣** 臺宗先哲 , 學者未可抗違。 ,全破其妄;十番顯見,極顯其真;二決 為因地心;二決定從根解結 , 解釋本經 天臺 , 與此體宗 以 止觀固善 如 來藏 為體 ,亦復相背 , 必宜 但 以 經旨 取真 不 生

### 戊二 會眾願聞

矣 !

初悔聞請定竟

#### 於 **公時復有** • 恆 沙菩薩 , 及諸十方大阿羅漢 • 辟支佛等 • 倶願樂聞 0

## 退坐默然,承受聖旨。

蜜 法 漢 辟支 於時 我等亦如是 同 願 樂 , 即 以及天龍八部 聞 阿難請求佛定之時。 0 ,願聞甘露法!」 如 羅羅嚴云 、王臣等 : 如渴思冷水, 退坐默然,承受聖旨者:請法必具禮儀 而成佛之法,三乘共仰,故云復有恆沙菩薩 。俱願樂 (蓋) 聞者:常隨雲集之眾, 如飢思美食 , 如 病思良藥 於此 如 啟請! 眾 無 蜂依 上 、羅 妙 已

畢 躍聞法心歡喜,如是之人可為說。承受聖旨:即欽承領受,法王聖教之旨意。初阿 ,退歸本位而坐,息慮虛心,默然靜聽:聽者端視如渴飲,一心入於語義中, 踴

難請定竟。

佛定總名令知諸佛修因尅果 二一說奢摩他路令悟密因大開圓解 三 說三 摩修法令 如來答定 分二 戊初 正說妙定始終 二 通示全經名目 戊初 分四 己初 示

從耳根一門深入 四 說禪那證位令住圓定直趣菩提 今初

眾:有三(蓋)摩提名大佛頂,首楞嚴王,具足萬行:十方如來 爾時世尊,在大眾中,舒金色臂,摩阿難頂,告示阿難 ,及諸大

# 門超出,妙莊嚴路。汝今諦聽!阿難頂禮,伏受慈旨

在堂 堂 辯定之後。佛問阿難:「汝矚林園 戶牖開豁,遠矚林園,亦有眾生,在此堂中,不見如來,見堂外者!」阿難答 此文現時流通本,皆不在此處,乃在破七處,第一番破執心在身內文中,舉例 得遠瞻見。」 | (文此下) 是即例反難之文,佛告阿難: ,因何有見?世尊!此大講堂,戶牖開豁 「如汝所言 , 身 i,故我 在講

文,横隔在彼二段之中,與彼上下文,全無絲毫關係,反令割斷文意。佛之說 :「世尊 !在堂不見如來, 能見林泉,無有是處。」 阿難,汝亦如是!細究此

絕對不會在此問答未竟之中,突告定名,此其一也。

寫之誤,而不移動 上下文意,有所隔礙,此其二也。從上諸賢,未必無見於此 先告以佛定總名 知佛定之名,故即先為告云:「有三摩提,名大佛頂,首楞嚴王, 常所知三種共定之名,加一 示最初方便也。 如來,一 又阿難請 門超出 佛 若將此文,安在破執心在內文中, (即總三定) ,妙莊嚴路 為說十方諸佛 ,余不避彌天大罪 , 妙字以揀之,揀非三乘所修之定。佛一 隨即許說誡聽 0 汝今諦聽!」 ,得成菩提之定,以不知佛定,不共之名 ,祗求經義文意之貫串 , 後乃逐答三名;而問最初發心者 阿難頂禮 此則問答請許 , 伏受慈旨。 , ,乃以尊經故 而知我罪我 , 具足萬行;十方 不相 聞便知阿 此乃請答相 接續 , 明 但以尋 難 即密 任具 知 彼 應 , 不 則 抄

爾時 即 阿難請說佛定之時。世尊在大眾中,舒金色臂 (佛全體閻浮檀金之) 摩阿

眼者之品評也

茲將文義講解

如下

切寶故 告示 難頂 染 昧 源 總名。又云三昧,譯云正定,稱真如正理,而起之定,不動搖 而 提 底 :佛定 :又云三摩地 不瞋 乃至具足萬 呵 ,以表慈悲攝受之意。阿難已能回小向大,發無上菩提之心,請求佛定 為三昧中王,名大佛頂首楞嚴王,而能出生一切三昧;如如意寶王 難 , 大佛頂首楞嚴 則名 ,及諸 、不懈、不動、不昏,詎非具足六波羅密耶?既具六波羅密,則萬行悉在 天 /佛頂 ,此云等持。等者,定慧均等 行,以 大眾:有三摩提,名大佛頂,首楞嚴王;此即佛定之總名。三摩 ,首楞嚴王 真湛寂,具足六波羅密,所謂 解見名題中。 , 總前奢摩他 具足萬行者:以首楞嚴王,不但具足一 1、三摩 ; 持 者, ` 禪那 任持自性,亦是定之總名 乘寂滅場地 ,三定別名 ,不生滅 ,不貪 , 成此 ,能雨 徹法流之 ,故即 切三 、 不 一定

門 就 即 十方 斯門 斯 門也 如來,一 , 即 又即阿難請入華屋之門,乃悟後之修門也。 根性法門; 門超出 ,妙莊嚴路者:文殊偈云:「過去諸如來,斯門已成 文即 妙耳門 , 聞 .熏聞修金剛三昧 如來為開無上乘 , 超出生死之門 妙修 此

其 中

矣

行路 慧 , 莊 ,此超出妙莊嚴路,即疾趣妙莊嚴果海,所經五十五位真菩提路也。 虚嚴自性 ,所以稱 妙 0 佛囑阿難大眾諦聽 !阿難頂禮,伏受如來,大慈心中流 以自性定

出法旨 。上愛下則摩頂 ,下敬上則禮足;以至尊之頭 ,頂禮如來至卑之足 ,謂之頂

,師資契合,堪為萬古良箴

ó

初示佛定總名

,令知諸

佛修因尅果竟。

禮

上愛下敬,足見楞嚴會上

楞嚴經講義第一卷終

# 大佛頂如來密因修證了義諸菩薩萬行首楞嚴經講義第1卷

福 州鼓山涌泉禪寺圓瑛弘悟述 受法弟子明暘 日新敬校

定判 細惑說二 斥破所執妄心以開奢摩他路 一 顯示所遺真性令見如來藏體 ffp xd= 二一正與斥破三二終歸其判 桑初又分三 說奢摩他路令悟密因大開圓解 如來藏 庚初分二 辛初 如來破妄顯真 分二 庚初 子初 問取見相發心 二 初 阿難明心生信 銷倒想說空如來藏 辛 初 又 普判眾生誤 分二 癸 初 取心 審除

勝相, 佛告阿難:汝我同氣,情均(㎞)天倫,當初發心,於我法中, **頓拾世間,深重恩愛?** 見何

認

知阿難 發心 先敘世情 此科以阿難啟請,最初方便,故如來審問最初發心。要知最初方便,即在最初 ,若明不生不滅之真心,依之為本修因,此即最初方便。然心有真妄之分,未 ,最初發心 阿難乃白飯王之子,四王八子之一,為佛堂弟。因同祖之氣脈 ,是依真心耶?妄心耶?故有此問 · , 探便知 佛告阿難三句 ,故曰同

之重 欲探能見之心也 難 天倫 氣 , 0 當 |愛?若不 世教父子兄弟 初發心 猶言無異同胞手足也。當初下問發心,大凡發心出家,必有所見 ·見佛法殊勝 出家 ,名為天合之倫 ,於我佛法之中,見何者勝相 , 決不能割恩斷愛 ,故告阿難曰:汝我既同一 , 出家 ,而能頓捨世 為僧 0 此處 **健健時間** 祖氣脈,其至情 間父母之深恩? 所見何 , 故 相 ·妻兒 問 即 阳 同

## 阿難白佛:我見如來三十二相,勝妙殊絕,形體映徹,猶如瑠璃 0

外明透 中修百 者 輪 此 **近阿難據** ,故曰映徹 王 福 不 , 果上成 ·及曰勝 事直答 。瑠璃此云青色寶 , 相 相 0 仰白佛言 相 , 始從 崩 顯 **人**肉髻相 日 妙 ,我見如來三十二相 , (,內映 殊特絕倫 , 終至足下平滿相 **於外徹**, , 為勝妙至極之謂也 佛身如之,故以為 , 此 詳 相 如三藏法 , 是佛 0 百 喻 形貌 數 福 莊 0 體質 勝 嚴 棺 妙 殊絕 因 內

#### 自 0 思 膿血 惟:此相非是欲愛所生 離亂 ,不能發生 • 勝淨妙明 • 何以 • 故?欲氣麤濁 紫金光聚 • 是以渴仰 • 腥 臊 交遘 從

#### 佛剃落。

即是此心;不是破發心出家不好,乃破見相發心。如《圓覺經》所云:「棄愛樂捨 由 淨 濁 定 也 [是心生渴仰 , , ` 光 常自思惟 腥 慧熏修所成 呵 丽 臊 難 無比曰妙明 交遘釋麤義 向 ,從佛剃落鬚髮,出家學道。此能發之心,即攀緣心也。下所破者 :此思惟,即第六識,思想分別,便是妄心;所謂無始生死根本是 誤認為真 , 故 , , 曰非是欲愛所生。 全體閻浮檀金之色,金光晃耀,聚若金山 膿 , 血雜亂釋濁義 常用此心 ,故曰常自思惟。此相指佛三十二相 0 何以故下,即徵釋非是所以 所 以不能發生 莊嚴 佛相 , 故曰紫金光聚 0 清淨之極 欲氣 ·,乃戒 麤 日 而 .膀 Ħ.

佛已探得阿難病源 ,故下文徵而破之,正欲撤去奢摩他路之障礙耳 初問 取見 還滋愛本」豈能盡善?又認此為心,不知別有真心,楞嚴大定何自而

修?

相發心竟。

## 子一 普判眾生誤認

佛言 由不知常住真心 一:善哉阿難 **!汝等當知** 性淨明體 : 用諸妄想,此想不真,故有輪 切眾生 ,從無始來 生死相續 轉 0

示安慰 佛言善哉阿難!此讚善有二意:一、喜得病源, 心。汝指 阿難 , 等指大眾。當知者:當以智知 , 不 可以施教;二、欲加斥破 可以識知也。此段真妄雙 , 先

舉 而判定者 , 是欲當機 ,取真捨妄, 為最初方便也

迷故 染 受報 本淨本明之體 不 不是浣滌 ;於果報身 ,則生死不休。不知者,即迷也。常住真心,性淨明體,即所迷之真 -生不滅 切 眾生 而後淨 , ,曰常住;法界 此心雖迷,體猶不失 , 再起惑造業,依業受報,生死死生,相續不斷, , 包括 性明者 凡 ` 外 : 其性亙古靈明不昧, 相 ` 權 , 無偽 小 無妄 ,從無始 , 曰 |真心。 無明妄動以來 不假功用而後明 性淨者: 其性由來清淨無 其故何也?都由 依惑造業 0 體 。豎窮三 , 即真心 ,依業

性 ! 為真 文緣 由 塵分別影事 用諸妄想 被其賺誤 汝 無始至於今生, :諸字助語詞 ,輪迴流轉,於生死苦海,浩劫莫出也。此中常住真心,即二種根 0 此想 不真二句,下文佛告阿難云:「 認賊 ,妄想即所執之意識妄心,亦即上文見相思惟之心,下 為子 ,失汝元常 , 故受輪轉 此是前塵虛妄相想 0 言其本非真心 ,惑汝真 錯認

本中真· 是也 一切眾生,迷真所以執妄 (本,為菩提涅槃元清淨體;用諸妄想,即二種根本中妄本,為無始生死根本 ,起妄惑,造妄業,受妄報,所以輪轉不息!初取

心定判竟

破妄識無處 二 斥妄識非心 三 癸二 正與斥破 分二 子初 如來備破三 迷 推妄識無體 丑初 又分四 大眾知非無辯 寅 初 教以直心應徵 子 初 又分三 丑初

雙徵能見能愛 三 徴詰心目所在 四 所執七 處咸非 今初

同 汝今欲研無上菩提,真發明性,應當直心, 道故 • 出離生死:皆以直心,心言直故 酬我所問。十方如 • 如是乃至 • 終始地 來 •

## 位,中間永無諸委曲相。

定體 提 求 , 斯 無上菩提之道,必須真實發明,自己本具,不動搖不生滅之根性 此文是佛,欲斥其緣心虚妄,故先勉以直心酬答。研者求也,謂汝今有欲研 可希冀 若真發明 。發即開發 即開圓 ,明即悟明 解 圓解不開 性即六根中性 ,圓行不起,則圓定不證 , 亦即如來藏性;此性為 ,圓滿菩提之極 , 則 無 楞嚴 上 菩

心 , , , , ,

, , !

邊 間 直 方 而 徧 摩他 不認妄識為心 如來 計 永 取 ,言者心之聲也 執性 不生滅 圓 應當 故 無諸 如 区成實也 果 躡 永無委曲 置心 皆同 Ė 解 委曲 , 全 根 起行 同 , 利 相 0 則狂 凡夫情 酬我所問者:佛以阿難, 直 智 相 道為證 , 心者 ,心言直為直因,依因感果, 以發心為始 , 心頓 來藏 觀 門深入, 即是直果 覓如 見 ; — : 不隱 歇 , 來勝相 道 正 歇即菩提矣 即三 諱 :即直心之道 屬 0 , 生死 , 究竟為終 設或因 無虛假 摩 即微密觀照 不於所 根本 **?;定慧:** [地不 見相思惟,分染分淨,於依他起性 ;直心正念真如 , , 均等 故勉以應當直 見 , 真 中 故曰 間 , 因 分別 , 難免果遭紆曲 經 中 果相符,如是乃至終始 出離生死 歷諸位 染淨 照了。 中流 入 心酬答 ,又直心是道 而於能 , 此性為天然定體 , , 皆 皆以直心 即 中 0 禪 , 初教 中 欲令捨徧 見 那 流 以直 場 得 三定不出 入 0 心直 地位 個 0 不著二 消 心應徵 故 ,更起 計 則言 舉十 執 息 , 中 奢

竟

### 寅一 雙徵能見能愛

# 阿 .難,我今間汝:當汝發心,緣於如來三十二相,將何所見?誰為

#### 愛樂?(素)

肉 審 ]眼為能見,愛樂為真心,觀下阿難答處自知。此中將何者所以能見,是要阿難認 F查既定,方可施破。所見二字,不可作色塵解。良以凡迷取捨,多皆顛倒 此處雙徵 ,能見能愛,即是如來要審出阿難以何者所以能見?是誰能生愛樂? ,僉以

# 阿難白佛言:世尊!如是愛樂,用我心目;由目觀見,如來勝相

真見;誰為能生愛樂,是要阿難明妄心,可惜阿難,不能領會

# 心生愛樂!故我發心,願捨生死。

全同凡 此三句為張本 下三句分解 阿難被佛一審即白佛言:「世尊!如是愛樂,用我心目。」此二句心目渾答 迷顛倒 0 l',遺真 由目觀見如來勝相,此分明認見屬眼;心生愛樂,此分明認識為心 。故我發心,願捨生死者:因見相愛樂,發心出家,願捨生死。其志 取妄 0 **劾驗取捨已定,下文如來破識顯根** , 一卷半之文,皆以

願 可謂不錯,而不知能愛之心,正生死本;即下文二種根本中之妄本,以攀緣心為

自性者

認見屬目 難 百用 又根識難分,凡愚莫辨。目中能見之性,即是菩提真本,亦即奢摩他體 中 ,終取愛樂為心。此即迷真認妄,執妄為真矣!二雙徵能見能愛竟 放光動地 0 阿難終日承渠恩力,不知這個就是主人翁,就是真心 ,在阿 而反

### 寅三 徵詰心目所在

## 佛告阿難:如汝所說 ,真所愛樂,因於心目,若不識知 ,心目所

## 仕,則不能得,降伏塵勞。

說曰 不知心目所在,就不能降伏塵勞。塵有染汙義 曰 若能向能見處得個消息,則大事畢矣!無奈阿難未離常情,祗知合塵,不知合覺 由 三日觀見,心生愛樂,則心目雙迷,辜負世尊甚矣!此科佛欲施破 上科如來審問 如汝所說 ,都從向上一著提撕 ,真所愛樂 ,因於心目 , 。 二 曰 : 則應知心目所在 「將何所見?」曰:「誰為愛樂?」 ,勞有擾亂義 。下四句反言 塵勞即本 ,先為按定其 末煩惱 若使

眾生多認見屬眼 也。若不識知心目所在,此心即六識,此目即肉眼,肉眼乃無知色法,本來無見 ;識心乃生死妄本,本來非心,眾生多認識為心。 阿難既執此為心

目,佛欲索其處而破之,故下舉喻國王討賊。

#### 譬如國王 • 為賊所侵,發兵討除,是兵要當, 知賊所在 0

於事 難 知 王 競所 防 ,王被賊侵;妄心擾亂,混淆本真,真被妄覆。國被賊侵,發兵討賊,是兵定要 無 時如何?」答曰:「知之不為冤!」 國王喻本覺真性;賊喻六識妄心;目為賊媒,引識奔走 濟 在 ۰ ,方可搗其巢穴 兵 、喻始覺妙智 , ,擒其賊首, 全仗始覺有功 國泰民安;若不知賊在之處,則徒費餉需 ,方能降 賊 0 昔有僧問善知識云:「家賊 0 國賊謀叛 ,僭號稱

肯承當 又子湖蹤禪師,乃於夜起大叫:「有賊!有賊!」其徒竟起逐之。蹤把住一人 「拿住了一 !」若承當得去 其徒曰:「不是,是某甲。」蹤托開曰:「是則是 , 賊即是子;不能承當 ,子反成賊 。恁麼說話 ,卻與國王討 ,只是不

賊

,另是一

審播弄,具眼者別之。

# 使汝流轉,心目為咎,吾今問汝:唯心與目,今何所在 ?

金色臂 帶 日 徵心,乃是七番破處。此經只有二次徵心之文,第二次在斥破妄識非心文中,佛舉 間 勝善功能 汝 如來現今徵心所在 此曰 故直指生死根本,識為過咎,目亦帶言者,以目為賊媒,媒賊相依 咄 唯心與目 , !阿難 擎拳驗見之後 也 :使汝流轉諸趣,生死長劫不休者,心目為咎也。此破意識,緣佛相好之 0 前雙徵見愛 ,此非汝心!」 ,今何所在?此即第一次徵心 , 而我以心推窮尋逐,即能推者 ,徵曰:「汝目可見,以何為心,當我拳耀?」阿 , 如捉賊追贓 ,今則見贓 ,下阿難轉計 , 預備擒賊 ,我將為心。」 ,七處咸非,並非七處 故特徵之曰 佛當 ,責須連 難言 面斥之 吾今

顯見 須連帶 佛已雙責,心目為咎,破心之後,定有破目。當知破心則畢竟全破其妄,乃至識心 此處心目雙徵,有人以為佛既雙徵,下必雙破,實則不然。心目媒賊相依,語 顯 。佛之本意 見即 是顯真 ,但徵其心 , 以見性即真心也。 ,而目只帶言而已。故下文三番破識之後 更有 二解 : 阿難既認見 屬眼 , 愛樂為心 ,即是十番

Ŧ. **冠種勝善功能,皆所不取,而破目但帶破,與略破而已。或於破識中帶破,文曰:** 

之文。 特令阿難 於顯見後破 若眼能見,汝在室中,門能見否?則諸已死 或於顯見中破,第一 ,不認識為心,並不認見屬眼矣!三徵詰心目所在竟 , 十番顯見之後 番顯見文云:「眼能顯色, ,破別業、同分二種見妄 ,尚有眼存,應皆見物?」此皆破目 ,於此諸文 如是見性 , 帶破與略破 是心非眼 或

寅四 所執七 處咸非分子 卯初 執心在身內 二 執心在身外 Ξ 執心潛眼根

辰初 阿難引十 生同計在內 \_ 如來以不見身中為破 今初

四

執心分明暗

五

執心則隨有

六 執心在中間

七

執心乃無著

卯初分二

阿 |難白佛言:世尊 切世間 ,十種異生,同將識心,居在身內 縱

# 觀如來,青蓮華眼,亦在佛面。

眾生中 計 自己不負責任。一 此執心在身內 除去空散銷沈之無色, 切(産) 聞徵詰, 一世間,三界內六凡世間也 便白佛言:先稱呼佛為世尊 與精神化為土木金石之無想,此二種無心目之可 • 十種 ,下敘執 - (型) す 異生, , 則引十生同 於十二類

。其餘十類,業報形體,各各差異,故曰異生。同將識得心在身內;縱觀如來青

蓮華眼 6,亦在1 佛面 。佛之眼目,清淨修 ( e ) 廣狀若青蓮,故以稱焉

### 我今觀此浮根四塵 ,祗在我面:如是識心,實居身內 o

浮根 即浮塵眼根 , 乃色、香、 味 ` 觸四塵所成 ,非清淨四大所成之勝義根

異 勝義非天眼 如 《是識得我心,實居色身之內,與十類眾生,亦無有異。正脈云: 「 只此 、聖眼 ,則不能見故。阿難云:我今觀此浮根四塵 ,祗在我面 , 與佛無

展 轉不 切眾生,所以囚繫胎獄 能自脫者 , 皆由: 此計 , ,桎梏肉身,乃至三途苦形 以為障之深根也。 此執心在內 , 自執妄認, , 為 本計 受無量苦 · 其餘六

處 但是因佛一時破奪,迫成轉計耳 一。初阿難引十生同計在內竟

辰二 如來以不見身中為破分五 巳初 舉例辯定 二 仍存原文 Ξ 即例反難

四 就例攻破 五 正與結破

佛告阿難 • 汝今現坐如來講堂 觀祗陀林, 今何所在?世尊 !此大

重閣 ,清淨講堂,在給孤園;今祗陀林,實在堂外 0

在 ? 袁 巧 定見外之由 下 番 現 〕說定 前 0 : 層簷 祗陀 佛告阿難 :所見能見中,一一 至 自 此 一方矚 [佛告 段以上文 , 至施 .太子 重疊 林園 阿 也。 破時 ,曰重閣 , ,汝今現坐如來講堂,密例心在身內, 難 所施之樹林 ,當機執心在內,乃引十生同計 佛以能例之法既定,然後依例反難 下, 此例定先後之見也;第三番: , 無所逃遁 至實在堂外 ;紅塵不到 舉問阿難 , 分明在堂外, 0 故阿難乃答世尊云 , ,此例定內外之境也;第二番 , 令其據事直答,不知所以。文有三番問答 曰清淨;世尊說法之處 故意施問者 自阿難 ,自以為是,佛不直破其非 : , 此大重閣 應同乎此 無從 粒矚下 , 佛有深意存焉 , 中辯 標名為講堂 0 , 清淨 觀祗陀林 至得遠 :自阿 ,始知如來說 講堂 瞻 難汝今堂中 ! 要阿 莧 ,今何所 0 ;且就 在 第 法之 難自 此 孤 例

孤獨稱之 之善名 在給孤園者:園是給孤獨長者,布金所買,故以命名。 以長者財富 堂在 園中 無量 , 密例 , 身在室中 樂善好施 生平 今祗陀林實在堂外, ·周給孤 (納所) 獨( 密例一 給孤獨,是須達多長者 (老而)之人 切諸法 , 故 , 以人以給 皆在身

外

此就

所見分內外

也

#### 阿 難 ,汝今堂中先何所見?世尊 !我在堂中, 先見如來 ;次觀大

# 眾;如是外望,方矚林園。

內 應先見心肝脾胃 堂中先何所見 ,亦明知故問 ,次見爪 生髮長 ,令其自說 筋 游轉脈搖 。先見如來,次觀大眾,密例心在身 如是由內及外 方矚林園 密例

## 阿難 ,汝矚林園 ,因何有見?世尊!此大講堂,戶牖開豁(ё) 故我

### 在堂,得遠瞻見。

心在身中,

應最後

,方見身外

,此就能見分先後也

例六根,竅穴通達, 此定外見 , 因 何 故得見外。初舉例辯定竟 ||一見, 亦明知故問也 • 答以門戶牕牖開通 , 故得瞻 也視 見, 密

#### 12.1. 仍存原文

佛定 中 文意 本科科名,因此段之文,現在流通本皆安置此處,以致上下文,被此段橫隔於 ,不知佛定不共之名,乃以平日所聞,三定共名, 不得貫為 氣 , 細究此段之文,是如來告示 阿 加一 難 , 妙字以揀之。 佛定總名 0 因 佛聞 冏 難 悉 雖求

即 示 以佛定不共之名,亦理所固然,應在阿難求示妙奢摩他、三摩、禪那,最初方

便 ,大眾俱願樂聞,退坐默然,承受聖旨之下。

名大佛頂 爾時世尊 ,首楞嚴王,具足萬行;十方如來,一門超出,妙莊嚴路,汝今諦聽 , 在大眾中,舒金色臂,摩阿難頂,告示阿難及諸大眾:有三摩提 ! 阿

已將此段,移置於前,為使前文,問答相應,本文不致隔礙,今仍存原文於

此 以便後賢參考。二仍存原文竟 難頂禮,伏受慈旨

#### 即例反難

生 佛 告阿 ,在此堂中,不見如來,見堂外者?阿難答言:世尊!在堂不見 難 • 如汝所言:身在講堂,戶牖開豁 • 遠矚林園 亦有眾

#### 如來 ,能見林泉,無有是處 0

,

袁 例由五根通達而知外境 此佛告阿難 前五句 ,是引前文 。中四句故問亦有眾生在堂,例心在身內;不見如來 身在講堂,例心在身內 ; 戶 牖開豁 遠 屬林

,

見堂外者,例心在內,竟不知內,而獨知外也。後阿難答言下四句,阿難於能例法

知謬 以在堂不見堂中如來,獨見堂外林泉,決無此理 ,故曰無有是處

### 阿難,汝亦如是。

此 旬 , 如來 莭 例反難 。謂汝阿難所計,心在身內,竟不知內 , 而能見外者

亦如眾生在堂,不見如來,見堂外者,無以異也。三即例反難竟。

#### 巳四 就例攻破

汝之心靈 ,一切明了。 若汝現前,所明了心,實在身內, 爾時先合

### 了知內身 • 頗有眾生,先見身中,後觀外物?

有 也 猶言 若汝現前,所以能明了心,實實是在身內者,爾時先合了知內身之腑臟 心靈者: 可有 心為萬物之靈 ,此乃詰難;謂世間可有此一類眾生, ,又心有靈知之用,凡心在之處 先見身中腑臟 切皆能 , 後觀 外物萬 分明了知 0 頗 象

### 縱不能見心、肝、脾、胃,爪生、髮長(ポ) 筋轉 脈搖 誠合明

耶 ?

# 了,如何不知;必不内知,云何知外?

心、肝、脾、胃,又不能內知,爪生、髮長、筋轉、脈搖,云何反能知外耶?四就 稍疎者,汝心誠合明了,如何亦不知耶?此奪也。下二句指謬,必定不能內知 故云縱不能見心、肝、脾、胃,而爪之生,髮之長 因相處太近,而不能見,如眼不見眉睫,其說似乎近情,故縱許不見。縱後便奪 此段縱奪兼施。上二句是縱,謂心、肝、脾、胄,皆身內之物,應當有見,或 ,筋之轉,脈之搖 ,皆在內與心

#### 巳五 正與結破

例攻破竟

# 是故應(ギ)知,汝言覺了能知之心,住在身內,無有是處

無是處;亦如在堂不見如來,能見林泉,豈有是處耶?此一處,乃阿難本計,下之 是不能知內之故,應當知道,汝言覺了能知之心,是住在身內,不知其內,斷

# 六處,皆屬被迫轉計。初執心在身內竟。

執心在身外

分二

辰初

阿難引燈喻自決同佛

如來以身心相知為破

大佛頂如來密因修證了義諸菩薩萬行首楞嚴經講義第二卷

#### 今初

#### 阿難稽首 , 而白佛言:我聞如來, 如是法音, 悟知我心, 實居身

#### 外。

來 如是法音 阳 難 見處未 ,即前云必不內知 真 , 不免隨語生解 ,云何知外。 , 聞 佛破 內 悟 , 知者: 即便計外 此悟非真悟 0 故稽首白佛 , 以不 -見身內 : 我 聞 如

悟知不在身內;以了見身外,悟知必在身外,故決之曰:「實居身外

#### 後 所 及庭際 以者何 ? • 譬如燈光, 切眾生 • 然於室中, 不見身中 • 是燈必能先照室內, 獨見身外 ,亦如燈光 從其室 • 居 在室 門 •

### 外,不能照室。

庭際 見身外諸法 身外 者 此 阿 難自 何 切眾生 , 也 此亦如燈居室外 )? 引 翻前執之非,引喻作證。 , 不見身中 喻 云 : 譬如 以下 ,照明外境 燈然室中 此 用 先用異喻,首句徵云:所以我說此心, 同 , ,不能照及室內也 此 喻 燈必能 0 以 先照室內 切眾生, 都 , 從其室門照 不能見身中腑臟 出 後及 實 居 獨

#### 是義必明 ,將 |無所惑,同佛了義 ,得無妄耶 $ar{\mathbf{?}}$

妄耶 矣 ! 同 此 ? 阿難自負 .佛了義二句,其意以此義 此文觀前二句 。以燈光居在室外,以喻是心在身外之義,必定明白,將無所疑惑 初阿難引燈喻自決同 , 阿難計心在身外 , 同佛所說了義,未知是否清合, , 似有十分把握 ,觀末句耶字 故問得 心懷猶 無同 豫 前之

辰 如來以身心相知為破分三 巳初 喻明無干 驗非無干 三 正與結破

.佛竟

還是腳跟不曾點地。

#### 今初

飽? 尊!何以故?是諸比丘,雖阿羅漢,軀命不同,云何一人,能令眾 我 佛告阿 记宿 難: 齋 0 是諸比丘,適來從我室羅筏城,循乞摶食 汝觀比丘 ,一人食時 ,諸人飽否?阿難答言 • 歸 子不 祗陀 ·也世 林

也 謂諸 此 佛喻 比丘 崩 ,心若 ,纔來從我 在外, ,室羅筏城 則心有所知 循乞摶食 ,身當不覺 (可摶取而食者。) 猶如彼食 , 不能我飽 此西域 國 風 適 以 纔 能令眾飽也 證 關 丘 又乞食不事積蓄營辦 心 食 手 ·摶食。 一 呵 0 識食 羅 阿難於喻不迷,答言不也?即一食不能眾飽。世尊下徵釋所以,是諸比丘 慢心故 人食時 漢 道 ,空天等識想相續 切眾生 , 0 果縛尚存 乞食資身, , 諸人飽否?此故問 ,依四食住,更有觸食,鬼神等觸氣而食;思食 , 免妨道業也 , 隨緣 須假飲食,各各身軀性命不同,自應各食各飽 0 此摶食揀異餘三種食故 度日 ,不貪好食等。又向 阿難 歸祗陀林 ,令自審知,人分彼此 我已宿 。佛制比丘行乞食法 口(也) 齋, 人求乞, ,到底 可以折伏驕 又齋畢 ,色天等禪思為 相 也 ,云何 關 ,為除貪 與不相 汝觀比 慢 故 雖

#### 佛告阿 則心所知 難 ,身不能覺;覺在身際,心不能知 • 若汝覺了知見之心,實在身外;身心相外 0 • 自不相

隨六塵 離於身 此 境 以法合喻 身離於心 而 起見 ,辨明無干 彼此無干 聞 覺 。覺了知見之心,即攀緣心,覺了同前明了 ` 知之用 ,則內心有所知 0 如果此心 ,而身不能覺 , 實在 身外 , ,覺在外身邊際,而心 而身心相外 也離 知見者: , 心

不能知;如前比丘 ,彼食而我不飽,我食而彼不飽,如是方許心在身外。初喻明無

干竟。

#### 巳二 驗非無干

#### 我今示汝兜羅棉手, 汝眼見時 ,心分別否, 阿難答言:如是世尊 0

# 佛告阿難:若相知者,云何在外?

答言:如是眼見心知也。 此驗心非外。佛云:我今示汝兜羅棉手,汝眼見時,而汝之心生分別否?阿難 佛告阿難:若身心相知者 , 則並不是無干 , 亦不相離 云

何汝說心在身外?

, 0 兜羅 今眼見佛手,而心即分別,知是兜羅棉手。眼屬身分,心能分別,若心在身 則是相離 此云細香 ,自不相知 ,西域有此棉 ,若是相知,云何可說心在身外?此正難破。二驗非無干 ,極柔軟色白如霜 佛手柔軟似之,亦三十二相之

#### 巳三 正與結破

竟

外

大佛

# 是故應知,汝言覺了能知之心,住在身外,無有是處 0

是身心相知之故,應知彼此不相離,則知汝言覺了此能知之心,住在身外,無

有是處。二執心在外竟。

聖 執心潛眼根 分二 辰初 阿難以瑠璃合眼為喻 佛以法喻不齊為破

#### 今初

# 阿難白佛言:世尊!如佛所言,不見內故,不居身內,身心相知,

## 不相離故,不在身外,我今思惟:知在一處 0

心 外 不居身內 皆不相應,真心不落思惟,妄心本無處所 此破執心在外之言。前二既皆被破,我今思惟,知在一處。此二句,與真妄二 此轉計心潛眼根 此 \破執心在內之言;身心相知, 0 如佛所言:引上二科,佛所破之言,不見內之心肝脾胃故 眼見佛手心即分別,不相離故 。今思惟知在 一處者 ,即揀前 ,不在身 內外

# 佛言:處今何在?阿難言:此了知心,既不知內,而能見外 如我

另計

處也

### 思忖,潛伏根裏。

前二之過 首句 '佛徵所在之處 , 遂計 潛伏眼根裏 。阿難以既不知內,而能見外,就此事實,思惟忖度,欲脫 面 0 潛者藏也 , 如魚潛於淵;伏者處也, 如鳥伏於巢

根裏即眼根之內 ,不見內者 因根相 隔 故 ;能見外者 有 竅 可 通故

#### 猶 如有人:取瑠璃椀 **,合其兩眼** ,雖有物 合 • 而不留礙 彼根隨

### 見,隨即分別。

不留礙於心,故曰:彼根(ёё)隨見外物,而心隨即分別 物 以能合之瑠璃椀 (斑瑚) 合眼 此阿難恐復招 , 而 , 喻 眼鏡竟不留礙於眼 難破 聪 根 , 故設喻證明 所合之眼根喻 ,心潛眼根之內 0 瑠璃此云青色寶 心 ٥ 猶如 有人 , 如 , , 取眼 眼 其質明徹 在眼鏡之內 **\GG** , 椀即 兩 眼 而 眼 , 雖 鏡 眼 然有 根 亦 此

# 然我覺了能知之心,不見內者,為在根故;分明矚(セ゚ス)外, 無障礙

### 者,潛根內故。

此 阿 難 法合 以脫前二,昧內知外之過 0 覺了能知, 重舉前心, 此心不見內之

大佛

頂

如如

境 心 而 肝 無障礙者 ` 脾 ` 胃者 ; 因 , 為 此心潛在根 在根中,不 內 在身 , 而 內之故 根 如瑠璃椀 , 此 脫 ,不相妨礙之故 昧 內之過;而能 , 此 分明 脫 瞻 知 外之 視 外

被 如 來 , 語 便破 0 初 阿 難 以瑠璃合眼為 喻竟

過

0

任

從

呵

難

, 自

1恃小慧

,

善喻善合

,

由

一不務真

修

,

皆非自性

中流·

出

真知

真

後

辰二 如來以法喻不齊為破分三 巳初 正辨不齊 雙開 兩破 正為結破

#### 今初

璃

0

佛告阿 眼 • 當 見山 難 : ·如汝所 河 見 瑠璃否 潛根內者 ?如是世尊 • 猶如瑠璃 ,是人當以瑠璃籠 0 **彼人當以瑠璃籠** 眼 , 實

之時 眼 此 遠見山河時 如 , 來將欲 還 如來依喻問定,故云如汝所言 近 見 施破 瑠 ,實亦近見瑠璃 璃否? , 先為問定。彼人當用瑠璃籠眼 此 故意 問定 0 呞 ,心潛根內, 難據事直答 如瑠璃籠眼之喻 ;如是世尊 瑠璃 固不礙 流 眼 根 , 是人當以瑠 0 , 當遠 法 喻 本不相 見 璃籠 Ш

河

### 佛 告阿難:汝心若同瑠璃合者 ,當見山河,何不見眼?

時 同 .评 此 璃 正 0 難法喻不齊。 見眼 喻 中 瑠 0 既 璃籠眼 不 見眼 謂汝心潛伏眼根之裏,若同瑠璃合者,則是汝心同眼,汝 ,當見山河之時 , 則法 喻 不齊 , , 眼 而 所計潛根者 見瑠璃 ; 法 中 , 不極 眼根籠心 成 矣 0 , 當 初 見 正 辨 Щ 河之 齊 眼

#### 巳二 雙開兩破

竟

#### 見眼者 眼即同境 ,不得成隨;若不能見,云何說言 此了 知

# 心,潛在根內,如瑠璃合?

不極 同瑠 見 上吾竿。 此雙開 成 璃 隨 訵 矣 籠 若見 眼 分別 0 能見眼 故 呵 難費盡心機 : Щ , 責日 |河時, 此能見眼不極成矣 ,不見眼 : 云何 能見眼者 , 設立 說 兩途 言 , 「,則眼 喻 俱落非量 此 。若見山 了 知心 以 即 期避免斥破 同所對之境,非能對之根,則 河時 , 潛在 正所謂 ,不能見眼者 根 , 內 : ·平剖玉 奈被如來 , 如瑠 環施 璃合?此 , 則心非潛根 能見眼 選餌 不 , 不見眼 不 見眼 任 渠 得成隨 以不 左右 又

問,則兩頭俱墮矣!二雙開兩破竟。

巳三 正與結破

# 是故應知:汝言覺了能知之心,潛伏根裏,如瑠璃合,無有是處

是能見眼不見眼兩俱負墮之故,應知汝言 , 覺了能知之心,潛伏根裏 , 如 同

璃合眼者,無有是處矣!三執心潛根內竟。

卯四 執心分明暗 分二 辰初 阿難以見明暗分內外 二 如來以不成見內為破

#### 今 初

# 阿難白佛言:世尊!我今又作如是思惟:是眾生身,腑臟在中, 竅

# 穴居外,有藏則喑,有竅則明。

底還是在內 故 。白佛言世尊,我今又作如是思惟:在外身心相知固錯,潛根不能見眼亦非 此文雖雙計內外,確論仍欲曲成,最初所執在內,以明不知內,而能見外之 0 然心在身內, 何以不能見內?因是眾生之身 7,腑臟: 在中 有 藏 削暗 到

;如何反見於外?因是眾生之身,竅穴居外,有竅則明故。是眾生身三字,雙貫

故

下 兩 旬 0 腑 臟 者 , 腑 同府 , 即六府也;臟同藏 , 即五藏· 也。 素問曰: 其傳化物而

藏者,曰府;能藏精氣而不洩者,曰藏。

過 有 故曰在中。竅穴即七竅 臟 為 者 / 脾之府 藏 有竅 則 ;腎為精藏 《白虎通》云: 必 湏明 暗 膀胱 , 竅者通達義 可 ;心為神藏 為腎之府 '脫前知: 五臟 (ニ、ロー・為セ) 孔穴・皆面上所具・故曰居(眼二、耳二、鼻) 外之過 ;三焦為命之府 , , 即肝 ;肝為魂藏;肺 有竅則必明 、 心 故下舉事 ` 肺 0 ` ;膽為肝之府;大小 阿 以證 腎 為 難 魄藏 、脾;六腑者 思惟 ;脾為 , 此 有藏 志藏 ,即五臟之宮府也 則 湯腸為 0 暗 外 腑 , 臟皆身內之物 心 0 可 藏者包藏 府 脫 ` 前 肺 昧 府 內之 義 , 0 五. 胃

#### 我對 佛 • 開眼見明 ,名為見外;閉眼見暗 • 名為 見內 • 是義

何?

義 暗 云何? 名 此 ?自釋竅明藏暗 為 見內 觀 阿 難此處語 0 此還 同 0 以對佛開眼,竅有故見明 第 氣 番 與前第二番云: 在內之執 , 因 我聞 被 破 ,名為見外 如來 , 未 **小**敢自決 , 如是法音 , 有時閉眼 , 故請決於 悟知 , 有藏 我心 佛 日 故 : 實 是 見

居身外,是義必明 , 將 無所惑,同佛了義。」 兩相比較,其勇氣又相去幾何?初阿

難以見明暗分內外竟。

辰二 如來以不成見內為破分三 巳初 破所見非內 破能見非實 Ξ 正與

#### 結破 今初

#### 佛告阿難 **:汝當閉眼見暗之時** 此暗境界, 為與眼對?為不對眼 ?

因阿難所執 ,還同在內,故佛獨約見暗破。 此就所計, 雙開對眼不對眼,下分

破兩途皆非。

# 若與眼對,暗在眼前,何成在內?

此 破破 閉 眼 見暗 , 名為見內 0 見暗之時 , 此暗境界 若與眼對 , 則暗在眼前 相

對於眼,何成在內,名為見內耶?

#### 若成內者 • 居暗室中, 無日、月、 燈, 此室暗中, 皆汝焦腑?

暗中境界 若執 眼 前之暗 都成在內,皆汝之焦腑 , 成為見內者 則居暗室中 ,豈有是理耶?焦是三焦 , 無有  $\exists$ 、 月 , 上焦在胃上 燈 , 三種光明 中焦在 此室

胃臍之間,下焦在臍下,三焦為命府,乃六府之一 ,故曰焦腑

## 若不對者,云何成見?

以成見?凡見必定根境相對 此防轉計 ,對既被破, 遂計不對, 此為世間共許 故並破云:若所見之暗,不與眼對 0 初破所見非內竟 ,云何

口

#### 匕二 破能見非實

# 若 離外見,內對所成,合眼見暗,名為身中;開眼見明,何不見

#### 值?

返觀 身中所成之見。下二句釋此一句,合眼見暗 前暗室為焦腑 此恐阿難救云:我開眼見明 開眼亦當返觀,見是一 0 故先按定,設若汝之見暗 個, ,乃直視對外 開合理當一 , 是離直 ,名為返觀身中。則難之曰 致, 我閉眼見暗 則開眼見明之時,何不返見自己 視 ,對外之見,乃是返觀 ,乃返觀 對內 :合眼既能 ,不取眼 內 對

#### 若 不見面 內對不成;見面若成, 此了知心, 及與眼根 • 乃在虚

之面?

大佛

### 空,何成在內?

能反見身中 此 躡 上,雙破見面不見面。若開眼見明,不能反見自面,可證閉眼見暗,亦不 , 則內對之義不成矣。下縱云:開眼見明,反見自面若成 , 此了 知心

及與眼根 , 乃在虚空,反見汝面 ,竟成心眼在空之過, 何成在內耶 ?

### 若在虛空 • 自非汝體,即應如來,今見汝面,亦是汝身?

意 汝若定執離體之見,不妨仍是汝體,下接云:即應如來 心眼若在虚空,反見汝面,已離於汝,自非汝之自體。此兩句下, , 今離汝體 應補足其 , 而 見汝

### 汝眼已知,身合非覺。

面

難道亦是汝身耶?如是則

有認他成己過

如若執如來之見,亦是汝身,則汝眼已知,汝身合當非覺,如是則有身成不覺

#### **過** 。

#### 必汝執言 :身眼兩覺 0 應有二知 ,即汝一身 • 應成兩佛?

此恐更轉救 眼雖在空 ,何妨身眼兩覺,故破云必汝執言 ,身眼兩皆有覺 則

汝一人,應有二個知覺。人身知覺 ,即是佛性,既有二知,即汝一身,應成兩佛

豈有是理耶?二破能見非實竟

#### 巳三 正與結破

## 是故應知:汝言見暗,名見內者,無有是處 0

是必不能見內之故,則應知汝言,閉眼見暗,名見內者,無有是處。四執心分

明暗竟。

阿難言 卯五 : 執心則隨有 分二 我嘗聞佛 • 開示四眾;由心生故 辰初 阿難計心隨合隨有 , **種種法生:由法生故** 二 如來破其無體無定

#### 種種心生。

無, 教 而起;後二句,法生心生,明心不自生 由 以為把柄 此計心在隨合之處。阿難既已四處被破,未敢再逞己見,故下三處,皆引昔 l心故有 ,無奈多聞人,率皆聞言昧義,殊不知昔說,心法互生者 , 心亦本無, 因法故有 0 所以前二句 , 由法而現 ,心生法生,明法不自生 ,正顯心本不生 ,法無自性,二 ,以諸法本 亍 從心

俱無體,乃心法皆空之旨也。

灌頂》云: 此 四句 通大小乘,故佛常說 「由內心而攀緣外境 ,阿難常聞,而小教指六識為心,六塵為法 , 境隨心起, 故曰心生法生;由外境 而激發內

心,心逐境現,故曰法生心生。」

覺心相續 見分,使能見故,妄現境界相分:此則法隨心生也。復由境界為緣故,起智分別 反證緣心有體有處,在彼心法偶合之處, 大乘指第八識為心,根身器界種子為法 ,執取計名,生後七轉識:此則心隨法生也。 可謂迷之甚矣!」 ,由業識動故,轉本有智光, 《正脈》云:「今阿難失旨 為能見之

#### 我今思惟 • 即思惟體 • 實我心性?隨所合處 ,心則隨有 • 亦非內

#### 外、中間三處。

轉 乃非真實心性 隨所合處 此指體標處 ,心則隨有者:隨所合何法 0 正下文所謂 以思惟體,認作真實心性,並不知思惟,即緣塵分別之妄想心 :由汝無始至於今生 ,心則隨何法而有 ,認賊為子 為心在之處 失汝元常 , 故受輪 ,亦非

合 內 內 ;第二番實居身外;第三番潛在根中。今非此三處, 外 法在外,而心亦應在外, 、中間三處 0 此句 '要總脫前過,第一番十生同計在內;第四番見暗名為見 何得謂非三處耶?初阿難計心隨合隨有竟 當可總脫前過 ,豈知心與法

辰二 如來破其無體無定分三 巳初 約無體破 約有體破 正與結破

今初

#### 佛告 者 0 是心無體 阿 **難:汝今說言,由法生故,種種心生,隨所合處** ,則無所合;若無有體 ,而能合者,則十九界 ,心隨有 因七

### 塵合,是義不然?

根 說隨合隨有 無體之十九界 塵 前 阿 識三, 難 所引昔教,心法互生四句 , 故佛亦但牒後二句;既法生心生,是心本無體矣 必各有體 , 六塵 外 ,三六合成十八界,若無體而能合者 , 另有 無體之七塵 , 其意 但取 , 與他相合 後二句, 以前二句,心先有 , 豈有是理耶?故曰 , ,無體則 則十八 界外 無所合。且 , 不可 另有 是

義不然。

初約無體破竟

#### 約有體破

#### 外入?若復內出 有體者 ,如汝以手,自挃 ,還見身中;若從外來 (也) 其體,汝所知心,為復內出?為從 ,先合見面 0

從來矣 中 汝所以能 心 腑 此下約 臟 是有體者 ;若從外來 既無從來之相 知心,為復從內而出?為復從外而入?若從內出,是心在內,還應先見身 無從來 , 此指心之體; , ,是心在外 以破隨合。 ,豈能隨合耶 , 汝且以手 因前 現要入身 破 無體 ,自挃其體 , 先合親見汝面 , 恐其 轉計有體 , 此指 ,今二俱不見 身之體 , 故 览復破云 0 挃者揑 , ·若汝所. 則是 也,試看 無所 知

#### 阿難言 :見是其眼 ,心知非眼 • 為 見非 義 0

!

見 見 明 更反劣於認識為心耳!一、眼有壞故:少著灰沙 故 方 大 聞 曰 稱 內出 為 日 見 見 非 ,還見身中,外來先合見面 0 故言見是其眼 義 ٥ 不 知 眼 不 -能見 ,見是眼家之功能 7,因心 , 阿 有見 難以心能覺了,但名為知 , 觀 , 心 佛 喻 但 即不能見 能 破 便 知 而非眼 知 0 此 不若識心 呵 , 不 難 眼 認 可 責 肉 有照 卒難 眼 心令 為

破 《壞也;二、眼有礙故:但隔一紙,即不能見,不若識心,馳思千里也;三、眼有

限:明前昧後,三分闕一,不若識心徧緣一切也

# :若眼能見,汝在室中,門能見不?則諸已死,尚有眼存, 應

皆見物,若見物者,云何名死?

見,又不好喚死人而問,見與不見,故曰若見物者,云何名為死人? 見乎?」則諸已死下, 見 心 義 (蘚 ) 世間已死之人,識已離體,尚有眼根存在,應皆見物?下二句恐阿難謬辯能 , 非人而門豈能見乎?法中眼雖通見,須有具眼之心,而後能見,非心而 以門喻眼,以室喻身。《正脈》云:「喻中門雖通見,必有門內之人 佛言若有眼即能見,汝在室中,門能見不?此佛用喻,顯見唯心。以阿難喻 知見本來,皆屬於心,阿難妄分見屬眼,知屬心,反謂如來,責心令見為非 驗明眼不能見,若眼能見 ,眼在皆當有見, 故難曰 , 而 一:則諸 鼠眼豈能 後有

# 阿難!又汝覺了能知之心,若必有體,為復一體?為有多體?今在

# 汝身,為復徧體,為不徧體?

大佛

此下約無定體 ,以破隨有。 先開一、多、**徧**、 不偏四相 0 文中共有五個體字

者 前三 , |個是心之體,後兩個是身之體,先要認清楚。| 四支各有心體 ,此約數徵;徧體者, 一心偏滿四支之體 體者,四支共一 , 不偏者 , 局 心體 在 多體 處身

體 此約量徵 必有 數量 ,方成有體之宗 ,下逐一 分破

#### 若 體者 • 則汝以手挃 支時 四支應覺 • 若咸覺者 • **挃應無在**

# 若挃有所,則汝一體,自不能成。

謬答咸覺 此約 , 體破 先辨云:若咸覺者 。若四支共一心體者 , 挃應當無有 , 則汝以手挃一支時 定所在 0 下申正破 , 四支應皆咸覺 , 若挃有所者 0 恐阿 但 難

覺一支有挃,則汝一體之義,自不能成。

# 若多體者,則成多人,何體為汝?

此 約 多體破。一人一 體 , 世間共許 , 若多體者 , 則成多人, 何體為汝阿難之

#### 體 ?

#### 若偏體者 同前所挃;若不偏者 • 當汝觸頭, 亦觸其足 • 頭有所

## 覺,足應無知,今汝不然。

被觸 心在足不在頭,頭應不覺,如是可云不徧,今汝不然。二約有體破竟。 其義相似 ,若頭有所覺 此約徧體,不徧體破,此徧體,是一心徧滿四支之體,與前四支,共一心體 ,故曰同前所挃;若不徧者,謂一心不徧於四支也。若是,則汝頭足同時 ,則心在頭不在足,足應無知。文中影略兩句,若足有所知 , 則

#### 巳三 正與結破

# 是故應知,隨所合處,心則隨有,無有是處。

是無從來,無定體之故 ,應知汝言,隨所合處,既無從來,那能隨合?又心則

隨有,既無定體 ,那能隨有?故曰無有是處。五執心則隨有竟

卯六 執心在中間 兔二 辰初 阿難執心在根塵之中 二 如來以兼二 不兼為破 巳初 引教泛計中間 二 如來確定中相 三 阿難別出己見 今初

阿難白佛言:世尊!我亦聞佛,與文殊等,諸法王子,談實相時

# 世尊亦言:心不在內,亦不在外。

大佛

頂如來密因修證了義諸菩薩萬行首楞嚴經講義第二卷

空不 之實相 光不 外 清 相 切寶 淨 相 為 外 在 有三: 佛 無不 淨 本 外 0 又真心圓滿周徧 然 皌 真子 本 礙 法 此 當 此 王 妙 正 然 相之實 , , |顯真心 應 有 即隨緣顯現一 子 機泛計 無不相之實相也;正當雨寶珠時 用 塵 故 離 ` , 名法王 相 自 妙有 曰 是菩薩之別 不 染 無相 也 在 無相之實相 ,心在中間 切 不礙 桘 0 , 0 亨 佛 遠 如 , 猶如虛空 既 摩尼寶 真空, 切妙色 與文殊等 離 此 0 無相 談 稱 即第 切 ,引教為證 實 : , 即無一 則無在 佛為 桘 若言其有 珠 , 相 並非完全無相也;三、 時 , ,諸法王子所談實 , 種 無在無所不在 此 此 法王 : 無相之實 云如意 切虚妄之相 實相者真實之相 無 , 乃說無相之實相,故云:心不在內 相之實相 ,全然不達佛之說意 , , 則 於法自在 , 其體本 寶珠 絕 相 相 也 ,豈可說在內在外耶 也 離 , , , 並非 相 空 能 名 , 既 其用 菩薩 , 如 也 , , 無 雖 本體亦. 不 日 人意 本 , 相 然體空 能宏揚 在 能隨 無相 無 即吾人本有真心之名 則 內 0 , 無在 人意 出 物 無也;二、 佛說心不 無不相之實相 不 生 |;若言 佛 , 出 , 在 化 , 故 切寶 妚 生 自 , 不 在內 無盡 其 承 珠 , 在內不在 乃談 日 中 無 紹 ,亦不在 其 無不 一,亦不 出 佛 , 此 (體清 即 位 真心 生 則 , 實 真 柏 無 靈

#### 相知 如 我思惟: ,在外非義;今相知故,復內無見,當在中間 内無所見,外(\*\*)不相知;內無知故,在內不成;身心 0

明言 在外非 不相 故曰 見 故檢去前之內外而不用 必改 又 字 心 、肝 耳 如 知 此當機人 內無知 在 義 0 也據 。不字上旁補一非字,其義則不反矣。長水法師謂:「外不相知,不字應是 初引教泛計中間竟 其理 脾 者 中間者 我思惟 : 、 胃、 重 故 極是 ,引佛圓頓大教,不解真理,反用緣慮之心, 車計外 ,在內不成者 此躡上內外不成之義,泛言中間 爪生 ,與下身心相知可合 , 而 內無所 ` , , 髮長 眼見佛手,心即 擬同佛所言,心不在外,亦不在內。今相知故 [:重申; 見 ,故曰無所見;次計外眼見佛手 , 外非不 計 内 ,今解但於不字上旁補一非字 有知 柏 ,不能知 知 , 0 不相離: 此 内 呵 ,阿難意取根塵兩楹 難自 , 所 故 以在 知前 0 計 思惟忖度,附會己意 內不成 :心在外 ,心即分別 失 , 初計 , , 身心 中間 於原文即不 亦 內 , 復 非 ,故曰非 , 其 相 而 但未 內 義 知 不見

無

### 如來確定中相

### 佛言 1:汝言中間,中必不迷,非無所在?今汝推中 • 中何為在?為

### 復在處!為當在身!

於外境之處?為當在於內根之身?此雖雙問,身下即雙示不成中相 相 上阿難泛言中間, 定不迷,迷則不言,既言非無所在,今汝推度(※)中相 此 如來確定中相。故語阿難言:汝先言當在中間 :,畢竟! 何在? ,中間之 ·為復在

# 在身者,在邊非中,在中同內;若在處者,為有所表?為無所

# 表?無表同無,表則無定。

中,若有表,則亦無有一定中相。表是設立標竿, 外境之處,外處既寬,欲立 身有 计 邊 ,邊即左右前後 中
相 , 如 , 故問為有表耶 在邊則屬非中 , , 以表顯也。 為無表耶?若無所表 在中則為同 内 應見 內矣 , 則同 處即 於無

# 何以故?如人以表,表為中時,東看則西 ,南觀成北,表體既混

#### 心應雜亂。

此徵釋無定。 首句徵云:何以故無定?下文釋云:如人以能表之物 表顯此

北 處 , 內 為 :影略二句 中位 時, , 即此所表,本屬無定,在東看時,則表在西,在南觀時,則表成 西看則東 ,北觀成南,可以意會也。表體既混者,即能表之體

既四方混淆不定,汝心在中間 ,亦應不定,而雜亂矣。二如來確定中 柏竟

### 阿難別出己見

#### 阿 難言:我所說中, 非此二種 如世尊言:眼色為緣 ,生於眼識

# 眼有分別,色塵無知,識生其中,則為心在。

言 眼色為緣 阿難言 : 我所說當 ,生於眼識 在中間者 0 此引佛相宗 , 異佛 ,隨順 現前所說 世間所說 ,非此身處二種 0 若根 (型) 不壞 , 乃同 , · 境 界 佛昔 (所緣之 日所

緣生識之) 現前 ,根境和合,識乃得生故。 作意正起方能生識 蓋眼能發識 是增上緣,色能牽心,為所緣緣

0

緣具方生 大乘「 ; 眼識九緣生」 耳識唯從八」 ,謂:空、明 ,除明緣;「鼻、舌、身三七」,除空明二 ` 根 境 、作意、分別、染淨 、種子 緣 後三、 根本

五. 、三、四 意識 五緣 ,除空明根分別;末那三緣,只有作意、種子、 根本;阿

大佛

頂

如來密因修證了義諸菩薩萬行首楞嚴經講義第二卷

頂 首楞嚴經講義

賴耶四緣,但具境、作意、染淨、種子,此大乘生識,具緣多寡之分也。

境 內外各有定相 眼 :有分別下四句,乃阿難謬斷,其意以眼有分別 ,識生於眼色之中, 歷然不混,故曰:則為心在;乃在根塵中間 ,屬內身,色塵無知,屬外

也

鏡 別 中 識乃有別,縱指根性,但如鏡照像,亦無分別。如下文云:「其目周視 此處謂阿難謬斷者何也?眼本無分別,以浮塵、勝義二根 無別分析 ,汝識於中,次第標指。」今云眼有分別,是根識不分之謬 ,俱屬色法 ,無有分 ;但如

謬 中間 ,此亦多聞人,循名昧義之故。初阿難執心在塵根之中竟。 又如來前徵云:唯心與目 ,當然還是意識。 現在所云:眼色為緣 ,今何所在?阿難所計 ,識生其中,此屬眼識 ,五處皆非 此第六處 , 是問答相乖之 轉計

辰二 如來以兼二 不兼為破分三 巳初 雙開兩途 二 兩途俱非 正與結破

#### 今初

# 佛言 1:汝心若在根塵之中,此之心體,為復兼二?為不兼二?

此 【雙開兼與不兼兩途,兼是連帶義。佛言汝心若在根塵二者中間 ,則此之心

體 ,為復兼帶根塵二者?為不兼帶根塵二者?初雙開兩途竟

### 巳二 兩途俱非

#### 兼二者 • 物 體雜亂 ,物非體 知 ,成敵兩立 ,云何為中?兼二不

# 成,非知不知,即無體性,中何為相?

則根 之二角;汝心若兼二者,一半屬有知,一半屬無知,墮在二邊,云何為中? 物 者 , 非是有知,根之自體 則 屬 此處當作二釋,先就阿難謬解釋,次順大乘正理釋。先就阿難,以眼有分別 色塵無知之物 有知之體 ,色塵無知 , 與眼根有知之體 ,乃是有知 , 則塵屬無知之物。若兼二者,謂汝心若兼帶根 , 則知與非知 , 夾雜混亂矣!下二句釋雜亂 成為敵對 , 兩相各立 義 , 以 , (塵之外 如蝸牛 塵二

同根之有知 兼二不成 , 又非同塵之不知;離此根塵二者,即無識之體性,汝說心在中 ,即緊接上文,兼二既已不成,即應不兼二。若不兼二,則汝心既非 蕳 何

大佛頂如來密因修證了義諸菩薩萬行首楞嚴經講義第二卷

以為

相?

無知 識 而 者 生 , 若 次 , 順 既 非 兼 即無識之體性 大乘 不 同 二者 成立 識體 正 , 則所 |理,根亦色法 有 即 知 兼根 應 , 可得 不兼根 知 與 0 塵 無知 汝言識生其中, 三物 塵 , 三者 四大所成故, , 成 與能 敵 ,若不兼二, 兩立 兼識體 ,云何 既無體性 實無 , 夾雜 **公別。** 既非 為 中? , 混 有知之識 則中何為相?二兩途俱非 則根 **亂矣** 兼二不成 何 ` 塵皆屬 , 雙 , 以 兼 承 故 Ĺ 物 不 ?塵根 ·知之根 雙兼 , 體即治 二物 根 指 塵 塵

巳三 正與結破

竟

# 是故應知,當在中間,無有是處。

是兼 二不兼 ;心相 **不可** 得故 , 應知當 在 中間 , 亦 `無是處矣。 六執心在 中間

卯七 執心乃無著 分二 辰初 阿難以不著一切為心 二 如來以心相有無為破

阿

難白佛言

|:世尊!我昔見佛

**,與大目連** 

•

須菩提、富樓那

、舍利

外 弗 四 • 不在中間 弟 子 • 共轉法輪 俱無所在 • • 常 Ħ 切無著 • 覺 知分別心性 ,名之為心 • 0 既不在 則我無著 内 • 亦不在 , 名 為

1 4 4

#### 心不?

生滅 轉法輪 成 在 義 與四大弟子,共轉法輪,常言此心,不在內、外、中間者,正明大乘無相實相之 知分別心性:即六識妄心,圓覺呼為六塵緣影 見佛,與四大弟子 0 不敢自決 當機以六處計有,悉皆被破,至此乃計無著,復引昔教,附會己意。曰:我昔 所謂「三際求心心不有,心不有處妄緣空,妄緣空處即菩提 ,原無實體,雖然至此,迫成無處,尚認有體,但不著一切而已。觀佛下文破 阿難聞言昧義 者 :領受佛敕 ,又曰:則我無著,名為心否?實因阿難不了, ,學在師後曰弟,智從師生曰子,稱以大者,為眾中上首故 ,己意推度釋成,謂俱無所在 , 從佛轉輪 ,故置共言。 佛法能推輾無明煩惱 ,此經斥為虛妄相想,全無實體 ·, 切無著 覺知分別心性 ,名之為心 ,無相光中常自 , 故 以輪 雖 喻 隨境 三釋 0 佛 共 覺

辰二 如來以心相有無為破分三 巳初 雙徵有無 雙示不成 Ξ 正與結破

#### 今初

意自明

初阿難以不著一切為心竟

佛告阿難:汝言覺知,分別心性,俱無在者,世間虛空,水、陸、

# 飛行,諸所物象,名為一切,汝不著者,為在為無?

耶?為汝之心,離一切物象,本無心之所在,名不著一切耶?初雙徵有無竟 名為一切。汝言不著者:為汝之心,離諸一 知世間虛空,是依報;水陸飛行是正報,依、正二報,品類差殊 此佛欲破其計,先牒其語,謂汝言覺知分別心性,俱無所在,一切無著者:當 切物象,別有心之所在,但不去著一切 ,是諸 所有物象

#### 巳二 雙示不成

# 無則同於龜毛、兔角,云何不著?

同於龜毛兔角,但有其名,本來無體,云何還要說個不著? 此對上為無二字說。如汝心離一切物象之外,本無所在 ,即並心相亦無,無則

# 有不著者,不可名無;無相則無,非無則相,相有則在,云何無

#### 著?

此 (對上為在二字說。如汝心離一切物象之外,別有所在,但不著一 切者

如若非 切無著耶?二雙示不成竟 可名無著。下四句釋上二句,果然無相,則同於龜毛兔角之本無,何必再說不著? 無 則當成有相,相既是有 ,則定有所在,在何處,即著何處,云何得說

#### 巳三 正與結破

#### 是故應知,一 切無著,名覺知心 無有是處 0

無。 以為心者,杳無住處可根究矣!」此七番中,確定成處者唯四處而已。謂 云:「七處皆非,則妄情已盡,而世人計心之住處者,不出於此,至此則平日所恃 妄識 唯心與目 七番 外 又一 是雙示不成無著之義故,應知汝言,一切無著,名覺知心,無有是處矣。以上 、三根裏 ,皆破妄識無處,並非七處徵心,若論徵心,祗有一次 先破所依之處,如討賊者,先搗其巢穴, 引眾同計,二、三、四己意推度(※) ,今何所在?」由是阿難執心在內在外,乃至無著 ` 及六根塵之中是也。 以第四還在內,第五乃無定處 ,後三引教謬釋,不可不辨也。 則賊無所依, 。佛云:「吾今問汝 , 易於討伐也。 七處咸非 ,第七並 0 : 是佛欲破 《正脈》 初破 處亦 內

大佛

妄識無處竟

爾 時阿 <u> </u> 難 斥妄識非心 • 在 大眾中 分二 • 寅初 即 從座起 阿難責躬請教 ,偏 祖右肩 二 如來顯發非心 • 右膝著地, 今初 合掌恭

敬

•

而白佛言

恭敬者 著地者 破無處 右 體 肩 , 但 阳 自 .難 袒露 ,是欲其了悟,無體非心矣。今依舊求佛說處,足見仍然認識為心,認識有 : 所計七處,皆已被破 嚴肅 以右 恨未知其處 肉 「膝有力, 也 三日恭 , 我國 , , 尊重曰敬, 故自責 跪能久安 以袒 肉 **|**為慢 , 而請益耳 至此乃欲捨妄處,而求示真處,還是未達佛意 ,又復易起;合掌 屬意業虔誠;而白佛言 , 印度以袒肉 0 即從座起 為 : 敬 :以聽法在座 乃合十指爪 , 故偏 ,是仰白於佛 袓 , 但 , 上屬· , 請益 袒 露 故起 右肩 身業虔 屬口業虔 偏 誠 右 佛 膝 袓

我 未得無漏 是如 來最小之弟 ,不能折伏 • ,娑毗羅咒 蒙佛慈 愛 **,為彼所轉** 雖今出家 • ,溺於淫舍 猶恃僑 憐 • 所以多聞 •

誠

此文是結集家,

叙儀

而置

漏 0 須證 阿 難是四王八子中,年齡最小,故曰我是如來最小之弟 · 家 四 1果羅漢 猶恃 |憍憐 , 無欲漏 ,心中恃佛憍愛憐惜,所以徒事多聞 、有漏 ` 無明漏 方稱 無漏 0 呞 |難初果 ,不勤定力,故未得無 。蒙佛慈悲愛念 , 未得 無漏 , 雖 定 然

力不足 故 不能拆伏娑毗羅咒 , 被邪咒所轉 , 溺於淫舍

# 當由不知,真際所詣!

七處被 文,斥其非心, 不能降伏 體 0 計 真際者,真如實際之理地,即真心之異名。亦即本經之如來藏,為首楞嚴之定 即在也 破 邪咒者 , 此 【時尚欲求處 0 推其無體,令得捨妄求真也 阿難所舉真際之名似同 ,當由不 ,所詣 ·知此心所在也。 , 即所在之處,但以己不知 ,未悟所執之心非是 阿難還是認識為心 , , , 故仍呼 求佛示其處耳 錯誤非小, 為真際 故 意以 佛下 雖 前

#### 惟 願世尊, 大慈哀愍 ,開示我等,奢摩他路,令諸闡提 • 隳彌戾

#### 車。

此 求 `佛別說真處。 以不知心處,大定無路可修 故願佛發大慈心,哀憐愍念我

大佛

奢摩 等 所依之體,即是本覺理體,天然本定,不生滅 ,久處迷途 他微密觀照 ),開示我等,奢摩他路。 0 觀照即是始覺智用 , 奢摩他即所請三名中之第一名,為首楞嚴定 依正因佛性 、不動搖,而能開解照了此體 , 而 起了因佛性 , 乃即定之慧 ,是為

也

路

即修證之道路

,未悟真如實際

,

則此路不通

開奢摩他路也 心 已是開奢摩他路 破妄識無體 阿 ]難欲知心處 , ,以所執之心非真,奢摩他路,竟被此心壅塞矣。佛下破妄識非 即撤去奢摩他路之障礙;而指見顯心,會事歸理 ,正擬進修佛定,故急急求開奢摩他路,而不知前之徵心破處 , 會相歸性

佛法 路 可令我等,得成定力,而能降魔制外, 即斷善根眾生 未 小成定力 即邊邪 闡提 ;不正知見也。 一。隳者毁也,壤也;彌戾車,此云樂垢穢,亦云惡知見。此等全不信 , 故被邪咒所攝 **隳彌戾車** 阿難求示真際 《涅槃經》 ,溺於婬舍 · 云 : 即彼魔外闡提聞之,亦將破惡生善 ;若如來即為我等 ,求開奢摩他路 闡提」 ,云信不具, 其意中, , 開示奢摩 或云焚燒善 以從前不知此 他路 故曰令 不僅

諸信不具之眾生,亦得毀滅惡知見,而得正知正見也

# 作是語已,五體投地。及諸大眾,傾渴翹佇,欽聞示誨 0

誠懇之至。 此亦結集家敘儀 及諸大眾 0 五體者,首及兩手兩足,敘其不獨稽首 傾心渴望 , 翹誠佇待 , 如渴思飲 ,如鳥待哺 , 而竟五體投地 0 欽 ` 敬 道 敬 表

聞開示教誨 0 初阿難自責請教竟

如來顯發非心分三 卯初 光表破顯諸相 發明真妄二 本 Ξ 正斥妄

識非心 今初

#### 爾時世尊 , 從其面門,放種種光 ,其光晃曜, 如百千日 1

以七計 門 破六種攀緣妄識 故佛從面門放光,以施無言之教,令得觸境會心。面門,為五根都聚之處 亦終 此 |咸非 佛 放光 日放光 如來發明便解脫 ,以表破妄顯真諸相 ,顯六根現量真性, , 無奈迷而不識!阿難迷晦即無明 , 終日背塵合覺 0 故先從面門放光,以表顯也 良以破妄 ,實為顯真,以妄不破 , 融妄即真 終日背覺合塵 , 所以六根皆是 , 認物 , 而 為己 真不顯 、眾生面 0 此正欲

其光晃曜 ,如百千日者:其字,指面門諸根,光從此放,乃顯示本覺妙理 ; 始

覺 妙智 不離根 中;其光晃曜:光明極盛貌 ,喻如百千日光 ,一日在空,光照. 無

遺 , 況百 千日耶 ;以表自性光明 ,輝天鑑地。 此光非佛獨有 , 切眾生皆有 迷之

似失 地 諸 悟之顯 人未證據者,看!看!」 露 0 臨濟義玄禪師云:「 ,臨濟可謂深得如來面門放光的旨也。 有一 無位真人 , 在汝諸 人六根門頭

,

放光動

## **普佛世界,六種震動,如是十方微塵國土,一** 時開現 0

普佛世界 :即普徧 十方 ,諸佛世界 。六種震動: 動 ` 起 ` 涌 此三屬形 ; 震

未破 吼 擊 緣 , 此三 塵自 一屬聲 蔽 ,常處暗 ,正表六處妄識將破也 瞑 , 無量智境 , 皆不能現;今表六識將破 0 微塵是空中之塵 , 以喻國土之多 , 棄生滅 守 真 六識

常 ,常光現前 ,故微塵國土, 一時開現。 此事人或懷疑,且以愛尅司光鏡比之, 雖

# 佛之威神,令諸世界,合成一界。

隔衣服

皮膚身中,五臟六腑

,無不悉見

,何疑之有?

為有妄識 ,執我執法,分自分他,一 切世界,悉成隔越;今仗佛威神之力 破破

識 顯根 會相歸性 □,無邊剎土,自他不隔於毫端,遂融合為一矣(ポハサ)

## 其世界中,所有 一切,諸大菩薩,皆住本國,合掌承聽 0

破顯諸! 生世間 伏 光 性 , 伏 塵性 昧 諸大菩薩 相竟 歸 生 而 纏 不知,迷真執妄 元真 , 縛 切諸法 ,住持本地風光,而得全體照用,故得心聞洞開 , ,器世間不能超越,自他 發本明耀 ,皆是不 , 自 ,內為六根所局 動周 可與諸大菩薩 圓 本如 隔礙 ,外為六塵所障 來藏 , 把手共行,同一 見聞功劣。若肯捨識用根 , 妙 **資如** 性也 ,中為六識所錮 鼻孔出氣矣 编 切眾 周 沙界 生 , ; 正 0 , , 脱黏: 初 故 皆 光表 顯根 於眾 真 內 此

# 佛 :告阿難:一切眾生,從無始來,種種顛倒,業種自然 ,如惡叉

發明真妄!一本 分三

辰初

舉過出由喻顯

|| 徴釋|| 本名體

今初

#### 彩。

也 0 此 7因當機 切眾生 ,請奢摩他路 通指泛爾凡夫 , 欲詣真際 , 不知修行者 ,故示二本, ;自從無始 以指真心實際 ,根本不覺而來 此 經之要旨 迷真執

妄

背覺合塵 , 無我計我 ,非法計法,於我法種種顛倒分別 此屬 惑道 ٥ 依惑造

熏成 種子, 名為業種 ,為將來因 , 種 即因也 ,此屬業道。 自然二字, 乃依惑業

此屬苦道 因 自 |然感生 惑 一死果 業 ,乃一定之理 苦三 ,不相捨離 ,不可改移 喻 如惡叉聚 。譯人字略 西域 , 果名 自然下 灌頂云 意含定招苦果 此云線貫

,

,

珠 蒂三果 , 同聚 而生,惑業苦三道似之,故以喻 蔫

`

`

諸修行人, 不能得成無上菩提,乃至別成聲聞 、綠覺, 及成外道,

#### 諸天魔王,及魔眷屬 0

非但 皆有 小 面 憐 乘也 求佛 沄 縱令有志修行 諸修行人 能 唯 乘不生不滅 但破 得成 佛 無上 我執 無上菩提 : 別指依識心為 , 即究竟果覺之佛道也。 , , ,果遭紆曲 而證我空之理 無有是處 , 而復 故时 不能得成實教菩薩 因 , 亦 , 為 ,雖別成乎此,猶是出世小聖, 錯 :不能得成無上菩提。菩提 可 亂修習者 愍 乃至別成聲聞緣覺 0 果由 0 因 , 凡夫起惑造業輪迴生死 乃至別成聲 , 因 地 以生滅心 : 聞 乃至超略菩薩 緣覺 ,此云覺道 已斷分段生死 , , 為本 解 , 見 固是可 ),三乘 修 在 猶言 前 因

也有小益,不至墮落

之諸天 者 墮獄之苦;或修有漏戒善,及四無量心, , 能殺 報盡還 害眾生,法身慧命故。上品魔王,中品魔民,下品魔女,中下皆魔眷 來 , 散入諸趣 ;或耽著欲境 世間禪定, , 而惱害正 厭染欣淨 修者 ,與厭有取空者 謂之魔 羅 此 屬 云殺 , 謂

·誤之甚者,迷自本真,游心道外,而成外道者,生無想外道天,報盡必招

# 皆由不知二種根本,錯亂修習。猶如爇沙,欲成嘉饌, 縱經塵劫

#### 終不能得。

報盡必墮,三途苦趣

中 而 由 道得果,而乃中途或滯化城,或生天界,甚至誤入魔外,求昇反墮,其故何也?皆 證認 所名妄想,下文所謂前塵虛妄相想是也。二真心:本有而迷背 此 二種根 總 非心 出 其由 似心 本 ,錯亂修習故也。二本, 以上泛泛凡夫 , 此屬妄本 ,即本科所云 ,無知造業者 即真 : 、妄二本。不知者:一、妄心 , 無始生死根本 固 不必論矣 0 而諸修行人 。 \_\_\_ 上文普判 ,非失似失 , 本 誤認科 主本 期 此 無

猶如璃 飯 因 明體;下文所謂 指 「真本。即本科所云:「無始菩提涅槃,元清淨體。」 0 錯用 喻 沙 如 因心 璃 欲 沙 成嘉饌 , , 亦復如是 欲 ,妙精明心。錯亂修習者,由迷真認妄,以妄為真 成嘉 , 饌 此喻錯亂修習 ,縱經塵劫修之,終不能得成無上菩提也。 (好飯) 沙非飯本 , 依識心妄本 縱經塵劫 ,而不諳根性真本 上文所指,常住真心,性淨 , 璃之, 祗名熱沙 ,獨修於妄也 初舉過出由 , 識心非菩提 終 不成 喻

## 辰二 徴釋二 本名體

顯竟

#### 云何二種 ||?||阿 .難 : 者無始生死根本 0 則汝今者 • 與諸眾生 用

## 緣心,為自性者。

用攀緣 緣諸塵之境,妄起分別 從 無始 初句總徵 Ĺ 無 : 明妄動 為自性者 ,下別釋二本名體 以來, 0 浩劫輪 此指妄本體 ,妄生憎愛取捨 迴 。先釋妄本。一 , 生死之根本, , 乃無體之妄體 ,時起時滅 者無始生死根本:此出妄本名;謂 此本非他 , 攀緣心即第六意識心 塵有則有 ,就是汝現今與諸眾生 塵無則無 , 妄攀所 虚妄無

體 即 ,本非真心,亦非自性;一切眾生,皆迷認妄執,以為心性 思惟體 ,實我心性。」後云:「即能推者,我將為心。」今已分明指出,是生 ,阿難亦然。前云:

死本, 阿難後猶不覺,仍認為心,亦可悲矣!

#### | 者無始菩提 槃 ,元清淨體 0 則汝今者, 識精元明,能生諸緣

緣所遺者

o

者 以理為道也。 如金與鑛 次釋真本。二者無始菩提涅槃,元清淨體:此出真本名。真妄二本,俱稱無始 即眾生本覺 ,二俱無始 ,法身之理,不變隨緣,隨緣不變 ,不可分誰先誰後。菩提(聲音)有三:一曰真性菩提 ,乃是妙真如性 故曰 : 此

皆盡 真性 員 然後覺他,以後得智,觀機施教,廣開方便之門,故曰方便 ,所得真實之智,故曰實智。三曰方便菩提:此以透機施教為道也。 。二曰實智菩提: (異派) 亦三:一 此以智慧為道也。即眾生始覺 ,根本之智, 照徹 心源 即自覺已 無明

涅槃 真無不圓,妄無不淨,故曰圓淨 。三曰方便淨涅槃:隨緣方便,示現生滅

涅槃

曰性淨涅槃

:

自性清淨

•

塵不染,

故曰性淨

。 二 曰

|圓淨

1 5 8

故曰方便淨

槃屬理 體 合 明 是妙明之心, 元 (如 ) 清淨體。此體無他,即汝現今根中所具,圓湛不生滅之性,名為識精 死染故,即顯為性淨涅槃。此體一切眾生,本來元具,不假造作,不待修成,故曰 眾生本具覺性 ,元是一精明,此為真本,修行當取為因地心者 在眼能見 並非澄之使清 此三菩提、三涅槃,前一皆屬因,是性具;後二皆屬果,是修成。此真本,取 元清淨體者:清淨有二:曰自性清淨 , 並非磨之使明 ,如如理 在耳能聞 ,本來離煩惱濁故, , 與如 , 在鼻齅香, ,乃本來自明 如智,應屬真性菩提 在舌嘗味, 即顯為真性菩提;亦非治之使淨 , 雖處長夜昏暗之中 與離垢清淨 在身覺觸 與性淨涅槃耳;菩提屬智 , 0 在意知法 此屬自性本元清 ,其性不昏 ,雖分六和 ,本來離生 故曰元 淨之 , 元 涅

顯 第二月, 故阿難求索真心之後,如來十番顯見,即顯此也;請修之後,所指入門, 又識精者 全體是真月 ,第八識精明之體 , 但多一 揑之妄,放手全真 。此體雖帶少分之妄,究竟全體是真。 0 在眾生現前身中 捨此則 如揑目所見 無真可 亦指

汝六根 此 也。 五卷諸佛證云:「汝復欲知無上菩提,令汝速證 更非 他物 。 \_\_\_ 驗知菩提涅槃 ,元清淨體,決指根中 ,安樂解脫 , 見 、聞等精 , 寂靜 , 識 妙常 精 , 亦 為

總

六精為別

,六精本是一精也

意 滅 要 , , 有以此處 守於真常 即是捨 如 來首顯 識 見精者 , 用 , 見其名為識精 生滅者, 根 (,前普 , 即示真本也 識心也;真常者,根性也;復重明之。此皆出自 判誤認科中, , 便不敢認為真者 ;文殊獨選耳 首明之, , 根者 此中再 誤矣!豈不觀元明 , 即用真· 明之。 本也 第四卷末 0 , 須 元清淨之語 知 , 如 若 此 經宗 來本 棄 生

乎?

於是空晦暗中 識 攝 見相二分 本體自 切法 能 生諸緣者 證 ,見分為能緣 ,能生一切法 分 , 結暗境 : 八 以識 識 曲 無明 精 而成四大之色, ,故曰能生也。 即第 相分為所緣 分 八阿黎耶識,本具精 , 晦 昧 真空 諸緣指能緣所緣,有二種:一、 帶起相 見分乃轉本有智光 , 衈 成頑 分, 明之體 空 為見分所緣之境;而本生識 , 本無可見,見分定欲見之 ,為能見之見分 , 由 此識體 節 八識 如 來藏 ,要緣八 能 海 生 能

大佛

勝っく力最く 還 是緣 境界 不到 為 所緣即 緣長六麤 , 故 日緣 切萬法 **,** \_\_ 所遺者 長 , 皆從識生 即 。 <u>-</u> 生義 0 即七 , 前 而 四 為 轉識 廳 所緣之境 , , 即 由第 是 七 ,故曰諸 八識 轉 識 , 相 緣 各 分境 有 界而 能 緣 生 功 0 用 論云 (能而 六 緣識

不能反 明之體 體 迷 海 則 ; , 非 緣 雖 如 緣 有 失 眼 所 , 正是緣所遺 遺者 似失 耶 有見 不 ? 知 , , , 答 : 非 故曰緣所遺者。二、緣者 能 此 遺失等於遺失,是謂 徧 者 緣字 見 七識 , 非同 切 , 雖 , 作二 如 然能緣第八見分 而 如智 不能反見自 解 : 緣 縁所 如如 ` , 以 遺者 由 誏 轉 理 也 , 0 識 , 既 因執之為 0 0 現量 能 不能緣 問 由 編緣 : 諸眾生 丽然 我 第七 本識 可 切 , , 比 迷此識精 故落 識 , , 能緣第 而 則菩提涅槃元清 不 於非 -能反緣· 量 八 元明之體 見分,豈 , 必 本 生 淨 識

#### 諸眾生 一,遺此· 本明 , 雖終日行 ,而不自覺 ,枉入諸 趣 0

此 承 ŀ 此 結 文 反緣 歸 指 識 過 精 通 元 明緣 結 切 不到 眾生皆然 , 由 緣 不 , 故曰由諸眾 到 , 畢竟不見 生 , 非遺 遺此 似遺 |本明 ;本明 故曰遺 即 此 元 本 明 明 也

即是迷卻真本也

明 照用 雖然終日,承渠功能力用,行即用也;眼見色,耳聞聲,乃至意知法 ,而不自覺 ,即日用不知能見能聞者是誰。既已迷卻真本,自必全用妄本 ,無非本

攀緣六塵,依之起惑造業,隨業受報

具菩提涅槃,元清淨體,依之修證,成佛有分,今反入諸趣,即是繫珠乞丐,豈不 枉入諸趣:即捨生趣生 ,趣向六道,輪迴不息。枉入者,不當入而入, 眾生本

卯三 正斥妄識非心タハ 辰初 如來重徵直呵 阿難驚索名目 Ξ 如來指 枉屈乎。二發明真妄二本竟。

#### 名出過 今期

## 阿難,汝今欲知 ,奢摩他路, 願出生死,今復問汝

為說二種根本 此下更試驗一 以了此妄識 《正脈》云:「奢摩他路,問、答意別:阿難以求知心處為奢摩他路;如來則 ,無體無處,而別覓真心,為奢摩他路 番 ,令知真妄,庶可捨妄求真 ,且看阿難如何薦取!先徵能見,後斥妄心,以示奢摩他路 ,圓悟真心, 佛以阿難請示奢摩他路 以為修習佛定之最初方便 。 故 , 故

日 汝今欲知 ,奢摩 他路 ,願出生死,今復問汝:如汝甘受生死,不求奢摩他路

則 赤 無 庸 問矣 (,今既 求開奢摩他路 ,不得不決擇真妄二本,捨妄依真,方免錯亂修

#### 即 時 如來舉 ·金色臂 • 屈五輪指 • 語 阿難言 :汝今見不? 阿難 :

習也

見

0

矣 難 指 見不?阿難言見 ! , 無奈 即 阳 佛之指端 時 難 如來 果能 鈍 |根不契 於金拳舉處 ,先以無言說法,舉拳驗見。佛身全體黃金色,故臂亦金色 , 有千 0 此處是非未定,見塵也是見,見性也是見 , 還 幅輪 要費盡如來苦心 , 當 相 , 下迴光 指屈 成拳 返照 , , 舉示 於無言說 ,識得: 阿難 本 中 崩 , 此 , , 則 再 如 施 來欲以向上一 可 | 謂機 言教 , 未知阿難是見塵耶 : 教 語阿 箱扣 著 難言 , 不負 0 , 接引 屈五輪 汝今 如  $\ddot{2}$ 來 阳

#### 佛 汝何所見?阿難言:我見如來舉臂屈指 • 為 光明拳 • 耀我心

#### 目。

是見性耶?

指 為 佛 光 以 刀明拳 阿難答見 照耀我之心目 ,見塵 ` 見性未分, 此見塵也。如果見性, 故問汝何所見?阿難言 自可忘塵 我見如來舉臂屈 則合眾性 , 今 既

見塵,自然迷性,正屬妄本

#### 佛言 :汝將誰見?阿難言 : 我與大眾, 同將眼見 0

早被 可 惜 舉拳以示 深 心 太切 , 佛已 阿 佛 如 . 難 破 來 ٥ )知阿難 重重 復問汝將誰見?若能在這裏 , 正 至 但 欲 此依然不 顯示 知 呵 ,但見塵不見性 循 難向 塵 , 阿 , 悟 難 不知返本,遺卻識精 眼 根中 頭頭錯過 ,還答我與大眾 , 識 ,尚不肯放捨 取真見 ,仍答言: , 迴光返照,尚屬 , , 以為奢摩他 同將眼見;若是 , 我與大眾,同將 , 故認肉眼為能見;此即上文所云: 仍復親切提撕 ,出生死入涅槃之正 未晩 , 則辜負世尊甚 1眼見 , , 無奈阿難 深錐 0 前見是其眼 重箚 , , 迷執太 路 矣 正 也 !佛 見婆

#### 見 佛 告 以何為心 阿 難 • 汝今答我 ,當我拳耀 • 如 ? 來屈指 • 為 光明拳 • 耀汝心目 0 汝目可

緣所遺者

破妄之文,後八還雖辨見為真心 是兩次徵心 文吾今問汝 前 來世尊 ,唯心與目,今何所在?合此處,汝目 有謂楞嚴七處徵心,八還辨見。 ,步步迫拶,當機阿難,寸步不移,故祇得再徵妄心 ,豈全收顯真之旨?經中實係三番破識 不知前七番 **司見,** 以何為心,當我拳耀 , 乃破處非徵心 而直 一破之。 , 復 番 未盡 前 祗 顯

見

,請試思之。

見屬眼 也; 我拳耀?此三審也。正屬二次徵心 親見自己本來面目也。奈阿難直指不會 汝將誰見二審也。 世尊舉手擎拳,原欲以無言之道,向上一著,接引阿難,令向見色、 世尊見其始終不悟 世尊則循循善誘 ,祇得落草盤根 ,祗得再加曲指 , 阳 難則處處膠著 ,更徵之曰:汝目可見, , 重行審問 , 不能認見為心 : 汝何 以何為心 聞聲處 所見一審 而 , 當 反認

# 阿難言:如來現今徵心所在,而我以心推窮尋逐,即能推者 1,我將

為心

0

佛言

咄!

阿難此非汝心

上來如來三審,全是宗乘語氣,其如當機 熟處難忘,不知轉身 ,猶曰如來

現今徵心所在,而我以(墹)心推窮尋逐 即攀緣心也。正是阿難塵相未除,依舊認賊為子,此第二次徵心,又自呈妄 ,即能推者,我將為心:此認妄本也;能推

心也。

喝 阿難 不斷處,猛下一劍 之威,直與一 阿難非特妄心不死,下文反與如來 佛言咄 欲令向耳根薦取 , 只知合塵,不知合覺 ! 喝曰 此非汝心!佛到此 ::咄!此非汝心!此一 。佛舉手擎拳,要阿難向眼根見處,迴光返照,識取真心, ,能聞聞性 0 如是如來,換一方針, , ,見其迷情深固,非大力不能破 ,爭辯不休。 果能於此,妄心死得了, 喝正如金剛王寶劍 初如來重徵直呵竟 以阿難慣用耳根遂乃振 自然可許法身活得來 ,擒賊斬首 故奮起踞地 , 向 其命根 無奈 威 師子

## 辰一 阿難驚索名目

# 阿難矍然!避座合掌,起立白佛:此非我心,當名何等?

既 非我心 阿難被喝驚起 應當名為何等?可見阿難一 矍然 ,驚懼不安之貌,故以避座合掌, 向 ..唯知此心,今說非心,如人執石為玉 起立白佛 此能 推 一, 認 者

為至寶 ,今聞說非玉,失其至寶,無怪其驚懼不安,故欲索其名。二阿難驚索名目

## 辰三 如來指名出過

竟

#### 佛 生 告阿難 認賊為子,失汝元常, 此是前塵 , 虚妄相想,惑汝真性,由汝無始 故受輪轉 0 • 至於今

非失說 流轉生死之苦。前云不知常住真心,用諸妄想,故有輪轉是也。二斥妄識非心竟 妄 來 則 真 心 有 , 自必遺真 故 至於今生,都認此妄想為真心,譬如認賊為子,反棄真子而不尋覓,既經認 諸 此如來先指妄名,後責錯認。此(ஜ৬)是現前塵境,虛妄相上,所起之分別想 失 É 塵 塵境界, 無則 虚妄相 ,完全不知, 。故云:「失汝元常。」元者、本也,常者、常住真心。此心迷時 無 於妙明心中, 0 , 從此相上,所起之想, 隨塵生滅 都是妄想用 0 虚妄顯現 但 此 事 |心功用頗大,而能惑亂汝之真性,由 依之起惑造業 0 則妄上加妄 如空中華 , , ,當名妄想 夢中境 依業感報 ,虛而不實,妄而 , 乃是塵影 而受輪 汝 迴六道 (無始劫 塵有 不

推妄識無體 分二 寅初 阿難述怖求示 如來安慰顯發

此發明 悲 諸 養 阿 云何如來,說此非心?我實驚怖!兼此大眾,無不疑惑。惟垂大 (如來 .難白佛言:世尊!我佛寵弟,心愛佛故,令我出家。我心何獨供 ,開示未悟 切難行法 ,乃至偏歷恆沙國土 ,不是心者 事 ',皆用此心;縱令謗法 ,我乃無心,同諸土木?離此覺知 ,承事諸佛 ,永退善根 • 及善知識 • ,發大勇猛 亦因此 • 更無所有 心 0 若 ,

久住世 小 家,是用此心。我心何獨供養如來:謂我何止為佛執侍巾瓶,供養於佛,若從此回 善識方便法門, (セ゚) 弟。心愛佛故者 向 大, 此因聞非心之斥, 間 乃至徧歷恆沙國土, 以 為眾生作大依怙 具正知見,能為人天眼目者 :因見佛之三十二相, 乃述怖求示 供養一 0 及諸 也。 切諸佛 善知識 歷敘生平,皆用此心 **;如普賢行願** 亦皆一一承事之。 善字雙貫知識二字, 勝妙殊絕,心生愛樂,令我發心出 ,勸請諸佛,轉大法輪 0 先云我是佛 善知眾生根性 之寵

根 切難行法事,悍勞忍苦,不惜身命,皆用此心;上歷敘作善心。縱令謗法 此心為善惡司令,一身之主 此設言作惡心;謂縱令謗大乘經,斷學般若,成一闡提,永退善根 發大勇猛者:豎精進幢,披忍辱鎧,破魔兵眾,上求佛道,下度眾生 ,行諸一 ,永退善 亦因此

心

阿難豈知即此覺知 不是心者,則我便成無心,豈不同土塑木彫之偶像耶?我今離此覺知,更無所有 若此發明不是心者:若此能推之心,如佛發明,是虛妄相上,所起一種妄想 ,何嘗是有,此覺知者,乃是塵影耳 ,塵有則有 ,塵無則 無

此大眾 心來, 惟垂大悲,開示我等未悟。初阿難述怖求示竟 云何 與汝安心竟。」二祖言下大悟。阿難若能如是,即可千了百當,免得許多葛藤 .如來 回 .難果能悟得 · 指小乘一類之機 與汝安 ,說此非心:云何怪問意,說此妄覺非心,我聞之下,實生驚疑怖畏 '。」二祖即時, 覺知之心 , 但知六識三毒 ,本無所有 求覓自心,乃答曰:「覓心了不可得。」 ,建立染淨根本,聞此非心,無不疑惑 ,如二祖求初祖安心 ·,初祖伸手云:「將 初祖 分兼 曰 :

#### 如來安慰顯發分四 卯初 標垂教深意 二 示常說妙心 Ξ 況真心有體

## 四 顯妄識無體 今初

# 爾時世尊開示阿難,及諸大眾,欲令心入無生法忍 0

向 生,有少法滅,於一一法,當體如如,而忍可於心,惟證相應,懷之於心,亦不能 心 .人吐露 得入無生法忍,若證此忍,於三界內六凡法界,三界外四聖法界,不見有少法 此 ?許示真心有體, 其謂無生法忍。 以慰無心之驚疑,乃先安慰,而後開導 。欲令悟見性為真

入此忍 滅 滅?眾生雖見十界,實則涅槃生死等空華,那有生滅之相可得?故不見有少法生 之十界, , 即 問 0 若悟空華 眾生所以不入者 切事究竟堅固,首楞嚴大定也。」 現有十界諸法, , 即無少法生滅;翳眼見空華,華實不曾生,生既不生 ,正妄識障之也。今將破生滅識心,顯發無生法忍,故先 何以不見少法生滅」?答:「都緣眼中有翳 觀世音菩薩,生滅既滅 , 寂滅現前 ,妄見空華 , 滅何 即 所

標焉

初標垂教深意竟

### 卯二 示常說妙心

# 於師子座摩阿難頂,而告之言:如來常說:諸法所生,唯心所現;

# 一切因果,世界微塵,因心成體。

摩阿難頂,一示安慰意,二表將授以最勝頂法。而告之言,在上語下謂之告 之像,乃是我佛說法無畏,喻如師子王,故其座稱師子座。佛在座上,舒金色臂 此欲示妙心 ,先為安慰。於者在也,師 :子座,並非以師子為座,亦非座有師子

十界正 成體。古德云:「天地與我同根,萬物皆吾一體。」正此意也。二示常說妙心竟 有所生,唯一真心之所現起 如來常說 報 , 凡 /、聖;染、淨;因 ,諸法所生,唯心所現者:如來說大乘性宗 0 如 、果,與依報大之世界,小之微塵,一一皆是因心 《起信論》 所云:「心為一大總相法門體 ,常說一切諸法 。 一 切 並非別

### 卯三 況真心有體

阿難: 若諸世界 , 切所有, 其中乃至草葉縷結 0 **詰其根元。咸有** 

體性,縱令虛空,亦有名貌

八、一縷 承上唯心所現之世界,山河大地,萬象森羅,一切所有,乃至微細之一草、一 (緣)、一結,追詰其根本元由,咸有體性,縱令至大之虛空,亦有名貌;

虚空是名,通達無礙為貌

# 何況清淨妙淨明心,性一切心,而自無體?

明心:妙字雙貫淨明,曰妙淨妙明之心,指剖妄所出之真心,出障離染,曰 何況反顯意。清淨者:即下文帶妄所顯之見精,體本無垢 ,由來清淨故 。妙淨 : 妙

淨;寂照含空,曰:妙明

四科七大,一 ,真心所現之物,尚皆有體,而能現之心,豈反自無體耶?即是言真心決定有 性 為 一切心者:性即體性 汝執此妄心,所以迷彼教體 切諸法 ,皆依此心為體。 ,此性平等,能為一切法所依,不為一切法所變,下文 ,豈真離此覺知 而自 [無體句 ',與何 ,更無所有乎?三況真心有體 況二字相照應 ,正是反

#### 卯四 顯妄識無體

竟

體

顯

#### 若 汝執恡分別覺觀 • 所了知性 • 必為心者 • 此心即應離諸一 切色、

# 香、味、觸諸塵事業,別有全性。

塵 四種 心 緣慮名覺 惜 事 必定 業 不肯放捨 此佛 聲 0 如 〔要認他為真心者,此心即應當離塵有體。一切色、香 先為按定 ` , 法二 果真心 細 心 0 塵 分別覺觀 靜住名觀 ,故曰若汝執恡 , 即應 攝 在諸塵 華平 : 0 即心之功能 所了 離卻諸 芝中 知性者 , 0 事業者 塵事 分別覺觀云云 , :即所以能了知之性 業 對境起念日 : , 別有完全體性 營業之初日 0 一分別 執謂 事 固執 內守幽閒 , , 此 事 ` ,妄識為心 正屬 辦之後 味 乃就 ` 妄本 理 觸 百 Ē 覺 而 , 六塵 業 論 觀 , , 不 恡 為 恡 , , 必當 即六 是真 但 驫 舉

## 如是,下乃就事以驗。

#### 如汝今者 • 承聽我法 • 此則因聲,而有分別 0

離 能 離 塵畢竟無體 此 塵 有體 【舉聞法之心 0 如汝 此斷執恡分別者非也,即破意識緣佛聲教之勝善功能也 現 今 以例見色、 承聽我說法 齅香 ` 嘗味 此心則因有所分別之聲 ` 覺觸 ` 知法諸心 , 纔有能 皆屬對境起念,不 分別之性

#### 縱 滅一 切見 、聞 ` 覺 、知,內守幽閒,猶為法塵,分別影事

塵分別 寂之勝善功能也 塵 卸影子,意識分別 所守之境 見 、聞 分別緣影之事 縱滅二字,承前 , ` 覺 亦非真心 取 ` 為 知之用 所證法性者 , ,亦屬緣影之心,即此內守幽閒,定中獨頭意識,猶是微細法 豈可認之為真乎?此斷定執恡覺觀者亦非 猶屬定中獨頭意識,微細分別耳 0 0 但由定中獨頭意識 縱使能把前五識 0 不知此非法性 , ,內守幽閒 及同時意識 , 猶為 法塵 • , ,不緣外面五塵境界,滅其 影事者:以法塵乃前 寂靜之境 ,即能守境之覺觀 ,即破意識 , 此境即凡外在定 , 止 雖 Ŧ. 散入 塵落 離 外

分別 見單 了 知 然此 獨 屬 有根性識性之分;二、法塵境界,有生塵,滅塵之異;三、第六意識 ;六識緣境 眼 頭之別 中根 聞 兼耳 、塵 。唯識云:「愚者難分識與根 , 則有分別,即此有分別無分別, 、識三, ` 鼻 , 覺單屬身 差別之處, , 知兼舌 應辨析明白, 意 因根識同有見、聞 , 為根識之分。 須知六根對境 庶免疑誤:一 如鏡照像 覺 見 聞 知之用 ,有明 本無 覺

麼時 宗門 本 舌根能嘗處薦取;當頭一棒,令向身根覺痛處薦取;不思善不思惡,令向意根正恁 喝 捉 如 亦即 令向 在足運奔 薦 祖 何是佛性?」 古德有云: 取 師 ·四科七大中 耳 , 根能聞處薦 這等見、 多從六根門頭 。 \_\_\_ 此約六根言 答曰:「在眼曰見, 見 聞 、 聞 如 取;木樨香否?令向鼻根能齅處薦取; 來藏 覺 , 覺 接引學人 妙真如性 0 知 知 識性虚妄 ,即本經所顯的 , 無非妄想。」 , 擎拳豎指 在耳曰聞 所應取為本修因者 ,故名妄想;根性真常 ,令向 , ,在鼻齅香, 此約六識言 為如 眼根能見處薦 來密因 這個滋味如何? 在舌嘗味 。又僧問善知識 ,亦即二根 故稱 取 佛 性 本中 在 振 令向 古來 手執 威 真

塵分別 個散 明了意識之隨念分別, 滅之異者 動 此 中 影 所 事 有欲 法塵 滅之見 0 修定 正 **無別體** 根本中妄本 ` ,必須止之歸靜 聞 塵有則有 覺 即五根對境 ` 知 , 凡外所修之定 , , 塵無則無。凡、 即 前 成 五識起時 一種內守幽閒之境 五識之任 , 寧能出此 運 外、權 有明了意識 分別,及與 境界?法塵境界 、小,諸修行人 不知猶是獨 前 與其同時  $\mathcal{F}_{\mathbf{L}}$ 識 , 頭意識 同 而 , 亦 時 起 有 而 知這 線 生 起 法

分別甚 之境 事 Ŧ. 塵 有 性 定中獨 細 境 份生塵 如 接歸意地,合五塵落卸影子, 無波之流 頭意識所緣者 , 散位獨頭意識所緣 ,望如 0 恬靜,流急不住 亦全託分別 ,起計度分別者。 成為法塵之境 ,而後分明,一不分別 非實無流 有一份滅 ,如照像之攝影焉 故曰: 塵 法塵 境即沈沒 , 即此 三分別影 內守 , 故 , 此之 事 為影 幽 閒

忇 因 境 位 亦名五俱意 有守境之心,所守之境,故為法塵分別影事;此破意識 獨 ; 意識 四 頭 , 定中 緣獨 有明了 ,與前五識,俱時起故,亦名同時意識。獨頭意識,復有四種 影境 ·獨頭 ` 獨頭之別者:明了意識,緣境明了,親得法之自體 ,緣定中 ` 狂亂 -所住境 獨頭 0 , 此中 緣病 ·幽閒之境 中狂亂所發境;三、夢中獨 即屬定境 ,止散入寂之勝善功能 0 定中 獨 頭 ,故以為名 頭 , 所 緣虛妄夢 緣 、 散 者

### 我 非 敕汝 執為非心,但汝於心,微細揣摩, 若離前塵,有分別

#### 性 即真汝心

大佛

頂

如來密因修證了義諸菩薩萬行首楞嚴經講義第二卷

此縱 其離 塵有 體 許為 真心 故 曰 : 我非強制敕(๑)汝,一定執此緣塵分別

以為非心。 但汝於自心中, 微細研究揣摩,汝所執恡不捨之心,若離前塵 ,有分別

之體性,即許真是汝心;此暫縱也

## 若分別性 • 離塵無體,斯則前塵,分別影事

此隨 奪 , 若能分別之性 , 離塵無自體者 , 此則前塵分別影 事 耳

#### 塵非常住 • 若變滅時, 此心則同龜毛兔角;則汝法身 • 同於斷滅 0

# 其誰修證,無生法忍?

併前二 修習 無其體 以同 若變滅時 龜 塵非常住不生滅法 젇科 證 毛 兔角之本無故 無生忍,屬修得。今此心隨塵變滅 則汝法身 初如來備破三迷竟 則 此能托影事之心 , 同於斷滅者: ,因緣和合,虛妄有生, 其誰 更來修因,而證無生法忍之果乎?三推妄識無體竟 ,亦應與之俱滅 以阿難認緣影為真心 ,故難曰:「 , 此 因緣別離,虛妄名滅 心則同龜毛 , 則汝法身 心即 兔角 法身 , , , 同於斷滅 屬 但有其名 ,所托之塵 性 具 , 依之 , 全

## 子二 大眾知非無辯

# 即時阿難,與諸大眾,默然自失!

又不 -敢依舊認妄 即 時 :推破妄識無體之時 , 至此辭窮 , 0 默然無語 阿難與諸大眾,已聞妄識無體 , 自覺若失;如賈人失其所寶 ,既不知何者為 也 併 前 真

科,二正與斥破竟。

#### 癸三 結歸其判

羅 佛告阿難:世間一 漢 • 皆由執此生死妄想,誤為真實 切諸修學人 ,現前雖成九次第定,不得漏盡成阿 0 是故汝今雖得多聞 ,不成

#### 果。

不知常住真心 此 .結 歸 0 前取心定判之判辭 ,性淨明體 , 用諸妄想,此想不真 , 前 云:「一 切眾 (,故有輪轉。] 自定判之後 生 , 從無始來 生死 相 續 (), 備破 皆由

定 次第而入 切諸修學人 ,故名九次第定 統該凡 ` 外 。前八 ` 權 即 小 四 禪四空八定 , 錯用妄本而修者 , 凡位所修;後 0 九次第定 滅盡定 :由一 定一 聖

,到此仍結歸其判

大佛頂如來密因修證了義諸菩薩萬行首楞嚴經講義第二卷

位 ]所成;若但滅六識,名無心定;兼滅七識,名滅盡定,又能令染末那相應之受

想 ,伏而不行,亦名滅受想定。既得此定,於小乘法中,已為漏盡,即是羅漢

漏盡 也 位 九次第定,超出三界,沈滯化城為止,不能成佛也。 皆 一 今云現前雖成此定,不得漏盡成阿羅漢者: 此與前文,諸修行人,不能得成無上菩提句,相照應。意謂依識心修,縱成 既非真涅槃,豈名真漏盡乎?故《長水》謂:「十地為漏盡羅漢。」 時權: 許 誘進而已。」 《法華》 破云:「當觀察籌量 《正脈》云:「當知彼所謂無漏聖 ,所得涅槃非真實 余謂不得

成聖耶?初斥破所執妄心,以開奢摩他路竟 果皆聖,今阿難位居初果,而謂非聖者,以九次第定,尚非漏盡羅漢,而初果安得 破第六識 皆由 [執此生死妄想 (ﷺ) 誤為真實 , 界外取證之勝善功能也。是故汝今, (常住) 0 此執妄為真 雖得多聞 ,不成聖果者:小教許四 ,故枉受輪迴之苦;即

# 大佛頂如來密因修證了義諸菩薩萬行首楞嚴經講義第三卷

福 州 鼓 山涌泉禪寺圓瑛弘悟述 受法弟子明暘 日新 敬校

壬二 顯示所遺真性令見如來藏體 分二 癸初 阿難捨妄求真 如來極 |顯真體

子初 悲感痛悔 表迷求示 今初

眛 發心出家。恃佛威神,常自思惟,無勞我修,將謂如來 阿難聞已, 子,捨父逃逝 ,不知身心本不相代,失我本心,身雖出家,心不入道;譬如窮 重復悲淚!五體投地長跪合掌,而白佛言:自我從佛 ,惠我三

自眼 真 不能見,此即二根本中真本。前妄本既破,今真本當顯,即顯平日所遺之真性 真原本有,近具根中,遠該萬法,無奈迷之已久,非遺似遺,若不方便顯之,則終 則尋常所用之攀緣識心,自不待言矣。所以重復悲淚禮佛,追述痛悔。凡人悟 根 上文阿難執妄為真, 顯 出 , 復 為融會四科七大,同歸 如來極破而令捨,此下阿難悟妄求真 如來藏體 0 阿難 因聞 , ,如來極顯而 入滅受想定心尚非 令用 , 始

大佛

頂如來密因修證了義諸菩薩萬行首楞嚴經講義第三卷

之深者,心必有悲,或悟妄而悲久苦,或悟真而悲久失,此悟所執識心全妄,而真

心未悟,故悲悔耳!

本文悔恃如來,不修大定,乃曰自我從佛出家,恃佛之威德神力,常自思惟 ,無勞我自己修行,將謂我是如來最小之弟,情同天倫 ,如來必能惠(ஜ暢)

我三昧,不知彼此身心,本不可相代;如父子上山,各自努力,不能替代我行也。

非失似失。既是遺真,自必執妄,所以身雖出家,心不入道 失我本心者:本心即本有真心,從無始來,迷不自覺,如醉漢衣裏之珠,迷則

道 ,不受輪迴;三、出煩惱家,斷盡諸惑,一心清淨。今阿難但出第一 出家有三:一、出世俗家,即割恩斷愛 ,依止佛門;二、出三界家,即證 種家 ;所以 無漏

是起惑造業 塵 心不入道。譬如窮子,捨父逃逝:阿難迷真,自喻窮子,遺失本有家珍,背覺合 ,如捨父逃逝。父喻本覺,子喻妄覺,從真起妄,背覺合塵,故如捨父逃逝 ,隨業受報 輪轉諸趣,備受痛苦,故此悲悔 1。觀此即佛不足恃,但求 曲

加被,不自修行者,可以警矣!

1 8 0

# 今日乃 知:雖有多聞 。若不修行,與不聞等;如人說食,終不能

#### 鲍。

此即聞不足恃,徒攻文字,而不實修者,可以警矣!初悲感痛悔竟。 肯從聞 行 與不聞相等 此悔恃多聞 、思、修,三慧並進,徒聞無益 ';猶如· ,終無實得 有人,口說美食 。今日乃知,因悟方知,雖有多聞善根,若不依教修 , ,亦復如是。說得一丈,不如行得一尺 說而不食 , 肚中終不能飽 ٥ 雖 有 多聞 觀 不

#### 子二 表迷求示

世尊!我等今者 ,發妙明心,開我道眼 ,二障所纏 0 良由不知寂常心性,惟願如來 哀愍

有情身心 別之惑,如起身邊等見;細乃任運俱生之惑,如起貪瞋等心。總是昏煩之法 所知障 |障者:一、煩惱障:屬我執所起,有分別、俱生、麤、細之異。麤乃作意分 , 續諸 屬法執所起,亦有分別、 生死 , 能障涅槃,故名煩惱障;又名事障,能障人天勝妙 俱生、麤、細之異。麤乃心外取境 ,不達外 好 ,惱亂 事

,即能障菩提

,故名

境

所知障,又名理障 ,不能捨離 。所知二字不是障,被障障所知智境。 ,能障所證法空之理 礙正知見

達唯心 字 迷此教心真性 搖 所 我執分別 乃分別所起惑,思乃任運所起惑;所知障,即界外塵沙、 永 斷滅 纏 ;常者無生滅 則 圓 體 ,則入如來大圓覺海。」又二障,據天臺宗所分: 川雙兼 遇事 覺經》云: 然障 我 生執 (執俱生仍在 纏 所以認彼妄識 。此之心性,即是真心實性,具在眾生根中 ,若雙用二字, 必有 ;無明謂於所修證 所因 先除 , , 是尚為煩惱障所纏 事障 良 (由不知寂常心性 而為 則體用當分。 未斷 一障所 理障 不達性空, 纏矣 以靈 但能悟入二乘境界 , ,即其因 而所知障全未 知謂之心 隨分起愛 也。 無明 煩惱障即界內見 0 0 良猶 心性二字,若單用 解脫 阿難初果之人 以不變謂之性 。塵沙謂於外境 元;若事 誠 , 也;寂者 故曰: 理障 、 思 二障 。誠由 但破 不動 , 不 見 已

阿難已覺妄識

搖動不寂

,生滅無常,故責已不知寂常心性,意欲捨妄求真

與認 與前 道之眼 照義 嚴定體 本有 形 露 乃責己不知真心 , , 聽之 識 無 所 迷不自知 有 為 寂 求 , (無聲 屬智眼 下文 華屋 真際所詣 心 而 常 , 同 照 如 0 , 可 如云棲大師所云:「寂湛 0 來 , , 故求 錯謬 心眼 照 惟 以安身立命也 十番 ,迥然不同。前仍認識為心,但責己不知真處;今聞妄識無體 而 願 常寂 如來, 如來,而啟發之。以期破除二障也。 , 顯 故求 非浮 見 ; , 開道 若言其寂 塵眼根與勝義眼 哀愍窮露 會四科融七大 0 發妙明心者 眼 , 可 : , 常恆 以辨 無有法財曰窮, 段光明 , 明奢摩他 根 : 即 , 皆為發妙明心 靈 可 此 明 本妙元明之心 , 照天 洞 0 徹 路 阿 難 無所 照地;若言其 , 者是也。 開我道眼者 而 至 棲藏 此 起微密觀 開道 , 0 已 回露 妙是寂 眼 此心 知認 照 照 : , 即 雖 應其所 即 見屬 義 , , 照 是眾生 視 貧 , 見楞 眼 Ź 明 窮 求 見 是 無 孤

塵 即 時 • 普佛世界 如 來 如來極顯真體 • 從 胸 • 卍字 時周徧 分二 • 涌 子初 • 出 **偏灌十方,** 寶 光表許說 光 , 其 二 正顯即真 光晃昱 所有寶剎 ,有百千 • 諸如來頂 色 0 + 旋至 方 微

也

初阿

難捨妄求真竟。

## 阿難,及諸大眾

受安樂 樞 光表顯真之相也。 安於天樞 0 以 ﹑寶鏡》云:「此佛先以光相顯示,而後許說也。」 佛 ۰ 1,冀獲吉祥故 然按華 胸前有紋如此,名吉祥海雲相 ·嚴音義卍字本非是字, 卍字者,表無漏性德 。此相為吉祥、萬德之所集成,今制此字 0 因武周長壽二年 梵云阿悉底迦, , 此云有樂 前放光表破妄之相,今放 則 天 權制 , 謂有 此 字 此相 安於天 必

佛世界 灌 法界 以不滅不生 十方 光表智慧 其光晃昱:光明 , 所有 一時周徧者:此即表智光,圓照法界 , 寶剎 合如來藏 , 從 胸卍字湧出 , 諸 如來頂者: 盛 , 貌。 而如 來藏 有百千色者:表體含萬德, , 表根本正智,從如如理體而發。後文如來自謂 表上齊諸佛 , 惟妙覺明 , 0 , 無邊剎土,自他不隔於毫端也 旋至阿難 圓照法界。 用徧 , 此是妙覺明 及諸大眾者 恆沙 0 十方 : , 下是 微 塵 圓照 , 徧 普 我

#### 告阿難言: 吾今為汝 ,建大法幢;亦令十方,一 切眾生, 獲妙微密

生

正顯

此光

生佛

如

無所

欠闕

#### 性 • 淨 崩心 • 得清 淨 眼 0

照體獨 如 幽 立正 而 微 宅 現 色 , 中 因 幢 秘 ·寶藏 <u>寸</u> 密 0 故曰 表摧 獲妙二字 個 即 , 那立正 : 個 非 識 現成 指 精 淨明 示而 元明之體 ,雙貫下二句 0 , 大法幢 由妄識 莫曉 , ,人人本具 障蔽 故曰 , 即 , 當 大佛頂首楞嚴王,最勝之法 : ,而不能發也。 「微密」;心曰 云獲妙微密性 , 雖終 日行 如摩尼珠王,自具照體 , 淨 而 獲妙淨明心 明 不 -自覺也 者 , 謂清 ,可以摧伏邪妄 0 乃屬 性言 淨 圓 明 如 微密者 如 , , 之 必隨方 即 本覺 理 : 謂 建

求 眼 照 開 也 得清 道 遠 又 離 眼 淨眼 阿 分別 , 難 而 者 佛許 求寂常心性 , 諸 此 塵不 以得清淨眼 屬 干 如 0 如智 而佛許以獲妙微密性;求 故 日 , : — 與上二句 清淨 悉皆如願 0 , 乃理智對舉 稱理 以償 而 , 分妙明心 由 周 佛具樂說無礙辯 法 ; 此 界 , , .稱理之智 而佛許以獲淨明心 即 後 大開 圓 , 即 故能 解之 微密觀 智慧

昔 溈 Ш 如來密因修證了義諸菩薩萬行首楞嚴經講義第三卷 問 仰山 妙淨 明心 汝作麼生會?」 仰山曰:「 川 河 大 地 日

相

應

如是

大佛

頂

山會妙淨明心,得清淨眼 月 星 「妙淨明心。」仰山曰:「喚作事得麼?」溈山曰:「如是!如是!」只緣仰 辰 為山曰 ·:「汝祗得其事。」仰山曰:「和尚適來問甚麼?」 。初光表許說竟 為山

彰七 子二 正顯即真然三 大即性周徧 丑初 又 分二 丑初 寅初 尅就根性直指真心 帶妄顯真 剖妄出真 二 會通四 今初 科即性常住

是眾 八識精 阿難 是真 是妙明真體 為眾生 使 如來 生 眼 阿難既已捨妄求真,而如來許以顯真。若就眾生分上,指出純真無妄之心 中指出 不過略帶無明之妄;如第二月,亦全體是真 根 明之體 , ,亦所不能 性 則依惑造業 , ,因最初一念,無明妄動,不生不滅,與生滅和合,成阿賴耶識,全體 處染不染 ,即指根性為真心,欲令阿難及諸大眾 ,前二種根本中所云識精元明,後第 。何以故?純真之心,清淨本然,未涉事用 ,依業受報 ,隨緣 不變,眾生日用之中 ,則真墮妄中 , 故只得帶妄顯真 五顯見中 ,略帶揑目之妄。此之識精 承渠恩力 ,捨彼識心用此根性 , 喻如第二月 ,並無眾生之名 ,迷不自覺 0 所顯之真 0 ,若不先 , 識 故 (,即是 , 即 佛向 精 既 即 員 本

之 為 極 · 顯 其 真 而 不急破 ,何能 ;直待十番顯見之後,真理即明 使阿難取此新悟 ,捨彼舊執乎?明知體帶二種顛倒見妄 ,真體亦露,再為破壞同分 , 、別業二 姑且帶

妄,正如脫衣露體也

阿難 將誰見 無眼有見 失 有光明;我實眼觀;五輪指端 顯見離見 五 寅初 ,汝先答我 顯見無還 ?阿難言 帶妄顯真分十 卯 初 四 辨明矚暗成見 顯見是心 :由 六 顯見不雜 • 見光明拳 卯初 |佛全體 分五 五 顯見是心 辰初 辨定眼見是心 • 0 ,屈握示人,故有拳相 閻浮檀金 此拳光明 顯見無礙 雙舉法喻現前 顯見不動 • • 今初 八 赩如寶 因何所有?云何成拳?汝 顯見不分 二 雙陳法喻令審 Ξ 畄 顯見不滅 • 0 九 清淨所生 顯見超情 四 三辨明 顯見不 ,故

明 眼 此躡 因 於彼見解 . 何 前拳相 所有?二問:云何成拳?三問:汝將誰見?問雖有三,意則在一 , ,以驗當機,畢竟取何為見。 不得不加勘驗 , 故連三問:一 如來即為建大法幢 問 :汝先答我 見光明拳 , 許令開發真心道 , 此 要阿難 拳光

參究見者是誰?即所謂直指人心,見性成佛。宗門下教人看話頭,即本 此旨 ,豈可

\經完全教意耶?此經乃有字之宗,宗門即無字之教。又此經雙兼宗教

阿難不

領能見是心,故如來不得已,舉例設喻以顯之。

謂

此

見仍認 答第三 指端 寶 此金方寸,置暗室中 面 畄 有洲 阳 ,屈握示人,故有拳相:此答第二問。初雙舉法喻現前竟 難 間 清 屬 多此 眼 淨 0 所生 佛 , , 檀樹 由 不 簡 佛全 阿難 知 : 即 眼根乃是色法 , 醴 -,照曜如晝 果汁入水, : 前 , 汝將誰見?正要阿難悟見是心。今者阿 云 閻浮檀金 ,非是欲愛所生 沙石成金 0 , 佛身金色如之,赩如寶山: , 為 赩 眼識 (金光赤) 所依 , ,此金一 故有光明 如寶 , 見性所託 粒 畄 0 ,置常金中 0 此答第 閻浮檀此 能見並不是眼也。五輪 .難 金光赤燄,猶 於識 間 , **三勝金** 悉皆 0 雖 失色。 知 我 , 須彌 實眼 是妄 如 又傳 觀 座 山南 , 於

## 辰二 雙陳法喻令審

佛 告阿 難 • 如來今日 • 實言告汝:諸有智者 • 要以譬喻 而得開

#### 悟。

世尊見當機,仍然認眼為見,更反劣於前認識為心。略說眼見不及識心有三:

見非眼 為真心 心 , 法若不 明前 捨 可見) 之色,不見障障內) 故 迷卻本有真心;今認眼為見,迷卻眼中見性 眼 有形 顯 辨 不能見後 無眼 見性常住,全不係屬眼根之有無,有眼有見,無眼亦有見。若能悟此見性 則常住妙明 , 再 ,易可 有見 !以喻明之。諸有智者:指中根 ,不若識心, 外 破壞,觸之即傷,不若識心無形,卒難損壞;二、眼有限 0 告阿難言:我今不與汝談玄說妙, 分不動 ,不若識心, 周 前後左右 圓 ,無邊妙義 遠隔千山 ,皆能徧緣;三 , 皆能 要以譬喻而得開悟;若上智之人, 悉皆得顯 。故如來巧示,無眼有見 緣到 但就現前實事 0 一眼有礙 ,方能迥超識心 因此 之故 , 但見障內 , 眾 , 與汝言之; 生皆認識為 ,令決取 ,令知此 一,只能

阿難 聞便悟 ,譬如我拳,若無我手,不成我拳;若無汝眼,不成汝見;以 ,不須譬喻;無智之者,喻亦難明

# 汝眼根,例我拳理,其義均(如)否?

無手 無拳 無眼無見 迷觀似同, 悟見實異。今佛以見例拳, 用手例眼 故問

之曰: 為迷為 悟耳! 以汝阿難眼根之見,比例我手之拳,此種事相, ·此中眼 根 ,即眼所成之見, 但舉能成 ,略却所成;拳理 與義理均同否?正勘 ,即手所成之 阿難

拳,但標所成,略卻能成;須善會之。

#### 阿 難 睢 然 • 世尊 ! 既無我眼 • 不成我見;以我眼根(鳥成) 例如來

(減所)拳,事義相類。

諾之詞 理 日 : , 兩者 當機只知順水行舟,不知看風使舵,遂即應聲,答曰:唯然,世尊 以 我 0 比例 **服根** 既 無我 , 正屬 所 成見 眼 , 相類 不成我見等語 , 無 0 調即 類者似也,同也。二雙陳法喻令審竟 無見 ; 例 , 全 同 如 來 凡情見解 手所 成拳 ,究竟不悟見不屬 , 無手即無拳 , 限之理 若 !唯然是應 事 拍若義 乃

## 辰三 辨明無眼有見

#### 佛 告阿難 • 汝言相類 • 是義不然。何以故?如無手人,拳畢竟滅

# **彼無眼者,非見全無?**

初三句 總斥引例不齊 告阿難曰: 汝言無眼無見 ,引例無手無拳相類 是義

實則不然,汝殊欠審察。何以故下,徵辨不相類之義 0 如無手人,手無則拳相畢竟

是滅 ,以手外無拳故;彼無眼者,眼壞而見性仍然不壞,以眼見各體故

體釋:盲人無眼 約用釋: 彼無眼者 盲 X 無眼 :指盲人,非見全無,以仍能見暗故。全無二字按體用作二釋:一 , 但是眼無,並非能見之全體亦無,以見體整個,完全無有虧損 , 既能見暗 ·,但闕 一分見明之用 非見暗之用而全無也 、約

# 所以者何?汝試於途,詢問盲人:汝何所見?彼諸盲人,必來答

亦非半無也

# 汝:我今眼前,惟見黑暗,更無他矚。

人, 自 可驗知;以無眼有見,非盲人無以證也。汝何所見?是告以詢問之詞 必來對答於汝:我今眼前,惟(雲)見黑暗,除暗之外,更無他物可矚 此令其詢驗。 重徵所以無眼有見者,何也?汝若不信, 試於途中 , 詢 問盲· 。彼諸盲 0 矚 即看 人,

# 以是義觀,前塵自暗,見何虧損?

也,

此則揣

其答詞

是脫根 損?所 之義 正眼 前 |塵指 觀察起來 也;下 正 以汝言相類 所 謂 眼前塵境 -矚暗 I 無明窟 ,眼前 成見 , 我謂 。依本經眼根所對 裏 達境 , , 有箇 顯能見之性 不然者 , 自有一 大光明藏 , 此 也。 分暗塵,盲人既能矚暗 , 不假明緣 也 ,有明、暗二 此佛就無位真人赤肉團上 0 上無眼 , 是脫塵 有見 塵。 , 也。 以是義觀者:以盲 顯能見之性 , 則能見體性 而能靈光獨 , 指出 ,不假 耀 , 人矚暗 誏 隻金 有何 迴脫 緣 剛 虧

眼有見竟 病 首謝之。 眼 昔相國崔 崔 一譏 後法眼禪師別云: 一公群 : 既云見性 , 見如會禪師 , 其奈眼何 是相公眼」 問日 : ? 師 , 豈以會 之所答 會日 以何得?」 : 見性非眼 會日: ,猶涉教意乎?三辨明無 , 眼病 以見性得 何害? 崔稽 會方 根塵

,豈同妄心離塵無體者乎?

## 辰四 辨明矚暗成見

#### 阿 難言 :諸盲眼前, 惟覩 也見 黑暗 ,云何成見?

當機 不達 ,矚暗成見之義 。反難云:諸盲眼前 無所見 惟獨覩見黑暗之

無眼 境 ,云何成見?良以眾生迷己 即 謂 無見,乃至無明 , 亦謂 為物 無見 ,認見 故 此上科示內不依根 屬 眼 , 但 知 龍見 , 不知性明。 , 此 科示 外不循 又世人不但 塵 較

上 隨 塵 生滅之識心 , 其真妄何 |難立判 也  $\overline{?}$ 

#### 別 佛 告 ? 為 阿 無有 難 崩 ·諸盲 [無眼 惟 觀 黑部 • 與有眼 人 , 處於暗室

•

一黑有

云何 成 上 萪 阿難意以見明為見 此 科 佛立 例 令審 ,人所共許,覩暗成見 , 無眼見 黑 , 有眼 處暗 , 世間 約根 相違 有 異 。故諍以唯覩黑暗 , 論 境 實同 , 故 問有

#### 如 是世尊 此暗 中 人 • 與彼群盲 黑較量 • 曾 紅無有 異 0

別無別

令其

白審

黑暗 彼 眼 覚見暗 見 當機 性 比較籌 歷 , 則日 為 然 無 見 量 :如是世尊 自 有 , 豈此 曾無 離 塵之體 有 有 1眼見暗 ;此暗 異 0 ٥ 既 全不係塵 知所見 中人,有眼見暗 , 亦無見耶?以是 而 為 一黑無異 有 無 ,與彼群盲 , 義觀 , 明來 當知能見 , 見明 無有 , 無眼見暗 明 , 暗來! 相 二見亦同 , 見暗 亦復 ,二者所見 有 0 明 汝 見 暗 , 顯 相 無

傾 見無所礙。正所謂:「青山常不動,白雲任去來!」四辨明矚暗成見竟

阿 .難:若無眼人,全見前黑 辰五 辨定眼見是心 分二 巳初 • 例明眼見之謬 忽得眼光,還於前塵 結申心見正義 • 見種種色,名

#### 應名燈見?

眼見者

;彼暗中人,全見前黑,忽獲燈光

,亦於前塵

,見種

種色

者 謬 則 上六句, 此下辨明,見乃是心,此心離緣獨立,不藉根,不託塵。本科先例明眼見之 無 燈得燈而後見 就 阿難意按定;下六句, ,應名燈見也?蓋燈不名見,人所共知;眼不名見 例破其謬 0 以無眼得眼而後見 , 既 名眼見 人所共

# 迷,故用燈反難,令知眼見之謬。

若燈見者 若謂是燈見者 ,燈能有見,自不名燈;又則燈觀,何關汝事? , 燈是無情 ,而能有見,自不名為燈 既名為燈 , 自無能見之

功 又 則 燈縱能觀見 ,自是燈觀 , 何關於汝之事?則燈不名見也明矣 。眼不名見

例此可知。初例明眼見之謬竟。

## 巳二 結申心見正義

#### 是故當知 :燈能顯色, 如是見者 • 是眼非 燈;眼能顯色, 如 足見見

### 性,是心非眼

認取 者 者 兼 心之求也 亦 , 是輾 是心 是眼 雜彼 莧 性為心矣 轉成謬之故 而非眼 而非燈 肉 眼 , ?!觀 ,此事 故以 , 此事 佛 , 燈為能例 當知自有正 前 人所共知 人所不覺 呵妄識非心, , 0 0 眼為所 以此例明 義 如 來 可 此顯見性是心 单 如是顯發 例 , ر • 此正 有 無眼得眼,亦但借眼以顯色, 眼得燈 前見性是心非眼 , 可謂婆心特切 , 前後照應 此但 借 燈以 , 非但不 即 聞者急宜省悟 顯 所 色 以 藉 應 , 如是見 如 同 明 是見 難 塵 真

麼?十 剔 昔枯木祖元禪師 起 五. 燈來是火 |年前奇特 , 歷 依舊 劫 ,依大慧於雲門庵,夜坐次,見僧剔燈 無明照破 祗是這個 , 。 \_\_\_ 歸堂撞見聖僧 慧以偈 贈曰 : 幾乎當面蹉過!不 萬 |勿崖 , 始 頭 解 微證 放 身 蹉 0 , 有 過 起 來 偈 是甚 依舊 日

却

惶

惺

飢

餐渴飲渾無事

,

那論昔人非昔人

٠<u>٠</u>

夫剔燈何與本分事

?

· 乃即

悟去

如

世尊云:「如是見者,是眼非燈;如是見性,是心非眼。」 此科以見性 ,脫根脫

塵 **迥然靈光獨耀** ,於四義中,是妙明義 0 初顯見是心竟

顯見不動 分四 辰初 敘眾望示 辨定客塵 Ξ 正顯不動 四 普責迷

#### 認 今初

#### 阿 難雖復得聞是言 • 與諸大眾 • 口 |已默然,心未開悟,猶冀(<sup>赤室)</sup>

# 來 0

惟是 精 暗 相 眼 然 方為 干。二者:一 酿 離 同 乃靜默無語 此文乃結前起後,上四句是結前 慈音宣示。合掌清心,佇佛悲誨 有見 .於無眼日中所見之暗無異 彼 , 不名為心 肉 眼 , 無眼 , 向但知 別有自體 , 稍有解悟 ;今觀有眼得燈 即為無見;今驗盲人覩暗 ,見明方可成見,見暗不得成見;今例有眼暗中 誠 , 始覺 異前心離 ,始知見暗之時,誠亦是見。三者:一 向 , 無眼 ]日之非 ,下四句是起後 塵無體矣!」默然之中 得眼 0 , 始知 , 《正脈》 但皆顯色 無眼亦有見, 0 云 : 是言 , 始知見乃是心 , 即是心非眼之言 者 : 一 而此見 ,反覆研味此意而 向 向 與眼 但 ,所見之 但 而 知 知 此 , 見 ; 默 有 見

明 故別求寂常妙明之心;今佛示我此見為心,靈光獨耀,已具妙明之義 心未開悟者:不是完全未悟,但未大開悟耳。前已覺緣心不寂不常 ,非妙非 ,未審此

心,亦具寂常義否?此正結前,下乃起後。

音 心即是如來藏心,豈同緣心生滅、昏擾、動搖 圓 四科之前 見不分;皆妙明義 第四顯見不失;第五顯見無還 下九 『一義,顯見之中,如不失、無還、不雜、無礙、不分諸科,皆含有周圓之義。 宣示即希望宣揚指示,見性是心之心,亦具寂常妙明諸義否?佛則應其所請 猶冀 ´番顯見,以及四科皆顯諸義:第二顯見不動,是寂、常二義;第三顯見不滅; 如來 ,佛示諸法本如來藏 ,慈音宣示 0 第九顯見超情 :冀者望也,如 ;皆屬常義。第六顯見不雜;第七顯見無礙 ,常住妙明 ;乃屬 妙義 ,不動周圓 來法音 、隨塵有無耶?初敘眾望示竟 • 第十顯見離見;乃屬常 ,皆從大慈悲心中流出 ,妙真如性。 於此 四義 ` 妙二 , ; 第 故 八顯 三 慈 加 義 此 周

# 爾時世尊,舒兜羅緜網相光手,開五輪指,誨敕阿難 ,及諸大眾

辰二

辨定客塵 分二

巳初

如來詢究原悟

陳那詳答佛印

今初

大佛

頂如來密因修證了義諸菩薩萬行首楞嚴經講義第三卷

#### 我 不成菩提 初 成道 • 於 及阿羅漢 鹿 園 中 , 皆由客塵煩惱所誤 為 阿若多五比丘等 • 汝等當時 及汝四眾 因 : 何開悟 切眾生

### 今成聖果?

•

•

0

•

•

擎拳示 鹿 小 悟 於 者 佛 尊 苑 機 鹿 : Ŧ. , 得 即望 乃誨 在 園 輪 此 , 為 指 成 阿難 佛 座 中 無上 以見性 Ħ. 者 端 慈音宣示之時 詢 , 比丘 有 : 究 , , 佛道 皆有 現則 眼 佛 原 說 在 不 悟 不見舍那 法 0 雪山 動 縵網 伸手開拳 0 即以自所證之道 欲借昔之客 , 之相 如主 , 0 佛舒 苦行六年之後 身 , ` , , 如空 完羅! 要引阿難大眾,見性 有耳不聞圓頓教 且有金光 ` 緜 塵 , ,轉無上根本法輪 敕令勿更錯認 , , 網 ,詣菩提場 , 顯今身境 故曰 相 光手, : , 不得已依本起末, \_ ;昔之主空 現前 開五 網 , , 客塵 相光手 臘月八夕, 說 輪指 0 兜羅 動搖 《華嚴》 : 二之身境 , 舒者 緜 0 顯今見性 柔軟 覩 誨 不動 圓滿 星 敕 伸 出 , 阿 也 0 佛 修多羅 我 難 寂 現 , 佛前 場 初 及諸 手 0 , 忽然大 似之 爾 成道 而 教 大眾 以手 時 遊 世

鹿 園 即 鹿苑 在波羅柰國境 , 為古帝王苑囿 又為帝王養鹿之園 其因緣 昔

身懷有 即許入 開 貢 及 每 至王 請 鹿 鹿 有 人皆奇之!又云請願更奇 汝欲 王 國王 Ħ 願 , , 各五 俟 以 所 淮 救彼 若不設法 子 孕 後 後 。行禮訖 與達多鹿 遊 貢 ,士兵見欲殺之, 生 死 無 一百隻 , 獵 再二日即產 後 鹿 身 , 鹿 , 誰 命 無數兵士 , 可 , , 食 其鹿王:一 即 願 , 王 王言:今國王 汝我 又負所求,乃令母鹿 往 先死 跪奏云:大王今日遊獵 。 — 可日食鮮味 進 耶 王因奇 貢 。乃求王先派他鹿,待子生後 , 一群輪 鹿王能作人語云: ? 0 各持 , 釋迦過去示生畜類 乃報告於王,有鹿能作人語,與王 可 該母鹿 其事 圍獵 以保全其子 流 , 利器 , , 終身食之不盡 每 , , ; 作 一 我等 日進 遂允解圍 即 到 , 7釋迦鹿 (,小鹿· 貢 以及一 在此群中 0 獵 釋迦 韋 勿殺 鹿 , 0 ; , 切禽獸, 行菩薩道;一 鹿 王 大膽啟奏 , ,若盡行 韋 處 請 日輪達多鹿 我 王 內眾生 自往代之。至國王所 , 0 王 , 我與王 心中 再往 哀求為派 解 韋 身命 童 , , 獵 求 進 0 必難倖免。時有二群 為提婆達多 想 貢 群 主下令解 請 請 達多 難保 , 眾鹿 進貢 願 願 。王怒不許 若派 鹿 鹿王從其意 0 0 0 ·王聞· 必 我 , 死 派 鹿能 其 代其今日 童 與 (汝當 他 亦奇之, , , 我等當 王 王 人語 時 母 , 殊難 食不 問 日 鹿 向 釋 遂 進 泇

大佛

頂

眾生肉 悟 只 輪 l此修行得道,又名仙苑 子來何為?」曰:「進貢與王充膳。」王曰:「難道汝二群之鹿 汝自己進貢?」對曰:「二群之鹿,只有增加,王日食 , 畜 鹿 生中 0 遂將群鹿養於苑囿,禁人加害,故稱鹿苑。此處乃鍾靈之地 曰 : ·是有菩薩 何為子來耶?」乃告以母鹿請 0 乃說偈 三 : 「汝是鹿頭人, 頭之事 我是人頭鹿 ,不得不以身代之。 一鹿 ,統計所生 , 我從今日後 ,皆食盡耶 ,多有仙人 王 亘 不食 為 要 感

修苦行 |本國 利 往勸 為 六年 華 阿若多五 五. 十力迦葉 ·言未詳;有云即摩訶男。母族二人:一、阿若多, 太子 0 三人不堪苦行者 宜宮 一人因太子不回,不得回朝復命,乃隨從太子遊方五載 比丘等, ,此云飲光。尋到太子,勸請 。父族三人:一、 及汝四眾言者:五比丘,佛初出家時,淨飯王遣五位大 , 乃往鹿園 阿鞞 ,別修異道;後二人見太子受牧女乳糜之 ,此云馬勝;二 回宮,太子乃曰:「不成佛道 , 跋提 此云解本際 , 此云 , 而至 小賢 ,又云最初 雪山 , 不 同

供

亦復捨去,而至鹿園

回

拘

臣

在

之相 便門 五比丘等 佛 即見 說 演 小乘法,乃思 , 《大華嚴》 ` 三轉四諦十二行法輪:一 思煩 惱 ,雖稱本懷,不契時機,尋念過去佛,所行方便事,亦欲開方 見惑粗如客 : 誰應先度?悲二仙之已逝;喜五人之猶在,乃至鹿園 , 思惑細如塵 、示相轉;二、 , 此在 勸修轉 鹿園 , ; = ` 所說客 作證轉 塵之義 。示集諦 , 為

以例 客 而 漢 塵 所 即 反顯主、空 尚 誤 喻 不能成就 塵二 我 顯身境及緣心與見性,動不動之義。初如來詢究原悟竟 身 不 及汝四眾言一句,當指《阿含》 境 ·能成 執即天臺宗 客 字 及緣身境之心;以主、空二皆不動 塵 ,無上正覺菩提之道。及阿羅漢者 (<sup>解見)</sup> , 乃喻滅諦耳 因何 況無上菩提**乎**? 喻 粗 ]開悟?今成聖果?故問 , ` 所謂見、思二惑。 細煩惱 。今但取能比之喻,不取所喻之法 故曰:皆由所誤 我執分別 會上四眾。 客 因何開悟 ` 行相不停如客;我執俱生, 塵為三乘人通惑 , 。當時所說客 佛對之言:一切眾生,不成菩提 俱喻見性耳 ,其故何也?皆由客、塵煩惱 欲今詳敘客 , , 0 ` 以客、塵二皆屬 大 佛問汝等當時 塵 ` , 小共斷 乃喻 塵 主 行相微 集諦 , 空 不 煩 聞說 斷羅 細 動 惱 可 如

#### 202

### 51| 陳那詳答佛印

# 時憍陳那,起立白佛:我今長老,於大眾中,獨得解名, 因悟客

#### 塵二字成果。

此從集諦入也 老。獨得解名者:阿若多,此云解本際,名也。因悟客、塵二字之理,得成聖果 火命族故 此 憍 陳 0 我今長老者:因佛在鹿園說法 那自陳得悟 ٥ 他經有云憍陳如,即阿若多之姓也。 ,阿若多最初稱解 , 成阿羅漢 此云火器 , , 為法 以先世事 性長

#### 世尊 途 ,不遑安住;若實主人,自無攸往 ! 譬如行客 • 投寄旅亭 ,或宿 • 0 或食, 宿 、食事畢 俶装前

畢 而 惑緣境分別 或之云者 `俶者整也,遑者暇也;即整頓行裝 此述所解,先解客字,次解塵字。佛以客、塵喻集諦煩惱,即見、思二惑;見 , ,背覺合塵 久暫不定也 ,麤動 • 此境分別已定,復緣他境 不定,譬如行客,投寄旅亭,久緣 ,轉向前途而去,不暇安心居住也。若實在 (,捨此) 趣 彼 如宿 如客之宿 , 暫 緣 、食既 如 食

主人,喻小乘偏真法性;自無所往 ,喻法性常住不動

# 如是思惟:不住名客,住名主人,以不住者,名為客義

如是指上文,譬如行客 ,投寄旅亭等。如是思惟 , 以見惑分別不住名客 ,以法

性常住名主,是我當時開悟,以不住者名為客義。

#### 又如新 霽 , 清暘昇天,光入隙中,發明空中, 諸有塵相 0 塵質搖

### 動。虛空寂然。

空 若斷見惑 中喻之。 惑 靋 , , 得見道之智日 故 清暘升天 此解塵字 喻 如日光 ,有了智光,能覺思惑,於偏空法性理中 者,門壁縫障,若無日光,不了塵相,譬喻若無見道之智,不見思惑 0 0 久雨初晴日新霽 以思惑任運 ,發明空中塵相 , 升於性天 , ,其智 搖動如塵 ,清暘者 0 塵之體質是搖 微劣 。塵須有日光 , ,早晨之日也 於法性理 動 , 微細起滅如塵 , 虚空乃寂然不動 ,照之可見,故曰 亦惟少分相應 0 日從雲中而出 , 而法性不動如 , 故 , , 相 喻已 , 以光入隙 又如新 形 而 斷 顯 見

也

## $\begin{smallmatrix}2\\0\\4\end{smallmatrix}$

# 如是思惟:澄寂名空,搖動名塵,以搖動者,名為塵義

如是思惟,乃以見道之智,觀察思惟:澄然寂靜,名之為空;飛揚搖動,名之

為塵。是我當時開悟,以搖動者,名為塵義。

塵從外來。」 趙 州 日掃地次 僧曰:「既是清淨伽藍 有僧問云:「和尚是大善知識 ,為甚麼有塵?」 ,為甚麼掃地 州曰:「又一點也。」趙 ? 州曰:

#### 佛言:如是!

州眼光,爍破四天下,辨客、塵義,析入秋毫。

生信 此佛印 , 識 得眼中見性不動 行其說 。佛意祗要陳那說出客、塵 ,身境與能緣識心,搖動而已。陳那分析,正合佛意 ,主、空**,**誰動 、誰靜 ,令阿難聞已 故

印可之曰:「如是」

則煩惱 別不住 更有二義當知:一、此客塵之喻,有通、有別。別者 , 取喻 所知二障 如客 ,分別、俱生二惑,隨境生滅 ,去之猶易,以思惑任運搖動, ,非真常性 取 **心喻如塵** ,如陳那所析,以見惑分 ,皆為客義;以此二障 , 拂之實難 通者 實

二惑,而能染污妙明,擾亂性空,皆為塵義。

密答阿 住之義 難 、本科顯見不動 0 以塵乃搖動 ,寂常心性之求 ,亦喻身境識心;而虛空寂然不動 ,以客、塵皆喻動義 。以客乃不住 ,喻身境識心;而主人自無所去 ,主、空皆顯不動義。佛問客 ,喻心性澄寂之義 , 喻心性常 、塵 , 即

即 時如 辰三 正顯不動 來 ,於大眾中,屈五輪指,屈已復開 分二 巳初 對外境顯不動 二一對內身顯不動 ,開已又屈 今初 • 謂阿難

客塵竟

## |:汝今何見?阿難言:我見如來,百寶輪掌 • 眾中開合。

則動、 意也 之本體 曲 Ŧ. 輪 此 靜分明, 佛以手 故問阿難 指 而 ( 又 相) 阿難乃據事直答:「我見如來,百寶輪掌 為阿難之外境,以顯見性之不動 要阿難即生滅之客、塵 :「汝今何見?」在佛之意 屈已復開,開已又屈,以表外境不住 ,薦取不動主、空之見性耳。故於眾中,屈 ,還是要阿 。因上文陳那分析客 , 眾中開合。」 難 ,引起阿難見性現前 , 向 能 見處親 、塵 佛手掌中有千 見天然不 , 主 , 令注 空 動

輻輪相,故稱輪掌。

合 見 佛 告 , • 非我見性 有 阿 開 難 有 • 合 汝 • 見我手 ? 有開有合 阿 難 言 • 眾 : ٥ 世 中 . 尊 開 寶 合 (手眾 • 為 中 是 開 我 合 手 • • 我見 有 開 有合 如 來 ? • 為 手 自 復 汝 開

見性 來 見性 我 手 , 沶 手 佛 , 告 動 有開合耶?為是汝見 自 主 如 開 阳 主 客之義 合 難 者 , 非 , 我見性 因 ,定要分清 其不悟 , 有 , , 故 開有合 有開合耶?」 0 阿 呼 難 而告之日 言 0 此 : 因 世尊 如來提醒之後 此佛更向 0 寶掌 呵 難 : , 在大 .親切處提醒 汝見我手 眾中 , 始覺佛 , 有 , , 眾中 要阿難於外境與 手 開 有 , 開 合 開 合如 合 我 , 覓如 客 為

#### 佛言 • 誰 動 ? 維靜 ?阿難 :佛手不住 • 而我見性 • 尚無有靜

為

無住

?

云 誰動 此 佛 ? 見 ·誰靜? ßП 難 所 ·要知 答 , 動 依 稀 靜 似 是 較 , 前開 但 未 便儱 合 侗 更深 放 過 , 層 還 須切實 以開 、合易辨 勘 驗 始 得 , 動 0 故 靜 即

難

間

菩提之定 靜 過 顯 故 性 明 而 泛詞 之中 承 相 Ħ. , 後 問 故 動 可 得 乃 誰 ,不住如客 問令答 ` 靜 不 初 動 , , 決當 雙離 誰 誰 動 學 稍覺 靜 為 , ,且看當 無住 以 方 , , 八此見性 誠天 難 可 應聲答云:佛手 , 而 說靜 ,猶言何處有動耶 解 然自性之本定 阿難見性 機 0 尚 ;見性從本 ,腳跟是否點 , 無有 為 靜者 ,無有開 開合不住 以來 , : 非由 非言 佛但 ?無住二字即動 地 合 ् जि , 不曾動 先顯 見性 如主 制 , 伏攝 動 難 不 也 見佛手開、合之時 , , 念而 ·靜也 此動 不與明言 過 , 而 , 也 未 我 成 , ` 蓋靜 動 見性 靜 , 0 正顯即性 凡 分明 不須說靜 , 欲 且待請修 必 , , 本來不動 求 大 十方如 呵 , 動 佛 難 , 而 , 非惟 <sup></sup> 三經領 手在阿 嵵 故 顯 來 曰 , , 0 先 再 離 尚 但 得成 . 難見 與指 曾 動 無有 用 悟 況 動

#### 佛言:如是。

出

必以根

性為因心

也

例 動 阿難 既 其 佛 理 此時 手開 不 見解 , 合 故 , 佛印 陡然與前不同,已親領見性不動之義,所分外境為動 與見性無干 可之曰 : 則 如是」 风一 切萬事 0 當 知 萬境 此 中 , 任其起滅紛飛 以 佛手 , 為 皆與見 切 , 外 見性不 性無 · 境 之

大佛

頂

如如

干矣。若人於動中,覩此不動之性,常恆不昧,自不至為境所奪矣

不 分動 此 **|文雙兼直** ` 靜 何 、曲二指,如果如來但屈指開 異教外別傳之旨?因有問有答 、合,不形審問 ,故曰雙兼· 直 ` ,阿難即禮拜默領 曲二指 0 而宗 門 豎

指

`

伸拳

發明於人者

,多本如來舒拳屈指之意,令人自見自悟也

須離 動 不盡 道 前 形 留 匝云:「道得即下笠。」如是三問,俱胝無對 風 事 二宿 , 昔俱 見性不動,則可親見主人翁矣!初對外境顯不動竟 大 , 此 而 龍 要會麼?」 振 無丈夫之氣 要胝 胝 明日 凡 和 尼云: 作尼問 有 有肉身菩 尚 1,初住 所問 豎起指 ! 0 道得即宿 庵時 胝曰 薩至 遂發憤要明此事 只豎一 頭 有一 愛脫去 : , 指 「道得即下笠!」天龍豎一指 為和尚 。 \_\_ , 尼名實際,到庵直入,更不下笠 至臨終謂眾曰: , 胝又 倘向指 說法 , 無對 擬棄庵往諸方參學 0 頭 , 次日天龍禪師 E ,尼便去。俱胝曰:「天勢稍晚 尼便行 會 則千錯萬錯 吾得天龍一指禪 胝歎曰 ,俱胝忽然大悟 到 0 其夜山神 庵 : , ·若能了知豎指屬 胝 0 我 持錫遶禪床三 乃迎禮 直 告日 雖具丈夫之 至於今用 後來 具陳 不不 , 且

## 巳二 對內身顯不動

因搖 X 如 放 來於是 動 光 ? 阿 • • 從輪 難 在 |阿難 掌中 • 我 左 見 • , 如 阿 飛 來出妙寶 難 又則 寶 光 迎首 • 光 在 左 阿 • 酚 .難右 來 我左· 0 佛 • 即 右 告 時 阿 • 故左 難 阿 難 • 右 迴首 汝 觀 頭 右 今 • Ĥ 頭 盼 自 何 •

搖

動

0

故 中 體 問 , , 阳 飛 其 **F**. 科 與 難 寶 見性 對 外 光 汝 境 頭 , , 在 動 , 今日 而 回 ` 1分動、 靜 難 . 因何 右 難 分 搖動? ,令其迴首右盼 靜尚 佛要令阿 .疎;此科就 要阿難 難 說 ;又放一 , 出 內身 更於自 , 觀 , 光 光 身 而 動 中 分動 , 頭 在 , , 親 阿 ` 方 難 靜 見 不 可 左 則 辨 動之體 親 , 於見性之動 令其 0 以 迴首 内 , 故 身 從 親 左 為自 盼 輪 靜 掌

#### 阿 難 • 汝 盼佛光 • 左 石動 頭 • 為 汝頭動? 為復見動?世尊 ! 我 頭自

耳

# 動,而我見性,尚無有止,誰為搖動?

科 ЗH 難 於外 ·境見性 , 所 分 動 靜 , 已蒙 印 可 此 科佛欲 就 內身勘驗 頭 見

立 止 頭 誰 搖眼 動 湛 、誰靜 然滿前 轉 誰為 , 宛 ,看阿難能否於搖動身中,親見不動真體。正脈云:世人認見是眼 搖動 , 《似見性亦動,今阿難因佛上文說破,見不屬眼,已覺此見 自試頭之搖 即所謂而我見性 ,何干於見?是以直答: ,尚且無有靜相 可得 我頭自動 如何 ,而我見性 更有搖動 ,離 , 尚 眼獨 , 故 無有

,

0

?

之中 解說 來 者 為 是從內發出 見多矣!阿難此時,能於搖動身境之中,分出不動之見性,由聞上科 , 非 顯 頭之與見,同在阿難當人分上,今於自身上,能分動 巡出身 說 客 見全無 出不動之見性 塵 , 、心二者之中 佛但以所答不謬而許之。何以見得阿難不是從內發出?觀下科意請如 ,又既能矚暗 主 、空之義 0 細究 ,發明何為虛妄生滅無常性 ,復明常住不動之義 , 阿難 見何虧損?已領見性脫根脫塵, , 此 時 解悟 , 雖 , 故 經 , 如來印可 經如來: 何為真實不生滅常住性 二、靜 勘驗 離緣獨立 ,自然較勝從前認眼 實屬 , 能於動 從外入者 0 又聞 ,彼無眼 搖 身境 陳那 便 不

宗家多向根身,接引學人。昔無業禪師, 初見馬祖,問曰:「三乘文學 **'**,粗窮 知

來 物 0 0 , 業纔出 業日 嘗 聞 : .禪門 , 祖召云:「大德!」 如 , 即心 何 .是祖師西來,密傳心印? ] 是佛, 實未能了!」 業回首 , 祖 祖曰:「祗未了的心即是 百 : 一 祖曰:「大德正鬧在 是甚麼?」 業便領悟 ,且去別 ,更 乃禮 無別 時

拜。祖曰:「這鈍漢,禮拜作麼?」

回頭 口 不答,洩便行 頭 (轉腦 轉 腦 洩靈默禪 作麼?」 便爾悟去 。頭隨後召云:「闍黎!」 洩於言下大悟 師 , , 較 遠謁 阿難相去幾何? 石頭 , 便 問 : , 乃拗折拄杖 洩回首 「一言相契即住 , 而棲止焉 , 頭 曰 : , 「從生至死,祗是這箇 0 不契即去。」 且道 無業 **万**. 洩二人 石頭據坐

#### 佛言:如是。

不相干 照 但 無有 最初 眼中見性 動 , 方便也。 相 動 , ` 併靜相亦不可得, 靜 ,湛然圓滿 二皆不屬 故佛復印可曰: ,超然獨立 0 若能親見根 誠所謂這箇見性 如是」 ,不特與外境無干,而與內身亦不相干 中 0 , 三正顯不動竟 不動搖之定體 ,內脫根身 , , 即是奢摩 外遺世界 他 身 , 微密觀 又非 境 兩

辰四 普責迷認分三 巳初 取昔所悟客塵 二 令觀現前主空  $\equiv$ 怪責自取流

#### 轉 今初

# 於是如來 , **普告大眾:若復眾生,以搖動者,名之為塵;以不住**

## 者,名之為客。

皆屬客義 之搖動是塵 生,未解客 其意,於後四句,方易領會。乃曰:汝等已明客、塵之義者,則不必說;若復有眾 如來普告,意在令眾咸知,客、塵、主、空之義。若復眾生一句,上下當補足 ,初取昔所悟客塵竟 ,凡一切動相 、塵之義者,即當以搖動者,名之為塵,以不住者,名之為客 , 皆屬塵義。又不獨佛手開、合不住是客,凡一切不住 ,不獨頭

## 巳二 令觀現前主空

# 汝 |觀阿難,頭自搖動, 見無所動;又汝觀我,手自開合,見無舒

#### 卷。

此令眾轉觀,恐其未解,常住不動,主、空之義者,故令就阿難身境驗之。乃

歷分明;若悟主、空,自不被客、塵煩惱所誤矣!二令觀現前主空竟 汝觀我,手自開合,客也;阿難見無舒卷,主也。而客、塵;主、空之義 曰:汝等倘未解主、空之義,但觀察阿難,頭自搖動、塵也;見無所動,空也;又

## 巳三 怪責自取流轉

# 云何汝今,以動為身?以動為境?從始洎終,念念生滅?

今世為終;近則生為始,而死為終,二皆可通。 我、法二執以生滅,豈不自誤哉?念念即意識妄心;始、終二字,遠則無始為始 妄執為我所 猶故不捨客塵之身境,而取主、空之見性,反乃從始洎終,於身妄執為實我 搖之身境,而取主、空不動之見性。云何汝等,仍以動者為實身,以動者為實境 云何是責、怪之詞。承上客、塵,主、空之義,明如指掌;應當捨客、塵、動 ,此屬我執;又執身境,心外實有,不了萬法唯心,此屬法執。念念隨 ,於境

# 遺失真性, 顛倒行事,性心失真,認物為己,輪迴是中,自取流

#### 轉。

寂常義 為我所 業 生 實非天造地設 妄境之中,妄生纏縛,不得解脫,受生死苦。 此 .屬惑;行事者:依顛倒之惑,而於妄身、妄境,妄生取捨,此屬業 , 循 而 承上既已認妄,則必遺真 環 於本具寂常之性 。二顯見不動竟 不失 是所謂認物為己,隨身口意 ,亦寓深警之意。此科以見性離身 ?,亦非人與,故曰:「自取流轉。」流是遷流,轉是輪轉 , 妙明之心,竟失其真,反認內四大妄身為我 (。故曰遺失真性。顛倒者:認妄遺真,而真妄顛倒 , 造種 種業 此依惑造業,依業受報,自作自受 0 、離境,凝然本不動搖 輪迴是中 : 即捨身受身 0 ,外四大妄境 既經依惑起 , 四義 ,生死死 , 於妄身 1年是

# 大佛頂首楞嚴經正文卷第一終

卯三 顯見不滅 分四 辰初 會眾作意啟請 啟匿王出詞別請 Ξ 如來徵顯

不滅四 王等極為慶喜 今初

爾時 妄認緣塵 阿 難 • 及諸大眾 ,分別影事。今日開悟,如失乳兒 , 聞 佛示誨 ,身心泰然!念無始來 , 忽遇慈母 失 ,合掌 (卻本

#### 禮佛

不屬眼,性元不動,非同妄識之無體,故得身心泰然(舜舜) 在 者 0 今者聞佛指示 前聞能推非心之斥,矍然驚怖!復聞離塵無體之驗,默然自失,身心皆不自 此文禮佛之前,乃經家所敘,願聞之後,為會眾意請。聞佛示誨,身心泰然 ,盲人矚暗,見性是心,訓誨客塵 主主、 ۰ 空 , 見性不動 ,了知見

妄認緣 為識藏 影,故曰緣塵分別影事,即第六意識 曰失卻本有真心。 念無始來者:撫今追昔,追念最初一念,無始無明,妄動以來,轉如來藏,而 塵 雖具識精元明,緣所遺者(睛緣不及) 分別影事 既已迷真,勢必認妄,認內搖外奔 0 能緣塵境,而起隨念計度,二種分別 ,遺此本明,雖終日行 ,昏擾擾相,以為心性 ,隨塵起滅 , 而不自覺 如塵之 故曰 , 故

真心, 悲?今獲見性。如遇慈母 今日開悟 真妄分明。 :即悟向之能推之心,離塵無體為影事,今之能見之性,離根脫塵為 借喻以明,悲慶之意。前者認妄,如失乳兒,身命將絕 ,慧命可續,曷勝慶幸?是以合掌禮佛, 謝前請後 , 何等可

# 願聞如來 顯出身心,真妄虚實,現前生滅,與不生滅 ,二發明

#### 性 0

是真實,現前不生滅 何以復責遺失?故願如來,向吾人身心之中,顯出何者是虛妄,現前有生滅 何以還要求佛 此乃意請 。前既悟頭動,見性不動,已於妄身中,悟明真性;復經如來印 ,顯出真妄虛實 ?因佛責遺失真性 ,顛倒行事 ,遂疑既具不動 見性 ,何者 可

決定取捨,以免遺失真性,顛倒行事也。初會眾作意啟請竟。 心二者之中,一一發揮證明,誰是虛妄生滅無常性,誰是真實不生滅常住性,令眾 身、心二者之中:一動一不動;一真一妄;一虚一實;一生滅一不生滅 二發明 '性:二即身、心二者。以不動見性之真心,不離動搖四大之色身 %。求佛: 於身 , 則

### 匿王出詞別請

·波斯匿王,起立白佛: 0 咸言:此身死後斷滅 **,名為涅槃** 我昔未承諸佛誨敕 。我雖值佛,今猶狐疑 • 見迦旃延 • 昆羅 ,云何 胝

### 發揮證知此心不生滅地?今此大眾,諸有漏者 , 咸皆願聞 0

為涅槃 故云: 證 求佛舉事 見 此方名教,亦言人死靈隨氣散, 槃 因 亦云正勝 見迦旃延 知此心 切眾 誤 未來無果,此二皆以斷見為主。故咸言:「此身死後斷滅,無有後世, 此 梵語涅槃 王自陳斷見邪疑 人 生 , /非淺 我雖 發揮 真邪說也!匿 0 不生滅地 今從母立 是自在天所作 此云剪髮, 值 ,請研斯文。云何發揮 , 現證令知也。 遇於佛, , 雖有多譯, 稱 姓也;名迦羅鳩馱,此云牛領 是向匿王自身發揮 王先受此惑,今聞主、空寂常 ,求示真常正理。故起立白佛,敘昔未承佛教,不諳佛理 , 日 現今猶有狐疑。」 0 毗 毘 乃以不生不滅為要義 羅胝 佛遂就匿王生滅身 羅胝子,即六師之第三也。邪計苦、 無復存者。又云:魂升於天,魄歸於地,皆類斷 , 此云不作 , 證知此心,不生滅地?此正別請 ,令自驗證而知,不至再生狐疑 狐性多疑 ,母名也 中 。今言死後斷滅 , 顯出 , ,即外道六師之第五 , 人有疑者似之, 見性不動之義 0 自名刪 不皺不變之見性 奢夜 樂等報 , 身死 , 故稱 觸 此 0 起心 性滅 證知者 也。 云圓 。又應會 , (即真), 名為涅 現在 狐 邪計 疑 疑 勝 , 名 無 0

眾意請 ,現前身中,何者是虚妄生滅無常性,何者是真實不生滅常住性,正是如來

一點水墨,兩處成龍也。

一乘有學 今此大眾 若辨見性真常,則三乘聖眾 ,諸有漏者:眾中獨指有漏者,以破除斷見麤惑,似惟指界內凡夫 ,未明見性,真常之心,亦咸皆願聞 也

匿王出詞別請竟。

辰三 如來徵顯不滅 分二 巳初 顯身有遷變 指見無生滅 巳初分二 午初 略

彰變滅 二 詳敘變滅 今初

朽?為復變壞?世尊!我今此身 佛告大王:汝身現在,今復問汝:汝此肉身 ,終從變滅 0 , 為同金剛 ,常住不

且 是同於金剛 デ 問 先審其生滅 此佛欲示,虚妄生滅無常身中,有個真實不生滅,常住心性,以應阿難匿王之 改死後 (閻 ҳ 物) 常住世間,不朽壞耶?為復還是變壞耶?此處佛立二問(世間最堅) 常住世間,不朽壞耶?為復還是變壞耶?此處佛立二問 (,但問 ,乃告大王:汝言彼迦旃延、毗羅胝子,咸言此身 改生前 ;如孔子有言 :未知生焉知死 0 故問汝此現在 , 死後 斷滅 肉 ],要匿 身 我 為

王自己審答者,有二意:一、就王老相,易示遷變;二、顯身無常,王者不免。

此互相恭敬 要歸遷變壞滅 世尊我今此身,終從變滅者:匿王答佛,稱呼世尊,佛問匿王,稱呼大王 0 我今此身,雖然存在,總屬無常 。王因受斷滅之教 ,懼其速滅 ,時時覺察 。終者,究竟義,從作歸字解 ,故此處以及下文,所答生 ?,究竟 , 彼

# 佛言:大王!汝未曾滅,云何知滅?

滅之相,悉皆不謬。

世人身之現在,但知年往,不覺形遷。匿王迥超常情,未必無因,故問汝未曾

滅,云何預知必滅耶?

#### 新新不住,如火成灰,漸漸銷殞,殞亡不息,決知此身 世尊!我此無常變壞之身,雖未曾滅 • 我觀(素) 現前 ,念念遷謝 ,當從滅

常 故不得常住世間 此 |略舉變相 ,決知必滅 雖然未滅 。謂我此無常變壞之身,此二句先以標定:此身 , 決知當滅。 我觀下,即無常觀。 匿王雖受邪教 因 屬無

此篇所答,全是佛法。觀字當是去聲,乃智觀,非眼觀也。下數句,即是五陰中行

陰,諸行無常,是生滅法。

句是喻 云:念念遷謝,新新不住故;同喻如香火,異喻如金剛 答 銷 生滅,行陰之相。喻如香火成灰,灰落火新,少頃火復成灰,灰落而火又新 舊 念則遷流代謝 磨殞 具有三支比量,三支者,宗、因、 後念新 我觀現前 滅 , 後二句以法合喻 新新 ,再後念起,後念復舊;再後念乃新,新而又新 (是滅), ,念念遷謝 不住,殞亡不息(ё),此一枝香,一定要滅盡 再後念生,後念又復遷謝 ,新新不住:即諦觀無常身中。念念遷謝者;後念生,前 , 決定知此無常變壞之身,當歸滅盡而後已 喻也。 應立量云:身是有法 ,念念如是。 ٥ ,不得停住 。前五句是法 新 新 , 不住者 無常為宗;因 ;此即剎那 此匿 : ,中三 前念 王所 漸 漸

### 佛言:如是!

犯過, 因匿王說無常觀 如是者,言其極成也。匿王觀察無常,竟觀到剎那生滅 ,事理不謬 ,故佛印可其說,言:「如是」 ,這種境界 0 三支比量 ,凡夫不 一,全無

相 知 。孔子昔在川上曰:「逝者如斯夫!不捨晝夜。」不知者以為說水,其知者,即 ,足證匿王為四地菩薩,助揚佛化而來,故未承諸佛誨敕,而能說此行陰微細之

知孔子說行陰,念念遷流不住也。初略彰變滅竟。

#### 大王!汝今生齡,已從衰老,顏貌何如童子之時? 午二 詳敘變滅分三 未初 較量老少 二 詳敘變狀 總結必滅

二,故曰已從(ё)衰老;其容顏形貌,比較童子(キ゚ロ゚セ゚)。之時,為何如?還是 此辨老少形容。佛曰:大王!汝今生齡(५)已從衰老,七十曰衰,王年六十有

同耶?異耶

於衰耄,形色枯悴,精神昏昧,髮白面皺,逮將不久!如何見比, 世尊!我昔孩孺,膚腠潤澤,年至長成,血氣充滿;而今頹齡 , 迫

#### 充盛之時?

曰孺子;膚是身之皮膚,腠是身之文理,幼時滋潤光澤也。年至長成:二三十歲 佛問老少,王加長成,從少敘起。 我昔孩孺,膚腠潤澤者:始生曰孩兒,始行

齡晚景 稿憔悴 比 之年齡,迫(也)於衰耄(亞近,衰朽老耄也。),下二句,即釋衰耄之相。形容顏色,枯之年齡,迫(近)於衰耄(不必定局歲數,但以),下二句,即釋衰耄之相。形容顏色,枯 長大成人,精神健康,血氣充滿(血 滿) 何況童耶?老年者,安可恬不知懼耶?初較量老少竟。 衰也;精采神氣,昏暗晦昧,耄也。髮白面皺,逮(至)將不久: 如日落西山 , 逮將不久於世,怎比壯年血氣充盛 ;而今頹齡:即現時六十二歲,乃屬頹敗 (亦旺也。) 之時?壯尚 謂至此頹 不可

#### 未二 詳叙變狀

# 佛言:大王!汝之形容,應不頓朽?

此如來引說,問言大王,汝之形貌容顏 , 應當不是一旦頓朽,汝亦自覺否?

# 王言:世尊!變化密移,我誠不覺,寒暑遷流,漸至於此 0

心麤 移 , 豈 此下王答漸至。變化密移者:乃行陰遷變化理,密密推移,屬幽隱妄想;凡夫 ,當然莫辨,故曰:「我誠(ച)不覺」。莊生喻如夜壑負舟 知行陰所遷 。寒暑遷流,漸至於此者:寒來暑往,一年一度, 遷變流轉 ,彼謂造化密 漸

漸至此

誠非頓朽

# 何以故?我年二十,雖號年少,顏貌已老初十歲時;三十之年,又

衰二十;於今六十,又過於二,觀五十時,宛然強壯。

世尊!我見密移,雖此殂落 老十歲,三十又衰二十,於今六十二歲,反觀五十之時,宛然強壯 何以故?徵釋漸至於此,非是頓朽。老少比較,人固易知,那知二十之年,已 ,其間流易,且限十年;若復令我微細 ,此麤 推 也

直月化?兼又日遷;沈思諦觀,剎那剎那,念念之間,不得停住 思惟,其變寧惟一紀、二紀,實惟年變;豈惟年變?亦兼月化;何

豈獨 去;落者下也,謂精神日損,如夕陽之西下。若復下細推。令我微細思惟 之別名,此同斷滅之見。今者乃取變遷之義,殂者往也,謂壯色日銷,同逝波之東 月不及上一月;何直(如何)月化?兼又日日有遷,命光與時光共謝 (三+又衰於二+也。)。殂落者:尚書云:魂升於天,魄歸於地,是謂殂落(指前二+衰於+歲)。殂落者:尚書云:魂升於天,魄歸於地,是謂殂落 初四句牒前文。謂我見變化,密密遷移,雖然如此殂落,其間遷流變易,且限 紀、二紀;一紀十二年也,實在年年有變;豈唯年變?亦兼月月有 。若再沈其思 ,其遷變 化 此

念 中 變狀 以 一 慮 睫毛 諦實觀察,剎那剎那 (ฐ 也),念念之間,不得停留暫住。 ,具九十剎那;一剎那有九百生滅。」 , 置掌人不覺,若置 眼睛上, 為害實不安。」 剎那生滅 ,非智莫覺。古有偈云:「如 此豈凡夫所能知耶?二詳敘 《仁王經》云:

未三 總結必滅 竟

## 故知我身,終從變滅。

相 ,正欲王與會眾 因念念不得停住 ,同明虚妄生滅 ,故驗知我身,究竟要歸變滅 , 無常性也 • 初顯身有遷變竟 總屬無常 。佛引敘肉身遷謝之

汝 中 佛告大王:汝見變化,遷改不停,悟知汝滅;亦於滅時 有不滅耶?波斯匿王,合掌白佛:我實不知 指見無生滅分三 午 初 徴定許說 二 所見不變 三 能見不滅 0 佛言 :我今示 • 汝知身

此徵定生滅身中,有不生滅性,而許說也。 佛見匿王,詳敘行陰,頗覺入細

不生滅性

受斷滅之教。 欲發揮證知,真實不生滅,常住之性。匿王合掌白佛:我實在不知,設若早知 悟知汝身,必歸滅盡;亦於念念剎那,生滅之時,汝知身中,還有不滅性耶?此正 可示以不生滅性。故問之曰:大王!汝見變化,遷移改易,念念之間,不得停住 云何證知,此心不生滅地?今佛許示不生滅性,正請許相應也。初徵定許說竟 佛言汝既不知,我今指示汝,現前生滅身中之不生滅性。王前請求 , 豈

#### 午二 所見不變

天,經過此流,爾時即知,是恆河水。 大王!汝年幾時,見恆河水?王言:我生三歲,慈母攜我,謁耆婆

此引敘觀河。謁者參拜;耆婆天,此云長壽天。謁此天神,以求長壽也。

時,念念遷變;則汝三歲,見此河時,至年十三,其水云何?王 佛言:大王!如汝所說,二十之時,衰於十歲,乃至六十,日月歲 **言:如三歲時,宛然無異;乃至於今,年六十二,亦無有異** 0

此欲彰所見之水無異,引顯能見之性不變,文顯易知。二所見不變竟

#### 午三 能見不滅

### 河 佛言:汝今自傷,髮白面皺,其面必定皺於童年;則汝今時觀此恆 **,與昔童時** ,觀河之見,有童耄不?王言:不也,世尊!

老,不必定指九十歲曰耄。王答不也,世尊!即無老少之變異 面 目 , 此科正顯能見之性不變。先以皺變對顯,其面必定皺於童年者,因此不是本來 故有皺變。故問今時觀河,與昔童時觀河之見,有老少否?童即少,耄即

人眼 眼鏡亦復無用,今一帶眼鏡則明,足驗見性不變,自是眼昏,不是見性亦昏。如盲 信 變 我有一比例:世有老人,眼根昏暗,帶著眼鏡一看完全明白 根 多有老眼昏暗 此中有一 雖 壞 , 疑問 見性 無虧 ,必須解釋。問:「世有年老,精神健康,聰明不衰者 , 如 何可說不變?」答曰:「自是眼暗 ,眼鏡但為助緣而已,實是性明,不是鏡明。若定執鏡明 ,非關見性之事 ,如說見性有變 。若凡不 可說不

# 佛言:大王!汝面雖皺, 而此見精,性未曾皺;皺者為變,不皺非

未帶眼·

Ŀ

,何以不明?」

此 \因皺以分變與不變。而此見精性未曾皺。見精即第八識識精,性即元明之

性;因在眼故曰見精,此見精之性,即本來面目, 故無皺變。

### **末伽黎等,都言此身,死後全滅** 變者受滅 • **彼不變者,元無生滅** ,云何於中,受汝生死?而猶引彼

知 云何於中,受汝生死者:以見性既不與身同變 變 近身雖壞 而 此因變以分滅與不滅。匿王既因身之衰變,而預知身之必滅;何不因見之不 預 知此見 ,真性常存 一,死後必不滅乎?彼不變者,元無生滅:指見性,本來不生不滅 ,云何於汝身中,而同受生死耶?當

(是其)子,其人謂眾生罪垢,無因無緣 而猶引彼末伽黎等四句,乃責留斷見。未伽黎此云不見道,字也,拘賒黎 ,即外道六師之第二,皆以斷滅為宗 故云

都言此身 ,死後全滅

大佛

頂如來密因修證了義諸菩薩萬行首楞嚴經講義第三卷

能見不滅之文,既破匿王斷滅之疑,巧答會眾意請諸義 0 此中面皺 見性不皺

故恐斷滅;今世尊在見上發揮, 足見世尊說法之妙也!三如來徵顯不滅竟 (生滅發明矣) 然矣 安 。此即向生滅身中,指出不生滅性。 皺者為變,不皺非變 (收分矣。) 故無生滅 。 所謂 : 變者受滅 分明證驗 「不離花下路, ,彼不變者 ,前匿王在身上觀察 引入洞 ,元無生滅 中天 •

### 辰四 王等極為慶喜

有

1

# 王聞是言,信知身後,捨生趣生。與諸大眾, 踴躍歡喜,得未曾

而 此身,死後不至斷滅。捨生趣生者:謂捨此生之現陰身,而受中陰身 死後不滅 得後陰身, 切凡夫外道,多執斷見,匿王本為除凡夫斷見之惑 ,已破斷見, 此即第 八識「去後來先作主公」依業受報也。王與他一 故以生信發解 , 知即 是解, 此信知 ,故示同凡情而問 , 與前 弧疑相 7,再趣! 類 照應 懷斷見之 他生 今聞 信 知

匿王本不求取真心,雖聞不變不滅,不以為喜;又匿王本不求出生死 雖聞受 機

,

斷疑

生信

,聞法歡喜矣!

生滅 眾 常住不滅 提 汝生死,不以為驚 ·無有信解歡喜也!權小聞說,彼不變者,元無生滅,云何於中,受汝生死;遂信 , 端 争中 有望矣 ,是四義中常義 ,元有不生滅性 , 故亦踴躍歡喜 ;惟聞不至全滅,顯有後世,頓銷斷見之疑,故信解生喜 。三顯見不滅竟 , 解 , ;悟離識心外,別有此常住真心。 得未曾有也 自此修大定 , 盡未來際 非餘 成菩

卯四 顯見不失 分三 辰初 阿難因悟反疑前語 如來發明因倒說失 深

責迷倒結合前喻

今初

滅 阿 難 ,云何世尊!名我等輩,遺失真性, 即從座起 • 禮佛合掌 長跪白佛:世尊!若此見聞 顛倒行事?願興慈悲 • 必 不生

#### 塵垢。

如 滅 塵 此 此科顯見不失 見性 |科顯從無始 **示動** 來 如主如空, ,與上科顯見不滅,俱屬常義。上科顯盡未來際 , 雖然顛倒不失 佛已印可 ٥ 阿難前問答客 , 復普告大眾,當以不住者,名之為客 ` 塵之義 ,以身 ,究竟常住不 境有 動 , 如客 搖

230

滅 動者名之為塵,後乃斥責遺失真性,顛倒行事。適聞上科佛云:彼不變者 與不動之見性,絲毫不異,遂起疑問,謂若此見聞,必不生滅,即上文彼不變 ,元無生

者

元無生滅

;此起疑之端也。

因顛 纏 性 本不失之相 有生滅 , 如染塵垢,願佛興大慈悲雲,而降甘露雨,洗滌我之塵垢。故佛下文答意,以 倒 云何 而 世尊 |說遺失,非因斷滅而說遺失也, ,可說遺失,既是見性不滅不動,以何因緣,佛責遺失?但我等二障所 0 初阿難因悟反疑前語竟 , 名我等輩,遺失真性 顛倒行事?此正所疑。 可見非真遺失。本科全示 阿難因後疑前 ,非失說失 ,以為 , 失

即時如來,垂金色臂,輪手下指,示阿難言:汝今見我母陀羅手 巳初分三 印手 辰二 如來發明因倒說失 分三 • 午初 定臂之倒相 二 定臂之正相 為正為倒?阿難言:世間眾生 巳初 即臂倒無失為喻 Ξ ,以此為倒,而我不知 明顛倒非失 今 初 以心倒無失合喻 **,誰正** 

誰倒

0

指於地 自答 倒不失難 聖不增,在凡不減 ,乃引世間眾生,以此為倒 此 (即臂之正倒以喻不失,以顯心之正倒,亦復不失。諸佛眾生,真性平等,在 示 知 阿難言 ,故借臂之正倒易見,令其觸類旁通,遂即垂金色臂 ;汝見我手 , 減尚不減,豈有失耶?祗因顛倒 , 為正為倒?當機因常遭如來當頭棒喝 ,而我不知,誰正誰倒?猶言不知何者謂之正 一,則非失說失耳。佛以心之正 , 以千輻輪手 , 不 敢以己意 ; 下 何

### 午二 定臂之正相

者謂之倒。初定臂之倒相竟

### 佛告阿難:若世間人以此為倒 ,即世間人 • 將何為正?阿難 :如

#### 來豎臂 ,兜羅緜手,上指於空 ,則名為正 0

至此 佛緊就其語而追之曰:若世間人,既以此為倒,即世間人,又將以何為正?阿 ,不得不言 ,如來豎臂 , 以兜羅緜手 , 上指虛空,則名為正。二定臂之正相

### 午三 明顛倒非失

竟

難

#### 佛 即豎臂 • 告阿難言:若此顛倒 ,首尾相換 • 諸世間人,一 倍瞻

#### 祖 1

亦不失 垂之首 尾 我 正 臂 0 告阿難 但 母 即 良以手臂 陀 (。諸世間人,不了手臂本無一定正倒,一迷也;定要執著下垂為倒 加 是 , 羅 換作上豎之尾 加 倍看法 手 倍迷執之瞻視 ,本無正倒之相 , , 若 見字相照 此顛 , 無論說正說倒 ,首尾 倒 應 此 0 , 相換而已 句即告以顛倒之名,下句乃指其顛倒之義 ,但阿難隨順世間 瞻為 即下 ,皆不離此臂 仰瞻 ·結文 。縱說上豎為正 ,所謂迷中倍人。瞻視二字 則看上豎之首 ,謂如來豎臂 ,雖說倒時 ,臂亦無增;下垂 ;視為 , 臂本不失。 ,則名為正 俯 視 , , 與 則 ;但是將 為倒 看 上 初臂倒無 0 ,上豎為 一汝今見 佛 下 垂之 即豎 , 臂

以心倒無失合喻分三 午初 標名合定 身無正倒 Ξ 正倒從心

#### 今初

失為喻竟

#### 則知 汝身 • 與諸如來 • 清淨法身 , 比類發明 • 如來之身 • 名正偏

# 知;汝等之身,號性顛倒。

臂上豎下垂,爭正爭倒。 但取臂之雖倒不失,喻明心之雖迷不失也。 汝等之身,執心在身內,執法居心外,號性顛倒身;如手下垂為倒。此文不必在手 來之身,名正徧知身;了知心包萬法,為正知,萬法唯心為徧知;如手上豎為正 手臂上豎為正。 此以法合喻,舉生身佛身之法,合上手臂倒正之喻。承上言,手臂下垂為倒 )如來清淨法身(此是離) 無論倒正, 阿難說,世人以此下垂為倒,上豎為正,佛即順彼之說 皆不離此臂,由是即喻觀法 ,比類發明者:即生身佛身, ,則知汝阿難之身,與諸 比例形顯 自 司發明 如

依 時號性顛倒,雖迷亦本不失,不過多一分迷執而已。如手臂本無正倒,而為正倒所 ,上豎說正 當知真心 |,臂無所增;下垂說倒,臂亦無失,亦不過多一倍瞻視而已 ,本無迷悟 ,但為生佛迷悟所依 ,悟時名正徧知,雖悟亦無所得 。初標名 ; 迷

#### 午二 身無正倒

合定竟

#### 難 隨 汝諦 • 與諸大眾,瞪瞢瞻佛, 觀 , 汝 身佛身 • 稱 顛倒者 目睛不瞬, , 名 字 不知身心,顛倒所在 何 處 • 號 為 顛 倒 ? 0 於 阿

迷執 甚深 知 了 諸 倒 察 顛 不依之真 顛 大眾 ? 正 倒 , 倒 膽 而 義 汝 此 , 要阿 佛 說 趣 仰 此 相之所 人 /成顛 崩 顛 於 被 色身 皆 ]難循名核實 知 倒 所 佛 此 莫 倒 在 身無正倒之相 以 , 解 , , 與佛法 迷執 目睛 不 問 ; \_ ` 故於心上 知 若能 , 恰 不瞬 亦非有相之物 0 其相 似 ,諦觀 身 觀 比較 木偶 ` 察 也動 顛 , 更不在心 , 故問 亦不知! 歌身上何<sup>1</sup> 倒 , , , 恍然自悟 不知 不能 汝身 名 阿難 雖 , 豈能指其相之所在耶?故曰 净心 ,義乃· 顛倒相之所 開 處 在 稱 身 顛 П , , , 號為顛倒之相,分明 (倒者 令其觀察 , , , 則不 在執 瞪瞢瞻 義 顛 乃從 倒 , · 至 遺 既有名字 在 所 :由迷眾 Ù 。 三 、 在 佛 0 **!**失真: 以手之顛倒 0 望佛待 由 瞪 性 非 起執 心 , ` 耳 定有 雙目 起 可 教 指 0 相 顛 , 故 相狀 號為 茁 : 見 倒 也 直 , 日 不知身心 人所易知 視 0 , 0 於時 祇 故 不 : 顛 , 瞢 隨 倒 何 可 於 知 汝 義 身上 者 阳 處 , ` 而 香悶 號 諦 難 求 ;心之 , 顛倒 因有 心實 為 審觀 不 與 因 不 顛

所

在

身無正倒竟

#### 正倒從心分三 未初 標如來慈悲告眾 引昔教以明正相 Ξ 責遺認

#### 以明正相 今初

# 佛興慈悲 ,哀愍阿難,及諸大眾,發海潮音,徧告同會

知樂, 目直 三視如來,昏瞢不了,實堪哀愍!海潮音,應不失時。阿難大眾,殷殷待教 佛興慈悲 運同體悲,拔其性顛倒苦。哀愍者:因見阿難大眾,不知身心顛倒所在 :興者發也;慈能與樂 , 悲能拔苦;不待請問 , 運 是無緣慈 , 與以正徧 ; 故 , 以

### 未二 引昔教以明正相

不失其時

,而徧告同會也。

初標如來慈悲告眾竟

# 諸善男子!我常說言:色心諸緣,及心所使 諸所緣法 ,唯心所

#### 現。

唯心造,凡 音演 佛 K 說 法 引常說之教,以明正徧知義。此大乘了義,是佛常說 小 ,眾生隨類各得解」 `解為業造 , 權教解為識造 0 今約深義 , 圓頓之機,直了真心所現 重明昔教。色心諸緣 ,亦各隨機解 , 真所 ,及心所使四 謂 0 如 佛以 切

無想定 次第 慧 心 此 王 隨 強 心 法 故 因 句 如鏡 中 、 心 所 緣 , ` , 0 法 具足五 剆 嵵 隨 及 明 根 法 百法五 方及 所 心 萬 , 煩 本 增 , , 諸法如鏡中像而已。此文重一 所使者 滅盡定 大隨 -四法貪 八識 惱 法唯心所現。色即十一色法 上 與數 色 十一心所 緣 十法 位 法 八法 所 ` 及無想報 具多寡 ` 等無間緣 、癡 , , , 廣 無為法相應 即 和合性 , , 共三十四心所 不定四法 如 ; Ħ. 、 我 前五識 催識 十一 不同 不和合性 ,名身句身並文身,生住老無常流轉 見 ,亦名次第緣 心所法:徧行 百 , [法論說 具偏 ,乃色心分位假立之法 0 慢 ; 第八識唯 此五 行 0 。二十四 大隨煩惱八法,共十八心所;第六識 諸所 干一 0 , ,心即八識心王。 現字,見萬法即心也。 別境各五 以 具五徧行心所;第七識 ,所緣緣;色法只有前二緣 五法 Ĺ 緣 法 法者 百法 , 種 隨心王所 不相 , 別 法 : 即 镜五 即二十四種 , 應 統 善法十一 0 **(**) 所是 諸緣者:生心有 得 驅 法 緣識 切法 及命 使 , 善十一 , , 故名心 根眾 不 及六種 , , 以 具 編 行 定異相 惟是真心所現 相 根 法 應法 本煩 峝 所 , 無為 分 , 不須後 惱 根 |四線 五. 使 應併勢速 , , 法 本煩 異生性與 因 前三 ,力用最 (是智) 0 ,謂 不 Ŧ. , 了,真 別境 與心 惱六 二緣 , 十 中 親

# 汝身汝心,皆是妙明,真精妙心中所現物

中即妙心之中,妙心為能現,諸法為所現,即阿難之身心,亦為妙心中所現之物 妙明 字之中。此如來直指阿難現前身心,以明諸法所依本體。寂照不二,耀古騰今,曰 此明萬法常在心中。汝身指阿難根身;汝心指阿難識心,其餘諸法,俱攝在皆 性無妄染 純 無雜 , 曰真精;不變隨緣 ,隨緣不變 ,不可思議 ,曰妙心;

待也, 無為 徧知 云: 所 此心外,另有真心耶?」答:「七轉識,但為所現,真心獨為能現,而黎耶通於能 也 對純真之心,則降為所現 此二段文中,有二種疑問,須加辨明:一、問:「諸所緣法,唯心所現,真如 ,亦在其中 而 真非真恐迷 又問:「前顯見性黎耶體 以彼真 **!非性顛倒矣!」二引昔教以明正相竟** 如 無為 , 何以真如亦為所現耶?」答:「本經乃圓實大教,是絕待 ,我常不開演 ,是對有為而立 ,對七轉識 ِ ر ,是為能現,今汝身汝心,皆是妙心所現之物 若悟上文,心包萬法,萬法唯心之旨 ,如下文云:「言妄顯諸真 , 則陞為能現,與真心非一 ,妄真同二妄」故 非異 故本經 則為正 计非對 則

#### **責遺認以明正相**分三 申初 怪責遺真認妄 法說認遺之相 Ξ 喻說

#### 遺認之相 今初

# 云何汝等 ,遺失本妙,圓妙明心,寶明妙性,認悟中迷?

今心性 心者: 失 光。寶明妙性者:寶即本性寂體, 妙 性?」其意不知以何因緣 如摩尼珠之體 不假修為 雖 此責遺真認妄 圓 對舉 不失而 即本覺照用 , 體用不分而分,自其本覺而言謂之心 。此心性,全體大用 頭倒 ,非謂他法妙 , 0 無倒 前 , 圓融朗徹 阿難問 為倒,故責曰 ,說為遺失, ,即謂心性,本來自妙也。心性單舉 :「若此見聞 ,乃從妙起明 ,原是自己本有家珍 清淨堅實,乃即明而妙,照而常寂,此體妙也; 此科即其因緣也。 :云何汝等,遺失云云。本妙者:本來自 ,必不生滅 , 寂而常照 ,自其本寂而言謂之性 ,如何遺失? , , 云何名我等輩 由顛倒而說失, 此用妙也;如摩尼珠之 , 體用自應雙兼 , 非失似 遺 圓 失真 妙 锏

法唯心,心包萬法;迷者迷法皆心外,心在身中。眾生應當反迷歸悟,云何竟認悟 認悟 中 迷 此即 遺失真性所以 。認字即屬顛倒執情 ,不當認 而認也 悟者悟萬

中 以為真心極量 點迷情 ,為己心性?此即是顛倒,即為遺失真性,一 ,此即屬認物為己,迷上加迷,倍迷也,即是顛倒之中,更加一倍顛 迷也;若更執所認迷情

倒也。

之, 不顛 迷 倒 倒 手之正倒 似有迷覺」也。初怪責遺真認妄竟 倒 而果成顛倒 而分正倒 心之悟迷 中 安計 ?,不離一臂,人之悟迷,不出一心,見雖迷執顛倒,而真心實不曾依 ,與臂之正倒對論 。其病皆在執之一字,執情若化 頭倒 ;如人迷東為西,東實不轉為西,但一 ,故曰認悟中迷。 ,其理易明。心本無悟迷,而說悟迷,如手 亦乃不迷中起迷,如第四卷所云 ,則為正徧知 迷情妄執 ,執情 東西顛倒 デ 化 !,則為: : 「昔本無 本無正 乃是 性顛

### 申二 法說認遺之相

# 晦昧為空,空晦暗中,結暗為色。

迷認?乃由最初一念妄動 妙明明妙之心性, 本 無迷 迷性明故 、悟、世界、身 而成無明 、心等相 , 故曰晦昧 (即無)。由此 ,云何遺失本妙心性 無明 一,而起 將

經云:「迷妄有虛空」 靈 明洞徹之真空,變為冥頑晦昧之虛空,故云為空,是為業相 也。空晦暗中,結暗為色者:於此頑空,晦昧暗中 ,此則從真起妄 - ,復依: <del>,</del>即 無

明之力 色 相 本無 故曰 ,轉本有之智光,為能見之妄見,是為轉相;於空晦暗中, 可 結暗為色 莧 瞪 以發勞 ,是為現相,即經云:「依空立世界,想澄 , 故結暗境 ,而成四大之色 ,變起山河大地 |成國土| 欲有所見 世 也。 界 , 合業 依 報 而業 外

現三相,為三細,即阿賴耶識。以上色空等法,迷者誤認虛空世界,心外實

## 色雜妄想,想相為身。

有

轉

色, 色,色心和合, 色心 色 即結暗所成 相雜 , 五蘊具備 變起眾生,正報內色,故曰:「想相為身」。想即妄心 ,四大之色;妄想 , 而為五蘊之眾生,即經云:「知覺乃眾生」也。 ,即能成之心。復由妄心, 摶取少分四 ,相即妄 迷者誤

### 聚緣內搖 ,趣外奔逸, 昏擾擾相,以為心性。

認四大假合之身

,為自身相

搖故昏 自心相。」 色雜妄想,想相為身,即 相 别 五. 塵落卸影子,計度分別,搖動不休(內緣法塵之境。);外緣五塵諸境之法,明了分 ,由無明不覺生三細,境界為緣 奔逸不已 聚緣者,圓覺云:「妄有緣氣,於中積聚。」積聚能緣氣分,於妄身中,內緣 ,趣外奔逸故擾 此即認物為己,顛倒之相 (此即五俱意識,) ,即此昏迷 《圓覺經》所云:「妄認四大,為自身相;六塵緣影,為 , 趣向外境, ,擾攘之相 , 再起四麤 奔馳縱逸,故曰:「趣外奔逸」 ,誤認妄識緣塵分別 。迷者不知 ,原是無明 ,為自心相。合 , 展 轉麤 0 聚緣內 動之

# 一迷為心,決定惑為色身之內。

倒 0 既一迷積聚緣氣,以為自心,決定迷惑,心在色身之內,萬法皆在心外, 自晦 '昧為空,從真起妄,悉皆認妄 ,已成顛倒 , 此處正屬顛倒之中 更 加顛

# 不知色身 ,外洎山河,虚空大地,咸是妙明,真心中物

徧

知見,敵對相反,以上皆認妄之相

不知 即迷執心在身內,並不知真心廣大周徧,包含萬象 。 即 阿難 內之色身

242

物。 4 所成)四大之色法,) 此乃遺真之相。若知心包萬法,法在心中,則成正徧知矣!因不知故 。外洎 (ڃ) 山河,虚空大地之世界,咸 (ڃ) 是妙明真心中,所現之 ,認物為

乃成性顛倒也。二法說認遺之相竟。

### 申三 喻說遺認之相

### 譬如澄清,百千大海,棄之,惟認一 浮漚體 0

真也;惟認一 以下設喻。澄清百千大海,譬如包羅虛空大地之廣大真心,反遺棄之,此喻遺 浮漚體 , 惟獨認海中一漚之體 , 譬如惟認悟中一點迷情,似在色身之

內,此喻認妄也

#### 目為全潮 ,窮盡瀛渤 0

為真心 此喻執妄為真。喻中惟認一漚,即目為全海之潮,窮盡大瀛、小渤;法中認妄 執妄識窮盡真心極量 。三喻說遺認之相竟。併前二如來發明因倒說失

#### 竟

識

### 深責迷倒結合前喻

# 汝等即是迷中倍人,如我垂手,等無差別,如來說為可憐愍者!

手 心 樣 認緣影之妄心,一迷也;執此妄心即是真心全體,詎非加一倍之迷耶?如我垂 上喻中棄海認漚,一迷也;目漚為海,乃是迷中倍迷之人。合法中遺廣大之妙 ,不知手臂本無正倒 ,一迷也;今定執上豎為正,下垂為倒 ,亦迷中倍迷之

故曰等無差別

用不知 不失 源 而論 失 ,惜當機未能直下承當 猶臂之雖倒而不失,等無差別也。前云遺失真性,正由顛倒,則非遺似遺 ,則不負本有;雖不失而顛倒 又不知真心本無迷悟,一迷也;反認悟中迷,亦迷中倍迷之人。心雖迷倒而不 , 從無始來,雖然顛倒不失,亦四義中常義。以如來盡心吐露,可謂澈法底 (,則無失說失,懷珠乞丐,枉受困窮,名可憐愍!果能於此悟明 ,似極顯見性,妙明周圓之義。四顯見不失竟 ,則不廢修證, 庶性修無礙 矣 0 此科 以真性 , 雖 顛 不失 倒 , 日 而

楞嚴經講義第三卷終

# 大 佛頂如來密因修證了義諸菩薩萬行首楞嚴經講義第四卷

辰初 阿難求決取捨 福 州 鼓 山涌泉禪寺圓瑛宏悟述受法弟子 如來力為破顯 Ξ 明暘 承前 日新 判決取 敬校

捨 四 結歎自述淪 溺

卯五

**顯見無還**分四

阿難承佛悲救深誨 ,垂泣叉手, 而白佛言:我雖承佛如是妙音

空日圓 取捨 即是妙明心 心 傷真心不失 妙明心,元所圓滿,常住心地 三科妙音,乃讚佛說法微妙音聲;佛音具足眾妙,乃總讚之曰:「妙音」。 即指 悲救深 萪 如來 周徧萬法曰滿,所顯廣大圓滿之義;常指不滅科中 領悟上三科 , 顛倒 海者 阿難領悟 ,盡心吐露 受淪 :承佛悲憐愍念 ,所顯見性 |不動 , 故致垂泣矣 ,極顯真心, 、不滅 0 阿難前求發妙明心,佛向阿難眼中指 ,救拔性顛倒苦 、不失之見性 !我雖承佛如是妙音 可惜阿難未能領悟,而反起疑,故向佛求決 。元所圓滿 ,深加訓誨 :如是指法之詞 ,真常不滅之義;住指 指 , 而 不失科中 與正 出 徧 知樂 , , , 悟妙明 包括虚 即指 顯 見 感 性

不動科中安住不動之義。此述聞法雖悟本心,下乃歸功意識。

# 而我悟佛,現說法音,現以緣心,允所瞻仰

以聞解之功 而字轉語詞 而能聞法領悟,有大功能 ,全歸重於聽法緣心, , 悟佛法音,是猶但領其文,未諳其旨 0 允所瞻仰者:允誠義,謂此緣心,是誠我所瞻依 故曰現以(墹)緣心,緣心即第六意識 ,觀下未敢認取可知 , 緣慮 。阿難 分別

# 徒獲此心,未敢認為本元心地。

仰慕,而不能捨者,若捨此心,憑誰聞法領悟耶?

於緣心 認為本來圓滿 此心,即妙明心。 阿難 ,元來無失,常住心地。其故何也?因不得其用,故未敢認也 亦復如是, 眾生日用施為 故曰:「徒獲此心」 , 無非承其恩力 。獲者得也,其意徒得此心 , 咸皆迷而不知 , 故歸功 而未敢

緣慮之心,何自而有?全承根性恩力,反疑不得其用,此迷真也;聞法領悟之心 以躊躇莫決 倘若認此 0 觀此阿難則真妄雙迷 ,則必捨彼,卻後將何承領佛法?縱不惜緣心, 倘無根性真心,豈能聞法?聞既 而獨不重佛法乎?所 不聞 , 則分別

2 4 6

離 此迷妄也 |塵即無分別,塵有則生 。既是真妄雙迷,何得稱悟?直至三卷末,獲本妙心,常住不滅 |,塵無則滅,完全無體,不過妄有緣慮分別,執認不捨 ,方敢認

#### 願佛哀愍 宣宣 三不圓音, 拔我疑根, 歸無上道 0

取此心

方是真悟

音 音 如 ; 雨所潤 圓音 一切音不出一音, 佛之音聲 : ,草木大小 即 佛最勝口 , 圓滿普被 ,隨根受益 故曰一音。 輪 , 「但以一音演說法 諸方異類,聞之皆同本音,一音具足一 , 佛音為眾生作增上緣 有緣隔遠 ,眾生隨類各得解」 , 如 在 堂 隨根差別 , , 切音 圓音 現眾多聲 , , 故稱圓 即是一 猶

於歧途 非大雄大力之世尊 不滅之果覺 疑根者 莫知所向 2,須識 : 謂致疑之端 不生滅之因心, , ,莫能拔之。此即緣心、真心,誰取、誰捨,莫衷一是,如人惑 故求拔疑根 , 乃疑自 ,令到不疑之地,庶可歸無上道 庶可圓成矣!初阿難 疑人 ` 疑法 ,三疑中疑法也 求決取 捨竟 無上道 此疑根之於心 即不生

如來力為破顯 分二 巳初 破緣心有還 顯見性無還 巳初 分三 午初

破所緣之法 破能緣之心 三 指各有所還 今初

# 佛告阿難:汝等尚以緣心聽法,此法亦緣,非得法性。

上科阿難求決取捨,此科如來力為破顯。破者破妄(ポ),顯者顯真(ポ),

此欲破緣 心有還,先破所緣之法(ৣ哉) 。阿難不捨緣心,為重於法 ,若破所緣非

真

,而能緣自捨矣

得法性真理。 汝等尚以緣心聽法,謂以能緣之心,聽我所說法音。則此法亦成所緣之塵,非 以法音但是能詮,真理方是所詮 ,真理即眾生之心,聽法能悟真理

方不負我所說 ,故下喻說 ,聽法自應觀心。

如人以手指月示人,彼人因指,當應看月 0

人以手指月示人,喻佛以音聲,而作佛事,說出聲教,直指人心,告示聽教之人。

上人字喻說教人;下二人字皆喻聽教人;指喻佛之聲教;月喻聽教人之心。如

彼聽教人 ,因教自當觀心, 猶因指自當看月也。若聽教悟心, 則因指見月矣

# 若復觀指, 以為月體,此人豈惟亡失月輪,亦亡其指,何以故?以

## 所標指,為明月故。

聲教,為真心故 亡其所謂指 云:若復 此 1喻執教迷心 **|執教為** 也。 心 何 。若復觀指,以為是月之體,此人豈惟 (ஜ) 亡失月輪不能見 , 以故是徵, 此聽教人 ,豈惟不達真心, 下二句是釋。即 以所標之指 亦且不知教意 ,認為明月故 , 何以 故 ? 即 以所緣 法合當 , 亦

#### **豈惟亡指,亦復不識明之與暗** 暗二性 **,無所了故** ,汝亦如是 0 0 何以故?即以指體,為月明性 明

照 獨 以靈 了 下 迷心 知故 釋不識 無覺照之用 知 明暗二字 不昧為性 。法中教合指喻,心合月喻。教以聲名句文為體, 亦迷其教 明暗之義 , 喻中易知 何以故?即以聲、名、 有覺照之用 0 0 即 何 以故? 以指體之暗 ,法中 ·以所說 ,合明喻;學人不解依教觀心 難 性 解 教 , 0 認為月光之明性 喻中不但亡指 , 句、 認為真心故 文,無覺照之教體, , 0 並不識明暗 又不但 , 無覺照之用,合暗喻 自是明 , 迷教 但認聲教為真心 暗二 為靈知不昧 , 0 亦復 何以故句 性雙迷 不達 無所 有 , 豈 ; 心 徵 有 覺

緣塵 覺照之心性,覺與不覺,二者無所了別故。謂汝以緣心聽法 ,汝則迷失法性,何異執指為月,不識明暗之人?故曰:「汝亦如是」 ,則我所說之法 。初破 [,亦成

午二 破能緣之心

所緣之法竟

性;譬如有客,寄宿旅亭,暫止便去,終不常住,而掌亭人,都無 以分別 ,我說法音,為汝心者,此心自應 0 離分別音 ,有分別

所去,名為亭主。

先喻說 緣之法 真心者,此心自應離卻所分別法音,有能分別自性,方許為真 此正拔不捨緣心之疑根 ,後法合。此喻能緣心 此科乃破能緣之心。謂汝雖不以所分別聲教為心,若以能分別法音 。分別:指聽法緣心;法音:即所聽聲教。上科先破所 ,離塵無性 ,譬如行客,寄宿旅亭, 7。此暫縱,下即奪 不過暫時止住便 , 為汝

此亦如是:若真汝心,則無所去,云何離聲, 大佛 頂如來密因修證了義諸菩薩萬行首楞嚴經講義第四 卷 無分別性? 去

,終不常住

,而掌(セ)亭人,是為亭主

則無所去

如客 此 若真是汝心,則如亭主常住,並無所去;云何離卻所分別聲 以法合。亦復如是者:能緣心不住,緣境之時,暫緣便去,終不久緣 ,無有能分別之 。,故喻

### 斯則豈惟聲分別心;分別我容,離諸色相, 無分別性 0

自性?此破意識緣聲之心也。

相之容貌,亦是相有則生,相無則滅,離諸所分別之色相,亦無能分別之自性 此下廣示有還。故云:斯則豈獨緣聲分別之心,離聲無性;即能分別我三十二

# 如是乃至,分別都無 ,非色非空,拘舍離等,味為冥諦 離諸法

#### 緣 • 無分別性

守幽閒 無 塵,并法處所攝,半分生塵,而分別之性,亦復都無。此是六識不緣六塵境 如是二字,指上緣聲色二塵 0 Ħ. 唯留獨頭意識 | 俱意 ,法處滅塵境界,已離六塵麤相 亦皆不行 ,如是則能分別心,與所 緣法處半分滅塵 , 離塵無分別性。乃至二字, ,故非色;猶有寂靜細境 , 因法塵有生滅之分故 分別境 悉皆寂然 超略 故非空。參禪之 非色非空 中間 故 香 即 味 都 内

界

觸

定 士 故非空。如八定後三定,所緣境界相似。不但隨塵起滅之見聞,緣心不行,即 到此境界,難免被他所誤。又非同色界(パ艸)定,故非色;非同空處(゚゚゚艸゚)

齅 嘗、覺、知 ,亦復不起,此處猶非真心,切勿錯認

即無分別之性,與上之離聲、色,而無性者,同一例也。」二破能緣之心竟 色空都盡,亦但離於麤境耳 性 八萬劫,八萬劫外,冥然不知」。謂為冥初;從此覺知初立,故名主諦,亦云世 為冥諦者:昧即迷昧,不知此境非真,執為冥初主諦。智論云:「外道通力,能觀 脈》云:「縱使心之分別都無 謂世間眾生,由冥初而有此性,即世間本性也。 拘舍離等 ,此云牛舍,乃末伽黎母名,即拘舍離子,六師之一,等餘外道 ,滅塵影事,固不能離 ,亦但離於麤分別耳, 。若離諸法塵,半分滅塵之緣 微細流注,固所未覺 離諸法緣 ,無分別性者: ;縱使境之 。昧 **企** 

## 午三 指各有所還

# 則汝心性,各有所還,云何為主?

此心性,非圓妙明心, 寶明妙性,即緣塵分別之心性,亦即上文所謂昏擾擾

大佛

去,但是暫住之客,不是常住主人,故曰:「云何為主」。 別冥諦者,從冥諦來,還之冥諦。如人影相似,從何人來,還隨何人而去。有來有 相 ,以為心性,乃隨塵生滅,各有所還。分別聲者,從聲塵來,還之於聲;乃至分 初破緣心有還竟

阿難言 二:若我心性,各有所還;則如來說 **顯見性無還** 分二 午初 阿難求示無還 如來詳與顯示 ,妙明元(ホ)心,云何無 今初

還?惟垂哀愍,為我宣說。

還 竟 之於誰。若是自己之物 , 而 此當機聞說緣心有還,而求示無還也。還者歸還,如世間之物,從誰借來 :如來所說妙明元心,云何乃是無還?惟垂哀愍,為我宣說。 , 則無可還 , 故問曰:若我能緣心性 , 如來現說 初阿難求示無還 ,各有所 燙還

相皆還 佛告阿難:且汝見我, 四 如來詳與顯示分四 獨顯 見性無還 見精明元,此見雖非妙精明心,如第二月 今初 未初 指喻見精切真 許示無還之旨 Ξ 備彰八

#### 非是月影

之體 精 元 日 :且汝現前見我之時,此見即是八識精明之體,元者本也;故出其名曰:見精明 0 0 在耳曰聞精;在鼻曰齅精;在舌曰嘗精;在身曰覺精;在意曰知精 即二根本中真本,識精元明是也。體即第八識見分,映在六根門頭 佛欲示無還之旨,先明見性,切近真心,且就阿難日用之見,分明指示,故 ,而有了境之用,但體受妄熏,而有二種顛倒,見妄未除,精明尚欠於妙,故 雖非妙精明心」 。雖非二字暫抑之。 : ,本具精 在眼 日 見 明

別體 以第一 而喻中 月,喻純真無妄之妙精明心;第二月喻見精明元;水中月影,喻緣塵分別之 但 多一 , 揑而已,放手即真;非同水中月影,與真月有虛實之殊,天淵之隔 隨即揚其切近於真,如揑目所見之第二月,雖非真月, 而與真月原無

問 : 阿難求索真心, 佛何不指與純真無妄之心,而乃指此帶妄之見精耶?」 ,猶有一分無明未破,真尚未純,

識心。

佛欲令人捨彼妄識,取此見精,為本修因也。

大佛 頂如來密因修證了義諸菩薩萬行首楞嚴經講義第四卷 答:「純真之心,唯佛獨證

,等覺菩薩

而況位居

也 中 意 凡 ·番正示,二見翻顯 、小,離此憑何指示乎?譬如指鑛說金,求金之人,若捨於鑛,豈有真金可求? , 」初指喻見精切真竟 識 多於六根門頭 取 本 來 亩 目 , 0 ,如銷鑛成金 慎 接引學人,豎臂擎拳 勿因此有雖非妙精明句 工,其金 **,** 純 ,則光明煥發矣!從上諸祖 棒一 , 遂疑見精 喝 , 無非欲令學人 , 以為全妄 ,不敢認取 親 ,皆本佛 向 自身

# 未二 許示無還之旨

# 汝應諦聽!今當示汝,無所還地:

心 元所圓滿 首句誡聽 ,下乃許 , 常住心 地 示 0 0 無所還地者 既圓滿 , 則無來無去 :即本元妙明心地;前阿難所云 , 常住不動 安有所還?是為無 : 悟妙明

所還地。二許示無還之旨竟

備彰八

相皆還

霧晦瞑 阿 難 ! 此 • 大講 則復昏暗;戶牖之隙,則復見通;牆宇之間 堂 • 洞 開 東方 • 日輪昇天 • 則有明曜;中夜 ,則復觀壅 ノ黒月 雲

# 分別之處 ,則復見緣;頑虛之中, **徧是空性;鬱哱之象,則紆昏**

# 塵;澄霽斂氛,又觀清淨

等處 體 大, 不 相 處 子夜 講堂戶牖洞然大開 可還 ( 掩蔽 ; , 此通 明 同是冥頑 則 此欲示無還之見,先列可還之相。 共有 曜 則復見差別之相 則復見緣 見 黑月謂一 則 是相 通 、塞一對 復現昏暗之相 相 八相四對 無知 !,乃至澄霽是體 ;牆宇之間 :緣即塵緣差別 月之中 。分別之處:指眼前所分別之境,處即 ,內外通達,東方日輪升天 故曰徧是頑虛之相 : 明 ;頑虛之中 , 。昏者暗之始 ` , 有分白月 暗 四 ,清淨 ; 通 圍曰牆 ,如山是高 ` ,徧是空性 ` 是相 塞 ,四簷曰宇, 佛意非有可還之相 ,暗者昏之極 黑月, 同 此同 0 其中 ,地是平, ` 白月 異 ,則全講堂,皆有明曜之相 , 異 應是空性之中 ·惟六七體相顛倒 ; 別判光 清 內外彼此 對 0 ` 林 此明 濁 。鬱眞之象 是密 也 境也,如山、地 ,莫顯無還之見 黑月便暗 ` 0 暗一 不 各有體相 ,泉是流 通 徧 , 觀還 對 是頑 , , 則紆 則 0 因云 復 戶 虚 處自知 ,彼此之相 觀 牖空隙之 昏塵 ;中夜即 如 ,故先列 , 空性廣 林 霧 壅塞之 日 輪 晦 、 泉 大 應 是

是昏 所對之境 斂 塵 境 , 萬 象 塵之象 裡 , 蒼蒼 則 , 紆 下 , 則紆鬱眞 崩 **,** \_\_ 繞鬱真之相 各有所還 色清 淨 , 象即 , ;澄霽斂(w) 氛:雨後天晴為 , 故又觀清淨之相 對 境象;紆環繞也;地氣屯 7顯見精 無還 , ;此清 離 塵別有全 濁 聚日鬱 性 澄霽 對 , 也 異 , ; 0 所 前 此 灰沙飛揚曰真 緣 有 八 心 相 塵 氛 , 皆為 離 , 悉皆收 塵 無體 見精

也

麼?\_ 符 此 化 緣 喻 現 ?經旨 大講 無明 皆生當人妙明元心 切 喻 此 大講堂 遂曰 堂 剜 0 惡 昏於長夜 相 眼 試深思之!昔報慈文遂禪 Ħ 0 ,喻 頑 總言之, : 虚 明還日輪 乏狀 妙明元心 ; 通 (楞嚴) 喻六根 隨迷 此心不拒諸相發揮,能為諸相所依 喻 ,不動不變之體,為大總相法門;八相 無記 ` 豈不是有 悟二 通達 眼又曰 ; 鬱 緣 , 師 真 觸 , 八 , 喻昏迷之性 處 而 還 嘗究 現染 洞 日還甚麼?」 義 然 ? 《首楞嚴》 ` 壅 淨 遂 ;清淨 喻二 諸 日 相 : 一執障蔽 0 , 遂懵然無對 明 喻澄湛之心 謁於法眼 是 ,若講堂然,人人皆有 喻 智慧 , 0 頭 眼 頭 , , 曰 善能 喻心體隨緣 是礙 述 自 己所業 正 : |此服 顯 照了 明 差 種 膺請 還 別之 種幻 ; 暗 甚 深

0

益 。是可知主中主,故非註疏所及。端師子頌曰:「八還之教垂來久,自古宗師各

分剖,直饒還得不還時,也是蝦跳不出斗」。

# 阿難,汝咸看此諸變化相,吾今各還本所因處 0

者 ,自無而有,謂之變,雖有若無,謂之化,顯其不實也。吾今各還本所因處:以 能見是一,所見不一之相,咸在一見之中,故曰咸看此諸變化相 。相以變化稱

上八相,各有所因,本因何處而來,還之何處。

# 云何本因?阿難!此諸變化,明還日輪,何以故?無日不明,明因

# 屬日,是故還日。

上科云:諸相各有本因;此科徵釋本因,謂明相當還日輪 以日是明相本因

以是之故,還之於日。

### 塵 暗還黑月,通還戶牖,壅還牆宇,緣還分別,頑虛還空,鬱埻還 ,清明還霽,則諸世間,一 切所有,不出斯類 0

此 7中頑虛還空 ,鬱眞還塵,足證前之體相顛倒 ,其餘例上可知 。以此八相類

258

推 則諸 世間,一 切眼家所對之色塵 ,皆有可還, 不出斯類。三備彰八相皆還竟

## 未四 獨顯見性無還

#### 汝見八 種見精明性 • 當欲誰還?何以故?若還於明 • 則 不明 時

#### 復見暗 雖明暗等 • 種 種差別 見無差別 0

不然 清 萬 故 性 來力為破 別 起 , 昭 無來無去 此 1然不昧 正 雖 是 而 · 顯竟 三顯見性 | 徴釋 明去暗來 能 見之性 ,凝然不動, ,不生不滅,當欲從誰以俱還乎?誰字 0 設若見精還於明相 無還 , , 通去塞來 , 湛然盈滿 乃為真主人。 無差無別, , , 異滅同生 如明鏡當臺 , 已隨明相 謂汝能見八種之相 無往無還 , 濁滅清生 而 有 • 去 物斯鑑 本科獨顯見性無還竟。 , 則不 ; 即 , 所見之相 , , 明時 八相中隨舉那 此見之精 明 來 , 見明 應 , 任 無復見暗? , 從 , 即 乃至 種 是妙 併前二如 相 種 清 明真 千 汝今 來見 何 差 以

# 辰三 承前判決取捨

#### 諸 可還者 • 自然非汝 • 不汝還者 • 非汝而誰?

仰 未敢認為本元心地,而起愛妄疑真之心,今聞如是破顯,其疑根當可自拔矣。三承 屬汝自己,非汝之真性,而是誰耶?汝當決定認取,而不可猶豫也。云何汝先言 遷之真性 無;六識因塵而有 前判決取捨竟 而 首句,近指八相,遠指六識。八相從緣而有,還之於緣,緣有則有,緣 !猶戀戀不捨!今此見精明性 ,汝當決定棄捨,而不須執恡矣。云何汝先說,現以(ᠳ)緣心,允所瞻 ,還之於塵,塵生則生,塵滅則滅,皆有可還,自然非汝常住不 ,明來見明 ,暗來見暗 ,不由汝以可還者 ,自然 無則

# 辰四 結歎自述淪溺

#### 則 ,是故如來,名可憐愍! 知汝心 本妙明淨 。汝自迷悶 一,喪本受淪,於生死中 常被漂

明淨 相 所遷 則知二字,承上無還而言,則知汝之見性真心,雖隨緣而恆不變。本字貫下妙 此三義本來現具根中, ,非同緣心之離塵無體 即生滅門中之本覺心。眾生日用 故曰:「本妙」;不為諸相所蔽 ,不離這箇 非同緣心之昏擾 , 不為諸

迷悶者 丐 為性 似失也。 而常住,亦四義中常義 , 珠 ,故曰:「本明」;不為諸相所染,非同緣心之分別愛著,故曰:「本淨」 本不失 :執恡緣心 法身流轉於五道 ,枉受貧窮 ,無智自解,具足本末不覺,由是喪失本妙明淨之覺心 。五顯見無還竟 , ,枉受淪溺,於生死苦海之中,常被漂流沉溺 為 可憐愍者 0 此科以見性無還而論 , 無往無還 , 如懷 ,此非失 挺 物表 珠乞

顯見不雜 分二 辰初 阿難以物見混雜疑自性 如來以物見分明顯自性

#### **今**初

# 阿難言 :我雖識此見性無還,云何得知, 是我真性?

見性 以物 諸相以俱還 阿 昭昭靈 見分明顯自性也 難 雖聞見精無還 ,云何分辨,可以得知是我真性,而不屬於物也?觀雖識二字 靈 , 盈滿 0 目前 , 初阿難以物 而領之未的, ; 物、 見混雜,仍是有疑莫決, 見混雜疑自性竟 故言我雖識此見性無還 不敢認見為心 , 是雖 知見性 故佛即 阿難以 一,不與

如來以物見分明顯自性分四 巳初 標定能所 就中揀擇 Ξ 物見分

# 明四 責疑自性 今初

佛告阿 無障礙 難 • ,吾今問汝:汝今未得無漏清淨, 而阿那律 • 見閻浮提 • 如觀掌中 • 承佛神力, 菴摩羅果 0 見於初禪

那律 未得 能見 之性 施 家 果 中 飯 施 為農 供 施 四 農 具足云 科 百 供辟 有聲聞見、菩薩 如何是所見之物 夫 果 無漏 夫 空 下山 當機疑 (聞言 遠 支佛 缽 化緣 何那 種 , 而 清淨慧 山田 回 , 物 心中動念:此大師七日化一次,每次化七家,無論多少 律陀 一次 所以受福 0 ` 該農夫見而問之曰 , 見混 眼 見 , 無暇回家喫飯, 然後 彌陀 是年饑荒 ` , 佛見 乃承 不滅 雜 就 經云 此 佛 笚 、凡夫見,故呼當機而告之曰:吾今問汝 , 於九十一 科 : 神 揀 ,米糧昂貴 力 擇 佛欲顯物 阿奚樓陀 加被 , 帶飯而食 「大師今日乞食得否? 自然見是見,物是物 劫中 , 乃能 ` ` 見不雜 此 日下山募化 。山中有一道人修行巳證辟支佛 天上人間不受貧窮果報 云 見於初禪 無貧 故先 ,亦云不滅 , 得 須 , · 答 曰 連化 分明 無遮障留 列 出 七家 彳 0 , 大 雜 如 音 日 礙 何 ,下七再 , 0 , 0 汝現今 無 竟 是能 過 此 去劫 人布 無 以稗 而 先列 見 阳

貧 遂 必 養 化 跳 得 辟 今空缽 至 安樂 農 支 夫背上 《佛接而受之,乃為咒願曰:「 0 而 願 回,豈不是要餓七日?自愧無可供養 畢 , 伏 而 去 而 , 不 十分感激!後農夫持刀割草 動 0 農 夫 驚怪 所謂布施者 , 奔 回急喚其妻捉之, ,乃以所帶稗飯一 必獲其利益 , 草中 跳 出 乃 , 若為: 兔 金 , 包, 兔 其 樂布 色 0 布施供 自 純 施 此 黃 後 無

佛愍而 者是矣 見此 訛 世界 眼 蛤 類 釋 觀 此應見娑婆國 四 九十一劫 見十方 那 :迦牟尼佛土,三千大千世界 教之, 有 ٥ 萬 睡 律是佛堂弟 有云 億閻 千年 , ,受福 授以樂見照明金 : 精真洞 浮提 此 ,下科居日月宮 閻 , 不滅 不聞佛名字。 , 舉 ,因聽法之時 浮提 然 , ,故以名焉 別顯 三字 如觀 總也 **剛三昧** 掌果 與 , , ,應只見閻浮提 下科 。 — , 如觀掌中菴 常好睡眠 故 遂生慚愧 此過去因 , 《華嚴》 此見 遂 《維摩詰經》 得 半頭 周 (,被佛) , 縁也 員 '摩勒果。」今言閻浮提者 發大精 天 0 眼 編娑婆國 此理不錯 訶云:「 呵 , ]那律答嚴淨 進 而 切閻浮提 證 七日 圓通 咄咄何為睡?螺螄蚌 一字對 據愚見不必更換 <del></del> 宋 寐 梵王 , , 自 皆言 換 述 失其 亦云: 則 佛 ,以大千 我 雙目 兩 在 皆不 中 不 岗 吾

天下 兩 :處但加字可也,此加萬億,或一切二字,於閻浮提之上,下科娑婆國下 南 閻浮提即 可。菴摩羅果,桃柰相似,生熟難分,此方所無,故不翻 加一四

是聲聞見

#### 諸 菩薩 ;眾生洞視,不過分寸 等 見百千界;十方如來, ٥ 窮盡微塵,清淨國土 無所不

其多不 也 地 見千界,乃至十地見無量世界。 以上聖見,下為凡見 前二句菩薩見,中四句佛見,後二句凡夫見。百千界者:初地菩薩見百界,二 可數也 ۰ 國土皆稱清淨者 :佛眼等觀 十方如來,見無限量 見穢同淨 故 曰 : , 無所不瞻 窮盡微 , 即 佛 塵 見 周 喻 圓

聖 過 過分寸之地;三、 作通 不過分寸而已;二、收盡含生:謂蜎蝡之屬,見量狹窄, 眾生洞視 過解 ,與上二不同, ,不過分寸:作三意釋之:一、對勝顯劣:謂眾生洞明之見,較之佛 障礙失用:謂隔紙不見,此不過分也,隔板 此中能見之文,具足十界五眼,凡夫肉眼 不見 極其洞視(四見) ,此不過 阿 ]那律天 寸 也。

2 6 4

眼 RH 難 仗承佛力慧眼 , 菩薩 法 眼 , 如來佛眼 0

Ħ. 眼 頌云 : 「天眼通 非 礙 , 肉 服礙 非 通 , 法 眼唯觀俗 ,慧眼了知空 佛眼

如 **Ŧ**  $\dot{\mathsf{H}}$ , 照異 (體還 同 本同 平然 平等 一門是如來藏, 相清。淨 明 法界內 , 無處不含容 0

!

,

•

•

•

•

#### 雖 阿 有昏 .難 H 明 吾與 • 種 種形像 汝 觀 • 四天王所住宫殿 無非前 塵 • 分別 留 中 礙 間偏覽 0 水 陸

吾與汝 黃 金 埵 此 2列所見 , 南 觀 方 四 增長天王 天王 ,獨約當機,現量所親見之境。 所住 宮殿 , 居瑠 , 璃埵 在須 彌 ; 西方 Ш 腰 廣 , 自 離 。謂言 天王 地 四 萬 以上聖凡諸 , 居白 三千 銀 由 埵 旬 見 , 北方 東 , 方持 姑勿論 多聞 或 天王 耳 0 且就 居 居

水

蕌

埵

,

而

齊

日

月

空行諸 靋 而 中 明 眾 間 朗 生 編 覧 者 者 無情 種 : 種 忉利天之下 之處 形 像 , 有山 差殊 不一 河 大地之上 , 大地 無非 **一,周徧歷覽** ` 眼前塵境 虚空 ` 諸境界 , ,有情之類 所 分別之相 , 雖 有 晦 ,有水居 味而 , 種 種 昏 滯 暗 ` 者 陸處 留 隔 晴 礙

也

初標定能所竟

#### 巳二 就中揀擇

# 汝應於此分別自他,今吾將汝,擇於見中誰是我體?誰為物象?

字平聲,謂汝當於此能見所見之中,分別誰自誰他,自即見性 物見本來不雜,阿難先疑混雜 :,故佛欲令自己揀擇,自驗自知 ,他指物象 ,自可不疑 應

揀擇竟 能見之見體?誰為我所見之物象?令能所分明不混,自然得知汝之真性矣 解 ,謂現今吾將汝現前所見,要汝自己揀擇,於能見所見之中,仔細分別 吾今將汝擇於見中四句,吾是佛自稱,將汝將字,文意稍難領會;今不作別 ,誰是我 。二就中

物見分明分四 午 初 正明物不是見 二 正明見不是物 三 反辨見不是

物 四 反辨物不是見 今初

種 阿難!極汝見源,從日月宮,是物非汝;至七金山,周徧諦觀,雖 種光 ,亦物非汝;漸漸更觀 ,雲騰烏飛,風動塵起,樹木山川 •

# 草芥人畜,咸(৬)物非汝。

大佛

頂如來密因修證了義諸菩薩萬行首楞嚴經講義第四卷

展 轉 一發明也 上文佛令自揀物見 此 正 明物不是見 ,惜阿難 0 極者盡也 無此智力,不能辨別分明, , 見源即 見性 , 如云盡汝見性 故 除此下 , 更以 能 力 四番 從日

香水海 也 歷 軸 月 宮 而 , 三 、 遠 , 諦實觀察 Ш 此 乃見雲之騰 Ш , 擔 最 也 木 , 重 上所見是物 草芥 , 金 , 雖有種種光明 四 Ш ` (紫) 也,人畜也 , , 善見 鳥之飛 共 , 有 而 , 五 七重 非 , 汝見性也;又至七金 ,亦是物而非汝見性也。 ` 風之動 **季香水海** 馬耳, , 亦咸是物 , 六、象鼻, 塵之起 七重金 山 , , 此皆空 而 七、 , 山 非汝 其體 , 魚觜 漸漸 此 見性 中 皆金 山童 所 更觀 0 也 有 周編 「繞須彌· 0 , 以至 初 自高 諦觀者 ` 雙持 猫之外 正 明 地 而 物不是見 上 卑 : 用 樹 自 目 ` 持 重 木 近 循

# 午二 正明見不是物

竟

#### 阿 物類 難 ! 是諸近遠, • 自有差別 諸有物性, • 見性無殊 • 雖復差殊, 此精: 妙明 同汝見精 誠汝見性 , 0 清淨所矚 則

此 正 明見不是物 上明諸物非見 • 見性已經擇出 , 阿 難 不解 , 故 此承上重示

種狀態 云: 阿難是汝所見,若近若遠 ,差別殊異 ,列在目前,同是汝之見精,一道清淨,不起分別,圓明照了 ,若高若低,若大若小,所有物性 (睛 性) ,雖復種

矚見也。

性之問也。二正明見不是物竟。 己見性;物見分明,云何於諸物中,而不能揀擇耶?此正酬上文,云何得知是我真 者:即此見精 則諸 物類:指所見一切物類 ,本妙本明;與物不雜故妙,徧見諸物故明,即此妙明真心 ,自有千差萬別,而汝見性畢竟無殊 0 此精妙明 , 誠汝自

## 午三 反辨見不是物

# 若見是物,則汝亦可,見吾之見?

汝見有 無殊 此數節文,承上反辨,見不是物。上科已將物、見分析明白,物有差別,見性 則見當然不是物。反辨云:若汝執言,見即是物,即當有相 袙 我見亦當有相 , 則汝亦可見吾之見,畢竟作何形相?試問我見之相 ,見若有相 同 則

於何物?為方圓耶?為大小耶?

# 若同見者,名為見吾,吾不見時,何不見吾不見之處?

之處 見,吾不取物時,手在何處,汝亦應見 處 時 而說能見吾見物之見者,亦不足信也。譬如我手取物之時,伸在物上,為汝所 即名為見吾之見者;下即難其當見不見,則吾收視不見物時, 前二句防謬,下三句難破。若謂汝我同見萬物之時,我見在於物上,汝見此物 ,現今吾不見物時 汝何以不能見吾不見之體 ,在於何處?既不能見吾不見之 汝亦當見吾不見

# 若見不見 ,自然非彼不見之相;若不見吾不見之地,自然非物,云

#### 何非汝?

四句 所不見之物相。自然二字,即分明義;非彼不見之相六字,即非物二字。 見性非物。上二句,謂若能見我收視不見之處,自然是我能不見之見體,自然非彼 此躡 當與我字對看,再用能所二字對釋,我見為能見,彼物為所見,例如眼根見 自然非物四字同,乃譯者潤文之巧耳。 前 何不見吾不見之處,防阿難謬答能見,故分開若見若不見兩途 此文欲求義理明白 , 須知彼字即 此句與第 ,俱反證 指物

物 物 真性相對。三反辨見不是物竟。 若不見吾不見之地,則吾之見,自然非物。何以故?若是物 見體 在之處, , 故末句結曰:云何非汝真性?此云何非汝句,即答阿難前言,云何得知,是我 是我能見之見體,非彼所見之物相。今不見物,照上例云:自然是我能不見之 ,自然非彼所不見之物相 當然令汝可見,既不能見,當然非物 (非物四字。),不必過於搜索,愈晦本意。下二句(此句,即自然,) 。吾之見既非是物 ,收視不見時 ,汝之見亦 ,必有所 應非

# 午四 反辨物不是見

# 又則汝今見物之時, 汝既見物,物亦見汝。 體性紛雜 ,則汝與我

# 並諸世間,不成安立。

亂 何 汝既見物 以故?物亦能見 , 而 此反辨物不是見。當承上云:見若是物者,物亦當是見,則汝現今見物之時 不 可辨也。 ,而物亦當見汝矣。體性紛雜者:則無情之物體,與有情之見性 果然如是, ,物亦屬有情, 則汝與我 則有情無情雜亂, , 並諸世間眾生,有情之界,不成安立矣 故不成安立。又有一解: ,紛然雜 則汝 !

與我有情世間 一、並諸器世間,則不成安立矣。何以故?物亦能見,就無有無情之器

世間,即壤器世間相,何成安立。

# 阿難!若汝見時,是汝非我 。見性周徧,非汝而誰?

是誰耶 以及水陸空行,皆屬汝之見性周徧,此見總不屬於物,亦不屬於我,非汝真性,而 尚 不混濫 此 轉正意。言若汝見物見我之時 ?物見分明 ,豈有情之與無情,而至雜亂耶?見性周徧者:謂汝現前 ,本不混雜 ,為何不敢認取?四反辯物不是見竟。併上巳三物見 ,一定是汝見而非我見, 汝我有情之與有情 ,觀四天王宮

#### 巳四 責疑自性

分明竟

# **云何自疑,汝之真性,性汝不真,取我求實?**

問云何得知是我真性?故我責汝,云何自疑汝之真性也。此科以見性非物而論 汝不真者 此承上物、見分明不雜 :此性本來是汝 , 本有家珍,反不敢認以 。見性是在汝,而不屬於物 為真 , ,云何汝自疑汝之真性 而取 我言 , 以求證實 不 性 汝

雜不亂,超象外以孤標, 是四義中明義。六顯見不雜竟

顯見無礙 分二 辰初 阿難因塵疑礙 二 如來顯性無礙 今初

# 阿難白佛言:世尊!若此見性,必我非餘 0

下 徧 當加本來周徧意,與下文語脈,方可連續。謂若此見性 自應無礙 此科因當機聞說見性周徧 ,何乃動被物礙?故白佛言:「世尊!若此見性 語, 遂生疑惑 , 以為真性 ,既是周徧 ,本來周徧,必定是我 ,必我非餘。」 , 應當 見性 定周

#### 我與如來 觀四天王,勝藏寶殿 **,居日月宮** • 此見周圓 • 偏娑婆

真性

而非餘物,則應當一定無礙,今何不然?

#### 或 退歸精舍,祗見伽藍 ,清心戶堂 • 但瞻簷 廡 0

王宮殿 所成;月宮四十九由旬 故 稱勝藏寶殿 此述見性大小不定。云我與如來,觀四天王勝藏寶殿,此殿乃殊勝藏寶所成 齊 隨至二宮,故曰居 。阿難隨佛至彼,故與如來, 水摩尼寶所成 日月宮 0 灌頂云:「日宮縱廣五 , 皆天人充滿。日宮雖火摩尼寶所成 同觀日月宮,此宮亦在須彌 一十一由旬 山半, , 火摩尼寶 與天

2 7 2

涼與月宮同,但光勝下注耳,猶如火鏡,體質不熱,光注成燒。 」《起世經》云: 日月宮運行無滯 ,為五風所持:一、持風令不墜;二、住風令安住;三、隨順風

令順行;四、攝風令緩急;五、將行風令得中」也。

故。 者:從四天退歸精舍,祗見伽藍,此云眾園;清心戶堂,謂講堂 余意亦可不必換,但於娑婆國下加一四天下,南閻浮提,便是。退歸精舍祗見伽藍 見 ,不應徧娑婆國 安處於戶內堂中, 此見周圓 ,徧娑婆國者:自二宮遠觀,此見周徧圓滿 ,有云:此處娑婆國三字,與上文閻浮提三字對換,兩皆不訛 不能遠見,但瞻垂簷與廊廡,先大今小 ,徧娑婆國 , 聞法能清淨心地 。據日月宮所

#### 世尊!此見如是,其體本來周徧一 界 ,今在室中, 唯滿一 室 ?

大小不定,其體本來周徧一界,今在室中 此陳疑以請。意謂:見性既云周徧,自當一定常徧,自在無礙。此見今何如是 ,忽然成小,唯滿一 室 ?

為復此見 • 縮大為小?為當牆宇,夾令斷絕?我今不知斯義所在,

# 願垂弘慈,為我敷演

為 意 整個之見 小耶 界廣大之見,而為一室狹小之見耶?如身入卑門。 故 此妄情計度,求決於佛。承上徧界之見,今滿 ;?還是夾令斷絕耶?實未明了;願垂弘(セ)慈,為我敷演斯義,一 求 佛與決 7,而成 (內外之二耶?如水築長隄 日 : \_ 我今不知斯義所 在 , 則分彼 0 即 此 大 一室,為復此見,因室 必要鞠躬 0 小 為復為當二句, 縮 。為當牆宇夾斷 ` 斷之義 皆有不決之 定所在 所局 還是縮大 周 縮縮

四 出成礙之由 辰二 如來顯性無礙 五 教轉物自在 分五 巳初 今初 明不定由塵 教忘塵自徧 Ξ 以反難顯謬

初阿

難因塵疑礙竟

#### 佛 告 阿 難 切世間 ,大小內外, 諸所 事 業 各屬前塵 應說

### 百,見有舒縮。

舒縮意 用 該 以下如來 該斷續 上下方圓等類 , 顯 應知見性不變 性 , 無礙 皆屬 此總示大略。一 前 塵而 不因境礙 有留礙 , , 非關見性也 而有縮有斷 切世間,大小內外,諸 0 不應說 又見性隨緣 言 , 凡所 見有 ,在大見大 有事相業 舒縮 者

卷

2 7 4

處小見小,亦非塵之所能礙也。而眾生妄見,大小之遷,別有元由,下科自明

# 譬如方器,中見方空。吾復問汝:此方器中,所見方空,為復定

## 方?為不定方?

塵相譬器皿,塵相有大小內外,而見性無舒縮斷續,其猶器有方圓,空無定相。先 此 以喻明塵,大小不定,全由於塵,但得亡塵,自然無礙。今以見性譬虛空

舉方器,中見方空,分開定方與不定方兩義。

# 若定方者 ,別安圓器,空應不圓?若不定者,在方器中,應無方

#### 空 ?

若言不定者,則在方器中,應無方空之相,今既器方而方,是又定方矣。兩應字 此 [明二義皆非。若言定方者,易以圓器,空應不圓,既隨圓現圓,是不定方;

# 汝言:不知斯義所在。義性如是,云何為在?

皆讀平聲

汝先言,不知大、小、縮、斷之義所在,而見性大小之義,與定不定之性,如

虚空者是也。虚空隨器而現方、圓之相,云何為有定在耶?初不定由塵竟。

### 巳二 教亡塵自徧

# 阿難!若復欲令入無方圓,但除器方,空體無方,不應說言,更除

# 虚空,方相所在。

亡塵,而大、小之相自泯。則見性廓周法界矣!二教亡塵自徧竟。 定大、小,不應說言;除塵之外,更除見性大、小相之所在也。大、小由塵 圓相之所在也。法合欲令見性無大、小之相,但除塵(ᄛҳё)之大、小,見性本無 除器之方、圓,空體本無一定方、圓,不應說言:除器之方、圓外,更除虛空方 此輾轉解釋,見性無礙 。故謂阿難,汝今欲令虚空之入,無有方、圓之相,但 ,但得

### 巳三 以反難顯謬

# 面?若築牆宇,能夾見斷,穿為小竇,寧無續逃?是義不然 如汝問,入室之時。縮見令小,仰觀日時,汝豈挽見,齊於日 0

此之反難,要當機自審,以顯其謬。若如汝先所問,入室之時,縮見令小, , 則

大佛

此亦令審穿無續迹 縮矣 汝仰觀日時,豈能挽(ᠳ)見齊於日之面前耶?此乃令審,觀日非舒,自知入室非 若築牆宇,能夾汝見令斷,則將牆宇穿為小竇(パパ)時, , 自知夾無斷痕矣。 而疑縮疑斷 , 俱非正義 。故斥之曰:「是義 寧無接續之迹耶?

不然」。三以反難顯謬竟。

### 巳四 出成礙之由

# 切眾生, 從無始來,迷己為物,失於本心,為物所轉,故於是

## 中,觀大觀小。

遂有心、物之分,非惟物不隨心轉,而心反被物礙矣。故於是中 來 竟成礙者 總該凡、外、權、小而言,夫見本不可礙,而物亦不能礙 一體之真心 自 此出成礙之由 司同 ,皆從 佛 ·,而執心外有實法 作用 無始無明住地而來,迷己真心 , , 惟 由於法執 砂覺明 , 0 圓融 眾生法執未亡,執心外有法 。迷字即是法執 照了, 無有少法可得 , 而為萬物 ,乃為成礙之由 デ 而凡 , 夫復何礙?一 不了萬物皆己 動 、 外、 成有礙 ;即是於一體之 不達萬法 權 切眾 , 、 小 ,遂失本 法 唯 執 心 , 畢 生

水 相 中 尚 結之成冰 觀 在 大 , 塵 觀 相 小,逐境 未亡 , 則能礙 總總 遷 水: 成有 移 , 果能返迷 礙 動 被物礙。 0 須知物本是心 , 自 又不僅觀 可 轉物矣 ,迷之為物 小 ! , 是為 轉物者 物轉 , 則 , 即 能 , 一瞬心 即 轉萬物 觀 大 , 為 亦然 亦 自己 如 冰 0 原 以 如 是 界

### 巳五 教轉物自在

融

冰

為水

水自不至礙

水也

四出

成礙之由竟

# 若能轉物,則同如來。

事 體 事 藏 修 自己 事 節 無礙 , , 無礙 法 唯 , 轉物之功 塵 身 法 妙 則 覺明 法界 界也 知 入 0 性 由 天 地與 理 ,須憑妙智 0 , , 即 事 則 員 以 (我同 同 同 照法 無 性 如 礙 如 融 來 來者 界 根 塵 , 然後 , , , , , 稱 理 萬 悟 則 , 性作用 物皆吾 示 圓 身界無 法 同 身 理 礙 如 如 事 , 來 破法執 來也 分 , 0 事 體 以 , 切自在矣! 塵毛 妙 不 0 , 此由 法 礙 明 , 相 身 悟明心外無法 理 不生不滅之自 以 事 即 , 理 法 , 小 為 為 界 单 身 無量 , 現大 而悟 , , 員 性 , 無量 |入理法 法法唯心 融 , , 大中 合 無 礙 為 如 現小 界也 來藏 , 隨 , , 轉萬 舉 而 , , 證 而 而 繼 物為 證入 法 起 入 如 理 來 員

是物 生 即 是心 自心 見 始 作 即 ... 野 同 同 相二分,本來不離一心,以能見之見分,取所見之相分, 幻 干 昔僧問谷隱聰禪師 如 念妄動 如 , 物 鳴 必由 非幻成幻法 來 法 來 飯 者 兩 ? 云何立?則 無些子意智 分 見分去轉他, : 以來 擬 韶日 見 , 同 見分恆 ,不生 如 相二 : 。 \_\_ 來 無物可轉矣!如性宗金剛經云:「不取於相 , 分 此為迷己為物 汝喚甚麼作物? : — 被相分所轉 。 \_\_\_ 示 即 如何 滅 千 若能轉物 若有意智 如 里 , 蝸牛二角 . 博法?但要見分不取相分,不取. 與 萬 (生滅和合, 里 , 0 逐物意 又此兩: , , 即同 既迷為 為物 , 出則 日 移 節文, 轉也 如來。萬象是物 : 成阿 成 物 , 故於相分中觀 雙 恁麼則即同如 , 賴識 又僧問韶國師 則失本心 若按相宗解 , 收 0 剘 此識 歸 (將心認作物, 7,如何 武大觀小 如下文云:「自心取 有見、相二分, 釋 來也?」 , 無非 現 : , 如如不動 要轉 轉得?」 幻 切 如 八似失矣。) 若 衆 何 , 物 韶 非 是轉 能 生 曰 , 聰曰 幻 相 轉 不 尚不 分即 物 , 由 從 物 則 莫 知 無

# 身心圓明,不動道場

同

如

來矣

相

既

叵得

礙

從何來?

徧 法 而 不 心 心 剫 此 外實有 [;妄認六塵緣影為自心相 明 為 體自在 妙 餇 ۱ ا , 即是迷 , 屬 , 靈明 理事無礙法界。眾生迷時 洞徹 己為物 , 萬物身心 , 所以動被物礙 ,則被六塵障蔽而不明; , 本 來 ',妄認 , 體 今既轉物 , 即 四大為自身相 所謂澈 即是認物為己。又妄認諸 , 則身為法性身 法底源 「 則被 無動 四大留礙 , 圓 無 照周 壞

# 於一毛端,徧能含受,十方國土 0

身心即是法界,不動之道場矣

相容 之鏡 端 世界 小 中 看 現 或 此明用自在 大 屬 而 , 而國不小 現千里之境 依報之最 ,大中現小之義相 , 即廣狹自在無礙玄門也。 屬事事無礙法界, ; 即 大者;毛端 ,境在鏡而不小 小中現大也; 0 毛端即 含國土 十玄門中 國外觀毛 , 鏡含境而 毛 即 頭 以正 £ 攝 ,而毛不大,即大中現 , 有餘 廣狹自在無礙門也。 依 屬 正報之最 ; 國 , 依正相 土 在毛 小者 涉 端 , 不相 國 即 王即 小 以依 亦即第四卷 妨礙 也 。 如 入正 佛 ,小大 利 大千 一尺 毛

大佛 頂 如來密因修證了義諸菩薩萬行首楞嚴經講義第四 卷

前文故於是中

觀

大觀

小,

乃是正報被依報所礙

見性被境界所遷

此

則

非獨

無不自在

,

矣 但 不礙不遷,且能相即相入,而成無障礙之妙用矣!又較前亡塵境界, ! . 圓 國照法 此 科 界 以見性無礙 丽 得理事無礙 而論 , 觀 大觀小 此則大用自在,而得事事 , 轉物自在無礙 , 是四義 無礙 ,見性之妙 中妙義 更是甚深 , 又兼 , 無 具如來 以 , 彼 加

藏,不動周圓二義。七顯見無礙竟。

阿難白佛言:世尊!若此見精,必我妙性,今此妙性 呎八 顯見不分 分二 辰初 阿難疑身見各體 如來明萬法 • 體 現在我前

心中 身境 矣 前 阿難 中云 周 無干 既然是我妙性,豈有反在身外耶?」 徧 前 此領前義 疑見性 變現一 萬 此精 `物之見精 無還科中云 種昭昭靈靈光景 妙明 ,以生疑難也。前佛要當機,認見為心,多與發明 與萬物混雜 ,誠汝見性 必定是我妙精明性者 : 諸可還者 ,此疑見性 ,湛然盈滿目前,喚作見性,似與身心 。」又云:「 , 自然非汝;不汝還者 ,與身心各體 , 見性周 今此妙性 徧 0 , ,現在我之眼前 故白佛言:「 非汝而 , 非汝而 誰 ? , 見性超然獨立 世尊 , 判 阿難 誰 , ? 則離我身 ! 加 遂從 ·若此現 不雜科 為二 ? 分別

# 見 《必我真,我今身心,復是何物?而今身心,分別有實;彼見無

## 別,分辨我身

然非我 辨 不敢認為本元心地,如出一 恰墮意識窠臼 為能分別,有實在作用 況能辨萬物耶?此正同世間凡夫情見,以有分別者為我,無分別者非我,不知 此恐認見必遺身心。意謂湛然滿前之見,必定是我真性,則我現今之身心,當 ,究竟復是何物 ,與前執緣心有用 ,而今身心,分別有實?此約分別以起計 ,彼在前之見,無有分別功能,來分辨我身,我身尚不能 轍 ,悟妙明心,元所圓滿 ,常住心地,不得其用 。謂:現今身心 故

# 若實我心,令我今見,見性實我,而身非我 ?

則見性在我之前,如同外物在前;若實在是我,而今此身竟成所見,反非是我矣? 此約能見以起計。謂在前之見,若實在是我真心,令我現今,此身反為所見,

#### 何殊如來 ,先所難言:物能見我 0 惟垂大慈,開發未悟 0

此解承上前一 解, 見性既已離我同物,反能見我身,即同物能見我 (。何殊)

豈具能見功用,物不是見,前已辨明。初阿難疑身見各體竟 哉?詳佛答處,自見真妄徧融之旨趣矣!又見性靈明洞澈,身心世界,外物頑礙 誠 總會前文 慈 如 來 為顛倒之甚 ,開導發明,令未悟者,可以得悟,認見何得不遺身心,見身何得不同 ,先所難言:「物能見我」。然物能見我,佛先不許,已斥其謬,惟願再垂大 ,佛則諄諄責之,警其不可認妄為真 !良由不達認妄者,必至遺真 , 0 而識真者 阿難則種 , 種疑之, 自能 融妄 反恐認真遺妄 何 物見 至 有所遺 也

眾懼俯慰 辰二 如來明萬法一 五 文殊啟請 體分六 如來慈示 巳初 直斥妄擬 今初 二 正遣是見 轉遣非見 四

#### 佛告阿難:今汝所言 **,見在汝前** 是義非實 0

相 前 體以釋之, , 應 而見性萬物,自成一 前阿難謬執,見性與身心各體,故有見性在前之疑。佛不即約身心見性,無有 同 萬 !物分明 而獨約萬法一體以破者,中有二意:一者 可 指 , 體 既於萬象中 。以此例觀,疏遠之萬物,與見尚屬一體,而至親之身 竟無是見非見之可指 、易於施破:見性 , 則是非雙絕 了 如 果在 無前

心,與見豈復為二耶?

謬執 故佛總對萬法 執見性身心 見 必遺身心 二者、兼除二執:蓋身心者,我執之親依;萬物者,法執之顯境。阿難祗恐認 惟此見性在前,是其謬本,故佛首奪云:「見在汝前,是義非實。」初直斥 ,合為我體 ),則我執正自熾然,而法執尚猶微隱 ,悉顯其無自無他 ,而以萬物為他體 , 則二執蕩然矣!如灸病者 ,非惟法執不能兼破 ,若但說見性身心一 , 須得其穴 , 而二執益 體 , 呵 一增上矣 , 彼將 難 種種 更 !

#### 若實汝前,汝實見者, 正遣是見分三 午 初 則此見精 如來問 既有方所, 阿難答 Ξ 佛印證 非無指示? 今初

妄擬竟

者 物 離物 , 則 先阿難妄擬見性在前,佛已直斥其非。此下辨無是見,與無非見,此科 此見精 , 而單遣是見也。 ,一定有地方所在, 如來問云:若此見精,實在汝之眼前 既有方所, 必有相狀,非是無可指示?此決斷定 ,汝實實可 以看見 雙用即

屬

;可指,下方令對物指出

形 河 且 今與汝 , • 0 無不指著 礙者是壁 汝今於我師子座前 • 坐祗 0 • 通者是空 陀林 偏觀林渠 • ,如是乃至草樹纖毫 舉手指陳是種種相:陰者是林 • 及與殿堂 • ,大小雖殊 上至日月 • • • 明者 前 但可有 對 是 恆

處林渠 不可 礙者是壁 前 以指著也 但是目之可見, 此 (水也河) 先以物皆可 通者是空 ,及與殿堂,高處上至日月宮,遠處前對恆河,汝今於我師子座 指 舉手皆可 為例,下令指見。且今我之與汝, , 如是乃至若草若樹 指陳 , 是種 種相 ,纖細毫末 , 分別明白 , 大小雖 坐此袛陀林 , 陰者是林 殊 , 但 0 周徧 可 , 以有 明者是日 觀 形 看 近 無

# 若必其見,現在汝前,汝應以手,確實指陳,何者是見?

此教其指 見。若必定見精,現在汝之眼前,汝應以手, 確確實實指陳 , 何者是

汝眼前之見?

阿難當知:若空是見, 既已成見, 何者是空?若物是見 • 既已是

## 見,何者為物?

物 單遣是見 此 有 兩節文 , 即在本科 ,乃佛立成格式 0 此節格式 ,要阿難依此解答,不至混濫 , 乃即物 , 須 不壞物之本相;下節乃離 。先所謂雙用即物離 物 , 須

當顯見之自體

無物 是見 若是見,即便 存 是見 是見 方成物見各體之義 解釋 ,如下文「我真文殊 當知二字 亦當不壞物之本 既 已成見 0 佛要阿 無空無物 , 要阿 , 須當 難 難注意著眼 ,依所定格式 柏 不壞空之本相 , 0 遂成 此 , , 無是文殊」 何者仍舊 順 河難 一體 , 迷執 何者是空, ; 物 , 是物 則 , ٥ 籅 何者仍舊是空? 、見雙指,不壞物之本相。 , 此 阿 ? 見性與根 種 此種格式 難語意相違 解釋 何者是物 ら身萬物 是 , 譬 再約物說 。又既成一體 0 《正脈疏》 如即壁成畫 此語莫作是見無空 , 各皆 有體 先約空說:若空 若物是見 交光法師 ,自不容 , , 要須壁 故 作斯 , 既已 更說 是見 畫 解 特 雙

#### 汝 可微 細 披剝萬象 , 析出精明 ,淨妙見元, 指陳示我 0 同彼諸

出手眼

,

能見

人見不到之處

0

能會佛立格本意,殊令人心悅誠服也

1

大佛

頂如來密因修證了義諸菩薩萬行首楞嚴經講義第四

卷

## 物,分明無惑。

指陳示我 同體 精 象 精 更加 不能變日 ,有曰見性 明 上節 番微細工夫 如 即物索是見,此節離物索是見。乃離物須當顯見之自體,故囑阿難:汝可 果物見各體 淨 初 一 妙 ; ` 如來問竟 ,名雖各出,乃隨語便,同指眾生識精元明 妙見元者 此四乃見元義相 , 披剝萬象 , 必須離物以顯見之自體 萬象不能混曰精 , 即剖開萬象 ,即本 覺所具性功德相 萬象不能蔽曰明 ,分析出此見元 , 同彼諸物 , 此曰 ,即二根本中真本, , 歷歷分明 , 此 : — 萬象不能 |即離物索是見 見元」 , 染日 無所疑惑 , 上 淨 與物 日 也 萬 見

#### 午二 阿難答

#### 阿 難言 :我今於此 • 重閣講堂,遠泊 (音) 恆河 **,上觀日月** • 舉 手手所

# 指,縱目所觀,指皆是物,無是見者。

是物 此 不能不壞物之本相,更指出何者是見也。 阿難答 , 即 物無是見 。謂舉手所指得到 故 曰 : 縱目 (即放)所觀 「無是見者」 也見 得到 , 指者皆

#### 卌 尊 **!如佛所** 說 • 況我有漏 • 初學聲聞;乃至菩薩 ,亦不能於萬物

# 象前,剖出精見,離一切物,別有自性。

切物 見 象 , , 即 析 此阿難答 別有見之自性也。是離物亦無是見之可指矣!此雙用即離,單遣是見也。二 羅 出 漢 精明 、辟支佛,亦所不能,乃至菩薩,亦不能於萬象前 , 離物無是見 淨妙 見元 , 。如佛所說 指陳 示我 。 \_\_\_ , 即指上文佛立格云:「汝可微細 況我乃是有漏初學人 ,剖析出精 ,那能 離物指 見 , 披剝萬 離 出 是

#### 午三 佛印證

阿難答竟

### 佛言:如是如是!

非即 達 斯 ,二者皆是 義 非 此佛言印證 離 則混 , 惟 其非 淆真妄 ,故言:「 。重言 即 也 , 沉溺輪迴; 如是者 故能 如是如是」 『靈光獨! , 以阿 惟其非離也 耀 .難所答,即物無是見可指,離物亦無是見可 良以見性 , 迥脫 根塵 , 故能塵剎普融 ,量括十方 身界無干 體周萬法 , 萬物 生死 不繋 體 , 其與萬法 , , 眾 用 彌法 生不

義 約 不即之義,分真析妄,以決擇離塵獨立之體。今此科合下無非見,乃約不離之 ,色心不二,眾生不達斯義,則沉空滯寂,中止化城。如來自指見是心以來 , 泯妄合真 ,以顯洩乎與物混融之妙, 以釋阿難身見各體之疑。二正遣是見竟

佛復告阿難:如汝所言, 轉遣非見分三 午初 如來問 無有見精, 阿難答 離 切物 Ξ 佛印證 ,別有自性 今初 • 則汝所

# 指,是物之中,無是見者。

即物 物無是見也。 先述彼言 物 雙明無非見無是見 此顯離見無物 皆無是見。 ,牒定其意 則汝所指是物之中,無是見者:此牒上即物無是見也。此文雙牒離物 ,以遣非見也。 , 曰 : 0 佛恐當機 如汝所言 上科雙用即物離物,單明無是見;此科單用 ,祗知見性離一 , 無有 見精 , 切相 離一 切物 ,不知見性即一 , 別有自性 切法 ; 此牒 也 上離 0 故 即

今復告汝 必無見精,受汝所指,汝又發明, :汝與如來 坐 一祗陀林 更觀林苑 此諸物中 乃至日月 何者非見? 種種象

是則完全無是見;復承上文,既是完全無有是見,汝再向萬象中, 此緊承上文,復告云:更觀種種物象差殊,必定無有見精,可以受汝所指,如 仔細發明,此諸

物之中, 何者非汝見耶?初如來問竟

#### 阿難答

### 阿難言:我實偏見 • 此祗陀林,不知是中, 何者非見

此直答:我實徧見,一切萬象,不知是萬象之中,何者非我之見也。

# 若空非見,云何見空?若空即見,復云何空? 何以故?若樹非見,云何見樹?若樹即見,復云何樹?如是乃至,

物無憑 文本明 樹 是徧歷萬 非見 此徵釋無非見之所以。上云單用即物 無 ?,云何能見於樹?若樹即見 (ڃ),則樹既已成見,復云何猶名為樹也 , 說於非見,故單用即物。承上徵云:我說無非見者,何以故?下釋云 象 非 , 帶明無是者 指點將來, 以至虚空,謂:若空非見,云何能見於空?若空即是見 , 恐聞無非, 仍復墮是,故兼帶雙明 ,雙明無非見、無是見 遮止 ,即在此節 矯亂 也 二:若 · ? 此 以離 0 如

則空即已成見,復云何猶名為空也?

## 我又思惟:是萬象中,微細發明,無非見者 0

此結答無非見。再四思惟是萬象之中 ,微細發明 , 見性朗見萬物,無一 物而非

是見者。二阿難答竟。

#### 午三 佛印證

### 佛言:如是如是!

此佛印證 0 無一 物而非見,斯言不謬,故重言如是以證之。本科惟明 體不

離之義,若有是非,何成一體?三轉遣非見竟。

#### 巳四 真懼俯慰

### 於是大眾,非無學者, 聞佛此言,茫然不知, 是義終始!一 時惶

### 悚,失其所守。

者義之由來, 眾非無學 兩皆不知。下如來答中,本是淨圓真心,妄為色空,及與聞見 ,智力有限 ,故致茫然 0 是義即無是無非之二義,終者義之歸趣 即義 始

所終也。既是一 之所始也。既曰妄為,即無是非之可指,又此見及緣,元是菩提妙淨明體 是真精妙覺明性, 體 則是非終息矣!後二句,正由不知 ,安有是非之可言哉?又觀見與塵 ,種種發明,則是非始起 莫衷一是, 故驚惶悚懼 ,即義之

其所守,或是或非,無可把握,故曰:「失守」。

無上法王,是真實語,如所如說,不誑不妄,非末伽黎,四種不 如來知其魂慮變慴,心生憐愍,安慰阿難,及諸大眾:諸善男子 !

# 死,矯亂論議;汝諦思惟,無忝哀慕!

此佛慈安慰

知其即知阿難等

,

神魂驚變而不安,思慮憂慴而不定,

佛心生起

憐愍 依也,依佛所證 無上道,為諸法之王,於法自在;是真語者(ぬ ),實語者(ぬ )。如所如說:如者 而安慰阿難及諸大眾曰:諸善男子!汝等不必驚疑怖畏 ,真如實理而說故,不誑者,無賺誤也 , 無上法王 , 是佛成

不死者: 不妄者:無虛偽也。 彼外道託言有不死天,一生不亂答人, 非同末 伽黎 , 四種 不死 ,矯亂論議 死後當生彼天 0 末伽黎解在前 ,立為四種矯 八亂論 四種

彼不 兩 議 可 , ·死論議哉?此示以佛言可 在十捲行陰中 終無決定,是為 ,謂:亦變、亦恆、亦生、亦滅、亦有 四種不死 信, ,矯亂論議。 不必驚疑也 今無是見,無非見 、亦無、亦增 是非雙遣 赤減 ,豈同 皆指

於此 慧 之 汝自己之哀慕矣 者辜負也,可約自他二意釋之:約自者,汝既已回小向大,哀求佛定,仰慕 而 , 汝諦 望其領悟;眾仰慕之, 無是非之義 入思慧 思惟 , 庶可 , 無忝哀慕者 !約他者 , 誠能諦實思惟 為起修之本 , 哀是佛哀 :諦是諦 望其啟發 , 非教以仍用識心, ,大開 實 , 慕是眾慕 圓 , 故囑諦思, 思惟是八正道中正思惟 解 , 則悟 , 謂此· 明因心 思量分別 無負上下之望也。 此中二義 , 自可 , 故 , 茫然不知 加一 圓成果覺 如來欲阿難從聞 諦字揀之;忝 四眾懼 , , 佛哀 庶 佛果 俯慰 不負 愍

足 是 一時文 呈五 合掌恭敬 殊 文殊啟講 師利法王子 • 分二 而白佛言 午 初 • 愍諸 舉疑代問 :世尊 四眾 !此諸大眾 • 二 揀過求示 在大眾 中 • 即 不悟如來 從 座起 • •

發明二

頂

禮

佛

竟

# 種,精見、色、空,是非是義。

是義 義 悚失守者,祗因不悟如來兩番審問,特為發明,精見 ( <sup>睥見</sup> ) 之與色空,是義與非是 無是非是」止,是文殊代問之辭,先標眾疑。不悟者:舉其疑端;二種即是義 (兩種。 是義 前是經家,敘述代問之儀。今「世尊此諸大眾」起,至「元是何物,於其中間 精見 , (,即無非見之義,以無非曰是故;非是義,即無是見之義,義字雙連 即八識精明之見分;色空,總該諸物即相分。文殊意謂:大眾所 與非 以惶

#### 所矚 世尊 。而今不知是義所歸,故有驚怖! **!若此前緣色空等象** ,若是見者 • 應有所指,若非見者 應無

上是與非是,成二義也。

何無是見之可指?若非見者 此述眾疑。二應字,俱屬平聲。謂:若此色空等象若是見者,應當有所指,云 ,應當無所矚,云何又能見色見空?而今不知是義所歸

者 : 即無是見、無非見二義,所歸趣也。 故有驚怖!初舉疑代問竟

#### 午二 揀過求示

# 見精,元是何物?於其中間,無是非是。

非是疇昔,善根輕尠(鮮)

,惟願如來

,大慈發明,此諸物象

•

與此

少可比 象之與見精 此代求佛示 0 元是何物句, ,元是何物。 。謂此眾雖然有漏 正追究是義終始 於中即無是見,又無非是見。 ,非同疇昔 (ஜ ),未曾回小向大,善根輕薄尠 ,詰本窮源之問也。 無字 願 , 雙貫下是與非是 佛大慈哀愍 , 發 丽物 佛

若發明,則大眾既知是義所歸,而驚怖自息矣。五文殊啟請竟

未初 明一 真無是非 如來慈示 分二 喻一真索是非 午 初 曉以無是非之故 三 答本真無二 二 教以出是非之法 相 四 總以法而合喻 午初

#### 今初

#### 與見緣,並所想相,如虛空華,本無所有 佛告文殊及諸大眾 :十方如來 及大菩薩 ,於其自住三摩地中,

對待 此 惟是一 【佛酬答文殊之代問,故呼其名而告之,併及在會大眾 真,以明無是非之故,若有是非 , 則非惟真。十方如來,已證極果之 。文中正顯真心 絕諸

佛頂首 非同 謂 及 佛 圓 : .權小,有出有入之定,是以曰自住,即自住本地風光 併及大菩薩 頓 那伽常在定 \菩薩境界 楞嚴王 ,具足萬行,之三摩提相同 ,有此大字一字, 自住三摩地中者:即是以自覺聖智,常住於首楞嚴大定也 , 無有不定時。」 非但二乘絕分,即權教菩薩 此三摩地, 0 地 ` 提 即同前佛告阿 不過梵音清濁之異耳 ,不假修為造作也 難 ,亦所不能 , 有三 |摩提 ,顯是佛 0 ,名大 又此定 所

六塵相 之空華 病眼見空華時 實有身心世界 凡 根 外內 塵 見與見緣四句,了妄無體。佛及大菩薩,住此定中 分 ` 從緣 ]執身心為實我 識三,不能為礙 0 並 著 無性 。佛及圓頓菩薩 華本 **及也,** , ·無有 本無所有 想即六識妄想 , 外執 , 0 此即當體即空也 見與見緣 ,了知徧計(ポ)本空,依他(ஈ)如幻 萬法為實法,具足我法二執 非作故無 , , 相即六根身相 並所想相者:見,即能 ,本性無故 。非待病愈花滅纔無 0 此 ; 內脫身心,外遺世界 ; 權 三六十八界, 路見分 ` 小法執 , 喻 , 堅固 見緣即 如病目所見 切諸 , 即 Ē 所緣 仍執 法

又空華 病眼觀之, 非有似有 此 | 喻凡 外、權小,見十八界;淨眼觀之,了

大佛

頂

如來密因修證了義諸菩薩萬行首楞嚴經講義第四卷

心 識 不 正 可 脈》 相 見 得 屬 , ` 云 : 聞 此 色 喻 ` 心 齅 佛及圓 此 ` ` 色和 嘗 科全是諸 [頓菩薩 ` 合 覺 , ` 聖圓觀大定 以 知 , /成根 見一 , 見緣該六塵見等所緣之觀 真法界。見與見緣並 身 0 前 , 行人切須究心 云 : 色雜 妄想 所想相 , , 若能常住 想相 境 ,想相指 為 又一 身 此境 , 故指 六 解 根 : , 念念不 六 見攝六 根 想 屬

### 此 見及緣 ,元是菩提,妙淨明體,云何於中, 有是非是?

昧

成

佛何疑?」

妙即法 提 應 中 界 沙沙淨 0 , 今順 真 根 依 此達妄即 身德 明體 (性菩提 為 正 能 前文答云:此能見之見精 報 緣 , , 不假 非有非空 真。 ,亦即三性中,圓成實性。元是二字, , 0 塵 上 修為 為 了達能 明萬象皆妄 所緣 ;淨即解脫德 本來 ,識從緣生 見見分, 自妙 , 故喻 ,及所緣之物象 及所緣相分 不用 , 空華 處染不變; 故以緣字 洗滌 此 , 明 , 本 ,當體 , 總該三六十八界 來自淨 明即般若德 , 性元真 所 與前文殊所問 即真 以 無是非者 ;不待揩磨 0 , 故 緣字並 , 日菩 靈光獨耀 , , , 提 攝 元是何物相照 即 , 何 本 根 也?元是菩 身 來 ,乃是三 心 塵 自 一菩提 明 世 識

德秘藏之體 。既是一 體,迴絕是非,故反顯之曰:云何更有是見之與非是見耶?此

即無是非義之所終也。會諸相終歸於一性

真體 求真心 用終帶 陳 極顯其為真心,今約帶妄,乃同降而喻空華。」而識心諸法,觀相元妄,無可指 若認全真 為心 難自被破識心之後,便乃捨妄求真,如來欲示真心,特向眼根指出,意令阿難認見 法 真 , 觀性元真 同 而餘皆妄 **企** 如來為是理極之論者,欲令眾生徹證而圓悟也。初明一 妄 故獨顯見性為真心也。然見性即陀那細識,不生滅與生滅和合, .為真體,固是理極之論,其奈人之用心,將何所適從乎?」今別答云: 脈》 何異離波而覓水也 , 而眾生捨此 無異執鑛為金;若認非真, 問云: ,惟妙覺明,既不可昧性而執相 ,令人獨依見性也。今乃論妄, 「佛初惟以見為性,而曲明其不與身心萬物為侶,以謂見獨 , 別無純真之心可指,既不可認為非真 0 前約相妄 便同捨鑛求金,二皆是迷。 , 故極令決擇分明;今約性真 ,亦不可撥相而求性;若欲捨諸法而 則降見性同是空華 真無是非竟 ,亦不可認為 ; 論 故前 ,故識心亦升 體 真 約 元 雖 , 丽 全真 則 元 升 明 ßп[ 乃

#### 2 9 8

### 未二 喻一真索是非

# 文殊,吾今問汝:如汝文殊,更有文殊,是文殊者,為無文殊?

之體 非字解,於文亦順,而詳文殊答處,無字義長。二喻一真索是非竟。 身,本來一個真文殊,為是更有文殊,喚作是文殊者,為無有文殊耶?又無字即作 此假文殊為喻,以明一真法界,本無是非二相。先喻一真索是非,文殊喻一真 0 更有文殊二句索是 ,喻何者是見;末句索非,喻何者非見。問云: 如 汝此

### 未三 答本真無二 相

# 如是世尊!我真文殊,無是文殊。何以故?若有是者,則二文殊,

# 然我今日,非無文殊,於中實無,是非二相 0

殊者 殊 ,而一體自不能成,意顯一體分上,更不容說是。此是字,非對非說是,即對本 。答曰:世尊!我本一個真文殊 (亞魯麗),於我真文殊分上,並無那個喚作是文 此喻一真無是非。文殊是大智慧,一聞便悟,領旨直答:「如是」,即領諾之 (此喻色空)。 何以故三句,徵釋無是所以。若更有一喚作是文殊者 ,則成二文

體說是,若說有是,則有對待 ,而非絕待矣

今日

真如體 照應 菩提妙淨明體,云何於中,有是非是,觀二於中,佛與文殊,法喻雖然各說,彼此 中  $\mathbf{H}$ 然我 實 真實文殊分上, 如 中 無從說是 出 , 不 轍 剩一 ,非無文殊,於中實無是非二相者 , 法,不少一 及與說 非無有文殊 菲 **/;說既**] 法 圓 (作無非文殊,其理更) (此喻色空無非見也。此 回說 同 太虛,無欠無餘故也。 ,安有是非二相 六理更明。) 也。此句若) :然轉語詞,承上轉云:然我今 可 。於中者:於真實文殊體 得耶 合前此見及緣 ? ·此喻 真無是 ,元是 非

者是見, 昔法眼 樣。) 」眼云:「別」 天地 與我同 ` 同紹 修 根 法進三人,參地藏禪師, 處。藏曰: 0 藏豎起二指。眼曰:「同。」藏又豎起二指 山河大地 ,與上座自己 天寒落雪 , 附鑪烘火次, , 是同是別? 舉 (此句目 《肇論 1,便起 问難,何此句即同佛

腳 乃指庭前 人著甚 片石曰 |麼來由 : 安片石在心頭?」 且道此石 ,在心內在心外?」 眼無以對 , 即放下包囊 眼曰 : 在心 ,依席下求請決 内 0 藏 近 一行 去

0

雪霽三人辭去

,藏至門前送之,問曰:

「上座尋常說三界唯心

萬法

唯

月餘 ,日呈見解。藏曰:「佛法不恁麼」!眼曰:「某甲詞窮理絕也」 。藏曰:

「若論佛法,一切現成。」眼於言下大悟。

遊五臺 豐干欲遊五臺,問寒山、拾得曰:「汝共我去遊五臺,便是同流,若不共我去 ,不是我同流 。」山曰:「汝去五臺作甚麼?」曰:「禮文殊 Щ 三 :

汝不是我同流。」干獨入五臺,逢一老人,便問:「莫是文殊麼?」老人曰:

「豈有二文殊?」干作禮未起,忽然不見。三答本真無二相竟。

### 未四 總以法而合喻

# 佛言:此見妙明,與諸空塵,亦復如是。

物象雖多,空、塵二字,足以該之。佛言此見精與物象,但惟一體,所以無是無 此見即能見見精, 無始在纏,靈光不昧,故稱妙明。與諸空、塵,即指物象

非 亦復如文殊一樣,但有一真文殊,無是文殊,與無文殊也。初曉以無是非之故

**竟** 。

教以出是非之法分三 未初 曲顯真妄二 相 別舉真妄二 喻 Ξ 以法

#### 各合一喻多

# 本是妙明,無上菩提,淨圓真心。妄為色、空,及與聞見。

菩提 心 , 二 圓者 即六祖所云:「本來無一物」是也。 象之來由 於真妄別喻而別合,悟真方出是非。準上文,亦有法喻合三節之文,推究見精、物 即無是非。今推是義之所始,欲教以出是非之法,乃從一真起二妄,明妄本依真 終 ,欲曉以無是非之故,乃合二妄成一真,明妄元是真 ,圓滿周徧;真心,即人人本具一真心體。此心本來寸絲不掛,一塵不染,亦 上三句是所依真,下二句是所起妄。本是對前元是,各有用意。前究是義之所 為諸法之本源,無有何法 此指所依真 ,元是何物?既無是,而又無非,乃曰:「本是妙明無上菩提 。不變隨緣曰妙,寂而常照曰明 ,能在其上,故曰 : , 無上菩提 「無上」。淨者 ,於一真總喻而總合 ,即第一 義諦 清淨本然 ,淨圓真 真性 歸真

真心體, 妄為色、空,及與聞見者:此明從真起妄,妄為二字, 由最初性覺必明,妄為明覺,轉妙明而為無明,轉真覺而成不覺 對上本是而來 謂本是 7,起為

業識 現之見分。正報六根身相等,皆屬妄為,本非實有,雖非實有,宛現二相 ,詐現見、相二分。色、 空即所現之相分,依報世界物象等;及與聞見,即所 ,則是非

### 別舉真妄二 喻

生焉

。初曲顯真妄二相竟

# 如第二月,誰為是月?又誰非月?文殊,但一月真,中間自無是月

文殊但 非月。 喻見精 妄為色、 所見第二月 而告之曰 有 此別舉真妄二喻。上三句喻妄,有二月終墮是非。如字承上妄為二分 何 ,切近真心,此雙喻見、相二分,以為是非之端。下二句,不可作有何是 非月解 空 月真 ::但識得一月為真 , 、見相之二分,於中是非自生。此二月之喻, 既有二輪,是非鋒起,於中妄計 ,中間自無是月非月者:此三句喻真以一月 ,若如是解,已成無是非,即錯矣!當作誰是真月?又誰非真月? ,則惟一 體,本無二輪,中間自無是月非月之可言;自 ,誰是真月?誰非真月?合上真心 與前無還科中不同 ,方出是非 ,佛呼 ,如揑目 文殊 ,前單

月

可超出妄擬之戲論。二別舉真妄二喻竟。

### 未三 以法各合二 喻

# 是以汝今,觀見與塵 ,種種發明,名為妄想,不能於中,出是非

#### 是。

是說非 塵識影) 種發明 能於中超出是與非是。此合二月妄計是非之喻 從種種發明,無非妄想。汝非指文殊,乃指阿難;觀見即見精;塵即內之身心(ハゥシ 是以二字,正承上文,乃謂是以上來所說法喻,研究起來,汝今觀見與塵 ,外之萬物。承上汝今不悟妙明真心,故觀見與塵,不了元是何物。任從 , 總屬分別計度,名為妄想。於依他法上,起徧計執 如對萬象而言,云何知是我真性?對身心而言,見性實我 ,縱饒說到驢年,亦不 ,而身非我 汝種 說 , 任

## 由是真精,妙覺明性,故能令汝,出指非指 ٥

精者 由是返迷歸悟,會妄歸真,了知見之與塵,元是一真 ,無妄離垢之體;妙覺明者,圓照法界之性。悟此體性 , 則能超出是非之外 ,則能遠離依他起性 。 真

豈復於萬 心境紛然,是非鋒起;若一念悟, 消 若悟一真法界,見 故能令汝 及編計執性 0 此合識得真月,是非自息喻。 象中 ,出指非指者:此指字,與前佛問阿難 , 則根 , 謂何者是見可指 、相二分俱屬空華 、塵、識三,無非圓成實性,悉無自他之別,安有是非可指耶? ,何者非見可指耶 則妙覺湛然,豈容是非於其間哉!此科以見性不 可見迷、悟 ,萬物、 見性本來一 、真、妄,惟在一念,若一 ,既有方所,非無指示句 ? 亦 如但 體 , 知 故能令汝超出是非 月真 , 念迷 則妄計全 , 相 , 則 對 0

# 大佛頂首楞嚴經講義第一冊終

分而論

,

無是無非,見真妄情自息,是四義中妙義。卯八顯見不分竟

楞嚴經講義第四卷終

# 大 佛頂如來密因修證了義諸菩薩萬行首楞嚴經講義第五卷

福 州 鼓山涌泉禪寺圓瑛宏悟述 受法弟子 明暘 日新 敬校

情 卯九 辰初分二 顯**見超情**分四 巳初 阿難約徧常義疑自然 辰初 正遣自然 = 如來約隨緣義以破之 正遣因緣  $\equiv$ 迭拂妄情 巳初 四 責其滯 午初

領性偏常 二一疑濫外計 三 疑違自宗 今初

# 阿難白佛言:世尊!誠如法王所說,覺緣徧十方界,湛然常住,性

#### 非生滅。

不雜科 所說 動 能 因緣 故 此 領不動科中 ,皆是妄情計執,見性兩皆不屬, ,指如來上文諸科,所說徧常之義。覺緣指見性,謂親依覺性具有能緣之功 中 稱覺緣。徧十方界者:乃稱性周徧,不分科中, 大科 見性周徧 ,顯見超情。以見性不變隨緣故非自然,隨緣不變故非因緣 身境動搖 ,非汝而誰?此二科俱成真義 , 見無所動 故曰超情。誠如法王所說:誠者實也;法王 無礙科中 0 湛然者 身心圓明 見性徧見一切 :如寒潭止水 ,不動道場之義。常 ,同體不分; ;自然 ,湛然不

性 住者 非生 領 滅 者: 無還科中 領不滅科中,彼不變者 , 若 真汝心 ,則無所去;不失科中, ,原無生滅之義 0 如 雖 上諸科 稱顛倒 了,無始不遺之義 俱成常義 呵 難

用事耳!初領性徧常竟。

躡之起

疑

,

疑濫

外宗,

遂計自然

0

既破自然

,

復計

. 因 緣

,

皆是識心分別計度

妄情

#### 午二 疑濫外計

與 先梵志, 娑毘迦羅 ,所談冥諦, 及投灰等, 諸外道種 ,說有真

# 我,徧滿十方,有何差別?

之苦行 遊道外 計冥性是常 羅 及投灰等 解 先梵志是古來梵志也。 見序分中 ;種者類也。 等者等餘拔髮 諸 ,能生大等二十三法,與現今所說 |外道種:投灰 0 冥諦 說有真我 ` , 熏鼻 為冥初自諦 其人自 , 亦云塗灰 ` **編滿十方:** 臥 謂 刺 , , 自餓 是外道二十五諦中 梵天苗裔 , 有 · 真 我 時 ` 與持 以身投灰 ,湛然常住, ,或即二十五諦 ,志生梵天 雞 戒 , 牛戒 有 , 性非生滅 第 蒔 ,即婆羅門種 諸 以 外道 灰 諦 塗身 末諦之神我 也 種 , 義 0 彼數論 , 此等皆心 而 似有濫 0 娑 修 砒迦 無益 師 外

道計我相有三:一、大我;二、小我;三、不定我。 大我 如來所說徧常,與外道有何差別?二疑濫外計竟 此所說覺緣徧十方界,義似有

#### 午三 疑違自宗

#### 世 .尊亦曾於楞 伽 Щ , 為大慧等 • 敷演斯義:彼外道等 • 常說自然 •

### 我說因緣,非彼境界。

楞伽 有生法者 此 云 : 者 故 則撥無因果 楞伽經》 , ٥ 經 佛 此舉昔日自宗。楞伽山名,此云不可往,非有神通者,不能到故。佛依此而說 「誰開河海堆山嶽?誰削荊棘畫獸禽?一 清涼云: は曾在楞! 頌 云 : 是則無因論 , 伽山 ,不立修證 表法殊勝 我說唯鈎鎖 無因論 , 為大慧等 , 師 彼壞鈎鎖義。」 非二乘所能及 , , 佛說 計 ( 義 鈎 、,十二因緣,名十二鈞鎖。/鎖即是因緣,取相連不斷/ , 廣辯內教 因緣以破之, 切物 , 。大慧菩薩 無因 又因謂種子親因 ,與外道不同之義 切無有能生者, ` 故曰 無緣,自然生 : , , 是楞伽會上當機 離諸 我說因緣 ,緣謂資發助緣 5外道過 0 是故我說為自然 , 彼外道等 自 , [然滅 若離 非彼境界 等者等餘眾 緣 , 常說 鈎 如 内而三 鎖 彼偈 自然 0 別 如

之果;外而 乘等 性 ,須假宿生善根 百穀等物 ,亦須種 ,種子為因;復假如來教法 子為因, 水土為緣 ,方生芽等 ,以為外助之緣 ,大異於彼外道所說 ,方生諸乘所證

我 與 今觀此 (๑) 彼自然;云何開示,不入群邪,獲真實心, • 覺性自然 , 非生非滅 • 遠離 切虛妄顛倒 妙覺明 • 似非 性 ? 因緣

故曰非彼境界

宗 無礙 然 義 所顯見性之義 0 , 故曰 首句 若 不 有 判同 似非因緣 分 動 , ` . 外 計 故云 有還 , 以證成之。 「遠離 然(即自) 。謂我今觀此,覺緣見性,亦成自然。非生非滅三句 ` 有 雜 0 ,蓋外道自然,佛昔所破,今佛所 此實 ` 有 非 大乘正 生者 礙 ` 有 , 分 申 理 來 , ` 本有 迥超 俱 公屬虚妄 凡情 ;非滅者 外計 顛 倒 , , , 究竟不壞 呵 前 說同彼自然, 難 顯 不 不 達 動 , , 反取 無還 即 礻 , 此疑違昔 謬 之以證自 不 取 -滅科 如來 雜

云何開示分明 云何 開示 , ,令知揀擇, 不入群邪者 不入群邪 意謂! 佛之所 頓獲無戲論之真實心,而證妙覺明性之全體 說 , 與外道自然 , 或 同 .或異 , 古 所 未諳

大用耶?初阿難約徧常義疑自然竟。

如來約隨緣義以破之母三 午 初 責惑索體 \_ 詳與詰破 今初

### 佛 :告阿難:我今如是,開示方便 ,真實告汝 ,汝猶未悟, 惑為自

#### 然 !

舌,或直顯旁通,或明彰曲示,種種權巧方便,無非將一真實相之道,告知於汝 此破自然。先呼當機之名,而責之曰:我今前來八番,如是開示,費卻許多唇

# 阿難!若必自然,自須甄明,有自然體。

汝猶未能悟見性為真本,反乃惑為自然,豈不辜負於我哉

若汝必定,以此覺緣周徧不動 , 性非生滅,以為是自然者,自當甄別明白 有

一自然之體方可。初責惑索體竟。

#### 午二 詳與詰破

### 汝且觀此 • 妙明見中, 以何為自?此見為復以明為自?以暗為自?

# 以空為自?以塞為自?

大佛

然之體,此二句為總詰 此 就 中詰問 。謂妙明真見、徧見諸緣,汝且觀察 0 此見為復下,約明 、 暗、 空、塞四緣 , 此妙明見中 , 逐 一 , 別詰 以見何者為自 0 以明為

#### 阿難 **,諸暗等相, !若明為自** • 以為自者 應不見暗 • ;若復以空為自體者, 則於明時 • 見性斷滅,云何見明 應不見塞;如是 ?

自者,

謂以見明者為自然體。

下三例知

明去暗 暗為自 見明?既然明來見明,暗來見暗,乃是隨緣,有何自然之義?初正遣自然竟 超略以塞為自 此難破。若以見明為自然體者,自然應當不變,既以明為自,只應見明,至於 **I**然體 來 , 應不隨緣 , 自應不隨明緣 , 應不見空?諸暗等相者:子夜黑月 ,不能見暗 , 故難以則於明時暗滅 ,方成自然?以空為自等 , 雲霧晦瞑等 見性應當斷滅 , 例 此 可 , 皆為暗相 知 , 云何 0 如 明時 是乃至 , 既以 仍舊

辰二 正遣因緣 分二 巳初 阿難翻自然而疑因緣 如來約不變義以破之

#### 今初

## 阿難言:必此妙見,性非自然,我今發明 • 是因緣生。心猶未明

# 咨詢如來,是義云何,合因緣性?

明,今教不但不墮自然,兼亦不墮因緣。初阿難翻自然而疑因緣竟 悟 必定是從因緣所生 當機聞佛難破自然,轉疑因緣。故曰:必此妙明見性,非是自然,我今發明 必須咨詢 也問 如來 。此之發明,不是真智發明真理,乃是對待發明,故心猶未曾明 ,是前來各科 , 所說編常之義 ,云何符合因緣性 ;誠是未

巳二 如來約不變義以破之 gland 午初 約因破 約縁破 今初

佛言:汝言因緣,吾復問汝:汝今因見,見性現前 ,此見為復因明

# 有見?因暗有見?因空有見?因塞有見?

性為復 明 種子;緣是助緣,如水土,故分而破之,此先約因破。佛對阿難言:汝言我今發 是因緣生。吾再來問汝:汝今因見明、暗、空、塞之境,見性乃得現前 上段以真如隨緣義 因明而有見耶?為復因暗而有見耶?若因明有,即是以明為生見之因 ,破其自然,此段以真如不變義 ,破其因緣。因是親因 餘可 但此 如

以

此 例知

#### 阿 難 二十若 因明有 ,應不見暗 ;如因暗有, 應不見明;如是乃至 因

### 空、因塞,同於明暗。

若見性因 開而 有 ,則明為生見之因,及至暗生明滅 ,則汝見性 應隨 明 以俱

不應當再見明。下因空、因塞,與此 滅 不應當再見暗 如 因暗有 明暗相傾 相同 0 ,明時 初約因破竟 無暗 , 則汝見性 , 應與暗 以俱亡

#### 午二 約緣破

#### 復 次 , 阿 難 !此見又復緣明有見?緣暗有見?緣空有見?緣塞有

#### 見 ?

此 2約緣破 0 復呼當機, 謂汝此見性 ,於明、暗 空、 塞四種 究竟以何為發見

#### 之緣?

# 阿難!若 |綠空有,應不見塞;若綠塞有,應不見空;如是乃至綠

## 明、緣暗,同於空塞。

若見性緣空而有,則空為發見之緣 ,及塞時空滅 則汝見性, 應隨空以俱滅

不應再 再見於空;下緣明、緣暗 .見於塞;如緣塞有 ,塞空相奪 與此相同。二正遣因緣竟 塞時無空,則汝見性 ,應與塞以俱亡,不應

,

#### 辰三 迭拂妄情

### 當知如是精覺妙明,非因非緣 ,亦非自然 0

當知者:應當起智觀察,了知見性 , 離 四句 , 絕百非。 精覺妙明:即是見性

無雜曰精覺;以隨緣之妙用,靈明不昧曰妙明,

此申其正義

體既不變,故非因緣 ;用既隨緣, 故非自然,此屬第一重遣

以不變之覺體,純一

妙中之妙玄中玄, 如 即 具 來藏 .妙而明,隨緣之義,固執而為自然,竟成外計 故曰 又一 解 : 妙明 既非因緣 精覺者 0 眾生不達 森羅萬象光中現,尋之不見有根源 , 亦非自然。因緣自然, , 見精之體 , 即 明而 , 妙,不變之義 親依本覺之性 皆為戲論 。故囑以當知:如是精 , ,從妙起明 固執 。」上但反詰,此申正 , 古德云: 而 為因 .緣 即 「非因緣非自 , 明而妙 則屬 覺妙明 權宗; , 寂 義 沉雙 不達 , 本

更迭拂

# 戼不自然,無非不非,無是非是。

非緣 非非自 因 緣 首句 , 。此以非遣非 亦 不 '非不自然上,應有非不因緣 · 自然 非自然之非字 , 仍舊 ,即遣上兩句 未離戲論 , 以因緣自然, , 故 , 更以非字遣之, 此屬第二重遣 一句,但是遺脫矣!非不之不字,即是上非因 皆是妄情計 日 度 : ,故上以非字遣之。 非 不因緣 , 非不 ·自然 恐轉計 /因緣, 不

自 四 l 然; 個 無字 無非不非者:無字雙貫 即遣非不因緣 屬 第三重遣。 , 非 不自然 合云: (,非與不非,此為躡遣。 , 無非因緣 與遣第二重 , 無非自然(遺第); , 不非非 以一 不義同 無字 無不非因緣 ',躡遣前四句,應具 , 無不

緣 第 或聞上文 应 , 無非是自 重 無是非是者 遣 , 0 諸非盡遣,仍然計是,故更以無字遣之。亦有四句 合云 然 , 非是二字 無是 無字亦雙貫 因緣 , , 亦即非字, 無是自然 , 是與非是 到此重重迭拂 或聞是既不存 0 此為對遣 , , 防其對 , 妄情自盡 非仍 非計 成立 , 應具四個 是 , 再以 對是計 無字 無非是因 ,屬 非 0

### 離一切相,即一切法。

全體法界 相?三祖云:「六塵不惡,還同正覺。」但能離一切妄計之相 遣之又遣,諸情蕩盡,法法元真;當知法本無差,情計成過,但用亡情,何勞壞 此乃情盡法真。相非萬法之自相,乃是妄情計度之心相,即執因緣自然等心。 如 唯識云: 若離徧計執 ,當體即是圓成實。又此二句, ; 即 一 切諸法, 即離妄即 無非 真 四

辰四 責其滯情

字。三迭拂妄情竟。

# 汝今云何,於中措心,以諸世間,戲論名相,而得分別?如以手 ,撮摩虚空,祗益自勞,虚空云何,隨汝執捉?

云何責怪詞。謂是法非思量分別之所能及,汝今云何於精覺妙明中 , 措心作

意 ,用諸世間戲論名相,欲得分別妙明真性;此性離名絕相,豈世間戲論名相,而

學者世間戲論 得分別哉 !世間戲論名相 。下文所云: ,因緣權乘所宗,即學者世間戲論 「但有言說,都無實義」是也 ;自然外道所宗, 即非

如以手掌 ,撮摩虛空:下喻明無益 ,祗增自己勞苦,虚空云何隨汝執捉乎?此

見性超情論 以手掌撮摩喻戲論 ,顯其諸情不墮,越遠外計、權宗 ,虚空喻真性,虚空既不可措手,而真性又安可措心耶?此科以 ,即四義中,妙明之義。九顯見超情

卯 **顯見離見**分四 辰初 引教質問 明昔是權 辨今非緣 四 正顯離

見

竟

# 說 阿難白佛言:世尊!必妙覺性,非因非緣,世尊云何常與比丘宣 :見性具四種緣?所謂因空、因明、因心、因眼,是義云何?

無二見。今言離見者 則名真見。如人在夢時,則名夢人;離夢時則名醒人;夢人醒人無二人,真見妄見 約義 此科顯見離見,不是常途所謂情見之見,乃指見精自體耳 一可分真、妄二見,並非真妄各體。但約見精帶妄時 ,即真見離自體中,一分妄見而已,故名為顯見離見 ,則名妄見 。見精自體 ,離妄時 。即遠離 ,真妄和

上科因緣 、自然二皆併遣 ,此處阿難白佛言:世尊!此妙覺明性,不屬外道自 依他起,當下即是圓成實

然則可 種 心 非 因 , 方 因 非 能 緣 , 眼 若謂非因非緣 成見 耶 , 世尊 ? , 以目前 則見性自屬因緣之義明矣!是義云何者:豈今是而昔非耶 云何 不空 ,昔日常與比丘宣說,見性具四種緣 ,似乎不可;以因緣是自宗,何得與自宗相違?必此 一、不明 , 則不 -能見 , 無心無眼 , 更不待言 ,所謂因空 , 所 ` 因 以 ? 抑 明 必 見性 或今 因 因 四

矩頌云: 令證入妙覺明 當機所引 愚者難 性 ,乃眼根中眼識,如來所顯是眼根中見性,正是根、識不分。八識規 , 而得 分識 與根 全體大用 <u>...</u> 0 呵 , **]難即其人矣!前** 而反認見性為眼識 來世尊 , 何異將彩鳳為 , 乃托見精以顯 山 雞 見性 , 視 和 , 欲 璞

昔相

同

,

而我

未達耶

?

大乘 , 眼識九緣方生,所謂:空、明、根、境、作意 (編行之)、分別 (離)、染

為頑石

,

可 不

-哀哉?

生 心 淨 (離)、種子(境之一)、根本 乃了因之所了,今說從因緣生,誤之甚矣!初引教質問竟 眼 四線 , 為眼識得生之緣 , (端八);小乘法中略具四緣 並未曾說 , 四 [緣生妙覺性 ,缺一不可, 0 良以此性 非 即 空 生因之所 明

#### 辰二 明昔是權

# 佛言:阿難!我說世間,諸因緣相,非第一義

非同今日 間 間諸因緣 此 明今昔權實不同 所說第一義諦 柏 , 引誘 小乘學者 ,修證了義之法,何得取彼而難此耶?二明昔是權竟 0 佛告阿 免中 難 ·外道之毒。 ,我昔日 **| 說四緣** 彼外道妄計自然 性識者 , 乃一 , 我 時權巧方便 說因緣以破之 **,說世** 

#### 辰三 辨今非緣

難言 阿 難 **!吾復問汝** 世 人因於日 ·· 諸世間人,說我能見,云何名見?云何不見?阿 月 • 燈光 • 見種種相 ,名之為見 ;若復無此

### **種光明,則不能見。**

藉緣 見 此科 物 答 為 以因 所見 辨今所說 ||於日 , 此 乃一 ,非同昔日因緣。故問之曰:諸世間人,說我能見:是以我為能 ` 月 切眾生共執 ` 燈三 一種光明 。今詰以云何名見,云何不見者:為探其藉 , 乃能 有見 , 無光即 無見 ,正述其必定藉 緣不 緣

此雖單

-舉明緣

,

以該空、

心、眼三緣,

缺一

不見

,此昔日之權

阿難所述固是

然

今日 所 說,是第一義,如第一番顯見,盲人矚暗,與有眼人處於暗室,所見無異

見性脱 視脫塵 ,靈光獨耀,又何藉明緣?此即權實不同 也

#### 阿 難 ! 若 無明時 ,名不見者 ,應不見暗!若必見暗 ,此但 無明

#### 何無見?

下 之無見;但無明便謂無見,乃常情所執,故以應不見暗詰之,斷無是理。若必見暗 此 申 顯 其正 《無明不是無見。若如汝謂,無明時即謂無見者, 理 ٥ 謂若 1無明時 , 必能 見暗者: 此但是明無 , 而 應當併暗亦不見 見不無 ,云何 ,方可謂 汝 說 無

#### 阿難 **!若在暗時** • 不見明故 名為不見;今在明時 ,不見暗相 還

見 ?

# 名不見!如是二相,俱名不見。

此明、暗相例,以致二皆不見,豈不大謬!

#### 若 復二相 自相陵奪 • 非汝見性,於中暫 無 0 如是則知 ,二俱名

### 見,云何不見?

大佛

暗二相 詮 辨今非緣竟 見 見 暫 於中暫時 無即 ,不許見暗 , 尚 但取暗中有見 此 一不用眼 結 常 ,自相侵陵傾奪,明來暗去,暗生明滅 有 或無。此句須著眼 申正義。上科但是因謬反顯,決無二俱不見之理,故申以正義曰:若復明 , 成見 正顯見性常住 , 何假空明 ,故曰如是則知,見明見暗,二俱名見,云何不見?是則暗中之 ,權教亦須具足空、明 ,及分別之心耶?是則顯一暗中之見,則四緣俱破矣 ,明暗有生滅 ,不生不滅 , 心心 不藉因不託緣也 ,見性非有無, ` ,明暗二相 眼四緣,方能成見 明來見明 ,時有時無,非汝見性 0 世 間 常情 0 ,暗來見暗 此經為了義真 惟 許 莧 铜有 非

是故阿難!汝今當知:見明之時,見非是明;見暗之時, 勉善思惟 辰四 正顯離見分三 今初 巳初 先定離緣第一 義 例成離見第 義 Ξ 見非是 詰責勸

;見空之時 此顯今教為第一義。然有淺、深兩重,先顯離緣第一 ,見非是空;見塞之時,見非是塞 義 0 0 蓋見性離緣之義 , 自

半 盲人矚暗 見空見塞,可以例知,則此見精,不屬因緣明矣。初先定離緣第一義竟 知 因緣宗矣 月 見明之時,此之見精,非是因明所有;見暗之時,此之見精,亦非因暗所生; , 非是月影。」喻如第二月者,以其帶妄之故;雖然帶妄,自體離緣 所顯皆是離緣之見,此見即是見精。前文所云:「此見雖非妙精明心 !是故 顯見是心以來,不動、不滅、不失、無還 阿難汝今當知 0 是故二字,承上是明暗 、不雜、無礙諸科,不分前 ,二俱成見之故 , 已自超乎 ,如第二 汝今當

### 巳二 例成離見第一義

#### 四義成就 0 汝復應知 :見見之時 ,見非是見;見猶離見 見不能

# 及。云何復說因緣、自然,及和合相?

此例顯離見第一義。即顯妙精明見性,喻如天上真月,此節較上更深一層。

四

體 此 義 理極 成就者 尚 .非圓悟,必見見體離見,乃真見見體矣,故以離緣為例焉 成 :即指上面見精 無能破者 0 尚有離見第一 ,非明 7、暗、 義 空 , 、塞四緣所有之義 汝復應知 , 若 但悟見體離緣 ,已成就離緣第 而未見見 義

帶妄之見也。非是二字,即不墮之意。 伏 時,真見即離自體中一分妄見,而不墮在妄中(a,即已離夢中矣。),此之真見,非是 始時來,此之真見,常墮妄見之中,不能見妄(দ見爭水。)。若觀行力強,脫黏內 心 ,如第一月;二、四見字,是所帶一分無明之妄見,即見精明元,如第二月。無 ,伏歸元真,發本明耀 見見之時,見非是見者:一、三見字,是純真無妄,本體之真見,即妙精明 ,則真見現前,即能徹見妄體,正當真見,忽見妄見之

中, 是境, 見 見,令難知者而成易知也。問:「心見尚不許為二,今於見,何反言二耶?」答: 真非真恐迷,故不得不分也。但約真見帶妄時,即名見精;見精離妄時,即名真 ,非實有二體也。而覩見之所以非妄,見精之所以為妄之義,待下詳示妄因科 佛自明之。」 又一解:四義成就者,以上四義,皆以能見之性,見於所見之境,而見性原非 以此成就 ,能例之法,例下能見之真見,見於所見之妄見,而真見非是妄

見猶離見,見不能及者:第一見字是真見,二、三見字皆帶妄之見精

,言此真

約見性 非離緣 應有 何復說 滅 見 守真常,常光現前,即真 與不和合一 猶離於見精之自相 第 離 , 見論 因緣自然 義 所 ,顯其自相亦離 句 可 及 ,諒譯者錯漏 ,及和合相者:此責其執悋昔宗,不肯放捨 , 況世 , 見精 間 戲論 見現前時 亦所不能及也。良以有妄見時 ,轉入純真無妄 耳 因緣 0 不和合,即自 ,則妄見已空,故曰見精所不能及也 ` 自然耶? ,亦四義中 然一 及和合相 類 , , 常住妙明之義。二例成 故以云何復說責之。 ,真見全隱,及至 , 與因 ,今離見第 緣 類 戲論 義 棄生 , 此 末 尚 云

# 巳三 結責勸勉善思惟

離見第一

義竟

#### 惟 汝等聲聞 無得疲怠,妙菩提路 狹 劣無識 不能通達 0 • 清淨實相 0 吾今誨汝 • 當善思

之識 能 通達 此佛責其滯小 執諸法為實有 0 清 淨 實相者 ,勉其向大。 , 不了依他如幻 即如來藏 聲聞兼有學無學。謂汝等見狹志劣 清淨本然,真實之相,寸絲不掛 , 妄起 編計執情 , 迷於清淨實相之理 , 無有廣大殊勝 塵 不染,故 , 故 百不

非 有 為 續 義 七大 相 清 無相 0 是即 不 遠 妙 此 淨 外清 離 有 無不 為 0 非 能 實 無不 不 即 和有 淨 雙非 礙 相之實相 、所分別 **覧空**, 本然 柏 極 之實 = : 因緣 顯 , 審 員 下五 ,萬法本空 相 0 ` 融 除 諸妄皆空, 自 ` 0 , 細惑 如實 一大圓 以有 然 清 , 淨 , (空義 ?自體 初銷 融 寶覺 說 ,彌滿清淨,中不容他 , 不空如來藏 纖塵 譬 : 稱 倒 , ,說空不空藏 常 想 如 不立 真如 虚空 恆 , 說 不 空如 戀 實理 , , , 體非 萬境紛紜 , 即 體 來藏 , , 此 即 空諸 群相 雖 義 此 不 , 也 (如六祖所云:本 義 變 即 虚妄染法 , , 0 也 不 此義 三 **、** , 真不動 拒 用 諸相 如實 能 也。 隨 , 埃 發揮 此 緣 , 真 (空不空義 為 ` 空不 下 如 無 , 0 紅相之實 離 忽 實 下 礙 不空 即 生 应 : 科 此 離 妙 相

聞慧也 疲勞 , 總論 吾今海 無 二菩提 ;善思惟 遂生 十科文辭極妙 汝 下 之道路 解怠 者 如 , , 正念觀察 來 必須精勤 0 乃從凡 欲 收 阿 攝得宜 難 進趣 至聖 (非緣心) , 悟 崩 , 未 , , 中 實 因其字句長短 相之理 , 蕳 可半途或廢 思慧也 所 經五 , ;無得疲怠者 故 十 S 弱 以 三 三 五. 修慧也 略 位 <sup>11</sup>為增易 , 慧 真菩提 ٥ 0 1:無得] 誨 妙菩提路者 路 汝者 初科顯其脫根 也 因循 , 有 悠忽 ĪĒ. 誨 必 即 脈 佛 , 自 聞 脫 交 所

師

證

常住 礙 竟常住不滅 塵 ·科顯其自相亦離,轉入純真無妄。顯見至此, ; , ;六科顯其不雜 科 然靈光獨耀;二科顯其離身、離境,凝然本不動搖;三科顯其盡未來際 .顯其無是 ;四科顯其從無始來,雖然顛倒不失;五科顯其無往、無還 ` 無非 不不 ,見真妄情自息 亂 , 超象外以孤標;七科顯其觀大 ,九科顯其諸情不墮 可謂顯之至矣! ` , 觀 遠越 小 外計 , 轉 , 挺物 物自 ` 權宗 表而 在 , 究 無

出 玉 就 如璞未剖 眾生迷位 玉;二見即 , 璞 舊解總將如是顯意,而悉為破見,此(鹵稱)所以不得已,而重疏之一端也。 雖 罪玉 ,而美玉之精瑩,不能煥發矣!此下剖妄,雖似破而實顯也,不可作破妄 見性所帶二種顛倒見妄。 ,畢竟玉 而 :尚有二種見妄未除,故曰:帶妄顯真耳。二種見妄未除 不離璞 。前帶妄顯真 然真不離妄 , 如指璞說玉;下文剖妄出真 , 如玉在璞;妄未除而 真 , , 彳 如 如 剖璞 璞蘊 純 特

阿 .難白佛言:世尊!如佛世尊 寅二 剖妄出真母三 卯初 述迷請示 ,為我等輩,宣說因緣,及與自然; 佛慈許宣 三 分別開示 解

初帶妄顯真竟

# 諸和合相,與不和合,心猶未開。而今更聞, 見見非見 • 重增迷

#### 悶 1

非之義 並 猶未開通 之義,已是迷悶 ·無要佛重拂因緣自然之意。而今更聞見見非見,重增迷悶者:因未聞和合不和合 此述其迷悶。謂世尊為我等輩,於顯見超情科中, 更加 。心猶未開一句,別指和合與不和合 重重迭拂 ,而今更聞 是我已聞 見見非見,此理不明,重增 ; · 而諸 A (詞語) ,因先未聞,故心未開,慾望佛 和合相與不和合 宣說因緣及與自然,二者俱 一重迷悶 ,是我未聞 ,急於求示 心中 說

#### 伏願弘慈 施大慧目 , 開示我等,覺心明淨 0 作是語已 • 悲淚頂

## ,承受聖旨

明淨 籠罩 大慧目,即奢摩他 上述迷,此請 覺天心地,不得明淨 覺 心即 本覺真心 示。弘者大也,施者賜也。伏願如來,發大慈心,賜我大慧。 ,微密觀照,稱正因之理,所起了因之慧;開示我等覺心, 亦即 ,故求開示 根中見性 0 。二妄未除 使迷悶釋, 迷悶 見妄除 未釋 ,則覺心即得明淨矣! ,則迷云悶霧 令得 重重 此

作是語已, 悲淚頂禮,承受聖旨者:作是請示語已,悲傷流淚,心有感傷 ,傷己沉

迷不悟;頂禮則求釋迷悶 ,故凝神靜慮,承受佛聖之法旨。初述迷請示竟

### 卯二 佛慈許宣

#### 爾 時世 尊 , 憐愍阿難 • 及諸大眾,將欲敷演, 大陀羅尼

•

妙修行路

0

演者: 無量 於爾 果 法 今亦 無字陀羅尼之別。圭峰禪師疏圓覺經,不取多字、一字,但取無字,即淨圓覺心 即 義 即 取 時 此經家敘佛,將示妙悟妙修,令得圓證。以當機聞說見見非見,重增迷悶 :首楞嚴王大定,總持百千三昧;約因果同時, 是尚未敷揚演說 佛生憐愍 無字 。有多字陀羅尼 (起信論) 即 0 如 所云:「心為大總相法門」 憐其 來密因之理 智劣 (如楞嚴咒,),少字陀羅尼 但 先懸敘於此也。 , 愍其未悟 , 約因 , , 即眾生所具 既然未開圓解 大陀羅尼 0 (明王咒。) , ] 非特近具根中 員 , 即自性天然本定,是名妙蓮 此云大總持 ,不能遽起妙修 湛不生滅之見性 字陀羅尼 , 實則遠該 : 總 (如唵字,) 0 萬法 切法 曰 總持諸 將 ; 約 欲 , 故 , 持 敷

即二十五聖圓通法門。妙修行路:乃依行所歷之位,即五十五位 華 即三如來藏 ,圓融無礙之理 , 為大總持也。諸三摩提 ,乃躡解所起自利之行 真菩提路;乃雙

躡定慧

,

所修

兩利之行

。此則通指信、解

、脩證諸文。

倦 不依舊註 通 及佛許云 中 語意全合, 正 妙耳門也。 脈》 : 平派定慧止觀等。按後阿難請入華屋 云 : 開 無上乘 足徴此處 以此二句, 諸三摩提 ,妙修行路 , 是預指後之修門也 釋上陀羅尼,顯修門中 , 總目二十五圓通;妙修行路 。」又云: ,即有得陀羅尼,入佛知見之語 於佛如來 , 耳根 圓通 ,密指耳門 , 妙 , 三摩提 即大總持也 意言諸 ,不生疲 員

#### 阿難言 汝今諦聽 :汝雖強記 ,吾當為汝,分別開示。 但益多聞 。於奢摩他 • 微密觀照 心猶未

智未開 摩他 此寄責多聞 自性本定之真理 ,不能遽示妙修 未開真智。告阿難言:汝雖有強記之力, 0 必先開圓解 所起微密觀照 ,為當務之急也。又微密觀照 , 朗然照體之真智 , 心中猶未了悟 但增益多聞而已。 , 即稱真理所起 是則真 於奢

之真智,開解照了,自性本定,非同識心分別覺觀,麤浮顯露,故曰:「微密」

乃是離妄絕相,照體獨立,今之見見非見,即微密觀照也

見、妄見,開示奢摩他,微密觀照之義。」 本矣!故警之曰:「汝今自當諦實而聽,依教觀心,由言達理,吾當為汝分別真 悶 , 而 阿難但知見性是真 :心未了。觀猶字,佛亦以迷悶是急,先為開示,令得廣開圓解 (,而不知所以真;復聞見性是妄,而不知所以妄。宜乎迷 ,方為起修之

# 亦令將來,諸有漏者,獲菩提果

之圓解,而起從根解結之圓修,得證圓滿菩提,無上極果。有漏尚然,無漏 密觀照, 此兼益未來。承上佛為分別 不特利益現會,亦令將來有漏凡夫,及有學二乘,依此奢摩他 ,見見非見 ,則真 、妄分明。依真智照真理 , 微密觀照 可知 ,修微

各舉易例 卯三 分別開示 三 進退合明 分 二 辰初 今初 釋其迷悶 開其未開 辰初 分三 巳初 雙標一

一佛慈許宣竟

### 阿 難 ! 切眾生,輪迴世間 ,由二顛倒,分別見妄 ,當處發生

#### 業輪轉。

亦迷不 獨惑現 也。 執 別業之虛影 妄 其故皆由 機 妄見。 二者: 種見妄相合,而同分妄見,只是自惑所現之依、正,不假業招 故曰顛倒分別 而告之日 此示上文所顯,帶妄之見精,乃有二種見妄 切眾生:不獨六凡,亦兼小乘、權教。輪迴世間:但指依、正二種 知 亦兼業招 二種見妄 ,妄生分別; 一顛倒 , 迷而不知,妄生分別,以為心外,實有同他共住同見之境,此為別業 所有眾生世界,乃疏遠之依 : • 我先說見見之時 。同分乃任運微細分別;別業具麤、細二種分別 0 0 者 : 由 當處發生句 以為心外實有 二顛倒者 ·吾人 現在身境 :即是迷真起妄 , ,見非是見者, 屬同分;當業輪 與己本身無干之境 , 乃親近之依 。 正 ,本是自惑所現 。今阿難既肯認見為心 0 以見精尚有二妄 真 轉句 、正,本是惑、業所 ` 妄顛倒 屬別業 此 為同 ,與眾同分之虛影 ,妄生二種 ;而別業妄見,不 0 ,不得 應知 分妄見 ,而見妄體 生死大患 不為詳 現 故佛呼當 世 , 分別見 如 蕳 自己 是迷 ", 即 與 剖

陀那細識,見分中和合一分深惑。下文諸佛,異口同音所稱,俱生無明,生死結根

是也

境界 也。 物 面 者:不離業而輪轉也。即於惑境中,不了心現,妄執實有 想澄成國土,知覺乃眾生。」此但惑現,未經業招,乃由根本無明,所現業識相分 之境,現起世界、眾生,本非處而言處耳。下文云:「迷妄有虛空,依空立世界 不覺心起,而有其念。念無自相,不離本覺。」(ৡ生) 將全法界真理,徧成迷惑 真起,一 :成無邊輪轉。起信論所云:「依業受果,不自在故。」惟是自業幻成,更無別 此不但惑現 當 如見夢境 ,方是同分境現也。 (舞) 處發生者:不離本處發生也。本處即指真心,謂此見妄無別所依,親依 切妄境皆從妄見所現,妄不離真 迷執實有,妄生苦樂,是別業妄見 , 併由業招,乃由枝末無明,造業受報,所感境界,即是別業境成 如見空華,不了自心虛妄顯現 。 如 《起信論》 ,是同分妄見。當業輪轉 所云:「不了一法界故 依惑起業,依業受報

# 云何二見?一者眾生別業妄見;二者眾生同分妄見 0

亦復全 惑現, 之境;雖非業招,亦由惑現,但與真惑同 見之境,故曰別業妄見。同分者:惑同同見,見其他所住持,非己受用,世界疏遠 業 周 與己本身無干之境,故曰同分妄見 足 , 既 初句 當約惑 更由業招,但自業發明 頁 由惑現 |徴問 0 別業者 ,下標列二妄之名。有謂別業約一人,同分約多人, ,再加業招 、業,單、雙解釋:單由惑現,不加業感,乃為同分妄見;雙具惑 :業別別見 ,是為別業妄見。眾生個個, , ,還自取著, 見其自所住持 ,還同眾見, 顛倒分別 ,現得受用 ,視為心外實有,與他同住共 顛倒! 都具惑業, 依 分別 ` 正親近之境 , ,義雖 視為心外實有 而同 可通,理未 ` 別二見 元;不惟

惑現 眾皆有 共業所感器界 (與眾人公共所造之業,依業感) 黎耶識 (巓穴) 中,不共種子生,以是自業所感,自所受用,故曰別業。同分者 又相宗所釋: 與相宗稍別。初雙標二見竟 分 故曰同 分。 別業者,即不共業,所感之根身(業因,今生所感正報根身之業果。) 本經別業 , 不獨指正報,亦兼依報 。從黎耶識中,共種子所生,以由共業所感 ,同分並非由業感 ,祗是 : 即 0 從

# 巳二 各舉易例 分三 午初別業妄見 一同分妄見 中初分五 未初 徴陳所見

審難即離 三 詳示妄因 四 喻明所以 五 以法合喻

# 云何名為別業妄見?阿難!如世間人,目有赤眚,夜見燈光,別有

# 圓影,五色重疊。

易知例 界 得 虚 處多處 例彼別業難知之法,令難知者亦易知也。有以目眚、災象,二皆為喻,以喻後之一 界五塵幻境 赤眚(སསྡԿ),例無明見病;夜指迷位;燈指藏性;五色圓影,例眾生五蘊幻驅,世 也。 ,本無所有 赤眚不起, 首句徵問 故舉眚見燈影,眚目別見,別中之別,虛上之虛。最易知其為別為虛者,以 難 ,則與後文,文理相背。後文明言:「例汝今日,例閻浮提」等文,皆是以 知也。良以親近之身境 。因眾生有能見之妄見,故有所見之身、心、世界,見妄若除 ,阿難下陳其所見。如字舉例之辭;世間人指凡、外、權、小;目有 。此處眚影,與下災象,皆不是喻,此舉別業中之別業,易知之法 圓影何來?好眼例真智,燈例真理;以真智見真理,惟是一真法 , 雖為別業 , 實則與眾同住共見 ,誠難覺其為 ,身界叵 別為

象 疏遠之境 依 病 例之。故下文云:「例汝今日,以目觀見,山、河、 見聞覺知 所成 例閻浮提,三千洲中,並洎十方,諸有漏國 "、 正 舉 國 , 。」一人如是,彼彼皆然,即以一人例多人,同是別業妄見,所有親近之 同見,同中之別,妄中之妄,尚可知其為同為妄者,以例之。故下文云: 雖然彼此同住共見,與群翳觀燈 ,虚妄病緣。」一處如是,處處皆然,即以一處而例多處矣 , 雖 為同分, 與己懸隔 ,受用不一 ,所現圓影 , 誠難覺其為同為妄也 ,及諸眾生,同是覺明,無漏妙心, 國土,及諸眾生,皆是無始見 ,雖然是同 , 其實各病 0 故舉瘴惡 。 又以 災

兼日與勞 病 即 起 見 見精之病 見 此 屬枝末見病;眾生聚見於眼,浮塵眼根,為見精所託之處,眚雖浮根之病,亦 見性本來清淨 精 |屬 惟屬根本見病 根本見病 同是菩提 , 圓影為枝末見病之影;身界為根本見病之影。又眚見,雙帶本、末二 , ;見精映色 從來無病 瞪發勞相。」亦此意也。此以眚影為例者 單複 雖殊 , 結色成根, 為無明所熏, ,其妄一也。 遂有勝義根、 黏湛發見,轉本有智光 下文云: 浮塵根 即彼目睛 , 有 赤眚依浮塵 , ,為能見之妄 兩重易知 瞪發勞者 根而

易知其為別業 ,以燈上圓影,為自己病眼獨見故;二、易知其為妄見,以五色

圓影,雖然似境,畢竟非實故。初徵陳所見竟

### 未二 審難即離

# 於意云何?此夜燈明,所現圓光,為是燈色?為當見色?

界 , 燈所有;為當即見所有?見約眚見,例眾生迷位中, 所現圓影。下二句雙審,即燈即見,試審察看,此夜燈光,所現五色圓影 為是真理實有之色法耶?為當妄見所成之色法耶? 此雙標審問。問曰:在汝之意,以為云何?此夜燈明,所現圓光,即上文燈光 於真理上,所變現身 、心、世 ,為是即

# 阿難 見色,見已成色,則彼眚人,見圓影者,名為何等? !此若燈色,則非眚人,何不同見?而此圓影唯眚之觀?若是

獨眚人之觀見?此約非眚不見 此破雙即 。謂此圓影,若即燈實有之色,則好眼人,何不同見?而此圓影 ,破即燈也。若是眚見所成之色,見已成圓影之色, , 唯

不能以見見見,則彼目眚之人,見圓影之見,當名為何等物耶?此約見體不失,破

即見也。此以例合法。

生所見 之色 也 色。 例迷位之眾生;眚見例妄見。謂此五蘊五塵之身界, 一摩地中, 按文例云 Ŧī. 色圓 (,此約佛聖不見,破即真理所有也;若此身界,謂是妄見之色,見已成身界 則 迷位眾生, 不見有少法 影 :此之身界 ,例五蘊根身、五塵境界;燈例真理;非眚人例諸佛並大菩薩;眚人 見身界之見,當名為何等物耶?此約見體不失, 可得,惟是一真法界。而此 , 若是真理所有 , 則諸 佛諸大菩薩 身界,惟有 非即真理所有 , 無明未破,妄見之眾 何 以不見? ;亦非 破即見之色 於其自住

#### 復次 圓影出?離見別有,應非眼矚,云何眚人,目見圓影? , 阿 難!若此圓影 • 離燈別有, 則合傍觀 • 屛 帳 几 筵有

席之間 根 此破 離
告
見 雙離 皆有 併離 。謂若此圓影,離燈別有 圓影出 眼根 , 今則傍觀不見, 則此圓影 ,應非眼矚 ,則合 (ఌ) 傍觀圍屏、 豈離燈耶?若云離眚 ,云何眚病之人,必假目見圓影?今 帳幔之上 見別有者 **告見依眼** 几案 、 筵

則非眼莫矚,豈離見耶?

所計 例彼五蘊 ,時生、方生、梵天生、神我生,究竟實非時、方、梵天、神我而生。前云: 、五塵之身界,若離真理別有,不合前云:「當處發生」,則合外道

諸法所生,唯心所現。」心外本來無法,豈離真理耶?

方見根身器界耶?《起信論》云:「以依能見故,境界妄現;離見則無境界。」是則 例彼身界,若離妄見別有,則此身界,應非妄見所見,云何必有妄見之眾生,

未三 詳示妄因

身界,豈離見耶?二審難即離竟

# 是故當知:色實在燈:見病為影;影 言:是燈是見;於是中有非燈非見 0 見俱眚,見眚非病,終不應

此正示妄因。見病二字即妄因。是故者,承上非即燈即見,非離燈離見之故

當知者:應當起智觀察,若以淨眼觀燈 來?觀察之後,乃知因目有赤眚之故 ,只有光明, 則能見之見成病,致所見之光有影 並無圓影 ,今此圓影 , , 究從何 , 色

與見病 非見」 見非告 離眚 影 離燈非即見;下句見病為影,合上非離見非即燈。究之此影雖不離燈,原非即燈之 (ఄఄ) 實在於燈,非燈不現故;見因病為影,非病無影故。上句色實在燈,合上非 皆由見病所成;縱不離見 見眚非病者:此見是真見,不墮在眚妄之中,故能見於眚。 如 俱因目眚之故 而不病 既已覺夢 ,燈非眚而無影, , 即已離夢 非但所見燈影 ,亦非即見之影 , 故合影與見,同是眚為過咎, 所以非病 ,是赤眚所生, ,正由有此無病見體 ,都緣眚翳為咎 即能見見病 。影見俱眚者: 故曰: , 既能見眚 亦 故前云:「 赤眚 「 影 所 ; 即已 成 ` 見見 見俱 燈影 以

覺妄動 界耳 合例 圓影 真智照真理 終不應(聲)言下,誡止之辭 ,即燈見生,離燈見有 故 《起信論》云:「以依動故能見,以依能見故,境界妄現。」 遂轉本有之智光 , 惟是一真法界,本無所有 , 而為能見之見分。 ,說即說離,皆不中理。是、非二字,即即 誡人妄情計度 如好眼觀燈 以有見分 既惟病影 ,遂有 ,本無圓影也。 , 相分 全體 無實 , 乃成根身 所謂見病為影 ` , 因一念不 離二字, 不應執此 、 器

見 也 影 是 離 則 能 見 俱售也 ` ,不惟所見之根身、器界, 無有身 離 所 ` 脫根 若能 ` 照破相、見二分,皆是無明之所熏起 脫塵, 說誰為即 本來無病 是無明之影,即能見見精 說誰為離耶?三詳示妄因竟 ,所謂見眚非病 也。 末四句 ,即是真智 ,亦無明 , 既 所 知真見 ,亦即真 起 ,所

#### 未四 喻 調所以

離妄獨立

`

界可緣

,

### 不應說言:此揑根元,是形非形 如第二月 ,非體非影。 何以故?第二之觀,揑所成故。諸有智者 ,離見非見 0

燈色。 目之根 用 為影 月 離 固 此方是喻 .非見體所有之色,合上非見色;非影者:此二 見 本元 此 何以故下 即 影乃眚病以為其咎 非見 因 ,足證前告影 , ,非離見即是見。揑目之根本元因 ,徵釋妄因 所見第二月 。 揑所成故:揑即妄因,揑之則有,不揑元無 ,目病則有 ,後災象 謂是真月之形 , 皆非喻也。二月合上燈光圓影 , 不病本無也。 非真月之形 惟是一妄,若在妄上 一月亦非真月本有之影 諸有智者, 0 離 見非 不應說言 離 0 非體者 見 ,合見病 ,合上非 離 更說是 字雙 此 : 此 揑

非 則妄上加妄,豈智者之所為耶?此合上終不應言,是燈是見,於是中,有非燈

非見 四喻明所以竟

#### 未五 以法合顯

見 ?

### 此 亦如是 , 目眚所成,今欲名誰,是燈是見?何況分別, 非燈非

因動心 是見」 與前 妄 , 觀二月。即二月之非有,了燈影之無實;即燈影之無實,悟身界之虛妄。 據 憑誰 見亦非真 此以法合顯。二月非實,惟揑所成;圓影非實,惟眚所成;同一虛妄 此見雖 ,後云: 有 |說即說離耶?總合眚與無明 足知所有身界 ;非妙精明心 ,識此見精非真,是名見見;能見見者,自非是妄,故前云:「見非 「覺非眚中」 , 無非妄影。若不了身界是妄,當觀燈影;不了燈影 如第二月 0 初別業妄見竟 , , 非是月影 皆如揑也;圓影與身界,皆如第二月也。 ,前後照應。二月從揑目生 ,無本可 境既是 見精 , 當

此

# 午二 同分妄見 分二 未初 徴陳所見 二 了無其實

洲 云何名為 • 0 其間或有三兩百國 中大洲 同分妄見 ,東西括量,大國凡有二千三百,其餘小洲 ? 阿 ,或一、或二,至於三十、四十、五 難 ! 此 閻浮提 ,除大海水 , 中間 平陸有三千 **,在諸海** <del>|</del>

之中 浮提 量計 中 樹 除 中 故 初 其間 大 句 心 大海水,中間 以立 是 國凡 點 .洲之大小不一,大者或有三百國 徵 , 名 東 有二千三百 , 0 **一**西括量 阿難 歐 ` 平原廣陸 亞各洲 下 聲平 陳 其所 , , 小 , ,國則 略南北二字,含在其 ,為陸居眾生所依止者, 都屬 見 0 不 此閻 南洲 計 也 浮提 0 0 除大海水者 其餘 ,二百國 ,是須彌 小 中 洲 , , 山 皆布 有三千洲。正中 : 小者或一國 自 四 南 東 |大部洲 面 祖 在 洲 大洲之外 西 名 , , 、二國 由 俱 此洲 . 南 及北 大洲 在 , 亦在 多 鹹 中者 水海之 閻 乃閻 包括 浮 鹹 或 海

月 彼 阿 小洲 難 **!若復此中,有一小洲** 其 中 • 當 乃至暈 土眾 生 • 適 覩(也)諸 珮 , 玦 ,只有兩國,惟一國 , 彗 切 • 、孛、飛、流、負 不祥境界 :或見二 人 • 同 、 耳 日 感惡緣 • 或 見兩 虹 則

三、四

、五十不等。

#### 頂 首 楞嚴 經 義

蜺

種

種惡相

平城 國眾 出 也。 H 國人 同 知 而災象為所感之惡緣。故彼小洲,當土眾生,依妄惑妄現,種種不祥境界 日字 者 白氣 或 方 生 此災象 , 亦易 同 有 見 同 可 兩 ] 感惡緣 絕跡 驗 在旁如衡璜曰珮 見 重圍之難 兩月者 H 知 ,亦不是喻,乃舉同分中之別分,易知之法,例彼同分難知之法,令難 並 , 知 横去日 隣國 也。 照 , 同 是也 : 0 注意 儒云 不見 別舉 分妄見 0 彗字飛流 飛 • 感」 : , - 此閻浮 其中乃至超略其餘。 故知 光相 ;如半環曰玦;此日月之災象也。如月暈七重 0 「天無二日」 惟 字 下注曰流; ,負耳 [乃由妄惑,妄現咎徵 提洲中, 國人 , 乃依因感果 T虹蜺者· , ,既見二日 同 有一小洲 !感惡緣者 此皆星辰災象 :光芒徧指曰 惡氣環 ,感應不忒 , , 只 有 匝日 兩月 惟應此國 兩國 0 暈 兩國 如宋襄公時 彗 ; 同 , , ;黑氣薄 由妄惑為能感之惡因 自非吉祥之兆 洲 俗呼掃帚星 , ,不應彼國 心行 以有 蝕 不同 兩 , 國 星隕 日 , 漢高 適 0 ,為與本 0 , 芒氣 或見二 所 惟 如 如 適 祖在 見不 雨 夏桀 獨 香 四

秦始皇時

,彗星徧出

為虹; 屬惡緣感召之咎徵,故以種種惡相該之。初徵陳所見竟 惡相者:負耳乃陰陽之氣,如弓之背日者名負;如玦之傍日者名耳;映日而 忍損人利己,故得延壽。此誠為賢聖之君,實足為千古之模範也。負耳虹蜺,種種 伺之,星不徙,臣請死之。」公曰:「可」 必三舍,舍行七星,星當一年,三七二十一 徙舍,君延壽二十一歲。」公曰:「何以知之?」對曰:「君有三善,故三賞,星 再拜曰:「臣敢賀君!天之處高而聽卑,君有仁人之言三,天必三賞君,今夕星必 欲殺其民以自活,其誰以我為君乎?是寡人之命固盡矣!子無復言矣。」子韋北面 將誰君乎?寧獨死耳。」子韋曰:「可移於歲」。公曰: 治國者,而移死焉不祥!寡人願自當也。」子韋曰:「可移於民」。公曰:「 是宋之分野,禍當君身,雖然災兆已現,可以移之宰相。」景公曰:「宰相所使之 宋景公時,熒惑在心,景公懼,召子韋而問焉。子韋曰:「熒惑天罰也。心, 對日而暮現見者為蜺;又雄曰虹 , 雌曰蜺 。其夜星三徙舍,如子韋之言 ,故知延壽二十一年。臣請伏於陛下以 ,此皆陰陽之災象。災象尚多, 「歲饑民饑必死 , 為 。景公不 民死 出者 人君 總

未二 了無其實

# 但此國見,彼國眾生,本所不見,亦復不聞 0

亦有 中 者獨也,又非特不見,併亦不聞 妄 見故。是以取此為能例焉 若 既略即、離 兩 同一洲中,天原是一象,分有無,足知非實。前必取 重易知:一 兩 國同 見 ,復缺妄因。略者,準上可思;缺者,待下進退合明中例出。然此 ,亦不足以顯妄 者易知其為同分,以舉國皆見故;二者易知其為妄見 。二各舉易例竟 。雖此國惑同同見,畢竟非實。此說妄處 , 故曰:「但此國 見 ,彼國眾生,本所 兩國者,以一 國不足以顯 不見 ,以彼國不 ,比別業 但

#### 阿難!吾今為汝,以此二事,進、退合明。 巳三 進退合明 分二 午初 總標 別明 今初

文 番進退合明: 有分屬進退合明;交互進退合明二義 此總標例法。以即用也;二事乃眚影、災象之事 先進一人見眚影,別中之別,例阿難見身、界別業之妄,是以一 0 若約例處: 。進、退合明,按下三節之 例汝 ` 例彼 例图 浮提 人例

方依 妄,是以多人例一人,屬退同例別以合明。後進一國所見災象,同中之別 多人,屬 正 進別例別以合明。次退一國見災象,同中之別,例彼一人見眚影 同分之同,是以一 國例諸國 , 屬 進同 例同以合明。 此二進一退 , ,例彼十 ,別業之 分屬合

明也

災象 亦由 災象同一 象 象 起 業所見身 退後身界 亦 若約結處 同 與災象同一 無 中之別 同 始根本見病而來 ]中之別 例也;復退十方依 、界 國見病妄現 別中之同 (,別中之同。則此身、界 :皆是 , 合明十方依 例也;復進一 ,合明一 一、俱是 ,與眚影同一例也;二者俱是無始見妄所生。後進 ,以合明前之眚影 , 病目 與身界同一 。 正 、同是,三番交互合明。 、 正 人,所見眚影別中之別 病目人,所見眚影,合明一國 ,同分之同 , 同分之同 例也;二者皆是無始見病所成 , , 固無始根本見病之影 別中之別 . , 合 一 , 則此依 國所現災象 ,則此眚影 先進告影 , 、 正 則此

書影 亦是眾生 ,同見災象,則此災 與告影同一例也; ,同中之別 ,別中之別 雖枝末見病之影 亦是一人瘴惡所 0 瘴惡 次退 所 國 ,合明別 則此災 國所 起 與

象亦是眾生同分之惑所現,與十方依、正同一例也;二者同是覺明無漏妙心,虛妄

病緣

,此各具進退交互合明也

明眚影 十方依 處預為發揮,到下文自易明了也。初總標竟 緣 知 以易知例難知;以災象合明眚影,究屬何意?當知:災象虛妄,固比妄眚之難知 病所成,更不易曉 而 告影遠因 , :十方依 豈人所易曉耶?蓋必交互合明者,要顯本末見病,皆無始無明,以為其咎,此 釋疑:此中第一番交互合明,以眚影合明身界,固是以易知例難知;以身界合 ` , 究屬 正 、正虚妄,固比災象之難知 , 俱是無始見妄所生,更不易曉。 固是以易知例難知 何意?當知 。第二番交互合明,以一人所見眚影,合明一 : 身界虚妄 ,以十方依 , 固比

告影

之難

知 ,而災象遠因 、正,合明 第三番交互合明 , 同是覺明無漏妙心 ,而目眚遠因 一國災象 , 以一國災象,合明 國所見災象,固是 ,究屬 皆是無始見 何意 虚妄病 ?當

別明 就所例法進別合別 分二 未初 例明別業 三 結見見即離釋迷悶 例明同分 未初 又分三 今初 申初 舉能例法牒定

### 阿 難 **!如彼眾生,別業妄見,矚燈光中,所現圓影** • 雖現似境

# 彼見者,目眚所成。

業(計 業妄見 之謂也, 境界,但是幻有,而非實有。其故何也?終彼見者(睛人) 此 例 追究到底,實因別業眾生, 別別業 ,故成妄見;見已成妄,故矚 (శ) 燈光中,所以現出 可 **以證知不是譬喻** ,重舉能例之法,牒定眚見,全體虛妄。觀佛直呼前之眚影 0 要知燈原無影 目有赤眚所成。合前文見病為影竟 , **告見似有** , 故 云 : ,目眚所成故 五色圓影 如彼眾生 0 0 雖似 終者究極 , 有 ,為別 現前 Ż. 別

# **<b>青即見勞,非色所造。**

妄體本 中 勞相 色之勞相,不病則無見也。次句重申,雖似前境之義。色指燈上五色,謂此圓影之 首句 瞪發勞相 無也。 非燈上本有之色,亦非燈明所造之色,故曰 重 ,合前影見俱眚 是則所見之圓影 申目告所成之義 。勞即圓影之勞相,謂目有眚病 , 固是目眚所發之勞相 :「非色所造」。 , 即能見之眚見,亦是菩提心 ,即見如斯 但告見似有 ,妄發五

# 然見眚者,終無見咎。

覺非眚中;又彼見真精,性非眚者,皆指真見之體。初舉能例法牒定眚妄竟 體即離眚妄;如人墮水 墮眚病之中 此 |明真見無病。 , 故曰:「終無見咎」 然字轉語之辭 , \_\_\_ 經見水 0 。見眚者:即能見此眚之真體,由來無病,終不 ,則身已離水。合前見眚非病。下文覺所覺眚 咎即病也。以眚不能自見其眚 ,今既見眚 , 自

例 ,汝今日:以目觀見,山河國土,及諸眾生,皆是無始 申二 就所例法進別合別 分三 酉初 總成例意 二 詳應前文 今初 • 見病所

#### 成。

就今眼 明 ; 界之相分,與能見之見分,皆是根本無明,動彼淨心,而成業識, 病所成之影 進前眚目見圓影,易知之別業,例今好眼見身界,難知之別業。今日目觀者; 此 舉所 前 例法 親住親見之近境 , 與圓影枝末見病之影 例者同一 例也,若約三番 , 山河 國土 , 同一 ,及諸眾生,即所見身界,皆是無始根本見 例也。又皆是二字 「,分屬: 進退合明 , ,此乃第一 有注家云 轉本有智光,為 番 : , 進 所見身 以合

能見之見分,於無相真理中,妄現所見之相分, 故見、相二分,皆是根本見病所

成 即影 、見俱眚也。」此解於文雖順,於義未足

同一 界合明 明 例見妄也。 進 結處須以見圓影 圓影 圓 影合明身界 , 而圓影雖為枝末見病所成 初總成例意竟 , 與見依 則身界固無始 、正皆是無始見病所成 覓病 , 亦不離根本見病,以末由本起,亦與身界 所成 , 與告 見圓影 ,於義方足。 , 同 此屬交互進退合 例虚妄也 退身

### 酉二 詳應前文

#### 見 與見緣 似現前境 ,元我覺明 • 見所緣情 覺見即告 0 本覺 明

## 心,覺緣非眚。

土眾生 中 似 現前 性覺 初二句,妄境似有。見即見分,合上以目觀見。見緣即見所緣之相分,合上國 境 此見、相二分,依自證分而起,屬依他起性:依他如幻 必明 0 詰 其根本, 妄為明覺 元我真覺墮在妄明之中 。性覺即自性之覺體,本具妙明之德用,不假明而 ,以為其咎,覺明二字 , 非有 似有 亦 明之 卽 四卷 故

無明 因 設若必定加明於覺體之上,則此必明一念,即是妄為,不當為而為也。即轉妙明為 四卷三種忽生相續 ,性覺成妄覺,由此妄覺,遂起見、相二分之妄。覺明乃為根本無明 ,無不因此而成。

妄見。此見即眚見,遂有所緣依、正之眚影,合上見病為影 見所緣眚者:見即轉相之見分, 所緣即現相之相分,皆由無明之力,轉真見成

依 無明而有,妄體本無,合上影見俱眚也。 覺見即眚者:接上句,謂非但所緣是眚,即覺明所發之能見,亦即是眚,以俱

不墮妄中,實非有眚妄見可比,故曰:「非眚」,合上見眚非病。 雙攝見分、 本覺明心 相分,能、所二緣 ,覺緣非眚者:此明真體非病 。謂本覺妙明真心,徧覺能、所二緣皆妄,此覺體自 ;上覺字指真體,下覺字指妙用 緣字

影 同 住 ,彼此 兩重易知者例之」 [正脈》云:此阿難所見身境,即有兩重難知:「一者難知其為別業 不異也。 。問:「身境同見,何以類眚影之別見?」答:「眾生依自 一者難 知其為妄見 , 以與眾 見同 信其實有也 故 ,以與眾 以前眚

燈 見耳 心法界,而迷起夢境,法界唯心,夢境非有,故為別為妄,見同眾人,不過業同同 , 似 ,豈同外教共一而實有乎?譬如千燈一室,雖同處而各別光滿;又如群翳觀 同輪 而實各病;及其一人病癒,只消一人之輪,始知非共一 , 而 非實有

覺所覺眚,覺非眚中。此實見見,云何復名,覺、聞、知、見? 申三 結見見即釋離迷問 分三 酉初 令取上義轉釋 一 令對目前會釋

矣。」二就所例法進退合明竟

緣 墮眚中, 無明所熏,知見妄發(タ),發妄不息,勞見發塵(タ),悉皆如眚,真覺未覺時 上覺緣 (ﺑﻠฅ) 二字;二句即上非眚二字。一、三覺字是真體,所覺即能緣所緣 非書 上來別業中種種發揮,結歸覺緣非眚一句,正轉釋見見非見之迷悶也。首句即 一覺所覺是眚,則此真覺,即已離眚,非墮眚中矣!此牒前本覺明心 及前能見眚者 ,終無見咎,又見眚非病之義,亦如圓覺所云:「知幻即 , 覺 由

此實見見:此字即指上二句,實即見見非見之義。比顯云:真覺覺於所覺是眚

離

是也

大佛

頂如來密因修證了義諸菩薩萬行首楞嚴經講義第五卷

彼此意 覺 字 見 覺 將 時 此 , ` 真覺 知 聞 各具二精 聞 妙 **養相類** 覺 ` ` 本不屬見、聞 覺 如性 不墮於眚中 知 ` 知 見 ,即帶妄之見精也。 。云何下責怪之辭,見性即是寂常心性 , 為心, 名為覺 , 即 是六 (ポメ゚゚゚゚゚;即前真見見於見精帶妄時 則被所覆 ` 覺 精 聞 ` , ` 知 體同 知 , ,即不見精明本體矣。 方有超脫之一日也 ` 眾生既不可執妄為真 見 ? 用異 何 0 異將連城之璧 元依 精明 0 ,所應取為本修因者 初令取上義轉釋竟 ,亦不可將真作妄 須知真心雖不離見 , ,真見非墮於見精 ,分成六和合 喚作 碔 砆 , 豈不 , ,云何復 如祗認 覺 誤哉 妄中 聞 知二 ?

# 酉二 令對目前會釋

0

#### 是故汝今 見我及汝 , 並諸世間 • 十類眾生, 皆即見眚 •

山 見眚 河 此 對境會釋 ` 字同義異 大 地 0 + -類眾生 真妄二見。 , 上謂見有告 :於十二 見我即觀 , 一類中 下謂能見告 , 佛相好 除無色 0 , 若自惑未除 ` 及汝即阿難 無想 此舉 , 自 縱觀如來勝相 聖 身 ` 凡 0 世間指 依 虚 正 ,猶是 空 0 此

見帶眚病。 古德云:「眼中猶有翳,空裏見花紅。」 非能見眚者之真見。上判是妄

非真。

# 彼見真精,性非眚者,故不名見。

覺 緣 , 聞、知、見。」 隨緣不變,能為見相所依,不為見相所變,其性不墮於眚妄之中,故曰:「非 彼見即能見眚之見。已離於妄曰真;純一 既非是眚,故不應名見。此後二句,判真非妄,即上「覺非眚中,云何復名 無雜曰精。性非眚者;其性不變隨

離 , ,二乘深生厭離 則終日對境,終日不被境轉矣!初例明別業竟。 切眾生,不達所見身界,皆自心別業之妄影,本來無實,所以凡夫深生取 ,皆非解脫之道。若知惑業所現,妄體本空,不生執著 , 無可厭

例明同分 分三 申初 舉能例法退同合別 就所例法進同合同 結

離見即覺教取證令初

# 阿難!如彼眾生,同分妄見,例彼妄見,別業一人。

業 進退合明 則妄因成 見 國眾生, 同分妄見 為妄見,既有 前見災象文中 此 此 為 例明同分, 派所例 , ,方可 此 兩 乃第二番退以合明 。 問 重易知 以為能例之法 ,元缺詳示妄因 文具能、所二例。 :「前云舉國同見災象 ,所見種種 , 即可例 .災象,例彼目眚,別業妄見之一人。若約三番 ,不得不退例別業也。」 , 下十方依 , 退一 故 必取例別業之妄 若對例閻浮提等 國同分所見災象之妄,例彼一人見眚影之別 、 正 ,易知其為同分,彼國眾生不見 , 而 更取例於別業者 , , 故呼當機而告之曰 令知同彼眚影 此為能例;若對例別業妄 ,何也?」 例 : 如彼 虚 易知其 分屬 答 妄

#### 病日人 同彼 或 彼見圓影 • **青妄所生** 0 此眾同分 • 所 見不

### 此承 前易知之同分,轉取例於易知之別業 0 即牒定一 病目人,同彼

國

彼此

祥

同見業中

,瘴惡所起

生 合明 此 同分所見災象 例 出妄因 彼別業所見圓 ,既非即空即見 影 , 既 亦非離空離見 非即燈即見 ,同是見業中 亦非離 燈離 見 , 瘴惡所起 但 由告妄所 與

彼見圓影,無以異也。

災象乃瘴癘惡氣 同 見業中 ,瘴惡所起者。由眾生見分,妄起能見之業用,故有所見之妄相。而 ,上應於天 ,故現種種不祥之象,但惟瘴惡 ,是其妄因 ,豈天象有

實體哉?

# 俱是無始,見妄所生。

也;二者雖為浮塵根所見之境,推末由本,俱是無始,真見墮在妄見中,所生之妄 妄 熏成見妄所生之虛影。若約交互進退合明,進圓影以合明災象,則災象亦 , **眚影、災象,同、別雖殊,為妄則一,皆無實體,究其妄因,俱是無始無明** 與圓影同一 例也;退災象以合明圓影 ,則圓影亦一人之惡緣,與災象同 國之眚 一例

# 申二 就所例法進同合同

境,了無實體。初舉能例法退同合別竟。

#### 例 閻浮提 ,三千洲中, 兼四大海 • 娑婆世界,並洎十方 **,諸有漏**

## 國,及諸眾生。

知同一 樂不等 知其為 也 下 屬第三番進以合明 娑婆世界:即釋迦所主,三千大千世界。並洎十方,諸佛剎土,此由近以及遠 此 例也。三千洲 舉 同 , ·所例之法 難知 分;彼國 其為 同 不 見 遙 ,進退合明。即以一 分 ,即閻浮一洲中,有三千洲 , 一國所現災象,合明十方依、正之境,以災象 , 無始 易知其為妄見。以此例閻浮提等 恆然 , 非偶 國同見災象為能例,若約分屬進退合明 爾 暫現 , , 兼須彌四面 難知其為妄見 , 依 。 正 ,四大海中 , 令難 ;淨 知者 國同 穢 ; 苦 見 與易 四天 易 此

之惑境,豈得謂為無分?以因妄而有,故曰「有漏」 下文云:「迷妄有虛空, 己受用之境 諸 有 漏 國 例同災象,亦可易知, , 及諸眾生者 依空立世界 :國與眾生 其為虛為妄也 , 想澄 , 均 成國土 以有漏稱 , 知覺乃眾生。」 , 0 因皆依 雖遐方異域, 無明 , 他所住持,非 無非 而得建立 自心 所 也 現

### 同是覺明 無漏妙心 見聞覺知 ,虛妄病緣 和合妄生,和合妄

死。

故妙 具妙 明 妄名 中 壞 妄死者 境 分 十方依 , , 進 空 指 锏 滅 虚妄有生 映 此 下 正 (合明同妄。同是覺明,與上元我覺明不同,前是真覺而起妄明 未起煩惱 十方依 在 , : 十方依正 國災象,以合明十方依、正 此 正 以依、正二報, 六根 ,以合明一國災象,則災象亦虛妄病緣 滅 報有生、 但有其名 、正同 , 門頭 此有乃為幻有 , ,有漏妄法,同依真起,乃依本覺妙明 無有生死 , .分惑境,乃根本無明,見病之影 老、 故有見聞覺知 , 非實 總屬依他起性。依他如幻,有生有滅;依報有成 病 , 有 , 死 即本源真心;受無明本熏,業識資熏之力,起成見 所滅 非實有所生;因緣 皆由 ,虚妄之病,合上 0 則依、正亦同分之境,與災象同一例也;退 死字應作滅字 無明為因 ,與依、正同一例也。 ,業識 別離 , ,合上災象 瘴惡 方通 , 為緣 和合終盡 , 無漏妙心;心以無漏 無情 0 緣字 因緣和合,於 ٥ 0 即所緣相 若約 和合妄生 , 於無滅 ,此是本覺自 交互 進 单 、 住 分之妄 , 和合 無生 退合 虚 稱

心 通無明一 問 起,將全法界真心,徧成迷惑之境 「十方依 正 與己. 無干 何為同分?」答: ,於無同異中 雖非業招 熾然成異相之世界 亦 由 惑現 自 因

,

,

異顯 同 , 復立 一同相之虚空;因同 異發明, 復立 無同異之眾生 0 未至發真歸元,則空

二就所例法進同合同竟。

漚

未滅

十方依

、正,皆自心

無明

,妄現之惑境

,固屬有分

,

何得曰非同分耶

358

# 申三 結離見即覺教取證

### 若能遠離諸和合緣 ,及不和合 則復滅除諸生死因 0

即微密 有妄見 和合緣 妄死 所 惑業之境 應有一緣字 緑鏡 此與上節 ,正是敵體 觀 , , 乃有 即同 為虛 照 和合 , 0 為妄 所緣 離妄之功 分境 和合緣即別業境 ,同是覺明無漏妙心,見 生滅 相翻 ,不執實有 0 , 緣即所緣依正身境 但由惑現 0 0 此節約返妄歸真 上節約從真起妄 妄離 ?,不但<sup>8</sup> ,即遠離諸和合緣 則真自復 並無有業 ||惑現 、 聞 , 0 0 , 謂修楞嚴 妄有二種 緣即別業 亦即總標中 , ,還加有業 和合其中 覺、 ,及不和合緣 知 顛倒 大定者 ` 同 , ,虚妄病緣,和合妄生,和合 , 和合而成,故曰和合緣 當處發生 故曰不和合緣 分所緣之境 分別見妄 , 若能 。不能離緣 了知同 , 當業輪 0 ,為虛妄病 不和合下 若能遠 分 轉 便為物 別業二 二妄 ; 不 離 亦 既

轉 若能離緣,即可轉物同如來矣!此二句離緣也。

能緣本 事識 不行,十方國土,皎然清淨 此 三因不生,文義相類,遠離即不隨也。又「塵既不緣,根無所偶,反流全一,六用 石離 則 , 《復滅除諸生死因:生死因即二種顛倒分別見妄,為輪迴之本。別業妄見,屬 為分段生死因;同分妄見屬業識 見也,並上三句,即下文不隨分別世間 、末二妄自息 ,即不起二種顛倒分別見妄 ,譬淨瑠璃 , ,為變易生死因;但所緣同 內懸明月 、業果、眾生三種相續,三緣斷故 0 故曰 : 則復滅除諸生死 、別二境既離 因

#### 圓滿菩提,不生滅性。 清淨本心 ,本覺常住 0

性 顯 也 , 所緣之妄境離 即能 前二句圓滿及性字,皆要雙用。不生滅性,即是涅槃,謂妄見即離,真覺全 此明即覺,合上離見即覺 圓滿三菩提性, ,則轉生死圓滿涅槃性 及圓滿三涅槃性。承上能緣之妄見除 ,如圓覺經離幻即覺 此即菩提 , ` 義相同 涅槃,二轉依果 , 顯言之,即離妄即真 ,則轉煩惱圓滿菩提

清淨本心

,本覺常住者:既已圓滿智

、斷二果,復本心源,究竟清淨

本覺到

終日 論》 此 ,方得出纏,常住不變,輪迴從此永卸矣!此節文但能不取見緣 云 : 「 . 對 境 ,終日無境可對,能所不立,法法全真 離 一切法差別之相 ,以無虛妄心念」,「 ,是謂常住首楞嚴三昧 即是真如常恆不變, ,不隨見妄 淨法滿足」 。 如 《起信 列則

阿 辰二 開其未開 分二 巳初 躡前悟與未悟 正破和合俱非 今初 也

初釋其迷悶竟

不和合 悶 得 計 已釋 覺元,非和合生,及不和合 注先悟 度 ,今了知真見見於見精之時,真見已離自體中一分妄,非是帶妄之見矣 .難!汝雖先悟,本覺妙明,性非因緣,非自然性;而猶未明如是 此躡前文 而 此當開其未開 心猶 非因緣性 如是本覺妙心 未開 ,當機述意:「 , , 非 ,謂阿難言:汝雖先前已悟 而今更聞 自然性 ,元非和合生, 世尊!為我等輩 0 ,見見非見,重增迷悶 而猶 未明下屬未悟 及不和合,此理實猶未明, ,宣說因緣及與自然 本覺妙明真心,雙超妄情 0 以因緣 而佛先其所急 ` 自然 故不得不再為開 , , 佛 諸 **巨開示** 和合相 , ,則迷悶 與釋 分別 故 與 迷

背,故下正明非和合,及非不和合之義。初躡前悟與未悟竟 示也。若說覺性,是和合生,則與離一 切相相背;若說非和合有,則與即一切法相

破非和合

午初又分二

未初

總舉

妄 惑 別為破斥 正破和合俱非 分二 午 初 先破和合

## 阿難!吾今復以前塵問汝:汝今猶以一切世間 ,妄想和合, 諸因緣

# 性而自疑惑,證菩提心和合起者

誠 佛云:吾今復以前塵問 不當 , 妄計和合。諸因緣性一句,以和合與因緣相關,故兼言之;自生疑惑,即是妄 前破因緣等 0 觀猶以二字, , 皆約前塵而破,以見離塵不顯故;今破和合,亦以前塵為問 汝 有責怪意,和合上加妄想二字,以真見本無和合 ,汝今猶以一切世間 ,妄想情計 , 疑見性為和合而 妄想情 有 , 此 故

因地心 證菩提心 此心為如來密因,由來不變,豈屬和合起者?故不應自生疑惑。 ,和合起者 :此二句按定錯計。 上句即指真見 ,以真見為能證菩提之 初總舉妄

想

惑竟。

未二 別為破斥 兔二 申初 破和二一 破合 今初

#### 則 汝今者 • 妙淨見精 ,為與明和 ?為 與暗和?為與通和 ? 為 與塞

#### 和?

雖然處染,畢竟不染,其清淨本體,由來不變,故曰:「 此 仍用見精者,以真見、見精無別體故。因二妄既剖 妙淨」 ,故加妙淨二字 0 為與明 和等 , 以此 ; 即 見

#### 若 明 和者 • 且汝觀明 當明現前, 何處雜見?見相 可 辨 • 雜 何 形

#### 像?

以前

塵為問也

處雜 必有二物 首句 和 ·汝見耶 '牒定,下以名、義、體 ,相投不分,方成和義 ?見相 可 辨 , 雜 何形像者 、相四意破之。先約相破。雜即和也,凡言和者 0 故難云:且汝觀見明相 : 見精 屬內心 明 相 正當明相現前之時 屬 外境 , 如 果 雜 和 何 為

亦應

河辨

如朱與麵粉二物雜和

,則朱失其紅

,麵失其白

[,成為<sub>]</sub>

非紅非白之

色,今見相二者雜和,究竟作何色相耶?

# 若非見者,云何見明?若即見者,云何見見?

明?此非離也。若和後明相即是見者,相既成見,應不能自見其相,若仍見其相 相 云何以見自見其見?此非即也。如是觀察,則和義不成。 和後,畢竟還是見耶?非是見耶?若和後明相非是見者 一約義破。凡言和者,必有二物,先相離而後相即,方成和義 ,應無所屬 。難云:見與明 ,云何而: 能見

# 必見圓滿,何處和明?若明圓滿,不合見和!

三約體破。凡言和者,必二體各不圓滿,方可相和 0 難云:必其見性圓滿 何

處可 ,以再和明相?若使明相圓滿 ,不合更容見與之和?

## 見必異明,雜則失彼,性、明名字,雜失明、性,和明非義 0

與明相 後 則必失彼見性明相,本有之名字,而見當非見,明應非明;如水土相和 四約名破 , 未雜之時,見是見,明是明,有情之見性 。凡言和者,必二物不同,而後相和,既和當失本名。難云:若見性 ,必異於無情之明相 , 雜 ,則失 和之

彼水土本名,轉名為泥矣 (。雜和既失明相見性之本名,則說見性和明相者非義矣 0

# 彼暗與通,及諸羣塞,亦復如是。

以明例餘 ,彼暗與通塞 ,非和之義 , 亦復如是。初破和竟

申二 破合

復次, 阿難!又汝今者,妙淨見精, 為與明合?為與暗合?為與通

## 合?為與塞合?

此破合。凡言合者,如蓋與函相合附,而不離也。

若見暗時 若明合者 • 至於暗時 不與暗合 • • 明相已滅,此見即 與明合者 ,應非見明!既不見明 不與諸暗合 • 云何見暗 ,云何明 ?

## 合,了明非暗?

若見暗時 滅 此正 見與明合 |破明合。若與明合者 ,不與暗合者:恐防謬計,不必暗合,而能見暗。故破云:若見暗之時 ,自必隨 明以俱滅 , ,此見即不與諸暗合, 如圓蓋合於圓函,附而不離, 既不合暗 至於暗時 云何而 能見暗 ,暗生 明 ?

不必定與暗合,依舊與明合, 而能見暗者,則不合能見,合應不見,汝見與明合

者,應當見暗,而非見明矣!

了知是明非暗也?明暗是二,見性是一 **云何明合** ,了明非暗 0 此歸正破。 既與明合,應非見明,云何現前與明合時 明 暗有生滅 , 見性無去來 豈可說合

# 彼暗、與通,及諸羣塞,亦復如是。

耶 ?

此以上可以例知,故云亦復如是。初破和合竟。

破非和合分三 未初 承示轉惑 \_ 別為破斥 今初

# 阿 **|難白佛言:世尊!如我思惟:此妙覺元,與諸緣塵,及心念慮**

#### 非和合耶?

也 度 當機聞說 此妙覺元者:指此根中見性 勢所必至 0 ,證菩提心,不從和合起,遂轉惑非和非合,離緣別有 觀其問詞曰 :如我思惟 ,乃本妙覺明 , 末句殿以耶字, ,元清淨體,具不變隨緣 是未敢自決 2,而請 ,此妄情計 二義;依不 佛 求決

變義故非和合,依隨緣義非不和合,性、 相互融,真、俗無礙,此以剖妄之後,乃

立斯名。

體 ,念慮為識用 與諸 緣塵:即 , 此正辯根性之與塵識 明 7、暗、 通 、塞,所緣塵境。及心念慮:即六處識心, , 非則俱非也。 初承示轉惑竟 以心為識

未二 別為破斥 分二 申 初 破非和 <u>\_</u> 破非合 今初

佛言:汝今又言,覺非和合。吾復問汝:此妙見精,非和合者,為

非明和?為非暗和?為非通和?為非塞和?

各不相入,為與明 又言此妙覺元 此正 破 非 和 ,非和合者 以顯非不和也。 、暗、通、塞,四法之中,與何法非和耶?此中見精稱妙者 , 吾復問 非和者兩物異體 汝 , 此 妙 見精 , 非和合者 ,各不相入之謂也。 , 應 如 磚 石並 佛言 砌 汝今 ; 亦 彼 此

若 非明 和 則 見與明 • 必有邊畔 !汝且諦觀:何處是明?何處是

見?在見在明,自何為畔?

一妄已剖故也

際界畔 此 但 此是必然之理。汝且現今諦實觀察,何處是明相?何處是見精?在見精與 |約明破。若見非與明和 ;如磚 、石並砌,體不相入,則見之與明 ,必有邊

明相二者之間,自何處為界畔耶?此先與索畔

#### 阿 .難 **!若明際中** • 必無見者 ,則不相及 ,自不知其明相所在 •

何成?

及 相 , 自 各有界限 此躡成破意 然不知明相所在之處;處尚 , 。謂言縱有邊畔,亦如磚石之不相入。際者界限也。 見中 ·無明 , 明 单 -無見。 不知 , 若明相界限中間 邊畔從何分別?畔既不分 ,必無見者 , 承上 則非和之義不 , 則 一見精 彼 此 不 明 柏

# 彼喑、與通,及諸羣塞。亦復如是。

成矣

Ī

此破一,自可例餘。初破非和竟。

#### 申二 破非合

#### 又妙見精 非和合者 • 為 非明合 ? 為非暗合?為非通合 ?為非塞

#### 合?

此破合可知

## 若非明合,則見與明,性、相乖角,如耳與明,了不相觸 o

不相順 首句 0 课 定 此據理論 。若見不與明合者 ,下以喻明。既然非合, ,則見與明 應如耳根之與明相 屬 性 **,** 屬相 , , 了無關係 彼此乖違角立 ,不相觸 , 各

### 合;觸即合也。

## 見且不知 ,明相所在,云何甄明,合非合理?

明 聽且不能聽 此承上既不相合,縱見之亦不能見,見且不見,自然不知明相所在;如耳聽 ,豈知所在耶?知既不知 ,云何甄別明白,合與非合之理?

# 彼暗、與通,及諸羣塞,亦復如是。

自 復剖其妄 [阿難妄識破後 此例破 ,尅就當人分上,最親切處 , 可知 ,求示寂常妙明真心 。後無結文者 ,因此科但釋前「超情」科中餘情,故不另結 分明指出,會見、聞 而如來指與 根中見性 党、 , 十番極顯其真 知 ,虚妄病緣 ,二見 文

事即理 相 之心,不獨近具根中,實則量周法界,則何以明事究竟堅固耶?故下會通四科 妄不離真 一體之旨,大科尅就根性,直指真心已竟。自此以前但顯理究竟堅固,若不知所指 無非 ,圓彰七大 ﹐理性,乃統世界、身、心,為一定體 ,同是覺明無漏妙心;此中復明,本妙覺元,非和合與不和合,密示萬法 ,全相皆性 ,極於三如來藏 。自此見性 , 圓融無礙 ;說奢摩他,令悟一 轉名如來藏性,以能徧 切事 , 全

為諸法實體,乃對萬法而立名也。初尅就根性直指真心竟。

楞嚴經講義第五卷終

## 大 佛頂如來密因修證了義諸菩薩萬行首楞嚴經講義第六卷

福 州 鼓山涌泉禪寺圓瑛弘悟述 受法弟子明暘 日新 敬校

丑一 會通四科即性常住 分三 寅初 總標即妄即真 別明即妄即真

卯初 明幻化相即真 二會四 科法即真 今初

阿難 **!汝猶未明** • 切浮塵 ,諸幻化相 ,當處出生, 隨處滅盡 幻

## 妄稱相,其性真為妙覺明體。

名 共 則量周法界 性即妄皆真 體 改稱 此下會通四科:五陰、六入、十二處、十八界,一一 ,處處皆同真法界。文乃一氣貫下,是以不結。從此不復稱見精、見性之 為如來藏 , 0 上科無有結文者,正因上科所顯 編 為 諸 法 實 體 ,妙真如性;見性約一根是別,藏性攝六根是總 ,故與會合融通 , 攝事歸理 ,見精相妄性徧 ,會相入性 諸法,觀相生滅全妄 ,但約近具根中 , , 以明 但是總 情與 、別異 無情 ,論 實

此科緊承上文,不但見精相妄性真,乃至一切諸法,無不皆然,即一 切幻化之 稱

實無異體耳

之妙 性真 無體 性 盡 相 此至虛之法為能例 真為 幻 , 滅 亦復如是,因汝猶未明了,今當為汝示之。浮塵者虛浮不實之塵境。 今明無體之體 雖現諸相,乃是本覺湛明之性,而為諸法所依之體,即此至虛幻之法,本來 《無去處:不過徒有幻妄名相而已,全無實體可得 有 以浮塵幻化之相,相不 妙覺明體者 而俶滅曰化,如空華 :其字指一 , 例明下文,陰、入、處 ,即是妙覺明真體 離性,其性即是眾生妙覺明體 切浮塵之相 、鏡像、夢境等。當(蓋)處出生,生無來處 ;如虚空華 ,性即相中之性 界 , 似實有法 , 雖至虛妄 0 稱即名也,上明相妄 , 相雖妄而性 ,令其比類發明 : 無相 , 華體即是空體 而能 現相 元真 無而忽有 ; 隨 , · 令知 故謂 處滅 此 其 舉 明

相妄性真 卯二會四 (,即事 科法即真 即理也。初明幻化相即真竟。

#### 生;因緣別離 如 是乃至:五陰、六入、從十二處、至十八界、因緣和合,虛妄有 **,虚妄名滅** 0

如是指法之辭 大佛 頂如來密因修證了義諸菩薩萬行首楞嚴經講義第六卷 ,緊承上文,如是至虚幻之法,尚且相妄性徧, 例顯世間所有諸

六入一 俱合 種 二處,六入亦然。三、為色、心二迷俱重者,心色俱開 色 以 一 法 ]輕者 ; 切諸 開 為迷色重迷心輕者,合心 乃至陰 但說二法 科 色法為五根 合色 法 ,因為圓通法門,推重根性故也。諸法雖多,四科之中,科科收無不 , 入、 總不出心、 ` 開心 , 皆 處、界 、六塵、十一種,說十八界 **司收盡** , 合色法為色陰 色二法 皆如是也。 切諸法 、開色,合心法為意根; , 因對機開 0 ; 開 此四科法 諸經論中,多皆陰、處、界三科 心法為受 、合故 0 ,合上一切幻相 四 ` ` , 為心、 想 廣 開色法 ,開心法為意根 ` ` 略有異 行 色二迷俱輕者 ` 為五根、 識 四陰 : , ` 六塵 為 乃 ,惟此經加 、六識 迷心 說 Ŧ. 說十 重迷 陰 盡 色

守自性 染心生。 心 絕待 以 因 .緣 業 為 ,寂湛常恆 和合 次約色法釋: 識 因 內 ]熏為因 ,虚妄有生者 無 朔風 ,不假因緣 動 境界風 夫佛界真善妙色, 為緣 :即指四科心、色諸法 動為緣 :;而六種染心,虚妄生滅,必藉因緣。一 因緣和合,於如來藏海 亦是因緣和 性本清淨 合 不假因緣 不離 於第 ,妄有三種不相應染心 因緣 八識海 ;而九界依 0 先約心法 , 妄有 以真 釋: 、 正 種 夫真 生 如不 相 虚 應

妄生滅 染色生 。二、淨法以本覺內熏為因,聖教外熏為緣,熏彼業識,妄有三聖法界,淨 ,必藉因緣。一、染法以種子為因,現行為緣,熏彼事識,妄有六凡法界,

色生。

不相應染心滅。上之生滅心法, 覺之相;無明不覺之相,不離本覺之性,則無明風息,覺海波澄, 相應染心滅;若更了知一切心念,皆依無明而有,由無明不覺,生起三細,皆是不 所緣境,不執實有 大 日緣別離 ,虚妄名滅者:亦先約心法:若眾生依本覺內熏,發起始覺之智 ,離一切法差別之相 攝盡五陰中後四陰,六入中意入,十二處中意根 ,則境風既息,識浪自澄 ,因緣別離,三 因緣別離 ;三種 於 種

色亦非 前 ,六入中前五入,十二處中前十一處,十八界中六塵及五根界。 事識 次約色法釋:若眾生始覺有功,了知身、心、世界,無我、我所, 實 有 三轉 , 則無明夢破 ,因緣別離 ,六凡染色滅;若更了知,不但生死染色本空, , 業識還源,三聖淨色亦滅。上之生滅色法 ,攝五陰中色 即涅 則觀智現 一槃淨

處

,十八界中意根及六識界。

有 性 物 , 則 依 總 論 成 他 又云: 似有 編計 心 執性 色諸 一 不 , 觀 -知色身 相 法 , 若能 完妄 , 唯 了, 外 泊· Ī ,於本無生滅中妄見生滅;合能 心 知 所 現 依他 山河虚空大地 0 本經云:「汝身汝心皆是妙明真精 起性 如幻 ,咸是妙明真心中物 , 徧 計執性本空 例中 , , 則當 幻妄稱 下即 妙心中 柏 俱 是圓 屬 若 依 成 執 他 所 實 現 實 起

#### 殊 不能知 生滅去來, 本 如來藏,常住妙明, 不 動周圓 • 妙 真如

性

0

性

矣

器界 無 起 性 體 如蔴 徧 然當 相 計 .H. 丽相妄 有是幻 似有生滅之相 執 , 繩依 知妄 性 麻有 有 죾 如 , 此論 夜間見 離 性無乃· 真 ,故曰依他 性 , 眾生根身 全體 真 繩 本 0 , 無 即 認作是蛇 以 是圓 身 ,離卻蔴即無繩可 , 此 , 、 心、 似有去來之相 成實 明無性之性 0 性 世界 **編計執** 0 按 唯 , 乃 性 即 裑 識 屬依他起 如來藏 相 。若於依他法上 情有 依 性 性起 解 理無 性 , 性 依 不離當處 生滅去來 他 從緣 依他 起 性 , 生滅 不 起 如 性 瞭 繩 , 如空華 乃指 如 , , 相 虚 幻 員 有 妄 成 心 , 與 更 性 實 無

鏡 像 、夢境 , 華性即是空性, 像體即為鏡體,夢人本屬醒人,眾生迷而不覺 , 故

·:「殊不能知,身心世界,生滅去來之相,本即如來藏性也。」

切如來 性隱而 法不真 四德 相 0 本無去來曰常住;不屬迷悟曰妙明;本無生滅曰不動;無處不徧曰周圓 如來 為 不顯 , , 無有 妙真 藏 恆沙淨德 , , 即眾生同具本覺性體。本覺者本有之佛性 如性 一法不如 如來之性 0 ,無不含藏於此,故曰 妙者不可思議之謂也,以其全妄即真故 ,合能例中 , 含藏眾生心中 其性真為妙覺明體 , 如來藏。常住 故曰如來藏 0 , 妙明 又即 ,眾生迷位 如 《法華》 **,** 不生不滅之真如心 ,不動周 切皆如故 所云: ,本覺在纏 圓 , 即藏 是法住 無有 |;合此 性德 此

法位,世間相常住」是也。

## 性真常中,求於去、來,迷、悟、生死,了無所得 0

藏 來 性真常之中 聖 上明妄元是真 ` 凡 ` 迷、 ,求其去來等相 悟 ,此明真本無妄 ,始終生死等相 ,了無所得 0 由不知萬法唯心, 猶如翳眼 ;如夢行千里,一經醒寤 ,妄見空華 宛見差殊,而有彼此去、 0 然既 知相妄 , 不離床枕 性真 於 豈

所生法 如夢生 在於心 上 有去、來之相可得哉?如迷東為西,忽然有人指示令悟,豈有迷、悟之相 能 例 中 人間 , , 約 我說即是空,亦名為假名,亦名中道義。」若合符節,其意會之自明。 , 人即是聖、凡 ,自少而老,報盡 當處出 生 , 隨處 ,約法即生死 滅 |命終,豈有生、死之相可得哉?迷、悟二字,約義乃 盡 , 故 、涅槃 **欧無所得** 。迷、悟在人 0 此中數節之文, , 理中實無迷悟 與論 云 : 可得哉? 此合 因緣 初

處即藏 寅二 帷 別明即妄即真 四 會十八 界即藏性 分四 卯初 卯初分二 會五陰即藏性 辰 初 總徵 會六入即藏性 別釋 今初 Ξ 會十二

總明即妄即真竟

# 阿難!云何五陰,本如來藏,妙真如性?

足 真 性 ,本是世間有為之法,一旦許即藏性,故須徵起,而釋明耳 故 上 謂積聚有為 「總以取例,下別為顯示。先顯示五陰,全妄即真。色、受、想、行、識五 ٥ 新譯 ::為 ,蓋覆真性。對下三科,此為迷心重 五蘊 , 蘊者積聚義 , 積聚有為故 0 今欲 ,迷色輕者說也。 解釋 , 。陰者蓋覆義 須取 譯 本如來藏 , 其 義方 覆

者 : 眾器不離一金。一真一切真,五陰皆真,一 用 藏者含藏 真心不變之體,「來」 本如來藏 謂五陰之相雖妄,其性本真,如來藏即真心之別名。今再約義而解:「如」指 萬 用 ,妙真如性。 不 ,五陰一一 離 體 0 諸法 如下文所謂 初總徵竟 指真心隨緣之用,不變常隨緣 ,悉在其中 : — 0 為 妙真如性者 無量 如一 , 無量為 切如,五陰皆如,全相皆性 : 不可思議 ,隨緣常不變 0 譬如 曰妙 , 故 , 金能成眾 以 稱 體具足萬 如 來藏 ·,故曰 器

午初 辰二 舉喻合法 別釋 分五 就喻詳辨 巳初 色陰  $\equiv$ 結妄歸真 受陰 Ξ 今初 想陰 四 行陰 五 識陰

#### 阿難 **!譬如有人:以清淨目** ,觀晴明空,惟一 晴虚 迥無所有

合 可緣 無所 0 譬 此 日色 如世間 【喻明色陰即藏性,乃就自法為喻。色即五根六塵,十一 有 此 變礙 有此 .喻真本無妄。有人喻一念未動之本來人;清淨眼喻無妄真智 為義 人 0 , 剎那無常,終歸變滅 以清 淨無翳之眼目 , 觀晴 現前形質 霽光明之虛空 ,能為障礙 色法 , 惟 。清涼云: 晴虚 先舉喻 晴 ·形質 後法 明空 迥 然

湛寂 真理。一念未動以前 ,以真智照真理,理、智一 如,惟是如來藏性 , · 清淨本

然,纖塵不立,豈有九界依正可得?

喻

#### 其 人無故 不 動目睛 • 瞪以發勞 • 則於虛空, 別見狂華 復有

### 切,狂亂非相。

境界妄 之智光 異 也 而 有 , 0 無明 晦昧空中 則 此 於虚空 喻 現 , 從真 為 0 瞪以發勞:瞪是直視貌,喻業識妄為明覺;勞即勞見,喻 故 能見之見分。 起妄 ;狂華即相分之境。 É , 別見狂華者 : 0 其人無故 則於虛空, 起信論云:「 :空原無華 ,不動目睛 別見狂華 於無同異中,熾然成異,此業識中之色陰成矣 , 以依不覺故心動 瞪 。 \_\_\_ :喻最初無端 凹妄現 別見即妄見也。 , 此即論· , ,說名為業」 真如不守自性 中 虚空即 ·所云 , 以依能 業相 轉相 , 動 不覺念起 ,轉本有 , 見 無同 則 故 有見 無

大之色 空 故曰 內 「非相」 媨 |大有 生 ۰ 非相即空相也,色、空皆眼根所對之法, ` 老 ` 病 死 , 外四 大有生 ` 住 ` 異 滅 , 故四空天 狂亂 不定 , 舜若多 畢 竞皆

復

有

一切

,

狂

亂

非相者:上二句指細色,

此二句指麤色,

即虛妄身境

,

內外四

神 ,乃至二乘涅槃,所證偏空,妄解色滅 ,如見非相也。

## 色陰當知,亦復如是。

華依空而 當知:一 此以法合喻。一 者當 現 , E 知相妄 華體即是空體 切色陰虚妄,自當以此瞪目,所見華相 , 以狂華之相 ,故總合曰「亦復如是」 ,乃依瞪目妄現 , 非實有也 0 如空華本無所有也。 ,比類而知 0 二者當 知性真 0 此有二義 初舉喻 狂

#### 午二 就喻詳辨

合法竟

# 阿難!是諸狂華,非從空來,非從目出。

內、外之色,非無因 首句牒定狂華 0 諸字助語辭 ,自然而生也;亦非從眼目而出 ,辨此狂華 , 非從空中而來 。以此觀察,身心、世 , 以華非空來 , 喻 身

界 既如空華, 無所從生, 無所還滅,則當體虛妄明矣 界

如是 空 空若非空 , 阿難 **!若空來者** ,自不容其華相起滅;如阿難體,不容阿難 • 既從空來 • 還從空入 ,若有出入, 0 即非虛

起忽滅 內外; 顯 有 虚 內 タト 空 此 破 既 , 華從空來 無內 以容 空若是實體 既 有 外, 內外 為 義 安有出入?云何說華從空而出?此之破法 0 , , 來即出也,謂此華既從空而 即不成虚空矣!空若非空,是有實體 由 , 非 喻 實體 如阿 難是實體 故容空華 , 自不容阿難實體上 ,既容空 田,還應從空而入, 華 , 則 是虚 ,自不容華相 , , 名為倒破 空 更有 既是 華相 若有 田入 虚 , , 猶破 在空中忽 空 出入 了 即 竹從 必 此 反 無

# 若目出者,既從目出,還從目入。

梢也

若從 自出 有出必定有入 , 既然從目而 出 , 還要從目 而 入

#### 眼 即 此華 ?若無見者 性 從 ,出既翳空, 目 出故 • 當合有 旋當翳眼 見 **!若有見者** Ì • 去既華 空 • 旋合見

當有見 合當見眼 此 雙約 ? 如世 !若無見者下 有見無見破 間 有情所 生 0 若謂此華 謂此華性 , 定 屬有情 , 是從目而出者 雖從目出 若果 有 見者 , 體本無見 , 出去 目以能見為性 既為 但能遮障 華 於空 , 既從 , 則出 旋歸 冒出 之時 一去時

既翳障於空 , 至旋歸 時 , 當翳障乎眼 ,以理 推之, 勢所必

#### 又見華時 • **目應無翳,云何晴空** • 號清明眼 Ŷ

出者 界豈 等相 無見 明眼 喻 形 空 將 出 世 , , 窮 是萬 就 皆是破色從空生,以空喻心中真理,真 虚空定能 界 此 【緊接上文出既翳空 凡 云何二 即 根 喻 兩 本乎 象固 順解已竟 者 此色法當合有知 七分七分 外 傎 ? 都 本於 出生 句反難 菲 執色法從空而 , 色陰 色相 。今約法而釋:色陰非從空生,西域凡 足徵華非從目 , 氣 重 ,云何現見華空 非從目 重 故 而 , , 一分析 又則目見華 出 執色從空生 出 茁 既為色於空 氣乃始於太虛 , , 0 田矣!上以空華 析至隣 法中 《正脈》云:「 , 以目 乃為翳眼 時 0 虚塵 此 , , 方儒 華既 旋當知心 「喻真 理不動 , 與西 再析即入虛空 智 從 ` -喻色陰 道二 世智不達 目 , 域 必見晴 , 何嘗有法 何嘗 Ŕ 而 教 若無知者 出 ` , 有 外 空 ` , , 推 外, 皆謂 法 目 , , , 究非從空生 太 可生 旨 , 中 方號清明眼 可 遂執 虚 妄執色從空生 出 趣 虚 應當無翳 出 以 , 亦 相 何所從來 , 若謂 生氣 色 既障 同 既 無內外出入 0 今本 空 色從 可 , 耶 , , 非 氣 析 ? 而 旋當 文法 從 號清 真智 以成 入 有 虚 以 見

障心 一障,唯以如如智,照如如理 又迷者色出 ,心應無障 ,悟者色入,心應有障,云何一定要無有煩惱 方號為清淨心乎?二就喻詳辨竟 ,所知

#### 午三 結妄歸真

#### 是故當知:色陰虛妄 ,本非因緣, 非自然性 0

明周 之法 空 虚 無非業轉之勞相 , 圓 華 由 是華相非從空來, , 體 觀相元妄 循業偽現曰妄 , 用恆 即空體也 隨緣 , ,同彼狂華,由瞪目發勞,虛妄顯現 觀性元真 , 0 故非自然;一一即妙真如性,果能善用其心, 由 0 非從目出之故 當知是教悟意,上一 本如來藏 ,若生若滅 , 常住不動 ,應當起智觀察, , 皆不離當處 句教悟相妄 , 體恆 無變 , ,無以異也。以本無生體曰 即 即不離自心 , ,下二句教悟性徧 故非因緣 喻 知法 ,所有一 起智觀察 ;本如來藏 , 如 狂 華不 切色陰 0 謂 , 親見 離虚 色陰 妙

#### 阿 .難!譬如有人:手足宴安,百骸調適, 受陰 分三 午初 舉喻合法 就喻詳辨 忽如忘生,性無違順 結妄歸真 今初

其

色陰根本

,即此色陰

便可通達實相矣。初色陰竟

# 人無故以二手掌,於空相摩,(ホート)妄生澀滑,冷熱諸相

為受陰 雖 義 。領納違(ธ)、順(境)、俱非(རྡⴻ)、境相 識 此顯受陰即藏性。以下開一心法為四陰。受即徧行五心所中受心所,以領納為 中 此文就自法為喻,以身識領受觸塵之境,但事出假設,又偏約身識,故得 皆有受心所,而前五識根境相對,受之用偏多,受之力最強 ,而生苦、樂、捨(香等人)三受 ,即以五識

為喻耳

捨受。喻心體離念,無受陰故,以捨受難破,故下只約苦、樂二受破 且不覺有身,而安知有受耶?違是苦受,順是樂受,苦、樂兩無,併身亦忘,正屬 樂,覺得有身,而受苦樂之境,若無苦樂,即不知有身。忘生,亦可作忘身解 性德自如 譬如有人,即假設有此一人,手足宴然安靜,百骸調和順適,此喻真如不動 0 忽如忘生者:忽然忘其有生,即不知有身之謂也。大凡人生,有苦有 , 尚

對 亦可指生滅不生滅和合,三細俄興,六麤競作。於二手中妄生澀、滑 其人無故以二手掌,於空相摩者:無故即無端起妄;二手於空相摩 即根 、冷、熱 塵相

大佛 頂 首楞嚴經講義

等觸,即妄現受陰之相

## 受陰當知,亦復如是。

即自法 枯受,熱喻權教事修等,觸指樂受等,以上皆明從真起妄。初舉喻合法竟。 細六麤,故有澀、滑、冷、熱諸相。澀喻三途苦受,滑喻人天樂受,冷喻二乘滯寂 性 ;宴安調適喻不動;無故二掌摩空喻無端妄起無明,不生滅與生滅和合 先舉喻 , 但能了喻之妄,便知受陰之妄也。藏性不動 ,此法合。一 切受陰虛妄,自當比例而知 ,亦如摩掌,妄生覺受。此喻 , 本來無受 即喻 中有 ,妄生三 人 (喻藏

#### 就喻詳辨

#### 阿難!是諸幻觸 ,不從空來,不從掌出 0

幻觸 ,即身識所覺之觸受。空中本來無物,但是二掌相摩妄生諸觸,虛妄不

,故稱為幻。上二句雙標二途,究其來處

#### 如是 阿 難 **!若空來者** • 既能觸掌,何不觸身?不應虛空選擇來

#### 觸 !

此下詳辨推破。先正破空來,身之外皆空,若從空來,既然能觸於掌,何以不

觸於身?空無知覺,不應虛空,有所選擇,喜來觸掌,不喜觸身也!

往來 骨 若從掌出 • 髓應亦覺知入時蹤跡!必有覺心,知出知入 何待合知,要名為觸? • 應非待合?又掌出故,合則掌知 ,離則觸 , 自 有 一 入 , 物 臂 5,身中 腕 •

•

骨髓 受,自有一物,在人身中往來,爾時即可名之為觸,何待合掌而知,要名為觸耶? 下 謂若此觸受,是從掌中而出,未合之前,應當即出 ,合則掌知觸出 此正破掌出。約未合不出,既離不入,兩途而破。二應字皆當念平聲。初二句 應當 亦要覺知 ,有出必有入 , 此觸入時蹤跡,在於何處?必有覺心, ,離時則應知觸入。 ,應非待合之後方出?又掌出故 如果有入 ,而手腕肘臂 知出知入,則此觸 , 以及

#### 午三 結妄歸真

一就喻詳辨竟

## 是故當知:受陰虚妄,本非因緣, 非自然性。

(産業也) 曰妄。此句結其相妄,下二句結顯性真。 是觸受非從空來,非從掌出之故,當知舉體虛妄。本無生體曰虛,循業偽現 謂觀相元是虛妄,觀性究係何物

耶?曰本來是非因緣 ,非自然之妙真如性 ,此二句解見上科。二受陰竟

已三 想陰 分三 午初 舉喻合法 就喻詳辨 Ξ 結妄歸真 今初

阿難!譬如有人:談說酢梅,口中水出;思蹋懸崖,足心酸澀 0

然水出 想陰是融通妄想 喻 皆能安立自境 單 此顯想陰即藏性。想亦徧行心所之一,以緣慮為義,能安立自境分齊。 取意識之懸遠想像 酢梅是所想之境 ,而意識偏強, , 0 梅雖未食 譬如有人 以能緣慮三世境故 , 但談說懸想,即能令口中出水,故下文云 亦假設一人 ,即以意識為想陰。此亦就自法為 , 談說酢梅 (以梅酸如酢) , 諸識雖 中自

譚子云:有言臭腐之狀,則輒有所噦;聞珍羞之名,則妄有所嚥者 林 昔日 梅 子甚多 曹操出兵 , 可 )以摘 ,兵行失路,口渴無水。乃下令曰:大家速行,過去不遠有大梅 食 0 兵聞梅想梅 , 口中水出 , 操有權宜 , 知望梅 ,非妄而何也? 可 止渴 。 又

思踏懸崖,足心酸澀者:懸崖未登,只思踐踏 ,而足心酸澀 。與酢梅未食但談說

而口中水出,可以類推而知,同一例也。

## 想陰當知,亦復如是。

當 知亦復如談說酢梅, 此法合 0 前舉二喻 思踏懸崖 ,皆自法為 ,同一虚妄。一喻順境之想,一喻逆境之想。初舉 喻 都是意識懸想之境,舉體虛妄 0 切想陰

喻合法竟。

#### 午二 就喻詳辨

#### 阿難!如是酢說 ,不從梅生, 非從口入 0

酢說文字不足,應云酢梅之說,所引之水,不從酢梅而生,非從口入而出 此

雙開兩途,以明想妄非實。

# 如是 ,阿難!若梅生者,梅合自談,何待人說?若從口入,自合口

## 聞 何須待耳?若獨耳聞 ,此水何不耳中而出?

梅生口入,皆指水言。如是口中之水,不從梅生,非從口入;若謂此水從酢梅

大佛

!生,則梅合當自談,自出其水,何待人說而後口中水出耶?梅不談,則此水不從

梅生也,明矣。

而

出耶 不從耳中流出 若謂 ? □ |不聞 此水從口入而出者,則聞酢梅者,應合是口,何須更待耳聞,而後口中水 ,而轉從口中流出耶?耳不出,則此水非耳所致也,又明矣 ,則此水非從口入也,明矣。若獨耳聞酢梅 故有水出者 , 則此 冰何

## 想踏懸崖,與說相類。

酸澀,二處皆無所從來,則幻妄稱相也,明矣。二就喻詳辨竟 若從足入,自合足想,何待心思?若獨心思, 上文如是崖想所生酸澀 思想自身 ,足踏萬丈懸崖之上,足心酸澀 ,不從崖生,非從足入 此酸澀何不心中而出?若知此水與他 。若崖生者 ,與口說酢梅相似,可以類推 ,崖合自思,何待 1。若合 人想

#### 午三 結妄歸真

#### 是故當知:想陰虛妄 • 本非因緣 • 非自然性 0

準上可知 ,此結相妄性真。昔黃山趙文儒 , 親覲圓通善國師, 有省頌曰: 「 妄

想 元 來本自真,除時又起一重塵,言思動靜承誰力,仔細看來無別人。」三想陰

竞。

#### 巴四 行陰 分三 午 初 舉喻合法 二 就喻詳辨 Ξ 結妄歸真

#### 阿難!譬如暴流 • 波浪相續 ,前際後際,不相踰 越 0

陀那 際 恆審思量 業行;於百法中,攝法最多,以造作遷流為義 不相踰越 細 此 |顯行陰即藏性 識 ,念念相續不斷 , 習氣所成 (即超) 也。 ,念念生滅 。行即五徧行中思心所,能驅役自心,造作善不善等業 , 遷流最勝 , 各有分齊 , 即 以七識為行陰 , 前不落後 。 雖 八識皆有遷流,而第七末那識 , 0 後不超前 喻如 暴流 , 波浪 故曰 紅相續 前 ,即是 際後 : 即

此陰有麤 、有細,若究根心潛伏之本,乃比前受、想為細。如本經十卷中云:

之不可遏 同 分生機 故 , 的沙迷位 沉 細 綱紐 , 則細隱 」是也。然內由此念,則外之造業趣果 而麤彰 ;約修位 , 則麤盡 而細顯 , 0 今約迷位 無量麤相 , 故 似 喻 暴流 暴

大佛頂如來密因修證了義諸菩薩萬行首楞嚴經講義第六卷

流

## 行陰當知,亦復如是。

喻如夜壑負舟,即念念遷流不覺之意。初舉喻合法竟 文 生滅不停 未諳 此法合。 其義 0 孔子一日在川上嘆曰:「 諸行 ,迨學佛之後 無常,念念遷流,相續不斷,亦復如暴流相似,雖無間 ,方知孔 逝者如斯夫,不捨晝夜 子 , 亦是嘆諸行無常 , 如逝波之不可挽 。 — 幼時讀書 斷 , ?!莊子 [,實則 但 讀其

#### 午二 就喻詳辨

# 阿難!如是流性,不因空生;不因水有;亦非水性;非離空水

意在下 非即水之本性 此雙約空 空喻真如,水喻藏識,行陰非即真如藏識,非離真如藏識 ,此標不即空水矣;亦非離空水外 水、 即 ` 離 破 0 謂如是暴流之性 , ,不因空而生 有此暴流 , 此標不離空水矣 ,亦不因水而 有 ; 破 亦

# 如是, 阿難!若因空生,則諸十方,無盡虛空,成無盡流,世界自

### 然,俱受淪溺!

此非即空 。若謂暴流因空而生者 則十方有無盡虛空, 當成無盡暴流 , 如是則

空生明 如 世 上界眾 生 , 亦 矣 生 應 0 , 法合 無 自 盡 · 然都在水中, : , 則 空合真如; 佛菩薩 傎 俱受飄淪沉溺之苦,今虛空無盡 應永受生滅 暴流合行陰 , 0 真如 加 不 能 周 (編常住 破行陰 , 是 加 , 一今行陰生滅遷流 無盡 暴流 有盡 , 而 行陰若從真 , 則 知 是有 非 因

#### 若 因水 有 則 此 暴流 性 應非 水 有所有相 今應現

•

0

•

在

0

盡

故

菲

卽

真

如

•

相 在 暴流之性 , , 此非即· 應當 方可 說因 渾濁 現在 水 水 ; 0 , ・若謂! 如樹能 前 水性澄清 有 瀑流 0 生果 喻 行陰 , 因水而有者 水 , 性為能 能 , 若說 生樹 因藏 有 , 與所 , , 則此暴流之性 識 流 生果 有者 性 為所 , , 分明可辨 則行陰性 有 , 能有 ,應非水之自性 所有 應 0 非 今二相 識 相 性 回得 , 能 今 ٥ ·應明 有 何 , 以故? 故 所 菲即 有之 白 現

#### 若即 水性 • 則澄清時 • 應非 水體 !

藏

識

無 應 此 非 非 卽 水之自 水 性 體 0 若 0 說 喻 暴 行陰即 流 即 水性者 是藏 識 , , 暴 則 流 行 渾濁 陰 破 後 , 如 應 即 非 水 性 藏 識 則 , 澄 何 清 以 必待行 時 , 渾 盡之 濁

時,藏識始現?故非即識性。

# 若離空水,空非有外,水外無流。

法 耶?水外亦復無流 ,行陰豈離真如藏識 此非離空水。若謂暴流離空水者, ,豈能離水別有耶?喻真如圓 , 而別有耶?既不即又不離, 水空圓滿周徧 徧 則行陰皆幻妄稱相也, 真乃無外 ,並非有外,豈能離空別有 , 萬法唯識 , 明矣 識 外無

#### 午三 結妄歸真

一就喻詳辨竟

#### 是故當知:行陰虛妄 ,本非因緣 非自然性 0

准上可知。四行陰竟。

旦五 識陰 分三 午 初 舉喻合法 二 就喻詳辨 三 結妄歸真 今初

## 阿 |難!譬如有人:取頻伽瓶 ,塞其兩孔, 滿中擎空,千里遠行,用

#### 飾他國。

此顯識陰即藏性。 識即阿賴耶識, 以了別為義, 能了別自分境故。 以受 想

外空喻 空行 面 性 瓶 思三陰,已分配前七識 ||成識 。 由 以 頻 /伽名者 藏性 性 瓶 執障蔽 塞 , 致使藏性、識性,不隔而隔,究之內空、外空,固無二空,藏性 兩 ,瓶內空喻識性 孔 , 二空真 頻伽此譯妙音鳥 , 喻眾 生起我 理 , 此當 ,依惑造業,依業受報 ,祗因迷執成二 冒獨指第1 ` 法二 , 瓶形像鳥 八阿 執 空分內 賴 , **耶識。觀本文之義** , 故以名焉 觀下解自知。人喻眾生 , 外 如瓶擎空行 , 瓶 。眾生由業牽識 內空喻 , ,皆指第 將藏 識 性 性 , 八識 裹 走 瓶 瓶 「喻妄業 入身中 外 , 二、識性 空 ,以瓶 如 喻 瓶 擎 藏

執 飯 性 第 身 日 未 八識為總報主,隨業受生。 餉 隨業所牽輪迴六道。本道 破 輪迴六道之家 瓶擎空行 , 即饋 識 性 送義 受局 句 0 , , 次約修位 有人喻三 地 當約迷位 水、 為此國 業報身喻瓶; 界內眾生 火、風之中 ` 瓶 修位 低喻業識 , , 餘五 , 二種解釋 依善惡不動(ஜ)三業,受苦 , 道為他 塞其 瓶內空喻識性;由惑業故,轉藏 千里遠餉 兩 0 國 孔 先約迷位 , ,喻佛道長遠 喻起二 如擎空遠餉也 執 業牽識走 , 滿 ,發心修行趣 中 擎 餉者 ` 樂等 空 , 捨 %性成識 田 身受 喻二 野 報 送

本來

性

寂 向 光土 當歷信 , 開 、 住 孔 .喻二執已斷,二空已證 、行、向 及四加行、 ,轉八識成四智, 十地、等覺諸位 ,猶如千里路程 則全識性是藏性 0 他國 , 如 喻常 瓶 內

空

,

即瓶外空

,

空無二空也

尅果之力 推 盡 此識固為受報之主 捨身受身 處 重 者 指 則 , 掌》 , 正以其用為因心 日 , 為 超諸位盡 如用餉 順 問 : 佛意 ,亦是成佛之源 他國;似甚 此識去後來先 , ,入於如 故作此配。」 , 決定成佛故 有理 來妙莊嚴海 , ,故前文呼為菩提涅槃,元清淨體。而後文識陰 0 下破悉照後義 今約轉有漏入無漏釋之, 為受報之主 0 是知此經 0 況此識 。古德謂業牽 即是六根中 不取捨身受身之功 而有 識走 性 而是經所 何 理可據?答 如瓶擎空行 , 但 取修因 以獨 為

## 識陰當知,亦復如是。

以法合 孤 山日 瓶喻妄業 , 空喻妄識, 業牽識走,如瓶擎空行 ;捨身受

## 身,如用餉他國。」

(正脈) 云:「愚謂但約現身 尤益日用 , 身即喻瓶 空乃喻識 ,千里萬里

破其無去來耳。」識陰無有去來,亦復如瓶空相似。初舉喻合法竟 但是身之往來,識常不動, 以總攝識性周徧矣!」又曰:「非破識陰無體無性,但

## 午二 就喻詳辨

## 阿難!如是虚空,非彼方來,非此方入。

入?但隨緣異稱 來 ;非此方入者,非到佛地,始入無漏 如是虚空,指已到他國之空,喻佛地無垢識 , 因位有賴耶異熟之名, 身中也。 果地擅無垢菴摩之號 ;非彼方來者 以識性周徧,本無去來 , ,非從凡夫同居 其性 也。 , 若向此 有何 土帶 出

### 如是 阿 |難!若彼方來,則本瓶中, 既貯空去 ,於本瓶地 應少虛

#### 空 !

處薦得

親切

,則即

識性

,而悟藏性矣

帶來 中 -既貯! 如是虚空,本無去來,若謂瓶內之空,從彼方擎來, 得 則 同 瓶虚空去,於本瓶所來之地 居 土應少識 性 , 則犯識性不周之過 , 應少一 0 不少 瓶虚空?喻無漏識若從 則非彼方來明矣 則本置瓶之地(亞處) 凡夫同 0 昔報恩慧 居土 瓶

城 明 到 Ĺ 此 一座,有新 Ш , 則都城欠上座 到僧 , 問 三 : , 此山剩 近離何處來?」 上座 , 剩 則心外有法,欠則心法不周 僧曰 : — 都城。」 明曰: , 說得道理 上座離都

## 若此方入,開孔倒瓶,應見空出!

即住

不會即去。」

僧無語

,與此同旨

泉曰:「出也。」陸從此開解。二就喻詳辨竟 大 無 則 瓶 破二 中而 , 出瓶 大 若謂空非 1果名異 出 執 不得 , , 前既不出 轉 被方來 無漏 , 0 實非識 今者不得毀瓶 嵵 , , , 定從此方入,若從此方入者 有出入也。 知此空非此方入矣!喻無漏識, 應先見有漏識出 ,不得損鵝 昔陸亘大夫問南泉: , 有漏既無出 作麼生出得!」泉召大夫!陸便應諾 , 則開孔例瓶 若到 「古人瓶中養 無漏 7佛果,始入無漏 亦不入。 時 , 應先見前 鵝 祗 因二 , 身上 H 執有 漸 長

## 午三 結妄歸真

#### 是故當知 識陰虛妄 • 本非因緣 • 非自然性 0

是虛 空 非從彼來此入之故 ,自當即喻知法 , 了知識陰 相妄性真。 上二句相

竟

如陽燄 之行 被 是破陰下手工夫也 明 境 陰 入涅 體 妄,下一句性 摩 Ē. , , 即 一念執著 燥 地 其 陰之所蓋覆 於 體 而 **注**;想陰如夢境;行陰如 義 是 中 節藏 -想像 識 與觀 入平等之門;因緣 0 然一 陰 監音把手 性 真 , 0 , 執則成礙,便是色陰;覺知苦、樂 據 切眾生,名為 0 即是想陰 , , 自 此則 若以微密觀 既 0 共行 又奢摩他 |可親見首楞嚴定體 知 相妄 五陰舉體即是一念,一念舉體即是五陰 0 ;剎那變滅 故 ` ,不捐修證之功 自然 照 電光;識陰如 五蘊眾生, 下阿難請示 ,微密觀 , 照見五 ,皆成戲論 ,不得停住 照, ,不生不滅之妙真如性矣 修門 故以澄濁 一蘊皆空, 照此 幻事 , 可有 ,故俱非之。 , 五陰一一 如 0 ,即是行陰 不執實有 則破 來第 轉識之日 , 領納在心,便是受陰;緣慮此 為先 五陰 相妄 務焉 義中 總明五陰虛妄 , ; , 則 ; 既知性真 : 而 0 , , 歷歷不昧 若能觀無念者 色陰如影像;受陰 又一念中 超五 0 本有如來藏 即 初會五陰即藏 教以澄濁 濁 , , 自 可 , , 皆具五 性 了了分 本 就 趙 可 ·無實 頓 圓 , 不 便 性 通

## 大佛頂首楞嚴經正文卷第二終

#### 3 9 8

### 卯二 會六 入即藏性 🕾 🗆 辰初 總徵 二別釋 今初

## 復次,阿難!云何六入,本如來藏,妙真如性?

之處 境故 即如來成佛之密因,脩證圓通,下手所依之處,故特加焉 此總徵。 ;二為所入 故又名處 梵語缽羅吠奢,此云入,亦云處。入有二義:一 0 , 以為 他經色心開合無此科,本經以根中不生滅性 塵入之處故。按本文吸此塵象 , 當以吸入為義 為能入,以能入塵取 ,即首楞嚴定體 , 即 吸入 (六塵 亦

如來藏 出 世間 本如 , , 來藏者 如即 切善功德,無不具足,猶如寶故 本有不變,真如之本體 , 本即根本, 切枝末,依之而起,今追究六入枝末之根本 , 來即真如隨緣 , **偏周之妙用** , 藏者 , 含藏世 ,元是

今乃統 如:即六入亦妙真如性也。初總標竟 故 所 妙真如性者:即如來藏之性。此性即理即事,全妄全真 以稱 萬 法惟是一心, 妙 。非是此真而彼不真 一 真 一 切真 , ,此如而彼不如 無有那一法不真,一 ,若如是則有對待 如一 ,不滯一法,不捨一法 切如 , 無有那一 , 則 不圓 法不 滿

辰二 別釋分六 巳初 眼入乃至六意入 巳初分四 午 初 舉例顯妄 辨妄無

體三 無所從來四 結妄歸真 今初

# 阿難!即彼目睛,瞪發勞者,兼目與勞,同是菩提,瞪發勞相

發勞相 指空華,謂不特空華是勞相,兼能見之目,與所見之勞相,同是真性菩提心中,瞪 云,其人無故不動目睛,瞪以發勞,因此見勞,遂見空華之勞相。 云:「影見俱眚。」 此舉前色陰 如前所云:「見與見緣,併所想相,如虛空華,本無所有。」 ,瞪目發勞為能例 **鲁與勞義同。能見之目是勞見,所見之相是勞相** ,發明眼入同一虛妄也。即彼:乃就彼色陰所 兼目與勞:勞字 又如前所

動 妄現。由末推本,豈僅色陰虚妄,即眼入同是菩提心中,一念妄動之勞相。一念妄 與無故瞪目,無以異也。 菩提是本有真心,真原無妄 初舉例顯妄竟 ,由最初一念妄動,依動故能見;依能見故 ,境界

## 午二 辨妄無體

## 因於明暗,二種妄塵,發見居中, 吸此塵象,名為見性。此見離彼

#### 明 暗二塵 • 畢竟 無體 0

是謂離 究之, 有體 見之量 之 乃根中局執之自性 相 但 體 定無體哉?」二辨妄無體竟 唯 , 顯性 前五 未 前 發為勞見, ,異彼緣心,今云明、暗雙離 此之破相 !因眾生離緣心,不見真心,乃就根中指性 塵無體。下文阿 融 (此即菩提) 一不復論 句托塵妄現,後三句離塵無體。以此眼入,因有明、暗二塵, 性; 居於浮 , 亦欲 更須令知 根 , ,非離眼廓周之見性也。前是顯性 乃屬 , 所以極表其離塵有體之真。今已領真性 其離相即妙真如性耳。 難疑根性斷滅 托塵妄現 、勝二根之中 ,六入無自 0 倘若離彼明 ,畢竟無體,何異緣心之無體乎?」 體相 (,亦由 ,吸入此明、暗二塵之象 , 所以極 此 則顯性之旨仍同 也。 ` 暗二塵 ,令識真心。 破其離塵無體之妄 《正脈》 ,而此破相,所以異矣! , 畢竟無有能入之體 問:「前 然自是心非眼之後 ,豈如緣心 ,如磁吸鐵 尚 內執六根 取 0 雖說 答:「淺論 根性 黏湛然之 , , ,直破其 別 名為能 見性 , 可 有體 更深 離 得

塵

## 無所從來

#### 如是 , 阿難!當知是見 • 非明暗來 • 非於根出,不於空生

暗來不他生; 此總標 0 非於根出不自生;不於空生 據世人多謂見是其眼,從根是其正計,餘二併破,極顯其妄也。非 ,非無因生 0 於四性推檢無生 , 但 缺 不 共 明

### 何以 故?若從明來 暗即隨滅 應非見暗;若從暗來 • 明即隨; 滅

### 應無見明。

生

來見暗 應不見暗 前三字總徵 明暗有去來 ;若從暗塵而來 ;此不從塵來。若說眼入從明塵而來 , 見性不生滅 , 明生暗滅之時 ,當知是見,非明 ,見亦隨滅 ` ,暗生明滅之時 , 暗 應無見明 來也 ,明矣! 0 今明來見明 , 見亦隨滅 暗

## 若從根生,必無明、暗;如是見精,本無自性 o

此不從根 來 。若說眼入 ,從根而生,必無明 ` 暗二塵時, 單根不能生見 故

如是見精 本無自性 。 \_\_\_ 自性乃能 入之自體

### 若於空出 • 前矚塵象, 歸當見根,又空自觀 • 何關汝入?

大佛

頂如來密因修證了義諸菩薩萬行首楞嚴經講義第六卷

402

萬 象 此 回歸時 (不從空來。若說眼入,從空而出,則以空為見之根 ,應當自見其根;當然不能見。縱使能見,乃空自觀 ,出來時, ,何關汝眼入之 前矚 (也) 塵境

午四 結 妄歸: 事?三無所從來竟

### 是故當知:眼入虛妄 • 本非因緣, 非自然性

0

妄稱相 是無實體 上句 ,無從來之故,當知眼入虛妄。以無實體故虛:無從來故妄,但是幻 '明相妄,下二句顯性真 謂眼 入之相雖妄 ,妄不離真 其性 本來不

0

,

變 , 非因緣性;又復隨緣而非自然性耳 ٥ 初眼 入竟

0

**耳入**分四 午 初 舉例顯妄 辨妄無體 無所從來 四 結妄歸真

今初

## 阿難!譬如有人:以兩手指 ,急塞其耳, 耳根勞故, 頭中作聲 兼

#### 耳與勞 • 同是菩提 ,瞪發勞相 0

此亦自法為例 。以塞耳成勞,易知之例, 以例耳入,所聞 切音聲 , 同 妄

指 也 急塞其耳 故 呼 '阿難之名,而告之曰:譬如有人,此亦假設以顯妄。以者用也,用 ,塞久成勞,以致頭中發為虛響,故云:頭中作聲

兩手

入, 聲 與所聞之勞相 以 兼耳與勞三句,耳字意取耳入聞性 勞雖妄發 , 因境 ,同是真性菩提心中,瞪發勞相;比例發明,令知根 顯故 , 故曰 兼 , 曰 , 以性不自顯 與 0 謂不特聲是耳入之勞相 ,寄根說故。 勞字乃指頭中作 , 兼能聞 塵同 源 司

妄也

明幻 相 妄 知 性 人或易信:塞耳所發勞相 本真 例彼 化相 其性真為 耳 .指掌疏》云:此三句有二義:一者比例信真。 ·中能聞之性,亦惟是虛妄無實,人或難信,故曰同是瞪發;佛意以瞪勞虛 , 見性 例彼勞相亦本真也。二者比例知妄。 亦 不離真也。 一妙覺明體之疑 ,亦唯妄也。二義中,前義比例信真 又瞪字 , 亦本於真性菩提 0 以今瞪發勞相 , ,前眼<sup>1</sup> 入取例瞪目發勞,而後五入, ,人皆難明 , 與浮 言瞪發勞相 塵幻 ,亦可兼釋總標中 言耳中聞性 化無異 , 故曰 , 唯是虚妄無實 同是菩提 , 勞相 ,本於真性菩提 本 何以亦用瞪發 , 浮 於菩提 ; 佛意 塵諸 ,人皆易 幻化 以根 重

勞相?當知目瞪發勞,妄見空華,菩提心瞪發勞,則六精俱發,故皆用瞪發勞相

初舉例顯妄竟。

## 午二 辨妄無體

#### 因於動 が静 ,二種妄塵 • 發聞居中, 吸此塵象 **,名聽聞性** 0 此聞離

## 彼動、靜二塵,畢竟無體。

前 五句托塵妄現。以其動、靜不常,故稱為妄。聞則托塵似有,豈屬真實?此

無體,同前所解。二辨妄無體竟。

聞雖居耳根之中

,

吸入塵象

,

但名聽聞性

,亦顯其唯是幻妄名相而已。下三句離

塵

## 午三 無所從來

## 如是,阿難!當知是聞,非動 • 静來,非於根出,不於空生。

此總以標列,下則徵起逐破。

### 何 以故 ?若從靜來 動即隨滅 應非聞動!若從動來 • 静即隨滅

### 應無覺靜!

初句徵起,下先破從塵來。若從靜塵來,動生靜滅,耳中聞性,即當隨靜塵以

俱滅,應不能聞動;若從動塵來,亦復如是。二應字,俱讀平聲

## 若從根生,必無動靜;如是聞體,本無自性 0

聞體(火) 此破從根生。若謂此聞從根而生者,但有增上緣 ,本來亦無能入之自性,以單根不立之故 ,必無動 、靜所緣之塵 ,如是

# 若於空出,有聞成性,即非虚空;又空自聞,何關汝入?

性 ,即非虚空; 此破從空而生。若謂此聞從虛空而出者,是空能有聞,亦得成為根性 以聞屬靈知,空乃頑礙故。又空縱有聞,乃空自聞 , 即同 .他聞 ,既成根 何

預(中)汝之耳入?三無所從來竟。

## 午四 結妄歸真

## 是故當知:耳入虛妄,本非因緣,非自然性。

此準上可知。二耳入竟。

巳三 鼻入 分四 午 初 舉例顯妄 辨妄無體  $\equiv$ 無所從來 四 結妄歸真

大 佛 頂 首 楞嚴 經

#### 今初

菩提

•

瞪發勞相

0

阿難 觸 分別 !譬如有 • 通 • 蹇 人:急畜其鼻,畜久成勞,則於鼻中, 虚 • 實 • 如是乃至 • 諸 香臭氣 0 兼鼻與勞 聞有冷觸;因 • 同

臭氣 種香 分別通 空 相 連縮既久,則反常成勞,即於鼻中,聞有冷觸 , 及與聞見 以 此 , 根塵同妄故 臭等氣 亦假設為例 是鼻入之勞相 ` 塞 ` 虚 , 初舉例顯妄竟 同 ` 實 ; 。如第八番顯見文云,本是妙明, ٥ 一妄耳 譬 , 疏 如有人,急畜 兼 通呼吸之氣 0 能聞之鼻入, 兼鼻與勞: 為虛 也縮 勞字指冷觸及香 與所聞之勞相 其鼻 , 閉塞出入之息名實 0 , 此冷觸由縮風所成,因有冷觸 鼻息出入,自有常度 無上菩提,淨圓真心,妄為色 ` 同是菩提心中 臭氣 ;謂不特冷觸 如是乃至 , 無故急縮 瞪發之勞 , 吸入各 香 , 則

## 辨妄無體

因於通 寒 ,二種妄塵, 發聞居中, 吸此塵象 • 名齅聞性 0 此聞離

## **彼通、塞二塵,畢竟無體。**

相 塵 離 然此鼻入,元無自性,但因浮、勝二根,對彼通而有聞,塞而 黏湛發齅 彼 通 、塞二種妄塵 ,居於根中 , , 畢竟無有能入之自體 吸入此塵象 ,名為齅聞能入之性 上五句托塵妄現 此聞 , 流不 無聞 後三句離 過幻妄稱 ,二種妄 塵 無

**呕。二辨妄無體竟。** 

## 午三 無所從來

## 當知是聞 ,非通塞來,非於根出,不於空生。

此總以標列,下則徵起別破。

## 何以故?若從通來, 塞則聞滅,云何知塞?如因塞有 通則無聞

## **云何發明,香、臭等觸?**

矣 ! 此聞必隨 如因 通而 無聞之塞 去, 應不更聞於塞,云何又知塞而無聞 ,而有鼻入之齅性,則至有聞之通時 ?既能知塞 ,此聞則應隨塞而滅 , 則不從通來 無有 也明

初句徵,下先破不從塵生。若謂齅聞之性,從有聞之通而來,至無聞之塞時

齅聞之性,云何通時,又能發明香、臭等氣,來觸於鼻耶?既聞香、臭,應非從塞

而有也,抑又明矣!

## 若從根生,必無通、塞。如是聞機,本無自性。

塵無體,本無能入之自性。以有所方有能,今既無所入之塵,安有能入之根?則不 此破從根生。若謂鼻入齅聞之性,從根而生者,則單根無塵,如是聞機(セ)離

從根生也,抑又明矣!

## 若從空出 ,是聞自當迴齅汝鼻;空自有聞,何關汝入?

之鼻根。因有迴齅二字,故知是指鼻孔之空,非外空也。縱許能齅,但是虛空,自 己有聞,又何關汝阿難鼻入之事?是知不從空生也,抑又明矣!三無所從來竟。 此破從空來。若謂齅聞之性,從鼻孔之空而來者,是空有聞,自當迴 也多 齅汝

## 午四 結妄歸真

## 是故當知:鼻入虛妄,本非因緣,非自然性。

準上可知。三鼻入竟。

#### 今初

病之人, 阿難!譬如有人:以舌舐吻,熟舐令勞。其人若病,則有苦味 微有甜觸 0 由甜與苦 ,顯此舌根,不動之時,淡性常在 0 無 0

## 兼舌與勞,同是菩提,瞪發勞相。

之根 甜、苦、淡三字,甜苦乃有味之味, 之舌入,與甜苦淡之勞相,同是菩提心中,瞪發勞相。前三科塵唯舉二,此科有 病 舐 不動(キ゚トサ),淡性 舐之則妄有苦味,無病之人 但用舌入,自舐其脣吻;吻即口之兩角。熟舐乃舐之既久,令舌發勞 此亦自法為例。假設一事,譬如有人,以舌舐吻;舐即舔也。舌根無有外物可 (非苛) 常在。甜苦與淡,乃舌入之勞相,以此為例 ,舐之微有甜觸 淡屬無味之味,仍為二種 0 由此熟舐 ,妄生甜苦,正顯舌入 。初舉例顯妄竟 其 , 兼能嘗

## 午二 辨妄無體

### 因甜、 苦、淡,二種妄塵, 發知居中, 吸此塵象 ,名知味性 此知

大佛

### 味 性,離彼甜、苦,及淡二塵 ,畢竟無體 0

塵 黏湛發知 此辨舌入虚妄。舌入元無自性,但因舌動時之甜、苦,及不動時之淡,二種妄 ,居於根中, 吸此塵象 , 托塵妄現,名為知味能入之性。然此舌入知

性,離塵畢竟無體。二辨妄無體竟

## 十三 無所從來

如是,阿難!當知如是,嘗苦、淡知,非甜、苦來;非因淡有;又

## 非根出;不於空生。

此追究舌入無所從來,總標非塵、非根、非空。

何以故?若甜 、 苦 來 , 淡則知 滅 ,云何知淡?若從淡出 • 甜即知

## 亡,復云何知,甜、苦二相?

初句徵,下逐破。先破不從塵來。

### 若從舌生 · 必無甜 、淡,及與苦塵 0 斯知味根,本無自性 0

此破不從根來。

# 若從空出,虛空自味,非汝口知;又空自知,何關汝入?

此破不從空生。三無所從來竟

午四 結妄歸真

## 是故當知:舌入虚妄,本非因緣,非自然性。

準上可知。四舌入竟。

巴五身入 盆 午 初 舉例顯妄 辨妄無體 無所從來 四 結妄歸真

今初

#### 熱功勝 阿難 ,譬如有人:以一冷手,觸於熱手,若冷勢多 ,冷者成熱 0 如是以此,合覺之觸 ,顯於離知 , 熱者從 冷;若 ,涉勢若成

## 因於勞觸 。兼身與勞,同是菩提,瞪發勞相。

此舉易知之身觸,以為能例,顯明身入虛妄。乃假設一人,用一隻冷手,觸合

勢力多,則熱者從冷而成冷;若熱之功用勝,則冷者從熱而成熱矣 隻熱手 兩手皆屬身根 , 與尋常有知之身 ,與無知之物 ,合則成觸 。如是以此合覺 不同 。若冷之

之觸 涉入 勢若成 時 ; 亦 ,冷熱之相 ,顯於離知下,如是指上四句,用此兩手相合,覺知冷熱之觸,顯於兩手相離 復 乃因兩手相合,合久成勞,故現冷熱相涉之觸。兼身下三句 |有知觸之用,以驗身入所對觸塵,有離、合二種。彼此 , 是身入之勞相 ,兼身入與冷熱之相 , 同是菩提心中 [兩手,冷熱相 , 謂 瞪發勞相 不但交相 涉之

## 午二 辨妄無體

初舉例顯妄竟

## 因於離 、合 ,二種妄塵,發覺居中,吸此塵象 ,名知覺性。 此知覺

## 體,離彼離、合違順二塵,畢竟無體。

則違背眾生厭苦求樂之心理 離 覺精,居於浮、勝二根之中,吸入此塵象,名為身入知覺之性。此知 、合違順二塵 此身入之知覺,乃托塵妄現其相。 ,畢竟無有身入之自體可得。 , 故曰違;樂觸 因於離 離、合屬二塵 、合二種妄塵 則順從眾生厭苦求樂之心理 , , 違順 黏起湛然之體 乃二相 愛體 苦觸 , 故曰 離彼 發為

順

離、合各有違順二相。二辨妄無體竟

## 午三 無所從來

如是, 阿難!當知是覺,非離、合來,非違順有,不於根出,又非

空生。

此總標無從來,下則徵破

何以故?若合時來,離當已滅,云何覺離?違順二相,亦復如是 0

初句徵,下先破從塵來。

若從根出,必無離、合、 違、順四相。則汝身知,元無自性

四 相 , 非指離合違順為四 ,乃指離合二塵 ,各有違順二相,則成四相 0 此破從

根出

必於空出,空自知覺,何關汝入?

此破空生。三無所從來竟

午四 結妄歸真

是故當知:身入虚妄,本非因緣, 非自然性。

大佛

頂如來密因修證了義諸菩薩萬行首楞嚴經講義第六卷

進 可 知 。此中相妄性真之旨 「,如昔日僧問洞山曰:「寒暑到來如何 |迴避

黎 , 熱時 熱煞闍黎 • 此為達妄即真 ,處處總成華藏界矣!五身入竟

Ш

曰 : 一

何不向無寒暑處去?」僧曰

:「如何是無寒暑處?」山曰:「

寒時寒煞閣

意入 分四 午初 舉例顯妄 辨妄無體 無所從來 四 結妄歸真

今初

其顛倒 與勞 阿難 **!譬如有人:勞倦則眠** • 同是菩提 , 生 、住 **,瞪發勞相** 異 • 滅 • 0 吸習中歸 ,睡熟便寤;覽塵斯憶,失憶 • 不相踰越 ,稱意知根 為忘。是 兼意

者 境 乃約忽寐忽覺 則妄現睡眠之相;睡眠既熟,精神恢復 比 此亦舉意入易知之例 ;欲睡之時 例意入虚妄無體 而言 ,則失億以為忘 , 非指夜寐夙興也。 0 覽塵 , 以顯虚· 斯憶 0 妄 ,失億為忘者 又正睡之時, 0 假設 據此 則勞倦 一人辛 ,意根不甘滯寂 :以既寤 夢中獨頭 -勞疲倦 睡熟 , 乏時 俱指意根 ,所緣覽塵境 精 ,則便現醒寤之相 , 神 則歷覽前 不足 取 此 意 根不 塵 虚妄易 亦稱記 而 對緣 ; 此 斯 憶 知

憶;既寤之後,則夢沉境寂,亦曰為忘。

相 生 是其顛倒 一、住 ` 異 ,生、住、異 ` 滅 ,對眠、寤 、滅者:以上忽眠、忽寤,或憶、或忘,皆屬顛倒之 、億、忘而說。 初眠為生,正眠為住;將寤 為 異

寤已為滅

。始憶為生,正憶為住;將忘為異,忘盡為滅

。寤忘準此

可

知

相 焉 相 0 並不知兼意知根 兼意與勞,同是菩提 次第遷流 吸習中歸 ,不相踰越 ,中歸意地 , 與所緣勞相,同是菩提心中,瞪發勞相 , , ,前不落後,後不超前,不相踰越,稱意入為能知之根 瞪發勞相者:世人只知 稱意知根者:謂意根能吸入現習, 眠 、寤、 0 **憶、忘,為意家之勞** 初舉例顯妄竟 生、住 ` 異 滅 四

## 午二 辨妄無體

## 因 |於生滅,二種妄塵, 集知居中;吸撮(ポ)內塵,見、聞逆流 流流

## 不及地,名覺知性。

黏起湛然之體 此生滅 , 乃前五塵落卸 ,集能知之性 影子 ,居於意根之中 有生 、滅二種法塵之別。意入因於生 如幽室見。吸撮內塵 :即吸取內之法 滅二 塵

大佛

塵 為己所緣 。前五科向外,故云發見發聞等,今云集知者,以其但約緣內塵言

見聞逆流 ,流不及地者:前五根緣五塵之境;見、聞二字,該餘三根 ,皆順流

外緣 為意根之所獨 ;倘若見 緣 、聞等根 故曰 見聞逆流 , 要逆流反緣 ,流不及地 , 也緣 不到 0 此能 。因五塵落卸影子落在意地之中 緣性 ,名意入覺知之性 亦不過

## 此覺知性 ,離彼寤、寐生滅二塵,畢竟無體 0

托塵妄現而已

眠寤 然此覺知之性 ,彼是假設 , 取於睡時 ,既是因塵而有 此是法塵 , 離 , 塵自應無體可 但約神思昏 得 明而已。二辨妄無體竟 《正脈》 云:寤寐不同上

### 十三 無所從來

如是, 阿難!當知如是 • 覺知之根, 非寤寐來;非生滅有;不於根

## 出;亦非空生。

此總標,下徵破

何以故?若從寤來 寐即隨滅, 將何為寐?必生時有 • 滅即同無,

## 令誰受滅?若從滅有,生即滅無,誰知生者?

受滅 必隨寤 滅塵而無矣,即今能覺知生塵,分別苦樂者,又是誰耶 此 可 塵 推 初句徵;此先破從塵來。若謂此覺知之意入,從寤而來者,至於寐時 , 加 0 而內守幽閒寂靜之境耶?若謂此覺知 若謂此覺知 滅 , 又將何者而為寐乎?即今寐中,能做夢者,又是誰耶?若從寐 , 必從生塵有者 ,至於滅塵時 ,從滅塵有者 , 即 ? 應同生塵 , 至於生塵時 而無矣 , 又令誰領 ,此覺知 ,即應同 來 , 類

## 若從根出 , 寤 、寐二相,隨身開合,離斯二體 ,此覺知者。 同於空

## 華,畢竟無性。

團心開合而成。肉團心是肉質 合二體 此破 從根 此意入之覺知 出 。若謂此覺知 ,同於空華 ,狀如倒掛蓮華,寤則開 , 從意根出者 ,畢竟無有能入之性,是則根尚叵得 ,寤、寐二種之相 ,寐則合,離斯 ,乃隨身根之內 (世) 寤寐開 如何 可說 肉

## 若從空出,自是空知,何關汝入?

從根出也?

大佛

知 縱 此 然能有知覺 破從空而出。若謂此覺知,從空出者,空性頑鈍 ,自是空之有知 ,何關於汝意入之事?以上追究,此覺知者 ,根性靈知,虛空本屬無 ; 來

#### 午四 結妄歸

處不

可得

一無所從

## 0

別

破 : 去其薪 弓矣 也 之 是故當知:意入虛妄 三法從要破 ٥ 眼 此有 為 準上可知。此處《正脈疏》 如 故 蛟 千古獨唱 , 色、 水相依 此六入 兩種 火自滅 : 耳、 如筋 1,一者二法從要破:如兩木相倚而立,但 <u>.</u> ,兩皆為患,除之者,驅蛟絕水之本, 矣 , 全是約緣破 聲四處 、膠、角三合為弓,而膠為其要,但除去其膠, , 者約緣破:言不局本法, 以火無自體也。二者更互破:言二法相依而立 ,本非因緣, 更互破也;餘八處二法從要破也。又惟身、觸二處 , ,交光法師,發明入、處、界三科,破法有三種差 塵即 其緣也。 非自然性 廣破 下十二 外緣也。 虚, 泄水破蛟之居也。三者從要 .推倒一邊,二皆倒矣。二者 兼更 如滅 **互破** 火不徑撲火 則筋 , 及二 , 即 、角皆 一法從 須 更互 须蜀 要破 示成 但 破 抽

大佛頂如來密因修證了義諸菩薩萬行首楞嚴經講義第六卷

約根破,餘六處獨約塵破也。後十八界,全是三法從要破也。然文雖從要,意實並

破,非同六入,正意在根也。詳其結處,蓋可見矣。卯二六入竟。

楞嚴經講義第六卷終

## 大 佛頂如來密因修證了義諸菩薩萬行首楞嚴經講義第七卷

福州鼓山涌泉禪寺圓瑛宏悟述 受法弟子明暘日新敬校

#### 復次,阿難!云何十二處,本如來藏, 卯三 會十二 處即藏性 分二 辰初 總徵 妙真如性? 別破

塵破 中, 境 陰心法為一意根 來對迷色重迷心輕者,開色合心:開一色法,為六塵、五根,合受、想、行、識四 定在外,眼唯對色,耳唯對聲等,內外各六處,故名十二處,亦名十二入;謂取 前二眼 則 此總標十二處即藏性。處者方所也,定在也。以權教相宗說,根一定在內,塵 辰二 別破分六 循循善誘,巧為開發,一一顯其相妄性真,全事即理也。本科十二處 《以根入塵;受境,則以塵入根,通為能入,亦通為所入,故名為入。六科 迷晦即無明,發明便解脫」 色 ,故說十二處。根、塵互相依倚,下文云:「根塵同源 耳、 已初 聲四處 眼色處(Հ)意法處 約根塵互破 0 今為融歸藏性者,正欲今發明也。 ,身、觸二處,獨約根破 午初 標舉二處 ,餘六處皆約 初總徵 二 雙以徵 ,縛脫 為如 竟 無

巳初分四

## 起三 分文難破四 結妄歸真 今初

## 阿難!汝且觀此:祗陀樹林,及諸泉池。

此標舉眼、色二處,觀即眼處,餘為塵處

## 午二 雙以徵起

## 於意云何?此等為是,色生眼見?眼生色相 ?

徵云:在汝之意以為如何?還是色塵生出眼見耶?還是眼根生出色相耶?雙開 此約權宗,心、法相生為問。由法生故,種種心生;由心生故,種種法生。故 兩 途

為問,下乃分破。

#### 午三 分文難破 分二 未初 破眼見生色 二 破色生眼見 今初

## 阿難!若復眼根生色相者,見空非色,色性應銷 ,銷則顯發一 切都

## 無;色相既無,誰明空質?空亦如是。

具生色之性 此破眼生色相 ,設或見空之時 。故呼 阿難,而告之曰:若復內之眼根,生出外之色相者 ,而非色相 ,是所生之色相既無,而能生之色性 則 眼

大佛

眼 應即銷亡!銷則顯發一切都無者:銷字即能生之見銷亡,而所生之色亦

無,色相既無,空相亦復叵得?故曰顯發一切都無。

亦如是 空性應銷 相 言 無色 , 空 色相 ` 既無 色俱 將 , 銷 誰 別顯發一 :顯空?此二句 為眼根所對之境 , 誰明 (蔥) 空質者:言空、 切都無,空相既無,誰明色質?為避文繁,故總例之曰:空 , 即解釋顯發 , 故須例破云:若復眼根生空相者 色相形而 切都無之義 顯 ,色相既無,空應不 0 空亦如是者 , 見色非空之時 例 ·顯矣 破 眼 生空 反反

## 未二 破色生眼見

### 若 [復色塵生眼見者 , 觀空非色, 見即銷亡,亡則都無 誰明

#### 巴?

則將 生見之色塵已滅 灌來明是空是色,故曰:誰明空色?則見與色、空,一 此 .破色生眼見。若復外之色塵,能生內之眼見者,觀空之時 , 而所生之見 ,即應銷亡!然見既銷亡 , 則 總都無矣 切都 ,而非 無; 準上亦應有 既 色相 無能 ,是能 見

空亦如是句。三分文難破竟

## 午四 結妄歸真

# 是故當知:見與色、空,俱無處所。即色與見,二處虛妄,本非因

## 緣,非自然性。

計之自然性;以因緣、自然,俱為戲論矣。初眼色處竟 非自然性者:亦如前文云:其性真為妙覺明體 無體曰虛 內、外二處耳。即色與見,二處虛妄者:即色塵與眼見,二處之體 無定在之處所。以眼不生色,則色無處所;色不生眼,則見無處所,此且明其無 此科結云:由是義故,應當起智觀察,了知能見之眼根,與所見之色、空,俱 ,偽現曰妄。前文云:「見與見緣 ,如虚空華,本無所有 ,本非權乘所計之因緣性,及外道所 。 — ,亦屬虛妄 本非因緣 , 以

### 巳二 **耳聲處**分四 午初 標舉二 處 二 雙以徵起 三 分文難破 四 結妄歸真

#### 今初

## 阿難!汝更聽此, 祗陀園中,食辦擊鼓,眾集撞鐘,鐘鼓音聲 一,前

#### 後相續。

此標舉耳、聲二處;聽即耳,鐘鼓為聲。

## 午二 雙以徵起

## 於意云何?此等為是聲來耳邊?耳往聲處?

句 聲來耳邊而聞耶?為是耳往聲處而聞耶!邊字即處也。聲處下,應有為無來往 了義之教 蓋有 聞非自然生,因聲而聞;聲非自然生,因聞有聲。 來往 ,故並破之。分破中有若無來往句 ,是凡小妄情 ,無來往是權宗所計。彼謂耳、 此應是缺漏 在汝之意,以為 聲二處,離 中 如何?為是 · 知 故

千二百五十沙門, 阿 有我;此聲必來 .難!若復此聲來於耳邊,如我乞食,室羅筏城 午三 分文難破 分三 • 阿難耳處 聞鐘聲 未初 聲來耳邊 , ,目連迦葉,應不俱聞?何況其中 同來食處? 耳往聲處 Ξ ,在祗陀 無來無往 林,則無 今初

此約聲來耳處破。以聲一耳多,不能徧至。如我下法喻合辨:喻中如來乞食城

聞 中 。」何況下, 林 中則無;法中聲來阿難耳處,餘眾則無。 · 反顯 一 聲眾聞 , 同來食處,則計聲來耳邊者,妄也 故曰:「 目連 ` 迦葉 ,應不俱

## 耳往聲處

#### 汝聞鼓聲, 若復汝耳 ,往彼聲邊 其耳已往擊鼓之處 • 如我歸住祗陀林中 • 鐘聲齊出 • • 應不俱聞 在室羅城 !何況其 • 則 A 無 有 我 抻 • 0

### 象 馬 、牛羊,種種音響?

種 中 種音響 城 此約耳往聲處破 裏 則無:法中耳往擊鼓之處,鐘處則無 而豈得聞耶?今能聞眾聲,則計耳往聲處者,亦妄也。 0 以聞一聲多,不能徧往。如我下法喻合辨:喻中如來歸住林 0 故鐘聲齊出 , 應不俱聞 , 何況其他

#### 未三 無來無往

,

### 若無來往,亦復無聞 0

則根 此恐防 塵 兩 轉計 不相到 因來往被 , 故 曰 : 破 亦復無聞」 , 則計 無來無往 今眾聲皆聞 ,情所必至 , 則計無來往者 ,故為此破 0 如 亦妄也 無來往

以無線 豈有來去之相? 按本 電 經 可 ,大乘了義 以證信 ·此即 ,外國廣播 根性周偏 ,根塵俱周法界,如七大文云:「清淨本然,周徧法界。」今 , , 托緣 按時收聽 便顯 , ,彼處一 應知性本自徧 說 , 此處即聞 , 但託緣顯 如 同 , 非藉緣生 室談話

## 午四 結妄歸真

塵性

!亦復如是」。三分文難破竟

### 是故當 知 :聽與音聲 • 俱無處所。即聽與聲,二處虛妄, 本非因

## 緣,非自然性。

處所 **编法界同旨** 如來藏 其 是有 。即聽與聲,二處自體,亦不可得;說誰來往,及不來往,亦不過虛妄名相而 性 本即 無來、往 ,安可言離?若有離 離 如來藏性 诤 知 俱非之故 , 即無來 , 非因緣 , 應當悟明 ,則成二矣!今唯一性,故須並破。」二耳聲處竟 往 、自然二種戲論矣 何亦被破?」 , 耳根之聽 答 : ?!問: 與音聲之塵 人根 塵俱/ 無來無往 徧 俱無內: , 實屬 與根 外定在之 體 塵 同 俱

#### 今初

## 阿難!汝又齅此 ,爐中旃檀,此香若復然於一銖 ,室羅筏城四十里

## 內,同時聞氣。

是也。 聞香氣 瘟 其香,取如大豆許,著在宮門上,香聞長安四十里,經月乃歇,帝乃受之。後長安 志》云:「漢武帝時,西國遣使 頭旃檀」 一疫流 此標舉鼻香二處。 此乃異香,功用殊勝。若復然於一銖,室羅筏城,四十里內 行 0 ,出北俱盧洲,牛頭山中。《法華經》云:「此香六銖,價值娑婆世界」 ,博士奏請 〈律曆志》 云:二十四銖為 ,焚香一 鼻即鼻;旃檀、香也,義翻與藥,齅之可以除病,亦云「牛 枚 , 獻異香四枚於朝 四十里間 一兩。 每銖乃四分一 ,民疫皆愈。」此異香功用殊勝之明證 , 漢制香不滿斤不得受 釐六毫六絲六忽 , 同於一時 使乃將 (博物 俱

## 午二 詳以徵起

也

# 於意云何?此香為復生旃檀木;生於汝鼻;為生於空?

以上眼、色、耳、聲四處,乃更互破。此科乃二法從要破,故但徵香塵,了無

生處,如兩木相倚,推倒一邊,則兩木皆倒矣。

阿難!若復此香 何鼻中有旃檀氣?稱汝聞香,當於鼻入,鼻中出香,說聞非義? 午三 分文難破 分三 ,生於汝鼻,稱鼻所生,當從鼻出 未初 破從鼻生 破從空生 三 破從香生 **一,鼻非旃檀** 

入, 香 鼻非旃檀 不能發用 , 若謂 說聞非義者:此約名義不符破。聞字是名,以入為義,稱汝聞香,應當於汝鼻 現鼻中生出香氣 此香,生於汝鼻,既稱此香,是鼻所生,應當香氣從鼻而出,方合生義 ,云何鼻中有旃檀氣?此約體用相違破。鼻是肉體 ,云何肉鼻之中,而有發生旃檀氣之用?稱汝聞香,當於鼻入,鼻中出 ,名義不符,故難曰:「說聞非義」 。則香不從鼻生也,明 , 而非旃檀香體 異體

## 破從空生

矣 !

## 若生於空,空性常恆,香應常在,何藉爐中, 蒸此枯木

若謂此香,不從肉鼻所生,乃生於鼻孔中之空者,鼻孔之空,與世界之空無 空性常恆不變 ,所生之香,亦應常在,一切得皆有香氣,又何藉爐中 , 蒸此枯

木, 然後有香?未爇無香,足顯不從空生也,明矣!

## 未三 破從香生

# 生於木,則此香質,因爇成煙,若鼻得聞,合蒙煙氣!其煙騰

空,未及遙遠,四十里內,云何已聞?

則此香之木質

,

乃可通

內,同時聞氣,足徵非生於木明矣,故以云何已聞反難焉。未三破香從木生。合上 於鼻中。若鼻得聞,合當蒙受煙氣!今其煙騰空,未及遙遠,室羅筏城 香生於木,常情共計。故破云:若生於木, ,因爇成煙 , 四 十里

#### 午四 結妄歸真

一科,三分文難破竟

## 是故當知:香鼻與聞,俱無處所。 即齅與香,二處虛妄 ,本非因

大佛

## 緣,非自然性。

生,則非自然性,惟是如來藏,妙真如性也。三鼻、香二處竟 偽 處 性 現日妄 亦復 仍屬 是香塵無從來之故,應當悟知。香塵與鼻根,指浮、勝二根,及托根之齅聞 ,但有虚妄名相,若究其源,不從根生木生,則非因緣所生法 **不立** 根 ` ,故曰:「俱無」 塵二處, 非有三法也。 0 即齅聞與香塵二處之體 俱無處所者:外塵之處,既已叵得 ,亦屬虛妄;無體曰 ;又不從空 , 內根之 虚

已四 舌味二 一處 分四 午初 標舉二處 二 詳以徵起 三 分文難破 四 結妄歸

#### 真 今初

#### 阿難!汝常二時, 眾中持缽, 其間或遇酥、 酪 醍醐 • 名為上味 0

醍醐 也 酥 此標舉舌味二處。而舌處寄遇字之中。常即尋常日用;二時乃早食 其間或遇此等之味,名為上味 酪 ` 醍醐 ,皆從乳生,從乳出酪,從酪出生酥,從生酥出熟酥,從熟酥出 、午食時

## 午二 詳以徵起

# 於意云何?此味為復生於空中?生於舌中?為生食中?

阿難!若復此味,生於汝舌,在汝口中,祗有一舌,其舌爾時 午三 分文難破 分三 未初 破從舌生 二 破從味生 三 破從空生 今初 ; 已

## **成酥味,遇黑石蜜,應不推移?**

蜜時 黑、質堅、味甜,故名黑石蜜 一味,譬如果樹,一樹祗能生一味之果。其舌爾時遇酥,已成酥味,或更遇黑石 , 此先破味從舌生。若復此味,生汝阿難之舌,在汝口中,祗有一舌,亦祗能生 自應不推變,不移易,不至再生甜味。《善見律》云:黑石蜜,即甘蔗糖 色

## 若 不變移,不名知味;若變移者,舌非多體,云何多味,一舌之

#### 知 ?

多之味,祗有一舌能知,如世間一樹,能生多味之果,安有是理耶? 能 知眾 此分兩途難破。舌以知味為義,承上云若不變遷移易,只知一味,則不名一舌 味, 即失知味之義矣。倘若推變移易,一口祗有一舌,舌非有多體 ,云何眾

#### 432

### 末二 破從味生

## 生於食 ,食非有識,云何知味?又食自知,即同他食,何預於

## 汝,名味之知?

乎? 其味,何干汝舌之事 分別之識 此破 味從食生。常情妄計 ,乃屬無知之物,若不假舌根,云何能知味耶?縱使能知,又屬 ,而名汝舌嘗味之知也!如他人之食,豈可名汝舌嘗味之知 ,味生於食,故為此破。若言味生於食品 , 食品: 食品自知 罪有

### 未三 破從空生

識淡 若 舌,亦鹹汝面?則此界人,同於海魚!既常受鹹,了不知淡 生於空 ,亦不覺鹹,必無所知,云何名味? • 汝噉虚空,當作何味?必其虚空,若作鹹味 容若 既 鹹 汝

若言味生於虛空,則空必具味,故今噉虛空,當作何等之味?必其虛空下 此 ?破味從空生 ٥ 因前從舌從食 1,皆已被破,勢必轉計從空而生 0 故此並 ; 按定 破云:

全身 亦不覺所處是鹹 自然了不知淡 味;若空作鹹味,虛性周徧,汝全身在虛空之中,既能鹹汝舌,亦必鹹 則此世界人類 。而鹹 , 以 無待故無辨也 ` ,都在鹹味之中,同於海魚一 淡二味, 相待 0 以顯 如是則必 ,既常受鹹味 無所知 樣 0 既常受鹹 ,曾不識知何者 ,云何又以酥 3,無時 不在鹹 酪 為淡 汝面 一,及汝 醍 , 則應 醐 中

### 午四 結妄歸真

名為上味耶?三分文難破竟

## 是故當知:味 舌與嘗,俱無處所。即嘗與味,二處虛妄, 本非因

## 緣,非自然性。

因此當. 所嘗之味亦無自體可得 是味 知 塵 , 味 無有生處之故 塵、舌根 ,與舌根嘗性,能嘗所嘗,俱無定在處所。即能嘗之根 推究其性不變 0 此亦二法從要破中 , 本非因緣 , 獨 約 其用隨緣 塵破 塵既 亦非自然 回得 根豈能 ,乃如來 , 與 有 ?

#### **一處**分四 午初 標舉二處 約二 觸破 Ξ 約 觸破 四 結妄歸

藏

妙真

如性

0

四舌味二

一處竟

大佛

頂如來密因修證了義諸菩薩萬行首楞嚴經講義第七卷

#### 真 今初

## 阿難!汝常晨朝,以手摩頭。

無外 是根 此科 違 觸 ٥ ~觸塵 穿紗 乃二法從 如 此標舉身 塵 衣服未穿身上, 衣則 能 但假摩以成觸相 要破 !、所合成。本科觸塵,又與諸觸不同 順 、觸二處。觸塵與諸塵不同, 0 , 觸即身分之覺也,具有能知之用者為能觸 獨約根破也 但屬色塵 , 根塵互不可分, ,待穿身上 一,覺知 乃以有知之身,與無知之物 無定處所 達順 ,獨以一身明觸 , ,方名為觸 以例諸觸 , 阗 無知覺者為 ,頭手皆身根 ٥ , 皆類 夏天穿棉 此虚妄 ,合則成 所 衣則 觸

髮出家 真因 情 無益之苦當遠離 律 中 , 不得實果。 不忘為僧也。 佛敕弟子 佛弟子中, , ,如是行者得度世。」 佛以阿難遵依佛敕 日三摩其頭 多有外道歸佛者 , 默誦偈曰: , 每日行之,故舉為問焉 此中無益之苦,指外道所修苦行 ,欲令捨邪從正 守口攝意身莫犯 ,三摩其頭 莫惱 切諸 非是

### 午二 約二觸破

## 於意云何?此摩所知,誰為能觸?能為在手?為復在頭 ?

頭耶? 來摩 此雙徵云,在汝阿難之意云何?此摩頭所生之知覺,手知所摩是頭 ,二俱有知 要阿難自審 ,頭手二邊,誰為能觸者?誰為所觸者?能觸為在於手耶?為 0 觸之為義 ,以有知者為能觸 無知者為所觸 0 能所相合 ,頭知是手 ,方成 在於

## 在於手, 頭則無知,云何成觸?若在於頭,手則無用,云何名

觸義

觸

?

頭 知 , 而 無有 若言能觸在於手 頭 是有知 所 知 , 云何可 ,手則應無知觸之用?現今手亦有知,頭手二俱有知,云何得名為 ,而手是有知 '以成觸?以觸必有知無知,能所相合之故。若言能 ,頭則應屬無知 0 現今頭亦有 知 ,頭手皆為能 觸 在於

## 若各各有,則汝阿難,應有二身?

觸耶

身一 知 ,世間共許,若謂頭之與手,各有 知 則汝阿難, 應有二身?

### 十三 約一觸破

#### 若 頭與手 觸所生, 則手與頭,當為一 體!若 體者 觸則無

#### 成,

若然 必有二體相合,方可成觸,如衣與身合,方成觸義 此 則 翻 手 前 與頭 兩 觸 , 當為 轉 成 體 觸 0 。若果一體者 若言頭與手一 , 觸所生 無能所 , 絕對待 即頭手共一 , 觸則 知 無成 , 則 成 0 何 以故? 觸 也

#### 若二 一體者 • 觸誰為在 (火) ?在能非所?在所非能?不應虛空, 與 汝

#### 成觸?

皆屬 即 嬣 非 文義始暢 此防 在 有 知 所摩之頭 轉計二 皆為能觸 。 因 上 一 體 ;若在所摩之頭 0 文中在能 ,且道所觸之塵 體被破,防計二體乃破云:若頭手二知,是為二體者 在所 即即 , 能所二 非 又誰為在?即又當誰屬 在能摩之手 字, 莫作能觸 , 現今頭手二 所觸 耶 解 ?若在能摩之手 皆有知 , 當 作 能 摩 ; 此 二 一皆能 所

觸

無有所觸之塵

,乃詰之曰:「不應當虛空

與汝成所觸耶?」

### 午四 結妄歸真

# 是故當知:覺觸與身,俱無處所。即身與觸,二處虛妄,本非因

## 緣,非自然性

名相而已。若求其本,乃非因緣、非自然,乃如來藏,妙真如性也。五身觸二處 當知所覺之觸 是約二觸 則一 ,與能覺之身,俱無真實處所;則身根與觸塵, 知、二知了不可定;約一 觸, 則一 體 点、二 體 亦無體相 無所適從之故 , 悉皆虚妄

上六 意法一 **一處**分四 午初 標舉二處 雙以徵起 Ξ 就法辨妄 四 結妄歸

#### 真 今初

竟

# 阿難!汝常意中所緣,善、惡、無記三性,生成法則。

非有實性境 此標舉意、法二處。意中乃意根之中,所緣下為法塵。 , 此唯意識之獨影境 0 何謂獨影境?由同時意識 而法塵與前五塵不同 , 與前五 一識同時 而 起

緣 <u>Ŧ</u>. 塵性 境 ,吸入意根之中, 名為五塵落卸影子,故為獨影境 0 同時意識緣善境

境界 界 , 者 , 則意根中,有善性影子現起;緣惡境界,則意根中,有惡性影子現起;緣無記 無可記別,故名無記性 ,則意根中,有無記性影子現起;無記境界,乃非善非惡之中庸境,於善惡二 0 此三性 , 乃生成法塵之定則。又一解,此三性,乃意

### 午二 雙以徵起

根中

生成一定之法則

,故名為性

## 此法為復即心所生?為當離心,別有方所?

此雙徵法塵 , 為復即汝意根之心所生乎?為當離汝意根之心,而別有法塵之方

向所在耶?

#### 阿難!若即心者,法則非塵,非心所緣,云何成處? 午三 就法辨妄 分二 未初 破即 心所生 破離心別有

生有 情 若此法塵 0 法塵既是有 ,即意根之心所生者,能生之心有知,所生之法,亦當有知 知 , 則 魔非塵 , 亦非心所緣之境;是心所緣,方成法處 , 如有情 ,反難

既非心之所緣,云何可以成處也?

## 未二 破離心別有

## 若離於心,別有方所,則法自性,為知非知?

此破離心 ,雙開知與非知兩途。若言法塵,是離意根之心,別有方向處所者

則法塵應有自性 ,試問法塵自性 ,為是有知耶?為非有知耶?

## 知則名心,異汝非塵,同他心量。即汝即心,云何汝心更二於汝 ?

是塵,乃另是一心也,豈不同他人之心量乎?他人之心,方是離汝有 塵 同他心量者:異作離字解,謂此法塵,既然離汝意根之心,而又有知 此先約有知破。若謂離心法塵,是有知者,則當名為心,不應名塵。異汝非 知也。 , 自 應非

塵 與汝合而 ,亦即是汝,即汝之心量,非他人心量者,既是汝心,應不離汝,云何汝心,不 即汝即心,云何汝心,更二於汝者:此三句防謬辯。若必執言,離心有知之法 為一 更為二而離於汝耶?是則計法塵,離意根而有知者 ,謬矣!

## 大佛頂如來密因修證了義諸菩薩萬行首楞嚴經講義第七卷

相

,當於何在?

若非知者

此塵既非色、聲、香、味,

離、合、冷、暖,及虚空

此 更約非知破。若謂此法塵,乃離意根之心,而非知者,前五塵離心非知,此

法塵,既不是五塵,及虛空相 今於色、空 ,都無表示,不應人間,更有空外。心非所緣 ,而徵其定在何處也。離、合、冷、暖,乃屬觸塵 • 處從誰

#### <u>式</u> ?

哉 ?

塵

終不應言 色即五塵色法 ,人世之間,更有 ,空即由色所顯虛空。今在五塵虛空,都無可表顯指示 一個空外之處,為法塵所在,色容有外,空豈有外 ,汝之法

是能緣之心 心非所緣 又復離根而處空外 ,處從誰立者:心指意根 ,亦非所緣之境;則法塵非心、非境 ,所緣屬法塵 0 謂此法塵 , 離心非知 ,處將從誰而 ,自不

### 午四 結妄歸真

立耶?三就法辨妄竟

是故當 知 • 法則與心 • 俱無處所。 則意與法,二處虛妄 ,本非因

## 緣,非自然性。

如空中 所 。下二句,不特無處,亦復無體,則意根與法塵二處之體,亦但虛妄名相而已 是即 華 心 全無實體 離心,有知、非知皆謬之故,當知法塵、與意根之心,俱無一定處 推究無體之體 ,元是妙明真體 故曰 :本非因緣 非自然

性 乃如 來藏 妙真如性。三會十二處即藏 性 完竟

,

0

,

,

復次,阿難!云何十八界,本如來藏,妙真如性? 卯四 會十八 界即藏性 分二 辰初 總徵 二別釋 今初

有界限 破 相依也。又界者種族義,以根 屬識之界限,三六十八 迷俱重者說 則 此 此總徵十八界即藏性 根 中 -破意 以內之能緣者 塵二界,自不成立, ,心色俱開:色法開為六塵 , 乃三法從要破 , , 各有 屬根之界限 。梵語馱都 界限故。 、塵、識三,各有種子族類故。十八界,佛為心 如三間之屋,但拆去中間牆壁,左右二間之界, 根 ;外之所緣者 , 塵 又界者因義 此云界 ` 、五根;心法開為意根、及六識 識三, 。界者界限 識為其要 , , 因即是依 屬塵之界限 ,六根、六塵、六識 (,故獨 , 以根 ;中間能了別 約識 破 塵 ,合成十 識 識 界既 、 色 ), 各 者 亦 互

大佛

自不成矣!雖則獨約識破,實則根、塵兼破,但破其相妄,妄相既破,真性自顯

故曰:「本如來藏,妙真如性。」初總徵竟

辰二 別釋 分六 巳初 眼色識界(至)六 意法識界 巳初 又分四 午初 標舉三界

二雙以徵起三十分合難破四、結妄歸真,今初

## 阿難!如汝所明,眼色為緣,生於眼識。

緣故 此佛就阿難 根 為增上緣 ,昔聞因緣權教,所明者為問。 , 塵為所緣緣 ,二緣相合 , 識生其中 眼根與色塵,根、塵相對,互相為 故曰 : 生於眼識 而

### 午二 雙以徵起

成三界矣

# 此識,為復因眼所生,以眼為界?因色所生,以色為界?

即 云 以色為識之界,名為色識界耶?」 : 根 此識為復因眼根 塵 ` 識三, 惟徵於識 所生 , 即 , 以眼為識之界 即三法從要破也;識既被破,三界自無 良以根、塵各有別名 , 名為眼識界耶?為復因色塵 皆隨自法為名 而 所 承 識則 上徵 生

無之,若不係以根、塵,則無所分別。 諸經多係屬於根,曰眼識、耳識等,今以權

教,根、塵皆能生識,故雙約以徵之。

阿難!若因眼生 午三 分合難破 分三 ,既無色空 未初 破因眼生 • 無可分別;縱有汝識, 破因色生 三 破和合生 欲將何用? 今初

無色空,無有可分別之塵,單根則不能生識;縱使有能生汝之識,若無色、空,汝 此破識單從眼生。若謂此識單因眼根生,即以眼為界者,則不藉乎色、空 既

#### 汝見又非青 、黄 、赤、白,無所表示 • 從何立 第?

識亦將何所施其用乎?識以了別塵、境為用,

無塵則不用識也

赤、白之色,無所表示,汝根之相。前段無色、空則塵無,此段無表示則根無,則 此承上汝眼根之見 ,無形、無色, 既無長 、短、方、圓之形 又非有青 黄

中間之識,從何處可以立其界限乎?

### 未二 破因色生

大佛

頂如來密因修證了義諸菩薩萬行首楞嚴經講義第七卷

## 若因色生,空無色時, 汝識應滅?云何識知,是虛空性?

時 則色塵已滅,汝識應當隨色而滅,識滅則無所識知,云何見空之時,又識知是 此 |破識單從色生。若謂此識,單因色塵生,即以色為界者。至於見空無色之

虚空性耶?

## 若色變時 ,汝亦識其色相遷變,汝識不遷,界從何立

無有對待 此言色塵遷變之時,汝亦識其色相已經遷變,是汝識不隨色遷變矣,一存一 ·,則識界從何可以成立耶?此與上段文,有二意:上乃從變不識空

此乃不變不成界。

## 從變則變 ,界相自無;不變則恆,既從色生,應不識知虛空所在?

此段上二句 因聞識不從色變,應不成界,乃轉計識從色變。遂破云:若識從

色變,則色與識 ,二俱變滅,界相自然無矣。此從變不成界,乃對上不變不成界

成為交互之文。

變 則識性恆常, 下四句 , 因聞識從色變 雖然恆常不變,此識既因色塵所生,自屬無知,應當不能識知虛 ,應不識空,乃轉計識不從色變 · 亦破云:若識不從色

交互文。此種經文,是為交床(牒) 空所在!今能知空,足證識非從色生矣。此不變不識空,乃對上從變不識空,成為 法,兩頭俱到,文法極妙

### 未三 破和合生

### 岩兼二種,眼 色共生,合則中離, 離則兩合 • 體性雜亂 云何成

#### 界?

雜 矣 離開而生,則汝識半是有知,半是無知 塵 離 種 中界乎?三分合難破竟 生 兩字指眼色, 0 共生汝識者,且問還是眼色相合而生耶?還是眼色相離而生耶?此二句 亂 體 此以上單根獨塵,皆不能生識,轉計和合而生。遂破云:若言兼眼根、色塵二 中間 對 性 離則 雜 必有 兩合說 下離合兩字指眼識 離縫 :指識之體性 ,半合根半合塵, , 以不是整個生成 雜對合則中離說 0 若謂眼色,合併而生,則汝識半從根生 則成動亂故曰亂 , 0 有知者合於眼,無知者合於色,遂成 如二物相合,合處有 ,半從根半從塵 。既是雜亂 離縫也;若謂 和雜 云何能成識之 而生 眼 半從 故 上合 爾合 色

### 午四 結妄歸真

## 是故當知 :眼色為緣,生眼識界, 三處都無。則眼與色, 及色界

## 三,本非因緣,非自然性。

則中間 處都 得;應知此是相宗權教 緣 都 , 無止,結相之妄;二者應當知真,後四句歸性之真。以上所言,眼 生於眼識者,現前推究,眼識既不從眼生,又不從色生,亦非雙兼眼色共生 無 是各生共生,俱不得成之故,應當了知。 所生眼識 又三處都無, , 既不成界,內外眼色,何得為緣?中界既無 ,順世之談 處即界也, ,都無實義 所謂眼色為緣生識,今眼 此知含二義:一 ` 色、 者應當知妄 , 內外回得 識三界 、色二種為 , , 俱 故 至三處 |不可

則眼與色,及色界三:色界即色識界,係塵為名;此眼、色、識三,本非因

耳聲識界 分四 午 初 標舉三界 雙以徵起 三 分合難破 四 結妄歸

#### 真 今初

緣

非自然性,乃是如來藏,妙真如性。初眼色識界竟

## 阿難!又汝所明,耳聲為緣,生於耳識。

午二 雙以徵起

# 此識為復因耳所生,以耳為界?因聲所生,以聲為界?

午三 分合難破 分三 未初 破因耳生 破因聲生 三 破和合生 今初

## 阿 難!若因耳生 ,動靜二相,既不現前,根不成知 ,必無所知 知

## 尚無成,識何形貌?

靜二 耳識 種聲塵既不現前 本無生處可得,先破因耳生。 , 耳根不成能知 ,必無所知之聲塵 呼阿難而告之曰:若謂耳識因耳根生者 ,能知之耳根 , 尚 且 不 裑 動

成,所生耳識畢竟作何形貌?

#### 若 界?則耳識界,復從誰立? 取耳聞 ,無動靜故,聞無所成;云何耳形, 雜色觸塵 • 名為識

聞 今取耳聞生識 此文防謬 0 因聞上段必無所知 ,乃破之曰 :若取耳聞 ,知尚無成 , 能生識者 ,乃謬辯云 , 無有動 : 知 屬意根 、靜二種聲塵 , 耳 桹 惟 則能 取 能

聞之根 但 如新卷葉之形 取 肉 耳 ,亦無所成 能生識 , 雜於身根之色相 者 , , 何能 肉 耳屬身根之色相 生識?能聞又復被破 , 與身所對之觸 ,身根所對惟觸塵 ,轉計有形之肉 塵 , 名為能生耳識之界耶 ,故破曰:云何 耳, 為能 生識 ?則耳識 以 5,若謂 肉 耳

## 未二 破因聲生

界

,

既

非聞根

肉耳

所

生

,

復從

誰而立界乎?

## 若生於聲 ,識因聲有,則不關聞,無聞則亡聲相所在?

事 須 此破耳識從聲生 知聲必因聞 而 0 顯 若謂| , 設若 耳識生於聲塵者 無聞 , 則亦亡失聲相所在 , 是此識單從聲塵而 , 聲尚 不可得 有 , 則不 ,云何能 關耳聞之 生於

### 識從聲生, 許聲因聞,而有聲相;聞應(睾) 聞識 Ì

識 ?

之聲 此 , 亦 防 必因 轉救 聞而 0 恐聞 有聲相 若無有聞 , 如是則聲中 , 聲亦 不有 有識 ,遂轉救云: , 聞聲之時 , 識固是從聲而生, 應當併聞 於識 卻許能生

#### 不聞非界 ;聞則同聲 ;識已被聞 , 誰 知聞識 ? 若無知者 • 終 加草

#### 木。

被耳 能知聞聲者,果都無所知,則人豈不終如草木之無情乎? 識 則非生識之界矣。二、聞則同聲謬:倘若聞聲之時 ,又誰. 根 此下展轉顯謬:一、不聞非界謬:倘但聞聲,不復聞識,是則聲中無識,而聲 **K所聞矣** 知聞聲 ۰ , 三 **、** 併聞於識耶?四、人同草木謬:若謂無有能知聞識者 被聞 無知謬: 蓋識以了知為用 , , 亦聞於識 而識已被耳根所 ,是識 削同 聞 , 則亦無有 於聲 , 則 無 , 而 有

### 未三 破和合生

#### 不應聲聞 **,雜成中界** 0 界無中位 • 則內外相, 復從何成?

中 位, 此破 可以為 根塵和合共生 緣生識 也。 0 中間識界,既已不成,則內根外塵之界相,復從何而得成 不應說言: 聲塵與聞根 , 和雜 而成中界。 雜則 不分, 無有

## 耶?三分合難破竟。

午四

結妄歸真

#### 是故當知:耳聲 為線 生耳識界, 三處都無 0 則耳與聲 • 及聲界

## 三,本非因緣,非自然性 0

處界限,覓之都無,但幻妄稱相而已。上結相妄,下顯性真 由是義故,自當了知,所謂耳根與聲塵兩者為緣,而生耳識者,則內外中間三 ,則此耳之與聲 及聲

一耳聲識界竟

識界三,本來非是因緣

、自然,二種世間戲論名相

,其性即是如來藏

,妙真如

性

巳三 鼻香識界分四 午 初 標舉三界 雙以徵起 Ξ 分合難破 四 結妄歸

## 阿難!又汝所明,鼻香為緣,生於鼻識 0

午二 雙以徵起

# 此識為復因鼻所生,以鼻為界?因香所生,以香為界?

午三 分合難破 分三 未初 破因鼻生 二 破因香生 三 破和合生 今初

## 阿難!若因鼻生 ,則汝心中,以何為鼻?為取肉形雙爪之相?為取

## 齅知動搖之性?

根 ?為 首句按定 是取臉上肉之形質, ,識因鼻生,下乃徵定鼻根。 如雙垂爪之相為鼻耶?為是取能發齅知 則汝阿難心中, 將以何者,為汝之鼻 動搖之性為鼻

若 取肉形 肉 質 八乃身 , 身 知即觸 • 名身非鼻 ;名觸即塵 • 鼻尚

## 名,云何立界?

耶?此雙開

二句,

下則詳破

既名身 若取臉上肉形, 根 , 即非鼻根 為汝鼻者,須知肉之體質 ;既名觸塵 , 即非香塵 ;鼻根之名,尚不可得 ,乃屬身根,身之所知,即是觸 ,云何 可 說 塵 , 識

若 取齅知 又汝心中 • 以何為知?以肉為 知 • 則肉之知 ,元觸 非

#### 鼻。

因鼻生

,

依之而立

**郭耶?** 

根 肉 若取根中齅知之性 齅知之性。末二句 為 能 知者 , 鼻肉體質 ,同上身知 ,為汝鼻者,又汝阿難心中, , 乃屬身根 即 觸 0 則肉之知 ,元是身根 將以何者為能知 知觸之用 , 若 , 以鼻頭之 非是鼻

## 以空為知 ,空則自知 • 肉應非覺?如是則應虛空是汝,汝身非知 •

## 今日阿難,應無所在?

者 空本無知 此 以鼻肉 ,縱許有知 為知被破 , , 轉計以空為知。亦破云:設若汝以鼻孔之空 則是空自有知 ,汝鼻頭之肉 ,應非覺矣? , 為能齅知

之肉 齅知之性 如是則應虛空是汝 皆應 ,以此類推,則一 非知;以此 |而論 ,汝身非知者:如是乃指上三句,鼻孔之空有知,若即是汝 切虚空,皆應是汝。又鼻上之肉,既無知性 ,空若是汝,則虛空無在,今日阿難, 亦應無所在矣? ,則汝全身

## 以香為知,知自屬香,何預於汝?

知 縱許香具鼻根之知,此知自屬於香,何預於汝鼻知之事?此文但以香具鼻知 此因 肉 知 、空知被破 , 轉計以香為知 0 若謂以鼻中香 , 為 齅知性者 香本非有

#### 木?二物不來,汝自齅鼻,為香為臭?臭則非香 香臭氣 必生汝鼻 • 則彼香 、臭二種流氣 **,香應非臭** 不生伊蘭 , 0 及旃檀

不可濫下香生鼻識

汝鼻者 齅汝鼻,還是為香耶?還是為臭耶?若是臭則非香;若是香應非臭。 預於我?故復破云:如是香氣 何 **]預於汝之破,遂轉救云:知雖屬香,香氣卻生於鼻,離鼻則無香氣,何得謂為不** 此文與上文,似不相接續,須補充轉救之意。因上以香為知,遂招知自屬 則彼香 、臭二種流動之氣 ,生於汝鼻,臭氣亦生汝鼻,若香臭二氣 ,不生伊蘭 , 及旃檀木矣!二物不來之時 ,必定生於 汝自 香

中 由 旬 未 0 《指掌》引《觀佛三昧經》云:「末利山中,有伊蘭樹,臭若胖屍,熏聞四十 、及長大 其花紅色,甚可愛樂, ,如閻浮洲竹筍 若有食者,發狂而死;而旃檀之樹 不能發香 ,仲秋月滿,卒從地生, 成旃檀樹 ,亦發生伊蘭叢 眾人

# 若香、臭二俱能聞者,則汝一人,應有兩鼻?對我問道,有二阿

皆聞妙香

,永無伊蘭臭惡之氣。」

## **쑈,誰為汝體?**

能 聞者 鼻根是一, 則汝 香、臭為二,故上破曰:臭則非香 人應有兩個鼻知 0 此句對上以香為知,自不能再以臭為知。一人一 , 香則非臭。若謂香臭二氣 , 俱

454

鼻 , 世間共許,若有二知,即有兩鼻,如果兩鼻,對我問道,有二阿難,誰為 汝阿

## 若鼻是 • 香臭無二,臭既為香,香復成臭,二性不有 ,界從誰

#### <u>文</u>

難真體

?

以為香 性 具足香、臭二知。故此破云:若鼻是一,則香臭自應混而為一,而無二矣!臭既可 ,既然不有, 此 因 ,則臭無自性;香復可成臭,則香無自性 [聞既有二鼻,應有二身之破,遂轉計云:我本來無二,鼻祗是一個 而鼻識之界, 欲從誰 而 立 耶 ;以香臭互奪兩亡,二種齅知根 1,不妨

### 未二 破因香生

## 若 因香生 • 識因香有,如眼有見,不能觀眼;因香有故,應不知

#### 香?

喻 如因眼所有之見,自不能返觀其眼,此是喻;法合云:識因香有之故 此文具法 喻 、合三。若執鼻識 因香塵生者 此識 乃因香而 有知 此是法 應不自知

**具香,同見因眼有之故,應不自觀其眼矣!** 

## 知即非生 ,不知非識。 香非知有,香界不成;識不知香, 因界則非

從香建立

齅 非可名能知之識。下五 知而後顯故 首二句 , ?,香非齅知則不有,香界何自而成?倘若識不知香,所言因香立識界 知與不知 句 兩途俱非。 , 如果香非識知其有 若能知香 , ,則香界自不成立 此知即非從香所生; 0 何故?蓋香必以 若不 ·知香 , 又

## 未三 破和合生

者

則非從香建立

#### 既 (無中間 ,不成內外, 彼諸聞性 ,畢竟虛妄 0

虚妄者 如是齅聞之識 界。 如上所破,鼻識不從根生,不從塵生,既無中間之識界可得,自不成內外根塵 如三進房屋 ·承上二句 ,畢竟虛妄。三分合難破竟 , , 既 既內外不成 無中間牆界,前後兩進之界相 , 則能共生者無實 ;既無中間 ,自然亦 無 , 則所共生者非真 彼諸 聞性 畢竟

### 午四 結妄歸真

## 是故當知:鼻香為緣,生鼻識界, 三處都無。則鼻與香,及香界

## 三,本非因緣,非自然性。

鼻識者,乃順世之談,非了義之教。今推究識界生處,了不可得,中界既無,內外 及香識界三,本非因緣性,及自然性,即是如來藏,妙真如性。三鼻香識界竟 二界,亦復叵得?故曰三處(ポ)都無。以上結相妄,以下顯性真,則鼻根與香塵 是鼻識,不從根塵,各生共生之故,當知權教相宗所云:鼻香二者為緣 ,生於

巴四 舌味識界 分四 午 初 標舉三界 雙以徵起 三 分合難破 四 結妄歸

#### 真 今初

## 阿難!又汝所明,舌味為緣,生於舌識。

午二 雙以徵起

# 此識為復因舌所生,以舌為界?因味所生,以味為界?

午三 分合難破 分四 未初 破因舌生 二一破因味生 三 破因空生 四 破和合

#### 生 今初

阿 |難!若因舌生,則諸世間, 、 桂 、都無有味 ,汝自嘗舌 ,為甜為苦? 甘蔗、烏梅、黄連、 石鹽、細辛

藥名,生薑、肉桂藥品,此三種皆辣味,都成了無有味。倘無有此等味塵 為識之界者;則諸 此破 汝自嘗其舌,到底還是為甜耶?還是為苦耶? 識因舌生。若謂舌識 (辦語)世間 ,甘蔗甜味,烏梅酸味,黃連苦味,石鹽鹹 ,單因舌根所生, 不藉味塵 , 自能 **了別其味** 味 , ,來合汝 即 , 細辛 以舌

### 若 舌性苦 • 誰來嘗舌?舌不自嘗 ,孰為知覺?舌性非苦, 味自不

#### 生 ,云何立界?

舌 ,

舌 解第字 而 此明舌性,有味、 為知覺 !知其苦也?苦字該甜等諸味。蓋舌不能自嘗其舌, ,其舌是苦耶?若謂舌性非苦 無味俱非。承上云:若自嘗其舌,舌性是苦,誰來嘗汝之 ,即無有 味, 則味自然不生於汝之舌 如眼不能自見其眼 。又熟

**云何可立識界耶** 

 $\ddot{?}$ 

### 禾二 破因味生

#### 若 因味生 • 識自為味, 同於舌根,應不自嘗 ,云何識知 • 是味非

#### **味**?

不能自嘗其舌;既不自嘗,云何而能識知 若言舌識 , 單 ·因味塵而生者 , 識自然就是味 ,是有味,而非有味耶? 。味不能自知其味 , 同於舌根 應

### 又一 切味,非一 物生,味既多生,識應多體 ?

生之識 又味 , 自應從味 不塵類廣 ,一切之味 亦有多體 ,元非一物所生。 如母多 , 子亦應多, 以能生之味塵 此以味多, ,既從多物而生,而所 而破識 也

#### 識體若 體 必味生 , 鹹 淡 、甘、辛,和合俱生 ,諸變異相 同

## 為一味,應無分別?

異 間鹽之鹹 是六味別相;如豆麵鹽水,合而為醬 設若識體是一 ,水之淡 ,蔗之甘,薑之辛 (n) 其體必定因味生者,所生之識是一 , ,是為和合;如黃連生來便苦 亦該酸苦, 是為六味總相 ,能生之味應亦非多。 ;和合俱 其味與 生 如 世 變

物 ,俱時而生,謂之俱生;如變生成熟,異其本味,如炮炙煎璃之類,皆名變異 ,此以識一,而破味

種種諸 味 ,皆當同為一味,亦應無有分別,如子一 ,母亦應一

## 多也。

## 分別既無,則不名識,云何復名,舌味識界 ?

生之味,分別既無,所生之識,分別亦無,則不應名之為識。云何復名,舌味為 識以分別為用,承上諸味既合為一。則無鹹、淡、甘、苦、酸、辣之分別。能

緣 ,生汝中間舌識界耶?

### 未三 破因空生

## 不應虛空,生汝心識?

以上根生、塵生,二俱不成,恐計從空而生,然空性頑鈍,故曰:不應以無知

之虚空,生汝有知之心識耶?

#### 未四 破和合生

## 舌味和合,即於是中,元無自性,云何界生?

若以舌根味塵二者,和合生汝舌識者,舌是有知,塵是無知,一 經和合,體性

紛 雜 0 如 ,世間水土和合,水失流動之自性,土失乾燥之自性,故曰:「元 無自

性 舌生 0 能生根塵 是不自生;不因味生, , 自性既無,云何識界, 是不他生 ;不因空生,是不無因生;不因舌味和合 可從而生?本科四性推檢無生具足: 不因

生,是不共生。三分文難破竟。

## 午四 結妄歸真

是故當知 : 舌味為緣 ,生舌識界, 三處都無。則舌與味 及舌界

## 二,本非因緣,非自然性。

科,係根為名,曰舌識界、身識界、意識界。餘同上可知。四舌味識界竟 舌界,即舌識界。前三科係塵為名, 曰色識界、 聲識界、香識界,此科併後二

身觸識界分四 午初 標舉三界 雙以徵起 分合難破 四 結妄歸

#### 真 今初

## 阿難,又汝所明,身觸為緣,生於身識

### 午二 雙以徵起

# 此識為復因身所生,以身為界?因觸所生,以觸為界?

午三 分合難破 分三 未初 破因身生 \_ 破因觸生 三 破和合生

## 阿難,若因身生 **,必無離合,二覺觀緣** • 身何所識?

之助緣 又 作 是雖有 之別;又有離時覺觀,合時覺觀二種。若謂身識 此破單根 解 身根 , 何能生汝身識乎?縱許能生身識 :合離是觸 , 必定無有離合二種 ,不能生識 塵 , 覺觀指識心 。覺觀二字,麤緣為覺 , 所覺觀之塵緣 謂必定無有合離, , 無有觸 , , , 細緣! 塵 單因身根而生,不藉觸塵者 則惟身無境 ,將何所識耶?此計識因身生 曰 二種觸 觀 0 有能 , 安能生識乎? 塵 覺觀 , 為 生覺觀識心 , 與所 此句 覺觀 , 如

## 未二 破因觸生

者

1,非也

#### 若 因觸生 ,必無汝身 • 誰有非身 • 知合離者 ?

此破 軍塵 ,亦不能生識。若計身識 , 單因觸塵而生 ,不藉身根者 必定無有汝

462

身 惟 塵 無根,不成身觸為緣之義;世間誰有非依於身,能知合離之觸塵者?離卻

### 未三 破和合生

身根

則能生之觸塵

尚不可得

,則計識因觸生者

,亦非也。

## 阿難,物不觸知,身知有觸。

此標觸知之相 ٥ 世間之物,不能自觸而成知,必定與身相合,方知有觸 此二

句,為下正破共生之張本耳。

#### 知 身即觸 • 知觸即身;即觸非身 • 即身非觸 0

之識 此 破 知 身觸合處 識 , 文有 必與身合方知有觸 知 此下文分三段,正破身觸和合生識 , 仔細 , 即從觸 四句 , 所 審察 • 源之知 ,還是 上二約雙即 所生 , ` 逐計 知身乎?還是知觸乎?知身即觸 並不兼乎身,以身但為所知;若知於觸 屬識 ,不得為共生;下二約雙非 身觸,和合共生。今以所生之識 身字屬根 , ;觸字屬塵 俱不成共生之義 。此文承上,物不 , ,亦不得為共生 知觸 0 此 2中首句 即 ,無雙兼根塵二相 , 身者 此識 知字 : ·能自 知即從 若 0 乃以 知 , 於身 即 觸 身所 上段 所 而 生 為 成

生 並 不兼乎觸,以觸 亦但為 所知;上句即觸 所生,下句即身所生, 其識知 ,皆單

屬一邊,何得為根塵共生耶?

第三句 觸 知 兼 即 一相連 從 於觸 塵 , 若 即 觸 亦 觸 知觸 :即是從觸塵所生之識 所 , 何得 生者 亦 非 單 身 塵 為共生耶?交光法師所云 者 四相連,解曰:所生之識知,若知身根者, 屬 , , 即 身之一 則 , 此 菲 身非觸者 知 兼 即從身 邊 於 ; 身 : 何 , 根所 即 以為共生乎?另作 惟單屬於觸之一 ,當非兼屬 觸 即身 生 , : 接第四句 ?,乃承· 多根 所生 邊 ; 上二句 , 無兼相」 何得為共生耶?第二句 : ,若此識. 即是從身根所生之識 解 , , 以便 即觸即身之文。若此識 者是也 此知 知 易 , 即是從觸 即從 知 0 四 身 所 旬 中 生者 塵 , , 當非 所生之識 所 , 生 以 , 則非 兼 知 接 屬

## 身 觸 二相,元無處所,合身即為,身自體性;離身即 是 虚空等

相

0

對立之處所 此 段 以能生根 此二句 塵 , 標 無 , 、內外對立之相為破。 下釋云:以觸 合身 以身根之與觸塵 即 與身為 自體 三相 合而不分; , 元 也本 若 無內外 觸 離

4 6 4

相 身 ,何能共生身識耶?交師所云:「能生無對相」者是也 即是虚空等相。等指色法,身外無非色空諸相。此明合離,皆無身觸對立之

# 内外不成,中云何立?中不復立,內外性空。則汝識生從誰立界?

竟從誰以立界耶?三分合難破竟 之性亦空。末二句總結,不能共生。以上三界,皆不得成之故,則汝身識之生,畢 間所生之識,亦何從而得安立?中二句,因中間所生識界,不復成立,致內外根塵 此明根 ` 塵 、識三界,互不得成。上二句因能生根塵 , 內外二界不成 , 以致中

#### 午四 結妄歸真

#### 是故當知 三,本非因緣,非自然性 :身觸為緣 ,生身識界, 三處都無。 則身與觸 • 及身界

0

準上可知。五身觸識界竟

무 意法識界 分四 午初 標舉三界 雙以徵起 三 分文各破 四 結妄歸

#### 真

阿難,又汝所明,意法為緣,生於意識。

午二 雙以徵起

此識,為復因意所生,以意為界,因法所生,以法為界?

午三 分文各破 分二 未初 破因意生 二 破因法生 今初

阿難,若因意生,於汝意中,必有所思,發明汝意;若無前法

無所生。離緣無形,識將何用?

根之中 所緣法塵 思之法塵 此約根塵存亡破。故呼阿難,而告之曰:若謂意識,單因意根所生者 ,必有所思之法塵,方可發明汝能思之意根,以塵存則根存也;若無現前所 **一,根亦無形可得,云何而能生識耶?若是根塵雙泯,識將何用?** ,則能思之意根,亦無所生,是塵亡則根亡也。離緣無形者:以意根離 ,然汝意 卻

**讖意?唯同與異,二性無成** 生?異意不同 又汝識心, - 與諸思量,兼了別性,為同為異?同意即意,云何所 ,應無所識。 **,界云何立?** 若無所識 。云何意生?若有所識,云何

4 6 6

之根 此 兼 約 根識同異破。 同 也 0 破云:又汝意識之心,與諸思量之意根 識心指意識;思量指意根,即第七識 i; 同 ,恆審思量 為能了別性 , 為意 , 且道 所依 根

識

,

為同

耶?為異耶?

成 根 異 根 識 為意 , , , 若 則此意識之界,云何可說從根而立耶?是則以意根,為生識之界者 則 同 根所生?若識心異於意根 同 識 意 果無所識知 性 為 i無成者 即意 即 1 是意 別性 四句 ,云何 : , 根識: 承 ,則非意根同類,云何名為意生之識?若有所識知 意指意根。 上結 唯一,二性 可 云 分此是意識之了別性耶?此是意根之了別性 : 惟同 ,而不同者,則定同無知之塵 若識心同於意根 .與異 無成 , 根識二 若異意根 ,則識心即是意根 性 , , 悉皆 則不名識 無成 ;既是同 , 0 根 何 , 識 以故 云何 ,則識心與意 郭 二性亦復無 塵 非也 ? 識心 ? , 若 唯 應 同意 無所 同 又 與

### 未二 破因法生

法 若 因法 • 及與觸法 生 • 世間諸法 ,相狀分明 • 不 ,以對五根 離五塵 , 汝觀色法 ,非意所攝 , 及諸聲法 0 • 香法 、味

有 者 相狀 然而 首句法字 分明 世間 , 以對眼等五根 所有諸法 ,指內法塵,餘六個法字,皆指五塵實法。若謂意識 ,不離色 , 均非意根所攝之法 聲、 香 、味 觸 。意根所緣法塵 五塵,今汝且觀 , 乃前 , ,單從法塵所生 色等諸法 五. 塵落卸影 , 悉

子,五塵之法,決不能入於意根。

### 汝識決定依於法生,汝今諦觀 ,法法何狀 ?

實觀察,法塵之法 上二句牒定。若汝識心,決定依於法塵生者,既有所生,必有形狀。汝現今諦 ,畢竟作何形狀?上一法字 , 別指法塵 ,下一法字,同 上五塵之

#### 若離色空 動靜 • 通塞 、合離 、生滅 越此諸相 終無所得 0

法

此破

內無自體也

字作離 此中五塵 解 0 謂 汝之法塵 ,甜淡味塵,含在四塵之中。生滅即屬法塵,此二字應連下解釋 , 全係五塵影子, 有形方有影 , 若汝生滅法塵離卻色空等前 越

#### 生 則色空諸法等生 滅、 則色空諸法等滅 0 所因既無, 因生有

*Ŧ*.

塵

,

豈

|能別有自體耶?當如離形

其影終無所

得

# 識,作何形相?相狀不有,界云何生?

色空五塵諸法同滅 等字作同字解 ,如形滅影滅,此破離外無體也。 。法塵生,則與色空五塵諸法同生,如形生影生;法塵滅 。則與

事 也 塵 , 況此文分破中,又極明根塵虛無,故無復共生之相可破。三分文各破竟 相狀不有,則意識之界,云何因法塵而生耶?是則以法塵為生識之界者 此科無破根塵共生之文,以意根與法塵,皆無自相,意根乃七識,法塵為影 所因之法塵 既無自體 , 因他生有之意識 ,又作何等形狀相貌乎?既能生之法 亦非

### 午四 結妄歸真

#### 是故當知 :意法為緣 • 生意識界, 三處都無 0 則意與法 • 及意界

# 二,本非因緣,非自然性。

理 而自可達彼諸門之義 而 交光法師云:「此科可為理事無礙法界之由致,雖不全具彼之諸門, .兩不通融,故皆不能入理事無礙法界。今經且將事相,一一融歸於理 , 故曰由致。良以凡夫著於事相,而全不見理,權教 但悟此 隔 即彼 乎事

大佛頂如來密因修證了義諸菩薩萬行首楞嚴經講義第七卷

十門中,全事皆理門也。既達諸事即理,則眾妙之門,自可相次而洞開矣,非彼由

致而何哉!」合上三科,丑二會通四科即性常住竟。

楞嚴經講義第七卷終

# 大 佛頂 如來密因修證了義諸菩薩萬行首楞嚴經講義第八卷

福 州 鼓 山涌泉禪寺圓瑛 弘 悟述 受法弟子 明暘 日新 敬校

阿 |難白佛言:世尊 圓彰七 大即性周徧 ! 如來常說 分二 寅 初 和合因緣 阿難轉疑雙非 • 切世間 如來進示圓旨 • 種 種變化 今初

皆因四大和合發明

0

之執 說 緣 緣 合 , 0 , , 此由 但 和合即因緣和合,故並稱焉。 及自 至 , 於九番顯見超情科中,佛已與自然而併破矣。 一於世間諸 是如來 [阿難執權疑實 然性 , 時權巧方便, 所 相 以 , 因緣和合之執如故 騰疑復問 0 執昔日所聞因緣權教,疑現今所說了義實教。蓋阿難因緣 以因緣正理而破外道 也 • 佛初立 阿難 仰白佛言: 0 |教,以因緣為宗,對破外道自然 所 以聞佛於四 邪說 世尊 阿難祗知妙覺明性 ,非大乘了義之談 科 ! 世間法 如來昔日常說 , 皆云 非因 , ,今經為 , 所以常 和 非 緣 · 合 因 大 和

切世間 ,種種變化四句,即舉四科諸相。一切 (蓋) 包括之詞,世間 .乃有情世

了

義

教

, 阿難

不達斯旨

,是以執權疑實也

之外 萬別 間 身 屬 身 , 意根與六識 及器世間 身;受 意 種 根屬心 種不一 **(**、想 ,簡言之即身、心、世界。五陰中色陰即器世間之外色,與有 0 , , 、行、識四陰,即有情世間之內心。六入即有情世間 無非因緣和合,虛妄有生,皆自本無,變化 即有情世間之內心 十二處、十八界,十一 0 四 色法 科諸法乃世間有為之相 ,即器世間之世界, 而有 細 與有情 。故曰:「皆因 身心 分之 世 , 前 清世間 清世間 間 則 之根 千 五. 差 根

# 云何如來 , 因 緣 、自然,二俱排擯?我今不知,斯義所屬

四大,和合發明」,是則不出因緣矣

何意 斥 而擯棄之?若單遣自然,原是外計 ,而我現今不知,雙非因緣、自然,斯(ё)義之所歸屬?此句即言不知雙非之 上段執昔權義 , 此文疑今實教 0 阿 難日 , 因 無可 :云何如來,因緣 嶷 ;而併遣因緣 ` 自然,二者俱 有違自宗 果係 同排

#### 惟 垂哀愍 • 開示眾生 • 中道了義 • 無戲論法 0

旨

屬於何宗何教,故下請佛開示

惟 願 如 來 ,垂慈哀愍:哀憐我等惑深,愍念我等智淺,不知非因緣非自然, 斯

故佛責以 法 為 此 法 義 法 所屬 , , 為 因緣是學者世間戲論,自然是非學者世間戲論 非 亦 如 印中道了 自 。今求開示 ,如說藥人,真藥現前,不能分別者此也。初阿難轉疑雙非竟 來藏 然 , ,妙真如性 即 妙性不墮於無為 義 ,中道了義,無戲論法。此阿難所請之法 0 中道者不偏有無二邊,謂之中道;非因緣 。 阿 .難所請之法,即佛已說之法 , 有無雙遣 中道現前 ,非因緣非自然, ;正是大乘了 , 迷而不知,更為疑請 ,正是四科所說雙非之 , 即 即無戲論 妙性不滯 義 , 真 實之 於有 法

爾時世尊 無上菩提 如來進示圓旨 , 告阿難言 ,故我今時 全 • 汝先厭離 卯初 • 為汝開示 責迷許說 , 聲 第一 聞 • 總喻性相 緣覺 義諦 • 0 諸小乘法 三 別詳七大 ,發心勤

之妙定;是汝先已厭離聲聞 乘者 此 而 ?如來述其應求施教之意。 說 汝自婬室歸來 , 、緣覺 悔恨多聞 爾時世尊,告阿 諸 未全道力, 小乘法 ,回小向大,已發心勤求 **!難言:我昔日因緣之教** 慇懃啟請 , 十方如來 , 乃應求小 無上菩提 得成菩提

之佛道矣

然 住 破 識 , 即是中道了義 會 故我今時 以後之時 相歸 性 , 0 , 為汝開示, 十 真心者 (第一) 番 顯見 , 真如 第 , 第一 尅就根性 \_<del>-</del> 義諦 實 義諦 相 也。 , : 無戲論 ,直指真心 即是應汝所求, 即事 之法 即理 ,攝事 , 早為開 全妄全真 而施汝大教 歸 示 理 , , 何待 非因 會通 0 更請 非緣 今時 四 科 ? , , , 亦 即 即 非 性 自 常 番

#### 如 何復將世間戲論,妄想因緣 • 而自纏繞 1

,

聲聞 捨 小乘法 妄想與因 如何是怪責意。此怪責阿難, [緣相 如 何復將小乘學者 關 心思因緣 , 是謂妄想因緣 格**惜舊聞** 世間 戲論 , 之因緣法 因緣權教,而不肯放捨。謂汝既厭離 ,口說因 , 緣 自 [纏自繞 是為因緣戲 ,迄今猶不肯放 論

#### 汝 (雖多 聞 , 如 說藥人,真藥現前,不能分別 • 如來說為 • 真 可 憐

#### 愍 Ī

能 求 說 為 藥名 此怪責阿難 汝說非 而 因緣 未親採 , 雖聞中道 , 非自然之了義 , 真藥現前 ,第一義諦 , 不能分別是真 , 汝不能 ,不能識取,謂汝雖多聞第 諳 識 , 反疑棄之。真藥喻如來已說第 汝如說藥之人 , 熟讀 , 本草 我今應汝所 , П 雖

諦;不能識取,反生疑難,豈不真可憐愍哉!

義諦

# 汝今諦聽 我當為汝分別開示;亦令當來,修大乘者, 通達實相 0

# 阿難默然,承佛聖旨。

如方說出諸火,每一星之火,皆有洞燒林野之極量。 火 四科 者 因緣 達 藏 令當來之世,修習大乘行者(ڃ),皆得通達實相,共入如來藏海也。實相 以諦聽。 ,通達實相 而 方談其一 清淨實相 首句誡聽 名異體 非自然 未 我當 及言 同 ,不過重明非因緣非自然之義,非離前法而別有也。如 為汝 ,下則許說 , , 本如來藏 則知十番顯見 皆是性真 本經佛與阿難釋迷悶科中,即責其汝等聲聞 皆可洞燒林野 ,分別開示,非因緣 , 。已說真理, ,妙真如性 而未嘗言其一一 所顯見性真心, 0 此處標許下 亦即清淨實相 不能會悟 ` 非自然之了義;不獨 皆周法界, 即清淨實相 別詳七大,方談其一一 , 都緣徒聞 四科但顯法法當體真常,七大 0 如指香柴煤炭 本科又標許 , 復於四科 為汝 不肯諦實審察 狹劣無識 , , 《正脈》 現會 令現未修大乘 皆周 , 大眾 與如來 不能通 言其是 所云: 法界 皆非 故誡 ; 亦

極顯法法圓融周徧。前後兩科 ,義理淺深,即在是矣

界諸法 之體 中 空 捨一法;若言其有,則不立一塵,即空不空如來藏,即空不礙妙有 等實相 , 實相 欽承領受 乃藏性體用雙彰 , , 非 即空如來藏,空諸 !有三,即三如來藏: ` 無諸相也,乃藏性隨緣之用 無不相之實相 ,我佛大聖之法旨。 阿難默然,承受聖旨者:默然即凝神靜慮 : 並非無相 切, 初責迷許說竟 虚妄染法之相,併非本體而全無也, 無相之實相:無一切妄法差別之相,祗有一 , 而能隨緣現 。 <u>=</u> 無相無不相之實相:若言其無 切相 , 即 不 空如 , 心入於語義之 來藏 ,妙有不礙真 乃藏 , 具足十 性 真平 則不 不變

### 卯二 總喻性相

#### 阿 .難,如汝所言 一:四大和合,發明世間 • 種種變化 0

明世間 此牒取阿難問 種 種變化者 .詞 , 汝實不知,四大之性,本非和合 , 呼 阿難言: 如汝前來所言 , 以地水火風 , 非不和合之故,今當以喻明 ,四大和合 ,方能發

之

#### 阿 難 • 若彼大性 • 體非和合 ,則不能與諸大雜和 • 猶如虛空 • 不和

#### 諸色。

不離 之不和諸色, 不能 義 言 0 與諸 若謂彼四大之性 此 性 睮 以異喻別明 亦 , 相 反顯 大之相雜和 ᄞ 故非不和合 性中之相 0 大性指 , ,體即性體,如非和合者,只許性之不變,不許性能隨緣 先明大性, , 猶 四大之性 , , 如虚空之不和諸 性即相中之性 此名異喻 非不 , 即 如來藏: -和合。 , 性 色也 性也 和合不和合,約性相論 相 ۰ 雖有二名,性 此與真如隨緣之用相反 0 諸大指 四大之相 相 本 來 , 0 相從 文中 體 , 迴 性 , 足異虚 此 法 起 固反 為 則 相 空 正

#### 死 和合者 • 如旋火輪,未有休息 同 於變化 始 終相成 • 生滅相續;生死死生 • 生生

死

滅 變 既 則 此明大性 滅復生 應 河諸 ,而生滅相續也, ,非是和合。若謂四大之性,是和合者, 大之相 , 變易遷化 此約無情世界而說 , 由始 而 終 因終復始 生死死生 只許性之隨緣 , 而 E始終相<sup>6</sup> ,生生死死者 成 ; 不 也 · 許 性 0 從 生至 因 生 仍不

亦 根 有 法 身 死 固 줆 至 反言 說 死 是知 復 , 喻 生 內外四 苏 , 而 反顯 遞 大 互相成也。 0 與真 皆 如不變之體相反 變化相,若大性如此 生而 復生 , 死而 , 非同火輪之不息, , 再 猶如 死 7,亦前 旋火成輪 後相 故非是 續也, , 未有 此 和 休 息 約有 此 此 情

亦

兾

喻

爾 云 火輪不息 則 大性是有法 此 真 段文 如用 若爾 不隨緣 , 具宗 , ,體非和合為宗,因云:不與諸大雜和故;喻如虛空不和諸色。 則真 0 ` 如體非不 後量云:大性是有法 因、 喻三支比 變 量 , 以法 , 和合為宗 喻皆與大性 0 因云:同於變化 相反 , 落 於 非 故 量 0

前

量

若

喻

如

#### 阿難 如 水 成冰 • 冰還成水 0

還 今 以同 則體 (也)成· 此單喻 非和合 喻 水 顯 而 0 上 法 顯 , 則墮自 一句 真 ,乃以同喻,翻前 大性體雖 如 不 然 變 ` , 礻 隨 而 緣二 ·變 失隨緣之義 , 義 異 而 喻。 用能 , 故 隨緣 喻 重 呼 大性不變隨緣 阿難 則 成 相 和 之名 合 既不如虚空不和諸 , 則墮 , 而告之曰 , 隨 因 .緣 緣 不變 , 而 如 失不變之義 ,翻前二段 相 水 成 當 冰 如何 , 冰

大 佛

頂

如如

和合耶 等乎?當 如水能隨緣成冰, 無所和合,而能現和合之相,水不離冰,豈一 定屬於非

如冰還 玩 足顯 下句 成 大性用雖隨緣成相,仍然不變本體 不變 水 但似 。正因不變 和合 , 終無和合之實 ,故還為水,正於還為水處, **分** 量一 , 定屬 既不如火輪之不息,當如何等乎?當 於和合耶?交光法師謂 見其非真和合,若真和合則 : 還字當

以袪舊 破 相 難 如水冰冰水 阿難久習權宗 變矣!如青 和合及不和合 前 總立 如 言 來 見 , |量云:諸大性相是有法 則雙明 四 冀得 1、黃和合,即變為綠,豈能還為青、黃乎? 大 異喻 , 和 2新悟也 性相 迷性執相 合 恐阿難和合被破 如虚空火輪 , 。良以權宗 發明 諸相 , 故有斯問 阿難但 0 , 此量與諸大性相相合 ,雖依性說相,性是密意,惟說法相 ,非不和合非和合為宗,因云:隨緣不變故 如來所答 轉計 L 執 因 緣 0 如來則性相雙舉, :不和合 ,有二意應研 和合 , 故此兼破 乃為自宗 , 為真比量 究:一、 明相依性起, , , 以杜轉計也 因 何 , 排擯 呵 其理 難 ,不說法性 但 以 極 ? 問 成 如 性 。二總喻 來 四大之 融 ; 同 則兼 相 喻 ßп

性相竟。

別詳七大分七 辰初 地大(至)七識大(長初 四地 巳初 標性約析 就析

詳辨 結顯體用 四 變拂 計 今初

#### 汝觀 相 ,七分所成 地性 • **麤為大地** ,更析隣虛 細為 • 即實空性 微塵 • 至隣虛塵 0 • 析彼極微

色邊

者為微 和合非不和合,故教觀地大。 識三大, 性 五. 一陰中色陰 ,十二處之意根 阿難但言四大和合,發明世間諸相。佛今廣融七大者,以四大攝法未周 塵 則收盡有為諸法 至隣 ,十二處前之十一處,十八界五根、六塵, 虚 塵 ,十八界中意根 , 以微塵 , 此 汝且觀察,此地大之性,有麤有細 |分析作七分,名極微塵 .佛廣談七大之意也。 意謂汝阿難 、六識 ,及色陰之空,皆不能攝 ;極微塵再分析作七分,名隣 而受想行識四陰 ,不達諸大之性 ,麤者為大地 0 故 加 空 ,六入根 ,但攝 ` 見 , 非 細

虚 塵 , 故用 至字

隣 虚 塵是析彼極微塵 七分所成 0 極微塵 ,分作七個隣虛塵 此塵是色邊際

成之隣 塵 相 0 非 文中色邊際相四字,當在七分所成之下, 虚 是色邊際相 塵 , 即是色邊際相 ,因尚有隣虛塵故 ;與虛空為隣 ,自當易之。應作如是解 , 故名隣虚塵 諒係抄寫之誤 0 不能更析 0 :析彼極微塵七分所 若連上者,以極微 , 若 更析 隣 虚

即歸於空,實是空性,而非色性矣。

### 巳二 就析詳辨

# 阿難,若此隣虛 ,析成虛空,當知虛空,出生色相 0

此方儒宗所執 知 , 此就 虚空定能 析色歸空 出生色相 虚以生氣 , 顽 , 定合空成色 空生 , 氣以成形 色相 , 0 , 而 本無是理 謂若此隣虛塵 世間 萬物 0 佛故意為難 , 皆從陰陽之氣 , 既 可 析 , 成虚空, 以破和合之計 ,所成等偽 自當: 以此例 , 併 破

# 汝今問言:由和合故,出生世間,諸變化相 0

此牒定和合因緣之執。

#### 汝 且觀此 • 隣虚塵 • 用幾虛空 ,和合而有?不應 隣虚 一,合成

#### 隣虚。

者合細 成自 虚 用 計 異 應 幾虛空 由 ,合成隣虚耶?倘說隣虚合成隣虚,則當有三過:一者合自成自過。蓋唯有合他 0 而 色 和合而有 此 成細過 (要阿難自己審觀 未有合自成自者;二者合一成一 )是有相 隣 虚 , 和合而有 塵 ,蓋唯有合細 。汝且觀此一隣虛塵,用幾多虛空和合, ,色法之最小者,此塵之外 , 空是無相 . . ,謂汝言世間諸法,和合發明;而隣虛塵,即色法之一,亦 設若汝說和合,乃是合色成色,非言合空成色者 , 成麤 佛 明知空無數量 , 未有合細成細者 過,蓋唯有合多成一,未有合一 ,更無色法可 ,本不可合,故意舉此 0 如是隣虚 和合 而有此隣虚塵也。色、空相 , 除非合空而 ,既非合色所 , 成 以破和合之 成 ,豈是隣 成 者 故問

# 又隣虚塵,析入空者,用幾色相,合成虛空?

是合空而有

,

故問

其用幾虛空,

和合而有?

生虚 之自語 空空 此如來以析入,而難合成。良以析色歸空,是小乘之自教,諸法和合 , 究竟用幾多色相 今則順彼自教 , 難以自語 (犘産) 合成虚空?佛明知色非合空所成 , 故又曰 : 隣虚 塵既 可析入虛空者 空非析色而 , 當. 知 , 色相出 是阿難 有

和合 故 作斯 則非析入,與自宗析色歸空相背,兩處負墮,故默無辯 難 0 阿難不能施辯何也?以順析入,則非和合,與自語諸法和合相違;以依

#### 若 色合時 • 合色非空;若空合時 ,合空非色;色猶可析 • 空云何

以故? 空不可合 有 猶 由 本不可合。 是而 可 , 隣 虚 既 非 和 合 而 有 分析 此 無形 結 觀 申正義 ,則諸法和合而有之執 , 縱許虛空和合之時,合空亦祗是成空,決非可以成色,此為一定之理 段故 觀 色空俱非和合而有也 猶 。若色法和合之時 , 可二字 無數量故 ,則世間種種諸法,執為因緣和合者,豈實義耶?此中但以 , 析色但自析色 ,云何可說和合耶?佛意以空不可合 ),明矣 破盡無餘矣 ',合色祗能成色, , 0 實非析色可以成空 色猶 可析 , 決非可以成空 空云何合者: , 空終無和合之義 , 則隣 然又當知 , 而空無形相 虚非和 色法 合而

何

### 結顯體用

#### 汝元不知:如來藏中 , 性色真空, 性空真色, 清淨本然 • 周徧法

#### 界。

之理 者也 空真色者:乃指如來藏中,性偏色空,互相融即,此七大,科科皆曰如來藏中, 因緣和合者 發現者說也 屬理具之七大 此 明全體圓融。地大之色,體即法界,色空圓融無礙,本非和合。 圓 如 來藏 融 無礙 因無始覺妙智,元不知如來藏 (,當約藏中未發現者說 即真心之別名 ,含藏一切諸法 , 乃依理立名 無一 不同前四科 法不在 裹許, ٥ 如來二字,即真心不變隨緣 ,本覺妙理之中 , 故曰 是屬事造之七大,乃為藏 [如來藏 ,無法不具 中 0 性色真空 汝阿難固執 , 隨緣 無法 一中已 不 不融 , 是 性 變

但横 理 別有哉?」而 為識大;約橫論 故曰 問 豎 本如來藏 、開、合之不同耳。約豎論,則開色陰為前六大,合受、想、行 四科之法,何以亦目為七大?」答:「陰、入、 :如來先會四科即藏性 ,則合六塵為五大,合六根為見大,合六識為識大。何嘗離七大而 0 此科是說未發現七大,一一含具藏中, ,是將已發現七大,一 以明全性全相 處、 會歸藏性 界 , 與七大無別 , 以 明 識 故 即 四陰 事 如 則

之空 言其非 字 來藏 色 ; 為色空之本 即 色 色空 其故 《中;觀中字即理具事造所由分也。問: 性空真色 真 ,即是真體之色, .俗,亦即體而非用也。有以理事體用合釋者,非也。 色者 何也?」答:「地大為色法所攝,易以色字,舉其總也。」 本 0 , 字別義同 非指 屬 真色 對待 ;世間已發現之色,乃指藏 性空 豈待合空以成色也 融之則性具之色, , 。總成色空融即 今影互用之,若不影互應有四句 , 即是真體之空, )。性則言其非相 其義方足 「本科原屬地大,不言 中性具之色,真體之色, 豈同 , ,亦即理而 性真二字,即是理體 當曰性色真空 析色以歸空也 |地大,而易以色 非事也; 色而 與空相 , 真空性 稱 · 真 則 性 融 日 性 具 相

之空也 空 自 之色也。又性空真空,非但揀異於凡夫外道 性 唯 清 又性色、 性 淨 唯真 此之色空 不 真色 佊 , 労用 即同體清淨也。周徧法界者:上句約藏性,本具不變之體 ,俱屬全體 , 非但 , 並非澄之使清 |揀異於已發現 ,隨心應量下, , 滌之使淨 , 世間 ,頑斷之空,併不同乎般若觀照 方顯大用 **麤細之色**, , 乃本來 清淨本然者: 清淨 併 不同乎般若觀照 無有 濁 指 垢 如 , 此句約 藏 **,即色** 來 , 即 中 藏 色 空

藏性 ,本具隨緣之用 。未經起用 ,但周徧於理法界, 若從體起用,自可周徧於事法

界矣。起用在下一段。

# 隨眾生心,應所知量。

緣之用 無不副其心 心 起差別之相 有勝劣之不同;量以知識言,九界眾生知量,有大小之不等,此皆從平等性中 此 而 明 無 ,隨九法界眾生之緣 大用 不滿 。若眾生, 無限 而不滿其量也。 洪量也;若眾生 用從體 但以劣心小量致之,則所以應之以麤少之色者,固 起 , 此眾生,即九界眾生;心以根性言,九界眾生根 交師此解 ,能以勝心大量致之,則所 , 事造不離理具也 極好 ,併下段乃為千古獨唱 仍本如來藏 以應之以廣妙之色者 ,不變之體 無人能出其右 無不 現起隨 副 性 亦 其

### 巳四 雙拂二計

者

度 循 常業發 • 但有言說 現 0 世間 ,都無實義 無知 憨 ٥ 為 因 緣 • 及自然性 0 皆是識心 分別計

染業 彼種 現 聲 依 屬之本意也。又此句正是致下二惑之由,應入此科。蓋業有染淨之分,九界眾生 不得發現 、正二報之色,皆循 交師 種 如 此 雖 !循業發現句,不連接隨心應量下,而列入此科者,因按照以下諸大之文,分 [淨業,雖欲發現,不可得也;二者三塗四惡,一切苦穢之色,若不戒彼種種 影 隨形 欲不發現 云 : 兼表循業 此四字, 豈唯迷位 ,不可得也。蓋不戒即是循也。故此四字 ,則不得不發現 雙具兩種不自在意:一者世出世間,一 (歯)業所感 , 必循染業 ,而發現也。業為能發現 ,而二俱無自由分矣 ,而後能發 , 即是悟人 , , , 亦須循 非但只表不循業 切淨妙之色 色為所發現 淨業 , 若不循 如 而 谷應 後能 則

於因 性 生 業發現,遂起 ;曾不達無礙隨緣之用,隨心應量 緣 執 世 脜 此 無知 業之成也, 生起之近由 因緣 :指有情世間 、自然二惑。交師謂:良以業之起也,似有由藉,故世間淺智眾 似難改移 ,而遂惑為因緣性;曾不達圓融不變之體 ,無有正智之眾生,不了藏性 故世間無智眾生 ,何得泥於自然,是皆為一循業之所惑耳 , 執 此難改之現量 , 不變、 ,周徧法界 隨緣 , 而 遂 二義 惑為自然 何所 因 藉 循

因緣 周 《徧計度,即徧計執性,徧計本空,故曰:但有虛妄言說,都無真實義理 皆是識心,分別計度者:以因緣、自然二惑,皆由第六意識妄心,妄生分別 自然 ,二種戲論 0 和合與因緣相關 ,不和合與自然相關 ,攝在二惑中 。言說指 故不

火大 6回 巳初 標性約求 就求詳辨 結顯體用 四 計

#### 今 初

別列

初地大竟

阿難 ,火性無我,寄於諸緣。汝觀:城中未食之家,欲炊爨時,手

# 執陽燧,日前求火。

陽燧 也 現 。又日、艾、鏡三者,為諸緣。溫陵戒環法師所謂:「火無體 汝觀 火大之性 在於日 下, 前求火,以為炊爨熟食之用 要阿難就事以驗。汝觀看室羅筏城之中,未食之家,要炊爨時 , 無 有 自 體 ;我即自體 。寄託於鑽木、 。陽燧是取火之鏡,以此試驗,火大是否 執鏡 、擊石等諸緣 ,寓物成形者」是 , 而 ', 手執 得 顯

和合

而有

如鏡 淮 南子曰 陽 中 燧 -央窪 : ,崔豹古今註云:「以銅為之,如鏡之狀,照人則影倒,向日則火生。 陽燧 ,天晴向日 、火方諸也。」王充論云:「五月丙午日午時,燒煉五方石 ,其光影注處即燒。」引此一事 ,以為下文,破和合立難 ; 圓

巳二 就求詳辨

之本

門種;優樓頻螺 阿難,名和合者,如我與汝,一千二百五十比丘今為一眾;眾雖為 ,詰其根本,各各有身,皆有所生,氏族名字。 ,迦葉波種;乃至阿難,瞿曇種姓 0 如舍利弗 ,婆羅

火 者 各人之身,皆有各人所生之姓氏、種族、名字不同,後合為一眾。火大若是和合 千二百五十比丘,今為一眾,是為和合:眾雖為一,若詰其和合之根本,各人有 ,艾生之火,鏡出之火,今合為一,可說和合, 火大是一 此 (舉和合之例反例火大,不同如是。凡言和合者,必先分而後合, , 若詰: 其根 本 , 亦應各有體質 ` 種 類 若不爾者,和合之義 、名字不同 , 如 河指: 如我與汝 出 自不能 日 來之

成。

族 龜 印度智識階級 氏 , 佛之始祖 如 舍利弗,婆羅門種,此云淨裔,謂是梵(雲)天苗裔;又云淨志,志生淨天 先 人在此脩道 。優樓頻螺此云木瓜林,依此林脩道故,依之立名。迦葉波種 ,日炙甘蔗而生,號瞿曇氏;又譯日種 , 感 靈龜負 圖 而 應 ,以是命 族 0 阿 ,又譯甘蔗,後四世改為釋 難瞿曇種姓 , 此云 台莊種 ,此云

阿 難 ,若此火性 -,因和合有,彼手執鏡,於日求火,此火為從鏡中

# 而出?為從艾出?為於日來?

迦

此舉眾之所生,氐族名字也

此文前二句先牒定,下標徵。若此火性 [前求火,此火為從鏡中而出來?為從艾中而出來?為於日中而出來?先徵後 , 是因和合有者, 彼人手執火鏡 於

# 阿難 • 若日來者 ,自能燒汝手中之艾,來處林木,皆應受焚?

破

此破火從日來。 若謂火從日來,自能燒汝手中,所持之艾,是日中有火,

所有山林樹木,為日所照之處,皆應受焚;今既不焚,則知此火,非從日來矣

# 若鏡中出,自能於鏡,出然於艾 ,鏡何不鎔?紆(ڃ)汝手執,尚無

# 熱相,云何融泮?

尚無熱相,鏡云何而得融泮?融泮即化也。鏡既不熱,則知此火,非從鏡出矣 大 ,火能 此破 剋金 火從鏡出 ·一,鏡何以不銷鎔?又鏡中有火,定有熱相,現紆屈汝手,執持此鏡 。若謂火從鏡中而出 ,自能於鏡中出來,然燒於艾, 是鏡 中具火

# 若生於艾,何藉日鏡,光明相接,然後火生?

此破火從艾生。若謂火大出生於艾,艾當自燃,又何所藉日鏡光明 , 與艾相

接 ,然後火於艾生。不接不生,則知火大,非從艾生矣

# 汝又諦觀:鏡因手執,日從天來,艾本地生,火從何方,遊歷於

#### 此?

難 , 再 諦實觀察 鏡 ` 日、艾三者,各有從來,而火何所從來 , 而遊歷

於艾乎?既無從來,當非和合

### 鏡相遠 ,非和非合;不應火光 ,無從自有 ?

和合之相。後二句反難云:不應當火光 凡言和合,須同處相雜相交,現日之與鏡,一在天,一在地,相隔遙遠,非有 , 無因自然而有;從即因也。 以上至非和非

合止,先破因緣,後二句破自然。

#### 匕三 結顯體用

# 汝猶不知:如來藏中,性火真空,性空真火,清淨本然, 周徧法

#### 为。

全性 有之物 為 吾先為汝發明,地大即藏性,應當覺悟,何以汝依舊不了知 相 真理 兩 句 此顯全體圓融 圓 , 乃天真本具非和合不和合也?性火真空,性空真火:亦互影言之,合四句 謂性具之火,即是真體之空;性具之空,即是真體之火,即火即真 融 火大是事 無礙 體本清淨,離諸染垢 0 , 事 猶者依舊也。不知由無真智,不達真理 不離理 , 由阿 難 狹劣無識 0 即六祖大師所云:「本來無一 不能 通達 ,火大即藏性之中,本 , , 清淨 如來藏,即是清淨實 實相 物 0 故責云: ,何處惹 全相

塵埃。」周徧法界,即是體徧,用徧乃在下段。

# 隨眾生心,應所知量。

此與上科 ,體用攸分。 上明藏性不變之體 ,此明藏性隨緣之用 ,用元從體起

亦 心隨 緣 而 睴 , 乃隨九法界眾生,勝劣之心,應其所知 ,大小之量 ,隨緣顯 現其

用,即事可以驗知。

# 阿難 ,當知世人, 處執鏡,一 處火生;徧法界執,滿世間起。起

# **偏世間,寧有方所?**

此即事驗知 。一人一處,執鏡求火,隨一人之緣,一 處火生;徧法界眾生 執

境,尚見無限,而聖分上,更不待言;隨心應量,於此可知矣 鏡 求火, 隨多人之緣,滿世間都有火起 0 起徧 世間 ,寧有一定方所?此約凡夫現

### 巳四 雙拂二計

#### 循業發 現 0 世間 無知 憨 為因緣 • 及自然性 • 皆是識心 • 分別計

# 度,但有言說,都無實義。

之士 循染業而後能 循業發現 亦須循 淨業而後能現 發 ,乃為因緣、自然,二種妄計根本。此火大不獨迷位 ,如餓鬼之道 , 如 ,饑火交然,頂髮煙生 火頭金剛 , 鳥芻瑟摩 , 口 , 化 1吐火焰 多婬心 ;縱是修位 成智慧火 ,業障眾生,必 ,大心 此皆

循業發現之明證也

想分別 自 計 外道非學者世間 然 執 性 世 非和合非不和合等, 蕳 , 周徧 但有言說 無知者:謂權乘學者世間 計度 , 無有正智,昧乎藏性隨緣之用,竟惑為自然。此等皆是識心 : , 但作凡解 於依他起 皆屬戲論 性法中 ,凡有言說 ,無有真智, , , 都無真實之義。二火大竟 不了當體 , 如說因緣自然 昧乎藏性不變之體 , 即是如 來藏 , 和合不和合 , 圓成實性 ,竟惑為因緣 , 非因緣非 ,妄起徧 , 妄

辰三 水大分四 巳初 標性約求 就求詳辨 結顯體用 四 雙拂一

今初

阿難 綝 頭摩 • 水性不定 訶薩多等 • 流息無恆 ,諸大幻師 • 如室羅城 求太陰精 • 迦毘羅仙 , 用和幻藥 • 祈 • 是諸師等 迦羅仙 • 及 •

# 於白月晝,手執方諸,承月中水:

恆常 常流 名 也 不定 而 住 近此 也 ,隨緣 斫 水大之性即藏性 , 事水外道也。 是為不定 迦 住故 羅 又 此 而 此 息 句 訶薩多, 三云輪 0 , , 如室羅城下, 對下 如河 等者舉此四人 。體雖不變,用能隨緣 , 水填之則息;息無常息, 求太陰精解 以自執所見理圓 梵語之略 舉事 , , , 以等其餘 《灌頂疏》云: 以驗 求之則流 ,能摧他宗故。缽頭摩,此云赤蓮華 ∞ 迦毘 ,所以不定。流息(੫)無恆 隨緣 不求 羅 阿迦薩謨多羅 , 此云:黃赤色,以其髮黃 則息 而流 (不流) , 如 池水決之則流 ,流與不 , 此云海水 (世):流無 流 兼赤 正 無有 池 顯

陰精 月 白月 師 (月) 壬子日, 書: 求太陰精 諸 方諸 **|大幻師** · 即 在 , 即 中夜 :以其善 :即月中水,用以和合幻藥,為丸作餌,是諸幻師等,多皆如是 水精 夜 , 半子時 珠 月白如晝之時 0 用幻術 許慎 ,於北方(\*\*)煉五方石為之, **日**: ,不僅能幻 ,八月中秋等夜 方, 石也, 化人物 諸 , 且能奪陰陽造化之工 。手執方諸 珠也 0 向月得津 《王充論》 ,承接月中 云 : 水 故 淮南子 稱 \_ 十 。 於 即 太

曰:「方諸見月,則津 而為水。」 故諸幻師 ,以此求水。

### 巳二 就求詳辨

# 此 一水為復從珠中出?空中自有?為從月來?

此標三處徵起 , 下則逐破

#### 阿 難 ,若從月來 ,尚能遠方 ,令珠出水, 所經林木 • 皆應吐流 流

# 則何待方諸所出?不流明水,非從月降 0

皆可 而降 過 近處之林木, 承 此破水大從月來。若說水從月來, ·月中水,又何待方諸所承而水出也?若林木不吐流,則分明此水,非從月中 此破從月來者 皆應吐流 ,非也。 ; 即出水也 此月尚能於隔遠之處,令珠出水, • 此以遠證近 ,當必流水,若必流 則於所經 , 則 隨 處

# 若從珠出 ,則此珠中,常應(睾)流水,何待中宵,承白月晝?

也。

又何待中宵(取半) 此破水大從珠出 ,又何必月白如晝之時耶 若水從珠出 , 則不假藉  $\ddot{?}$ 他緣 , 珠中常應流水 ,隨時皆可承

# 4 9 6

# 復有,水、陸、空行? 若從空生 ,空性無邊,水當無際 ,從人洎(ڃ)天,皆同滔溺,云何

也 如是下自人間 此破水大從空生。若水從空而生者,虛空之性無邊,則水亦應當無際;際即邊 ,上及天宫,皆應同在滔滔大海之中,俱受沉溺之患 ,云何

水居、陸地、空行之分?以上所徵三處,悉已逐破,下令審觀

# 汝更諦觀:月從天陟,珠因手持,承珠水盤,本人敷設,水從何

# 方,流注於此?

來,不從珠出,不於空生,此水究竟從何方流注於此盤中,是不得不加審察也。 承 水, 此更令諦審觀察也。 珠安盤中,故曰承珠水盤。本人敷設:本人即幻師。上已說明 月從天陟:即月在天上行走。 珠因手持,承珠水盤 ,水不從月 ,盤以

# 月 、珠相遠,非和非合;不應水精,無從自有!

在地, 此破和合不和合,二計俱非。若說月之與珠,和合而生水大,一月在天,一 相隔遙遠 ,自非和合;和合必同處不離,方可說和說合。而月珠相遠和合之 珠

也。 計 此非和合之計又破矣。水精謂月中水,即水中之精也 破矣。恐轉計非和合,即破曰:不應當說言,此月中水,無所從來,自然而有

### 巳三 結顯體用

#### 汝尚不知 • 如來藏中, 性水真空, 性空真水,清淨本然 • 周徧法

#### 界。

常恆 即是真水。 由 不動不變;不變體中 汝一向蒙昧,尚且不知如來藏中,性具之水,全體即是真空;性具之空全體 性真二字,字異義 , 本具隨緣妙用 <del>\_\_</del>, 即如來藏體 , 故曰周徧法界 ,清淨本然者 0 0 自性由來清淨 此屬理具 , 事造當在 寂湛

# 隨眾生心,應所知量。

下段

此二句 , 即如來藏隨緣之用。隨九界眾生,勝劣之心,大小之量,皆能應之。

併上清淨本然 , 即所謂寂然不動, 感而遂通之故,下則舉事 驗知 ۰

#### 處執珠, 處水出 • 偏法界執 ,滿法界生 , 生滿世間 寧有方

#### 所 ?

此即舉現前之事,驗知水大隨心應量

### 巳四 雙拂二計

#### 循業發現 0 世間 無知 , 惑為因緣 • 及自然性 , 皆是識心 • 分別計

# 度,但有言說,都無實義。

大唯心,惑為因緣 觀 眾生,隨惡業所感 ,入定之時 首句循即隨也。亦指迷位,及修位眾生,皆隨染淨業,發現水大之相 ,則現水滿室中 ` , 自然二執 則現鑊湯油鍋 , 皆是識心,妄生分別計度;但有言說,虛妄名相 童子投礫 , 血河 |灰河 , 激水作聲等事 , 洋銅灌吞諸事 0 世間 ;月光童子 .無知眾生 0 , 不知水 如地獄 修習水

辰四 風大 分四 巳初 標性約拂 就拂詳辨 Ξ 結顯體用 四 計

都無真實之義。三水大竟。

#### 今初

### 阿難 • 風性無體, 動、靜不常:汝常整衣,入於大眾 僧伽黎角

# 動及傍人,則有微風,拂彼人面 0

風大之性 ,本無自體可得。時動時靜,忽起忽滅,動非常動,有時而靜;靜非

常靜,有時而動 。故曰:「不常」。汝常(セ゚)整(セ゚)衣,入於大眾之中

常披此 僧伽黎 衣 0 衣角動及傍人,則有微風,拂彼人面。且舉此一事,驗證風性無體 : 即大衣,又名雜碎衣,二十五條,各四長一 短 。凡分衛(也)入眾

巳二 就拂詳辨

動、靜不常也

# 此風為復出袈裟角?發於虛空?生彼人面?

此徵問風所從來,下則逐破

說法,會中垂衣,汝看我衣,風何所在?不應衣中,有藏風地? 阿 難 ,此風若復出袈裟角,汝乃披風,其衣飛搖 ,應離汝體。我今

衣 八中有風 此破風大出袈裟角。袈裟此云壞色,義翻離塵服 汝乃披風 風性屬動 ,其衣飛搖, 自應離汝身體;現衣不離體 。若謂此風 ,出於袈裟角 ,是衣中 是

無風 出 垂 則此風不出袈裟角,明矣 衣 ,應補 風藏 救詞 , 何 得 ,文方接續 以飛搖離體為難?佛 。恐聞衣中無風 。我今說法,會中 則以說法 ,乃轉救云:衣中有風 垂衣 垂衣 人,汝看 , 風何 所在 我衣 , , 風何 不 但 應說言 是動 所在 字我 衣 衣 風

#### 生虚 虚空當滅;滅風可見, 空 汝衣不動 何 因無拂 滅空何狀? ?空性常住 • 風應常生 • 若無 風

中另有

藏

風

地破之

風拂彼 可見 風 應常 ,滅空究作何狀耶? 此破風大從空生。 生 人面?空性常住 若以空從 風 若風生於虛空, 下 , 至無風之時 , 以風空性 異為 風滅空亦當滅 應不藉拂衣之緣 破 0 空性常住 。下二句明空無可 , , 風 當汝衣不動之時 性 生滅 , 若以 滅 風 , 從 何因 空 風 無

## 若有生滅 ,不名虚空;名為虚空,云何風出 ?

當 ;名曰虚空 此 以名義 不符為破 ,云何有風而 0 若有生滅 出 空以無物為體故 , 不 應名為虛空 此二句破義不相合 , 空無生 滅 故 , 上二句 若有風 破 名不相 出

則名義雙失耳。

# 若風自生被拂之面,從彼面生,當應拂汝?自汝整衣,云何倒拂 ?

此破風大從彼面生 。既從彼面而生,自當拂汝 。自汝整衣,云何彼 面所生之

風,仍倒拂於彼耶?

# 汝審諦觀 **:整衣在汝;面屬彼人;虛空寂然,不參流動** ;風自誰

# 方,鼓動來此?

此令審觀 。 整衣· 在汝,衣中無藏風地;面屬彼人,彼面亦不生風;虛空寂然

不參(增)流動 ,自不生風 0 汝應審諦觀察 ,風自誰方 , 鼓動來此?鼓即動也 以上

三處,皆無風大生處

# 風 空性隔,非和非合;不應風性,無從自有 ?

上二句, 風空體性隔異 , 一 動 一 靜 ,所以非和非合,此破因緣之執。下二句

不應當說此風 性 , 無因自有 此破自然之執;從即因也

### 巳三 結顯體用

#### 汝宛不知:如來藏中 性風真空,性空真風 • 清淨本然 • 周 編法

#### 界 0

此顯全體圓融 ,全相全性 0 阿難雖曰多聞 ,宛然不知如來藏中, 性具風大, 本

自真空: 性具之空,亦本真風 ,其體清淨本然, 不假功用 周 徧 法界

#### 界拂,滿國土生,周徧世間,寧有方所? 隨眾生心:應所知量 阿 .難如汝一人, 微動服衣 **,有微風出;徧法**

0

此顯大用無限 如汝下, 即事驗偏

#### 已四 雙拂 — 計

#### 循業 發 現 0 世間 無知 怒 為 因緣 • 及自然性 , 皆是識心 分別計

#### 度 ,但有言說,都無實義 0

生 現淨 所循之業 , ,有漏無漏之別;所現之大,亦有染淨不同。 無非隨業 所 感 ٥ 交光法師 , 假立 問答 , 發揮 循業之理甚詳 迷位眾生現染 , 修位眾 而 與 學

者

大有啟發

0

間

:

悟人既須循業

,佛循業否?」答:「在因位循之,

卻即菩

非是不 智眾 修 員 解 似 能之?」答: 也 薩 修 , , 因滿 生 不 則三祗六度 故 」「又所應之知 , 則 ·循業 知 可不相應 昧 稱體作用 果發之後 恆 此 沙 耳 |循業發現之根源 妙 0 菩薩修行未畢 矣 ,終無實果;正以知自局,而量自有限也。 理 然惟 , , 。 \_\_ , 但惟隨心 無不自在 祗益戲論;正以業不循 ,即解悟也;所循之業 圓實菩薩 世間淺智眾生 , , , 正由 惟佛能之。」問: 尚無量之可應 遂惑為自然;此等皆是識心分別計度 , 所 循 循業所發 , 大自在 見此循業發現之近由 , 業 , ,故今非揀其不能作用自在 即修行也。 而果終不發也。 何有業之可循?惟除示現 , 所發十玄妙用 現見菩薩作用自在 若惟務修行 若但專務多聞 , 遂惑為 以此 , 與果 因緣 而 情 知 , , 人 而 何言惟 有 , , , 敵 而 仴 無實業 理 # 不 員 蕳 不策 體 無 解 求 揀 其 佛 無 員 員 相

辰五 空大 分五 已初 標性約鑿 就鑿詳辨 Ξ 合會警悟 四 結顯體用

#### H . 難 • 空性 無形 • 因色顯發:如室羅城 , 去河遙處 • 諸剎利 種 及

五

雙拂

二計

今初

故曰但有言說

,

都無實義

0

四風大竟

水 羅 ,出土一尺,於中則有一尺虛空;如是乃至出土一丈。中間還得 門 毘舍 首陀 兼 頗羅墮 • 旃陀羅等 0 新立安居 鑿井水

# 一丈虛空,虛空淺深,隨出多少。

現發明 形段 輩 田 行, 種 旃陀 以守道居正 地者是;如此方四民 圓 河遙遠之處 , 也。 器 有形則有變 此 |融空大即藏 羅 則現圓空 如顯見無礙科 , 此 云屠者 , , 諸刹 潔淨其行也 (,無形) , 性 雖隨緣顯發 利種 0 , 別不變 空性無形 即屠兒魁膾之徒 0 ·,觀一界之大則現大空,一室之小則現小空,方器則 更有智愚二族,兼及頗羅墮,此云利根 ,此云王種 ;毗舍此云商賈 。因色顯發:此句指隨緣之用 ,空體 此句指不變之體 不變 ,亦云田主;及婆羅門 ,亦云嚴幟 0 如下即事驗證 ,行商坐賈者是;首陀此云農夫 , , 性者體性 國法令其搖鈴執幟 0 ,因隨色塵之緣 , 如室羅城( 此云淨志 本無大· ,即六藝百工之 (即國) 小方圓之 ,警人異 亦 現方 云淨 , 去 , 耕 顯

新立安居下,要新立安身居住之家, 因離河遙遠, 必須鑿井求水。鑿出土一 尺

路

良民不與同行

深 丈虚空,虚空之淺深,乃隨鑿出之土,多少而論。此即空性無形 ,在井中即有一尺虚空,如是乃至,越略二至九之數,鑿出土一丈深,井中還得 ,因色顯發之事

已二 就鑿詳辨

實

# 此空為當因土所出?因鑿所有?無因自生?

此徵起,下逐破。

# 阿 難 ,若復此空,無因自生,未鑿土前,何不無礙?惟見大地 迥

#### 無通達。

無礙 ,惟見大地,迥然質礙,無有通達之相。鑿土方見虛空,非無因而生也。西域 此破空大無因生。若復此空,無因自然而生,未鑿土前 , 即應無礙 , 何以不能

外道,於空大多執自然,故首破之,以明非自然也

#### 若 因 土出 • 則土出時 • 應見空入,若土先出, 無空入者 ,云何虛

# 空,因土而出?

大佛

内土中 出 此 0 出 破 則 空大因土所出 來可也。 土鑿出之時 若土先出 ,應見虛空,從井內周圍土中 。以未鑿土前, , 無空入者 , 原不 如何可 見空,因鑿土出 說 ,虚空因土所出 出來,入於井中 , 而後成空 ? , 如 井 , 遂謂 水 從井 空因

#### 若 無 出 入 , 則應空土 , 原無異 因 • 無 異 (則同 • 則土出 時 • 空何不

?

之與土 何以不與 此 , 破空無出入。若謂空本在土中, (土而俱出 本 -無各異之因 耶 ? ;因者依也。 同處相依 無有從土出,從井入者。則應未鑿土前 , 無異則是同體 不分 , 則 土 出 蒔

空

空

#### 若 因 | 鑿出 , 則鑿出 空 應非出土?不因鑿出 • 鑿自出土 ,云何

空 ?

成空 土 而 此 云何隨鑿 成空也 |破因鑿不因鑿 ٥ 若謂 ,隨見虛空耶 此 , 空 兩者俱非 , 不 -因鑿出 0 若謂此空 , 與鑿無干 , 是因鑿而出 者 , 則鑿井之時 , 則是鑿出虛空 , 但自出土 , 應非 ,

出

#### 汝 更審諦 • 諦審諦觀:鑿從人手,隨方運轉 • 土因地移 • 如是虛

# 空,因何所出?

土因 地 此更教以審察諦觀:井因鑿出,鑿從人手,隨其方向 中 搬 移 前 出;如是井內虛空 , 因 何 所出?以此空 , , 上已辨明 擇地施工 , ,運轉而成 既 非 無 因 自

## 鑿 、空虛實 (),不相為用,非和非合;不應虛空, 無從自出。

出

,

又非土出,又非鑿出,畢竟從何所出耶

 $\ddot{?}$ 

和 非合;下二句翻上 鑿體是實 ,空性是虛,一虛一 , 既非和合 ,則不和合, 實, 不相為用,云何可說因緣和合而有?故曰非 故亦破云 :不應說言 此空無所從

來,自然而出?此即雙破因緣、自然二計。

### 已二 合會警悟

#### 若此虚空,性圓周徧,本不動搖, (4) 名五大,性真圓融 ,皆如來藏 • 當知現前,地、水、火、風, 本無生滅 0 均

佛意以此空大,合前四大,同名五大,會歸藏 性 0 諸經多惟說四大 此經點出

藏性 空大 藏 說 大 性 周 亦 徧 , 例彼四大,同名五大。 圓 圓徧常住 惟其據處處皆有 , 融 有 無 色 礙 礙 處 , , 方為 圓 , 滿 即 真大, 周 不 ,地水火風言之,而實未顯互不相礙 徧 圓 漏 , 色、 雖非新得大名,至今始得真大之實 當知非僅虛空,新得大名 , 因 空相即,乃是性 色 ` 空二法 , 相 圓 傾 周 ` 相 徧 , 奪之故 0 兼 此性寂然常住 , 非真大也。 顯 河 大 , 0 0 今此 若尋常談空 昔日 空 自今融 , 性 本 雖 稱為 朩 即 , 動 雖 是 以

圓 知 現前 融 當 周 徧 知 地 現 今會同空大 前 水 地 ` 火 ` 水 ` 風 , 火 , 同 四 ` 名五大。 1大均等 風 ,均名五大者 0 四 |大平昔 : 此以空大, , 雖 稱 周 徧 性圓周徧 , 未 經 彰顯 , 本不 , 生滅 稱 性

例

搖

與下

·無生

一滅同

藏性徧 色真空, 性 真 心 乃至 (圓融 諸 大圓 性風真空等 ,皆如來藏 融 無礙 , , , 無 以性融 本無生滅者:即言諸大一一 竝 非 一大,諸大全性 如 來藏 從本 ; 故 曰 以來 ,元無生滅 ,唯性 皆如來藏 唯真 ,即常 () 如前 性真二字, 住 所云 不 動 即 , 性 指

阿難

,汝心昏迷,不悟四大,元如來藏

,當觀虛空:為出為入?為

508

### 非出入?

和非合 故迷。 還成水」 虚空 合 (セ゚) 出入耶?若悟空大,非出非入,非不出入,即 故令觀察虛空 此警令觀察空大,悟明四大。謂阿難言,汝心昏迷;無明障心故昏,真智不起 ,即觀鑿井所見之空,為因鑿土而出耶?為因移土而入耶?為土有出入, **執諸法皆因四大和合而有,是不悟四大,元是如來藏** 非不和合矣!如前總喻云:「如水成冰」 ,豈可說一定和合耶 , 自 可 便知 。當觀虛空, 為出為入 , 可悟明四大,一一 豈可說一定不和合耶?如 , 為 非出入者 , 非和非合 性圓周徧 教以應當 ,非不 空非 小冰 , 非 觀 察 和

## 已四 結顯體用

# 汝全不知:如來藏中,性覺真空,性空真覺,清淨本然, 周徧法

#### 介。

汝竟全然不知 汝全不. 知 ,寓有深責之意 ,如來藏中,性具之覺,本是真體之空;性具之空,即是真體之覺 0 我如是為汝種種開示 中道了義 要汝觀空得悟

下句, 藏 此二句,按前空大,變其文法,將前指性之空,換為覺字,空覺二字,皆指藏 《性具有寂、照二義,空是寂義 若不變其文, 則雙句皆是 ,覺是照義。又復顛倒其詞,將本大性空之句放在 ,性空真空, 性空真空,無可 分別 0 清淨本然, 性 周

徧法界 準前 可知

#### 隨眾生心 • 應所 知量 0

上顯全體圓融, 此顯大用無限

# 阿 難 如如 井空,空生一井;十方虚空,亦復如是,圓滿十方寧有

#### 方所 0

所?正 具常 虚空,亦復如此。一井之空,非出非入者是也。虚空圓滿 義 此 鴚 由虚空, , 故前云:「本不動搖 事 以驗 無所不偏,故成大義 , 性 圓周徧 0 ,本無生滅」 如一 處鑿井,所見之空,空生一井;十方鑿井 非此有彼無, 也。 先無今有,不但具有大義 ,周徧十方,寧有一定方 了, 亦 所

現

#### 巳 五 雙拂二計

循業發現 0 世 間無知 ,惑為因緣 • 及自然性 • 皆是識心, 分別計

度。但有言說,都無實義。

空無邊 緣所 都無真實之義 業 智 , 生 雖欲發現淨空 則現偏空涅槃 迷位眾生,循其所造有漏之業 虚 或執空大 0 修位 。五空大竟 眾生 ,亦不可得也。 ,乃自然而有 0 前者既循有漏之業,要不發現染空不可得;後者不循 , 循其所修無漏之業 , 世間無知:此指凡、小、外道,惑為空大,是因 皆是識心分別計度 ,則發現染空,如第四禪天人, , 則發現淨空 , 編計執性用 , 如第 应 果羅 厭有趣空, 事 , 但 漢 , 照漏之 灰 身 則 泯 現

辰六 見大衆 巳初 標性約塵 就塵詳辨 || 合會警悟 四 結顯體用

五 雙拂二計 今初

阿 中宵 難 見覺無知 **,白月則光** ,因色空有。如汝今者, ,黑月便暗 ,則明暗等 在祗陀林, 因見分析 0 朝明夕昏;設

此會見大即藏性。 見大統指六根中 見 聞 、齅、嘗、覺、知之性 ,今單舉

見,以例餘五耳。 此屬第八識見分,映在六根門頭,緣彼現量六塵者,非取浮 、勝

二根,故不言根,而言見也。

則大勢至念佛圓通,都攝六根 汝速證安樂解脫 後文:諸佛異口同音,告阿難言,使汝輪轉,生死結根,唯汝六根,更非他物;令 見,顯此見大是真,今更申明見聞等性,即如來藏,則顯見是心之旨愈暢 三科 ` 為 切諸法,色、心二字收無不盡。前五大屬色法,後識大屬心法,故諸經祗明 員 無六入 通故 :如六塵、六根 ,見大即六入。 ,寂靜妙常, ,何所依據?故須立此大,具足二十五數也 、六識,前後六大,皆為諸聖圓 亦汝六根,更無他物;欲說根性法門 本經立此大,有三義存焉:一、 通法門 收前文:前十 若無根大 應立 此大 番 順 顯

知耳 所見之塵 段光明 見覺 此 無知 一,而成能所二知。見覺無知,指不變之體,因色空有,指隨緣之用 , 寂 即下文 而常照,不立能所 ,因色空有者;乃明見大即藏性,見覺即見性,是靈明洞澈之覺體 , 由塵發知之義 , 0 本來無有能知所知 由有色、空之塵 黏湛發見 ,乃因色空,而有能 ,始有能見之根 知 及所 與

之明 見無性 字 顯 是開色以攝空,即因此塵境,而見始得以分析 見空 之明暗也;設居中宵半夜之時,逢白月夜 , 例 互 暗 如汝今者 是以空攝色 為 知 也 , 其餘 同 隱顯 如交蘆 則明暗等,因見分析者:等者等於色、空 1,在祗 , **T**i. 如言色空 。 \_\_ 根 ,而對見也。文中開攝不定 陀林 、五塵 根塵皆無獨立之自性 ,是合明暗之色以對空;單言明暗 ,尋常所見,晨朝日出則明,傍晚日夕 (៉ ் ) , 莫不皆爾 0 即下文所謂 , 則有光明,逢黑月夜 ,是明是暗,乃是見托塵立 , 故先明之。 , :「由塵發知 本科塵以明 則明暗等 , 是開 ,即便昏暗 色以 , ` 因根 暗 , 因見分析 攝空 便昏 有相 色、 ,塵因見 , 空四 此夜 如言 此 相 書

### 巳二 就塵詳辨

### 此 見為復 • 與明 暗相,並太虚空,為同一體?為非一 體?或同非

# 同?或異非異?

或同 .或異 此下 就塵 四 辨見 非同非異 佛先徵後破 0 以二或二非各成一 徴 以根塵 句 同異為徵 ,與下文合。佛以二同二異 , 共有 四 句 : 同 、二異 ,各成一

句 非 同 即是或異 , 義無乖也。 問 呵 難言: 而此 見大, 為復與明暗相 (此開) , 併太

徵,下逐破。

空之相

為

是同

一體耶

? 為

非同

體耶

?為或同非同

耶?為或異非異耶

? 先標

相亡 時當滅?滅則云何見明見暗?若明暗殊,見無生滅,一云何成? 阿 難 ? • ·暗時 此 見若復與明與暗 無明 • 明 時無暗 • 及與虛空 0 若 與暗 • 元 • 明 體者 則見亡 • **?必**一 則明與暗 於明 • -體

體更互相亡;暗時 對此 此見究竟與誰為 此破 見大 元是一 , 與 體者 無有 塵 二 耶 ? 同 明 , 體 體則合而 則 0 明亡:明時 謂 阿 不分 難言 四無有暗 , :此之見覺 此牒徵詞 則 暗亡 0 , 下約 若復與明與暗 0 明暗 塵 破 相 則 傾 奪 明 之與暗 及 故二 與虛 體相 **,** \_\_ 空

偕亡 云何又能見暗?後二句, 若與暗一下六句 云何又 能見明? 若必 正 即連上分解頗順 以 (顯謬 此 見與 0 崩 此見若與暗為一體者 為 體者 0 倘欲另解滅字 , 暗 生 明 滅 , 明生 , 當承上雙約明暗 則 一暗滅 見 亦當與 , 則 崩 見應當與暗 以 俱 承 滅

義 滅 兩 0 , 以 句 一暗現前 ',謂 明 來暗去,暗生明滅 見 ,云何見暗?若明暗殊, 既隨暗而滅 ,當明 , 明暗雖復差殊 現前 ,云何見明?承三、四 見無生滅,一云何成?此三句 , 見性本無生滅 兩 句,謂 體之義 `,結成非一之 見既隨 ,云何 明而

成 ? 得

#### 若 元 此 ,作何形相? 見精 • 與暗與明 非 體者 • 汝離明暗 及與虛空

分析

見

體者 此破見大與塵非一 , 則見當離塵 , 別有自體 體 見精見元, 0 下顯不能離塵 俱見性之別稱 , 若離明暗 。謂若此見精 , 及與虛空 , 與暗與明 大 開 色 非

分析汝見元本體,究竟作何形相?

# 離 明離暗 ,及離虛空,是見元同龜毛、兔角:明、 暗、虚空三事俱

## 共,從何立見?

明 暗 上四句 虚空三事俱異 崩 離塵 , 則 也離 見無體 無塵不能立見,如是云何可說 , 同於龜毛兔角之本無 ; 後 ,此見與塵非 三句結 成非異之義 體耶 ; 若

## 明 暗相背 ,云何或同?離三元無,云何或異?

此破或同或異 。此或同 即一體, 或異即非一 體 , 悉本前義。明暗互奪兩亡,

為相背,云何 或同 ?離卻明 暗 、虚空三者,元無獨立之見,云何或異?

#### 分空分見 , 本無邊畔 • 云何非同 ?見暗見明 , 性非遷改 • 云何 非

異?

非同 現今分析所見之空 乎 此破非同非異。首句以空攝色,若謂見性,非同於塵,應可分析,各自有體 ?見暗 見明 **色**攝 (開色) ,明暗有 分析能見之見,本無空、見, 互相傾奪 ,見性無遷變改易 邊際界畔可得 , 則 生滅 ,云何

可說為

則常

信之益 住 ,不得混同 ,云何可說為非異乎?辨見至此 , 可謂盡矣。 故下阿難 ,而得明心 苼

#### 汝更細審 **,壅歸大地** • 微細審詳,審諦審觀:明從太陽, • 如是見精 • 因何所出 ? 暗隨黑月 • 通屬虛

上以 公四義 ,已破見大無和合相, 再令審觀生信, 故謂汝更加細審。下二句即釋

黑月 細審之義,必令觀察現境 , 通 !相屬於虛空,壅相歸於大地,各有從來,汝能見明 ,窮極見源而後已 。當觀所見之明相從於太陽,暗相隨於 、 暗、 通 、塞之見精

畢竟因何所出?既無所出,將何和合耶?

### 見覺空頑 (以空, ,非和非合;不應見精 • 無從自出 ?

日 諸法皆由因緣,和合而有?既非因緣,不應見精,無從(g)自然而出 此破非因緣非自然。 見精有知覺, 虚空是頑鈍 , 體性各異 ,非和非合 , 何得謂

## 已二 合會警悟

#### 若見 搖地、水、火 聞 知 • 風 性圓周徧 ,均名六大,性真圓融, ,本不動搖, 當知無邊不動虛空,併其動 皆如來藏, 本無生滅 0

滅 性 合會情與無情共一體 非先無今有 本 佛意以此見大,合前五大,同名六大,會歸藏性。五大是無情,見大是有情 來 圓 滿 , ,今有後無,乃是常住義 周徧 法界 。首句若見、聞 , 非此有彼無, 知:六精舉三該六。性圓 。阿難後悟徧常二義 此無彼有 , 方是性圓 皆由 周徧 周徧;性即六精之 此也。 ; 本 朩 動 當知 搖 生

5 1 8

無邊不動虛空,並其動搖地、水、火、 風 ,與此見大均平,以其體性平等,可名六

大。 均 字 ,上科作同義解,此科作平等解,義俱可通

性真圓融三句 ,即會相歸性,論六大之相元妄,非無彼此;觀六大之性本真

莫不圓融 ,皆是如 來藏性 從 本以來,原無生 ` 滅 動搖之相可得

此: 阿難 見 汝 、聞、覺 (性沉淪 • • 知 不悟汝之見 ,為生為滅?為同為異?為非生滅?為非同 、聞 • 覺 知 • 本如來藏 • 汝當觀

異?

言:汝之心性沉淪,溺於權見 空等是無情 信 ; 見大是第八識見分,見、相皆依自證 地等是有 上段合無情之五大, 。其中有兩重難知難信 ,說是藏心 形 說圓 周編 與有情之見大,皆會歸如來藏性,以五大是第八識 難知 , ,故須合會:一者見聞等是無形 難信,今已合會 難知難信。二者見等是有情 , 無有真智,不悟汝之見、聞、 分, 自證分是第八識本體 , 皆同藏 性 ,說是藏心, 0 此段警令覺悟 ,說圓周徧 齅、嘗 , 乃依證自 、 覺 易知易信 ,易知易 、知六 謂 相 [證分 阿 分 難

精 本來是如來藏,妙真如性。汝當觀察:此等見、聞、覺、 知 知攝舌根) 之性

是生滅耶?為非生滅耶?而與五大,為是同異耶?為非同異耶?

生滅與不生滅 生 大 和合矣 滅 當觀者亦 上科不悟者四大,當觀者空大,令悟四大,與空大同體圓融;此科不悟者見 ` 同 ` 見大 ,同異與非同異 異 ,亦非不生滅 0 生 ` 滅就 第自體言 ,俱為戲論,便知五大,亦本如來藏,非和非合非不 ` 不同異 , 同 。若能悟此見大 ` 異對五大說 , 0 性 欲令阿難 圓 周 徧 , , 本 悟 無生滅 崩 見 等 非 則

## 巳四 結顯體用

#### 汝曾不知 如來藏中 性見覺明 • 覺精明見 清淨本然 • 周徧法

#### 介。

覺體本 大也; 此顯全體圓融。曾不知,即 覺明 明 本覺之精 覺精 同上性空 ,即是妙明真見 ` 真空 一向未曾悟也。汝未悟如來藏中,性具之見,即是 0 此中 直指本體也 -性見、 明見 0 清淨本然二句, ,同上性色 真色, 謂見等體本清 以性融

淨,廣大圓滿,周徧法界。

#### 觸 隨眾生心。 、覺知 ,妙德瑩然, 應所知量 。 如 一 **徧周法界,圓滿十虛** 見根,見周法界。 ,寧有方所? 聽 • 齅、 嘗觸 覺

淨光明 即無在無所不在也。 觸 之 , 味以合方知,故亦名觸,身之覺觸,意之覺知,此等諸根,即妙性之德用,清 此顯 下則舉例 , 大用無限 如玉之瑩光皎潔 以 顯 0 ",如 一 四結顯體 隨即隨緣起用 , 見根,稱體周 俱同見根 開竟 , 能隨九界眾生,勝劣之心,大小之量 ,徧周法界,圓滿十方虛空, 偏,以例諸根,耳之聽,鼻之齅,舌之嘗 寧有 一定方所 應

## 巳五 雙拂二計

# 循業發現。 世間無知,惑為因緣, 及自然性, 皆是識心,分別計

# 度,但有言說都無實義。

惟明; 循九界眾生之業 慧眼見色了空;法眼徧觀塵世, , 發現之見,各有 不同。 此皆循染淨業 眾生肉眼 ,不見障外之色;天眼 發現勝劣見。世間 無知眾 視遠

別相 性 問 生 : 以為 惑為因緣 未審其義云何?」答: 十番顯見 全體 、自然,皆是意識妄心 必須悟此不生滅性 ,已顯見性即是真心,而為諸法總相 「此經推重圓通 , 為本脩因 妄生分別計度 , , 然後方可圓成 悟修證入,皆依六根 ,但有言說,都無真實之義 ,今則融入藏性 ,果地修證 , ,則見大乃為 故前特 顯

於萬 也 異 中 相 可 幻影 相 互為總別 , 法 又 及其 珠珠皆然 此七大普融萬法 0 此 前之初 , , 當即 又是本經之別旨宗要也 中七大 (後相 是此中 柏 ,即是互為總別 如帝網千珠,一珠含多珠,多珠趣一珠,以一珠為總相 , 則合會結顯 ,皆許同是圓 , 自根中薦出 ,而如來藏當為總相 如來藏也。今之初相 , 0 融 性真圓融 , 《正脈》云:「良以前之開顯 及其後相 0 , 又是依圓旨之萬法互含也。 當知前欲其巧於悟修 ,周徧法界,當亦與前開顯後相 ,則會萬 ,萬法皆為別相。 亦從目前明暗辨 法為一 ,而此欲其圓於見解矣 體 若約圓實教旨 , ,今之融入 而彼中見性 起 而根身器界 , 與前 根 ,多珠為別 俱有 , 中 , , , 法法皆 獨 無有 薦 皆是其 許 出 初後 具 異 冠 無

眼者辨之。」六見大竟

識大 分五 巳初 標約根塵 就根塵辨 二 合會警悟 四 結顯體用

辰七

五

雙拂

二計

阿 難 • 識性 無源 • 因於六種根塵妄出 0 汝今徧觀:此會聖眾 用目

#### 循歷 • 其目周視 , 但如鏡 中 • 無別分析 0

無源 用眼 也 量性 無源之義 目 識 境 性對 汝今徧觀 循 0 序歷覽 ,因於六種根塵為緣 但 下 如 ·六種 鏡 中現像 : 0 其目 此楞嚴法會聖眾 根 塵 周 ,是指前六識 , 圍巡視 元無妍 ,虚妄顯現,乃為塵影 ` 此根塵相對之時 , 媸 此單舉眼根對 , ` 性即了別性 美 惡,差別之分析也。 色塵 ,一念未起 , 此性 ,塵有則有 , 以例 無有 |根源 , 餘 正根 Ŧ. , 此 塵無則無 0 0 揀 中見性 下二 用目 明 句 眼 循 根之相 歷 , , 是謂 取 者 即 現 釋

#### 汝 識 於 中 次第標指, 此是文 殊, 此富樓那, 此日犍連 此須菩

#### 此 舍利 弗 0

此 揀 明識之相 0 即眼識及隨眼識同時而起之明了意識 此二者亦有揀別 但 對

色塵 譯採菽氏 之獨 觀 是隨 意 頭意 誏 ,初起第一念,不涉名言,即是眼識名隨念分別;如起第二念,計執名字,即 識 家俱起之同時意識,名計度分別。分別名相,緣境之後,將外境攝入,交內 ;此須菩提,譯為空生;此舍利弗,譯為鶖子。此揀明眼識 識 次第標名指相 0 於中次第標指者:於此聖眾之中,次第與循歷相照 此是文殊,譯為妙德 此富樓那 , 譯為 滿慈 應 , , 與隨眼意識 眼 此 根 目 循 犍 序而 連

## 巳二 就根塵辨

之相

此 一識了 知 • 為 生於見?為生於相?為生虛空?為無所因 然 加

#### 出?

相?為是生於虛空?為無所因 此 2先徵起,下則逐破。 徵問此識,能了別之知 , 突然 然忽 生出此識耶  $\ddot{?}$ ,為是生於見根?為是生於塵

無汝見 阿 難 • 若 • 見性尚無 汝識性 • 生於見中 ,從何發識 ? 如 無明暗 • 及與色空, 四種必無。元

524

此破因根生。見即根也。離塵無根,從何發識?

# 若汝識性 ,生於相中,不從見生?既不見明 ,亦不見暗,明暗不矚

(セ゚),即無色空,彼相尚無,識從何發?

此破因塵生 0 相即塵也 , 彼相亦即塵相 塵 啬 無有 , 識從何發

#### 若 生於空 • 非相非見 • 非見無辨 • 自 不能知 • 明暗色空?非相 滅

# 緣,見、聞、覺、知,無處安立?

然不能 此破因空生 品知於明 ` 暗 0 若生於空 ` 色 ` 空, ,既非塵相 是離根 無塵 ,又非見根 ;若非塵相 。若非見根 , 則滅所緣之境 , 則無能辨之性 , 而 見 ` 聞 , 自

覺、知無處安立,是離塵無根矣!

# 處此二非,空則同無,有非同物 。縱發汝識,欲何分別?

此空等同於無 處此非相 、非見二非之中 , 何能生識耶?若說空是有 ,能生之空,則幾同於無 ,又非同於物 。何以故?因非見無辨故 亦何能生識?縱然能 生汝

識,因非相已滅所緣之境,欲將何者為所分別耶?

### 若無所因 ,突然而出,何不日中, 別識明月 ?

此 ?破無因生。若謂無因,突然而能生出汝識者,何不於白日之中,無有明月

突然特別生出汝識,以了知明月耶?

### 汝更細詳 微細詳審 :見託汝晴, 相推前境 • 可狀成有 ,不相成

# 無,如是識緣,因何所出?

字 生識之緣 相之色;不有形相者 能見之根 如前所說 ,畢竟因 (セ) ,非和合非不和合之義。汝可 ,寄託於眼睛之內;所見之塵 , 何所出?於根 成為無相之空;如是根 、塵 、 色、 **,推為** 更加細詳,微細詳審句,即解釋細詳二 、 塵 空 , 現前之境;可有形狀者 、色、空之中, 既無所出,則非和合明 汝可微細 , 矣 成為有 審 ! 詳

# 識動、見澄 ,非和非合,聞、聽、覺、知,亦復如是;不應識緣

### 無從自出?

不動也。 凡言和合 體性各異 ,必體性相類 , 非和非合 , 可 說和合 · 聞 聽 , 現今識有分別屬 覺 ` 知五根之性,亦復如是, 動 , 見無分別 屬澄 均非因緣和 澂湛

合矣。不應、 誡止之詞 ,不應說此識生緣 ;乃是無從 (ڃ) 自然而出耶?然必根 塵

相對而生 **一,則又非不和合矣!** 

## 合會警悟

非從所 若 此識心 • 兼彼虚空 • 本無所從 , 地 • 當知了別 水、火、 • 風 見 • • 聞 均名七大,性真圓 • 覺 知 • 圓滿 湛然 融 皆如 性

性空真色等 融 虚空,及地 生 有 來藏本無生滅 0 ۰ 倘 皆 當知此了別之識 此合前六大,會歸藏性 不圓滿 如 來藏 、水、火、風悉皆均等,同名七大。此以識大,會通前之六大。 , 既唯性; ,本無生滅者:七大一一皆性皆真 , 可 說從 唯真 , 與上見 緣所生, 調調 今既 如我前來所說 聞 圓滿 覺 ,故皆如 ` , 知之根 此外無法 ,此之識心, ,圓融無礙 ,同是圓滿湛 , 豈有緣之可從? 本無生滅 本無所從,則非和 ;如前云:性色真空 然 ,其性非從緣 兼彼無情之 , 性真圓 合而 所

### 阿難 ,汝心麤浮,不悟見聞 ,發明了知 ,本如來藏 0 汝應觀此:六

0

,七大本非七大

來藏

,常住

둒 動也

# 處識心,為同為異?為空為有?為非同異?為非空有?

境 界 可以非 則可悟明前之見大,與今之識大,非和合非不和合矣! 識豈可以空有言耶?若言非同 異乎?為是空有乎?為非同異乎?為非空有乎?若言是同,六用差別;若言是異 用 細之慧,不能悟明 元一精明;此識豈可以同異言耶?若言是空,現有了別;若言是有,全無形相;此 即 此警令悟明識大即藏性。謂阿難言:汝心麤浮,麤則不細,浮則不深 則知此識,又未可以空有言矣?若能悟明識大, 同非異言矣?若言非空 不悟不發明根識 ,見聞等根即藏性,不發明能了知之識性 , 同是如來藏性 ,離於根塵 ,元本一體;若言非異 0 則教以應當起智觀察 ,元無所有 ;若言非有 ,六處用殊;則知此識 同異非同異 ,本如來藏者 ,六處識心 現能 , 空有非空有 分別 :不字雙 ,無有深 為是同 諸塵 又不

## 巳四 結顯體用

#### 汝元不知 • 如來藏中 性識明知 • 覺明真識 妙覺湛然 • 編周法

#### 界。

藏性 火之力用 者 用 說 汝 元 , , 全體具足大用 今 不 此 識 知 亦 此 但 識大 性 如來藏性之中,性具之識 雖然未發,具有焚燒林野之用 理 , 相融 , 真 體即妙本明覺 , 、相即 ,渾涵未發;雖然未發,其本有之力用,毫無欠闕 面 非事 也。 造 , 妙覺湛: 事造亦在下文。 湛然凝然 ,即是妙明真知 然 , 然周法界者: 0 , 事造者 故直稱妙覺湛然 理具與事造之用 ;本覺之明 , 將此火柴一擦 前云清淨本然 ; 體 ,即是性真之識 ,當云何 一元 , \_\_\_ 具編 , , 如 約 星之火, 本元自 分?理具 火柴具足 周法 界之 以以 便 性

#### 含吐十虛 • ·寧有 方所

可燎原

理

頁

事造

,

亦復如是

方 大用 應 無盡虛空,以及空中所有一 故 此明大用 藏 ·列焉 性能 無限 含裹 但言識性 0 十方 此科無隨心應量之文者,以心即識心,量亦識量,不復自隨自 ,能含能吐 無際虛空 切諸法 , ,含即包藏義 何 |況空中 識亦如是。故相宗云:「萬法唯識」 所有 , 吐即出 世界眾 生義 生耶 0 ?藏 此 即 性 稱 能 性所 顯 也 現十 起之

#### 巳 五 雙拂二計

# 循業發現 ,但有言說 。世間無知,惑為因緣,及自然性,皆是識心,分別計 ,都無實義

0

破識心 相形 至 稱 心 外 其周 無有正知正見之眾,迷惑為因緣和合而生,及自然不和合而生。此等皆妄想識 ,分別計度,但有戲論之言說,都無真實之了義耳。《正脈》問:「此經首先正 循有漏 而 而後乃真之極乎?」 破 **偏法界,含吐十虚** 如七處曲搜,三迷決了,名義皆妄,畢竟無體;乃至顯見文中, ,未嘗少假寬容。 ` 無漏 二種之業,發現六凡有情世間、三乘正覺世間 , 何後於十八界,即已許為如來藏心 是即性之全體,而同彼開顯見性之極量,何前乃妄之 , 妙真如性 染淨之識 又復旁兼 , 至此愈 凡

真法界 須破盡 , 決定不用 「前約初心悟修,須從方便,決擇真妄,捨生死根本,取涅槃妙心 何況識心 ,不融法界?懸示中雙具二門,此意詳盡,宜研味之。 後約圓解普融 , 無法不真 ,無法不如 ,乃至剎塵念劫 《指掌》 無 ,則識 非

認為真 筌 之所以正破旁破者 用 真本:因將如來藏心,日汨沒於情塵之中,從迷積迷,浩劫不返。若果知是妄,不 云:識之所以為患者,要在不知是妄,良以不知是妄,必至認以為真,遂不復更求 ,微智者不足與道也」。丑三圓彰七大即性周徧竟。併上大科辛初如來破妄顯真 永沉幻果,塵劫莫升 ,還須會歸如來藏性, ,務令了識是妄;後之所以會相融性者,務令達妄即真 0 所 以妙成二智,斷分於焦芽敗種者 如不然者,必至全體灰泯,反將含吐十虛之妙覺明 ,豈曰無故 ?是知前 ,得旨忘

楞嚴經講義第八卷終

竟

# 大 佛頂如來密因修證了義諸菩薩萬行首楞嚴經講義第九卷

福 州鼓山涌泉禪寺圓瑛弘悟述 受法弟子明暘 日新 敬校

阿難明心生信 分三 壬初 承示開悟 讚謝獲益 Ξ 發廣大心 壬初分二

癸初 敘承示 二 敘開悟 今初

## 爾時阿難, 及諸大眾,蒙佛如來,微妙開示 0

體 性 實 真 中有 六識是生死根本 之大本也。 〈科中諸文為言,良以此大開解,功夫非近,今當總前,撮其大要,令知微妙之 0 0 直指其實體。二、示陰等,而廣融諸相 破妄心有三:一、七破以密示無處;二、重徵以顯呵非心;三、縱奪以決指無 佛性 是所以破妄心者 此結集經家,敘述阿難,悟明本有真心,發起大乘正信,先敘承示,以為開悟 爾時 切諸法是真如:此即上三卷之微妙開示。 , , 根性是涅槃正因 乃如來破妄顯真 , 極微細而盡精妙矣。顯真心文中亦三:一示見等 ,已竟之時 0 妙者奥妙 ,以明其一體。三、示地等 ,今日實教 。微者隱微 《正脈》云:「通承 ,廣談了義 ,昔日權宗 ,未曾顯說 ,直指生滅身 而極 而尅就根 **小破妄顯** 「顯圓

532

融 ,以彰其全體。是所以顯真心者,亦可謂極微細而盡精妙矣。」

**敘開悟** 分二 子 初 敘心蕩然 二 敘身蕩然 今初

## 身 心蕩然 • 得無罣礙,是諸大眾,各各自知 ,心偏十方,見十方

# 空,如觀手中,所持葉物。

求真 妙矣 矣 失 Î 無還 !由是阿難明心生信,頓開道眼,故有此悟 更為會四科 , 阿 求如來為發妙明心,為開道眼。如來即為指見是心,顯見不動、不滅、不 .難開悟,即是已開見道之眼。自第一卷阿難認識為心,三迷被破 、不雜 , ` 全事即理,融七大全相皆性 無礙、不分、超情、 離見、經歷十番,可謂發妙明心 ,普融萬法 , 可謂發妙明心 , 遂即捨妄 而至微細 而極 奥

真本具:昔在迷時 者了達妄身 假合,為自身相;六塵緣影,為自心相;乃為六根所局,六識所錮 身心蕩然,得無罣礙者:當以二義釋之:一、達妄本空:昔在迷時,妄認四大 、妄心 ,本自空寂 ,將本有法性身,妙明心, ,蕩然 (無 湯) 無存 埋沒於塵勞煩惱之中,幻妄身心之 , 故得無礙 , 解脫自在也。二 ,皆成罣礙 今 知

內 ,今者知法身清淨,徧一切處,則身蕩然;妙心圓明,徧周法界,則心蕩然;無

形無相,蕩然寬廓,得無罣礙,得大受用也。

滅去來,本如來藏,常住妙明,不動周圓 性?」不分科中又謂:「茫然不知,是義終始!」四科總標文云:「殊不能知 洎 心 有 悟 山河 解 ,執心在身內;捨妄求真文云:「不知寂常心性。」不失科中云:「不知色身外 是諸 是諸大眾,各各自知,心徧十方者:以既蒙如來,微妙開示,不獨當機阿難得 、證不等,所悟為何?乃悟真心,徧滿十方,包含萬法。較之昔日 , 虚空大地,咸是妙明真心中物。」不雜科中則曰:「云何得知 同聞 大眾 ,亦多各各自知;自知即悟也。其中大眾 ,妙真如性。 」此皆不自知也 , 位有淺、深不同 ,認識為 ,是我真 生 悟

冷暖自知 今聞四科,全事即理,七大全相皆性,到此雲散月明,瓜熟蒂落,如人飲水, 心徧十方,見十方虚空,乃依報世界之最大者。 在真心中,如觀手中

### 切世間 , 諸所有物, 皆即菩提,妙明元心。

所持葉物

此則觀大同小也。葉即貝葉

物如菴摩羅果

۰

即如來藏性,而成此悟,至此則斥破妄心,顯示真心之旨,方以極領,更不再認緣 顯見不分文云:「 使 間 ,身心世界是也。此皆領上顯見科中,第四顯見不失文云:「色心諸緣 諸所緣法 此悟萬法唯心。妙明元心,即如來藏心。一切包括之詞,世間即情、器二世 ,唯心所現;汝身汝心,皆是妙明,真精妙心中所現物。」又領第八 此見及緣(ᄥ界),元是菩提,妙淨明體 。」又領陰等四 ,及心所 科 , 皆

# 心精偏圓,含裹十方。

塵分別為心矣

來藏 住真心 法界,純一無雜 重重含裹 此悟心包萬法。 呵 ,無處不是性淨明體 成此悟 ,遺真認妄,迷己為物 。以上正敘心蕩然,得無罣礙 ,周徧圓滿,故曰:心精徧圓。含容萬法,包裹十方,無往而非常 向者誤認妄想為真心,惑在色身之內,身在界中, ,此則轉小成大也。乃領上七大文中,性真圓融 ,曾無超越;今者圓悟真心 ,惟精惟一 界在空中 惟是一真 , 皆如

## 子二 敘身蕩然

## 反觀父母 ,所生之身,猶彼十方虛空之中,吹一 微塵, 若存若亡 0

身渺小 事夢境 觀父母 支質礙 中 風 此悟正報法身。向者妄認四大假合,以為真身,亦復認物為己,六根各局 所 吹所起一 ,處在空界之中, 雖未即亡 此身在法性空中,如草露風燈, 生血 肉之身,高不過七尺,壽不上百年 點微塵 終歸滅亡,故曰若亡。 ,至渺小,極幻妄,似有似無。太虛喻法身廣大 不能超越;今則悟明本有法身,虛廓曠蕩 雖然暫存,終非永存,故曰若存;又如幻 此則轉麤為細也 總屬幻妄不實 , 猶彼 , 猶若 , 十方虚 微塵 太虚 喻生 , 四 反

#### 如 湛 Ē 海 , 流一 浮漚,起滅無從 ,了然自知 • 獲本妙心,常住不

#### 滅 0

流

開悟之文,總標身心蕩然,得無罣礙 無常 浮漚 向者誤執此身堅實,今悟法性身,如湛然澄清不動之巨(セ)海;生身如海中所 此 則 倏起倏滅 (轉實為虛也 起無所從來,滅無所從去,常處出生 0 了然自知 , 獲本妙心 身即法性身 ,常住不滅者 心即妙明心,因悟法身妙心 ,隨處滅盡 此結 身蕩 然也 乃屬 前敘 幻妄

無來 父母 迷悶 目 本覺妙心 毫 心 礻 , 科 雖 皌 所 然曰獲 末 則 生之身 永 親證 , 清 劫不 是本有 淨本心 實到 , , 既屬 如 滅 空中 法身 , , 故 自 , 本 本覺常住 有 曰 知 , \_\_ 育信 塵 , 常 實非新得 向 , 迷時 住 海 , 不 单 不 , 會 滅 由 \_\_ , 他悟 漚 应 法身埋沒在五蘊身中;今已開悟 0 此 科 0 , (身常無始終,住無去來 此 是以結 也 亦 0 非因 領前 獲本 日 -妙心者 .緣 : , 不滅 , 非自 了然自 不失 即 然 得 知 , 融七大一 親 , 無始 無還 見 0 了然 , 親見本 無終 本 科 覺 明白 皆如 妙心 無去 及釋 來面 , 纖 來

於斯所 體 他 也 敘 良 正 秘 脈》 以眾 奥觀 心境一 生常 體 交光法師云: 如, 令行人於此 流 轉 不犯思惟 , 權 乘 著眼 經家於佛說之後 不究竟 , 物物頭頭 ; 蓋 者 通 , 皆緣 前三卷工夫 ,了然在目 未見 ,偈讚之前 此體 , 全為揭露 ,渾是妙心自體 , 猶 , 特詳 如 生盲 : 敘此者 此 故 至 也 妙 ; 正 亦不費纖 行 至密之觀 人 以示奢 若 能

藏

本無生滅

諸

微

妙開

示

而成

以此悟也

之。 照 指 即奢摩他秘密觀照 知 毫功力,身心本來 本惟 也 此方了其密字,以體屬秘奧故也。彼乃兼用,盡其精細, 正 」初承示開悟竟 問 : 法 體 服藏 此 ,若語正因本性,即空如來藏,以一味真如,更無餘物故。若兼 似意盡 , 即此 ,廓周沙界;但不馳散,積之歲月,而不心開者,未之有也。當 , 而已。 無餘 以親見自心,非作意思惟故。若更不避彌天過犯 ,然奢摩他未竟,後二藏未談 但彼直入無分別 此由方便分別 ,彼是何意?答: , 至此無分別 始屬微字,宜酌分 , 則西 處 微 了 密觀 其歸 來直 因

#### 禮佛合掌 讚謝獲益 ,得未曾有!於如來前 分二 癸初 讚謝佛法 • 說偈讚佛 悟獲法身

有 蓋悟有解悟、 此亦經家所敘,禮謝標偈 證悟之不同 , 0 得未曾有者:向所未悟 位有深位、淺位之不等。如阿難但解悟而已,是以 ,今得妙悟,是為昔所未曾

仍居初果之位,今即以所悟之理,偈讚於佛:

# 妙湛總持不動尊,首楞嚴王世希有!

大佛

然後 中 生 佛 成 所說之法 佛 法 本 法 ·有之佛性 身 以 圓 悟 成 此 報 法 0 此妙覺湛: 是佛 法身 , ` 果 應 乃依之而 所證 地 , , 為諸法 修證 妙覺湛 身 然之真心, , 亦 , 讚 讚 , 得證 以佛三身 佛法 為 所依之理體 然 佛所 , 即法 離 編周 0 上句 垢 說 , 身德 是謂 妙 ,標佛 ?法界。眾生在迷,法身 極 依 , 在 佛 法 讚 0 無情 所證 身 依 佛 即 此自性清 ; 可 , 是謂 攝法 分中 乃順 , 法身 成佛 為 序 0 淨法身 法性 阿難今以所 而 ` 般若 讚 0 經 , , 埋沒於五蘊 在有 與諸 云 , ` 不生不 解 : 悟之理 情 脫 家 微妙淨 分中 略 一德秘 滅 有 山 為 , 即 不 , 密之藏 中 峝 法 為 佛 身 大 , 性 佛 0 我 妙 所 地 , , 湛 心 佛 即 湛 證 , 然 因 圓 眾 讚

映 切 故 讚 日 妙湛

佛因 得 佛 桹 云 : 帀 總 本 持 ·智 悟 大 地眾 此 讚 成自受用報身 , 佛報 依 生 如 , 身 個 如 智 0 個 報身 具有 , 照 0 如 以智慧為身 此智總持 如 如 來智慧德相 理 , 迴 切智 光 , 返照 此智即般若妙智 , 即指般 是為一切智之根本 , 照澈 若 德。 心 源 眾生迷此 , 惑盡 是般若德,人人本有 智 依根 圓 , 全智 , 本智 轉 |成識 識 成 復起 ; 我

後得智 華嚴 字 比丘說法,故讚曰不動。 身 者 持 隨 即 由 動 以大教不契於小機 機 佛 現勝應身 ,成他受用報身。總持 :從因剋果 應現 :讚佛應身 不 ;應以劣應身得度者 動 , 五住究盡,二死永亡,福慧兩足, 本 。應身乃應眾生機,所示現之身,觀察眾生,應以勝應身 際 此以三德三身合釋,以佛證三德成三身,故以讚之 ,由是雙垂 , 普 [應十方 無量 ,相好莊嚴,能為眾生,作外熏之緣 兩相 , ;即現劣應身;應以樹神身得度者 自在 ,不動寂 解脫 , 湯, 任運 無礙 九界稱尊 而 遊鹿 , 苑 即 0 , 解 為世間 現丈六身 脫 德 ,故讚 ٥ , 即 如 坑現樹神 佛 為五 得度 戸總 初 尊 說

本不 此究竟堅固之定 頂 提之定。前請說妙奢摩他、三摩、 ,首楞嚴王, 生滅 首楞 嚴王 自性天然妙定 記即 ,前說 即三定之總名。今以總名讚之。首楞嚴譯為 阿 難 所請 四科七大 ,即首楞嚴定也 , 世尊所證 , \_\_\_ 禪那,乃定之別名;後佛告以有三摩提 切事 ` 相之法 所說之法 。此定為定中之王 阿難啟請 會歸 ,能統百千三昧 如 一切事究竟堅固 來藏性 ,十方. 如來 , 本不 ,名大佛 得 動 呵 搖 佛 成菩 難 證

世三

乘,之所共尊故

云 聞 : 此 悟 諸 此 佛出於世,懸遠值遇難;正使出於世,說是法復難;譬如優曇花 ,故以所悟之定名讚之。世希有三字,雙讚佛法 ,難逢難遇。 如法華經 ,時時乃

一現。」豈非世所希有耶?

### 关二 悟獲法身

# 銷我億劫顛倒想,不歷僧祗獲法身。

萬法 悟明心性 為 科 聞 有 數 水 法身 如來 , 則 顛 此明所獲之益。上句斷妄益,下句明真益。銷者銷除,億劫即無量 妄 億 倒 , 各有自 , 循循善誘 想者 印真 ,如若不悟真心,安得銷除妄惑? 劫 迷不自知 顛 倒妄想 體 , ,迷真認妄 復融 ,妄認身心為實我 ,破緣影之非心,指根中之佛性 , 則非失似失,若 七大,全相全性 , 旦 , |銷除矣! 執妄為真,真妄顛倒 ,萬法為實法 而此銷除之功 , 將 旦 開悟 本有法身 , 親 0 , 我 迷心在身內, 見本 , 十番正示 和盤托出 ` 由如來微妙開示 |來面 法二執顛 目 **,** , , 如云開 倒重 惑法在心外 則 一見翻 無得 重 為得矣 見日 顯 錮 ,二由阿 蔽 , , 非局定 ,冰化 更會四 將本 身心 ? 今 難

沙論》 不歷僧祗獲法身者:梵語阿僧祗劫,此云無數劫。劫者劫波,乃長時分。 云:「三祗修六度行,百劫種相好因,然後獲五分法身。」 《唯識論》云: 《婆

三 : 一 登妙覺,是未獲法身之明證;三、阿難仍居初果,至如來說定已竟,方得進位於二 身 地前 ٥ 、執婆沙唯識,權乘不了之義,疑今大乘圓實之旨;二、阿難希除細惑 今阿難自敘 歷一 僧祗 ,初地至七地, , 不必經歷三大阿僧祗劫 滿二僧祗,八地至等覺,是三僧祗 ,已獲法身 , 以為致疑之端 , 然後究竟法 0 致疑有

果 何得遽云 ,不歷僧祗獲法身耶?以致議論紛紛,莫衷一是。

:第一當究獲字;獲者得也,有悟得證得之不同

0

阿難煩惱障重

, 所

今特詳釋

殊 成 銷 此 知 障輕 ?心不生滅,不動搖,即人人本具清淨法身,昔被顛倒妄想之所覆蓋 如 圓 權教多重 〔雲開自當見日,則親見本有佛性,而云悟獲法身者 況已發大心,已求佛定 事 柏 , 切眾生, 必假修成 本來成佛」 ,實教則重 ,佛為重重開示,直指本有真心, 性具 ,倘能一念迴光,便同本得 ,貴在了悟 0 何過?第二當究權 未悟之先 以為菩提正 ,但離妄緣 ·法身· , 現倒 本自現 想已 實教 因

大佛

故雖未 名 為 覺 圓 即 如如如 融 , 性 而獲法身矣。然則執現果,而不許阿難獲法身者,失旨之甚也 佛。豈同權漸之教 顛 圓 及斷惑究竟 倒 融 不礙行布,此如 , 至後開悟 ,不妨全獲法身 見心於太虛之外者 ,必歷僧祗,方獲法身耶?第三當究圓實教旨: 正 脈疏 , ,交光法師云:按圓教教旨,則行布 全體即佛 , 豈不號為正徧知哉?正徧 0 如前開示 , 迷心於色身之中 **不礙** 知 行布不礙 , 者 即 圓 成 , 既 融 正

住後 是則 礙 也 也 也 何 錐 此 又圓 , 若更取於延促同時之玄旨,愈不可以長短拘矣。二讚謝獲益竟 斷別惑以去,一生有圓曠劫之果者矣。如是則雖謂其卻更不歷乎僧祗 卻後 經後云: 況 圓 融不礙行布,故雖全獲法身,不妨更除細惑,更歷諸果, 頓悟後之脩 , 更歷僧祗 理則 領悟 , 念念是佛 以成究竟佛果 ,乘悟併銷 , 雖進 , **過**斷通惑 當亦與此不歷之前 事非頓除 , 亦與權漸脩 , 因次第盡 , 先獲法身 者 0 , 日 可 更成究竟寶王 劫 為 明 相 , 證矣 了不 倍 亦無 至於 相 如 礙

發廣 大心 分五 癸初 發願報恩 誓度眾生 Ξ 求除細惑 四 速成正

覺 五 申述不退 今初

## 願今得果成寶王,還度如是恆沙眾 0 將此深心奉塵剎 ,是則名為報

#### 佛恩。

眾生 對前說 要利 願 莊 微 指上智悲二心 運智 往 **湿成佛國土,** 塵剎 無邊 首句佛道無上誓願成 精 他 阿難既已悟獲法身,自知成佛有分,故發願成佛度生,報佛開示之深恩。今字 ,上求佛道以自利;下句乃運悲,下度眾生以利他。還字即表示不但自利 進修持 土 , 度脫 誓願度 前悟獲法身 ,諸佛眾生, 如是 ),將此深心四字,雙運二心,而束為深心。 ,早得菩提佛果 是則名為報答我佛,微妙開示之深恩也。此偈兩句 兼攝法門無量誓願學, , 恆 於佛則常隨受學,以求慧足;於生則廣行濟度 河沙數之眾生。 但是理法身 , 兼攝煩惱無盡誓願斷 ,成就寶王。寶王 , 今欲依悟起脩 將此深心奉塵剎 以必達法門, |即佛寶法王,於法自在也 ,以斷盡煩惱 ,冀得究竟法身 方能度生故 願將此深心 是則名為報佛恩者: ,方證菩提故;次句 , , 故發願自今以 , , 亦 以 口 即 求 奉 此 四弘誓 十 福 此字 足 方 , 還 句 乃

## 癸二 誓度眾牛

#### 伏 請 世尊為證明 • 五濁惡世誓先入,如一 眾生未 成佛 • 終不於此取

#### 泥洹。

大假合 生具下 云時分 中 飯 偏 非 Ŧ. 退 度 比五 種妄 , 失 滿 先 終非究竟 塵 前 乎 应 斯 度 偈 劫 鈍 見 , 總屬 劫濁 弘願 難 中道 使 濁 人也 發願度生 能 成 , , 脱使眾生 無別體 無常 即名劫濁 故名為利 。三者戒 0 0 五者邪見 四者見 **T**. 以 濁惡 願 。二者邊見 , ,即下四濁交湊,是其 重 是果後自覺已圓 造作諸 世 取 取 一力微 ° 。二見濁 誓先 : 非果計 非因 撥無因果 者身見: , 元:執有: 業 入者: 故俯伏啟請 蘣 : , 能使眾 *Ŧ*. 果 大 執身 此急於救苦也 :執空,而起二邊之見,一 利使為體 , 而起邪外斷常之見,墮豁達空 而起自負所見之見 而起我能持戒之見 然後覺他;此偈五濁誓入,是果前自未得 為我 生 世尊 組也。 , 趣入生死 , , , 諸 闻 為 時當 見熾盛 • 起我身之見,妄生貪愛 作證 Ŧ. 濁 減劫 , 明 故名 , : , , 未證 修諸苦行 即 實 ,人壽減至二萬歲 味偏執,不悟見解既 其 劫濁 求慈光加被 為 使 相 言證 也。 : , 梵語 而 ,不悟蒸沙作 不悟雜毒入 不 **E**. 幾微 · 悟 有 利 劫波 令得不 不 使者 迅 悟 速 漏 , 眾 此 界 四

心 自誤誤人 0 此五種妄見 , 昏昧汨沒 , 渾濁 自性 , 故名見濁

落卸 驕慢 癡心 陰 屬 五. 彻 惱 鈍 生 念念相 之。 塵 亂 0 0 分屬 影 眾 境 造 , 不能 者貪心 煄煩 生 有 續 子 界 於 諸 渾 沪庸 以 積聚五陰 惱 惡業 濁 , 单 為受陰 織 即 濁 如 謙 自 急流 想陰 間 境 性 遜 , , £ 於 五 則心王心所 0 能 , 陰 順 水 為 五者疑心:於諸善法,心起疑貳,不能 故名 鈍 ; 使眾 , , 非 雖諸識皆 雖 身 情 使 , , 配受 遷流 達非順 諸 為體 境 , 生 煩 識皆 故 上 惱濁 , 日 不 ` , 趣入生死 ,三災感召 攝無不 . 攬五 起諸 息 有想 想 有受 , 0 起諸 ` , 四 思三心 陰 即 , 貪 , 眾 惟六識 盡 癡迷 愛 行 惟 0 生 , 陰  $\overline{\mathcal{H}}$ 外 , 。二者瞋心 濁 故 , 所 識 身 心 , , 即 亦 :攬五陰見慢為 題力最 **四大假** 不能覺 所 受力偏 雖 , 其 名 諸識 尚 即 相 使 攝諸識中 有 也 , 勝 合 察 皆 四 強 比前 0 於違 十八 有 , 0 , , 五 故 葸 故 四 屬 鈍 [者慢心 五. 心所 色陰 決擇 情境 矣 以屬之;七識 以屬之;六識 , 體 者 利 惟 0 ;此五 Ĺ 八識執持 七識 , , 惡名 稍 五. 內心 收 種 思力偏 於諸 為 耙 攝 妄心 穢 鈍 前 種 諸 未 滯 稱 妄心 眾生 息 想 盡 恆 瞋 五 審 , 重 像 識 恨 , , , 暖 今 即 能 思 故 前 , , 領受 煩  $\equiv$ 以 故 量 其 心 名 使眾 塵 壽 四 動 耙 以 相 為

大佛

頂

如如

來密因修證了義諸菩薩萬行首楞嚴經講義第九卷

穢 為 絕 稱 見 , 著 我 執 持 期 , , 眾生之名 ,此身 往世 慢是俱生主 ,不至散壞者 , 識在身中, , 鄙惡下賤 辜 , 為慢 , 乃有煖氣 即識陰 ,色心劣穢 我;前世所作業因 , ,壽命未盡, 是謂攬五陰 , 生死輪 ,今世所受果報 迴 0 識若離身 , 見慢果報者 備嬰眾苦 , 便生冷觸 ,見是橫計主宰 故名眾 以 為 其體 生 , 壽命斷 惡名

萬歲 人生上 生剛 明 因 心 有 即見、聞 分 作 五命濁 強 八識 過一百年減一 , :六和合 難 見分, : 不過百年 調 、覺、知之心法。人生攬地、水、火、風四大為身,四大本 色心 難伏 0 旋令覺知 色 連持為體 , 歲 我 ` 脩短 心連 佛於此時候 ,減至一百歲時, , 無定 屬 , 見分本一精之體 催年減壽 , 執持 ,生死不測 ,出現於世 **示**散 , 則其相 五濁熾盛 ,足為命根 , , 故云 0 因 阿難亦誓願 也。 四大色法 「命濁: ,其苦轉劇 色即地 , 故以為 是為 , 、水 , 壅令留礙 體 先入濁世度生 五濁之世 , 名 為 五 濁 惡 世 0 火、 催 年 減壽 風之色法 無知之物 0 , 元 者 依 欲步 一。眾 從二 一精 以

如 眾生未成佛, 終不於此取泥洹者: 此廣大心, 與常時心也。 誓願度盡眾 本師之後

塵

也

別 生 取 如 泥 地藏菩薩 洹即取證涅槃,泥洹亦翻滅 ,願行 堅強,眾生度盡 度 ,乃梵音楚夏之別。不取有二:一 ,方證菩提;地獄未空,誓不成佛 , 不取二 無二 無

證菩提也。

乘獨得涅槃;二、

不取諸佛究竟涅槃

0

即眾生度盡

,

我願方盡

,亦即眾生度盡,方

## 癸三 求除細惑

# 大雄大力大慈悲,希更審除微細惑。

獲法 能 德 文云:「 示 阿 拔眾 能 難 身 界內思惑;二、界外無明 上句讚佛德,下句求斷惑 !破微細深惑 生生死之苦 , 斷除三界修心 即 而此二惑俱在 審 除 也 0 , , 稱大雄 阿 稱大 ·,故欲 難悟後請脩 六品微細煩惱 悲 ;能拔無明深根稱大力;能與眾生究竟之樂 0 加功用行 。思惑是煩惱障細分,無明是所知障細分, 是以希求我佛, 0 佛尅備二嚴 :,至第 ,求佛更為開示審除 八卷結經 進位 , 具足萬德 更為審除微 .於二果,尚有七十五品未斷 畢 , 方斷根 ,此略舉而讚 細惑 0 中 第四卷佛答滿慈 ,此惑有二 積生無始 0 , 呵 稱 以佛具智 一分別 難 大慈 虚 習 雖 何 兼 悟

况此中生、住、異、滅,分劑頭數。」界外無明,是微而又微,細而又細也。

## 癸四 速成正覺

# 令我早登無上覺,於十方界坐道場。

佛果究竟覺;此仗佛大悲,拔二種生死之苦,得證無餘涅槃,方登無上大覺之位 此半偈 ,承上半偈 。佛以大雄大力,除我細惑,自可令我早登無上之覺道 , 即

更望佛大慈,與福慧二嚴之樂,於十方世界,應機示現,現坐道場,說法利生也

## 癸五 申述不退

# 舜若多性可銷亡,鑠迦羅心無動轉。

心 , 妄顯真周 心 、不顛倒心,四心並發,四弘深誓。結云:縱使空性,可以銷亡,而我堅固之 決無動轉,即所謂虛空有盡 舜若多此云空,鑠迦羅此云堅固 。庚初銷倒想明妄真以現信竟 ,我願無窮也。從正宗至此,說法當為一周,名破 0 阿難已發上求下化,廣大心、第一心、常

# 大佛頂首楞嚴經正文卷第三終

庚 除細惑辨性相以開解 分三 辛初 滿慈躡前以起 疑 二 如來次第以除二惑

大眾領悟讚善謝益 辛初又分四 壬初 讚歎如來妙示 \_ 泛敘自他疑情 三確陳

二種深疑 四 望佛大慈開示 今初

地 爾時富樓那彌多羅尼子 , 合掌恭敬 ,而白佛言:大威德世尊!善為眾生,敷演如來第 • 在大眾中,即從座起,偏袒右肩 • 右膝著

#### 義諦。

妙極法 大威 言 : 滿 空如來藏 用平等門, 慈子 乃稱讚佛為大威德世尊 此科與上科對映,上科佛為阿難,先用方便門,分別真妄,令其捨妄從真;後 身 阿難銷除倒想 '。在旁觸動心疑 ,登無上覺 , 會融真妄 真本體 。爾時富樓那 (此云滿) 彌多羅尼 (此云慈母) 子,連父母為名 ,令阿難明真生信 ,令識萬法唯心。 由佛大德 ,即從本座而起。偏袒右肩,右膝著地,合掌恭敬 ,佛有折伏之嚴 阿難悟獲法身 四科七大,一一皆如來藏 ,頓獲法身, ,曰大威;有攝受之慈,曰大德 更求如來審除細惑,早得 ,妙真如性 而 。仗佛 乃說 白佛 ; 即 親證

550

可謂善為也 深 由近而遠,「巧從花下路,引入洞中天」 善為眾生 0 若對小機說小法 , 敷演如來第一義諦者。 ,不足稱之善為 能為阿難等,小機眾生,循循善誘 ,令銷億劫麤惑,悟獲法身真理 。今為敷揚演說 , 如 來自證第 ,自淺而 義 是

諦 向 四 科 七大 , 直 指 如來藏心 使悟自心 圓 **| 融周編** , 常住不 滅 非 佛善說法

要

曷尅臻此?

## 壬二 泛敘自他疑情

世尊常推說法人中 百步外 ,聆於蚊蚋 ,本所不見 我為第一 • 。今聞如來微妙法音,猶如聾人, 何況得聞? 逾

周徧 生 法 0 樓那第 今 廣別義 滿慈子自 聞 皆精微奧妙之法音。猶如聾耳之人,遠逾百步之外,聆於蚊蚋之聲;意謂聾 如來 理, 述 , 微妙法音 , 諸弟子中, 世尊常時推重 故曰常推 通指前三卷 。滿慈因曠劫來,有大辯才, 滿願第一;有時云:「種種 ,說法人中, , 十顯直指真心 我為第一 0 , 因緣 四科 分得 増一 , .全事 如來四辯 譬喻說法,能利眾 阿含》 即 理 云:善說諸 故能 七大圓融 為第

人聆蚊 況蚊納之細聲乎?彼蚊蚋之形,本所不能見,何況得聞其音聲耶? ·蚋,即在近尚不能聞,況遠逾百步之外乎?又聾人處遠,即大聲亦不得聞

步外 法合聾人喻二乘人,根小智劣。如華嚴會上,有耳如聾 喻 小機與大教 , 程度隔遠 ٥ 蚊蚋微 音 , 喻微妙法音 ;本所不見, ,不聞圓頓之教;逾百 喻 如 來藏性

# 佛雖宣明,令我除惑。今猶未詳,斯義究竟,無疑惑地?

之理,本所不見;何況得聞

',則聞.

[如不聞

種宣明 此敘自疑 , 萬法即心 。以小乘法執未亡,平日迷執萬法心外實有 , 諸大圓融,令我除疑,現今依舊未能詳明 ,諸大互相陵奪 , 此等第 義諦 0 佛雖種

## 竟而到不疑之地。

# 世尊!如阿難輩,雖則開悟,習漏未除。

解 住 ;意謂悟則 得以 此敘 河難 現前 雖 0 尚希如來審除細惑 輩字兼諸有學 悟 , 恐其非真 0 0 開悟 何 ,而我執俱生全在 .以故?以阿難雖然頓忘法執 , 指阿難輩 , 聞佛妙示 習漏尚且未除 頓悟妙心 分別 , 習漏二字分 而於法空勝 周徧常

氣 解 漏 此二惑絲毫未動 即我執俱生,台宗曰:「思惑」 ,豈得謂為真悟耶?此滿慈不達 0 習即生、住、 ,深悟與淺證 異、滅 、分劑頭數 ,二不相 , 無明習 礙之

#### 我等會中 登無漏者 • 雖盡諸漏 ,今聞如來 • 所說法音 • 尚 紆 疑

悔

0

理

來所 證 無漏之位 說 此 2 敘他疑 第 義 , 諦 雖 。如我等輩,在會之中,已登四果之人,無欲漏 盡諸漏 , 微 必妙法音 0 觀 雖字 , 未能領! , 所 悟 證 亦非真實 , 尚 **. 紆繞於疑悔之間** ,以我空雖證 , 對今日所聞 、有漏 , 法執全在 、無明 大乘 0 今聞 漏 而 已 生 如

疑

對昔日愛念小乘而生

悔

確陳二種深疑

分二

疑五大圓融之故

然,云何忽生 世 尊!若復世間 , 山 • 河大地, 切根塵 癸 初 諸有為相?次第遷流 , 陰 疑萬法生續之因 、處、界等, 皆如 • 終而復始 來藏, ? 清淨本

此於萬法以起疑。 前五句牒佛語 後五句舉疑情 0 問云:世尊 !若復世間

忽生。 切萬法 如來藏 為 藏 七大 , 如來藏是無為 清淨本然 山河大地,屬無情之世界;諸有為相,屬有情之眾生,及與業果。 (;此總舉,下別列。根塵指十番顯見,根塵對辨。陰、處、界等 。」陰等四科,科科皆云:「本如來藏。」七大文中,一一皆云:「 總括上三卷之文。顯見不分科中云:「此見及緣,元是菩提,妙淨明體 清淨本然 0 ,以清淨故,不應更有染法之相,云何忽生山河大地等 因聞 ,既皆無為,應當無相,云何忽生山河大地諸有為相?此疑始之 如上妙示 遂而起二疑 , 此於萬法起生續疑 世間 ,等六入、 意謂既是 , 染法之 法 如來 是有

說 以既是本然 成 顯 、住 0 始生終續之詳 此次第遷流 次第遷流 壞 、空,空已復成;眾生有生、老、病、死 , 故不應更有生滅之相 ,終而復始者: ,即上世界、眾生、業果等三,終而復始,即是相續之意 ,非直怪問其不當生也。滿慈但執空如來藏,不變之體 此疑終之相續 ,云何次第遷流 , 次第上,若再加云何二字 , ,死後再生,是謂終而復始 終而復始耶?此問 乃求 。世界有 其意更 佛為

相耶

空如來藏,隨緣之用。故佛後分始生終續,說不空藏以答之。

## 癸二 疑五大圓融之故

# 又如來說:地、水、火、風,本性圓融,周徧法界,湛然常住 0

不動搖 當 圓 ;此之周徧法界,乃通徧實,即前之周徧;此之湛然常住,乃常真實,即前之本 知現前地、水、火、風,均名五大。」蓋此之本性圓融,乃圓教實 此於五大以起疑。 0 既均名五大,則地、水、火、風,亦應具此三教實 先牒佛語,空大文云:「若此虚空,性**圓** ,何以現見,地水相 |周徧,本不 ,即前之性 動搖

# 火二性,俱徧虚空,不相陵滅?世尊!地性障礙,空性虚通,云何 世尊!若地性徧,云何容水?水性周徧,火則不生,復云何明 , 水

二俱,周徧法界?而我不知,是義攸往

0

陵,水火相剋

地空相礙也?

者 以其無相則無礙 此述疑情 。牒中惟四大,此加空大,互相影略 ,故不疑也。首二句,疑地水相容,乃問:設若地性周徧 0 總疑五大,而不疑見大、識大 , 地

知是萬法生續 為虛通之相 不相陵滅耶?後四句疑地空相容。世尊!地性屬有形 火大則應當不生,以水火相剋之故,復云何佛又發明,水火二性,俱徧 是質礙,水是流動,云何地能容水?中六句,疑水火相容,乃問:設若水性周徧 , ,五大圓融之義所歸;攸往即所歸也。 通 礙 , 性不相循 ,云何地空二者, 俱能周徧法界?而我淺智 , 乃障礙之義 , 空性屬 虚空,彼此 無形

## 壬四 望佛大慈開示

惟 願如來 ,宣流大慈,開我迷雲,及諸大眾。作是語已,五體投

# 地,欽渴如來,無上慈誨。

澈本性圓融 五體投拜於地 此求佛釋疑 , ,欽承渴仰如來,無上慈悲之教誨。 周徧法界,湛然常住之義,而到究竟無疑惑地。作如是請法之語已, 0 惟願如來發宣流布大慈風 ,掃開我等之迷雲,令得慧日 初滿慈躡前以起二疑竟 員 丽 照

### 如來次第以除二惑 分三 壬初 令益許說 二 正為宣說 今初

## 爾時世尊 ,告富樓那,及諸會中漏盡無學 **,諸阿羅漢**

大佛

此標為滿慈,一類之機

#### 聞 如 來今日 ,及諸一 , 切未得二空 普為此會, ,回向上乘 宣勝義中, 0 真 阿羅漢 八勝義 筝 性 0 0 令汝會中 定性聲

之用 諦有 覺 緣 藏 諦 大慈 , , ; 三 、 是執權 答五 清 逆 此 , 故佛為說後二藏 明 淨 種 而 大圓 所為之機有三:一 本然 證得勝義 : 說殊勝了義 疑實 融 , 。 \_\_\_ 世間勝義:謂蘊 , , 歸 迷藏 即一 :謂二空真 極三藏一心,為勝義中 , 真法界 不獨為滿慈一人而說也。 性不變之體;今滿慈執清淨本然 ,以窮生妄之深源,成礙之幽本,答萬法生續 定性 如 ,不變之理體 、處 ; ,二回心,三眾等 应 、界等;二、道理勝義:謂苦 勝義勝義:謂一 ;能起隨緣之事用 真勝義性 勝義 0 如來自言普為者 中真勝義 真法界 , 是執實難權 性者 0 0 前 此經所 集 阿 0 .難 法 ,不離性本二 ,即是以 , 相宗 昧 執 云 ` 藏 滅 和 合 性 , 隨緣 勝義 平等 如 道 大 來 四

根 阿羅漢 令汝 會中 0 聲聞是阿羅漢之別名, , 定性聲聞下 , 示所 以聞四諦聲 被之機 0 定性 ,入涅槃道故 聲 聞 , 指 沉空滯寂 。不肯回小向大, , 得 少 為足 涉俗 鈍

城 利 1生,故名定性。 願趨 未 一曾兼 寶所 :得法空。然雖未得法空,已能回小乘之心,向大乘之道,不甘永閉化 是為 及諸一切,未得二空, 回向最上一乘, 大阿羅漢 回向上乘阿羅漢者:未得二空, 。等者等在會辟支,以及有學之眾 是但證我

#### 獲 。富樓那等 乘 寂滅場地 ,欽佛法音, • 真阿練若 默然承聽 ,正修行處 0 0 汝今諦聽 • 當為

汝

若但 門 真阿 場 覺 即 大白 地 如 |練若 境 牛 故曰正修行處;下文所說,三如來藏心是也。若悟此心,是為開 來 佛先許說真勝義 、大寂 靜 車 真 密 阿 :有云阿蘭若,譯為無諠雜,即寂靜處,無有喧譁雜鬧 因 0 非真寂 令在會皆獲者 **|練若** 滅 佛 海 說奢摩他 , , **%滅場地** 與境 即涅槃果海 此許得殊勝益。一乘即上乘,乃最上一佛乘也;即法華經之 無干 , ,非真阿練若 , 佛慈平等普益也。 令悟妙心本 此心即首 。上二句切勿作果地解 ,必以本來不生滅不動搖之真心 · 具 圓 楞嚴之定體 理 寂滅場地:即不生不滅之因 ,十方如來 , 乃 為· , 連三、 十方婆伽梵 , 皆依此因心 四 ,寂靜 兩 圓解 句皆是因 **,** 可脩行處 方是寂 地心 , , 路涅 而 始可起 心 成果 , 亦 槃 滅

圓脩 ,得圓證矣。汝今諦聽,當為汝說者:佛囑以諦實而聽,望其勿再執理迷事

藏心體雖 **【不變,用能隨緣,隨染緣則三種相續** ,五大相陵;隨淨緣 ,則滅塵合覺

故發真如 ,妙覺明性。 此科先說隨染之用 。富樓那等,欽仰佛之法音,默然承聽

難 以示生續之由 丑初又五 壬二 正為宣說 寅 初 說空不空藏以示圓融之故 牒定所疑 二 舉真勘問 分二 癸初 正答滿慈 三 審得其惑 兼示阿難 子初 又二 丑 初 癸初分二 四 正答初問 正明生續 子初 先說不空藏 二兼釋轉 五 雙關

# 佛言富樓那:如汝所言 ,清淨本然,云何忽生山河大地?

結答

今初

為言 應有二:一、隨染緣起六凡用。二、隨淨緣起四聖用。今為開迷成悟, 妄歸真,以顯藏心不變之體;此約心生滅門,從真起妄,以顯藏心隨緣之用 切根、塵 正 而全用更在下空不空藏中 |脈》云:此科說不空藏,以示生續之由 、陰、處、界等,皆如來藏 。此牒定所疑科 ,但牒清淨本然一句, 。此對上空藏,彼約心真如門 ,乃是略牒 0 於所問中 於滿慈所述中 故單取染用 但牒云何 。然用 , 略去 會

忽生 Щ .河大地?略去諸有為相,次第遷流 ,終而復始三句。所牒之語雖略,意必

## 寅二 舉真勘問

#### 汝常不聞 我常聞佛 如來宣說 **,宣說斯義** • 性覺妙明 ٥ • 本覺明妙 0 富樓那言 :唯然世

勘驗滿 不覺 照 真 覺 座 是妄 源 此 性 自是常聞。故舉以問云:汝常時豈不聞如來 (# ) 宣說耶?性覺本覺 空藏說真如門,不空藏說生滅門。 生起三細六麤 明 約 性覺本覺 妙 慈 亦祗是理具之照用 明 一真理體之謂性,本表天然原具之謂本,不涉事用 是否錯認?性覺妙明 崩 妙 , : 即生滅門所依之真 乃寂 , 乃有世界 而常照 ,非事造也。 , , ` 照而常寂 本覺明 眾生 0 生滅門中,有覺不覺二義,覺義是真 ` 《起信論》云:依本覺而有不覺 佛舉此二語,具有深意:一 妙: 業果三種 0 妙是不變之體曰寂 是佛常與諸菩薩 , 忽生相續 , 不論修為 , 0 今佛舉所依 宣說其義 明是隨緣之 顯無明 , 復由 即萬 ,原一真 , 萬 滿 (,不覺 真 用日 法之 法 慈在 覺 無 明

離此無依;二顯寂照本具,豈假妄明?

性覺妙明 云: 此問 富樓那答言:唯然世尊 全似初問 本覺明妙之義 阿難 ,見何發心, 0 滿慈聞雖常聞 。唯然應諾之詞,猶言是也。我常聞佛,宣說斯義 是皆借舊見聞 ,但屬聞言, , 以發開示之端 並非聞義 , 觀 下自. 知 交師 : 即

## 寅二 審得其惑

# 佛言:汝稱覺明,為復性明,稱名為覺?為覺不明,稱為明覺?

意中 加明耶 處?以何為心?皆欲逼出生平所誤認者 是識真耶?還是認妄耶?問云:汝為復以性本自明 覺真明 滿慈說法第一 ?為是覺本不明,必須加明於覺,方稱有明之覺耶?此中本具靈明 如 ;必須加明 何解說?覺即性覺本覺 , , 即是妄覺妄明 既已常聞斯義 ,明即妙明明妙 , 。雙舉審問 定必常說 而斥破之也 0 , 佛乃問言:汝稱說覺明之時 以驗取捨 0 為復下雙舉真妄 , 稱名為覺 , 全似徵問阿難 , 即本具靈 ,以審看滿 , 明 ,心在何 乃為真 ',究竟 不必 慈還

富樓那言:若此不明,名為覺者

,則無所明?

#### 5 6 0

本無明 字 皆被佛徵出 脈》 明 矣!觀此 , 云:此答全似 此滿 與上段不明不同,上是假說覺本不明,此乃承言不更加明 麗 :慈竟取於妄,答言:若此覺體不更加明,名為覺者,則單名為覺 細細 詞中 , 素所迷執,而不覺其非者也。但阿難所執,六識妄心,滿慈所執,根 、淺、深、迥然有別 ; 反排真覺 ,阿難與佛諍言:「若此發明不是心者 ,細察意中,深取妄覺,即屬聞名昧義。首句 ,我乃無心 ,字同 同諸 義異也。 ,實無所 |不明二 <u></u> 正 。 —

## 佛言 • 若無所明 • 則無明覺。有所非覺,無所非明。 無明又非覺湛

#### 明性。

加明 明 首二 單有覺者,在汝之意,必定有所加明於覺,方可雙稱明覺也。 , 則覺明二義,皆雙失矣!何以故?體外加明, 句牒定滿慈之言 ,下則施破 0 佛言如汝所說:若無所加明於覺 則非本有之明 ,時生時滅 汝竟不知,一有 , 則 無有

加 明 有所 嵵 非覺 則非本明之真覺,若失憶無所加明時 , 無所非明二句 , 即 說一 有加明 , , 則此覺又非有明矣。 則覺明二義雙失之故 以滿慈未悟真 ,若起心 有所

覺 覺湛 本 真 妙明 明性者: ,故必欲加明於覺 以滿慈必欲加明於覺 , 不 知 , 經加明 以致覺明二義雙失 7,則 嵵 有 時無 ,全墮 ,不得常 無明 注住矣!. 0 無明 無明 又非

若摩尼 真覺 關 用 所 又非 非 , 1 (即性\* 開 珠 明 則 光 , , 明 必加電氣以明之。 不 其意 柏 , 湛然 明 捨 稍 雖 離 難 , 已明 , 即 領會 妙明之性 珠 0 , 非真 即光 今以 有所非覺句 ; 摩尼珠 , 妙明則常寂常照 喻 不必 明之;真覺本具妙 更加明而 無所非 , 有 所加明 明 明之;妄覺性 , 豈時有 句 , 锏 則非 無所 , 蒔 如 真覺 加 無耶?此 摩 崩 本 尼 朩 時 , 寶 如 崩 , 珠 則 電 中有 , 非有 燈泡 如 , 本 電 所 具 明 燈 非 , 必 泡 光 覺 加開 如 明 , 電 狀 照 無

燈泡 開 關 不 開時 , 則 無 有明 0 此 二句即覺明二義雙失 , 咎在 加明 也

# 性覺必明,妄為明覺。

覺 覺 真 明 , 佛 此結 本 解 真 即 妙明 今按 成妄本 直 斥 明妙 上文 , 加 0 必明即是無明 明 , , 乏非 佛 並 不假明而明之。 舉真妄二 0 此 覺 旬 , 削結 無明乃為結妄根本。 , 雙審 汝意必定要加明於覺 歸 滿 0 性覺 慈 , 滿 必 丽 慈以必須加明於覺 , 此必明二字 妄為 明 , 覺 方稱明覺 者 , 性覺 諸家多作必具 方 ;此必定加 即 可 性 稱 本二 為 明

必明必字,即下文知見立知立字,自心本具真知真見,無庸更立知見,故佛告云: 明之一念,即是妄為,乃不當為而為也。遂將妙明轉為無明,真覺變成妄覺矣!此

「知見立知,即無明本。」此必明亦即無明本也。

具照體 令初心 顧 便入妙覺果海 仍有大益。如來親見等覺菩薩,諸念皆盡,惟餘此念,佛法不得現前,此念若盡 出矣!法王自在 近?」答:「此惑在三細之前,本非菩薩所知 能發萬有之相,下文自見。問:「生相無明,等覺未了,今言加明於覺,意何淺 本不覺,曰癡、曰迷。及無住本,皆目此也。有二功能:一、能隱真覺之體,二、 字便是明字,能所者, .正脈疏》云:「無明親依真心本覺,獨居九相 ( ར鴣) 之先,別名獨頭生相 一,不用 ,比量而知 重起照察 ,故令頓根眾生,但了法空心淨,一念不生,遙契如來涅槃妙心 「,豈如是耶?」問:「借言非真 。借言加明於覺 本惟一真本覺,妄成能明之明,所明之覺,而能所俱非真 起照便同此中 ,即是其相 , 加明於覺 。捨此方便 ,惟佛現量親見,如來有勝方便 (,寧不誤人?」答:「豈 永嘉云: ,則如啞人見賊 -倘顧還成能所 止不誤 ,叫喚不 , 自 , 根 0

大佛

矣!佛祖一揆,若合符節,希頓入者,宜究心焉!」

寅四 正明生續 分二 卯 初 初之忽生 二 後之相續 卯初分二 辰初 無明不覺生

# 三細 二境界為緣長六麤 今初

#### 覺非所明 • 因明立所;所既妄立 ,生汝妄能 0

轉相 明字 以業相為所見,妄能即能見相。即 加 動 順 也 二句 解三 明於本覺 , 說名為業。」此文較論文更有發明。論言心動,未明何故心動?此則說出,因 特因必欲加明之故 '起妄,覺即性本二覺,是所依之真,真覺非所明之境,以本具妙明,不落能所 此 即 明 因業相之所 細 依真起妄 屬 , 無明 得 , 而引 ?佛意矣!此如 ;立所所字 此心動也。所既妄立 。無明為妄本,此乃生起三細前二細惑,下即細境。首句論 ,既已妄立 ,遂轉妙明而成能明之無明 , 《起信論》云: 即屬業相 , 復由無明 《論》云:「以依動故能見。」動即業相,業者 ,生汝妄能者:上句即立所之業相 ,不可作境界解 力 , 以依 轉本有之智光 本覺 ,將真覺而立所明之妄覺 , 0 故有不覺 境界在此四句之後 ,生汝能見之妄見 , 以依不覺故心 , 下 句 交師 因 真 即 萴 明

耙 動義 也。 與下第五麤不同, 此 /亦較論文更有發明。論 一中未明依動,何以即成能

#### 見 ? 無 同 此 異 中 中 說 出 ,業相之妄所既立,引起妄能耳。下文謂所妄既立, 熾 然成異 ;異彼所 異 • 因 異立同;同異發明 明理不踰是也 因 此 復

## 立,無同無異。

文偈云 境 華 現 即 原因 動 虚空之同 出境 錐 以業 0 , 此三細· 熾 將整個如來藏真空,變成晦昧空境。空是同相,界是異相,世界之異相未成 顯 乃在妄 然 界相 相 ]相莫顯 為所見 尚 中後一, 火光盛貌 迷妄有虚空, 在 0 此即顯見不失科中云:「晦昧為空, 本識之中 能 , , , 業相 妄能 以因 乃屬 , 既結暗 但一 即第二 異方可 有人見此熾然,不敢定為細境 細 依空立世界」是也。 晦 境 味之空 類同 細 0 而成四大之色, 無同 , 轉 , 今既 至中:即第八識業相之中 相見分 , 無有 無異 0 如火光起於夜暗 物可 既有能見, , 如 所 人瞪目 空晦 見, 以 無同 暗中, 見分定欲見之,見之既 ,乃指六麤者 [觀空 而諸 0 熾然成異者 結暗為色。」又即後 乏中 , 法 0 瞪 未成 以最初一念無明妄 久發勞 , 熾 , 無有 非 然 : 此成 是 顯 , 著 則 所 論文 異之 見 久 見 空 此

釋 此現識 相即 ·分境界相) ,則云:「所謂能現一切境界,猶如明鏡,現於色像·現相又曰) ,則云:「所謂能現一切境界,猶如明鏡,現於色像 又

曰:「隨其五塵對至即現。」何異熾然之說。

之境 色 空 承上虚空之同相,與世界之異相,一 能 境 云:「晦 見故 迷妄有虚空,依空立世界 0 ` 謂異於彼熾然所成之異相境界 即三 世 異彼所異 0 界 眾生形貌各異 `昧為空,空晦暗中,結暗為色;色雜妄想,想相為身。 ] 又如下文偈云: 類 境界妄現 ` 性 眾生 境 ,因異立同:第一異字是活字,不同也;下異字皆實字 , , (境界兼) 指為 根身 ,故曰「無同」 細境 ` 器界 。同異發明 0 , 想澄成國土 與麤 ` 種 ,因對異相之界 **避境何別** 子, 同一 0 , 與麤境作胚胎耳 知覺 因此復立 異,形顯發明 , ? \_ 答: 知覺乃眾生。」 本同 , , 「此惟 故曰 無同 而立同相之空 ,因此復立 無異:此三句當指眾生 無異 在本識 皆從眾起妄,妄有空 此三 0 中 細 , ٥ 問 無同 即論云: , , 結暗 如前 : , 即 無異眾生 此 所 異相之 一卷所 海 之 中 以依 虚

正脈疏》 問 : 「 通上順釋三相, 甚生次第 但釋因明立所, 則曰 因妄為能 界

眾生

所

為

#### 辰二 境界為緣長六麤

大佛

頂

得

混

同

## 如是擾亂 相待生勞 勞久發塵,自相渾濁 由是引起, 塵勞煩

•

0

#### o

異發明 於境界 分別 智相緣境,不了唯心所現,執有定性,分別染淨,即屬分別事識亅 即引起第七識,創起慧心所,對境分別染淨,執為心外實有,不了自心妄現 差別?」答: 互相對待 (汹 所),轉生勞慮,故曰「生勞」 如是指法之詞 分別愛與不愛是也。問 而 ,由妄境引起妄心 無同異之眾生 轉 |相緣境 ,即指境界相 , ,是第八識見分, 亦相繼 ,則為緣之意,以境界之相 ::「前轉識緣境界相 ,從無而有, 而生; 0 如是藏識海中 即第一麤智相 精明之體 因異立同 , 智相 但 ,為生七轉識之像 , ,由是空、界忽生;復因同 境風 如明鏡現像 ,屬俱生法執 , 亦緣此境 擾 (也) 亂 ,不起分別 ,二者有何 0 論 相待 7,起智 生勞 云 :依 者

也 相 :續相 發塵 勞久:即第七識 , 屬 :即第六識 分別 法執 0 恆審思量 周徧計度, 論 ,相續不斷 依於智故 取著轉深 , 生其苦樂覺心 勞慮經久,故曰「勞久」 計我、我所 發生染著塵念 起念相應不 即第 斷 故 故曰 是

境之前 六中 境 屬 惱 龘 指 論 甚 自 業 未成 無明三 發塵」 有 相 云 耙 染污 以 渾 , 今由 業 方 致 濁 , 而 安得 成 相 細 依 心水 者 ` 於妄執 身口 惑引起 擾 即第三 絕 。論 四 :即第六識 | 遽有 渾濁 無身 動 麤 二義 云:「依於名字,循名取著, 0 , 疏釋 身口 身口 | 麤執取相 不清 口哉?細境 從迷入迷, , 分別假名言相」 , 喻之如· 起業 ? , , , 造 故曰 依 答 ,屬我執俱生。論云「心起著故」 , 前 塵如勞 明 : 切業 中既有根身,當有身口 : 妄上加妄 !顛倒所執 闬 自相渾 語 身 , 業因 是也  $\Box$ 0 雖約從初起次 共有 , , 相 ·濁 若必執第六方有身口 既 0 近指計名字相 上, 成 八萬 由是引起 造種 0 , 更立假名言相 業 四 即 種業」 果隨 第 第而談 千 **四**麤 , , , 且論 塵 至 約 , 由 是也 勞煩 未 , , , 理實 計名字相 無 起 亦 此引起諸業 約從初起 身 惱者 可 , 循名: 塵勞即 起著與發塵 則 無始 倖  $\Box$ 前相 免 屬 執 彻 惑 , 由是是字 , 豈真 是煩 我執 相 憑 , 0 , 亦須於第 ,即第一 間 何 , 起業? 起 惱 分別 顛 義 未 成麤 身 倒 同 遠 廳 煩 五. 特

#### 起 為世界靜成虛空 • 虚空為同 • 世界為異 彼無同異 **, 真有為法** 0

而

執

取

等

憑

何計

我我所

哉?

語

雖

有

序

,

而意

**返須圓活** 

不宜泥

也。

此 確 答滿 從性覺必明 慈所問 起 0 前 ,乃展轉敘其來源耳 四句 , 答云何忽生山 。由依性覺 河大地?後二句, , 妄起 無明 , 答諸 因 此 有為相 無明

是故曰 此世界 是指 第 中 繋苦相 以 同 相 發生三細 云 成 . 異 處 此 後 令觀順生之次第 無 眾 即 真 靜 則 但 由 , 生業果 即 約 前 有 Ш 出 《論》云:「以依業受報 , 復緣 此 為 為 河 萬 離 , 法者 此 前異相所發之現行。汝問 依報之世 大 法 , 境界 是取 地 不 初 , 真有 :此答諸有 裑 成 , 前 而 , 而 育在 ,易於開悟,而不至迷悶。了逆斷之次第 為法 顯 界 為 周 7,本不 後 世界 起塵勞, 0 , 汝問 而說忽 0 , 取彼 此正 為 ; 靜 相 離前之細境 : 惑業妄因已成 報眾生業果 細 , 而 ,不自在故。」 生矣 云何 無相 亦 境 中 崩 · 云何忽生山河大地?即由是而 ! 忽生諸 不 處 , 又約修時 同 離前之細 0 , 則空 異互 言此 , 有 亦 依依 為相? ·相形顯 為業繋縛 廓虛 前 虚 逆斷 空, 細相 境 、正苦果斯 , 通 即 , 與上 即為 所發之現行 , , 顯 由 所 而 , 是而 此 四句 而墮五陰三界二獄之 發 前 為 ,易於修證 次第 現 明 同 虚 生 相所發之現行 空 無 0 , 也 文法 故云 同 0 0 , 權 生也 空不 即第六麤業 無異之相 交光 不同 說 : 不至僭 初 起 動 彼 成有 成 法 搖 0 師 次 無

亂也。 之端 行人於真妄分明之後,一念頓絕能所,可以把定萬有,坐還清淨本然,所 又當知經自無明,以至麤境,多用能所,上下連持者,令知能所,乃生萬有

謂 : -但離妄緣,即如如佛』 矣。初初之忽生竟」

卯二 後之相續帝三 辰初 世界相續 眾生相續 業果相續 辰初

巳初 生能成四 大 二 生所成四居 Ξ 結成種相續 今初

# 覺明空昧,相待成搖,故有風輪,執持世界 o

體 有 火 而 |成搖 , 風之四大 已起妄明 世界由 上依真覺 動之風 四 。世界雖由眾生業感 ,妄起無明, ,遂將真空變成頑空晦昧之相。相待成搖:即明昧相待,互為 大所成 世間諸風 , 故交師科為能成四大。 ,不出妄心蕩動所感 而成輾轉虛妄之十相;此由無明妄力熏變 ,推究根源 ,可見風大之種 , 此風大。 亦由無明妄心而起, 覺明空昧者: ,乃是無明妄心 四大依 (,而成地 乃由真覺之 %傾奪 無 水水 明 而

動蕩不已,積了念之動相耳!

大佛

頂如來密因修證了義諸菩薩萬行首楞嚴經講義第九卷

積而成輪 故有風輪 執持世界 而世界最下,全依風輪 而得住

故 故 0 ۰ 風 《俱舍論》云:「謂諸有情,業增上力, 力極大, 而有執持之功能 ,如海 上輪船,重而 世界最下,依虚空, :不沉者,因有風鼓之力所持 空輪之上,有 風

輪」是也。

o

#### 因空生搖 • 堅明立礙 • 彼金寶者 • 明覺立堅 , 故有金輪 • 保持 或

色 成 明 明妄心,一念之堅相耳 皌 , 而立 堅執 此 柏 地大。孤山法師曰:土與金皆堅性,俱屬地大。因空生搖者:因空昧覺明 傾 地大堅礙之相 妄 , 崩 巳生 , 欲 搖動之風 明晦昧之空體 0 世 , 間 此牒風 .地大,不出妄心 大 其奈空體 0 堅明立礙 , , 卒不可明 堅執所感 : 乃屬 地 , , 大 由 可見地大之種 **|執心故** ;此大由 堅 遂 乃 固 , |執心所 結 乃是無 暗 為

土 覺 而世界 所 彼金寶者,又為地大之精 立 一堅礙之相 切國土 , ,皆依金剛輪 如 凝情化 石之類 地性堅礙 ,而得住故 0 堅執不休 ,莫過 0 如密部所說: 於金 積而 0 明覺立 成輪 室者: 「地大最下 故 有 金 即指依無明妄 輪 , 有金剛 保 持 或

際」是也

# 堅覺寶成,搖明風出,風金相摩,故有火光,為變化性

心之相 但有變化之功能 心 盪 大 句 7牒前 , 摩盪 故有火光之功能,而為變化之性質。變起世間,一切萬有,世間諸火 即 此火大,依前風 為生起火大之因 地 應按本宗發明,勿取外教所說 所成 大 搖 。可見火大之種,乃是無明妄心,一念之熱相耳!火無持含之輪 0 崩風 至後所成四居,功方顯著, 、金之所轉生。堅覺寶成者:堅執妄覺,所立之金寶既成 出者 0 風金相摩者: :搖動妄 明 , 反晦 所感之風大復出 風性屬動,金性] 經旨 與前後三輪 屬堅 ;此句牒 , 相待轉生 , 動一 前 風 ,俱帶無明妄 堅 大 , 0 ,不離妄 相 風 金二 用 摩 ; 此 相

# 寶明生潤 ,火光上蒸,故有水輪,含十方界。

者 大之光,上蒸於金 :金寶之體明淨 此水大,依前金、火之所轉生。文雖不帶心相,義亦無明妄力所致。 0 , 鬱以成氣 明能生潤 ,氣以成水 , 如五金之屬 如南風之天,萬物多蒸而出水也 ,遇熱氣而出 水也 火光上蒸者 寶明生潤 以寶 即 火

明 中 ?映以火光,蒸潤為水。世間諸水,不離氣積所感。可見水大之種,乃是無明妄心 ,金、火二妄,蒸潤所成耳。蒸潤不息,積而成輪,故有水輪,含十方界。如華

嚴經所明,諸世界剎種,皆依香水海住是也。

本, 體故 本覺之性。足見世界始於真妄和合之心,而識藏不離如來藏,若離如來藏 下有空輪 按本經 無明又為能成四大之本也。 前會四科 0 空輪依無明妄心,晦昧所成;無明依本覺,無明是不覺之相,究竟不離 世界地大依水輪 ,融七大,一 **一** ,水輪依金輪 無非如來藏性 金輪下有火輪 ,此四大,即為能成世界 火輪下有風輪 ,悉無自 萬法之 風 輪

## 巳二 生所成四居

# 火騰水降。交發立堅,溼為巨海,乾為洲潬。

卑濕之處,積水而為巨(セ)海;乾燥之處,環水而為洲潬 濟 如火性本 上文依無明而成四大,此科依四大而成四居。四大之性,雖各相違 千屬上騰 , 水性本屬下降 , 騰一降交互發生, 0 蓋海非獨目於水 立諸堅礙 . 呵 成器界 ,實則相 以注

水之巨坎,為水居眾生所依處。《灌頂》云:「浮土可棲曰洲,聚沙堪住曰潬。」即

四大部洲,為陸居眾生所依處。

# 以是義故,彼大海中,火光常起,彼洲潬中,江河常注

首句以水陸二居,是水火交互發生之故,可以驗其氣分。 彼大海本注水之處

不應有火,以不忘火之氣分,故火光常起;彼洲潬本質礙之地,不應有水,以不忘

水之氣分,故江河常注(点)。

# 水勢劣火,結為高山,是故山石,擊則成燄,融則成水。

成之故,下亦驗其氣分,所以山石,擊之則成火燄,不亡火之氣分;融之則成為 火之力,結之而為高山,如熬水為鹽,堆積如山,足證水亦可結。是高山亦水火所 此山居處 。山亦水火交發之堅相。水勢若劣於火勢,火勢若勝於水勢 ,則水隨

# 水,不忘水之氣分。如煉五金之礦,悉皆成汁

**土勢劣水,抽為草木,是故林藪,遇燒成土,因絞成水。** 

此林居處。林藪亦水土交互所成。土勢劣於水,土隨水而成潤 ,抽拔而為草

木。以是草木不忘水土氣分故,林藪遇燒 ,便成灰土,因絞則成汁水。此即不忘水

土氣分之明證也。木多為林,草多曰藪。

## 已三 結成種相續

#### 交妄發生, 遞相為 種, 以是因緣 世界相續 0

種者 明 四居 水 嬣 火復為 而 而成空昧 此結成相續 ,乃遞相為種也 指 生火大;再 所成 山石之種 四居 ,明昧相傾,搖動而生風大;次以堅執妄明,而生地大;次以風金相 。交是交互,妄即妄心、妄境。以心、境互妄 ;復降土勢以從水,抽為草木,而水土乃為草木之種 以金火相蒸 , 以水火既滿 ,而生水大。 ,而為洲海之種 故有能成四大,乃交妄發生也。 ; 更降水勢以從火 ,輾轉相生 ,結為高 故有所 。初以妄 遞 Ш 相 成 而 為

虚空之麤境耳。一自忽生之後,輾轉相續,若不破迷成悟,返妄歸真 住 壞 以是因緣者:即以是四大,交妄發生, ` 空 終而 復始 , 相續 不斷。此之相續 遞相為種之因緣 , 即 相續初之忽生 , 則有依報世界 , 起為 ,永無清淨之 世界 , 成 靜成

日也。初世界相續竟

辰二 眾生相續 分三 已初 六妄成就 二 四生感應 Ξ 結成相續

# 復次富樓那,明妄非他,覺明為咎。

起 ,並非他物,此妄亦是性覺必明,以為過咎耳。因此妄覺妄明,乃為真妄根本 此先標妄本。於已說世界相續之後,重復次第告滿慈云:欲明眾生 ,亦從妄

前之世界,後之業果,均由此忽生,由此相續也。

# 所妄既立 ,明理不踰;以是因緣,聽不出聲,見不超色

色塵 緣 心 業相本體,業相本不可見,見分定欲見之,終不能超越業相之範圍。此二句俱屬妄 理不踰,同前生汝妄能;明即轉相能見分,理猶體也,即業相之本體。以見分欲明 以 首句承上,因有覺明之無明,遂立業相之妄所,同前因明立所 以見分所見,但是業相晦昧空,尚未涉境。以是因緣:是業相為因 ,此二句即現相,隨其五塵,對至即現;見聽屬心該覺知,即轉相 此因緣,自心取自心,非幻成幻法,遂結暗為色。 所聽不出聲塵 0 所妄既立 ;聲色屬境 , 所見不超 轉相 , 明 為

該香等,即屬現相。不出不超,俱是心被境局之相。此之聲色,唯是惑現 ,尚非業

招,猶是本識中境界相也。

#### 色 、香、味 • 觸 ,六妄成就,由是分開,見、 覺、聞 • 知 0

知(該嘗齅) 境也。 成根 根意 色、 (眼)」,乃至第六 ,故曰分開 由是麤境已成,即法生故 香、 ) 六用。如下文所云:「由明暗等,二種妄塵,黏湛發見。見精映色,結色 味 。元依一 觸 , 該攝聲法 ,由生滅等,二種妄塵, 精明 ,分成六和合也 ,六種妄塵 ,種種心生,遂於一精明之體 , 成就麤境 黏湛發知 ,不同上二句, , 知精映法 ,分開見 聲 、覺 ` 攬法成根 ` 色之細 ` 聞

## 巳二 四生感應

# 同業相纏,合離成化。

父母己三者業同 而成形,即蠢蝡也。 此總標。 由上根塵既具 , 故相纏縛而有生 或離舊而託化,如天獄等。成對合言,化對離說 ,引起四生繫縛 , 合離即濕化類 • 溫陵戒環法師曰:同業即胎 , 不因父母 ,但由己業 卵類 , 或合濕 因

# 見明色發,明見想成。異見成憎,同想成愛,流愛為種, 納想為

胎,交遭發生,吸引同業,故有因緣,生羯羅藍,遏蒲曇等。

欲愛偏 妄惑,而欲想便成,故「明見想成」。 色發現,以妄心見妄境,故曰:「見明色發。」中陰身乘光趨赴,明見妄境,遂起 者:合轍云:中陰身投胎時,其無緣處,大地如墨,惟於父母有緣處,見有一 此於四生中,獨詳示胎生之人道者,欲令人知所從來也。又眾生受生,而胎生 顯故 0 前六句舉親因 ,中二句明助緣,後三句結成胎 0 見明色發 ,明見想成 點明

業 之緣 生 為受生種子,納受此想愛,於赤白二滯之內,得成為胎,上屬親因。交遘(&)發 父,皆是同想 ,吸引同業:父母交合,乃為助緣,因緣和合,所以發生。 此以父母吸己為同業。」 異見成僧 吸 **《引過去同業而入胎,** ,則成愛。流愛為種,納想成胎者:流注此想愛,於父精母血之中 ,同想成愛者:男見父,女見母 故有因緣者:由投胎想愛為親因,父母交遘為助緣之 如磁吸鐵相似。 ,皆為異見,則成憎:男見母 **交光法師云:「上以己纏父母為同** 吸引同業者:以父母 ,女見

故,生羯羅藍,遏蒲曇等,遂有胎相,前後差別。

硬肉 部曇 三 0 ,此云皰 (ฐ如鷺之形,);三七名閉尸,此云**價**肉 ( 《大集經》 (ष्र्र);五七名缽羅奢佉 〈俱舍》云:胎中凡有五位:「一七名羯剌藍,此云凝滑 (舜聚滑澤)。二七名頞 更有:六七名髮毛爪齒,謂四種漸生。 ,此云形位 ,亦云肢節 (與內之形);四七名羯南 (四肢骨節。) 七七名具根位 0 此 ,謂諸根具足 舉二而 ,此云 略餘

#### 胎 • 卵 • 溼 、化,隨其所應。卵惟想生,胎因情有,溼以合感 化

#### 以離應。

故

合、 同 貪 惟 味 以 離 卵 此 附合不 例 ,皆能感之業因,故胎卵溼化四生,各隨其能感之業因,應之以業果。卵生 生具足四緣 示 四 離 生。首二句舉 而感 感感 ,父緣 ; 化生即 而有生 、母緣 果由因 以厭故喜新 | ;胎生乃因親愛迷戀之情,所以 、自己業緣 0 胎 ,離此託彼而 卵 溼 再 加暖緣 、 化 , 應 皆所感之業果 0 0 胎生具父、母、己業三 四 成有;溼生乃以 生具緣 , 有多寡之不 情 聞香 想

緣 溼生但業、暖二緣。必假日光暖氣之緣也。化生惟業緣矣。

### 巳三 結成相續

# 情想合離更相變易。所有受業,逐其飛沉,以是因緣,眾生相續 0

也 更相變易者:更字平聲,或情變為想;或想變為情;或合易而為離;或離易而 情想合離:有情皆具 ,各從多分,而先受報,皆依業因感召 ,而應之以四生

為合,互相更改,彼此變易,種種不定。

緣:近則情想合離為因,父母己業,暖、溼為緣。四生轉換,三界昇沉,生死長 之分,是以升沉之果,必隨善惡之因。末二句因緣有遠近 因 皆隨業因 所有受業 ,逐其飛沉者:論四生所受業報,並非另有主宰。逐即隨義 ,所以應之業果,若善業則飛升,惡業則沉墜。情想合離 ,遠則無明為因 , 皆有善惡 ,其指業 業識為

富樓那 辰三 ,想愛同結,愛不能離,則諸世間,父母子孫,相生不斷 業果相續 分三 已初 業果指本 業債酬償 Ξ 結成相續 0

縛

輪轉不休,故有眾生相續。二眾生相續竟

## 是等則以,欲貪為本。

辨之, 生欲 代相生不斷,是等皆以欲貪為本。欲貪即指受生時之想愛;因同想則成愛,因愛則 故?由想愛既深,如膠似漆 以貪欲為最 此 ,因欲則受身也。舉世之人皆然 以其易見故也。 7明業果 0 吳興曰:欲貪通 ,本於自心之貪。貪惑為煩惱領袖,亦即諸業根本,貪之範圍雖廣 想愛同結 ,不能捨離 乎四生,今正約胎生言之。又胎生復通,今多就 , 愛不能離者:謂同想成愛 ,所以深結生緣;則諸世間 , 乃為結縛之因 ,父母子孫 何 人倫 遞 以

#### 相吞食 貪愛同滋 ,是等則以,殺貪為本 ,貪不能止, 則諸世間 0 , 卵 、化 溼 **、胎** • 隨力強弱

遞

蟲 量 止 , 但 遞 以 由有貪愛,必有身命;既有身命,必同滋養 公強欺弱 一知滋養 相吞食者 ,不顧殘忍,勢必殺害生靈,食彼身肉 弱 ,如夏天蛇喫老鼠,冬天老鼠喫蛇之類。是等則以殺貪 肉則為強食 ,大鳥喫小鳥 , 大獸喫小獸 一。彼此皆欲滋養身命,所以貪不能 0 則諸世間 , 大魚喫小 .四生之類 魚 , 大蟲 , 隨 為其根 喫小 其力

本。

## 以人食羊,羊死為人,人死為羊。如是乃至十生之類,死死生生 互來相噉 **,惡業俱生,窮未來際** 0 是等則以盜貪為本。

乎? 復 兩 羊 財 來 相 , , 互來相噉 還 非 而惡業既 羊豈甘心 噉 溫 陵日 他 理 , 陰取 半 而取,故互來相噉,以責其盜也。」以人食羊:承上貪求滋養 觔 。由斯惡業,與生俱生,冤對相值 「不與而取 成 也,皆為盜貪 0 為 何獨人之與羊如是,乃至十生之類 , 則死 人食乎?而宿業既畢,則死而為人,食羊之人,人豈世 而 ,及陰取皆盜 為羊 0 吳興謂:「殺貪未論酬償先債 , 而人羊 。 \_\_ 轉換 故以人食羊,不與取也;羊死為人 , 徴償舊債 ,窮未來際,報復不已,是等則以 死而 復死 ,互來相食 ,盜貪約過去於身命 ,生而又生 0 所謂 7,則以 世得 , 喫他 展 轉報 人食 為 互

正 脈問 似得輕重之宜;今經何獨論其 : 世 教論 殺 , 惟以忿爭殺人為重 輕 , 而反遺所重乎?一答:「此有二義:一以 一;論 盜 , 惟 劫竊 財命 為 重 , 而 食 肉不

盜

賁

為本

絕生死 輕況重 可知 非反遺於重也。況真慈平等 義 ,須斷生緣 (:蓋此方世教,急於止亂,且圖養民 ,故極至食肉 一、皆併斷焉。若悟輕者尚為生死之緣,則重者不言 ,均為奪命 ,故惟斷現亂 , 有何輕重 且約現生食肉 ,而不禁食肉;今經欲 , 似 不 為

禍

亂

若約隔

生酬債

,

則禍亂亦均

,

更待下義詳之。

世, 刀兵劫,須是眾生不食肉。」外教君子,未能信達者,勿輕非毀矣! 恣意食噉 璃之殺,世人但知近緣罵詈,不知遠因,起於食魚之冤。故此方不長太平 乃至殺人無量 一者絕本· ,人之享福者 止末義:蓋凡一 0 故佛斷食肉 , 福終禍 切殺盜,究其深本,多起於食肉 , :起;畜之酬報者,報盡為人, 乃聖智深遠,拔本塞源之意 ,如八萬釋種 0 皆帶殺冤 經云: 世間欲免 ,緣太平 遂成亂 遭瑠

### 已一 業債酬償

# 汝負我命,我還汝債,以是因緣,經百千劫,常在生死

欠我命,汝還我命;我欠汝命,我還汝命。二句約盜貪說,亦有四句:我欠汝債 上 一科明業果之本 , 此科 論相續之因 0 首句約殺貪說 ,負者欠也 應有 四 句 · 汝

我還汝債;汝欠我債,汝還我債。以是命債,惑業為因,現行為緣,雖經百千劫

怨對相遇,酬償不已,由此相續,常在生死苦海,不能 出離

# 汝愛我心,我憐汝色,以是因緣,經百千劫,常在纏縛 0

千劫 愛我心,我憐汝色;我愛汝心,汝憐我色。以是愛憐,惑業為因,現行為緣,經百 憐汝色;憐亦愛也。上二彼此心好,下二彼此色美,更有四句,心好色美合論 ,想愛同結,誓不分離,由此相續 此約欲貪說。首二句影略,亦應有八句:汝愛我心,我愛汝心;汝憐我色 ,常在愛欲纏縛 ,不得解脫 :汝 我

## 已二 結成相續

#### 惟殺、盜 、婬 • 、三為根本, 以是因緣 業果相續 0

哉 ? 故有 盜 、婬三種貪習種子,以為根本。以是因緣:即種子為因 業果相續 此承上,負還不休,常在生死;愛憐不捨,常在纏縛;並無他故,惟是殺 《指掌》問:「業果相續,與眾生相續 。若眾生聞此, 力除貪習, 則根本既盡 有何差別?」答:「業果相續 , 枝末自枯 , 現行為緣,因緣相 有何業果之可言 即依眾 資

生開出 ,但眾生相續 ,惟約受生一念;業果相續,統約歷劫積習,積習既深 而

輪 轉莫停 ,一念之差,而變易無定,若果能頓絕一念,漸治積習,則變易可定 デ 輪

轉 可停矣 (!要知眾生不離業果,業果不離眾生, 為成兩益,故各言之。」合前眾生

相續 即 是詳明真有為法 。三業果相續竟 , 併前四正明生續竟

### 寅五 雙關結答

從妄見生,山河大地, 富樓那,如是三種,顛倒相續,皆是覺明,明了知性,因了發相 諸有為相,次第遷流,因此虛妄 ,終而復

#### 始、

果 生 答忽生無別法,即生此三種相續,意乃雙關。但忽生中,先生虛空,次世界,後眾 未曾 未 此 **|文躡前三種** 曾 明言 [明言業果 虚 空 相續 , ,乃合業果於眾生中 乃合虚空於世界中, , 結答相續無別法, ,具足三種。相續中明言世界 亦全無缺漏也。 即續彼三種忽生;又躡前三 無論忽生相續 種 、眾生 皆不出世 忽生 、 業

界

眾生

、業果三法

性 面 滿慈告言:如是前來所說 即妄有了知之性 有 首二句牒上相續,次四句推究妄因 故 曰 : 「皆是覺明」 0 因此妄了之無明 世界 0 即於真覺而起妄明; 、眾生、業果三種相續 , 發生業轉現之三相 0 山河等五句,以明忽生相續之現行 明了知性 ,乃是顛倒之相 ,此明了知性二句 :指妄明之無明 ,從真 1。佛呼 , 起妄 即 了 無 知

明不覺生三細是也

有為相 止 相 雙連上下, 云何次第遷流 息。 變易 從妄見生者:乃從細向麤,而成麤惑麤境,妄見即麤惑,山河下即麤境。生字 因此虚妄:此字乃指覺明明了知性,意謂不獨三種忽生,由是而生;即汝問 , 云何發生?即由是而生也 業果則彼此酬 連上乃麤惑生 ,終而復始 償 ,亦因此虚妄, ,惑即事識見分;連下由惑生則境生 ,亦皆因此虚妄 0 次第遷流者: 而得相續也。 ,妄有相 續 世界則成 , 初正答初問竟 終而 復始 、住 0 汝問 ` 壞空 循環 .山河 往復 ,眾生 大地 無有 則 , 諸 更

楞嚴經講義第九卷終

# 大佛頂首楞嚴經講義第二冊終

# 大 ·佛頂如來密因修證了義諸菩薩萬行首楞嚴經講義第+卷

福 州 鼓山涌泉禪寺圓瑛弘悟述 受法弟子明暘 日新敬校

機那言:若此妙覺 兼釋轉難 分二 寅 初 • 本妙覺明 滿慈執因疑果 ,與如來心,不增不減 二 佛分真妄喻釋 今初 0

無狀忽

# 生,山河大地,諸有為相。

富

河大地 妄欲加明於覺,遂致從迷入迷,以妄成妄,由妄惑起妄業,依妄業招妄報 如來返本還元之心 來自妙, 絲毫 當機執眾生因性有始,疑如來果德有終。乃言:若此眾生所具,妙明覺體,本 依報之世界,攝虛空;諸有為相,正報之眾生,兼業果。是由本真之心 無狀忽生 無有世界之礙;本來自覺 ,山河大地, ,平等一如 ,佛心比生心,並不增一 諸有為相者: ,無有眾生之迷;本來自明 無狀即無因無故也。眾生最初無故 絲毫;生心比佛心 ,無有業果之昏 ,忽生山 ,亦不減 ; 與

# 如來今得妙空明覺,山河大地,有為習漏,何當復生?

忽生種種妄法

空即 界 覺 明 諸 中 等法之前 無明 , , 金剛藏菩薩之三難:「一曰一切眾生,本成佛道,何故復有一切無明 有為相之眾生,與習漏之業果 虚 妙性真空 上段執眾生因性有始 **霊朗鑑** 切如來 , 眾生本有 無二 ,彌滿清淨, , , 何時 洞澈法界,還其天然之照體, 無別 ,何因緣故,復說本來成佛?三曰十方異生,本成佛道 17復生一 0 眾生既從真起妄 ,此段疑如來果德有終。故難云:如來今得妙空明覺 切煩惱?」 中不容他,復其無物之本體,如摩尼珠;明覺即妙明本 (積聚業習) 難意全同 , 而 如來今者 , 如大圓鏡 何時復當再生耶?此難全同 0 所異者彼約煩惱苦因 , 0 返妄歸真 與眾生妙覺明 , Щ 河 , , 未生 此 大地之世 ?二曰若 後起無 約依 圓 覺經 Ш 妙 河

正苦果, 同是從真起妄也。 初滿慈執因疑果竟

佛分真妄喻釋 分二 卯初 喻妄不復生 喻真不復變 卯初分二

#### 佛 告富樓那:譬如迷人,於一 辰初 無明本空 二 萬法現無 聚落 今初 惑南為北

此舉喻 迷人、乃迷方之人,喻已起無明之眾生;聚落、乃人煙聚止之村落

•

0

喻 如 來 藏 ;惑南方為北方;南方實不轉為北方,喻迷時從真起妄,真體不變,真不

成妄,妄性本空也

此迷為復因迷而有?因悟而出?富樓那言:如是迷人,亦不因迷, 又不因悟 0 何以故?迷本無根 ,云何因迷?悟非生迷,云何因悟 ?

不許真 所因 答 此 既 自 者 言 【答因悟之難 相翻,自不 生自之理 也 儼然不錯 此迷即指最初一念無明妄動 如是迷人之迷,亦不因迷有,又不因悟出。 此辨定迷 能 , 故曰 起妄 , 相生 此答因迷之難 無所從 問 , 就法而言,足證滿慈於法未徹 無根」 但說妄依真起 : — ,云何可說 0 ; 又 復 法中妄從真起 故問曰:此迷為 0 無體 悟非生迷者:悟迷敵體相翻 ,因悟所出?如明暗相背,云何可說 , 如影 , 而為諸法之因 ,自體尚不可得 依鏡 ,喻中云何不許 復因迷而有耶?為復因悟而出耶 現 , 終非鏡體自生也 0 迷喻無明 ,諸法皆因無明而 何以故下,自行徵釋。迷本 ,云何 , 迷因悟出 可說 , 悟喻本覺 悟 0 則 , 因迷而 ? 非迷, 此文滿 有 , 答 : 暗 , ,無明不因 而 因 迷 有 ?富 慈據 無明 明 則 ? 法 生耶 斷 非 **中正** ·無根 |樓那 喻 悟 無因 更 無 無 而 ?

明,云何 明 ?而有,不因本覺而出,此為正理。迷本無根,云何因迷者:喻無明之先,本無無 可說因無明有?悟非生迷,云何因悟者:喻本覺與無明,一真一妄,真妄

佛言 云何?此人縱迷於此聚落,更生迷不?不也!世尊。 1:彼之迷人,正在迷時,焂有悟人,指示令悟。富樓那!於意

相背

,云何可說,因本覺出?

悟明真本無妄,斷盡無明;於是眾生,返妄歸真,永不復迷也。 之眾生,正在迷位之時,忽遇於佛;悟人、即大覺悟之佛,為之指示,令得開悟 也,世尊!」佛欲令就喻知法,故作是問 辨明南北之人,指示分明,令得了悟,不至將南作北。故問滿慈,在汝之意,以為 云何?此迷人,縱使先迷於此聚落,既經指示令悟之後,更生迷不?答言:「不 此辨無明不復起。佛言彼迷於聚落之人,正在迷南為北之時,倏(雲)有悟人, 。法合:彼之迷人,合從真起妄,有無明

# 富樓那!十方如來,亦復如是。

此法合。十方諸佛如來,三覺圓滿 亦同悟後不復更迷也

#### 此 迷 無 本 性 畢竟空 • 昔本無迷,似有迷覺;覺迷迷滅 • 覺不

#### 迷。

識開示 明解 時 後 覺 似 即非實有 如迷方之迷 性 似有 永 中 有 此 , 當 ?詳盡前義 迷時妄覺 不 , , 再起 此二 本 無明 作昔日在眾生位 ,以無明 無無 , 無明 更無 句悟後永無 無體 崩 0 , 此迷無本 惑南 無體故 所因 也 。亦同迷方之人,倏有悟人,指示令悟,更不生迷也。 , 起 0 智觀察 為北也 如下文所云, 也 中 ,言正當迷時 。亦如迷方者,正在迷方之時,本來無迷可得 0 昔本 , , 即 0 本無無明 , 覺得 無迷 無明無體 覺迷迷滅 無明是妄 「心中達多, , 似有迷覺者 , , 已即無迷 不過相似 , ,覺不生迷者:諸佛 同前迷本無根之義 ,當體即空 可得 狂性自歇 , 有迷時妄覺而已。 不可作眾生未妄之前 ,而況既覺之後 , 則 , 在因地 心中無明 歇即菩提 。其性徹底元空,亦 之中 既 萴 ,亦不過相 ,豈復生於 上二句迷 滅 Ė , 既覺之 遇善 本 相 , 以真 無 似 無 知

#### 辰二 萬法現無 分二 已初 舉喻 辨定 Ξ 法合 今初

迷乎?初

無明

本空竟

於上科,先以喻明 Œ |脈》云:據上文滿慈於萬法,問生續之詳,如來答無明為生續之本。今佛 ,所答無明本來常空, 非研斷始空。而此更以喻明:所問萬法

明 現今即無 華 比 萬法 ;非先無後有,亦非今有後無 , 空比真體 0 彼文三節平 0 渖 《圓覺》 ,今經前有迷方喻無明 答難處,亦有此喻 , 後有木金 , 卻是翳比 喻 真 無

# 亦如翳人,見空中華,翳病若除,華於空滅。忽有愚人,於彼空華

# 所滅空地,待華更生。

故此空華

,單喻萬法耳;即前世界等三也

華 滅 於彼空華所滅虛空之處,等待空華, 此舉喻 華本不曾生,生既不生,滅何所滅?故見生見滅,同一妄也。忽有無智之愚 華於空滅 0 如眼有翳病之人,見空中有華 0 不特見空華是妄見 , 即 見華滅空, 何時更生空華 0 空原無華 亦是妄見。 ,翳眼妄見 何以故 ,翳病若得除 ?翳眼 見空

性之中, 嫛豺 人、喻 有世界 有無明之眾生 、眾生、 業果 ,以無明力 0 空喻真空, ,轉本有之智光, 空華喻山河大地,諸有為相 成能見之妄見 , 見真空法 0 無明

眾生在 耶?故喻忽有愚人,於彼空華 嘗有生?都緣有無明之眾生,於本無之中,妄見似有而已。 世界 滅 萬法皆空;當知萬法本空,不待無明滅始空,即有無明,妄見之時,身、心、 何嘗實有?亦如空華,不待翳愈華滅,正當翳眼,見空華時 迷 , 尚 非 實 有所生 , 如 ,所滅虚空之處,待華更生;滿慈亦如是也。 來既 得妙空明覺 , 無明惑盡 , Щ 真空理顯 河 大地, ',當體 有 , 豈復 為習 即空,何 漏

#### 巳二 辨定

汝 觀是人, • 已是顛倒 為 • |愚為慧?富樓那言:空元無華,妄見生滅 敕令更出 ,斯實狂癡,云何更名, 如是狂人 見華滅 為

#### 為慧?

見諸法 有生 由 此辨定。 悟 . 翳眼妄見生滅 滅妄歸空 時 有 佛令滿慈審觀,待華更生之人,為愚耶?為慧耶?滿慈答言:空元無 滅 0 見華 ,已是顛倒分別 ;喻真空法性之中 -滅空, 已是顛倒執著 , 間 如來何時更生諸法,與待華更生者 ,元無山河大地等法 , 敕令空華 更出 第 , 斯 以無明妄見 X 實 屬 狂 癡 何以異 /,迷時 喻

耶 ?

#### 巳三 法合

#### 佛言:如汝所解 0 云何問 言:諸佛如來 • 妙 覺 明空, 何當 更出

## (也),山河大地?

五住皆 寂體 覺明空, 出 斯實狂癡。云何竟作如是問言:如來今得妙空明覺,何當更出山河大地耶?妙 此法合。 盡 屬斷德;悉皆雙具妙明 與前滿慈所問 斷德究竟,二死永亡,方當此稱 滿慈於喻 , ,所答不謬 妙空明覺 ,故妙覺明覺 ,其理無二。覺指本覺照體 ,故佛即以反難,如汝所解,已知敕令空華 0 , 又空即如如理 妙空明空,隨稱俱 , 覺即如如智 ,屬智德 可 0 佛智德究竟 :空指真空 ,皆明皆 更

卯 **喻真不復變** 分二 辰初 總舉二喻 總合二法 妙也。初喻妄不復生竟。

又 如金鑛 ,雜於精金 ,其金一 純, 更不成雜;如木成灰 ,不重為

今初

#### 木。

竟之果 鑛 合 滓 中雜 競 此 杰 有 , 獨 精 喻 , 其金 金 妙真常 , 總 , 其體精 心喻真智 |惟一純精 , 而 真斷 真不變 反有變耶 0 更不成雜:即一成精金體 , 總喻 , 喻智體不變也 ?上二喻 總合 0 金鑛 , 0 喻無明妄因 , 其金 以 金 在 ,不復重為鑛也 純者 鑛 单 , : , 故 喻 加以開鑛煅煉之功 É 萬法妄果 金鑛 0 喻智德有 , 各喻 0 雜 各

功 渣 , 脩 行 除 惑 , 惑淨 智圓 , 無二 一無雜 , 智德成就 , 更不 ·再起 無 明 , 故 喻 更不 成 雜

也

生煩 惱 不能 惱 木 喻 便證涅槃 故喻不重為 煩惱 , 灰 , 必假智慧 喻 木也 涅 槃 0 木不能自成於灰 , 斷除煩惱 ,出離生死,而證涅槃。斷德成就 , 必假 火燒 方成 為 灰 0 火 喻 智慧 ,更不再

;

煩

#### 辰 總合二法

#### 諸佛如來 • 菩提涅槃 • 亦復如是 0

受生死 此解前 金 金喻菩提涅槃,雖非修生,要必脩顯 佛 於純金不雜 如來 滅永 終以銷成就 此法合。 滅 喻真不復變 , 亦同 所證涅槃斷德 不復再生;喻如木灰 ,既轉煩惱 十方一切,已證究竟果覺 |木灰 一純永純,不重為鑛也。木喻煩惱生死,雖屬如幻,以幻除 , , 後喻妄不復生,雖同前二喻,亦復無有礙 不復重為 ,而成菩提,不復更有煩惱 , 究竟 木也 無生,同於燒木成灰 ,以火燒木 ,故曰亦復如是。 ,諸佛如來,所證菩提智德,究竟無變 成永成,不復更變;喻如精金 ,木盡成灰,一 , 法合之文,另作總喻總合 亦同精金,不復重為鑛也 既轉生死 盡永盡 0 ,而成涅槃 初先說不空藏 ,不重: , 雖復 為木 ,不復 本來 , 以 也 幻 解 諸 同 更

寅初 說空不空藏以示圓融之故 分三 牒定五大以釋疑 || 圓彰三藏以勸修 丑 初 正答次問 寅初 又五 卯初 兼釋轉難 按定所疑 丑初分二

示生續之由竟

喻明性相 Ξ 難釋相妄 四 以法合喻 五 中義釋疑 今初

水、火、風

,本性圓融

•

周編法界

疑

大佛頂如來密因修證了義諸菩薩萬行首楞嚴經講義第十卷

富樓那!又汝問言:地、

#### 水 • 火性 不相陵滅 又徵虛空, 及諸大地, 俱徧法界 • 不合相

#### 容 。

俱徧 地 由 事 性 火二性相 , , 水 以 何 全 而 事 一科已釋 銷 得 得相容耶 剋 火 執相之問 即 無礙?是以滿 理 , 云何 風 , , 三種生續之疑 事 , 本性 不相陵滅耶 不 ,故先牒問詞。又汝問言:對先問生續 礙 圓融 理 慈 , , 固 , 前有五大圓融之疑,故此空不空藏中 無可 ?又徵 周徧法界 ,此科更示,五大圓融之故 疑 ; 而 也問 0 三不空藏 虚空 此猶是述佛自說 , 及諸 中 (助語) 從性起相 , ó , ·此問 大地 下牒滿 上空藏中, , .周徧,故置又字 相 , 慈所疑 , 既 佛 礙 宛 極 然 一通 顯 0 , 無礙之 疑水 會 ,云何 則 相歸 事 與

### 卯二 喻明性相

## 富樓那!譬如虛空, 體非群相,而不拒彼諸相發揮 0

之體 此 隃 能隨眾緣 空不空如 ,究之用雖隨緣 來 藏 0 空體無相 ,體元不變 , 則空義 ;不拒諸 虚空如故也 相 ,即不 ۰ 又此喻具足三諦: 空義 。又合之即 體非 不變

明諸 礙 性 諸 則全相皆性 談相性二空 小 是第 群 而 為有 大 滿 柏 乘 而 慈依 教 即當 義 不落有邊 決定 況未發之性 礙 , 小乘法 性相 矣 諦 雙迷 相 , ! ,語七大,則全性皆相 0 有 不拒 巖 迷 而 **| 執舊見** 遮 , 悟份量 如 , , 豈有 極至 無表 是真諦 來釋疑 ,何得有礙乎?故此科說性無礙, ,乃不拒絕不違礙 法相破 無礙之理?斯則豈惟不達已發之相為 , , , 終未 堅謂諸大 則不 ;不拒 , 非但只釋未發之性為 顯談即性 相 知滿慈發疑之端 **一般揮** , , 且 亦 , 均未 宗發揮 本來相礙 , 不落空邊,是俗諦 , 徹 何 徧周 能 , 0 法相 即發揚顯現也。 盡發無礙之旨 , , 若 與佛釋疑之妙 ,無障無礙 無礙 如來藏 真不隨緣 其文最少,釋相無礙 , 而 ;雙離 空 亦 無礙 , 0 , , 兼詳釋已發之相 今斯 可說 是尚越大乘之始 相 夫二 《正脈》云:若不申 室有 不 , 兼 無礙 圓旨 即性 一無礙 赤尚 , 全歸 , 語 今云備 疑 破 理 , 其詞最 未 四 相 中 , 人天 發之 教 尚 科 道 方 無 ,

所 霽澄則清 以者 何 ? • 氣凝則濁 富樓那 ! 彼太虛空 • 土積成霾 日照 水澄成映 三則明 • 0 雲屯則暗 • 風搖則動 •

以

銷

難顯易

,一以發後圓修

非明 發現 謂之霾 後天晴曰霽,塵坌收斂曰澄,隨霽緣則現清相;地氣凝聚之時,隨氣緣則現濁相 相 有 土積之時 諸相 ;雲屯(火)之時 首句徵釋之詞,即徵問解釋,太虛空不變隨緣之義。彼太虛空:虛無空廓 ,不空也;合之即喻明,空不空如來藏也。 暗等群 ,水澄之時 ,喻如來藏不變之體,清淨本然,空也;日照下,喻如來藏隨緣之用 ,隨土緣則現霾相 相 , , ,隨雲緣則現暗相;風搖之時,隨風緣則現動相 能隨緣成相 隨澄緣則現映相 ; 山獸馳逐 , 不拒彼明等諸相發揮 , 水澄湛生光, ,塵土蔽空曰 日等是七緣 水中映現一 霾 0 0 日照之時 又塵土紛飛 , 明等是七相 切也 ;霽澄之時 隨 • , 此七相 隨 日 緣 風 , 虚空體 ?,循業 則 雨 ; 不 , 雨 現 , 無 而 明

### 卯三 難釋相妄

必一一配合七大,但意喻七大耳

# 於意云何?如是殊方,諸有為相,為因彼生?為復空有?

云何 首句發難之詞 ,七相為是從彼緣生耶?為是從空有耶?若緣生,則墮因緣;若空有 上科雙喻性相 , 未顯相妄 (無有定) 故此發難 , 在汝之意 ,則墮自 ,以為

;虚空喻藏性不變隨緣,不墮於二計也。殊方,是同時異處,虛空之大,諸緣不 所 以現相不等 。 相 以有為稱者,從緣生故 ,是有為法。彼字指日等七緣 。此總

難,下則別舉日難,以一例餘

#### 若彼所: 云 何空中 生 • 富樓那 更見圓日?若是空明,空應自照,云何中宵,雲霧之 !且日照時 ,既是日明,十方世界, 同為日色

## 時,不生光耀?

空明,空性常恆,明應常照,云何中宵(産)雲霧之時,則見昏暗,不生光耀耶? 專 方世界虚空, 圓 日 首句承上總牒,且下別舉。今姑且就日而辨,若謂日照之時 外 , 何嘗不是空體之明,何得獨屬日明乎?若謂日照之時 應當同為一日之色,方可謂是日明 ,云何虚空之中 ,是日之明 所有明相,乃是 更見團圓之日 ? 則

# 當知是明,非日非空,不異空日。

宵不生光耀故 此釋正 義 當 。汝又當知 知明相 , , 明相不離於空, 非定屬於日 ,以空中 以日外皆空故;亦不離於日 更見圓日故 ;亦非定屬於空,以中 ,以無日不

明故 異即離也,非日非空,喻水火等, **徧計非實;不異空日,喻五大依他似有** 

既知非實似有,自應圓融無礙,有何陵滅不陵滅,相容不相容耶?

#### 卯四 以法合喻

#### 各發明 真 妙覺明 • • 亦復如是 0 汝以空明, 則有空現;地、水、火、 0 風 , 各

變隨緣 有隔礙 宛轉虛 諒係當 諒之。 五大之相 此是如來說法常規 此文之前,經文中有觀相元妄,觀性元真二段,仔細研究,舉喻之後,即應法 妄 |時翻譯之後 真妙覺明 ,後則結申正義,收束得宜,故今乃將法合之文提前,不避彌天大罪,幸祈 , ,合前體非群相,而不拒彼諸相發揮之喻 圓 , 則各各現;若俱發明 融 無可憑據之下,法合之文,接舉喻之後 無礙 ;即真如妙覺明心,又即真覺妙明之心,合彼太虛空之喻 ,抄寫之誤。交光法師 , 如空隨日等七緣 ,今將彼二段之文,橫隔於舉喻法合之間 ,則有俱現 而 現明等七相 ,亦有見於此, , 兩得 0 真心元非五大,而能隨緣現 將觀相 其美 , 此則文意相連 , 元妄二段 殊覺割斷文意 , 亦復不 接續於 無

指滿 時 人道 火 出 即 證 交師 各現 |而現 現實 ` 水 偏空涅槃等;凡夫循染空之業 汝以 風 謂 見水是水 慈  $\equiv$ 餖 身下出火;菩薩 (報莊嚴土;凡夫循染色之業,即現有漏穢土。 , 意該 空明 災 即是循業之意最善, Ŧī. 此 |大現不同處,或不同時 0 若俱 九界 ,則有空現 所現之相 , 可 一發明 取 0 汝 而 為飲料 以空明者 則現慈 , , 非因緣生,非藏性有 則有 , 地 1俱現者 / 風編拂 ;餓鬼 業有染淨 水、火 , : 即現空無邊處等 也。 如菩薩循淨空之業 見水是火 , 後 如天人見水 以除眾生熱惱 ` , 所 風 兩 現五 句 ,各各發明,則各各現: ; 俱 , , 亦不離因緣藏性,合前 雖 大亦然 以明俱現 渴 , 0 如瑠 如以水火風明 如以 莫飲 ; 凡 , 即 , 璃寶 夫循有漏之業 地明 皆隨惑而 現虚空身 , 乃同處同 地 , 無非 菩薩循淨色之業 , ,羅漢 可 現 ·此五句 循 如 也 時 以 業 阿 也 非日非空 履之而 0 , 則 所 則現身上 羅 汝字 明 字 ',各明 感 現 漢 水 , 俱 所 雖

東西各行 云何俱現 ? • 則各有日隨二人去 富樓那 ! 如 水中 • 一東一西先無準的 現於日影 • 兩 人同觀 0 • 水 中之日

不異空日

喻

# 大佛頂如來密因修證了義諸菩薩萬行首楞嚴經講義第十卷

西 如 具足諸大之性 宛 兩 先無準的者:一東行一西行 〔轉虚妄,故再徵釋,以合相妄之喻。如一水中,現於日影: 人東西各行 上各明各現 。 兩 ,依他似有,雖屬是妄 則各見有 人同觀水中之日,東西各行 日 ,其日先無準定的實所現大相。無有定實 , 隨二人去,喻各循業感 ,未顯宛轉虚妄。俱明俱現 :喻眾生各依藏性 , 所 現大相不等 喻 , 各循各業不 , **編計非實** 如來藏 ,即相妄 性 東 中 足

## 不應難言 :此日是一 ,云何各行?各日既雙,云何現一 ?宛轉虛

## 妄,無可憑據。

也

之 H 意 各行日影既雙(セ゚),云何水中惟現一日影?此即俱時而現,一二不定。宛轉即輾轉 孤 若說是一 此釋出宛轉虛妄 無 非編計 道 曰 : 虚妄 同觀是一 ,各行有二,一 ,究無真理 0 故 ,知二是虚;各行既二,驗一是妄。 囑 以不應難言:水中日影是一,云何各有一日隨二人行 , 乃虚妄;若說是二,水中惟一,二乃虚妄;左之右 可 為憑據 。此一二不定,即合前非日 《正脈》 云:此文當合 非空 , 不 異空

前 難釋相妄之喻, 觀此諸大俱現,無可憑據如此 ,其與空日生明, 無可指陳者,何

以異乎?

### 卯五 申義釋疑

#### 觀相元妄 • 無 可指陳 0 猶邀空華, 結為空果,云何詰其相陵滅義 ?

明相 之屬 大之中 猶邀 論 相妄無礙 有 現 , , 亦 此 好 無 也待 無陵滅 非日非空,不異空日,如此例觀 結 地 酿 非循業發現 , 空華 申諸 性 具有空大 觀之實無 , 室礙 何 大, 以現見世間 ,亦復相容 , 更結空果 相妄性真之正義,應在法合之後 莫過於金 ,一一似有 , , , 若謂 掘 土 有可 0 , , 水、 尺, 如 ,鎔之悉成為汁, 可謂迷中倍迷,云何詰其相陵滅義耶?問 指陳 非實 世 即 間油類 火相陵滅,地空地水不相容耶?」答:「約事而 現 , , 如執空華為實有 無可指陳 一尺虛空 諸大之相,本來虚妄 , 原屬水大,各各皆具火大,一 有何陵滅不容耶?約理而言 ; 如 ,出土一丈,即 虚空華 ,故移置於此 , 迷也;若更詰 , 本無所有 有 ,各明各現 一丈虚空 0 先約 : , 然即 翳眼 其陵 相結 此 , 俱 0 的觀之似 現見諸 說 滅 又 燒 , 前俱 五金 諸大 如前 是 地

大陵滅不容,皆由眾生執心妄見,何嘗是實,如雲駛,則見月運;舟行 ,則見岸

移,豈彼月岸,實有運移耶?若了五大本空,妄執妄見,一時俱破矣。」

#### 觀 性元真 • 惟妙覺明 0 妙覺明心,先非水火,云何復問 • 不相容

#### **者**?

像 尚 妙覺圓明真心,此心即如來藏心。先非水火者:本非地、水、火、風空諸大;諸大 無 本非眾像也 此 , 約性結 說 !誰陵滅不相容乎?妙覺明心,本非諸大,能現諸大 。承前虚空,體非群相,現觀諸大之性,元是一 0 寅初牒定五大以釋疑竟 真 猶 ,本無諸相 如明鏡 , 能 惟 現眾

圓彰三藏以勸修兒三 卯 初 極顯圓融 普責思議 Ξ 結喻 雅失

卯初分二 辰初 依迷悟心對辨緣起 二 依本來心圓彰藏性 辰初分二 巳初 依染

緣起執成有礙 二 依淨緣起融成無礙 今初

富樓那 **!汝以色空,相傾相奪** • 於如來藏。而如來藏, 隨為色空,

#### 周徧法界。

而 如 最 由 來藏 初 如來 以 滿 **燃性之中** 念無明妄動 銷 慈 藏 因聞佛說 隨緣 執相之問 ,與妄心相應,則起成麤境 傾奪者因妄見 ,諸大圓融無礙,放前疑我等,何以現見有礙?此佛示以成礙之 0 , 汝以以字 晦昧真性而成空, ,見有色處 ,即推其原由,由真如隨染緣起之故。以者因也 復因見分,結暗以成色。因此色空 ,周徧法界,眾生不了是妄,執為實有 , 則傾奪於空;見有空處 , 則傾 了奪於色 , 傾奪於 , 因

# 是 故於中 風動空澄,日明雲暗,眾生迷悶,背覺合塵,故發塵

## 勞,有世間相。

執則成礙

背覺合塵者:於本有覺性 性偏空之理 地空不容,水火相陵等 搖 ,空之澄寂 此承上, , 是執 曰迷 ,則動寂互異。日之光明,雲之昏暗,則明暗交傾;略舉此四, 則成礙之故 ;起成三細四麤之相 ,塵勞滿目。眾生迷悶下,重結成礙之由 , 非背而背 , 於如來藏 ,於虛妄塵相,無合而合,造作諸業 , 日悶 ,本無諸相 , 不通達諸相皆妄故 真法界之中 迷悶者:昧於藏 0 此 ,妄見風之動 二字 此句屬 屬 以該 惑

業 0 故發塵勞,有世間相者:則屬苦果。以依惑造業之故,所以發現塵勞染法

## 巳二 依淨緣起融成無礙

為世間諸相,此即藏性隨染,循業發現也。

#### 我 以妙明 不滅不生 , 合如來藏 0 而如來藏 • 惟妙覺明 員 照法

#### 界。

彼妄相 發明 滅 大 真 如隨淨緣之故 寂滅 背塵勞妄法 此 \因當機,前疑如來,何以獨得無礙,此佛示以無礙之由,故得自在之用,由 智光圓 ,全相皆性,全妄即真,惟是妙淨本覺湛明之心,圓照一真法界,即生滅既 現前 照 復還清淨本然之心,得其全體矣!下則發其大用 , , 。我是佛自稱 合如來藏性 照見萬相皆空,一 , , 迴光返照 以用也, 真獨露 ,脫塵旋根 乃用真覺妙明 i。而如: 來藏性 , ,伏歸元 ,不生滅之根 ,不為妄相所隱 真 , 發本明耀 性 , , 竟能 為 , 耀 本修 融 性

#### 是故於中 • 為無量 • 無量為一 ;小中現大,大中現小 0

此下明大用。是故二字,承上是已得全體之故,便能於一 真法界之中 稱體起

境 相 理 為 也 法界之理 (作處) 容 無量 無礙 , 鏡 菛 則 其 義 小 仍現小相;鏡之與境, 中現大 即 用 子不必放 0 : 小中 事 與此 萬法惟是 , 無量 顯 現大 理 ,大中現 ` 相 理 , 事 即十界差別之事 大, 同 事 , 0 心 無礙 大中現小者:小即小相 境界不要縮 ;不礙理,亦多不礙一也,而成理事無礙法界,十玄門中 小,此二義事 為 是無量為 無量 皆事 ` , 事事 ; 又 一 則依理 小, 相 也, ۰ 事 無礙。一 以鏡望境 儒 即一心 無礙 成事 鏡含境而有餘 云 也 : ,大即大相 , 始為 為 • , 理不礙事 ,小中能 無量 無量 為 理 無量 即萬法 , , 無量為一, , 現大相 境在鏡而如故 如一 ;亦一不礙多也 中散 , 無量為一 **,** \_\_ 尺之鏡,能 為 ; 心能生萬法 萬 以境 此二 事 者 : 一 , 望鏡 一義 末 , 彼此 現千 復合 理 無量為 即 事 , 是 里之 無礙 不相 大 為 中 真

## 不動道場 **徧十方界;身含十方** • 無盡虛空;於一毛端 現實王

# 剎;坐微塵裏,轉大法輪。

妨礙

,成事事無礙法界,十玄門中,

廣陿自在門

檩 四 義 ,二無礙法界 ;此示 应相 , 即示四義二無礙法界之相 。前四句 ,示理

十方界

事相

芝中

,

事相

,

無不

·是理

,

如

金能

|成眾

器

,

器器無不

皆

金

無外 無盡 以不動道場 (兼攝) 也 虚 ٥ 空者:身即法身 亦即 如春 , 事也。 含眾卉 望十方界, 身亦是一 , 萬紫千紅總是春 , 法 是一 理之全體 身以理為身, 為無量 , 屬 , 0 能含十方無盡虛空,即是總 理不礙事 以十方空望一 身即 理也。含者包含,十方 , 亦即一不礙多也。 身 , 是無量為 包一 身含十 , 無盡 切事 屬 事 虚空 法而 方 不 ·礙

大千 互 相 於 涉 佛 在毛端望佛剎 毛端 世 以示 界 無礙 , ,現寶王剎: 乃依 0 ·報之最大者; 而佛剎不小 毛 乃正 此下四句,示事事無礙之相,舉依 莊報之最· ,則小中現大,屬事事無礙 在一 毛頭 小者 Ĺ , ; 寶 王 剎 能 現一 , 佛剎土 是佛寶法王之剎 ,亦即請不礙廣 、正二報之事 , 此 以 正 攝依 土 即三千 相 ,以依 也 交

理

亦即

多不

礙

也

身望塵 是正報最大者,以全身坐在微塵之中,開法會轉法輪。 坐微塵裏 , 而 塵包身相 ,轉大法輪者:微塵乃依報之最小者;轉法輪,即現全身而說法 , 而微塵不大,即大中現小,亦屬事事 此以依 無礙 .攝正,以正入依 , 亦即 廣不礙陿 , 由 , 身

# 滅塵合覺,故發真如,妙覺明性。

也

大陵滅不相容者乎?初依迷悟心對辨緣起竟 證 故發真如 是以元真之性 融妄相即真性 此重結無礙之由,與眾生敵體相翻。眾生則背覺合塵,故發塵勞,有世間相 , 妙淨本覺湛明之性 ,轉成元妄之相 , 事 事即理 , ,所以不礙而礙 0 性字與相字對 相相皆性 ,故得理事與事事 ;而我則滅塵合覺, ,眾生迷悶 ,全真性成妄相 ,二無礙法界 滅虚妄之塵勞 , , 如來修 有何諸

辰二 依本來心圓彰藏性 分三 巳初 圓彰空藏一切皆非 二 彰不空藏一切皆即

# 三 彰空不空即非圓融 今初

# 而如來藏,本妙圓心。

大佛

之佛性 即非 照 為 復 空如 加 員 矣 十 依 融 ! 界 來藏;約迷悟所依 0 迷悟心 極妙 此 即 , 離 心 佛 即離: 本無迷悟 許 ∭ 說 為空不空如來藏 非 聖凡立判; , 勝 (,是即 義 , 圃 中真勝義性 ,攸分差別,故十界俱即,而為不空如來藏;約雙遮 非即 為迷悟所依 此依本來心,生佛 **,** 心圓 , 亦 , 約本無迷悟 即 彰三藏 乘寂 , 如 減場 三藏 , 惟是一 安有 地 不出 , 聖凡 為 心 真法界,具足十界 如 , 故十 來之密 圓 融 -界俱非 大 極 妙 實眾 無以 , 雙 而 生

員 迷 ?悟所 滿清淨之心 今先圓彰空藏 本來無一 變 , 而 如 來藏 如摩尼寶珠,本來元妙,圓滿清淨也。此心不立一法,即六祖所 , 而字承接上文 , 依然本妙 下十界俱非 , 妙即不變義 , 轉語之詞 0 0 連圓心二字合解 如 云:藏性雖 隨染淨二緣 , 則曰 本來 , 卻 兙 妙 不為

身 心 、 意 ,非色 非 空 非 、非聲、香、味、觸 地 非 水 • 非 風 、法, 非 火 非眼識界 非眼 • 非 • 耳 如是乃至 鼻 • <del>;</del>非 舌 •

云 :

物

故

#### 意識界

0

句非五 陰 根 ; 六塵 又非眼等諸 前三句非七大。非心:即非見大識大,見 大 , 五 即非色陰 一大屬色法;其餘 根,即非六入;併色等諸塵 ;非意根 諸句 (年識乃八識見分所成 , 非十八界 , 、識二大,皆屬心法故;非空及下二 , 即非十二處:併及六識 亦即非陰 , 非六識 、 入 , 即非 ` 處 受 ` ` 界四 想 , ` 即非 科 行 ` 非五 識 四

界,是謂非四科。據此則如來藏,非世間法矣。

非 心 字 意 水火 , 此文與 意義 無色 不假功用 , 非字 稍 ` 聲 異 《心經》 義同 ,空如來藏中 (與空) 0 ` 香 彼以觀照般若之功 0 , 味 如摩尼寶珠,體本清淨 是故空中 觸 ` 法 -無色, , ,本非七大四科 無眼 , 照見真空實相之中 界, 無受、 乃至無意識界 , 想 非青 、行識, , ` 有為諸法 黃 , ` 無眼 無有 , 赤 , 名相 世 , 耳 白也 如前妙覺明心 間諸法 全同 ` 鼻、 , 以 竝 ; 非字 上非世間 此 舌、身 以 本 與 先 來 無

#### 朔 無明 明 無明盡;如是乃至 • 非老 • 非死 ,非老死盡 0

法

即

如

來藏

,

非六凡染法矣

大佛

惑 還滅二門,先釋名義 成者。今皆約本來心,未起事用時說,此先非緣覺法,十二因緣十二支,有流 、業 此 (下非出世法,即如來藏,非四聖淨法矣。四聖淨法,亦佛常說,隨淨緣起所 、苦三道,遷流不息,輪轉無窮 ,後解本文。此佛為緣覺人,所說小乘法,分三世因果 , 故曰流轉門;還滅門者, 即斷十二支,復 , 即 轉

還真諦,

滅諸生死,故曰還滅門

大 果。);十一、生支(感來世受生果。);十二、老死(而至老死也。)。此十二支,展轉相世二支);十一、生支(由現在世惑業因,);十二、老死(指來世,從生)。此十二支,展轉相 現在世惑。);九、取支(造業之初。與古解不同。);十、有支(取、有為現在世三支因,再感未來心起愛憎,為);九、取支(由愛憎而起取捨,取捨即);十、有支(即取捨既定,而業因已成,曰有。愛、 八、觸支 (塵,未成欣戚時。);七、受支 (自識至此,為現在世五支果。);八、愛支 (之後,八、觸支 (即少時,六根觸對六);七、受支 (即稍長,領受外境,能起欣戚時。);八、愛支 (即受境 ·八識。);四、名色支; (無形相故,色即是父精母血。);五、六入支 (為六塵所入處。)今世投胎);四、名色支; (即投胎後,心色和合。名即是心);五、六入支 (即出胎後,六根) 連環鈎鎖,三世因果,流轉不息,曰無明緣行,行緣識,乃至有緣生 十二支:一、 無明支(空之理,屬惑。);二、行支(此為過去世二支因。);二、識支無明支(無所明了,不明我);二、行支(即依惑所造之業行。);二、識支 ,生緣老

還滅門是修法:無明滅則行滅;行滅則識滅;乃至生滅則老死滅。辟支利根

死是也

字 知 至 明 樹 十二支因緣之尾 非 自 , , 聞 非老死盡 倒 .佛 如筷一雙直排 無 即 說 性覺必明之明字, 明 無明 , 即 , 如 斷 知無明為生死之根 ,此將流轉,還滅 是乃至非老非 , ,而生死自了矣。此文亦同心經,無字非字如上解 稍費思索 ,現文乃是將二門,雙舉第一支因緣之頭,雙超中間十支,而至 因必欲加明於覺 。此中所云老死盡 死 0 ,即從斷無明下手,如砍樹者 二門分開,各舉因緣之頭,直超因緣之尾 第一 非字雙用 , 故成無明, , 但盡分段 又非 明非 此本來心 , 未盡變易也 無明盡 ,直砍其根 , 0 (即滅) 念未 無明上多一 0 據此 動 , , ,根斷而 以便易 如 , 是乃 故非 加來 明

# 非苦、非集,非滅、非道,非智、非得。

藏

非緣覺法矣

略說 不得苦 種 因果 八苦 次非聲聞法。苦、 五陰熾盛苦。五陰煩惱之火, 生苦 皆是諦實 ` 老苦 集、滅、道, 故稱為諦 ` 病苦 ` 死苦 0 苦諦 四諦法門, ` 焚燒眾生之心,前七為別, : 愛別離苦 是世間生死苦果,以逼迫為性 是佛為小乘機所說 [(欲合) , 怨 **桑** 平 憎會苦 後 。世間出世間 為總 偏離 約 約三 間 求

界則分三苦: 久必 汝當 壞 生 0 集諦 五趣眾生為苦苦;乃苦中之苦。天趣眾生,三禪以下為壞苦 四禪 : 是世 以上為行苦;雖苦樂雙亡,難免行陰遷流之苦。 , 我執分別俱生 , 惱 集聚眾生心中 佛 為 說 福 此是

苦 以招 感 為 性 知 依煩 、惱惑 , 間煩惱苦因 造善惡業 , 招感生死苦果 , 若無集諦煩惱苦因 **麤細煩** , , 當然不受

生死苦果,佛為說此是集,汝當斷。

樂果 四念處 此文接於四諦之下 性 真 究竟無餘 云 0 此 四 故 滅諦 是道 諦 稱 如 中 四 滅諦 涅槃 大 是出 正 乘 , , 汝當 此諦最關緊要, 勤 应 , .世間涅槃 (譯不生) 佛言此是滅 以可證 弘誓願 ` 修 四 ,不必別作他說 如意足 0 諸 為 , 第子 第三法門無量 性 , , ` 若能脩道 汝當證 若能脩道 聞佛四諦 五. 桹 樂果,即二乘所證,方便有餘土,偏真涅槃,揀異 0 ` 依孤山作小乘所證智理 五力即 法聲 道 ,自然斷煩惱苦因,滅生、 ` 誓願學 諦 斷 集 , (五根增) : 脩道 是出 , , 自 學成 證果 冊 可 七七 間道品樂因 滅盡諸苦 則 , 前後三願 覺支、八 故稱 , 謂非有我空之智 :聲聞 , 滅 , 正道 %非真諦 死苦果 共有 , 0 皆 非智 得 , 以 + 非 員 , , 滿 證涅槃 得 可 七 因 修為 品 |滅會 者 與 佛

非得我空之理 ,當屬聲聞乘, 此亦隨淨緣所成。本來心中, 不但有為法當非,即 無

為法亦非 以藏心不屬有為無為故 ;據此則如來藏,非聲聞法矣

#### 非檀那 • 非尸 羅 非毘棃耶 • 非羼提 • 非禪那 • 非般刺若 非波

密多

٥

眾生, 養生命 善法戒 六度 而 能 非 檀那等 攝 此非菩薩法 令離 ; 二 曰 後 心 ,無善不修也。三曰饒益有情戒 也 即 怖畏 , 行到彼岸 [法施 先非能趨行;非波羅多者,總非所趨理也。」此文全用梵語 毘梨耶此云精進 0 0 他經所說檀波羅密等 , 即 羅此云持戒 以佛法 檀那此云布施 布施 , 精勤不懈曰精 , 持戒亦三: ,令續慧命 , 布 , , 無眾生不度也。此大乘戒,不獨 乃理行因果並舉 施有三:一曰資生施 ;三曰無畏施 , 進趨不退曰進 日 攝律儀戒 , 此文稍 , , 無惡 即 。乃普對諸度萬行 , 即 以無畏 以財物 異 不斷也;二 依 力 制 布 孤 ,前六即 , 布 身 施 Ш 曰攝 П 施 曰 , 於 資

羼提此云忍辱 辱者侮辱 或罵詈 或排斥 或毆打, 或殘害。 切逆境 皆

悉皆勇往直

前

也

忍 果 力而喜也;三曰慈忍 辱境安在;二曰喜忍,逢人加辱,心生歡喜,以其能成就我之忍力,如力士逢人試 亦三:一曰觀忍 忍 辱 謂之辱;忍者忍受,能含忍順受。忍之一事, ,凡辱境之來,忍而不較。退一步,讓三分,由他、任他;二曰反忍,凡遇 竟起慈心 雅量寬洪 不責人而反責己, , ,雖然受辱,毫不介意 發願度脫也 ·,凡辱境當前,以智觀察,我身本不有,人相復何存,人我雙亡 , 總由過去辱他,故今辱我,作還報想,並不尤人;三曰忘 對於加辱之人, ٥ 如釋迦本師, 處辱如無 憐彼愚癡 為歌利王 頗不容易,略說其相有六:一曰力 , ,無有智慧, 此三尚未得理 , 割截身體 不知禮義 ,謂之事忍 不生瞋恨 ,不明因 發願 理忍 入加

得成菩提之定,名大佛頂首楞嚴王是也。般刺若此云智慧,有文字般若 禪四空定 是定 禪那此云靜慮,此慮非思慮,即正思惟。初脩靜即是止 慮即是慧 外道無心定 0 或稱禪定,有世間禪 ;出世間禪 ; 小乘禪 ; 出 世間禪 , 大乘禪; ,出世上上禪 出世上上禪 ,慮即是觀;修成靜即 0 世間禪 : 即 十方諸 即一 : 凡 切經 夫四 佛

成佛先度是也

藏性 照 典 ,三空妙 能 , 平等 !詮義理,可以開人智慧, `理;有實相般若,即本經,十番所顯之妙淨明心,四科七大所會之如來 如 , 真實之相 0 菩薩觀照功深,所得契合真理之智 而世間文字,不足稱焉;有觀照般若 , 是為般若妙智 , 即 起智觀

上六是趣果之行,屬因:

證 若為先導 稱六波羅 佛所證不生滅之果,實教菩薩,得以分證,若權教菩薩,所修諸行,但稱六度,不 ,故皆非之。 波羅密多此云到彼岸,是所 密 必 , 出般若 以所修不能離相 據此 ,方能離 如來藏非菩薩法矣 相 ,未得三輪體空 趣之理屬果。 , 方到彼岸也 此岸是生死,彼岸是涅槃 • ,不到涅槃彼岸 此亦屬淨緣起,而本來心 此六波羅密 0 涅槃 ,不假脩 以般 即

### 如 是乃至,非 怚 闥 阿 竭 ,非阿羅訶、三耶三菩,非大涅槃,非常

# 非樂、非我、非淨。

薩 法 此 非 即 如來法 如 來之因也 如是指上所修 0 非 怛闥阿竭三句 ,六波羅密行 , 非能證佛也;非大涅槃三句 , 乃能從因至果 0 非有 超略 非 , 所證法 顯 前菩

應九 所證大寂 心 也 文 正 怛 法界眾生之供 :握 (滅海 阿竭 知是實智照理 :此云如來 此云不生滅 。三耶三菩:此云正徧知 , 介有法 **偏知是權智照事** ,二死永亡故;又云圓寂 、報、應三身 0 ; 正 此三即諸 ,解 知 見在前。阿羅訶: ,知心包萬法,徧知 佛十 , 真 **(無不圓** 號前三號 妄無不寂 0 此云 大涅槃: , 一應供 知萬 也 法唯 即 能 此 佛

為佛果之總,下二句,即涅槃所具四德為別

佛法亦 菩提 亦且 法身 樂者 一菩提 剛 清 《正脈》 俱非也 及與涅 經》 淨 猶若虛空 非惟遠離諸生死苦,亦且得不思議解脫 權 徧 所云 周 、實二 云:常者,非惟二死永亡,無諸生滅,亦且世相常住,究竟堅固也; 燥 , 據此則如來藏 : 無染非淨 , 亦且 亦無成佛, 一智也。 「言佛法者 山河大地 也。 佛 此文似但非涅槃斷果 及不成佛 ,又非佛法矣。統上則十界俱非,非六凡法界者 , 為極果聖人,菩提涅槃是究竟果法,何亦俱 即非佛法。」又《圓覺經》云:「 , 全露遮那也; 0 此本 ,受用無量法樂也;我者 淨者 來心 , 實亦非菩提智果 , 與妙 非惟 圓 妙淨 覺心 理體 妙圓 無二 , 覺心 正 無諸染著 , 非惟 無別 偏 非耶 知 本 證真 以 即 故 無 ?

淨;是謂 明 `空如來藏,非染法之所能染;又非四聖法界者,以明空如來藏,亦非淨法之所能 「彌滿清淨,中不容他」,如實空義也。初圓彰空藏一切皆非竟

# 巳二 彰不空藏一切皆即

# 以是俱非,世出世故,即如來藏,元明心妙 0

照用 舉藏心 黃 清淨本然,不立一法,方能成不空如來藏;俱即一切法之用,如摩尼珠,體非青 赤 上二句承上起下。 如 ` 正由 白 摩尼珠 , 故能隨緣現色, 一本妙寂體 , 光涵 世即六凡,出世即四聖 照用 , 編 非 諸 法 0 而曰心妙者:正顯用乃體含,仍非滯有之用 此躡空藏 ,故能起元明照用 , 為不空藏之由 0 **俱非者:以空如來藏,湛寂之體** , ,普即諸: · 即如 法也 來藏 0 ,元明心妙 元明 : , 是即 即 本明 : 此 妙 ,

即心 身 • 意 , 即 • 即色 空、 、即聲 即 地、 、香、味、觸 即 水 即即 風、 法法 即 火,即眼 • 即眼識界 即 • 耳 如是乃至 、鼻 舌舌 即即 •

之明,

即寂之照也。

# 大佛頂如來密因修證了義諸菩薩萬行首楞嚴經講義第十卷

意識界

0

此 (下即十界。非但即於四聖,而且即於六凡;染淨俱該 ,聖凡平等,七大十八

皆即藏心;故二十五聖依之而修,各各皆證圓通,即證入如來藏心也。一切法

相,皆同空藏,惟改非為即而已,此即世間法矣。

#### 即明 無明 , 明 • 無明盡 ;如是乃至 即 老 • 即死 即老死盡 0

此即緣覺法。

# 即苦、即集、即滅、即道,即智、即得,

此即聲聞法。

即檀那 • 即 羅 即毘梨耶 • 即羼提 、即禪那 • 即般刺若 • 即 波 羅

#### 密多。

此即菩薩法。

#### 如 是乃至 • 即 但閮阿竭 • 即阿羅訶、三耶三菩、即大涅槃 即常 •

# 即樂、即我、即淨。

此 即如 來法 。以上十法界,不出一 真法界 , 十界諸法, 惟依藏心之體為體 離

珠,普現一切色,如實不空義也。二彰不空藏一切皆即竟 此 心, 而無片事 可得,是謂塵塵混入,法法圓通,一真不動,應用無限,如摩尼

## 巳三 彰空不空即非圓融

# 以是俱即 ,世出世故,即如來藏,妙明心元。

有 有 藏曰元明 藏 法 元即本也 ,俱即世出世間 ,一道清淨,纖塵不立;若言其空,眾相分明,遇緣普現 , 妙有不礙真空,即妙而明,即明而妙 妙明心元 上二句承上起下。 , , 重 體用雙彰 ,此舉藏心,妙明心元,乃躡前二藏 明字;此合之而為本妙本明,以此明妙,乃自心本具 ,聖凡十界故;併躡上科,空如來藏,為空不空藏之由 , 以因也,是指不空如來藏,圓照之用,隨緣普現 寂照不二,正顯圓融 ,是為本來心也 中道 ,雙遮 0 空藏曰本妙,重 雙照 0 正所謂,真空不礙妙 0 如摩尼珠,若言其 ,故曰心元 妙字;不空 0 ,不捨一 即 如來

# 離即、離非,是即、非即

此即 中道 ,第一 義諦 , 勝義中真勝義性,亦即 乘寂滅場地。 上句離不空藏之

大佛

為其咎 四科 心 界 體 迨依迷悟心 疑 成 也 | 傾意 露 之用 , 0 , 至於即性之相 佛 照不空藏 徧 始 猶 , , 以致 而 ·融七大。阿難大眾,各各自知,心徧十方,常住不滅;此悟次第空藏 從眼根指 互融於空有也 未具彰也 圓意猶未彰也。 對辨二種緣起,依本來心 世界 ,是照有 出 , ` 0 無量不思議妙用 眾生 ,十番極顯其真,二見略剖其妄 復答滿慈 ;是非即十界 ` 此經從阿難捨妄求真 業果 復由滿慈 , ,生續不斷 五大圓融之難 ,問三 ,即相之性 , 照空藏 , 圓彰三種藏性 種生續之因 , 顯次第不空藏 , , , 是照空;乃雙照空有二邊 求佛發妙明心 ,混融不思議妙體, 以示性相二 ,復自根 , , 顯理顯到此處 如來與答 無礙 中 斯則體 , 即顯發此三藏 , 理 推而廣之, , 尚未極 性覺必明 開 , 且 즫備 , 釋 可謂 顈 有 以 , 普會 微法 礙之 圓意 也 顯 , 已 一心 以

然此一心三藏, 即首楞嚴定,人人本具, 迷不自覺,當起奢摩他, 微密觀照

流之底

窮性

海之源

顯之極矣

楞嚴 方能圓 故 滅 會 得微密觀照之功 歸 .悟。前三卷,佛為阿難大眾,微妙開示,各各自知,此心徧滿十方 為 自性天然本定,不假修成 藏 ,極於一心, 0 此 ?四卷,因滿慈啟問 即微密觀照之功, ,但是了因之所了 ,佛為說三種生續之因,五 照徹心源 而非生因之所生矣 , 切事究竟堅固 大圓 ,常住不 0 , 方信首 初 融之 極 顯

#### 卯二 普責思議

員

融

竟

#### 如 何世間 )如來, ,三有眾生 無上菩提 0 ,及出世間 用世語言 ,入佛知見 • 聲聞、 0 **緣覺,以所知心** 測 度

如 何怪責之詞 。世間 三有眾生:三有欲有 ?、色有 ` 無色有 ,即三界也 依 因 感

所 心 間 果 證 測 因果不亡,謂之曰有。世間二字,指三有之有情世間;併及超出三界 無上菩提 聲聞 度 如來 · 緣覺 ,三智圓覺之極果 , 無上菩提者 , 即出世二乘,已覺悟我空之理者,合之為凡夫、小乘 :以用也, , 此屬修成 用所有能知之意識妄心 0 如法華云:「我所得智慧 ,欲推測籌 微妙最第 度 , 正 以 躉世 如 所 來 知

合,豈可以所知之心,妄自測度哉 即 佛所證三藏一心也。 此心非識所知,非心所測,祗能以如如智,方可契

於世 此文 等 容諸語 日 生 明標佛字 度 具 幸 , , 三 藏 印謂· · 具六 用 此因心,即如來密因, 用世語言 在眼曰見 世語言求入 妙高 第 根 ,何以約眾生因位耶?」答:「《法華經》云:「佛以一大事因緣故 一心 本妙覺心(藍心) 欲 中 為開眾生,佛之知見,使得清淨故,出現於世。 頂上 也 入佛之知 ,入佛知見者:用世間因緣、自然、和合不和 , ,在耳曰聞 0 不生 上無上菩提約果言 , ,乃互影言之。 從來不許商量;第二峰頭 滅性 見 0 , ,在本覺因中 大開圓解,方能契入,豈可用世間語言,妄冀得入耶? 此 ,在鼻曰齅,在舌曰嘗, 即 佛知見 是佛知見 實則此心, , , 此佛知見約因說, 非指佛所得之三智五眼 也。 ,在妙覺果上, 在因在果,均非擬議思量之所 ,諸祖略容話會 古有問善知識 在身曰覺 皆不可思議 以顯三藏 ,及互相陵滅 : 足知佛之 , 0 乃指眾 在意曰知 如 問 心 何 : , 以 是佛 化生六根· 知見 , 生、 所 佛 ,不合相 ? 能 知 知 是指 出現 心測 佛平 見 及 中 答 崩

根 性 為 佛知見,但舉前後二 根 1,以攝: 餘 四 0 眾生雖然本具, 皆各埋沒於塵垢之

中,故佛為開其本有佛之知見,使得清淨也。

竟佛 摩他 不變 知見 物 欲 方諸 經 出 知 現 第二 無 於 佛 知 欲令阿 生死結 皆 微密觀照 世 不 見 此 見 足結解 為示 失 然 0 本 斯 而 難 0 ` 經佛 眾生 即涅槃 根 佛 依 無還 下文第五 浜 圓悟: 知 圓 , 唯汝六根 不離 見 為 解 , ` 佛之知見故 阿 乃至見見 , , , 乃因中 無漏 起圓 卷 :本有真心。第四欲令眾生,入佛知見道 六根之理 難 , , +始 修 真 , -真性菩! 更非 方諸: 非見 淨 自 , 得 根 , 出 0 0 阿 他 圓 中 佛 , 亦分明指 提也 現於世 難 證 指 物;汝復欲 此 , 簡 異 出 即 , 直 佛  $\Box$ 示 0 , 同音 佛 趣 更為會 佛 , 0 知見 為本 佛 知 無上菩提 根 性 為 見 知 , 告阿 釋云: 通萬法 經 , , 0 今指 為佛 無上菩提 第三欲令眾 , 佛向 難 0 知見 根性 須知 , 淨極 言 呵 知見立知 : 故 難眼根指 無上菩提 , ,亦汝六根 , 不獨 善哉 無足疑也 生 ,出現於世 一心三藏 , 我 悟 , , 彿 即 佛 阿 示 , 無明本 乃果 難 如 知 。二普責 , , , 是 令起奢 不 更 見 ! 帥 非 中究 汝今 故 動 , 本 他

思議

竟

## 兆三 結喻推失

# 譬如琴 、瑟、箜篌、琵琶,雖有妙音,若無妙指,終不能發

足妙用 妙用,若無妙智契理,妙用亦終不發矣 名 絃 聲簫簫然而清也,絃有二十五,古詩云:「二十五絃彈夜月」即此也。箜篌十四 徽 ,後文王、武王各加一絃,以合君臣之德,今之所用七絃是也。瑟者蕭瑟,謂其 用十二, ٥ , 此 乃 此舉喻 【四種皆絲屬之樂 師 喻樂器雖具妙音;若無妙指善彈 延所作, 以象 0 琴者禁也, 十二律 聲自空出。琵琶四絃,用手前推為琵,後卻 ,喻凡夫、外道 ,古止五絃 謂禁制邪淫 ,以明五音 , 以歸雅正。長三尺六寸,以象三百六十日 聲聞 ,終不能發音,喻凡、小本有藏心 、緣覺 ۰. 所以帝舜彈五絃之琴, ,各有一心三藏妙體 :為琶,取作時運指 歌 0 體 南 雖 中具 風之

## 汝與眾生, 亦復如是 。寶覺真心,各各圓滿, 如我按指,海印發

# 光,汝暫舉心,塵勞先起。

此法合。首句指凡、外二乘,亦復如前所喻者是也。寶覺真心:即如來藏心

此心性覺妙明,如同摩尼寶珠,其體本妙,其用本明, 體用圓融,即體即用

昧 按指之時 真心。凡外二乘,各各圓滿具足三如來藏心,若有妙智,必發妙用 ,乃佛心三昧, 如我按指 海印三昧 ,海印發光:此佛以己為例,佛有妙智, 《華嚴賢首品》云:「眾生形相各不同,行業音聲亦無量 ,便即發光 0 此是有妙指 ,即發妙音 證妙心之體 , 喻中略 而 ,稱體起用 未備 0 海 , 如是 印三 , 故

切皆能現,海印三昧威神力。」是知定心澄湛,應物而形,猶如海水澄湛

,萬象

界眾生 藏心,含藏妙用 心外,皆為實有,故發塵勞,有世間相。 佛 心海印三昧發光 同具佛之知見 ,無有妙智,不發妙用,暫一舉心,即隨舉一念,分別諸法,皆在 (。汝暫舉心,塵勞先起者:指滿慈及凡、外二乘 ,大用現前 ,照破諸妄,復本心源 起即發也。 ,證極無上菩提 ,雖然同 ,照見九

具

皆印

故以名焉

## 不勤求 ,無上覺道,愛念小乘 ,得少為足 0

此推究不發妙用,而發塵勞之因。 由即因也,因發心之初,不發勤求無上菩提

苦斷集 之心 寶 , 螢光 梵語菩提,此翻覺道,大覺世尊, ,慕滅修道;縱汝修成漏盡無學,具足六神通 小智 , 汝等便自得少為足,所以無妙智 所證之佛道。 ,不能發妙用 ,而得一切智 但愛念小乘, , 與琴瑟等 易修易證 但 屬 , 無妙指 化 城偽 , 厭

不能發妙音者,何以異也?初正答初問竟。

<u> </u> 兼釋轉難 分二 寅 初 滿慈索妄因而擬進修 如來拂深情而示頓歇

#### 全花

富樓那言: 無始妄想 , 我與如來,寶覺圓明, 久在輪迴 • 今得聖乘 **,猶未究竟** 真妙淨心, ;世尊諸妄 無二圓滿 0 而我昔遭 • 切圓

## 滅,獨妙真常。

之意 中 諸妄尚 滿慈聞前,萬法生續,起於無明, 佛已與開示 ,因被佛責 可推究其因 , 由不勤求無上菩提,愛念小乘,得少為足,故今回小向大,欲索 此迷 惟 (明無)無本 此 無明 , 為諸妄根本, 性畢竟空 故欲求索無明之因 , 滿慈尚猶 更無所因 未了 。前於迷人, ,而擬奮修以斷之。不知 , 再 此 詢 惑南 問 按 為北· 滿 文 慈

此加圓 無下,不增不減,生佛平等也。 邊 心平等,例知諸佛眾生,亦復無二。寶覺圓明,真妙淨心者:即前佛云寶覺真心 妄因,拔本塞源,以期究竟聖乘也。富樓那言 塵不 ,淨則雙遮空有二邊,仍屬空不空藏。此一心三藏,我與如來,無二圓滿 染 明妙淨 仍屬空藏;其用明照洞澈,一法不遺 ,四義而已。本覺真心,喻如摩尼寶珠,故稱寶覺;其體圓滿清淨 ,我與如來者:是就已與佛對論,真 ,仍屬不空藏 妙則雙照空有二

果二 乘 即根本妄想,妄上加妄,故有世界、眾生、業果之忽生。久在輪迴:即領上眾生業 想?因聞佛答忽生文中,說性覺必明,妄為明覺,由此妄明之無明,妄覺之妄想 最 遭無始妄想所誤 《初癡相,若言無始妄想,即迷中動相 猶未究竟者:今生何幸,得逢如來 相續之文,以是因緣 而我昔遭無始妄想,久在輪迴者:此敘久迷,昔指過去時,最初從真起妄 0 無始妄想,即無明也。 , 眾生相續,以是因緣,經百千劫 ,依法修學 。滿慈小乘,但知六識 以無明曰迷,亦曰癡,若言無始 而證聖乘 常在生死 此即四果無學 ,安知無始無明妄 無明 。今得聖 有 即 竟

常者:諸妄指妄惑、妄業、妄報 餘涅槃,無明全在 ,猶未至無餘涅槃,究竟果覺也。 ,三障圓滅無餘 ,即涅槃斷果;獨得妙覺真心 世尊諸妄,一切圓滅 獨 , 惑 妙真

淨智圓 ,真常不變 , 即菩提智果。 此即與佛對論 0 論本 , 則寶覺真心, 無二圓滿

論迹 則有餘究竟 相隔懸殊 , 無非無明細惑之所為障 也

### 敢問如來: 切眾生, 何因有妄 ,自蔽妙明, 受此淪溺 ?

無始妄想,自蔽 此正索妄因 .妙淨圓明,三如來藏之真心, ,承上寶覺真心,生佛無二。 受此 敢問如來,十方一切眾生,何因有此 久在輪迴之淪溺 , 竟與如來本來

如來喻無因而示頓歇 分四 卯初 喻明無因 以法合喻 三 示令頓歇

四 結喻非失 今初

無二者,

歧而為二耶?初滿慈索妄因而擬進修竟

## 佛 告富樓那:汝雖除疑,餘惑未盡, 吾以世間 • 現前諸事 ,今復問

#### 汝 :

汝雖除疑者:以滿慈一 疑萬法生續之因 ,聞說不空藏,從真起妄 ,隨染所成

修以斷 則大疑 性 諸相發揮 其疑已除;二疑五大圓融之故,聞說空不空藏,譬如太虛空,體非群相,而不拒彼 元真 즫除 也。 , 能合融 ,虚空為明暗所依,不為明暗所變,觀相元妄,不傾奪,則諸 佛欲拔其疑根 0 餘惑未盡者: ,則萬用齊妙 ,特引事為喻,令得即喻知法,故曰:吾以世間現前諸事 尚餘妄因之惑未盡 !其疑亦除 0 復知自己與佛 ,不達妄元 無因 ,寶覺真心, , 故欲強索 無二 | 瞬何成 , 圓滿 而 ? 觀 擬 奮

頭 汝豈不聞 云何?此人何因 ,眉目 可見 |?室羅城中,演若達多,忽於晨朝,以鏡照面| ;瞋責已頭,不見面目 ,無故狂走?富樓那言:是人心狂 • 以為魑魅, 無狀狂走 更無他故 ,愛鏡中 0 於意

之中

; 乃舉一事,今復問汝

旬 祠 反瞋自己之頭 接 為 喻 此舉喻辨定。故問之曰:汝豈不聞,室羅城中,有此一人,名演若達多,譯云 ,父母禱 以狂 走喻無明 ,為何不見面目 神祠而生 ,故以名焉。忽於晨朝 最初一念妄動 , 以為是魑魅(之 鬼) , 無故喻無明無因 ,以鏡照面,愛鏡 , 無狀 狂走。 故問滿慈 中頭 所引 7 眉目 此 ,在汝之意云 事 , 可見 但 取此

何 ? 此 人何因 , 無故狂走?答曰:是人心狂 ,乃是自心無故發狂 , 更無其他事

## 卯二 以法合喻

故

0

無狀

無故

,

即是無因

,佛欲其自審自悟

,即喻知法也

何名妄?

#### 佛 言 妙覺明圓 • 本圓明妙 • 既稱為妄 ,云何有因?若有所 因 云

雙彰 實 員 真本不生妄 義 一藏 ,云何 不 本 此以無明無因 寂照互具 必勉強配合 崩 妙為寂體 有因 本 0 妙覺圓 ?若有所因 妙 , , ,不假修為 不 立 員 0 ,合喻中無狀狂走,故上解云:但取此句為喻,以法中並無他 |融無礙 丽 此段直標無因 , 法 本 自 蒷 , , |然有體 屬空藏 回明妙者 屬空不空藏。此三藏是本來心,故三義皆本然 本來無妄。 ,前二句舉所依 , : 云何名妄? 覺即寶覺真心 明 為照用 既稱為妄四句 , **编現諸法** 真 , 0 妄依真起 具足妙明圓三義 , 既稱(也) , 屬 不空藏 , 真雖 為妄 為妄所 ; , 亦即 圓 , 自然非 [為體] , 日本 一心 依 用

#### 自 諸妄想 • 展轉相因 • 從迷積迷,以歷塵劫 • 雖佛發明 0 猶 不能

#### 返。

由 歷微 塵 是 也 因 動 動 與 始 四廳 一劫者 風 無明 性 無 無始妄想 相 , 覺 塵 始 凡 此 而 風 後後依 相水相 非一 迷真 明妄因無始不可說。自諸妄想:即指無始妄想,妄上加妄 必 劫 來 : 無 明 數 正由妄想無明之惑 明 迷上 風 非二。真心如海水, 處 , 是 一 , 0 心動 "<del>,</del>不 以於前前 妄欲 之動 雖 加迷 , 佛 即 種種 是無 相捨 加明於覺體 是二?當知無始 , , , 重 是無始妄想 因水而見 ; 重相續 一發明 因即 明 離 ; , 無明不覺 凡 依 , , 生死長! 也。 ;故風 起業受報 執 ;下迷字 ,同在 似處 以致從迷積迷。 無明如風 惟 無明 動即 縛 無始妄想則無因 不離本覺 即 , , , , 亦三細 時,二者俱 水動 由於三貪 故有六麤後二, 是妄想 為最初癡 ,妄想如水之動相 , 諸妄所因 水 四 0 論 動即 風動水動 靡 , 相 業果 無初 <del>芸</del> : 0 迷即 此 從迷積迷 風 小不覺 相續 由因 相 動 中有 因於無明 不覺故 可 , 義當辨 。水本不 ; ||感果 得 無明妄想 相形而顯 , 無始 起自 ,謂之. 心動 上 展轉相依 , 妄想 生死 無明 動 無始 迷字 佛 無始 0 0 不能 水之動 不休 非 , , , 不覺 因 為 無 無 , 非 以 返推 即 明 風 最 明 經 歷 初 細 乃 面 無

無明之因 何以故?以無明無因, 故不可說

#### 中物 滅 如是迷因 ?得菩提者 因迷自有 • 如寤時人,說夢中事,心縱精明 • 識迷無因,妄無所依 ,尚無有生,欲何為 • 欲何因緣 取夢

?

之因可 無所 滅 覺 無因之故 生迷解;迷不生迷,云何可說因迷自有?當連上句,謂如是妄因,正因迷惑,不了 , 昔日雖在迷之時 以妄體本空故也 依 此 四句 明妄體無生不可取。 得 , 常自 欲將何者 , 若識得迷本無生因 成 有 , , , 本來無迷可 非是實有 以為滅乎?此言眾生在迷,迷本不生,諸佛修證 首句指法之詞 , ,但似有而已 得 則妄因本無 不過相似有一種迷情妄覺也 ,謂如是迷因 ,妄體 。如前文所云 游空 一。因迷自有句,不可 , 故 :昔本無迷 **医無所依** 識迷 , 尚 無因 , 無有 迷亦無 似 作 生妄 有 因 妄 迷 迷

事 得菩提者 其心縱然精明 1:指諸! , 能說夢中種種境界事物, 佛已得無上菩提果者 長夜夢破 欲將何者因緣 , 如 醒 ,取夢中物以示人?以 夢寤時之人 說 夢 中

為眾生說無明妄想,如醒人說夢,說雖能說,欲何因緣,取妄體以示人耶? 夢境本空,本無所有故。佛亦如是,五住夢破,如寤時人,三智具足。如心精明

### 況復無因 , 本無所有 • 如彼城中演若達多 ,豈有因緣 ,自怖頭走?

### 忽然狂歇 • 頭非外得 ,縱未歇狂 ,亦何遺失?

外得 在 緣 句妄因本空,次句妄體亦空,欲索其因,豈可得乎?如彼城中,演若達多,豈有因 以喻法中, 合妄體亦空 並 自 況字取上夢喻 迷非真失,可見妄體,本來無有也。 怖 一非從外所得 頭走 妙覺真有得失,不名為妄。今乃歇非外得,未歇無失,以喻法中,悟非 , 以頭 ,此以無因,自生怖畏 偷真 0 ,縱使未曾歇狂,正在狂走覓頭之時 夢中之物,尚不能取,況復妄想本來無因 , 以狂 瑜妄 0 交光法師云:設使其頭真有得失,不名為狂 0 失頭狂走,合妄因本空。忽然狂歇 , · 其頭· 亦何嘗有所遺失耶 ,妄體本無所有;上 , 知頭宛 ?

# 富樓那!妄性如是,因何為在?

此明無明妄想之體性, 本來如是, 尚不可得 ,而欲更索其因,豈可得哉?故

大佛

曰:「因何為在?」

卯三 示令頓歇

### 汝 但不隨分別 7,世間 • 業果 、眾生,三種相續 , 三緣斷故 ,三因不

生。

因 有萬法生續,五大圓融二疑。 滿 擬 慈位登四果 欲奮修 以 斷之。 ,我執雖破 佛復答以妄因本空,妄體亦空, 佛為一一 ,法執猶存,執諸法心外實有 解答,皆由最初,一念無明為咎,故求索妄 何必苦求修斷耶 ,不了萬法 唯心, ?乃告之 故前

曰:汝但不隨分別即足矣!

生三種相續之因,亦復不生,則種子不發矣!如樹倒根斷,更不復生也。 如幻 性 分別妄心 。下世間等即所分別之妄境,乃屬依他起性。依無明根本妄法,而得建立 不隨分別 其體本空 即是空諸徧 ,即修楞嚴大定,下手工夫。此分別 , 非但能依法空 計 , 攝心亡塵工夫 ,即所依之無明 ,三種能緣之心既斷 ,根本亦空 ,即能分別之妄心, ,故但不隨妄境 , 則現行 乃屬 不熏 又如世間 徧 依他 計執 而 而 能 起

穀 麥、荳,三種種子為因,必假水、土為緣, 方能發生,今三緣斷故,如無水

土,雖有 .種子,亦無能生。故曰三緣斷故,三因不生

## 則 汝心中 演若達多 ,狂性自歇 ,歇即菩提 。勝淨明心,本周法

### ,不從人得 • 何藉劬勞 , 肯綮修證 0

永斷 明心 字 失似失,證時無得為得,乃是自己本有家珍,不從他得也 字雙含伏、 故 ,三因不生,因緣俱絕,則汝心中,根本無明,狂性自歇 (艸)。《正脈》云:歇 則妄心息滅之時 無 前以演若達多 ,即菩提果覺之體,殊勝無比,清淨無染,光明徧照,本周法界;此心迷時非 明 餖 斷二意 歇即菩提 。若約伏意,則十信滿心, , 怖頭狂走,喻無始無明 , 四句 即真心顯露之時 , 明妄滅真露 , 如雲散月明 , 無證而 ۰ 圓伏 無明為一切妄法之因,既已三緣斷 證 無明;若約斷意 , , 得 本覺出纏 無所 得 , 0 三智圓 歇即菩提 ,則等覺後心 雤 勝 觀 淨 即

在 计信, 此 所 得勝 破 %淨明心 品無明 , 亦含發心、究竟二義 證一分三德,登初發心住,是為發心菩提;圓斷無明 , 對前圓伏 ` 圓斷 而言 0 圓伏 無明 位在 位

根者 等覺後心 無別 雖 0 在 祖 破 觀 云 行位 四十二品 : 中 但 離 圓伏五住 無 妄緣 明 盏 , , 即 證妙覺極果 ,親見菩提勝淨明心, 如 如 佛 0 , 即狂 是為究竟菩提 心頓歇 與初心 , 歇 0 即菩提 若約大心凡 、究竟二位 0 但 夫 由 所 歇 證 , 具頓 而 無 始

顯

,

非

由

歇

而

始

生

乃 為·

本具之天真

忛

無妄可 本空 了 修 即 直 間 證 義 心 指 肉 修 即 即 卣 日 何 , 妄空真 不 佛 上 肯 斷 藉 證 劬勞 無 , 0 , 撥 著 無真 筋 不 , 無修 染污 顯 肉 , 肯 隨 , 無 結 可 分別 , 綮 即不 何 裑 證 修 處 必 修證者 無 曰 , , , 何籍 裑 則 證 綮 求索妄因 即 將 0 , 無修之修 肯 劬勞 須 : 無修而 醍 此結 1 繁脩證 (善體) 翻變作砒霜 ,肯綮修證 , 責奮修之意 修 會 劬 ; 勞修 , , , 狂性自 修 不 即 節 矣 . 斷 勞筋苦骨 可 無修 !當知佛本是而須修 錯 0 , 歇 肯綮出莊子 而 ,真心 解 , 冀 , 0 即無斷 無斷 證 每 , 既屬 有狂慧之徒 勤勇修行之義 入耶 而 而 斷 本有 ?此段文乃是頓 《養生篇》 斷 , 斷 , 勝淨 萴 無 , , 無斷 惑元空而 明 但 0 消明心 **|執菩**| 佛意 文 屬 0 吳 , 方合· 興 提 教 但 本空 , 本  $\dot{\boxminus}$ 能 須 法 本 周 達妄 本 斷 具 門 法 則 經

界

即

無證

|而證矣

## 卯四 結喻非失

## 如有 人:於自衣中,繫如意珠,不自覺知, 窮露他方 ,乞食馳

# 走,雖實貧窮,珠不曾失。

乞有漏 心 自 非失似失 如 在妙 意 ,不曾喪失。上四 人喻 珠 闸 喻菩提勝淨明心 無漏之小益 凡 窮露: 露者暴露 夫 て 小 他方:喻化城三界,窮者貧窮 乘 , 句 ;衣 雖實貧窮 , 無所棲藏 0 喻真雖本有而不覺 不自 喻 本末無明 |覺知者: , ,指凡夫沉溺三界,不得安身立命處。 珠不曾失 真心被麤 即 上文三緣分別,三因 , , 喻业 下 , 四 雖 無有法財 、細煩惱 句喻 不發偏周法界之妙用 真 雖在迷而 ,指二乘沉滯化城 , 重重蓋覆 紐念 不失 , 及狂性 , 迷不自知 乞食馳走 而菩 ,不發 無 提 明 真

## 忽有智者 • 指示其珠,所願從心,致大饒富 0 方悟神珠, 非從外

#### 令。

喻 勝 智者 淨 明 心 喻 佛 本週法界 ,示珠 喻佛說教指 0 方悟 神珠 示真心 , 非從外得者: 0 若能頓悟本心 喻真雖已悟而無得 稱體 趙用 , 合 致 喻 大 饒 笚 珠 富 雖

自在,合喻中衣裏之珠宛在,所願從心,致大饒富,同觀音獲二勝,而發三用也。 前 解除六結 法 真本有,達妄本空。但要歇狂無勞肯綮,即是無修之修,與耳根圓通,了義修證之 貧窮不曾失;既無失故無得,合法中不從人得。此示令頓歇之科,正圓頓教中,知 ,即是三因不生,心中達多,狂性自歇,勝淨明心,本周法界, , 歇狂之意全同 自 麤 向細 。反聞自性,背塵合覺,即是不隨分別世間 , 由淺及深,盡聞不住, 空覺極圓 ,生滅既滅,直至寂滅現 ,三緣頓斷也。 稱體作用,得大 次第

義也。本科子二說空不空,以示圓融之故竟。併上不空藏,癸初正答滿慈竟 多,狂性自歇矣!不隨二字,即歇狂之功, 分別 若約滿慈,一類無學之機,雖破我執,未斷法執,亦須從歇狂入手。 ,不隨世間 ` 業果、 眾生,三緣斷起 ,則法執俱生 如來說修文中, ,三因方得不生 棄生滅,守真常,亦此 ,心中達 先破法執

楞嚴經講義第十卷終

# 大 ·佛頂如來密因修證了義諸菩薩萬行首楞嚴經講義第+一卷

福 州鼓山涌泉禪寺圓瑛弘悟述 受法弟子明暘 日新 敬校

婬業 即時阿難 ,三緣斷故,三因不生,心中達多,狂性自歇 兼示阿難 分二 ,在大眾中, 子 初 頂禮佛足 阿難躡佛語而執因緣 ,起立白佛:世尊 如來拂深情而責執俗 • • 現說 歇即菩提,不 殺 、 盗 •

從人得

性自 生 隨妄心分別,世間 明 之文。以三貪為本, 依依 歇者 滿慈求索妄因 生本不曾生,今返妄歸真 前四句經家敘儀。世尊下, 他起性 由 因緣俱斷之故 ,亦不可得 、業果、眾生,三種能緣之心不起,即是三緣頓斷,徧計執性既 ,意擬修斷,佛示無因,何勞肯綮?即教以圓頓下手工夫,但不 生死不了,則攝世界、眾生在內 ·,現行不熏,種子不發,故三因亦復不生。心中達多 ,而心中無明狂性 , 阿難略牒佛語。現說殺 無明頓歇 歇亦無所歇 ,自然歇息 。究三種生續之因 ,以無明本空故 、盜、婬業 。前從真起妄 , 此牒業果相續 , 則 , 因 又無明實 無 於 明 狂 忽 無

性即 佛性 , 故曰歇即菩提。妄空真露,乃現出本有家珍,不從人得也。

## 斯則因緣 • 皎然明白,云何如來,頓棄因緣?

於圓彰 屬因緣 棄因 難 續 言識 重執 ;以是因緣 緣 上二句 ? 郭 迷 因緣 七大科 佛既 無因 ? 此 , 0 久排 故曰 因聞 .;前 阿 ,妄無所依:又言歇即菩提,何勞修證;云何如來,既說 , 眾 難第三次疑因 , 因 佛對阿 疑萬 生 緣 葙 , 而語· 法不由 斯 續 心此 難 以是因 , 中又帶因緣 累排 縁也。 因緣 則因緣 因緣 緣 ;今第三疑證果成道 第一 , , 業果相續 皎然 (即明) 明白。」下二句 , , 於顯見超 對滿慈常說 此是致疑之端 0 **過情科中** 今又言三 因緣 ,有果必定有因 也 , , 一緣斷故 疑見性 前云以是因緣 不由 `疑佛自語 **,** 三 因緣 因 因 , 何 緣 不 , 以亦不 世 生 ,又頓 相 ; 第二 界相 違 ßп

#### 我從因緣 中,大日犍連 ,心得開悟 ,及舍利弗 0 世尊 **!此義何獨我等年少** • 須菩提等,從老梵志 ,有學聲聞;今此 ,聞佛因緣

此敘昔教因緣之益 0 我阿難實從因緣之法 ,心得開悟, 而入見道位 得 成初

心開悟

**,得成無漏** 

0

果 漏 子 從 人 |因緣 :俱盡,得出三界, ٥ 聞 世尊 依之斷見思惑 沙然歿世之後 .佛因緣聲教而得益?今此會中上首,大採菽氏,及鶖子、空生等 , !此因緣之義,乃屬 而 得道果 , , 0 得成無漏道 得證無生, 由 從老梵志:別約舍利 聞因緣之教 正理,能令眾生,返邪歸正,何獨我等年少,有學之 ,即阿羅漢所證之道 則因緣之教,能令返邪歸正, ,發明心地 、目連 , 反邪歸正 ,先事沙然梵志學道 0 無欲漏 , 從佛出家 、有漏 了生脱死,超 , ` 無明 開 , 為上首弟 諸長老皆 悟 漏 四 諦 凡入 法

#### 今說菩提 0 唯垂大悲 不從因緣 ,開發迷悶 0 則王舍城 ٥ • 拘舍梨等 • 所說自然 • 成第

聖

豈不大有益乎?

證者 王舍城 明 無因 此敘今教頓棄因緣,不唯有背自宗,兼恐反濫邪教。今說,即指現今所說 翻 成為第一義諦矣!即使如來今教,不落因緣 拘舍梨外道等 其體本空 , 狂心若歇 , 所說 八萬劫後 ,歇即菩提 , 自然成道 , 何藉劬勞修證 , 猶如 邊,亦墮自然 縷丸 ,皆頓棄因緣也 , 極處停 邊 止 不假修 若是則 如 何得 , 無

成中道了義無戲論法?心實迷悶 , 惟願大悲,開示發明,掃蕩我迷雲悶霧,令得朗

耀性天也。初阿難躡佛語而執因緣竟。

如來拂深情而責執俗 分六 丑初 就喻拂情伸意 疊拂諸情令盡

三 直斥耽著戲論 四 現証戲論 無功 五 正勸勤修無漏 六 更舉劣機激責

## 性 ,自然而出,因緣、自然,理窮如是 0

佛

告阿難

•

即

如

城中

演若達多

, 狂 性

因緣

,若得除滅

,則不狂

說狂心若歇 是 則 為能障菩提之因緣 不狂性 0 汝實未知 即 如 , , 乃即就 自 ,歇即菩提 然而 ,我說三緣斷故,三因不生,狂性因緣,若得除滅 前喻 出 ;若得除滅 , ,此亦非自然。以下約頭狂雙拂 合歇即菩提 , 以推 阿難所執 , 合狂 0 心若歇 在汝所謂 , 因緣 0 不狂性 因緣 ` 自 然之情。 ` 自然之理 , ,因緣 喻菩提 達多狂性 ` , , 自 研 以狂性若得除 , 然二計皆 此本非因緣 窮 起來 , 喻 無明 , 非 必定如 滅 0 又 以

### 頭狂走?

阿

.難

•

演若達多

,頭本自然

•

本自其然

•

無然非自

•

何因緣故

覓頭 無明妄動 無有那一時,不是自然, 即應常時自然,無時而不自然也。末二句反難 本來是自然。三、四二句,本自其然,無然非自者:即是既本來自然,牒上句意 若對破則成矯亂 郭 此 \的頭拂自然。頭喻菩提之真,前二句標定,頭為自然。謂演若達多之頭,若 ?既然狂怖妄出 ,則真性不得謂之自然矣!此中破自然,只破自然,不是以因緣 , 何因緣故句 則頭 何因緣故 不得謂為自然矣!法合 ,即何故也 (`,復起 無明 ,迷真逐妄,今欲返妄歸真耶?既有 , 以何因緣之故,忽怖無頭 , 謂眾生真性 , 若本來自 ,對破自 , 而 狂走 然

### 若自然頭 • 因緣故狂;何不自然 因緣故失?

謂 狂 破 怖 本 無頭 來 轉計因緣 此 2約頭拂因緣 真 性 ;下二句反難 , 由必欲加明因緣 ,故獨約頭辨,以明非因緣也。若自然本有之頭 。文中雖有自然,及狂字 ,何不以自然之頭 , 故起無明 ,由照鏡因緣之故 ,何不以本來真性 但惟帶言而已 , , 由無明因緣故 遂真失耶? ,由照鏡因緣之故 恐聞前 喻 , 法合: 自然被 ,而遂

真失耶

6 4 8

### 本 頭不失 ,狂怖妄出,曾無變易 ,何藉因緣 ?

其頭曰 變 , 失, 真性亦不屬因緣矣! 變易 設有人, 妄起之時 歇狂之後 此結明非因緣 ,則何所藉因緣耶?法合:真性常住不失,無明忽然妄起,無明雖起 見達多之狂走,問云: 「這是甚麼?」 ,頭亦無得 , 雖迷不失;妄滅之後 , 申其正義。以本有之頭 達多始覺 0 而狂起狂歇 何為狂走?」答曰:「 , 頭還不失 , 雖證無得 ,不關 ,雖由照鏡因緣狂走,其頭依然不失 本頭之事 , 狂怖無端 0 妄起妄滅 ; 其頭非但 妄出 我要覓頭 , 與真性本不 , 既狂之時 無失, 。 — 彼 相干 曾無絲毫 人以手摩 ,真性不 , 頭 原 則 無

### 本狂自然 • 本有狂怖;未狂之際 • 狂何所潛 P

然 在 句 **郭**? 難云 則 此約狂拂自然。狂喻無明之妄,若謂本來狂是自然,即應本來常有狂怖。下二 既無潛狂之所 本有無明 既是常有 , 當 一 , 而未發狂之際(也) , 則狂非自然矣!首句作狂 念未動之時,清淨本然心中 , 其狂潛藏 本自然亦可 何處?難道身心之中 無明何所潛藏?以真元無妄 ٥ 法合: 無明若 有潛狂所 是自

故,何得謂無明為自然?

# 不狂自然,頭本無妄,何為狂走?

宗 不失, 然真性宛在,不曾遺失,為何因緣,而背覺合塵耶?若真性有失, 緣矣!首句 狂 抗怖之時 ,不知衣裏神珠宛 此約狂拂因緣 則 (非因緣矣!以上喻明真性與無明,俱不屬因緣、自然矣 頭 作狂不自然亦可。 本不失, 。首句反言 在 ,輾轉他方求食,因緣之見,固不能忘也 即當常無狂怖 法合:謂無明不是自然,是因緣者 ,不是狂出於自然,即是翻成因緣 , 有 何 因緣 , 而狂 走耶 ? 頭本 。頭本無妄者:謂 , 畢竟 阿難 無妄 可說因緣, 以何 , 則 向溺於權 狂 為 真性 因 非 因

### 若悟本 頭 • 識 知狂走 因緣 、自然,俱為戲論 。是故我言:三緣斷

### 故,即菩提心。

因緣 若 知狂 滿慈執無明有因 自然之二計 走 未狂 **完無** 。若悟本頭 , 則狂 阿難疑真性同自 非自然 , 雖狂 不 失 頭本 ,皆由不悟本頭不失 -無妄 , 則頭 , 非自然 則狂非因緣 ; 依然宛 。首二句約頭 , 狂走無端 在 , 則頭 , 約狂 非因 所以墮入 緣 皆

6 5 0

故 心 全無實義 雙拂二計 , 則菩提非自然 是因緣 ,上句知真本有,下句達妄本空。若明斯義,則因緣、自然,俱為戲論 此正銷阿難之現疑,兼防滿慈之又執。是故我言,三緣斷故 、自然 ;妄離真顯 ,俱屬戲論之故,我先言三緣斷故,即菩提心:三種分別之緣斷 ,當下即是,則菩提非因緣矣!此佛重伸自己所說 ,即菩提

# 丑一 疊拂諸情令盡

歇即菩提之意

# 菩提心生,生滅心滅,此但生滅。

生滅心滅 空,三種能緣分別之心,是枝末無明 緣斷故,即菩提心。上句三緣斷故,亦不可作生滅心滅想,以無明狂性,乃屬本 了因之所了,不是生因之所生。 承上三緣斷故 ,此但是凡情生滅之見,非真菩提之心。 ,即菩提心 ,不可作菩提心生想。以菩提真心,元是本有 向被狂性所覆 ,雖言斷故 , 狂性若歇,歇即菩提 ,實無所滅 0 若說有菩提心生,有 ,故我前 ;但由 云三

# 滅生俱盡 • 無功用道。 若有自然,如是則明自然心生,生滅心滅

### 此亦生滅。

道 有自然 也 0 何以 加 首句滅字 至 , 故?非絕待故。此中道理 則 |無功用道 分明自然心生, , 則生滅心滅;生字,即菩提心生,此但生滅;亦復俱滅 ,亦不 可作自然想 對彼生滅心滅 ,更覺難明, ,若有自然,亦成對待 ,即此自然,亦是生滅之心 故下以喻顯之。 0 如是指上句 ,非真無功用 杰盘 , 若如 即 滅 是

# 無生滅者:名為自然;猶如世間,諸相雜和,成一體者,名和合

# 性;非和合者,稱本然性。

然者: 喻不生滅之真 體者,名和合性:喻生滅因緣法。對此和合,遂將非和合者 此喻 即牒 顯自然 無功用道 ,此真乃對妄所立之真 ,亦是生滅之理。首二句牒上。 !。下喻自然亦非真 ,非真菩提心。如下文偈云:「言妄顯諸真 ,猶此世間 無生滅者 , 諸相 雑和 :即牒滅生俱盡 , ,稱 (<sup>也 2</sup>) 本然性 藥丸藥餅之類 0 名為自 成

妄真同二妄 0 是知無真可立 ,將欲立真 ,已非真真如性耳

### 本然非然 和合非合 **,合然俱離** ,離合俱非,此句方名 , 無戲論

大佛

#### 法。

非和合 乃是即字之義 句 合字 以非 對第三句。遣之又遣, ۰ 俱 本 此 ·然 , 極拂妄情。妄盡真顯。本然即自然,和合即因緣。首二句單遣,非 離 兼 本然非本然 和 遣本然 與下俱非皆當雙用 合 ,即是不離也。離和合非和合,本然非本然,此雙遮也;合(巊) 與不和合 ;以非和合, , 更無 此雙照也 , 俱遣 可遣 。第四句離合俱非, 乃遣第二句 , 遣和合 • 諸情皆盡 俱非 , 0 第三句, 即 , 0 遮照同時義 情盡法真 然字 , 離乃俱離之離 合然俱離 兼本然非本然 , , 此句 即遮而照 , 方名無戲論法 是雙遣 ,合非和合之合 , , 俱 即照而遮 , 離 遣 即遣 乃 亦 遣第 遣 和合 也。 也 此

# 丑三 直斥耽著戲論

### 菩提、涅槃 ,尚在遙遠,非汝歷劫 , 辛勤修證 0

難倒 辛勤勞苦 想 阿 避銷 .難 前云: 所能修證 , 細惑全在 「不歷僧祗獲法身。 0 如是與佛前言, 故於無上菩提 」此佛謂曰 , 狂心若歇 無餘涅槃 : 歇即菩提 尚 菩提涅槃 在 遙遠 ,尚在遙遠 0 何藉劬勞 斷云: 非 汝 肯綮修 歷 劫 以阿

證 , 豈 不 有 乖 ·前後乎?當知前 ,斷定難成 者, 能捨戲論 , 何藉 劬勞 , 何須歷劫,今以阿難 戲

#### 雖 論 未捐 復憶 持 縱經塵劫 • 方如來 , 十 二 部 ,下則明言以告之。 經 • 清淨 妙 理 • 如恆 河 沙 • 祗 **松益戲**

#### 論。

重頌 不失 理 論 議 , 圓 此 , , 出 又非惟憶持我一 頓 俱 併 其難 授記 法門 成 十二名 成極果之所 , , 孤 如 恆河 起 0 ` 佛所說 無問 沙 小 以 0 乘九 喻 0 而 雖復憶持 自說 雖復聞持之多,不肯從聞 ,亦能憶持十方如 部 , 大唯三 因緣 下, ` 0 譬喻 以阿 清淨 來所說,十二部經 難多聞第 ` 妙理 及本事 : ` 指 思、 , 大乘三部 , 本生、方廣 修 非 惟 ; 即 能聞 **祗是資益戲論** , 清 , 未曾 淨 復能 實 長行 相 憶持 有 妙

# 丑四 現證戲論無功

所以難成極果

聞 汝 I 熏 習 (難談) 說 ,不能免離 • 因 緣 • 自然決定明 ,摩登伽難 0 人間稱汝多聞第 0 以此積劫多

6 5 4

前三句 萴 祗益戲論 ,博得多聞之名, 雖積 (劫即) 劫多聞熏習, 非有真修 徒聞

無功,所 以不能免離摩登伽女,婬術所加之難

#### 何 須 待 我 , 佛 頂 八神咒 • 摩 登伽心 , 婬 火 頓歇, 得阿那含?於我法

### 中 成 精進林 • 愛河乾枯, 令汝解脫 P

欲溺 得三 法之中 い数者 也 以 稱 果 凡 人 使摩登伽心中 此 阿難固是大權示現 焉 呵 多婬之人 ;成為精 , , 一段舉 那含 故 以正 0 愛河乾枯者 喻 党能破 中事驗證 如 0 進林 此云不 河 , 相火 , 婬 0 郭 婬 ,林是喻其進速 0 必旺 火頓 來 崽 火頓歇,使汝阿難 何須即反顯多聞 : 愛為 , , 登伽亦是逢場作戲 邪思頓息 歇 再 , 婬心一 生死本 不還來欲界受生也 , 愛欲 便斷 動 ,而證之多也。 , 因愛則有欲 故 , 無功 婬 婬 , ,如從夢覺,方脫婬難 得超 火頓 火 , 便熾 若 欲 歇 0 多聞 於我 界 以見多聞之無功 0 因欲 不從初二果階級,頓證三 頓 摩登伽宿 , 有功 法中 故 斷 見惑  $\Box$ 則受生 , 愛河 , 何 L 為 婬 女 成 , 須待我楞嚴神 及欲 乾枯 精 , 。婬 因 進 生 火者 林者 界 , 令汝 |必有| 婬 以顯神咒之 九品思 火 ,婬欲屬 在 更旺 解 死 完党之 脫 果 我 惑 愛 婬 佛

頓

火

力

難

故

有力,而登伽婬火頓歇, 顯咒力能除障;得阿那含,顯咒力能成益也

# 丑五 正勸勤修無漏

# 是故阿難 • 汝雖歷劫憶持如來,秘密妙嚴,不如一日 ,脩

# 遠離世間,憎、愛二苦。

憶持 不思議 力 能憶持如來,秘密妙嚴;無上之法,非口所宣曰秘,非心所測曰密。 ,人間只是稱汝多聞第一 是戲論 , 清淨 無功之故。 妙理 **;莊嚴** 阿難多聞 二乘 ,即《法華》之大白牛車 ,未全道力 , 非是一生, ,汝所自 故曰 知 , , 汝雖經歷多歷劫 張設幰蓋 , 眾寶 **最**飾 , 此二字即 有聞持之 縦能

後文, 愛二苦 眾生 同想成愛 不如一日 ,三種而起分別之心 要相照應。以多聞不及脩習,故曰不如一日,狂心頓歇,不隨世間 憎愛是二種苦因 0 若能不隨分別 ,脩無漏業者 ,此即背塵合覺, 則塵既不緣 生死是二種苦果 :此無漏業 , , 不可作二 憎愛何自而生?苦因既斷 逆彼無始生死欲流 0 憎愛不必別作他解 一乘所 修解 , 當指 ,故得遠離 即 圓頓修法 苦果自離 是異 、業果 世 見成僧 蕳 與前 憎 此

即 修 !無漏業,示多聞人,就路還家之法,不出流而聞塵,但逆流而照性。

云:「將聞持佛佛,何不自聞聞?」正與此文相合也

# 丑六 更舉劣機激責

### 如 摩登伽 • 宿為婬女 ,由咒神力,銷其愛欲,法中今名,性比丘

#### 尼。

滅惡益 喜益;法中為尼,精進修行,即為人悉檀,得生善益;銷其愛欲,即對治悉檀 數 煩惱障已除 也 , 則 此 現受女身報障也。 [舉登伽,以激阿難。宿為婬女,三障具足:婬心煩惱障也;宿世婬習業障 ;頓證阿那含,即第一義悉檀 報障已 ٥ 法中者 轉 0 此文具有四悉檀利益 , 在佛法之中 由仗楞嚴神咒威力,銷其愛欲,即婬火頓歇 ,成精進林 ,得入理益 ; 親聞 神咒 ,而業障亦斷 , 驅邪歸正 0 名性比丘尼 , 即 世界悉檀 , 愛河 乾枯 , 列 得歡 僧 得 寶 而

#### 脩 與 羅 **艦**瞬母 無漏善故,或得出纏, 那 輸陀羅 , 同悟宿因 或蒙授記;如何自欺 0 知 歷世因 • ,尚留觀聽 貪愛為苦 ! 0 念熏

家 夫妻 陀 !羅譯云名稱,是女中有名稱者,是佛之妻。佛為太子時,十七歲結婚,但是無情 0 性尼與耶 羅睺羅,是佛之子,非是欲愛所生,乃指腹成胎,在胎六年,此云覆障 並未同房。太子十九歲出家,三十歲成佛,耶輸陀羅 輸陀羅 ,同悟宿因 , 知歷世因 , 無非貪愛為苦, 知女身之報 同佛姨母 愛欲深 '。耶輸 發心出

重 歷世以來,果報不勝,皆由貪愛為苦也。

記 纏 明果證 但以一念止絕貪愛之水,不令向外流逸,因不流逸 纏縛 謂此二人, 女身劣機 。又謂耶輸已證四果,所作已辦,分段已離,得出三界生死之纏縛 念熏修 或得出纏:謂性尼愛河乾枯, ,無漏善故,或得出纏,或蒙授記:此正激勸之旨。今性尼、耶輸二 ,但以一念熏脩,無漏善故 如能回小向大,捐捨聲聞 斷五趣雜居地 0 ,畢獲如來無餘涅槃,本發心路 如何修法?即以悟歷世因,貪愛為苦 ,旋元自歸 , 九品思惑,得出欲界生死之 ,定力成就。下二句 , 進 。或蒙授 趣菩

如何自欺 ,尚留觀聽者:此斥責之詞 。 謂彼耶輸女身,已為劣器,登伽婬女 提

,

則蒙佛授記

,正未可量也

大佛

暴 形 , 赫 尚 赫王家之種 留 戀見聞 (驅)分別耶?即指見相發心,聞塵執悋 ,徒守多聞 ,甘居下位,現見熏修有益,不肯進修 , 未免循塵 ,如何自欺自 , 自 取 流 轉

修證 互違 也 交光法師云 ,不可不辨也。今明真本無變,猶夫頭本無失,而何有實修實證 若一定有修有證 1:當知 阿 , 則違前自言;若一 難 , 此審 辨問 , 最有關要 定非因非緣,則廢後修證; ٥ 良以前既 排盡因 固 緣 此聖言宛似 罪一 後復 向 將談 墮

於因緣 也 由 是 也;又明妄之現迷 則知 斯經 , 無修無證 ,猶夫狂之現起,而豈終無修 , 固 不礙於有修證 ; 而有修有證 無證 , , 亦非一 仍不礙於無修 向墮於自 無證 然

也 前後之文,無復矛盾之可議矣;其旨亦甚微妙也哉!壬二正為宣說竟 併上科

辛二如來次第以除二惑竟。

# 辛三 大眾領悟讚善謝益

阿 難及諸大眾 聞佛示誨 • 疑惑銷除,心悟實相 ,身意輕安

### 曾有!

不變妙 難 生 翳眼見空華 明 惑 大眾 結 疑 , , 0 中 先 佛 何 故 滿 此 **立文總結** 入敘領悟 !因有妄 體 有 , 蕬 , 頓 世 非單 , 故得隨緣自在 間 棄 , 空華 諸相 因緣 , 結 , , ` 正答滿 必由開示 自蔽 阿難 疑 本不生 。 <u>-</u> , 清 恐濫自 妙 淨本 也 明 ` 慈 0 疑五 ?佛 , 故 , 。 三 、 , 然 疑惑銷除 兼 然 真 , 系終無變 崇 示 大性不相 阿難及諸大眾 0 云何 疑諸 阿難 佛示 以既 者: 忽生三種 稱為妄 開如來 兩 以知真 , 大科 如礦既銷成 循 疑惑 , 本有 何 , , 0 , 相續? 有五 云何 得 聞 何時復起其妄?佛示以妄本不生 以前答滿慈之後 . 互徧無礙?佛示 |佛開示訓誨 , 有因 金 達妄本空 滿 佛示 , 慈 不復重為礦 , 以 四 若有 萬 , , , 法 呵 則因 所因 未敘滿慈之名,攝 , 以全相 生 難 無有 續 緣 , 0 **治**結文, 云何 四 , , ` 此皆 自 起 即 ` |名妄 性 於 然 疑 故 深疑細 , 此併 切眾 , 如 念 俱 惟 ßп 為 在 無

歇即 又誨 菩提 滿 以 戲 慈 執因疑果, 論 0 語 無 雖獨 功 , 對阿 若不捨戲論 又疑妄有因; 難 意則兼為滿慈 , 則歷 阿難執悋昔宗 劫徒 , 勞 可謂 , 終無實證 , 點水墨 疑真濫自,二人皆耽著戲論 能捨戲論 兩處成龍矣 , 則狂 心 頓 歇 佛

戲論

0

因聞

重重

妙示

,所以疑惑得以銷除

說實相 礙 藏 發 處經家所敘 性 無識 也 揮 , 空如 皆 無有身心麤重之見,故輕;自知菩提真心本有 真身真心 則 實 故 實 不 同得心悟實相。 日 相 , 能 則以下所談七大徧周 相 來藏 : 也 也 通 ,已悟實相 身心蕩 達 , 身 0 ,前三卷已悟 蕩然寬 第三卷 意 , 清淨 輕安 然 實相 廓 此實相 , , , , 圓彰 可以推知 , 得無罣礙 得未曾有 本 , ,故不指在內。第二卷,十番顯見之末, -無罣礙 ,及阿 此第一 七大之前 ,即不空如 0 :意即 0 前來佛說後二藏,正答滿慈,兼示 次說實相 難 0 今悟後二藏 大眾,所悟徧常之心 , 悟空藏 許令當來修大乘者 心也, 來藏,空不空如來藏,菩提勝淨明心是 0 , 則後文剖妄所出之真 三卷末 則妄身妄心 , , 不藉劬勞肯綮之功 則身心輕安, , 间 , , 難 皆實相也。 通達實相 與大眾 蕩然無存 了達 佛責汝等狹劣 , 阿難 四 無 , 故安 , 悟空 第三次此 明 此第二次 科所會之 , 萬 故 ,全是 二此 法本 得 如 來 無

復 ,善開我心 悲 淚 ! 頂 ,能以如是種種因緣 禮 佛足 • 長跪合掌 • ,方便提獎 而白 佛言 • ,引諸沉冥 無上大悲 • • 清 出於苦 淨寶 皆昔日未曾得

,而今得之,故曰得未曾有

矣 矣 矣 矣

#### 海。

明心 全道力 故曰 以 封 證 則沉淪苦海 報 見 出家 離垢 大悲 , , 權宗 故悲 重 由 重 前 ,心不入道。第三次,顯見無還科中,垂泣叉手 ,未敢認為本元心地 \_增迷悶 .佛能用如是種種因緣 一復 四句敘儀,中三句讚善,後謝益。重復悲淚:此是阿難,第五次悲感垂淚 妙極法身 清淨 泛淚頂禮 第二次,三迷被破之後 固閉之心 0 第一 ,故運至極之悲心,拔出於苦海。佛從因至果,復本心源,究竟清淨 :寶王者;佛具同 , 次因被邪術所禁, , 悲淚頂禮 , 對上為謝前 猶如摩尼寶王:不變隨緣 ,今得豁然通達也。 。第四次,十番顯見之後,剖妄出真之科 , 求佛施大慧目。今乃第五次,信悟既深 如是乃指上文,演若迷頭狂走,登伽頓銷愛欲 體大悲, ,望下為請後 , 提獎歸來 重復悲淚 是為無上大悲,觀 能以如是, , 0 長跪合掌 自述 頂禮悲泣 隨機施教 是 恃佛 威 種種因緣者 , , 而白 ,恨無始來 ,善能開發 而白 神 切眾生 佛言 , 佛 : 不勤定力 此舉善能開發之所 言 , 雖 ; \_\_ , , ·, 因 皆示 與佛 承 我等惑妄重 愈覺 佛音 向 , 聞 |多聞 敬 所 同 見見非 佛 體 彻 以 , 耶輸 !恩難 悟妙 雖 , 未 0 今 無 身

同悟宿 狂 性自 歇 因 , 歇 種 種因緣 即菩提。卻又不捨婆心獎勸 ,透機之談 ,善巧方便, , 則云歷劫憶持無功 提撕 獎勸 0 或以 向上一 , 不 如 著提撕  $\exists$ 修 ,則云 無漏

業

此 外 段 生死苦海 引諸 出 離 沈冥 二種生死苦海 ; 冥謂二乘 出於苦海者:接引凡、 , ,而達菩提涅槃彼岸, 冥滯變易生死苦海 小出離憎 0 亦所以啟後修門矣。自滿 若 照本經,一 愛二苦海 0 乘了 又沉謂凡夫 ,義說 , 接引 慈發問至 , 沉淪 凡 分

顯其無 周 小 中 而 !舊註謂見道分者 徧 復為 悉 即 正 不 此 礙 妙 脈》 ·測知 一周 奢 圓融 摩 周 , 名 。此即十方如來,得成菩提,妙圓真心,不假修習, 中 云 : 他 , 所 ; 而 , 前周 以錯 談後 ,亦齊於此 無生無礙周」 悟徹 中 亂 如來藏 修習 此者 , 談空如 一正宗至此,己二說奢摩他路 , , 終無實果 , 即微密觀照也。又此心此定 乃至圓 來藏 , 以直指自心 融 , 故於經 三藏 , 題四實法 以詳發自心 ,本具妙定之體 中 ,令悟密因 • ,本具妙定體 正 切眾生,乃至權 如如本定,三名 屬 如 , 極顯其常住 來 大開 密 因 用 圓 也 解 極

竟。

庚初 分三 己二 說三 摩脩法令從耳根一門深入 ൊ 辛初 阿難說喻求門得入 二 如來教令一門深入 三 大眾承示開悟證入 庚初 選根直入 二 道場加行

育如來,十方國土,清淨寶嚴,妙覺王剎 世 .尊!我今雖承,如是法音,知如來藏,妙覺明心,徧十方界,含 0

明心 義 求門 之法音 提 說 名義皆相合也。 或稱三摩地 此為正宗第二大科。 既悟心徧十方 即是求示脩門也。知如來藏:知字即大開圓解 「。觀雖承二字,乃是雖然領悟,已開圓解,須請圓脩,方尅證入,故下喻屋 **徧**十方界: ,或稱三摩,但是梵音小異耳。首二句承領法音, 即一 ,故能含育,四聖六凡之十界。文中獨約佛界說 於建立義門文中 真法界之心,乃領悟空不空藏中 佛答阿難所請 ,佛親命名 ,三名中妙三摩,經題中脩證了義 , 妙三摩提 , 已悟三如來藏之圓理 惟妙覺明 ,通科之中 通指後二藏 , 九界雖不明列 圓 , 或稱 照法界之 ,文中所 **新說** 妙

文言,可以推知,皆是妙覺明心,隨緣顯現耳。

王剎。 土,佛身具足寶相莊嚴 指化身佛 垂現報、化二身也。 含育如來,十方國土者:含育二字,雙貫下兩句,含是含容,育是生育,如來 此中但說報、化二身,不說法身者,以法身即妙覺明心,為能含育 ,國土即變化土。清淨寶嚴,妙覺王剎者:妙覺王指報身佛 剎土廣聚七賓莊嚴,身土悉皆清淨, 故曰清淨寶嚴 ,剎即實報 ,由法身 妙覺

# 如來復責,多聞無功,不逮修習。

如一 離 日,修無漏業,遠離世間,憎愛二苦。」是責不逮(ஜ)修習也。 摩登伽難。」 上敘心開之相 是責多聞無功也。又云:「汝雖歷劫,憶持如來,秘密妙嚴,不 ,此領勸修之旨。前如來云:「一以此積劫,多聞熏習 ,不能免

### 士一 喻屋求門

# 我今猶如 • 旅泊之人,忽蒙天王,賜與華屋;雖獲大宅, 要因門

### 0

廣大圓 者 示 王 提 滅心 : , 雖得蒙賜大宅 故 涅槃 陸宿曰旅,水宿曰泊 !滿,未得修門,不能證入,何由安住?故請修為當務之急也。華屋之門,即 以 , 喻 得 , 尚 焉 開 !在遙遠者,即因此也。天王者,左傳稱周天子為天王,佛乃法中之 圓 。華屋喻如來藏心,華屋文質相稱 解 ,未得其門而入,猶如宮牆外望之人,安能受用?喻雖悟藏心, , 猶 如忽蒙天王 。阿難尚在有學,未返家鄉, ,賜與華屋 , ,喻如來藏體用圓 實出望外 猶如旅泊之人。前佛告以**菩** ! 雖獲大宅 融 0 前蒙 要因 如 來開 門

惟願如來 • 不捨大悲 ,示我在會 • 諸蒙暗者,捐拾小乘畢獲如來無

# 餘涅槃,本發心路。

在六根門頭

,

阿難

未知

,無由得入

捐捨 指 示在會諸蒙暗者 小 此普求入大之法。若不蒙示,則涅槃無路可修,故惟願如來,不捨無上大悲 乘 日修證 畢 獲 小乘 如來無餘涅槃者 0 錮蔽權宗曰蒙 , 有餘涅槃 ··令在會各各回小向大,不住化城 , 畢竟求得如來極果 ,昏迷實理曰暗 ;此等即未入華屋 , 無餘涅槃。 本發心路者 , 前 ,門外漢 趨 寶 所 也。 根 捐

因地心 本發心 則直趣菩提,自然不遭紆曲,即是正修行路。下文佛令從根解結 下手起修之門路,此即求示因地心。若最初發心,能依二根本中真本,為 ,即本發

### 令有學者 ,五體投地 從何攝伏 。在會一心, • 疇 ' 昔攀緣 佇佛慈旨 • 得陀羅尼 1 • 入佛知見!作是語

心路也

悟成差 見 陀 卷 妄本 始 以攝 .羅 剖妄出真文中。彼佛云將欲敷演,是知前說次第三藏, 成 尼 以 |伏疇昔攀緣心?攝 此別為有學,正求初心方便。令有學者:即未得無學果位之人,從何方便,可 為 也。 至今生。攀緣心 為 若欲入佛知見,但從根中入流 眾生知見 ?楞嚴大定之障礙 今欲必得 悟時顯露 庶可入佛知見。 , 即意識心 是收攝而不放;伏, , 故 ,眾生知見 佛 前對阿 ,攀所緣六塵之境,念念分別取捨 ,即便得入。作是語已,五體投地 佛之知見,眾生本具 難 , , 無非佛之知見 首先破除此心 是降伏而不動;疇昔指過去 , 由 0 圓 得陀羅尼 來生佛不二 ,但迷時 融三藏, , 埋沒 無不是敷演 : 解 即二 在會人 !見第三 一根本中 自從 祇 佛 因 迷 無 知

眾心一,佇候如來慈悲法旨,均欲奮發真修,以免錯亂 0

辛二 如來教示一門深入台 壬初 分門以定二義 二 驗證以釋二疑

三 綰巾以示倫次 四 冥授以選本根 壬初分二 癸 初 標開妙修行路

二 教明二決定義 今初

來 爾時世尊,哀愍會中,緣覺、聲聞,於菩提心,未自在者,及為當 ,佛滅度後,末法眾生,發菩提心,開無上乘,妙修行路 0

心來藏) 性 知如來藏 者。今作二解:一 門之時 (即妙覺) 難免遇緣便退 此經家敘述佛意,正為現在回心之眾,兼為當來大根之機。爾時即阿難請示修 ,悟雖巳悟,未得修門,不能證入,故其心未得自在;二、此眾於菩提因心 ,世尊哀愍現會之中,已經回小向大,緣覺、聲聞之眾,於菩提心未自在 雖然與阿難滿慈同悟,前三卷末,各各自知,真心徧常,後承佛法音 妙覺明心,徧十方界,含育如來國土,難得圓解, ,無自由分,不得自在。故佛勉以不生疲倦,示以二決定義,欲 、此眾於諸佛如來,修證無上菩提,秘密之因地心 (四 未起真修 尚屬 如來密 不定

6 6 8

# 令不定性,而成決定性矣

通 難所請之無餘涅槃 即最上一佛乘,同教一乘,猶為有上;別教一乘,方稱無上,是所趣之果,即上阿 生 盡 而歸涅槃 ,根淺智劣,而能發菩提心,誠為難能可貴 , 從聞性妙理 欲益現未,當來即未來。佛滅五住煩惱,度二種生死,變易早盡,分段亦離 及為當來 ,說根本發心 , 大寂 ,佛滅度後,末法眾生,發菩提心者:及者兼及併及,佛之悲心無 減減海 , ,妙修行之路既開 起反聞妙智 。下句是能趣之因,即上本發心路。此云妙脩行路,密指耳根圓 ٥ 滅後正法住世一千年, ,以妙智照妙理 ,而無餘涅槃,無上菩提,斯可希冀矣 , 。開無上乘,妙修行路者: 像法一千年 聞 思、修證 ,末法一 。上句開字 萬年 無上 , 末法眾 對下句 乘

宣 不生疲倦 |示阿難,及諸大眾,汝等決定發菩提心,於佛如來,妙三摩提, 癸 二 教明二決定義 兔二子初,宣示總徵二十分判二義 應當先明發覺初心,二決定義。云何初心,二義決定?

此先教明二决定義。宣示阿難,及諸現前大眾,等未來眾生,決定發求成無上

•

從聞 決定義,下文佛自解說 生不滅為因地心,然後可以圓成果地脩證。故對二種決定義,不得不預先明了。二 地不真,果招紆曲 應當 字,即 菩提之心,不願終止化城,有志前趨寶所。於佛如來,妙三摩提者:三摩提加一妙 先明了 思 阿難所請佛定,第二妙三摩是也。又即經題中,脩證了義之功,又即觀世音 、 修 發覺 ,所入之三摩地,為諸佛共修之法。不生疲勞倦怠之心,美則美矣 ,不能得成無上菩提,猶如蒸沙,不能成飯;若依真心 (聲) 最初之因地心 ,先總徵:云何初心二義決定? ,還是真心耶?還是妄心耶?若依妄心 ,則依不 , 因

分判二義 丑初分三 分二 寅 初 令審觀因果 丑初 決定以因同果澄濁入陁槃義 二 示所除五濁 三 明伏斷證極 決定從根解結脫纏 今初

# 阿難!第一義者:汝等若欲捐捨聲聞,脩菩薩乘,入佛知見,應當 審觀因地發心,與果地覺,為同為異?

果 故呼阿難而告之曰:第一 此下別示二義。今先示第一義:決定以因心 義者,汝等若欲(ge ) 捐捨聲聞小乘,不願沉滯空 ,要同果覺 , 乃可從真因 而 剋妙

最初發心之心 願 寂 志願 欲修菩薩大乘,智悲並運,求入佛之知見,前文已解。欲字雙用 猞· 小乘,志願修大乘,求入佛之知見,即求成佛道。應當諦審觀察 ),與果地究竟取證之覺,同耶?異耶?因心若同 果覺 , 如 ,欲即是志 以空合空 因地

因心若異果覺 如璃 沙作飯;不得不加觀察 ,以免因差果謬矣

### 阿 .難!若於因地 ,以生滅心,為本修因 ,而求佛乘 ,不生不滅

### 有是處。

滅 根 本也 ,真常果覺 此明 異相 以此 ,則不 \心為本地修因之心,若求二乘小果則 。阿難若於(ഫ)因地,以生滅心為本修因:此心即第六識攀緣心 可 ,故曰無有 是處 可 , 而求諸佛最上一乘 ,不生不 , 妄

### 観世間 以是義故, ,可作之法,誰為不壞 汝當照明, 諸器世間,可作之法 ? ,皆從變滅 o 阿難!汝

為有生滅 以是因果不同之義 故曰皆從遷變壞滅。恐其不信,故重呼其名 , 汝當起智照察 , 照明器界 世間 ,告以汝觀察世間 ,可作之法 , 即 有 為 可作有 法 有

為之法,誰為不壞?要其自觀自悟自信也。可作之法,例第六識,生滅無常之心

决定不可用為因地心,前佛與阿難,三番破妄識,即此意也。

# 然終不聞 ,爛壞虛空。何以故?空非可作,由是始終,無真滅故 0

與阿 可作有為法故,從始至終,其性真常,無壞滅故,決定可取為本修之因地心。前佛 生不滅,真實常住之心,故以不聞爛壞虛空例之。何以故下,釋其所以,以虛空非 入涅槃,是此宗之趣 難 上例明異相 ,十番顯真心,即此意也。以上決定以因同果,是第一決定義之宗。下澄濁 ,此例明同相。然字轉語之詞 ,終不聞爛壞虛空,虛空例根性

纏,分汝湛圓妙覺明心,為視、為聽、為覺、為察,從始入終,五 則汝身中。 **示所除五濁**分三 堅相為地,潤溼為水,暖觸為火,動搖為風。由此四 卯初 尅示濁體 二 總喻濁相 三 別列濁名

### 疊渾濁。

此剋示五濁之體。 本經與諸經,名同義異 ,但取圓湛心水,投以諸大之土,水

大佛

失清潔 而 逼 切 笙 , 以致 死 障絕 見等不圓 涅槃 <del></del>不湛 , 惟 ,便是濁體 內 !四大為尤甚,故此文多論身中 0 交師云:外五 **一大與內** 四 |四大 大也 , 雖均 先 釋 為 濁 身 中 體 四

大 : 則 汝 現身之中 , 堅 **三硬之相** , 肌 肉筋骨為 地大;潤濕之相 , 津 液精 血 為 水 大 ; 暖

觸 之相 燥熱溫 度為 火大 動 搖之相 , 氣息 運轉為 風 大 0 由 此 四 纏 : 即 四 大 假

万.

相

纏

結

,

組

織

成

身

0

既有

身相

,妄有

六根

,

分汝

湛

然圓

徧

,

妙

覺

明

真心

, 不

滅 , 與 生 滅和 合 , 成 阿 賴 郭 識 0 識精 元明 , 映在六根門頭 , 為 視 即 眼根見精 ; 為

察 聽 , , 揀 即 兵意識 耳 根 聞 分別 .精 ; 為覺 Ī 知 , 此 即 訶 鼻 色心 根 黛精 和合以為濁體 舌根嘗精 0 , 身根覺精 下文所云: ; 為 元依 察 , 即意 精 根根 明 分成 性 照

也 從始洎 也及 終, 始於識陰 , 終於色陰 , 以生從識起故 , 五疊 渾然

不清,而成濁相,此結成名數。

六和合」

### 卯二 總喻濁相

留礙 K 何 為 • 濁 一體法 ? 阿 爾 難 , Ţ 性 譬 不相循 如 清 水 0 • 清 有世間 潔 本 然 人 , • 即 取彼土塵 彼 塵 土灰砂之倫 ,投於淨水 • 本

# 失留礙,水亡清潔,容貌窻然,名之為濁。汝濁五重,亦復如是 0

如是。 分 , 水 循 性 土灰砂喻四大。倫 : 。二體即清水之體 故曰 喻起妄亂真。以致真妄和合,色心交織,喻如土失留礙,水亡清潔,真妄不 喻純真之心與四大,一真一妄,其性各異 此喻總明五濁之相。首句徵,下喻明。清水二句,喻純真之心,清淨本然, :「**起**然」,乃混沌昏擾之相,名之為濁。 ,類也;質體也。本質留礙:謂四大本體,是留滯隔礙 ,與四大之體 。法爾,即本來之義,一清潔 。有世間人,喻迷位眾生;取土投 汝阿難心水,濁相五重 , 留礙 ,能障真 0 性 ,亦復 不相 塵

### 卯三 別列濁名

# 織妄成,是第一重,名為劫濁 阿 **,難!汝見虛空,徧十方界,空見不分,有空無體,有見無覺**

內四大,外五大,俱屬色陰。內六精之性,乃屬心法,凡言濁者,以心水本湛 此下五段 ,別示五濁之名,由體相合而成名也。今先示劫濁 此濁依於色陰 ", 由

者 而 諸 大投以成濁 成 俱 徧 首句汝見虛空,舉空以影地大等四,舉見以影聞精等五 十方世界 ,如上喻所明, ,妄織之相易明 此劫濁依色陰,外五大之空大,與六精之見精 。空見不分者:同時俱徧 , 不能分出 。獨舉空見 , 何 ,以其兩 :處是見 ,交織

之邊

涯

何者為空之界畔

,

此三句舉劫濁體

若但有 名為劫 真性 昧空相, 經 緯 有空無體 隱蔽 見而無空,則見無有所覺 濁 見相交織,而成劫濁也 也 密織不分 妙 ٥ 此濁 锏 ,有見無覺者:若但有空而無見 , 居初 遂成劫濁之相 0 見空既爾 , 若按從真起妄解,汝見虚空,見當指能見見分,空當指晦 , 見色亦然 ,即無塵不能顯根。相織妄成:以空見相織 0 此 三句 明劫濁相 , 眼根既 ,則空無體 爾 , 後二句出 ,餘根亦然;根 可得 I 劫 濁 名 , 即 無見誰明空體 塵 , 是第 相 對 重 如 渾 濁 ?

### 汝身現 ,旋令覺 搏,四大為體,見 知 **,相織妄成** • 是第二重 聞 覺、 **,名為見濁** 知 , 壅令留礙,水、火、風 0

次示見濁 。此濁依於受陰,以見、聞 . 、 覺 、 知 , 與內四大 ,交織而成,六受用

成有 作六 四大 真 聞 合 根 性 知覺矣 和 覺 以 領 , 妄成見濁之相 本 合 為 納 ` ·是無知之物 自 諸 知等六精 本 體 0 境 相織妄成者:知 無留 0 0 汝 四 礙 。 元 是 大 身 者 , , 現摶 解 共有六十二見 旋令覺知 莧 而 四大為體 在 精明 成 前 與 留 0 無知 礙 : , 既 被地 旋者 矣 有身 : 此 二 !眼 , 交相 以身見為首 轉 ` 相 以只能見 水 也 一句舉 , 、火、 組織 , 則有六根 為六精之性所 見濁體 小亦如 , 乃至意 風四大所 , 雖針鋒之微 ,由是分 , 謂 經 只能 一次今此 壅隔 旋 緯 轉 知 , 精 亦有痛 身 密織 既 轉 水 明 無知 成六 , ` 摶 火 不分 根 而 取 覺 覺者 ` 四大假 風 成 , 擾 而 見 亂 而 分

#### 又汝心中 相織妄成,是第三重,名煩惱濁 憶識誦習 • 性 發 知 見 • 容現六 0 塵 • 離塵無相 離

句

出

見濁名

是第二重名為見濁

牢記不忘;識取現在所緣 想像六塵之境 三示煩惱濁 , 故 曰 : 此濁依於想陰 又汝心中 境 , 愛著不捨 , , 憶識 以前段六根既備 誦習 誦習未來所有境 0 謂六識妄想心 而對六塵 ,預先計劃 中 , ,六想自成 憶念過 去所 此二句舉煩 , 即 緣 六識 境

大佛

惱濁體

識若 經 能 二字 取不 緯 覺 離六塵境 性 發 生 舉 , ` 密織 , 所取· 二該六 知 知見 , 六 不分 洯 ,容現六塵者: 小亦空, (種妄想 , 0 則所緣塵亡 容即 , 所 所想六 以緣塵 無有塵性可得 。前五 (塵之相 想念 , 乃同時意識與五識同 性即能想六識之性,託於六根,發為見 能緣 , 識泯 貪戀不休 ٥ , 相織妄成者:妄覺妄塵,交相組織 現 有六塵之境 , 無有識相 , 故成煩惱濁之相 時 可得 而起者 0 離 ;六塵若離六識妄覺 塵 ; 無 相 知乃獨頭 0 離覺 末二句 意識 無 聞 性 , , 亦如 出 /煩惱 知見 齅 則

### 又汝朝 Ŋ • 生滅不停 , 知 見每欲留於世間 • 業運每常遷於國 土 相

濁之名

是第

三重

,

名煩

(惱濁

織妄成

,是第四重

,名眾生濁

o

四 示 眾生濁 此濁 依 於行陰 , 以前 三段 既有世界, 復有身心 世 界 身 心既

備 朝至夕, 自 有 生滅 妄念相續 0 第 Ł 生 識 為 生滅 住 ` 異 根源 ` 滅 ,念念遷流 無暫停息 , 面 ,於是遷世界 成行陰 , 故曰 ,續身心 末那 遂有 心 中 無邊 從

之知見 生死 心 移 , 常遷 業 此 運常催 欲 每欲常留住於世間 句舉眾生濁體 留 , 無自由分, 交相 組 織 0 , 捨生趣生, 知見每欲留於世間者:以凡夫無不貪生畏死 ,滿了百歲 亦 如 經 遷移國土,此約身說 ,還想一百二十歲 緯 , 密織 不 分 擾亂 ,此約心言。 0 真性 相織妄成者 , 妄成眾生濁之 無奈行陰密 ,故依執我 :妄身妄

汝等見聞 • 同異失準,相織妄成,是第五重,名為命濁 ,元無異性,眾塵隔越,無狀異生。 性中相知 0 用中相

相

末二句

,出眾

生濁名,

是第四重名眾生濁

0

在 眾生分上 , 五示命濁 識離體 , 去後來先作主翁 0 , 壽 命 此濁依於識陰 即 盡 , 故命濁依於識陰 , ;壽命與八識 指第 八識 。七識[ , 。 汝等見聞 有連帶關係 屬行陰 一,六識 ,元無異性者;汝等 ,人生八識未離 屬想陰 0 以第 , 壽 八識 命未 見

暗 聞 動 覺 ` ` 靜等六塵 知 非此 六識 見聞等 , 攬塵結根 , 元是一體 各開門戶 , 本無異性 是以隔離 0 眾塵隔越者 體 , 而為六精 1;眾塵 , 無狀異生 , 指 明

越即離也。此四句舉命濁體

大佛

頂

通 同 性 中 而 ·相知 非異;若據用中而說 ,用中相背者: **,** \_\_ 然以性中而論 體既成六用 , ,不無彼此 六用元是一 ,互相違背 體,事 同一 , 家 異而 ,知覺相 非同

之名, 交相 外 同 異失 豈有諸濁?因自晦昧為空,空晦暗中,結暗為色之後,則外被五大器界所渾 組 是第五 準 織 , 亦 相織妄成: 三重名為命濁 如 經 緯 準定也 。交光法師 , 密織 , 不分 同非定同 云 : 擾亂 通上論之,妙覺明心 , 真性 異非定異 , 妄成命濁之相 , 故 曰同異失準 ), 惟 0 後二句 湛圓 同 , , 尚 出 無內 命 異 濁

,

濁 由 失圓義 而 是斷 為劫 , 而 續 濁 。故欲復本湛圓 全失湛義 争心 ; 稍 內被 , 遷流 ;又由 四大身相所渾 國 ,須求澄濁之法,是以下文,方教澄濁也 是而眾塵結滯 土 ;復被生死所渾 , 而 為 , 六根不復通 見濁 , 而 ;更內被六塵緣影所渾 為眾生濁 融 , 而 ; 約此 為命 濁 四 相 0 約 , , 則 此 而 內 為 相 外 煩 惱 通 則全 濁 一渾

阿難!汝今欲令見 寅三 明伏斷證極 分三 聞 • 卯 初 覺 決擇取捨 知 • 遠契如來 二 法喻伏斷 常 三 結證極果 樂 我 淨 今初 0

上科明眾生具足五濁,本有湛圓之性,所具四德 , 隱而不現 ;此科乃示 澄濁

所證常 復 還清之法 也 故告阿難 ` 樂 0 其法先要決擇真妄之因心, ` 我 ` ,汝今根中,所具見 淨之德 , 即究竟覺 本來 聞 取真捨妄,下手 ` · 體 覺 、知之性,即本覺心。與十方 , 無二 一無別 起脩 1,則渾 , 本來湛然清淨 濁 可澄 湛 如 本來 來 圓可

圓滿周徧,因有五濁,故失四德。

惱濁 失 每 來之四德 而 成妄 Ŧi. 且 濁皆失四德 以五濁 根隨纏縛 我 濁 , 現在 ; 因 有 非假澄濁之功不可!有志澄濁 未除 四德對論 劫濁 ,則失真樂,而成苦惱;因有見濁、命濁 ,失非真失, ,是以與佛 , 世間塵勞 :因有眾生濁 果德 如濁水則亡清潔 ,則失真淨 , 自覺懸殊 , 則生死流轉, ,非先擇真因地心,亦不為功,故須決擇 , 而成 。汝今欲令, ,究之清水 不淨。 故失真常 此但 ,根識和合,則失真我 , 仍 具五濁之四 的別義 在濁 ,而成無常 中 , 若 性 四 . 德雖 約 ;因有煩 , 遠 通 契如 非 義 真

### 應 (\*) 當先擇死生根本,依不生滅 • 圓湛性成

取捨

此 (即決擇真妄二本。若決擇不明 ,取捨顛 倒 , 則五 |濁無由 而清 涅槃無法可

大佛

成無上菩提 本中 證 , 故 此 佛特囑以應當揀擇 **L**為妄本 , 故佛三番極破其妄 : 凡 、 外 , 權 真因地心。 、小,不達此心不是真因,悉取而錯亂修習 , 以是生滅之因,不契涅槃果德 死生根本:即第六意識攀緣心;佛前判二根 , 故應先 決擇 「,不能! 捨 得

而去之

佛性 白 真 0 取 依不生滅 近 , 乃前 前 具 用之 諸 根 :佛判二根本中, ,圓湛性成者:即根中所具,不生不滅 , 遠該萬 法 , 此為真本,是菩提涅槃,元清淨體 凡 外 ` 權 、 小 , 悉皆昧之, , 圓滿周徧 日用 不知 ,故佛十番極顯其 湛然常住之本覺 , 今當決定明

成為 捨識 除,大定何自而修?根性若不取用,涅槃何得而證?故示阿難,請修之法 真因 用根 上二句即 地心 0 下文若棄生滅 捨識 因真則果證 ,下二句即 , ,故得圓成果地修證 守於真常 用根 0 ,亦此 捨識 |義也。成字, 用 根 , 即成果地覺 , 為楞嚴 即依 。二成字相照應 經 不生滅 要旨 ,圓湛根性 識 心若 ,即示以 不捨

卯二 法喻伏断 兔二 辰初 法說二一 喻明 今初

# 以湛旋其虚妄滅生,伏還元覺;得元明覺 ,無生滅性 • 為因地心

本來周 德 前 內伏 自可 虚 之見性 下手工夫,將自己圓湛心中,提起一段心光,不外照根身器界,但內照本源心性 宝妄滅 0 得元來妙明本覺 **旋濁成清** 至此位當十信滿心,以能雙伏二障現行也。 上科成字 還 生 徧 ,亦即觀耳門所用之聞性 ٥ , 飛 旋轉也, 即 光光所顯 ,即成此因地心。以,用也;湛即不生滅圓湛性,亦即如來十番所顯 澄濁還清 ,旋妄復真矣!下喻靜深不動, 其指五濁 , , 無生滅性 湛然本不動搖 ;元覺 ,五濁總屬虛妄生滅之法,不出身心世界。 , 。下文擊鐘所驗, , 即本有元明覺性 為因地心, , 即 以 (型)此不生滅 此心與果地覺相同 沙土自沉 0 常住本不生滅 此句乃旋妄復真 。伏還元覺者 , 圓 滿 , 湛然之根 ,見大所示 自可遠契如來果 , :伏 下 旋字 喻 性 清 即 , 脱黏 水現 旋其 ; 即 員 滿

# 然後圓成,果地修證。

員 成 然後即 果地 真修滿證 承 上先伏後斷 圓滿無上菩提,下喻去泥純水 , 斷 品無 明 , 登 圓教初住 , 經歷五十五位 ,真菩提路

### 辰二 喻明

### 如澄濁水,貯於靜器 ,靜深不動, 沙土自沉 ,清水現前 • 名為初伏

### 客塵煩惱。

煩惱 非喻見思 心 入 塵水,合圓湛不生滅性;靜深不動:如觀世音,從聞、思 塵 土 沙土自沉 合以湛旋其虚妄滅生;沙土自沉 此 , ,應是信滿,已斷二惑,併伏無明者也。此喻伏成因地。 投於清水之內 喻 旋妄復真 ,乃指 , 即雙伏二障現行 一障現行 。即以前所舉五濁 ,徧現渾濁之形 ,生滅不停 , 位當十信滿心 , ,清水現前 0 如客如塵, 今欲旋妄 濁於圓湛之性 :合伏還元覺;得元明覺 ,如以靜器貯水, 今則已伏 故曰名為初伏客塵 , **編成虚妄** 、修 0 《正脈》云:初伏客塵 ,反聞自性 靜器合根 生滅之相 煩惱 , 此客塵 漸 為 ; 譬以 次深 不奔 因 地

# 去泥純水,名為永斷根本無明。

無明 此 偷 前清水雖現 斷入 果地 合伏還元覺未純 前之砂 上雖沉 , 泥猶未去 ;斯則純水,合圓成果地脩證 ,合無明伏而未斷;今去泥 0 名為永斷根本 ,合已斷

無明:即最初生相無明,亦皆斷盡,究竟淨覺也。

### 卯三 結證極果

# 明相精純 切變現,不為煩惱,皆合涅槃清淨妙德 0

礙 現 純 而證究竟極果 ·而不雜亂,任從如何攪動,皆不復濁。佛證極果,倒駕慈航,示入生死苦海 , 皆合涅槃清淨妙德 切身心世界 明相精純 :對法說中 。對喻說中, , 或順 , 行 轉五濁而成四德,一一自在無礙也。 , 去泥純水,塵土灰沙已去,惟一清水湛明之相 圓成果地修證 或逆施,皆不為煩惱,而成妙用 ,妄無不盡 ,真無不圓 初決定以因同 不為四纏五濁之所 即 是純圓 現前 果 獨妙 , 澄 變 精

寅初分五 丑一 決定從根解結脫纏入圓通義 ⋈I 卯初 決發增上勝心 法喻當知結處 寅 初 教從根以解結 確實指根是結 一 示脫纏入圓通 四 備顯六

濁入涅槃義竟

# 根功德 五 教其悟圓入一 今初

# 第一 一義者:汝等必欲發菩提心,於菩薩乘,生大勇猛 ,決定棄捐 ,

#### 諸有為相

0

不詳細 棄捐 宗 相 生 乘 心 題 倍 依 三卷半 中 此因心起修 方尅 首句 此文內具三種決定:一、決定發菩提心;二、決定脩修菩薩乘;三、決定捨有 也捨 是已發菩提心之人,而修最上一乘之菩提行 發菩提心, 即 ·稱修證了 較之從塵從識從大而修者 一發明 大道 牒名 脱纏 佛開 , 諸有 0 心 義 既教捨識用根, 示真因地 , 頓 。上科揀擇因心,此科承上揀擇既定,則決定從根解結,以為此科之 ,為初方便,即入初發心住之方便。住前工夫,初學最關緊要 , 為相: 此屬願 求成無上佛道之心 0 此第二決定義 入圓通以為此科之趣 即捨權 心 0 於菩薩乘,生大勇猛者:即依願起行,菩薩為大道心眾 , 為最初方便 , 尚要示以選擇圓根。文云:圓根與不圓根 小 其遲速何可以算數計耶?此為至巧至速之法門 ,佛意汝等必欲發菩提心 , , 所用生滅心 又即最上乘心,不求聲聞 0 , 從根解結 上科所揀之因心 ,生大勇猛 , 為本修因者 是修楞嚴大定,下手 , , 即 必欲亦即決定義 ,精進不退之心。決定 佛所示之因心 0 有 ` 緣覺 生 滅 , 惟 ,日劫相 即 工夫 是有為 依 , 菩提 最上 不 得 此 , 前 , 故 科

為相 識即 때用根) 0 此種願行 , 實屬 可嘉!故下示以決定從根解結,方能依因剋果也。

## 卯二 法喻當知結處

### 應當審詳 ,煩惱根本 • 此無始來,發業潤生,誰作誰受?

根本稱 之緣 明 ? 誰 則 之內 分別 惱 根本 作誰受者: 汝今者 ,告阿難言:汝欲識 發業 此 ,三緣會合,能潤今生以受生,如十二因緣之愛取,即中陰身投胎時 六根見聞等性, 生諸煩惱,此屬枝末無明。根本即最初生相無明,和合八識之中,結滯六根 之 承 0 上欲捐有 ۰ 煩惱是生死苦果之因 , 即是造業之因 由是觀之, 與諸眾生 即審詳此煩惱, 為 , , 須離 生死根本是六識 皆無明力 知,俱生無明,唯汝六根,更無他物。此無始來發業潤 用攀緣心, , 煩惱 能發現行之業用 自從無始以來 ,別則根隨等二十六法 ;欲離煩惱 , 轉本有之智光,成能見之見分,能生枝末 為自 , 性者 佛判真妄二本中云:一者無始生死 , , , 0 須絕 如十二因緣 如何謂之發業無明?如何謂 煩惱根本即是六根。 根本 , 總則唯是六識,以六識對境 0 故教以應當審察詳細 , 過去之無明 後諸 潤 佛 之潤 ,一念想 根 異 生 生無 故以 是業 生 本 煩 同

愛是 而 言誰 也 者 此二 ,即令審詳 一皆煩 惱 , 0 誰作誰受: 自審自 悟也 即 。此文煩惱根本是六根 推 究 根本 , 意顯六根 , 意隱難 自 1作自受 崩 0 當 不言六 知 根 即 根 八

六識 識 , 由 八識引 為 生死 根本 起六 識 , 六根復為六識根本 , 起惑造業 , 依業受生 , 故令細推 , 推 末 由 , 發業潤生 本 , 是第 八見分 , 實是 八識 , 映 出 , 自 去 作 而 自 成

#### 顛 阿 倒 難 **!汝修菩提** 0 處尚 不知 ,云何降伏 , 若 不審觀煩惱根本, • 取如來位 ? 則不能知 • 虚妄根塵

何處

受

位 日 日 從 惱 ? 何處 何 必先 此 此文與第 處 承上文 虚 , 而起顛 要其 妄 究其根 (自審 倒 0 0 汝既 卷 乃 本 0 大 根指 , , , 佛語 故語之曰 即 顛 決定發菩提心 究根 倒 有情四大六根 阿難 而 本 有 也 :設若不審詳觀察 真所 顛倒 0 顛 , 愛樂 萴 倒 修 , 起 本末無明 證 塵指無情 處尚 ,因於心目 無上菩提之道 且 不 五大空界 此 煩惱根 知 顛倒起處 , 若不識知 云何 , 本 必 0 降 , 要斷 此 伏 在 則 根塵 心目 煩惱 根 不 除 能 , 本非 煩惱 所 佛不 知虚 , 在 取 實 證 明言 妄 , , 法 欲 則 根 如 不能 來 斷 塵 , 故 仴 正 煩

腦 得 **|降伏塵勞** 使其 無所依藏 0 但要斷除煩惱,必先審得根本;為國王討賊,必先搗其巢穴 , 則自離自散 ,自降自伏;反言若不知處所,云何降伏坐令太平 ,除其首

耶 ?

# 阿難!汝觀:世間解結之人,不見所結,云何知解 ?

證 處 元 示結之張本 節解 云何 上法說 喻不知煩惱根本, 結 一而能 0 觀 , , 世音耳根圓通 亦即從根解結之伏線 知解 此 喻 ?喻處尚不知 明 0 世間解結之人,喻修菩提斷煩惱之眾生。不見所 及虛妄根塵,何處顛倒 , 即解六結 ,云何降伏斷除 0 眾生根中有六結 、越三空、破五陰、除五濁 。云何知解者:以不見所以起結之 而 取如來位?此文為下文, ,六結即我法等煩惱 , 與此二種 以起結之 選 綰 根修 巾

#### 不聞虛空, 被汝隳裂。 何以故?空無形相, 無結解故 0

義

,若合符節

前

四句喻

妄

有結

有解

,

須見結

處

,方能知解

; 此

五句喻

真

虚空喻

真性

並

不聞 世間 虚空 , 被汝隳 毀破裂 ,言從來無有此事 0 何 以故?徵其所以 ,下二句

解 釋 0 以空無形相 , 本來無結 ,亦復無解;喻真性無相, 安有結解之可言哉?此又

對上上根 人說,如前云:何藉劬勞,肯綮修證,狂心若歇 ,歇即菩提矣!

### 卯三 確實指根是結

#### 則汝現前 眼 • 耳 • 鼻、 舌 及與身 心 ,六為賊媒 • 自劫家寶 0

推窮尋 賊媒 非是 目 媒 現 至於今生 ?前此身,眼 可 此 , 非 莧 媒 此指根是結 我心 六識為外賊 逐 賊 以 鈎通 を建る 以何 ,即能推者,我將為心。」 認賊 當名何等?」佛告阿難:「 為心 無情 耳 , 為子 自 0 [鈎家寶 即示虚妄根塵,顛倒之處。 ` ,外字亦復不當,識本在內 , , 當我拳耀 當指六識為賊 鼻、 , 失汝元常 舌,及與身心(b), 六精是也。此六精乃為鈎通家賊之 ; 所 ? 以損法財 , 故受輪 呵 0 佛言:「咄!阿難,此非汝心!」 ]難答曰 第 , 滅 轉 此是前塵虛妄相想 卷如來破妄識非心文中 "功德, : 0 則字緊承上文,欲知結處,則(如)汝 , 云何說外?故今以六識為家賊 佛分明指六識 如來現今 皆由此 也。 徴心 ,惑汝真性 有指六塵為 為 賊 所 , 問 在 0 有 阿 , 入以六 呵 而 難云 難 我以心 由 賊 汝 間 無始 佛 一 汝 根為

識 根與之鈎通 自取其害。又保福禪師云: :「家賊難防時是如何?」答曰:「知之不為冤。」斯言甚是。切勿認賊為子 ,由六根對六塵,引發六識,起惑造業 「賊是家親。」以是而觀, ,故根有媒義。昔有僧問善知 六識不可以外賊名

#### 曲 |此無始 • 眾生世界, 生纏縛故 ,於器世間 • 不能超越 0

界 心性 死 間 於眾生有情世界,攬四大六根為自體,執此身以為實我,妄生纏縛,將廣大圓滿之 也 , 執 悟者但除根結,根結若除,塵相自滅,不惟身得自在,即於世界 此指六根即是結處。自從無始,最初一念妄動以來,從微至著 變局 我等真性 此界以為心外實法 於四大之中 ,從真起妄 , ,妄生罣礙 埋沒於五陰之內,不能解脫;於外之五大六塵 , 根結既成 如鳥在籠 ,遂於身心世界 ,不能超越, , 皆 不自在 即不能出三界, ,六根起結 迷者求 ,亦復無礙 , 器 了生 界世 出三 , 故

#### 卯四 備顯 六根功 德 分三 辰初 徴釋眾生世界 二 涉成本有數量 $\equiv$ 顯示六

#### 根具缺 今如

矣 !

# 阿難!云何名為眾生世界?世為遷流,界為方位 0

無情器界。 此 ?明六根數量緣起。上二句徵問,下二句解釋。此世界,乃指有情根身,非謂 世約時言,有過去、現在、未來,遷流不住為義 ;界約處說 , 有前 後左

右上下,方位定在為義。

#### 來,現在為世;方位有十, 汝今當知 東西南北 ,東南西南 流數有三。 • 東北西北 ,上下為界 ;過去未

在可分為界;如器界東西等 此世界即指根身。有過現未來,時時遷流不住為世;有前後左右上下,方位定 ,定位可明也。末二句結成,十方三世之數

### 辰二 涉成本有數量

# 切眾生,織妄相成,身中貿遷,世界相涉 0

假合 界 既 四大屬 切眾生之身,乃由四大六精,交相組織 有根身,即有世界,在根身之中,貿易遷流, 無知色法 , 由有見聞等精 ,旋彼無知 ,虚妄而成。有情之根身 , 而 如世行商 成有知 ,貿易諸貨 , 故 **S稱有情** 身本四大 遷流不 眾 生世

轉未為現等 停 :。界相則貿易不定,如轉前為後,轉左為右等。世相則遷流不停,如轉現為過 。世界相涉者:以世涉入界中,以界涉入世中,彼此交互相涉

成功德數量之基礎

# 中無定方。四數必明,與世相涉,三四四三,宛轉十二。 而此界性 ,設雖十方,定位可明,世間祗目東西南北,上下無位

定方者:中即四方交接,四隅之中,一隅乃合兩方所成,亦無一定方位 其只名四方之所以。以上下即四方之上下,離卻四方, 定方位可明者 此先辨定界性。而此界性,設立方位,雖曰十方。觀雖字,則十不定十,究其 ,世間人,只目 (ڃ) 東西南北四方。上下無位 無別上下, ,中無定方二句, 故曰無位 中無 釋

亦成十二。 世 , 互相 四數必明四句,惟取東西南北,四方之數,必定可以指明;與過、現、未來三 涉入。三四四三:以三世涉入四方,三四成十二;以四方涉入三世,四三 故曰宛轉十二,左之右之,轉來轉去,無不是十二也。此為第 一疊

,為下二疊之本。

# 流變三疊,一十百千,總括始終,六根之中,各各功德,有千二

#### 百

第 世,三世各有四方 字 云,默容十方三世,一切世出世法。 成一百二十也;第三疊即界界各具十界,則百二十成一千二百也。故下文意根中 零數也。此約三四為第一疊。若以四三為第一疊,例此可知 二十;第三疊,每一世各具十方,變成一千二百。文中但言一十百千者,舉整數略 疊 即是十 流者從本流末,從一疊流至三疊,變者變少為多,由十二變為千二,一十二 三四四三成十二也;第二疊,即四方中之三世,每世各具十法界 ,如世人稱十為一十,百為一百,千為一千。三疊即上第一 ,三四變成十二;第二疊,以世涉方,每方各有十世, 。蕅益大師另釋三疊: 疊 變成一百 ,則十二 以方涉

成 功能德用 ,已變成一千二百分劑,而六種根性,亦各各變成,一千二百功能德用 總括始終者:一疊為始,三疊為終,括者包括,即總括從始至終,六根之中 ,有一千二百。謂眾生六種根性,各各周徧身心,身心既是世界相 也 涉而

性 【指掌》 中自有 設問:此根性功德,與 ;彼約事造,經功感現。彼若不仗經功,亦唯理具;此若既解根結 《法華》六根功德,為同為異?答:此約理具 1,亦齊 ; 謂

## 辰三 顯示六根具缺

事造;是則即同而異

,

即異而同,不可言同,不可言異,思之。

阿 方全暗,左右旁觀,三分之二,統論所作,功德不全,三分言功 |難!汝復於中,尅定優劣:如眼觀見 ,後暗前明 ,前方全明 ,後

# 一分無德,當知眼唯八百功德。

明 南 具缺 耳根為最優,故佛告曰:「汝復於六根之中,尅定孰優孰劣?」如眼下,別示 然 北 。六根之中 根性平等 東 具者為優 以 西 正 南 後暗 ,三優三劣,以具千二百功德為優,八百功德為劣。三優之中 ,根根功德亦等 , 及 東 南 西 南 二 隅 ,缺者為劣。 ,後北方不見為 如眼觀見,觀見即眼根見性功德,身之前後左右 ,本無可 ,完全能見;「後方全暗」, 暗 ; 前 揀, 明 , 因諸方眾生,根有優劣 前 南 方能見為 明 以正北,及東北 。又云:一 ,娑婆世界亦 前 復以 方 功德 , 即 全 西

北 ,完全不見。左右旁觀,以正東正西,左顧右盻, 兩旁觀察,亦全能見。

為劣 德不全,三分言 (ڃ́) 功德,缺了北方及後二隅無功德,當知眼根。 成 後 兩隅為一分, 一千二百功德 三分之二者:言功德之分數,前方與前二隅為一分,左右兩方為一分 四方每方二百功德 0 眼根祇得三分二,以後方全暗 ,共成八百;四隅每隅一百功德 缺 了一 分故 0 統論 唯有八百功德 ,共成 眼 根 一百百 ,後方與 所 作功 , 合

### 如耳周聽 • 十方無遺,動若邇(亞)遙(遠) ,靜無邊際,當知耳根 圓

# 滿一千二百功德

俱擊鼓 際畔 似有 靜 近遠之聲 此 動靜皆聞 聞 (,十處一時聞。」聞性周圓,此即圓真實。聲有動靜二塵,有聲曰動 明 動之時 耳 根 聞性 , ,一切時有,此即常真實;當知耳根圓滿一千二百功德 近遠皆聞無礙 功德 若有近遠之分;若者似也, 0 如耳周徧聽聞 , 此即通真實;聞靜之時 ,十方之聲 聲塵虛妄 無所 , 寂靜 本非實有 遺漏 無聲 如下所云:「十方 故曰若有 聞 性愈無邊涯 為最優 無聲 但

#### 如 鼻齅聞 • 通出入息,有出有入,而闕中交 • 驗於鼻根,三分闕

# 一,當知鼻惟八百功德。

具四百 此明鼻根齅性功德 ]功德 而闕 (ఌ) 中間交接之際 。如鼻齅聞,能通出息與入息也。通出具四百功德 ,出入少停之時 , 功用不顯 闕 少四百 , 通 功德 入亦

### 如舌宣揚 • 盡諸世間,出世間智,言有方分, 理無窮盡 ,當知舌

驗於鼻根功德,三分闕一,當知鼻唯八百功德,為劣。

# 根,圓滿一千二百功德。

此能盡· 皆歸第 佛 慧 中 理 知 。言有方分,理無窮盡者:或局於方言,如印度法師至中國 故 此明舌根之性 出 無有窮盡 0 世間智也;孔子聽孺歌而警心 義 而 。 \_\_\_ 取言說 ;或限於分量,乃以一偈而攝無邊妙義 《法華經》 。惟取言說 則勝 , 能宣 · 云 : ,不取嘗味 |揚世間法 「治世語言 , 此能盡世間智也 ,以舌性具二功能 盡俗諦智慧;能宣 ,資生事業 文一 , 皆與實相 當知舌根圓滿 , 解 出 若取嘗味則劣 ,不通語言 世 : 間 , 不相 法 麤言 及細 盡真諦智 違 , 而所說 背 **î**,以合 。 \_\_\_

百功德,為優

#### 如身覺觸 三分闕 • • 當知身唯八百功德 識於違順,合時能覺 ,離中不知,離一合雙。 驗於身根

於身根 便不 情 如夏穿棉衣 知 此 崩 , ,離是一分功德,合是雙分功德,故曰:「離一合雙。」 身根 三分功德,缺了一分, 覺性 ,冬著單 功德 衣 0 如 ;順情如飢餐美食 身根對所覺之觸塵 當知身根唯有八百功德 ,渴飲甘露。但合時能覺違順 , 識知是違情之觸 , 為劣 每分四百功德 或順情之觸 , 離 験 中即 違

#### 如意默容 盡其涯際 十方三世 ,當知意根 • • 切世間 圓滿一千二百功 , 出 世間 德 法 0 • 惟聖與凡 , 無不包

聖淨 時 法 則 十方三世下 此明意根知性功德。默容 包容三世 此人法 對 舉時處· 即豎 一窮義 無有那一法不包容,若人若法 入法, , 此時 , 以顯包容之範圍 即知性功德,口不言而心自知,謂之默;容者包 處 一對 ; 切世 。 約處則包容十方 間 ,一一皆能盡其涯量邊際 六凡染法 **,** 即横 切出 編義 世 間 ; 約 當 四

**一楞嚴經講義第十一卷終** 八根功德竟。

# ·佛頂如來密因修證了義諸菩薩萬行首楞嚴經講義第+二卷

福 州鼓山涌泉禪寺圓瑛弘悟述 受法弟子明暘日新敬校

#### 阿難!汝今欲逆生死欲流,返窮流根,至不生滅 卯五 教其悟圓入一 分二 辰初 令驗六悟圓 二一令入一解六 0

生死。逆生死流,即旋根脱塵,根塵不偶,惑、業、苦三,無自而生,乃不循塵 境 此段原其能發增上勝心。上一欲字,即指發心樂(舞)欲,下一欲字, 六根優劣功德,正宜揀選圓根,解除結相,故先令驗六根,悟取圓根,一門直入。 自然不流轉,合之能逆欲流,生死流自然不順矣 は謝之影);約果稱生死流塵是五塵) 此正示選根解結。初心下手修行,最切要處。上文已指 逆者不順之意。流有二種:約因稱欲流 ,即由根緣塵 ,識生分別,起惑造業, ,即根性流逸奔塵 ,虚妄結處在根,復告 , 依因感果,流轉 順五塵欲境之流 乃是五塵欲

聞 [中,入流亡所,漸次深入,解六結、破五陰,識陰一破,則返窮流根之功成 返窮流根 :即返本窮源 ,窮生死流之根源, 做逆流照性工夫。 同觀世音 ,初於 ), 妄

不生滅 聞 窮 真露 覺 , 0 則分證如來常 知 至不生滅:即「生滅 ,遠契如來常、樂、我 ` 樂、我 | 既滅 7、淨 、淨:又即發菩提心,於菩薩乘, , 寂 , 登圓教初住,得念不退,任運 滅現前」 是也。 此種發心,即前欲令見、 生大 進修 角猛 自 。 至 可 圓

當 驗 此 ,六受用根:誰合誰離?誰深誰淺 ?誰為圓通 ? 誰 不圓

成

無上果

覺

忇

?

隱莫測 滿 根 根受用塵 根 性 ? 圓 以 雖 當驗二字 不生滅 通 離 根 ?意根深 中知 境 能領受諸塵境界,發作見等功用 圓滿 ,誰是合知?誰為離知?鼻、舌、身三根,為合中知;眼 ,佛為叮囑,因心不可不慎。欲求不生滅果,當依不生滅因 。合知難脩 ,既有優劣之分,不得不慎揀選 義同 ( ) ( 。具千二百功德為圓通,八百功德即不圓滿 , ,離知易入;就離知三根, 眼耳淺顯易入;再就眼耳二根 ,故名六受用根 。有欲揀選 再勘驗誰是淺顯易明?誰為深 ,勘驗誰 0 , 誰字正令考察勘驗,六 先當勘驗 為 照上三番勘 圓通 ,此等六受用 、 耳 ? 。六根之 誰 、意三 驗 不圓

求 ,其離知淺顯圓通 ,唯耳根當之。 此文即如來密示耳根,為圓通根,不與阿難明

言,令其自驗自悟,悟圓之後,但一門深入,自可解結脫纏矣!

#### 若能於此 • 悟圓通根 ,逆彼無始織妄業流 ,得循圓通 • 與不圓根

#### 日劫相倍。

彼指根 而脩 依業受報 彈指超無學」者,即循圓根 此文承接上段,若能於此六根之中,悟得圓通本根,但依一 如 1,即識精元明,無始以來,帶一分妄,妄心與妄境,互相交織,則成業流 風 ,流浪生死 帆 湯於順水 故曰業流 , 與彼不圓之根修之,遲速不同 也 。果欲逆彼業流,須擇圓根 , 幾有日劫相倍之勢。下云 0 循者順也 根 , 做逆流工夫 得順 圓 根

辰二 令入一解六

# 我今備顯,六湛圓明,本所功德, 數量如是 0 隨汝詳擇,其可

# 者,吾當發明,令汝增進。

備顯即全顯 。上四句指前,謂我現今已為汝完全顯示,六根中本來各具一千二

根之中 教悟同一用意 深入,令汝得以增進。 心 百 心數量 功德 為 視 ,而在迷位中,為根所局 何 如前文所說者是也。 ` 為聽 根 心,要阿 最 圓 ` 為覺 , .難自悟自擇,自修自證。悟之與擇,不無分別,朗然無疑謂之 可為從入之門, 此中其可入者 ` 為察 湛圓明,乃六根之義相 ° ,為境所限,不無優劣。又與汝全顯,所有差別功 故知六根中性 而起修證者 ,亦密指耳根 , , 即湛圓 吾當: , 佛不 。前云:「分汝湛圓 為 -與明言 開性 汝發明 , 隨汝詳細選擇 , , 次第 但教詳擇 解 結 , 妙覺 , 與前 漸 , 六 明 次

悟 決定取用謂之擇 ,下即明選擇所以

#### 方如來 於十八界,一一修行 • 皆得圓滿 無上菩提 ,於其

### 間,亦無優劣。

行 亦 色法 皆 十方如來 得 , 為眼根所對;六根攝見大,六識攝識大,二十五門頭頭是道 |圓滿 , 因 無上菩提 地發心,得圓自在慧,故於十八界,兼攝七大:六塵攝五 究竟 極果 。於十八界七大之中間 , 聖性無不通 順逆皆方 依之修 大,空

便

亦無優劣之可分。

## 但汝下劣 ,未能於中, 圓自在慧,故我宣揚,令汝但於一 門深入。

思惑尚 便 正 揚 如來特為初機 本科妙三摩,起圓脩,為初方便;下科妙禪那,得圓證, 根 此出揀選之由 有 在 優劣 ,未能於諸法之中, ,令汝驗證分明 ,別開方便, 。上段諸佛根器超勝,諸法平等,故門門可入,但汝根器下劣 得圓融自在之慧,悟明法法 故交光法師 但 擇 最圓之根 ,判前妙奢摩他科 ,做逆流解結 催心 為方便;甚得佛之本 , 工夫 , 悟 本無優劣 圓 , 理 門 深. 為最 0 故 初方 我宣 此

# 人一無妄,彼六知根,一時清淨。

意

中 先起 六結,乃是豎說根根有六結。此結 入流亡所。漸次深入,解除動結 五. 此承上一 由微至著 , 四 \ = \ \_ 門深入。 ,一、二、三、四、五 <u>`</u> 即從一 , 色陰先破 根 , 面 ,即從真所起之妄結,六結即是五陰,生則識陰 解六結,入到一真無妄之地 、靜結 、六,色陰具五、六兩結 深入即次第解結 根結 、覺結 、空結 如 觀世音菩薩 ;解時從麤至細 不是横指六根為 滅結 六結盡 初 於聞

開 文所云:諸餘五黏,應拔圓脫,故六根一時,俱得清淨。六根清淨,即六根開合, 解,方入一真無妄之地。彼六知根,根根根結,隨此所入之根,一解一切解。即下 一根作六根用,合六用在一根中,互用清淨。亦即下偈所云:「一根既返元,六

根成解脫 。」以上由悟而修,依修得證。開示解結一周 ,初教從根以解結竟

阿難白佛言:世尊!云何逆流?深入一門?能令六根,一時清淨? 寅二 示脫纏入圓通 分三 卯 初 阿難躡佛語以請益 二 如來就所問以重申

彼六知根,一時清淨;云何一根入流,能令六根一時清淨?此中三義,皆領解未 前 !佛云:故我宣揚,令汝但於一門深入;云何深入一門?三、前佛云:入一無妄 此阿難躡前 前佛云:若能於此,悟圓通根 ,驗六悟圓,入一解六,兩科佛語,領解未徹,重申請問 ,逆彼無始織妄業流;畢竟云何逆流?二、 。問意有

顯明 卯二 四 如來就所問以重申 申根結由塵 五 中塵亡根盡 分五 辰初 中惑結尚深 二申一六由妄  $\equiv$ 舉喻法 徹

故重申請問也。云何二字,貫下作三用

大佛頂如來密因修證了義諸菩薩萬行首楞嚴經講義第十二卷

佛 告 然猶未知,根中積生,無始虛習,彼習要因修所斷得 阿 難:汝今已得,須陀洹果,已滅三界,眾生世間 • 見所斷

0

何況此

#### 生、住 、異 、滅 **,分劑頭數?**

憨

0

全在 流 陀洹 斷三 塵 云 : 斷;末後三句,況顯無明分劑。佛告阿難:汝現今已得須陀洹果,即初果。梵語須 二為五 界見惑 此 ,正隨逐欲流 阿難已滅三界之內,有情眾生世間,見道位中,所斷我執分別之惑。台宗謂 須陀洹名為入流。」 此云預流 ?佛就問重申前義 |塵之影,不入諸塵 ,八十八使,是能逆欲流。以思惑八十一品未斷 ,初見真諦之理,初預聖人之流,入見道位,亦云入流。 ,决當逆之。汝今五句,先揚見惑已滅;中間五句,抑其思惑未 ,但令增加詳明而已。一、以阿難我執分別雖破 ,即不入欲流,而入法流也。上文云:「欲逆生死欲 佛自釋云:「不入色聲香味觸法 **,** \_\_ 不能逆分段生死流 即背五塵欲境 《金剛 我執俱生 ;法 經》

中五句, 即抑云:然猶未知,現前根中, 積生無始虛習。 **積生即歷生;無始指**  也。

生 從最初一念妄動,由根 俱 生 故 台宗謂三界九地思惑,九九八十一品是也。彼習即指此惑,要因修道位 本而成枝末;虚妄習氣 ,即指我執俱生之惑,經歷多生 與

中 所 能 斷得也

宗謂 生 住 遠 中 來 間 斷 兩 起故 生斷 此二品;共經六生 ٥ , , 何況 異 欲 塵 五不還天 尚 阳 界 要 沙 此一品;上中品、上下品、中上品,三生各斷一 難 ` 無 位 轉 滅 此中 九品思惑斷 朔 居 返受生。 , 現 為 也 , 生 初果 , 進斷 四 0 相 何況 相 、 住 , 天上人間 Ë 盡 無 斷 ,及六麤中智相 ٥ 明 八地思惑 、 異 反顯之詞 斷欲界六品思惑,證二果名斯陀含;此云一 , 下上品 無因不感果 0 (、滅 按 ,尚要七返受生 ^ , 下 中 品 (起信 0 , ,七十二品盡 分劑頭 以我執俱生 論》 出 相 ,下下品三品 数者 續相 [離欲界,不再還來欲界受生 ,  $\equiv$ 細 ;此指法執分別、俱生 , , , 尚猶· 成 方能斷欲界九品思惑:上上品 皆 中 -業相為· 為 四 未知 住相 果阿 , 品;中中品 證三果名阿 生相 羅漢 ,以能所對待 , 何 況 ; , 以不 法執 阿 **| 難望阿** ` 往來 中下 那含;此 無明 躉 , , 龃 寄居四 心 法執 無明 ; 天上人 品,一 動 耶 羅漢 ? 生 , |禪天 堅住 最 位 云不 , 台 生 尚 經 初

終極 故 故 執 取 分劑:即四相分際劑限:頭數 、計名二相為異相,以執我、我所,人我執異故。 ;約細推之,四相中各有四相 起業相為滅相 ,頭緒紛 ,以周盡 煩

數量 即答 無 盡 汝問云何逆流 0 故 四 弘中曰: 汝所未斷之我執俱生惑 煩惱無盡誓願斷」 也。 , 及法執無明 此分劑頭數 , 即是分段 ,非二乘 所 知 本科

### 辰二 申一六由妄

生死流

,

汝所當逆斷者也。

# 汝且觀:現前六根,為一為六?阿難!若言一者,耳何不見?目

# 何不聞?頭奚不履?足奚無語?

為定 妄,能令六根俱淨?此皆一六情見未亡,不能徹底明了。故佛令審觀,現前六根 奚為無語言?既不能互相為用 、根定 此下 耶?為定六耶?此先以雙徵 -乃答阿難第二、第三兩問:云何於六根中, 者 , 則用當 相通 , ,則知計一 耳 何 以不見?目何 。阿難下破計一是妄 者非也。 以不聞?頭奚(如) 只選一 0 故呼阿難 門深入?云何 , 為不 而 告之日 履行?足 入一 : 若 無

根 若此六根,決定成六,如我今會,與汝宣揚,微妙法門,汝之六 ,誰來領受?阿難言:我用耳聞。佛言:汝耳自聞,何關身口?

# 口來問義,身起欽承?

根 揚 , 聞 微妙法門,即指本經了義教法,汝之六根,誰一根來領受?阿難答言:我用耳 此破計六是妄。若此六根,其體決定成六,即當用不相隨。如我今會 .佛妙教。佛言:汝耳自聞,何關身口之事?何以現見口來問義,身起欽承? 與汝宣

# 是故應知:非一終六,非六終一 ,終不汝根,元一元六。

既是彼此互通,則知計六者亦非也

畢竟是六;自當用不相隨,何以耳聞佛法,口來問義?下句既非是六,則畢竟是 一;自當用乃相通 是一六二計俱妄之故,此承上義。 ,何以耳不能見,目不能聞。終不應言,汝之六根,本來是一, 應知非一則終六,終字畢竟義,既非是一 則

# 阿難當知:是根非一非六,由無始來, 顛倒淪替,故於圓湛,一

本來是六

,元即本義

大佛

頂如來密因修證了義諸菩薩萬行首楞嚴經講義第十二卷

# **莪生。汝須陀洹,雖得六銷,猶未亡一**

0

真起妄 也 用 證初果之人 有 死 前 不行 一六義生,元依一精明,分為六和合。又不能說非一非六 , 死而 此根 本 一無數量 , 六塵脫離 生, 依惑造業 ,既不可說是一是六,又不可說非一 ,不入色、 交替不已。 , 故曰非一 , , 非根結之體全銷 是謂顛倒 聲 非六 既有受生,則有六根 ` 香 0 ;依業受報 味 正由非一非六 ` 觸 , 故曰猶未亡一 ` 法 ,是謂淪替 , 故曰 ,故於圓滿 ,所以不許說一說六 非六,其故何也?當知是根未結以 雖得六銷 0 ;淪溺苦海 依 湛然 孤山法師釋 0 0 汝須陀洹:謂 觀雖得二字 , 常無一 生死交替 , 由無始來 , 六性中 執有涅槃是 但 阿 難已 是六 生而 , , 從 而

### 辰三 舉喻法顯明

# 如 太虛空 **參合羣器,由器形異,名之異空;除器觀空,** 說空為

#### •

此 以 喻 明 。 上 四句喻從一成六,下二句喻除六說一 。虛空喻圓湛之性 群器喻

空雖 妄 短 六根之相。太虚空本來無相,不可說同說異,以參合群器之中,由器之形 、方、圓 , 即 隨緣現相 說 同亦何嘗是真?乃對異立同, 、大、小,六種之異相,空亦隨器而立名,立出方空、圓空等異名。虛 ,體本不變,除異器之形以觀空,說空為一,一 猶下偈云:「言妄顯諸真 者同也。不僅說 ,妄真同二妄」 ,有長 異是

# 彼太虚空,云何為汝,成同不同?何況更名,是一非一?

也

妄見 安器除器 (,何況更為安立名言,是一非一,豈不妄上加妄耶? 此喻同異與真體無干 , 與虛空無干, 故曰 。彼太虚空,除器時觀同(宀) ·云何為汝成同不同?如是則見同見異(ポ),已屬 ,參器時觀不同(是異是),

# 則汝了知,六受用根,亦復如是。

性為六,合參合群器,乃名異空喻 性 ,合太虚空喻 此則法合。則汝了了常知,六受用根,亦復如上所立之喻。根中圓湛不生滅 ;根性本無一六,合虚空本無同異 。解除根結 , 說性為一,合除器觀空 ٥ 由結滯為根 因根 異故 說空為 則說

六耶 喻 0 當 ?合彼太虛空 知滯根說性為六固妄 一,云何 為汝 , 解根說 成同 不同喻 性為一 , 0 亦復 根性 非真 一六既 , 豈圓 不可說 湛之性 , 豈 可 , 更說非 為 汝 成 非 成

六,合何況更名,是一非一喻。

### 辰四 申根結由塵

根 曲 ;根元目為 明 • 暗 筝 • 清淨四大 種 相 形 • **,因名** 於 妙 圓 眼體;如蒲萄朵 中 • 黏湛 發 見 0 見精 • 浮根四塵 映 色 • 結 流 色 成 逸

奔色 合 空 即 也 精 真 0 此 此 由 戀 性 o 明攬 . 黏 勝 成 推 義 起湛然之體 員 眼根之由 晦 塵 滿 根 昧 結根 湛 空 **,** 三 然 , 浮 , 如 , , 乃由 即明成六之由 由 塵 日 發為見精 此 根 被 明 明 雲遮 餘 ` 暗等 暗二塵相引 *E*. 根 雖 屬 , 同 0 暗不 前 此 八識見分 種 四 0 -是全暗 句 色塵 惟 0 當 初成見精 以 見精 0 知 , 見精 互相形顯 明暗之相 明暗 見字 映色, 0 多雜 於 , 換 , , 於妙覺圓 結色成根者 大 根 : 是 無 聞 中 為 朔妄 晦 有三 齅 昧 動 湛 性中 差 嘗 , 即 將 此 別 真 覺 四 妙 句 妄 明 此 成 和 見 真 性 知

四大 根 勝 義 元目 眼 但極微細 也名 根 為清 由 此 見精 :淨四大者:此根為浮塵根之本元,名為清淨四大所成 , 聖眼 ; 對 、天眼 ?映色塵 ,方能見之,常眼所不能見也。 ,遂攬取色塵 , 結外色而成內四大之勝義眼 , 以 X 其相 根 也。 雖 屬

但言 馬 喻 局 出 地 名 之馳 此 為 , 水 也 不 Н 四 肉 大 限之體 |塵者 名 能 0 與 坡 火 眼體 流逸奔色: 超 色 ٥ )塵 其順 越 ` 彼此 色塵 相 風 , 0 形 如 對 四大,及色、香 而莫遏之勢如此 蒲 如蒲 互 , , 彭也 萄朵: 自此與耳 根 《寶鏡》 隨塵 萄朵 0 此四 轉 流逸奔色者 , 立三喻:流如怒濤之赴壑;逸若縱火之燒山;奔猶駿 「等諸根 即眼珠子 , |句成 循 ` ,若欲銷塵解結 味、 色流 / 浮塵根 , 永成 觸 轉 : 0 四塵 此浮根乃四 以浮根既成 , 縦逸 相背耳 0 因者 ,八法所成。今勝義但言四大, 無 , 度 依也 0 非有截流之機 前 塵 , , 眾生聚見於眼 日奔馳於色塵之境 所 云由器形異 , 依勝 成 , 實則浮 義根 ,其何 ,名之異空 , , ` 而 見精託 勝二 成浮 以制之者 , 根 根 塵 浮塵 為 根 根 , , 即 皆 塵 而

#### 由動 • 靜等 一種相擊 於妙圓中 , 黏湛發聽 0 聽精映聲 • 卷聲成

哉 ?

大佛

頂

#### 根 • 根 元目 為 • 清 淨四 大 0 因名耳體 • 如新 卷葉 • 浮根 四 塵 • 流 逸

#### 奔聲 0

也 細 精 擊 四大互影同 動 對 , 此 此 此 映 則 推 根 四 動 整 | 句巻 依 滅 耳根之由 塵 前 勝義根而 0 , 外聲 說 卷 在 妙 0 此根循 也收 覺 , , 攝 而 乃由動 成 圓 ||成內四 聲成 湛 , 塵流 名 為 性 、靜等 中 根 轉 大 肉耳之體 , , ,勝義 引起湛然之體 此 終日流 , .根為浮塵根之根元 二種聲塵 耳根也。 , 逸 如新卷荷葉之形 , 奔逐於聲塵之境 , , 因名耳體四句 發 互相攻撃 為 聞 ,名為清 .精 , , , 此浮根 此 以 動擊靜則靜亡 ,成浮塵根 四 淨 句 四 乃四 初 大 成 塵 , 聞 其 所 精 0 因者 成 相 彻 以靜 極 0 聞 與 依 微

#### 根 曲 通 • 根元目為 蹇 筝 • 清淨四大 種 相 發 • 於 。因名鼻體 妙 圓 中 • 黏湛 • 如 一發齅 雙垂爪 0 齅精 • 浮根 映香 四四 塵 • 納香 • 流 逸 成

#### 奔香 o

其非 此推 通 鼻根 於妙 之由 覺圓湛性 , 乃由 中 通 , 黏起湛然之體 ` 塞等 , 種 香塵 發為 , 襲精 互 相 顯 發 此 四句 , 因 初成齅精也 通 顯 箕非 塞 , 齅精 因 塞 對 顯

映 香 塵 , 納 香成根 ,根元名為清淨四大 , 其相 極微細 0 此 四句納外香 而 成

內四大,勝義鼻根也。

雙爪 下 因 |名鼻體四句 垂之形 , 此 浮根 , 成浮 乃 達根 ?四塵 . 所 因者依也, 成 , 與 上四大互影 · 此根: 依勝義根而成 耳 0 終 日流 ,名為肉鼻之體 逸 , 奔逐於香塵之 如

境

#### 根 由 恬 • 根元目 • 變等 為 • 一種相 清淨四大 參 ,於 0 因 妙 圓 名舌體 **中** 黏湛 • 如 一發嘗 初偃月 0 嘗精 • 浮根 映味 四四 塵 • 絞 流 味 成 逸

严 味 。

根 此 精 妄塵 四 而 , 句 成 此 此 推 互相參對 絞 四 名 為 外 旬 舌 根 味 初 泛由 成嘗 肉舌之體 , 而 , 對 精 成 , 乃由恬 內 恬 也 知變 四 0 0 嘗精 大 如 初 變等 , , 勝義舌 對 偃月之形 映對 變 , 恬 知 味 指 根 塵 恬 也 恬 , , , 舌相 於妙覺圓 絞 0 也安 因名舌 (旋取) 然 員 形 無 味成 體 湛 味 性中 同 四 根 句 月初之月 變指變遷 , , 成浮 根 黏引湛然之體 元 名為 塵 ) (苦去) 半 根 傏 , 0 清 此 有 圓 形 根 淨 , 味 發為嘗 依 四 此浮 勝 大 種 義

根 亦 应 大四 塵 ,八法合成, 單言 四塵者 , 與上勝義根, 四大相互影耳 0 終日流 逸

奔逐於味塵之境

奔觸 根 曲 離 • 根 、 合 等 元目 為 , • 清淨四 種 相 摩 大 • 於 0 妙 因 名 圓 身 中 體 • 黏 • 湛 如 一發覺 腰釼顙 0 覺 • 浮根 精 映觸 四 塵 • 搏觸! , 流 逸 成

0

皷俗名 因 塵 覺 名 圓 身 以 此 湛 **|杖皷** 成勝 推 體 性 身根之由 中 四 句 義 , 腰細以皮革瞞其 身根 黏 成浮 起 ,乃由離合等。身根有離知合知,二種妄塵 0 湛 根 塵 然之體 元二字 根 , 此 , 兩頭 根 , 發為 以能 依勝 0 **涇覺精** 狀如人身 為浮 義 根 :塵根之元 而 此 成 四 , , 句 名 顙皷腔也。 初成覺精 為 , 名為法 肉身之體 清淨 也 浮根亦四大四塵 0 四 ,相摩交際也。 0 覺精 大 如 腰 , 皷 其 映 觸 顙 相 之形 極 , 摶 微 於 取 細 法 腰 妙 觸

根 曲 生 • 根元目為 • 滅 等 • • 清淨四大 種 相 續 • 於 0 妙 因名意思 圓 中 • 黏 • 湛 如幽室見 發 知 0 知 • 浮根四塵 精 映 法 • 攬 • 流 法 逸 成 所

成

終日流

逸

,

奔逐於觸塵之境

#### 奔法

內照法 以 孤 細 塵 續 汕法 明有思量處 0 攬 此推 因名意思四句 於妙覺圓湛性中 取 塵 師 意根之由 法 , 引 , 亦復如是 塵 , , 《正法念經》 即意根所在也。 以成勝義意根 ,乃由生滅等,二種妄塵,生而繼以滅,滅復繼以生,生滅相 , 成浮塵根 0 , **黏起**湛 浮根四塵同上解 ,狀如蓮華,晝開夜合。在人身中不可見,故用思字 ,不云意體 然之體,發為知精 0 根元者 如幽室見者:意根在內,如人在幽室中見物 ,終日流逸 0 為浮塵之本源 ,而言意思,以意之浮塵根 ,此四句初成知精 , 奔逐於法塵之境 名為清淨四大 也。 , 上乃別 即 知精映對法 其相 肉 團 意根 明 心 極微

### 阿難!如是六根, 由彼覺明,有明明覺 ,失彼精了, 黏妄發光

下則總:

此總 因 即 性覺 此 結根結由妄 一念妄動 妙 锏 , 乃真 轉妙 , 人覺真明 仍指六根中性 间而成無明 0 有明明覺 轉性覺而為妄覺 阿難 : 上 ,如是六根之性, 二明字 , 即最初 。明覺二字, 本來是真 念 , 即妄明妄覺 於性覺必欲加 , 由 [彼覺

明

明

塵結根 番顯見 本也。 湛然真性 性 此 ?二句,即性覺必明,妄為明覺,從眾起妄,妄起真隱,故云失彼真精,了明之 ;成此妄明,不得稱為妙精明,即第八識見分。體雖本真,用終常妄,前如 ,六根既成,分一精而為見等六用,即分成六和合也。此黏妄二字為成根之 ,但顯其真 而發見等六精 ,二妄重剖,即破其妄。黏妄發光者:前黏湛發見等,是妄塵黏 ,此是真性黏妄塵 ,而發見分之光 。元是一精明 復 來十 因 .攬

午初 辰五 統論離塵無結 中塵亡根盡 二 正教入一解六 分二 巳初 正申解結以酬問 今初 兼成二妙以證驗 巳初分二

通、無塞,齅性不生;非變、非恬,嘗無所出;不離、不合,覺觸 是以汝今 離暗 離明 **,無有見體;離動** 離靜,元無聽質 ; 無

### 本無;無滅 、無生,了知安寄?

正所逆之流,此科即能逆之法。良以奔麈,即為出流,亡麈正是逆流 上科分論 ,攬塵結根 ,此科統論 , 離塵 無結 。皆上句離塵 , 下 句 無結 。是以汝今 。又上科

白 是照用自在之常體 若能雙離明暗二塵 透徹 , 真妄二體 0 ,自然無有聚見於眼, , 餘五準此可知 以攬塵結根 , 。元無聽質 聚見於眼是妄體 結滯為根之妄體 ,質亦體也。 , 以元明照用 0 此文無體句 此體因結色所 , 常光獨耀 , 成者 須研究明 是真 , 非

### 午二 正教入一解六

體

免同

阿難之錯解謬難

也

# 汝但不循,動、靜、合、離,恬、變、通、塞,生、滅、明、 暗

# 如是十二諸有為相。

嚴者 義 此 用 不循 耳 , 循者順· 亦 根 於此不循二字,宜究心焉 印觀世音菩薩 即前不隨分別 也 0 也。不循十二諸 此 正 一教離塵 ,入流解結之功 , 世界、 工夫,必要從根解結 有為相 業果、眾生三種相續 !此即華屋之門徑,下文所選之耳根 ,即不順流奔塵 ,至簡要, 0 如何解法? 最圓頓 0 ,亦即欲逆生死欲流。逆字之 以動 , 乃 為 汝但 靜二塵列首者 三要旋根 一乘脩法 , ,即入華屋之 自 0 凡有志楞 可 , 密示當 離 塵

正

菛也

### 黏,應拔圓脫。

隨

拔一

根

脫黏內伏

•

伏歸元真

•

發本明耀

0

耀性發明

•

諸餘五

與不 心 六根齊修 本有之常光 妄惑既盡 剫 拔者選拔 根 0 脫 日 就科內伏 內伏反照照自性,但從一門,逆流深入,解結破陰, ,本明自發,故曰發本明耀 劫 , 即 相倍 應前文。若能於此 , 0 伏歸元 隨拔 |真者:脫黏即離塵 根 : 即隨汝選拔 , 悟圓通根 ;即所謂淨極光通達矣! 根 , ,逆彼無始織妄業流 內 , 伏即 要圓 照性 通根 , , 脫所黏之妄塵 但 伏歸本元一真之 依 此 ,得循圓根 而脩 不必 口

初、中 之修; 陰 生 元 真 解 發本明耀 又此段正 , 即 動 ` 得入圓 後節次合之:脫黏即初於聞中,入流亡所,所入既寂 盡 靜二結 聞 一從根 通 不住 ,即寂滅現前,發本有妙明光耀之性 , 解結 乃是 ,破色陰;內伏即如是漸增 漸 無證之證 , 次深入, 次第修證之功 ;亦題中修證了義 乃至生 , 滅 提起自己本有心光 既滅 , , 聞所聞盡 解覺空滅 0 此耀性 今以觀世音 , 三結 解根結 , 離 發明 ,動靜二相 塵照性 , 破 從聞 , , 想 破受陰;伏歸 通天徹地 、 行 , 思 乃是無修 ,了然不 識三 修 耀

非寂滅 矣 古騰今,非外塵所能礙,內根所能局 !即答前但於一門深入,能令六根一時清淨,亦即下文偈云:「一 資境 故諸餘五根黏塵之妄,皆應 , 所謂靈光獨耀 應隨 也響) , 此選拔之一 迥脫根塵 , 根 體露真常 , 圓 根既返源 漏 而 無一 齊脫

根成解脫。

兼成二妙以證驗 分二 午初 情界脫纏成互用妙 器界超越成純覺妙

中初分二 未初 先以示妙二一 證不循根 今初

### 不由前塵,所起知見 ,明不循根,寄根明發;由是六根 ,互相為

#### **井**。

妙 法 義 器界超越 上科是明修法 令得六根清 此 不由前 承 明諸 塵 因前佛哀愍會中 餘五黏, ,所起知見者:明外不由塵 淨 ,此科是明證境。二妙即結解之後,所發自在用:一 , 得大自在也。 應拔圓脫之相 , 聲聞 又釋阿難伏疑 **緣覺,於菩提心未自在者,故示一門深入之** 亦即答前入一無妄 ,此脫塵也;前塵指現前 ,六根淨後 ,彼六知根 有何利益 , **,** 明 情界脫纏 、暗等十二 時清淨之 故示二

大佛

屬 塵 (妄知妄見。今發本明耀 知 見舉二, 該括六精。眾生聚見於眼,聚聞於耳 ,心光偏照 、不假! :外塵,窺天鑑地,是不由 ,是由 前塵 , · 所起 . 前 塵 知見 , 所 起知 , 乃

此脫 用 , 實不全由於根也。 根 也 ;今耀: 性發明 故佛菩薩不俯仰, , 照用 編現 ,不用浮 不迴轉,圓見十方,可為明證 ` 勝二根 , 但是寄託於根 , 而 發照 

見

,

乃

屬

真知

(真見

,

即眾生本具之佛

知見

0

明不

循根

,

寄根明發者

:

明內

不

循

根

歸 觀世音菩薩 根 即 余意非之 (作六根之用 桹 元真 由是六根 隔合開 , 發本 ,請俟高明審之!工夫至此 , , ·明耀 自在成就 寂 ,互相為用者:正由根塵雙脫,靈光獨耀,方成六根互用之妙 0 此即諸 滅 現前 ,方能有此妙用 ,合見 黏 , 圓脫 忽然超越 、聞等六用 , 六根清淨 0 , ,於眾生世界有情世間 有人以六根清淨 世出 世間之境 , , 於 自在無礙之妙用 根中; 0 正由 , 指解第三根結 (如眼不獨能目 選拔 , , 不復生纏縛矣 位當在信 覺、知等六用 根 見,亦具聞 , 脫黏 ,即能證 滿 內 入 伏 住 0 互用 此 開 , 伏 同

### 未二 證不循根

#### 阿 ,難!汝豈不知?今此會中 • 阿那律陀, 無目而見?跋難陀龍 無

定 耳 無身覺觸 **|而聽?殑伽神女** • 得 寂聲聞 ?如來光中,映令暫現,既為風質 如此會中,摩訶迦葉,久滅意根, ,非鼻聞香?驕梵缽提,異舌知味?舜若多 , 其 八體元 圓明了知 無 0 諸 • 不因 滅盡 神 •

心念?

難陀龍 鼻而 云天堂 佛 陀 故 失聰不能 三千大千世界 引 呵 能 責 此 ·現會以證,令得除疑。汝豈不知者:反問之詞,今此楞嚴法會之中 正 聞 來 云 ,此云善歡喜 , 脈》 聞聲 香 精 無貧 發源於雪山之頂 進 0 云:此恐凡、小,久執六用 )

失目 驕梵缽提 , , , 九十一 乃用角 如 觀 , 掌 佛憐而教之,令修樂見照明 ,護摩竭 果 劫 而聽 此云牛呞 ,不受貧窮果報 , 無目而見 ; , 阿耨 陀國 此聽不循耳 達 ,風雨以時 食 池 此見不循眼 後 , 流出 恆 , 。白飯王之子, ,必循六根 寄角 同 虚 四河 ,人民歡喜 明發 哨 ,金剛三昧 , , 寄頭 異舌而能知味 此 , 0 驟聞 殑伽 其 從佛出家, 明發 ,故以名焉 也 明不循根 神 , 遂得半 , 女 , 是一 神女是 **殑伽是河名** 0 多好 舜若 、疑而 證 。牠雖 頭 主 也 天 詪 多神 河 睡 ,阿那律 有 誏 不信 他 神 , 耳 而 觀 如 此 非 此 跋 被 見

云虚空神 以 歷劫無身為苦,佛放拔苦光,映令暫現身觸,樂不可言,其質如風

其體元無,無身亦能覺觸。

起現行 夫業報 槃 纏 六之心念。今在雞 現 行 , 成互用妙竟 諸滅 成 呵 即 ,即七識麤分亦滅,故曰久滅意根;而能圓明了知,一切諸法,不因第七第 , 温定 |羅漢 或是小 第 九 , ,故曰得寂聲聞 次第定 得寂聲聞者:滅盡定,亦云滅受想定,前五與第六識,受想皆 ,聖修得 足山 0 前 , 待彌勒下生傳衣 斯皆妄力 八屬 :。如此: 有漏 ,尚不依根 , 會中 此 ,即入此定。 , 屬 摩訶迦葉尊者 無漏 , 何況圓 0 得寂 孤 脱 : 山曰:以上六人 , 寂 , 久滅意根 豈無互用 即 滅諦 , , ?初情界脫 不特六識不 得 證 , 或是凡 滅 示起 諦 涅

變化相 阿 |難!汝今諸根,若圓拔已,內瑩發光, 午二 器界超越成純覺妙 分三 • 如湯銷冰 ,應念化成 未 初 · 無上知覺 先以示妙 0 如是浮塵,及器世間 驗不藉緣 今初 諸

此 中 根返源 ,六根清淨,情界脫纏 ,器界超越 同在一時, 因言不頓彰 文

分先後 自 樂 故 冰 相 化 界 此 拔字 在 日 , , ٥ , 皆隨 變 應念 也 無 應 似 穢 念 實 礙 ,不作選拔解 0 化成 為淨 心光之所鎔 化 有 故 是知六根未 而礙 重 成 法 ,遂成器世間諸相 , , , , 乃至大 無 無 Щ 河大地 上 上 解 化 知 知 ,乃是脫 八小互融 覺者 覺 , , 非惟 還成 0 , 交 萬 : (光法師) 『象森羅 器界 義 本覺真 應念即隨心之謂 **,** \_\_ ,若圓拔已,內瑩發光 0 。今已修證 多不礙 如是浮塵至虛浮之塵境 ,不得自在 體 三 : 0 諸變化相 , 夫山河· 如湯 , 無所 F,故如 銷冰 也 , 大地 雖 不 , , 湯銷冰 無而 可 根身亦不得自在;六根既 以 , 冰即 , , , 切諸 即耀性發明, 皆自心純覺之體 忽有謂之變 如 後觀音三十二 成水;眾生 , , 如 礙 法 即 陽燄空華等 , 無礙,湯喻 染 ` , 體淨 迷時 淨 有 應等 而 , ` 苦 則 倏 用 , ;及器世 解 **無謂之** 翻 如 現 心 , 樂等 苦作 得 光 水成 也 非 大

### 未二 驗不藉緣

惟根身得大自在,雖器界亦得大自在矣!此學者,但當解根,

無勞出界也。

足相 阿 難 類 • ·如彼世 0 彼人以手 人 • ,循體外繞 聚見於眼 ,彼雖不見,頭足一辨 若令急合 • 暗相現前 • 六根黯 知覺是同 然 0 頭

必依 人 緣 於眼 但聚 是器界自在之本,故即事 三科由不循根,為根身自在之本 見於眼 離 , 別 見性 本來 , 廓周法界 以驗,不藉緣不無知覺 ,故舉人以證 , 祗 因眾生 , ,不循根不無知見。此科由 黏湛 。故呼阿難之名,如彼世 一發見 ,結色成根 , 遂聚見 間之 不藉

眼

無

有見

見其形 彼合眼之人 於合眼人前 若令急合下 頭足 , ,六根黯然莫辨,頭之與足相類,無可分別。彼人以手 辨 以其手循所立之人身體 , 舉事 , 摸頭 以驗 則知為頭 。若令世人,急合其眼 , 摸足則知是足 , 外繞 匝 ,此之知覺 即以手摸其全體 遂成暗相 , 同 現前 沅 7,循體: , , 不異 設有 彼雖合眼 外繞者: 一人,立

#### 緣見因 明 • 暗成無見;不明自發 • 則諸暗相 • 永不能昏 0

滅明塵之緣 合眼之人 世人皆謂能緣之見,必因於明,有明方成有見,暗時即成無見。不明下, 對彼前立之人 , 亦復 何礙於見?此正 ,黯然不明 驗不 ,自然能發知覺 ·藉緣 0 對 7彼凡 , 則諸 小 過慮圓妙未發 暗相 ,永不能昏 , 先銷根 指前 雖

塵

恐致落空,故舉此以驗,令其進銷無畏也

## 根塵既銷,云何覺明,不成圓妙?

覆潛玩 法 略示因心須擇,令圓成果地修證,後義詳示初心方便,令切曉下手工夫。 不成圓妙者:即應念化成無上知覺也。文從阿難請修至此,佛為說二決定義 間 何本覺勝淨明心,而不成圓通妙用哉?根塵既銷三句,合前文。根謂根身 , · 塵 謂 發明詳盡 上科舉驗,凡夫根塵未銷之人,見性尚不藉緣,況顯進修之士,根塵既銷,云 ,庶幾有得 塵境 ,但未顯指何根 , 即器世 0 初分門以定二義竟 間 0 既銷者 , 為證入華屋之門,佛雖密示,而學者於此 , 即內瑩發光,所有諸相 , 如湯銷冰 云何 , , 即情 解根方 宜當反 **,前義** 覺 明 #

子 初 壬二 驗證以釋二疑 阿難錯解佛語以謬難 分二 二 如來即事驗常以釋疑 癸初 驗釋根性斷滅疑 子初又分三 證釋別有結元疑 丑 初 因果相違 癸初分二

一後先異說 三 更求開示 今初

阿難白佛言 :世尊!如佛說言:因地覺心,欲求常住 • 要與果位

#### 名目相應。

位名目之義 本 義 云 , 依 汝今欲令 此 如 佛說言 |發覺初心即因地心 不 生 稻 滅 :指佛先所說,汝等決定,發菩提心, 應 圓 湛性 見 ,不是名目皆同 ` 聞 成為因 ` ,故曰因地覺心。欲求常住,不生不滅之佛果,即上文所 覺 地心 知 ,必要其義相應, 遠契 , 然後圓成果地 **介如來**, 常 樂 修證 若以生滅心為因, 應當 ` 0 我 此 **先明** 分明說 ` 淨 ,發覺 , 應當 因 而 地 |初心,二決定 先擇 求 心 佛乘 要與果 生 死 不 根

藏 世 尊 • 大 ! 【圓鏡 如 果 智 位 • 中 是七種名 , 菩 提 • • 涅槃 稱謂 • 難別, 真如 清淨圓滿 佛 性 • 庵摩羅識 , 體 性堅 凝 空 如 如 來

### 剛王,常住不壞。

生不滅

即義不相應也

真 者 ; 不 天 離 此引果常住。七果皆取如來果地所證 然 煩 異曰如 性德 惱 所知二障所 **,** , 無妄曰 如一 切如 成故 真 **,** , ; 真一 無有何法不如,若法中有如可立 涅槃:是究竟斷德 切真 , 無有 ,不取在纏因地所具。 法不真 , 出 分段 , 若真外有妄可 ` 變易二死所證故 , 則非 菩提 本如 遣 :是究竟智 0 , 眾生迷 則 · 真 如 非 純

中 阿 纏 心 時若失,諸佛證後 .賴 , 返妄歸真 耶 即 本 妙 來 , (是佛 佛 湔 果 明 位 ,復本心 , , 中 即 眾生皆具 稱 明 , 號 而 源 妙也 庵 真如體 嬣 ,究竟清淨 , 羅 0 但在迷位 庵摩羅識 , , 善能 起自在用 分別 , 惟一 : 佛性埋沒於五蘊身中 此云無垢識 ,不變隨緣 真心 切諸 , 法 更無他物;大圓鏡智 , 而 , , 無染著 隨緣不 亦云白 淨識 , **變**。 ; 諸佛修證 空如 佛性 , 來藏 迷位 : : 轉第 之中 即 , 本 : 本 諸 ·覺 出 -覺真 八識 佛 , 名 因

別 著 無垢 所 成 , , 故 故 同 與庵 名 稱 時 無垢 大圓 發 摩羅識 , 鏡 普照 大圓 智 0 十方塵剎中 , 轉阿賴耶所成無異,亦同照萬法。 間 鏡 智 : , 此二與菩提智果 員 照萬 0 法 二者有何分別?而 , 而 無分別 , 有何差別?」答: , 如 圓 無垢識 鏡 《八識規矩頌》云:「 照物 , , 分別 平 等 此二惟照俗諦 普照 切 , , 不起分 而 大圓 無染

有分別 **,** 無分別 ,而菩提智果,即一切種智,乃三諦圓照也。」

金 塵 剛 不立 是七 Ŧ 寶 , 本來 種名 最 為 圓滿 , 稱謂 堅固 , **雖別**: 萬德具足 能 壞一 是七種佛之果德 切 , 其體 堅固 切無能壞者 , 丕 , 名稱雖別 可 破 壞 稱之以王 <del></del> 其性 , 體性無殊 凝 ,表其最尊最勝 然 , 本不 , 本來清淨 動搖 惟佛 喻 纖 如

大佛

頂

獨 證 0 喻上七種 ,同一常住,不生不滅,不變不壞,一 成永成也。 是知欲獲常住

果,必要常住之因,方能契合。

#### 若 1此見聽 • 離於明 暗 • 動 靜 、通、塞 • 畢竟無體 • 猶如念心

### 離於前塵,本無所有。

體 觀空 質等 番破識心無體 名之異空 塵則舉六以攝十二。阿難因聞佛說,離明、離暗 0 仍復謬證 前 說空為一 不知佛說 四 |句疑 , 除器觀空 ,說識心乃前塵分別影事, 因斷滅 ,乃云猶如念心,即第六意識心, 也 , , 攬塵所結之根 非言畢竟 , ,後三句疑同妄識 說空為 斷滅 0 , 法合離塵無有結根之體 離 0 呵 塵無有結體 難 。若此見聽 離塵畢竟無體 錯解 (佛語 離於前塵 ,無有見體;離動 , 並非無有 :根惟舉二攝六 , 疑根 0 阿難疑根性同念心 性 ,本無所有 , 惟 性體 為 斷 精 滅 0 明之體 前 ;若離 ` , 離靜 故曰 喻 。此是佛第三 由 |器形| 明暗等 ,元無聽 , 畢竟無 如 除器 異

#### **云何將此畢竟斷滅** • 以為脩因 , 欲獲如來 • 七常住果 ?

此謬疑因果相違 ٥ 阿難以佛於第一決定義中,所示必定以因同果, 若以生滅心

根 為 本 以 修 為 因 本修因 , 面 求 佛乘 欲 獲得 ; 不 生不 如來果地 滅 , 無有 七 種常住之果耶?此阿難因聞佛示 是處 0 故驚疑難問 · 云何將此畢竟斷 , 揀選 [滅之 圓

根,一門深入,故起斯難。

### 丑二 後先異說

#### 世 |尊!若離 明 • 暗 • 見畢竟空;如無前塵 • 念自性滅 0

此牒前語 ,指根同識,單舉一 根 例餘五根。意言此根性 ',離塵. 無體 , 與佛所

破識心,離塵無性,有何差別。

#### 進 退 循 環 , 微 細推求 • 本 無我心 • 及我心所 • 將誰立 因 , 求

#### **質**?

立真因 念心 詳 細 進 故作是 ]退循環者 推 瓷研 以 求 無上覺道 語 求 : , 進前而思,退後而想,前後反覆 即 本來無我因心之體 同 第 ?以根性既是斷 卷 , 佛破識心 ,及我因心所在之處 滅 無體 , 同 無處 佛 前 也 「,循環」 云: 根 「則汝法身 性既 不斷 0 此二語 是 0 無體 微細推求者:精微 , , 阿難 同於 無 處 以根 斷 , 滅 則 將 性 其 同 誰

誰修證,無生法忍?」交師所云:既惑根性,全同識心,則全將前破識之意 ),而轉

以破根矣!

#### 如 來先說 :湛精圓常 0 **遠越誠言** ,終成戲論!云何如來 • 真實語

#### 者?

也。 還 礙 即第二顯見不動;精者精一不雜,即第六顯見不雜;圓者圓滿周徧,即第七顯見無 0 第 今說離明 此 前佛說無上法王, 舉佛前言 八顯見不分;常者常住不滅,即第三、第四、第五 ` 離暗 , 證以後先異說 , 是真實語,若此後先異說,云何如來,是真實語? 無有見體 ,豈不違越 。前二句舉顯見之文,是佛先說。 (也) 誠信之言, 終成戲論?即自語 、顯見不滅 湛者湛 、不失 然不 相違 動 無

### 丑三 更求開示

### 惟垂大慈,開我蒙厠!

惟 願垂大慈悲 阿難 前 雖 ),開發我之蒙悋。蒙者蒙昧,昏於後說;悋者執悋 疑因果相違 ,後先異說 , 終未能徹底明白 ,佛之所說 ,泥於先聞 故故 更求 写;是非 開 示

莫決,取捨無由,故不得不求示也。 初阿難錯解佛語, 以謬難竟

如來即事驗常以釋疑分四 丑初 許以除疑 擊鐘驗常 引夢驗常

### 四 申迷教守 今初

#### 佛告阿 難 • 汝學多聞 ,未盡諸漏 。心中徒知 • 顛倒所因 • 真倒現

### 前,實未能識!

中徒知 汝實未識,亦如真藥現前,不能分別也。 能 求 識 偏 阿難疑根性為斷 迷真執妄 : 於多聞 徒者但也 ,不勤定力 , 固為 , 但 滅,此佛許以即事驗常,以除其疑。汝學多聞者;學乃篤志專 類倒 知顛倒 了, 所 , 所因 而疑常為斷 以但斷見惑,而思惑全在 ,因於迷真執妄 ,乃真顛倒 , 號為顛倒 , 以其執真同妄 , 故 曰 : , 而真倒現前 「未盡諸 , 顛倒 漏 更甚 心心 實未

## 恐汝誠心,猶未信伏。吾今試將塵俗諸事當除汝疑 0

誠 (ё) 心信伏。吾今試將塵俗之事 首二句 , 佛意以為我若直說 , 根性徧常 ,當除汝疑 , 不假方便,恐汝 擊鐘引夢,皆俗事也。 難似信伏 以塵俗易曉 未必出於

之事,以驗聞性不滅,當可斷除汝疑。

<u> </u> **擊鐘驗常**分四 寅 初 兩番問答 責其矯亂  $\equiv$ 破申正義 四 責迷戒

#### 謬 今初

#### 即時如來 敕羅睺羅 • 擊鐘一 聲 ,問阿難言:汝今聞不?阿難大

### 眾,俱言:我聞。

焉 0 若無第二次審,不足以見阿難之錯謬;若無第三次審,不足以驗聞性之真常 此第一番問聞之有無,阿難即以聞之有無為答。文分三次致審,佛有深意存

## 此審有聞,二聞字上,該加有字方顯。

### 鐘歇無聲 ,佛又問言:汝今聞不?阿難大眾,俱言:不聞 0

此 ,若實無聞 今下仍應加有字,不聞即無聞。鐘歇但是無聲,不是無聞,俱答無聞 , 誰 知 (無聲?乃是聲於聞中,有生有滅,實非聞性 或有或無 ,錯謬在 此第

## 時羅睺羅,又擊一聲。 佛又問言:汝今聞不?阿難大眾,又言:俱

次審

,

已得其謬耳

#### 聞。

睺 與佛 前 佛敕羅睺擊鐘,此第三次審,佛並未敕羅睺更擊,此一 , 合拍成令, 有此一聲,方驗聞性 ,本不生滅 0 若聞性已滅 聲至關重要 , 此聲 ,足見羅 又何能

聞?既又能聞 ,足顯聞性徧常。 末句應是:俱言有 聞

#### 佛 問 則我得聞;擊久聲銷,音響雙絕,則名無聞 阿 .難:汝云何聞?云何不聞 ?阿 難大眾 0 俱白佛言 :鐘聲若

聲也。 此佛與確定, 響者音之餘 也。聞性徧常 有無屬誰,要阿難大眾,親口說出, 不隨緣起,豈彼聲無 , 或有或無, 遂謂聞無 也 但惟是聲 音即

### 如來又敕羅睺擊鐘 問阿難言 ,爾今聲不?阿難大眾, **俱言:有**

#### 肾。

第 次審答聲之有無 《正脈》云:汝今二字,不如今有二字為妙。此第二番問 。汝今聲不,問以汝今有聲不?欲令悟知有聞 一,亦分三次致審 , 方知有聲 俱 此

大佛頂如來密因修證了義諸菩薩萬行首楞嚴經講義第十二卷

言有聲者

但知有

聲

未悟有聞也

## 少選聲銷 ,佛又問言:爾今聲不?阿難大眾,答言:無聲

少選即少頃,時之不久也。鐘聲已銷,佛又問言:爾(セ)今有聲不?阿難大

眾 ,俱言 :無聲。此第二次審,但知無聲 ,未悟有聞

### 有頃羅睺 ,更來撞鐘。 佛又問言:爾今聲不?阿難大眾,俱言:有

#### 聲。

滅

,今聲有之時,聞性非生。

有頃亦少時也。此第三次審,以驗聲有生滅,聞性真常,於聲無之時,聞性非

## 佛問阿難:汝云何聲?云何無聲?阿難大眾, 俱白佛言

:鐘聲若

### 則名有聲;擊久聲銷,音響雙絕 ,則名無聲 0

第二句,問以汝云何有聲?此段亦是佛與確定,此聲何以或有或無,令知從緣

所生,聞性不屬緣生,故不隨聲為有無也。

#### 寅二 責其矯亂

### 佛語(素)阿難 ,及諸大眾:汝今云何自語矯亂?大眾阿難, 俱時間

### 佛 ,汝則言聲?惟聞與聲,報答無定,如是云何,不名矯亂? :我今云何,名為矯亂?佛言:我問汝聞,汝則言聞?又問汝

少選聲 聲無聲?報答無有一定,如是答話,云何不名矯亂? 聞 不擊無聲;並無亂答,云何名為矯亂?佛言:鐘聲一擊,我問汝有聞不?汝答有 阿難 無 鐘 汝混答聞之有無, 佛語阿難:以上告下謂之語;並及大眾,汝現今云何自語矯亂?分明是聲之有 ,心未信伏,俱時問佛:今我據實而答,聲有則聞 銷 歇 無聲, 汝說無聲;聲聞雖復雙審 我問汝有聞不?汝說無聞;鐘聲再擊 聞性本無生滅 ,有無只歸一 ,豈屬有無; 邊 汝混淆而答 0 ,我問汝有聲不?汝答有聲; 究竟還是有聞無聞?還是有 , 聲無無聞;又鐘擊有聲 , 詎非 矯 亂 耶 ? 大 眾

#### 寅三 破申正義

## 阿 .難!聲銷無響,汝說無聞;若實無聞,聞性已滅,同於枯木,鐘

### 4更擊,汝云何知?

此破謬誤之惑,以申正義。 聲塵生滅 聞性真常, 乃為正義。 此段取更擊 以

聞 驗 聞 , 聞 性 常常 性 三滅 存 0 , 聲 即 銷 應同於枯木 無響: 即上 0 一擊久, 無有 知覺 音響雙絕 ,鐘聲更擊之時 , 此 但 無聲 , 應當 , 汝說無聞 示 聞 汝云何 0 若實 在無 更擊

#### 知 有 知 無 , 自 是聲 塵 • 或無或 有 • 豈 彼 聞 性 • 為 汝 有無 ? ·聞實 云

之時

,

仍

復有聞

,

加

知有聲耶

?既更擊

仍聞

,

可

以驗知聞

性常存

無

•

誰

知

無者

矣 或時 說 無聲之時 0 無 此 取 撃 即 旬 知 , · 久聲銷,則名無聲上鐘若擊,則名有聲 崩 無以驗不滅 實在隨聲以俱 生 滅 惟聲 , 0 不 此段共有五個無字 無 關 0 , 豈彼 聞 是誰 性 聞 , 又知其無聲乎?既知 知有 性 , 聲知 為汝聲之生滅 , 無聲 一、二、五皆約聲說 , 自是聲塵在聞性之中 , 無聲 而 成 , 有聞 則 7非無聞 無聞 Ξ, 耶 性 ? 四約聞 者 聞 或 性 時 明 有

#### 是 故 阿 難 1 聲於聞中 • 自有生 一滅;非 為 汝聞 • 聲 生聲滅 • 令汝聞

性

•

為

有為

無

0

**-破謬誤** , 此 申 正 義 , 斷定塵 有生 滅 , 根無生滅 0 是故 , 是知 無聲 非 無聞 性

之 故 滅 ,能令汝之聞性 ,聲塵在聞性之中,自現生滅之相,與聞性無干。非為汝之聞性,因聲生聲 ,為或有或無也。聞性常存,一 切時有,豈隨聲塵生滅 為有無

哉 ?

### 寅四 責迷戒謬

#### 汝尚顛倒 • **惑聲為聞** • 何怪昏迷, 以常為斷?終不應言:離諸動

## **即,閉塞、開通,說聞無性**

之有 寒 詞 前言 分 分之顛倒 顛倒者 無 耳 動 上四句責迷,下四句戒謬 云何將 聰 , 靜指 Ħ 以為 ,根塵尚且不能分別,何怪昏迷,斷常莫辨,以常住之聞性 開通 , **環塵** 即是聞性之有無 執常為斷是顛倒 此畢竟斷 0 意謂 , 有聲! 聞性靈光獨耀 滅 自 動 以為修因, 0 , 0 , 無聲曰 故前 塵性斷滅 將塵作根亦是顛倒 無聲 靜 迥 即 足脱根塵 ";閉塞 , , 汝斷常莫辨之顛倒 問汝有聞否?汝答無聞 根性常住,斷常縱使難辨, ` 開 不但聲之有無, , 故曰 通 , 指浮 :汝尚且顛倒 0 塵根肉耳 終不應言: 不關聞性之事 0 此即 ,認為 根塵白屬易 , , 耳聾 是根 惑此 戒 斷 止之 日閉 滅 塵不 聲塵

寒 即 耳之聾聰 開 通之耳 (,亦不) 根 ,說無聞性。 關聞性之事。汝終不應當作如是言:離卻動、靜之聲塵 聞性是常住,圓滿周徧 ,豈屬斷滅耶?二擊鐘驗常 , 離卻閉

프 引夢驗常 分二 寅初 驗夢不昧 二 決定性常 今初

竟

如 重睡 • 聞舂搗聲 人 • 眠熟床枕 ,別作他物:或為擊鼓,或為撞鐘,即於夢時, 0 其家有人,於彼睡時 搗練春 米 其 自怪 入人夢

其鐘 不生; 能 聲 人 離 , 此科與 於彼 別 根 夢 **,為木石響** 無聲驗之於靜 中 塵並捨 作 睡眠熟時 別 他 上 物 作 科 1,較前更深 他 心物之聲 是夢中獨頭 , 同 ;搗練槌布也 0 .驗聞性常住 , 聞 , 。如重睡人,非輕 性 或為 不 , 滅 **灬擊鼓聲** 分別夢外之境 ,舂米碓米也。 , ,不生不 意有差別 , 或為 滅 睡者 , ,不可不知 撞鐘聲 聞 誤作鐘鼓之聲;即於夢時 其重睡人, 性 ,眠熟即 常 , 住 此 0 0 中 上 重睡,身依床枕 此科引夢為驗 能 聞 **| 科有聲驗之於動** 聞 春米杵聲 砧 杵 . 聲 , , 是聞 是動 聞 ,其家有 自 搗 , 怪其 練砧 靜 聞 性 功 雙 性

鐘 為木石響,此亦夢中獨頭,展轉計度,怪鐘聲為木響,杵也;怪鼓聲為石響,

砧也;分別錯誤,均屬意識,不關聞性之事

#### 於時忽寤 • 遄 知舂音 0 自告家人,我正夢時, 惑此舂音, 將 為鼓

0

中 此 **【舂搗聲,將為鐘鼓響。** 聞性不昧,下乃決定 忽寤 :忽然夢醒。遄者速也,一 上夢中怪鐘, 根性常住 醒即知是舂搗音。自告家人, 醒時說鼓,語乃互影,故須雙舉 , 我 正 在夢時

惑

寅二 決定性常

### 阿難,是夢中人, 豈憶靜搖 開閉通塞?其形雖寐 聞性不昏

靜 聞性不昏 身皆忘,又豈憶想肉耳之根,開閉通塞耶?是則根塵並捨 元無聽質者 是夢中重睡之人,在睡之時,豈憶想塵之動靜耶?搖即動也。以睡夢之人,舉 堪 1為明驗,云何汝自疑聞性斷滅 乃謂離卻動靜二塵 本無黏湛發聽 反謂我非實語耶?我前所謂 ,聽精映聲 ,聞性常存,其形雖寐 卷聲成根 離 聽聞 動離

體質 。但云無此聚聞於耳之聽質,並非無有廓周法界之聞性,汝多聞之人,何乃循

名昧義於此!

### 縱汝形銷 ,命光遷謝,此性云何,為汝銷滅?

既無滅 佛前言 無聚聞 難 成斷滅乎?此方明出元無聽質之故 生死不礙 也。云何二字,反顯身滅,聞性不滅之義。《正脈》問云:「既此根性,動靜 謝 通 , 一疑六根無體 遷變代謝 此 .於耳 ,離塵無質 , 聲有 如來何言,離動離靜 , 亦非生 生前 結滯為根之聽質 , , 如 其命已盡也。 ,後言離塵有體,終無以解自語相違之難矣!」吳興曰: , 來所以別顯聞性為常 夢中不昧,乃至死後 0 乃至 『縱令在夢想,不為不思無 0 此之聞性, 此質若亡,則徧周法界之聞性 ,元無聽質耶?」答云:「我言離塵無聽質者 ,顯其自是阿難謬解 ,誠欲發耳圓通之機也。 ,縱使汝形骸已經銷滅 亦不為汝之形銷命謝,便隨之俱銷俱謝 ,非佛自語相違也 0 Ь 皆取於此也。 ,方以全彰 故後偈云: ,命光(即是命)遷 , 不然則 豈令翻 一前阿 ·『聲無 無關 , 為

丑四 申迷教守 分二 寅初 普申迷常故墮無常 教令守常必成正覺

#### 以諸眾生 從無始來 • 循諸色聲 • 逐念流轉 • 曾不開悟 , 妙

#### 常。

塵對 悟 流 上 一所 , 驗 性淨妙常:性即六根之性 為 偶 .H. |四句明逐妄,下二句明迷真 物 , , 隨順 所轉 根 塵 雙脫 諸塵境界 0 流轉勿作生死解 , 生死無干 舉色聲以攝餘四,逐念分別 ,諸塵不染曰淨,浮根不縛曰妙,生死不礙曰常 0 , 因 以此段但屬於惑,下段流轉, (。以因也,因諸眾生,從無始無明妄動以來 既逐妄 ,所以迷真 , , 起憎愛惑 若能合覺 方是苦果 流轉者 , 自 可 返妄歸真 曾不開 循 塵 即 根 出

#### 不循所常 • 逐諸生滅 • 由是生生 • 雜染流轉 0

也

脩 生生世世 根 羅 用 者 識 此明迷真逐妄之失。不隨順所具,淨妙常之根性,反隨逐諸生滅識心 以脩羅四類受生 背覺合塵 在於六道 ,內搖外奔 , 雜染法中 ,攝在天人鬼畜之內也 ,依惑造業, , 遷流轉變 為生死因 俄 而 天上人間 由是妄因既成, , 俄而地獄 鬼畜 妄果難 此指捨 。不言 脫

### 寅二 教令守常必成正覺

### 若棄生滅,守於真常,常光現前,根 、塵、識心,應時銷落 0

真人 耀 及器世間 塵 也 許 性真實常 出流緣塵 0 識心 根 常光現前 , 首句是捨識,識心生滅無常,是妄本 在汝諸 ` , 諸變化相,如湯銷冰 塵 住 ,三六十八界, , ` , 識心 是真本 ::即常住真心,本有大智慧光明發現。如臨濟祖師所云: 但令入流照性 入六根門頭 , 應時銷落者:謂常光既已現前 , 為楞嚴體,應當守之。守字即下手工夫,守住一 應時銷落 , 放光動地」是也。亦即前文所謂 , 即前文所謂,脫黏內伏 0 ( 不言識者,以) ,悉不 可得 ,非菩提因 0 前文所謂 , **編融諸法** ,應當捨棄;二句是用根 ,亦即觀音圓通 , 耀性發明 , 唯 伏歸 真心 元真 有一 根之門 ,入流亡所 切浮塵 發本明 故根 無位 不 根

#### 想相為 塵 識情為垢。二俱遠離, 則汝法眼, 應時清明 云何不

### 成,無上知覺?

此處塵垢 ,乃指微細法執無明。 以根、 塵 、識心, 既已銷落, 則麤塵麤垢已

竟 修 明 垢 除 因六結已 心境對待 0 帶果行因,中中流入,薩婆若海,云何不成,無上知覺?癸初驗釋根性斷滅疑 若能如此二俱遠離, 此想相 故曰法眼 解 ,即所想湛一之境,更是一 **心清明**。 即此能想之心,不捨湛一之境,即是法愛情念,更是一種難刮之細 五濁已除 破一 , 則垢盡明生, 分無明,證一分法身,登圓教初住,入聖種性 如觀音圓通 , 則汝法眼,應時可以清明,當得六根清 種最細難除之塵,識情即能想湛一之心 生滅既滅 ,寂滅現前 忽然超越 , 從 , 十 此 方 淨 , 仍 進 員

子初 阿難別索結元 二 如來證無他物 大佛頂首楞嚴經正文卷第四終 子初分三

丑初 就喻索元 二 引人合喻 三 哀求指示 今 初

證釋別有結元疑

分二

### 阿難白佛言:世尊!如來雖說,第二義門。今觀世間解結之人,若 不知其所結之元 ,我信是人,終不能解 0

阿 難 仰白佛言:世尊!如來前雖說第二決定義門 要我等從根解結 不知根

大佛

中 解 ;設若不知其所結之元 何者是結?從何名解?今觀世間解結之人,必定要知其所結之根元,方能得 ,我信是人,雖欲解而究竟不能解。阿難意中妄擬 **,離此** 

#### 引人合喻

六根,別有結之本元也。

#### 世 尊!我及會中, 有學聲聞 ,亦復如是 。從無始際 • 與諸無明

學聲聞 際 明 體 阿賴 所謂性覺必明,妄為明覺時也。不生不滅之真心,與生滅妄心和合,真墮妄中, 滅俱生,雖得如是多聞善根,名為出家,猶隔日瘧! 鴚 , 與 郭 此 此 也。 2舉有學 生俱生與眾生日用最親 識 ,三果以下 , 與諸 , 此 雖得如是多聞善根,名為出家者:以阿難雖得歷劫多聞 識 ,述其迷情 (解)無明 具有能見見分,即六根中見、聞 , 皆稱有學;亦復如解結之人,不知結 。無學深位 , 即獨頭生相無明。 切者 。下文十方諸佛 ,不敢謂其不知 《起信論》 ` 齅 , 異口 嘗 ,故曰我及在會之中 ...同音 云:不覺心動時 元 ` 覺 ,終不能解也 ` , 告知 知 ,熏習之善根 , 謂之一 阿難 也 , 精 從 俱 生無 類有 明之 本經 無始 成 俱

思惑 脫 未出三界之家,何況五住究盡,所出煩惱之家耶?喻如隔日瘧,以得果時 今生依然多聞 ,而入生死時 故 喻 隔 日瘧 ,但未及從聞、思、修,尚滯小果,不過名字出家而已!未得無學 ,依然被縛。 0 《正脈》云:理實不止有學,雖彼無學羅漢,不涉生死則已 初果之人,天上人間,尚須七返受生,方斷欲界九品 ,暫似解

惟願大慈 ,哀愍淪溺,今日身心,云何是結?從何名解?亦令未來

涉則成縛

,正由不達結處也。

## 苦難眾生,得免輪迴,不落三有。

得免淪 縛 無明之中, 下手,方得名解?亦令未來,苦難眾生四句,意謂若得如來明示,不惟現前有學 (椻゚),何者是結?又是結所起,必有起結之元,不知結元,在於何處;要從何處(ホットメ),何者是結?又是結所起,必有起結之元,不知結元,在於何處;要從何處 ,得免生死輪迴,不落三有 (艸ё) 六道矣! 此求佛示以結元,令其知解。 溺 亦將傳示末法 謂之淪溺 ,非佛安能拔濟?前佛教我從根解結 ,能令未來苦難眾生 惟願大聖真慈,哀憐愍念, , 既知結元 ,併識解結方法 ,不知今日 我等淪溺。 現前 真心墮在 ,不受纏 身心

大佛

#### 哀求指示

### 作 是語已,普及大眾,五體投地,雨淚翹誠!佇佛如來 無上開

#### 0

樂聞也。故佇待如來,無上開示。此即「十方婆伽梵,一路涅槃門」故稱無上 見其悲感誠敬 作 如是請法語已,普及在會三乘大眾,五體投地, 0 此從根解結 ,修證了義之法,不特有學二乘當求 表其慇懃懇切;雨淚翹 , 即大乘菩薩 添所 誠

同證 如來證無他物分三 如來詳釋 寅初分三 丑 初 卯初 長行 愍眾摩頂感佛 偈頌 諸佛放光灌頂 敘悟 丑初分二  $\equiv$ 寅初 聞佛同 諸佛

#### 音告示 今初

•

#### 生 爾時世尊, 為出世因 憐愍阿難 ,作將來眼 ,及諸會中, 諸有學者;亦為未來 • 切眾

0

#### 元 復為解脫之本 上 阿 |難為 有學 ,此法甚深難了 及末世眾生 , 請示 雖與顯示 結 元 , ,恐難確信, 及解結方法 0 故垂憐愍念 佛 以六 根既 , 是結 阿難 縛之 與會

中有學 行大乘之眼目 ',及末世眾生,為示出世,修證一乘之因心,不至錯亂修習,以作將來 , 自 可有所遵循。此眼即見道之眼,得見華屋之門,則修證有憑 ,修

至錯入歧路矣!故摩頂動界,感現諸佛同以證信

#### 以 閻 1 浮檀 • 紫金光手 • 摩阿難 頂 即即 時 十方 • 普佛世界 • 六種

動

0

震動 先則摩頂安慰,表授無上頂法。即時十方諸佛世界,由佛威神所感,同時六種 形則動 、 涌 起, 聲則震 ` 吼 撃 , 以表六結將解

### 卯二 諸佛放光灌頂

#### 微塵如來 ,住世界者 **,各有寶光** • 從其頂出 0

寶表圓湛不生滅心之體性,光表稱體所起之妙用,即諸根圓拔,內瑩發光, 光

從頂出,表最勝最妙之法。

#### 其 (光同 時 • 於彼世界 • 來祇陀林, 灌 如來頂 0 是諸大眾 • 得未曾

#### 有!

頂 表此頂法 上三句, 諸佛頂光,同 ,諸佛共證 , 在一時 所謂十方如來 ,於彼十方世界, , \_\_ 門超出妙莊嚴路 來此祇陀林中, 是諸大眾 灌釋迦如來之 ,於所表

之法 , 雖復未明 , 於所現之瑞 ,亦復罕見, 故曰得未曾有 !

### 卯二 聞佛同音告示

#### 於是阿難 **,及諸大眾** • 俱聞十方 • 微塵如來 • 異 口 . 同音 告阿難

#### **=**

阿 難 大眾 ,於大光明藏中 , 俱聞 十方 , 微塵數如來 , 異口 同音 , 即 眾 詞

也,齊宣妙真,足可深信。

#### 善 哉 阿 難 ! 汝欲識知 • 俱生無明 • 使汝輪 轉 • 生 死結根 0 睢 汝六

### 根,更無他物。

為 後 明 諸 覺 堪 開欲示 為 諸 無始與俱 佛 **洪**讚 難信難解之法 , 0 謂 故曰俱生 言 |汝欲 , 識知 0 先讚善哉者 由 無 , 俱生 明力,轉本有之智光,為能見之見分 無明 以 , 阿難既開圓 即 是根結之元 解 ,前云性覺 繼請圓修 必 ,託根緣 饒益今 丽 妄

塵 順 流 而出 ,引起六識 , 為煩惱根本, 使汝輪轉生死,而生死結之根元 ,唯是汝

六根,更無他物,此證前所問,云何是結義也

#### 汝復 欲 知 • 無 上菩提 0 令汝速證 ,安樂解脫 • 寂靜妙常 • 亦汝六

### 根,更非他物。

邊說 德 德 證之果解 覺 0 , 安樂 即 亦汝六根 言結 是生死結根 根中所具不生不滅,本覺真心,無有何法 即 說 樂德 唯 0 六根 , 此 更無他 心為真因地心 , ;約真邊說 解脫 , 此言解唯六根。又曰汝復欲知 物 肌即我德 ; 若 離六根 ,是涅槃四德。下云迷晦即無明,發明便解脫 ,依之澄 (解脫方能自在。) , 亦別無真元矣!此根是真妄和合之故 濁 解 結 , 寂靜 **,** \_\_ ,能在其上 , :即淨德 門深入, 無上菩提 , ( 清淨無染。) 自可 稱為無上,不要作所 ;梵語菩提 令汝速證涅槃 , 妙常 , 此譯為 結解 約妄 即常 四

#### 寅 如來詳釋 分二 卯初 阿難 未悟述問 如來詳釋除疑 今初

唯根

豈有他物哉?此證前所問

從何名解義

也

#### SH) 難雖聞 如是法音,心猶未明 • 稽首白佛:云何令我生死輪迴 •

## 安樂妙常,同是六根,更非他物?

如是法音 :指上諸佛所說 ,聞雖 親聞 ,心未明了。 稽首白佛:云何令我生死

涅槃,同是六根,而塵、識不預焉?

### 卯二 如來詳釋除疑

#### 佛告阿 難 根 塵 同 源 • 縛 • 脫無二 • 識性虛妄 • 猶如空華

凡夫 塵 牛 識 身 根 解惟指六根 見分 兩 , ` 塵二 故 角 而 此文詳釋伏疑 ,而受淪溺之苦,此六根即是結縛之元。故諸佛云: 不 , 屬 屬心法 者 言 出則 有 塵 情 , 不指 成雙 本是同 ; ;塵乃八識相分,屬 塵為外之塵境 縛 塵 ,何以諸佛同言 , 收 源 ` ` 則唯 識 脫 , 無二 , 而 又六根既為結縛之元 無異體 者 , 唯 而 是 縛脫即是結 ,結解惟在六根。佛告阿難:汝疑諸佛所說 屬 0 色法 無情 若以 頭 , 0 ;若在明 執相而觀 相宗云 並 解 無 兩 , , 何以復為解脫之本?汝今當 角 六根若縛 : 相、 理而 , , 似有內外之分 根 談 見皆依自證起故 生死結根 塵同 , 祗是見相之別 , 六結 本源 重 ,唯汝六根 疊生 , 根 舉 為 起 桹 0 , 喻 內之根 根 即 則 攝 如 為 知 更 蝸 八 為 於

性虚妄 本 無 :他物。六根若脱,六結次第解除 故諸佛云:安樂解脫 , 猶如空華 :此佛復釋諸佛惟指六根 ,寂靜妙常,亦汝六根,更非他物 ,則成聖人,而得寂滅之樂,此六根即是解脫之 , 為結 解之要,而 0 故曰:縛脫 不言六識之故 無二 識 識 性

是前 識 華 , 售觀 |塵虚 同 .言結解,惟是六根也。諸佛之言,如來上釋,其義已盡,下更重釋頌者,以 《似有,究竟全無,諸佛乃以六塵既無別體 妄相上 所起之妄想, 全無實體 故曰 ,六識又極虛無,是以不言 虚妄」 猶 如 鲁 眼 所 塵 見空

0

其理隱微 ,標文簡略 , 恐未徹了 , 故重釋所標之文,欲令義理增明而已

#### 阿難 !由塵發知 • 因根有相 • 相 見無性 同於交蘆 0

蘆 六塵之相 根之知,是根要託塵立;因有六根,方顯六塵之相,是塵要託根有 同於交蘆者:相即六塵之相,見即六根之見,首句說知 異於常蘆 此 重 釋根 離 根固 速 生必二莖交並而立 同 無獨立之自性 源 0 根為能緣 , ,二根盤結 六根之見 , 塵為所緣 , 而連 離塵 能 , 亦無獨立之自性 所不相捨離 單則撲地, 此句 |殺見 0 不能自立 由 。 相 有 0 同於· 六塵 乃互影言耳 ` 交蘆 見無性 ,方發六 外實中 此

虚 0 此 【喻有三義存焉:一喻相依,各無自立之性;二喻同源,本是一 體不分;三喻

根、塵、空、有,二者俱非。

云何是中更容他物

?

#### 是故汝今 • 知見立知 • 即無明本。知見無見斯即涅槃, 無漏真淨

結解 真淨 若 住 覺 即是縛;知見指根性,即性本二覺,本具妙明明妙,真知真見也。不必更立知見, 二 立 , 之中 故 此 故 ,復本心源,究竟清淨是也。無字即是脫,是知縛脫,皆不離六根,云何於是 一知見 重 日 |釋縛脫無二。是故者:是根、塵一體之故,汝等今者,知見立知見:立字 ,更容他物哉? 斯即涅槃 即無明本。若了本具真知真見 7,其猶: 0 ;性覺本明之上,再加明而明之,則妄為能明之無明 無漏真淨涅槃,此云不生不滅,一念不生曰無漏,一 ,無容更立知見 ,斯即清淨本心 , 所 塵不 ,本覺常 頭之妄 染曰

根 然亦暗承空有俱非而來。更有意味:知見,即該六根之性,立知者 正 脈》 云:是故二字 雖顯承上言。 根 塵既 無兩體 是以縛 ,立空有二 脫 但惟在

明本者 出變易 餘涅槃,無漏 明 知也。凡夫迷六根之性為有,二乘晦六根之性為空,俱不達空有俱非之旨也。即 乘於根性 ۰ 斯即者 [:凡夫即具足五住,而長淪分段,皆迷有以為之本也。二乘尚餘第五 ,皆晦空以為之本也。無見者:無空有二見也,凡夫於根性 :蓋凡夫除前四住 質淨也 除執空之見也。 ,先得有餘涅槃 涅槃:即翻上二種生死 ,無漏真淨;二乘除第五住 , 無漏 真淨 ,即離上 ,除執有之見; ,究竟無 Ŧi. 一,而未 住無 無

根結 言 更無他物也。丑初長行竟。 **云何是中更容他物** 更無他物 , 能為結元; :此即結歸諸佛語也。 解中惟是根解 , 更無他物 是中,即結中與解中也,言結中惟是 ,以為 解元 0 此諸! 佛所 以 同

楞嚴經講義第十二卷終

# ·佛頂如來密因脩證了義諸菩薩萬行首楞嚴經講義第+三卷

福 州 鼓山涌泉禪寺圓瑛弘悟述 受法弟子明暘日新敬校

丑二 偈頌 兔二寅初 標頌二一正頌 今初

## 爾時世尊,欲重宣此義,而說偈言:

意存焉:一長行義未盡故;二別為樂略機故;三乃為後來眾故。而說偈頌,令其得 爾 時, 如來詳釋長行已竟之時,世尊更欲重宣 ,此結解惟在六根之義 ,中有三

寅二 正頌 分二 卯初 祇夜頌前 伽陀開後 益

也。

# 真性有為空,緣生故如幻;無為無起滅,不實如空華

之體 當 **六種是無為法** 細察如來說法 此超頌識性虛妄,猶如空華。《唯識》五位百法,前九十四種 有 為 ` 無為 。此無為法,是對有為法而立,故今頌首標真性二字,是一 ,本經每大段,皆從所依之真說起,此頌亦復如是。真性者 , 皆依真性 。此二字不可連有為解釋,有說有為真性空 ,是有為法,後 切法所依 , 其義未 ; 真

大 此 此 實 經 為 如 經不 意別指第六意識 自 有 有二量, , , 謂之宗 此 為 性 倒 也 與 ` 無為 0 《掌珍論 按立量格式,先標舉有法,次立宗 下半偈 其體 、因 派所依 絕待 ` 喻 : , , 有 如 偈意全同 ,三支比量 , 離名字 無為 為 前 喻太虚空, ` 無為 ` 無有 相 0 彼云 , , , 離 無論 實 即 體非群相 六識有漏 言 : , 不起如 說相 何法 真 性有 , , 皆可 空華 離心緣相 , 再 , ` 無漏 而 為 以比量 空 以因解釋宗義 不拒彼諸相發 0 , , 不獨有 彼偈 .,不屬. 如 |智釋明 幻緣生故 不倒 有為 為 空 揮 , , , 後設喩 此經宗 如 0 , , 不屬 即 三支犯 無為 因 有 無為 以 大 喻 為 過 海 源 宗 亦復不 空下 顛 顛 倒 倒 , 0 能 則

之法 因緣所 自體 , 立量云: 生之法 有生有 所 以同 故 喻 滅 有為是有 如幻 , 不但 因緣 , 和合, 法 異 滅後空 喻 , 空為宗 如 虚空 虚妄有生 ,實在當體即空 0 , 因 云 : 正 , 脈》 因緣 緣生 云 : 別離 ,故空為宗 故 「幻法從緣生 , 虚妄名滅 同 喻 如幻 0 因 訶 , 既 解釋空之所 異 , 幻法空無性 喻 虚妄 如 虚 空 , 則 以 空無 有 , 云 有 為 成非量

,三支無過

為真比量

為

從緣

生

有

為

空無性

無為法 漏盡 並 與識之無為 有起 同 ·無為亦破? ] 答:「經初佛破識心,破至深處,則曰:現前雖成九次第定,不得 喻 如空華 無為 皆由執此妄想,誤為真實 空華本不實 無起滅 **無起滅** ,異喻 ,二皆非實。 故 ,不實如空華:立量云:無為是有法 , 若無有有為法 如真如。無為之法,亦復不實為宗,因對有為法有起 , 無為無起滅 我故曰識性虛妄 。 \_\_\_ , 無為亦不實 何得有無為法耶?所以同喻如空華 誰謂但破有為 , 猶如空華也。問:「 ٥ 《正脈》 ,不破無為乎? ,不實宗,因云: 云 : 末當結云 佛破識 , , 無起 良以空華無 識之有 , (也)滅,立 何 以 滅 知其 為 故

### 言妄顯諸真 • 妄真同二妄;猶非真非真 ,云何見所見?

法 立真 真 非字, [因待 。今何以並 此追 真 成 外有妄可對 頌 雙貫真與非真 根 是法還成待 無為 ` 塵同 ,亦斥其不實耶?答云:言有為是妄,以顯無為是真 , 源 真固非真 0 0 , 上半偈答難 非真即一妄字,真指無為,妄指有為 足證此義 ,故曰合妄與真 0 , 猶 難云:權教小乘 非真非真 ,同為二妄矣! , 云何見所見 ,率以有 《中論》 真性絕待 為為妄 此半偈 ,分明對妄 云 : 況顯 , 無為為 雙非 岩岩

所見即 真 、 妄 塵 (,故曰猶非真與非真,云何是能見與所見耶?能見即根 舉色塵以攝餘五;又見即見分,所見即相分 , 見 、相同依自證 ,舉眼根 以攝餘五; 況顯

根、塵見相,豈有異源乎?

# 中間無實性,是故若交蘆。

此結定 0 根 ` 塵中間 , 無有各自獨立 ,真實之性,是不能獨立之故,勢必互相

依倚,有若交蘆,雖有二相,實無二體。

# 結解同所因,聖凡無二路。

此追頌 縛 ` 脫 無二 ,結解惟在六根 。六根結縛 則為凡;六根解脫 , 而 ||成聖

生死路 同 所 因 ;六結解則成聖, , 因即 依 也 。若結若解 趣涅槃路;生死、涅槃惟在六根,結解更無別路 ,同依六根更無他物 0 無二 一路者 ,六根結 萴 為 ,故聖凡 凡 趣

亦惟在六根,向背無二路也。

# 汝觀交中性,空有二俱非。

大佛

頂如來密因脩證了義諸菩薩萬行首楞嚴經講義第十三卷

此重 釋根 塵 同源 0 謂汝且觀察交蘆中性 , 為有耶?為空耶?若言其空,蘆相

宛然;若言其有 ,中無實體 ,故曰空有二俱非;即非空非有也。根 塵 見、相二

分之性 有二俱非 ,亦復如是 0 又當 知根結 。若言其空,能所對待宛然;若言其有 , 則非真空之涅槃;根解 , 則非有為之生死 ,實無自性可得 , 若空若有 故曰空

者俱非矣!。

# 迷晦即無明,發明便解脫。

解脫 根 種 知 知見 ,涅槃安樂,惟汝六根,更無他物。初祗夜頌前竟 即 此重釋縛脫無二。 , 無明本 發明非有非空之理 , 即是發明 0 若立空有二種 , 是解 迷晦即無明,迷即迷之為有,晦即晦之為空,此句乃知見立 脫 , 此 知見 是聖人 [句乃知見無見 , 即為迷晦 是涅槃 , 斯即涅槃 , 0 為結 因是之故 縛 , , 無漏 為凡夫, ,所以諸佛同言 真淨 為生死 。若不立空有二 ,生死結 0 發明便

### 卯 伽陀開後 分二 辰初 正以開後 別彰勝義

### 解結因次第 ,六解一 亦亡;根選擇圓通, 入流成正覺 0

前 祇 夜 ,是重頌前文,長行之義;此伽陀, 是孤起頌,突然而起,以開後文之

與生 之元; 解結 色陰 夫 前所云:得循圓根,與不圓根, 說結元之一,六結既解 外向內 第結成 元 義 解一亡之義 ,不許出流 ,說結解同所因 0 上二句,開後綰巾以示倫次科,下二句,開後冥授以選本根科,前來已示結 滅和合 ,必須從麤向細,次第而解,六結解盡,五陰破除,五濁澄清矣!喻脫衣 (即內之根身) 如觀世音菩薩 ,從真起妄 脱了第一件,方見第二件,故云因次第。六解一亦亡者: 。根選擇圓通 , 成阿賴識;次成行陰 ,出流是背覺合塵 。前四陰, ,妄有六結。六結即是五陰,從微至著 ,結之與解,同因六根,今欲解結,必因次第而解 修耳 ,則六結之相不有 ,入流成正覺者:解結當於六根之中 r 根 圓 通 每陰為一結,色陰有二結,喻如穿衣,從內向外, ,此根即結縛之本;入流是迴光照性,此根即解脫 日劫相倍。故須選擇,但依一根下手 (中議) , 初於聞中,入流亡所,乃至生滅既滅 ,次成想陰(ホ端) ,一巾之名 ,亦不復立 , ,次成受陰 識陰先起,不生不滅 ,選擇圓 此正開後文 對結相之六 ,以是結本次 五識 知前 ,做入流工 通 本根 , 寂 若 次成 滅現 , 從 如 而 欲

前

證入圓通

自可速成正覺

## 辰二 別彰勝義 (內具名體宗用)

陀那微細識

•

**習氣成暴流;真非真恐迷,我常不開演** 

0

生滅 趣 子 氣 體 轉 持 成暴 如 , 生死流轉 來 以 展 其體淵深莫測 和 此彰顯體勝 流 能 合 轉 藏 執持一 熏變 者 而成識藏 成 阿賴 , 故如暴流 妄上 切染淨 (深密經》 0 前示從根解結 郭 , , 即第一卷, 加妄 微 識 紅羅難知 種子 云 : 此云含藏 , 漸 , 起諸結 阿陀那識甚微細 以及根身器界,令不散失。 ,二乘不能究其源 佛判二根本中之真本,為無始菩提 , 根性即是識性 識 , , 含藏根身器界種子 而 成生死暴流 , , , 識性親 等覺未能窺其際 切種子成暴流 , 以習氣種子熏變 此識 ; 亦 依如來藏 名 即如來藏受 阿陀那識 0 ` , , 習氣 故曰 涅槃 不生不滅 , 能引 即無 微 無 ,元清淨 , 崩 此 細 明 熏 云執 0 習 與 種

為真 氣之妄 真 丽 非真恐迷 , 如經 起增上慢心 初 Ŧ , 我常 -番顯 不開演者 無量劫來生死本, 見 , 極顯其真 :因此識是真妄和合, **,** 見重剖 癡人喚作本來人;若說是妄,恐其迷真為 , 乃破 其妄 其體全真 0 若說是真 不過 |参雑 , 恐其 無明習 迷妄

人開示演說者此也。 妄,反致向外馳求,騎牛枉自去尋牛,終日行之不自覺。故我於權小教中 《深密經》云:「我於凡愚不開演,恐彼分別執為我。」二經 ,不輕為

偈語,雖有五字七字之別,其義全同·

### <u>が</u>? 自心 取自心 • 非幻成幻法 ;不取無非幻, 非幻尚不生,幻法云何

相二分 真 界 取之心 即 切幻法 括縛之源 ; 亦 ,人相法相 但從一門深入 此彰顯宗勝。宗具因果,即下手起修,由因至果,最簡要,最巧妙,根性法 復 不取 惟一 無難 ,云何而得安立耶?此中取字, 自心 外塵之境 ,紛然雜陳,凡所有相,皆是虛幻,無有真實 ,但要不取便是。不取二字,即是下手工夫,亦即解脫之本 遂於本來無幻法中,妄成一切幻法;幻者虛幻不實 ,其修巧,其效速也。自心取自心者:良由一切眾生, ,妄以能見之見分,妄取所見之相分,名曰自心取自心 , 旋轉六根 ,脫黏內伏 即結縛之元,不取即解脫之本 , 伏歸元真 , 非幻之法,尚且不生 ,苟能達此,則返妄歸 , 如 現前 不悟見 ,不起能 身心世 取字

大佛

頂

生死 境 夫 果 、眾生 , ۰ 欲流 尚 此 不取二字 且 根 **不生**, 初 ,三種相續 逆流之功;又即下文觀世音入流照性方法 解 ,即是最簡要,最巧妙之下手工夫。亦即前文,不隨分別 面 先得 人相法相之幻法 入空, 。不隨二字,圓頓修法;又即 空性圓 ,豈能立乎?是則以不取為宗,以了幻為趣 明 成法解脱 ,解脫 知見無見 0 此不取 法已 , 工夫 無字工夫;又即 俱空不· ,即從根解 生 世間 非 欲逆 幻之 結 、業 簡

即因該 方華 覺 法 是名妙蓮華 要巧妙, 極 因該 郎 果 此彰顯名勝 果海 果 無復以加矣! 亦不過成此本來之佛 果海 大 ; 無奈 果不相捨離 • 果徹因 0 金剛王寶覺 佛性 是字指根性法門 源 , 埋沒在五陰妄法之中 , 0 又蓮華出污泥而 以 此 ,此即果徹因源 0 根性 , , 名為妙法門 為因 地心 三不染,根性隨緣不變如之, ,今則旋根脫塵 0 因果該徹 , 0 根性即本覺 妙者不可思議之謂 不可 佛性 ,返妄歸真 忠議 , 本 , 此喻 也 來 喻 0 如 是佛 ,證得妙 根性法 蓮 此 圓 華 此 頓

身德

即真心之異名,前云寶覺圓明,真淨妙心,此心即圓湛不生滅之根性,猶如摩尼寶 於有 破 壞 為 斷 靈光獨露 金剛者,金中之剛也, !盡諸惑,圓成果地修證 在淨 非淨 , 以如如智 , 不泥於無為 最堅利,能壞一切,一 照如如理 , 宗染淨 此喻根性般若德。王者自在之義 ,根境結惑,觸之則銷;無始 如 , 空有 切不能壞他 |不滯 , 此喻 ·。 喻 根性解脫德 ,處染不染,不落 此根性 無明 , 無動無 擊之則 寶覺

### 如幻三摩提 • 彈指超無學

,

珠,圓滿湛然,寂照具足,乃自性天然之本定。

故能於彈指頃 超 滅 證 憑慧力, **過無學者** , 此彰顯 寂 而起無修之幻修,無證之幻證,此亦定力;由此定慧等持,次第解結 滅 澄 現前 用勝 即 濁還清 明修巧而效速也 ,正所謂諸幻滅盡 超過無學之位 即修證之力用 , 乃由定力, ,但解三結 0 亦即前文所云:得循 ,覺心不動,證入圓通,得住首楞嚴三昧 。三摩提此云等持,定慧平等任持 又知真心本具,幻惑本空, ,已齊無學 圓根 , 何況寂滅現前 , 與不 此亦慧力;於本 |圓根 ,入流照性 , 乃至得成無 日 劫 , 生 相 滅 ·無修 倍 彈指 全 既

上知覺乎?

# 此阿毘達磨,十方薄伽梵,一路涅槃門。

死永亡 示圓修 伽梵 翻 法 中 是最 成 此 彰 多含不翻 是佛之別稱 就 , , **>顯教勝** 是修 無餘大般涅槃 勝 0 頂 即 悙 法 指 此一 ; 第 。 — , 0 非其 此字指根性法門 , 路者,三世諸佛,共由之妙脩行路 具足六義 八卷得成圓證 路之修門 (他教法) 0 此門字 :謂自在 所可 , , 彼則明指耳門 此 但指修門 , , 是證門 0 呵 十方薄伽梵 ` 毘達磨 熾盛 ;文殊揀選 0 前第 端端 : , 此云無比法 此則密示耳門 四卷 嚴 即 名 稱 圓 十方諸 , , |通偈云 大開 涅槃獨取 、吉祥 , 圓 佛 謂此從根解結之教 , 解 , 即 過 薄 , , ` 萬德畢備 去諸 是悟 尊貴 伽 門深入之門 梵 門; 如 , , 乃五不 來 有 此所 云婆 斯

丑三 叙悟

也。二偈頌竟

瑩

•

妙理清徹,心目開明

•

歎未曾有

1

於 是阿 難 • 及 諸大眾 , 聞 佛如 來 • 無上慈誨 • 祇夜伽陀 • 雜糅精

性 徹 珠 謂 正 頌 物 妄不立 覺 所詮之理 , , , , 又云 Ŧi. 精謂文華精彩 依 如 此 來指本 陰 亦 及彰 此 , 經家 縛脫 頓 應頌 根 破 顯 性 ۰ 华師釋迦 | 敘悟 無二 修 雜 五勝之義 , , 應長行 如 證 者 。於是 金 和雜 , , , 、
学
謂 因 剛 , 即 重為詳 一果該徹 而 , 是了義 , 皆諷 頌也 阿難及諸大眾 諦 句法瑩明 糅者 聆之下 美意 釋 , 糅合 0 ,已不復疑 故謂 伽陀此云孤 0 皆是無上大慈心中 0 ,心目開 0 , 之妙 妙理者 雜糅精瑩 即 , 應 聞 0 諷 0 超頌 崩 其理清 佛指十方諸佛, , 以後但請示倫次 和 圓湛 , , 合 即 妙 , , 理清徹 又云諷 心眼 淨 不生滅之理 前 ;流出了 , 後 洞開 纖 照 塵不染 頌 應 同言結解 上 , , 義教誨 性也。 , 徹 , 諷 句指能詮之偈 文迴 選擇 覚根 美而 , 如 空有 織 強根 性 蓮 頌 0 門 錦 華 也 祗 , 雙非 夜 即 , , 0 , 以便 其 義 入流 此 更 如 無他 來藏 用 走 下 云重 真 起 盤 句 成 明

綰 巾以示倫次 分二 癸初 敘前請後 如來巧示

修

更無疑貳也。二驗證以釋二疑竟

#### 阿 難合掌 , 頂體白 佛 • 我今聞 佛 • 無遮大悲 • 性淨妙常 • 真

#### 句。

大佛

頂

如如

此 敘 阿難謝前 。合掌 頂禮 ,仰白於佛: 我今聞佛 , 以平等無遮大悲心 ·無遮有

終成戲 妙常者 覺 真語實語 淨 法身常住 論 淨 : 性即 , , 所說妙法章句 後經 無遮 結 根性 , 解 擊鐘引 日 同 常常 不棄下機 .所 ,根性為眾生本覺真性 0 因 夢 此約所詮言之, , , 聖凡 , 此句與第四卷阿難謬疑根性斷滅 以 , 驗其常 同施上法;二、法無遮 無二路 , , 復經諸: 真實法句, 其用微 ,此性不屬於有為 佛如 妙 , 來 乃指能詮 日 , 不 悋 , 妙 宣 三釋其義 ; 根選 秘密 , , , 反怪如來違越 長行 不 擇 屬 , 和 , 始 **傷**頌 圓 於無為 盤托 悉 通 如 , 入流 皆是 來 出 , **談談言** 離 如來 成 性 相 向 淨 清

#### 來 心 猶未 ,施以法音,洗滌沉垢 達 • **六解一亡,** 舒結倫次。 惟垂大慈 , 再愍斯會 • 及 與將

o

皆真實語

也

舒 垂大慈悲 也解 此 結倫· 承 上 再愍現前斯會 , 次之義 雖聞 如來真實法句 ?倫者倫 , 及與將來眾生 類 , 次者 , 心 次第 中 ·猶未能通達 , ٥ 以此二 施以甘露法音 義 ,如何是六解一亡之義?如 , 猶 未徹底 洗滌根中積生虛習 丽 了 , 惟 願 如 何是 來 以

及無明,深沉細垢。

癸二 如來巧示 分二 子 初 巧立喻本 二 分答二問 子初分二 <del>丑</del>初 元依一巾

二 綰成六結 今初

几 即時如來 • 取劫波羅天,所奉華巾 • 於師 子座 ,整涅槃僧,歛僧伽梨, 0 攬七寶儿,引手於

歛者收 此云時分天,即夜摩天;所奉華巾,乃寶疊華,織成之巾 說法,令人易了。即時即阿難求示之時 阿難求示六解一亡,舒結倫次二義。佛先答後義,舉事辯答,言相並彰,善巧 也, 僧伽梨 ,此云大衣。攬七寶几:此几有七寶所嵌 , 如來在師子座,整理涅槃僧,此云裏衣 , 引手於几 ,取劫婆天

丑二 綰成六結

於大眾前,綰成一結,示阿難言:此名何等?阿難大眾,俱白佛 何等?阿難大眾,又白佛言:此亦名結 :此名為結 。於是如來 ,綰疊華巾,又成一結 。如是倫次 • 重問阿 ,綰疊華巾 難 • 此名 總

#### 成 笐 結結 0 結 成 , 皆 取 手 中 所成之結 , 持問 阿難 • ·此名何 ?

### 阿難大眾 , 亦復如是 ,次第洲佛 ,此名為結 0

第綰 疊華 結 結 , 疊華 不 喻 , ·無次第 喻 巾 如 西域貴 綰 來 ,即倫類次序也。 成 藏 | | | | | | 性 至之物 , 。 —-巾 ,不是横 喻 , 藏 結 織以成 性 成 隨 喻六根 如前 , 緣 皆 巾 太虚空, 問 , 成 價值無量。又為天人所 阿 呵 難 .賴 , 耶 由器形異,名之異空,此六結既是次 要自 識 , 審自答 從真 起妄 , 自 , 奉 明結之倫 輾 , 轉 更足 相 依 寶貴 次 , , 妄 雖 , 佛 同 成 是 以

成

,

自是豎論六結

百結 佛 巾 告 • • 雖本 云 阿 • 何況 何 難 汝 • 一體 此巾 我 曹 初縮 • 如 復 • 我思惟 名 祗有六結 巾 為 , 汝名 結 : ? 為 如 阿 ,終不至七 結 .難 來 白 0 綰 佛言 此疊華 得 ,亦不停五 : 巾 世 結名;若百綰 尊 先實 ! 此寶疊 ,云何如 條 華 , 第 成 • 來 ,終名 絹 織 • 第 成

上段歷問 , 以顯次第;此段故問 以示結同 佛告阿難下 應將此疊華 巾 先

初時

, 第二

一、第

,不名為結

?

詳法矣 矣 ! 疎 而 有關要 復名為結,文意相貫 實一條,此二句提前 後 一誠哉須信佛語深也!然不直說,而乃故意反問,以激阿難自說者,將使因喻以 而 則 始 , **| 疎親有|** 按後圓通 無入門,中途者 異 , 所解六重結相,一 由 (,諒係抄寫之誤。此段之文,似淡無味;《正脈》云:細詳實 ,我初綰時,汝名為結,二句放後,再第二、第三云何汝曹 後 ,或住於細 而 前 , 則細麤不同 ,而終無究竟 動、二靜、三聞 。若不與之顯示結同 ,啟示一六結同 ` 四覺 、五空、六滅 , 初心者 ,正欲始終解盡 或忽於 由前

子二 分答二問 分二 丑初 答六解一亡 答舒結倫次 丑初分二 寅初 喻從至

# 同遂成至異 二 喻除至異還成至同 今初

# 佛告阿難:此寶華巾,汝知此巾,元只一條,我六綰時 汝審觀察:巾體是同,因結有異? ,名有六

之相已定,不復見一,是謂至異。佛令諦審觀察, 此寶 華 巾 ,未結之先,一之名尚不可得,豈得有六?是謂至同 既知由同成異,自可除異還同 ;既結之後,六

### 於意云何?初綰結成,名為第一 ;如是乃至 ,第六結生, 吾今欲將

# 第六結名,成第一不?

前五句示有次第,後三句故意難問 ,令辨可否。 謂吾今欲將第六名,首尾相

換 ,成第一得否?佛意以性中 相知 , 故詰其能互換否?

### 不 也世尊!六結若存,斯第六名,終非第一 0 縱我歷生 盡其明

# 辯,如何令是,六結亂名?

我歷生多聞 六結未解,次第分明,故第六終非第一。 , 盡其聰明慧辯 , 如何能令有次第者 佛欲將六作一,問我定其可否?縱使 ,而成無次第 ,一六亂名也?阿難

# 佛言 :如是!六結不同,循顧本因,一巾所造,令其雜亂,終不得

#### 成。

以用中相背

,故答不能互換也

此佛印證 。六結次序不同 , 循者順也,順顧結之本因,元因一巾所成,欲令次

序雜亂,終不得成,而一相豈能復見哉?

### 則汝六根 ,亦復如是 。畢竟同中,生畢竟異 0

得 何處有六?此畢竟同也。及其從真起妄,既結之後,六相分明,不可少亂 此法合。則汝六根,亦復如巾結者是也。根性本體,未結之先,一相尚不可 此

### 喻除至異還成至同

畢竟異

쉕

此結若存,是非鋒起,於中自生,此結非彼 佛告阿難:汝必嫌此,六結不成,願樂一 ,若總解除,結若不生, 則無彼此,尚不名一 成,復云何得?阿難言 ,彼結非此 ,六云何成? 0 如來今 •

必嫌此六結各異,不欲其成,願樂一巾元同,依舊成一,復云何得?此句明明必須 此復審明六解一亡,欲令當機自悟解結之法。故告之曰:我綰巾已成六結 汝

定名 解結 非此結 若以六作 故意設問 彼此二字,即一六也。 ,令其自悟 , 則是非鋒起 阿難言:此六結設若存在,彼此各有定位 , 如來今日 如刀兵相鬭也。 若將六結,從六至一, 於中自然生起 此結 總為解除 非彼結 ,一六亦有 結 彼

結

全不生,則無彼此。尚不名一者:尚不名一巾,何以故?一巾原對六結立名,六結

既解,一 亦不立。一既不立,六云何成?此即六解一亡義也。

### ---六解一亡,亦復如是 0

者,乃對六說一之一,此一六俱妄,乃屬對待法故可亡,真體絕待,故不可亡也。 若總解除,真體自顯,一亡二字,非真體亦亡,真體本來, 此法合 0 佛言我先說解結因次第 ,六解一亦亡, 亦復如此巾結無異 非一非六,所亡 0 根 中六

丑二 答舒結倫次 分二 寅初 示結之倫次 二 示舒之倫次 寅初 分三 卯初 順

次成結 更以喻明 Ξ 逆次合喻 今 初

# 由汝無始,心性狂亂,知見妄發,發妄不息,勞見發塵

相 擾亂於真淨心中 本心 ,不了心現,妄執心外實有,能所二俱成妄,妄上加妄,念念相續不斷 此先示從真起妄,妄成六結,從細向麤。由汝自從無始,心性狂亂:心即清淨 性即妙真如性;狂指無明,一念妄動,猶演若達多,狂怖妄出;亂指三細 此第 一結成 。知見妄發者:即黏妄所發之知見 , 屬智相 故曰發 見境界

取相 心 妄不息,屬相續相 世界 計名字相 屬後三結成。六結倫次如此, ,此二屬我執,妄見我及我所, 此二 |屬法執,第二、第三兩結成。 歷歷可辨 發現塵勞,有世間相 次第相生也。 勞見發塵者:勞慮轉深 ,此即身 ; 執

,

#### 卯 更以喻 明

### 如勞目睛 則有狂華, 於湛精明 • 無因亂起 0

所見指 涅槃 勞相。六結斯起,五陰具足 智照真理,本來無一 為勞相, 勞目睛。 染 色法 於澄湛空中,精明見中 ` 淨境界 , 譬如有人,以目直視虛空,瞪之既久,眼目發勞,為勞見,則有狂華 勞目睛喻從真起妄 , 物。一念既動,如六入文云:兼目與勞,同是菩提心中,瞪發 以涅槃生死等空華 ,淨眼喻妙心 無因亂起,能見所見,二俱成妄 0 湛精 明喻真理真智 ,發勞喻 無明 , , 一念未動 狂華喻十界 。能見指心法 以前 生死 唯真

### 卯三 逆次合喻

### 切世間 ,山河大地, 生死涅槃 皆即狂勞, 顛倒華相 0

前則順次成結,從細至麤 ,法喻皆然;此則逆次合喻,由麤至細。前欲令明生

身根方有生死 起次第,此欲令識還元次第。一切世間,山河大地:即塵中六、五兩結 ,此當第四根結 。以上均屬界內,人執範 圍 0 涅槃屬界外 生死 , 法執範 , 有

皆是從真起妄,一念顛倒所起之華相。六結生起,乃從一至六 韋 此當第三、第二兩結 。皆即狂勞: 狂勞指無明業相 ,屬第 ,此約解除 結 0 此世出 ,乃從六 世 間

至一,故科為逆次合喻。此雖逆於生起之倫次,而實順於解結之倫次

阿難求解勞結 寅二 示舒之倫次 〒1 二 如來就喻巧示 卯初 先授舒之方法 三 示說不謬取信 後示舒之倫次 四 選根解結必證 卯初分四 今初 辰初

# 阿難言:此勞同結,云何解除?

此勞,即指狂勞,顛倒所起之華相,由一至六,同名為結、自當解除。同結二

字,寓有倫類序次義,但未知云何是解除方法。

### 辰二 如來就喻巧示

# 如來以手,將所結巾, 偏牽其左,問阿難言:如是解不?不也,世

# 尊;旋復以手,偏牽右邊,又問阿難:如是解不?不也, ·世尊

佛言:不也, 此引悟二邊不解,如來將所結巾, 世尊 0 左右喻空有二邊 , 左右各牽,俱問阿難 凡夫著有 , 長淪生死 , , 如是解不?阿難俱答 固不能解除諸結

乘滯空,永晦涅槃,又安能得證圓通?

### 成?阿難白佛言:世尊!當於結心,解即分散 佛告阿 難:吾今以手,左右各牽,竟不能 解 0 • 汝設方便 云何解

阿難白佛言 此引悟中道方解。左右各牽,竟不能解 : 世尊 **!**當於結之中心,一解即便分散。 ,汝且設想方便 結心喻中道 ,云何可令解除成功? , 須依中道了義之

修法,六結可除也

# 佛告阿難:如是!如是!若欲解除 ,當於結心。

亦非 更不勞於觀空破有也;達此根性 雜彼空有 此印證必用中道。 , 別立 中 道 《正脈》云:「結心雖譬中道 , 乃是悟此根性 用徧 ,體自在 現而互融 而 無繋 , ,然非兼彼空有 本不屬空, , 本不屬有 不晦為空而已 ,合成中道 , 不迷為· 有而

即 蛇 聞 入 更不 不即空? 自性 足 , , 恐非極中? 由 忇 ·勞於觀有破空也。 是二空漸證 , 斯即 用既非空 即於是結心雙超空有之中道也。 又二邊不 涅槃 答 : ,何嘗不即有乎?』 ;以此雙非空有之中道, ,妙體現而有自破也;俱空不生,大用起, 解 ,合前知見立 如後耳 -佛既但言空、有俱非, 1根圓通 一(空有) , 既不執有 前 人不達 故即無見之謂也 即 故當惟奉佛語 無明本 , , 亦不 強以別安三觀 觀空,惟一 中道 而空自離也 ,且體既非有 方解 間 : , 反聞 其說支離  $\neg$ 合 雙非 前 , 知 是則反 而 塵頓 何嘗 不 見 , 真 雙 無

### 辰三 示說不謬取信

### 阿 難 ! 我說佛法 • 從因緣 生 • 非取世間和合麤相 ;如來發明 世

# 世法,知其本因,隨所緣出。

因 生 次第解結修證為緣 惟 以 上我說 是 此 種 因 , 選拔 .緣 , 圓根 是微 復本心源 細 ,一門深入 因 |縁 , ,究竟清淨 但不 ,從根解結 循 外境 , , 非取世間 , 返照內心 直至成佛之法 , , 四大和合 即 以 , 圓 湛 此亦從因緣而 發明諸變化 不 生 滅 性 為

緣 善 出 相之麤因緣也。如來發明下,顯佛語可信。世出世法, 世間 ` 度等 惡 四聖淨法 ` 為緣 不動 0 , 如來一一 業行 ,皆不出因緣 為緣 知其本有之因 ;出世法 0 世間法以業識中,本具有漏種子為因 ,以自性本具 各隨所遇之緣 , 無漏 法字雙用 0 種子為因 出生染 ` 世間六凡染法 淨十界諸法 ,今生所脩 , 宿 世所造 諦 此

### 曲 如是乃至,恆沙界外,一 ,鵠白烏玄,皆了元由 0 滴之雨,亦知頭數;現前種種,松直棘

即隨心應量

,循業發現也。

此文承上,不惟能知十界總相 ,如是乃至, 情與無情 微 当多少) 細別 相 , 即 恆沙界

外

,

甚遠之處

,天上所下,一

滴一

滴之雨

,亦知若干

-頭數

; 現

前

種 種

植

物 松何以直?棘何以曲?舉二該餘,以及動物,鵠何以生來是白?烏何以生來是 滴即

玄(纟)?一一皆了元由 ,即知其各命由緒

辰四

選根解結必證

#### 是故阿難 大佛 頂如來密因脩證了義諸菩薩萬行首楞嚴經講義第十三卷 ! 隨汝心中 , 選擇六根 • 根結若除 , 塵相自滅 • 諸妄銷

### 不真何待

無二 源 相 事 ,一真一切真,無妄可對;不真即是妄,故曰不真何待?初先授舒之方法竟 , 是佛 自然先滅 用 決不賺誤;隨汝心中詳察,選擇六根 :智圓照法界,無法不知之故,則所說解結之法,決不差謬;所許取證之 力當 ,即細之諸妄 專 , 故 前 敕選 ,亦自銷亡。 根 , 但能於此 妄淨真純 ,最圓之根 根中 , 惟一 ,依之解結 六結若能盡除 絕待真心, ,以初心下手 到此則徹法底 則 凝塵之塵

難 卯二 後示舒之倫次 分三 ! 我今問汝: 此劫波羅巾 辰初 故問引悟 ,六結現前 乘悟合明 • 同時解縈 今初

不也 阿 • 世尊 0 是結本以次第綰生 ,今日當須次第而解 • • **六結同體** 得同除 不?

# 結不同時,則結解時,云何同除?

之體 同時 解 此 結時乃有先後次第,不是同時, 縈 如 來故問阿難 , 縈即結也 , , 能得同 引悟次第 時解除 ,以免後人迷誤 不? 則此結欲解之時 阿難言 '。佛問 : 不也 阿難 ,亦須次第而解,云何可以 , 世尊 : 此巾六結現前存在 0 六結雖然同 是一巾

同 |詩 而除?佛意原要阿 .難,悟明次第,所以故問,今者所答不謬

### 辰二 乘悟合明

### 佛 -- 六根解除 ,亦復如是。此根初解,先得人空;空性圓明 成

# 法解脱,解脱法已,俱空不生。

脫 解 前 盡 根 逆流 是 提 脱者 根 ,三結 若能 故 解結 此 次第解 彈指超無學者。今見阿難於喻,已知次第不可踰越,佛即印證之曰 ,破我執俱生 正 |顯示根結俱解,當下即是自性真定 此中 先得人空 皆除 先捨智愛 次第 結 含二 可 , , 所謂 於此根 )以還巾 結 0 ,與四果齊,得證我空之理,人空即我空也。三空之中 ,破法執分別 即解前勞見發塵, , 解 ,六根解結之法,亦復如是。 以前雖得 中 , 切解 先解 0 |人空 三結, 解 解二 , 尚 一結離塵 結 根塵三結 塵亡根盡 ;再捨理愛 未得法空 ,此定即大佛頂首楞嚴王 , 破 ,而出分段生死 , 我執分別 根結已解 , 此根 ,破法執俱生 空性未 初解 , 臻圓 得與初果齊 , ,先得人空者: 。空性圓 根 明 解除 又解 , 法 , :喻 如幻三 執 丽 ,此空居 , 其餘 結 未 解 既 得解 成法 此按 則 摩 如 五.

大佛

頂

所修證· 空 除最初生起之第一結, 現 息 性而 前 不 今既 得圓明 人 住 ` 出世涅槃 法二空 不住 , 便成法解脱, , 名法 , 0 涅槃之法 解脫法已 生滅既滅 解 脫 0 解脫法已 ,俱空不生者:上句即已破法執 。若住此法 反觀涅涅槃, ,寂滅現前 , 依舊迴光照性 ,名為頂墮細障 , 亦復如幻 此即解前心性狂亂, 0 , 此解前知見妄發,發妄不 俱空之境 , 無量 ,不為法縛 不思議 而盡狂勞 , 亦復 逆境 不 , 此法即 生 顛倒 不得 解

華相 忍 即 是名菩薩 ?已入,妙心已悟,道眼已開 傷云: ,於三界內外,不見有少法生滅之相,迷者見法實有 此出 所證之名 ,從三摩地,得無生忍 如幻三 一摩提 0 以上所說 , 彈指超無學」 , ,故見諸法無生, 從根 解結修證 者 , 是也 ,六結解盡 0 如顯見不分科中所 得無生忍 ,修證至此 , 是名菩薩 , 登圓 **| 教初住** , 根結 云 , 從三摩地 盡 , + 薢 即 方 得 , 如 此

有

不特生死染法

,猶如空華

,

即涅槃淨法

,亦復如是。空華即喻無生之義

翳

來

及

大菩

薩

於其

自住三摩

地中

見與

見緣

,

並

所想相

如

虚

空華

本

無所

眼觀之似有,好眼觀之實無,空華本不生,一切諸法無生,亦復如是。如此之理

忍可印定於心,名得無生忍。三綰巾以示倫次竟

壬四四 冥授以選本根 分四 癸初 阿難述悟禮謝 請示圓通本根 Ξ 佛敕諸

# 聖各說 四 更敕文殊選擇 今初

### 阿難及諸大眾 ,蒙佛開示, 慧覺圓通 • 得無疑 憨 0

得慧覺圓通 阿難及在會大眾,承蒙我佛,開導指示,選根逆流,六解一亡,舒結倫次,已 慧覺 ` 即照根性之妙智;圓通 ` 即證法忍之妙理;雖未真修親證

已決定明了,得無疑惑。

### 時合掌 頂禮雙足,而白佛言:我等今日, 身心皎然 • 快得

#### 礙!

無生 **無礙** 皎然,即心目開明,照了無疑 周 敘悟則曰 身意輕安;今教從根解結 。前佛說破妄顯真周,敘悟則曰:身心蕩然;說 則曰 :身心皎然 ,快得無礙

大佛頂如來密因脩證了義諸菩薩萬行首楞嚴經講義第十三卷

快者

暢快

明白通達

故得無礙

### 請示圓通本根 分三 子初 未達本根 慶遇如來 Ξ 冀佛冥授 今初

# 雖復悟知,一六亡義,然猶未達,圓通本根。

是已悟知 前阿難答佛,解結之文,有云:若總解除 六亡義 0 雖復二字,意以此義雖復悟知 ,則無彼此,尚不名一,六云何成 , 然猶未能了達圓通本根 無

從起修

,雖知無益

進 難 根 ;二、對人說:阿難多聞 本根有二義:一、對方說:「此方真教體,清淨在音聞。」 阿難初果淺智,故不能了達何根是圓通本根 是耳根又為阿難本根 ۰ , 如來前云:隨汝詳擇 **慣用耳根,文殊偈云:「方便易成就** ,其可入者,吾當發明 則耳根為此方本 , 堪 令汝增 以 教阿

### 子二 慶遇如來

# 世尊!我輩飄零,積劫孤露,何心何慮,預佛天倫,如失乳兒, 忽

### **遇慈母?**

此慶幸遭遇如來。我輩:是阿難指一 類有學之機。飄流生死, 零落諸趣 積劫

乳之兒,命若懸絲,今已從佛出家,常隨不離,飽嘗法乳,則慧命可續 預 弟 何 何 孤 露 (佛之天倫 | 敢心 ユ異露 以天合者 謂 恵 宿 過去歷劫之久,捨父逃逝,猶如孤兒, 無託 何敢念慮 ,此更可慶幸也!如失乳兒,忽遇慈母者: ,曰天倫 無歸。今得人身,未墮惡趣,已屬 , 與佛為兄弟 ; 君 ` 臣 ` 朋 ,今則參預佛之天倫 友 , 以義合者 無倚無靠 可幸!何心何慮 , 久在飄零,未霑 日 , 人倫 實出望外 ,飄流生死,不得涅槃 阿 難 , 父 為 預佛天倫者 法乳 佛 、子 堂弟 , 如 , ` 遇慈 以失 兄 , 得

### 若 復 因 此 際會道成;所得密言 • 還同本悟 • 則與未聞 無有差

#### 別?

母

得密言 則三 幸遇 此 可入 \文翻譯潤文時,文字太略,意義不顯。上二句之意,意謂:若復因此,奇逢 師資際會 即常 法忍可證;倘若還同昔日 不開演之法 , 果能 依教修習 , 佛 為演說 , 菩提道果克成 , 今亦得聞 , 本以文字會悟,徒守 , , 可謂無忝所生 果能從聞 知解 思 不負所 修 , 不加 , 由 行證 根 遇耳 解 結 所 則

徒聞 無功 與未聞者, 無有差別也

### 冀佛冥授

地

退藏密機

,冀佛冥授

### 惟 垂大悲 惠我秘嚴 ,成就如來 • 最後開示。作是語已, 五體投

如來最 嚴淨 次 密指耳根 修證 惟 後開示 佛 願 名目 如來 前但要阿難 ,如來不肯明言,是秘密。耳根逆流斷惑,了義修證,非著相之染修,故 ,垂大悲心,惠施我等 0 最後者 雖皆備悉 ,心中詳擇 , ,若不知圓通本根 即究竟開示之全功也 , 阿難無慧詳擇 , 秘密嚴淨之法 華屋之門 0 前示選根解結 , 求佛開示 , , 此即求示圓通本根 何自得入? , 佛肯分明指示 ,六解 0 舒結倫 秘嚴 , 則 成

其密請 心 作是語已 中默禱 , 故不自說 ,五體投地 , 是謂密機 , 遂 [敕二十五聖,各說法門 , 望佛冥授,亦不必顯說 退藏密機者:退即退歸本位 0 交師所云:大權施設之宜 此屬意請;而佛大智鑒機 ,藏者藏諸心,而不形於 , 師資簣 應

鼓之意,於茲備見之矣!

爾時世尊 • 及阿羅漢 佛敕諸聖各說 ,普告眾中,諸大菩薩,及諸漏盡,大阿羅漢:汝等菩 ,生我法中, 分三 子初 得成無學。吾今問汝:最初發心,悟十 佛問諸聖 二 眾說本因 Ξ 佛現瑞應 今初

八界 ,誰為圓通?從何方便,入三摩地?

無學 道人 通 ? 問各人所證 **豈避無學之號** 漢 薩 合六識中 , 而 及諸漏盡,已回心大阿羅漢,非定性聲聞之眾。佛語之曰:汝等菩薩及阿羅 生我佛法之中 爾 ,不除妄想不求真」,此即菩薩無學之明證也。吾今問汝,最初發心者:佛不 非獨指羅漢 時 不言七大者 , 即阿難意請之時,世尊知其但求冥授,故不顯說 則問十八界,二十五門,皆在其中 ,但問最初發心者,以因地心,為起修之根本故。悟十八界 ,菩薩知真本有,達妄本空,修即無修。」永嘉云:「絕學無為閒 7,菩薩-, 以 地 ,是謂從佛口生,從法化生, 亦稱無學。 、水、火 風 《正脈》云:「正以地上, 、空五大,合六塵中 0 在我佛法之中,得成無學之位 問誰為圓通 ,此是一意;又問從何 , 0 見大合六根中 既通羅漢之名, 普告眾中, 誰 諸 , 菩薩 識 大菩 為 此 大 員

為最初下手,起修之方便,然後得入三摩地, 此又是一意

法

通 要諸聖各說 通 門也 故諸 初問 。我先要阿 聖依之而修 :二十五門, , 因地依修之法 難 , , 皆證圓通 誰為圓通?意以二十五門,偏該諸法,頭頭是道 詳擇 , 親證實到 根者,因對機故作是說耳 。 二 問 : , 並非空談無驗也 從何方便?意以歸元 0 0 初佛問諸聖竟 足顯聖性 無二, 無不通 方便多門 , 法法皆 非 0 必 唯

雞園 時憍陳那五 塵 五根圓通 ,觀見如來,最初成道,於佛音聲, 香嚴 眾說本因 香塵 比丘 Ξ 六 四 分二 • 識圓通 藥王味 即從座起 丑初 塵 四 諸聖略說 五 , 七大圓通 頂禮 跋陀觸塵 二 觀音廣陳 佛足 寅初 六 • 分六 悟明四諦。 而白佛言 迦葉法塵 卯初 丑初分四 陳那聲塵 :我在鹿苑及於 今初 寅 初 六塵圓通 優波色

成 林 或五 林 陳 中 那 芘丘 ·有雉 <u>F</u>i. 比丘與鹿苑 ,有在此修道 雞 , 以羽漬水 , 解見第一卷, ,故與鹿苑並舉之。觀見如來 , 以救其焚 , 顯見不動科中 因 是命名 0 其地鍾 0 雞 ,最初成道之後 園智論云:昔因野 靈 , 依此 而 修 ,說法度 , 道業! 火燒 易

居先 生 為可修性 有逼迫性 , 為我等三轉四諦法輪,我於佛音聲之中,悟明四諦之理,即悟苦是生死苦果 後以耳根殿後者 ;集是煩惱苦因,是招感性;滅是涅槃樂果,為可證性;道是出世樂因 0 佛借音聲以作佛事 ,以此方真教體 , 我於音聲而得開解。 ,清淨在音聞故 六塵應以色塵為首 也 0 又別對阿難之機 ,今以聲塵

### 佛 問問 ,得阿羅漢 比丘 我初稱解 如來印我,名阿若多 0 妙音密圓 。我於音

若多, 生之法 照法界。我於音聲,為本修因,悟明真理 此云最 , 其相雖妄 初解 , 0 其性 佛問比丘解不?我初稱解 我所解非他 恆真 , 為妙覺明體 , 即佛微妙法音。音之所以稱 ,得阿羅漢道 0 其體 如來印證我 秘密 , 無形無相 最初解 妙者 , <del></del>其用 悟聲塵乃是緣 周 圓 , 徧

此述悟圓

得證

0

0

,

,即命名為阿

# 佛問圓通,如我所證,音聲為上

此結 答圓通 , 從聲塵得證 , 即以音聲為上

#### 卯 優波色塵

大佛

頂如來密因脩證了義諸菩薩萬行首楞嚴經講義第十三卷

道 • 觀 不 淨 相 • 生大厭離 • 悟 諸 色性 • 以從不淨,白骨微 塵 歸 於

虚空,空、色二無,成無學道。

無 化 散 胖 障 觀 四 脹 念處之一 為微 想 , , 併 以 想 Ħ. 優波尼沙陀 室亦 八 塵 能 對治之, , 悟 ` , 微塵 無 白 , 性 ` 青瘀想 骨 觀身不淨也 0 故 遂於此 以從 遇 想 , 日 此云色性 風 , 空 、 九 , \_\_ , 不  $\equiv$ 淨 身 ` 色二 吹 燒想 ` : , 0 生大 颠 壞 空 指 優 無 散 想 此 0 0 波 我亦觀 此 色身 厭 ,終歸於空, , 雖 因 中 四 離 屬利 此得成無學之道 -但云白 0 , 悟諸 佛最初成道 Щ 以從種 根 塗 , 骨 想 色性者:以其根利 煩惱障 即 字不淨 微 , 色不 五. 塵 者 ` 重 膿 以遇佛之早故 可 : , , 乃至 裑 爛 微 性多貪慾 想 塵 , 無色不能顯空 即 死 , 是 六 ,修觀 後 燒 ` , 蟲 作 , 想 0 之後 故 九 噉 觀 , 佛 想 燒 想 不 教 骨 觀 淨 , , 非 非 修 七 相 成 但色 灰 但 不 ` 分 離 乃 淨

如 來 即 我 • 名尼沙陀 , 塵 色既盡 ,妙色密圓 0 我從色相 • 得 阿 羅

漢。

密 色 周編法界大用圓滿曰圓 即是性色,全性成色, 如 ·來印證我名色性空。塵色既盡:即上空、色二無,妄相既盡,真性斯顯 ;我從色相 全色皆性,不必析色歸空,色色皆如來藏 為本修因 得成阿羅漢道 。此理秘密曰 妙

,

,

#### 佛問圓通 • 如我所證 • 色因為上 0

此結答圓通。 如我所證圓通,以觀色塵為因地心,即此色塵為上

### 卯三 香嚴香塵

### |嚴重 字 即從座起,頂禮佛足,而白佛言:我聞如來 • 教我諦

#### 觀 **,諸有為相** 0

照觀 年齡幼稚也。 察 香嚴 , 世間 童子 起座禮佛,白佛言:我聞如來,教我諦觀,諸有為相 一切 ,觀香塵而得道 , 有相有為之法,即因緣所生法也。如 , 以自性真香 , 莊嚴法身。 《金剛經》 童子者:童真入道 所云:「 諦 觀者 凡所有 以智 並非

### 我時辭佛 , 宴晦清齋 見諸比丘 ,燒沉水香, 香氣寂然 • 來 入鼻

相

也

此所

有相

,

皆是虚妄

,非真實常住法

大佛

#### 中 0 我 觀此氣 • 非 木 非 • 非 煙、 非火、 去無所著 • 來無所從 •

## 由是意銷,發明無漏。

從木來 耨達池 亦非從 緣 氣 氣寂 香 室 0 鼻無 不聞之時 我當 然者 此 即 煙有 邊 香 齋 , 所 以徒 乃斫 時 : 心 , 出沉 偶 無形 聞 潔己 , 教辭 木不燒 香樹 以寂然來入 ,香氣 根 水香 無聲 , 塵 佛 清脩 ,著地經久,外朽心堅,置水則沉 雙泯 ·,名蓮 去無所著 , , 0 退而自脩 香氣安能遠達 來入鼻中 觀行之室。今人宴居之室 (,意識) , 華藏 其鼻並不蒙煙 ,正聞之時 | が 銷 : 0 ,若燒一 宴晦者:宴然安處, 我則即境修觀 , ;亦非從空出 根塵識空 丸 ,香氣來無所從 ;亦非從 ,普熏閻浮, , , 發明 ,亦多名齋 火生, 以香氣 , 以空性常恆 , 無漏 故以名焉 晦跡韜光。 為所觀 以世 據此則鼻不蒙煙可 , 當體空寂 間 0 見諸 .諸 境 0 香氣 清齋者 火 , (華嚴) 觀 比 , 由 丘 本不出 不常有故 此 是香既不 香氣 , 知 云 燒沉 清淨 生香 非 香 阳 水 齋

#### 如 來 印我 • 得香嚴號 • 塵氣倏滅 • 妙 香密圓 0 我從香嚴 • 得 阿 羅

#### 漢。

如 「來印證我,得香嚴號。塵氣即香塵之氣,倏然 (晦之) 消滅。 妙香者 ,自性真

,體不可見曰密,用乃徧現曰圓,我從香嚴,得阿羅漢道

# 佛問圓通,如我所證,香嚴為上。

此結答圓 通 , 如我所證 , 以香塵為本修因 證入圓通 乃以香塵為上

卯四 藥王味塵

能偏知 Ħ 木 足 王、藥上,二法王子,並在會中,五百梵天,即從座起, 、辛等味 • 金 而白佛言:我無始劫,為世良醫 石 • • 並諸和合 名數凡有十萬八千, ,俱生變異,是冷、是熱,有毒 如是悉知 • 口 中嘗此娑婆世界 • 苦 、 酢 無毒 鹹 頂禮佛 • 草 淡 悉 • •

有佛 勒 諸 藥 , 號瑠 奉  $\dot{\exists}$ 璃 藏 光 大眾 , 比丘 , 願我來世能治眾生身 宣佈 正 法 0 時有 心兩 長者 病 ,名星宿光 , 舉世歡喜 7,聞說: 立名藥王 法故 , 將 一;其弟 阿 梨

藥王

、藥上俱稱法王子者,以能紹隆佛種

,堪承法王家業故。若究遠因

過去

名電光明 以 ·醍醐上味之藥,供養佛僧,立名藥上, 此得名之深因也。五百梵天

是其同行眷屬。

草 法 如 性 甜 乃至何者為辛等,並知 醫 是則 ,化導人心,改惡遷善,返迷歸悟也。 , ٥ 能治熱病 黃 木、金、石 徧 我 嘗諸藥 連 無始劫 世 生來便苦 .無難醫之病 下 **;誰是熱性** , 四 П .類,名數凡有十萬八千,如是悉 中嘗此娑婆世界 自陳夙因 **,** \_\_ ,人無不活之命 ,孰為和合性,以多藥共治一病;孰為俱生性, 藥 ,能治寒症 可治 。為世良醫:善識病源 病 , ;孰為變異 顯嘗藥濟眾 孰為有毒 此善治身病也。 , ` 如脩煉 無毒 即在 (毒)知,何者為苦, , 善能治病 此土 , 至於善治心病 炮炙 可 甫 0 不可用 種 ,藥到病除 方有 **.種之藥雖多** 功效 如甘草生來是 , 悉能 何者為 ,則宏宣佛 ; 誰 , 方稱<sup>2</sup> 徧 不出 是冷 知 酢 良

### 承 事如來, 了知味性, 非空、非有, 非即身心,非離身心 分別味

# 因,從是開悟。

承事 如來 ; 即 本師釋迦,二法王子,久於此界,修大乘因 ,如來成佛以來 , 久

與舌 者 藥不能自知苦等諸味, 故 經 無量 由是分別味塵之因,既無定體,又無從來,惟是幻妄名相 識 故 雖 然味現 动數 仍 以味 諸藥不來 ,來此娑婆世界,已八千返,師資夙緣所在,故得承事。因宿習不忘之 塵 , 實無體 為觀 ,舌之與識 ,而能了知味性,非空有即離 故非離身心 性 , 故 罪有 ,不自現苦等諸味 , , 此後觀察 此初起覺心, , 知其無從也。 0 故非即 了其無體也 也。舌與藥觸 身心 分別 ,其相雖妄 ;舌與舌識 身 , 熾然味 味因 、 心 , , 從是開悟 即指 不嘗 現 ,其性恆 ,故非 舌 , 根

#### (佛如 來 印我 足季 • 藥王 、藥上二菩薩名 。今於會中 為法

# 子,因味覺明,位登菩薩。

真

從是開

悟

味

塵本如來藏

,妙真

如性

乃外子 指過去蒙 此 乃如 觀行已成 來鑑機 因 佛 味 , 下指 覺明者 ,圓解又開,得蒙如來 , 因其願 現在得果 因觀 行 , 味塵 立其嘉號 ,今於如來法會之中 , 從淺至深,圓悟本覺妙明之真性 0 ,印證我昆季(zè),藥王、藥上二菩薩名 菩薩 是自 、他兩利之人,解行相應之稱 , 為法王真子 , 權乘是庶子, ,躡解起行 由 乘

大佛

行而證,位登菩薩,此是真修實證也。

# 佛問圓通,如我所證,味因為上。

此結答圓通。 據我所脩所證 , 以味塵為本脩因 ,即此為上

## 卯五 跋陀觸塵

# 跋陀婆羅 並其同伴,十六開士,即從座起 • 頂禮佛足 而白佛

#### 言 :

菩薩異稱 此利他也 跋陀婆羅 , ;又名賢首 謂自能開悟 ,此云賢守,以賢德自守,此自利也;又云賢護,以賢德普護眾生 ī,位居等覺,是眾賢之首 ,復能開悟眾生之大士。 。並其同行道伴 同時起座 ,禮佛自陳圓通 ,十六開士 , 開 即

### 既不洗麈,亦不洗體 我等先於威音王佛 • 聞法出家,於浴僧時 ,中間安然,得無所有 ,隨例入室,忽悟水因 0

無量 ,將導 我等等其同伴 切。 要解云:以大音聲, 0 先於過去 , 威音王佛之時。 普編世界 佛稱威音王者 ,為大法王 ,說法無畏也。 , 《法華》 云 : 準 神智 《法

華經》 薩者,今此 家 復 同 信 時 , 此 從 也 從 , , 有二萬億威音王佛,相繼出世,跋陀當在初佛像法之中, 略 故 跋陀等初為慢眾 會中 也 得 聞 佛遺傳教法 ^ 《法華》 跋陀婆羅菩薩等 云:爾時常不輕菩薩者 ,常輕慢誹罵常不輕菩薩 , 發心出世俗家也。文中直言 是 , 則我身是 後見不輕神力, ;爾時 , 先於威音王 以與常不輕菩薩 四眾 自悔前 , 一佛聞 常輕是 菲 法 又 出

,

塵 現 觸 室 耶 , 又不洗體,根塵悉泯 正浴之時 四 於浴僧時 ?還是因洗體 大假合之體 ,隨例入室者:佛制七眾淨浴律儀,半月僧眾用浴一次,隨例入於浴 , 以水觸身, , , 而 本 現觸耶?若謂洗塵 屬 ,能所雙亡, 無情 覺有冷暖澀滑之觸 , 何能覺觸?故忽悟 中間安然,得無所有, 一
現 , , 塵本無知 由 是窮究此水,還是因洗塵 水因 , , 水 何 為 ]能成觸 欲覓觸塵之相 導悟之因 ;若謂 既 洗 , 了 不 不 體 而 洗 而 現

#### 羅 宿 習 無忘 妙觸宣明 • 乃至今時 ,成佛子住 • 從佛出家 ٥ ,令得無學 彼佛名我 • 跋陀婆

可得

相盡性顯

,

觀行成就

宿習 即指過去觀行熏習成種 , 在 八識中 , 歷劫無忘 0 按跋陀先於威音王 佛

觸宣 之根 深位 阿鼻 師 像 法 , 昔 出 明 地 家 與所觸之塵 緣 彼 獄 , 微 佛命我之名 復遇 因 受大苦惱 妙 觸 旗 急意 塵 承 教斷 , , 發生知覺 非 , , , 猶能宿 名 曰 輕賤不輕 有 惑 非空 , 跋陀婆羅 出 三界之家 習無忘 , , 是名 惟 ,二百億劫 藏性 為觸;今既不洗塵,亦不洗體 0 , 妙觸宣 守護善根 , 令得無學之道 隨心應 ,常不值佛 一明者 , 量 乃至今時 : 妙觸對妄觸 , 循 , ,不聞法 此非 業發現而 , 從 小 佛 而言 乘 無學 不見僧 出家 , 妄觸 , , 妄觸 宣 , 0 ; 千 明 乃是 既 此 盡 飹 有 佛 ·劫於 發現 證於 能 是本 妙 觸

# 佛問圓通,如我所證,觸因為上。

也

成佛子住

者

即證菩薩位

位

居等覺

,

是佛真子

堪紹佛位也

此結答 圓 通 佛問 1我圓 通 , 如 我所證 ,乃以觸塵為導悟之因, 昔以觸塵觀行薰

,後得妙觸宣明,故以觸因為上

## 卯六 迦葉法塵

### 摩訶迦葉 ,及紫金光比丘尼等 即從座起, 頂禮佛足 • 而白佛言

餘 光故 痙 訶 本名 迦葉 1畢缽羅 ,此云大龜氏 乃是樹名,父母禱此樹 , 姓 位,揀 異餘 后 生 迦葉 ,故以名焉 。又云大飲光,以尊者身光 。 紫金光比丘尼 , , 映蔽 即 其

婦也,同時發心出家。

#### 以來 屬 我 於往 • • 佛滅 同時發心 • 世 劫 世生生 度 • 後 於此 o • 供養舍利 ,身常圓滿紫金光聚;此紫金光比丘尼等 界中 , 有佛出世 • 然燈續 • 朔 名日月燈 • 以紫光金 • 我得親近 • 塗 佛 形 像 即 • 聞 • 法 我眷 自 脩 爾

清涼 天上人間 養 具 月 含利 燈 , 此自述 故 明 , 號 喻 佛 0 梵語 i 日 月 真智 0 往 為 此 世 舍利 燈 照理 佛 因 明 以三 福 0 我 田 , 0 ;燈能畫、 在往昔 此 我得親近 智立名 令恭敬禮拜供養者 云 [靈骨 , 於此娑婆世界之中 日能照晝 , , 夜並照,真、俗無礙 由 為佛常隨眾 佛 大悲 ,令人作務 願 , 皆獲 功 , 聞 , 碎 法 福 ,當時有佛 脩 故 金 , , 學 喻俗智照事 剛 0 喻 然燈續明者 不壞之身 , 中智雙照 佛滅 , 應機出 度後 ; 月 , 理 而 , 現於世 事 感 能 然燈供養 為 佛 。佛三 照夜 舍 深恩 利 , 令人 智圓 名日 流 以 供 布

大佛

頂

恆愛樂 塔像金壤 續日光之明,併以紫金光,塗佛形像。灌頂 同成功德 , 據此則紫金塗像 ,時有貧女,對像感傷 0 金師歡喜 , 治瑩佛畢 ,另一因緣 , 有欲脩治 誓為夫婦,九十一劫 ,或翻譯脫漏毘婆尸世之文 《疏》 ,愧無資財,後丐得金錢,倩匠為 引《付法藏》云:毘婆尸佛滅後 ,人中天上, 身恆金色,心 薄

我觀世間六塵變壞 心,有二意:一指過去同時發心, 不違所願。 如彈指 自 爾 以來:即自爾時 此紫金光比丘尼,亦隨願感報,與迦葉為夫婦,故曰即我眷屬 • 唯以空寂脩於滅盡 ,塗像以來 脩治佛像;一指今生同時發心 0 世世生生,身常圓滿紫金光聚:依因感果 ,身心乃能 • 從佛出家 度百千劫 。同時發 猶

0

無常 者 法塵托意識而現,念念遷變壞滅 迦葉正觀法塵。而言觀六塵者, 半分染末那 當體空寂 修滅 ,亦復不起 盡定; ,故曰盡 此定能滅六識 ,剎那剎那 以法塵是前五塵落卸影子,故並言之。 ;唯留七識半分淨末那, ,不起 ,不得停住 分別 ,能空法塵 。唯以空寂者:既變壞 以持定故 , 故 É 滅 ,入此定 變壞 能 盡

者 , 身心乃能 ,度百千劫, 猶如 彈指 頃。 迦葉現在雞足山中 ; 待彌勒下生傳 衣

即入此定

#### 我 以空法 成阿羅漢 0 世尊說我 • 頭陀為最 • 妙法開明 • 銷 滅諸

漏。

故能 最 別 法也。 0 梵語 開 我 悟法性 以 法塵 空觀 頭陀 | 既銷 ,銷滅 ,了明藏 , 此云抖擻 , 法塵 根識亦盡 心 ,即上我觀六塵變壞 , 以能抖擻法塵故 銷滅諸漏 ,結使隨斷 ; 約 羅漢之迹 ,故得成阿羅漢道。世尊說我, 0 由我生滅法塵既滅 , 唯 以空寂 , 祗破我執 , 此但結言 , 約證 , 微妙法性現前 圓 而已 通 , , 頭陀為 非另有 法 執亦

# 佛問圓通,如我所證,法因為上。

此結答圓通 如我所修所證無他 , 惟 以法塵為本修因 , 最為其上。初六塵圓通

竟。

寅二 五 根圓通 分五 卯初 那律眼根 槃陀鼻根 憍梵舌根 四 畢陵

大佛

頂如來密因脩證了義諸菩薩萬行首楞嚴經講義第十三卷

身根 五 空生意根 今初

雙目 眠 阿 那 , 律陀 如 來訶 • 我 即從座起,頂禮佛足, • 為畜生類 0 我聞佛訶 而白佛言:我初出家 • 啼泣自責 • 七日不眠 • 常樂睡 • 失 其

0

陳白 失明 責 日 飯 : , 業障深重 供養辟支佛,感九十一劫,不受貧窮果報,得如意樂,是佛堂弟 阳 本 咄 那 卤 律陀 咄 , 言我 何 為睡 ,七日 亦云阿奚樓 初 出家時 , 螺 七夜, 獅 蚌 陀 , 不許睡眠 蛤 每 , 類 或云阿泥樓豆 於聽法之時 **,** 睡一千年 , 遂 雙目失明 ,常樂睡眠 , ,不聞佛名字 此云無貧 ;目以睡為食 如 ,又譯如意 來訶責我為畜 0 我聞 七日 0 佛 0 過去劫 起座禮! **示眠** 訶 生 , 啼泣 類 以稗 所 佛 0 自 偈 以

#### 然 世尊示 如觀掌 我 • 果 樂見照明 0 如 來印我 , 金 • |剛三昧。 成阿羅漢 我不因眼, 0 觀見十方 • 精真洞

•

佛 見阿 那律陀 ,聞訶自責 , 精進 失目,喜為可教之機 示以明不循根之修法

之心光 得金 塵 日 樂見照明金剛三昧 剛 故 三昧 ,照能見之見性 有流轉 0 阿那律陀 ,若見性 . 樂字去聲,好也,見有見性見塵之別,若見塵,是出流循 , ,是入流旋根,獲得無妄。故佛教以好樂見性之法 依教勤修 照之又照, 遂發半頭天眼 照到本明自性 , 無動 故曰我不因 無壞 , 突開 . (也) 浮 金剛 ` 勝二 IE ,旋本有 眼 種 , 名 眼

得 洞 天 達 眼 無礙 精真洞然,如觀掌果者:此明半頭天眼之功能,精即樂見之見精,旋妄復真 , 觀見三千大千世界, , 故 **| 喻觀大千,** 如觀掌中之果 如觀 掌中 0 , 阿那律陀 菴摩羅果 , 則 於淨名會下告螺髻梵王曰 天人報得天眼 , 豈能與尊 : 我

根

而能觀見十方世界,

此即

靈光獨耀,

脫離內根也

# 佛問圓通,如我所證,旋見循元,斯為第一 o

者

較左右耶?如來印證

,

我成阿羅

漢道

壞 彼 元明之真 不 此結答圓通 ·能見塵 見 , , 脫黏 世尊教以旋見亡塵,不 如我所修所證 內伏 , 此合覺也 ,即是旋彼出流之見精 ٥ 此中 必見塵 佛所授之三昧 , 循元脫根 遠離塵累 , 不必用根 因 阿那 , 律陀 此背塵也 ,正對機設 正 憂 ; 循 根

教,因病與藥也。

## 卯二 槃特鼻根

# 周 利槃特伽 ,即從座起,頂禮佛足,而白佛言

生產 第二次要分娩,應當早歸,又是倉卒不及,於小路邊生子,名曰繼道,相繼乃兄 周 , 當 利 回母家,第一 此云道生 , 槃特伽此云繼道 次欲產 , 回家時促 ,其母兩度隨夫出 ,行至半路 ,於大路邊生子, |國 , 西域 國 風 遂名道生 女人若要

於道路而生,故名繼道。從座而起,頂禮白佛。

#### 我 、闕誦持 無多聞性 • 最初值佛 ,聞法出家 , 億持如來 • 旬 伽

陀

, 於

一百日

,得前遺後

•

得後遺前

0

藏 **涇沙門**, 我闕少諷誦憶持,無有廣學多聞之性。 有五 三百弟子,三藏悋惜經義 ,不肯訓導 《譬喻經》 , 因此故感愚鈍之報 云:槃特於迦葉佛時,為三 以宿善故

與佛 惡 莫惱世間諸有情,正念觀知慾境空,無益之苦當遠離。」 訚 上 生 一 世,最初值佛 , 聞法出家 0 佛制出家 , 先學伽陀四句 此偈之意,出家須要 : 身語意業不作

句伽陀 除 自殘?仍現佛身,而語之曰勿怖,成無上覺,不由汝兄,佛乃以手,牽至靜室,指 家 前 脩持三業,莫惱眾生,看破五欲,勿學外道,空修無益之苦行 掃帚云 斥之曰 亦亦復 不也」 ,其地 四字 無用 : , ,即第一句 清淨 迦葉佛時 五百羅漢 此是甚麼?答曰:「掃帚」 0 佛 , , :即教日夜誦掃帚 遣令還俗 ,日夜將這一 ,卿作三藏,弟子五百,悋法不誨, ,於一百日之久,記得前四字,遺忘後三字,記得後三字,遺忘 ,同教一偈 0 槃特 把無相掃帚,掃來掃去,將心地塵垢 聞已 ,既久佛將掃帚二字, ,不能成誦 ,遂持繩至後園 。又問曰:「掃帚二字能忘記不?」答言 。其兄先出家入道,見其弟如是愚鈍 樹下 更名除垢 故獲斯報 , 欲尋自盡 。槃特億持如來 。槃特思念 , , 掃除盡淨 但當自責 0 佛化樹 灰土掃 神 , 何 , 出 為 而

# 佛愍我 愚 教我安居,調出入息,我時觀息,微細窮盡,生住異

# 滅,諸行剎那。

誦 亦屬 此奉教調息 散 亂 所 致 佛愍我愚鈍 故佛授以調息之定,調鼻中出息與入息也。 , 教我安居靜處 , 調息攝心 愚鈍 鼻中氣息 |雖由悋法遠因 有 四 種 闕

後便 其 息 調 相 剎那有九百生滅 異 息當離 心豁然 , 窮 微 有 , 已 其 細 聲 斷 生滅 窮 風 曰 H 盡 風 • 氣 滅 四句 , , 得大無礙 結滯 定深 0 ` 喘三 0 諸行 , 窮息至此 我 更能窮盡 白氣 於爾 相 , 即 , , • 出入不盡曰喘 四 而 時 乃至漏盡 ,可謂極微細矣!此似《六妙門》 相遷流不住 幽綿自在 , 生 秉教觀息 ` 住 ` , 異 此 , 不 • ; , 工夫純 剎那 似六妙門 成 ` 滅 聲不滯出入俱盡 阿羅漢 四 , 時之最 熟 相 , 前 , 心 初 0 短也 漸 起 住佛座下 一門數隨止 微 曰 生 曰息 細 ,後三門觀還淨也 0 , , 念有 不 先 0 按天 斷 帷 也 九十刹 調 日 • 台止 住 其 印成無 畄 我 那 漸微 時 觀 入 觀

阿羅 念 ,念性本空, 漢 此 開 悟得 住 佛 座下 果 豁然開悟 0 其心豁然者 蒙佛印證 , 貫 通諸法 成無學道 即窮 盡 , 得 鼻息 2大無礙 處 , 諸 , 乃至界內欲有無明三漏先盡 行 惟 在剎 那 , 剎 那 無體 , 惟 , 成 在

#### 佛 問圓 通 • 如 我所證 • 反息循空 • 斯 為 第 0

,

此結答 圓 通 如 我 所證 , 即奉教調 出入息 0 反息: 即鼻根 不緣外塵 反觀息

陰、界,前則闕誦,後竟得果,斯鼻根為本修因,最為第 相 ;循空:即窮諸行空,循順空理,此背塵合覺也。 所謂出息不涉眾緣,入息不住

#### 聖 憍梵舌根

劫

輕弄沙門,世世生生,有牛呞病

0

### 僑 梵缽提 , 即從座起 ,頂禮佛足,而白佛言:我有口業 ,於過去

佛以憍梵缽提有此舌病,敕居天上,免人譏誚遭墮。來入法會時,令含念珠,可以 懺 齒 此 悔 一而食 乃宿業之報 憍梵缽提,此云牛呞,牛食之後,恆常虛嚼,口則磨來磨去,尊者之口如之, , 笑其如牛喫草 自亦知非 ,故白佛言 ,雖經懺悔 ,此老比丘 :「我有口業 ,世世生生,猶感牛舌之報 ,即告之曰:「我證阿羅漢道 ,於過去劫 ,輕弄沙門。」 0 故曰 : , 汝犯 因見老比丘 「有牛  $\Box$ 過 呞 病 應當 , 無

#### 知 如 來 非體非物,應念得超, 示 我 • \_• 味清淨 ,心地法門 世間諸漏 ,我得滅心,入三摩地, 觀味之

0

遮謗

天人有宿命通

,知其感報之因,不敢謗毀,故令居焉

•

# 大佛 頂如來密因脩證了義諸菩薩萬行首楞嚴經講義第十三卷

雙離 物 光 棄 甜 本元 生 味 , , |滅也。入三摩地,有修證之分,此是修中三摩。 淡 者 以舌若不嘗 觀 ì 空有 此 照嘗 如 地 ` 非甜苦有味之味 來因機施教,欲令就路還家 味 中 塵 味 依 之修習 道 , 而 知 沙味 性 , 物 起分別 , 不自知 非生於舌根自體 , 是為 可 ,非淡然無味之味 ,得滅攀緣識心 成三 ;由悟根性 味 昧 0 , 清淨心 故稱 , , 故示 , 以外物不來 法 脫 地 ,塵既不緣 菛 根 以一 ,但令反觀根性 , 0 離塵 離 我 味清 塵 得滅心 脱根 , ,舌不成知 所以應念得超世間諸 如何修法?但用根性 , 淨 根無所偶 ?,心地 , ,入三摩地 反嘗自性 ,不觀甜淡等塵 法門, ;又非 , 識心 , 從舌 者 出於甜 味 我 清 滅 漏 , 根入也。 本有知 大 淨 惟 苦等 此 此 不 , 即 即 智 即 循 觀

守於真常,常光現前,根塵識心,應時銷落也。

#### 內脫身心 • 成阿羅漢 外 ,如來親印, 遺世界 • 遠離三有,如鳥出籠 登無學道 • 離垢銷塵 • 法眼清

遺世界 內 脱 争心 由上觀味之知非物 由 上觀 味之知非體 ,悟舌性非干味塵等物 , 故悟舌性 , 非 關 故能器界超越 舌根自體 , 故能情 0 又由前應念得 界 脫 纏 ; 外

塵 通 迷 超 時 , , 世間諸漏 識 真墮妄中 情 解根塵麤 為垢 ,故得遠離三有 (專三) ;二俱遠離 三結 籠喻三界五陰,今既解行相應 ; 離垢銷塵 , 則 汝 , 法 法眼清淨, 眼 0 上既根塵俱脫, , 應時清明 解後細三結 ,離妄證真 。 \_\_ 成大阿羅漢 情器雙超 0 ,故如鳥 即 四卷末云 , 如鳥出籠 , 破 出 .... 無 : 明 0 想相 此 , 鳥 證法 按 員 喻 為

### 佛問圓通 • 如我所證,還味旋知 ,斯為第 o

身

如來親自印證,

登大乘無學之道

此結答圓 通 , 如我所修所證 , 以舌根為本修因 , 還復一味,清淨之心 , 旋轉循

塵,黏妄之知,以斯舌根,最為第一。

## 卯四 畢陵身根

#### 畢 陵伽婆蹉 ,即從座起, 頂禮佛足 ,而白佛言 0

失笑 神 小 弹斷 畢陵伽婆蹉 佛言: 流 , 實無慢心 神 雖 , 此云餘習。 為 斷 , 因河 懷瞋白佛 神過去為其婢女 過去五百世, 0 佛令向神道歉 為婆羅 乃餘習耳 門 遂合掌向日 , 性多憍慢 每過 小婢莫瞋 恆 河 !眾皆 呼 河

,心思法門,不覺路中,毒刺傷足,舉身疼痛!我念有知,知此 初發心, 從佛入道,數聞如來,說諸世間,不可樂事 。乞食城

深痛 ,雖覺覺痛 ,覺清淨心 ,無痛痛覺 0

樂事 痛 能 中 箘 是發悟之好機緣也 刺 中 [能知覺者 :痛著此覺心,此為無痛之真覺。後三句,交師云: 「 雖 雖有能覺之心,覺此深痛,此乃有痛之妄覺,而我本覺清淨之心,實無有痛 心思法門:即觀苦諦,行、住、坐、臥,不離觀法。只顧作觀,不覺路中有毒 而 我 信步行走 ,即四諦中苦諦 身根 初發心出家 中無分別清淨覺心, , 知 致傷其足 八此深痛 , 。我念有知 從佛剃落 ,如來對 , ,毒入身中,舉身 遂即立定腳跟 ,得入出世之道。 7小機眾生常說, 本無所覺之痛 知此深痛者:正當毒發,疼痛 ,觀察此知痛者是誰?由是而 (身) 疼痛 ,與能覺之痛覺 故得數聞 數 (音率) , 聞如來 ,聞已依教修觀。乞食城 正觀苦諦 有能覺之心 也。 之時 ,宣說世間 , 我念身中 忽遇苦事 知 ,與所覺之 身根之 , 不可 有 乃

我又思惟:如是一身,寧有雙覺?攝念未久,身、心忽空,三七日

### 中 諸漏虚盡 ,成阿羅漢 ,得親印記 ,發明無學

0

空。經三七日之久,諸漏悉皆虛盡,純一 覺痛之身識 之妄念結 身 有 此思惟非識 知痛之覺 成疑 。忽空者,由真覺之力所鎔 團 , , ,乃屬 又有清淨覺心之覺,如是一身,寧有雙覺耶?攝念者 隨順 無痛之真覺,未久之間 於智,即八正道之正思惟。一人一身,應只一覺 , 本覺 疑團打破,真純妄絕,如湯消冰 ,清淨真心,永離虛妄 ,身心忽空。 身是疼痛之身根 ,成阿羅漢 , 收 , , 故曰忽 攝 為何現 心 知 是 痛

# 得親印記,發明無學,同上所釋。

佛問圓

通

•

如我所證

,純覺遺身

•

斯為第

0

此結 答圓通 如我所修所證 , 純一本覺,遺妄身心,以斯身根 , 為本修因 最

為第一。

## 卯五 空生意根

須菩提 自憶受生, • 即 從座起, 如恆河沙 頂禮佛足, , 初在母胎 而白佛言: • 即知空寂 我曠劫來 ,如是乃至 • Ļ , 十 得無礙 ·方成 •

# 空,亦令眾生,證得空性。

得宿命 得無礙 得空性 善且吉 屬 空 在 留自利 母胎之中 , 而 須菩提譯空生 悟法空 通 即人空、法空 從佛出家後 心 遂名善吉 , 郎 無有隔胎之迷,此敘遠本也。 , 意根 即 , 十方世界 知四大本空, ,初生之時 , 無礙 未久寶藏復現 , ,真如自性 自行化他, 鄭空也 , 森 , 羅萬法 五蘊非有,當體空寂。如是乃至,出胎之後 其家寶藏忽空,其父大驚!為卜吉凶,得 0 , 廣為眾生,宣說 ,又名善現 自憶受生 此屬利: , 悉皆空寂 初在母胎 他 , 如恆 0 起座頂禮白佛 ,同深心菩薩 河沙 人、法二空真如 , 即知空寂 : 極言多生 : : ,人法雙空境界 我曠 此生 ,亦令眾生 , 隨 喻 也遠 如 相受生 劫來 恆 卦 (,由人 沙 , 既 證 此 初 此

#### 蒙 海 如來發 • 同佛知見 性覺真空 ,印成無學, ,空性圓 解脫性空 明,得 • 我為無上 阿羅 漢 0 頓入如來 • 寶明空

空 空生 性空真覺(大文中) **難悟** 人、 法二 ,悟得全空全覺,全覺全空 空,尚未了達 , 空性即是如 0 來藏 空性圓明者 性 , 乃蒙 如來 :謂此真空妙性 類發 性覺真

俱 空 不 見自 有 脫 證 同 不 -同偏空故圓 佛 , , 故 非 應 知 為 同 生 見三句:承 成 同 無上 大乘 佛 故能頓 乘 0 ;不落斷空故明 ,沉空滯寂 無學之道 佛 知 上雖得人、法二空, 入如來 無 知 , 0 ,被空所縛, , 第 無所 解脫性空者 , 不 義空 乘此妙悟 知 , 佛 : 尚有 非真解脫也。 寶明妙性 雖證空性 見 , 無 得證· 空在 見 , 大阿羅漢 , , 無所 故 , 真空性海 不住於空 如來印我 重觀空性 不 見 0 頓入如來, 0 , 印 , 既 , ,併空亦空 所證真空 不為空縛 成 É 無 頭同 學者 寶明 **|佛空** 0 , , 不礙妙 是 即 空海 如 其知 為 來 上文 解 印

#### 佛 問 圓 通 , 如 我所證 • 諸相入非 • 非所非盡 • 旋法歸 無 • 斯 為

•

相 也 盡 此 |結答圓 此 , 亦空 句 人、 也 通 法雙空 0 如 即能 我所修所證 所俱空 ٥ 非所 , 非盡 所謂 ,諸相入非:諸相即人相、 : 非 空 ` 所空滅 、即能空之空 痛愈藥除也。人、 , 所 非 法相 即所空之人 悉入於空 法未空 , 須假 法一 非 即

空智

人

法

雙空

空智亦泯

以意根無分別性,旋其虛妄生滅諸法,復歸本元覺性,第一義空,無字即第一義 旋法歸無,斯為第一者:此法非法塵之法,乃人相、法相、非法 (雲) 相之法,

空,欲證第一義空,惟斯意根,最為第一。

寅二 五 根圓通竟

楞嚴經講義第十三卷終

# 大 佛頂如來密因修證了義諸菩薩萬行首楞嚴經講義第+四卷

福 州 鼓 山湧泉禪寺圓瑛弘悟述受法弟子明暘 日新 敬校

識五 波離身識 六 目蓮意識 今初

寅三 六識圓通

分六

卯初

鶖子眼識

普賢耳識

Ξ

難陀鼻識

四

滿慈舌

如是受生,如恆河沙,世出世間,種種變化,一見則通,獲無障 舍利弗 ,即從座起,頂禮佛足,而白佛言:我曠劫來 ,心見清淨 ,

礙

0

化 六凡法界,善惡攸分,苦樂不等,四聖法界,大小差殊,權實有異,故曰種 色 )塵曰清淨 舍利弗 見則通者:祗要眼識一見,隨念分別,則能通達,了然明白, , 0 此云鶖子,起座頂禮白佛:我曠劫來,心見清淨:心見即眼識 如是指眼識清淨。受生如恆河沙劫之久,世出世間 ,凡聖染淨諸法 獲無障礙 ,不染 種變 , 不

我於中路 大佛 頂如來密因修證了義諸菩薩萬行首楞嚴經講義第十四卷 • 逢迦葉波,兄弟相逐 ,宣說因緣,悟心無際 必意識

計度分別,此顯多劫

,眼識明利

也。

0

歸告目 亦名中 法 我師釋迦牟尼。又問:汝師授汝何法,可得聞乎?答曰: 界 立 弟 : 相 , 諸 逐 故 四 舍利 () () () () () () 連 法從緣生 道義 曰 旬 弗 )亦悟 無際 依 次立 。 \_\_ , 初事 , 0 宣 二人率領徒眾 此 有云舍 , 四教 說因緣深義 諸法從緣滅 沙然梵志 四 句 ٥ 1利弗, 鶖 , 即大 子 。沙然歿後 /乘因緣 路逢 ,偈云:「 , , 聞 我佛 投佛出家 , 馬勝比 便悟 大沙門 , 天台宗 , 圓 因 無師 丘 ,今云逢迦葉波者 理 緣 , , 常作 威儀 , 所 可 , 圓 藏 生法 事 理 :如是說 , 庠序 即是藏 通 , 我說即是空;亦名為假 日於中 , ` 即趨 我初入道 別 0 心 含利 ` , 或同 問 ·路 , 圓 故曰 聞已 汝師是誰 四 逢三 時 教 , 所遇 祗記得因緣之 悟 , , 心 即 即 迦 葉波 得 ?答曰 依 , 非 周 初 此 名 獨 果 徧 偈 , 兄 法 面

#### 從 佛出家 • 見 覺 加圓 • 得大無畏 • 成阿羅 漢 • 為佛長子 • 從佛口

# 生,從法化生。

人

彼

此

互

出

耳

礙 尚 既 聞 未 勝 朗 圓 法 , 今 , 乃 則更承 知 師 亦 佛誨 非常 0 識精明圓 遂 從 佛 出家 ,得大自在 見覺亦 眼 具四 識 也 [無畏 向 , 者 為接樂小之儔 眼 識 , 雖 得 無

佛 權 取四  $\Box$ 生 **一,從法** 果,成阿羅漢;欲伏邪外之眾,示居智魁,為佛長子,乃以智德居長也。從 [化生者:非說色身,乃指法身,從佛聞法,而得悟證法身 如從佛口

生也 在教法中,常承法乳 ,長養之力,是從法化生也

## 佛問圓通 • 如我所證,心見發光,光極知見, 斯為第 0

來 也 智光 乃不捨大悲,倒駕慈航 此結答圓 極處, 通。如我所修所證,心見發光 徹佛知見 ,斯眼識最為第一。 則知七日通達佛法 ,即由眼識,而 他經云:「鶖子過去,已成金龍如 ,半月得證聖果 成 無障礙智 ,皆示現耳 , 光即智

# 卯二 普賢耳識

# 為法王子,十方如來,教其弟子菩薩根者,修普賢行,從我立名。 普賢菩薩 即從座起 0 頂禮佛足,而白佛言:我已曾與恆沙如來

得證位之深,以為法王真子,位當等覺,可以承紹法王家業也。《行願品》云:「一 已曾 興恆沙 此自述遠因 如 來 。普賢菩薩 , 為法王子 :行彌法界曰普 0 此顯事佛之多, , 位隣極聖曰賢 恆沙如來,悉皆 。起座頂禮白 承事 , 無空 佛言 過 者 : 我 故

者 切 如 , 即 來 圓 有長子, 頓 類之機,修普賢行, 彼名號曰普賢尊 即大乘法界行 十方諸佛如來,教其弟子, ,十大願王是也。 有大乘菩薩根器 此行從我立名者

有二意

、令行人有所效法;二

、令普賢有所加

被也

其成就 眾生 其處 世 尊 • • • **縱彼障深,未得見我** 我 心 0 中發明普賢行者 用心聞 • 分別眾生 • 我 ,我與其人,暗中摩頂,擁護安慰,令 • 所有 於 爾時 知 見 • 乘六牙象 • 若於他方恆沙界外 • 分身百 千 • • 皆至 有

皆至其處 遺 遠 權 識 0 , 計度分別 如 有 世尊我用 十 , -方世界 眾生 種 ;此菩薩利生念切 種 差別 心聞 , , 心中 便能 , 有 ,但用心聞 :心聞即耳 發明 無量眾生 分別 眾生 , 普 , 及時 賢行者 , 識 , , 即能 所 發明普賢行者 0 而應 有 惟 || || || || : 知 用 先悟毘盧性 見 0 耳 準 0 0 識 若於他方 然眾生知見不 《法華》 , , 隨念分別 我於爾 海 象是白象 恆 , 嵵 次入普賢行門 ,不假五俱意 河沙界之外,極言其處之 • , 乘六 有 表清白梵行之相 牙象 邪 ` 正 , , 分身百千 雖然在遠不 , 及獨 大、 小 頭意

量眾生 者 根 面 六牙表六度 普 現身安慰,令其增進 我 現 與其人 , 發明普賢行 群 :機咸 , 乘此為因, , 暗 應以 中 ,菩薩即現無量身 ·摩頂 無違 而到如來果地也。分身百千:極言其多, 成就、 , , 如 消其惑業 月當空 雙指有障無障 , , 除 , 而徧應之,此不思議之力用也。一 其障 影臨眾水 . ,皆得 難 , 冥中 , 成就 縱彼惑重障深 擁 ,普賢廣大行願心也 護 , 令不退 非定數也 , 轉 能 障 0 如 遇 身 有 無障 聖善 不 分 無

# 佛問圓通,我說本因,心聞發明,分別自在,斯為第一 0

普照 群 此結 .機 答圓 得 大自在 通 0 我上來所說 , 現前諸行 , 最初本因 ,莫不資始乎此, ,但用 耳識 故曰 , 斯為第一 隨念分別 0 能發智慧光明

## 卯三 難陀鼻識

#### 孫陀羅 道 • 雖具戒律,於三摩地 難陀 ,即從座起 • 頂禮佛足,而白佛言:我初出家 ,心常散動 • 未獲無漏 。世尊教我 ,從佛入 ,及拘

# 絺羅,觀鼻端白。

大佛

頂

如如

來密因修證了義諸菩薩萬行首楞嚴經講義第十

四四

卷

孫陀 羅 , 此 三云艷 , 是妻名 , 難陀是本名 此 云喜 , 連妻為名曰 「艷喜 0 因 一佛會

具戒 白 因 起 中 下 [機施 , 兩 動 律 有 難 日注視 陀 教 者心定不下 不 ·識者 言於 多人 0 及 ,鼻尖微有白相,令其注心一處 戒 , 拘 , 謂 加艷以別之。 雖 絺 然無缺 是佛來 羅 , 因 , 無定不能發慧 此云大膝 0 , 於定尚未時入, 起 是佛胞弟 座頂禮白佛言: ,是舍利 , 無慧不能斷 ,具三十相 弗 故曰於三 ,收攝散 母 我初出世俗家 莮 , 惑 , 同 摩地 短佛四指 , 動 為散心之機 故 也 未 , 心常 獲 , 從 無漏 ,身亦金色 散 佛而入出 0 動 0 故 # 0 散者心 佛教觀鼻端 尊 世道 教 若 我 入眾 攝 雖 乃 不

#### 界 初諦 • 徧 成虚淨 觀 • 經三七日 • 猶如瑠 ,見鼻中氣 璃 • 煙相漸 , 出 銷 , 一入如 鼻息成白 煙 • 身 0 心內明 • 圓 洞 世

慧 明者 句 煩 光明 、惱濁 我 應 身 初 接 , 故其狀 秉 煩惱 ιĽ 如 即 教 煙 既銷 鼻識 下 諦 如煙 觀 , 觀之既久, , , , 經 慧光迭發 以 ,昧者不覺 三七日 肉 |鼻同 煩惱 身 , 0 圓滿 見鼻 0 , 惟諦觀能見 內明 垂 洞徹 宁氣 盡 前 , 定成之相 煙 , 出 , 依報世界 相 入如煙 漸 ,視微若著 銷 , 定功 出入 言當 徧 既成 成虛淨 鼻息 知 0 煙 此 相 氣 , , 便能 竟成白相 漸銷 0 虚 由 一發慧 則 風 , 無礙 鼻息成白 火而 , 0 明 身 起 淨 即 心 鼓 兩 則 智 內

,皆慧光徧鎔所致,故得 內明外虛,猶如瑠 璃 , 內外 明徹

# 心開漏盡 , 諸出入息,化為光明,照十方界 ,得阿羅漢,世尊記

# 我,當得菩提

成大阿羅漢 首句藏心開顯 , 此轉煩惱成菩提之先聲。故世尊記我,當得菩提 , 諸漏俱盡 , 諸出入氣息 皆化 為智慧光明 ,即當來成佛也 普照十方 世界 得

# 佛問圓通 ,我以銷息,息久發明,明圓滅漏,斯為第 0

智慧光 息也 見氣 如 此結答圓通 煙 明 息久發明者 0 明 繼 圓 | 而煙相 ,不取齅、聞、鼻識 滅漏者 : 銷 漸銷 息既久 光明圓照十方, , 鼻息成白 ,定力愈深, ,而取觀息之功。我以銷息者;始而觀鼻攝心 故曰銷息 銷滅諸漏 並息亦 0 銷 銷 , 不僅見思,並滅塵沙無明, 息乃銷如煙之氣 ,諸出入息 稱性 ,而成白淨之 發 化 成為 惟

## 卯四 滿慈舌識

斯鼻觀

,

最為第

## 富樓那彌多羅尼子 即從座起, 頂禮佛足 • 而白佛言:我曠劫來

#### 才無礙 , 宣 一說苦空 • 深達實相 。如是乃至 • 恆沙如來 • 秘

# 門,我於眾中,微妙開示,得無所畏。

為說法 妙義 有 深達實相之理 義 遠劫之事 不礙真空, 無礙 滿慈子 能收廣義 辯 宣說苦空 0 , 能說諸法 辯 , 權實諸法 起座頂禮白佛 才有四: ,了知苦本無苦 ,納在數語之中;四、 : 對小機說 ,差別之義 ,隨宜能 ` 法無礙 , 自述遠因 小法;深達實相 , 說 苦即法身 , 通達 辯 , 能說 樂說無礙辯,隨順眾生好樂,善巧方便,而 無礙;三、辭 。我曠劫來, , 世出 法身即實相也 : 對大機說 世 法 無礙辯 辯才無礙:此由宿命通 **,** 大法;又正說苦空之時 0 名相 了 ,能以 知真空不礙妙有 無不 言 7 , 而含 知 能億 無邊 妙

自 將精微之義理 如是乃至 一根普利 、漏盡無畏 ,恆沙如來, , , 用巧妙之言詞 雨均 , 三 、 活也 說障道無畏 秘密法門:即大乘了義秘密深奧法門。 ۰ , 得無所畏者 對眾開示 四、說盡苦道無畏 ,人眾既多, ;分得 如來 根器不等 四 0 無 能於眾中 所畏 : 開 我於大眾之中 示日 作師子吼 微妙者 切智無

心無所畏,於法而得自在也。

#### 輪 世尊知 因師子吼 我 有大辯才,以音聲 ,成阿羅漢 0 世尊印我 輪 • 教 • 我 說法無上 **以發揚** 0 我於佛前 0 • 助佛 轉

法 數息竟授於塚人 輪 下度眾生 無畏 即 此 敘 也 輪 現 , ٥ 成 迹 師 說 阿羅 子 法 0 本 ٥ , 漢 吼 我於佛前 亦即 師 世尊 0 , 世尊印證我 法輪 群獸皆伏 , 知我 , 0 助佛 教我發揚者 有大辯· , 說法· 妙法一 が轉輪者 才 入中 宣 ; ; : 誠為 助揚佛化 教我觀機發揚 , , 邪 為 知弟莫若師 ` 無有 外歸化 , 代 Ē 轉法 0 , 慎 以 , 此 輪 (勿不淨錯施 因 舌 才而教育 0 識 因 師 , 子 吼 輔 於 0 以音 佛 爐 即說 化 聲

#### 佛問圓通 • 我 以法音 • 降伏魔怨 • 銷滅諸漏 • 斯 為第 0

滅結 使, 此結答 以及諸漏 圓 通 0 我以舌識 以斯舌識 , 說法無畏 , 最為第 , 即以法音,降伏三界諸魔,五陰怨賊, 銷

## 卯五 波離身識

#### 優波離 , 即從座起 • 頂禮佛足 • 而白佛言 • 我親隨佛 • 逾 城出家

大佛

頂

如如

#### 親 觀 如 來 • **六年勤苦;親見如來,降伏諸魔** • 制諸外道 • 解脫世

# 間,貪欲諸漏。

優婆離 逾 |城出家者 優波離此云上首 亦有 據傳說 1失職之咎,當然不安於位 , 嚴持淨戒,為眾綱紀故 佛為太子時 , 優婆離為東宮執事之臣 ,且無職可供矣,故即隨佛出家 。起座頂禮, 而白佛言;我親隨佛 0 及佛背父出家 但非國王 彼

所派遣,不在五比丘之列耳

祗恐貽 佛道 如來 H 道 父王 \_ 食 一 ,不回本國。」於是與太子隨行。 母后 親 觀 不起此坐。」 六年勤苦 顆 誤眾生 如來 。五臣同波離,與太子伴修,五臣先後離去,惟波離始終不離 ,不必憂念 ,六年勤苦者:太子剃除鬚髮已 , 以苦為道 0 親見 經四十八日 0 淨飯王派遣五臣 如來,降伏諸魔 , 故 不在雪山成道 波旬 《普曜經》 魔王 , , 制諸 同車匿往請太子回國 ,夢見三十二變,覺已恐怖 0 遂起詣菩提樹 外道者: ,將寶冠寶衣等,交車匿持回 云 : ·至伽闍 佛在雪山苦行 <u>П</u> 下 ·安坐 苦行林, ,太子曰 , 誓日 本可 故曰: 天獻 : 觀察閻浮 : 「不成佛 成道 麻 告 稟 不成 親觀 米

不動 提菩薩坐樹下,將成正覺 ,令女自見九孔二藏,八萬蟲戶,污穢不淨,嘔吐而去。魔怒親率魔兵,有欲 /。敕四魔女,令壞禪定,現三十二媚相,菩薩 身心,寂然

加害 ,亦無可奈何,此亦波離目覩之事,故曰親見

苦行 葉等 食已安然。如以醉象害佛,佛伸五指,現五師子,醉象伏地不動。又度優樓頻螺迦 多信仰 制 ,皆親見制諸外道也。 親見降魔制外,信出世之有益,厭世間之無常, 諸 外道 外道 )嫉妒 :此佛成道以後 , 屢欲害佛 解脫 ٥ ,如申日以毒飯害佛,佛自念我心無毒,自不受毒 世間 佛未出世,印度只有外道婆羅門教 , 貪欲諸漏者:此波離自敘悟證有由 深知貪欲 , 為諸 ,佛成道已,人 漏根本 因 親 既 觀

已深知,自然不著,故曰解脫。

# 身心寂滅 承佛教戒,如是乃至,三千威儀,八萬微細,性業遮業,悉皆清淨 ,成阿羅漢

至 漸次增進 此 述 秉 个教得果 ,大乘菩薩戒法。三千威儀:以行、住、坐、 0 承佛教戒 :即授以二百五十條比丘戒 , 此 臥四威儀,各具二百五 小乘。 **派**世。 如是乃

大、 識 法 支 十 所戒之法 -成一千 寂然;大乘制心 , 則 , 小 體 《成二萬一千,復配貪、瞋 兩乘之戒 性 菲 ,體性即惡,不待制止 對三聚淨戒,各一千則成三千。八萬微細者:以三千威儀 癋 , ,悉皆能持,清淨 以能引令作惡 ,故意識亦滅。此即由戒生定,定力既成,慧光斯發 , , 、癡、等分,合成八萬四千細行。性業遮業者 佛故遮止 犯則成業 無犯。身心寂滅 ;如飲酒食葷墾土等 , 如殺盜婬妄等 成阿羅漢者: , 是為性業 , 是為 小乘制身 遮業 ,配身口七 ,乃得人空 0 若所 故身 戒之 由 :謂 是

#### 我是如來眾 中綱紀 0 親印我心 ,持戒脩身 • 眾推為上 0

成阿羅

漢道

學 者 佛令稽查持犯, 此 我是 持 戒 云大乘制心之戒;是我密行 修身 如 來律中首領 , 處斷重 是我顯 , 輕, 迹 於大眾中 , 統領僧眾,維持律宗,故曰我是眾中綱紀 蒙 佛於大眾之中 , ,無念總持 能 以戒律, ,蒙佛親印我心戒清淨 推為無上。 整綱肅紀 . 如智論云: 統領  $\Box$ 綱 。 親 維 「長老優波 小 乘制 持 印我心 日 身之 紀

離

於五百羅漢中,持律第一」是也

### 佛 問 」圓通 ,我以執身, 身得自在;次第執心,心得通達 ,然後身心

# 一切通利,斯為第一。

持 通 中 達者:即悟明無作妙戒 ·,自然無犯。故曰:「一切通利。」得入圓通,以斯身識,最為第一。 並 此結答圓 並無違順 俱非等相 通 0 佛問 圓通 身得 ,既無所持之戒,亦無能持之心,然後若身若心,不待執 , 我以 自在 ;由外及內 (型)身識, ,次第以身識 執持小乘身戒 , ,身識不起,於觸塵 執持大乘心戒 心得

## 卯六 目連意識

優樓頻 大目犍連 螺 • 即從座起 伽 耶 那提三迦葉波,宣說如來 頂禮佛足, 而白佛言: • 我初於路乞食 因緣深義 我 (頓發 逢遇

# 心,得大通達。

故 兄弟三人, 那提江名 大目犍連,此云大采菽氏。起座頂禮白佛:我當初於路乞食,逢遇三迦葉波 優樓頻螺此云木瓜 近此江修故 0 宣說 林 ,依此林而修 如來 , 因緣深義 ; 伽耶 : 即 山 名 「因緣所生法 , 即象 頭 山 我 依 說 此 即是 山 修

亦名為假名,亦名中道義」 0 非取世間和合麤因緣相。 有云舍利,聞說因緣之

法 , 歸告目連 ,此目連自述,親聞所說。我頓發心有二義:一、 發心從佛出家;二、

發明意識 心, 即如 來藏 ó 故曰 : 得大通達 · 」所謂窮源徹底 ,了知全識全性 也

# 明,推為無上,成阿羅漢。

如

來惠

我

,

袈裟著

身

•

鬚髮自落

0

我遊十方

•

得無罣礙

•

神

通

發

通 髮 2自落 , 發 既聞法已,仰慕於佛。聞舍利弗歸投於佛,佛呼善來比丘四字,袈裟著身,鬚 明意識即藏性 , 頓成 比丘之相 ,不變隨緣 0 我遊十方, , 自在無礙 得 2無罣礙 , 故於眾中 ,去住· 自 , 由 神通 0 神 推為無上 通發 明者 , 成阿羅 : 由 此 漢 神

# 寧惟世尊 ,十方如來,歎我神力,圓明清淨,自在無畏 0

道

皆歎 我 此言我之神通 神 力 , 具有 四義 , **豈獨本師世尊** : ` 徧遊 十方 , 於阿含會上 , 作諸 佛事 , 許我神 , 故 日 通第 0 即 <u>`</u> 十方 真 如來 不 動 纖 亦

塵不染, 故曰清淨;三、任運示現 ,無礙 解脫 , 故曰自在 ; 四 、 無魔不降,有怨 冤讀

皆伏,故曰無畏。

# 佛問圓通,我以旋湛,心光發宣。如澄濁流,久成清瑩,斯為第

\_

意識 久, 為 《神通,如澄濁水,流即水也。妄識種種分別如濁水,旋字即澄濁之功,旋之既 而成湛然澄清,瑩淨皎潔之藏性,惟斯意識,最為第一 此結答圓通。佛今問我,悟十八界,誰為圓通?從何方便入三摩地?我以 ,旋轉虛妄分別之意識,復歸圓湛常住之心性,心地光明,由此顯發宣流 。三六識圓通竟 也用 ", 現

風大 寅四 五 七大圓通 空藏空大 (七分) 六 彌勒識大 卯初 烏蜀火大 七 勢至根大卯初分四 持地地大 辰初 三 月光水大 陳白因欲得觀 四 琉璃

烏芻瑟摩, 久遠劫前 觀行成就得名 教我徧觀,百骸四肢, 於如來前,合掌頂禮佛之雙足,而白佛言:我常先憶 三 證果心發大願 性多貪欲。有佛出世 諸冷煖氣 四 結答所證圓通 ,名曰空王,說多婬人,成猛火 0 今初

機施教 先億 名 曰 足 諸 心 欲 ii 善根 屬火, ٥ 則烏 空王 諸冷煖氣者: 久遠劫前 , 說多婬人 婬為壞定之冤賊,當首戒之,故以火大居先 芻亦 並能燒滅智種 , 佛名空王 與佛 , ·於欲 身居凡位, , , 生為欲火,死為業火,婬多火亦多,故成猛火聚。欲火非惟燒 同在空王 , 證第 心未動之時 0 乃教 我偏觀百骸四肢 會下同學 性多貪欲 義空也。 ,全身本自清冷 , ,今為護佛法 法華經佛云 以宿生婬習 :百骸是周 , 迨欲念既萌之後 。鳥芻起座 、乃現力士之身。 , 我 積習成 與阿 身骨節 難 性 , ,頂禮白佛 0 同 於時 四 於 支即 ,舉體便覺煖 空王 空王 有佛 兩手 佛 出 善能觀 我常 所 世 兩 發

#### 辰二 觀行成就得名

熱

,

自信火聚之言不虚,心生怖畏,專心修觀

#### 神 光 內凝 ,化多婬心, 成智慧火。 從是諸佛, 皆呼召我 • 名 為火

#### 頭 0

禪 觀 ,徧觀周身煖觸, 厭畏心生,婬欲心歇 ,遂成正定。 段神光 內凝

不動,能化多婬之心,轉欲火,而成智慧之火,因得火光三昧。從是諸佛,以我善

觀火性,皆呼召我,名為火頭

## 辰三 證果心發大願

#### 我以火光三昧力故 • 成阿羅漢 ,心發大願,諸佛成道 • 我為 力士 •

#### 親伏魔怨。

不姑容 籌令抽驗之,拘留孫抽第一 羅 道鳥芻為力士 二子,一願為梵王,請千兄轉法輪 漢 我以觀火成定,名為火光三昧,由此三昧力故,斷諸結縛,證入圓通,成大阿 。心發大願 0 《正法念經》云:昔有國王 **一,諸佛或指賢劫千佛,** :即護法之願 ٥ 釋迦第四 ,諸佛成道 , 釋迦正當為四也 ,第一夫人生千子,欲試當 願為密迹,金剛神王,護千兄法。今諸佛成 , 彌勒第五,乃至樓至當一千;第二夫人生 , 我為力士, 擁護佛法 來成 ,親伏魔怨 佛 次第 (麗)決 , 以 千

## 辰四 結答所證圓通

### 佛問圓通 我以諦觀身心煖觸 無礙流通, 諸漏既銷 **,生大寶燄**

大佛

頂如來密因修證了義諸菩薩萬行首楞嚴經講義第十四卷

#### 無上覺 • 斯為第 0

轉凡 即 性 心 凝 以諦觀 既 成 化 我 而 是觀心之欲火 以諦觀 聖 成 , 火大 智 性火真空 , 登無上 火已成 , 斯為第 因諦 躉 0 , , 性空真 煖 觀火大,得成三昧 不 , 此則顯明 為 觸即火大 惑業 火 所礙 , 諸漏 , , 觀 大本齊佛,示居因位 , 行 故 既已銷除 成就 日 0 無礙 初觀百骸 , 則 , 0 生大寶燄之智火 復 化 | | | | | 婬心為道心 以 神 光 ,輔揚佛化矣!我證圓 ,是觀身之欲火;後神 智火 , , 流 轉欲 , 此 貫 即 火成智火 + 火光三 方 , 融 光內 通 昧 通 , 藏 婬

教 卯二 四 依教悟 持地地大 無生忍 分五 五 辰初 結答所證圓 陳白積平地行 誦 今初 兼叙修效力行 蒙佛授平

0

法 來 持 5
妨損車 地菩薩 • 出現於世 馬 , • 即從座 我 • 我為比丘,常於一 皆平填 起 • ,或作橋梁 頂禮佛足 ,而白佛言:我念往昔 切要路津口 或負沙土 0 • 田地險隘 • • 普光. 有不如 如

因 . 積 平 地行 ,後持 ,平心教 , 依教修證 故名持: 地 0 起 座頂禮白佛 此自 述

我皆平填,高者夷之使平,深者填之使滿,或作橋梁,以利津口 法 路 因 十三佛之首 不 我念往昔,普光如來,出現於世:佛名普光者,以身光智光,普照法界,乃五 水陸交通之津口 ·便行走之道路 我於彼佛,發心出家,而為比丘 , 田地險隘之處所 必至妨害於車 損傷其馬 0 險者高深不平, ,勤脩苦行 , 車有折軸之危 隘者迫窄不寬 ,常於一切往來必經之要 或負沙土,以脩 馬有失足之患 0 所有 不如

#### 辰二 兼叙修效力行

要路

物 如 是勤苦 • 經無量佛 • 出現於世 0 或有眾 生 於闤闠處 • 要人擎

#### 我先為擎至其所詣 • 放物即行 • 不取其 直 0

首句指上平填道路,或作橋梁,或負沙土,皆勤勞苦行

0

經無量佛出現於世:

不論 垣 回 時之久 親 闦 疎 , 貴賤 市 ,常行不退。此結平 門曰闠 ,悉皆不取其直 , 商 [場貿易 地行 ,直即工價 , 要人擎物 ,下敘效力行 ,非但不索, , 我先為擎 。或有眾生:指老弱乏力者 , 即物主與之,亦復不取 至其所詣之處 放物 **;於市** 即 行 此

832

以效勞 施故;二、法施 ,布施身力,以為其行 ·,廣結善緣,感化於人故;三、無畏施,人知其善,不生怖畏故 ,此中具足施度三施:一、財施,身為內財 ,以身力

又不取其直,併以外財布施也。

#### 毘舍浮佛 ,或有車牛 現 ,被於泥溺 在世時 • 世多饑荒 • 我有神力 ,我為負人 • 為其推輪 • 無問遠近, 拔其苦惱 睢 取一

眾生同業所感 梵語毘舍浮,此云徧一切自在。此佛是莊嚴劫之末,最後一尊佛,住世之時 與人負物 ,世多饑荒 , 無論路途遠近 , 即饑饉荒年,五穀不熟,糧食不足, ,人面生熟 ,平等為懷 , 唯取一錢之直 乞食為難 0 節取 我為荷 活

命 ,

更不多貪

仇

久晴必有 溺 有神力三句: ,當是久雨之水荒。又前云饑荒,或是旱荒,其地必燥,何以泥溺?俗語有云: 或有 :車牛,被於泥溺者:前云饑荒,饑荒有二:一、旱荒,二、水荒 久雨 上負物屬利人,此拔苦兼利物,由積劫苦行,福報所感 ,旱時土地晒乾 , 雨後成泥 ,此車牛被於泥溺 ,當是旱後時 ,故得神力 事 。此云泥 也 我

車牛或指牛車,或車與牛,被污泥之所陷溺,人牛俱受苦惱;我有神力,為其推

## 辰三 蒙佛授平心教

輪

,拔除苦惱

#### 時 國大王 • 延佛設齋 0 我於爾時 • 平地待佛,毗舍如來摩頂謂我

## 當平心地,則世界地,一切皆平。

界地 國修福 由 所 即 惟 何至此而方蒙平心之教乎?蓋前屬事相平心,未能悟理,今令悟知,內心外地,本 心造 《以待教也。毘舍如來摩頂者,愍其事行久勞,慈悲攝受也。謂我當平心地 國王請佛設齋之時;延、即請也。 體 交光法師云:夫平地之行,志在普利,效力之行,不檢親疎,其心亦久平矣, ,內心既平 ,屈九五之尊,而迓萬德之聖,我則平地待佛,以表敬佛之意,此待 ,故惟平心,不分情 切皆平 此佛欲令以理融事 ,外相斯夷 器 ,滄桑變易 ,則境隨心轉 我在爾時 , 故謂之曰,當平心地,以心為諸法之本 ,常自如如 ,安有不平 , 知佛必由此路 , 故曰則世界地,一切皆平 ,較前豈不天淵乎? ,而至王宮 , 王 佛 既為 時 則 , 即 地 #

淨名經云:「欲得淨土,當淨其心,隨其心淨,則佛土淨。」換言之,欲平大地,

當平心地,隨其心平,則世界地平。毘舍、金粟二佛之言,若合符節

#### 辰四 依教悟無生忍

#### 即心開 見身微塵 , 與造世界,所有微塵 , 等無差別 •

水投水 大平等 傷 性 自 隨緣成事 性色真空 身中 ,不相觸摩者:微塵,指內外地大色法,自性,即如來藏性心法,色、心不二, ,不相觸摩,乃至刀兵 如空合空,似水投水也。持地所脩, 前脩二行,屬權漸,此則心開,入圓頓。心開者:即藏心開發顯現,始知藏心 0 不相 到 地 ,心歧則千差競起;此心返妄歸真 內身外界,所有微塵 |此則超過聲聞之智 大微 妨 礙 塵 ٥ , 與能造世界,所有微 乃至外地大之刀兵 , • 非但不執內四大為我, 一,悉皆自性,不相抵觸,不相擦摩 亦無所觸 ,與內地大之身根 **具四法界:初脩平地效力,** 塵 ,心平則法界坦然,了達內色外色 0 唯是藏心平等, 亦復洞明外四大唯心矣 ,以刀觸 無有差別 , 身 事相之行 如空合空,似 亦 微塵自 無 微 塵自 屬 所 !見 地 觸

猶若 事 事 無礙 法界 斬 ※法界; ?;蒙 春風 平 0 -心教 刀兵觸身 彼但證性 , 心 平 亦無所傷 無傷 地 平 , , 如六 以 理 , 、祖延頸 屬事 奪事 事 , 無礙法界 屬 , 刺客 理 法界 三揮利刃 (;心開) 0 肇法師曰 見塵 , 俱 如 色心 新影 將頭臨白 不礙 , 此則 到事 屬 刃 理

事無礙矣!

#### 我於 宣妙蓮華 法 性 • • 佛知見地,我先證明,而為上首 悟無生忍 成 阿羅漢 ,迴心今入菩薩位中 0 0 聞諸如來

名妙蓮 小入 位 大 以 誰 中 伏 為能生? 大 煩 斷 《指掌》 《惱障重 華 分齊 聞 , 故聞 .諸 ·誰為 如來 金 , 云:身界二塵 剛 諸 分盡 ,故但證小 所生? 如來 王 :當指賢劫中四佛 一寶覺 見思 , 宣說 ·由此於 佛 故云 0 由其悟處既深 妙 知 ,該一切法 蓮華 成阿 見 切法 即根中不生滅 羅 , 佛 非獨指釋迦 漢 , 悟無生理 知 ,彼既同一 0 見地 悟 ,不住淺位 大證小其故 , 性 先 , 自性 為證 忍信 以前毘舍浮佛時 ,故迴小 乘寂滅場地 丽 不疑 何 , 也? 則 0 妙 0 切法 蓮 乘心 以所 按悟處巳齊 華 ,今入 知障 , 皆同 為諸 即指 悟明 輕 大乘菩薩 佛之因地 本 員 八地 , 故 自性 經 理 得 , 但 是 迥 悟

心 依此進修,可獲果地覺,我先證明,率眾依修,而為上首

## 辰五 結答所證圓通

塵

•

塵銷智圓

,成無上道,斯為第

0

#### 佛 問圓通 • 我以諦觀 • 身 、界二塵 • 等無差別,本如來藏 • 虚妄發

此結答圓 通。我因諦觀,身界二地大, 內塵 外塵 ,平等無差 0 此由蒙平心

藏心開顯,以無分別智,諦審觀察,相妄性真,故曰本如來藏。所有地大,無非藏

萬法唯 性 |隨緣 心 ,循業發現而已;既屬循業 則塵相銷除 , 智光圓滿 , ,虛妄顯現 能成無上覺道 , 故曰虚妄發塵 ,以斯地大進修 。今既悟全相即性 ,最為第

卯三 月光水大岛 辰初 陳白古佛授觀 觀成未得亡身 三 亡身方能合界

## 四 結答所證圓通 今初

劫 月 光童子, 有佛出世 即從座起,頂禮佛足,而白佛言:我憶往昔, ,名為水天。 教諸菩薩 • **脩習水觀,入三摩地** 0 恆河沙

童子乃童真入道,月光具童真德,故得是名。起座頂禮白佛:我迴憶往昔 恆

菩薩 河 沙 者 劫 , 乃為 有 佛 出世 類之機, 「,名為· 非專 水天 : 為月光一人也。 此 佛 因脩 水觀 脩習水觀: ,得悟: 性天,乃三十五佛之一 以水 為觀行 親 成得入三 0 教諸

利 觀 於 • 身 身 一种旋 中 復 水 ,水性一 性無奪 • 同。 初從涕 見水身中, 睡 • 如 是窮盡 與世界外 • 津 • 液精血 浮幢 王剎 大 小 便

摩地

## 水海,等無差別。

莊 中 難 下 為 身之中 知者 總標 嚴世界海 嚥 旋 此 日 環 依觀久修 津 ; 0 飲食 往復 下 , 旋 在 ·釋無奪之義 , 名普光摩尼香水海 環 喉 , 清濁 往復 外溢 0 上八 ,曰大小 雖 曰 , 內 句觀內水 異 液 0 初從 觀 , , 便 水 既 此 )涕唾 裥 熟 性 水 近 ,下五句觀 , 0 引令擴· 海 同 其 內 : 中 中 在 可 , 津液 鼻日 有 性 覺者 充 厩 外水, 大蓮 相同 :;在骨 涕 ,水之清相,餘皆水之濁相 , 觀 , 華 世 在 界 故 先觀自身中 髓  $\Box$ 名種 水 無 曰 曰 精 傾 唾 0 奪 種光明蓝 , , 乳 在筋 此 0 峰 水性 見水身中者 水 摘 肉 在 香幢 脈》 日 外 , 無相 血 易見者 云 : , , 在一 華 : 此 傾 見水在 中 按 水 奪 身之 有 華 幽 在 此 藏 咽 隱

世界外 如 佛 幢 剎 香水海 微塵數香水海 為佛剎之王 水, 雖有遠近大小, ,故曰浮幢 。 —-海中,各有 王剎 水性亦復 。諸香水海 剎種 二同 ;每一剎種 ,即指總別諸香水海 , 平等無有差別 ,皆有二十重 0 又同 0 觀 ||者通也 身 |佛剎;累高 內 水 內 與

## 辰二 觀成未得亡身

水外水互通

,不相

留

一礙也

## 我於是時,初成此觀,但見其水,未得無身 0

成 0 此則 此 觀 依教脩習 即 水 觀 , 觀 0 **后成就** 是時即脩習時 ,入觀之時,不見其人,但見其水 , 能 觀之智 ,與所觀之境, , 初得相應 即以水為身 , 是 , 尚 為 未 初

得無相,不能無身。

#### 當為比丘 , 室中 安禪 0 我有弟 子, 窺窗觀室 • 惟見清水 • 偏在室

### 中,了無所見。

我有弟子 此舉 事 **以證** 乃巾瓶執侍之人,因見久在室中 , 尚 為身累 0 當時 我為比丘 , 在靜室之中 遂乃窺其窗縫 安心禪觀 觀其室 , 中 即 脩 , 以探情 水 觀

8 3 8

現前 形 也 唯 見滿室清水 但定果色,尋常入觀之時 ,了無他物所見 ,此即心境相應,觀水現水,是謂定果色,定境 ,唯自見之,此月光水觀 , 與鳥芻火觀 ,皆能令

他人見者,實觀力殊勝也。

竹縣 後梁漢 , 全縣皆水,寇至惟見汪洋澤國,不見縣境,全縣人民,皆免於難 州 綿竹縣 , 水觀 和尚 ,時寇作亂 ,欲入綿竹 0 水觀 和尚 , 即作 , 水觀觀綿 可證此

#### 童 稚無知 取一 瓦礫,投於水內,激水作聲, 顧盼而去 0 我出定

義

## 後,頓覺心痛,如舍利弗,遭違害鬼。

過 痛 在室中安禪,何以不見其人?不知此水是水非水,乃取一瓦礫,投於水中, 0 就 激是 童子幼稚 名違害,一 如 含利 激 勤 , 弗 無有 水既作聲 , 名復害。復害謂違害言:我欲以拳打此沙門。違害勸云: 遭違害鬼之事 知識 ,心懷疑慮:一、疑此 , 信知是水,乃顧 0 舍利 弗於耆闍 視盼望而去 室 崛 何故有水 山 ,入定之時 。我出定後 , 徧滿 ,有二鬼 其中?二 忽然覺著心 勿興此 從 激水作 虚空 疑師

Ш 意 。復害不聽,違害即去。復害以拳,便打舍利弗之頭,出定後頓覺頭痛 便成二分, 體素無患,今何頭痛?佛告之曰:有伽羅鬼,手打汝頭,彼鬼大力, 汝若無定 ,身應粉碎, 此鬼受報,身已陷入阿鼻地獄矣!今云違害 。白世尊 打須彌

# 我自思惟:今我已得阿羅漢道,久離病緣,云何今日,忽生心痛

者

乃同

時

所遇

,錯舉其名耳

病無病 有 失?二、 將無退失? 已受身 云何今日, 不要再來受生 我自心思量惟忖,疑慮莫釋:今我已得阿羅漢道,久離病緣,應當無有現業 ,當明子、果二縛。夫宿種今種,應召來果,而尚未受身者,謂之子縛;今 阿羅漢 即身 忽生心痛之病?將無退失句,且作二解:一、心痛之病,出定將無退 應受 ,久離病緣,今得心痛之病,將無退失果位耶?《正脈》 ,謂之果縛;若實行新證四果 然現身尚未灰滅, 則果縛猶存 ,已將子縛 (<sup>晁惠)</sup> 所有病苦 ,即身應受 斷盡 云:羅漢有 ,不受後 ,故舍利

頭痛

畢陵足痛,皆斯類也。

門,入此水中,除去瓦礫。童子奉教,後入定時,還復見水,瓦礫 爾 · 時童子 ,捷來我前,說如上事。 我即告言:汝更見水 , 可 即 開

宛然,開門除出,我後出定,身質如初 0

光復至室中入定,童子還復窺見,水中瓦礫宛然,開門除出。我後出定,身質(鱧) 之故。遂告童子言:汝更見水,可即開門,入此水中,除去瓦礫。童子奉教,後月 如初無恙。自覺心痛者,未得亡身之故也。 捷來者:月光出定,童子速來我前 , 說 如上 事 0 我則料知 ,心痛必是瓦礫投水

## 辰三 亡身方能合界

香水海,性合真空,無二無別。今於如來,得童真名,預菩薩會 逢無量佛。 如是至於山海自在通王如來, 方得亡身,與十方界 0

礙 覺 若 王即自在之義 山若 海 水性自在流通 。先修內觀 ,後修外觀 ٥ 山屬地大,俗云山高水更高 ,由淺及深 , 至此佛時 水大地大 逢佛既多 自 觀力 在 無

逢佛無量

,經劫必久,至於山海自在通王如來

,此佛亦從水大圓通

,成無上

愈深 、方得亡身合界、與十方世界,諸香水海之水,一 味流通,性合真空者:即悟

明藏 性 , 性水真空,性空真水,無二無別 ,全相全性,即體即用。 今於如來座下

得童真名,預入大乘菩薩之會。

## 辰四 結答所證圓通

#### 佛 問圓通 我以水性 味流通 • 得無生忍 • 圓滿菩提 斯 為第

0

悟水性空寂 此結答圓通 , 本自 0 我因修水觀 無生 , 得無生忍 , 觀內水外水,同一氣分,一味流通 , 證 入圓 通 0 如 欲圓滿無上菩提 , 惟斯 等無差別 水大 了 最

為第一。

卯四 瑠璃風大 分四 辰初 陳白古佛示觀 觀察群動無二 觀成頓證徹

悟 四 結答所證圓通 今初

沙劫 瑠 璃光法王子 • 有佛出世 , 即 , 名無量聲 從座起 • 頂禮佛足 0 開示菩薩 • 而白佛言 • 本覺妙明 • 我憶往昔 , 觀此世界 經恆 及

## 眾生身,皆是妄緣,風力所轉。

常隨緣 用即體 寂然不 青色光 聲 機 觀 經 云青色寶 恆河 風 , , 大所 瑠璃 對 因 大機說 動 風 , 沙劫之前 , 體用 :光依觀得名,取後身心發光 而生, 隨緣常不變 成 至釋迦座前者 0 , 有 也。 此法王子 大教 不相捨離 感 聲既無量 則 開示菩薩 , 有 通 , , 故說本覺妙明 , 佛出 , 而風性不變,常隨眾緣 常放青色光明 , 即 在眾生分上 0 今在楞嚴會上 ,風亦無量, 世, , 妙而明 本覺妙明二句,有機教體用 名無量聲 , , ,最上一 即明 為本來佛性 , , 即聲觀風,在在可成觀境,故知 洞徹無礙 , 同彼瑠璃 , 自述 而妙;又妙是不變義 此佛亦 乘之理。 , 圓 而成聲也 通 ,故得是號。梵語具云吠瑠璃 , 由觀風大所成之佛 妙是體 即 本覺即天然本具 起座頂禮白佛 《涅槃經》 兩對 , 明 : 是用 ,明是隨緣義 開 , 示是教 瑠璃光菩薩 : , 稱體 0 我 , 此佛 由 靈覺之性 回 觀一 [憶往昔 起用 , 菩薩 7,不變 了,亦由 切音 , 此 全 放

眾生 |身指有情正報之眾生 觀 此 世界 , 及眾生身下 , 為所觀境 , 示脩觀法 0 此 , 觀即 |依正之境 能觀之智 皆是無明妄緣 , 世界指 無情依報之世界 , 風 力所轉變而

有也。 妄動 生之文,從性覺必明起, 故曰皆是妄緣 本覺即真如 動 削有 嵐 風力 (<sub>指無</sub>) ,風大即一念心中動相耳 ,真如界內,本來不立一塵 至彼無同 所轉變也 異 ,真有為法止 0 欲細釋此二 ,情器世間 ,豈有世界眾生?皆由最初一念 , 可 語 , \_\_\_ , 作此註腳 可將第四卷首 切諸 風 莫不資始乎此 , 佛答三種忽 無明

#### 辰二 觀察群動無一

## 我於爾時 • 觀 界安立,觀世動時,觀身動止,觀心動念,諸動無

此觀察 行 十 相 非有 方界相 念妄動 ,等無差別 我於爾 住 ,便可 ` 外而世界 坐 , 皆 由 , 時 自 臥 旋妄復真 蔽 : 即 妙明 風 , 莫非風力所使;心之動念,生 (力執持;世之流動 彼佛授觀時 ,內而身心,諸動雖多,其體無二,唯一 妄循 ,還歸本覺妙明之真心矣!故我依教脩觀 無明風 ,指示風大發源時 力所 ,三世推遷 轉 , 故有世 , ` ,風大由於本覺妙明 皆由 界眾生 住 異 風 0 風性 力密移 滅 但 能觀得風性本空,動 , ,故曰等無差別 莫非 , 觀察界之安立 身之動止(型) 嵐 ,隨緣起念 力所 推 如

#### 時 · 覺了 此 羣動性 • 來 無所從,去無所至 ,十方微塵 • 顛倒眾

### 生,同一虚妄·

界 ; 來 以及顛倒眾生:此指有情之根身,同 亦 先觀世界身心 無所去 , 當體全空 , 諸動雖多,唯 , 無有實 體 風性 , 可 虚妄,皆妄緣風力所轉耳 根究 ;我此時覺了 故 0 十方微 ,此群動之風性 塵世 昇 此指 無情之器 , 無所從

## 辰三 觀成頓證徹悟

#### 蚋 如是乃至 啾啾亂鳴,於分寸中,鼓發狂鬧 ,三千大千,一世界內,所有眾 0 逢佛未 生;如一 幾 • 得無生忍 器中, 0 貯百蚊

器中 器之中 眾生:上是法 競 我 如是乃至:是從廣至狹 貯 鼓發狂鬧 百蚊 稱 王 圖 蚋 ,下舉喻。喻 霸 , 於分寸中 : 鼓 求名謀利 動 也 , 如一器皿之中,貯百蚊蚋,啾啾 (៉^່৽) 亂嗚 , , 從微塵數世 狂亂 亂 鳴鼓 此皆狂鬧 也 。 — 動 狂 器喻 界, 鬧 0 由 , 觀 喻各為妄緣 乃至三千大千 一 界 力 故 , 蚊蚋 觀 大同 風 喻眾生;一 力 ; \_\_\_ 小 所 世界內 轉 觀妄非真 , 於世 界眾生 ,在分寸小 界 所 中 有 即妄 如 爭 切 小

8 4 6

先 緣 悟風 風力,亦皆虚妄無體 大 ,來無所從 ,去無所至 。逢佛未幾者:逢遇無量聲佛授觀 ,當體性空。 風大如是,諸大皆然,本無生滅之相 ,經時未久, 速得悟證

#### 爾 時 心 開 • *T*3 見東方 • 不動佛國為法王子。 事十方佛 ,身心發光 •

洞徹無礙

0

可

得

即

得

無生法忍

,

獲證

圓

通

佛會下 法身真心,乃是當人自性本具 能 佛 遊化 梵語 心開:乃本覺真心開顯 諸 , 國 為法王子 呵 閦 , 徧 , 此云不動 事 F諸佛。 , 乃能徧 身心發光者:既了妄身妄心 0 此 。東方屬震 事 ,內外洞徹,如淨瑠璃, 十方諸佛 乃於風性妄緣動中 ,為群動之首,乃見動中有不動佛 , 即 如觀 世音 , 親見本覺不動之真體 , 映現諸法, , 皆屬妄緣 在 彌陀會下 此即得名所以 風 , 力所 為法王 ; 即 ; 即 轉 子 於 親見 不 呵 動 .関 而

## 辰四 結答所證圓通

佛 佛 問 傳 圓 通 一妙心,斯為第 我 以 觀 察 , 風 0 力無依 • 悟菩提心,入三摩地 ,合十方

體 中 卷 顯 緣 心 風 , , , 即諸 此悟 即 顯見不分科中 力所轉 此結答圓通 見與見緣 前 佛所傳妙心。 所云 真也。又觀風 , 身心 , ,不真何待?從此得入三摩地 。我以 並所想相 一世界,豈不亦空?此句即前所云 ,文殊代問 瑠璃光, 大, 也因 , 來無所從,去無所至, 觀察風力無依 如虚空華,本無所有;此見及緣,元是菩提,妙淨明 一,佛告文殊,十方如來,及大菩薩 因觀風大證此 ,即是無體 ),合十 , 故曰斯為第 -方諸佛 則風大無依 , 諸妄銷亡 ,此了妄也;悟明本覺菩提真 , 所傳微妙 ,當體即空 悟菩提心 , 於其自住三摩地 心印 ; 則 如第一 妄窮真 田安

卯五 空藏空大分五 辰初 陳白自身所證 詳明色空無礙 依正攝

融四、總由觀空神力 五結答所證圓通 今初

### 虛 空藏菩薩 即從座起, 頂禮佛足,而白佛言:我與如來 ,定光佛

### 所,得無邊身。

故 藏字之義 清涼云: 混虛空為體性 ; 如 《宗鏡》 云:大集會中 , 故名虛空藏 , 虚空藏 以虚空為身 深來時 , 純現虚 又名無邊身 室相 , 謂 因虚 阿難 空 無邊

空藏言 切法 物 說如是言 我 以自身證知,是故如所證知,能如是說,何以故?我身即是虛空,以虛空證知一 , 衣服 為 : 飲食故 入我 虚空印所印 0 智法藏中 藏 o 中 偈云:虚空藏菩薩 . 又此菩薩 爾時五 不墮其外 **一百聲聞** , 0 以虚空為庫 所奉之衣 , ,各以所著,鬱多羅僧 得虚空庫藏, ; 即 藏 , 便不現,諸聲聞問 雨 十方 充足諸有情 無量 ,奉虚空藏 阿僧 , 此藏 祗 : 世界 衣何 無窮盡 , 至耶 , 時 所 ? 虚 有 同 因 聲 寶

釋迦 後發心出家 我與如來 但 同 事 , 然燈 直至成佛 :指釋迦如來 , 得無邊身 故名 ,定光佛即然燈佛。 ,乃菩薩自述所證 l 然燈 0 是釋迦如來 , 《大論》云:太子生時 ,第二僧祗 非與釋迦同 ,授記本師 得也 , 身光. 0 虚空藏與 如 燈

是名為虛空藏

;即從座起,頂禮白佛

## 辰三 詳明色空無礙

## 爾時手執 ,四大寶珠,照明十方 ,微塵佛剎,化成虛空

虚 空身 菩薩 則內四大之我已空,若外四大之法不空,則身相不純 既 以空性為 身 , 應 以空慧為手 四大寶珠 : 即照空四大之智珠 大用不偏 , 菩薩 ,故復以 三得

空智 妄相 妄盡真純 照明十方微塵數佛剎 ,以真空妙智 ,所有外四大,一一 ,智光所融,一一 化成真空妙理;為 化成虚空;此空非斷滅空 此得體 ,乃空諸 ,證法身

#### 又於自心 • 現大圓鏡 • 內放十種微妙寶光, 流灌十方 • 盡虛空際 0

德

即十 界 所 分證如來三德秘藏 有 窮盡真空妙有 智 世 自心:即自己本覺真心 界 , 如 無一 《華嚴》 不在智光所照之中 ,故能現此智,且能於此總智,更現十種別智;十種微妙寶光 三世智 此屬現相 , 。現出 乃至無邊諸佛智 , 全事即理 **[大圓鏡智:此智是佛轉第八識** , 色空無礙 , 而成理事無礙法界,證般若德 0 智光流灌十方, ۰ 或以一 智 , 而現十智 盡虛空邊際 所成 0 因虚空藏 , 照徹 : 則 干法 ,

## 辰三 依正攝入圓融

## 諸幢王剎 ,來入鏡內,涉入我身,身同虛空,不相妨礙 0

思議 業 此 [攝剎入身 用 0 諸 幢 **三剎**: , 及下分身入剎 即無量香水海中 , 依 正互 , **油攝** 諸浮幢王剎 , 圓 **|融自在** , 乃依報廣大之境 , 乃 事 事 無礙 攝入我正 法界 , 不

報身中 身同 虚空, 彼此 不相妨礙 , 此廣陿自在無礙門 0

## 身能善入微塵國土,廣作佛事,得大隨順

為善入;今能 此 以正 報 語入者 入依 報 0 以一 身能善入者: 身 而 分無量 以一 身 身而1 , 同 入一 時 徧 入微塵 或 , 或多身 或 , 廣 而入多國 作 無邊 佛 , 皆 事 不 得 得 稱 大

隨順:即大自在。此乃起用,證解脫德。

## 辰四 總由觀空神力

#### 此 大神 力 , 由 我 諦 觀 : 四 大無依 • 妄想生 滅 • 虚空無二 • 佛國 本

## 同,於同發明,得無生忍。

無有 於同 妄想 致 , 發明 差 我 以 此 汎則諦觀 大 別 生 神 滅 得 力 佛 , 國 念 四大 無生忍者 : 亦 起 即 以 則 指 ,本非心外實有 应 菲 色 |大為能 空 有 即於空性 似有 三無礙 成 , , 念息 , 依 故 ,唯心所現 正 發明 佛 則當體即 攝 國 入。 藏 性 由 |本空 空 , , 我 無體 悟 , 下 : 明性覺真空 故 同 日 可 出 虚 裑 ` 神 即 空 ; 力之來 無依 無二 空 也 性空真覺 0 ` 由 即 以 四 無體 虚 大 , 由 空 既 我 為 同 也 清淨本 觀 虚 同 乃隨 空所 故 空

然 , 周 徧法界。 空性生即無生,諸大亦然,自不見有少法生滅之相,故曰得無生

忍。前所發大自在用,皆此忍之力也。

## 辰五 結答所證圓通

### 佛問圓通 ,我以觀察虛空無邊,入三摩地, 妙力圓明 • 斯為第 0

者:即前色空無礙 此結答圓 通。 ,依正互融,十方圓明,得大自在,以斯空觀,最為第一。 我因修空觀 ,觀察虛空無邊,觀成得定,入三摩地。 妙力圓 明

卯六 彌勒識大分四 辰初 陳白上古佛世 教脩唯心識定 Ξ 中古定成得

記四 結答所證圓通 今初

劫 彌 勒菩薩 • 有佛出世,名日月燈明。我從彼佛,而得出家,心重世名 即 從座 連, 頂禮佛足, 而白佛言:我憶往昔 • 經微塵 ; 好

#### 遊族姓。

氏 彌勒 由得慈心三昧故 , 梵語 具云梅怛利曳, , 慈無能 勝 此云慈氏 0 起座頂 , 姓 也, **|禮白佛:我憶往昔** 名阿逸多 , 此云無能勝 經微 塵 劫 , , 今稱慈 有佛出

利可 世間名聞 世 名日月燈 圖 , 故曰 (生) 利養 好遊族姓 明 , 此佛以三智立名。我從彼佛, ,名與利相因 0 法華 經云: , 則 身為利役 貪著於名利 ,好奔走於貴族,交遊乎大姓 而得出家;此 , 求名利無厭 |但出世俗之家 , 好遊族姓家 ,心重 ,有名 , 棄

## 辰二 教脩唯心識定

捨所習誦

三是也

### 爾時世尊 , 教我修習,唯心識定,入三摩地 0 歷劫以來,以此三

## 昧,事恆沙佛,求世名心,歇滅無有。

漚 來 定 心 爾時 萬 以 心不馳散 0 但脩 法 此 世尊 三昧 唯 內觀 識 ,而不外求,得入三摩地。 , , 0 觀機授教 通達一 , 奉事 無復外求 恆沙諸佛 切外境 ,因我重世名 故求世名心 , 0 無非心識之所 唯識定深 ,心馳散故 , 此唯心識定成,自日月燈明 歇滅無有 觀 變現 「人間富貴花間露 , , 如夢 教我脩唯心識定, 如幻 , 無 , 世上功名水上 佛起 劫 觀察三界唯 實 0 歷 因 脩 此

### 辰三 中古定成得記

# 至然燈佛,出現於世。我乃得成,無上妙圓,識心三昧

藏 如 三昧 瓜熟蒂落 妙真如性曰妙 然燈佛乃釋迦如來,第二僧祗授記本師。出現世時,我乃得成無上妙圓 前 雖得三昧 , 剎那間 **,圓滿** ,未臻妙圓 , 周徧曰圓 頓悟性識明知 ,不能稱為無上,然積行雖經多劫,入理在 ,此即由相宗之權 , 覺明真識 , , 全識全性 而入圓教之實 全性全識 , 本如來 剎 **,**識心 那

## 乃至盡空如來國土,淨、穢有無,皆是我心,變化所現 0

既曰變化 依 光 現如來國土有三:淨穢有無,即對三土。或法性土,法身所依 (土;次現受用 ,有淨有穢,即凡聖同居土。一一皆我識心,變化所現。既云所現,體本自空 上科成定得體 ,相非實有 主, ,此科稱體起用 , 報身所依 真空不礙妙有 , 有淨無穢 。此現國土, ,故現國土;妙有不礙真空, ,即實報莊嚴土;三現變化土 為所依處,後現如來為教化主;所 , 無淨 故唯變現 無穢 , 即常寂 應身所

## 大佛頂如來密因修證了義諸菩薩萬行首楞嚴經講義第十四卷

補佛處

0

尊

•

我

了如是

,唯心識故

0

識性流出

•

無量如來

,今得授記,次

妙圓 雖 未 識 成 我 心三 既了達如是 佛 味 已 能 0 現土現 故 淨 得蒙授記 穢 佛 國土 , 成 , 候 辦諸佛所應作 ,唯是心識所現之故 補 作佛 , 以 為賢劫第五 事 , 廣 度無量眾生。 ,識性又復流出 尊佛 , 於當來下生 今佛 , 無量 知 我已證 如來 龍 無上 華三 我

會,說法度生。

## 辰四 結答所證圓通

#### 佛 問圓通 , 我以諦觀;十方唯識 • 識心圓明 , 入圓成實 • 遠離依

## 他,及徧計執,得無生忍,斯為第一。

了 切法 知三界唯心 此結 , 答圓 法法 通 無非識心 , 萬 我以識大 法 唯 , 識 故曰 , , 識心無二,一 諦觀十方 圓明 0 是以能入 , \_\_\_ 體 切依 圓 , 明 ` 圓滿 正 又 成就 二解 染 、 : ,真實之性;既入圓成實 淨 識心具足一 , 唯是識心之所 切法 變現 普 照

之相 圓 相 成實性 有性 無, 是真 此約: 體 , 能為 依真 諸 , 法 喻 所 如繩 依 ; 繩 喻 如 依 麻 麻 所 成故 依 他 起性 0 **徧計執性** , 依 圓 成實性 於依 所 他起性 起 虚妄 周

性

自可

遠離

依

他

起性

,

編計執

性

**徧計度,分別妄執** , 若離 妄想 ,則無師 , 情 有理無 智 , 自 **|**然智 宗 喻 • \_\_\_ 如蛇 切顯現 安如 夜間 見繩 ,便得無生法忍,即 為 蛇, 0 今既遠離 一種情執 入圓成實性 , 如 佛所 我

即以斯諦觀唯識,最為第一。

故云: 心所體 麻 上 如 上蛇 六、七二識,徧於一切染、淨法上,計有實我實法,名徧計所執。徧計 計 所執 麻 0 常遠 麻 圓 繩 , , 性 及相 上生繩猶是妄 離前編計所執, 成實性 自 0 三 、 依他起性 性 唯識》 ` 無所有 圓成實: 見分 此 云 : , , 則 . . 皆依眾緣 頌曰 性 如 何況 內不執實我, 論 , 麻 頌 : 日 : 0 繩 徧計執性 É 故 上更生蛇 依他起自性 : , 周徧計度 攝論云:「 而 得起故 圓 外不執實法 成實 , 頌 ,故名徧計 於彼 三 : , 0 分別性如蛇 以依 分別緣所生 「由彼彼徧計 , 常遠 他眾緣 , 我、 ;品類眾多, 離 法二空, 前 0 依他性如繩 和 性 論日 合互起 0 , 編計 所顯真如為 論 : 說為彼 眾緣 種 日 , 猶 本空 種物 : 圓成 於依 所生 如 彼 幻 如繩 性 此徧 性 他起 事 0 如 以

卯七 勢至根大 分五 辰初 陳白古佛授法 詳喻感應道交 Ξ 合喻顯示深

大佛

頂

## 益四 述己自利利他 五結答所證圓通 今初

# 大勢至法王子,與其同倫,五十二菩薩,即從座起,頂禮佛足,而

#### 白佛言:

亦知 槃門 還家 超 知 者 識 生死 大前 此方眾生, ,中有三意:一、知佛密意、於前教令悟圓入一科中,已密示耳根為最優。二、 此 佛之密意 知若對多聞之阿難 故觀音殿後 根 順 惟有 **添聞聲** 今此菩薩 大 圓 念佛法門 耳 通 ,若對此方機宜 T根最利 , 即是結縛之元 乃都攝六根 ,敘述解結修證 , 說在彌勒之後 , , 最簡易 易於修證 向慣用耳根 ,非單修一 ,修證楞嚴大定,固是耳根為最 ,乃為生死本。 最 (,為對 ,廣談利生大用 圓頓 如文殊云:「此方真教體 ,但令不順流聞聲 機故 根。 堪稱 若單脩則與六根同 0 第一 逆流 如觀世音不預六根之列 ,以啟阿難羨慕之心。大勢至 照性 故說在識大之後 , , 即是解脫之要 而逆流照性 ,若論普被三根 ,清淨在音聞 七大中 , , 根大 便可 而獨殿後 ,可入涅 就路 , 在

大勢至 《觀經》云:「以智慧光, 普照一切,令離三途,得無上力

陀作輪 名得大勢 大勢至。」 王. 時 ,以能成辦一切所應作事故,得大勢力也。 《思益經》云:「我投足處,震動大千, , 觀音為長子 , 勢至為次子 ,今在極樂 , 及魔宮殿,故名大勢至。」 居彌陀左右 《悲華經》云:往昔因中, 輔弼 佛 化 候 彌 又 補

作佛

證三德 半夜滅 發不 與正 無量 能 眾生,於十方世界 法王 承紹法王家業 顛 指 法 劫 ßщ 倒心 彌 佛 ,正法於上半夜滅盡,下半夜觀世音菩薩成佛,名普光功德山王如來 仍求究竟二嚴。三、發常時心:輔助彌陀觀音,久經劫數,不生 大勢至菩薩於下半夜成佛 亦皆無量 陀名無量壽 , 佛為法王 歷劫度生 , 為法王真子,故稱法王子。 , ,正法住世時 攝念佛人,歸於淨土。二、發第一心:誓成無上佛道 ,乃有量之無量 ,於法自在 , 不著度生之相 。法王子, ,大勢至菩薩 ,名善住功德寶 , 亦有涅槃。 , 無度而 能發四種心:一 與其同倫 , 教化眾生, 度 至如來 彌陀涅槃之後 , 度即 ,五十二菩薩 無度 0 法王子 候補 發廣大心: , 能荷 作佛 ,正法住世 , 是菩薩 擔 至正 與者共也 厭倦 如 誓度 來 ,雖巳分 法於上 別 重 佛壽 亦復 無邊 擔 四 稱

法門 地 佛 倫 十二位差別 法門, 者類 等覺者 也。 教化眾生, 功行淺深不等,或有住乾慧地者,或有住十信、十住、十行、十迴向 要分自行與化他二類:一、自行 , 合計五十二位 今於此界 ,攝念佛人 , 故曰五十二菩薩 , 歸於淨土, ,同以念佛心,得入無生忍 , 非局定數也。二、 功行淺深 ,所化之眾 化他 , , 雖 同 , 亦有 以念佛 同脩念

有 齊成佛道 佛 生之通 大勢至菩薩 情 必 菩薩具云菩提薩埵,梵語菩提,此翻為覺,薩埵、翻為有情,有情即是九界眾 得 稱 即 從 。三、運智,上求佛覺以自利,運悲,下度有情以利他,有此三義 成佛。二、 0 六凡眾生, 本座 , 有三 此是請法之儀 一而起 一義解釋 利 , 愛情未斷 他 頂禮佛之雙足,以至尊之首 , : 能以自覺之道,覺悟一 ` 乃是結集經家所敘 自利 ,三乘眾生, , 是已經覺悟之有情 識情未盡 切有情 , 頂禮我佛至卑之足,以表至 , 故同 , , 教化眾生 自身本來是佛 稱 有情 ,同心念佛 0 覺有情 , 若肯念 名覺 乃指

### 我憶往昔 恆河沙劫 ,有佛出世 ,名無量光,十二如來 • 相繼

敬

而白

佛

言

#### 劫 • 其最後佛, 名超日月光 • 彼佛教我, 念佛三昧

0

所妨礙 貪食為 諸惡 瞋 凡 夫妄執之我 根本 癡 我滋養 , , 以及 自稱曰我 無不 身心因此不得安樂,世界由此不得和平 -從此而 剝奪 ,或貪睡為我安息;是我所貪之財、色、名、 。凡夫妄執四大妄身 ,則瞋怒之心,勃然而起,此因貪起瞋,即愚癡 ,乃是菩薩假我 生 0 或貪財為我受用 ,及法身真我 ,以為實我 ,或貪色為我娛樂 ,不了諸法本無我 ,不妨隨順世人 食 , 或貪名為 睡 我執 同 0 , 是知我執 設若 .稱 我榮耀 既起 為我 為他人之 7,非同 貪 , 或

名 此 沙 屬 心 劫 郑知邪見。菩薩已得我空,故非妄執與邪計 云天 我心生五 此 又 (堂來 菲 我字已如 池 同 以龍為名 .外道妄計之我。 ,狀其來處之高 微 上釋 ,五微生五大,五大生十一 , 池有四口 憶者憶念 外道有二十五 0 此河在印度雪山之頂 , ,明記不忘也。過去稱為往昔 流出四 河 諦 根 , 東銀牛口 最初為冥諦 ,凡、外二種我也。 , 最 後日 無熱惱 |神我 流出殑伽河 , (,計有) 池 冥諦生覺大 流 0 出 恆 我億: 河亦云殑伽 神 , ,此云天堂來 我為萬能 無熱惱是龍王 往昔 , 覺大生我 , 恆河 河 此

子口 云驗河 流出徙多河 河底 即 恆 金沙 河, ,此云冷河 0 闊四十里, 西瑠璃馬口, ,河底玻璃沙 河底銀沙,沙細如麵。南金象口,流出信 流出縛芻河,此云青河 中 -國黃河 源 ,河底瑠璃沙 度河 北 現됐師 此

於世間 覺者 是佛 照澈 迷而 謝 之 智 經時之久也。 真 , 此 飳 心源 不覺 證究竟覺之妙果, 佛 是為 性 即眾生本有之佛性 所 ,佛梵語具云佛陀 住 亦即 云何 故為眾生,或遇知識開導 祗 而成究竟覺之佛果,是謂三覺圓 始 雤 劫具云劫波 袁 真 ,為汝銷滅?」 如 相近 由 沙理 不 ·覺 而 恆 方名為佛 , 河 ,此言覺者,乃大覺悟之人,具本覺之妙理,發始覺之妙 ,人人本具 , 隨眾生之染緣 此云長時分 方始覺悟也 , 隨緣不變,故謂之妙。本覺妙理 凡言數目之多 0 佛在因地之中 或閱! 個 0 0 , 有佛出世, 此 個 其體不變 此始覺即 經教開悟 <del></del>
宗無 , 萬德具, 常取 ,亦是人道一眾生 , 此性即眾生六根之中 屬 河沙為 0 名無量光者: 妙智 ,了知眾生, 前云 為大覺悟之人。超九界以獨 喻 , : 依 0 此 此言恆河沙劫 ,雖人人本具 縱 妙智 汝形 具有 於時有佛 , 修成 , 銷 返照 佛性 , 不生不滅 為佛 命 妙 , , 多皆 本來 光遷 理 出 以顯 本 現

界者 智光 名佛也。 到 號 尊 , 亦 因 相 為三界之導師 0 得 今 同 光明勝故 同名諸佛甚多,如釋迦古釋迦之類 大明 稱 身光 無量 , 此無量 者 ,有照一由旬 ,名無量光。然光有身光、智光之別 ,作四生之慈父,故出現於世間。 , 則普 光佛名 照十 , , 方 國 與彌陀名同 十 由旬 王 , , 無所障礙 百千由. , 因在 旬 , 恆河沙劫之前, , 乃至 或照一 7,智光 名無量光者:此佛以光明而立 鐵 韋 世界 ,諸佛同 山 間 , + 當非彌陀 , 日 世界 得 月 切種 神 , 百千世 光 , 乃同 照不 智

光故 對 九 無對 事 光 7光佛 佛 敵 無 不斷光佛 七 故 邊際故 超 ` 炎王 如來 百月 歡喜光佛 **T**i. 光佛 ; 相 · = 光佛 、炎王 常放身光,不斷絕故 繼 ` 0 ` 光佛 清 無礙光佛 令他受用 淨光佛 劫者:據大彌陀經云 ` 無量 , 光音應化, 光佛 ,慈光與樂, ` ,生大喜故 歡喜光佛 , 0 實智 十 得自在故 ` 照理 ` 難思光佛 八、 無障 智慧光佛 : 無量 , 無 礙 智慧光佛 主光佛、 六、清淨 故 限 量故 0 ` 妙用 不斷光 四 無邊光佛 ° 無盡 ` , 光佛 無對光佛,悲光拔苦 以大智慧 佛 ,難思議故 無邊 ` 惑垢 難思光佛 ` 光佛 無礙光佛 既離 破諸 , 權 惑故 無稱 智 照 無

無稱 光佛, 具足眾德,不可稱故。十二、超日月光佛,窺天鑑地,超一 切故。此十

如

來

,相繼

一劫

,出現世間

其最 後佛 ,名超日月光: 日 月雖光 ,不照覆盆 , 此佛光明 ,耀古騰今常自若

果 非 據大本之意 逾 於千 體明矣 教以 白放 離苦得樂 ; 十二 光 0 彼佛教我:言語指示謂之教,教即佛度眾生,方便之法,教以修因剋 丽 0 一佛名 彼 **炒佛教我** , 乃無量壽佛之別號 , 念佛三昧:彼佛就本經文意看來 ",唯一 佛身,此言十二佛相繼 , 當指最後 出 佛 世 , , 若 則

別 心 聞說佛名,一心稱念。二、觀像念佛,設立佛像,注目觀瞻 (心不亂) 眼 , 義 念佛 所念佛號,一心繫念於佛,心佛不相捨離。余常示人:事念之法,心中惟有 理 觀 三 昧 互有淺深 彼 果能念佛,必得三昧,欲得三昧, 如 來 即修因剋果 0 0 今本章念佛 四 ` 實相念佛,即念自性, , 離苦得樂之勝方便。 , 乃是持名念佛 祗要念佛。 , 法身真佛 有事念理念之分: 念佛是修行 念佛有四:一 。 此 ,三、觀想念佛。 (清淨三) 四種念佛 事念者 、持名念佛 , ,名字有差 三昧是得定 有 以我 能念

佛 如 則能念之心,靈靈不昧,所念之佛,歷歷分明。如是念佛,空、有不立,心、佛一 念念念佛;若言其有,則能念之心,了不可得,所念之佛 能念心外 去,亦自有悟日」是也。理念者不必別舉話頭,只須把一句阿彌陀佛,即念反觀 但往生可必,而悟理亦自可期。如空谷禪師云:「不必參念佛是誰,直爾純一念 毛皆豎。又當如雞抱卵,放下一切思想,飲啄渾忘。果能如是念佛 念心不念則不可。更有二喻,以喻念佛之法:一、當如貓捕鼠,提起全副精神 如是念法,不至昏散,念念相繼,無有間斷。設若念久口燥,心唸口不念則可,口 ,心佛一 ,則持名念佛,通乎實相。雖然四種念佛,後後深於前前,而理念功成 佛外更無心,口念心念,心念口念,字字從心起,字字從口出,字字從耳入。 ,無有佛為我所念(ピロ゚),所念佛外,無有心能念於佛(ピロ゚),能 致 ,此即中道 ,理性念佛。 終日念佛 ,終日無佛可念,終日無念 ,離相絕名;若言其空 雖為事念 ,亦前前 ,終日 所雙 身

三昧:是梵語 ,此云正定,即一心不亂,念佛功成也。亦有事一心念佛三昧 徹於後後也

大佛

頂如來密因修證了義諸菩薩萬行首楞嚴經講義第十四卷

中三品 昧者之所生也 故 善惡等處,而一其心」者是也。 光明定意經》 惟 死 理 此一 ;但屬定門,無有慧故;祗能伏妄,不能破妄;往生淨土,九品蓮華之中 心念佛三昧 即 念 深信不疑 以功力之淺深 , 更 云:「空閒 無二念,即是以一念,而除眾念 ,願生淨土,專心繫念,句句分明,念念相續 。何謂事一心念佛三昧?聞說念佛法門 , 而分上、中 寂寞 , 此於事上即得 而 其心 、下;而 ; 在眾 ,不為內惑外境之所雜 下品三品, ,理上未徹 煩惱 , 而 ,可以横超三界, 乃未得事理一心, , 其心 惟得信力成就 , 行 乃至訕謗 : 住 亂 0 如 坐 , 疾出生 未見道 念佛三 ;則在 利 (成具 臥 失

然常 故 寂 觀 察 是念 安住唯心淨土 住 何 ,念佛即所以念心,心佛一 謂 此 即 理一心念佛三昧? 無念 不 尃 ,了知佛即是心 事 ,親見自性彌陀 柏 , 純修理 聞說念佛法門,即是無上深妙禪 觀 ,心即是佛,心佛見泯 如,能所不二,寂而常照,是無念而念,照而常 , 。往生淨土,當在上三品。 而得 觀力成就 能見 ,能所 諦 故 , 生則決定生 即於念佛之時 情亡, 屬慧 門攝 寂 然不動 去則實 兼 得定 諦 湛

悉了知 現在諸: 不去。 稱名字 過 我名號,乃至十念,若不生者 法 亂 佛 經 云 : 一 凡 身 0 古稱 令其專心一 禽 佛告文殊:欲入一行三昧者, 念 一 以十萬億程外之極樂,亦不出一心之外故也。三昧是禪觀通名,如 普廣菩薩問佛:十方俱有佛土, 佛,念一 。問:「此教念佛,為念十方佛耶?為念阿彌陀佛耶?」答:「為念阿彌陀 , 隨彼 爭 :徑中徑,但能淨念相繼 切禪定攝心,皆名三昧」是也。此曰念佛三昧,亦名一行三昧。文殊般若 佛 如 方所 鴻舉 , 即 念 一 佛功德 境 ,端身正向 0 ,乃得往生,若念十方諸佛 驥 切佛故 線鶴 , 與念無量佛,功德無二。若得一行三昧者 沖 ,能於一 0 ,不取正覺。十念尚得往生,況一心憶念耶?念佛法 , 又稱念彌陀名號 譬餘門念佛 , 應處空閒, 便得往生 佛,念念相續 何以獨讚西方? , , 群馬 捨諸亂意 如驥驟雖超群馬 , 境繁意散 , 隨佛 凡禽 0 即是念中 本願 , ,不取相貌,繫心 佛言 譬其 , 不成三昧 , : 願云:十方眾生 他 ,未及龍飛 , 閻浮提人,心 法 能見過去 菛 ,諸經法門 , , 龍 況諸 飛 ; 鶴 《智論》 未 佛 鵬 佛 多雜 沖已 舉 同 來 , 聞 皆 專

譬持名念佛

,

惟此持名念佛法門,

但持六字洪名,便得往生淨土,圓證三不退

, 其

功簡、其效速。

譬如有人:一專為億,一人專忘,如是二人,若逢不逢,或見非 辰二 詳喻感應道交 分二 巳初 先以二人為喻 二 再以母子為喻 今初

見

即憶念 **憶眾生。二、佛具平等心故,佛在因地,為菩薩時** 本來同體,我今已成正覺,已得涅槃,眾生尚在輪迴,不了生死,故運大悲願 眾生不念佛也。佛專憶眾生,有二種意:一 非見:若逢或見,對專憶者言;不逢非見,對專忘者言。二人,譬喻佛與眾生,憶 親友,一人專憶他務,忘其親友。如是指上一憶一忘,由此二人,若逢不逢,或見 此 明單憶無益。譬如現在世間,有二人,指親友之屬,一人專心為憶 ,記持不忘曰憶,繫緣不捨曰念。 專為憶 、佛具大悲願故,觀見一切眾生,與我 ,喻佛念眾生也;一人專忘 ,尚念念不捨眾生,況今成佛 ,憶念此 専 喻

眾生不念佛,亦有二種意:一、眾生障重故,為惑、業、苦三,纏縛不脫,於

視大地眾生,皆如一子,故以平等心,專憶眾生。

生 勝 人天因果 妙法 , 横超三 可以 ,尚不肯修,何況念佛法門,故不念佛。二、眾生智暗故,於此念佛,殊 一界輪 斷 迴生死 |煩惱 ,了生死,成佛道,現生念佛,能斷一切煩惱妄念,臨終往 既生彼國 ,圓證不退,疾成佛道 , 不生信心,不願往 生

故不肯念佛

干禪 見 也 , 都由 佛以大悲願力,常念眾生,遊化娑婆,乃令眾生,若逢或見,如彌陀化身為豐 師 如是二人,若逢不逢,或見非見:如是二人,即喻上佛念眾生,眾生不念佛 無念佛之力,及求見彌陀之願故也 在浙江台州 ,天台山為比丘,人皆不識,此即若逢等於不逢,或見成為非

朝禮文 候 同 常騎虎出入,眾不知其為何許人。一日,豐干邀寒山、拾得,同朝五臺 行 補多年 豐干 殊 是我同流 禪師 0 家貧破產 Щ Ħ 是彌陀化身, : ,不與我同行,不是我同流。寒山問曰:汝朝五臺作甚麼?干曰 汝不是我同流 ,是時省府 出自寒山之口。豐干, , , 我不同去。 派任台州府知府 於是干獨行 在天台山國清寺 忽患頭痛之病 , 至杭州 , , 住在 調治 適有 0 曰 : 罔效 閭 碾 米房 邱 與我 胤 豐

大佛

頂

間 視 入 得 Ш 日 Ш 國 行 日 以 見 干 岩岩 起來 ·特為 水 : ٥ 0 0 既 寒 拾 拾得 名 置 干 中 有 閭 寺 豐 手心 造訪 經 中高 Ш 得 欲 Ė 木 , 即 大人與汝說話 洩露 禮 備 兑 口 旨日 正 汝 拜 大 禮 , 閽 僧 0 在 住台 何病 ,不能 寒 士 酬 向 0 , 入拒 灶 一何在 如文 山 謝 其 知 州天台· 菛烘 ? 閭 **介頭三撲** 客 ・干不 再留 絕 賊 拾 Ħ 殊化身之寒山 ? 閭一 曰:頭痛 火 不見。干曰: 得 煩 : 賊 畄 0 ,二人且語 陪 受而去。 可喚之前 , , 閻在山中 或 ! 即 自 往 見即 清寺 賊 此 拜見 時 欲裂 !豐干饒舌(如) 遂 痛 就 閭到 子、 不復出 來 止 0 閭 子日 我特來救他命 地頂禮,二人即奔 且笑 知 0 0 檢查事迹 日 普賢: 閭 客 任三天,即 遂 :寺中 ,人皆不識 . 焉 即 曰 曰 : 化 感謝 : 0 取 豐干 不 此二 身之拾得 如 ,乃於山上石岩竹木 水 可 , , 大師 , 叩詢· 人是瘋 亦從 ! 到 彌 杯 為 , 自當 國清寺進香 所語 陀 道 :,吾為 何 走 此 大師 , 皆 不事 富闆 行有 不見?閣 不 往 僧 何 拜 口 在 法號? , 幾 汝治 追之, 義 , 禮我 大 國 國清 Ĺ 0 0 清 人 知客 遂 0 ? 人入報 0 有 問 陪 住 乃為 至寒山岩二人 寺 干 何 , 及鄉間 聖 至 何 知 内 何 為 呼 Ė 客 寺 持咒訖 人 寒山 廚 吩 , , 應化 閭 遊 咐 廟 房 僧 我 I 牆 壁 ?答 閭 ? 化 無道 即延 , 寒 寒 趨 閭 人 我

眾生,眾生不念佛,若逢不逢,或見非見之事實耳 上 抄錄二大士詩多首,皆是佛法,諷世之意,現刊行於世。錄此因緣,以證佛念

## 二人相億,二億念深。如是乃至,從生至生, 同於形影 ,不相乖

#### 異。

入無生 佛不離 佛必得成佛 佛 必得見佛 形之與影 相 於形影;喻生佛念同,眾生念佛,如佛念眾生相同,久憶不忘,一切時,一切處 乖違 必得 此 明 忍 離 心 2成佛 雙憶不離。二人相憶,二憶念深:自可相見相親,不相捨離,乃至生生同 異 ,生佛不相捨離,合下憶佛念佛,現前當來,必定見佛也。二、喻眾生念 不相違 在極樂國 乃至盡形壽,亦所不忘也。如是乃至,從今生以至他生,同如形影 , 0 因果不相捨離也 乃至 。因果不相捨離,念佛是因 ,不相離也。此形影不離之喻,有二意存焉:一、喻眾生念佛 , 超略詞,不但今生常得見佛 中 輔 助彌陀弘化 , 及輔助普光功德山王佛, ,成佛是果,如大勢至菩薩,以念佛心 ,乃至往生之後 , 次補佛處 常隨佛學 7,即念 , 同於 , 不

#### 匕一 再以母子為喻

## 母 十方如來,憐念眾生,如母憶子。若子逃逝,雖憶何為?子若憶 ,如母憶時,母子歷生,不相違遠。

惡重者 苦。 苦 佛心者,大慈悲是。慈悲所緣,緣苦眾生,若見眾生受苦惱時,如箭入心,欲拔其 退 如來母也,眾生子也;世間慈愛最切者,莫過於母親,子不聽教,猶復念念不捨 益 子若悖逆,忘恩負德,種種不孝,母念或衰,心生悔恨,佛念眾生,更過於母 轉 ,故為佛之所哀憐;雖在生死,佛性不失,又為佛之所護念。《三昧經》云;諸 ,下四句同前,喻雙憶不離。又首三句,合前一專為憶,次二句合前一人專忘 如母親見子受苦,憶念之心更無有異也 上科二人之喻 此云十方如來 佛念更深。又母念子,慈止一世,佛念眾生,慈心無盡 ,親友猶疎;此科母子之喻,骨肉更親。上五句同前 ,憐念眾生:憐者哀憐,念者護念,眾生久在輪迴,備 , 世世相隨 , 喻單憶無 受諸 無有 , 逆

問:前二人一專為憶,喻彌陀念眾生;一人專忘,喻眾生不念佛;云何此云十

8 7 0

壽佛,故曰十方如來。二、通指十方諸佛。謂不唯彌陀一佛, 經》云:從下方金光佛剎,乃至上方,光明王佛剎,於其中間,無量塵數,分身無量 方如來耶?答:此有二意:一、即指彌陀一佛。以三世十方,有無量彌陀故。 悲願如是 , 即十方如 《觀

來, 憐念亦然 ,正顯佛佛道同故

願見佛,逃入房中。佛以手指壁,壁如玻璃,復以二手遮其眼,還不願見佛。此足 途 憶念,或可發心,而能成益 佛若逢不逢,或見非見,不蒙法益則同;而異者,此人專忘,但是不肯念佛 用 佛 ,不能成益。問:「逃逝與上專忘,同耶?異耶?」答:不念佛不能見佛,雖遇 若子逃逝:喻眾生不念佛,墮惡趣,受極苦。雖憶何為:喻佛念眾生 :雖憶念,亦復何為 ,即言無益也。 。此逃逝 ,非唯專忘,或且謗佛,以不信招愆 如城東老母 ,佛有意往度,彼不信佛,不 ,單憶無 ,墮落三 ;,佛若

深;下二句合上,生生不離,此則雙憶成益。子若憶念母親,能如母親念子之心 子若憶母 如母憶時,母子歷生,不相違遠:上二句合前,二人相憶 ,二億念 證單億無益也

,

大佛

未盡 心心相契,母為慈母,子成孝子,不但今生,母子不離,乃至經歷多生,母子之緣 ,不相違背遠離 (ང་རྡ་སྡ་)。子是眾生,母是佛,眾生若能憶念如來,猶如 如來

離 憐念眾生一樣,則生佛感應道交,自然生生世世,常得見佛,常隨佛學 彼 佛既教念佛三昧, 又舉疎、 親二喩 ,蓋欲念佛眾生,念佛之功 ,漸次增進 不至遠

日親日近,非特見佛可必,而且成佛有望矣!

0

### 辰三 法合顯示深益

# 若眾生心,憶佛念佛,現前當來,必定見佛。

如是 心 念相續,念即常憶。若眾生心常憶佛,心常念佛,將佛印在心中,念茲在茲,時刻 念 ,以揀口念心不念也。憶則記持不忘,有時間斷 雖 。慈雲懺主云:凡涉歷緣務 此下法合 。若或失念,速速攝還,久久成性,任運憶念,不勞作意。又復心起妄念,即 經 歷語言 。但合雙憶不離成益,不合單憶無益。上二句重在心字,必要心憶心 , 去來坐臥 ,種種作務 一內心不忘於佛,謂之憶念。譬如世人, , 而不妨密憶 憶即暫念;念則繫緣不散,念 , 前事宛然。 念佛之心 切事繋 亦應

寂靈明 憶念, 人 憶 念 明 離苦 便念佛,以真念而敵妄念,妄念自消。若見他人受苦,以念佛心,憐愍於他,願其 念 則先修事 更 此 **父無餘念** 則以妙明心光,圓照自性 如是相續,念佛繫心,能辦一切淨土功德。此憶佛念佛,有事有理 普被三根:若是上智,則專修理憶念;或有鈍根 [更略說:若事憶念,則專心注意 ,成就慧力。《起信》所謂:雖念亦無能念可念是也。如上所釋,事理二種 ,念念相續 然後入理;皆隨機宜 ,成就定力, ,能所一如,心佛不二,唯此一 ,未可一 ,毫無雜緣 《起信》 概而 所謂 論 ,能念所念,心佛分明 : 以專意念佛因緣是也 ,則專修事憶念;或有中 緣 , 更無他緣 , 前 唯 若 雖已 此 , 湛 理

集經》 常立,一心繫念,於三昧中, 現身見佛 《法華經》云:若於夢中,見諸如來,坐師子座,圍繞說法等。或於定中見佛,《大 現前 當來 剋期取證 即 得往生。又 ,必見定佛:現前見佛者,於現在生中, ,定四十九日,文云:若人專念一方佛,或行或坐,至七七日 《般舟三昧經》 得見阿彌陀佛 定九十日, 0 《觀經》云:無量壽佛 文云 念佛功純 ·若人自誓九十日 ,或於夢中 相好光明 皃 常行 佛

大佛

脩淨 念佛 之事 拜 夫不從, 梭 生三覩聖相 徧 十方界,念佛眾生,攝取不捨, , 業 擲 聲 乃喚濟之來看 一中見 乃謝絕諸緣 , 同 遂各脩其道。一日正在織布,念佛聲中,見彌陀現全身於空中 生 聲佛號 佛 ,至第三次,見佛 湾 土 如 ,濟之只見佛上半身 ,頻年行之不倦,其夫信道教,勸修金丹之術 ,精進念佛 《往生集》 0 :身徧滿虛空,自知往生時至,遂集眾告知 云 : 果至其時 故禪觀中, 昔葛濟之夫人,一心念佛 0 莊嚴光耀 , 告別諸 皆得 弟子 .見也。廬山初祖 亦即禮拜 , 跏趺念佛往生 , 家貧 ;他勸 由是信從 ,遠公大師 終 夫  $\exists$ ٥ ,前後見佛 亦有 學佛 , 織 , 遂即禮 夫 布 妻同 現前 其 機

蓮華為父母 是人終時 生念 日 當來 乃至若七日,一心不亂 佛 見 為因 佛者 心不顛倒 品位高下,乃由 必得往生之果 或報 , 即得往 盡命 終 生阿彌陀佛極樂國土 。其人臨命終時 , , 第八識從頂門而 見佛 生念佛,勤惰之分,寶池蓮華 來迎 •  $\sim$ 佛 , 阿 說 出 0 彌陀佛,與諸聖眾,現在其前 阿彌陀經》 化佛來迎 或託質蓮胞 云 : 「 , 託生 , 並非彌陀變化所 , 亢 显 華開 執持名號 蓮 見佛 華 若 以 如

,

見佛聞 應冥符 念佛 以理念,念本性佛 感應道交:以念力為能感 者有三意 華是為脫凡殼之靈宮,安慧命之神宅。九品華開,隨品位為遲速;蓮華 亦好;念佛懈怠 作 ,乃是念佛眾生,自己心力願力所種。十方世界眾生,今天聞說念佛法門,發心 ,求生淨土,七寶池中,即結一蓮蕋,標名其上。念佛精進,華大甚速・光色 法 妙 : ,圓證三不退。所受之身,純黃金色,具三十二相,壽命同佛無量 命終往生, 、因果相應:以念佛因,得見佛果,如若往生,早遲必得成佛。二、 ,華大亦緩;退心不念,華即枯矣。勤惰纔分,榮枯立見,是為感 , 始覺功深,本覺顯現,於自心中,見法身佛。此皆一定不易之 即生自己之華;往生者眾,不相錯謬 , 現身為能應 , 感應之道 ,必定不差。三、始本契合:專 ,是為勝劣分明 二開 。必定 妙 , 即得 此

# 去佛不遠,不假方便。自得心開

,

;

理,故曰必定見佛。

自佛。 上科事念 去佛不遠有二釋:一 ,夢中空中 、既得見佛 乃至臨終, 皆見他佛 (中日中) 理念本覺顯現 則此去往生彼國 見法身佛 華開見佛 , 乃 見 事

門 開 即是念心 遠矣!不假方便,自得心開者:約事念 生上上品蓮華,經宿即開 在 不遠,前見佛是化身,此見佛是真身。二、既得理念,見本性佛,從此進修 :即理念功成。 以 助 顯我 ,心佛一 本性也 古德所云。「一念相應一念佛,念念相應念念佛。」 如 , 自他不二;豈離惟心自佛 尚不假觀像 ,面禮彌陀,親聞妙法,頓證無生法忍,則去究竟佛 , 觀想 ,則念佛法門, ` 參究 , , 而假心外他佛作方便耶?自得心 何況其他法門 即勝異方便 0 約 ,不假諸餘 理念 自得心佛開 則念 地不 方便 , 往 佛

#### 如染香 人, 身有香氣 , 此則名曰:香光莊嚴 0

發顯現

得成

自佛

,以念佛心,始本合一

,成究竟佛也

佛之心 名 香 。 得佛之氣分:念佛名即染佛名香,近佛身即染佛身香,開佛心即染佛心香。念佛之 身心皆染佛香 此喻 下二句 ,無相無形 憶佛 出三昧 念佛 ;喻上 ,必定成 ,不生不滅,即是法身 名 , 亦即 、中、下三根:上根染佛心香 佛。 法門名 如染香之人,身上即有 0 以 佛法身香 。此心具足靈覺之性 智慧光 香氣 , 中根染佛身香 , 莊嚴自己本覺 法中 ,即是智慧 念佛之人 下根 。今則念 佛 染佛 , 即 念

世間 佛 纏如來藏心,今經喻出纏如來藏心,故云:「心開」,即本覺心佛開顯也 以真如而 ,以佛法身香,智慧光,莊嚴自己本覺心佛,故曰香光莊嚴。《起信論》云:「如 衣服 !熏習故,則有淨用。」無明染法者,本覺心佛,藏在無明殼也。 ,實無於香,若人以香,而熏習故,則有香氣;無明染法,實無淨業 彼論 明在 ; 但

### 長四 述己自利利他

# 我本因地,以念佛心,入無生忍。今於此界,攝念佛人,歸於淨

#### <u>|</u>

念者 提 第六意識心。世人有謂念佛是口念,非也;即說是意識心念,亦非也。能念之心 因地 是不生滅 ,意根法門相濫 上三句初句因也,二句該因徹果,三句果也,均屬自利,下三句屬利他 , 非 也; 即自述因地脩行;以念佛心,為本脩因地心。佛是所念,心為能念 ,圓湛根性真心。以大勢至菩薩,明言都攝六根,淨念相繼,不但說識心 即單說意根念者 0 都攝六根解在下, ,亦非也。 此念佛即第一決定義所云:「得元明覺 此章是根大法門,若單說意根 則與須菩 ,此心非 !。我本 無

大佛

破一品 以此而 如來 伸水上,身入水中渡過;象則全身入水,由河底行過。後後勝於前前 河 謂 淨 為能入 也 生 |滅性 遠不動觀慧。遠、即第七遠地行,不動、 。入、是證入,無生、是所入之理,忍、以慧心安住此理,亦即慧之定也。念佛 所 生佛平等 密圓淨 !無明,證一分三德,分身百界,八相成道。《仁王經》云:無生忍菩薩,所 渡之河 觀 , 此忍為 為因地 前 .不異 妙 !後所證之理是一 , 即不增 ,皆現其中。」是人即得無生法忍 派所入。 心,然後圓成, ,而入水淺深 不減;證入法忍, 無生之理,始終不異,即不生不滅;迷悟無差 , 能證之功行 ,非無差別。 果地脩證」是也。入無生忍者:即依因所感之果 地位有殊 即第八不動地 , 兔子則水面 不無淺深 ,謂圓教初住 0 如本經第三漸次文云: 0 喻如象 渡過 , 觀慧 ,腳入水中 ` ,即得無生法忍 即第 馬 兔 九善慧地 ,實教大菩 即 =不垢不 馬則頭 一切 獸渡

今於此界 ,攝念佛人,歸於淨土者:此界、指本土娑婆五濁惡世;淨土、指西 者

轉以

利他

薩

徹法流之源底

,大勢至位居等覺,所證法忍,當非淺淺

,

上述自利

,

即

以自利

地論》 淨土也 引往生 菩薩 疑 當發願」 起 願 願求往生之果,念具願資;念念念佛,力行不倦,念具行資。以此念佛,所具信 父母 慈力攝受,令行人念佛之心,堅固不退;臨終則以願力攝受,令行人正念昭彰 方極樂五清淨土。 樂欲 、 行 如 。念佛即具信、願、行三資糧,信則念,不信則不念,念具信資;以念佛為因 云:菩薩履 親友 聞慧;記憶在懷, |。此界如旅舍,彼土是家鄉。猶如有人,捨父逃逝 , 謂之願 ,「執持名號」是也。又念佛,即具聞、思、脩三慧,聞說佛名 即贈以歸家三資糧也。能具信 又念佛 , 勸令念佛 ;願已而念,心勤精 ,即具三資糧 三妙慧 攝者攝受,通於能所, 即指示歸家道路 , 恆不忘失,為思慧 淨土往還,是念佛人,必具三慧,方歸淨土 ,聞說念佛法門 進 ,謂之行 、願、行三資糧者,始名念佛人, 能攝是大勢至,所攝是念佛人;生前則以 , 併贈以資糧 ;持念不輟 ,心不疑貳 · · (彌陀經》云: 「 ,無有間 方能得歸家鄉 ,馳走他鄉, ,謂之信 斷 ;信已而解 , 若有信者 為脩慧 飄零孤露 始得歸於 親見本生 ,諦信不 , 接 《佛 ر نار 應

#### 辰五 結答所證圓通

大佛

頂如來密因修證了義諸菩薩萬行首楞嚴經講義第十四卷

#### 佛 問 圓 通 • 我無選擇 **都攝六根,淨念相繼** ,得三摩地 ,斯為第

•

擇者 矣 ! 之用 面 相 亦是從根修證 通 無念 ?從何 應 淨念相繼者 首句牒所問 佛 都攝者 ,無念而念,不落空有二邊,全歸中道,即是理一心也。 念佛,念念相應,念念佛 方便 前備顯六根功德 ,入三摩地?」 ,但無選擇。都攝六根:外不擇眼耳等六根之相,內不擇見聞等六根 ·唯攝一 :眾念不生曰淨,一心繫佛曰念,念念相繼 ,第五卷前 精明 , 囑令詳擇其可入者,吾當發明 ,佛問言:「我今問汝 ,不令託根緣塵 故此牒所問 ;相應、乃心佛一 0 , 則 一 次三句敘本因 精既攝,六用 1,最初發心,悟十八界 如 ,即心是佛 ,令汝增進。我於本 , 後二句明所證 也續 不行 , 無有間斷 , 即佛是心 ,而六根都 , 0 誰為圓 我 一 念 茵 無選 攝

等 至 故 得三 斯為第 等持即定慧均等任持 一摩地 者:斯指都攝六根 :乃依因感果,由本脩因 , 雙離昏沉掉舉也; ,念佛法門,最為第一 ,證圓通果。 至即 梵語三摩地 是到 。問:「文殊揀選圓通 , 由定慧平等 此云等持 , 能 到 勝定 乃

大佛頂如來密因修證了義諸菩薩萬行首楞嚴經講義第十四卷

選觀音耳根,偈曰:成就涅槃心,觀世音為最。今念佛法門,何得稱為第一?」

法門,都攝六根,橫超三界,直截生死,速證菩提 答:「若對此方之機,娑婆眾生,耳根利故,所以觀音當選。若對十方通論,念佛 , 無有何門可及,故稱第一 0 卯

大佛頂首楞嚴經正文卷第五終講義第三冊終

七勢至根大竟,併前二十三位,丑初諸聖略說竟

楞嚴經講義第十四卷終

# 佛頂如來密因修證了義諸菩薩萬行首楞嚴經講義第+五卷

大

福建鼓 山湧泉禪寺圓瑛弘悟述受法弟子明暘 日新 敬校

詳演稱體

觀音廣陳(四) 寅 初 陳白古佛授法 次第解結修證

# 起用四 結答所證圓通 今初

### 爾時觀世音菩薩 ,即從座起 ,頂禮佛足,而白佛言

令阿難 圓入一 有觀 云 : 釋 也 正是從耳根下手;三、以阿難偏於多聞,不勤定力,故詳談修證,次第解結之法 ٥ 世音 爾時 依耳根本覺聞性理體 觀 科中 此方真教體 得以就路還家,下偈文云:「將 (#) 世音是以能觀之智 ',乃大勢至菩薩,陳述根大念佛圓通已竟之時。以上諸聖,但皆略說,惟 殿後廣陳者,有三意存焉:一、 ,已密選耳根為圓通本根, ,清淨在音聞 ,起始覺觀照智用 , 觀所觀之境 , 欲取三摩提 故引古觀世音佛,教示從聞 聞持佛佛,何不自聞聞?」 ,不出流緣塵,但入流照性 ;得名因緣有二:一 以此方眾生,耳根最利 ,實以聞中入 。 二 一 ` 約因中 ` 0 是以從容陳 因聞 思、脩法 如文殊選根偈 觀照能聞 佛教 修行自 門 宗悟 利 述

三昧 世間音聲者是誰?此以能聞聞性,為所觀境,下結答圓通文云:「我從耳門, ,因入流相 得三摩提 。故彼佛如來,歎我善得圓通法門,於大會中 授記我 圓 照

為觀世音號。」

世尊!憶念我昔 即從本座而起 菩薩則尋聲救苦 名者,菩薩即時觀其音聲,皆得解脫。此所觀者,世間眾生,念菩薩名號音聲,而 薩 以何因緣 約果上應機利他釋 ,名觀世音?佛答:十方無量眾生,受諸苦惱,一心稱念觀世音菩薩 頂禮佛足,仰白佛言 , 故名觀世音 無數恆河沙劫 : 0 如法華經普門品, 能觀之智是一 ,於時有佛 , 所觀之境有殊,乃繼大勢至之後 佛答無盡意菩薩所問 出現於世 : 觀世音菩 名觀世

# 0 我於彼佛,發菩提心,彼佛教我,從聞、思、修入三摩地

中宿命 佛出 現於世間 億即記憶 智明 , 劫以恆河沙稱 ,念即思念,乃迴憶追念,過去無數劫前之事 0 佛為一 大事因緣故出現於世;為欲開示眾生 , 極言過去時之久遠也 0 於、 即在 ,本具佛之知見故 。此是菩薩所得 義 在彼之時 ,三明 有 出

即是不 提 緣 為了因,思修屬緣因。緣了有功,正因方顯,得入佛之知見,此為彼佛出世之大因 示 也 耳 現於世;為欲令眾生,悟入佛之知見故,出現於世。 根修證故 也 ` 悟明本有 此 佛 教從聞 翻 生不滅之佛性 我於彼佛 為道 ,或鑑機宜 佛性 、 思 。發菩提心:即發大道心,不求人天福報 ,發菩提心: ,為因地心 、修,入三摩地,即開示悟入佛之知見,開示眾生,耳根 , 此佛性即本具佛之知見 ,當從耳根得入故,以是立名,將自行之法,輾轉以化他 ,依悟而起思修 此菩薩自述,最初發心。 ,而得證入。本有佛性是正因 。令眾生從聞 彼佛亦名觀世音 , 彼佛即觀世音佛 聲聞 ` 協覺 思 修 , 乃至權乘諸位 ,或因中亦由 聞 即 梵語菩 聞 聞 悟明 佛開 性

心 悟 性 為心中之王,菩薩修行,此心為先,若不發菩提心,一切萬行,無從建立 雖 梵語菩提 切眾生 迷 不 失 ,又翻為覺;覺有三義:本覺、始覺、究竟覺。本覺即眾生本有之佛 ,本來是佛,迷而不覺,將本覺佛性, 依此始覺智 發心勤求究竟覺之佛道 埋沒於五陰煩惱之中。今始覺 , 是謂發無上菩提心 一,《華 菩提

菩薩

惟依最

上乘,發菩提心,即上求無上菩提道之心也

生死苦 業 即如王子處胎 理,即契菩提心體。二者深心,樂修一切諸善行故,好樂修習世出世間自利 中 心 嚴經》云:忘失菩提心,修諸善法,是名魔業。昔有菩薩,往昔遇佛,已發菩提 三心:一者直心,正念真如法故。此念之所以為正者,不著二邊,起智觀照真 0 後在 即 間 。三者大悲心 此 此二皆發菩提心用,今發此心, 可 世間修行 出世善法 知 ,貴壓群臣 皆由不發菩提心故;忘失尚爾 ·,將前所發菩提心忘失,並不記憶,如是所脩世出世善 ,欲拔一切眾生苦故 , 何以亦為魔業?答:本經五十種陰魔, ,諸佛護念,萬聖加被。 , 以平等大悲心,拔除一切眾生分段變易二 為求無上菩提也。菩提心最為貴重 ,況不發乎?菩提心、亦即 《華嚴百喻》 聲聞 ,未足以盡其盛德 、緣覺 《起信論 ,亦列其 ,皆名魔 利他諸 初發 如正

為 觀世音佛 淵聞慧 彼佛教我 其體 教 我我從聞 , 從 聞 即耳識 ` ` 思、修者:此明秉受法門,既發大心,須求佛示 思 與耳家同時意識,所發之勝解;思修亦即獨頭意識 ` 修三慧下手 ;此之三慧, 不同常途 ,常途則 以 彼佛即指 聞 將 經經 所聞 解義

故我於彼佛,先發此心,以為因地心也。

之聲教,思惟修習;此皆不離生滅識心,識心為圓通之障礙。本經以捨識用根為要

旨,故三慧不同常途

聞性 即如幻聞熏聞修,念念旋元自歸, 今此聞慧 ,思慧、 即正智觀察,能聞者是誰,不著空、有二邊 ,即從耳根聞性妙理,所起始覺妙智,不聞所聞之聲塵,但聞能聞之 伏歸元真,發本明耀,解六結越三空,破五陰超 味反聞聞自性 ;修慧

五. 濁

,全憑無分別智,反聞之功

結工 摩地;亦即阿難所請三名中之妙三摩,經題中修證了義也。 一夫;有證中三摩地 入三摩地 :此即即慧之定,由聞教信解,而起修證。有修中三摩地 , 即寂滅現前境界。 此有入字,乃六結盡解 , 證 , 入圓通之三 即從根解

#### 寅二 次第解結修證

增 初於聞中,入流亡所,所入既寂,動靜二相,了然不生。 • 聞 所聞盡 **;盡聞不住** ,覺所覺空;空覺極圓 ,空所空滅 **%;生滅** 如是漸

既滅 • 寂滅現前 0

門 行 層次分明 ;上秉受法門是教 於解結次第中 此是妙三摩,從根解結之正行,一門深入之次第。前佛令選擇圓根,已密示耳 ;解六結 ,但列三空,意含六結,故觀世音,陳述圓通 ` 破五陰, 此即依教所起之修也 以彰修證了 義 0 上發菩提心是願 , ,具示從淺至深 此是依願所起之

,

生滅 自可 又即 十番顯見 意識生死 此聞中二字 聞 合決定義門 .性為所照之理境。從根中本覺妙理,起如幻始覺妙智;以智照理 性 圓成果地修證 如 初於聞中者:即最初乃於耳根聞性之中,下手起修; 來 , 根本 朗 ,欲令取而用之。 廣 照 。二非耳識之中 , 首宜 會 萬 , 正 四科 法 是圓 揀別分明 , 不偏空有 ,徧融七大 |通障礙 眼耳 , ,不可錯用因心。 以耳識隨念分別 ,中道之中也。 0 雖別 故阿難請求 , 所顯三如來藏性之中也;又即如來所顯 ,其性則同 佛定 若能於此體察分明, 一非肉耳之中 , 固非菩提正因 , 。今此聞中, 佛即三番破識 以耳根為所入之妙門, , 即佛所顯之見中也; 以肉耳浮塵 0 三非意識之中 依之為本修因 ,聞 欲令捨而去之; ||熏聞 色法 , 圓湛不 修 也。 , 不 , 以 以

等塵 疑情 門 解脫 但 靜 即 流 物 起 反 参究工 嬣 修 彼 聞 時 , 芝本 入流 令汝 多 正 機 地 入流亡所者 古合本師 初從聞 脫 驀 用 參 0 , 私內伏 意根 聞 夫 即是思慧 速證 直參去 不 入流是對 故 靜 出 , 譯迦 者是誰 同 諸 中下手, 流 , , 安樂解 此 : 前 佛 , 緣 伏歸 參聞 專 出流 古觀世音佛 異 不 , 聲 **,** 十 隨 更 用 ? , 者是誰 分別 兼修 即 即 元真 耳 方諸佛之意旨。 脫 為言 同 而 音 同宗 聞 根 , 入流 慧 寂 慧 , , , , , 告阿 門下 靜 耳 則智光不外洩 為稍 ,縣縣. 世 , 0 照性也 0 教示 蕳 用 妙常 根 此 觀智 難 異 順 句 , ` 參看 密密 從聞 業 耳 聞 至 , 言 0 思惟修 入流:以觀 果 亦 出 生 0 又即 汝 滅 話 使 同 流 ` , ` 眾生三 無有 六根 是智光 汝 奔聲 思 既 頭 逆彼 所有 輪 滅 ` , 別非 脩 間 轉 , 7. 思 惟· 新識心分 , , 無始織妄業流 即結縛 |聲塵 更非 種 即 智為能入 內 切 斷 ,入三摩地 , 生 照 思、 時 相 0 聲 續 , 他 死 , , 不期亡而自亡耳 動 能聞 結 之元 修二慧;寂 如 物 , 切 佛 時 而 , 根 0 處 耳 觀 ,觀世音菩薩 所 斷 冊 , , 參聞 門為 反聞 間音聲者 , 世 唯 言 隨 音乗 汝六 緣 不 , 離 聲 順 所 汝 入 滅 0 耳 但 但 教 根 流 者是誰 入 現 旬 根 照性 前 不 提 是誰 所 , , 入 修之法 聞 故 循 起 更 , 印旋 依 É 動靜 ?聲 ?亦 性 非 即 頭 , 段 即 入 教 真 他

入流亡所。入流、即是合覺,亡所、即是背塵,背塵合覺,為本經妙脩行路,至簡

要、至巧妙之脩法也

明生死 非入流 是修證 外虛 二 十 一 亡所 復現否?」答曰 境 處 目」一句話 再 ,心光皆照一句話頭,至第十日下午,二板香止靜後,參究得力,身心忽空,內 亡所 現 融 大事 歲 而不亡,亡所則入流而亡,入流則亡所而入,凡修禪功者,貴在入流耳。余 !圓通總訣,亡所、是但得初步效驗;如永嘉禪師所云:流非亡所而不入,所 並非聲塵銷滅 皆 不 ::但於六結中, 定境法樂 , 由 頭 。至二十四歲冬,在禪七之中 |可得 [閩航海來蘇,參常州天寗寺冶開和尚學習禪功 , 放 下 一 ·:「有」。乃警之曰:「切不可求,若求則魔得其便,汝將為魔眷 ,非言語所能形容,一動喜心,定境即失 0 禪七考功時 , 切思想 惟定功得力,而得離塵工夫, 先解聲塵之動結 (ABD), 祗是初步工夫,而得相應。此之 ,提起一段疑情 ,將是事 ·,專切參究,乃至飲食不知其味 陳白冶公和尚 ,連參三年,誓見自己本來 則聲塵不亡而自亡矣!入流 0 則曰 。後於別枝香 , 參 : 汝自後有 如何是我本來面 ,欲求定 面 求定境 Ī 切時 , 了

矣 ! 」 寺寄 分上 余惜後為叢林供職 者 較勝於前 本經 即受群邪 事 無不明了,又信本經為禪門關鑰,更復悉心研究,定能發慧,其語 禪 復問:「 Ŧi. 和 , 雖 尚 十 ,此不過用心得力,暫得輕安,從此進修,不著不求,悟證有望 其樂 承緇素群推 種陰魔所述 , 亦在冬月禪七之中 **小亦勝。** 如是境界好否?」公曰:「不作聖證之心,名善境界,若作 , 重 三興道場 ,楞嚴獨步 自此深信 , 知善知識 , 辦理慈善, , , 宗門中自有奇特事在 勇猛 ,不可 何異說食不飽 精進 '不親近也。 主持佛教會務 , 生死 , 心切 數寶常貧也 至二十八歲 ,後閱楞嚴經 於第 , 以致自誤禪 八日晚 , 參浙江寧波天童 , 於向 定境 功 亦有徵矣 。 \_\_\_ , 聖解 所 未 復 後閱 未通 明 現 本 !

誰 塵 滅 塵 添是 ?靜塵是境 ,令汝聞性 ,一一皆亡, 又入流亡所 結 亦宜 , ,聞性是心 為 解除 聞性不 實非 有為無也 , 滅。 聞 仍舊不捨思 ,若聞靜塵 性 前佛有云:聲於聞中,自有生滅 。然動塵已滅 斷 滅 , 但以專! ,還是出流 修二 ,靜塵方現, 3切反聞 慧 不 ,反聞能聞是誰?方是旋聞與聲脫 -緣所聞 , 回 光返照 終日惟 靜 塵 間靜塵之境 , 非為 ιŅ 參究能聞 光 汝聞 內注 靜 , , 聲生聲 當 塵者 所 知 有 是 靜 動

想陰 塵雖亡 處大 人 無所 轉深 為 詞 靜 即 寂 也 無所 根之根 二結俱 動 , 赤 指 則 暗 所入既寂 偶 所 於此 新結 靜二種塵相 依 上 室 動 , 故 到 聞 |
|
|
|
|
| 解 仍是反聞 《相不過併言而已。首句所字,即牒上亡所;入字,即仍舊入流 動靜二塵 亦復是結 與靜結 破 此 既 0 , 矣 則根結亦 離 則色陰破矣!如是漸增 此中三結 寂 ,動靜二相 塵 ! 之寂 即 俱解 入流,不捨本脩,不住靜境;此靜境即是色陰區宇, ,了不可得也;此二句亦即既寂之註腳也。而工 , 思修二慧 佛 ,既已了然不生,能聞之根,亦隨所聞以俱盡 , 亦當解 前云: 解 , 非是境靜之寂 亦即 聲塵 ,了然不生者:上亡所,是解「 , 無有能受所受, 此根 佛示 除 |全泯,故曰 , 塵中二 0 仍 初 解 六結生起次第中所云,勞見發塵 照 一結已解 如是本修之法 聞 , 乃是動 先得. .所聞盡者 : 動 則受陰破矣!根塵既銷 人空 、靜二相 , 一靜二 根結 , 塵 此解 正 斯 , 齊 漸 現 , ,了然不生 動結 到 於此 次 , 根結 此俱寂之境 此 增 根 ; 進 ,此三句 以塵亡根 乃聚聞 一夫到此 0 加 0 , 0 塵既 識 労用 此了 如是 ,今麤三結已 無從生 於耳 如 0 謂 乃解 然所 盏 明目 不緣 行 , 聲 然不 指法之 識 所 定力 結滯 泯 塵 生 有 一靜 根 既 則 動 動

解,則塵不復發,見不復勞矣-

肯放捨 待也。 此湛一 為深坑 此解 之後 發 根 彼文全同 幻心亦滅 具足心境也。今言覺所覺空者 塵雙泯之境 盡聞 發妄不息 「空結」 之境也。盡聞若住,則境智恆對,能所仍存,終為勝進之障,即為 覺是智分, 根塵迥脫 不住者 ]此之解結工夫。今此覺結 即是一種愛智之法愛 不住 ,幻心滅故,幻智亦滅,幻智滅故,幻滅亦滅;幻滅滅故,非幻不滅。」 ,覺所覺空者:此解「覺結」 ,六用不行,惟餘 0 0 今覺結已解 湛一 空即覺所覺空之空,覺即能覺之與所覺 , 仍復 乃屬般若 無邊之境現前;故今言覺者 加功用行 , , ,亦復是結 智能契理如何亦空?當知此破法執 則知見不發,妄不相續矣!空覺 ,謂能覺之智,與所覺之境,二俱空寂 , 覺 進 ,即彼幻智 觀聞 3。若住: ,亦當解除。 性 。盡聞二字,是牒上能聞與所聞俱盡 此境,但得我空,未得法空, 0 下 ,亦即佛示,六結生起次第 句 為新證之境 ,即照此境之智也;所覺者 《圓覺經》 ,由有此空,空彼能所二 極圓 , 云 : 「 **企** 若恪惜此智 , 空所 脈》 ,泯然無復對 幻 空滅者 山所謂 云 : 塵 則永墮無 ,智見妄 滅 故 盡 , 即 不 聞

惜空理 覺 , 則 2.覺結雖 ,不肯 放捨 解 ,空亦是結 ,即是愛理之法愛,還要入流照性 ,亦當解除;以能空所空,二俱宛在 ,加功用行 參究空何所依 空性未圓 一,若恪

究而極之,以求圓滿空性

俱滅矣。 空所空滅者 今空結已 : 非惟所空之智境滅 解 , 則行陰破矣!亦即佛言,空性 即能空之空亦滅 0 圓明 如以木鑽木 , 成法解脫 , 火 出 , 正 木 齊於 燒

此,已得俱空之境

未為真 我體 後牢關 目 除 生 矣 0 此 生滅 靜 。二人相 .結 同 ,百尺竿頭重進步,十方剎土現全身。」 滅 既滅 到此境界 根 不 圓 解 生 3覺經》 , 寂 ,心所悟者 , , 恆 根滅覺生 住俱空之境 滅 ,不肯進步,又謂之貼肉布衫難脫 , 現前者: 迷智四相之壽者相 , 悟知所證之非。三眾生相 覺滅空生, ·此解 , 猶為 「滅結」。生滅二字,總指諸結而言 圓 通 空滅滅生,六結皆生滅法 細障 0 我相 , 惟是此結,最難 即同「百尺竿頭 , 心所證者 ,心所了者,了前悟證俱 , 此結 解 , 以所 解除 坐 , 則 的 故滅結 證 可親 ,禪門謂之末 人 涅槃 , 見本 雖然得法 0 亦當 動 , 滅 認為 來面 非 解 靜

妙真 此滅 至不生 性 觀世音佛 得 露 盡 可滅 無生 解 而 如 非對生之滅 寂 恝 滅 入首楞嚴三昧 性 滅真理現前 五. 此 一陰全破 滅結 0 所授之法 方是到家時節 亦 解 飹 , 六 結 ,狂心 即 , 乘 從無始來, 佛 。所謂寂滅者 , , 前 當登圓教初住之位 是從聞 已歇, 與釋迦 寂滅場地 示 , 0 既 六結次第生起之第 滅者 如來 本自無生之滅也。虛心絕待 歇即菩提 ` 思 ,此寂非對動之寂 , 為真心之全體 , , ` 解結修證 修 即觀智還元 , 0 亦即 此寂 。下忽然超越之下 %滅現前 佛云 , 無 二 結 **,** 0 前 : ,從無始來,本自不動之寂也; 一無別 佛云 解脫法已 切生滅 由 ,是入三摩地 汝 無始 : 0 , 妙體 既得寂滅現前 是名菩薩 , 皆 悉皆滅已 , 俱空不生 心性狂亂 稱全體所起之大用 孤 圓 , 得證 , , 從三摩地 即 此去 圓 如 , ,妄窮真 親證藏 今六結 通 來 更無 藏 0 古

《正脈》 云:通前次第解結 科 , 會於四卷末節:入流 ,即守於真常 也。

銷顯 矣!但永嘉似乎都攝六根 於覺所覺空 云:「亡無所亡,則塵遺非對;入無能入,則念滅非知。」 則入無能入;入流而亡,則亡無所亡。」此四句根塵俱冺 亡所則入流而亡,入流則亡所而入。」 入流即息念,亡所即亡塵,亦應倣其文云:「流非亡所而 識 即棄諸生滅 \$情為垢,二俱遠離;寂滅現前 闃 爾 , 向後更有脩治,斯經已談深證高位,向後惟彰發用,今與合會而觀 無寄 ;盡聞即根塵識心,應念銷落;覺所覺空,與空所空滅,即想相為塵 , 0 妙性天然。」此二句可齊於生滅既滅 又云:「 知滅對遺,一 ,或專攝意根 ,即法眼清明,毫無差爽矣!若會永嘉奢摩他文 向冥寂。」此二句可齊於空所空滅 此四句可齊動靜不生 , 此經乃專攝耳根為異耳。 , 寂滅現前 不入,所非入流而不亡 此四句無對 ,可齊於聞所聞 0 又云:「亡所而 , 亦似脗合 又永嘉方談最初 無知 ,節文宛 盡 又云: ,可齊 而 無聞 。 又

寅三 詳演稱體起用 分二 卯初 標列二本 承演三科 今初

,無有異心,行者不可委為高位

,視為不切已也。

似

,令知圓頓初後

#### 忽然超越,世出世間, 十方圓明,獲一 一殊勝 0

大佛

8 9 6

法 生 空 所 員 何勞多述 行 十方所有諸法 礙 通體 不 , ,立志欣修 , ,言之甚略 合如 在 俱 已令選擇 上是菩薩 医空亦復 光 不能超越世間 , 發自在用時也。超越 明 來藏 裏者 , 圓根 !修證圓通,自利之因行;下是菩薩稱體起用 完 生 , ,不得不為廣陳也。忽然超越者 ,利他之行 ` 詳演果用 而 , 0 三如來藏 獲二殊勝 無非自性光明,周徧圓滿。」古德云:盡大地是自己光明 **,** — , 故得超越 ; = 門深入 乘為法執所礙 ,演之甚詳;中有二意:一、從根 ,惟妙覺明 ` 無作妙力 : 此總標大用 世出 乃解脫無礙之義 , 脫黏 世間 为伏 , , 自在成就 圓照法界。」 , 不能超越出 , ,併示解結次第,入三摩 十方圓 即上合下同之二,權 ,寂滅真體 :即從聞 , 明 乃為激發回 菩薩 世間 即 ` 四卷佛云 **,本自** 思、修 亦復如是 ;菩薩 ,利他之妙行 解結 .小向大之機 圓明,六凡 入三摩地 , ,佛於第二決定義 小莫及 : 最後一剎那 地 , , 《指掌》云: 我 至為 以 0 ,故稱殊 , ,令起羨 デ 無 一 自利之 不滅不 我 為 明 我執 法雙 晰 , 證

## 者上合十方諸佛,本妙覺心, 與佛如來,同一 慈力。

勝

無緣(乘緣)慈,度有情界,下三十二應,即同其用也 法平等,無有高下」者是也。上合即與佛同其體;同一 佛 所證本來妙覺真心,此心佛與菩薩眾生,無二無別,即 此下二節,別明大用。菩薩已證心佛眾生,三無差別之理,故得上合十方諸 慈力,即與佛同其用;佛運 《金剛經》 所云:「是

## 二者下合十方一切,六道眾生,與諸眾生,同一悲仰 0

者悲哀 殊 其體一致 下合眾生,亦應有本妙覺心一句,文略例上可知。此亦與生同其體;生佛雖 ,仰者仰望 。同一悲仰:即與眾生同其用;眾生與佛 ,眾生身罹苦難 ,哀求拔苦,希望與樂;菩薩同其用 ,其體雖同 , 其用 , 故施無畏 則異 悲

力,下十四無畏,即同其用也。

初 標承慈力 卯二 承演三科 二 條陳妙應 辰初 三十二應 二 十四無畏 三 結名出由 三 四不思議長初 分三

巳

三昧 尊 ,與佛如來,同慈力故,令我身成三十二應,入諸國土。 • ·由我供養觀音如來;蒙彼如來,授我如幻 ,聞熏聞脩 **'。金剛** 

業用 身 通 固 性 修 覺之智;下聞修 者 暢 養 法 三十二應者 (成三十二 佛 界之所 0 , , 與 不 : 喻 照 喻 如 本 此 幻 出 為 佛 如 懷 如 破 洪共尊 如來 金 幻事 是喻 妙應體用 Ŧ. 0 應 蒙 種 身 剛 陰 彼 輪 , , , : 也 , , 同慈力故 入諸國 從 如來 現十法界身 堅 聞 不思議 解除六結 ,即始覺反聞修習,入流照性之功。 洪源 熏聞 古 無 又即超九界以獨尊之稱 ` 供養 不 而 : 1修是法 即觀音. 土 有 0 壞 : 世尊 佛身 : : 0 ,  $\equiv$ 既證圓通 即 有即非有 , 身 返 圓應群機也。」二、口輪不思議 應機所起之妙用也 昧是梵語 ,金剛 如來 : , 定窮 能現無量 乃稱 侍奉左右, 流根 , 呼釋迦 傳授 ,與佛同其體 ;修成而 , 昧 , 身 至不生滅 亦然 此云正定 耳 , 。觀音如來 **T根修證**: 執勞服役 ,為六凡有情世間 應 得三昧 。 上 以 何身得 此用 , 聞字 法 , , 澈法 即首 故能與佛如來同 此種修法 , 門 名曰 , 0 底 即菩薩因地本 度 楞嚴 即菩薩 指本覺聞 如 , 源 供養 金 幻 即 大定 : 剛 聞 , = , 現 無 佛心: 無修而修 所得 三熏聞 口能說無量法 何 動 昧 性內 乘正 , 其用 無壞 身 證 ,三輪 修 0 師 一覺世間 熏 依教起 此定為 修 溫 即 , 金 。下令我 , 修即 究 不思議 熏起 由 陵 入 剛 竟堅 流照 日 得 修 我 九 昧 圓 始 供 無

應以 薩鑒機既定 切眾 何法得度 生 一,根性 , 乃為現身說法, ,即說何法 不等,樂欲不同 ,說皆契理契機也。三、意輪不思議:一意能鑒無量 善巧方便 ,或樂有為 0 輪有運載之義 ,或樂無為 , ,或樂入世,或樂出世 以此三輪 , 入諸 國 王 機 菩 即

方諸 國 王, 無剎 不現身 , 普載 迷倫 ,同躋覺 地 也

條陳妙應 分六 午 初 應求聖乘 應求諸天 Ξ 應求人趣 四 應離八

部 五 應人修人 六 應離非人 今初

世尊!若諸菩薩, 入三摩地,進修無漏,勝解現圓 • 我現佛身,而

# 為說法,令其解脫。

道 別 同 類 身 所 而 此應菩薩所求 無 0 若諸菩薩:諸是助語詞,若作多解亦可;菩薩則該權實諸位,權實雖復不 希望成 起 漏 殊勝之解 勝 佛 解 亦 , ,以菩薩志在菩提, 然 則 將 0 勝 而已。三摩地 現 解現 圓 滿 圓 , 而未滿之時 : 各隨 : 故現佛身 所修 即所修法門之正定 法 以下諸位 門 0 , 其餘後三, 無間 道 , 勝解之字雖同 , , 有 因行已滿 則現聖身 1相似位 ` ; 下 皆 , 分證 將 其義有 入 解脫 位 現同 差

即 勝 異 現 解 ; 佛 即 現 身 圓 本科亦當作二種解 0 為說頓入佛乘之法,令得分證解脫 若分證位菩薩 ,入分證三摩地 若相似位菩薩 ,進修金剛無漏 ,入相似三摩地 , 或究竟解脫 , , 進修中道 則究竟勝解現圓 無漏 , 則分證

初住 法?」答 間 約其遠本,早成正法明如來,是為等覺說法 : : 大士證 初住能分身百界,八相成道,豈不能為等覺說法?又大士近迹,雖在 入 圓 通 但 登圓教初住之位 , ,理無可疑。」 如 何 能 現 佛身 , 而 為等覺菩薩 說

#### 諸 有 學 , 寂靜妙明 • 勝妙現圓 ,我於彼前 • 現獨覺身 • 而為說

## 法,令其解脫。

其所 相 樂獨 變化 求 善寂 如 此 ,自覺無生 現獨 鑽 令易信從 木 覺身 取 日 火 寂 靜 , , 。三科皆云 故號獨覺 已得 , , 求自 為說無生之法,令其解脫 矮相 |然慧 , 0 , 有學者 若諸有學 其火將出未 , 曰 妙 锏 ,志求獨覺者;寂靜 以未證無學位 出之時 勝 妙現 , 見思煩惱,而證無學之位 圓者 我於彼有學之前 故 1:殊勝 獨覺 妙明: 妙慧 者 然慧 即在修道位 出 , 現獨 無佛 將 覺 現 世 此非天 身 員 滿之 中 觀 應 物

然外道,以多生熏習小教,今出無佛世,覽物榮枯,觸境悟道也。

# 身 「諸有學,斷十二緣,緣斷勝性,勝妙現圓;我於彼前,現緣覺 ,而為說法,令其解脫

滅 支,連環鈎鎖 觸緣受 (受,此現在世五支果。) ,受緣愛 (說愛憎含其中,此是現在世之惑。) ,愛緣取 已,心即投胎之想愛,色投胎中父精母血);名色緣六(根,而能入塵);六入緣觸和合,名即是心,以心無形相,但名而);名色緣六(入即一身所具六) 死 轉還滅二門:一流轉門,謂遷流不息,輪轉生死;二還滅門 循環無已 而 是業之初,有是業之成。);有緣生 (世受生);生緣老死 (此二支,乃未來世之苦果)此二支,是現在世之業,取);有緣生 (即未來);生緣老死 (即來生由少而老,由老而死。) :成三世因果:無明緣行 (此是過去世惑業二支因。) ;行緣識 (第 八 識) ,識緣名色 (心色 。順觀流轉門,乃知生起次第,有十二支,又名十二有支,不出惑、業、苦三。 乃至生滅 此 現緣覺身。 , 生死不息, ,則老死滅。今云斷十二緣,乃約還滅門說。 ,相續不斷,從因感果,果上再造因,由因再感果,惑、業 秉佛十二因緣之教, 故曰流轉門。 逆觀還滅門,得悟無生之理 覺悟無生之理,故稱緣覺。 緣斷勝性者 ,謂復還本性 十二因緣 , 無明 (孩童時,六根) 勝性 **|,滅諸:** 滅 、苦三, 。 此十二 ;取緣有 六塵。); ,有流 , 則行 鴚 無 生

生理性,以超世間法故稱勝,此性必由緣斷而顯,故曰:緣斷勝性。勝妙 、以悟因

緣性空 , 故稱勝妙 。正在勝妙將現圓滿 ,未滿之時 , 我於彼有學之前,現緣覺身

慰其所 求 而為說緣生無性之法,令其解脫分段生死, 而證緣覺之果

#### 諸有學, 得四諦空 • 修道入滅 • 勝性現圓; 我於彼前 • 現聲聞

身

而為說法

,令其解脫

٥

超出三界,而入方便有餘土涅槃。 即於有學之前 為 已斷 , 故 此現聲聞身。若諸有學,在見道位中,以八忍八智十六心,斷四諦下惑,見惑 ,  $\Box$ 曰 [修道 得 四諦空, 入滅 ,現聲聞身 0 勝性 而入修道位 , , 投其所好, 即 滅諦無生之性 ,斷三界思惑,八十一品 為說滅諦無生之法,令其解脫 ,將現圓滿之時 , , 品品皆證 如未雨已先得雲 世間諸漏 分擇: 滅 0 我 無

午二 應求諸天 急三 未初 天王 二 天臣 今初

若 諸眾 生 • 欲心明悟 ,不犯欲塵,欲身清淨 • 我於彼前 • 現梵王

# 身,而為說法,令其解脫.

出欲界,上生色界 眾生之前 致 ,了知欲為招苦之本,欲由愛生,身因欲有,身為眾苦所集 故持戒修身,不犯欲塵,令此欲身,而得清淨。 此現梵王身。若諸眾生,指在欲界之眾生。欲心明悟者:對婬欲一事,心得明 現梵王 身 ,不由胎生,乃是化生,身相莊嚴清淨,令得解脫欲界苦麤障 , 為說四 [無量心 , 及出欲論 教脩離 清淨乃是生梵之因 欲定 0 ,無非婬欲之所招 此定若成 , 故我 可 於彼 以 超

# 諸眾生, **欲為天主,統領諸天,我於彼前,現帝釋身,而為說**

忉

#### 法 ,令其成就

而得色界淨妙離也

求 善見城、居中一天,合成三十三天,不惟統領忉利諸天,兼統四天王。 利 上品十善 此云三十三,為六欲天第二天,在須彌山頂,東西南北各八天,帝釋天主,住 故 此現帝釋身 於彼前 及種種善論 ,現帝釋身 若諸眾生,或為人道 ,令其成就帝釋之果 , 即 忉利天主 ,或是初二天天人, , 釋提桓因 此云能為主。 願 為忉利天主 而為說法者 我則應其所 梵語 說

#### 諸眾 生 ,欲身自在 • 遊行十方;我於彼前 • 現自在天身 • 呵 為說

## ,令其成就

善等法 方 而 此現自在天身 無 令其 阻 礙 (成就自在天福報 0 我於彼前 0 若諸眾生,指人倫及欲界諸天;欲得此身 , 現 他 。或云六天別有魔王宮,亦自在 化自在天身 攝 , 逍遙自在 而 為說 , 遊行十 上品

# 若諸眾生,欲身自在,飛行虛空;我於彼前,現大自在天身 而為

0

#### 說法 ,令其成就

•

量心 最 云遊行 大千世界之虚空,因大千世界,上覆 勝 此 十方 |現大自在天身 令其成 得 大自 , 就 在 不過六欲 最 也 勝果 0 我 0 若諸 報 應其所求 四洲之十方;此云飛行虛空 0 眾生 有謂 此天 ,指欲界天人 , 即 以四 現 即 大自在天身 摩 禪天 **醯首羅天王,有三目八臂** , ,大自在天 欲得此身自在 , 飛行 而 為 說 , 即 |較遊 上上品 色界頂天 行 ,而能飛行虛 為 十善善 勝 , 0 騎白牛 此 , 世 四 虚 間 空 空 禪 四 福 執 乃 無 報

白拂

能

飛行虛空者

#### 未二、天臣

# 若諸眾生,愛統鬼神, 救護國土;我於彼前,現天大將軍身 而為

# 說法,令其成就。

將軍身 所求 光明經》 福 德日 此現天大將軍身 即於彼前 也 鬼 • , 救護 散脂為大將 有 福德日神 國土者 , 現天大將軍身 0 若諸眾生: ,統領二十八部,巡遊世間。」今云愛統鬼神 : 0 即巡視 《正脈》 世間 , 云:「四王主帥 指 而為說五戒十善,及秘密神咒, 一切國 人道及八部 土 , 除妖降福 ,心愛統領鬼神 ,各有' 八將, ,賞善罰惡耳 韋馱 乃八部 呼召鬼神之法 , 為 即欲求天大 上首 我則 鬼神 應其 金 無

# 令其成就威勇,保護蒼生也。

# 若諸眾生,愛統世界,保護眾生;我於彼前,現四天王身,而為說

# 法,令其成就。

護各國眾生; 此現四天王身 我則應其所求 。若諸眾 生 , 即於彼前 ,指人類眾生, , 現四天王身,為說上品十善 及四天天眾 , 愛統 世間 四大部洲 及護國安民 保

薜荔多二部;西方廣目天王居白銀埵,領比舍闍、莫呼落伽二部;北方多聞天王居 持國天王居黃金埵,領乾闥婆、富單那二部;南方增長天王居瑠璃埵,領鳩槃荼 之法,令其成就,統領世界之願。四王居須彌山腰,為帝釋外臣,故列天臣。東方

## 若諸眾生 而為說法,令其成就 • 愛生天宮, 驅使鬼神;我於彼前,現四天王國太子身,

水晶埵

,

領藥叉、

羅剎

部

之。 戒 擾亂人間 子 能驅遣使令一切鬼神。 十善符咒之法,令得成就其志願也 輔助天王,保護眾生。 此現天王太子身。若諸眾生,指人倫及四天人民,有志愛生四天王宮,為太 ,四王太子,而能制止。設有違制 鬼即八部 我則應其所求,即現四天王國太子身,而為說皈依齋 , 神即四王各八大將軍之屬;或有鬼神 ,則遣大力鬼神,或天大將軍 , 而 作祟 降伏

之類。」 大吉義經》云: 《灌頂疏》云:「唐天寶間,西番五國,來寇安西,國軍莫能禦 護世四王,各有九十一 子, 姿貌端正 ,有大勢力 ,玄宗詔 即那吒

中 對曰:北方天王,第二子獨健,往救安西;寇進攻,仰見無數天兵天將 不空三藏入內,持念《護國仁王陁羅尼》。方二七遍,忽見神將五百,荷戈殿前 寇畏歎曰: 中國有聖人,未可犯也!即退兵。隨即表奏,帝喜 ,因敕諸道 ,布陣· 府 空

應求人趣 分四 未初 王臣人民 二一秉教男女 三 世諦婦女 四童真男

若諸眾生,樂為人王,我於彼前,現人王身,而為說法,令其成

女

今初

州

各建天王殿以祀之。」海內大剎

,皆有天王,

即此由來矣。二應求諸天

就 此 说王身 。溫陵戒環法師曰:自金輪以至粟散,皆為人王 一。釋日 l,世間 人王有

四大部 者 五. :一、金輪王,即轉輪聖王,亦具三十二相,有七寶隨身,人中最上,無能勝 即王位時,有金輪寶 洲 各國莫不服從 名勇疾風 四 、將軍寶,又稱主兵臣寶、名離垢眼。五、主藏臣寶 (,從空飛下,而至其前。乘此輪寶 以十善化世,得王(譽)一四天下。二、象寶有白象 日能遊行東西南北 Ě 財

寶隨身 六 , 寶藏 同 **!輪王出遊,不必帶諸財寶,王欲布施時** 瓶 ,王隨 身攜帶 , 欲要何物 , 能 如輪 王之意 , 但有 主 地 ,藏臣· 出生 令掘 七 , 女寶 取用不

人 即 輪 此 王 第 亦 一夫人 福 報 所 感也 , 名淨: 妙德 ` 銀輪 , 能輔 王 三 化 , 即王 , 位時 各國 人民 , 有銀輪寶 ,受王之化 , 從空飛至 , 悉修十 , 乘之一 善 , 世 無惡 日 能

寶 遊 行 , 能 東 遊行東南 西南 洲 三洲 , 除 ,各國歸其統領。 北洲 ,王(譽)三天下 四、 ,各國悉皆服從。三 鐵輪王, 有鐵輪寶 ,能遊行南 銅銅 輪 王 洲 , 有 洲 銅 輪

徧 所 有 地 皆 各國 是 , 0 若諸 皆 歸 眾生 統 轄 : , 指 如 入倫 阿育王者是也 ;樂為 人王: 0 Ŧi. ·王者往· ` 粟散 也 王 , , 懷仁布 即各國 小王 德 , 四 , 方歸 如 散 往 佈 其 , 欲為 粟

有道之君 , 治 運邦 一國者也 0 我於彼前 , 現 人王身 , 為說 五. 戒 千 · 善 , 以為生貴之因

及說帝 王德業 , 熏成隔生之種 ,令其成就善因 , 而獲福果 。 問 「心懷篡逆,窺竊

神 未 知菩薩亦 為現身說法否?」答:「菩薩志在利 生 , 豈肯助 逆

若 諸 眾 生 愛 主族姓 • 世間推讓 ; 我 於彼前 • 現長者身 • M 為說

# 法,令其成就。

生, 心如 為說博施濟眾 楷模足式 大富 : 愛主一 下歸 白 此 , 謂豐饒財寶 月 現長者身。我國年高德重,即可 姓貴 0 八、禮備 慧燦珠璣。六、年耆 族同姓 謂下為人民之所依歸。具此十德,方稱長者,故列宰官之前。若諸眾 ) 謂 仁民愛物之法,令其成就 剎利尊姓 , , 併願為世間所推重 充裕倉廩 ,謂威儀庠序,接物和光 ,貴族大家。二、位高 0 ,謂耆年宿德, 四 「、威猛 , `稱為長者,西域長者,頗不易稱,須具十 到處讓居上首者 ,謂霜威嚴重,望之可畏 。九、上歎 老當益壯 ,謂宰輔丞相 0 ;我於彼前 ,謂上為王者之所 七、 行淨 ,朝中老臣。三、 0 謂 五. ,現長者身 矩範 ` 智深 稱 堪 歎 親 , 謂

#### 諸 眾生 愛談名言 ,清淨自居;我於彼前, 現居士身 • 而為說

# 法,令其成就。

身 世 , 為說清心寡慾 此現居士身 清淨 自居者 0 若諸眾生 身處塵勞 ,潔己脩身之法,令其成就 ,愛談古今名人, , 心恆清淨 , 不染世欲 。居士乃以道自居之士,即在俗修行 嘉言典章,可以垂範作則 ,以道 自居 0 我於彼前 , , 現居 以訓 於

者 有有德有位者 ,如蘇東坡之類,有有德無位者, 如王通、邵雍之流 隱淪

若 者 諸眾生 • 愛治國土, 剖斷邦邑;我於彼前, 現宰官身 • 面 為說

#### 法 ,令其成就 0

菩薩現身 前 者為邑 (驛) 也 , 能為朝廷,整綱立紀,能為民間,易俗移風 現宰官身:宰者治也 此 現宰官身。 為說脩齊治平 , 剖乃剖雪冤屈 若諸眾生, ,官者公也,上 護國愛民之法 , 斷則決斷是非 愛治理 國家領土, ,令其成就 自三臺輔 , 如片言折獄 0 輔佐政治 剖斷邦邑者:大者為邦 相 , 下至州牧縣長 , 訟簡 0 溫 陵謂:三臺輔 刑清者也 ,皆名宰官 省如 我於彼 , 小 相 是

## 若諸眾生,愛諸數術, 攝衛自居;我於彼前, 現婆羅門身 • 而為說

#### 法 ,令其成就

,

,

地 理 此 , 7現婆羅 陰陽度數 門身 , 曰 數 0 若諸 ; 眾 醫卜命相 生 , 愛諸 ,咒水書符 數術 攝衛自居者 曰術;調 二:謂有 攝身心 類眾 ,節勞靜神 生 , 愛好 天文 日

攝 ;;保衛生命,固精養氣,曰衛。如前文所云:求太陰精,用和幻藥,可以益壽

可以 脩世。以此數術,攝衛自居,不求他學也。

裔 梵者淨也,又云梵志 我於彼前 ,現婆羅門身:婆羅門, ,以彼志在梵天故,菩薩現身 此云淨裔,謂此是劫初梵天苗裔,苗裔 ,為說世智 調氣 煉神之 即後

## 未二 秉教男女

法

,令其成就,數術攝衛之學也。

# 有男子,好學出家,持諸戒律;我於彼前,現比丘身,而為說

## ,令其成就

空行夜叉,天行夜叉,亦復讚善, 命 戒 以割愛辭親,捨俗出家。持諸戒律:初出家所受之沙彌十戒,進受比丘,二百五十 外乞食以養身命。二、怖魔:謂受比丘戒,登壇白四羯磨時 比丘名含三義,即五不翻中多含不翻。三義者:一、乞士:謂內乞法以資慧 此現比丘身。若有男子,好學出家:此是在俗男子,心厭塵勞 輾轉聲傳六天,魔王聞之生怖, 怖懼魔界減少 地行夜叉讚善 , 好學 佛法 是

佛界增多。三、破惡:修持淨戒,能破身口七支之惡。我即現比丘身,為說戒、定、

慧學,清白梵行之法,令其成就。

# 若有女人,好學出家,持諸禁戒;我於彼前,現比丘尼身, 而為說

# 法,令其成就。

諸 樂學道脩 王;二者不得作帝釋;三者不得作魔王;四者不得作轉輪聖王;五者不得作佛 五德也。上現出家,秉教二眾。 丘 尼身 八敬等法 此 現比丘尼身。若有女人,既厭塵勞之累,復嫌五障之軀:一者不得作梵天 ,合其所慕 行 , ,出離世俗之家。持諸禁戒者:諸字包括之辭,尼有三百四十八戒 ·皆為 佛所制禁戒 0 而為說法:即離染清淨,精脩梵行之法,令其具足三學, 。尼此云女,比丘尼,女人出家,受具戒者 我現比 ,成就 餘餘 好

### 就 若有男子,樂持五戒;我於彼前,現優婆塞身,而為說法,令其成 0 若有女子,五戒自居;我於彼前 ,現優婆夷身 ,而為說法,令

其成就

#### 9

大 不飲酒昏迷,而失本有智性。酒本無罪,飲之昏迷失性,醉後糊塗,能為造罪之 為性業 **尅守世間禮教;四不虛妄語言** 存仁愛慈心;二不偷盜財物,見利自當思義;三不姦婬男女(在家之眾,惟戒邪婬,) 五. 戒。五戒為出家、在家,通脩之戒,即殺、盜、婬、妄、酒:一 是為遮業 此 (現在家秉教二眾。設若有男子,志慕佛教,不能捨俗出家,但好樂(ポ)受持 ,本性即是罪業,不特受戒者犯之有罪,不受之人犯之,國法亦皆治罪。五 ,故佛遮止,不許飲酒。經中具說,飲酒有三十六種過失。 ,履踐信實之道 。上四殺、盜、婬、妄是根本戒 不殺害生命,恆 , 又

酒無肴 於人,遂將儀狄貶於蘇海。又古有優婆塞 以酒燉雞 古時夏禹王,有臣名儀狄 1,隣舍走來一雞,遂將盜藏。隣舍覓雞,問曰見否?妄言不見,少頃殺而烹 ,真婦聞氣味生疑,故來探視,遂留同飲同食,醉後調戲成姦 , 製酒佳味,進貢於禹王,禹王飲之,知此酒能誤害 ,因酒而破五戒:因酒戒不能持 ,一日有 ,是則

此之男女 ,身處塵勞;樂持五戒:欲以五戒自居(即自),以修其身 0 我於彼

因酒

而

五戒全破也

持三戒 人前生 女 0 為說 , , 則為中等之人,如持二戒,則為中人以下。 持 [五戒,為人道因,五戒全持,則為上等人,若持四戒,未免美中不足 戒 太少 , 雖得人身 , 極為愚癡苦惱 ,應當持滿分戒 但持一戒 ,亦可不失人身 即五戒全持 此 ), 若 此 Ŧ.

信也;不飲酒智也。為說五戒,令其成就清信士女之身 戒 7,即儒: 教仁、義 、禮、智、信五常。不殺仁也;不盜義也,不邪婬禮也;不妄語

## 未三 世諦婦女

## 若有女人, 内政立身 ,以脩家國;我於彼前,現女主身 • 及國夫

### ,命婦大家 姓音) ,而為說法,令其成就 0

德 廷 下至家庭,無不皆然。女人又為教育之所係,母教更有力於師教,孟母即其證 孝敬翁姑 名曰立 此現婦女身。內政立身者:女正位乎內,故曰內政。家門以內之事 身 , 0 教育子女,是為內政。貴而能勤 閨門 為萬 化之源 , 關於國家之治亂興衰 ,富而能儉 , **编觀自古及今** i,貞靜. 幽嫻 ,女人主 以修女 上 自 朝

德兼備 夫人身 宮 婦 身 教 也 , 謂受朝廷誥命之婦 即 令皇后貴人師事之,世稱曹大家也。 以 以 為 《脩家國者:即內政立身,而身脩矣。感化家庭,關係國政,如岳武穆之母 成精忠報國之志。家通大夫以上,國 ,能為女主之師,如漢扶風 (ฐ) 曹世叔之妻,乃同郡班彪之女,和帝常召入 , 即 齊家治國之本。我於彼前 邦君之妻 0 ,妻因夫榮、丈夫為官,女人受誥封也。大家、家訓姑 君稱之曰夫人, ,觀其志願, 國人稱之曰君夫人,一 為說三從四德 通諸侯以上。女人如能內政立身 或現女主身、 ,端莊淑慎之法,令其成 即天子之后;或現 國主君之婦 也 , 脩 , 才 0 命 或

## 未四 童真男女

就

# 若 有眾生,不壞男根;我於彼前,現童男身,而為說法,令其成

#### 就。

身持守 此現童男身 是謂 童真 。若有保守天真 0 我於彼前,現童男身 ,不染欲塵之男子 , 為說守真抱璞 , 天真未洩 ,固精保元之法 ,男根不壞 , 有志終

就童真也。

# 有處女,愛樂處身,不求侵暴;我於彼前,現童女身,而為說

# 法,令其成就。

其成就 逢場作戲 不字,永為處女之身。我於彼前,即現處女身 處女之身,白圭無玷,不求婚嫁。縱有強施侵暴,迫之令嫁,亦誓所不從 此現童 。上自天主至此,乃是大士以如幻三昧之力,應眾生希求之心,竿木隨身 同事攝化之妙也。三應求人趣竟 女身 。若有處女,亦名處子,乃未出閨門,未嫁之女子,愛樂 ,為說堅貞美德,清淨自居之法,令 ,願終身 (去聲)

## 午四 應離八部

# 若有諸天,樂出天倫;我現天身,而為說法,令其成就 0

得成就 反求,轉入人道?亅答:「天道雖樂,樂有終盡,五衰相現,畢竟無常。又則天人 以上諸科,皆應希求,令得成就,出世入世之願望。以下諸科 出離 本位 , 得生人道 。 問: 「餘趣求生人道,是事不疑,天本勝 ,皆應厭離 入, 何以

聖也 著樂 得道 我現天身, 三乘聖人 不肯脩行 . . 為說無常 亦皆人身脩證 裴相國云:整心慮趣菩提,惟人道為能耳」 苦、 。故諸天樂出天倫,得生人道 空、無我之法,令得成就也 0 ,既得人身 所以諸佛皆從 可成 入中 四

#### 若 有諸龍 • 樂出龍倫, 我現龍身 • 而為說法 • 令其成就 0

力 經》 能 江 阿 變化 ||含經》 明龍 四守護伏藏。 故七寶為殿 灌 頂云:梵語 ,多化人形 有三患 又云 : : 。我現龍身, **其類不一,故曰諸龍** 就因先世多瞋 那伽 , 熱沙炙身 惟五時不免蛇形 , 此 云龍 為說布施持戒,正直柔和 、二風壞宮衣 0 ,心曲不端 龍 : 有 生時 0 四類:一守天宮殿、二興雲降雨 過去亦曾修福,所住宮殿,亦為寶成 ` ` 眠時 三金翅鳥噉 犯戒鬥諍 ` 婬時 , ,仁慈謙讓等法,令其成 故墮 ` 0 瞋 因有多苦 龍 時 中, 死 由 嵵 , 故樂出 大行布 0 、三開瀆決 《長阿含 施 離 , 身 福

#### 若 1有藥 义 • 樂度本倫;我於彼前 • 現藥叉身, 而為說法 • 令其成

#### 就。

就

大佛

頂

如如

梵語藥叉,此云捷疾,其行捷疾故;亦名勇健,勇猛強健故;或云暴惡,其形

暴惡故。有地行、空行、飛行三種。《最勝王經》云:是等藥叉悉皆愛樂如來正 法

深心護持 0 樂度本倫者:因受佛法熏習之力,知暴惡為墮緣 ,故樂度脫本倫 我現

柔和善順之法,令其成就人淪;若能兼修慧業

亦可成就

聖倫也。

藥叉身

為說持戒脩福

# 若乾闥婆, 樂脫其倫;我於彼前,現乾闥婆身,而為說法,令其成

就。

前,現乾闥婆身,為說離於放逸,及五戒、中品十善之法,令其成就 五陰,是帝釋樂神 乾闥婆 ,此云香陰 0 帝釋須樂, ,在須彌山南 燒沉水香 , 金剛窟住 , 此神尋香而至 。此神不噉酒肉 0 好樂脫離本倫 惟食諸香 , 我於彼 以資

## 若阿脩羅 ,樂脫其倫;我於彼前, 現阿脩羅身 ,而為說法 ,令其成

#### 就。

阳 \_脩羅此云非天,有天福無天德故,此指化生阿脩羅, 是天趣攝 更有胎生人

阿脩 由 戟 云 趣 温 在 , 羅身 因 從空飛入宮中 南 卵生鬼趣攝 蒔 洲 金剛 , 為說慈忍謙恭,虛心受教,及中品十善之法,令其成就 雖 行五常 Щ , 有脩羅宮,六千由旬 , ,濕生畜趣攝。亦云無端正,男醜女美 脩羅若不躲避,必受殺傷 , 懷猜忌心,欲勝他故 , 欄 楯行樹 , 作下品十 , 故 19 生厭離 , 每日三時,苦具自至 ·善 ,無端正男故 , , 樂脫其倫 感脩羅 身 0 0 名 義 我於彼前現 o ,刀鎗 長阿含經 集云 劍

曠野鬼神眾 教 汝無人食汝 慈愛物之法 佛授袈裟 不可食龍 按《法華經普門品》 , 俾纏龍角 ,令其成就。此經無此部,諒係抄寫之脫漏 , , 羅剎鬼子母,甘露悉充滿。」 何為求救?鳥曰 , 我每日受食時 ,乃至纏袈裟一縷者 ,此部之後有迦樓羅,此云金翅鳥,以龍為食,龍求佛救 : , 布施 我無龍食 汝食 0 , ,金翅鳥皆不敢食 故亦樂脫其倫 現在侍者施食 則必餓死 , 也 佛安可 0 , 大士現同類身 偈云: 。鳥亦往佛求 不救?佛曰 大鵬 金翅 救 ,為說仁 汝遵吾 鳥 佛

#### 若緊那羅 • 樂脫其倫;我於彼前 • 現緊那羅身 • 而為說法 ,令其成

#### 就。

大佛

頂

緊那羅此云疑神,其形似人,頭有一角,見者生疑,唐翻歌神, 是帝釋唱歌之

佛 由 神 普 , 諸天絃歌而頌法門者 貌醜而音美 布施之力, 。《菩薩處胎經》云:須彌山北,十寶山間,有緊那羅,於中治化 居七寶殿 , ,壽命極長 即是此 神 0 ,天欲奏樂,腋下汗流 今樂脫其倫者, 大士為現同類身 便自上天 , 為說歌詠 0 帝釋請

亂心,欲樂無常,及中品十善之法,令其成就。

# 若摩呼羅伽,樂脫其倫,我於彼前,現摩呼羅伽身,而為說法,令

#### 其成就。

本類 倍 摩呼 此 , 類 求生人道,大士為現同類身,為說修慧、修慈,忍辱柔和,及中品十善之 羅 因心中多癡恚 伽此云大蟒 神, , 故所感之報 亦云地龍 , , 聾騃無知 而無神通 ,常含毒傷生 , 乃屬腹行, ,必更墮落 較之天龍 , 。今樂脫 其苦自

## 午五 應人修人

法

,令其成就

,四應離八部竟

# 若諸眾生,樂人脩人;我現人身,而為說法,令其成就 0

諸 樂人脩人。六道之中,諸天著樂,餘道多苦 生生世世為人。經云:人身難得,今生既得,好樂脩持人道,來生不失人身 |佛皆於人中成道故 若諸眾生:眾生之名,本是六道通稱。此對下句,樂人脩人,即是人道 。又人道易於脩證 , 出 世四聖 ,故樂得人身;又以人身,方值 皆人道脩成 , 所 以 八部 ,好樂 佛 , 故 , 皆 法 樂

隱之心非人也。是則內教外教,皆重人倫。我於彼前,即現人身,為說五戒 () 中品

十善,令其成就。五應人脩人竟。

脫

本倫

轉生人道。人者仁也,惻隱之心

),人皆有之,惻隱即是仁

。孟子曰

無惻

## 午六 應離非人

#### 諸非人, ,而為說法,令其成就。 有形無形 • 有想無想 • 樂脫其倫;我於彼前 皆現其

部等 咎精明等 ,不盡之類 《指掌》云:上科人倫,統收人王宰官等 無形 0 無色蘊 以彼所不攝者 , 如空散銷沉等 , 皆此攝 ; 有 故。 想有四蘊 長水子璿法師云:有形有 ,不盡之機。此科非人,統收天龍八 如鬼神精靈等 色蘊 無想 , 如休 無四

蘊 各隨其類而現身,各應其機以說法,令其成就。二條陳妙應竟 , 如精神化為土木金石等。有好樂度其本倫 ,轉生人道者,我於彼等之前,一一

### 結名出由

# 是名妙淨,三十二應,入國土身;皆以三昧,聞熏聞脩

聞 事 即說何法;身、口、意三輪,皆不思議,曰妙 不思議之明證 相 結 性 應 列總標之名,名為妙淨三十二應,入國土身:一時頓現 ,不著於相曰淨 內熏, 如 上三句指所現之身,下四句出起用之本。是字即應九界機,普門示現身相。上 自在成就 是妙用 入國土身:即十方諸國土 熏起始覺妙智 也。 , 乃稱圓通體所起 先由意輪鑒機既定 ;又妙者不可思議 作反聞修習之工夫,時時反聞自性 , , 皆由耳 無剎不現身 , 淨者無所染著 應以何身得 |門脩證三昧之力也。 ,以一身普入一 ,一一皆無染著曰淨 度 , 即 ,即大士證圓通已 現何身 ,隨類各應曰妙 切剎 聞 ,熏變執習 熏聞 , 應以何 , **,** \_\_ 是為: 修者 切 , 而得 法得 剎 妙淨三十 ;所現身 無作妙 中作佛 由 解六 本覺 三輪 度

國夫人 應之身 應 者 意 思議之力用 無方 : 而 , 即 臨 破五陰 , 任 水耶 , , 彼經則無 與法華普門品 神化 運 而 ?千江有 ,妄窮真露 莫測 應 身不分而普現 , 有 0 , 八部中彼有迦樓羅,八部外彼有執金剛神 感 水千 三十二應 斯通 , , 互為 生滅 江月 ;干 出沒 既滅 , , , 萬機咸應以無違 處祈求千 亦不過 世間之物尚然 () 寂滅 ,如天趣,此有 略言而已 -處應 災現前 , 。得成無作妙力:即不假作意 , 苦海常作渡 , 如 一 何況 , 四天王國太子 實則 大士,圓通 月在天,影臨眾水 應化 入舟 無 ,此並不列 盡 ,人趣此 0 妙力?自 , 以 故 上 兩 所現三十二 經隨意取 有女主及 ,月豈作 大士妙 在 , 不可 成就

世,六道 世 無畏功德 尊!我復以此 辰二 十四無畏分三 切眾生 • ,同悲仰故 聞熏聞修,金剛三昧, 巳初 標承悲仰 。令諸眾生,於我身心,獲十四種 條陳無畏 無作妙力 Ξ 結名顯益 • 與 諸十方三

捨

,以成三十二數也。

初三十二應竟

大佛 頂 如如 來密因修證了義諸菩薩萬行首楞嚴經講義第十五卷

此標自

證圓通

妙力

能與眾

生同悲仰也。

亦由大士返聞證性,下合眾生

本妙

之故, 覺心 返照 苦逼身 由 道 身 心 也 此 方三世, 大士 交 , 聞 ` ۰ 即 凡聖體同 無 大士妙 |圓通妙力,功能德用,故令眾生脫苦無畏。普門品云:「眾生被困厄, 正 以為無畏之本。 照徹心源 既同其體 作 性 觀音妙智力,能救世間苦。 六道 一 內熏, 在怖畏之中 妙力者 應身 ,交相感應也。故能令眾生,於大士身心,獲 (雲) 切眾生 熏起始覺之智:智光不外洩 : , , 稱性 無動 遂運同體大悲心,故能與眾生同悲仰。 , 心 , 蒙救得脫 無作 無壞 眾生悲仰之心,即大士之心,大士悲愍之心,亦即眾生之 , ` 即大士妙觀心。 同其悲哀拔苦, , , 是名金剛三昧。 任運成益 , 即獲無畏 , 若眾生在苦惱厄難之中 仰望與樂也 故曰妙力 0 ,反聞修習, 無畏 此二句乃證體 , 0 約眾生說 • 由 故字即大士與眾生 此不思議力用 乃稱呼世尊,自述我又因 以照能聞之性 ,下則起用 ; 十四種 功德 , 心 , , 稱名 所 約大士言 無畏功德 ,是謂 , 用不 , 以 得 同 無量 感應 悲仰 與十 離體 迴光

條陳無畏分四 午初 八難無畏 三毒無畏 二求無畏 四 持名無

畏 今初

#### 者 :由我不自觀音 • 以觀觀者 0 **令彼十方苦惱眾生** • 觀其音聲 •

#### 即得解脫

得解 故能令十方苦惱眾生, 性 智 上三句 , 脱苦惱 亦 智光不外照, 此苦惱 即脫黏內伏 出自修 難 , 則苦惱無畏矣 無畏 泛本 即不自觀世間之音聲 ,背塵合覺 0 , 下 八難中此一為總 但能一 ·四句 彰 心稱我名號 ,由此聞熏聞修 利他之用 ,餘七為別。逼迫外身曰苦 , 0 以觀能觀者是誰?上句 , 者由我 我則觀其稱念音聲 ,金剛三昧 不自觀音以觀 , 無作妙力, , 觀者 尋聲救苦 是離塵 , 逼迫內心曰惱 : 加被眾生; ,下句 觀 為 , 令其即 能 為照 觀之

中 聲 生 世音菩薩以何因緣 所 , 皆 修自利之行 受諸苦惱 此 鴚 得 解脫 觀世音菩薩 , 、音聲, 故名 觀世音/、觀世間稱念菩薩名號/ 聞是觀世音菩薩 此經雙約 ,名觀世音?佛告無盡意菩薩:善男子,若有無量百千! , 果上得名之因緣 兩利 ,一心稱名 , 彼經但約菩薩 由 [得自 ٥ 1利行成 《法華經普門品》 ( 即稱念菩) , 果上 , 方能利他也。 利他而 , 觀世音菩薩 , 立 無盡意菩薩 名 或有 , 故 , 以觀 不說 即 時 問 菩 其音聲 觀 萬億眾 佛 其音 薩 觀 因

幾人解 心 旬 稱名等字 作 作觀?即使能作觀得脫 .眾生受苦惱時,自己觀其音聲。交師非之當矣!因此經苦惱眾生下 ,致有如是錯解,交師加蒙我二字,意即顯矣!眾生在苦惱難中 , 與總標之文,於我身心,獲十四種無畏功德 略去一 ;能有

# 0

見旋復 旋聞 量 加 不能為害。 脫 復真 能 被眾 合 一者:知見旋復 故令一心稱名者 故 與聲 此大火難無畏。知見二字,包括六根見、聞 試詳察焉 諸 旋轉緣塵之妄知妄見,復歸自性之真知真見。大士用耳根 生 根一一 則 脫 溫陵曰:內外四大,常相交感,見覺屬火,故見業交,則見猛火。今知 無見業 普門品言 既 皆能旋妄復真 旋彼妄聞 ,是以火不能燒。令諸眾生 ,令諸眾生,設入大火, ,即為大悲威光所攝,不墮火難,如入山陰,暑不能侵也 : 由是菩薩威神力故」 , 而 0 與聲塵脫 知見旋復 離 , 則內見覺之大火既息 則根塵不偶 ۰ ,入火不燒,此即 、齅、嘗、覺、知 火不能燒 正脈》云: **,** 根既 證極 大士, , 返源 反聞 而外世間之火 0 法界 旋復:即旋妄 自證之力 入流 ,六根成解 Ţ 威 神無 夫

惟念觀 驗傳》 次不燒 搬移 舍 此能令眾生,大火不燒,則大火難無畏矣!大火不燒,是事難信 而 物件 滅 云 世音聖號 連擲三夜, :祝長舒 人皆奇之 他 !在草屋中 0 里中有一人,不信稱名所致 ,晉元 , · 草屋飛 皆不能燒,方信菩薩神力冥加,乃向直言懺悔 , 康中,於洛陽住草屋 心稱念菩薩聖號 火星 , 亦當燒滅 , 乃為 ,為大火延燒將及 , , 特因風燥之時 何 菩薩威神加被 以安然無恙  $\bar{?}$ , 夜間 乃詢 , 隣舍幾家 特為引證 風 擲火燒之, 其 迴 故 火 轉 答曰 皆忙 至 隣 應

# 三者:觀聽旋復 ,令諸眾生,大水所漂,水不能溺 0

以水不 覆 大 妄聞 水 文 此 難 大水 能溺 本 復 無 亦溺 一、長矣!唐岑文本,字景仁 歸 難 真 。令諸眾生,大水 無畏 水中 聞 , 聽聞 0 觀聽旋復 俄 聞有人云: 屬 水 , 所漂,水不能溺 故聞業交 :此句是妙力 能 .,棘陽人 誦普門品 , 則見大水, , ,下是大用 少信 ·· 亦即大士自證之力 , 水難應免 佛 今既 , 嘗 0 謂由 誦 旋聞 0 如是者三, 普門品 復 反 慬 觀聽聞之性 , , , 則 加被眾生 遂浮 無 日往吳江舟 聞 水面 業 , 旋彼 , 故 是

須臾

水浪漂送岸邊

為人所救,得免於難

#### 四 者: 斷滅妄想 ,心無殺害,令諸眾生,入諸鬼國 • 鬼不能害

菩薩名 之不虛 商 人 威 滅 士 塵 人多智 反聞 但能 心 航 此 虚妄相想 也 無殺 號 羅 海 入流 剎 而 一心稱名 難 害, 得免於難 知 來 , 入羅 外不緣塵 無畏 , , 喻之如 忽遇惡風 全超鬼神心行 剎鬼 ,鬼不能害,則羅剎難無畏矣!傳云:師子 。妄想乃是第六意識,前佛破識非心文云:此非汝心 0 眾即依言稱念,忽起大風 國 賊 (即鬼) 內不循根 0 , 乃號召於眾曰:今者船 能殺害眾生法身慧命 ;以此威力,加被眾生, ,將船飄墮羅 ,根塵不偶 剎 , 識心亦 鬼國 , 入鬼國 將船吹出 如同羅剎能食人, , 許多羅 滅 故能令眾生,入諸 , , 汝等當 故 ,速達我國 剎 ·國有入商賈 É 斷滅 女來歡迎 深可 妄想 心稱念觀 , 足證 怖 , , 0 妄想既 羅 乃是前 內 畏 百餘 世音 剎鬼 有 0 大

#### 段段壞 五者 • 熏聞成聞,六根銷復 • 使其兵戈 , 猶如割 水 • 同於聲聽, 亦如吹光 能令眾生, 性無搖動 0 臨當被害,

此刀兵難無畏 。熏聞成聞者:大士反聞照性, 本覺內熏 熏彼妄聞 , 而 成真

刑刀成三 像 性 縱 壞 士 於聲 聞 然其 以 , , 即 即 此 耳 每 塵聽聞之性 ,光不息滅 自 桹 Ħ 同 大 刀不壞 禮 段 士金 證 以空合空 如是,銷妄復真 事 , , 金剛三昧 其 首 剛三昧之力 , , 後為 其身亦無所損 。以能觸之刀,色塵即藏性;所觸之身,身根亦藏性 [無傷 , 性 滅賊横 無搖 復歸 , 0 不動 丞 刳 , ,六根悉皆銷復 相 加 元真 動 , 判處 為奏免 , 被被害眾生 不壞之本 , 則 ,塵亡根盡 使其 刀兵難無畏矣!齊書孫敬德 死 。又如六祖 刑 (兵戈 , 0 有 加被眾生 , 。後偈云:一 二;根塵| 身 , 猶 梵僧 同 金 , 如刀割水 既銷 刺客三揮利刃 剛 , , 能令眾生 教 , 根既返源 誦 故其刀觸 ,云何覺明 觀音 , 水無斷 經 , ,臨當被害 防守北陲 身 千遍 , , 六根。 **介不成** 猶如斬影 , 痕 刀即 (即普) 成解 , ;藏性合藏 如 段 員 , , 造 風 段 脫 刀段段 妙 , 吹光 刃從 觀音 後 壞 ; 同 臨

#### 六 者 叉羅剎 :聞熏精明,明徧法界,則諸幽暗, • 鳩 槃茶鬼 ,及毗舍遮 **,富單那等** • 性不能全。 雖近其旁 • 能令眾生。 目不能視 0 藥

頭過

頭

(無所傷,此乃六祖,自證之力耳

此諸 鬼難 無畏 0 聞 [熏精明 , 明遍法界者 反聞 熏修 ,伏歸本元真精之性 發本

暗故 病鬼 遮 轄 視 視 明 云可 **不能** 耀 ٥ , 此 畏 鳩槃茶,此云甕形,是魘魅鬼,能魘魅於人者,乃南方增長天王管轄 何 以 0 視 耀 乃西方廣目天王管轄 云噉精氣鬼 能 大士以此威光 ,是女鬼;此二皆食人之鬼 彼背明向 加害耶 性發明,徧周法界,則諸幽隱暗昧為性之鬼神, 如土地不見洞山者 ?藥叉 暗 , , 能 反不堪於光耀 ,加被眾生,能令眾生,仗承威光 噉 , 此云 人及五穀精氣 0 ,既不能視 等 者 |輕捷 ,以該其餘諸鬼 ,人屍若臭,咒養令鮮食之, , 。如梟鳥晝盲夜視 有 地行 , ,則諸鬼難 乃東方持國天王管轄 ` 空行 0 ` 無畏矣! 皆以陰隱為 天行三種 , 羅 ,諸鬼雖近其旁,目 皆不以自全矣! 剎 向 0 富單那 日 乃北方多聞天王管 是男鬼 性 不見 , 故雖近其旁 , , 視 此 此云主熱 羅 **此明能破** 尚 剎 毘舍 不能 不 此 能

# 七者:音性圓銷,觀聽返入,離諸塵妄,能令眾生, 禁繋枷鎖 所

#### 不能著 0

目

生 故曰 此 枷 [圓銷 鎖 難 無畏 。觀聽返入者: 0 音性 直圓銷者 即觀照能聽聞之性 :音聲動靜 三性 ,逆流而入 , 悉皆銷滅 , 故曰返入。 即 動靜二相 如是 ,了然不 則

亦解 念觀 令被 念同 時在護營 人 網 空 緣 入一 , , 永和 無妄 伴 世音菩薩 故 根 難 或屈遭陷害 遂同 S 禁 閉 医無所偶 榁 人民 梏 中 七年 ,不但聲塵銷 遁 会 , , 回鄉裡 與傳 画 何忍遽 而能稱名即成感 , , , 必有 為高昌步卒,呂護所俘 見等諸根 ;若能一心稱念聖號 相識 繋縛 捨 , 感 自是篤信奉法,一鄉之人,莫不敬事觀音也。 身體 滅 應 , 乃往 復求菩薩神 0 , 亦隨聞以旋復 則色等諸塵 視之。 在頸 傳遂至心默念三晝夜 應 , 禁繫枷鎖 白枷 傳曰 力普濟 , , 0 , 皆得 亦隨聲塵以俱滅 同伴七人,共繫獄中,不久將殺 練 , :命在旦夕 腳 根塵雙泯 , , 解脫 乃勸 所不 三 鎖 , 能著其身 同 , 則枷 伴 械鎖 此皆治罪 0 , 以此 能 鎖難 同心稱念聖號 忽然自 相救乎?山 , 2妙力, 故曰離諸 0 無畏矣!晉竇傳 人之刑 因妄塵既離 解 加被眾生 (械鎖, 塵妄 法 , 鍞 或誤 諸人刑具 , 0 , 。腳 僧道 妄身亦 塵既不 爾 故能 河 0 傳 內 憲 山

# 八者 :滅音圓聞 ,徧生慈力,能令眾生,經過險路,賊不能劫 o

而 證 極 此 劫 根 賊 性 難 0 無畏 塵 滅 0 滅音 則 外 圓 無敵對 聞者 即大士反聞 根 圓 ` 則 咸 入流時 歸一 心, , 故能偏生慈力 滅音 ` 而 解脫 聲 乃至磣心毒 塵 , 員 聞

平金鄉 尋索不見,得免賊難 大士以此慈力,加被眾生,能令眾生,經過危險之路途,或曠野山隘之間 人 衝出之處 普門品》 ,亦不能起惡,悉化為慈悲眷屬矣!《法華》云:念彼觀音力,咸即起慈心是也。 Ĺ , 幼 皆險路也。 有清信 旋即得釋 。初八難無畏竟 , 日誦 但能稱念聖號 , 歸路出冀州 《普門品》 ,復遇賊所逐, 賊不能刦 , 鄉黨稱之。 ,則刦賊難無畏矣!昔尼宗本 攀上枯樹,誠念觀音聖號 後出家為尼 被虜所拘 ,或盜賊 急誦 , 賊

### 午二 三毒無畏

#### 九者:熏聞離塵 , 色所不劫,能令一 切多婬眾生, 遠離貪欲 0

也 亦 癡 必落愛欲深坑 可 ,是三途因:多貪眾生墮地獄,多瞋眾生墮餓鬼 此 怖 畏 離 瞋 貪毒無畏 !今言三毒無畏者 ` 癡名為三毒;以能毒害法身慧命, ,且最難斷,為害最大。若要離欲, ,諸貪之中 , 非縱惡無所畏,乃由持名離 貪欲為首 惟此婬 故名三毒, 欲一 《法華普門品》云:常念恭敬觀 ( ) 受飢火燒然之報。) 事 , 毒 甚 人最易犯 可怖 大威神 ,多癡墮畜生 畏!又貪 , 力 見色動 得無畏 Ĺ 瞋

世音菩薩 便得離欲。由仗菩薩威神之力,及自己持名念力,以念力對治婬心 仗

威神銷除業障也

後於節 即能遠離貪欲 薩戒私行婬欲,妄言行婬非殺非偷 重則傾家喪命。其尤甚者,婬欲屬火,菩薩見欲,如避火坑。寶蓮香比丘尼,持菩 生:婬而言多者,乃是夙習深重,數數(聲) 必亡所。 熏聞 節 聲塵之結既解 .離塵者:此乃反聞照性之功,熏彼出流之妄聞,而成入流之真聞 , 猛 火燒然 則離 貪毒 ,墮無間獄 ,諸塵之結齊解 。 育可 無畏矣! 。多婬眾生,能常念菩薩聖號 , 無有業報 ,而色塵豈能劫於家寶乎?能令一切多婬眾 現起婬念,發為婬行 。發是語已,先於女根,生大猛 ,由菩薩威力加被 , 輕則損身失德 ,入流則 火

# 十者 :純音無塵,根境圓融,無對所對,能令一切忿恨眾生,離諸

### 順志。

相 了然不生 此離 順毒無畏 。既無所對之境,亦無能對之根 。純音無塵者 純 一聞音妙性 , 根境雙泯 ,別無所對聲塵 い 惟 一 圓融 此 句 ,清淨寶覺 即 動靜二

內 外一 如 無能對之與所對; 以瞋恚生於對待違拒 大士自證境界 , 圓 融 體 無

,以念

力而 對 無礙 武伏瞋機 以此 ,仗慈風掃除恚熱, ?加被眾生,能令一切有忿怒瞋恨之眾生,但能常念恭敬觀世音 便得離諸瞋恚 , 則離瞋毒 自可無畏矣!

;

者 • 銷塵旋 明 , 法界身心 , 猶如琉璃 • 朗徹無礙 ,能令一 切

#### 昏鈍性障 • 諸 阿顛迦 ,永離癡暗 0

離 盛 能障智慧 切 瑠 此 璃 即前 癡 , 暗 撥 昏 寶 癡 治安塵所蔽 無 鈍 文所云: , , 則離 因 性 洞 ,故曰昏鈍性障 然朗照 果 障 癡毒 0 , 若能常念恭敬觀世音 諸 脫黏內伏 , ,無明所障。 阿 , 自可 內外明徹 顛 迦 無畏矣!二三毒無畏竟 0 , , 伏 冏 永 /歸元真 顛 離 , 銷塵旋明者:銷除所緣之妄塵,旋復自性之本明 無所 一癡暗 迦 此 障礙 云無善心 , 以正 發本明耀 昏 鈍 0 大士 念而袪邪執 性 , , 皆由癡習偏重 即 以 0 是愚癡 (此自證) 所以外之法界,內之身心 仗智日以破昏蒙 智力 , 愚癡 , , 迷 正 加被 以昏迷暗 知見 鈍 , , , 便得永 邪 能 為 見熾 性 令 猶

如

## 午三 二求無畏

供養微塵諸佛如來 融形復聞 **;各各佛邊** • 不 ·動道 場 ,為法王子。能令法界,無子眾生 • 涉入世間 • 不壞世 界 ;能偏十方 ,

# 欲求男者,誕生福德智慧之男。

菩薩 供養有二:一 便屬 乃稱體所起之大用。菩薩身能善入微塵佛剎,以一身而現無量身,涉入三世間 修行 被 咐 不生滅之理 間 ;三宗嗣必至斷絕 權 證 未 及正 此 間 便生福德智慧之男。」 應求 理 說 止覺世間,有情, 權能 求男之法 銷 男無畏 醴 身供養 幹 融四大之幻形 事 , 亦 隨類現身 即佛所云:皆獲一 ,兩經會合解釋 , 0 有生男義 , 。故必求生男。 世人無有男子, 執 侍 **冷瓶** ,不壞世間之相, (即如是漸增,) 彼經但說求男之法,未說菩薩加被之力,此經但 0 能徧 效勞服役 ,其義則全 乘, 干方 《普門品》云:「設欲求男,禮拜供養觀 其畏有三;一 0 寂滅場地也。 , 旋復一真之聞性 供養微 依理成事 此求福足。二心供養 0 融形復聞 塵 年老無人服事 如 涉入 來 從真: , (即生滅既滅) (世間 不動道場 各各佛邊 /涉俗 , ;二後 不壞世界七 即方 常隨佛學 , , 證 ;此二句 為 事 法王 便智 入不 無 , 代 旬 動 說 世 可 , 方 , 指 音 搖 加 囑

轉法輪 之男 有慧 餘 福 無福 餘 慧 有 ,心能善順佛心,令佛暢慰本懷 福 ,加被眾生,能令法界 則家貧力薄 德 , 則富 而 且貴;有智慧 凡有求者 ,無子眾生,禮拜供養觀世音菩薩 菩薩令生福慧雙美之男, , 則 ,各各佛邊 廉而能明 ,為法王真子: 0 若有福 無慧 則求 , 男無畏矣 則識 此求慧足 , 便生福德智慧 庸 見淺 。以此 0 若

0

,

禮拜 生余 母求男相告 這 母 黨 五. 余母接之喜而 歲 0 , 目余 余亦 個 其 ,生二女而 後有 加意 頑 母與余祖 **ふ為神童** 父母 皮兒到我家裏 撫育 孕 0 袓 醒 向觀世音菩薩所求而 , 母曰: 母交涉 禮拜益力 .無男子,余父同母,即向觀音大士求男,家供奉大士像 , , , 至十歲,好武力,與同 不幸五歲父母雙亡 乃告余父 我以為大士送來,必是好子 來 , 祖母對其再三道歉 , \_\_ 0 當 , 及余祖 夜夢見大士、 一時聞之, 生。 母 , 余籍 不知 由 0 里 即日設供 祖 抱一 Ţ 其 意 | 兒童 福建, 母 ,乃駡 及叔父教養 孩兒 **一角力,將他打傷** 0 古田縣吳氏 待祖母喜時 余曰: ,那知汝乃頑皮兒,余即思念 , 供養 /,授余! 大士 那裏曉得觀音大土 , 至七 母日 , , ,父為木商 虔誠 向 歲入私塾 ,其童哭而歸告其 : 詢 此孩與汝作 禮 其 事 拜 ,余母每日 , 年 三 十 , , , 乃將父 師 越 送汝 及鄉 三日

事業 戒 # 心 倘若不立志學好,菩薩都要受累 求學 , , 即 + , 弘法作家務 出 八歲欲 ,十四歲入考,至十五六,常思入山修行,當時 外參學 出家為僧 0 廿四歲 , 弘揚 , 為叔父所覺 , 《楞嚴》大法,令得久住世間, 聽通智老法師 ,乃跪向祖母言:望勿憂慮,必定學好。 , 不 許 。 講 至十九 (楞嚴經》 , 方入 '亦不知為僧。十七歲 前曾創辦圓明 即發願為法師 `佛門,二十歲 《楞嚴》 , 從此即專 以 ,受具足 利 祖 生 母 專 逝

十三者 承順十方 ,六根 • 微塵如 八圓通 來 • 明照無二,含十方界,立大圓鏡 • 秘密法門 ,受領無失 ,能令法界無子眾 ,空如 來 藏 •

宗學院,亦本此志願

也

#### 欲求女者 • 誕生端正 • 福德柔順,眾人愛敬,有相之女

此應求女無畏。《指掌》云:男承內嗣,女結外親,有男無女,亦非全美

故

之之法 半子亦 有 聞 求者 亦不外禮拜供養 齅 0 《法 嘗 華普門品》 覺 一一已 知 0 六根圓 通者通達 0 約女人欲求生女,以是同類為親 通 ,六根根隔 : 圓者 圓 融 無礙 , 六 根 0 圓通二字, 互 相 為 用 故欲求之;求 , 貫 下 諸 句 隨舉 根

空如 塵 由 如 通 來藏 達 來 故 , , 能領受諸佛法門,大小權實,完全無失。《正脈》云: 切秘密法門。由 明照無二,六根靈明照用, 圓 .融故,含十方界,而能含裹十方,諸 無二 無別,所以立大圓鏡 ·承順 ,能承順 開世界 即 坤 十方 儀 , 所 柔 以立 ,微 德

,

相與德 受領 性情柔 菩薩 妙力 可 敬 即 便得誕生 而 相 順 閨 加被眾生 門能 也 不 , 貞 可 0 若但 事 舒 愛 , 端 幽 , , , 端 故能 .嫻 能令法界,無有女子之眾生,欲求生女者,果能禮拜供養觀 福德二字, 正 正 , 則有德 應求 福德,柔順之女,外則品貌端正,窈窕莊重 , 而 女也。 不 柔順 福字連上 。有福眾人見之生愛 能令法界 , 則 , 可 德字連下 愛 , , 而 無子眾生,欲求女者 不 可敬;若但 , 有德眾人見之生敬 福德兼備 |柔順 , 故得眾人愛敬 , : , 則 大士 而 有福 不 , 有相 端 以 此 正 ; 世音 即 內則 自 , 則 則 在 福

#### 午四 持名無畏

求女無畏矣!三二求無畏竟

十二恆河沙數 ·四者 此三千大千世 ,修法垂範 界 • • 教化眾生 百億日月 , • 隨順眾生 現住世間 • 0 方便智慧 諸 法王子 • 有六

#### 间

界 曲 法 實行,自利之法,亦可垂範眾生,以為眾生模範。教化眾生者:有修權行利他之 沙數之多,此為聖人現量 下 怖畏也。 我所得 • 隨順眾生根性 現 此 能令眾生 住 明持名無畏。以但持觀世音菩薩名,不持諸菩薩名,恐一名不及多名,而生 世間 此三千大千世界:指娑婆世界,共有百億須彌山,百億日月 : 圓通本根 即現住三界六道,隨類化身, ,持我名號,與彼共持六十二恆河沙諸法王子,二人 ,示現四攝 ,所知所見。修法垂範下:顯諸法王子,行化不一, , 發妙耳門 (布施、愛語、) ,然後身心, ,用方便權智者,各各則有不同 乘願 利生;諸法王子 微妙含容 , 有六十二 ,百億 • 周徧法 有脩 四天 恆 河

#### 福德 ,正等無異 0

是微 塵佛 此明一名能敵多名。其故何也?由我所得耳根圓通,即是圓通本根 ` 為娑婆本利之根 路涅槃門。 上但標名,下出體相 ,欲取三摩提 ,實以聞中入 謂此圓通本根,發自妙耳門之中 。 <u>→</u> ` 為諸圓通中之本根 。本根有二 此

義

之微 之妙 耳門所 周 體 偏 , 發自 妙 理 ` 指 也 以稱妙者,即古觀世音佛,所授從聞、思、修之法,依根中聞性,不生不滅 ||妙身 起反聞照性之妙智,照破五陰,解除六結 在用 鑒 **金機不謬** ,謂身徧聖、凡 0 然後身心,微妙含容 ,心之微 妙也 、染、淨十界。 0 含容 , 周徧法界者 ` 指妙心 故能令眾生,持我觀世音一名,與彼 ,謂心含十方 : ,生滅既滅 然後稱體起用 ,寂滅現前 , 無量 , 應化 世 界眾 無方 , 證 生; 員 身 通

## 世尊!我一名號 ,與彼眾多名號無異;由我修習 ,得真圓通

共持六十二恆河沙數諸法王子名號,二人福德

,正等無有別異也。

意 常三真實 德 福 無異 [德論之,不異絲毫 《指掌》 將 , 諸 則持名無畏矣!此實由我脩習耳門三昧,乃得真實圓通故也。以具足圓通 故能 聖 云:一名多名 圓 通 超二十四聖而 , 選 0 其故何也?大士曰:單持我一名號 己為獨最也。 ,單持共持 濁妙 , 後佛敕文殊更選者,為不了佛與觀音密意者 當敵諸法王子以勿疑矣!觀後二句 ,以二人之行迹論之, ,與彼共持眾多名號 有類霄壞;以二人之 菩薩密 福

添此葛藤也。二條陳無畏竟

#### 巳三 結名顯益

# 是名十四施無畏力,福備眾生。

眾生, 其老死 持念一 以上十 異 但 即蒙大士 是受施者 上十四種 能持 0 故十方世界眾生, 此結名。 名 無靠 漢號 ·四種眾生, 無住相布施 以無畏力 0 , 菩薩 畏其福德缺少, 乃名十四施無畏力。菩薩 ,但能持聖號,即蒙大士以無畏力, , 前總標文云:「令諸眾生 即蒙大士以無畏力 三輪體空,不住於相 機偏 ,其福德不可思量,故能周徧普及十方眾生,令得離苦受益也 , 福德周備 皆稱觀世音為施無畏菩薩也。辰二十四無畏竟 一十方, 但能得一心,即蒙大士以無畏力, 八難眾生,身罹苦難 ,而全性命 , 褔 德周備 以身心為能施 , 無能施之身心, ,於我身心,獲十四種無畏功德 。三毒眾生 ,令得離毒。二求眾生 福德周備,令生男女。持名眾生 , , 畏其性命不保 無畏力為 ,惑業深重 無所施之無畏力, 所施 福德周備 , 畏其將來墮落 , 十 ,但能持聖號 , 無有 。 — 四 無受施之 後嗣 種 ,令等無 是即指 眾 生 畏

楞嚴經講義第十五卷終

# 大 佛頂如來密因修證了義諸菩薩萬行首楞嚴經講義第+六卷

福 州 鼓山湧泉禪寺圓瑛弘悟述受法弟子明陽 日新 敬校

異體形

咒不思議 辰三 四不思議 四 破貪感求不思議 分五 巳初 標承圓通自在力 五 供養佛生不思議 同體形咒不思議 今初  $\equiv$ 

世尊!我又獲是圓通,修證無上道故,又能善獲四不思議無作妙

德

位進脩 是功行 體起用;而言善獲者,即不假作意,任運自在,至妙至神,不可思惟,不可擬 言思所不能及 此重標自證圓通體用。上三句證體,下三句起用;前上合下同,帶果行因 |漸深 , 皆標從三昧。此重標,我又得是真實圓通 ,修證將滿 ,口欲談而辭喪 ,得成無上之佛道故,溫陵多約等覺釋之。又能善獲下 ,心欲緣而慮亡也。四種皆是無作無為不可思議之德 :獲者得也;修證無上道故 議 : 當 稱 歷

### 巳二 同體形咒不思議

用

妙即不可思議之謂也

成 者 :由我初獲 圓 融 , 清淨寶覺 • 妙妙聞心 ,故我能現 **,心精遺聞** ,眾多妙容 「, 見 聞 , 覺 能說無邊,秘密神 知 ,不能分隔 •

o

起始覺 來藏 增進 六用不行 超諸 遺 觀 員 世音 融 舉 聞 心 此 妙智 敘 無 而 四 根 過得法空 得體現用之來 如來 本覺 礙 攝六 遺者 , 即 而 獨 , , 清 脫 以妙 理體 屬 故 妙 , 教我從 此根 淨 也 0 , , 俱空 不能 是謂 智 本 , , 然 初解 即 猶 照妙 聞所 分隔者 聞 由 妙中之妙 如 , 寶覺 直透末後牢關 摩尼寶珠 ,先得人空。 ` 思 聞 理 真心 者 : 盡 、修入三 , 理智雙妙, 見等不為六 , 0 , 初得: 惟 四種居首 故曰 六根 一心精 成一 此心 摩 , |寶覺 生滅 地 互 故曰妙妙聞心 用 圓融 根 , , , , 根塵 初於聞 即第 既滅 為本 分離 日 0 寶覺真心,由來清淨 員 , 清淨寶 -修因地 雙脫 融 隔 不思議 寂滅 礙 中,入流照性 , 諸 , 也 覺者 • 現前 以 塵 , 又六根之性 塵亡 見 示 故 0 推其原· 染曰 :即不住化城 曰 ` 伏歸 「初獲妙: 根 聞 清 盡 , 從 本元 覺 由 淨 , 本 反流 妙 本 , 0 , 覺妙 證 真體 為 無一 知 聞 即 **炒性耳** 心 入三 全 由 , 即六 |我蒙 漸 理 如 成 次

精

精

根

彼

珠 得 , 隨 即 空如來 方 現色;真心雖 藏 , ´如摩 隨緣 尼珠之體 , 而 本體不變 , 清淨 無染:真心隨緣 , 如 摩尼 珠 , 雖 , 而 現眾色,珠體 成十界諸 法 不 變 , 如 故 摩 尼 我

密 能 神 現 兜 , 眾 咒而 多妙容下 稱 秘密者 : 大用 , 乃諸 現前 聖密言 0 身能 , 下位不知 現 多容 , 即 , 上位 現首 密咒 ` 現臂 0 持之得益 ` 現目 0 能 , 具有 說 無 神 邊 秘 妙

力用 故 Ź 稱 神咒也

#### 八首 (中或現 , <del>千</del>首 : 、萬首、八萬四千爍迦羅首 首、三首、五首 、 七 首 、九首、十一首,如是乃至一百

貴 菩薩 此 明 現 故先現之 首 0 其 中 0 首以 即眾多妙容之中 數 為 本數 , 0 首為 遞 加 至八萬 五根都聚之處 四千 , 以 **,** 應 身 法 門之數 以首為尊 , 對 , 沿 以首: 塵 為

情 問 千 煩 惱 : 塵 度哉?普賢菩薩 勞 菩 六祖曰:「 煩 薩 惱 現 , 若 八 萬 無 四千 塵勞 我此法門,從一 於一 首 , 智慧常現 , 毛孔 是事 奚足 ,不可說佛剎次第入, 般若 , 信 何 ? 用 ,生八萬四千智慧 轉染成淨?」 答 : \_ 此是菩薩 則現首 爍 迦 0 何以故?為世 不 羅 忠議 更無足疑 此 二三堅固 境 界 不 , 有 即 詎 壞 如 也 八 可 以 萬 或 凡 勞 四

測

人之

一身,有八萬四千毛孔,無足異也。」

至二十四,如是乃至一百八臂,千臂、萬臂、八萬四千母多羅臂。 二臂、四臂、六臂、八臂、十臂、十二臂、十四、十六、十八、二十、

此明現臂。臂即手臂。一身二臂為本數,遞增至八萬四千,以表法門如前說

母多羅:此云印,謂臂各有手,手各結印故。

# 二目、三目、四目、九目、如是乃至一百八目、千目、萬目、八萬四

#### 千清淨寶目。

四千。清淨寶目:即法眼圓明清淨,無礙無染,如佛紺目澄清是也。 此明現目。人但二目,摩醯首羅天王,則有三目,故以雙數單數,互增至八萬

# 或慈、或威,或定、或慧,救護眾生,得大自在。

威 現威容可畏;或垂臂提攜則慈,或擎拳勇健則威;或慈眼眷顧為慈,或怒目猙獰為 ;或結印安靜則定,或摩頂授記則慧;慈是愛念相,威是雄勇相,定是寂靜相 此之慈、威、定、慧,對上首、臂、目言。或是不定之意,或現慈容可親 , 或

慧是開 即 由不 又慈 -思議 朗相 以護其善根 一妙德,不勞作意 0 所現諸相,皆為救護眾生,救是救拔,令其離苦,護是護念 ,威以救其惡性,定以護其散亂 , 任運示 現 , 自在成就 , ,慧以救其昏迷。得 無往而 不適其宜 也 2大自在 0 ,令其得 形既如

### 巳三 異體形咒不思議

是

,咒可

例知

亦必救護自在矣!

形, 一者:由我聞思 誦一一 咒 • ,其形其 脫出六塵 兜 , • 能以無畏 如聲度垣 • • 施諸眾生 不能為礙 • 0 是故十 故我妙能現一 方 • 微

# 麈國土,皆名我為施無畏者。

各隨所 現形亦多 科 求 同體形咒 各應 ′,應現何形 同類 **,** , 此不拘類求,此能施無畏 身能現眾多妙容 ,一一現之,各為說咒,故不同上科 , 能 說 無邊神 ;亦不同十四無畏 完。 此科 。亦不同三十二 異體 , 形 彼但 冥加 , 鑑 應 此

#### 則顯應。

前 || 句 明證體 中明起用 , 是故下述得名。二者 , 由我聞思脫出六塵 二:即從

任運隨 句是喻 聞 王靜 住 思、修,入三 佛 緣 :如音聲能度垣牆之外 , 所說 能現 《廣大圓滿無礙大悲心大陀羅尼》 |摩地,諸根圓拔,六塵 身形 是由實德咸孚,令聞廣譽,十方世界,微塵國土眾生,皆名 , 能誦一一 (,雖有) 神咒 垣牆,不能為礙 **迴脫** 0 誦者 ,所以塵不能礙。此二句是法,下二 , 等,所現之形 即誦古佛所說之咒,如過去千光 。因是證體 , 所說之咒 ,故我能現妙用 皆能 以

#### 巴四 破貪感求不思議

我為能施無畏者

無畏力,

布施於眾生,

#### 三者 由我修習 • 本妙圓通 ,清淨本根 ,所遊世界 • 皆令眾生 拾

#### 身珍寶 ,求我哀愍

0

染 如 迷 來藏 而 故得清淨 不發 前三句為能感,後四句為所感。由我修習本妙圓通者:圓通乃眾生人人本具 性 , , 雖處迷位 清 淨 由證清淨之體 本然 , 依然不失,故曰本妙圓通 為 此方對機之根 切無有染著 , 是 為 , 本根 故令眾生, 0 清淨本根 0 上句· 在迷本具 能捨慳恡執著之心 :是指耳根 , 此 句 根 修 性 證 即是 而 離

大佛

頂

我所 不可強致 愍 ,受之而為施作佛事也。《正脈》云:眾生慳(セ゚)心最難破,捨心最難發,求心 遊化世界,皆能令眾生,破除慳貪,發心喜捨, 0 今所過之處,即感眾生,破慳施捨哀求,是誠不可思議 捨自身所有珍珠寶物 , 威神 ,求我哀 所使然

時觀 尊!我今當供養觀世音菩薩,即解頸眾寶珠瓔珞,價值百千兩金,而以與之,作是 可 也 證 ··仁者!受此法施,珍寶瓔珞 (空;二不為己施,乃為眾施,求作佛事,饒益眾生,故成法施。) 0 孰 世音菩薩 , 知其洪源 無盡意菩薩聞佛所說觀世音菩薩,遊化諸國,利益娑婆 ,不肯受之。 ,但由修習耳根 無盡意復白觀世音菩薩言:仁者!愍我等故 ,清淨無著 , 故能類感如此 0 此 ,即白佛言 事 《法華普門品 , 受此瓔珞 : 一 世 0

佛告觀世音菩薩,當愍此無盡意菩薩,及四眾八部,受此瓔珞。即時觀世音菩薩 眾生,令植佛因,旁引法華,以見菩薩,言之有徵也。人 而 四眾八部,受其瓔珞,分作二分,一分奉釋迦牟尼佛,一 供,奉供二尊,佛為無上福田, 以此轉供,回 分奉多寶佛塔( (既為眾

盡意重請,亦有二意:一表誠態,望佛轉致,令其必受;二為眾而施,為眾而受,乃無傷於義。人

爾

時

] 音不受有二意:一不供佛,而供我,佛不命受,故不敢受;二現從頸解,受之非義,故不宜受。

### 巳五 供養佛生不思議

#### 四 者 , 我得佛心,證於究竟 。能以珍寶 ,種種供養 ,十方如來 ,傍

## 及法界,六道眾生

**求妻得妻,求子得子,求三昧得三昧,求長壽得長壽,如是乃至** 佛生不二,等與供養也。證於究竟:莫作妙覺極果解,以菩薩示居等覺因位故也。 即證入如來藏 依此因心 前二 句述所證體,下明所起用。我得佛心者:即得諸佛如來,秘密之因地心 , 而 起了義修證 ,則世出世法,一一無不含藏其中,故能具足珍寶, , 從 妙耳門, 反聞 照性 ,證得一 切事究竟堅固首楞嚴 供養佛生,以見 定

#### 求大涅槃得大涅槃 0

天 歲 力 布 :施,國城妻子,皆外財也;求長壽得長壽:此對人道天仙,以內財布施 <del>大</del>道 及三乘聖眾 皆 萴 內 佛 財也。此應在 亦有 ` 生等供 長壽天 或求 , 三昧前 此 **內禪** 有求 則 財 , 皆得 四空 、法二施 。人間 ,上皆以財 有漏禪定 ,有求長年益壽 。求妻得妻 布 , 或求聲聞 施 ,求子得子:此對 0 求三昧得三昧 ; 仙 道有 、緣覺、三賢 求堅固形骸 此對 人道 、十聖 上二界諸 ,壽命色 , , 壽 以 外財 千萬 無

施 漏 0 蓋由大士,證得藏心,一真法界,平等真如,故能生佛等供,財法二施 昧 ,皆能令得三昧;或求 無餘大涅槃,究竟斷德,即令得大涅槃;此皆以法布 ,其無

#### 寅四 結答所證圓 誦

作

妙力

,

豈可

得而思議哉?二承演三科竟

,併上科寅三詳演稱體起用竟

#### 佛 問圓 通 我從耳 門 • 圓照三昧 ,緣心自在 0 因入流相

## 地

門 得三 入流 議 即果後脩因,又曰帶果行因,包括上三科。緣字,即三十二應,十四 相 即 昧 依 佛前 隨 成就菩提,斯為第 本根圓 是圓 緣 得三摩地 問我等, 應化 是首 通 根 [楞嚴王三昧 湛 , 不生滅 0 所起妙用 悟十八界,誰為 。因入流相四字 因入流相 性 • , ,心得自在。上結答佛問悟十八界誰為 此圓照三昧四字,上二 起智觀照 ,得三摩地者 ,即從聞、思、修, 圓 通 , 是謂 ,從何方便,入三摩地?我觀世音乃從妙耳 :此結答佛問從何方 圓照 , 修因,下二證果 即反聞 解六結 照性 便, ·,照到 破五陰, 入三 圓 0 通 無畏 緣心自 二心本 摩 , 我 所有行相 地 , 四 悟 在 源 我因 妙耳 不思 旬 即

者 華 頂 涌 生 提 成 應 觀 該 即 入流 因 之妙 滅 就就 著 攝 如 屋之門 照 , 首 最 菩 或 幻 者 即 性 全 依 , 提者 觀 楞 為第 智 做 經 聞 也 顯 , 逆生 嚴王 為 要義 薫聞 世音代佛明答 應 入流 依 起 ; 心 冈 亦 方便菩提之妙 此 修 死流 耳 地 即 , 照 , 0 得自在 我從 即結答法門殊勝 心 成 根 十方 具足萬 性 , 無上 金 0 ,入涅槃流 , , 最 妙 此 剛 薄 背 優勝 呵 極果之菩提 耳 行 句 , 任  $\equiv$ 伽 塵合覺之工 難 昧 即 菛 , 梵 + 甪 然 運 所問 , 最 , , , 利生 名得 方 後 員 , , 由淺 如來 故 湛 圓 圓滿之根 0 路 此 成 日 , 耳 ,即諸菩薩萬行 不 夫, 涅 |成就 圓 生 根 方如來得成菩提 耳 入深 果 , 槃 得三 桹 地 滅 圓 即修 菛 門 菩 ,入到 性 修 通 ; 一菩提 超出 門 證 提 又因者由也, 0 , 故為 證了義 為因 此 , 0 0 生滅 即 斯 上 也 上 , 第 我從耳 妙莊 示所答 為第 地心 佛首告 0 0 證真 得三摩地 0 既 , 緣 滅 妙奢摩他 嚴路之一 五. , 心自 又 阿 者 菛 即 一句 由耳 性菩提之妙 , 此 難 寂 圓 如 : , 成就 在 斯 該 照 , 滅 根 , 來 有三 門 ; 即得首楞嚴 現前 、三摩 者 , 密 攝 聞 , 菩 隨緣 即 性 此 大 一摩提 提 得 理 經 亦 也 , , 普 得三 照字 起 即 總 , , 元 , 禪 斯 滿 應 阿 此 明 題 始覺智 , 名大佛 是 那 為 覺 大定 摩 難 耳 實 , , 或冥 第 請 智菩 起 亦 地 根 , 最 智 無 即 員 入

向耳根 卌 三用 第 定 根 初 方便 尊 , 萬 為 , 0 • 們頭 隨緣 悟根性為因地心 。謂我從耳門,悟圓湛不生滅性 行繁興 本 彼佛如來 修因 利生, ,旋妄復真,即是具足三慧, , , 即 反聞照性 是方便 妙禪 • 歎我善得 ,是最初方便;從根修證 那 0 0 , 而 阿難能問耳根圓通,悟徹得成菩提之法 具足三定, 起圓修,即 ,圓通法門,於大會中 圓成首楞嚴大定,成就 , 速證圓通,何待佛敕文殊再選也 大開圓解 妙三摩;隨緣 ,是初方便 , 即妙奢摩 應化 ( ( ( ) ( ) ( ) ( ) ( ) ( ) ( ) ,心得自在 他, 無上菩提 • 起智 , 改偏聞之轍 ;獲二 觀照 , ,安住 惟 勝 此耳 依耳 ` 發 根 員

## 音號 0 授記我為觀世

由我觀聽 效速 即 修證自利行 秉教修習 此 得循 .結 自 • 圓根 利 , , 殊勝 十方圓明 而授因位之名 而得圓通 , 與不 彼 · 圓根 佛 。歎我善得圓通法門,即讚歎於我;善得者 , 如 來 故觀音名 ,日劫相倍也。 應在證圓通時授之, , 即古觀世音 ,徧十方界 於大會中 如來 , 由其師資道合, 教我從聞 , 0 授記我為觀世音號 ` 思 故授同名之記 修入三 ,費力少, 嬣 此 地 而收 即依 我

與菩薩 拔苦 惟 上約人得名, 一妙覺明 自 有緣 [在成就 , 禮念供養 ,十方眾生,念我名號,無不圓明了知,不因心念,不假作意 i,由是· 此約法得名。 十方眾生 甲於其他菩薩也 法即修證之法 , 皆稱我名 , 觀音廣陳竟 故觀音名 ,由我觀照耳根,聽聞之性 编 , 併上諸聖異說 十方界 0 十方眾生 , 員 與樂 照法 , 眾 皆

爾時世尊 於師子座 • 從其五體 • 同放實光 ,遠灌十方, 微塵如來

## 及法王子,諸菩薩頂。

說本因竟

佛現瑞應

分二

丑初

彰圓通總相

| 顯圓通別相

乃從佛 子 最 及法王子 為 0 獸 爾 此因諸聖各說圓通 中王 全 時 身 ,即諸聖各說已竟之時,佛現瑞應。 諸菩薩頂 , 遊行無所 首 兩手 此 畏 兩腳 ,二十<u>五</u> 則表顯圓通 ,佛為法中王 為 五體 一門悉啟 , 總相 同放寶光 , 說法 , 雖門門皆可證入圓通 圓通 世尊 無所畏 ;其光遠灌 妙理 , 指本師釋迦, , 故 , 自他因果交徹 十方 以師子名座 , 微 於師 而 塵 以 數 ;諸佛表果 觀 如 從其五體 子座上 來之頂 音 耳 :師 根 為

諸聖表因 , 光明互相灌注 一,正顯自他因果交徹也。今佛光灌諸佛頂,乃以自果徹他

果;灌菩薩頂 ,以自果徹他因;然必灌其頂者,表圓通妙理 , 為最勝頂法也

#### 彼諸 如 來 , 亦於五體 • 闻 放寶 光 ,從微塵方 , 來灌 佛 頂 , 並 並灌會

## 中,諸大菩薩,及阿羅漢。

此 他佛光灌我佛 , 主伴之頂 0 正顯佛佛道同 , 頂法無二,唯一藏心。 諸佛以之

為密因,菩薩依之興萬行,皆不離乎此者也。

### 丑一 顯圓通別相

#### 林 木池沼 皆演 法 音 , 交光相 羅 • 如 寶絲 網 0 是諸 大眾 • 得未曾

## 有,一切普獲金剛三昧。

0 林 上彰圓通 木 池沼 總相 (聚水處大者為) 即 圓 通 妙 , 理 屬 無情 , 諸佛同證;此顯圓通別相, , 皆演法音成有情 如極樂世界 色聲諸法 , 水流花 ,法法圓 間

融

佛 風 吹行 他 樹 佛光灌我佛 皆演法音 , 光光相交 此即情與 , (無情共 彼此羅織 體 猶如寶絲網 交光相羅 , 相似 如寶 《絲網者 同 體不分, 我 佛 不雜不 光 灌 他

悟 事究竟堅固之理 灌 呈祥 亂 佛光 ٥ 陰 此 滿 即 入、 , 各各得未曾有 目瑞 處處皆同 處 葿 性 , ` 百真法界 而 界、七大,本如來藏, , 成 即 普獲大 圓通真境。是諸大眾 0 , 切普獲金剛三昧者 以表諸聖法門, 士所證金 剛 三昧 妙真如性 即 ,眼觀瑞相 : 同 , 乃即事 是謂徹法 而 異 , 諸聖入門, ,即異而同 前理 , 底源 耳聞法音 , 因相 , , 雖各不同 無 悟性 互 動 ,身居法會 褊 無 互嚴 壞 , 悟明 , 0 所證圓 此 天 顯 切 頂 同 地

即 時天 (兩 (去聲) 百寶蓮華 • 青 • 黄 赤 、 白 間錯紛糅 • 方虚空

#### 成七寶色

通

則一

而已

因心 寶蓮 滿 華 成 即 具足果覺 時 七寶色。 , 而分青 即 於諸 , 果覺 華分四色以表行 ` 黃 佛放 彳 ` 光現 赤 離因心 ` 光瑞之時 白四色, ;百寶四 , 寶具光明以表智 0 相間 諸 色 天雨 錯綜 表智行紛敷;間錯糅合 華 , , 紛然糅合;一時十方虛空 供 \養海會: ;蓮華因果同 佛 生 時 所 雨 , 方華 之華 表智行 即 , , 果 寶 柏 乃是百 華盈 節 以表

空成寶色

表理智互嚴也

#### 此 娑婆界 大 地山河 ,俱時不現。唯見十方,微塵國土 ,合成一

## 界,梵唄詠歌,自然敷奏。

成 東土之讚 正是圓通真境 文上三句,表諸妄銷亡, 三佛敕諸聖各說竟 正當諸 不現 即 開放光 唯見十方 歌詠讚歎 (,到此則梵唄詠歌,自然敷奏。梵者淨也,唄為讚頌,西域之唄,猶 ,而成種種瑞相之時 0 微 中三句表一 自然敷揚節奏 塵諸 佛 國土 真獨露。妄空真顯 , , 合成 無異天樂鳴空也。 ,此娑婆世界, 個 世界 , , 即生滅 自他 依報之大地 此表圓通法樂 不隔 既滅 , 山河 寂 體 滅 員 , 任 現前 融 運而 俱 此 同

癸四 更敕文殊選擇 分二 子初 如來敕選 文殊偈對 子初分二 丑初 先示諸

說平等 二一後出選擇本意 今初

及阿羅 於是如來 漢 ,告文殊師利法王子:汝今觀此二十五無學 • 各說最 初成道方便 • 皆言修習 • 真實圓通 • • 彼等修行 諸大菩薩 •

實無優劣,前後差別。

初發心 言依 學者 耳門也 所說 故佛 此 者 門深入,究竟未曾顯說 員 根 ,避 通 歸 根 敕 佛 彼 此 此 雖密示 元無二 各皆方便 又云:「 諸 以 諸 佛敕文殊揀選。 , 修 , 乃至 於是如來 文殊為根本大智 聖等 擅 圓 聖各說因地修證法門 |人修同 成道 耳根 究竟俱得真實圓通 , 其實方便多門, 所修之行 隨汝詳擇 , 惜不對根智 無修 ,無非根、塵、識十八界,以及七大,以為下手,權巧方便 , , 特告文殊師利法王子,汝現今觀此二十五位菩薩 阿 故 難仍未 因前悟圓入一 ,何門即是;況今諸門並陳 0 · 過去乃七佛之師 ·,其可入者,吾當發明,令汝增進。 J , 所證 各說 領悟 , 而其所入之門 最初 惟觀音曲合機宜 皆曰 圓 ,各稱第一也。彼等修行, 通 ,故請 [斯為第 , 科中曾云: 成道 畢竟 如來 無二 方便,皆言修習 , 承命 ,不無巧拙遲速之不同耳;是猶千徑 ,最後開示 0 , 阿難 , 惟此一 揀選有 實無優劣之分, ,理宜決定一門也。二者、諸聖 得循圓通 亦 復 選 罔 二意:一者 , 退藏 知 ,真實圓 ,決定捨諸門 實無優劣 所 與不 密機 措 因阿難不知最 與差別之異 , 圓根 通者 羅漢 故敕文殊 ` , 佛前 冀佛冥授 前後差別 ,日劫相 **皆稱** 各說最 而 雖 揀選 順 之 也 , 皆 獨 令 取 無

,

九逵,共會王城之意。據此,則二十五門,應無所揀矣!

### 丑二 後出選擇本意

### 生,入菩薩乘,求無上道,何方便門,得易成就? 我今欲令, 阿難開悟,二十五行,誰當其根;兼我滅後 • 此界眾

生,三修真因,四得極果,乃曰何方便門,能得容易成就也。 道 生 學耶?我今欲令阿難開悟,於二十五行,誰當其根?阿難多聞第一,慣用耳根 下文殊選出:「將聞持佛佛 亦難究竟 根 上正為阿 人機愈鈍 難 0 , 故佛命文殊選擇,先授意云:一 開悟愈難 0 以證處雖皆平等,而從入之門,豈盡對此方之機,豈盡 ,若不選對方之根 ,何不自聞聞?」下兼為未來,兼我滅後 ,則縱入菩薩 對阿難一類之機, 乘 , 捨 小慕 次對末法此界眾 , 大 此 界末 可常時修 求 世眾 無上 , 故

子二 文殊偈對 分二 丑初 敘儀標偈 二 詳演偈文

### 文 **,殊師利法王子,奉佛慈旨,即從座起,頂禮佛足** • 承佛威神,說

#### 偈對佛:

佛威 敢自行品量也。 者 揀選之事 德 此 \經家敘儀。文殊師利法王子,奉佛慈旨者:欽奉我佛慈悲之法旨 即從座起 神 力 `,故後偈云:「堪以教阿難,及末劫沉淪,但以此根指耳根修 , 加被於我 而以偈對 , 頂禮佛足者:果後大人,受命常儀 , ,不以文對者,貫華易持,令聞已而思修也。 以二十五聖,與文殊齊肩者 , ,尚且如是 實有其人, 0 非仗佛威 承佛威神者 , , 即所授意 員 神 通 超餘 : 仗 焉

持 五 結答覆命 詳演偈文 分六 六 求加總結 寅 初 發源開選 二 了揀諸門 寅初分三 卯初 雙示二源 三 獨選耳根 二 略彰生滅 四 三正明 普勸修

#### 須選 今初

#### 覺海性澄圓 , 圓澄覺元妙 ,元明照生所,所立照性亡 0

性為海 明 海横無邊涯 先標性本二覺 上二句,所依真源,即是本有真心,亦即如來藏性。此猶前文,將問 , 如 《華嚴》 , 豎 無底 , 將破有為無為 所謂 蘊 非若 副海 水海 , 劫海等是也。 ,尚有邊底也 ,先標真性二字也。 若取水海 覺海性,性字指體大 覺海不作法喻 ,猶墮法喻不齊之過 解 , 澄圓 乃直 明與不 以 圓 稱覺 覺 澄

澄即元 相即隱 非所 經前所 不妄生 即 也 隨 約相大,元妙元明謂用大。澄圓謂覺海澄湛不動,圓含萬有 緣也 獨 念不生 0 崩 元 頭 明義 云 生相無明 妙 , 照 , 如迷雲起,必障蔽於慧日也。遂將本有如來藏,轉成無明藏識也。 因 用 圓澄 : 法 本來自妙 明立所」 , 也。元 性覺必明 則是本明 爾 , 具足 ,一切妄法,皆依他而生,故此句元明二字,躡上文而來。元明 謂覺海雖然圓含萬有,究竟澄湛不動,此即照而寂 明 照 0 0 ,不由造作 生所 以所照之妄境既立,而真照之性遂亡, 此中元妙二字, , 妄為 毫無一物 ,所立照性亡:此二句能依妄源 明覺 ;元明 , 0 今於彼元明性上,妄生照用 生所者 即含有元明之意 ,本來自明 , 因妄照而妄所生 , 不假· , 對 功用 , 上 , 此即寂而照,不變常 即所謂有相當情 即最初根 澄 ,既曰元 圓 , , 即前 此照是妄照 , , 即 隨緣常 妙元 所云 元 本不覺 妙 義 崩 不變 , 即 , 亦 無 覺 則 員

#### 卯二 略彰生滅

#### 迷妄有虚空 ,依空立世界 • 想澄成國土 • 知覺乃眾生 0

此明從真起妄,妄成世界、眾生、併業果,三種相續之相。以其妄所既已成立

依空立 有見 或 暗為色是也 勞 而 則轉本有之智光,而成能見之妄見,欲見本識,不知本識,卒不可見,遂迷性空 妄成 土也。下句 依 相二分。 虚 《頑空,故曰迷妄有虚空,即前晦昧為空是也;親依無明,虚空先現耳 |世界者: 空晦 0 `,謂妄想知覺,成有情眾生也。此依無明藏識,生起依、正二報 想澄成國 昧 , 以本識既不可見,而定欲見之,空見相對 《指掌疏》 結暗境而成四大之色法 土,知覺乃眾生者:上句, 云:且約本識中細相言之, ) 故曰 ,依空立世界 即溫陵所謂:妄想凝結 而不言麤相者 , 堅執欲緣 ; 即前空晦 , 以其示迷途 , 如 暗 , 成 瞪 。次句 中 無情 , 而 目

發

#### 無 空生大覺 **,況復諸三有?** 中 • 如 海 漚發 • 有漏微塵國 皆依空所生 • 漚滅空本

未遠

見歸

源之易也

之如 空 , 前四句 漚 則 虚 其 空生 (大小為何如耶?有漏微塵國 , 一於大覺心中 明諸法忽生;後二句, 僅 如海之一 明諸法還滅,即返妄歸真之意 漚發現而已 , 皆依空所生者:有漏 0 以覺心,喻之如海 , 即前之有情世界 。前迷妄有虛 虚空 喻

益見其微劣與虛妄矣!此四句,即前「引起塵勞煩惱,起為世界,靜成虛空,虛空 具足欲漏 、有漏、無明漏也。微塵國,即前之器世界,皆依虛空之所生,不出空外,

漚 為同 有生 , 世界為異,彼無同異, 一必滅 ,究之生滅,亦屬妄見;漚滅,虛空本無所有 真有為法」。漚滅空本無,況復諸三有者:空性如 , 況復空中 , 諸三有世

間耶?三有即三界,謂欲有、色有、無色有也。妙理無端,妄成三界,如水結成冰

天 物而不化,故謂之曰有。又取中三界九地,則為九有:廣開四洲四惡趣,六欲併梵 , 四 .禪四空定,無想阿那含,則為二十五有也。又依空同體,安危事 故滅則

#### 卯三 正明須選

倶滅

0

是知漚性不實

,

滅之仍歸於海

,則知空性本無,

滅之仍歸如來藏性也

# 歸元性無二,方便有多門。聖性無不通,順逆皆方便,初心入三

### **昧,遲速不同倫。**

界 自可復歸本來元有如來藏性; 上明可以還滅 ,已引歸元之路 ;此明圓通順逆之意 既歸藏性, 其理則無有二。設若欲入此無二之 ,意謂:但能滅除妄識境

不得圓 正見須 聖證 可 當 選 也 性之外流 道 逆 為 理 擇 方便之門 , 日 0 數劫 請 **| 入此性** .順 對 其方便自有多門;如京畿是一,入路多歧也。聖性無不通,順逆皆方便者 ! 根 但 選 觀 Ź 此 諸根 初發心人 ; 以 方之機為順 ,而旋返入性曰逆入,即六根及根大圓通也。如逆背京之路,迴身即 ,則六塵六識,火大至識大圓 , 因此遲速 則 , 公上所云 阎通 則無有不通;以三科七大,或順修而入,或逆修而入,二十五門 艱難而遲 如千逕九逵,皆達帝京也。 ,欲入三昧 , 難易 俱有旋反字面 , ,不對此方之機為逆也。 順逆皆方便,所謂十方如來 ,雖修數劫,不及一日,以得圓根則容易而速,但修一日 ,自不同倫,又不可以不選也。 ,指楞嚴大定,得循 可見矣!初心入三昧 通也。 孤 山 曰 : 一 如順背京之路,繞遠方到者也 《正脈》 圓 , 於一 根 觀音耳根則順 , , 初發源開選竟 云 : 與不圓 切法門 遲速不同倫者 順塵 根 , 皆能 , Н 識 , 餘聖諸 證得 劫 流 : 此 相倍 宛 , 到者 逆根 何 旬 轉 根 : 諸 以 皆 須 達 則

色想結成塵 寅二 了揀諸門 **,精了不能徹** 分四 卯初 ,如何不明徹,於是獲圓通 揀六塵 二 揀五根  $\equiv$ 揀六識 0 四 揀七大

使之明 觀色性空而悟入者 三昧 前 有遲速難易之殊,故不得不揀耳!此揀六塵圓通。一、 徹 來佛說,彼等修行,實無優劣,乃據諸聖,證得藏性而言。今欲初心,修證 ;良以色塵之體 。言色惟憑妄想凝結而成,為障蔽之塵 ,元本結暗所成 , 如何以此不了明 ,若以心精了之, , 不透徹之物 優婆尼沙陀色塵 , 而欲初 終不能 , 因

# 音聲雜語言,但伊名句味,一非含一 切,云何獲圓通?

心依此

而速獲圓通者哉

非能偏 名 , 多字聯合為文;今言味者,即文理所詮之義味也,惟以彼之名句義味而已 聲 法 如言瓶等,並不言何瓶;句詮差別 ||含一切名,一句非能徧含一切句 , 憍陳那聲塵, 未免雜於語言文字。 因聞法音而悟入者。 但伊名句 ,如言花瓶二字,帶表為句;文詮 '味:伊者彼也 音聲即徑直聲, 義 , 非能偏含一切義 名詮自性 語言即屈曲聲 ;云何初心,依此 , 以 (一字直 聯合 , 。 且一名 即此音 目為 以

## 香以合中知 • 離則元無有,不恆其所覺,云何獲圓通?

不通之物

而速獲圓

通者哉?

離 而不合,則元無有香。且能覺之根,不能恆常與所覺之塵相合,以塵合時 香嚴童子香塵 ,因香塵而悟入者。香塵必以鼻根,合中方知其有香 ;如若 則有

## 味性非本然 ,要以味時有,其覺不恆一 ,云何獲圓通?

能覺

塵離

時,

併無所覺;云何初心,依此不恆之物,而速獲圓通者哉?

本然即自然,要以味塵合舌根時,方知其有味。其舌根能覺之性,不能恆常與所覺 四 ` 藥王、藥上味塵,因味塵而悟入者。然此味塵體性非本然,而自知有 味也

## 觸以所觸明 , 無所不明觸,合離性非定,云何獲圓通?

合而為一;云何初心,依此不恆之物,而欲速獲圓通者哉?

無有 指 無知之外物合,而覺知冷暖澀滑 追身根 所觸之物 五. 所對之物 跋陀波羅觸塵 , 則不能 ,故云觸塵必以身根所對之物 一發明觸塵之相 , 因觸塵而悟入者 :,違順等相,方名為觸。此上觸字指觸塵 0 合離之性 0 然觸 ,乃得發明顯現 塵本無自性 ,本非一定;云何初心 ,要以有知之身根 。無所不明 依此不常 觸者 ,下觸字 : 若 與

之物

而欲速獲圓通者哉?

# 法稱為內塵 ,憑塵必有所,能所非徧涉,云何獲圓通?

影子 境,捨一緣一, 謝 塵 ; 0 憑塵 但 六、摩訶迦葉法塵,因法塵而悟入者。法塵非同外五塵之實質,乃是五塵落謝 ]外塵有五,落謝必有先後, 謝在意地之中, 必有所者:憑外五塵落謝 能所非能互偏互涉;云何初心依此不偏之物,而速獲圓通者哉? 惟意中獨緣;合外五塵,俱屬法塵 ,必有所落謝之影, 內塵亦五,影子非無甲乙。 是則 ,為獨影境 分塵為能謝 起意緣時 故稱 , 內塵 惟 專一 為內 所

#### 卯二 揀五根

#### 見性雖洞然 ,明前不明後,四維虧一 半 • 云何獲圓通?

方 然見根之性即眼根,雖洞然明徹,若四方論,但明前一方,及左右兩方,不明後 故 六根,今言五根者,惟留耳根為當選也。一 [明前 不明後 老若 以四維論,只見前 兩維 、阿那律眼根 ,不見後兩維 ,因見性 , 故言四維虧 而 悟入者 了

# 鼻息出入通,現前無交氣,支離匪涉入,云何獲圓通?

分無德;云何初心依此不圓之根

,

而速獲圓通者哉?

半 ;

則三分言功

時 外 入者:而且支分離異,各有所據,有出無入,有入無出,即此支離處,匪能互相涉 氣 ,入而通於內,故曰出入通。即前云,有出有入是也。現前無交氣者:出息盡 不能即入,入息盡時,不能即出,即此出入少停之時,名為現前 則 二、周利槃特迦鼻息,因觀鼻根而悟入者。鼻息者,鼻中之氣息也。 無 : 功德 ,即前云 ,而缺中交是也。 據此 ,則三分論功 7,而缺 分。 ,無有交接之 出而 支離 通於 匪涉

# 舌非入無端,因味生覺了,味亡了無有,云何獲圓通?

入;云何初心,依此不圓之根,而速獲圓通者哉?

無端 生覺了之知。設或味塵銷亡,則覺了之知,本無所有;云何初心,依此不常之根 而速獲圓通者哉 三、憍梵鉢提舌根,因舌根而悟入者。溫陵曰:舌不因味 無端 , 即無因也。謂舌入非無因, 而能知味 , 因有味塵 ,而即能覺了, ,合到舌根之時,方 乃為

為 離知 正 恆常普徧 脈》 問 : 耳離聲而聞靜 離聲聞靜,更比聲圓,人所易曉。經云:動若邇遙 ,說為本性,何不舌離味而嘗淡 亦說為常耶?耳 ,靜無邊際

968

是也。今舌根覺味之知,不過三寸,合知尚劣,而離知淡相,更為眇昧 豈能同耳

## 身與所觸同 , 各非圓覺觀,涯量不冥會,云何獲圓通?

之常性彰顯乎?

發明 後無知也 知 全體全智也。此二句總明合而後有知也。涯量不冥會者:且身根之與觸塵 員 員 同 立之全體 觀 覺者 前云 也 四 ,若無所觸之塵,不得發明。各非圓覺觀者:以圓之一字,雙貫覺、觀二字 屬 0 , 獨立之全體也 畢 0 無知 良以合中之知 :觸以所觸明 合有 與夫絕待之全智也 陵伽婆蹉身 ,各有邊涯 離無 , 其性不定 , , 根 圓觀者 無所 根塵相待而顯 一,各有分量,不能於離時 , 因觀身根苦諦而悟入者。 0 不明觸。今身正與相同 ,云何初心依此不常之根 而此 ,絕待之全智也。 身 稂 , 故前觸 , 離前 塵 觸 此身根與前觸塵 塵 , 而得冥知契會;此句乃明離而 離此身根 ,謂身之覺性 , 此之身根 其知· 而速獲圓 亦 泯 , ,與彼所 其相 亦 , , 通者哉? 各非 亦因所觸而得 無獨 即隱 有觸塵相 <del>1</del>/. 圓覺之與 **,** , 絕 古 屬有 待 無獨

# 知根雜亂思,湛了終無見,想念不可脫,云何獲圓通?

最亂 是則 想念 那識 最 五. 、須菩提意根,因意 強 , 不可 ;第六依第七為根 最難調伏 時頓脫之故;云何初心依此雜亂不離之根 湛 了終無見者:言脫盡意識 ',故曰意根 根而悟入者 0 0 知根 雜者夾雜 、謂意知根,即意 ,亂思是意識, 湛然了知之境 , 而速獲圓通者哉? 根也。 此識於諸識 ,終不可見:如 意根 ,乃第 中

#### 卯三 揀六識

# 識 見雜三和,詰本稱非相,自體先無定,云何獲圓通?

本 識 也 見 去者 旨 : ٥ 0 而諸 無 以 乃 應云見識,見屬眼 此揀六識。 能 誏 正以初心入三昧 所 從 依自體 家隨念分別 聖自陳圓通 來 經初以六識為生死根本,不可依之錯誤修習,故以捨識用根為經 者 所依 ,仍備六識者 , 不從根生 外 根 , , 、塵 即眼識 遲速 對色塵 , 不同 故曰雜三和 , 也。雜三和者:根塵相對 惟根 ,見聖性無不通 內對 倫 也。一、舍利 無塵 1眼根 0 詰本 不自生故。二者、不從塵生 中間詐現 稱非相者 | 弗眼識 順逆皆方便也。 ,隨念麤略分別 ,識生其中 , : 因 即所生之識 眼 識 此處文殊 而 ,能所合說 悟 入者 , 色塵 詰 是為 復揀 其 識 無 根 眼

知 半有知 ,非生識因故。三者、非根、塵和合共生,根是有知,塵屬無知,應所生之識 ,一半無知,今則不然。故舉體虛妄不實,稱為非相。自體先無定,云何

初心,依此不常之識,而速獲圓通者哉?

# 心聞洞十方,生於大因力,初心不能入,云何獲圓通?

礙者;此皆生於脩法界行,大因威力之所成就,非耳識自能有如是功能,須是深位 二、普賢菩薩耳識,因耳識而得悟入者。心聞:即耳識,能洞徹十方 ,圓聞無

菩薩方可。云何初心依此久遠之因,而速獲圓通者哉?

# 鼻想本權機,祗令攝心住,住成心所住,云何獲圓通?

則鼻端白 句,即其權施之意 機者:本來權巧方便,隨順機宜而設,非鼻識本有也;鼻識以分別香臭為用。次 三、孫陀羅難陀鼻識,因鼻識而悟入者。鼻想者:於鼻端作觀白之想也。本權 • 即成所住之境。蓋真心無住,云何初心依此有住之心,而速獲圓通者 ,祗令收攝其散亂心,令得暫住而已。三句云:既有能住之心

哉 ?

# 說法弄音文,開悟先成者,名句非無漏,云何獲圓通?

非一 字 時舌識之功能 四 而富樓那得大開悟 富樓那舌識,因舌識而悟入者。舌識說法,惟是播弄音聲,及以語言文 以名身、句身、及文身, 成阿羅漢者,乃是先所成, 乃不相應行 **曠劫辯才之力,故能如是耳** 有為法所攝 , 非無漏法

## 持犯但束身, 非身無所束,元非徧一 切,云何獲圓通?

云何初心,依此有為法,而速獲圓通者哉?

無所 門耶?故曰元非徧一切。云何初心,依此不徧法門,而速獲圓通者哉?《指掌疏》 但執心誠難 大凡初心持戒 使有犯, 問云:波離執身 從東 五 優波離身識 但能約束身識 ,是尚 , 故先以身識束身。如身識不起邪覺 ,先斷婬 不徧於口、意二業;況夫菩薩 , 次第執心,俱得通利,今何但云束身?答曰 , 、 殺 因身識而悟入者 而已。 、盜、妄,妄猶可緩,而最所宜急者, 非身識之範圍 。持犯者:持婬 ;如妄言 ,清淨律儀,乃至八萬細行 ,離於惡觸,自然無復婬 1、綺語 、殺、盜戒 ` 惡口 唯婬 :此約初心言之, ,欲令清淨,不 兩舌 殺 、殺、盜 , 盜耳 則 切法 身識

事 是為束身 。至若心動婬、殺、盜機,口出妄言、 綺語等, 非不欲斷,但非身識

能持,人不盡皆然。波離豈能依此入圓哉?」

# 神通本宿因 1,何關法分別?念緣非離物,云何獲圓通?

何初心 分別 得成就,是知其有由來矣,何關意識之事!法分別:即意識也。因對法塵上, 大目連神通 ,念念攀緣;即合法塵則有 , 大目犍連意識 依此攀緣妄識 , 雖由旋識復湛,心光發宣,究其深本 ,而速獲圓通者哉 ,因意識而悟入者 , 離法塵則無 。不可 , 故曰念緣非離物 測度 ,乃宿因久修 ,謂之神 , 自在 ;物即法塵也。 0 故遇佛聞法 |無礙謂之通 所起 ", 即 云

### 卯四 揀七大

# 若以地性觀 ,堅礙非通達,有為非聖性,云何獲圓通?

地平填道路 平 -地而 此揀七大圓通 悟 入者 , 尚涉有為 0 若以地大之性 ,前五大同塵 而非無漏之正性耳,聖者正也;後遇平心之教方歸聖性 而為觀察 ,第六同識 , 境則是堅凝障礙之物 ,第七同根。今一 ` , 竝 持地菩薩地大 非通達之相 持 因

云何初心,依此有為之法,而速獲圓通者哉?

# 若以水性觀,想念非真實,如如非覺觀,云何獲圓通?

起心分別覺觀,皆不與相應,故曰如如,非六識覺觀所能契入也。云何初心依此覺 而 成 二、月光童子水大,因觀水大而悟入者。若以水大之性 ,非真如實際 , 如 如不動之理 。凡欲契如如不動之理,須得 ,而為觀境 .如如不動之智 0 皆由想念 ; 而

# 若以火性觀,厭有非真離,非初心方便,云何獲圓通?

觀之心,速獲圓通者哉?

機 欲 火,而求離欲,非到身心俱斷,斷性亦無, ,有少欲無欲者,豈必藉此,以為方便?云何初心依此不通之法,而速獲圓通者 三、鳥芻瑟摩火大,因觀火大而悟入者。若以火大之性, 乃非真離欲也。 而為觀境 然初心不盡多婬之 0 鳥芻厭有

## 若以風性觀 ,動寂非無對,對非無上覺,云何獲圓通?

四 瑠璃光法王子風大,因觀風大而悟入者。若以風大之性,而為觀境 彼雖

大佛

對待 徧 觀內外, 正 脈 既 有對待 皆是妄緣風力所轉,然風大有動有寂,便屬循環生滅, 問 : 反聞法門 , 自 非 無上覺體 , 亦從動靜 。云何 而入,何殊於此?答: 初心,依此不常之法,而速獲圓通者哉 彼乃漸脫 無常之法 動靜二 塵 , 非 , 以 ? 無

取 無動 靜 之聞 性 , 為初心方便 0 此即 取有動寂之風性為入門 , 所以大不同 .也;豈可

## 若以空性觀 ,昏鈍先非覺,無覺異菩提,云何獲圓通?

以此難彼?

大無依 大 也 自與菩提相異 乃以冥頑 而 五 取靈明之果,何異鑽冰取火也;云何初心依此無覺之物 ` 虚空藏菩薩空大,因觀空大而悟入者。 妄想 為相 生滅 0 梵語菩提 , , 虚空無二 自體先非靈明覺知之用 , 此翻覺道 , 佛國本同 ,即圓通所證之無上覺道也。今欲以昏鈍之 ٥ 虚空 0 無覺異菩提者: 若以空大之性 , 乃晦 味所為 ,而速獲圓通者哉? 既無靈明覺知之用 , , 而 昏即冥也 為觀境 , 鈍 諦 即 觀 頑 四

#### 若 以識 性觀 • 觀識非常住 • 存心乃虛妄 ,云何獲圓通?

彌勒菩薩識大 因觀識大而悟入者 。若以識性 , 為所觀境 諦觀十方唯

識 0 然此識性,念念生滅不停,實非常住之性;且存心觀之,已是虛妄,何況所觀

# 諸行是無常,念性元生滅,因果今殊感,云何獲圓通? 之識大,而不虚妄耶?云何初心依此不常之心,而速獲圓通者哉?

,

念相繼 音 此 面 也 根都攝六根而念 惟此念佛一門。凡有動作遷流,全屬諸行,皆是無常。而勢至則曰,都攝六根 者 初心;三者、別有資藉;四者、非常脩學 :|求現證,不生滅之圓通,則因果相背,感應咸殊,故曰因果今殊感。云何初心依 生滅之心 ,足見菩薩明知欲脩楞嚴大定,獨讓觀音殿後,而求其普被三根 以 而原其入門, 此念佛為因 ;既是都攝 大勢至法王子根大。按根大應當在第六 ,而速獲圓通者哉?《正脈》 0 不從本根, 雖曰 ,往生淨土為果,因果相孚,則萬修萬 ,則屬根大;可見念佛 :淨念, 略有四緣 終成有念;既曰相繼 。反顯耳根、對方宜、便初心、不勞資藉 云:「通論二十四聖,約其所證 所以當揀: ,不是口念,不是第六意識心念 ,今彌勒識大超前 ,難免生滅;故曰念性 者 人去。若以此生滅之因 不對方宜 ,利鈍兼收 勢至根大居此 ;二者 ,乃是意 ,必等觀 元生滅 、不便 淨 者

大佛

通常 可脩也。意在後偈 預此明之」。二了揀諸門竟

寅三 獨選耳根 分二 卯初 備彰門妙 辰初 根隨方利

法以人勝 Ξ 示法真實 四 顯行當根 今初

我今白世尊 佛出娑婆界 • 此方真教體 • 清淨在音聞 0 欲取三摩

#### 提 ,實以聞中入 0

透彼 教體 以寂無言說 言常途但以音聲為教體 偏 以 聞 利 此云堪忍 上來餘門,既經揀去,此則應選耳根,故云:我現今重白世尊言:佛出娑婆世 .根之利 佛菩提樹 設教不應機 , 能由 ,各隨機宜 也 聞性 ,以娑婆眾苦具足 ٥ 而 如來 作佛事;乃至或以園 ,徧達無量差別理事 , 化則不勝 在世 ,教體不同 是隨相假體。 , 聞教得益者多 0 準維摩經云:或有佛土, , 眾生堪能忍受諸苦故 。今佛世聞聲得益者多,即末世亦從此方眾生耳 而此方真實教體,清淨本然 林臺觀 0 故對此一 , 即末 , 或 方機宜 世亦從開示 以虚空影響 0 以光明而作佛事 如來必隨一方機宜 , 以音聲施作佛 , , 逦 或以音聲語言 得悟 , 周徧法界者 入者眾 事 ·或有佛 , 而 立 ; 意 所 或 以

根

土

是則從說選根以來,直至此處,方以決定指出 地 嚴大定,實在要以耳根聞性得入 藏 惟在聽音之聞性而已。欲取三摩提,實以聞中入者:良以教詮藏性,而聞性最 《性者也。然領悟雖以雙託音聞 0 於是依教 ,初於聞 中, 做 ·入流照性工夫,解六結而越三空, 0 ,而修定但宜單取聞性,故凡欲取證三摩提 如觀音自敘 耳根,為圓通本根,至妙之法門矣! :彼佛教我 ,從聞 破五陰而獲二勝 ` 思、脩,入三摩 **?**,即楞 切近

## 辰二 法以人勝 分二 巳初 略讚自利 二 廣顯利他

## 離苦得解脫,良哉觀世音!

耳 故 者 自 : 利 功德 判 得離繫自在,二種解脫之樂,即破五陰,而獲二用也。此乃言自備 此科以耳根圓通之法,因為觀音之人殊勝故,其法必堪珍重也。 屬自利也;良有二義:一、 讚善義 0 離苦者: , 如云: 離分段 離苦得解脫 ` 變易二種生死之苦,即解六結而越三空也。 誠實義 , 善哉觀世音之法耳 , 如云: 離苦得解脫 ,誠哉觀世音之人 此二句,略讚 利他體用 得解脫

## 廣顯利他

大佛

頂如來密因修證了義諸菩薩萬行首楞嚴經講義第十六卷

## 於恆沙劫中,入微塵佛國 ,得大自在力,無畏施眾生 0

劫之常 自在 後 句 句 , 有能以無畏 成就之語 明 此 總 2科廣顯利他功德 橫編十方;入微 題四不思議科:第一不思議科後 皆窮盡塵剎之徧;總顯常徧二義 0 第四句 ,施諸眾生也。且連上兩句,貫成四句。 塵國 第一 顯十四無畏 , 顯現身處廣也。第三句, 句 , 明豎窮三際;於恆 有施無畏力 ,有救護眾生,得大自在;第二不思議科 , 誠為巧妙也 , 福備眾生之語 沙劫 顯三十二應, 總顯此等妙用 ,顯化導時長也。第二 0 有無作 又 以 皆極盡沙 此 妙力 四 兩

#### 妙音觀世音 , 梵音海潮音 , 救世悉安寧, 出世獲常住 0

海潮音 得度 也 施 無畏 十四無畏之除三毒,四不思議之破慳貪,由菩薩音性清淨無著 溫 陵日 即 。今三十二應中說法,四不思議中說咒 , 為說法 由 : 菩 以說法不滯為妙音 薩 以觀智 ,或說咒 觀世間 ,此皆妙音之力也。 ,尋聲救苦為觀音 .稱念菩薩名號音聲 十四無畏中之救 ,由菩薩妙觀察智,觀定應說何法而 ,音性無著為梵音 , 皆得 解脫 八難 , 此 , , 皆 此皆梵音之力 四不 觀世音之力 應不失時為 忠議 中之

槃,得大涅槃,證出世無上覺道,而得不生不滅,無去無來,常住快樂也 令悉安寧。以脩行欲求出世,錯用因心,不得究竟;而第四不思議中,有求大涅 以世人慳貪積聚,患得患失,皆不安寧;而第三不思議中,破貪感求,正救 異 時說法,應不失時,此皆海潮音之力也。然《法華》,有勝彼世間音,此中獨 也。三十二應中之赴徧求,十四無畏中之赴二求,四不思議中之赴廣求,由菩薩及 以致持名一科 了; 以 彼 二名 ,正屬勝彼世間音 ,無所收屬。以菩薩一名,與彼六十二恆河沙 ,如是則五音具足矣!救世二句, , 法王子名號 義攝後不思議 ,正等無 此 缺 病

我今啟如來 辰三 示法真實 如觀音所說 分三 巳初 圓真實 ,譬如人靜居,十方俱擊鼓,十處一 二 通真實 常真實 今初

# ,此則圓真實

此顯

門, 者文殊自 圓 國照三昧 稱 ,所以速證圓通也。非指下偈為觀音所說,偈中仍是文殊取前六根數 現今啟白如來, 所以揀去諸聖, 獨選耳根者,如觀音 所說 : ·我從耳

宗耳根,具足三種真實,誠正定之真修也。決定速證圓通,不勞資藉

我

980

假設聞 真而 周 鬧 量 輝 時 時 , 無妄 普 聞 聞 併 照 | 者 鼓 :擊鐘驗常等科中 性 **;**諸聲· ,實而不虛之妙義也。 , 事 聞 雖 凱用常圓 無先後 , 以例聞 如影 也 , , 亂 殊不自覺 , 映齊 切聲皆然 佛說語意 此見耳根聞性 現 , 0 絲毫不昧。 ,故云:譬如靜居;寂靜居處 ,而加發揮 《正脈》 , 人 云:十方俱擊鼓者:一 人本來自圓 此則圓真實者 ,見耳根之本妙也。 , 喻 : 如 本來圓滿周徧十方 最 大圓珠懸於空 揀非鬧 時 譬如 同 擊 人靜居者 也 時 也 + 中 , 以 處

#### 巳二 通真實

#### 目 非觀障外 , 口 鼻亦復然 • 身以合方知 ,心念紛無緒 0

知 合身 見臟 目能觀障內之色 此 心是意根 腑 方有 以 耳 是近 根超 知 觸 而 , 之用 薄者 勝 , 又雜意識 非能觀見遮障之外所有諸物; 五. 根 尚障隔 П 。二、三句語 鼻二 想念紛亂 不通 根 , , 之與味、 況遠厚乎?身以合方知者 倒 ,且口字是舌字,以舌 無有 頭緒 香 其猶隔窗外,不見外物 , , 如是則想念尚不能脫 塵亦復然 在 : , 稍 即  $\Box$ 離 身 中 户 稂 寸 故 , 亦必 隔皮膚不 , 以代之。 , 況 便 能通 丕 以 甍 塵

## 隔垣聽音響 • 遐邇俱可聞,五根所不齊,是則通真實 0

與諸 者 : 沒 聞 眼 邊 聲能透入 禄之不觀障外也。 , , , 非若意根之雜亂無緒也 草舍竹籬 天 遐遠也,邇近也;所有一 亦非耳往聲處 此言耳 , 非 根在動用中 根之類者 其 ,悉皆通透一 知 者 , , 遐邇俱聞 如隔 , 以聞 豈能齊哉?此見耳 , 現具靈通之相 數千里之遙 性湛然 無隔礙。是則通真實者:本來通達,周徧無礙 0 以是而觀 切聲音皆可得聞 , 非若三根之離塵不 , 周徧 ,問答如 ,隔垣牆而聽音響 , 圓 T根聞性 則五根功能 滿 在目前 。五根所不齊者:則隔! 無線電話 , -知也。 人人本來自通 , , 所不能與耳根齊等 因聞 於靜 , 可 尚 性周 以 無隔 :中聞鼓時 驗 徧 知 喻 故 礙 如洪 垣 不 0 定能聽 遐 並 , 非 水普 ·知者 則 邇 ,真而無 , 況 俱 聲 俱 , 非若 |為淹 塵 擊 來 可 , 齊 謂 聞 識 耳

### 巳三 常真實

妄

實而不虛之妙義也

### 音聲性動靜 聞中為有無, 無聲號無聞 非實聞無性 0

擊鐘 聞 擊 動 說靜 , , 因 驗 動 此 於 常 對 則 0 聲塵 音 聞 科 無聲之際 中 聲 中 ·義 以顯聞性常住 歴 為 然 0 有 前羅痥正擊之時 ,號為 現有 無者 : 無聞 撃久 言動靜二 :初四: , 、聲銷 殊不知無聲之時 句 ,則音聲之性屬動;擊久聲銷 相 , , 靜 , 動靜 常於聞性湛然體中 則音聲寂然現無 無關 , ,音聲是總相 聞性愈覺無有邊際 0 世 , 循環代謝 人 ,動靜 顛 ,音響 倒 , 是別相 , 故曰 尚 雙絕 時 目 [非實聞 惑 羅 , 則 聲 睺 此 為 更 對 取

#### 無既無滅 • 聲有亦非生 • 生 |滅二||圓離 • 是則常真實 0

無性

也

恆 面 時 無 自體了 趙 聞 此 四 滅 性 無生滅之相 亦 旬 0 是 非 , 則常真實者 有生 生 滅 雙離 0 是 , 故曰生滅二圓離 知 0 ---豈非常住真心 聞 如 性 上 所說 , 湛然常 , 無聲之時 0 住 以見聞性 **,** , 性淨明體 任 , 其 聞性 笚 ,人人本來自常 , , 既 聲有 真而 無有滅 無妄 則 聞 , 動 , 以 實而 , , 此例 喻 聲 如 無 不虛之妙義 知 太虚空 則 聞 有聲之 靜 0

## 縱令在夢想,不為不思無, **覺觀出思惟,身心不能及** 0

也!

覺耶? 根 下 性 性 意 1、兼眼 ·觀字 種真實 識所現。今云縱令在夢想之中,完全忘卻夢外動靜之境,而了無所思;而 不 亦 此 離思惟 惟獨耳根 ·為彼不思而便成無耶 不為彼無思而即便滅無。 , 指聞: , 、鼻、舌三根,心是意根,如是五根對此,皆不能接夢外五塵之境,而有 皆吾人尋常日用所現具者,不待修習而後有也 ,以顯聞性常住。思惟,乃是第六散位意識所為,而夢想亦第六獨頭 !性照用;而此照用,乃是寂而常照,不假思惟, ,能通夢外之聲,一呼便覺 0 覺觀出思惟,身心不能及者:上覺字 如前熟睡之人,聞舂擣聲 ,超彼心身,所不能及也。 0 若能依之反聞自性 , 惑為鐘鼓響 超出思惟之外 即聞 然此圓 性 可 本 見聞 此聞 通常 體 身 修

辰四 **顯行當根** 分二 巳初 舉此方教體 明病在循聲 證圓通

,

猶

風

.帆行於順水,必至易而至速也

## 今此娑婆國 **,聲論得宣明**

能 成就行人忍力故 此 前耳 T根行門 0 此雖約處 正對此方之機 ,實則因對此方眾生,耳根偏利故 。今此娑婆國 :譯為堪忍 以此方具足苦境 佛以音聲 ,而作 堪

佛事 立諸聲、名、句、文,一切經論 ,義理得以宣暢,心性得以了明。 **企** 脈》

中 含蓄所宣明者 眾生當 可 由所聞聲論 ,無非皆為詮顯圓湛妙明之性 , 而反聞能聞之本根 ,方為得旨矣!若是 。而此妙性 ,又祗在於能聞本根之 , 則下科之意

## 巳二 明病在循聲

自有

|來歷

矣

## 眾 生迷本聞 • 循聲故流轉 阿難縱強記,不免落邪思,豈非隨所

## 淪,旋流獲無妄?

兔於流 舍 如 於流 聞教觀心 來 此明病 不得自由也。 轉 轉矣 十二 也 ;能聞之本聞,是為妙明心性;而但循順所聞之聲教,增益戲論 在循聲 部 呵 ! 難縱 無奈眾生迷本聞 . 經 , **強強記**, 豈非隨所淪 清淨 此方眾生 妙理 不免落邪思者;乃舉事證驗 , , , 如恆 旋流獲無妄者:豈非二字,乃承上文決定之辭,下 此眾生乃指狂慧學者 耳根既利 河沙 ,如來既以音聲為佛事 猶尚不免落 , , 於邪 迷而 即 如 葸 阿阿 不悟 .難 為 物 縦能 不能因言會道 凡聞聲者 所 轉 強記 ,故自取 溺 皆當 於婬

上菩提 聞 明 淪 而易修耶?初備彰門妙竟 初心之人,於一 云:「迷晦即無明 八字病藥相當 聞 即流 , 性 使汝輪轉 ,令汝速證 轉 0 獲無妄者 ,言循聲必至流轉 ,即在迷本聞 ,生死結 切時 , ,安樂解脫 發明便解脫 獲得真實常住 處 根 , 獨向 , 唯 , ,不迷本聞而已。 汝六根 |耳根 即 ,寂靜妙常 如諸 · , 若能發明 不流轉之性 反聞自性 佛 , 更 , (無他物 異 ,亦汝六根 口同音告曰: 迷則隨所淪 , , 旋流反聞 別無他事 , 0 即 若不迷則旋流 如諸 , 更 開告言 無 , , , 隨即! 自有 便得無礙大解 他物 呵 難 粒欲識. 循也,所 到家消 0 : , 旋彼聞 汝復 此 息 知 兩 河聲 欲 脫 句又 , , 豈不 也。 俱 根 知 如 生 塵 仴 速 偈 無 反 無

法 卯二 四 結示因果究竟 詳示修巧 分四 辰初 出名教所反聞 法說次第超越 舉喻以合前

## 阿 難 汝諦聽 :我承佛威力 ,宣說金剛王,如幻不思議, 佛母

# 此呼阿難之名而告之曰:汝果欲旋流反聞

,

應當諦聽我語

。我今仗承我佛威神

大佛

頂如來密因修證了義諸菩薩萬行首楞嚴經講義第十六卷

眛

德秘藏 流反聞 議者 之定 稱 方薄 指超無學」,故知然也。 者 之力 名大佛頂首楞嚴王 三大 門深 為 伽 幻 , 有 佛 是譬喻 不可 所 梵 其體堅固 入 母 , 0 此 王 以為汝宣 入住出 , 則 此 出 以心 者 生諸 為易 則 路涅槃門 , 為簡 也。 思口 無 ,不可, 自在 三說觀音所證之三昧, 而 ;自入流亡所 佛 , 此出名中,已示修巧之意 忽有 具足萬行 議 故 無礙 ;入一無妄 破壞;其相光明,照了一切;其用銳利 0 , 佛母真三昧者:第一卷告示阿難 謂 所證之三昧 , 義 雖 可見十方諸 所 , 修速疾 有若 ,十方如來,一 前五卷有寶覺二字, , , 彼六知根 而至寂滅現前 無 , , 0 超乎 是真 汝當生珍重之心 佛 謂 , 所修三昧 都從此 三昧 世出 • 門超 , 時清淨 且簡要易速四義為巧。 世 , , 此則為速 乃天然自 出 間之意 此則俱含三 無修 門 0 超出 妙莊 。金剛王者 此則 而修 , , 及諸· 嚴路 前 性 , 趣 傷 ,能斷 具此四義 本定 為要; , 字中 入 |大眾,有三摩提 修 0 : 涅槃之門 五卷偈云: 卽 , 但向 非同 無修 無明 具體 0 如幻三摩提彈 但依 如 幻 不 故成此真 根 工 也 ` 主夫引起 亦 相 耳 ·思議 所以 即三 根 不 用 旋 思

三昧

也

## 汝聞微塵佛, 切秘密門,欲漏不先除,蓄聞成過誤 0

習,不先除卻。蓄聞成過誤者:因欲漏不先除,故蓄積多聞,反成過誤;非但聞於 精進,汝常樂多聞」 切秘密深奧之法門 此抑多聞而顯過。汝阿難是多聞第一之人,與我「同於空王佛所發心 ,據此則所遇之佛,數等微塵,皆以多聞之力,護持法藏 , 悉皆得聞 0 欲漏不先除者:惟務多聞 ,不勤定力 , ,我常勤 欲漏 , 凡 種

# 將聞持佛佛,何不自聞聞?

普通佛法,乃至聞於秘密深法,皆為循塵流轉矣!

聞之正文也。觀此但聞一聞性 根 身 ,受持諸佛所說之佛法,何不識取本聞,而旋倒聞根,以聞聞性乎?此科是教反 下佛字指佛法 此決取捨而反聞 ,次句上聞字屬聞根,下聞字屬聞性 0 決定捨於循塵之聞 ,便勝無量多聞 而取反聞之聞也。 亦見其至簡, 。故以警之曰:將自己之聞 而最要矣! 首句上佛字 指佛

## 辰二 法說次第超越

## 聞非自然生,因聲有名字, 旋聞與聲脫, 能脫欲誰名?

塵脫 體 惟 根 脫 始 動 隨 離 來 0 ` 妙性 盡 離 旋 靜 也 聞 , 0 , 遂 一種妄塵 而已 更有 能 即入流亡所。乃至動靜二相,了然不生,旋倒聞根 有 句 脫 萛 即指 0 誰 , 桹 記名 為根· 言既因攬聲而結 之名字 《正脈》 黏起 聞根 也?此二句即當如 湛 , 云:此四 然一 前因攬塵 即 根元 精明之體 , ; 一句喻水本因寒而結冰 必待 而結 自為 脱聲而 , , 清淨四大 茲因旋根 是漸增聞 發為聽精 解 0 , 所聞 旋觀能聞之聞 而 因名耳 聽精 脫 , 盡 ; 故冰須脫寒而還水矣! 欲誰 映聲 體 併能聞耳 ,反聞自性 名者 , 乃聚 性 捲聲成根 , , 聞結滯 言 而 根之名亦失 與所 塵 , 三脫 而 , 與 聞之聲 為 由 (聲塵 根之 此 而 無

## 根既返源,六根成解脫。

解 但 解 六根同一 此 根 如 後三漸文云: 餘 限制結 成壞也 0 不 正同豎論六結 塵既 ·知根 战雖有六 不緣 , 根 , 體本 無所偶 每 是一 根 0 約迷真起妄 亦即返流全 此横論 六根 , 從性 結 六用 則 至塵 同 .結 不行 0 , 由 解 ,人疑 ·細向 則 齊

解結者 則六根俱成解脫。 處 時 龘 , 皆有次第六結 根既已返本還源 根同成一 , 但從耳根 結 是則一 ;約返妄歸真,從塵至性,由麤向細,亦有次第六結;如一結成 ,乃至六結皆然;或一 , 逆流而入。六結:一 ,覺性現前 根返源,豈不至簡耶?六根齊脫,豈不至要耶?夫至六根 ,不復循塵結根,於六結 結解時,六根齊解 動、二靜 、三根 ` , 四覺 但解 ,一結乃至六結皆然 、五空 勤 靜 ` ` 六滅 根三 此

# 見聞如幻翳,三界若空華,聞復翳根除,塵銷覺圓淨

皆脫

,則眾生世界,已自不能纏縛矣!

除 矣 正 精明之體 脫 為 ! 幻翳 而塵界自必隨銷 圓 猶 此 科 而 | 翳眼所見空華 既除 明器界超越 不礙 ,起於見、聞 , 塵銷 而 塵界應念隨銷 為淨而 ,不是情器根塵平言。 , 、齅、嘗、 見聞等四句 翳病若除 不染 , , ,華於空滅;聞根今已旋妄復真 覺、知六用,如依淨眼,起於幻翳相似,三界依 所謂迥脫根塵 如空華滅於虛空 ,乃重明上文之意,以起下淨極光通之義 蓋言塵界 靈光獨耀矣!夫根身解 0 覺圓淨者 , 全倚情根 : 由是本覺之體 而立 , 則翳根之病除 ,今情根解 ,而器界 本 , 根

隨銷,其亦至易,而甚速者乎!

## 淨極光通達,寂照含虛空。 卻來觀世間,猶如夢中事, 摩登伽在

## 夢,誰能留汝形?

中圓湛 脫 昔之所以被邪術所制,無自由分者 即 體 何況 照 極 所 , ;而心光自然通達,徧照塵剎 0 若能 復獲 空中 謂 稱性含裹虛空。虛空,乃世界之最大者,今以大覺海中比之,其猶一漚之小 上言覺圓 妙心 超 以此 大用 越世界 所 觀世 寂照含空 |淨者 有世界耶?卻來觀世間 ,卻來涉世利生,以含空之寂照 , 得大自在也。 , , 則摩 似 , 未至極圓極淨也。 無可 **| 登伽女,乃是夢中之人,以夢中之人,不能牽夢外之身** 拘制 摩登伽在夢 , 乃 為 ,正由不能解根超界,得大解脫也。 而但取緣塵影事為心 , 圓 猶 極。 蓋必覺所覺空, 如夢中事者:乃涉世無礙之意;既得全 , 誰能留汝形者: **夫淨極即寂** ,覺察世間 ,妄認身中 , ,光通即照、此 乃至寂滅現前 悉皆如夢 乃激發阿難之語 , 了 是以受制莫 亦由不 7光寂而常 無罣 , 乃 ·知根 為淨 礙 , 汝

故曰

誰能留汝之形乎?

## 6三 舉喻以合前法

#### 如 世巧幻 ,諸幻成無性 師 ,幻作諸男女 ,雖見諸根動,要以一 機抽, 息機歸寂

即器界亦 諸 用 知 男女之機關也, 作 限皆 也 , 所 即 此 息 不動 謂 喻 所 得超越也 機 雖 作 明從真起妄 見諸 : 幻 , 六根 休息機關 術 **限動** 喻一精明之體也。元依一精,分成六用,在眼曰見,乃至在意曰 , 喻 俱解 成事無明也。 , 喻六根之用差殊。 脫 而 , 也。 デ 抽 返妄歸真也。 諸幻成無性者:所依幻處 喻 諸男女 旋 根精 巧 要以 幻師 ,即幻作之人,喻六根 明之體 , 機抽者: 即能作之人 , 令其還源 ,亦成無性 喻惟 , 也 喻 精 也。 真如 0 明之體 歸 , 能隨緣 全泯於無也 寂 然者 機抽 , 隨緣 也 , 男女 即 幻 抽 異

## . 根亦如 是,元依一 一精明 , 分成六和合, 一 處成休復 ,六用皆不

# 成,塵垢應念銷,成圓明淨妙。

此法合,言六根中性 ,亦如幻人之諸根是也 精明, 是依真妄和合而 起 而

分曰 念 此 息 銷 機 精 , 者 喻 員 明 0 六用 轉 明情界脫纏 , : 無 如前 , 合 無明之蔽 皆 經 喻 示 中 云 : 成 雖 0 : 末二句 Щ 曰 見諸根動二 指 明 河 見聞齅嘗覺知;一 大地 , 無 ,合諸幻成無性;塵垢 根塵之污曰 , 應念化成 句 方全 0 淨 無 精 處成 E , 既轉 無結 知覺是也 休 ,六用 縛之礙 即指器世間 復 : 即 0 不成 成圓 指 而 互 耳 用 丽 , 根 , 合喻 六 變 淨 反聞 現日 、塵垢 妙者 中 照 妙 歸 染 性 : 無情 世 寂 , , 此 界 合 然 更喻 器之 喻 0 應 齊 中

明

器界

超

越

## 餘塵尚諸學,明極即如來辰四 結示因果究竟

0

盡 餘塵者 尚 在諸學地 : 斷 無 0 明 明 未 極 盡 即如來者 , 謂之有: : 謂本明證極 餘微細之塵 , 無明盡淨 如等覺菩薩 即是究竟如來 , 尚 有 分生 相 0 夫法門 無 明 未

既妙,修證又巧,乃至成佛無難,所以惟選於耳門也

## 寅四 普勸修證

#### 大眾及阿難 • 旋汝倒聞機 • **反聞聞自性,性成無上道** • 圓 通 實 如

#### 是。

門雖多, 體 倒 呼 大眾 聞 , 實 機 此 ; 勿迷本聞 成佛之真因 以文殊選定 , 若尅定真實 反聞 以聞自己之聞性 耳根圓通,勸眾普修 ,及汝阿難勿再強記,真實圓通,別無他法,惟在旋轉循塵之顛 0 , 故判決此性 便於初心, 0 ,定成無上之佛道 此性 惟修如是聞性而已。 , 0 即是圓湛不生滅性 意謂反聞之功,易而 , 即究竟極果也。 亦即菩提涅槃元清 且 速 ,實效如此 末句謂 員 通 故 法 淨

## 此 是微塵佛,一 ,今各入圓明;未來修學人,當依如是法;我亦從中證 路涅槃門:過去諸如來,斯門已成就 ;現在諸菩 ,非惟觀

#### 世音。

此是十方三世, 微塵諸佛, 到菩提家 ,入涅槃門, 條妙修行之大路 過去諸

如 來 ,已得成佛,是斯門已成就;現在諸菩薩,雖未成佛,今依此各入圓 明 圓

佛菩薩 明 即 淨極光通之意;未來修學人,必當依此耳根反聞之法 , 由斯而入 ,即我文殊,亦從耳根反聞之中, 而得修證也, ,如是而修也。不唯: 非唯觀 世音 人

為然 0 則知 此法 , 為三世通修之路 , 是諸佛共入之門 汝等當從妙耳 門 皿 入焉 0

故文殊明己亦從耳根修證,所以啟人之必信從也。 正脈》云:蓋自不修, 惟勸人修,人或不從,先身入,而率眾同入,人皆樂與

## 寅五 結答覆命

#### 誠 如 佛世尊 詢 我諸方便 • 以救諸末劫;求出世間人, 成就涅槃

## 心,觀世音為最。

令阿 何方便門,得易成就。詢我諸方便者:即問我諸二十五聖,方便行門,那 也 難 如 此結答 佛言 開 悟 ,二十五行 , 。即觀世音 真真如佛所命, , 為最一句覆命,因前佛敕,揀選圓通,今當覆命 誰當 其根 表信從佛旨也。 ,兼我滅後 次四句, , 此界眾生 牒前敕選授意之文 , 入菩薩乘 , 求 無上道 0 。我今欲 誠者真 門最當

耳根 諸 句 旨 阿難之根機 小乘法 0 即 以 最 救 前 利 ,發心勤求 入菩薩 諸末劫者 循聲故流轉 , 揀取 一 乘 :即前兼我 , 門, 無上菩提,即此令回小向大,得成就究竟涅槃心也 求 無上道 , 旋流 為通常可修法也。而阿難多聞,一向 滅後 獲無妄也, ,三、四二旨。 ,此界眾生 此答第二旨。求出 求出世間 ,而欲令其出離生死 人, 即 世 先厭 間 .慣用耳根,此答第 人 離 , ;蓋此界眾生 成就涅槃心二 , 聲 聞 緣覺

前二顯契機,後二顯契理,機理雙契,聖旨全孚,此觀之門,所以獨超諸門矣! 出 具 世, 也。 , 淺深 觀 [世音為最者:《正脈》云:能於佛之前旨,四義全順者,惟觀音耳門最為第 即 蓋 均脩 順第三旨也。 耳 桹 圓通 , 故能普 , 即多聞者之聞根 生滅 救諸末劫 既 滅 , , 寂滅現前 即順第二旨也 , 故能獨當阿難之根 , 故能成就涅槃心 0 先得人空 ,即順第 , 次脱法 ,即順第四旨也。 一旨也 執 , 故 能 人 人現 應求 又

# 自餘諸方便,皆是佛威神。 即事捨塵勞,非是常修學,淺深同說

#### 法。

自 觀 音耳根圓通之外, 其餘諸二十四聖 , 所修方便法門, 皆佛之威德神力, 法門 可修學 辯 常 即 門 可 中 以說 事 可 , 善現之解空 以 捨 , 不須 通 塵 明 法 則是淺深 修乎?且此等 者 佛 , 若淺深一 威 , (仗佛威神加被, 如鳥芻多婬 加 被者 可 , 以同 舍利之淨見 可 间 , 說 如 說 , 那律 , 唯對於淺位,深位則不相宜 ,佛教觀欲火; , 不 久長可以共修 :失明 , ·須即事而捨塵勞 但任運進修,自能入圓也。 皆屬深心 , 佛 示樂見照明 難陀心散 , 0 **豈淺智初心** 而最初入門方便 , 但 三根普利 , 盤特 佛教觀鼻端 0 ,可得入乎?若觀音之耳根 如普賢之大因 亦非是淺位與深位 闕誦 , , 無機 更無過 , 佛教 0 人不皆然 **|**不收也 調 於此矣 ,滿慈之宿 息攝 然就 ?!五結 一,豈尋 心 , 同 明 諸 時

求加總結

答覆命竟

就 頂 禮 0 堪 如 以教阿難 來 藏 • 無漏不思議 • 及末劫沉淪 0 願加被未來 ,但以此根修, ,於此門無惑, 圓通超餘者 方便易成 • 真實心

如是

0

遲 忇 斷 藏 如 藏 門 見思 而 法 自性清淨之理體也 , 無 謂 速 身 初二句有二解:一 惑 ` 故 藏 , , 容易 全體: 無生 ;無惑當作兩 心法 0 不思議 成就也 迷惑 寶 大 也 用 也;故頂禮求 , , 0 指諸菩薩 無漏 加 0 三被眾生 何以故 所證定用 敬禮尊法也。 解 不思議 ?因未修之先 , , ` 無生 於此法門 神 , 乃 , 加。二、 意指! 用 ,不勞多劫,豈不容易成就哉? 莫測 以 疑 屬 惑 圓 無漏無為 此耳根一 **通諸聖** 故 , , 敬禮三 必解悟 加被眾生,於此法門, ,本來現具圓通之相 0 故我 門, ,不思議之事用也。 , 寶也 頂禮 僧 而 修證 無迷惑也。 寶 , 也 如 願 定體 0 來藏 求 無 加被 漏 ; 即前 此正 , 必信 如 由 指 未來學者 來 此 佛說 是 一初心方便 大 即 從 阿 正 加 佛 修 而 羅 如 **,** 三 無疑惑 寶 來 漢 於此 也 如 真 反 不 已 來

生 耳 世 根 界 堪 何 偏 方 以教 利 , 便門 故 聲論 阿 堪 得 教 難 , 得 以宣 , , 及末劫沉淪者:自阿難以至末劫群生,俱是當機 **|**易成就 此 丽 即 答佛敕 , 也 雖 至 選時 但以 末 劫沉 此根修二句 , 囑云: 淪 , 亦耳 欲令阿難開悟 門堪 明其但以此耳根 教 , 此 即 ,二十五行誰 答 前 兼 我 0 門修 以 滅 當 後 阿 難 習 其根 , 多聞 此 界眾 而 ?娑 所

聞

間

彈指

可

超

無學

,

乃至入住成佛

此文殊奉命揀選,乃至求加總結 證 圓 通 ,便超其餘二十四聖,凡欲修楞嚴大定者,真實修心要訣,不過如是而已。 ,唯此耳根反聞,獨當其選矣!二如來教示一門深

入 竟

於 是阿 難 大眾承示開悟證入 • 及諸大眾,身心了然 分二 壬初 阿難一 ,得大開示 類開悟 登伽一 觀佛菩提 類證入 • 及大涅

門 根 聞 身心皎然不同。彼以身心 旨 偈選之後 . 持 ,猶如有人,因事遠遊,未得歸還,明了其家,所歸道路 此阿難 是何門 惟 而修證唯在旋流。又明得耳根解,而六處之根齊解,是身了然, 佛 重徹悟 佛 ,於是時也; , 何 ,當以何修法 類之機,所知障輕 不自聞 ,不愁不證 聞 阿難及諸大眾, , 。此了然者,豁然貫通義。 0 及成就涅槃心, ,結之次第,與解之次第,皎然明白矣.尚未知所入一 阿難既是大權示現 ,故能頓悟;而煩惱障重 類之機,各各身心了然。 觀世音為最 ,雖不證亦復何礙 由聞文殊偈選 是了知從入之門 , 故未能頓證 ??於是 此與五 , 以根即身也 分明 0 , 指出 一卷偈 且 即指文殊 獨 圓 在耳 後 頓 , 將 教

明得 借 傳言 聞 冀佛冥授,於是如來敕令諸聖各說本門,再令文殊,分明揀選,傍敲側擊 .性復,以六處之性齊復,是心了然以性即心也。得大開示:因前未知,從入 ,到此始得豁然貫通,功由得大開示也

忘失 知耳 忘返 菩提涅槃家鄉;俄而無明不覺,忽動一念,三細勃興,六麤競作。背覺合塵 法 知歸家道路,即無上乘,妙脩行路矣! ,了然不昧,故以喻明之。猶如有人者:喻阿難及諸大眾,一念未動以前 根 觀 今者幸遇 即 佛菩提及大涅槃者 解結次第 同 .因事遠遊,六道往返 如來 , 旋流 , 種種開 即獲無妄 : 解見在前不覆 示 ,日久月深,不唯未得歸還 , , 即同 及聞文殊敕選 明了其家所歸道路 0 今得大開示 , 雖未即得圓 , 0 觀佛智斷二果 雖未俶裝錦旋 , 通 即家鄉之道路 , 面 相 伮 解發 ,修證之 , 流 安住 亦幾 面

## 壬二一登伽一類證入

有十恆河沙 會大眾, 天龍八部, ,皆得本心,遠塵離垢 有學二乘 及諸一 ,獲法眼淨 切 • 新發心菩薩 其數凡

登 伽 前 此 約 聞 登伽 神 弫 ,不思議 類 , 煩 5.力加持 惱 障 輕 , , 頓證 故 能 頓證 三果 , 0 然圓 此 以 聞 頓 [傷開悟 行人, 悟即 , 乘 徹底 悟 頓斷 , 證 |残思 分淺深 , 故 與此 0 而

定初心 彼悟 等列 是證 地 覺 遠 此 得 初 見道 所 乘悟 塵 心 信 徹 覺 得 作 離 即 彻 空 證 圓 位 六 垢 ;發心菩薩 , 入;其 通 此 根 普 類 冈 若 則 得 則 門 會 0 地心 依 證 大眾 凡 塵 法 頭 眼淨者 遠 得 、數有十恆河沙 經 圓 , ;空所 也 敘證 教 員 , , 成 應 總 湛 , 0 果 是圓 即 良 標在會之機 : 不 , 多從 地 空滅 以圓  $\dot{+}$ 生 **正** 初步 滅 住 人 脈》 初心 性 初 深至淺 人 , , 則垢 可謂 也; 機 , 四 云 也 初後二心究竟不 0 0 卷末云 天 離矣 與第三卷末 |機熟者眾!皆得本心者: 此等宿因實深 : 0 , 龍 蓋 即 此 生 四 ٥ 八 中 得法 : 滅 卷 部  $\dot{\equiv}$ 段 想 既 , 則汝法眼 應 滅 眼 相 , , 淨者 呵 但約 別 是 為 , 寂 難等獲本 現 利 塵 , 位 桹 滅 故 圓 , 識情 初住 凡夫 位 現前 雖淺 , 《 莊 應時 : 妙心 咸皆悟得 即 嚴 為 , , 清 皆屬 即 論 垢 證 有 初 崩 法 學二 住 得 , , 眼 解 本 同 煩 是也 乘 二七信 法 有 本有真心 惱 淨 俱 真 心 矣 眼 遠 障 , 應是不 淨 心 相 輕 離 此位 矣 忇 , 初 但 故 !

# 性比丘尼,聞說偈已,成阿羅漢:

圓之七信 性是登伽 ,借小聖名,稱大凡位 ,華言出家,名比丘尼,尼即 。按圓通即此根初解,先得人空,而文齊於聞所 女也。聞文殊說偈已, 增進成阿羅漢

聞盡也。

即

### 無量眾生 • 皆發無等等, 阿耨多羅三藐三菩提心 0

本家也 合之即 得 人 多羅此云無上,超過菩薩之有上,雖為等覺菩薩 眾生之不覺;三藐此云正等, 能發成佛之心 云:阿婆磨, 獨當 義如 此初發心菩薩 佛字 此稱 本家 今聞耳 此翻無等等,以佛果菩提乃為無等,謂無有何法可與齊等也。今既皆 ,謂於無可等者,今已能等 ,非賜屋之可比也。 , 此名乃超九界以獨尊之號 根圓通之後 《寶鏡疏》云:當機所求 ,即圓教初信位 ,經家直敘曰家者 超過二乘人自他不能平等,但求己利不肯利 然即以此耳根返聞 0 數以無量稱者, ,唯曰路 0 , 故曰 從下釋上:三菩提此云正 , 正 無等等也。 ,猶有妙覺 顯當機大眾 ` 曰門 愈見其不可思議也。 , 為還涅槃鄉,歸菩提家之門 ` 乃至賜屋 阿耨多羅三藐三菩提 ,尚稱有上士;唯 , 了明自心 覺 ,是尚 , 超 他 , 《智論》 不從人 未 過六凡 ; ·知有 阿 佛 .耨

# 佛頂如來密因修證了義諸菩薩萬行首楞嚴經講義第+七卷

福 州 鼓 山湧泉禪寺圓瑛弘悟述受法弟子 明暘 日新 敬校

分二 辛初 初請略說 重請詳示 辛初分二 壬初 阿難請

如來說

庚二

道場加行

阿難整 來諸眾生故,稽首白佛:大悲世尊!我今已悟,成佛法門,是中修 衣服 • 於大眾中 **,合掌頂禮** ,心迹圓明 • 悲欣交集 • 欲益未

,得無疑惑 0

修畢達 欣交集者 亦 本有之心 功修 此道 圓 場加行科 故 :心即根中圓湛不生不滅之真心;迹即旋流反聞 通而已 則曠劫積行 日 圓 丽 0 阿難 , 即 乃為圓根近下者設也。 上明了其家所歸道路之義;得路未歸故悲 整理衣服,於大眾中,合十指爪 ,徒勞無益;不達修證之事,則塵 然上科為初方便,此科更為最初方便 7,頂禮 埋寶藏 ,次第解結之事迹;不達 於佛 到家有望故欣 莫救貧窮 ، بأِب 迹 圓 。今性 明 悲

時悲欣交集於一心也。自解已圓

,愍後未悟

,

現欲利益未來末法諸眾生等

。稽首

,

最 白 初方 佛 便 稱 日大悲世尊 , 而 | 今相似解發 :因如來悲心無盡故。我今已悟 ,已悟成佛法門。是中修行,得無疑惑者:是中指耳根之 , 成佛法門者: 言我求成菩提

中

修行

|即離

塵照性

旋流

反聞

工夫

,得無有疑惑

,不勞重建道場也

#### 常 聞 能覺他者 如 來 說 • 如是言 如來應世 :自未得度 0 我雖未度 ,先度人者 • 願度末劫 • 菩薩發心 切眾生 • 0 自覺已

世尊 得度 如 員 無論 二摩地,云何令其安立道場 來十 , 能 大 此 ! 但捨己 我 號 覺 人果人 此 難 他者 ,以應世為本,倒駕慈航果後興悲也。 諸器 未度 )利他 ,專為心迹未得圓明者請也。常聞如來所說如是言,即指下之所說 : , 皆 , 此指果人;自心三覺已經圓滿 生 願 以利 , 魔末劫 • 此是菩薩 去佛 他為事 漸遠 一發心 業 切眾生;此為 0 ,遠諸魔事?於菩提心,得無退屈? 自未得度先度人者: • ,以度人 邪 師說 為先 地藏菩薩 法 , 我雖未度三句,願學菩薩 萬 , • 德 先盡生界 如 畢 恆河 ,眾生度盡方證菩提是也 此指因· 備 , 沙 而 , 能覺悟法界眾 後取菩提 人 • (;無明· 欲攝其心,入 也 未 盡 ,發利他 生 自 覺已 猶 , 此 非

其初心 欲初心 薄 邪說競興 此 後學 後學 2請道場 , , 安立道 收攝其心 ,遠離魔事。復稱世尊 ,魚目難 場 辨 , , 使諸 從聞 **蠱惑初心,彼彼皆是,如恆河沙之多。且邪必亂** 魔事 、 思 , ` 修,入三摩地 自然遠離 , 此諸眾生,指末劫時候,去佛漸遠 , 不能惑亂 ,豈不難哉?敢請如來 ,於菩提心 ,念念增長 , , 根機愈 云何令 正 有

場 爾時世尊 , 壬二 如來說 救護眾生 ,於 大眾 分三 ,末劫沉溺 **中** 癸初 稱讚阿難:善哉!善哉!如汝所問,安立道 許說承聽 ,汝今諦聽:當為汝說 總舉三學 三 別列三學 0 阿難 大眾 唯然

得無有退屈也?初阿難請竟

#### 奉教 0

擾亂定心 得菩薩 陷溺 此 正行 \讚其請問之當,而許說也。 極要之法也。汝今諦聽 必須安立道場 ` 善其請道場意 , 方可遠離魔事 , , 吾當為汝分別解說 得利他法要也。意謂如汝所問 《正脈》云:善哉有二意:一、善其發利他心 ; 此誠 救 度一 0 切眾生 阿難大眾唯然奉教者 , 末劫之時 , **祗恐邪師說法** , 免於沉 唯然

淪

應諾之辭,奉命承教,而諦聽也。

## 癸二 總舉三學

#### 為戒 佛 告阿難: • 因戒生定 汝常聞我毘奈耶中,宣說修行,三決定義 ,因定發慧 • 是則名為 ,三無漏學 • 所謂 :攝心

謂 惑 者 劫 機 助正修之行 , 此 而成魔 兼 恐多障難 持 往發明 佛正說道場助行 秘咒,令熏斷俱生無明 魅也 也 <sup>"</sup>如來藏心,由耳根圓通, , 故遠魔辯異 0 然助有二: 0 《寶鏡疏》 ,設立道場 ` 0 惑重者 故知末世修禪定者 云:以持戒誦咒 , 悟理直入者,乃為正修也。今當機憐愍末 所以如來, , 先持禁戒 有帶事兼修之說 , ,為助修之行也。蓋前 , 非此助行 以制斷發業無明 , 則不免於邪說所 , 名 為 助行 佛對當 習重

毘奈耶 怒 佛告 癡 , 阿 亦能治人淫、怒 大 小乘 難 :汝尋常豈不聞我所宣說 ·律藏之通名 、癡 , 故佛常 ,亦云調伏 說 , , 阿難常聞 ,謂調練三業,制伏過非也。 《毘奈耶中》 0 毘尼 , 有三種修行 , 此 翻 善治 , 決定義耶 毘奈耶,正 謂 自治 淫

定生。 不待聲 大科云 今此所 詮 但 起 微 觀 漸發 停 心 小 鼠經文但 四念 戒學 加 , ٥ 多約 便名 反 無自起淫等四念,且彼於亡塵時, 聞 引 加 修 圓 照涵萬象 惟詳戒 **行而頻舉** 何況道 「覺經》 行也 |為戒 則名為三無漏學:以能修三無漏學,不漏落於生死輪迴故。《正脈》云: 身 兼詮定 尚 7、口事 仍是耳根 • 不多費亡塵之力 0 云:「尸 因戒生定者:心既攝已 至於因戒所生之定慧 理徑直等聲,一 , , ? 、 慧 自發淫等四念 而略於定慧可見也 如風停水湛 相為戒;今約大乘,但收攝其心,一念不生,眾戒具足 圓通 , 故成三決定義 羅不清淨 , 但為最初近下之根 , ,自體生光。 併止 安有自起婬等之念耶 ,乃至身口 ,三昧不現前 絕哉?至於阿難初果 • ,仍是亡塵盡根妙定 ,謂決定依此修證也。攝心為戒者: 防護有力,世俗曲屈聲,已不容入,安有自 問 ,寂然不動, : \_\_\_ ,亦所未免者 《圓覺經》云:「無礙清淨慧 前門何不用此?」答:「中 ,特加戒律 。 — ? 故 因定發慧者 漸生於定 知斯 ,加四戒以為反聞之前方 , ,已能不入色聲等六塵 ` 道場 及彼定所得三空慧 菛 ),如風· 、持咒之三事 特 定心成就 為 止 息 塵勞素 ,皆依 根煩惱 , 所 波浪自 檢異權 ; 故 本 重 耳 以 禪 輕 明

空有二邊,所以為真無漏 容一念漏於諸非,何況定慧?然此非但不漏落於三有而已,以注心反聞 別為一法門哉?此非一小失,故特為警示學人珍重。」結名三無漏者,戒中已自不 便;加道場持咒,以為正反聞時之助行也。舊解全不知此,杳無一字,豈自此後 ,而非小乘比也。二總舉三學竟 , 兼不漏落

教持戒 癸三 別列三學 分二 二 助以咒力 丑初分三 子 初 寅 初 歷明預先嚴戒 攝前徵起 開釋四重 略示場中定慧  $\equiv$ 總結遠魔 子初分二 丑 初 今初 正

# 阿難!云何攝心,我名為戒?

心為戒本,若攝之則名持戒,若放之則為破戒 ,故以攝心,名為戒也

曲分損益之相 二 確定菩提成否已初分二 寅二 開釋四 **重** 分四 判決邪正之說 辰初 分三 午 初 卯初 持則必出生死 斷淫 已初 斷殺 二 犯則必落魔道 首陳持犯利害 Ξ 斷盜 四 |一 預辨魔佛教儀 **斷安**卯初分二 今初 辰初

# 若諸世界,六道眾生,其心不淫,則不隨其生死相續 ,

此明戒為三學之首。以初卷至四卷半,皆明生信開解,即是慧學 自舉喻華

婬欲一 生 : 欲習狂 謂設化以慈悲為先;此經婬戒居首 屋 餘三仿此 三學 , 請 皆因淫欲 事 迷 示修門,至此乃是定學。以故向下為根機稍下者,正明戒學。 然唯說四重,以是大小二乘,共具之根本戒也。溫陵曰:諸經戒殺居首 ,非但不動身口,亦不生一念思想之心,方為不犯,方與攝心為戒相 ,易失正受, 既心戒清淨 ,而正 性命 續生死喪徧常 , 則樹倒根斷, ,是以纏縛生死。其心不婬,則不隨其生死相續者:而於 ,為真修以離欲為本。蓋欲氣麤濁 , 枝葉不生,自不隨其生死相續 莫甚於此 , 故須首戒也。若諸 則知此經 世界 , 染污妙明 如後乾慧地 ,六道眾 ,俱 應

## 午二 犯則必落魔道

文云:「欲愛乾枯

·,根境

不偶,

現前殘質

,不復續生。」

可證斯義

# 汝修三昧,本出塵勞,淫心不除,塵不可出 0

汝修耳根三昧 ,本思出離塵勞, 塵勞即界內見思二惑。淫心不除,塵勞必不能

## 出,淫欲為塵勞上首故。

#### 縱 有多智 禪定現前 ,如不斷淫, 必落魔道:上品魔王 ,中品魔

### 民,下品魔女

淫者 前者 則隨 世智禪定 心 欲 福 使淫增熾 上品則墮 : 此承上文,帶淫修禪,塵不可出。縱有多智者:世智辯聰 厚薄 世間禪定 於修三昧 , 則直 , 以為階降耳 魔王 。如陰魔中,行空禪者,卻留塵勞,廣化七珍,多增寶媛是也 **- 墮地獄無疑矣** 蒔 , 善入住出 ,以魔界欲勝、福強 , 不捨絕淫念 ,而得現前 一中品則墮魔民 , 皆為 、心靈 0 魔業 縱有二字, , ,下品則墮魔女 , 必落魔道 非禪智不能便生;今以禪智而 雙貫多智 ,魔樂欲境 , 上 、禪定二種 ,善說諸法 一、中 0 今既 、下三品 。禪定現 0 不 如 設無 助淫 斷 不 斷

#### 彼等諸魔 • 亦有徒眾 • 各各自謂 • 成無上道

0

道 我慢成習 彼等諸魔 ,其徒實繁;以淫欲為傳法,遞相傳授,令不斷絕,各各自謂成無上 , 非果計果 0 如受魔文云:其人亦不覺知魔著 , 自言謂得無上涅槃是

預辨魔佛教儀 分二 午 初 **貪淫化世即魔教** 教人斷淫即佛誨 也。

初首陳持犯利害竟

# ·滅度後,末法之中,多此魔民,熾盛世間,廣行貪淫,為善知

# 識,令諸眾生,落愛見坑,失菩提路

愛見坑,失菩提路:愛即思惑,見即見惑,而以淫欲,為教化之端,則墮愛坑;而 後想魔文云:「讚歎行淫 淫 成魔眷」 焚;如後想魔文云:「如是邪精,魅其心腑,近則九生,多踰百世,令真修行、總 魔眷;如後想魔文云:「命終之後,必為魔民」是也。如火熾然盛發,世間盡受其 中 以淫欲,為真修之法,則墮見坑;不能自出,而失菩提正路矣! , 以為 去聖時遙 我者佛自稱 是也。廣行貪淫者:即先世帶淫修禪之輩 佛事 ,魔強法弱 , 遞相傳授 。滅五住煩惱,度二種生死,即去世之別稱也。正像已過,末法之 一,不毀麤行,將諸猥媟, 0 ,故云多此魔民 為善知識者:自以為善知行淫之事 ,熾盛世間 以為傳法」是也。令諸眾生 ,來為教師 0 此多魔教 ,善識行淫之理 ,現通現慧 ,生受其惑 ,密教行 , 死 為 ; 如 落

## 午二 教人斷淫即佛誨

#### 汝教世人,修三摩地,先斷心淫。 是名如來, 先佛世尊 第一 一 決

大佛

#### 1 0 1 2

### 定,清淨明誨。

名如 學,究竟明誨也 今昔之佛 身 不行淫事 來 此 |囑 阿難 , 先佛 皆作是說,定可信從也。第一者,居四重之首 , 世尊 且要心不起淫念方可 ,轉教末世。初心修三摩地者:即耳根圓通。淫欲為大定冤賊,不唯 , 第 一決定 ,清淨明誨 。此正防微杜漸 0 如來指今佛 , 臨深履薄之誡 , ,決定斷除心淫 先佛世尊 () 果能. , 指過 去諸 如是 ,清淨脩 佛 , 方

劫 是故阿難 只名熱沙 確定菩提成否 分二 **!若不斷淫** 0 何以故?此非飯本, • 修禪定者 午 初 喻不斷無成 • 沙石成故 如蒸沙石 二 勸深斷方成 0 • 欲其成飯 今初 • 經百千

飯 經百千劫 此承上是佛教斷淫之故。阿難!若不斷淫心,修禪定者,如蒸沙石 ,祗名熱沙,此非飯本 0 而以禪定薰修,喻之以蒸;以不生滅心 ,欲其成 為

本修因,然後圓成果地修證,喻如蒸米成飯。

#### 汝以淫身 求佛妙果 • 縱得妙悟, 皆是淫根, 根本成淫 • 輪轉三

# 途,必不能出;如來涅槃,何路修證?

可得 者 習 似 如蒸 : 有淫欲種子 縱得妙悟者:謂縱經多劫修習,得開妙悟,合上經百千劫,只名熱沙 設汝不斷淫欲 況欲修佛果耶?如來涅槃者:佛所證之如如理;何路修證者:沙石成故,決 , 得開 妙 , 悟如熱相 觸 ,是以淫身 處 便發 0 ,由此惡業日臻,必至輪轉三途,必不能出 皆是淫根五 ,求佛所 證妙覺極果;此因果不孚,如蒸沙成飯相 句 · 合上此非飯本 沙石 |成故 ;人身尚不 根 經 本 成淫 劫修

### 午二 勸深斷方成

難成飯也

#### 必使淫機 ,身心俱斷, 斷性亦無,於佛菩提 • 斯可希冀 0

杜絕 性 必使一念不生,身心二途,方得俱斷。 矣 ! 機者,發動之由 삜 必使斷 此無幻之性 性亦無 , ,方合於佛果菩提 , 如弩牙也。謂身之淫機,由心使作,心之淫機 方稱藥病雙除 若使能斷之性猶存 始為無病人也 , 菩提佛所證之如如智 0 Ŀ 如息機歸寂然 , 而所斷緣影仍在 ,斯可希冀矣 ,由念弛放 , 諸幻 終非 此與 成 無

定共戒也;斷性亦無,道共戒也。初曲分損益之相竟 上 |科涅槃 ,乃理智一 如,互影說故。 《寶鏡疏》云:身斷淫 ,律儀戒也;心斷淫

## 辰二 判決邪正之說

#### 如我此說 ,名為佛說;不如此說 ,即波旬說 0

之 以四 者 魔王名也 ۰ , [根本戒 是則 波 此 旬訛也 判決邪正 名為佛說 ,以辨驗之,令末世修學,永為龜鑑 魔字從石 , 正云波卑夜 。以當機深防,未來邪說亂正, ,急宜從之。不如 , 梁武帝謂,此惱害於人,易之為鬼,今從梁易也。 ,此云惡者 此說,或行淫不礙真修 0 能傷法身 魔佛難辨,而求說辨魔規則 0 如我此說,修三摩地 , 而害慧命者也 , 是即波旬說 , 此釋迦 ,先斷心淫 速當絕 初斷 出 佛則 世

犯利害 卯二 斷殺 預辨魔佛教儀 分二 辰初 曲分損益之相 確定解脫得否 巳初分二 判決邪正之說 午初 持則心出生死 辰初分三 巳初 首陳持 犯

竟

則必落神道 今初

# 阿難!又諸世界,六道眾生,其心不殺,則不隨其生死相續

債 他命 起 ,以是因緣,經百千劫,常在生死,今命債既無,生死自離矣! 何況身臨殺事 此殺戒,亦注重在心,非但身不行殺,乃至其心,亦不起殺念。殺念尚且不 不欠他債 ,自然不隨其生死相續 !是則可為真持戒者,可以真修三昧也。其心苟無殺念 0 何以故?如本經云:汝負我命 我還汝 則不負

## 午二 犯則必落神道

# 汝修三昧,本出塵勞,殺心不除,塵不可出 0

汝修三昧本來求出塵勞生死;如若殺心不能除去,則與眾生結怨連禍 , 塵勞不

#### 可出矣!

# 鬼;中品則為飛行夜叉,諸鬼帥等;下品當為地行羅剎 縱有多智,禪定現前,如不斷殺,必落神道:上品之人,為大力 0

前 似無關於塵勞;聰明長者,作家居士,喫得肉已飽,來尋僧說禪者 《指掌疏》云:恐謬辨云,多智之人,了知殺性本空, 禪定得力, 殺過 類多此 縱 使現

勝於殺業 鬼神 前 , 謂智能通達,善說諸法,禪能出入三昧境界。今以禪智助殺 福 故 報 《如來以縱有多智等防之。 , 雖分勝劣,均為惡趣;故從人道而入者,謂之墮落也 神 通既大 , 福德又勝 有多智,指多世智辯聰;禪定 故為大力之鬼;應是天行夜叉, , 謂有漏禪定 及諸 必定墮落神道 上品之人 鬼主 , 禪智 ; 現 如 Ш

,

於殺業 上, 嶽等;人間 則為飛行夜叉 , 神 通既微 尊奉 , ,諸鬼帥等;應是空行夜叉,如山林城隍等。下品之人 稱帝稱天者 , 福德亦劣 , 0 則為地行羅剎 中品之人,禪智與殺業正等 , 噉 人精氣 , 亦如大海邊 , 神 通福德 , 羅剎 ,禪智劣 , 既次於 鬼國

#### 彼諸鬼神 • 亦有徒眾,各各自謂 成無上道 0

是也

未證謂證 ,未得謂得,各各自己謬稱成無上道。初首陳持犯利害竟

巳二 預辨魔佛教儀 分二 午 初 食肉化世即鬼教 教人斷殺即佛誨

#### 我滅度後 ,末法之中 • 多此鬼神 熾盛世間 • 自言食肉得菩提路

此言滅後,末法之中,世衰道微 邪魔惡鬼,盛行世間;倡言食肉,當得菩提

正 路。 乃云:「酒肉穿腸過, 佛 在心頭坐 。 — 真鬼語 也

阿難 慈 羅 悲 門 !我令比丘 • • 假名為肉 地多蒸 濕 • , ,食五淨肉 汝得其味 加以沙石 0 • • 草菜 此 奈何如來滅度之後 肉皆我神力化生 不生 • 我以大悲神力 本 ,食眾生肉 無命 所 根 加 0 , • 名 因 汝 婆

釋子!

持色心 淨肉 成 炕謂之蒸 殘 冏 令後之食 難 Ŧ. 此 種 此預防問 而告之曰:我令比丘食五 為 而 淨 |肉者 肉 化稻 Ħ. 過 淨 以 0 難 因大 梁 潤 為 ,得以藉 肉 蔬菜 謂 。食肉既是鬼教,佛應嚴戒, 命 0 慈悲 此 之濕 根 2肉皆我神 0 , 下又防 事 口,豈慈悲者之所為耶?乃曰:汝婆羅門 , 假名 加以 出反常 I 為肉 沙石 問 力之所化生 淨肉者:不見殺 難 ,人以為怪 ,令汝暫得其味 ,不唯不產五穀 , 既 是 如 , 本 來 , 我以 無命 何故如來亦許比丘食五淨肉耶?故 神 、不聞殺 力 大悲神 桹 ,且草菜亦不能生;設若不化五 , 聊 何 : 命 以支身 不化 ` 力所 根者 不疑為我殺 穀菜 加 , 非有心性 國 識 , 愍其 而乃 , ` 地 暖 ` (饑虚 多蒸濕 化 及自死 息三 命根之真 淨 肉 而 渦 連 鳥 反 呼 化

釋子 肉 也 奈何如來滅後,有實食眾生肉者,而更欲名為釋子耶?西域 、涅槃經》云:「善男子!從今日始,不聽食肉,應觀是食 ,如子肉想 四姓出家,同 夫 稱

食肉者,斷大悲種。」

#### 汝等當 得出三界? 生死苦海 知 • • 非佛弟子。 是食肉 人 , 如是之人,相殺相吞 縱得心開 • 似三摩地 • , 皆大羅剎 相食未已, , 報終必沉 云何是人

貪不除 知 人,命債不了,互相殺害,互相吞嗜,互相食噉,未有已時, 是食 此令知必墮 肉人 現生皆大羅剎 , 縱使修學 汝等當知者:欲其將如來語,傳示末法,急為救正也。 , 報盡壽終,必沉生死苦海 ,暫得心開 ,亦不過相似三 , 永為 一摩地 鬼類 , 終非真實三昧 無由解脫 , 非佛弟子 ,云何得出 也 0 當 如是之 夫殺 以智

## 午二 教人斷殺即佛誨

汝教世人,修三摩地, 次斷殺生 0 是名如來 • 先佛世尊 第二 决

### 定,清淨明誨。

此 |佛敕轉教末世之人。修三摩地,即耳根圓通。次斷殺生者:對淫能障定,殺

乃違慈,故次斷之。是名先佛世尊,第二種決定,清淨脩學之明誨 世。

確定解脫得否 分二 午 初 喻不斷難脫 二 勸深斷方脫 今初

# 是故阿 .難!若不斷殺,脩禪定者,譬如有人:自塞其耳 •

# 叫,求人不聞,此等名為欲隱彌露。

喻帶殺修禪之人。自塞其耳者:謂以手塞耳 此承上是佛教斷殺之故。阿難!若不斷殺 ,避人聽聞,而復高聲大叫 ,脩禪定者,不得解脫。 譬如有人 , 謂殺: 生食

肉,無有罪報,求人不聞者,此正欲隱而彌露也。

# 清淨比丘,及諸菩薩,於歧路行,不蹋生草,況以手拔?云何大

# 悲,取諸眾生,血肉充食。

行 足倘不蹋 首二句,指二乘持戒人。歧路者, ,況以手拔耶?仁慈之心,猶及草木,云何大悲,取眾生血肉 分歧小路也。 生草易長 ,清淨二乘之眾經 ,以充

滋養 ,任意食噉耶?

勸深斷方脫

若 乳乳 諸比丘 酪 • 不服東方,絲 、醍醐 ,如是比丘 • 緜 ,於世真脫 、絹 • 帛 • ,酬還宿債 及是此土, ,不遊三 靴 履 界 0 •

如 東方絲 概 遮止 此 勸 斷殺 、緜、絹、帛,及是此土靴履裘毳。二服食,如乳 唯經律論所 ,必須深斷 明 ,不無輕重 ,方可 ·脫離生死。若諸比丘六句, 0 如絲緜絹帛 , 則大小乘,並皆嚴禁 、酪、 明服有二種:一服用 醍醐。 然雖 , 以其害 此 中

多命 酪 醍 也 醐 靴履裘毳 , 大小並許。今云不服者 ,小乘 向 ·聽許 , , 以能 大乘亦不全遮 デ 服 ,則彌善耳 ,以其非專 0 如是比丘 為此而害命 ,子縛已 也 乳 斷

於諸世間 真得解脱;然果縛尚存,不過酬還宿債而已。現前殘質既盡,無復續

使身心,於諸眾生 何 以故 ?服其身分 • 若身身分,身心二途,不服不食 皆為彼緣 ;如人食其地中百穀 , 足 不 ,我說是人真 離 地

。 必

•

生

, 故

不再遊三界

1020

#### 解脫者

舉 心二途俱 者 生 為百穀也。必使身心,於諸眾生,若身身分:必使身心,指比丘之身心;於諸眾 者粳糯之總名,菽者眾豆之總名,三穀各二十,合為六十;蔬果之實,各二十種 用之皆為彼結不離之緣 , 指有情眾生;若身,謂肌肉骨髓;身分,謂裘毳乳酪等。身心二途,不服不食 然後食其地中百穀,足不離地。百穀者, 謂非但身之於眾生身,及身分,不服不食;而心亦無一念貪求服食而已,是身 何以故,於世真脫?服眾生身分,指絲綿等。雖非身肉,然亦是彼身之一分, 斷 0 我說是人,真解脫者:既無負命索債,則三界之生緣斷絕,故說是 0 如劫初之人,體有飛光,足有躡雲,因食地肥,不能輕 《物理論》云:粱者黍稷之總名 , 稻

## 辰二 判決邪正之說

人,真解脱者。初曲分損益之相竟。

### 如我此說,名為佛說;不如此說 ,即波旬說 0

如我此說 ,脩三摩提,次斷殺生者,是則名為佛說,急宜從之。不如此說,食

肉不礙菩提,是即波旬說,速當遠之。卯二斷殺竟。

持犯利害 斷盜 須辨妖佛教儀 分二 辰初 曲分損益之相 三一確定三一昧得否已初分二 二 判決邪正之說 午 初 辰初分三 持則必出生死 巳初 首陳

犯則必落邪道 今初

# 阿難!又復世界,六道眾生,其心不偷,則不隨其生死相續

生死,斷故不隨也 希取利養者,皆是也。不唯身無偷盜,要且心無偷盜之念,方為真持戒者 三昧也。 此斷偷盜。非但盜人財物,乃至言行詐異,眩惑無識,恐令失心,以及一念, 此中不言身不偷盜者,以心且不動,何況身耶?不斷,則往復徵償 ,可以修 (,續諸

午二 犯則必落邪道

# 汝脩三昧,本出塵勞,偷心不除,塵不可出。

《正脈》云:「厭塵者 ,方可以出塵;貪世者,豈能以越世?」

縱有多智,禪定現前,如不斷偷,必落邪道;上品精靈,中品妖

# 魅,下品邪人,諸魅所著。

縱 塵勞莫繫 有多智 此防謬云:多智之人,了知塵勞本空,禪定現前,彈指可超無學,雖不斷偷 時節既至,要出便出 禪定現前警之。 謂縱有世智辯聰 ,何言不可出耶?無恥禪流 , 有漏禪定現前 , , 往往以此飾非 如若不斷偷 故以

落於邪道

妖魅之所迷, 作孽者是也 惑人祭祀者 智助偷,必當墮落 (指掌疏》) 云: , 妄言欺世,詭異惑俗之類。 是也 下品邪人者: ٥ 0 邪道潛取,以偷心為墮緣,邪通眩世,非禪智不能發,今以禪 中品妖魅者:盜人物之津液 其類上品精靈者:盜日月之精華 賦性險曲 居心邪僻 此等亦由禪智盜業 , 0 諸魅所著者 竊山林之氣潤 , 竊天地之靈秀,附 , 互相勝劣,而感上 : 為精靈之所 , 為 魍 為 山托 魎 附 伺便 水 被

#### 彼等羣邪 • 亦有徒眾 • 各各自謂 • 成無上道 0

中、下異

此指帶偷修禪 其類不一, 故曰彼等羣邪 0 亦有徒眾 成慢不歸 邪知邪見

不自覺知 ,端坐受供,居然如佛,故云各各自謂,成無上道;亦非果計果矣!初首

陳持犯利害竟

識 我滅度後 • 各自謂己,得上人法,呪惑無識,恐令失心,所過之處 預辨妖佛教儀 • 末法之中 分二 , 多此妖邪 午 初 潛匿誐惑即妖真 • 熾盛世間 • 教人斷偷即佛誨 潛 匿奸欺 , 稱善 今初 知

耗散

0

未得謂 言如來 心者 通 欲 者 , , 詐稱得道善知識。各自謂己,得上人法者:上人即是菩薩 熾然惑眾 此預言滅後末法之中,佛教陵夷 嚇 得 中好言災祥 某處出世 詐 未證 誘 亂 , 謂證 盛行世間 , 世 變異 ,或言劫火,或說刀兵 間 , 三無識者 各謂自己,已得菩薩法 , 即潛 , 潛蹤詭秘 匿奸欺 , 恐令其人,失於本心,亡其知 也 , , 匿詐藏奸 妖邪得便,故言其多。熾盛世間 0 信其教化 ,即**寧**惑無識之事 ,此邪師自負也。該惑無識 , 欺世盜名 ,搖蕩其心 。所過之處,其家耗散 0 見 如想魔文云 , ,以居聲聞上故。 妖言妖行 0 如想魔文云 , 潛匿奸欺 : , ,恐令失 或現妖 潛行 「 : 或 此 貪

者:聞某處佛出,則求其接引,聞劫火刀兵,則望其救濟,傾家奉之,所至之處

令其家財耗散無餘

#### 食 我教比丘 ,寄於殘生,旅泊三界,示一 ,循方乞食,令其捨貪,成菩提道。諸比丘等 往還,去已無返 0 ,不自熟

世無常 耶 ! 借此三界,為旅店客船,以示一度往還,自此已去,無復再返,如此行持,方為佛 捨 食之法,趣得支身,不妄求不多求,令其捨貪,為菩提道。貪為煩惱根本,根本既 枝 諸 此先以己教相形顯。循者順也,方者處也,我教比丘,循順地方處所 未自枯 比丘等下 不過寄居於此,以了殘生而已。旅泊三界者:陸宿曰旅,水宿 ,煩惱離而菩提可成。豈同妖邪,**寧**異惑眾,貪他利養 ,釋出捨貪之故 。我教比丘,不自炊爨熟食者:令其知身是幻 i 泊 ,造生死業 ,而行乞 無非 , 悟

#### 云何賊人, • 具戒比丘,為小乘道, 假我衣服,裨販如來 由是疑誤, ,造種種業 無量眾生,墮無間獄 • 皆言佛法 ?卻非出 0

子。

墮無間 為難 五種 是非法說法之故 丘 法說非法也,若以前乞食 業 也 ,正修行人,為小乘道;反自妄稱,我是大乘菩薩之行。由是疑誤,無量眾生 , 無間 無 販 故 云何是痛斥語 獄者 所 節 0 地獄 造種 販賣 不至 :由是法說非法之故 ,則妖邪之害,可勝言哉?初潛匿寧惑即妖教竟 ,皆言是最上一 種業 。謂著如來衣服,以助販賣也。良以不著佛衣,不能取信於人,販法 , 賺誤無量眾生 ,賊人謂內心竊取利養, , 皆言佛法者:謂非法說法也;詭言異行 ,正教責之,彼必自是他非 佛乘之正法 , ,疑惑無量眾生。以正教為小乘道 以業因為真佛法 0 卻非出家 外貌假借僧儀 , 而遵妄行 。卻乃毀謗真實出家 , 具戒比丘 0 稗販如來者:稗者助 , , 寧惑人心 , 盲引眾盲 為 0 小乘道 而從妄謗 ,具戒比 造 者 皆墮 種 , 由 種

身然一燈 若我滅後 教人斷偷即佛誨 分二 • ,其有比丘,發心決定,脩三摩提,能於如來形像之前 燒 指節 • 及於身上 未初 先出自己誨 • 熱 香炷 0 轉教先佛誨 今初

此教捨身微因 若我滅後,其有比丘,發大乘心,決定棄捐諸有為相

佛證 是微 提 , 即 明 因 耳 , 除現 能 桹 於如 圓 執故 通 來 ,如幻三摩提 0 ,形像之前者: 然燈燒指 也。 , 及爇香炷 此句下義含慮有宿生盜業 為供養佛故 , 此 2為捨行 , 亦 為仗承佛力,銷宿 **,** 切難 , 為障 捨 , 無過 勝脩 障故 己身 , 故 又 教 今則 為 修 求 如

難捨能捨,信其定消宿業也。

#### 我說是· 上覺路,是人於法,已決定心 人無始宿 債 • 時 酬 畢 長揖世間 • 永脫諸漏 • 雖未即

即獲 揖 佛 即永辭 如是善果耶 我說是然燈燒指 念捨心 也, 世間 , 即 !盜者 即有漏三界。永脫諸漏者 是大智慧光 , 及爇香炷之人, , 取他身外之財物 丽 , 無始 無始 宿 債 , 利養 宿業盜債 : , 謂永遠脫離 即是 此 淫暗 身 **,** , 今則捨 時酬畢 明 , 見思諸漏 能 難 破 諳 捨之自身 0 何以捨 , 理 , 而 古 身微因 出 然也 , 供 生 死 養 0 於

#### 若 為 此 拾身微因 縱 成成無 為 • 必 湿生 人, 酬其宿債 • 如 我 馬

通

法門

,

信

知

必得

,

決知

無有

疑心也

無上

躉

路者

:

正

謂

無上

一妙覺

菩提之路

,

即五

十五位圓通

已後事

此

入雖

未

莭

崩

員

異

#### 麥 • 正等無異

毘婆尸 志者 報 況盜他財物 香 馬麥半 有魔惑王心 也 來生於人間 以見捨行之不可不修也 , 0 蓋 詬 按 設若不為此捨身酬債微因,以求懺悔滅罪,則縱成佛, 今我 佛 為造業眾生 Ы ,供佛及僧 興起 時 : 身是 此 , ,入宮耽荒五欲, ,侵彼身分,自應 , 經》 有王請佛及僧 酬其宿債 頭 ,五百童子者,今五百羅漢是 沙門 ,至九十日,王乃醒悟 : ,示有果報 昔舍衛國毘蘭 , 應食 以其宿業未盡故 , 馬麥 佛僧食已 供六日止 泌酬債 ,令生恐懼,故今引之, 邑 , 0 何與甘饌 要知化佛不屬業生 阿耆達王 , 0 為病比丘請 又值邑內饑饉 ,向佛求懺 0 如我在毘蘭邑中食馬麥之報 0 , 然此但 所教五 , 請 0 佛與五百比丘 **,** \_\_ 因宿詬 百童子 阿難詢 以證宿債必酬 ,乞食不得 ,真佛離諸 分食 雖得無漏無為 問因緣 佛僧 , 0 亦如 過梵志山 , 0 , 根量 是說 時有  $\equiv$ 尚 , ,抑亦因此 佛言 月 不 供 ,喚誰受 免報 馬 , , 0 梵志聞 無有 必定還 爾 師 齋 過去 時 何 減 時 梵

### 轉教先佛誨

# 汝教世人,修三摩地,後斷偷盜,是名如來, 先佛世尊

### 定,清淨明誨。

違慈 此敕轉教末世之人,修三摩地,即耳根圓通。後斷偷盜者:對淫能障定,殺乃 理應先斷故 ,此居後也。是名如來,先佛世尊 ,第三種決定 ,清淨修學之明

確定三昧得否 分三 午 初 喻不斷難得 一一勸其深斷方得 今初

誨也。

是故阿難!若不斷偷,修禪定者 ,譬如有人,水灌漏巵,欲求其

# 滿,縱經塵劫,終無平復。

偷修禪人;巵是酒器,漏巵喻帶偷之心;水喻定慧,注水入於帶偷心中,望其成就 此承上是佛教斷偷之故 。阿難!若不斷除偷盜之心,脩禪定者,譬如有人,帶

圓通 ,如以水灌漏巵,欲求其滿 ,隨灌隨漏 ,縱經塵劫 ,終無平復

## 午二 勸其深斷方得

# 若諸比丘,衣缽之餘,分寸不蓄,乞食餘分,施餓眾生 0

若諸末世,清淨比丘,三衣一缽之外,分寸不許蓄積,此止持不貪也。循方乞

食,趣得支身,設有餘分,盡施饑餓眾生,此作持不慳悋也。合之,則斷貪悋心

# 於大集會,合掌禮教,有人捶詈,同於稱讚 0

上句斷慢心,於大集會之中,合掌禮拜四教;以必觀實相平等 , 見人是佛故

下二句斷瞋心,有人嫌其煩瀆,捶打罵詈,歡喜領受,同於稱讚;以必觀怨親

相,榮辱無關故。

# 必使身心,二俱捐捨;身肉骨血,與眾生共。

上二句斷癡心, 必使若身若心二者 ,俱能捐捨 ,則斷我 、法二執,即斷 癡 心

遺哉?以必觀此苦、空、無常、無我、不淨之物,施作佛事耳。此皆成就無偷之 轉貪 、瞋 癡 慢,而成同體大悲。身肉骨血,俱皆可捨 ,則身心寧復有

心,以上則於依正二報,斷除偷心矣!

# 不將如來,不了義說 • 迴為己解,以誤初學,佛印是人,得真三

#### 味。

《婆多》 此於佛法上,亦除去偷心。不了義說,如《阿含》云:蓄物可以資身進道 論 ,許百物各可蓄一,但禁餘二者是也。不將如來權乘不了義說 ,以此迴 ); 如

以自誤誤人,皆偷心不死之故。果能如是,偷心盡絕,一念純真,即證圓通體。以 護過犯,以為自己解釋。因其自己,不能奉行大乘,反曲引權小教中,不了義事

是而修,名真三昧,佛印是人即得者,良有以也。初曲分損益之相竟

辰二 判決邪正之說

# 如我所說,名為佛說,不如此說,即波旬說 0

卯三斷盜竟

語大損 卯四 二 表己禁敕無妄 斷妄 分二 辰初 三 轉教先佛明誨 曲示戒勸之意 <u>\_</u> 四 判決邪正之說 確定菩提成否 巴初分三 辰初分四 巳初 午初 首陳妄 躡

標安語成魔 二 指述妄語之意 三 記其損善墮惡 今 初

若大妄語,即三摩地,不得清淨,成愛見魔,失如來種 阿難!如是世界,六道眾生,雖則身心,無殺、盜、淫,三行已圓

此明妄語戒。《正脈》云妄語有二:發言不實,為小妄語;妄稱證果,為大妄

離生死 種 魔 就 清 愛見魔者:温陵曰 淨 ;身心無盜 ,今為愛見二 0 既已成魔,自不覺知 此 , 可脩三昧也。 中 ,若大妄語 所斷大妄語也。不唯口不出小大妄語 ,則捨行成就;身心無淫,則梵行成就:故曰三行已圓。前皆許其出 魔所劫 ,即奪其不出生死。三摩地不得清淨者:以其猶有貪供心故。成 :貪其供養,求己尊勝,名愛魔;妄起邪見,謂己 故呼阿難 故 ,生同醉夢, 日 失如來種也。 ,如是世界,六道眾生,雖然身心無殺 死從淪溺 ,乃至其心亦無妄語之念 ,以眾生本有如來藏心 齊聖,名見 , ,則慈行成 ,方名持戒 為成佛之

## 午二 指述妄語之意

,

地前 已得須陀洹果,斯陀含果,阿那含果, 所謂:未得謂得,未證言證 ,諸位菩薩 。求彼禮懺 ,貪其供養 。或求世間尊勝第一 0 阿羅漢道 **,辟支佛乘** • 謂前· 人言 二:我今 , 十 地

[涅槃,言為已證。後云:況復法王, 此指述妄語之意 , 惟在貪其供養 , 故作大妄語 如何妄竊;乃斥乎此。此或求世間尊為殊勝 0 所謂 未得菩提 , 謂為已得 未

中, 第 向 已得 初果 故 言此人,作如是等大妄語者 ,三賢諸位菩薩。後說云何自稱得上人法,蓋指乎此。末二句,即述大妄語意 一者:謂或復有人,不敢以菩提涅槃妄稱,但求世間,尊為殊勝第一;以是之 謂現前之人,作如是言:凡夫人中,初果為上,故自謂已得,須陀洹果;次於 又見緣覺、獨覺中乘為上,故自謂已得;十地聖人,及地前十住、十行、十回 ,又見二果為上,故自謂已得,斯陀含果;次於二果,又見三果為上,故自謂 阿那含果;次於三果,又見四果為上 , 為求彼前人,向自己禮拜懺悔, ,故自謂已得阿羅漢道 貪其供養 ;次於出 世 小 乘

## 午三 記其損善墮落

#### 根 是 顛迦, 無復知見,沉三苦海,不成三昧。 消滅佛種 ,如人以刀,斷多羅木, 佛記是人,永殞善

斷善根 羅 國之北 此作大妄語,希圖利養。妄罪兼盜,永失善根。是一 人 ٥ 有貝多羅樹木,三十餘里, 善根既斷 ,是為消滅成佛之種 樹葉長廣光潤,諸國書寫,莫不採用 。如人以刀 , 斷多羅木者 顛迦,亦云一 :南印度建 闡提 言其樹 ,此翻 那 補

 $\frac{1}{0}$   $\frac{3}{4}$ 

以刀斷,則不復活 咸資魔業,不成真三昧。初首陳妄語大損竟 。佛記是人,永殞善根,無復正知正見,沉淪三途苦海 , 縱有禪

,

表己禁敕無妄 · 分二 午 初 佛敕聖化必密 惟除命終遺付今初

我滅度後 • 救諸菩薩 • 及阿羅漢 ,應身生彼末法之中, 作種種形

#### 度諸輪 轉 0

扶正教,摧邪宗而救眾生也。 應以何身得度者 .指掌疏》云:佛滅度後,魔強法弱,故敕菩薩、羅漢,應身生彼,挽末法而 即 現何身而說法 作種 也 種 形 , 隨類現化。 度諸輪轉者: 令出 生死 所

#### 婦 或作沙門, ,姦、偷、屠、販、與其同事,稱讚佛乘,令其身心,入三摩地 白衣居士 ,人王、宰官、童男、童女 ,如是乃至淫女寡 0

者:乃菩薩涉俗利生,四攝法中之同事攝也。若不同其事,未免矯拂其心 察智 初四句現順行,下諸句現逆行,如佛所敕 觀機現 形 沙門至童女等 ,如三十二應說 ,作種種形也。或作不定辭 0 如是乃至淫 女、 寡 婦 ` 姦偷 ,以妙觀 ,不相順 屠販

從 ,若與其同事,意在得其歡心,以便與其稱讚最上一佛乘,能令眾生,返迷歸

悟,離苦得樂,轉彼邪心,令得正定,故曰令其身心,入三摩地

# 終不自言:我真菩薩,真阿羅漢,泄佛密因,輕言末學。

究竟不肯自言,我真菩薩 ,真阿羅漢 ,泄漏佛旨,秘密之因。輕言末學者:輕

易泄言,於晚學之人也。

## 午二 惟除命終遺付

# 惟除命終,陰有遺付。云何是人,惑亂眾生,成大妄語?

惟除命終者,示現捨報也。陰有遺付者:暗中有遺言付囑也。住則不泄,泄則

不住 陀。」云何是斥責辭,是人指愛見魔人,以如是未得謂得,未證謂證之魔說,惑亂 如杜順和尚偈云:「遊子漫奔波,登山禮土坡,文殊祗這是,何處覓彌

後世末學眾生,成大妄語。

## 巳三 轉教先佛明誨

# 汝教世人,修三摩地,後復斷除,諸大妄語,是名如來,先佛世

# 导,第四決定,清淨明誨。

殺 、盜三,後復要斷除如是諸大妄語;是則名為,今昔如來,第四決定斷妄語戒 佛敕菩薩、羅漢,現身如是;汝教後世初心之人,欲修三摩地者,先雖能斷淫

清淨修學之明誨也。三轉教先佛明誨竟。

**巳四 確定菩提成否** 分二 午 初 喻不斷無成 許能斷必成 今初

是故阿難!若不斷其大妄語者,如刻人糞,為旃檀形,欲求香氣,

#### 無有是處。

乾糞 像 ,正以妄語糞穢之因,欲求禪定法身之果,豈可得乎?故曰欲求香氣,無有是 此承上,是如來以斷大妄語之故。又呼阿難,若不斷其大妄語者 而為旃檀之形(也) ,因果不類;以妄語心行,喻乾糞 ,禪定真修 ,喻如刻人之 , 喻旃 檀佛

#### 我教比丘 • 直心道場 ,於四威儀, 切行中,尚無虛假 ,云何自

## 稱,得上人法?

處

所以我教比丘,不斷妄語,不成菩提;但依正直之心,即成道之場。 《華嚴經》

於行 云:「菩薩妙法樹 注住 、坐、臥四種威儀;乃至語默,云為一切行中,尚要正直 ,生於直心地。」《淨名經》云:「直心是道場」 , 。無虛假故 無得虛假 , 云

何妄自稱尊,謂得大小諸乘,及上人之法耶?

# 譬如窮人,妄號帝王,自取誅滅。況復法王,如何妄竊?因地不 ,果招迂曲,求佛菩提, 如噬臍人,欲誰成就?

終不能及 墜 迂曲者:以大妄語為因故不真,則果地之事,難免迂迴屈曲,求進反退,求昇反 況重之意,言三乘賢聖,尚不可竊,況佛為出世法王, 證 ,而求佛果菩提 帝王者,一 窮人,以喻三摩未成,性德未顯。妄稱帝王者:即大妄語,未得謂得 ,以是自作妄語 國之主,妄號之,自取赤族之誅,滅門之禍也。況復二句 ,自不能成。如噬臍人:噬以口咬也。臍即肚臍 , 銷滅佛種 ,更欲望誰而成就耶? 如何妄竊?因地不真 ,謂口臍相遠 , ,未證謂 乃以輕 果招

#### 午二 許能斷必成

大佛

## 諸比丘 ,心如直弦,一切真實,入三摩地,永無魔事 0 我印是

# 人,成就菩薩,無上知覺。

無上菩提矣!初曲示戒勸之意竟 菩薩,無上知覺。《正脈》云:菩薩無上知覺,即圓通真因地心;然以因定果,亦是 直入三摩地中 相 。心是四威儀之主;心直 此深許能斷大妄語,必成無上菩提。若諸比丘,心如弓弦之直 -。永無魔事:魔行邪險,今心直行真,魔不得便;故我印是人 ,則四威儀中 • — 切行門 ,皆悉真實 永 無虚 ,無有諂 假 , 成就 則能 曲之

## 辰二 判決邪正之說

#### 如我所說 ,名為佛說;不如此說 即波旬說 0

急當從之。若不如此說 宜深絕之 如我所說 此如來欲令阿難 ,斷除淫、殺、盜之後,復更斷除大妄語者,是則為正,即名佛說 ,謂前三已斷,大妄語無礙真修者 , 將如來語傳示末法,保護初心真修習者 是即 為邪 ,令識天魔 , 即 波 旬 說

不被所惑也。四斷妄竟。併上三科開釋四重竟

# 大佛頂首楞嚴經正文卷第六終

寅三 總結遠魔

先持此 阿 難! 四種律儀 汝問攝心 • 皎如冰霜 我今先說 ,自不能生一 ,入三摩地 • 修學妙門 切枝葉。心三口四 。求菩薩道 , 生必 ), 要

無因 0

意

必無因 律儀 四者 是根本戒故,拔本必不滋末,自然不能發生一切枝葉。心三者,指貪 圓通 盜 總結云: 阿 指妄言 難 身心皎潔 初心修學 ` 先問 妄 , 是則嚴持四重 從心止絕 阿難 「、綺語 ,欲攝其心,入三摩地,云何令其安立道場,遠諸魔事?佛按定其 , , 絲毫 至妙之門 !汝問我攝心之法,我今先說四重律儀, ` , 無犯 兩舌、惡口,皆為枝葉 ,乃至一念不生故 稱為修學妙門者宜矣 0 , 如冰如霜 此妙門即四重律儀 , 也。 如是則根本已除, 根本既除,則枝末無所從生 4。然貪 ,是故求菩薩道者 、 瞋 以淫 癡 即是入三摩地 , 屬大煩惱 、殺 , 要先持此 、瞋 ` 盜 , 、妄四 , ` 故曰生 今淫 癡 指 "; 口 四 耳 根 種 種

殺

#### $\begin{array}{c} 1 \\ 0 \\ 4 \\ 0 \end{array}$

#### 阿 難 !如是四事,若不遺失,心尚不緣色、香、味、觸 • 切魔事 •

#### **云何發生?**

初正教持戒竟 住 戒 ,念絕 尚不緣色、香 此絕塵決定遠魔 而塵 |何所依?魔托塵入,塵亡而魔何所托?故曰一切魔事,云何發生。 、味 。如是四事,若能持守,不令一念,漏落於四重中。 、觸諸塵事業,六塵舉四,可以例知 0 《正脈》 云 則心常住 塵 依念

若有宿習 <u> </u> 助以咒力(分) • 不能滅除 , 寅 初 汝教是人,一心誦我 正以勸持讚勝 **況顯除習無難** • 佛頂光明 今初 • 摩訶薩怚

#### 眵 般怛囉 • 無上神咒 0

而 違 不能已 此正 宿習難除 --勸持咒。宿是宿生, 光明神咒 ,宿習之使也 ,必假神力。今夫行人,好正而固邪 0 惟有 神咒,不思議力 習是惑業,習氣種子。溫陵曰:現業已制,自行可 ,乃可滅除 欲潔而偏染,隱然若有 , 故云汝教是人 **驅策** 心誦

我

佛頂

。誦咒而曰一心者

,有事有理:事一心者,以能持之心

,持所持

心之相 是世間 心, 之尊 之咒 訶薩怛哆 能所雙亡,心咒不二,咒則是心,心則是咒。咒是頂光化佛所說 ,能所分明,相續不斷。理一心者:能持之心,全心是咒;所持之咒,全咒是 ,密中之密 最密 ,離諸妄染故;傘蓋表如來藏心之用,普覆一切故。既即藏心,故稱無上 , 般 ,今是化佛 恒囉 一。佛本是世間最尊 ,此云大白傘蓋 從頂 發輝所說 ,今是佛頂之化佛,固是尊中之尊 ,大表如來藏心之體 , 乃是密中密也 ,絕諸對待故;白表如來藏 , 亦借此以表除習義 ,正以表尊中 。頂是無見 故

#### 斯是如來 • 無見頂相,無為心佛, 從頂發輝 • 坐寶蓮華 所說 神

神妙莫測之咒

0

蓮 也 稱 無見者 有 無 斯指神咒,謂此咒是如來無見頂相,即佛三十二相之第一相,曰肉髻頂相。而 化 為 如來 心佛 華嚴 : 坐寶華中 乃從世尊肉髻頂相 九地菩薩 故曰坐寶蓮華 為佛乳母, ,涌百寶光 捧持諦觀,不見其頂 佛稱無為者 , 故曰從頂發輝 , 以係如來入定,從無為心 ,示頂法不可以 光中 涌出 , 千 葉寶

中 現故 0 重放光明,所說心咒,以是諸佛心印, 其體即是如來藏故。 初正以勸持讚

## 寅二 況顯除習無難

勝竟

#### 且 一汝宿 世 , 與 (摩登 伽 , 歷劫因緣 • 恩 愛習氣 • 非 是 生 • 及與

中但有 問 聞 止 我憐汝色 戀 劫 便有惡露 呵 習氣 汝 .難 續 此顯咒力 我 愛阿 念 淚 無婦 一宣揚 ßп 種子 , 有惡露則生子 以是因緣 耳 .難 難 , 中但有垢 , 不 何等?答曰 我又無夫。 , 非 隨至祇 , 愛心永脫 是一 可思議 , 經百千 生 桓 , П 佛言 :我愛阿 , , 0 中 佛 姑就 有子則有 及 -但有 使追 與一 劫 1阿難 • , 成阿 近事論之,且汝與摩登伽女,宿世因緣 常在 難眼 劫 涎 呼 無髪 死 , 0 鼻中 羅 而問 由來遠矣! 纏 ` , ,汝能剃頭否?女歸白母 耳 縛 既有死喪 漢 -但有涕 之日 ` 0 0 П 按 汝逐 鼻 難 , 以解 便有啼哭 身中但有 , 阿難 以至身形等 脫 云 : , , 欲 如 , 屎 領前云: 是身 阿難 何 尿 , 所索?女言 0 何益 已許 佛言 旣 0 有 返 汝愛我心 注夫妻者 ,恩情愛 剃 : 女啼不 汝何 阿難 髮 : 0 佛 我 所 眼

河乾枯 也 文殊將咒往護 愛?女聞是語 0 良 以 先蒙咒力 頓證三果 ,惡咒銷滅 ,便自正心,即得入道。 , , 銷除宿習 故曰 **,** . 愛心永脫 聞神咒, , 復藉法音 0 成阿羅漢者:指前聞文殊選圓 我一 冥熏加被之力,宿習滅除;及見佛聞法 ,悟證聖果 宣揚,愛心永脫者:指佛纔一宣揚 , 設非咒力 除 此宿習 通 後 , 證 四 敕 果 愛

### 聞 彼尚淫女, ,求最上乘,決定成佛, 無心修行,神力冥資,速證無學。云何汝等, 譬如以塵 • 揚於順風,有何艱險? 在會聲

,

淫心

速滅

,契無為法

郭?

學也: 喻 乘 證 神咒 無學 決定自信 且登伽習厚, )果位 有學斷見惑 0 以微 0 塵揚 云何 ,成佛之道 尚屬淫女 於順 ,無學斷思惑 , 深怪之辭 風 ,亦非同登伽之無心修行耶 , 塵 ,無心修行 無不 ,謂云何汝等 ,非同登伽,尚為淫女耶。且其所求,惟是最 盡;喻習氣遇於神咒 ;但由 , 惑習 神咒 , 微薄 不測之力,資熏之功 :。譬如 , , 習無不除 在會聲聞者 以 塵 塵喻 , 有何 , 兼有學 習氣 艱難 尚 **入無** 能速 險阻 順 上 風

初歷明預先嚴戒竟

### 略 **示場中定慧** 分二 丑初 因戒生定 二 因定發慧

### 第一沙門,以為其師,若其不遇真清淨僧,汝戒律儀,必不成就 有末世 ,欲坐道場,先持比丘,清淨禁戒,要當選擇戒清淨者 0 •

師 沙門 師 云:先持四重律儀 修道之場 ,必定不能成就也。若遇真僧,戒律清淨,德臘俱長,戒方成就 , 羯磨乃得成故 蓋師是學人之模範,模範不正,鮮能依之成正器故。必宜選擇戒根清淨 此 7明因戒生定 以為其師 。必先持此比丘根本四重清淨禁戒;清謂清其源,淨謂淨其流 第一 ,皎如冰霜,自不能生,一切枝葉是也。受戒之時,須選授戒之 ,精修律儀 。若其不遇真實清淨大僧 者法臘俱長 ,以為其本。設若末世, ,為眾所推 ,汝雖受戒律, 如此沙門, 有修耳根圓通者, 不過虛名 能和合成事 其實無漏戒 ; 用 發心欲坐 ,如上所 第 以為

### 戒成已後 然後結界 • ,著新淨衣,然香閒居,誦此心佛所說神咒,一百八徧 建立道場 0

### 戒成已後 ,道器成就, 魔不得便,隨力厚薄,或著新衣, 或洗令淨

; 而

著此

違現業 宿習易 衣 壇必先誦咒者 表裏俱潔。然香以熏其室,閒居以攝其心,心處交熏,如此誦咒,神效易致 除 , 咒除宿習 也。咒誦 ,有二義 一百八徧者,表所治煩惱之數。一切眾生,煩惱有百八 , 魔不得其便也。然後可以擇日建立修道之場。 : ` 謂治習淨根, 壇儀乃現;二、謂仗咒神功 《指掌》 遠諸魔 故 云:結 以戒

# 求於十方,現住國土,無上如來,放大悲光,來灌其頂。

有志行道者,不可不知也

頂,身心受益,此屬所應也。感應道交,行道無慮矣!初因戒生定竟。 上 中 如來 心水澄清即定也,故知此已在定中 此定中求佛。上二科是用戒意,此方是所生之定。良以眾生心水淨 , 謂超 九界以獨尊 , 此屬所感也。 0 求於十方,現住國土者 放大悲光者:光從大悲心中放出 : 即 現坐道 , 諸佛影現 來灌 場 無 其

### 丑二 因定發慧

阿 難 戒 ! 如是末世 ,於道場中,發菩薩願 • 清淨比丘,若比丘尼,白衣檀越,心滅貪婬 0 污持

道業 家言 此 那 壇 戒 眾 可 一定之序也。心滅貪淫 , 而 , 此 修習 唯 生定 上 , 嚴持諸 而 ·科因戒生定,此科因定發慧。 許清淨比丘 云布施;越以布施能超越貧窮苦海故。 持 於修道場 0 戒 , 此 雖四眾同壇,必各從其類,如優婆塞,隨比丘後,優婆夷隨比丘尼後 有 佛所制清淨戒律 素 /科總標因定,而文中雙牒,戒定為因也。阿難 , 单 故 ,若壇儀已成,修習不拘四眾,故云若比丘尼,白衣檀越 **,** \_\_ 通 一稱清淨 向發菩薩四弘誓願 一:指白衣言 , ,身心勿犯,方為 在家二眾, ,心滅貪 《正脈》云:前不兼後,後必兼前。 故通 以為感佛 今通許者, 、癡 **河耳** 稱白衣檀越 淫 0 機 設或不然 ` 佨 愛等念。 以一 切眾生,皆有 !如是末世 是華梵合稱 , 持佛淨。 勿許濫從 前科但牒 , 結 戒 , 佛 檀 以妨 出家 界建 是檀 指 性

### 出 入澡浴 ,六時行道 ,如是不寐,經三七日。我自現身 • 至其人

## 前,摩頂安慰,令其開悟。

聞 經行排遣,內攝其心也。晝夜十二時,六時行道 正 脈》 云 : 凡出道場 而復入 , 則必 澡浴 , 外潔其身也。 ,六時靜坐, 六時行道 均調昏散矣 , 即 專 注反 如

慧 然 生 然貫通,朗然大悟也。 身 反聞 性 子時行道,丑時靜坐,寅時行道,卯時靜坐是也。 , ,入流亡所而已 是魔 若得寂滅 至 發須陀洹見道慧;若得聞所聞盡,發阿羅漢人空慧;若得空所空滅 其人前 此科正牒定 則滅 | 現前 ,摩頂 初請 。餘二句結成剋期入定。不寐有二意;一除昏睡不覺,二戒忘失 , ,而明因定二字。下科乃生慧也。定心 略說 發 (表攝授之意,安慰施無畏之力 圓通 《正脈》云:然開悟渾含,淺深諸相,不可一定,若得動靜不 竟 無上知覺慧也。孤 山日 :若見此像 , 然行中,坐中,所習皆反聞自 此 為 助緣 , 為生慧之親因 ,當觀空寂 0 因 日緣既備 ,成法空 , , 是佛顯 我自 令其豁 現

重請 詳示 分二 壬初 重請說道場 重請說神咒 辛初分二 癸初 阿難重

,

0

二 世尊重說

今初

學道成 阿難白佛言:世尊!我蒙如來無上悲誨,心已開悟, 0 末法修行 ,建立道場 ,云何結界,合佛世尊 • 自知修證 清淨軌則 ? 無

此阿難 重請說道場 0 前雖言入道場 ,而未說道場如何建設 ,故重請之。 阿難承

大佛

如何結界,方合佛制 通 悟 所流 教持戒遠魔 , 三空諸果位也 自 出 知從此但習反聞修證 , 故曰 ,又令誦咒除習,復示結壇行道;我蒙此等訓誨,皆出如來至極悲心之 無上悲誨。心已開悟者:謂如佛所說 0 ,不違世尊 末法修行 , 不須道場 , ,清淨軌則?初阿難重請竟 道高 尺, , 可成無學之道。 魔高 丈, ,雲散長空 建立道 無學 0 場 ,心同皎月 , 不僅四果 , 自非 小事 ,已獲開 , 當指 究竟 員

佛告 初 以泥其地 肥膩香草 所建壇式 阿 .難 世尊重說 0 , • 若末世人 此牛唯飲雪山清水, 所設莊嚴 分三 , 子 初 願立道  $\equiv$ 所獻 道場建設 場 供養 其糞微細 , 先取雪山 四 所奉尊像 修證節次 ,可取其糞 , 大力白 五  $\equiv$ 所取照映 結答酬請 牛 • 和合旃檀 • 食其山 今初 子初分五 丑 中 •

徒壯 也 此示 立壇之地 觀 膽 ,道場之建設。蓋聖人施設, 也 ٥ ,恐有不淨,故須另塗也。表法諸家,各有所長,惟 佛告阿 難 : 末世眾生 , 理事雙彰;事依理 障深業 重 , 非建道 成, 場 理得事顯 , 難 以 《寶鏡疏》 修 擅 ,非是壇 故 日 始終 願立 儀

和合旃 地 清 也 者 表 (熏修 也 顯 香 0 食 表自性清淨 ,方合圓通修法 檀 其 此 , 定 4 山 , 以泥其地者:除其舊地,覆以新泥也。表三無漏學,能熏法身 中 唯 ` 慧均等也。 飲雪· ·肥膩香草者 ,根本正智也。先取之者,因其飲食如法 山清 , 水 故皆依之。 其糞精微細妙者:表因戒生定,因定發慧也。 · 雪山有草,名曰 , 香草表三慧 雪山者,表真如法性,不變理體也。 , 清水表正定也 忍辱,食之可得醍醐 0 惟 ,乃取糞和 以 水草呞 , 豐肥 牛 香 可 者 油 , 以泥 大力白牛 取 膩 , , 成真因 其 正 , 其地 其糞 糞 如行

#### 若 菲 雪 Щ , 其 牛 -臭穢 • 不堪塗 地 0 別於 平原 • 穿去地皮 • £

### 下,取其黃土。

者 以 下 表 別於平原者:另於平原,以高阜恐堆積不淨,拗下恐流聚污穢;穿去地皮五尺 取其本淨黃土用之。 蠲 除 外 務 , 專修 返聞 若無雪山白牛者 , 從解結破五 陰也 , 表且 0 取其黃 取中根也。 土者 : 黄色居中 穿去地皮 五尺 表六根之 以 下

中

中道

佛性

也

#### 和 上栴檀 活香香 • 以此十種, ,沉水、蘇合、薫陸 細羅為粉,合土成泥,以塗場地,方圓丈六 • 鬱金 • 白膠 、青 木、 零陵 • 甘松 及

### 為八角壇。

性自 此定壇 理同 著地 此 樂 儀 合土 岸 決定 , 即 五. 歇 成 旃 歸 和 積 會 義 相 檀 Á 泥 上 也 , 旃檀 久朽爛 檀 神咒 歇 者 , ,表八正道 就 六銖價值娑婆者· 節 蓋 香也 : 等十 苦提 表萬 六 上白 , 方成妙修者 根 0 ,其心至堅,入水則沉 竺法真云 門頭 牛 行唯 種 香 喻 , ,攝於八 正表最 心 如 , 表 破 唯 也 十波羅密 也 除 以 , , 0 喻和黄· 、邪也。 牛糞 出 上根 以 五. 0 塗場 沉 外 陰 國 香 人 , , 八角則方而復圓 地者 得 可 也 羅 土 , , 以能 山有白 ,旃檀之外 和 元 0 蘇合 異物志》 細羅為粉者 明 旃 :表成真 覺 檀 不隨分別 檀 也 , , 樹 無 0 《續漢書》 云 : 設或不能直 生 因 , 加九 此 滅 也 , , 出 經 即 員 性 0 表十波羅 香也。 方圓 H 用 , 而復方,表體用 云 : 以塗地 一緣頓 為 南 下歇 丈六 因 或 出大秦國 梵語旃 地心 斷 密 , 凡 狂 , **,** 三 , 非 為 欲 廣 , , 八角壇 取者 檀 須 因 更 為 《法華 不二 加 知 不生 萬 , ,合諸香 此 四 修 行 , 斫 , 事 海 翻 種 行 者 也 樹 狂 龃 律

擇日, 出交州 酒以降 煎其汁 其場 去瘡瘮 此 封 則能令人身口皆香 舌 勒 取賣之。 方草木》 中 土 , Ĩ 場 日 能 結界建壇;修行既畢,即解界撤壇,不得留至明相出時 壇 。零陵 神 地 異物志》云: 止 , ,謂之蘇合 鬱金 , 除 精 即楓香脂也。青木, 也 狀云:出大秦國海邊大樹,生於沙中 以泥塗起 朔目 可 0 土日墠 白膠 '如其墠 ,《南越志》云:一名燕草,又名熏草。 , 也。 《說文》云:鬱鬯乃百草之華 ,《本草》云:商雒間多有 ,或曰蘇合國,人採花笮汁 ,令成壇相 , ,即丁i 出薄州 ,除掃也。《國語》云:壇之所除也, 甘松 今既名壇 香也 , 出涼州諸山 ,云是草萎 • 《南州異物志》云:是草根 , 場地者: ,必須起土 在室中央 , ,能和合眾香 即密部所謂畫地為場也。 乃漢時尚書郎 , 此示楞嚴壇場之法式也。 故先除地 樹 ,遠人所貢方物,鬱人搗而瑀之 , 如白楊 盛夏樹膠流涉沙上, 熬以為膏,以賣 ,可除腹脹 出零陵郡山谷之間 為場 ,含之奏事者 , 實大如 ⊟場 ,能寤魘寐 , 後別取 ,此定制也。古云: 封土 買客 鳥 ,亦能 然欲 卵 性能止痛 黄 , 0 , , 狀 熏陸 初所建 修定 設或久服 能除 土 即 下氣 如甘草 起 和 ,葉如羅 土也 ,必須 惡氣 香 , 壇 , 採 《南 於 式 和 雞

大佛

**竟** 。

### 丑二 所設莊嚴

壇心置一 水中隨安所有華葉。取八圓鏡 十六香鑪 金金 、銀 。間華鋪設 、銅、木 ,所造蓮華,華中安鉢 **,莊嚴香鑪 ,各安其方** 0 純燒沉水,無令見火 **,圍繞華鉢** 、鉢中先盛八月露水 0 鏡外建立十六蓮 0

華鋪設 定也。 者 : 表依慧發行 大圓 表 然壇心者 如 鏡 來 表 此 隨安華葉 (明壇中,所設莊嚴。金、銀、銅、木所造蓮華者:是隨力為之,不必拘執也。 智 真 藏 莊嚴香鑪者: 如位 , 乃表中道因心 不離當處也 事 , 從性起修 理 中 小:表如 圓 , 本無因 融 , 表戒慧互嚴 也 隨眾生心 幻聞熏聞修,中道妙慧也。八鏡安方者:表眾生本有八識 圍繞華鉢者 ٥ ` 真 各須十六者 果 如本體也 ` 染 , 應 ,還修自性也。 ` 淨 所 : 表妙慧恆依藏心也。鏡外建立蓮華香鑪者 : 知量也。 ; 。蓮華者:表因果同時 表慧華戒香 以能隨緣 八月露水 純燒沉水,無令見火者 , 故成染淨因果也。 , 自行 :表中道 八正 , 染淨不二也。 化 純真 他 鉢名 八 , 首楞嚴妙 正 應器 表無相 也 所造 間

妙戒,在惑業而不染惑業也。二所設莊嚴竟。

### 丑三 所獻供養

### 取 白牛乳 • 純酥 **,置十六器** • 純蜜;於蓮華外,各各十六,繞圍華外 **,乳為煎餅,並諸砂糖 汽油餅** 、乳糜 ,以奉諸佛 、蘇合 • ,及大 「、蜜

### 菩薩。

作餅 八正 喜 謂華蕊成蜜。各各十六,圍繞華外。白牛乳餅,及餘七物者:表稱性所起,禪 煎汁 謂 每以食時 煎乳成餅也。二、 也。 所謂 .成膏 此 而 \明壇中,所獻供養。取雪山白牛乳,置十六器,用以作供。一、 膩 · 六、 以奉諸佛 八正 脆 也 若在中夜,取蜜半升,用酥三合,壇前別安一小火鑪以 |道味也。各各十六,圍繞華外者:表一一正道,各具自行化他 蜜薑 0 四 ,及大菩薩者:表以已證禪悅法喜正道之味 並諸沙糖 , 謂以蜜浸薑 乳 糜 ,謂用乳和米作粥 ,謂蔗汁熬糖, , 味辛而甘。 , 如沙而甘也。三、油餅 七、 而甘粘也 純酥 0 **H**. 謂乳煉成酥 一、蘇合 ,因心而向 , 謂和合眾 , 謂 0 乳為煎餅 果德也 八 以油 ),二種 純 悅法 杏 和 麵

### 兜樓婆香, 煎取香水,沐浴其炭,然令猛熾, 投是酥蜜 • 於 火炎鑪

## 內,燒令煙盡,享佛菩薩。

炭者 梁香 也 從妙心,修耳根三昧也。 火鑪者:正表耳根 妙聞心也。 位 在 中夜 , 0 必須 享佛菩薩者:乃表生滅既滅,寂滅現前,顯上合下同二種殊勝也。三所獻供養 每以食時 表 又翻譯云 , 戒根清淨 中中流入也。蜜乃華之精 佛不受食 半升中數,三合成數,表中道定心,能融五濁,會三空也。壇前別安小 ,即日中午食之時 : 出鬼 二門, ,咒力除習 , 唯以酥蜜 神國 從此深入也。 燒令煙盡者:正表初於聞中,以至空覺極圓 ,此方無故不翻 , , 則正助皆具 。溫陵曰:佛以日中受食,故每日以日中致享 燒令煙盡享之。 ,酥為乳之精 兜樓婆香,《異物志》云:出 , 0 或翻香草,舊云白茅香。 而發正定之真修也。 ,皆是味中上 蓋午為 日中 味, 子 為 表耳根 投酥鑪 [海邊國 夜 中 以之煎水浴 ,空所空滅 內者 圓通 表諸 '。 若 如 都 妙 表 聖

### 丑四 所奉尊像

竟

۰

### 令其四外 , **徧懸幡華** 於壇室中, 四壁敷設十方如來 • 及諸菩薩 •

### 所有形像

密因 如來 四 也 「外者 0 外 此外壇尊像也。令其四外:即八角壇之四外。徧懸旛華者:莊嚴壇室 表覺果也;菩薩像者 壇 為十度萬行之宗。以壇室中,四 : 表 八 四 角 種 , 明誨之外 於壇室中 ,不妨諸行互嚴也。 , ,表因心也 但 惟四壁 , 敷設 .壁敷設者:表一真法界,具四法界也。 上 十 方 如· 蓋旛表密咒,有摧 來 , 及諸菩薩 邪輔正之力 , 所 有 畫像 , 即 ; 華 十方 令其 外 壇

### 應於當陽 • 張盧舍那 , 釋迦 • 彌勒 • 阿閦 • 彌陀 • 諸大變化 • 觀音形

### 像,兼金刚藏,安其左右。

仁寂 者 切處 , 默 應平 同 為真 法身也;二曰淨滿 為三千大千娑婆教主,即應身慈悲也 聲 分数 , 應於當陽正位也。 0 為一 真法界 , 自受用身也;三曰光明徧照 , 梵語盧舍那,具云毘盧遮那,翻有三義:一 寂場真主 ,乃報身智慧也 0 梵語梅怛利曳 ,他受用身也。三身一名 0 梵語 ,此云慈氏 釋迦牟尼 曰徧 正當來 此 云能

前文所 陀 之教主 此 云 明 也 無量壽 0 , 梵語 眾首臂目等 阿閦 , 居西· ,此云不動,居東方群動之首 方極樂之邦 , 此是顯教圓通之主。 ,表與樂乃無緣慈也。諸大變化 金剛 藏者 ,表動中有不動智也。 , 常領金剛 ,觀音 , 護持 梵語 兇人 像者 阿彌 : 如 伏

魔除障 乃是密教圓通之主。 安其左右者 , 表顯密齊彰 也

### 帝釋 , 頻那 梵王 、夜伽,張於門側,左右安置 • 烏芻瑟摩 • 並藍地迦 • 諸軍茶利 0 • 與毗俱胝 • 四天王

頻那 光色 胝 嬣 焉 , , , 即 即 無比者是也 必 溫陵曰: 不成就 毘盧 即 火 豬 頭金 頭 神 使者 變 剛 門側左右 0 帝釋云能為主 0 0 四天王者 經云:右邊毘俱胝 藍 夜伽 地 迦 , 釋梵等眾 ` , ;即東 即青 即象鼻使者 ,即忉利天主。 面 、 南 金 , 副 , 有力外護也。 ` 手垂 0 0 西、 自帝釋之下, 軍 茶利 |數珠鬘,三目持髮髻 北 梵王不犯欲 , 所謂持國 此云解 末法修行 此等外護 怨結 塵 ` 增長 , 即 凡類於此 亦金剛 初禪 , 俱表摧邪顯 尊形猶 廣目 天主 異名 • —• 多聞 皓素 0 鳥 有闕 毘俱 正之 芻瑟 也 , 圓

功用

也

四所奉尊像竟

### 丑五 所取照映

# 又取八鏡覆懸虛空,與壇場中,所安之鏡,方面相對,使其形影

### 重重相涉。

明斯理 之鏡 八鏡 也。 照十方塵剎 使其形影 又取 ,一方一 , 仰照空鏡者 , 八圓 則 知心、 中 鏡 個 也。 , 重 , ,而面向於內,故曰方面相對;表生心即是佛心,佛心不異生心 佛、 與壇場中,所安之鏡 覆懸虛空者:表諸佛果位 重相涉者:表生佛互融 , 表因該果海也。設或行人,二六時 眾生,三無差別 , , 圍繞華缽,一 而通身皆在事事無礙法界中矣 ,聖凡無異 ,轉八識成大圓鏡智 ,乃不可思議之境也。 方一 中 , 於此壇儀苟 個,而 從空如來藏 面向於外 ! 著眼 初道 蓋壇 , 湯建 外 , 了 普 中 壇

時 於 初七中 誦咒圍壇,至心行道,一 修證節次 分二 • 至誠頂禮 丑初 ,十方如來,諸大菩薩 三七初成定慧 時常行,一百八遍 二 百日頓證聖果 • 0 阿羅漢號 今初 • 恆於六

設竟

來 專至其心 佛寶也;菩薩 此 修證節次。第一七中, 誠懇 不二也。凡人之修道,必須皈敬三寶 羅漢 ,僧寶也;持誦心咒, 禮誦行道 0 於初七中 法寶也。 至誠頂禮:頂禮而曰 以 為最初方便也 [至誠者 方如

`

陀唎 能 行 脱成效, 百八徧 恆於六時 槃陀槃陀你 六時 0 之中 行道,六時頂禮 此非指全咒 ` , 跋闍囉、謗尼泮、 持誦 佛頂心咒圍壇 ,乃指心咒 ,仗承不思議力加被 :路姪他 虎鈝都盧甕泮、娑婆訶 , 以至誠心 、唵 ` , 助道也 經行 阿 那隸 道場 ` 毘舍提 。但要三業相應 , 每於一 , 鞞囉 時 圍壇 跋闍 自 常 囉

### 第 二七中, 向專心 • 發菩薩願 • 心 無間斷 • 我毘奈耶 • 先 有 願

#### 教 0

願 心 也 發菩薩願 此第二七中,一 我 毘奈 耶 。務必心心相續 , 先有願教者 向發願 。既曰一向,不拘六時;既曰專心 : 如 ,念念無間 《梵網經》 , 而 不斷絕 ` 十大願王 ;此恐心生懈退 , 及菩薩四弘誓願 不雜禮誦 , 加 ; 以堅固之 唯有專 行願

堅強

得大勇猛也

### 三七中,於十二時,一 向持佛,般怛囉 咒 • 至第七日 ·方如

# 來,一時出現,鏡交光處,承佛摩頂

處 誠 感格 , 佛 此第三七中,一向持咒。溫陵曰 :身既在鏡現 進力克 功也。 ,我身亦在鏡現。親承諸佛,手摩其頂 至第三七末日 : , 時無間歇 十方如來 ,咒無遍限 時 出 ,聖凡不隔。重重無盡 現 , \_\_\_ , 於壇室 向誦持 中 , 遂能 鏡 交光 以精

則生佛 智照 ,感應道交也

### 即 於道場 ,修三摩地 0 能令如是,末世修學,身心明淨 猶如瑠

,

,

### 璃

心成就 故曰身心明淨 通 如是之人 。不令一念,漏落於聲塵境界;念念照性,心心在定,但一 此定心成就 。能令者,以定心為親因 雖 在 內 末世修學 。即於道場中 1外映澈 , 亦能發慧開 猶 加瑠璃 專修反聞工夫 ,以道場持咒等為助緣 以 悟 , 切諸法 則根 故 ` 塵 曰修三摩 , 無不形現其中矣!初三七初成 ` 識 心 因緣 地 , 味反聞無間 應念化成無上 力故 即首楞嚴 所 以能令也 耳 耳 知 此慧 覺 根 員

定慧竟

### 丑二 百日頓證聖果

# 阿 .難!若此比丘,本受戒師,及同會中,十比丘等,其中有一不清

# 淨者,如是道場,多不成就。

發 有 強 羅尼》云:行此法時,十人已還,既曰已還;六眾、七眾俱可。設無同志 不清淨者 寧可獨行 故知師友不可不慎選擇也。 此 明壇儀雖立,設或師友不淨,多不成就。及同會中,十比丘等,準 。其中不淨,乃有二種:一受戒師不淨、二同行侶不淨,是二者中 , 如是道場 ,多不成就,佛聖不臨,龍天不護,正定難修 , ,未可勉 《方等陀 妙 悟難

# 從三七後 ,端坐安居,經一百日,有利根者,不起於座,得須陀

### 洹。縱其身心。聖果未成,決定自知,成佛不謬 0

勇猛精進,修習亡塵照性工夫。有利根者,惑障俱輕,定功綿密,慧照分明 此明三七修學 ,未克即成定慧。從三七後 ,端身正坐, 寂然安居,經一 百日 ,定慧

雙流 也 亦 經一百日 非同平時 , 坐 一 ,不起於座。此一百日 時行一 時也;因文中明言 ,不起於座,工夫相應,在定中並不知時長 經經 百日 ,不起於座 <del>;</del>即 得須陀

成;然而決定自知 疏》云:縱其身心俱生細惑,一 道 洹果 位 借 梵語須陀洹 小果名 而論 ,此云入流,不入色、聲 ,成佛之事 果證 , 實同 ·,不虚謬也。所謂一信永信,信得自心是佛 時 難斷;分別思惑,完全仍在 . 圓教初信 ` 0 香 阿難 ` |圓悟藏: 味 ` 觸 性 、法 , 頓獲法身 ;無學聖果 , 斷分別 見惑 也 ,自性即 , 未得即 , 為見 寶

佛 更不再疑也。二修證節次竟

### 子三 結答酬

### 汝問道場 建立 請 如是

0

壇 種種 此總結答 方法 。 前 ,與夫修學證果。如是之法,一一 阿 .難問云:「末法修行,建立 並道場, 詳示 云何結界?」我已言結界建 故酬其所請 , 而結答之曰

所 說 汝問 建壇之法,末世行之,誠為不易;故下文誦咒 道 場 建立 一如是 《指掌疏》 云 : 如是者 ,亦許不入道場 謂 如 上所說是 也 。而上文有 然如上

,

0

不淨,則云道場不成。是知有力者,固應如法建壇;無力者,只要持戒清淨。設若

有壇無戒,反不如有戒無壇之為愈也。初重請說道場竟。

楞嚴經講義第十七卷終

# 大 佛頂如來密因修證了義諸菩薩萬行首楞嚴經講義第十八卷

福 州 鼓 山湧泉禪寺圓瑛弘悟述受法弟子明暘 日新 敬校

阿 .難頂禮佛足 重請說神咒 ,而白佛言: 分三 癸初 會眾重請 自我出家 , 如來重說 恃佛憍愛 • 求多聞故 會眾願護 今初

### 無為。

出家 此重 , 猶恃佛之憍憐寵愛 **|請說神咒。阿難雖蒙其益,未克親聞;故頂禮佛足,而白佛言:自我捨俗** , 惟求多聞 , 不務真修 , 但得初果 , 所以道力微弱 故未

### 脫 遭彼梵天 ,雖蒙如來,佛頂神咒,冥獲其力,尚未親聞 , 邪術所禁 ,心雖明了,力不自由 0 賴遇文殊

證四果無為之道

歸 心 來 遭者遇也,彼指摩登伽 雖明了 今但云賴遇文殊得脫者:舉能持人, , 而未全道力, , 無自由分 為愛女之故,用先梵天咒,邪術之所禁制 0 賴 遇文殊,將咒往護 略所持咒,故雖蒙如來佛頂 , 令我解脫 神 淫 。然在彼 兇 難 , 而 始

將

時

文殊但是密誦 , 破 い邪除淫 ,而我冥獲其力;真言密語, 尚未親聞 ۰

### 惟願大慈 , 重為宣說 ,悲救此會 ,諸修行輩 • 末及當來 • 在輪迴

### 者,承佛密音,身意解脱。

指當來 解脫 輩 此 ; 以 此 指 請 , ②遠離 佛法展轉流通 重 三乘聖眾 説 魔難 , 為 利今後 ,多學少成 身得解脫 ,即在輪迴者,亦得均霑法利,以承佛密咒音聲 0 惟 ,破惑證真 (,難進] 願 世尊 易退者 大慈 ,意得解脫也 , , 重為宣說 均望咒力救拔也。 ,大悲救拔現住此 不唯現會 , 會諸 身意俱得 獲益 修行 , 末

### 於時會中 • 切大眾 , 普皆作禮 , **佇聞如來秘密章句** 0

作是請已 , 於時會中 , 切大眾 , 普皆頂禮於佛。佇者待也, **佇聞如來秘密** 神

咒,微妙章句。初會眾重請竟。

癸 二 如來重 說 分二 子初 正說神咒 說咒利益 子初分三 丑初 光相表顯

# 一大眾欽聽 三 五會神咒 今初

爾時世尊 從肉髻中, 涌百寶光, 光中涌出, 千葉寶蓮 • 有化如

### 來,坐寶華中。

寶 尊 , 表 從肉髻中 此 將 解 說 脫大用也 即 神 無見頂相 党, 準 《無上依經》 先現化佛。 0 光中涌出,千葉寶蓮者:表依妙智,而發勝因也。有 表如 來藏 然此科乃顯中之密 云:乃是頂骨涌起, , 法身理體也 0 光從頂放 ,以從如來自身所現也。爾 自然成髻, ,表般若妙智也 其色紅 赤 , 化如來 在青 光涌 時 螺紺 世

### 頂放十道, 百寶光明 光明, 皆偏示現 • 十恆河沙 金剛密

## 跡,擎山持杵,徧虚空界。

坐寶華中

:表因果一契也

妙也。 擎 者 周 徧 Ш 制 法 表循業發現 此 界也 由一頂髻放十道光,具百寶色者 乃密中之密 外 持 0 7件降魔 金剛密跡 ,生善滅惡 以從佛頂之佛 , 密行化導 , 擎山持杵 ),隨緣: , 妙用也。 故曰金 頂 ,徧虚空界者 ,表如來藏性,圓含萬法 放寶光之寶光 鄙密跡 初光相 : 0 表顯竟 內秘菩薩之德 **編滿空界** , 表斯咒, , 顯現威力 ,其體清淨本然 尊中之尊 外現金剛之跡 0 金剛 妙中之 編界

#### (首楞嚴 講 義

### 大眾欽聽

### 眾仰觀 ,畏愛兼抱,求佛哀祐, 心聽佛, 無見頂相,放光如

### 來 ,宣說神咒 0

者咒願 幪之。 化現 兼抱 跡 有難思之妙用。二大眾欽聽竟。 姮 事 法 一心聽 會 謂二者兼具,令人不能去諸懷抱也。求佛哀祐者:哀憐而攝授之,護祐 來 出 , 佛 一希有 大眾 , 宣 說 此咒 説 佛 , , 神咒; 惟有景 見 , 無見頂相 佛 , 從 正咒願眾生 仰觀察。畏者畏其威,愛者愛其德;既 正表無為心佛 頂 , , 放光之中 放光如· ,令其斷惑證真 來 , 化 無上心咒 ,宣說神咒者 佛 化佛復從頂放光 , , 以顯藏 革凡成聖 :謂佛從無見頂相 心微 , 具諸不測之威神 妙 折 光中! ` 攝 不可 並行 示 現 活議 放光 , , 金 而 也 , 光 而姘 畏 剛 0 咒 愛 中 而 密

### 丑三 五會神咒

### 南 無薩 南無薩婆勃陀勃地薩跢鞞弊鬥 | 怛他蘇伽多耶阿囉訶帝三藐三菩陀寫 南無薩多南三藐三菩陀俱知南 薩 怛他佛陀俱知 瑟尼

大佛 頂如來密因修證了義諸菩薩萬行首楞嚴經講義第十 -八卷

四十五 四十 婆伽婆帝=+< 帝唎茶輸囉西那=+5 三 十 一 二十七 那 揭 名 無 伽 淡姿帝 伽 跋闍囉俱囉耶三士 囉野拏耶---曪 那 娑舍 南 阿地目帝三人 南無婆伽婆帝三十二 波姿帝 南 訶 喃 無娑羯 三藐三菩陀耶四六 無婆伽婆帝四十二 二十四 一姿訶娑囉摩他 曪 十六 南 婆 摩 無提婆離瑟嘌十 刚陀伽彌哺 迦 **嘘陀囉耶** 訶 僧 槃遮摩訶三慕陀囉!+! 迦羅耶二士 伽 **、摩舍那泥婆悉泥**三元 喃 喃 南無摩尼俱囉耶 多他伽跢俱囉 五 十 七 南無阿彌多婆耶四十四 + 南無婆伽婆帝四十七 南 八 鳥 無盧 南無跋囉訶摩泥士 南 地刚般刺那伽囉!! 、 毗陀囉波拏迦囉 摩般 南無悉陀耶毗地耶陀囉 無盧雞三藐伽跢喃丸 雞 帝 阿羅 波囉訶囉拏囉闍耶四 <u>-</u>十八 耶 三十六 摩怛唎伽拏丰 娑醯 三十三 漢 南無悉羯唎多耶 跢 阿芻毗耶四十八 南無伽閣俱囉 南 **路他伽多耶**四十四 夜 喃 無般頭摩俱 耶 南 十九 無 南 因陀囉耶 無蘇 離 三藐伽 南 南無悉羯 瑟噪! 無婆伽婆帝 **跢他伽** 盧 跢他伽多耶 耶 \_ + = 曪 波 多 阿 三十七 耶 十 五 | 囉底 波 舍波 囉 南無婆 三十四 多 南 南 那 訶 揶 耶 波 喃 南 奴

四

七

阿 囉 ·訶帝 #+三藐三 無婆伽婆帝 五十二 鞞 沙閣 耶俱

四十九 唎 崩 般 囉 囉 南 唎 阿 藐 肰 囉 九十二阿瑟吒南九十二 薩 那 耶 無 多七十二 六十八 三菩陀 補 訶 柱 停羯 河前帝 阿 那 你伐囉尼六五 揭 師 唎 婆囉視 **路他伽多耶**六十九 羯 **毖多**五+セ 耶 迦 翳曇婆伽婆多++|| 薩怛他伽都瑟尼釤++|| 六十五 唎 唎 耶 曪 五十三 八十八 ||朱+||南無婆伽婆帝||朱+|| 八十二 河尼七十九 三藐三菩陀耶六六 耽 般囉婆囉闍耶五十四 薩囉 阿 薩 七十六 **赭都囉失帝南**/+/ 瑟 憐捺囉 摩訶羯囉訶若闍六十三 般囉帝揚岐囉+++ 薩囉婆部多揭囉訶 吒 婆槃陀那目义尼六世 跋囉 冰舍帝 阿囉訶帝++二藐三菩陀耶++|帝飘南無薩 瑟地 刺闍耶五十八 南八十九 那叱陀你<+阿 南無婆伽婆帝六十七 **路他伽多耶**斯 舍雞野母那 跢他伽多耶 那 羯囉訶裟訶薩囉若闍△+セ 义 毗多崩薩那羯 怛 薩囉婆突瑟吒八十四 囉岩閣 迦囉蜜 曳六十三 五十九 薩怛多般怛啜 南 九十波 刺怛那雞 「唎柱 無婆伽婆帝五十六 跢他伽 阿囉訶帝六十二 唎 囉薩陀 六+ 般 九十四 七十八 多耶六十四 都囉 突悉乏 嘝 薩婆 毗 尼 那 閣 多 相 嚧

巣稅 囉俱 多+七 **迦**二+四 娑鞞囉懺 毗 **囉擅持**+!! 名 阿 叠 阿吉尼鳥陀迦囉若闍ハサト 折藍婆摩尼遮三六 九 唎 多 都爐你婆 多 |摩唎||+||俱藍 那 — 百 勃 阿 遮 啒蘇母婆羯囉跢那 摩 多 騰 唎 迦 二十五 曪 罔 ·耶多囉+< 毗含囉遮卡四 訶帝閣 《囉岩 |摩囉"+'|剎奢尸波囉婆"+'| 翳帝 五 迦+跋闍 掘梵都 毗唎 闍 此附明 九十五 俱 三十六 跋闍囉迦那迦波囉波二六 囉 摩 摩訶婆囉阿般囉士 知六 \_ + = 呼藍 扇多含鞞提婆補視多士 制 訶 印菟那麼麼寫 二十五 阿般囉視多具囉ガナカ 喝那 稅多閣婆羅 跋闍囉喝薩多遮!+!! **誓婆毗闍耶**也 突悉乏難遮那舍尼亞 鞞爐遮 阿 遮+|摩 那俱唎耶三共 跋闍囉商羯囉制婆二跋闍 、囉制 摩 跋闍囉摩禮底八 訶 東帝""+"" 母陀囉羯拏""+" 弟子某甲受 誦咒者至此句 , 跋囉 婆般囉質多 **嚧闍那跋闍囉頓稚** 摩訶般囉戰持「摩訶 蘇摩爐波共 毗地耶乾 夜囉菟瑟尼乡二十七 **毖沙舍悉旧** 槃陀囉婆悉你四 持稱 遮那 + 摩訶 毗舍爐 囉 摩唎 跋 九十七 遮 閣 稅

烏餅

三十八

唎

瑟揭

**学**三十九

般刺舍悉多罒+薩怛他伽都瑟尼釤罒+ | 虎鈝

四十二

嚧 四十三 瞻婆那四十四 虎件 四十五 都爐雅四十六 悉耽婆那 四十七 虎鈝

叉 都爐雅四十九 喝囉剎娑五十三 波囉瑟地耶三般义拏羯囉=+虎鈝=+'都嚧雍 揭囉訶若闍=== 毗騰崩薩那羯囉=+= 虎件五十六 五十二 薩婆 都

虎件::十二都爐雅::+: **噓**雅五+七 者都囉尸底南西 囉义六十三 婆伽梵六十四 揭囉訶娑訶薩囉南五十九 薩怛他伽都瑟尼釤 毗騰崩薩那囉<+ 六十五 波

**囉點閣吉唎**六十六 七十二 訶 薩 泥帝嗲六十九 帝 **刚菩婆那**世世 摩訶娑訶薩囉六十七 阿弊提視婆唎多++吒吒甖迦++|摩訶跋闍嚧陀囉 曼茶囉七十四 鳥 件 七 士 五 勃樹娑訶薩囉室唎沙 莎悉帝薄婆都++< **麼麼**七十七 **倶知娑** 

印菟那麼麼寫七十八 (至此句準前稱名若)

囉**閣婆夜**七十九 **舍薩多囉婆夜**六十四 主囉婆夜<+阿祗尼婆夜<+'鳥陀迦婆夜<+' 婆囉斫羯囉婆夜<+= 突瑟又婆夜<+< 毗沙婆夜 阿舍你婆

夜八十七 迦婆多婆夜宀剌闍壇茶婆夜宀! 那伽婆夜宀! 阿 .迦囉 蜜唎柱婆夜八十八 陀囉尼部彌劍波伽波陀婆夜 毗條怛婆夜亞士三 蘇波 鳥 囉

雞 彌 閣 夜 陀 眦 十七 唎 壓 迦 曪 夜閣 陀耶 順 曪 三十五 喃 陀 遮 拏 彌 訶 脏 阿 陀 夜 婆 揭 二十八 + = 唎 揭 補 . 輸 雞 夜 順 夜 彌 瞋 曪 囉 喃 丹 遮訶 閣 囉 彌=+= 陀 闍 九十四 雞 三十九 訶 那 九 訶 多 夜 夜 輸 曪 九十八 揭 | 例女 + 六 五 嚧 訶 藥 摩 彌 夜 陀夜彌 彌 曪 例女士 地 車 叉揭 雞 三十六 訶 彌 部多揭囉 二十五 訶 夜 曪 曪 |迦囉 二十九 揭 訶 怛 曪 質 夜 雞 \_ + \_ 曪 悉 唎 **埵伽嚧茶西訖** 多訶 訶 河湖三十三 摩怛 曪 摩 視 乾 喃 訶 九十五 雞 夜 比 訶 訶般輸 度 + 多訶 六 唎 彌 囉 |唎伽拏訖唎擔 九十九 忙 囉 那囉夜拏訖唎擔=+= 揭 醯 夜 **女** + 九 二十六 娑 叉私 曪 彌 闸帽挂 唎婆帝 |般怛夜||+嚧陀囉訖 鳩槃茶揭 訶 茶演尼訖 訶 二 十 三 帝釤薩鞞釤!+薩婆揭囉訶 唎 揭 唎 喃 曪 擔三十七 波唎 揭 阿 毗 訶 + 囉 播 囉 **医+毗陀夜閣瞋陀** 九十六 多 謎 跋囉 唎 訶 悉 毗 訶 河唎喃士 陀 擔 "讀補 摩 畢 七 陀 訶 者迦訖唎 二十七 喇 曪 |那関 祉 毗陀夜閣瞋陀 唎 多揭 丹那 刚擔三十 多 揭 毗陀 喃 順 訶 囉 婆多訶唎 + 囉 揭囉 陀 唎 訶 夜 擔 訶 夜 夜 摩 喃 四 毗 閣 二十四 九十七 彌 南 訶 彌 閣 鳥 陀 瞋 四 <del>-</del> + 百 夜 檀 夜 陀 喃 <del>+</del> 訶 揭 毗 眦

唎擔 訖 五十一 雞 夜 唎 曪 彌 雞 閣 五十八 擔 四十八 夜 曪 耶 彌 五十五 夜彌五十二 毗陀 **羯囉摩度羯囉** 四十二 雞 毗 曪 迦婆 陀 .夜閣瞋陀夜彌म 夜 夜 河 四十九 眦 闸 閣 唎 迦 瞋 羊 訖 陀 訖 赭 夜 唎 唎 咄 薩婆囉他娑達那訖利擔四十七 擔 彌五十六 知 曪 四十三 五十三 婆耆你訖 雞 囉夜 雞 眦 難陀雞沙囉伽拏般 曪 陀 夜 |夜閣 |彌^+阿羅漢訖唎擔毗陀 | 唎擔=+毗陀夜閣 彌 六十三 五十七 順陀夜 那 揭 彌 那 毗陀 四十四 帝 含囉 五十四 瞋 雞 |夜閣順 陀 婆 索 囉 拏 夜 醯 夜 夜 闍 彌 陀 夜

六十四 眦 陀 陀 夜 雞 夜 闍 囉 彌六十一雞囉夜彌六十二 夜 順 彌 陀 跋闍囉波 夜 你六十五 雞 曪 毗 夜彌 多 具 薩 六十九 夜 訖 具 曪 唎 醯 叉罔 七十婆 擔 夜 六十六 毗 迦 伽 地 陀 般 夜 帝 閣 訖 順 兔 唎 陀 擔 那 夜 六十七 麼 彌

**愛寫**七十二 (至此依前稱)

囉 伽 梵セナニ 婆 悉 普 薩 吒 七十七 怛 多 毗迦薩 般怛囉 怛多 七十四 鉢帝 南 無粹都帝世祖 喇 七十八 什 佛 曪 阿 什 悉多 佛 囉 那 七十九 曪 刺 陀 迦七十六 曪 陀

囉

頻陀囉頻陀囉瞋陀瞋陀<+!虎鈝<+!

虎件八十三

半

脏

八十四

泮

吒

泮

那弊泮 犁訖 二十五 十七 囉 毗 陀 薩 囉 |囉闍 に婆那 八十九 誓 耶 冸 地 羯 毖 脏 羯 弊 夜 曪 婆拏弊泮二 瑟 曪 |瑟拏婢曳泮 耶泮 **選囉怛唎曳泮** 帝 九十六 婆 伽弊泮
九十三 泮 **誓遮唎弊泮**<sup>五</sup> 遮 檀 囉 + 弊 脏 口犁 遲 十四四 迦吒補 八十五 潷 液囉陀泮♬+阿素囉毗陀囉波迦泮♬+□薩婆提鞞弊泮♬+□ 摩訶波囉丁羊叉耆唎弊泮 弊泮八 曳 九十 **洋**二+二 摩訶迦囉夜士 娑訶 九 • 十八 薩婆地帝雞弊泮 薩婆藥 丹那弊泮 薩婆什婆學弊洋區薩婆阿播悉摩學弊洋區薩 勃囉訶牟尼曳泮士 者都 八十六 篾怛刚曳泮!!!! 閣夜羯囉摩度羯囉六 迦般唎曳泮 醯 囉縛耆你弊泮 **叉弊泮**九十四 醯 九十七 摩訶末怛唎迦拏共 **洋**八十七 薩婆突狼枳帝弊泮和大 阿 薩婆乾闥婆弊泮九十五 薩婆怛摩陀繼弊泮 + 嶗怛 牟 阿耆尼曳泮二摩訶羯 九 跋闍囉商羯囉夜艹 阿地目質多迦尸摩舍那三人 ·迦耶泮 跋閣 **啊曳泮**二+四 薩婆囉他娑陀雞弊泮也 囉俱摩 南無娑羯唎多夜泮 阿 遮文茶 |波囉提 薩婆突澀 喇 四 薩婆補 +眦陀夜 薩 波囉 唎 に婆毗 曳 詞多 曳 泮 比 丹

私你曳泮二十九 演吉質""+薩埵婆寫""+'|麼麼印兔那麼麼寫 至

弟

迦 \* + 八 曜四十六 突瑟 五十四 底 囉 囉 跋 囉 子某甲 阿藍婆揭囉訶六五 **迦**七十二 河五十八 剎 略 訶 曜三十七 鳩槃茶 夜 吒 娑揭囉訶¤+|閉廖多揭囉訶¤+! 般波質多四十七 訶 怛 質多三十三 彌迦揭囉訶 六十二 阿播薩 鼻底迦ササリ 一隸帝 揭囉訶弄 婆娑訶囉=+八 樂迦六十九 乾陀 摩囉揭囉訶五十九 阿末怛唎質多三十四 乾度波尼揭囉訶<++ 什伐囉堙迦醯迦<++ 突瑟吒質多四十八 室隸瑟蜜迦世世 .... 悉乾陀揭囉訶五六 者突託 曪 **舍俱尼揭囉訶ケギ゙ 姥陀囉難地迦揭囉訶ケキ蠉** 四十三 摩閣 布史波 |迦++昵提什伐囉毖釤摩什伐 河曜三十九 宅袪革茶耆尼揭囉訶<+唎佛帝揭 鳥閣訶囉三十五 **娑你般帝迦**世世 毗舍遮揭囉訶舞 **嘮陀囉質多**四十九 訶 閣 烏怛摩陀揭囉訶斯士 多 |訶囉=+視毖多 頗囉 伽婆訶囉三士 訶 薩婆什伐囉 藥叉揭 曪 部 四十五 多揭 訶 曜++|薄 墜帝藥 婆寫 曪 車 囉 曪 嘘地 夜 訶 四十 揭 訶

十四 怚 什婆囉ガナ八 九十四 羯 末 嚧 阿 怛囉娑 迦爐 鉗 知 麼 嘘吉帝 迦 囉+'摩訶跋闍嚧瑟尼釤+'' 摩訶般賴丈耆藍+'' 肆 辮怛隸拏+= 輸輸 槃陀槃陀你 輸 跋陀輸 <+ 揭囉訶揭藍 曪 彌 /那羯 藍 藍 蜜 伽 七十七 十八 1九+跋悉帝 八十六 弊 唎 陀突嚧迦建咄嚧吉知婆路多毗亞士 藍 揭 咄 跢 九十五 末陀鞞達嚧制鉗 跋唎室 1怛歛 曪 姪他+九 毗陀耶槃曇迦爐彌 二十四 柳藥 三毗沙喻 **娑房盎伽般囉丈伽輸** 輸藍 部 八十二 跋闍囉謗尼泮三世 婆輸藍 叉怛囉芻 迦 唵=+阿 九+ | 鄥嘘 羯拏輸藍 迦 地 八十七 栗 七十八 |那隸||+||毗舍提||+|| 二輪藍 九 阿耆尼烏陀迦『 刺 **毖栗瑟吒輸** 八十三 末 IE 阿綺嚧鉗 帝殊槃雲迦爐彌士 曪 九十二 烏件都爐甕泮三 六 憚多輸藍 藍 視 毖 九十六 常伽輸 **吠帝釤娑鞞** 闸 七十九 瑟質 部多毖路茶点十七 藍 薩般嚧訶凌伽四 八十八 八十四 藍 夜波突陀舍喻闇那 目佉 未囉鞞囉建跢囉四 迦世 鞞囉 九十三 迄唎夜輸藍 (爐鉗 **釤**+悉怛多 陀囉輸 莎婆訶四百二十七句 薩 跋閣 喝 般囉毗陀槃 婆那俱 悉多 17+ 羯 曪 茶耆尼 輸輸 藍 輸 刚突 陀 八十九 八十五 鉢 曪 唎

(眼諸古本勘對考正)

唵字下,方說咒心,即是秘密首楞嚴也 長 藏 止 水云 折 攝 是釋尊應化會 以 會 : 上神咒,凡有五會,至一百三十七句止,是毘盧真法會;至一百 哆姪 至 他前 一四百十八句止,是文殊弘傳會 ;至二百七十二句止,是觀音合同會;至三百三十二句止 ,但是歸命諸佛、菩薩聖賢等,及敘咒願, ;哆姪他起至咒終 加被 ,共四百二十七 、滅惡離難 七十八句 , 句 是剛 0 至

眾生 密不翻 發明 善;設或無力,則但持此段,確信功極,自收成效。然眾生之機,顯密不定, 就 此 也 共計二千六百二十字。末三字娑婆訶,或云薩婆訶 此咒是如來藏心所成 大佛頂. 應從顯說 然此段既稱咒心,則是五會中, 而於四例中, 如來藏心 ,而獲益者;亦有眾生 即翻字不翻音之例;字是華文,音是梵語 不思議體用 , 故曰心咒;而全咒是如來藏心,又曰咒心。今五會併 也 , 0 精要之義 諸經 應從密說 神咒 0 如有 例皆不翻 而獲益者 ,唐翻速成 力者 , , 。雖顯密互陳 通前 即五 此方人不曉 , , 令我所 俱持 種 不翻 , 固 作 中 以有 :速成 , 而 為 秘 盡

位之咒,故於顯部之外,另曰密部也。然在西域秘密部,類分東、西、南 天竺之人,日用所共曉解者也。至於秘咒,非但常人不知,理應下位聖賢 北北 ,不達上 中

凡有五部,此咒正當中央,遮那灌頂部也。

許解 誦之可 疑 治 如 有 益 悉檀者:破惡益也。四、第一義悉檀者:入理益也。此四悉普益也。如上根之人 初世界悉檀者:隨方異說,令生歡喜益也。二、為人悉檀者:生善益也。三、對治 《佛顯教。二者授藥,則都不顯說,但惟與藥,令服愈病而已,不必求知何藥何 **:顯密二** ;其次以誦咒 , 天如 如 ,一念不生,自能得益 味持之,身 得入理益 佛 日 教 :密教。故今授藥,不必求解 : , 如醫療病 孤山所引天台四悉檀 , |;其次以誦咒除惡習,得破惡益 而能摧邪輔正 , | | 、意三密相應, ,率有二途:一者授方,則顯說病源 0 如昔日有一浪人,遠奔他國 ,令生歡喜益也。 , 悉徧 ,若解生則咒喪矣。持咒之法, 不要起心求解 也, 檀施 ;其次以誦咒,遠離雜念 也。諸聖以四法 《正脈》云:大端聖賢宏化 , 如參話頭 ,詐稱王子。彼國因以公 、藥性 相 似 , , **徧施眾** 及炮治之法 但當深信不 只 介許參 ,得生善 生 也 , 不 例

大佛

威德深 實語 無邊 尚 聲 方元 功 瞋 日 言者 主 或壇戒不能如法 義 ·妻之,食時多瞋難 可 ? , 若當 兇 伏 亦 妙 囑 咒願眾 亨 故 願 悪 理 復 彼 重 云 战 持 之 得 吉 脫 如是 瞋 商 : , , 利 而 |X 難 時 具 須 人 生 、貞 也 稱 0 多智 學 大勢力 , 隨言成: 陀羅尼 則含笑念偈云: 不測之 , 。三者 言音 <u></u> 正 而謗斯咒無功者 離苦得樂, , , 亦 脈》 事,其公主欲探其意 知彼詐稱王子, , , 可 神 就 ` 稱 , 不必求 實語 避凶致祥矣。 云:秘咒少分應知, 謂總一切法 功 , 其名號 何 0 革凡成聖, 然須 況 力 : 解 證 無親往他國 , 0 佛菩薩 確 理 , 隨願 說是 招大罪苦也 信 , 入位 , 未便 二者 持無量義,斯之威力,全具所詮之理 , 偈 如 專持 故誦之可以隨言成益 ,願善順之, , \_\_ 意 時 ` 與言,有 聖賢 , 威德力:謂諸 切聖 ;如今世間 , 三義略盡 欺誑 **功滿** 彼 , 知 賢 須知放光如來 真慈誓願 關 事 方收 切人 , 露 或 起大悲心 : 恥 成效 , 日往詢彼國 , 佛菩薩 有 從 麤 0 ` , 勢力 此不 遂 理法力:謂 安可測度 食是常食 ;如世之實修行人 , 用 若猶 , , \_\_ 入 敢 本 說 愍眾 生 國 豫 , 商 此神咒 切權實聖 亦 ? 略: 瞋 語 蕳 生 人 , 故 可 斷 以一 何 , 0 ;如此 作 能 假 神 一勞復作 中 述 字含 出誠 完之 正為 輟 由 其 竇 通語 名 偈 此

近下根機 ,最初方便,持之自可遠魔脫難 ,斷惑證真,轉煩惱以得菩提,出生死而

入涅槃也 <u>子</u> 二 說咒利益 初正說神咒竟 分二 **丑初** 諸佛要用 眾生利賴 子初分三 寅初 指示全名

# 二 備彰諸用 三 更明無盡 今初

#### 阿難!是佛頂光聚,悉怛多般怛囉 • 秘密伽陀 • 微妙章句

元明心 他唵 密 全如來藏心成咒,故曰心咒;全咒即是如來藏心,是名咒心。但此心不出體 燄網交羅 用三義 二字 伽陀 此示咒之全名。佛頂光聚者:以咒原從佛頂光中,化佛說故。光而言聚者,謂 下七句為咒心非也;以彼是五會神咒,都聚之處,結晶之義也。究之此咒 此云大;悉怛多 妼 , 微妙章句者;隱秘深密 體無對待日大 ,如大火聚。頂表尊勝 如實不空義 (;用覆 (,即如: 此云白 來藏本妙圓心, 切曰傘蓋 , , ,般怛囉 謂咒中亦有伽陀頌也;精微奧妙 光表威靈 , , 此云傘蓋 即 , 聚即 如實空義;相離染垢曰白 如來藏妙明 神用 ,以是咒之名目耳 心元 悉怛多般怛囉 , 如實空不 ´。章謂: 0 , ·空義 有謂 大段 即 前有 如 相 18 摩訶 來藏 如 秘

分五會是也;細分曰句。一一皆不可思議也。

#### 寅二 備彰諸用

# 出生十方,一 切諸佛,十方如來,因此咒心,得成無上正徧知覺 0

萬法, 行,然後圓成果地修證,所以得成無上菩提。正徧知覺:即是菩提智果。了知心生 於世,示生成佛者何也?皆由十方如來因此咒心,以為密因,修證了義 此 為正 (明十方如來,自利利他 知 ;萬法唯心 , 為徧知 ,皆此秘密咒心之功用也。十方一 。則諸佛因心果覺, 始終無二也。 切諸 佛 , , 所以 諸菩薩萬 出 現

#### 十方如來 • 執此咒心 ,降伏諸魔 • 制諸外道 0

密咒心,以為金剛王寶劍,降伏一切五陰諸魔,制伏斷常諸見外道 此 \明降魔制外用。十方如來,將欲證真,多為魔外所擾 ,不能速成 遂執此秘

# 十方如來,乘此咒心,坐寶蓮華,應微塵國

密咒心,以此咒心,即是諸佛真法身,故坐寶蓮華,徧遊微塵國土,隨類現身 此 (明普現身雲用 ٥ 十方如來,既證真已, 現盧舍那身徧遊華藏世界 遂乘此秘

#### 方如來,含此咒心,於微塵國 • 轉大法輪 0

咒心 此 , 明應機說法用 即是正 立法眼藏 , 0 十方如來 以為德本 ,欲轉法輪 , 故能於微塵國土, ,必於無礙智中,含此秘密咒心 以八音四辯 , 轉無上根本大法 , 以 此

輪。

#### ·方如 來 • **持此咒心,能於十方,** 摩頂授記 0 自果未成 亦於

## 方,蒙佛授記。

此咒心 此明授自他記 能為 成佛之本 用 。十方如來,約由本垂迹, , 自成道後 ,能於十方 , 慈悲攝受,摩諸菩薩頂 現應化身言之。持此秘密咒心 , 授其當來 以

成佛之記 。設或自果未得圓成 ,亦能於彼十方,蒙佛親授菩提之記

盲 十方如來 横 、聾、 • 同 瘖 |時解脫 ,依此咒心,能於十方,拔濟羣苦。所謂地獄、餓鬼 、瘂、冤憎會苦、愛別離苦、求不得苦、五陰熾盛、大小 0 賊難 、兵難 、 王 難 、獄難 • 風、火、水難 、畜生 • 飢渴 •

# **貧窮,應念銷散。**

大佛

頂

如如

來密因修

義

難 事 刃 被 溺 傷 難 以該 生 堪 畜 持 一受教 飢 生 生 等 可 · 六 横 前 老 或 有 火 事 渴 致 貝 此 :;此苦 代 說 四 明 喉 難 所 死 ` , 木 為 名 為 病 難 北 : 咒願 拔苦濟 乾 有 王 惡獸 且 洲 焚 , 入  $\Box$ 難 ` 不得 九横者 難之所從分也。大小諸橫者:據 [燥等事 横 死 佛 燒 ` , 四苦 五盲 法 仗 難 所 炙 有 飲食 噉 神 用 熱 委 , 横 兇 故 聾 , , 等 身 0 + 七 被王 合八苦 | 瘖虚 名 威 0 貧 事 致 病 同 横 為 力 方 窮 命等 時 墮 法 難 不 , ` 如 難 水 得離苦 乏所 六 朖 而得 Щ 來 0 0 難 事 , 崖 佛 藥 此 冤憎 有 , ; , 誅 中 解 ; 前 , 依 困苦逼迫等事 獄 有 横殺 八 以難 會苦 難 脫 戮 佛 此 衝 難 横 デ三非· 後 0 0 秘密咒心 陷 , 眾生 言之, 所 賊 為 ` 漂 有 難 愛別 七 謂 毒 沉 枷 《藥師經》 藥 冊 Ĺ , , , 等 鎖 有劫財 則 指 奪 信 離 智 , , 事 禁繫等 0 與夫厭 舉前 其 釋之辭 苦 辯 邪 能於十方 如 精 聰 祀 , 上 飢 奪命 言 氣 鬼 以攝後 求 ` 言諸難 難 事 禱 不 八 **「,大有·** , , 謂 等 兇詛 長 , 四 本不當 得苦 有 風 事 横 壽 ; 拔濟羣苦 絕 應其所 難 地獄 為 九種 以苦言之 天 , , 糧 兵難 鬼 火焚 五 , 死 0 枵 有 害 陰 以 , 念 腹 小 凜 此 熾 所 由 , 等 有 寒 Ŧi. 中 不 無數 盛 餓 0 八 , 或 秘 朖 則 苦 事 横 飛 種 衝 鬼 教自 舉後 沙 鋒 九 為 藥 量 渴 筝 横 併 水 不

心,而得銷散也。

#### 十方如 來 隨此咒心,能於十方,事善知識 0 四威儀中, 如

# 意。恆沙如來,會中推為,大法王子。

化 養 中 以 (彼具 如意 推為大法王子,承紹法王家業, 供 此 正知正 明 養 0 事 若非咒力, 如意者:行、住、坐、臥,一 師 紹法 見 ,能 用 **豈能** 0 為學者, 十方如來 如意出生耶?恆沙如來,法會之中 抽釘拔楔故。若非咒力,豈能 ,隨此秘密咒心威力, 若非咒力 切時中,各有應供之物,各令隨心 ,豈能徧 事諸佛耶 能於十方世 十方遠到耶  $\ddot{\mathbf{9}}$ 助 佛 昇 轉輪 , 事 ? 善 , 故曰供 弘揚法 四 知 威 識 儀

#### ·方如 來 • 行此咒心,能於十方,攝受親因 • 令諸小乘 • 聞秘密

## 藏,不生驚怖。

就 方 大志,堪受大法 亦常 此 (明攝授親因 行 此 |秘密咒心 ,如聞 用 。十方如來 0 說秘密如來藏心,不生驚疑與怖畏也 行即 持也,攝授 ,與歷劫親緣 泛護念 , , 縱 互相因依。自雖成佛,念彼散在十 使墮在小乘 ,亦乘咒力加被 成

#### 方如來 • 誦此咒心 ,成無上覺;坐菩提樹,入大涅槃 0

果 , 故曰 此 |明智斷二果用 |成無上覺 。坐菩提樹 0 十方如 , 來,誦此秘密咒心,以為成佛之本, 期弘化 ,轉生死而成斷果, 故曰入大涅槃 轉煩惱而成智 足知

#### 十方如來 • 傳此咒心 • 於滅度後 • 付佛法事 • 究竟住持 0 嚴淨 戒

## 律,悉得清淨。

此咒

為

成始成終之大用

也

槃 時 身心皎潔,有若冰霜 , 猶 最後遺言 此明付法護戒用 復 叮嚀告誡 , 付囑佛法 , , 以戒為師 。十方如來 如是能正法長存,毘尼久住也。二備彰諸用竟 , 紹繼之事 , 故曰嚴淨戒律 ,傳此秘密咒心, ,令得究竟住持 , 悉得清淨 化緣既畢 0 至於護戒 0 嚴以治身 , 將欲 歸真 事 , 淨 佛 以治心 , 於滅度 **難臨** 涅

#### 寅三 更明無盡

亦不重疊

•

經恆沙劫

,終不能盡

0

#### 若 我說是佛頂光 聚 , 般但 「囉咒 , 從旦至暮 • 音聲相聯 字句: 中間 •

謂 劫 薄暮 , , 極 此 字法門 音聲相聯 [更明無盡。若我說是佛頂光聚,般怛囉咒者, 顯其字句之廣,說日之長,終不能演說得盡 海墨書而不盡者也。 ,熾然說 無間歇,於其中間,字句亦不重疊 《正脈》云:此無盡乃約諸佛要用 ,此咒之功用也。 此略牒全名。雖從清旦,以至 0 如是縱經恆 如 , 並非眾 《華嚴》 生用 河沙 所

丑二 眾生利賴 分二 寅 初 別指勝名 備彰威力 今初

也

初諸佛要用竟

# 亦說此咒,名如來頂。

不唯此咒 ,但名如來藏心, 亦說此咒, 名如來頂 0 表其至尊至妙 ,故能為眾生

利賴也。

承明行人必證以結勸 寅二 備彰威力 分三 寅初分二 卯初 首示行人必賴以勸持 辰初 正示誦方遠魔 開許書帶獲益 詳伸護生助道以出由 今初

場 汝等有學 ,令其身心,遠諸魔事 • 未 盡輪迴 • 發心至誠 • 無有是處 • 取阿羅漢 0 ,不持此咒 ,而坐道

魔耳 場 輪 迴 , 欲令身心清淨 汝等有學 若發至誠心 ,未盡輪迴者:三果以前,皆名有學。 , 遠離諸魔事業者 至極誠懇,取阿羅漢者,設若不持此佛頂神咒, , 斷然無有此理也。不持下乃反顯 以未能盡分段生死,所以猶屬 而 , 然持方遠 坐脩道之

## 辰二 開許書帶獲益

素白氎 阿 或書宅中 難!若諸世界, • • 書寫此咒 當知是人 隨所國土,所有眾生,隨國所生,樺皮貝葉 0 。盡其生年 貯於香囊 • 是人心昏, 切諸毒 0 未能誦憶 所不能害 • 0 或帶身上 新紙

令薄軟 為漿 阿 , 而 難 , 《!若諸 製成之;白氎 可以作書.貝葉,貝多羅樹葉,廣長可書;紙素,紙之素者 世界 , 隨所 , 白氎華所織成, 有國土 , 所有眾生, 可作書寫之用 隨 屬 何 。《正脈》云:白氎天竺物 或 , 所生樺皮 ,如此方抹竹 樺 樹 皮 , 治

紙類也,有價值無量者,此土無之。

即 用 上樺皮等 書寫此咒,貯於香囊 (,以便帶持。是人心中昏昧,秉性暗鈍

內則貪 無聞 之人 毒類 持力,未能誦憶,或帶身上,或書宅中, 由 盡其生年者 神咒威靈 瞋 ` 癡 , ,悉以遠遁 稱為三毒, :謂從生至死 ,故所不能害。初首示行人必賴以勸持竟 由持咒治習, 。一切諸毒 漸以熏化;外則蚖 ,所不能害者:一切諸毒,當 粉壁俱可。當知是人:即是身帶宅書 蛇 ` 蝮 ` 日分內外 蠍 所有

阿難!我今為汝,更說此咒,救護世間,得大無畏,成就眾生,出 卯 **詳伸護生助道以出由** 分二 辰初 總標二意 二 別列多功 今初

#### 世間智

0

成就 令魔鬼不擾,得大無畏。二、或遇有志修學圓通定慧者,令煩惱不侵,斷惑修證 更說 此咒 此 出世間智 詳 i 伸 此 咒 , 為眾生利賴 如觀 有護生助道之功勳 世音 • ,救世悉安寧,出世獲常住 ` 救拔護念 0 阿難 , 世間眾生,於一 !我前說此咒, 初總標二意竟 切怖畏之中 為諸佛要用 , 能誦 ,今則為汝 此咒

救護災難 助成道業 稱遂願求 約眾生以顯各益 巳初分二 未初 約國土以顯普益 惡緣不能成害 惡生不

辰二

別列多功

分二

巳初

巳初分三

午初

#### 1 0 8 8

#### 害加護 今初

#### 火不能燒 我滅後 ,水不能溺 • 末世眾生,有能自誦 ,大毒小毒 ,所不能害 ,若教他誦 o ,當知如是誦持眾生

•

能 溺 火則 火不能燒 神咒;欲免他 害 0 大毒 從 若我滅後 0 初惡緣不能成害竟 緣 如瘟 而 ,水不能溺者:火有內火、外火 起 **温疫流行** <u>障</u> , ,末法之世,魔強法弱 如天火等 , 教他誦 , 小毒 此秘密神咒 0 如 內水如愛水等 蛇蚖等觸 • , 當 眾生修行 0 如 , , 知如是持 外水如 此諸 水亦有內水、外水,內火如欲火等 毒 ,未免多障 动水等 誦眾生, , 皆以神咒之力能迥 0 自行: 仗此咒力 , 欲免自障 化 他, , 自 均得 , , 故曰 然不致燒 誦 其益 此 所不 , 外 秘 密

## 未二 惡生不害加護

如是乃至天龍鬼神,精祇魔魅,所有惡咒,皆不能著,心得正受 切咒 咀 厭蠱毒藥 , 金毒銀毒, 草木蟲蛇 • 萬物毒氣 ,入此人 0

## 口,成甘露味。

靈 百 精 如是乃至下,惡咒不著。天龍舉八部之二。無福 ,得地之靈曰祇,專於障道曰魔,一於惑人曰魅;此等皆能用咒以害人,故 :德曰鬼,有福德曰神,得天之

昧也 西南 云惡咒 夷 所畜 持至能所雙亡,不受諸受 如遇秘密神咒 ,有**漂**鼠蝦蟆等類;毒藥者 , 則如 以塵揚於順風 ,名得正受 ,物毒也,鴆毛 0 ,皆不能著。心得正受者:持咒持成三 咒詛 厭蠱毒藥 瀝酒 : , 沾脣即死 厭蠱者 , 屍毒 0 如上 也 厭蠱 又

漂 舉 此 四類 ,餘以萬物毒氣該之。入此人口, 成甘露味者: 甘露為不死之神 藥

著

,

即

飲之者,

得益良多。

《寶鏡疏》云:

此如鼎有靈丹

, 而

頑銅鈍鐵,入者成金

也

毒藥

,皆能毒害於人,加以咒詛之力,則百發百中矣!此以邪受不能動

.究竟堅固之三昧也。金毒銀毒者:溫陵曰:金銀入藥

便能發毒

草木蟲

,

惡咒不能

# 諸惡鬼王,並其眷屬,皆領深恩,常加守護 切惡星 , **並諸鬼神,磣心毒人,於如是人,不能起惡,頻那夜迦**

切災變惡星 , 並諸惡鬼惡神 , 磣心毒人, 包藏 渦心 常以暗箭傷人之輩 , 莫

被慈風而心化,不但不能起惡

,而且轉暴為良也。

頻那

、夜迦

不覩德容而意銷

諸惡鬼王 ,以誦咒饒益彼類;並其眷屬 , 皆領深恩者:謂素蒙佛化領佛深恩 , 為 報

佛恩 ,故於是咒,常加守護,為護咒故, 並護持咒之人也。初救護災難竟

就 五 諸罪消滅 助成道業 六 分六 速證無生 未初 資發通明 今初 遠離雜趣 常生佛前 四 眾行成

#### 阿 種族, |難當知 • 是咒常有八萬 |四千那由他 • 桓 河 沙俱胝 0 •

之; 金 億 億 佛 須假菩薩 一剛之眾 頂 不足以盡之, , 俱 極 神 此下至無生忍, 胝 弫 數目有 , 0 , 故稱藏王。種族者 此云百億。言菩薩之數,百億不足以盡之, 咒是諸佛心 常 皆有諸金剛眾,而為眷屬,晝夜隨侍 有 如許之多 復以萬億計之。 八萬 皆明助道成智。 四千 印 那由 0 , 咒在之處 現威勇之形 :謂此唯 他 萬億恆 , 恆 前說離難遠魔 , 河 即為佛在 , 沙俱 河沙百億 類相聚 具降魔之力, 胝 , , ,不足以盡之, 金剛藏王菩 故常有聖眷隨侍 故曰種族 , 固是神王 故名金 復以恆 0 薩 剛 河沙計之; 之力所及 : 0 金剛藏王菩薩 復以 那 皆有諸金剛眾 蘊 故囑 由 秘密之德 八八萬 他 , 此明 當 恆河沙百 此 四千計 知 助道 云萬 : 攝 是

而 為眷 屬 , 聽 **混其驅策** , 如 火頭金剛 ,青面 一金剛等 0 此諸聖眾 , 為護持咒故 , 併護衛

晝夜恭隨 侍衛, 如慈母之護嬰兒,時刻不離 也

#### 諸善男子 設 育眾 生 • • 於散亂心 何況決定菩提心者 , 非三摩地 • 此諸金剛菩薩藏 ,心憶口持 • 是金 削王 • 精心陰速 • 常隨從彼 • 發

彼

神

識

雖 可 藏 無上 生 通 亂 王 異 稱 心 ٥ 菩提 尚 設若有眾生,於散心亂心之時,非有正定,常住三摩地,但能散心思憶神咒 以 男子 П 或 蒙 持 心 此 一菩薩 精 稱 也 金 者 神咒 金 剛 通 0 , 剛 此諸金剛菩薩藏王 隨護 以能 脗 0 , 既得 藏 雖非定心憶持 王菩 故能 , 憶 何 如 神 薩 來藏心 況 完 以同體 此等決定發菩提心者 , , 或 即 稱金剛 , , 心精 · 具 善 去惑 竝 ,執金剛杵,持秘密藏, 金剛王亦常隨從於彼 根故 0 純精 菩薩 陰者 也 藏 , 冥也 0 皿 至 何 與行人 , , , 況 是回 或 速者疾也,冥冥之中 泛顯辭 稱金剛 小 , 卣 現具藏 , 或稱 , 為報 大 王 彼邪定聚 , , 心 或 修 佛恩 金剛菩薩 擅耳 稱 , 本 金 , 來 剛 桹 格 , 及不定聚眾 無二 藏 圓通 外 , 或稱菩薩 如 施 , 護 隨 兩 ٥ 志在 鏡相 聖 稱 也 凡 皆

對 以心印心,速疾啟發彼持者之神識,應時得大開悟也

# 是人應時,心能記憶,八萬四千恆河沙劫。 周徧了知,得無疑惑 0

獲宿命 事 0 此神識 切妙 , 而得天眼也。 理 通明。是人,即指精心陰速之人,應時心能記憶八萬 , 周 徧 7 温陵曰 知 , 得 : 無疑惑 即所謂成就眾生出世間智也。初資發通 似涉三明 0 況河沙紀劫 迴超 四千 小乘 一明竟 恆 河 八萬 沙 劫前 故能

#### 遠離雜趣

從第一 那 • 鳩槃茶 劫 • 乃至後身,生生不生,藥叉羅剎 毗舍遮等 • 並諸餓鬼, 有形無形 • 及富單那 • 有想無想 • 迦吒富單 • 如 是恶

處 此

0

也 生 云奇臭惡鬼 生謂 羅 剎 捨 永離惡處。從第一 生趣生 此云可畏 , 主熱病之甚者 ;不生下之諸趣,因得 , 食 人鬼也。 劫:謂從初發心持咒時起,乃至超略中間, 。鳩槃茶此云甕形 富單那此云臭惡鬼 通明 ,魘魅鬼也。毘舍遮或云毗舍闍 有助道故 , 主熱病鬼 。藥叉或云夜叉 也 ٥ 迦 ) 化富 直至最後身 單 捷 那 疾 此 此 鬼

等 自苦 怪變 云噉 精氣 有 形 遮 如 **巡障聖道** 鬼神精靈 : 即 , 以 是有色,如休咎精明 能噉人精氣 故曰惡處 0 無想 : ,及噉五穀精氣 即 0 然既生生不生, 凝滯堅頑 。無形:即是無色 , 如精 0 並諸餓鬼:如大腹、臭毛 則聖道可修 神化為土木金石等 , 如空散銷沉 , 宜乎因圓 0 如上諸處 0 果滿 有想 、 針 咽、 : , 即 而 炬口 各有 至最 靈

通

#### 未三 常生佛前

後身矣!

# 是善男子若讀若誦,若書若寫 ,若帶若藏,諸色供養。劫劫

#### 貧窮下賤 ,不可樂處

0

業 名藏 生 , 。若果將此神咒:對本曰讀;背本曰誦;敬寫為書;便書為寫;身佩名帶;器貯 為 是善男子:指決定發菩提心人。不 諸 不 ·可樂處 色供養 :如香、 既不生此 花 燈 則定生可樂處 、塗、果之類 唯不生雜趣 以持尊勝頂法 。劫劫不生, 即於人中 貧窮下賤:貧賤皆妨道 故感尊勝果 不 可樂處 報也 , 亦復不

此

諸眾生

縱其自身

•

不作福業,

十方如來

,所有功德

悉與此

#### 0

此 為生佛界之由 。若果欲生佛界者,定必多修福德因緣方可。今此人自身不作

福業 但能持咒, 而 十方如來 ,所有功德 ,悉與此人者,咒力使然也

#### 量功德 由是得於恆河 如惡叉聚 .沙阿僧祇 同處熏修 • 不可說不可說劫 ,永無分散 • 常與諸佛同生一 處 0 無

•

•

0

諸佛為 之果,三果一蒂,不相捨離,同處熏煉修習 所謂常在佛前是也 由是下,得生佛前。且得於恆河沙阿僧祇,不可說不可說劫,與佛同生一 眾生心內諸佛 ۰ 無量功德下 , 眾生乃諸佛心內眾生 ,方是生後功德 ,永無分別離散矣! ,心佛及眾生 , 既常在佛前 , 是三無差別 , 必常隨佛學 0 如惡叉聚 處 了知

未四 眾行成就

令其精 進 ;無智慧者,令得智慧;不清淨者 • 速得清淨 ;不持齋

是故能令破戒之人,戒根清淨;未得戒者,令其得戒;未精進者

•

#### 戒 自成齋戒

指掌疏》 云:承上 神咒 ,以有 如是利益,是故能令眾行成就 0 破戒之人:如

眠貪愛 阿難 齋戒者 後 員 愆 未蒙咒前 伽 如登伽宿 成 偏 不能 於淫 仗 八萬行中 0 褲 : , 如 不知為苦 並非謂不要持齋戒 咒功勳 !持齋與持戒者 愛 為淫 ,欲燄飛揚;速得清淨者:如登伽蒙咒後,淫心 上破戒之人, ٥ 令得精進者 一女;令其得戒者 , 祗毀 , 自能 。令得智慧者 戒 成就 能令戒根清淨等 , 但能持此咒 : 0 戒根清淨者:如 如 , 0 自然能成齋戒, 但舉 阿難慇懃請定 : 如登伽今為性尼 : 阿難登伽二人,為證甚善。 如登伽與羅窺母 , 日久月深, , 總指未持咒前 阿難心清淨故 , 此種惡習,自當誡之。 登伽 0 消除業障 成精 未精進者 , 同悟 進 , 頓歇 林 宿 ,尚 有 , 大 : 0 **種種諸** 末後 民未淪溺 自然成就 如 無智慧者 。設或此人, 0 不清淨者 阿難專好多聞 不持齋戒 須知戒為無上 事 。未得戒者 , 自 能令齋戒 : 如 縱有宿 如登伽 登 持咒之 自 伽 , 登 成 纏

菩提本 斯言信不誣 也 四眾行成就竟

#### 未五 諸罪消 滅

#### 阿 難 **!是善男子** 持此咒時 • 設犯禁戒, 於未受時 ,持咒之後 5,眾

#### 1 0 9 6

#### 破 一戒罪 • 無問 輕 重 • 時銷滅 0

有 消明海 此 明持咒能滅現在諸罪也 , 故設 百犯 一 切禁戒 , 於未受持此咒時 0 阿 難 ! 是善男子,持此咒時 , 乃屬往愿 0 今既持咒自新 , 自應嚴持禁戒 , 誓 , 以 不 更 佛

犯 則從 前 所有眾破 戒罪 , 無問 所犯輕重 , \_\_ 時 消 滅

故無問 云 一前 重謂 R心作惡 小乘 初篇 , 如雲覆日 , 大乘 十重 ,後心起善, ; 輕調 小乘餘篇 似炬銷暗」 ,大乘 0 四十 今既似炬銷暗, 八輕 0 《指掌》 乃何罪不滅? 云 : 羯磨

#### 縱 經 飲酒 , 食 | 噉五 辛 • 種種 不 淨 , 切諸 佛 • 菩薩金 剛 • 天 (仙鬼

#### 神 不將為 過 0

輕

重

也

腥 食 噉 縱使往日 不淨之物 五. 辛 如蔥 , 曾 。今既持咒之後 蒜 經 飲酒 ` 韮 , 酒雖非葷物 薤 , ` 則諸 興渠 佛菩薩 此五 河面 無性命 辛 , 金剛天仙鬼神 , 熟食發淫 , 然酒 [為起罪] 生 , 噉 不將為過 增患 因緣 ,故宜 以 , 至種 以既往不 禁戒 種 葷

咎也

# 設著不淨 破弊衣服,一行一住,悉同清淨 0 縱不作壇,不入道

# ,亦不行道,誦持此咒,還同入壇,行道功德,無有異也

德 則 咒利益 者 行道也;凡一 等無有異 今者此人既乏資財 則不局於淨衣;又云破弊者 准前文,佛教著新淨衣,然香誦咒,又教六時行道,三七不寐。今云設著不淨 ,故特開許,悉同清淨也。准前文,如法建壇,依教行道,方合如來清淨軌 住此者,則不局於三七不寐也。此為行頭陀行 , 縱不作壇,又不能入楞嚴道場 , 則不局於新衣;又云凡一行動者 ,亦不能隨眾行道 ,清貧不備者 , 則不局於六時 ,恐失誦 ,所有功

#### 若造五 如是重業,猶如猛風,吹散沙聚,悉皆滅除,更無毫髮。 逆 • 無間重罪 , 及諸比丘 、此丘尼, 四棄八棄, 誦此咒已

四波 出 佛 羅夷 身 此極重罪滅 m. 罪 , 當墮五 0 梵語波羅夷 。設若未誦咒前,造此五逆:殺父、殺母 無間 地獄 , 此云棄 ,故云無間重罪 ,謂犯此罪者 ٥ 及諸 比丘 永棄佛法海外,猶如大海 四棄 、殺阿羅漢 : 即 殺 、 盜 、破和合僧 淫 , 不納 妄

留 不能吹散 過 僧 行 死 與染心 屍 也 所 , 誦 舉 相 也 咒 倚 0 , 比丘 求 未 男子 0 ` 相 而密咒具不測之威神 懺 作 期等 共住法者 , 尼八 , 仗咒力: 身 相觸 棄者 八事 故 ;第七 , , 第六 不得 前四 , 應 [根本戒 念消 **隨彼** 覆 八 , , , 謂覆: 故 謂與染心 也 滅 如猛 0 與比 如是 他 如 風 是等罪 重罪 男子, 重 丘同 **,** \_\_\_ 業 ; 第 吹便散 , , , 捉手 猶 皆 八 再 如沙聚 隨 加觸 極 捉衣 ,悉皆消滅, 重 , 謂 而 ` 八 不 隨 , , 言沙已成聚 大僧供給 屏處共坐 可 ` 懺者 覆 隨 更無毫髮之少 0 若 衣 , 共語 第 食 是 , 非 Ħ. 知 , 猛 慚 即 觸 共 風 悔 為

園館 來 阿 難 • 未 ! 及懺 如是積業 若 有眾 悔 生 若能讀 **,猶湯消雪** , 從 無量 誦 • 無數劫 書寫 此咒 來 , • 所有 身上帶持 切 輕 • 重 若安住處 一罪障 • 從前 莊 世

,

o

之二二 之所 以稱障者 此 極 0 遠 百洛叉百洛叉 罪 滅 有礙正修故 阿 難 ! , 若有眾生 為 無數 從前 世來 , 無數 從於無量無數劫 未及懺悔 無 數 , 為 懺具云懺摩 無量 來 , 無量 0 所 無數 有 切 此 , 輕 乃 翻 悔 重 西 過 罪 域 Ŧ 障 懺是 大 : 罪 數

障正修 梵音 遊 忘 憩處 書寫者 ,悔是華言 也 ,欲修三摩 如 是積業 觸目 , 驚心 故稱 ,須假咒力,若能讀誦 , 猶湯銷雪: 華梵兼舉。 若安住處 懺者懺其前愆,悔者悔其後過 如是無量無數劫 ,莊宅園館 ,書寫此咒 : 莊宅 來 , 身上帶持 常時安住處也; 所有積聚罪業 讀誦 既未 , 仗神咒之功 園館 者 及懺悔 起坐不 暫時 必

#### 未六 速證無生

力

速能

除滅

,猶如!

沸湯銷雪相似

0

五諸罪消滅竟

# 不久皆得,悟無生忍。

惡苦諸 後位 智者 第六第一 所發 ,深於前位 今悟 發 正 趣 脈》 義入 通 成 加 無生 云: (理也 始 無礙無擇 ,況得此忍之後 , , 圓實初住 而無生成終 乃是慧心成就 0 而前之救難 故知 , 此科 便證此忍 也 7,罪福: 所發 , 0 按六科 後之應求 超前諸科 0 谐空, 前 ,別教當在地上 但 , 前四即 了 乃世界歡喜悉檀也, 聖凡情盡,可以 知不 , 而為助道之成功矣!又所謂出 為 皌 , 人生善悉檀 , 詳前 未必實證 /魔佛 發通 , 萬法 餘 第五 ,乃是定心成就 如 可 類 對治 無生 ,方能 知 破 惡 世 徧 應 指 間 涉 知

掌疏》云:宿障既銷,三摩得成,故云不久得忍。準前俱空不生。按後乃當第三 漸

次,且不可作八地釋之。二助成道業竟

#### 午三 稱遂願求

#### 復 次阿難 ,或能身上帶此悉怛多般怛囉者 **!若有女人,未生男女,欲求孕者;若能至心** , 便生福德智慧男女 0 , 憶念斯

自應所 孕 者 仁;有智慧,聰而賢;此遂男女求也。 同樣功效 此稱遂願求。因不諳佛法,但求世間福樂。設若有女人,未曾生男育女,欲求 水皆遂 孕即懷胎 0 昔以未生男女,恐為丈夫所棄 0 設或秉性稍鈍 0 若能 以至誠心,憶念斯咒。憶,則常時記憶;念,則常時持念; ,不能憶念 , ,今則便生福德智慧男女。有福德 祗能身上帶持此悉怛多般怛囉者 , 富 而 , 亦得

# 求長命者 即得長命;欲求果報, 速圓滿者,速得圓滿;身命色

## 刀,亦復如是。

求長命者:貪生惡死,人之常情, 無論富貴貧賤,皆求百年無病,永享遐齡

中似是 者 復 能 如是 . 持誦神咒者,即得長命。欲求果報,速圓滿者:果報有福利修行,二種 : 指 盲 : 福 此福 利 東報 0 **相利果報** 而修行 , 速得 ,上科中資發通明,速得無生,修行已得圓滿 0 圓滿 如謂身體健康 也 0 此鈍根劣機 ,壽命延長 ,不知持咒,為當來成佛之因 ,形色端正 , 筋力強壯 0 身命 0 亦復 分別 色力,亦 , 惟 求色 如是 此

# 命終之後,隨願往生十方國土,必定不生邊地下賤,何況雜形?

身利益

<del>,</del>故

亦滿其願

也

持咒功 等 我誓不成正覺。蓋彼兼菩薩願力,此兼諸佛心力,以此咒是諸佛心咒,持此咒者 雜形異報耶? 此求身後往生。命終者,前陰已壞,後陰未成也。隨願往生十方諸佛淨土 力 得 滿 所願 《指掌疏》云:《大悲經》 。決定不生邊地下賤,邊地下賤 云:誦持大悲神咒,若不生諸佛 ,尚且不生 ,何況: 地 獄餓鬼 阈 者 , 以

#### 約國土以顯普益 分三 午初 諸難消除 兆民豐樂 $\equiv$ 惡星不現

初

必為諸佛護念故

。初約眾生以顯各益竟

大佛

頂

#### 切 ,厄難之地

阿

難!若諸國

土,州縣聚落

,飢荒疫癘

,

或復刀兵

,賊難關諍

者 : 不 靖 饑饉難;疫癘者:癘乃四時不正之氣,人得之而成疾疫,為疫 治 ;聚落者 此 • 如 此正 ;賊難者:家國不寧;鬪諍者:群小為亂,皆刀兵難也。兼餘一切厄難之地 神咒 奉迎斯咒 久雨為患,旱魃成災 顯此咒 , • 人煙聚集之村落 安城四門 , ,禮拜恭 能護國安民 , , 敬 蝗蟲肆虐 並諸支提 , , • 此又 轉凶為吉也。若諸 心供養 為州縣所轄也 ,風雹時至 ,或脫闍上 ,令其人民,各各身佩 ,凡有損於眾生者皆是 0 國領土之內 飢荒者:即五穀草菜不生 ,令其國土 《癘難;刀兵者: 一,州縣者國土之分 • 所有眾 或各 邊疆

# 各安所居宅地, 生 寫 一切災厄,悉皆銷滅

淨佛剎 有眾生 寫此 心都稱 神咒 禮拜恭敬 ,安城 0 或脫 0 皆同一 闍 四門:眾人往來,必經之處 上 , 心,至誠供養 脫闍此云幢 , [。令其人民,各各身上,佩帶此咒, 如尊勝幢 。並諸支提:此云可供養處 , 陁 羅 尼幢 之類 0 令其國 王 或各 即清 所

各安供於所居宅地;一切災害危厄之事,悉皆銷滅,自可化暴戾為祥和也。

#### 午二 兆民豐樂

# 阿難!在在處處 ,國土眾生,隨有此咒,天龍歡喜,風雨順時。五

# 穀豐殷,兆庶安樂。

龍歡喜 定數也。 也 隨在 兆 1,則風 安樂者 隨處 十億為兆;庶,眾也,儒典以民為庶。今云兆庶者 雨順時。如古之盛時,五風十雨也。由是則五穀收成,必豐盛而殷實 ,國土所有眾生,皆宜有咒,隨有此咒之地方 ,謂各安居樂業也。 ,即指民眾之多,非局 ,能信受奉持 ,方感天

#### 午三 惡星不現

# 銷,不著其身,晝夜安眠,常無惡夢 亦復能鎮, 切惡星,隨方變怪,災障不起,人無横夭,杻械枷

反常曰變 鎮者壓也,以此神咒,亦復能鎮壓一 異餘曰怪 如前彗孛飛流 ,隨其所感之方而現;彼國眾生,本所不見 切惡星 。 星各有方 ,故曰隨方 變怪 者

亦復不聞;蓋人事作於下,天道應乎上,然變怪既已不 ·興,災障自然不起。災不

晝夜安眠 起 則各盡天年,故曰人無橫夭;障不起,則相安無事,故杻械枷鎖 , 常無惡夢者 :畫為覺時 , 夜為臥時 , 安眠者 , 無有夢想也 ,不著其身 謂災障既

無,自然臥安覺安,夢想亦安矣!

首;復有八大惡星,以為其主。作種種形,出現世時,能生眾生種 阿 難 !是娑婆界 ,有八萬四千 • 災變惡星 ,二十八大惡星 而為· E

種災異。

乃應眾 者 東方七星 , 為四方之經,八大星者,為循經之緯也。二十八星, 娑婆界者 生煩惱之數 ,依 《孔雀》 ,五濁惡世, 0 災變惡星者,惡不自惡 ,謂:昴 故有惡星 畢 觜 淨土無之。八萬四千者 、參 , 因災而變 井 鬼 ` 柳 佛經世典,大同 ,故云災變惡星 0 而 , 乃周 世 典 列宿之總 則 角 小異,如 亢 一十八 數

而世典 房 、 心 , 則井 尾 ` 箕也 鬼 柳 南方七星, 、星、張 、 翼 依 《孔雀》 、軫也。 西方七星,依 謂 : 星 ` 張 《孔雀》 翼 ` 軫 謂 角 : 房 亢

氏

氏

室 依 心 《孔雀》 、尾,箕、斗、牛、女。而世典,則奎、婁、胃、昴、畢、參 壁也。 ,謂:虛、危、室、壁、奎、婁、胃 或 《孔雀》 約災變,而世典約常度;言地方清寧 。而世典,則斗、牛 ,則四七各住本位 、觜也。 、女、虚 北方七星 一、危、 , 若

災難將 起 則四七遞互交錯 ,能統領八萬四千, 而為上首

形 天象 羅 、計、孛也。以為其主者:以為八萬四千之主。二十八大惡星,以為其帥 或 復有八大惡星。長水謂:金、木、水、火、土、羅痥、計都、 ,下應人 商 羊舞水 事 , , 石燕 順 則 飛風 為福 , 應, 如為小兒, 逆則為災應。儒書所謂惠迪吉 幻出歌謠等 0 出現世時 , 從逆凶 能生一 彗,有謂五 切眾生種 作種 上列 屋與 種

種患變災異,非常不測之事。

#### 有此咒地,悉皆消滅。十二由旬,成結界地,諸惡災祥,永不能 溫 陵日 :以咒力叶乎百順 ,故惡變悉滅於天,災祥不入其境 有此秘咒之地

則能反凶為吉 ,所有災象 ,悉皆消滅 由 同者 ,正云踰善那,此云合,猶此之驛站

也 乃輪王巡狩,一停之舍。由旬有三種:大者八十里,中者六十里,小者四十

成結界地者:百靈呵護。諸惡災祥,永不能入:祥者,吉凶之先兆也;災祥當

是凶兆,不取吉祥之義。二詳伸護生助道以出由竟

里

0

卯三 承明行人必證以結勸 分四 辰初 保護安隱 遠離魔冤 不犯四過

四 必得心通 今初

是故如來,宣示此咒,於未來世,保護初學,諸修行者,入三摩

# 地,身心泰然,得大安隱。

之士,有力降魔故。入三摩地者:以從耳根圓通,入正定者。身心泰然;內外身 護初心修學 承上持咒 。而不言現在者,以現在佛世,魔不得便,故而不言。久修者 ,能獲如上種種利益,由是之故,如來宣示此咒,留於未來之世,保 ,以久修

#### 辰二 遠離魔冤

心,解脫自在,得大安隱也。

更無一 切,諸魔鬼神,及無始來,冤横宿殃,舊業陳債,來相惱

#### 害。

横禍之宿殃,陳舊未了之業債,來相惱害身心,令三摩不成也。 更無一切者:神咒保護之力。諸魔鬼神:如後陰魔中說。及無始劫而來,冤對

#### 辰三 不犯四過

#### 戒,所受戒主,逢清淨僧,持此咒心,不生疑悔 汝及眾中, 諸有學人,及未來世,諸修行者 依我喧場 0 如法持

汝及眾中,諸有學人:指三果以前之教。及未來世,諸修行者:未來尚資保

護 現會益當信受 ,依我壇場 , 所定儀軌 ,如法持戒 , 皎 如冰霜 0 所受戒主 **一,逢清** 

淨僧 **持此咒心,不生疑悔** 0 《正脈》云:不犯四過 , 壇差,二戒缺,三師穢

四疑悔,犯一則難現生取證,惟種遠因而已。

#### 辰四 必得心通

# 是善男子,於此父母,所生之身,不得心通,十方如來 • 便為妄

#### 新的。

是也。 憶 佛不謬矣 於本經三卷畢 H 充 心 地 通者 , ,八萬 ,明了藏心,以獲圓通者,則十方如來,所說之法,便為妄語。《指掌疏》云: 有 亦 是善男子 余謂設或自力現證 ·利根者,不起於座,得須陀洹果。既證初果,能斷見惑,如阿難位居初果 必蒙佛現助 ,即是心 四千恆河沙劫 !設或心精通脗 ,不犯四過,於此父母,現前所生五蘊之身,不待後身,若不能得心 ,大開圓解 地開通 0 如前略示定慧云:我自現身 ,周徧了知,得無疑惑矣。二備彰威力竟。 ,果能如上所說,不犯四過,自然心地開通 , ,必得圓解大開;如前三七定後云:端坐安居 , 謂不歷僧祇獲法身 決定必得宿命 , 如前圓證通明云:是人應時 ,即使其身心聖果未成 ,至其人前 , 摩頂安慰 併前大科,二如 ;設或自力未 ,決定自知成 , 令其 ,心能記 ,經 一 百 開 悟

說是語已。會中無量百千金剛,一 來重說竟 兩天統尊眾 癸二 會眾願護 Ξ 分二 八部統尊眾 子 初 外眾護持 四 照臨 三字眾 時佛前。 內聖護持 五 合掌頂禮 地祗天神眾 子初分五 丑初 ,而白佛言 今初 金剛力士眾

#### 如 佛所說 ,我當誠心,保護如是修菩提者 0

掌頂禮 提者 金剛者: 謂 , 而白佛言 修耳 T 根 圓 通 即手執金剛杵,乃力士眾也。無量百千,極言其多也。一時 : 如佛所說神咒 , 乃得菩提之正定 , 有如是利益;我當至誠 , 由護咒所以護人 亦藏王眷屬之類 ,保佑護持 , 如是修菩 佛前,合 非是

### 丑二 兩天統尊眾

後文之菩薩也

爾時梵王 : 審 有如是 並天帝釋,四天大王,亦於佛前, ,修學善人,我當盡心,至誠保護 同時頂禮 ,令其一生,所作 , 而 自 佛

#### 如願。

生之中 菩提 有 也。 梵釋二天統尊,四天王為帝釋外臣,亦於佛前同時頂禮,而白佛言:審有 所謂不歷僧祗獲法身也。 如是持咒修學耳根圓通者 凡有 所作 悉皆如願也 《正脈》 0 即 《指掌疏》云:一生所作如 為純善之人,我當盡心至誠保持衛護 云:一生如願謂令現生取證 願 者 : 即 及心 於現身圓滿 ,令其一 通 也 ; 果

此入理悉檀。若作事事如願,即餘三悉檀矣。

### 丑三 八部統尊眾

誓願 Ŧ, 復 有無量 頻那夜迦 ,護持是人,令菩提心,速得圓滿 ,藥叉大將,諸羅剎王,富單那王,鳩槃茶王 ,諸大鬼王,及諸鬼帥, 亦於佛前 0 ,合掌頂禮 , 毗 ,我亦 舍遮

此曰大將、曰王,皆統尊之義。亦於佛前頂禮,而發誓願,護持是誦咒修習之

令菩提心速得圓滿者:上求佛道之心,速得圓滿成就也。

### 丑四 照臨主宰眾

官 復 有無量 ,諸星眷屬 日月天子, ,亦於會中, 雨師 頂禮佛足,而白佛言:我亦保護是修行 • 雲師 • 雷 師 • 並電伯等 • 年歲巡

,安立道場,得無所畏

師者 日月為世界照臨之主,一四天下, ,電稱伯者:長也,即統尊之號。年歲巡官者:即司年值歲,監察人間所有善 對日月 ,故云無量 0 風 雨 ` 雲 ` 雷 而 稱

護是修行耳根圓通之人。安立楞嚴道場,令其尅期取證,心安如海,得無所畏也 惡之巡官,如十二宮神之類。亦於會中,頂禮佛足,而白佛言:見賢思齊,亦願保

## 丑五 地祗天神眾

神王 復有無量 • 無色界天 , Щ 神、 ,於如來前 海神,一切土地,水、 • 同時稽首,而白佛言:我亦保護是修 陸、空行,萬物精祇。 ·並風

# 行人,得成菩提,永無魔事。

精靈者 云 : 無色界天,憑何稽首?答:舜若多神,如來光中,映令暫現,亦得受樂。如 風 地 神也;無色界天:即四空天也。於如來前,同時稽首,而白佛言:或云風神王 即 非想等天若無色者,云何得有去來進止? 復有無量山神, 主地 如藥草樹林,苗稼神等 神 , 如堅牢地神之類 即主山神, 0 0 如五嶽之類;水神,即主水神,如四瀆之類 水陸空行者:此舉三居,以該 以上乃有形之類,下屬無形之類 《阿含》 云:舍利弗滅 5一切神 0 風 紙也。 無色界天 神王:即主 《涅槃》 萬物 ; 土

淚下如雨

,是皆顯其無麤色,有細色也。故

《中陰經》

云:無色界天,禮拜世尊

則今之稽 首 , 即禮拜也。 我亦保護,是修行人,得成無上菩提 , 中間永無魔事 初

內聖護持 分二 丑初 顯本久護 = 正明護持 今初 外眾護持竟

爾 時 0 八 萬 四千那 曲他 0 恆河 **.沙俱胝** • 金 削藏 王菩薩 0 在 大會中

#### 即從座起 • 頂禮佛足 • 加 白佛言

持杵忿 即有 正智 者 用 剛 , , 以立 以 秘 此 , 明 萬四千 以其根· **远護持** 從 怒金剛 內聖 如 名也 來 金剛 芝相 , 金 本 0 , 蓋首楞嚴定 故 ·無明 剛 心內 稱 0 藏王菩薩 藏 , ;慈威 寶鏡疏》 最細最堅, 所流 常隨 ,亦名金剛三 特勝 出也 , 管護 云 發願護咒 : 若非 , 故能 折攝 金 剛 金剛正智 **哈宿障** 昧 藏 並 0 行 王 , 《正脈》 所以 者 , 故 , , 破無明 ,則不能破故 稱王 依究竟堅固 地上菩薩 云:證究竟堅固之理 0 菩薩是其常儀 , 翻 , 轉塵 破 , 如來藏 。此咒心亦稱金剛 除 無明 勞 而 心 , , 皆用 降 成 ,故稱金 , 全體 魔 法 金 則 剛 大 現

世尊 • 如我等輩 所修功業 ,久成菩提 , 不取涅槃 • 常隨此咒 0 救

金

剛

正

智

也

# 護末世,修三摩地,正修行者。

圓通之人 取菩提, 世尊!如我等輩,指同行菩薩,所修功業,歷位斷證久矣!當成菩提 而證涅槃,而實圓住三秘密藏 。正修行者:謂持戒誦咒,方得遠魔離障 ,常隨此咒 , 救護末世 為正修行 ,修三摩提 此表其不捨眾生 ,現在不 , 指修習

#### 丑二 正明護持

帶果行因

一,以酬護生之本願也。

世尊!如是修心,求正定人,若在道場,及餘經行,乃至散心 ,遊

#### 戲聚落 。我等徒眾 ,常當隨從 ,侍衛此人。

菩薩 於人煙集聚 求正定,不能攝心 工夫。及於餘處經行,持誦秘密咒心,此是正定聚者;乃至散心,遊戲聚落,謂欲 世尊 皆有諸金剛眾 !如是修心 ,村落之中, ,乃至散心,雖然散心,不忘誦咒,此是不定聚者;閒遊嬉戲 ,修三摩提 , 而為眷屬是也。又前云:設有眾生,於散亂心,此不定聚 此是邪定聚者;我等徒眾,指所統領眷屬 ,求得楞嚴正定之人,若使在道場靜坐, 0 如前云: 專修反聞

者 也 此 非三摩地, [正定聚也。此則直言俱護耳,故曰常當隨從侍衛此人,亦顯為法為人之深心 此邪定聚也。心憶口持,是金剛王,常隨於彼,何況決定菩提心

#### 縱 ||令魔王,大自在天,求其方便 ,十由旬外;除彼發心,樂修禪者 ,終不可得 0 諸小鬼神, 去此善

也

亦有發菩提心,好樂修禪之者,願隨行人,親近修習,故不袪除,準許隨從也。 旬 可乘 白 外;前 **年**, 也 縱令魔王:欲界頂天;大自在天:即色界頂天。摩醯首羅天王,三目八臂、騎 執白拂 , 有菩薩救護故 云, 有此咒地, 此二魔王天,貪戀塵勞 0 諸 十二由旬 小 鬼神者:指魔民魔女等 ,成結界地 ,惱亂正修 。除彼發心,樂修禪者:諸魔鬼神 0 求其方便,終不可得者: ,去者離 也 , 離此善人 十由 無隙

# 世尊!如是惡魔,若魔眷屬,欲來侵擾,是善人者,我以寶杵,殞

#### 碎其首 ,猶如微塵;恆令此人 ,所作如願 0

世尊!如是惡魔:指上二魔王天,常欲惱害正修,故以惡魔稱之。若魔眷屬

若涅 首 答 誨 故 此 以 指 寶杵 人 上 云 操殺 言猶 本 諸 如父母之於兒女,笑罵皆為教道 如 小鬼神 所 無 願 **浜** 膜 怒 闡 在耳 也 作 殞碎其首 提 如 0 願者 , ,是其伴侶 , , 顽 指 遽發是願 仙 掌疏》 其恆 預誅 : 猶 恆者常也 如微塵 令如 淨行 云 : , , 故 應 願 , 以眷屬 間 皆住無緣慈 為 : , , 殞滅 亦非喜愛 佛呵 常時 : 菩薩 稱之。 救護此人 ,菩薩之於眾生, 也,寶杵擬之,其首 , 若果杵碎其首 以慈悲為 , 得一 欲來侵惱擾害,修三摩提之善人者 必以如是之人 , 子地 本 凡 所 , 修為 + , , 乃能 犯殺 折攝俱屬拔濟。 重 即碎 以殺 ,乃可發如 , 違慈 悉皆 如 是 戒 ,不待觸擊也 為 如意 0 , 是知 其如菩薩 先 (是)願 , , 故孤山云 離諸 況 此之杵碎其 復 , 如 行 四 障 恆令 何 種 難 我 ? 明

能 根 便 促入者 根 而 正 稍 耳 1門深入 利者 脈》云: 方 用後門助之。 , 固不 是為 自初華屋請修,以至此文 必道場等 正修 問 , 而道 助 , ]場持咒, 此 而 既 自 脱 周 纏 皆為 ,當為巧修正助周 以 何 入 無證悟之人?」答: 圓 助 行 通 0 是 如 阳 知方便修人, 難 是 。夫二修雖皆最初方 也 根 證悟在 自 稍 鈍 分利 , 而 鈍二 不

回

非為

無故

幸勿以大鵬比爲

鷃

也

之末,此但助行,故無證悟。其於經題,四實法中,正屬修證了義耳」。壬二重請

深入竟。(時周) 神咒竟。併上大科道場加行竟。再併前正宗大科,己三說三摩修法,令從耳根一門

楞嚴經講義第十八卷終

# 大 佛頂如來密因修證了義諸菩薩萬行首楞嚴經講義第+九卷

福 州 鼓山湧泉禪寺圓瑛弘悟述受法弟子明暘日新 敬校

# 己四 說禪那證位,令住圓定,直趣菩提

律儀 員 聞中入。又云:旋汝倒聞機 中修證了義;佛敕文殊選擇。 中如來密因 菩薩萬行。 丽 ,道場定慧,併親聞神咒,則巧修正助已周 此文乃答阿難妙禪那之請 悲欣交集 因前阿難妙奢摩他之請,佛為說奢摩他路,令悟密因 。次因阿難妙三摩之請,佛為說三摩修法,令依耳根,一門深入 ,是中修行, , 偈云:此方真教體,清淨在音聞 得無疑惑,復愍末世, 反聞聞自性 。佛為說禪那證位 ,性成無上道,圓通實如是。 ,令住圓定 請示道場加行 ,直趣菩提 ,欲取三摩提 , 大開 。佛復為說 而 圓 , 即題中諸 阿 解 難 , 即 實以 **阿重** 即 心迹 題 題

慧 住在圓定之中,定慧均等,不偏空有二邊,中中流入,薩婆若海,帶果行因 0 雙躡 此下阿難請問位次,佛為說妙禪那 前奢 |摩他 ,即定之慧,三摩中即慧之定,成一 ,梵語禪那,此云靜慮,靜即是定 圓定;是已登圓教初住 ,慮即是 ,經歷 , 令

修 Ŧ. 十五位 無證之證 , 真菩提路 。前修證 ,任運修證 了義 , 乃 自 ,直趣無上菩提 利行 , 此 為兩利 , 方 為 一 行也 期修證事畢 圓滿菩提 歸 0 此亦無修之 無所得 本

庚初 阿難謝教請位 二 如來對示緣起 今初

科復

分為二。

漏心 阿 難即從 ,未求出離 座 起 • 頂禮 ,蒙佛慈誨,得正熏修,身心快然,獲大饒益 一佛足 • 而白 佛 言 • 我輩愚鈍 • 好為多聞 • 0 於諸

正 諸 愚 助熏修 漏 , 既悟 根 心 不 , ,楞嚴大定 未能 利曰 圓 通 本根 鈍 進 斷 , 由 細 , 又聞道場修法 ,故身心快然安樂,今日獲大豐饒利益也 惑 智 劣故 , 以求 , 但好 出離 多聞 , 0 欲謝佛恩, 現前蒙佛慈誨 , 未能思修 故 者 正定 即從座起 : 即 , 選根 得證 , 頂禮 加行 員 通 仰白 , 兩 由 重 根 0 智 不 深誨 鈍 故 勝曰 , 於

四心 , 至 何漸次 • 得修行目?詣何方所 • 名入地中?云何名為等覺

菩薩?

尊

!

如

是修證

•

佛三摩提

,未到涅槃

0

云何名為乾慧之地

? 四 十 地地證 增進 文,次序方合。漸次即三漸次:一者修習,除其助因;二者真修, 次 初 四心 佛 住為 , 最初所修三摩提 得修行目 此 即十信 ?明當機已悟正助熏修之法 違其現業 真 十信 , 各有方所分劑 也 、十住、 : 0 0 況後 此二句應在三摩提下, 得修行目者:即辦道之眼目也。 初住 ,從始至終,但未到極證涅槃之前,云何名為乾慧之地?四十 十行 , , 、十迴向 不相踰越 明言發此十心,又云十用涉入 ,復請位次也。如是指法之詞,發心修證 、四加行也。 ,名為深入十地之中;云何修習 後再接未到涅槃,云何名為乾慧 《楞嚴》 詣 何方所者: 十信 通 ,與他經不同 成 以十地地 **刳其正性;三者** 心 , 進 也 斷 地 , ,十方諸 與下 生相 ) 斷障 至 因開 何 Ē 無 漸

# 作是語已。五體投地,大眾一心,佇佛慈音,瞪瞢瞻仰 0

明

名為等覺菩薩

大眾多人一心, 作是語已 ,五體投地者:請法之誠,五體並投於地。大眾一心,佇佛慈音者: 佇待如來慈悲法音 0 瞪瞢瞻仰者: 兩目直視於佛 , 瞻仰待教也。 初

大佛頂如來密因修證了義諸菩薩萬行首楞嚴經講義第十九卷

阿難

謝教請位竟

## 庚二 如來對示緣起

生 , 輪 迴諸 二緣 趣 , 皆 0 心 悟 由心起。心迷,則依本覺,而起不覺,即染緣起 , 則依 不覺 , 而起始覺 , 即淨緣起 , 上歷五十五 ,徧 位 成十二類 , 究竟涅

槃。

此 科即分為四 :辛初 如來許說大眾承聽 所依真如為諸法源 示染緣

起徧成輪迴 四 示淨緣起歷成諸位 今初

卌 爾時世尊 無上正修行路 • 切眾生 , 讚 0 • 阿難言:善哉善哉!汝等乃能 汝今諦聽 修三摩地 • ,求大乘者 當為汝說 0 , 從於凡夫 阿難大眾 **,普為大眾** • , 合掌刳心 終大涅 槃 • 及諸末 , 懸示

受教。

乘 生 入佛知見。始從凡夫,由三漸次,終至妙覺 發 重 灩 利他心 阿難言 ۰ ,善哉,善哉者:一讚其自己,得正熏修;二復為大眾, 凡修楞嚴 正定, 求大乘者 ; 如前 ,大涅槃果海 云 , 汝等若欲捐捨聲聞 其間 經歷 及末世眾 , , 修 所有五 **||菩薩** 

十五 舟 曲 果海是聖 相 剔去 位 汝今諦實而聽 ,真菩提路 (其實 ,而非是路 , 而 虚其 。願其預先,懸為指示,無上菩提 , ,正令現未 當為汝說 中 也 0 即刳剔緣慮分別之心,一念不生, ,修正定者,中中流入。從始洎終 0 阿難與諸大眾,合掌刳心: ,正修行路;三漸 刳剔去也 默然領受教法矣 、,中間 是凡 , 如刳木為 永無諸委 , 涅槃

# 辛二 所依真如為諸法源

初如來許說大眾承聽竟

## 佛言:阿難當知 ,妙性圓明, 離諸名相,本來無有,世界、 眾生 0

云 來離 相 變 ٥ , 性真 諸 妙 以真 此舉所依之真 沼相 性圓明:即妙真如性,圓滿十虛 常中 如 具有不變 , 名言未立 , 求於去來迷悟 , 要阿難起智觀察 ` 一,相狀 隨緣二 生死 未彰 義故 , , 0 豈有世界眾生 了無所得 當 0 , 真 知真如界內 明照無二,彌滿清淨 (如為染淨諸法所依之源 0 亦如六祖所云:本來無一 ,種種名相之可得?如四科 , 絕生佛之假名 ,中不容他 而 , 不 離 物 海 諸 染淨之諸 其體本 何處 總文 法所

惹

塵

埃

此說真如門

下說生滅門

# 因妄有生,因生有滅,生滅名妄:

受生。 顛倒,乃至十二類生。此依染緣起,而立眾生世界之名相也。 諸妄之根源 之名相。此三句,略示染緣起。因妄,即因最初一念無明妄動 上約其體,清淨不變,下約其用,隨緣自在。隨迷悟緣,循染淨業,故有生佛 因有妄生,必有妄滅,生非真生,滅非真滅。 0 有生者 ,即三細俄興 , 六麤競作 ,遂有無情之世界發生, 故曰生滅皆名為妄。故有二種 ,此生相 無明 有情之眾生 , 而 為

# 滅妄名真,是稱如來,無上菩提,及大涅槃,二轉依號

轉依號 槃之名相也。無上菩提:佛之智果,乃轉煩惱而成;大涅槃:佛之斷果,乃轉生死 漸次,五 而 得 此略示淨緣起 是知煩惱生死,菩提涅槃,乃生佛迷悟 , 亦非實有體性 十五位 ,正修行路,直趣妙覺果海,是稱如來;此依淨緣起,而立菩提涅 0 由知生滅名妄 ,即所謂涅槃生死等空華是也。二所依真如為諸法源竟 ,乃欲滅妄,方名為真 ,輾轉相依,二種名號而已 ,遂乃發心修行 。故曰二 故有三

辛三 示染緣起徧戍輪迴 分二

壬初

勸識二倒

別明二倒

## 界,二顛倒因。顛倒不生,斯則如來真三摩地 阿 .難!汝今欲修,真三摩地,直詣如來大涅槃者 0 先當識此眾生、世

心,本周法界,不從人得 大 落支歧。故此耳門,即十方薄伽梵,一路涅槃門也。欲修此門,先當識此眾生、世 手 聞 照性 念不生 , 二種 即 可 此明須識二倒之因 '以直詣 有情世界 , , 即 即是首楞嚴王 頭倒 顛倒 (往也) , ,有情眾生,分之為二,皆由最初一念顛倒 生起之因 |不生, 如來大涅槃。從因至果 , 0 。初勸識二倒竟 故呼阿難而告之曰:汝今欲修真三摩地者 斯則如來真三摩地 如幻三摩提 。此世界, , 是有情世界 全性起修 ,中間經歷,五十五位,真菩提路 0 即所謂狂心若歇,歇即菩提 ,全修在性 (即十二), ,以為生起之因 , 非器世界也。二顛 故名為真 ,但向耳門, 0 由 ,勝淨明 **[;倘若** 耳 門下 反 倒

別明二倒 分二 癸初 明眾生顛倒 明世界顛倒 癸初分三 子初 從真起

# 二 迷本難復 三 成業感果 今初

妄

阿 |難!云何名為眾生顛倒 ?阿難!由性明心, 性明圓故 • 因 [明發

#### $\frac{1}{2}$

# 性,性妄見生,從畢竟無,成究竟有

妄現 見故 即論 之性 明之無明 者 性 本自明 相現力 因妄 此 , 由 云:依動故能見(即轉) ?明真如隨染緣,從真起妄。初句徵問,下釋顛倒之因。由性覺妙明之真心 遂成究竟有相之境界 [無明力,轉本有之智光,為能見之妄見生焉;即所既妄立,生汝妄能,亦 加明於覺體之上 , , 性即所生之業相;亦即論云:依不覺故心動(#\*)。性妄見生者: 圓照法界,此依性明體中, 此妄相 ,惟以一念無明 ,遂發生業識之性 0 ,即無同異中 從畢竟無,成究竟有者:從畢竟無名無相之中 ,虚妄而有 圓具十法界之故。下起隨緣妄用 ,熾然成異 , 此句 也 即性覺必明 ?;亦即論云 , 因 :依能見故 明立 所 0 因明發性 0 明 境界 業識 由妄 即 能

# 此有所有 ,非因所因 ,住所住相,了無根本。本此無住,建立世

## **乔,及諸眾生。**

能 有 首句 似是所依 此 有 : ,以能為三細諸相所依故;三細諸相為所有 即 能有之無明 ;所有 : 即三 一細之諸相 0 二句 ,似是能依 ,因者依也 , 以 依 無 無明 明 為

有故 故 住所住相者:以眾生為能住,無明為所住,既所住之無明本空,而能住之眾 。其實無明,非真所依,諸相,非真能依,故曰:非因所因;以無明無自體

生

,

**豈得實有哉?故曰:了無根本;以二皆虛妄故也。** 

說器界世間。本科唯明眾生顛倒,世界二字,但順便帶言而已。初從真起妄竟 眾生,皆依之而得建立也。若是,生先界後,方是說有情世間,今界先生後,方是 妙明之真心耳。此心為無住本,不但為眾生之本,而山河大地之世界,及與一切之 本此 無住 ,建立世界,及諸眾生者:承上眾生世界,既同一虛妄 ,則惟有性覺

## 子二 迷本難復

# 迷本圓明,是生虛妄。妄性無體,非有所依 0

體 言真不變,而妄本空也。然妄既本空,則妄無可離;真既不變,則真無可復矣!圓 。眾生特為迷此不變之性體,是生虛妄之惑業。而追窮妄性無體 《正脈》云:妄業不能虧曰本圓,妄惑不能蔽曰本明,此本圓明,即不變之性 ,亦無依據 總

頓行人,但要知真不變,達妄本空足矣!

真 不 ·變則不須復,妄本空則不須離。如 《圓覺》 云:知幻即離,離幻即 0

念回光,便同本得。

#### 將 欲復真 ,欲真已非,真真如性 ,非真求復,宛成非相 0

即前 行岸移矣。二迷本難復竟 見 非 即 前 相者 乖 云:菩提心生,生滅心滅 , **強云** 首句 如 如 : 《圓覺》云:未出 非真 張拙 : 言妄顯諸真 若久處輪 , 《悟道偈》云:斷除妄想重增病 即生滅妄心也,以生滅之心 迴 ,妄真同二妄 ,心生疲厭 [輪迴 , 此但生滅 , 而辨圓覺 , 分,故曰 將欲離妄復真 0 以一真之性 ,彼圓覺性 , :宛成非相 求復真常之性 ,趣向真如亦是邪。非真 , 有欲復真 ,不容起見 , 即同流轉。 ;非相即妄也。 , 則真常亦成生滅 , 已非 2,舉心 如雲駛月運 真 求復 即錯 貧如 以妄心 () 宛成 性 , 起妄 動念 矣 矣 舟 !

### 子三 成業感果

感 生 • 因有感業 非住 一、非心 ,相滅相生,由是故有 • 非法 • 展轉發生 ,眾生顛倒 • 生力發明 0 0 熏以成業 0 同業相

父母 生非 因彼業 力發 無明 胎十月, 即 惑備矣! 見明 笙 住 崩 此 , 以生身 **;**非心 明 色發 同 者 無明 出胎成人,故有眾生顛倒之相。初明眾生顛倒竟 細 熏以成業者:諸惑熏習 ,乃得相感潤生之惑;於父母有緣處,正當交遘之時,見有明相發現 : 發 , ,下則境界長六麤 非法 應之 明見想成 7明即顯著義 屬生相,業識屬住相,見分屬心相,相分屬法相,一一 ٥ ,皆是虚妄。然妄上加妄,故曰 因有相感之業 ,異見成憎 , 以展轉發生之力 , 由法相引起智相 ,能成諸業,即起業相 , 、會合則中陰之相滅,胎中後陰之相生 同想成愛 , 漸 。父母感子女,以受生應之;子女感 漸 、相續相 顯著 展轉發生 。同業相感 , 生起 ` 執取相 0 此句雙貫上下, 七轉識之麤相 ,即業繫苦 ` 非真 計名字相 , ,故曰非 由是在 則諸 , 此 柏 0 生 則

关 二 明世界顛倒 分三 子初 釋世界之名 二 示熏變之相 Ξ 辯輪迴之狀 今

初

所 阿 難 因 • !云何名為世界顛倒?是有所有 無住所住, 遷流不住, 因此世成 **,分段妄生** 。三世四方 • 因 ,和合相涉 此界立 • 非 团

大佛

# 化眾生,成十二類

生之根 是有 界相成立 文 同 上科 , 可 此 所 不重敘 別 身 有 ,由性明心 ?明世界顛倒,屬有情之世界,亦從真起妄。初句徵問,下釋顛倒之因 ,究其所以,積妄相成故也 ; 由 此 [無明妄力,攬塵結根,所以分段之妄身生焉。因此虛妄,前後左右之 ,以是有所有 略 而 三不敘者 性明圓故,因明發性,性妄見生,從畢竟無, ,接成究竟下自明 因此世界 , 即眾生身中之世界,故以前妄因 。 是有:指能有之無明;所有:指眾 成究竟有 雙貫此 下接 應

故變化眾生, 過 來 世涉入四方 一四亦 無住 、 現 非因所因 成 、未來,遷流不住,因此虛妄,而三世成矣。三世四方,和合相涉者:以三 , 十二 而 , 有 亦應其數,成十二類。是知十二類生,皆由一念無明,妄心之所熏變 ;方世和合 四方各有三世, 所住之相 無住所住者 ; , 皆由眾生,妄執四大為身 即 :無明本空 前云: 則四三成十二;以四方涉入三世,三世各有四方 · 身中 ,非是真因, -貿遷 ,世界相涉 , 而為世界所因;世界亦空 從始洎終 0 不思議 ,念念生滅 熏 , 不 忠議 , 所以 , 本 , 則 變

也。初釋世界之名竟

## 子二 示熏變之相

#### 味 是故世界 • 因味知法 因動有聲,因聲有色,因 。六亂妄想, 成業性故,十二區分 .色有香,因香有觸 ,由此輪 轉 • • 因觸有

之果 之義 熏 法 愛著 起 動 ٥ , 顛倒 。所謂 發為六塵 無而 觀 動則有聲,故曰因動有聲。因此動念習氣熏變,故有狂華,於湛精明 此 0 , 故曰 正示熏變之相,是由無明妄力之故,則有世界妄生。推 知字屬意根,以後例前,必有聞聲見色等義。此總顯一念妄想,由習氣內 因此返熏氣分,令心觸境 忽有 以 熏以成業 因 為十二類生,受生之因 ,塵必對根 .觸 , 故曰因聲有色。 有味 ,業必感果。 ;以味即愛著之義 ,根塵相對 因此色境,返熏妄心,故曰因色有香。 ,故曰因香有觸;觸即對 由此輪轉諸趣, 0 ,識生其中。 業因既成 。因此緜愛味著 生死不休,豈不可畏哉! 業果必隨 六亂妄想 , 也。 攬 , , 為法塵 故感十二區分,受生 熏成業性 因此心境相觸 原其故, , 故 以香有能 : 因 業性 ,無因 曰 因 無 , 竝 味 明 即 生 亂 知 熏 風

# $\begin{array}{c} 1\\1\\3\\0\end{array}$

#### 是故世間 。聲、香、味、 觸 ,窮十二變。 為一 旋復

0

十二類 窮十二 顛倒 生聲 迴不息, 必約六塵變化者, 此 ,依業種 變 乃至 \明循麈旋復,是依因感果之故。世間聲、香、味、觸 生 故類生所以常有也。二示熏變之相竟 , , 為一 類 菲 無想聲 《類具十二顛倒,依最重 ,先後成熟,先後感報,窮十二變,為一次旋復,再起第二旋復 旋復 以六塵為造業之緣, ,當作二釋:一 色等諸塵 ,亦復如是,窮十二變為 如一 者先感報 業性為輪迴之因 一聲塵 ,如想重,先感卵生果報 ,類之不同 。因緣和合 , ,略舉四塵 週 對類 變化 旋復即輪 , 虚妄有生 , ,仍具六塵 卵 0 如是 生聲 迴 。然 , 胎 亦

無色、有想 此輪轉 辨輪迴之狀 ,顛倒相故,是有世界,卵生、胎生、濕生 • 無想、若非有色、若非無色、若非有想 分二 丑初 列類生之名 二 示類生之果 **一、化生** 、若非無想 • 有色

迷位 此 顯 乘此輪 感染緣起 轉: 乃有世界顛倒亦成十二類之故 而 徧 成輪 迴 0 如能 [返迷歸] 悟 , 則 ,此不獨惑現併由業招 可成淨緣起 而 上 歷聖位 。若無十二 茲約

列其名 緣 輕舉 緣 不必暖緣。 形 顛 倒 ,父緣、母緣、自己業緣、與父母合,再加暖緣,而得受生。胎生具三緣與上同 0 厭故喜新,便得脫蛻 化以 ,則惑不起業不作,十二輪轉 故多能飛 每以四生為一聚、三四十二,不出情想合離,更相變易。 離 濕生二緣,但以業緣合濕,而得陽光暖相之緣,即便得生。化生只要業 應, 但以業力,離異脫蛻。此四生以具緣多少,而為次第。卵生具四 。胎因情有,情性沉重,故不離地。濕以合感,乃以業力,合濕成 ,何自而來?是有世界:即十二 卵因想生, 類有情 世界。下 想性

等 離 有 想 ;非無色情合而離,是咒詛厭生;非有想想離而合,是蒲盧等;非無想想合而 想想 為一 是土梟破鏡等。 下八生, 而合 聚 , 0 有色、無色、 《灌頂》云:有色情而合, 是鬼神精靈;無想想而離 此且總標,下詳其相 有想、無想、為一聚;非有色、非無色、非有想、非無 ,是土木金石 0 是休咎精明; 初列類生之名竟 ;非有色情離而合, 無色情而離, 是空散 是水母 銷 沉

#### 示類生之果 gill 寅 初 別列類生 勒成名數

大佛

頂

合相涉,變化眾生,成十二類。正明皆由世界顛倒 十二亂想。下文云:一一類中 類中 此 一十二類中,一一皆云,因世界者,以前文,世界顛倒文中云:三世四方,和 乃從重者,感報受生,非只此一種顛倒亂想也 ,各各具足,十二顛倒。又云:具足虛妄亂想,今每 ,虚妄有生也。共有十二顛倒 0 此科即分十二。

#### 卯初 卵生

沉亂想 阿 ·難!由因世界,虚妄輪迴,動顛倒故,和合氣成,八萬四千,飛 0 如是故有 ,卵羯邏藍 ,流轉國土,魚、鳥、龜 蛇 ,其類充

#### 寒

展轉不息,故成輪迴性。 此 卵生一 類 ,由因世界顛倒 動顛倒屬惑,以想性輕舉為動,與不動真心相背 ,虚妄有生。卵惟想生,虚妄 印是想 ,由虚妄想 ,是名顛

和合氣成 ,八萬四千 , 飛沉 え 此依惑起業 0 卵 以氣交 ,如雄鳴上風 倒之惑,有惑必定起業

下風 故名和合,氣即業也 。八萬四千 :按塵勞之數 0 氣有剛柔 剛者成飛揚之亂 雌 鳴

想,柔者成沉滯之亂想

傳流 有 即 展 如是故有 轉 有 |因有 , 徧 諸 果 卵羯邏 國土 . 卵羯邏藍 0 !藍,流轉國土:此依業受報之相。如是,指上惑業為因;故 魚 ` 鳥 : 此云凝滑 ` 龜 ` 蛇 , 在胎初位 此出本類之名;氣剛飛揚者為鳥 , 胎卵未分之相 , 即所感之果 , 氣柔沉

#### 卯二胎生

滯者為魚等;其類

充塞,極言其多也

想 曲 因世界 0 如是故有 • 雜染輪迴,欲顛倒故,和合滋成,八萬四 ,胎遏蒲曇, 流轉國土,人、畜、 龍、仙 • 千, 其類充塞 横豎亂 0

精交 名顛 正 情 豎者為正 倒之惑 展 此 胎 故名和合滋成 轉不息,故成輪 生一 ,有惑必定起業 類 ,成人仙之亂想;横者為偏 , 亦因 0 滋即精力 迴性 世界顛倒 0 。欲顛倒屬惑,以色貪戀愛為欲,與清淨真心相背,是 交滋潤 和合滋成 ,虚妄有 , 即 ,八萬 業也 生。 成龍畜之亂想。 胎因情有 四千 0 八萬 ,横豎亂想:此依惑起業;胎 四千 , 雜染即是情 , 如是故有 亦按塵勞之數 , ,胎遏蒲曇 由是雜 0 情 有偏 以

龍 曇 流 仙 轉 此 國 云 土:此依業受報之相 此 出 皰 本類之名 ,在胎二七,胎卵漸分之相。 0 情正而豎立者, 0 如是,指上惑業為因; 為人仙 即所感之果,傳流展 ; ,情偏了 故有,即有因有果。 而 ii 横行者 轉 , 為龍 編諸 畜 或 土 , 胎 其類 人畜 遏蒲 充

#### 聖 濕 生

寒

#### 想 由 因世界, 0 如是故有 執 ,濕相蔽尸, 著輪迴,趣顛倒故,和合煖成,八萬四千, 流轉國土 0 含蠢蝡動 ,其類充塞 0 翻覆亂

定 聞 名顛倒之惑 著 ||惑業為因; .香趨 , 故 此濕 展 轉 曰 附 翻 不 生 \_\_ 藉陽 覆 ,有惑必定起業。和合煖成, 息 故有 亂 類 故成 想 氣 由 0 而生 因世 輪 即有因有果 如 是故有 迴 , 异顛倒 性 故名和合煖成 0 趣顛 , 濕相 0 ,虚妄有生。 濕相蔽尸:此云軟肉 倒 蔽 屬 惑 ,即業也 八萬四千 , , 流 以趨 轉國 濕以合感 勢附 。 趨勢之輩 土 , 翻覆亂想:此依惑起業,濕以 利為 : 此依業受報之相 , ,執著即合也。 即濕生初相 趣 , 與湛寂真心相背 惟 利 是 既不入胎 昌 由 0 是執情貪 如 是 翻 : 指 覆 , 無

故 無前二位 0 即所感之果, 傳流展轉, **徧諸國土。含蠢蝡動** , 此出本類之名,覆為

含蠢,翻為蝡動,其類充塞

#### 卯四 化牛

#### 想 由 因世 0 如是故有 界 , 變易輪 ,化相羯 迴 • 南 假顛倒 • 流 轉 故 國 王 • 和 0 合觸 轉蛻 飛行 成 • • 八萬四 其類充塞 千, 0 新 故亂

是名 易新 蛻 自此 新 以 上 一惑業 觸 飛行 , 是 顛 以 類 此化生一 為 為 下 倒之惑 展 而 (轉不 即 因 新故 變 皆 脫 , 類 故 百 故 亂 恴 朝 ,有惑必定起業 成新 羯南 有 想 秦暮楚 , 由因世界顛倒 故成輪 : 0 如是故有 即有因有 , 以是諸 此 0 迴性 出本類之名 愛此忘彼 ; 化相 類 果 0 0 假顛 和合觸成 通 0 ,虚妄有生。 化 稱 , 相羯 羯南 倒屬惑 也 故名和合觸 如蠶 0 此 南 ,流轉國土:此依業受報之相 ,八萬四千 即 化為蛾 : , 此云 以假 化以離 所 感之果 成 硬肉 托因依為假 , 脫行為飛 應,變易 , 即業 新故亂 0 , 傳流 以 也 蛻 **郧**即成質 0 想 ? 即 展 ; , ,雀化為: 隨 與不變真 轉 情 離也。 此依惑起業 , 徧 任 , 意 蛤 故 諸 0 如是 由 如 國 無 , , 厭 脫 相 是變故 土 蝡 故喜 飛 相 : 指 背 0 , 觸 為 轉

潛等 ,皆屬轉變 , 其類充塞。天、獄鬼等 ,亦皆化生,中陰趣果, 速疾無難

#### 卯五 有色

#### 想 曲 因 0 世 如是故有 界 • 留 ,色相羯南, 礙輪迴, 障顛倒故,和合著成 流轉國土 0 体咎精 朔 ,八萬 • 其類充塞 四四 千, 0 精耀亂

故有 大 光 想 通 事 星辰之明 有 明 · 日 月 : , 此依 果 堅 此 色相羯 水火 有 故 執 感起業 色一 耀 色 名和合著成 求 相 。吉者曰休徵 明 ,為求光明色相,展轉不息,故成輪 類 羯 南 , 南 ,流轉 , 與妙 0 著即 由因 , 流 , 明 即業也 國土: 顯著 世 轉 真 界顛倒 ,凶者曰咎徵。 國土 性相背, ,或服日月之精華 0 此依業受報之相 0 休咎精明:此出本類之名, 想托彼之光華 ,虚妄有生。 是名顛倒之惑 在物而為螢火蚌珠 色乃色質 。如是:指上惑業為因; , , 或事星辰為父母 成己之精耀 0 迴性。障顛倒屬惑,以其障礙 和合著成 (,性非 , 或為日月之精華 , 其類充塞 **分八萬** 是為 通 明, , 精耀 以求感格 四千 是為留 放有 亂 想 , 精 礙 ٥ , 或作 即有 如 而 耀 難 遂 獲 亂

#### 卯六 無色

#### 想 曲 因 如是故有 世 界 , 銷 ,無色羯南, 散輪迴 • 惑 顛倒故 流轉國土 和 ,空散銷沉 合 暗 成 , ,其類充塞 八萬 四四 千, 陰隱亂

•

緣散亂 有因有 是故 多神 依 靈 背 不 定果 息 , 有 幽 是名顛倒之惑 此無色一 旋 故 色立 故 果 潛 , 無色羯 神識 風魃鬼等 成 ; 銷 指 0 名 無 輪 類 忇 色 ,故名和合暗成 迴 羯 南 性 無所有處 0 , 南 由 , 空散 , 0 0 皆無色攝 惑 因 流 和合暗成 , 減轉國土 銷沉 |世界顛倒 流 顛 , 轉 倒 銷除七轉識故 國 : 屬 , 對四空天說 土 : 惑 ,即業也。思欲滅色,暗昧陰隱 , 其類充塞 此依業感報之相 : 八萬四千,陰隱亂 , , 虚妄有生 此 以色身障礙為 類既 是無色 ;沉指非非想處 , 空指空 0 無色 患 0 , 如是: 何謂 處 , 0 想: 有欲銷礙 乃滅 , 滅 羯 此依 指上 色歸空, 色歸空故 南 ,沉淪空海故。 ? 感起業 以雖 惑業為因 入空 ,是為陰隱亂 是為銷散 無業 , 散指 與性 0 暗 果色 ; 故有 以至舜若 即 識 色真 想 晦 處 0 空相 不 昧心 展 :

徧

即

妨

如

轉

#### 卯七 有 想

#### 曲 因 世 界 罔 象 輪 迴 , 影顛倒故 • 和合憶成, 八萬四千 潛結亂

大佛

頂

如如

#### 138

#### 想 0 如是故有 • 想相獨 南 • 流 轉 國土 , 神鬼精 靈 • 其類充 塞 0

不息, 如嶽 結 陰 倒 之惑 , 故名 瀆 此 **L**名有想 故成輪 城 0 0 和合億 隍 如是故有 和 ·合億 魑 迴性 類 成 ` 成 魅 , , , 0 謂 想 即 影 八 魍 類倒 相 業 但有想心 萬 羯南 ` 也 四千 魎 屬 0 惑 如 , 精 流轉 此 , , 潛結 靈 而 謬執影像 世 , 國土: 蕳 無 亂 如 實色 , 想 Ш 志慕 此依業感報之相 海 此依惑起業 邪妄失真 靈通 罔象者:若有若無 ` 風 , 精 潛神 , , 祠 聖蹟 0 與法身實相相背 廟 憶 0 土地 神 即 , 愛念憶 結想狀貌 鬼精靈者 , 等 彷彿 , 其 想 不實 類 : , , , 充塞 然後托 神 是 是名 為潛 緣 鬼 顛 想

#### 卯八 無想

#### 想 由 因 0 世 如是故有 界 • 愚 • 鈍 無想羯南 輪 迴 癡 , 類倒 流轉國土 故 • 和合頑 ,精神化為土、木、金、石 成 • 八 萬 四四 Ŧ , 枯槁亂 • 其

#### 類充塞。

息 故 此 成輪 無 想 迴性 類 , 0 謂 癡顛倒屬惑 但有色 , 而 無思 癡迷無智 想 0 愚 , 味暗 謬計無情有命 鈍 , 毀棄 聰明 金石 , 堅牢 屏 除 知識 與妙明真心 , 展 轉不

石之類 尚在。頑念力銷 相 灰 無 相背 想 0 為 但 心 真修 有 是顛倒之惑 同 充塞 頑 槁 礙 木 ,將愚頑為至道 泛色 世界 , ,依然流轉,如枯木逢春,依舊發芽, 是為 。和合頑成,八萬四千 0 , 當知此等,癡心凝結 而 枯 無思想之念 槁 : 亂想 ,於無知覺處,妄生和合, 0 如是故 ,故有精化 有 , ,但以頑念 , 枯槁亂 無想羯南 土 木 想: , 神 , 無想報盡入輪,亦此類攝 故名頑 化作頑物 , 此依惑起業 為 流轉 金石 國 成 , 土 (,即業· 華 , : 如 表 0 不枯槁 此 冥頑 生 依業 精 也 無知 , 念若 望夫 感報之 , 根性 , 以 成 死

#### 卯九 非有色

想 曲 因 0 世 如是故 界 , 有 相 待輪 • 非有色相 迴 , 偽顛倒故, ,成色羯南 和 , 合染成 流轉國土 • 八萬四 0 諸水母等 Ŧ • 因 依 以 亂

#### 為目 • 其類充塞 0

偽 顛 倒 此 非有 屬 惑 色一類 , 【依亂 以虚 偽 , 謂 為 本非有色 心 , 假托形 , 藉物以成色。 勢 , 與 真 如實際相背 互相假待 , 是顛 , 展 轉 倒之惑 0 依附 和 故有 合染 輪 成 迴

大佛 頂 如來密因修證了義諸菩薩萬行首楞嚴經講義第十九卷 八萬

四千

因

想

此依惑起業

,

迷昧

天真

,

假藉

浮偽

,任運耽染

,

成形

有 故 名和合染成 , 非 有 色相 , , 成 即 色 業 羯 也 南 0 , 流 此 如 轉 世 國土 |間倚權藉勢, 此 |依業感報之相 屈己從他 本來 , 是 為 非 因依亂 色相 , 假借 想。 如 邜 是故 物

成已之色 , 不 能 自 苚 , 待 物 有 用 0 諸 水母等 , 以 水 沫 成 身 , 體 如 荳 粉 , 狀 類 裀 褥

則 菲 無 色 , 以 蝦 為目 , 待 他 有 用 , 不能 自 全 , 故 菲 有 色 又水 母 因蝦 而 得 行 蝦 因

水母而有托,遞互因依;蟯蛔依人,亦此類攝。

#### 卯十 非無色

想 曲 因 • 由 世 是故 界 , 有 相 引 非 輪 無色相 迴 • 性 , 頭倒故, 無色羯南 和 • 合咒成 流 轉國土 ,八萬 • 咒咀 四 Ŧ 厭 生 • 呼 召 其 亂 類

#### 充塞。

故 有 此 輪 非 迴 無 0 色一 性 顛 類 倒 謂 屬 惑 本 , 以迷 菲 有色, 因聲 , 呼召 大 隨 符咒調 , 引發 遣 神識,則非 , 與不 動 無色相 真 如 相背 ,引之不已 , 是顛 倒之

名 和合咒 成 , 即業 也 此如 人間 ,不明 É 理 , 互相 誘引 乃隨 呼 喜 聽令從命 是

惑

0

和

合咒成

,

八

萬

四

千

,

呼

喜

亂

想

此

依

感起業

0

多

由

邪咒

呼

喜

,

而

顯

靈

異

,

故

隨咒 為 呼 苕 咀 亂 而 想。 靈異者 由是故有 , 稱 猫 稱道 ,非無色相 ;隨厭 禱 ;無色 而作祟者 羯 南 , , 流 為妖為怪 **以轉國土** : , 斯皆邪物 此 |依業感報之相 聽 故有 役

報吉談凶;如乩壇樟柳鬼等,其類充塞。

### 卯十 一非有想

想 由 因 0 世 如是故有,非有想相,成想羯南, 界 ,合妄輪 迴 • 罔 . 顛倒 故 • 和 合異成 流轉國土。 ,八萬 彼蒲盧等 四四 Ŧ 迴 互亂

# 相成,其類充塞。

四千 也 迥 0 0 此 此 罔 非有 迴 顛 如 互 倒 世間 想 亂 屬 想 惑 , 背親 : 類 , 此依惑起業 以 0 性 謂 向 情 義 非 罔 同 , 昧 謬 卵 生 0 , 襲他宗 異者 與 , 圓 想中 , 明 , 將他作自 妙 傳命者 納彼從我 性 相背 , , 乃二妄相合 , 取異為同 是為顛倒之惑 相承 緩嗣 , 故名和合異成 本無有 展 0 轉 和合異 互取 子 成 , , 乃 故 即業 稱 有 萬 輪 有

彼此 迴互 , 是為迴互亂 想 0 如是故有 , 非有 想相 , 成想羯 南 流 轉 國 土 此依

大佛

頂

如如

來密因修證了義諸菩薩萬行首楞嚴經講義第十九卷

子

本非

是父

,

竟認為父

,

同異難分

業感果之相 0 非有 想相 成想羯南者:謂彼此異質 ,本非有想 ,欲成其相 , 但 以二

故 中 也 妄相合,竟成 , ٥ 咒祝 遂成其想 **《**詩: 經》 日 : 云 : 漢 其 想 ,是為異質相成。此皆好為誣罔誘取他人財物 類 我 螟蛉有子 , 流 類我 減轉國土 , 七日 , 0 蜾蠃負之。 化為其子 彼蒲盧等, 0 螟蛉青桑蟲 桑蟲本非有想 異質相 成者:蒲盧 , 蜾蠃運泥 , 欲 , 成 納為己有之報 ,亦名踝蠃 蜾蠃 作房 之相 , 負桑蟲 , , 因 細 其類 納其 腰蜂 其

## 卯十 二 非無想

充塞

塊為兒 母 曲 想 因世 0 如是故 界 • 及破鏡鳥,以毒樹果 怨 有 • 害輪 非無 迴 想 相 殺顛倒故 • • 無想羯 抱為其子。 南 • 和合怪成 • 流 | 轉國 子成父母皆遭其食 土 • 八萬四千 0 如 土 梟 等 • 食父 附 其

#### 類充塞。

惑 殺 此 非 心 不 無 止 想 , 殺業俱生 類 0 原 為 ,反托至親之父子,而行至怨之殺害,與慈悲忍辱之理相 懷怨抱恨 , 圖 害而 來 , 怨結莫釋 , 故 有 輪 迴 殺 顛 倒 屬

之相 背 始生還食其母,此與孟康註,食父食母,又一不同也,錄以待考。初別列類生竟 類 云 樹果 絕 非無想相 成,食父母想,即業也。 人意外,罕見罕聞之事。父母至親,竟敢吞食,逆天背理,滅倫亂常,故名和 : 使百 是為無想。出乎意外,流轉國土,如土梟等,附土塊以為兒,及破鏡鳥,以毒 是顛倒之惑。和合怪成,八萬四千,食父母想:此依惑起業。怪者,怪誕 祠黃帝用一 抱為其子,子成父母皆遭其食,此雖報怨,實屬逆罪 必由前世受人至恩至愛,反而負恩讎害, 一祠皆用之。今云破鏡鳥,恐譯人之誤。 , 無想羯南者:初抱為其子,非無恩愛之想,後父母竟遭其食,恩愛斷 梟 , \_\_ 破鏡 如是故有 。孟康註曰:梟鳥名食母 ,非無想相 , 《述異記》云:破鏡狀如虎豹而小, 怨對相值 無想羯南 ,破鏡獸名食父。黃帝欲絕其 , , 報此 。 按 流轉國土: 仇恨 《史記孝武本紀》 , 故 此依因感果 有 此 合怪 生 , 出

## 寅二 勒成名數

# 是名眾生,十二種類。

# 辛三 示染緣起徧成輪迴竟

大佛

頂如來密因修證了義諸菩薩萬行首楞嚴經講義第十九卷

# 大佛頂首楞嚴經正文卷第七終

等覺一位 位 重初心勸進 辛四 四 十住十位 **示淨緣起歷成諸位** 十 妙覺一位 桑初分三 四 判決邪正令解 五 十行十位 分四 壬初分十 子初 六 壬初 十向十位 結前開後 癸 初 正答因果諸位 漸次三位 七 四加四位 立位翻染 乾慧一位 結顯清淨脩法 八 十地十位 示所立位 Ξ 十信十 Ξ 推 九

# 阿 .難!如是眾生,一一類中,亦各各具十二顛倒。 猶如揑目 亂華

#### 發生。

初

妄種皆具 是十二類眾生,一一 類生;此約 此 明 真 如不變之體 則現起,名事 ,真如熏無明,而成淨用,為單複六十聖位。故呼 類中 ,能隨緣成染成淨 ,亦各各具十二顛倒 造 , 餘則冥伏 ,名理 0 前約無明熏真如 , 此 具 即互具也。 0 總括 種現 , 互具 以類生之眾生,心中 阿難,而告之曰 而成染用 , 應有 , 為顛 百四十 倒十 : 如

四顛倒

猶如揑目

,亂華發生者:此舉喻顯妄,以真心喻目;一念妄動喻揑目

; 亂

華發生,喻十二類生,各互具顛倒。然清淨目觀晴明空,本無空華,因揑成有,放

手元真。

# 顛倒妙圓,真淨明心,具足如斯,虛妄亂想 0

字。 真明 妄 明真心,體本自若;則返妄歸真,轉凡成聖,復何難哉?初結前開後竟 故曰具足如斯 具足 妙,指不變之體;圓 顛倒二字,指喻 此全體大用。本來妙圓真心,合喻中目字,顛倒,即是一念妄動,合喻中揑 如斯 ,虚妄亂想者:由一念妄動,本無實體 ,虚妄亂想;合喻中亂華發生。 :中虚妄種現,一百四十四顛倒,但由一心本真,故即具足眾 ,指隨緣之用 。雖隨緣而不變,曰真淨,雖不變而 是則無邊生死 ,雖無體本空,而迷位現有 ,畢竟妄想元空,而淨 隨 縁日

### 子二 立位翻染

# 汝今修證,佛三摩地,於是本因,元所亂想,立三漸次,方得除

#### 滅。

此法說 。云:汝今要得真修實證, 五十五位,直至妙覺 ,究竟成佛。 所得之妙

滅 想所起之處 顛 者 果 有縱 道 有 : 倒 摩 因 , , ·指最. 中 地 翻 亂 而等覺以前皆因 有 **監染成淨** 者 想 奪 中 有 初一念妄動 流 因有 , ,亦是不難之事。三摩地:指耳根三昧,圓教初住,分修分證。 種 若縱之 入 , , 現互具 究竟不離真常之心, 果;前位修因 , 妙覺果海 則諸 , 則前前皆為後後之因 ,為本來諸妄之因,如前文喻揑。元所亂想者:於本來所起之 聖位 也 如前亂華發生,空元無華 • , 故知舊註於此 為滿修滿 亦從此 此位證果;此位復修因 成立 故於此建立三 證 0 判證 ,後後俱 《正脈》 不是說三漸次位 , 而 , 一種漸次 不言修 科為正答因果諸位 因揑妄現 為前前之果;若奪之 ,後位復證果。 ,方得妄想銷 ,非為確論矣! , , 盡能除滅 所現 非實 0 除 至 此云因 , 0 必三 位位 於是本因 此 則 而 顛 無 惟 顛 有果 漸 倒 倒妄 佛 果 功 次 殞 為 用

如 淨器中 除去毒蜜 ,以諸湯水,並雜灰香, 洗滌其器 ,後貯甘

#### 露。

後

歷位

修斷

,方得種習俱盡耳

淨器者:本元淨之器,喻根中所具, 不生不滅, 如來藏性 ,清淨本然 , 全體大

涌 用也。除去毒蜜者:喻除助因、刳正性、違現業也。湯水,喻圓通中定。 中慧 。洗滌其器者:喻毒蜜雖除,氣息尚在,必以定慧洗滌,種習俱盡 灰香,喻圓 ,然後方

可貯甘露 也。 淨器雖盛毒蜜,其體本來不變,故除毒洗滌 , 堪貯甘露;喻佛果清淨

心中,堪承最上法味也。二立位翻染竟。

子二 示所立位 分二 丑初 徴起列名 二別釋其相

# 云何名為三種漸次:一者修習,除其助因;二者真修,刳其正

# 性;三者增進,違其現業

塵 性業之罪,當要刳而空之。第三欲增進聖位者:必要先違現業 辛乃助惡之因。第二欲決定真修者:必要先刳正性。正性者:淫、殺、盜、妄,正是 列名中六句, 為 前二句徵起, 現在惑業 皆上修下斷意 ,又感將來生死苦報 後乃列名 . 。謂第一欲修習耳根圓通,必要先除助因。助因者 此總標三種漸次者,正明修三摩地,入道之先鋒 ,當要違而離之。然此三者 ,現業者 前二惟戒 「,以根 , 均屬 也。 : 五 奔

助行

後一定慧

,乃為正修。所以從凡至聖,從因至果,莫不皆依正助熏修

則知

就 漸 五十五位真菩提路者是也。初徵起列名竟 次 , 為能 贈進 , 五 十 五 位 , 為所增進。 故後結 云:如是皆以三增進故 ,善能成

初 徵名依食斷辛 別釋其相 分三 深明貪辛過患 寅初 除其助因 Ξ 結名第 刳其正性 增進 Ξ 今初 違其 現業 寅初分三 卯

謂 云何助因 · 段食 • 觸 食 難 • !如是世界, 思食 、識食 0 十二類生, 是故佛說 • 不能自全, 切眾生 • 依四食住。 皆依食住 0 所

以禪 必有 為 所 食 成惡業之因 食 係 , 思為 也 形 方 初 段 得 句 而 徴起 注持 此約勝者言 食 故 修 習者 , , 0 非思飲食 ,下明 鬼 下教依食 , 神 非 , 觸 應 同 類生, 法 0 食 知 劣如地獄餓鬼 性 , 檢 而 0 凡遇 無色 身人 擇 住 依食 也 0 飲食 界 阿難 0 , 則 而 四 , 以識為食 食 住 如 不 , ·須食 但 者 是世界 0 ,歷劫但以業識 求三摩提者 觸 : 其氣 欲界 也 , 既 0 , 是食 十 二 也。 人天 無 ※形色, 一類眾生 色界禪天思食 為界內眾生 , ` 當斷五辛 修羅 , 不能斷命, 惟以識定續命 及畜生段 , 不能 , , 此別詳 7,禪天 身命 自全形命 是亦識食類 食 與慧命 , 無飲食 所 助 , 義言 餐 因 要依 飲 , 安危 |以識 食 為 , 他 但 四 助

知 云 : 如 **空梅** 0 外 佛 道 成道後 止渴 嗤曰:愚者亦 , 懸沙 ,為除外道自餓苦行,說諸眾生,皆依食住,此為正覺正說 止飢,亦是思食類。 知 ,何言正覺正說。佛返問曰:食有幾種?外道不能對 是故佛說,一切眾生,皆依食住 0 ,餘不能 **《**灌 頂》 大

## 阿難 Ţ 切眾生, 食甘故生,食毒故死。 是諸眾生,求三摩地

說此四

食

住

斷

世間

•

五種辛菜

0

總

修習耳 名為毒 此方所無 出烏荼婆他那 慧命之大毒 世間食物,凡有益於身心者,皆名為甘,非局於甜味也;凡有害於身心者 根 0 食甘故生 圓通 ,故不翻也。 ,故應 者 國 ٥ 0 斷絕 當斷 慈愍三藏法師云:根如蘿蔔 , 食毒故死:正明飲食,不可不慎也。是諸眾生,求三摩地 初徵名依食斷辛竟 0 世間 五辛 ,五種辛菜:辛菜雖非有毒 , 《楞伽經》云: ,出土辛臭。冬到彼國,不見其苗 蔥、 蒜 韮 ,實有於毒也。 薤 ` 興渠 , 以其正 應云興宜 危害 : 指

#### 卯 深明食辛過患

大佛

頂

如來密因修證了義諸菩薩萬行首楞嚴經講義第十九卷

#### 1 1 5 0

# 是五種辛,熟食發淫,生噉增恚。

五辛過患不一,若熟食 ,則壯相火,發淫念;若生噉,則動肝氣,增瞋恚。佛

智所鑑,不爽毫釐,物性必然,宜敬信而戒之。

如是世 • 咸皆遠離;諸餓鬼等, 界 • 食辛之人, 縱能宣說 因彼食次,舐其唇吻 , 十 二 部 經 。十方天仙,嫌其臭 ,常與鬼住 0

# 日消,長無利益。

樂聞法 此天遠鬼近過。 , 因嫌其臭穢 如是世界,食辛之人,縱然善能宣說十二部經 ,不肯親近,咸皆遠離 **;諸餓鬼等** ,因彼食辛之次 ,十方天仙 , 冥中舐 雖 其

王,得其方便,現作佛身,來為說法,非毀禁戒,讚淫、怒、癡。 是食辛人,修三摩地,菩薩、天仙,十方善神,不來守護。大力魔 唇吻

常

與鬼同住

0

因天仙遠故

,

福德日見消除,餓鬼近故

,

長無利益之事

斷辛 此 菩薩 無護遭魔過 ` 天仙 0 是食五辛之人,發心修三摩地 十方善神,不來守護。上招餓鬼 ,指耳根 , 此引魔王, 圓通 0 其過轉深 既要習定 , 不能 大力

乃謗持戒,為小乘道,非(セ)毀(セ)禁戒 魔王:指第六天魔王。得其方便:知修三摩,有志求佛故;現作佛身,來為說法: · 讚歎三毒無礙為大道,大雅不拘於小

節 ,大象不行於兔徑, 說淫 、怒、癡 , 即戒 • 定 、 慧 0 信是魔說 , 無惡不作

#### 命終自為魔王眷屬 ,受魔福盡 • 墮無間獄

0

民 ,下品魔女 此成魔墮獄過。上皆現在惡因,依因定必感果,命終之後 (。所修三摩,咸資有漏,享受魔福,福盡禍生,直墮無間地獄。二深 ,自為魔眷 0 中品魔

明食辛過患竟

## 卯三 結名第一增進

# 阿難!修菩提者,永斷五辛,是則名為,第一 增進,修行漸

增進 修習圓通 初學修行漸次。問:五辛何以名為 ,而求菩提道者,永斷五辛;果能永遠斷除,是則名為從凡夫地 第一 增進,修行漸次?答: 五辛 為 , 第 助

惡之因 為殺生助因 助淫 ;縱能宣說十二部經 、 殺 、 盜 妄 ,四重律儀之因: 無非貪求 熟食發淫 名聞利養 , ,妄談般若 為淫 欲 助因 又為盜妄助 生 噉 增 恚

因 是雖辛菜,能斷不食,即除助惡之因宜矣!初除其助因竟

刳其正性 分三 卯初 徵名先斷淫殺 二 示以進修餘戒 Ξ 詳明利益結

#### 名 今初

# 云何正性?阿難!如是眾生,入三摩地,要先嚴持清淨戒律

手,得三摩地 要將此正性 之業性;乃生死相續,正業之性也。阿難!如是眾生,欲入三摩地,真修之位,須 初句徵正性。謂淫 **刳而空之。刳空之法,先要精嚴受持清淨戒律,而後工夫,方能入** 所謂因戒生定也 、殺、盜、妄等,上之五辛,但為助發之因,今此正是彼惡

#### 不斷淫,及與殺生,出三界者,無有是處。 永斷淫心,不餐酒肉 ,以火淨食 無噉生氣 0 阿難!是修行人,若

故 斷 此 然戒法雖多,淫殺為最,必須永斷。不惟執身不行,要且執心不起 永斷者:種現俱盡,如枯木不萌,寒灰不燄也。不餐酒肉者:以酒能亂性,恐 【中特指淫心者,以一切眾生,皆以淫欲 ,為正性命, 又為修三摩地之大障礙 ,方為真

成助淫之階 ,而肉必傷生,實為殺害之本。即雖素食,但遇生氣之物,火淨方食

不經火觸 ,則為不淨,不得便食。無噉生氣,何況殺生?

阿難 下, 顯示應斷 。是修行人,原為超出三界,不斷淫欲,及與殺生,而能超

出三界者,斷無是理也。初徵名先斷淫殺竟。

## 卯二 示以進修餘戒

動 當觀淫欲,猶如毒蛇,如見怨賊,先持聲聞,四棄八棄,執身不 ,後行菩薩清淨律儀,執心不起

如來常以淫欲過患示喻者,以淫欲之害大矣!故又囑當觀淫欲 ,猶如毒蛇 如

見怨賊 淪 至劫財奪命;然其為害雖酷,但一身一死而已,而淫欲之害,則法身慧命 無間 毒蛇踐之,則必遭其毒 一日之中 ,而受萬生萬死之報,而修行之人,豈可忽哉 ,乃至喪身失命;賊而曰怨,遇之則必報其仇 !先持聲聞四棄 ,永劫沈 甚

再加四棄 觸、八、覆 隨,謂之八棄,以妨淫習也。執身不動者: 身口

殺

盜

淫

一、妄,

四波羅夷罪

。此云棄,犯之永不共住,永棄佛法海外

0

比丘

尼四

更進於大。故云:後行菩薩 七支,皆不許犯,非不執心,因力未充耳。譬如行遠自邇,登高自卑。小既能 ,清淨律儀 0 菩薩大乘人,力量大,清淨律儀 ,乃大乘 持

戒。從心止絕,一念不生,故曰執心不起。

### 卯三 詳明利益結名

#### 戒成就 • 則 於世間 • 永無相生相殺之業;偷劫不行 • 無相負累

## **亦於世間,不還宿債。**

兼妄語 相殺 禁戒成就 0 偷謂 , 如矯 竊取 現 ,則於世間 威儀 , 劫謂 , 希求 強取 ,永遠無有相生相殺之業。淫心斷則不相生,殺心斷 利養 , 偷劫既已不行 ,妄言證聖, , 求彼禮懺 而於世間 , , 無有負債之業累 貪其供養 , 同於 偷 0 偷 劫 崱不 劫 還 亦

界 是清淨人, • 覩 佛聞法 修三摩地,父母肉身,不須天眼,自然觀見,十方 • 親奉聖旨,得大神通,遊十方界 • 宿命清淨 世

#### 艱險。

債因負累

,既無負累,故不還債矣!

無艱 垢 位 佛聞法,又言親奉, 信 命通 奉如來旨意也,相似他心通;得大神通,遊十方界;相似神足;宿命清淨 方 通 以 句受陰盡相 云 顯 ٥ , 0 險者 齊 肉 周 首句 當在二三兩信 父母所生之身 因戒生定意耳 卻能三世無礙,故曰清淨,因得宿命,永不墮三途,艱難險阻之處。 小 倫生死 眼觀見十方 徧 '躡前持戒,是清淨人。次句表彰大定,修三摩地。定是正行,戒為 初果 無遺 既 0 後文云:去住自由 , , 以徹通宿命 , 舊判 親覩於佛 首尾圓照 , 7,即以 0 , 視觀行 即色陰盡相 此科,文是圓教相似,又因定發通,是人修定,便能發相 齊小二果。末二句 則須親到 (肉眼 0 , 0 今言宿命清淨 於後違經 即 除己願力, 以 , , 肉耳 ;後文云:十方洞 非遙見聞,而下得通遊界,則愈與後文合也。 ,無復留礙。又云:得意生身 相似天眼通。 , , 至陰魔中詳辨 相似天耳通 永不誤入惡趣,所謂離諸生死 , ,則明是去塵垢 想陰盡相。後文云:於覺明心 不須天眼 開 , 聞 0 , 今並別判 無復幽暗是也。按位當在初 佛 說法 ,不假作意 , 而照生 , , 隨往勿礙 而親奉聖旨者 死也 勿泥舊聞 , 自然觀 0 險難惡道 。今言覩 , 《正脈 相似宿 如 加加行 去塵 次四 見十 似五 : : 按 得 親

清淨 修發 也 按位 得通遊 通該十信前五,備顯六根清淨。觀見十方,則眼根清淨;聞法親 ,當在四五二信,對小三果,此之業報,略假戒為助行,全本 界 , 則鼻 ` 舌 ` 身根清淨 , 以三皆合知 , 相依遠到也;宿命 耳聞 奉 無難 ,則耳根 ,妙定 則

# 是則名為,第二增進,修行漸次。

意根清

淨

修不定,故以決定修行 果 0 在圓通中 《正脈》云:此中前半,以諸戒助成正定,即觀行位。後半即齊五信,並小三 ,方至動靜不生。 , 漸次增進釋之。二刳其正性竟 是則第二增進 , 乃對上第 , 故名第二。 又對上初

違其現業 分三 卯 初 徵名承戒修定 結解即獲法忍 由漸入頓結

#### 名 今初

# 云何現業?阿難!如是清淨,持禁戒人,心無貪淫,於外六塵,不

#### 多流逸。

此釋違其現業 0 現前六根,所緣六塵境界 ,起惑造業也, 故曰現業 而違者

圓 即 旋根脫塵之義也。然此三漸次中,前二皆躡持戒 通 本 桹 , 以 成正修,是因定發慧。由是正 助兼具 ,以為助行,是因戒生定 ,故能安立下之諸位也 此 此躡 中違

其現

業

者

,

即

前第二決定義中

,

逆彼無始

,織妄業流者,

是也

)。即就耳根

,

不許

出

無貪淫 流 聞 塵 著 , 而使 , 以其為四重之首,壞定之魁,警人必除之意,因前 入流照性 0 如是清淨 ,持禁戒 人 即 前科上半 , 所持諸! **詩**戒 ・故得 戒 0 離塵 而 特 申 0 於

根中虚習未盡除, 而塵影猶存 ,但以無漏 , 面 三重有漏 , 非全無漏也 外六塵,不多流逸:即於外六塵境界,亦不隨流放逸。然言不多,弗許絕無者

以

#### 因 不 - 流逸 • 旋元自歸 • 塵既不緣 • 根無所 偶 • 反流全 六用不

#### 行。

根 員 因之加功進步 通 圓 通 此 此當 正 |明塵亡根盡。首句承上云,不多流逸,足見亡塵之功未純,此因不流逸 此當聞所聞盡 入流亡所 , 反聞照性 , 動靜 至此六根反流 ,而得不流逸,旋復本根,自歸 不 生 , 根 無所 , 全歸 偶 , 偶 聞 萴 性 對 也 , 無復見 , 既無對 元明 ② 塵既 聞 則根 齅 不緣 亦 **不立** 嘗 : 按耳 按耳 覺 根

知 正當此際。按位 結根之用 流逸是現業 ,故曰六用不行。 ,當在七信 ,不多則小違。二六用是現業,不行則全違也。 ,齊小乘四果。 此正入一亡六。 《指掌疏》違其現業即在此 所謂但得六銷猶未亡一,小乘涅 初徵名承戒修 現業

### 卯二 結解即獲法忍

定竟

## 方國土,皎然清淨,譬如瑠璃,內懸明月 0

知覺 信 融通也。 貌 下 ,相似色自在也 , 《正脈》 正由不住內自覺境 喻 今菩薩覺所覺空, 但表明徹 云 : 此即盡聞不住 ,蓋明月 , 法執蕩然, 在有礙物中 表裏洞徹。故如月在瑠璃,豈有不透徹者乎?此當八 ,所證境界。首二句 故融及世界 , 不能透徹 , , 即 便如二乘明內境 無有情器之分 山河大地 0 皎然 應念化為無上 不 能與外法 : 洞 開之

# 身心快然,妙圓平等,獲大安隱。

《正脈》 云:此即空覺極圓,所證境界 前方空智 此復空空, 既不為智所

者 : 勞 同體不分。三自心 , 無縛 亦不為空所縛。故身心快然, 故妙 /,無礙 生 |故圓。平等有三:| ` 佛 , **脗無高** 極為 下 0 **灑脫**, 身量 獲大安隱: 、心量,俱周法界。二有情 蓋法身蕩然,真心廓爾之意 此當九信 ,心自在也。 以身心 無情 妙圓

# 一切如來,密圓淨妙,皆現其中

0

如

身亦

心也

淨謂清 四 密謂秘密 佛 境 正脈》 淨 現菩薩依正之中 , 深固 明 云:此則顯然全同寂滅現前,但彼約自心,此約佛理,二義平等也。 相精 · 幽 遠 純 , , 纖塵不立之境也;妙謂 無人能到之境也;圓謂 ,此當十信,相似慈雲,覆涅槃海也。 圓融 神 妙 , 交徹 切變現 互攝 , , 皆不為礙之境 蓋圓頓 重重無盡之境也; 運融 故令 此

## 是人即獲 ,無生法忍。從是漸修,隨所發行,安立聖位

似位,全似分證耳

者 猶言不久當證也 正 脈》 云:此之結尾 0 無生法忍: ,是預許後之諸位 即初住所證聖位 , 故言從是漸修 通指徹於等覺也 0 即 者 速 0 溫 也 陵 即獲 É

無願 〈華嚴》十忍,第三曰無生法忍,謂不見有少法生,不見有少法滅,離此情垢,無作 ,安住是道,名之曰忍。吳興曰:此中別指初住以上,名為聖位 。若下文

## 卯三 由漸入頓結名

云:以三增進故,能成五十五位

,真菩提路。二結解即獲法忍竟

## 是則名為第三增進,修行漸次。

漸入頓 脫 解脱法已,俱空不生,而至得無生忍也。 此結名第三增進,實由前第二增進而來。前但得五信三果,未至無漏;今則由 (,解除根覺空滅諸結。如前文云:此根初解, 初漸次三位竟。 先得人空, 空性圓明 ,成法解

#### 笑||乾慧||位

# 阿難!是善男子,欲愛乾枯,根境不偶,現前殘質,不復續生 0

不疑。 名圓 此位分明束前漸次中,所含十信,總成一位。而孤山說,合十信為乾慧,理在 但 自應依之。阿難!如是,依三漸次,精勤修習之善男子,由二漸中 「亦圓滿成就之意 ,有人非之者 ,以見通教 , 乾慧名同 .故也。不知此乃借通 ,正性刳

緣 質 行 今 不 淫 至 復 既 此 心永斷 乾枯 續 則 生 。至此 根 不偶 0 境不偶 殘質 , · 謂最後之身 因緣雙絕 ,則斷性亦無 ,心境 絕待 果報無託 , 種 0 , 不續 故 現俱銷 日欲愛乾枯。 : , 故不續生 謂 後有 **,** 三 /永斷 界生緣迥然不 由 0 此 0 東前 續 漸 节 生 七信 , 以欲愛為 現業 及也,故 , = 達背 漸 因 前 曰 , , 六用不 根 現 半 止 境為 前 殘

#### 執 心虚明, 純是智慧, 慧性明圓,鎣十方 界。 乾有其慧 • 名乾慧

#### 地。

但

丽乾

義

等 用 性 地 明 明 徧 而 應念 獲 此 界 員 無 東後三 礙 大安隱者 , , 化成無上知覺 故 , 所 曰 十方界者:人法雙空之智 信 以 鎣 。二句明慧義 外 十方界 , 而 無塵 顯其 障 , , 此即 /圓滿 鎣猶 , 內 , 成就 虚 無 飾 因此乾有其慧 明 根 也 也 無 礙 , 障礙 0 0 以 增明  $\equiv$ 執心虚明 智慧 也 漸 圓滿 0 後 莊嚴 , 至此 嵳 故名乾慧;依之住持, : ,俱空之智 , 十方報 十 即 , 則 方國 Ĺ `` 純是人空智, 土 土 法二執之心 , , 如三 皎然清淨 即三空之智現 漸 中云 與法空智 , 故名曰地 虚 , 即 而 妙圓 無障 山 而 河 慧 平 照 大

#### 1 6 2

## 欲習初乾,未與如來法流水接。

無明 欲愛最細習氣 分法身,則與法流水接,定慧均等,則中中流入薩婆若海矣!二乾慧一 此 , 未曾親見法身真理 出其得名所 亦無 以 ,亦得乾枯也。未與如來 現行、種子、習氣三者,而習氣最細。今言欲習初乾者:指 ,是名未與如來法流水接 ,真如法性 ٥ 若至隨分覺 ,流水相 破 接者 分無明 位竟 : 謂 未 證 破

定 心住 癸三 十信十位 六 不退心住 分 十 七 子 初 護法 信心住 心住 八 二 念心住 迴向心住 三進 九 戒 心住 心住 四 +願 慧 心住 心住 五

初

#### 住 即 以 • 此心 切妄想 ,中中流入,圓妙開敷,從真妙圓 ,滅盡無餘, 中道純真 ,名信心住 • 0 重發真妙 妙信常

銷 歸初住耳 此十信位 0 後初住明言 ,名與常途全同 ,發此十心,又云:十用涉入,圓成一心。 論 義 則與常途迥別 0 今科名從十信 , 故孤 而 義 **沿** 設 唯 遵經 : 為

初住開出 ,理無可 嶷

信知心 常住 此位 是圓 句明 心 道 此 信心堅固 妄想蕩滌 如如 心, 逆法 乘 通 即 妙性 砂智 1、佛、眾生三無差別,故曰妙信常住:決定不退。 亦即乾慧後心。 以 是真妙者 此心開意解 此心 切妄想 流水而深入, , 滅 常住不退 , , 重重開發敷放,如蓮華之層層漸開也。從真妙圓 觀 憲無餘矣!中道 ,中中流入者:此心指十信滿心,因含十信於三漸,合三漸為乾慧 中道如如妙理 , , 益進於妙 滅盡無餘者: ,益加增進 故名信心住 以後位位 中中流入有二釋:一、於聞性之中,用中道觀智 , 純真 真圓者益進於圓 ,中中流入妙覺果海 ,且此圓通妙性 此位 ,皆不離中道故。二、 ,名信心住:妄盡真純 , 破一 分無明 0 , 第二妙字下, 既到乾慧後心,已發真妙圓 , 0 圓妙開! 證一 即以此修證圓通之心 一切我執、法執 分三德, ,中道理彰 敷者:中中流入時 應有圓字略也 ,重發真妙者: 已經親證實到 ,親信此理 :、空執 , 無 妙信 此兩 用 功

登

仍

中

用

#### 念心住

大佛

頂如來密因修證了義諸菩薩萬行首楞嚴經講義第十九卷

未來 真信明了,一切圓通。陰、處、界三,不能為礙。如是乃至,過去 、無數劫中,捨身受身, 切習氣,皆現在前。是善男子,皆能 •

## 憶念,得無遺忘,名念心住。

氣 圓通故,五陰不能覆,十二處不能局,十八界不能礙。一切諸法,悉皆圓融通達 初住開出。 善男子,皆能憶念,得無遺忘 融會貫攝 憶念無忘 首二句全躡前位 0 因妄想滅盡,智慧明了,故得一切圓通。下文方是本位念心 如是乃至過去六句,明念心功用。念者憶念,不惟現在生中 ,乃至過去未來 。真信,即中道純真之信 , 無數劫中 ,捨身受身,應斷之習氣 ,表非相似位之信。可證此信位 ,皆現在前 ,由前一 應斷之習 ; 是 切 是

得 !大自在故也。此屬宿命、漏盡二通。五根中念根故,結名念心住 《正脈》 問:入住菩薩,何有捨受之事?答:圓頓人,不取變易,常於分段

#### 子三 進心住

妙圓純真,真精發化, 無始習氣,通一 精明, 惟以精明進趣真淨

#### 名精進心。

字 體雖無二,而方便隨順,不無趣相,所謂不趣之趣,性不礙修之旨也,故名精進 進趣真淨 合成精進二義 初二句攝信心住。從真妙圓,中道純真,然未得真精發化。次二句以成就精 即純以如如智 。蓋精明,即如如之智體, ,契如如理矣! 《正脈》 **徧淨,即如如之理體。今言以精** 問:理智 如 何言進趣?答 崩

#### 子四 慧心住

心 。

# 心精現前,純以智慧,名慧心住。

得相似 慧 心精 此隨分覺所得之真智真慧也,故名慧心住。 以前 ,時時現前 :位以如智契如理,是雙兼理智而成 惑智尚未融化 , 純以智慧用事;以即用也。 至此則曰:純以智慧者:乃精真發化,一切惑習 ,此位別約智成。承上進趣真淨 蓋前乾慧地有云: 純是智慧 , 無非智 正 ;,故得 萌初

#### 子五 定心住

# 孰持智明,周徧寂湛,寂妙常凝,名定心住。

於地也。下五位屬五力,如果木結根既久,自有不拔之力用也。 無有不定時也,故名定心住。《正脈》云:以上五位,屬五根,如果木之種植,根 常凝。如《清涼》云:「智周鑒而常靜,用繁興以恆如」,此之謂也。然既曰常凝 燈 則妄念起,而寂湛不能周徧,正念失,而寂妙不能常凝。蓋無寂之照,如風裏之 無照之寂 此位別約理成,首句躡慧心住也。意謂雖執持智慧精明,若無定力以執持之, 如暗中之目;今以定力執持智明,故寂湛者得以周偏,寂妙者得以

#### 子六 不退心住

# 定光發明,明性深入,惟進無退,名不退心

此進力也。首二句雙躡定慧,若定慧偏枯,多遭退失,故此則定慧相資。定光

以慧入定也。定慧等持,惟進無退,故名不退心。 發明者:定功極而慧光發明,乃以定發慧也。明性深入者:慧性明而定力愈深,而

#### 子七 護法心住

# 心進安然,保持不失,十方如來,氣分交接,名護法心

來,氣 護任持何法 寂照雙流,任運前進,故曰安然;不假用力之意。而能保護任持,不失定心。然保 此定力也。首句躡前進力。心進安然者:顯非事行之有功用進修也,乃是自心 分交相接續 ,即如來藏,清淨本然之法。十方如來,氣分交接者:即十方法身如 ,正由定力冥周,故能與諸佛如來心精通**并**,乃能內護心法,外

子八 迴向心住

護佛法

,故名護法心

#### 覺明保持 • 其中妙影,重重相入, • 能以妙力,回佛慈光,向佛安住, 名迴向心 猶如雙鏡 ,光明相

義 故曰其中妙影 妨自他歷然。猶如兩鏡 慈光,向自己心佛光中安住。他佛心佛,心光佛光,互相迴向,究竟心佛不二,不 迴 此慧力也。首句即覺慧增明,而得保持不失。妙力,即妙慧之力用,能迴他佛 ) 向 .他佛 ,重重相入。佛光心光,自影他影,相攝相入 是向 /佛道 ,光明相對 ;迴向自佛 。彼此光明,互相對照,光內現光,影中含影 是向真如 。證極真如 , ,即成佛道 重重無盡。迴向有二 ,二而不

二,故名迴向心

#### 子九 戒心住

## 心 光密迴,獲佛常凝,無上妙淨,安住無為 ,得無遺失 ,名戒心

#### 住。

無作無為 屬自己智境 此 信力也。 得 0 到此位,即獲心光佛光,常凝不動,而與無上妙淨戒體,一 ·無一念遺失,而漏落於有為 首句躡上位 , 明心光佛光, 。若一念漏落有為 潛通冥應, 故曰密迴 ,即名破戒,所謂心地 他人看 同 不見 安住 , 乃

#### 子十 願心住

大戒,故名戒心住

#### 住戒自在 ,能遊十方, 所去隨願 ,名願心住 0

起用 此念力也,願即心念故。住戒,指上位安住無住戒體;自在,屬本位 發大自在之用 0 所謂攝律儀戒 ,攝善法戒 饒益有情戒 , 自在成就 能從體 而 能 遊

化十方。所云隨願者

,

願去何國

**,** \_\_

念即能便至

0

所謂嚴淨毘尼

,

弘範三界

應身

無量 ,度脫眾生。 以戒根清淨,所去之處,無不隨心滿願也。故名願心住。又通論

十心,前六修自心,後四合佛德矣。三、十信十位竟

具 足 住 阿難!是善男子,以真方便,發此十心,心精發輝,十用涉入, 癸四 十 住十位 六 正心住 分 十 七 不退住 · 子初 發心住 八 童真住 治地住 九 王子住 Ξ 修行住 灌頂住 四 生貴住 今初 圓 五

## 成一心,名發心住。

者 心 前 用 方便 藏 计信位 :元因發此十心 ,若不修耳根方便,則終不能發;因修證耳根圓通,方能發此十心妙用 , 本 無住為住 此十住位 無二 即 也 耳 根 體 ( 圓 通 十用涉入 ,乃名十住 ,生佛家而為佛子,經中全顯,生法王家,亦是安住華屋,依秘密 0 前云十信位 ,圓成一心故也。又此菩薩,三心圓發,萬行繁興 ,文殊選根偈云:圓通超餘者,真實心如是。真心中本具十心妙 ,圓成一心者:即前十用涉入本位 0 阿難!是善男子:指前十信位已滿之男子故稱善 , 是初住開出 , 此知初住位 , 是十信合成 ,圓成一心 ,定慧均等 名發心住 則 ,此皆指 干心一 以真

中中 ·流入,如中陰攬先業,而初成陰體也。

#### 中發明 治地住

0

住 心 如淨瑠璃 • 内現精金。以前妙心, 履以成地 ,名治地

喻

陰 , 之理 地 徹 如瑠璃,清淨皎潔;以妙智 0 0 乘彼業力,結為境界,於中妄成,依止之處。 以前 首句心中,即十用涉入 , 既發明妙智 切諸行 妙心 ,履以成地者:以者用也。 由斯履踐 ,以真智契真理,依真理起真修 ;如建樓者,先平 ,圓成一心之中,謂依此妙心 ,喻如精金,具足精華;智不離心,心不礙智、內外明 妙心,即十用涉入之一心,此心即係 ·地基 , 治即平也, 履踐真如 ,發明妙智。以妙心 ,以成進趣 故名治 地住 , 後位之 真如 如中

#### 子三 修行住

### 心地涉知 ,俱得明了 ,遊履十方 ,得無留礙,名修行住

心地涉知者:即前履以成地之心,以心即智,亦即始覺;以地即理 , 亦即本

皆無留 覺 者 0 即 同一 理智俱得明了也;故能得遊履十方,上求佛道,下度眾生,自利 礙 覺體 ;廣修妙行 ,智照於理,理契於智;若智若理,互相鑒照,故曰 , 大作佛事 , 故名修行住 0 如 中陰見遠如在目前 涉 知 , 所 利 0 俱得明了 去速疾 他 , 一 切

Ш

#### <u>子</u>四 生貴住

## 行 與佛同 ,受佛氣分,如中陰身,自求父母,陰信冥通,入如來

#### 種 **,名生貴住** o

智如母 相體信 胎 家 , 故曰 而為佛子 行與佛同者: ,冥然相 任運相合 :入如來種 0 通 此 指上位所修妙行 如中 , , 故曰陰信 名自求父母 名生貴住 陰身 , [冥通。若以法說,以己智求佛智,佛之權智如父 自求父母之義;必要自己業,與父母業同 0 密齊果德,謂陰信冥通 , 與 佛行相同 ,故得領受佛之真如氣分 。斯則秉佛遺體 0 ,初託 則中 ,將生佛 實實 陰心 聖

#### 子五

大佛

# 既遊道胎,親奉覺胤,如胎已成,人相不缺,名方便具足住。

奉覺胤者:謂親攬諸佛權實二智,則為得大覺法王之真胤矣!方便智慧,漸漸具 上位入如來種,即是遊諸佛正道之胎。永嘉云:潛幽靈於法界,即此義也。親

足,喻如胎中,五位已成,人相完全不缺,名方便具足住

子六 正心住

# 容貌如佛,心相亦同,名正心住。

資實 ,內照真如,為心相圓滿,亦皆如佛 首句躡上句,權智外現曰容貌;教化眾生方便具足曰如佛。心相亦同者:以權 ,故曰亦同。 成正知見,故名正心住

#### 子七 不退住

# 身心合成,日益增長,名不退住。

者 : 即道胎日益月增 首句躡前外貌內心,皆已肖像。合成者,表裏如一,同佛身心也。日益 ,漸漸長成,時刻無間,故名不退住。與前十信位之不退心住 **避增長** 

名同實異,彼但信心不退,此則住道不退也

#### 子八 童真住

# 十身靈相,一時具足,名童真住。

固應前 六根,四體雖具, 乃如來身中之所開出者。按《華嚴》八地方具十身。今經八住即具,二經皆屬圓 意生身、福身、法身、智身。十身中:菩提、法、智屬於內身,餘皆屬於外身,此 又如來身,自具十種身。溫陵曰:菩提身、願身、化身、力身 身 緣覺身 前位身心,合成增長,十身靈相 :後互融也。 ` 菩薩身、 而純璞未散,故名童真住 童真者:菩薩雖得是身,具體而微 如來身、法身、 ,自應具足,蓋十身者,盧舍那也。 智身 、虚空身 、業報身 ,未大顯著, 、莊嚴身 ` 眾生身 猶如胎滿 ` ` 威勢身 謂: 或 ,初生 土 聲聞 教 身

#### 子九 王子住

# 形成出胎,親為佛子,名法王子住。

首句躡前:形已成,胎已出,親得為佛之嫡子。 從佛口出,從法化生,故名法

#### 王子住。

大佛

頂如來密因修證了義諸菩薩萬行首楞嚴經講義第十九卷

#### 子十 灌頂住

# 以成人,如國大王,以諸國事,分委太子。彼剎利王,世子長

## 成,陳列灌頂,名灌頂住。

粟散王 陳 薩 時 妙金之座,張大羅縵,奏諸音樂,取大海水,置金瓶內,王執此瓶,灌太子頂 灌 長 此 如 **M**列灌頂 '即名受王 頂者 喻 國 0 彼第 大王 度生不怖 :佛欲與菩薩授記,恐其智力不堪,且先令代佛宣揚,攝行佛事,若見智力增 首句 , , 乃一 躡 , 十法雲地 《華嚴經》云:轉輪聖王,所生太子,母是正后,身相 表以成人之道,亦分得此名耳。非同彼經十地之灌頂也。溫陵曰:自發 以諸國事,分委太子,恐其力不勝任,且先分少分,試其能 前位 一職位 國之君;故金輪王之子,稱太子 ,即與授記。蓋大王者,即是金輪王,為四大部洲之主;剎 0 雖親為佛子, 菩薩受職, ,方受是職 ,今十住位 亦復如是。諸佛智水,灌 年齡幼小;今漸長成,故曰表以成人,可當大任 ,亦名灌頂者 0 剎利王之子 , 其頂故 此約 ,曰世子 剎 利王 ,名為受大智職菩 具足,坐白 **,世子** 0 若據 **治如** 利者 象 金輪 長 何 )。 是 成 寶 耳 即 王

心至生貴,名入聖胎;自方便具足,至童真,名長養聖胎;至法王子住,名出胎;

至此乃名灌頂王子。四十住十位竟。

離亂行 阿難!是善男子,成佛子已,具足無量,如來妙德,十方隨順,名 癸 五 六 善現行 十行十位分+ 七 無著行 子初 歡喜行 八 尊重行 = 饒益行 九 善法行 Ξ 無瞋行 + 真實行 四 無盡行 今初 五

#### 歡喜行

等 阿難 田想 如來藏中稱性功德,而行施度。如《華嚴經》云:隨諸方土,有貧乏處,以願力故 生 往生於彼 所謂念念具足諸波羅密也。然行門雖多,約之不出十度;後五度,慧度開 乃至菩提涅槃;是為十方隨順也。結名歡喜行有二:一者、見有求乞者 !如是修習十住之善男子,既已灌頂受職,成為諸佛真子,且而具足無量 此十行位。前十住,生佛家,而為佛子;今十行,廣六度,而行佛事 ,作善友想,倍生歡喜;二者、隨乞施與,令諸眾生,悉皆滿足,生歡喜心 ,豪貴大富,財寶無盡,行財施,乃至身肉不悋;行法施,則與說三世平 ,攝物利 ;作福 無邊 出

大佛

所謂自他俱利,機應皆喜,名歡喜行。

#### 子二 饒益行

# 善能利益,一切眾生,名饒益行。

雙標二利,故名饒益行。 戒,乃至菩提涅槃。又自得度,令他得度,乃至自快樂,令他快樂。凡有十句,皆 言自信,不化自行 此戒度 0 乃以戒德感化 ,不勞費力,而利無不周矣! 以戒德而饒益也。 ,而善能利益者:戒德備於己,感化成於外 《華嚴》云:令一切眾生 , 住 即所謂不 無上

#### 子三 無瞋行

# 自覺覺他,得無違拒,名無瞋恨行。

思惟 罵辱 違拒也。凡有辱來,違拒不受,即是不忍,今無違拒,即是忍。 此忍度。 打辱 自身苦樂,皆無所有 , 皆能歡喜忍辱是。今言自覺覺他 《正脈》云:《華嚴》首標,此菩薩常修法忍,彼名無違逆行,即無 ,即自覺也。又云:我當了解,廣為人說,即覺他也 , 得無違拒者 ; 亦 《華嚴》 《華嚴》 云 : 謂 菩薩 無量

四相全空 自覺覺他 |,亦不生瞋恨;是知無瞋恨,方為真忍辱也 他無違拒 ,瞋恨無從而生。 自無違拒,甘受外辱,我、人、眾生、壽者

子四 無盡行

### 種類出生 ,窮未來際,三世平等,十方通達, 名無盡行 0

平 等 願 精進 悉皆通達 此進度 ,即不顛倒心;十方通達, 是無盡 0 , 種類出生,謂十二種類,隨類化身,處處出生,廣行教化,菩薩行 ,故窮未來際。既能窮未來際,則三世平等普入;既能種類出生 是則豎窮橫徧 。夫種類出生, 即廣大心。 四皆無盡 即第一心;盡未來際 , 故結名無盡行也 ,即常心;三世 則

#### 子五 離亂行

## 切合同,種種法門,得無差誤,名離癡亂行 0

法 心 此禪度 持種 對機受益 種法門。 。一切合同,種種法門者:以此菩薩心無散亂 ,千難交攻,其智不昏;萬機並赴,其心不擾;故得無差錯誤謬。不 能知 種種法門, 悉皆會合 , 同 為 體 0 得無差誤者 堅固不動,即以一念定 ·故能隨 類說

能持諸法門, 是為 一庭定 未免差誤,是為亂心。今一念定心,寂而常照,故名離癡

亂行也。

#### 子六 善現行

#### 則於同中 ,顯現羣異,一 異相,各各見同, 名善現行 0

即是事 能現多 不礙於理 此慧 , 0 也。 度 理不礙於事也;以事能顯理 同即是理 0 名善現行者 下四度從此開出 ,異即是事 :明此菩薩 ,以理能顯事,則以一理之中,顯現一 ,合成十度。此一 ,於一一行,皆能真俗互融 , 則 於一 切事相,各見全理 多無礙 , 同 [異俱成 , ,即多能 事理無礙矣 0 切事相 即 現一 是理 , 即 事

#### 子七 無著行

## 如是乃至十方虚空,滿足微塵,一 塵中, 現十方界。現塵現界 •

## 不相留礙,名無著行。

無礙 此方度 即十玄門中 0 即大方便力之所運用 ,廣狹無礙自在門也。 0 如是指善現 十方虚空 , 理事 ,滿足微塵 無礙 , 固 大中現小 如是矣 ! 此 ;一一微 明 事 事

名無著行 入塵 界不小;界中現塵 塵 現十方界,小中現大。現塵現界,能現所現,二俱不壞其相;謂塵中現界 而界不小,是小不留礙於大也;塵含界, 有執著 ,而塵不大;同時俱現,不壞自相,互不留礙 , 安能 小大並 融 如此 。三祖云:「極大同小。 而塵不大,是大不留礙於小也 0 不見邊表 《正脈》云:界 八;極小 ; 而

#### 子八 尊重行

同大,亡絕境界。」永無與亡絕,即無著也。

## 種種現前,咸是第一 波羅密多,名尊重行。

菩薩住 與事 能 行 運 此願度 咸皆到於最上究竟之處。言第一者,即最上義;波羅密者,即究竟義 此岸眾生 事 此行時 此云到彼岸,謂離生死此岸,度煩惱中流 無礙 ,至彼岸無憂惱處;而菩薩往返 《華嚴》云:此菩薩於大乘願,不退轉故。 ,不捨菩薩大願 而菩薩妙行 , 無不具足, ,不住生死此岸, 悉得現前 ,到涅槃彼岸也。如 不住涅槃彼岸,不住煩惱 無有休息。今經稱第一 。咸是第一 種種 現前 波羅密多者 : : 躡上不惟理事 《華嚴經》云: 者 中流 : 。又波羅 隨舉 即 此義 , 而

也 結名尊重行者:以行至於此,誠為可尊可重也。 《華嚴》云:難得行,如世間

尊重之物,甚為難得也。

#### 子九 善法行

## 如是圓融 ,能成十方,諸佛軌則,名善法行。

法行也 法也;徧 於一行中,具足無邊妙行,圓融無礙。能成十方諸佛軌則者:此明其建立利他之教 此力度 歴十方 0 謂此菩薩善能身體力行 , 助佛轉輪 , 教化眾生,而一言一行 。如是,指前種種法門 ,可為軌轍可為法則 ,咸是第一波羅密多 , 故名善

#### 子十 真實行

## 皆是,清淨無漏 0 真無為,性本然故,名真實行。

無為者 竟 皆是一真實相也。 此智度,亦名不違實相智。一一 ::謂非劬勞於權小,肯綮修證,有為功用。性本然故:作二句之由 清淨無漏者:謂非貪染於凡外, 皆是者:躡前九行,一一自利 欲有 無明 諸有漏 利他,諸行究 法 ,意謂從 真

始真;所以性本然故,名真實行。五十行十位竟。 性起修,不妨全修即性,其性由來清淨,不待浣之而始淨,元本一真,非待修後而

向 五 癸六 回向十位 無盡回向 六 分十 平等回向 子 初 離相回向 等觀回向 二 不壞回向 八 真如回向 Ξ 等佛回向 九 解脫回向 四 至處回

無量回向

今初

度眾生 阿難!是善男子,滿足神通,成佛事已,純潔精真,遠諸留患。當 ,滅除度相,回無為心 ,向涅槃路 。名救一切眾生 ,離眾生

#### 相回向。

文雖 二回向 如 佛道眾生,準《華嚴》回向,即是發願。圭峰大師云:回向不出三處:一 , 不類 隱 此 **]**佛道 口 顯 后 亦然 十 而旨無不合也。 ,三回向眾生。今經文簡略 位 0 顯者 回佛事而向佛心,心 ,正當發揮 此位菩薩 t;隱者 以前十行,涉俗心多,今以願濟行 、佛、眾生,三無差別 ,各有隱顯 , 亦以意含 , 0 非全 如眾生顯 無也 ,餘二則隱 0 故此 佛心即真如 經與 回向 ;若有行 , 《華嚴 佛道真 ,具足 真 如

無願 無漏 患 總 塵 攝 亦即雙超 十行 則 ,行不究竟 其 則藏性之體 〈神通,已滿足矣!八行種種究竟,九行成佛軌則,已成佛事矣!十行清淨 0 以 世出世 十行既備 0 阿難!是已修十行之善男子,自初行至八行,顯同顯異 ,已純潔矣 間 也。以上皆屬前文,此下方成本位 圓 [成雙超空有之行 <u>!</u> 真無為 , 則藏 , 界內不為著有留患 性之用 ,已精真 **矣!** , 界外不為滯空留 遠諸 留患 ,現界現 : 是

,

著離相 無所住 中道 方為 同 行,入無為心,是回入真因也;背生死途,向涅槃路,是趨向真果也。二句各說 成 趣真之意 當度眾生 可 耳 正當度生時 而落空 , 此當度眾生也。 而生其心」 由 其即相故 ,滅除度相者:以其正當度生時,即滅除度生之相 0 故能救護眾生;以其向涅槃路 《寶鏡疏》云:度生之法,須識 , 之義 此不落於空;滅除度相 , 夫既 當度眾生; 0 應 **泛無所住** 度盡眾生 ,以其離 , 即 , 不住 不取度生之相 相故 ,此不著於有 切相 即相離相 則不著即相而滯有 須除度相 , ; 如 此滅除度相也; ;正同 , 中道 ; 《正脈》 以其回 妙義 ,此即雙超空有之 <mark>《</mark>金 所云: 無為 剛 故能離眾生 而生 不落二邊 經》 心 **i修行度** 回有為 , 則不 應

相。此則第一、即相離相,以明中道,回向之義。

#### 子二 不壞回向

# 壞其可壞,遠離諸離,名不壞回向。

欲於空起心念 守於涅槃無為法也。所謂涅槃不安,生死不立,善獲中道 離 能 不著於生死有為法也。 ,亦不見中間度生之法,是謂諸離。併此諸離,亦復遠離,既遠離諸離 次明有為無為 。結名不壞者 ,中道妙義 遠離 ,不壞度生事業,依舊廣行布施 0 ,即能離 壞 , 即上滅除 ,諸離 , ,即不見我為能離,亦不見他 可壞 , 即上度相 ;雖知一切法空寂 0 此則第二, ;即壞其可壞 即有為無 ,故不滯 ,而不 為所 , 故

## 為,以明中道,回向之義。

子三 等佛回向

# 本覺湛然,覺齊佛覺,名等一切佛回向。

《華嚴》 次明本覺妙覺 謂:廣大清淨也。 ,中道妙義。本覺湛然者:本覺心佛 覺齊佛覺者:覺指自己本覺,齊佛覺 , 顯現湛然, ,謂與諸佛所證妙 覺海澄停 ; 如

覺 下。 2齊等,無有二相 如 前 文所云:我與如來 :。結名等一 ,寶覺真心,無二圓滿也。此則第三,即本覺妙覺 切佛者:指自身本覺法身,與十方諸佛法身 , 無有高 , 以

子四 至處回向

明中

道 ,

回向之義

# 精真發明,地如佛地,名至一切處回向。

也。 開發了明 而後言三業普入一切世界, 結名至一切處者:即盡佛境界之意;《華嚴》 次明因地果地,中道妙義。精真者:因地心也;佛地者:果地覺也。 0 自己因地心中, 以作佛事。 所含無邊境界,正如諸佛 此則第四 此位菩薩 即因地果地, ,果地理上,所 ,廣修供養 以明中道 , 現 徧 發明 無量剎土 至佛 ,回向之 記即 處

#### 子五 無盡回向

義

#### 世界如來 ; 互相 涉入,得無罣礙 ,名無盡功德藏回向 0

次明依報正報,中道妙義 。世界即所至之處,依報也;如來即所等之佛 ; 正報

千珠 寶剎 也 不 ·分也。互相 前二位 莊 交 嚴微妙 光 相 , 雖覺齊佛覺 映 涉入、得無罣 ;以正報涉入依報 , 珠趣多珠 , 地 三礙者: 如佛地,猶有自他之分;今稱世界如來者 , 多珠含 則一 如以依報 二珠, 微塵內 ,涉入正報,則 多相攝 有無量如來轉大法輪 , 主伴交參 毛孔 故 中 , 得 即 , 0 2無罣礙 自他融 有 如 帝 無量 網

所畏 一憶持 ;以如是等 名無盡功德藏者:《華嚴經》云:住此回向時, ` 四決定慧、 , 皆無盡故 五解義趣、六無邊悟 0 此則第五 ` 即依報正報 、七福德 得十無盡藏:一 ` , 八勇猛智覺 以明中 道 , 回向之義也 九辯才 見佛 、十力無 一聞法

也

#### 子六 平等回向

#### 等善根回向 於同佛地 次明 理 事 ,地中各各, 多 中道 妙 義 生清淨因, 蓋 **一同佛地** 者 依因發輝 明 理 也;各生 • 取涅槃道 淨 · 因者 0 明 名隨順平 事 多也

意謂於始覺本覺 同 佛之理 地 , 其理 則 也 因而曰清淨者 ,皆成真因也 依此真

,

0

:

者 因 二:隨順 (聚道) 故名善根。 展 政轉擴充 理 ,而成多事,事理雖有異名,其體本來無二,故曰平等;能生無上道 ,名曰發輝 此則第六 ,從因剋果,直取究竟涅槃之道。結名隨順平等善根回向 ,即理事一多, 以明中道 , 回向之義

#### 等觀迴向

#### 真根既成 ,十方眾生, 皆我本性 0 性圓成就 ,不失眾生 0 名隨順等

#### 觀 切眾生回向 0

名隨順 性既已圓滿成就 與我 等觀眾生,故云:十方眾生,皆我本性。本性 次明自身生身 不等大悲心,觀察眾生回向。此則第七,即自身生身以明中道 本來同體 ,亦當成就眾生,豈可遺失眾生,而不度哉?此即回自向 ,中道妙義。 , 此 即 起同體大悲心 真根既成:指前位 , 回他 向自 也 ,即本覺之佛性 ,隨順平等善根 0 性圓 成就 不失眾生者 ;由此重起大悲 0 眾生所具之佛 ,回向之義 他也 是 我

性

心

#### 真如回向

也。

### 即 切法 ,離一 切相 。惟即與離,二無所著 ,名真如相回向 0

次明真如變不變,中道妙義

上位不失眾生,即一

切法也;約真如隨緣義

;皆

我本性 非即 即超 而 |復即一 有 ,言語道斷,心行處滅 也 , 切法;若言隨緣時 離 不 切相 離 , 即超 也, 空也 約真如不變義 ,而復不變;若言不變時 , 此則第八,約真如變不變,以明中道,回向之義 若言即 。下入本位 切法時 , 而 0 惟即與離 復離 0 而復隨緣 切相 , \_ ;若言離 一無所著者 ;離即離非 切相 : 不著 , 是即 時

## 子九 解脱回向

# 真得所如,十方無礙,名無縛解脫回向。

業 方 相 無礙 0 次明 精 而 矣 進自 真一切真 其行既為真如所如 無縛 !結名無縛解脫 在 無脫 力 , , 乃至成就普 無法不真;一如一切如,無法不如。下入本文,然真如體徧十 中道妙義 ,自應同彼,於十方界,得無障礙 即入法界, 賢行 0 首句 願 7即上位 彌滿 不可思議解脫 法界; , 惟即 與離 前位住理 0 此則第九、 ,二無所著 三無礙 ,成就普賢身 即 此 , 無縛 位 已得與真 理 事 無脫 語 與 事 如 以 意 事

明中道,回向之義

## 子十 無量迴向

# 性德圓成,法界量滅,名法界無量回向。

性圓成 限量 量 體 德之全體 短無不偏 , 以 次明法界 明 是則量 0 中道 無著 , ,用無不周 九 無礙 , ,即般若德;無礙 滅 , 有量 回向之義 者 ,得性德之大用 , 無量 , 即 隨舉一色一 無量也 , 中道妙義 , , 故結名法界無量 香, 即 , 體 解脫德;無量 0 性德 無非中道 篃 備具 |圓成者 , 故 **,** 回向 曰 , 即法 塵 性德 承前二位而 ٥ 此則第十 毛, 身德 圓 成 皆等法界 0 0 法界量 孤 來 , 山 ,八無著 即法界有量無 所謂 滅者 : = , 一德妙 無有 良由 得性

七自 不壞悲 他 通 結 同 根 前十回向 此二回向眾生;三本妙合覺 , 此 Ŧ. ,以三處區分 回向佛道 一;八即離雙超 ,顯有差別 , :九真俗自在 四因果同 ;而實位位圓滿中道:一 地 , 五依正 ,十體用圓極 互融 , 悲不 六性脩雙即 0 此三回向真 -礙智

如

六回向十位竟

### 癸七 加行四位分二 子 初 結前起後 二 別明四位

# 阿難!是善勇子,盡是清淨,四十一心。次成四種,妙圓加行

者益極 妙非圓 終地位 清淨 位真菩提路 妙圓 並 向之後,列四加者, |丈夫之氣 阿難!是善男子,修習正定,始後乾慧,終於十向,不住妙悟 ,四十一心;此結前也。 於圓 重發真妙真圓 ,故此佛以妙圓以簡之。前於乾慧,即以此心,中中流入,圓妙開敷,從真 皆以 0 , , 如漸次中,非加行莫入乾慧,乃至等覺,非加行莫入妙覺。今獨於十 \增進 自不可以尋常加行目之。蓋此四種 雖熾然修行 ,漸次深入;如下文所云:如是皆以三增進故 以顯十地之法尊勝,非此莫能進入, 0 經歷信、住、行、向,次成四種加行 ,不住於相 次成四種 ,能起無修證之修證 , 妙圓加行:以餘 ,名為加功用行 此開後也 乘教中 ,位位備歷 。妙者 , , 乃入道要門 皆有 善能成就五 ,愈增於妙 ,有向上之心 , 故 曰 : 逆 加 峭 盡是 干五 始 員 非

### 別明四位 分四 丑初 煖地一位 二 頂地一位 三 忍地一位 四 世 第

#### 位 今初

#### 即 以佛 覺 • 用為己心,若出未出 0 猶如鑽火 • 欲然其木 名 為煖

#### 地。

將然未 譬初地 即心 即是心之境 即 觀 云:「學道如鑽火,逢煙且莫休,直待金星現,歸家始到頭。」 以佛 法 颠 0 此 今經但 佛; 別 然 覺 , 名四. 本覺智火 0 ,用為己心者:佛覺 世第 加功至此 , |以心佛對 加 而因心欲亡未亡, ,泯心、 地 : ,本來在木中 喻如鑽. 非心非佛。 辨 佛而滅數量 , 而 火 成 ,指初地所具之佛覺 一位位 -;木譬. 果用將發未發 , 欲然其木, 以心攝眾生 0 , 無明 煖 揀異唯識,位位各有能發定,所發觀 地 猶云: , 今本覺智火 先得煖相現前 , , 佛攝 故 E 日若出· 佛即 ,用為自己加行之因心 真如 心 未出 , , 欲出 頂地 是總攝 , 名為! 0 未出 喻 心即 緩地 如鑽 十回向三 , 佛 無明之木 火 然木 龍牙禪師 ,欲證佛 處 忍 ,及所 也 地 火

### 丑二 頂地一位

又 以己心 成佛所履 • 若依非依 0 如登高山 • 身入虛空 • 下 ·有微

# 礙,名為頂地。

故曰非依 身已入虚空,不過腳跟未離山頂,下有微礙。今下有微礙 自心,即佛境界。而心相未能全忘,為若依;心相垂盡,為非依 又以此自己加行之因心,成其初地,佛覺之所履,心為佛依,如足履地,體觀 礙而至於微 ,而心相亦復無多也。 故結名頂地 , 故曰若依,身入虚空 ,喻如登高 Щ 其

## 丑三 忍地一位

0

# 心佛二同,善得中道,如忍事人,非懷非出,名為忍地。

心 日 心佛歷然 相 便欲訴向於人,有欲出之於口,又非可以話會。故曰:非懷非出,名為忍地 加功至此,則心佛二同,所謂即心即佛也。 善得中道。 煖地,即以佛覺,用為己心;頂地,又以己心,成佛所履。是心、佛猶存二 ,而因果融即, 但將證未證,心中明了,吐露不出,喻如忍事之人,若欲懷之於 常於加行心中, 見佛業用,亦於諸佛行處, 佛覺泯為因心,因心泯同 洞徹 .佛覺 育心 , 故 雖

#### 丑四 世第一位

# 數量銷滅 淡迷、 覺中道,二無所目,名世第一地。

大佛

中道 在 中 則 心 人 了 数量 中 同 喚 , 作所 時 道 成 最 也 數 量 為第 **真銷** , 佛 , 所以名為妙 一銷滅者: 知愚 所履 今則不但 乃 囡 此 ,心佛雙泯 也 心中 乃是覺中道之數量也 0 ,尚存佛履數量 馬 0 而於一 大師 無迷 煖地中,即以佛覺 , 圓也 所修之中 ,猶云非心非佛也。南泉云:莫認心認佛,認得亦是境,古 , 云:不是心 。七加行四位竟 念 中 亦且 無覺 ·道也 ,此二皆迷中道之數量也。忍地 , 法爾 ,不是佛 0 ,下無己心 0 覺 迷覺二字 亦具 ,用為己心,尚存己心數量 中道者 , 此四 ,不是物 : , ,上無佛覺,若心若佛,二 雙貫中道之上,迷中 加行 亦非覺了中道 0 0 然此四 結名世第 中 加行 , 乃果位 ;頂 ,心佛二同 位 , 說雖 道者 地中 , 此 中 一無所目 次第 於世 : , , 非謂 所 雖 ,尚存 間 證之 行 法 迷

難勝地 阿 難 癸八 地上十位 ! 是善男子 現前地 ; 於大菩提 分十 七 遠行地 子 初 歡喜地 八 ,善得通達, 不動地 離垢 九 地 善慧地 覺通如來 發光地 • 法雲地 盡佛境界 四 燄 慧 地 今初 , 名 五

歡喜地

地 有 多義 發 笙 一義 , 略 : 謂 約二 地 地皆發生佛地 |種解釋:| , 功德 成實義 ,大用重重無盡 : 謂地地皆以 0 真如實相 溫 蘊積前 為體 , 堅 法 固不 至

壞

於成實 後 故 答 圓 ٥ 成 據 非 果地修證 前 同 , 非 四 ...卷 切 異 佛法 末 0 0 何 , 是則 如來 以謂之非 , 依 此發生 但立 , 但以修習圓通本根為因地, 因 盲 果二地,文云 ?功德超 , 故謂之地 勝故 0 : 問 ; 何 ·得元 : 以謂之非 四 明 加行亦皆稱 而以佛究竟妙覺為果地, 覺 , 無生 異 ? 滅 同 地 性 為 與 趣 , 為 進 此 同 妙 因 覺之 地 耶 心 異耶 中間 因 , 然 地 ?

ZH 難 !是善男子 , 於世第 地 , 善能成就 , 則障 初地 , 分 無明 , 豁 然頓

破

皆圓

[成果地之位也

佛覺故 此菩薩 無二 而 而 :如來三 且 盡佛 能 位居分證 境界 盡諸 覺通 一德秘 如 藏 佛 如三世諸 來 , , 不云成就 微 全然圓 , 妙 盡佛境界二句 境界 佛 證 ,但是通達 0 0 即前 所應得者 於大菩提 文所云 , 即釋上二句, : , 0 我已得之,如一 而善得者 即 無上菩 惟 妙 覺 以自心· 明 提 , 即 , , 不出 圓 現量親證 照法 本覺 切眾生, 三藏 界也 與諸佛 全體 , 不離 所 本 此 · 具者 首心 不 妙 十玄妙 雤 但 通 , 我已 通達 達 融 用 通

證之;是故極生慶快,名為歡喜也。

### 子二 離垢地

# 異性入同,同性亦滅,名離垢地。

滅 垢 雖 同 ٥ , 所以於無間道中,無修而修,定慧雙流;解脫道中,無證而證,並將此同性亦 是謂離垢清淨 異性,指九界之性 佛境 , 而此境未亡,猶是清淨心中之微垢。因對異說同 , 故名離垢地 ;前位覺通如 來 , 即九界之異性 ,入於如來,平等之同性 , 異固是垢 , 同 <u>|</u>亦是

### 子三 發光地

# 淨極明生,名發光地。

0 明生者:譬如古鏡重磨 淨極者:前位同性亦滅 ,細垢已離,但未至離離;今將離垢之離復離 ,垢盡之後 , 更加拂拭 則淨極明生, 真覺顯露 ,是為淨 靈鑑

無礙,即所謂淨極光通達也,是名發光地。

極

### 子四 燄慧地

# 明極覺滿,名燄慧地。

聚 , 能燒煩惱之薪 明極者:躡前位 。而言覺滿者: 0 光明始生,未至明極, 明其稱性故 , 此位妙明極盛,覺智增長 所謂覺照 , 彌滿清淨 , 中 ,如大火 不容他

即前云:寂照含虚空也 名燄慧者:表如燄之慧,有爍絕之勝用而已

### 子五 難勝地

# 切同異,所不能至,名難勝地。

相及 復經同性亦滅 地前智名異 及尚不能及 , 由淨而明 地上智名同 , 況超勝乎?故名難勝地 , 由 旧明而滿 0 初地覺通如來,異性滅,惟一佛境 , 再經 兩地之修證 0 唯識謂此地 ,則前之異同 , 真俗兩智 , 即同 行相違合 至此則杳不 也。 二地

# 今令相應,極難勝故。

### 子六 現前地

# 無為真如,性淨明露,名現前地。

從初地至此 銷異滅同 ,明生覺滿 , 復超同 異 凡情聖解 ,悉已剷除 0 有為功

證 用至極,即契無為真如也。 0 然而 真如 ,全體大用 ,當在八九兩地;而八地,真無功用 性淨明露者:真如妙性,本來清淨 ,此地方到無為 ,分明顯露 , ·初得親 始

子七 遠行地 顯真如,

但約性顯

,

而名現前也。

#### 盡真如際 ,名遠行地 0

真如本來無際,望之不見其影,窮之無有分量;今言盡際者:即所謂盡其實

際 於無際之際,迥超極造 ,故名遠行地

### 子八 不動地

#### 真如心,名不 動地 0

如自心 有 |變動 承前既已盡際,乃得全體。一 即所謂徹法底源 菩薩當住此地 , , **偏觀諸法,諸法皆真** 無動無壞 真凝然、湛寂不動。 ,故名不動地 ,法法皆如 動即 , 變動,而如理精真 塵 一毛,一 無非真 , 無

#### 子九 善慧地

# 發真如用,名善慧地。

真如用 法爾 必同乎?故須具十玄,方為稱真之用 量 礙辯 涉 理 大用中一 毛 , 0 與斯何異?」答:「七行方有是願,五向方有是願,未說親證本真,自體自 阿 本具 , **企** 《華嚴》 皆清淨 為 僧 也 用耳 脈》 《大法師 祇 0 , 顯現發揮也。」《華嚴》、 結名善慧 句 義 本然 云:前位 ,故明用,不遺說法,而說法,豈盡大用耶?餘地既皆不盡同 ` , , 《金光明》 最善! 無有 , 周 ,即法界無障礙智也。問:「七行之塵界互現 窮盡 說法 編法界 ,是得真如全體,此位,是發真如大用,稱體起用,自然之 , , 0 多指功行 故名發真如用 0 《華嚴》 此位 ,然亦豈遺說法哉 名此菩薩 則 , 《唯識》、《金光明》 而本經惟說本真 0 余謂說法 互攝 , 互入 具四無礙智 , **´,即徧即** 固可 ,自體自用 , 以說為發用 , 作大法師 皆言此地 包 , , 十玄業用 五向之依 0 前位 , , 演 具 然方是 , 此何 四 說 用 正互 塵 皆 無 無

### 阿難 ! 是諸菩薩 • 從此已往,修習畢功,功德圓滿 0 亦目此地,名

### 修習位。

功德 下文意,亦復指後 此已往:往者去也,即自九地以去,後三位也。不可指前,若指前 阳 亦稱 難 ?!是諸菩薩:諸者眾也,近指四加以至於此;遠指 蒷 滿 此去祇論證 0 修習畢功 , , 不論 功德圓滿者: 修 0 亦目 謂言修習之功行 (也) 此地 ,為修習位 ,該前之四十一心。 ,於茲已畢 : ,應言已還,且 顯修習之功 , 出世之 從

### 子十 法雲地

終極於此

,故另結之,以清眉目焉

# 慈陰妙雲,覆涅槃海,名法雲地。

故 初發心脩行 德 彰 0 但 涅槃梵語,此翻多義,今略取圓寂之義,謂真無不圓,妄無不寂。即菩薩從最 地上 慈妙是法 Ħ 覆也 清涼 , 依不生滅之根性,定慧均等, 0 ,陰雲是喻 0 結名法雲地,以慈智是法 良以慈陰妙雲,是十地 0 謂真慈普被 , 圓滿之因德,涅槃性海 彌滿成陰 ,雲字該攝陰字, 中中流入, , 妙智大雲,靉靆密布 趣涅槃果海 仍是雙舉法喻以結之。 , 是 十 , 到此將證未證 地將證之果 , 理智齊

八地上十位竟

# 如來逆流,如是菩薩,順行而至,覺際入交,名為等覺 癸九 等覺一位 分二 子初 正明本位 二 出所得慧

之, 脈》 妙覺 流 海門;是二船恰齊,但前商船頭向外;後商船頭向內,為不同耳。溫陵曰:如來逆 生 始覺還源 入海探寶 云:覺際入交者,菩薩始覺 則如來出菩提覺際,而菩薩入菩提覺際,彼此正當相交,故云覺際入交。 此正明本位。 出同萬物 倒駕慈航 齊佛際而破生相。 , 本始合 前商已得諸寶, ,逆涅槃流而出,入生死海,脩因尅果,此就斷果言之。若就智果言 ,菩薩順流 《起信》等諸經論,十地後不開此位;在法雲地,即謂方便滿足, 得智淨相 如來逆流者:謂如來因圓果滿 ,入趨妙覺。 逆流 活 出 ,乃合入十地耳 ,與佛妙覺 , 已至覺際,故名入交,與佛相齊 到於海門;後商 ,分劑正齊,但有順逆之不同耳 0 此位 方以進 ,得證涅槃果海 ,將明菩薩始覺 取 順流 流 入 , , , 因不捨眾 等於 故名等覺 亦到 譬如 **如來** <u></u>
歪

## 子二 出所得慧

也

#### 阿 |難!從乾慧心 ,至等覺已 • 是覺始獲 • 金剛心中 • 初乾慧地

即欲流 經始終 生相 後 死 由 未悉本經之的旨耳!蓋九界眾生,咸因三種業流 無明 是覺 無 Ħ. 阿 難 住 明之惑體 ,有二乾慧名 ` 住 有流 者 **!從乾慧初心,中間所歷,信** 地 即 : 所謂 指等覺;金剛心者 , ` 即 無明 ;是等覺位 無 i 欲愛住 明流 流 , 古來諸疏 也 , 0 感變易生死 色 中 以前四住為欲流 愛住 , 方始 , , 解脫道 議論紛紜 ` 無色愛住 獲得金剛 文住 至佛 前 , ,全無定準,致令後學 , 果乃斷 有流 無間 行、向 心 ` 見一 屯 道 ,致有五住煩惱 切住 感分段生死 初乾慧地 ` 分 , 四 加 ` 無明住也 至堅利之慧 + 0 地 此 寶鏡 , ,而至等覺後心 亦無可 在初信已 0 ,以感二種生 疏 , 能破最 種流 云 據 斷 ; 良 此 初

位 前 云 : 至等覺 名 以此論之, 欲愛乾枯 為 初伏客 ,金剛後心 則前乾慧,乃是金剛初心,先斷欲有二流,出分段生死者也。 塵 根境不偶 煩 惱 0 生相無明纔乾 自初信之後 現前殘質 ,以此定慧堅強,方始永斷, ,不復續生 即志 斷 無 明 0 , 如澄濁水 但 其積習深厚 , 沙土 百沉 故云是覺始獲 故 歷 清 *Ŧ*. 以故 + 水 四 現

與如 金 蒯心 來 **沙莊** ·中,初乾慧也。溫陵曰:前名乾慧,以未與如來法流水接;此名乾慧 嚴海水接 0 吳興曰:以障妙覺 ,無明初乾 ,未與究竟如來法流水接故 ,以未

也。

## 癸十 妙覺一位

### 如是重重 ,單複十二,方盡妙覺 成無上道 0

十位為 體全彰 流 謂 究竟果覺 重單複十二也。 剎那 : ,菩薩返妄歸真 如是,指始從乾慧,終至妙覺,重重單複十二,方能窮盡 名一 間 複 四 位為單 得成無上正真 證 無礙法界之用顯現 如 入 信 斯位 方盡妙覺 、住 0 ,還歸此法界, 如乾 ; ` 行 但惟本覺 (澤聚) 之道。等覺 , ` 成無上道 向 煖 ` ` 頂 窮玄極妙 地之五者是也。以其單有七重 , 窮源極證 無別始覺 、忍、世、等、妙之七者是也。 一。盡者 ,不可思議 , ,始本合一 , , 只但稱齊, 寂 窮極之義 照 如 0 ,能所雙亡,方為盡妙 成無上道 ;眾生迷真起妄 , 理事 始本尚未合一 相即 ,妙覺果位 , 複有 :成就三菩提,三 複五者 , =五 如 ,今於最後 重 , 來藏 從 。單七者 , 故言 謂 此 性之 , 名 法界 一 名 重

涅槃,至極無上之道也。初正答因果諸位竟

# 壬一 結顯清淨脩法

#### 是 種種地 • 皆以金剛觀察 ,如幻十種深喻 • 奢摩他中, 用諸如

# 毗婆舍那,清淨修證,漸次深入。

聞修 結云: 建立 用 破 正 藏 二品 此 是上 性全體大用也 也。蓋金 ·是種種 金剛三昧 金剛觀察之力, 無 來, 明 , 證 耳根 地 剛觀察者 。 一分三德 皆用金剛觀察, 亦即文殊所謂:宣說金剛王 圓通 ,亦即首楞嚴定之體用也 內照之功所 , ,體用雙舉也。金剛 稱性起脩,所經之種種諸地 ,由是位位 如幻三昧也 成 也 , 轉入 0 如 (幻十種) (轉深 • ,即藏性之體;觀察 如前 , 如 , 深 所謂 幻不思議 而至等覺 喻: , 皆 , 如觀 金 以金 , 剛王寶覺自分證位 , 佛母真三昧。 音自 金剛後心 剛 藏心, ,即藏性之用 陳云 觀察妙慧所 : , 如幻聞 完全皆是 故 如來 中 ; 此 熏

空華 喻 妙音如谷響 者 如 《大品》 0 諸佛國土如乾闥婆城 云 : 觀 切業. 如幻 , 佛事 , 如夢 切法如燄 佛身如影 • — 切身 報身如像 如 水月 妙 法身 色如

捨雙忘 微 本具圓定 裏 既 嚴 如 密 魔軍 百不 土 化 觀 , 不 供佛 可捨 照 , 忘心 可取 大作夢中 , ,即根中不生滅,不動搖之性,是天然本具之定體,而能照見於此 圓 而已。然既 , 則任 亦寂 不不 解 大開 -佛事 運度生 可捨 , 故 , 者此 於是稱性起修 云深也 曰不可取 • — , 切空故 任 也 運說法 0 0 古德 奢摩他中 , 則 。此中喻雖有十,所喻之法 無生 有云 , , 於中用諸如 任 運 , : 可 用諸 修習空華萬行 嚴土,任運 度 , 無法 如來,毘婆舍那:奢摩他 來 可說 , 供佛 毘婆舍那 , , 宴坐 無土可嚴 0 既 ,不出 |水月道| É 0 前 切空故 度生 文問答 , 無佛 場 說 , , 是自 降 可 是為 伏 則 供 法 性 取 無

亡塵 意 所言觀者 觀 照性 毘 所謂毘婆舍那。《起信論》云:所言止者,謂止一 如 |婆舍那 《莊嚴論》 定慧雙流 謂 , 分別因緣生滅相 全歸修意 云:安心於正定, 無修而修 ,蓋是不離自性本定之中 ,隨順毘婆舍那義故 , 揀彼凡外事相之染修;無證 即名為止 ,所謂 。今詳此經語氣 切境界相 奢摩他 雙用即定之慧 0 一 而 證 正住法分別 **5**,隨順 , , 揀彼權小新成 與即慧之定 奢摩他義故 似不全同彼 , 是名為 是名

大佛

頂

之實證 故曰:「清淨修證。」 從三漸次中,悟圓理,而起圓修,漸次深入,究竟

寶所矣!二結顯清淨修法竟。

# 壬二 推重初心勸進

# 阿難!如是皆以三增進故,善能成就,五十五位,真菩提路 0

逐答阿 根 行 嬣 云如是種種位次,皆以三增進故。正助熏修,從始逮終善能成就,五十五位,真菩 此通結 禪那 十方如來,一門超出妙莊嚴路 門深入 難 所問三名 ,最初方便,而如來首告之曰:有三摩提,名大佛頂首楞嚴王,具足萬 一經,大定之始終。 ,四說禪那證位 。二說奢摩他路 ,令住圓定,直趣菩提 自阿難啟請十方如來得成菩提之定,妙奢摩他、三 。此初示佛定總名,令知諸佛 ,令悟密因 ,大開圓解 。文至此處 0 三說三 , 一摩修法 是禪那證位 修因尅果 ,令從耳 然後 故

定體 善能 然後躡解起行,依此不生滅性,為本修因。從耳根下手,一門深入 成就者 : 先從大開圓解 , 悟明根中不生不滅之性 , 即是首楞嚴天然本具之 ,中間經

提路;是三增進

,乃為證楞嚴之最初方便矣!

之; 諸位 猶 不妨幻證 歷 未起 ,信、住、行、向、地 則 真實歸菩提家之道路也。乾慧非真 知 程 五十五位 ,於本無漸次,深入之中,不妨幻立漸次,而深入之。真菩提路者: , 故 5非是路 ,真菩提路者,即十方如來,一門超出,妙莊嚴路也。三推重初 , 是以除之;以妙覺 ,四加等覺,五十五位;無修而修,不妨幻修, , 、究竟覺已經到家 妙覺非路 , 以乾慧相似覺 , 亦非是路 ,未發真信 無證 故 而 即 亦除 證

# 壬四 判決邪正令辨

心勸進竟

### 作是觀者 ,名為正觀;若他觀者 **,名為邪觀** 0

行 者 不出金剛觀察。始從因地,終於果地 云 為 , 名 為 真 上云,是種種地 「諸修行人,不能得成無上菩提,乃至別成聲聞緣覺,及成外道,諸天魔王 (修者 正觀 :欲 皆名為 人捨邪, , 他觀 皆以金剛觀察 ٥ 而歸正也。 非自性之正定, , ,先頓悟根性為因心,然後依悟修證 此邪 如幻十種深喻 、不定指邪外, 即名為邪觀 ;是知楞嚴正定, 也 ٥ 凡執六識為 如第 卷 全體 、二種 真因 0 作是觀 大用 根本 以

及魔眷 一示淨緣起歷成諸位竟。再併上三大科初正說妙定始終竟 屬 ,皆由不知二種根本,錯亂修習。」亦此意也。四判決邪正令辨竟。併上

爾時,文殊師利法王子, 戊二 通示全經名目 分二己初 在大眾中 文殊請問經名 • 即從座起,頂禮佛足,而白佛 二 如來備說五名 今初

:當何名是經?我及眾生,云何奉持?

開修證 生 中 道 來 經 **栏義略備** !而已。爾時者:當總示逐答諸文,已竟之時。文殊師利法王子解見在前。在大眾 依依 因名思義耳 此文殊請問經名。夫名者實之賓也,義者,名之實也。斯經自正宗以來,所詮 即 從 義立名 ,而卒乎極果,則經之正範畢矣!結經後文,尚屬正宗,舊名助道者 座起 , 而能詮之名未彰;故以文殊 ,即得總持之要。溫陵曰:正宗未終 0 頂禮佛足 云何奉持者:奉以自修, ,而白佛言:當何名是經?正求佛因義立名 ,請問經名。此菩薩是根本大智 持以化世也 , 而遽結經名 , 申 初示密因 ,使現未眾 ,有欲如 特助 , 次

如來備說五名 分六 庚初 境 智 機益 Ξ 性修 四 要妙 五 因果

### 八總答 今期

# 佛告文殊師利:是經名大佛頂,悉怛多,般怛囉。 無上寶印,十方

# 如來,清淨海眼。

名 此密題境字,乃是理境,為顯題智之所照也。大佛頂:大者,即眾生之心,當體得 智為名。上十三字為境,屬密題;下八字為智,屬顯題。詳玩五名,皆顯密雙彰 以表一真法界也 横無邊涯 文殊請名 ,如來具答,告文殊師利曰:是經二字,總貫下五名。 ,豎無底蘊 二;佛頂 ,即佛之肉髻頂相 ,以表無上最尊,無見最妙 此第 題 , 正 境

無上 佛頂 絕染 寶印者 悉等六字,此云白傘蓋 ,連用之意,即體大也。悉怛多,般怛囉:此之白傘蓋,白為眾色之本,純淨 即相大也。 總攝上一真法界,一心三大,圓融絕待 傘蓋為展覆之具,普被一 **,七卷中** 元有摩訶二字,翻為大,此不列者 切 ,即用大也。正表一心三大之義也。 , 更無何法, 能超過其上,故 因

云無上寶印

,即海印心印

【華嚴經》云:海印三昧威神力。 《法句經》云:森羅及萬象,一 法之所印

題 法 , 為 ,即一心之法;所印 理境 。末八字是顯題,為智照。 ,則法法皆心 十方如來:指過去諸如來, ,諸佛諸祖 ,遞代相傳之心印也。此上是密 斯門已成就

有光、還照珠體 ,故以境智為名 淨者

離

分別

`

絕能所

;海眼者

, 海

即心海

,眼即智也

,謂照心海之智眼也

如珠

#### 庚二 機益

# 亦名救護親因 ,度脫阿難,及此會中,性比丘尼,得菩提心,入徧

#### 知海 0

獨

當機 大權示現 此題惟顯無密 0 此第 救 度 凡 三題 ßп 務多聞 亦可謂之密,以上屬機 \_難 ,機益為名。上十六字屬機,下八字屬益。前云五題 , 脫離淫 0 ,而未全定力者,皆準阿難 細察其意,救護親因,亦仗楞嚴秘密神咒之力。阿難性尼皆此經 難 , 及護持會中性比丘尼,欲愛乾枯 。下屬益。得菩提心者:頓悟因心;根性 ;凡欲惑熾然,不思出要者 , 頓證三果 , 皆顯密雙彰 0 此二人皆 , 皆 ,即是 準性

尼

因 心 ,依此而修,疾趣無上菩提之果覺。入徧知海:即得入正徧知海。正知,心生

萬法;徧知,萬法唯心。得此圓智,是之謂益

### 庚三 性修

# 亦名如來密因,修證了義。

然後依之起修,方能得菩提果。而謂密因者,乃秘密之因地心也。而凡 此第三題,性修為名。十方如來,必須先悟自己根性,本不生滅,是菩提因 、 外、 權

即不 小 無 皆所不知 , 所謂 無修而修 。此四字屬性具,為密題;下四字屬修成,為顯題。 , 非同事相之染修, 無證 而證 , 非同新成之實證 言性雖本有 , 故曰: , 修

「了義修證」。

### 庚四 要妙

# 亦名大方廣,妙蓮華王。十方佛母,陀羅尼咒。

大之義。大者 此第四題 ,要妙為名。上七字為最妙, 、直目性體,橫豎無際故;方者,具足德相,恆沙稱性故 屬顯題。大方廣 ,以次為體 ;廣者 相 :、用三 ; 稱

名不可 義 王者 7思議 , 自在之意,亦見斯經與 蓮華 , 喻 如來藏心,因果交徹,染淨 《法華》 同條共貫矣!下八字為最 如 略取方華即果 要 , , 處常 屬密 :、淨 題

佛母 表 其 畄 生義 ;陀羅尼 此云總持 , 明其含攝義 , 十方 切諸 佛 皆 從此

方 切諸佛,故稱佛母 0 陀羅尼:此云,總一 一切法 , ·持無量 義 , ,即指: )佛頂 神 所出

生

故

0

前云:是佛

頂光聚

,

悉怛多

`

般

怛

囉

,秘密:

伽陀

,

微

妙章

白

0

出

生十

能 總持 切諸 法 , 十方如來 , 因此咒心 , 得成無上正徧知覺 , 故冠以十方佛母 陀

羅尼咒。

### 庚五 因果

# 亦名灌頂章句,諸菩薩萬行,首楞嚴。

此第五題 , 因果為名 上四字, 及首楞嚴為果 屬密題 , 諸菩薩萬行 為因 屬

顯題 頂章句》 按 )此經 0 此 |依總彰別 原係中印度 , 意顯 那爛陀寺大道場 此經 , 所有章句 經於 皆屬 《灌頂部》 《灌頂部》 錄出 出故 別行 ٥ 故名 **(灌頂疏)** 《灌

位 部》 佛 云 : , 印度密部有五:東方阿閦佛,名金 真菩提路 名蓮華部; 誦此章句 無修而修 北方成就佛 , 仗其秘密之功能 , 無證而證 1,名羯 磨部;中央毘盧佛 , 而悟理起修,亡塵 則為諸菩薩萬行 剛部 ;南方寶生佛,名灌頂部 , 名如 照性 是無作妙行 來部 , 遂得疾趣 0 此經是 蒙如 ;西方彌陀 , 來智水 五. 《灌頂 十 *E*.

庚六 總答

灌頂

,亦猶剎利之受職也,證入楞嚴究竟堅固之果。

### 汝當奉持。

從性 如來所以應求而說者。可謂委悉盡矣!二如來備說五名竟。併上大科,二如來答定 起修 以上五名 , 盡其要妙 汝當因名思義 , 滿其因果,方為能奉持也。 ,敬奉受持。 《正脈》 夫既說全經 云:蓋必以智照境 , 而又備 , 隨機受益 陳經目 則

說 是語已 當機獲益 0 即時 分三 阿難 戊初 及諸大眾 叙述所聞 • 得蒙如來 頓悟禪那 ,開示密印 Ξ 漸證二 果 般怛囉

竟

# **我,兼聞此經,了義名目。**

得其別 功勸持 悉怛 收 種了義名目,此五名,皆詮盡理,直指之了義。 指 秘密心印 利益 多 此 相 出名總答。說是語已竟之時 , , 齊等 併懇示進修 般怛囉之義 , 可 , '以開悟 圓 故雙述 **超妙體** , 顯益也 得其總相 五十五位 此云大白傘蓋 , 得此為因地心 , ,真菩提路 可以奉持。 ,阿難及諸有學大眾,得蒙如來,開示密印 , 雖 , 可以成佛曰印 無前五字 0 蓋開悟宜詳, 及聞此經,文殊問名, 《正脈》云:名標總相 ,文之略也。 , 眾生不知曰密 而奉持宜簡 前文重宣 , 如來備說 義演別相 , 0 又即 然總別互 神 弫 ; 即 摩 , 述 五. 訶

### 戊二 頓悟禪那

# 頓悟禪那,修進聖位 ,增上妙理,心慮虛凝 0

那耳 名 前敘 並 未言 文從信、住 聞併及大眾。 禪那 獨至 、 行 · 此悟 一此處 向 ` , ,乃大眾同 四加 始一 稱之, 、地等 悟也。 下連修進聖位 ,頓悟漸修 頓悟禪那者:自如來逐答 ,經歷五十五位 足顯談聖位 處 ,全性起修 , 即 ,三定別 是說禪

則焉 全修在性。增上妙理:增上, 心慮虛凝者: 《正脈》云:全經朗徹,萬象一心,海印森羅,言思不及之境 殊勝也;妙理 ,即玄妙理體 ,迥超權漸,乃圓 **잴頓之極** 

### 戊三 漸證二果

也

# 斷除三界修心,六品微細煩惱。

各九品 方證二 終 品 竟 故 心 , 大開圓解,頓獲法身,然理雖頓悟,乘悟併消 前雖悟同大眾,而證有分別,此阿難進位於二果,非大眾同證也。斷除三界修 正宗大科, 雖 而 此斷思惑,於修道位中斷之, 果 證 證 , 無學 斷欲 二果 微細煩惱者:即思惑,揀非見惑之麤耳。 界前六品 , 丙初正脩具示成佛妙定竟 決定自知 今云六品 , 而證二果 , ,即欲界前六品也。 成佛不謬也 故曰修心。然全分八十一品 , 斷後三品,而證三果,斷上二界八地七十二 0 請位至此 阿難原是初果之人,自 , 足見阿難煩惱障重 事非頓除,因次第盡 名圓位因果周 通三界九地 。三當機獲益 聞 所知障 經至三卷 ,故至此 每 地 輕

# 大佛頂如來密困修證了義諸菩薩萬行首楞嚴經講義第11+卷

福州鼓山湧泉禪寺圓瑛弘悟述受法弟子明暘 日新 敬校

堕落 丁初分二 助道別詳護定要法 分三 戊初 阿難請問 丁 初 如來詳答 談七趣勸離以警淹留 戊初分三 己初 謝前述益 \_ 辨五 魔令識以護 總問諸趣

### 三 別舉地獄 今初

遮 即從座起,頂禮佛足。合掌恭敬,而白佛言:大威德世尊,慈音無 ,善開眾生,微細沉惑,令我今日,身心快然,得大饒益 Ţ

定而已。 功 定 ,故別詳護定要法。初談七趣勸離者,此以戒助定。二辨五魔令識者,此以慧助 ٥ 總示別答,從因至果,言義俱周 此處仍屬正宗分。然正宗未竟,遽結經名者,以前為正修,阿難問定 《正脈》云:自經初,每曰輪轉 ,理應結名。以後為助道,資助楞嚴大定之成 ,曰諸趣 ,曰輪迴 , 曰淪溺,乃至十二類 , 如來答

此謝前述益 大佛 頂如來密困修證了義諸菩薩萬行首楞嚴經講義第二十卷 ,即從本座而起,頂禮佛之雙足,合掌恭敬,而白佛言:大威德世 生

皆以謂此,而不及詳言,故此委談勸離

,所以警淹留也。

眾生 菩提之有分 難 旪 尊;十二類生 露 了 微 故具攝受之大德。慈音無遮 故 日 細沉惑者:善巧方便 微 , 細 ,顛倒妄想,一 知涅槃之可修 0 無始 俱 生 無明 ,從此生死無干, 時頓銷 ,開示眾生, , 故曰沉 (避者限也):教不簡 ,故具折伏之大威。五十五位 惑 微細煩 0 此皆 故得身心快然,得大饒益也。 1破妄也 惱 [乎親疎,機不分乎勝劣 , 以思惑修道位中 0 妄既 破 ,增上妙理盡情 , 而 所 真 自 斷 初謝前 顯 善開 行 喜 相

## 己二 總問諸趣

述益竟

#### 世 | 尊! 若 此 妙明 • 真淨妙心 ,本來偏圓 , 如是乃至 ,大地草

#### 動含靈 ,本元真如 ,即是如來 ,成佛真 體 0

空 周 妙 徧 其 乃至大地草木(器世) 圓 此總問諸趣。先據唯心真實。世尊 滿 (用隨緣曰明 妙 Ĺ 既 已如是 ;從來無妄曰真;究竟不染曰淨;具此 , 乃至超略之詞 蝡動含靈 (甘間) ,若此眾生, , 超四大 本來原具 五陰 所具如來藏性:其體不變曰 四種 真 根 如自性 徳相 塵 , 即 識 曰 妙心 法 是十 , 以 泛虚 方如 本來

來,成佛真體,無二無別。

# 佛體真實!云何復有:地獄、餓鬼、畜生、脩羅、人、天等道?世尊!

# 此道為復本來自有?為是眾生妄習生起?

答:前問三種生續 中, 員 見輪迴。若悟後文,精研七趣,皆是昏沉,諸有為相,妄想受生,妄想隨業,於妙 然 法 道 崩 云何忽生三種生續?此阿 與今現悟徧圓之義不符,所以未敢深領,而致問也。又前滿慈所問:清淨本 從本以來自有,則七趣不應虛妄;若是眾生心中,妄想習氣生起,則心外有 因何而有?為復真如體中本來自有耶?為是眾生心中妄習生起耶?若是真如體 既是佛體 無作本心,皆如空華,元無所著;但一虛妄,更無根緒,則二疑俱釋矣!二 ,自應真實,云何復有七趣之虛妄耶?等道,即仙道。 ,起於性覺必明,妄為明覺;今問七趣虛妄?由於情想差別 |難所問 佛體真實 ,云何復有七趣虚妄?同耶 世尊此等諸 異耶 , 故 ?

### 己三 別舉地獄

總問諸趣竟

大佛

#### 偷 卌 尊 • • 無有業 如 寶蓮香 報 0 發是語已 比 丘尼 • 持菩薩 ,先於女根 戒 • • 私行淫欲 生大猛火 ,妄言行淫 ,後於節節 • 非 猛猛 殺 非 火

燒

然

•

墮

無間

獄

0

命終神 報 入 火 大猛 見 財 戒 風 物 燒然者 ; 似 火, 毀 火者 而 此 , 又私行 淫 是 識 律 但 九 二交過 誤 報 是彼此 , 徑墮 情 淫 人 **《**鳥 0 欲 淫欲 舉 , | 芻章 | 地獄 想 地 罪 交歡 屬 現 惡彌 火 事 , 既 , 受報 輕 以 ,而受果 , , 生有 云 : 故感  $\dot{\mathbb{E}}$ 甚 問 現 應在 ; 破 前 地 蕳 故 說 女根生大猛 戒 無業 獄 報矣! 多淫人 0.感華報 風火二交過 ,且以妄言謗戒 , 重生 ,將來亦無果報 也 無間 , ` 《指掌疏》云:下云九情 0 果報 成猛 火 稱 地 , 0 呼曰 業力 今寶蓮香 火聚 **,** \_\_ 0 但以毀戒誤人 0 世尊 謂 增 時 , 0 俱受 信 行淫 上 蓋私淫是破戒 ! 不 , , 如 誣 報 0 雖 , 寶蓮香比丘 非同 說淫 矣 不容緩 發是語已 ! , 欲 .殺生 罪惡極 此 無報 想 華 也 害命 ,妄言 報 , , 尼 下洞 後於 先於 重 不足 猶 , , , 持菩 無 信殺 非 故云墮 火輪 以 節 女根 償 報 比 節 是破 薩 偷 偷 身 故 猛 生 無 有 劫 大

間

地

獄

## 瑠 璃 大王 , 善星比丘 瑠璃為誅瞿曇族姓;善星妄說一切法空;生

# 身陷入,阿鼻地獄

之。 致墮獄 是目 苦來告大王 婢女,充為釋種女嫁之。太子是其所生,此次來外婆家。及至長成,廢父自立 令出 佛尚 瑠璃王 欲 婢生物 總之淫 未 連 瑠璃報復 以鉢盛 太子出已 坐 耳 ,是匿王太子,誅瞿曇族姓,以報一言之辱。惟以瞋怒增勝 悚然 。瑠璃王少時,定省外氏,適釋種為佛新造講堂,莊嚴燦爛,中設法 · 怒 而瑠璃王竟坐其上。釋氏罵曰: :因匿王求婚於釋氏 ,曾記釋種一言之辱乎?遂起兵伐釋種 屬怒, 諸 釋種 、癡三,為墮獄之因 佛記七日之後,當入地獄 , 語侍臣好苦言 善星邪見屬癡,亦舉現事,以問地獄之報。合上寶蓮香私行淫 ,至於天上。 ·釋種辱我至此 ,若不許 大兵既至 0 為人在世,不可不慎;若復修行, ・王懼 , 恐挾嫌伐我;若許 此婢生物 ,恣行殺戮 ,我紹位後 率領軍隊 。目連請佛救度 , 汝有 0 瑠璃 , , 何 乘船, 汝當告我 王有欲害佛 福 ,又非所願 , 敢於中 入海 ,殺戮太過 佛乃 更宜 ; 時 至, 我起 默然 ; 後 坐?催逐 入見佛 痛 ; 好 乃以 兵伐 座 , 故 戒 水 於

缽 中自然出火燒滅 虚数 送到天上 ٥ 大兵既退,目連見佛曰:當時請佛救度 ,今則持歸 佛語之曰:定業不可轉,非汝 了 因 河神力 |佛默默無語 7,所能 奈何 ,我乃以 !啟

鉢視之,

皆化為血水矣

生惡邪 即妄說一切法空 是佛堂弟之子 小兒即我 手持竹竿,戲敲其頭三下。爾時捕魚人,今釋種是,麩魚瑠璃王是,多舌好苦是 王 ,一名麩 遠 因者 莧 身是 作是說言: ,二名多舌 0 佛言 , 詳出 或曰 往昔 即調達之子 《涅槃》 無佛無有涅槃, ,藏在 羅 閱城 , 及 泥 单 中 《瑠璃王經》 , 《涅槃》云:善星比丘 有池多魚, 池水既乾 如來雖復為我說法 ,泥覺有動 天旱水乾 0 善星 ,亦云善宿 ,人向 , , , 遂為 親近惡友 而我真實 |池中捕 入捕 0 時 , 阿含經》云: , 謂 退失四 魚 有 無因 0 小兒 內 有魚 禪 果

以生身陷獄 星妄說法空 指 掌疏》 0 , 下云:純情即沉 即 是邪 云 : 癡 瑠璃瞋怒殺人,已屬重罪 , 若 更 ,入阿鼻地獄,若沉心中 為 竊取 利養 , 仍兼 ,且所殺又非常人 偷盜 。二人之罪 ;有謗大乘 ,乃瞿 俱 ,毀佛禁戒 為 量族姓 極重 故 誑 善 皆

妄說法 純 情 固 ,虛貪信施 應沉於阿鼻地獄 ,濫膺恭敬,更生十方阿鼻地獄。 。 且 一瑠璃恣意殺戮 , 甚欲害佛 今瑠璃恣殺, ,善星誑妄說法 善星逞妄 ,虛貪信 ,似是

施

,

或

亦

更生十

方阿鼻地

獄

0

但生身陷

入地獄

,人所共見。陷後備受五

無間

報

吹 此 .種苦具用畢 , 依 趣 果 舊復活 無間 。 五 , 不經 再換他 ` 中陰 經劫無間 種 0 四 , ` 形無間 獄中具足一大劫,劫滿寄生他方地獄,再 命無間 ,一人亦滿獄城 • \_\_\_ 日之中 , 萬生萬死,受罪死矣 多人亦滿 。 <u>=</u> 苦具 , 劫 巧 無 風 間 其

#### 慈 此 諸 • 開 地 發童蒙 獄 , 為 ,令諸一切持戒眾生 有定處 ?為復自然, • 彼彼發業 聞決定義 • • 各各私受 歡喜頂戴 ?惟 • 垂

#### 犯。

罪未

畢

轉寄

?他方

處 蕳 敢 別業同受 同 問 受 世尊 報 耶 ? , ,以上三人觀之, 後問別業別受 為復各自其然 , , 所以不明而疑也 而彼彼發業 此諸 地 獄 有異 為有一定處所 , 各各私受其報耶 惟願垂大慈悲 雖造業不同 開發我等 ?此問 有二 皆歸此 幼童 意

蒙 戒之事矣!初阿難請 生 味; , 聞 示決定義門 此乃當機,愧無大智, ,不致猶預,自然心生歡喜, 問竟 有類童蒙 ,懇求開發,正知正見,令諸一切持戒眾 身則頂戴 ,益加謹潔奉持 闻 無犯

戊二 如來詳答 分四 己初 讚歎許說 備明諸趣 結妄勸離 四 判決邪

# 佛告阿難:快哉此問!令諸眾生,不入邪見。汝今諦聽 ,當為汝

說

0

正

快於心哉!汝今諦實而聽,吾當為汝,分別解說,地獄同別之義也。初讚歎許說 癡三、皆屬邪見;今以此問 佛告阿難快哉者:合意之問,如上私行淫欲 ,而得發明 。普令眾生,不入邪見,咸歸 ,恚怒恣殺 ,愚癡妄語 正道 淫 ,豈不慶 怒

辛初 備明諸趣 約積習分判情想 分二 庚初 略示情想為升墜根由 約臨終別示升墜 Ξ 結有處以顯別同 詳示墜升有因果差別 辛初分二 庚初 壬

竟

初 依真起妄分內外 二二釋成墜升由情想 今初

## 分外分 阿難! 切眾生,實本真淨,因彼妄見,有妄習生,因此分開,內

實 勝劣不同 即眾生身分之內,深生耽著。外分,即眾生身分之外, 行 是本來元具真如佛性,清淨妙心,無諸雜染;因彼一念妄動,遂成妄見,即無 何因有妄者 故有妄習生焉;即雜染種子,由無明種習為因,致有七趣虛妄。汝疑佛體真 此明真如 ·,總不出虛妄習氣而已。初依真起妄分內外竟 ,隨緣起妄,妄有七趣。 , 此也。下歎廣釋虚妄,發明情想。因此分開 阿難!如彼七趣,一切眾生,所具藏體 懸求勝應 ,內分外分: 0 此雖情想升墜 內分 朔現 實

阿 .難!內分即是眾生分內,因諸愛染,發起妄情,情積不休,能生 壬二 釋成墜升由情想 分三 癸初 內分屬情故墜 二 外分屬想故升 今初

#### 愛水。

初標 內分境 即是眾生,身分之內。因諸愛染下,顯內分心,因於內分境上

則妨礙 之七種皆愛也。喜則投合所愛,怒則侵犯所愛,哀則亡失所愛,愛則順從所愛 生諸愛染;愛染即情也。如世間所說,喜怒哀樂愛惡欲,是謂七情,愛居其一, 所愛 , 欲則縱恣所愛,皆愛情為本,故總屬愛也。最初對境起為愛染, 貪戀 , 惡 總

盈;貪求財寶,心發愛涎,舉體光潤;心著行淫,男女二根,自然 是故眾生 ,心憶珍羞 , 口 中水出;心憶前人,或憐或恨 • 目 中 淚

流液。

不捨為妄情

,

以妄情積久不休

,

則能發生貪愛之水

中回憶 愛染 涎資 前人,即已故之人,或憐其色聲可愛,或恨其世壽早亡,不見其形,不聞其聲 身 此 舉 如鼻、舌二根,遇著珍羞美味,心憶香味, , , 事驗證 故舉體光潤 目中淚盈 ,情愛化水而已。是故者:是能生愛水之故。眾生六根對境 0 如意根貪求財寶 0 如 身根貪著行淫 即是法塵 , 即是觸塵,男女二根,未經交遘 ,心中發生愛涎  $\Box$ 中 水出 0 如 眼 ,財寶欲至 ` 耳二 根 自然流 , 面 生諸 對著

液

則愛能生水之義,顯然可證

#### 阿 |難!諸愛雖別, 流結是同 1,潤濕不升,自然從墜, 此名內分

內也 女二根, 阿 難 若流若結 自然流液 !諸愛雖然六根各別,流結是同者:流是流通,口中水出 總是潤濕為性 , 此皆水之流通於外也。 , 故曰 是同 結是蘊結 0 大 潤 濕 , , 舉體光潤 則 不能上升 , 此則 **,**目中 不升 水之蘊結於 -淚盈 勢必從 男

#### 癸二 外分屬想故升

墜

此乃自然之理

,故名內分。初內分屬情故墜竟

#### 阿 |難!外分即是眾生分外, 因諸渴仰, 發明虛想 , 想積不休 能生

#### 勝氣。

虚 類 湿想念 志求出離;以乍聞勝境,心生渴想仰慕。渴仰即想也,渴仰之極 初 標 分外境 想念積習而不休止 即是眾生身分之外 想極神飛 , 勝妙境界 能生殊勝之氣 0 因諸渴仰 , 脫離形累 顯 外分心 ,發明 必成超 ,不安本 種 種清

#### 是故眾生 心持禁戒 , 舉身輕清;心持咒印 , 顧盼雄毅 ;心欲生

大

#### 天 , 夢想飛舉;心存佛國 , 聖境冥現;事善知識 • 自輕身命

掌疏》 冥現者 之氣 盼雄毅 佛 法;以咒為諸佛秘印,心持乎此,如佩諸佛秘印 者 法 戒 : 寶嚴之土;但以人所不見,而己獨見,故云冥現。 念前二戒, 此 形於夢 2舉事驗證 釋 能 :如百城煙水 0 心欲 或於 成 心持禁戒 勝 生天 寐故 因 禪觀之中 不以自修為累;念饒益戒 ,想必成飛而已。是故者:是能生勝氣之故。下六念法門,依 ;念饒益 。心存 , 即是念天 ,不辭疲勞, ,義該念戒 , 佛國 或於夢寐之際 戒 , /;謂厭 , 能 即是念佛 、念施。 利 有情 下苦麤障 , 0 以心持即念:念律儀戒 ; 如 律儀 得見阿彌陀佛 ,不以度生為擾故 , 《十六觀經》 唯 欣上淨妙離也 ,縱遇魔外, 戒 , 餘二皆兼於 事善知識,即是念僧 ,金色之身 , 0 無所畏懼,故曰 觀想念佛之類 0 心持咒印 夢 , 施 想飛舉者 能淨三 故 , 得 , 舉 歷阿 業;念善 ,即是念 身 聖境 ·; 顧 彌 超 《指 陀 勝 輕輕

#### 阿難!諸 想雖別 • 輕舉是同 ,飛動不沉 • 自然超越 此名外分

皆超勝之氣耳

身命者

阿 難 ?!諸想雖然有六念各別,輕舉是同;如夢飛為舉,餘四皆輕 。若輕若舉

成 以 飛動為性,故曰是同。 飛動則不至下沉,不沉勢必超越,此乃自然之理,故名

外分。初約積習分判情想竟。

#### 阿 難! 約臨終別示升墜 切世間 • 生死相 分二 續 壬初 • 生從順習 臨終相現 , 一 升墜分量 死從變流 • **今**初 臨命終時

#### 拾煖觸 一生善惡 ,俱時頓現 ,死逆生順,二習相交 0

生從順 為順 陰欲 輕 識尚未離體 別 也。 重 此示所感之果。意謂諸趣不同,不出情想二因,由內外情想輕重,故有升沉差 謝 阿難 俱 習 而 死則從其遷變流轉 !時感變而頓現焉。末二句,交光法師云:當在煖觸之下為順,恐是謄譯之 欲求之;則順逆二習 中陰未生;當此之時 , 死從變流者 ,故未捨煖觸。若八識離體,煖相自盡 !一切有情 : ,正報世間 , 切眾生,莫不貪生惡死 而受異類等身 ,正在畏死求生之際,謂以死為逆,而欲避之; , 交相 ,生來死去,相續不斷 並發 0 0 故臨命將終之時 則 生所作 0 ,壽命已終。今則將死未死 生則從其隨順習氣 ·, , 如旋 切善惡之業 ,六識皆已不行 火輪 , 未有 , , 隨其 而造 休息 一 而 · 以 生 善惡 情想 , 現 八

訛

種衣服 地獄 本無定處;身雖未死,唯心妄見。初臨終相現竟 、餓鬼、畜生 **〔華嚴經》云:譬如有人,將欲命終,見隨其業,所受報相。行惡業者,即** 具足莊嚴 , ,所有一切眾苦境界。作善業者,即現諸天宮殿,天真綵女,種 悉皆妙好 0 身雖未死 ,而由業力 , 見如是事 0 故知地獄天堂 現

開 純 想即飛,必生天上;若飛心中,兼福兼慧,及與淨願,自然心 ,見十方佛, 升墜分量分三 切淨土, 癸初 升而不墜 二 不升不墜 隨願往生 Ξ 墜而不升 今初

想 ,是澄心觀想,非亂想也 0 此與卵生之想有異,彼約受生之時,妄染之想;

0

佛為福業 見三界諸天,皆想心善業之所感也。設若純想飛心中 落 此約在世之時 必生天上,卜居於天也。下純情,惟局極重阿鼻;此純想,乃統三界諸天 ,聞法為慧業。及與淨願者:仍願常隨佛學 ',慣習勝妙之想。 純想勝妙境界,神遊分外,故即便能飛,不致墜 ,蒙佛授記,及與欲求往生 平日或有兼修福慧者 如供 ; 可

今以純 彌 願 院樂 見於佛 邦 想 0 及福慧力,與淨願力 凡壽命將終 東方之藥師瑠璃等;十方俱現 , 神識 香暗 ,自然心地開通,見十方佛 ,觀見十方 ,勝劣攸 ,猶如聚墨 分, 故得隨願往生· ,杳杳冥冥,不知何往 **,** 切淨土 可 如西方之 見此等

亦屬 純 想 但兼福 慧 ,以及願 力 所以超勝諸 天 耳

#### 情 少想多 輕 舉非遠 • 即 為飛仙,大力鬼王, 飛行夜叉,地行羅

## 剎,遊於四天,所去無礙。

神等 道 想三情 如後文飛行仙類 其豎不越於四天 有善有惡 次正論雜 約 兼 如 能為福者言之;皆能飛騰 鬼帥之類 想 。惡者 0 , 横不 情少想多者:謂勝想不純 大力鬼王:此應是八想二情 ,專於為禍 ٥ 出乎輪圍故耳 地行羅剎:此應是六想四情 , 正屬鬼類;善者, 0 遊於四天,其所 即 為 飛仙下 ,少雜微情 , 如嶽神之類 , , 如 兼能為福 應分四類 去來, , 山野鬼神之類 雖能輕舉 0 俱 飛行 , 無阻 ,旁通仙趣 此應是 夜叉 , 一礙也 而非遠到 九 : 然鬼 想一 此 , 大力鬼 應 是七 情 神 , 以

## 大佛 頂如來密困修證了義諸菩薩萬行首楞嚴經講義第二十卷

其中若有善願善心,護持我法

,或護禁戒

,

隨持戒人,或護神咒

#### 隨持咒者 • 或護禪定, 保綏法忍 。是等親住 • 如來座下 0

之類 情 魔 隨持戒人 , , 而 則所得法 其中者:即上四類之中,若能發善願,及存善心,願護持我佛法 !有善願者。故八部之眾,皆以鬼神身,而得親近於佛,蒙佛授記者也。初升 或護禪定 : 如戒壇中,護戒善神之類;或護神咒,隨持咒者: , 不能忍可,今則保而安之。是等則親住如來法座之下 及修禪之者 ,保綏(৬)法忍 , 如禪堂中 , 護靜善神之類 如本經中 。或護禁戒 , 此 百靈護咒 7明帶邪 多禪 遇

#### 癸二 不升不墜

而

不墜竟

#### 情想均等,不飛不墜 , 生於人間 想明斯聰 情幽斯鈍 0

斯聰 推 神 度事 由 此五情五想正相平等。不飛不墜者:由有五情,不能飛升,故上不及天仙鬼 連 情 .有五想,不至沉墜,故下不在地獄三途。參合兩楹 幽斯 勝彼下趣也。 鈍者 謂於總報 由具五情 , 由具五想 ,情體幽閉 , 想體明達 所 以有此暗鈍; , 所 以有 , 故得生人世之間 聰利 如不有神通 如覺 觀 知 不能 想明 識

飛舉,劣彼上趣也。二不升不墜竟。

#### 癸三 墜而不升

## 情多想少,流入横生,重為毛羣,輕為羽族

想 ,流入横生。然横生復有二類:若身之重者,則為毛群走獸,地行之類;若身之 此墜畜生。情愛多,而勝想少者,是不均等。情多一 分為六情,想少一分為四

輕者,則為羽族,飛禽空行之類。

## 燒。水能害己,無食無飲,經百千劫 七情三想,沉下水輪,生於火際,受氣猛火,身為餓鬼,常被焚 0

成形。身為餓鬼常被焚燒者:因受氣猛火之故。水能害己者:因見水變火之故,水 此為餓鬼。七情三想,則沉於水輪之下,生於火輪之際,受猛火之氣分,結氣

宅;人見水是水;餓鬼見水是火。由是無飲無食,經百千劫,常受飢虛之苦 反能加害於己也。此乃業力使然,隨識遷變,如天人見水是玻璃;魚龍見水是窟

## 九情一想,下洞火輪,身入風火,二交過地,輕生有間 ,重生無

#### 間 種 地獄 0

之重者 獄 地 即透 前 也。 0 過 益 此 此 以 不能 為 地 義 , 既惟 生於 有 地 0 獄 間 飛 身 九情 無間 無間 入 , 0 情多於前 九 風 情一 ;此二種地獄。 , 俱 火 罪惡未至 , 想者 在 二交過 其中 , 愈沉於下 : 極重; , 略輕取 地者 如八情 然斯無間 猶有 0 · 身 重 前 , 因 重 即墜獄之身 想 在火際 想 , , 但對在獄受苦言之, 罪之輕者 三知輕故 善根未至盡斷故 ,今又透過火際 , 入 ,文中少八情二想 , 此 生於有間 風 輪 , 非對下之阿鼻地 火 下洞 ; 輪 九情 火輪 0 一交過之 想 想 , 少於 以洞 罪

#### 法 純 情 • 虛 即 食信施 沉 入 **,濫膺恭** 阿鼻獄 0 敬 若 • 沉心中 五逆十 重 • 有謗大乘 • 更生十方 • 毀佛 阿鼻地獄 然無戒 , 0 誑 友 說

,

,

無間 與前 間 捨 純 有 情 身 中 異 無想 -無絕故 即 , 生 乃罪 一彼故 , 唯 癋 墜不升 <u>Ŧ</u>. 極 。 <u>—</u> ` 重 形 者 ` 受苦 無間 ,故臨命終時 , 所 無間 墜之處也 身形縱廣 , 中 -無樂故 ',即沉 0 依 八萬由旬 《成論 入阿鼻地獄 0 三 **\** ` 經時 略明 人多人 無間 ٥ , 梵語 五 種 , 皆偏 無間 阿鼻 定 劫故 滿故 ,此云 0 若沉心 無間 四 趣 果 命 無

獄 獄 濫膺四眾之恭敬,甚而五逆十重 蓮香等;誑妄說法 中者:即純情心中 0 如是輾轉 〈法華經》云:其人命終,入阿鼻地獄,具足一 , 至無數劫。《地藏經》云:墮無間獄 ,以及兼罪。或有毀謗大乘,如大慢婆羅門等;毀犯禁戒,如寶 ,如善星比丘等。以至無實行,而虛貪信施之資財。無實德 , 無業不造,本獄不足以償,故云更生十方阿 ,求出無期,此界壞時,寄生他 劫;劫盡更生十方世界阿 」鼻地 . 鼻地 , 而

### 辛三 結有處以顯別同

界 ,

皆此義也。二約臨終別示升墜竟

#### 循造惡業 ,雖則自招,眾同分中, 兼有元地 0

孽猶 別業同報 云:一切眾生,循其自己所造惡業,雖則自業所感,還自來受;猶儒書所云:天作 可違 此結答前 ,不可謂於我無分。 ,自作孽不可活也。而眾所感 問 。謂此諸地獄 如地獄既爾 ,為有定處,為復自然,彼彼發業,各各私受?今答 , ,諸趣皆然 同分獄中, 0 兼有本元,一定處所 初略示情想為升墜根由竟 ,此結答

#### 詳示墜升有因果差別 分七 辛初 地獄趣(至)七修羅趣 辛初分四 躡前

大佛

頂如來密困修證了義諸菩薩萬行首楞嚴經講義第二十卷

#### 標後 二 徴釋十因 Ξ 徴釋六報 四 總示虛妄

# 阿難!此等皆是,彼諸眾生,自業所感,造十習因,受六交報

地獄 因果各言,義實互具,以有因必有果,而果不離因也。初躡前標後竟 曰 此等因情想所感升墜之報 上科略示情想, 誰能驅之入哉?此屬躡前 為升墜根由,此科詳示升墜 ,皆是彼諸眾生,自業之所感招 :,下乃標後,造十習之業因,受六交之果報 ,有因果差別 。故呼阿難 , 設無自業 , 雖 而告之 此雖

誑習 七 怨習 徴釋十因 八 見習 分 十 癸初 九 枉習 淫習 + 訟習 貪習 今初 Ξ 慢習 四 **順**習 五 **詐**習 六

#### 大猛火光,於中發動 云何十因 ?阿難 ! 者淫習交接 。如人以手,自相摩觸,煖相現前。 ,發於相磨 • 研磨不休, 如是故有

屬苦果 淫 貪 首句總徵 • 而貪慢等 慢 瞋 ,寄居於此 詐 , 仍帶惑名,應是兼惑業,故云習也。習有種習、現習 誑 0 怨 阿難!一 見 、枉 者淫習下,則別釋十因 訟 0 既云為習 , 即是業因 以明感招 下之六報 十習 ,種習為 即

者 種 子 屬 淫為萬惡之首 惑 現習為 現行屬業,由種子發生現行 ,生死之根 ;一切眾生,皆以淫欲,而正性命 必須 , 故 作諸業 0 呵 難 ! , 故首 者 列焉 , 淫習交接 宿 世

淫

厺

熾

盛

,

猶

有餘習

,

發為現行

,

內根

外境

,男女交接

,方得成業

0

發於

相

蘑

知矣。 火 者 故有 謂 如人以手,自相摩觸,煖相現前者:此以例驗知 染 大猛 心會合 火光 , 彼此 ,於自心中 互相 研 -發動 磨 , 深求欲 , 預 現 地獄 樂 ; 研 相 蘑 也 不休 0 則死後 ,如有人以兩手掌 , 則精 , 招引業火, 血由 是耗 散 自可 , 無故自 0 積 想而 淫 成

#### 習相然 ,故有鐵床 • 銅柱諸 事 0

習

謂

種習現習之二,猶乾柴遇

火

種習猶

存

,

現習重

增

互

相

熾

然

由

此

相摩觸

,

由是故有煖相現前者

,

是也

六百 處 柱 命終 亩 心 犯 , 故感鐵床銅柱諸事。蓋前之大猛火光發動,心中之獄相初萌 旬 中之業果成就矣。 ·淨行者 , 下 有猛 火 命終則生銅柱之頂 ,火上鐵床 據觀佛三昧經云:銅柱地獄者 上有 刀輪 猛 火 , 間 有 , |鐵嘴 焚燒其身 蟲 , 鳥 有 0 有 銅 驚怖 滅 柱 倫 下 狀 傷 ,此之鐵 視 化 如 火山 見鐵床 非 床銅 時 高 非

大佛

頂

根 上 i,俱時· 有端正女,若是女人,見端正男;心生愛著,從銅柱下, `火起,有鐵嘴蟲,從男女根入,自男女根出,一 日一 夜, 至鐵床上,男女二 九百億生,九百

#### 是故 十方 切如來 **,色目行淫** ,同名欲火 0 菩薩見欲 • 如避火

坑

0

億死者是也。

觀此則知,淫報之苦,悉由心現也

遠離 寧不驚心 音 迴避 同名欲火。淫欲火害,甚於猛火,遭之者必至喪身失命 是淫習為害之故,十方一切如來;向人形容謂之色,自己觀察謂之目,異口同 1!嗚乎!欲之為火,其毒若此,惟願有智士女,幸勿自效撲燈蛾也。 猶 如火坑相似 0 《寶鏡疏》云:以故 ,諸佛同訶 ,審宜刻骨;菩薩 0 菩薩見此淫欲之境 共避

#### 癸二一貪習

習竟

中凍冽 者, 貪習交計 。如人以口 • ,吸縮風氣 發於相吸 • ,有冷觸生 吸攬 不止 , 0 如是故有 • **積寒堅冰,於** 

貪心屬 尚有冷觸發生者是也 矣 為 濟已私 現行 0 如人以口 水 ,重加現習 , 0 乃六種根本煩惱之一,本屬於惑,今云習者,以前生多貪 吸攬不止者:由於貪得無厭 吸 取屬 , 吸縮 風 ,互相交計,彼此籌算方得成業。發於相吸者:謂互相 風氣 , 水若遇 , 有冷觸生者:此以例驗知,如人以口空張,吸縮 風 , 必至積寒 , 追求不息,如是故有積寒堅冰 ; 結為 堅冰 , 於自心中 (,猶有) , 預現 , 於中 吸取 種習 凍冽之相 風氣 凍 冽 , 以 發

## 一習相陵 ,故有吒吒、波波、羅羅、青赤白蓮、寒冰等事

之 吒 更有阿浮他 人之苦聲;青、赤、白蓮,皆獄中凍冽罪人之形色;此乃八寒地獄之前六。準餘經 ۰ 波波 前 習 積堅冰 謂種習猶存 羅 , 謂 羅、青、赤、 , 於中凍冽 凍冽成瘡 ,現習重增 ;泥羅浮他 ,心中之獄相初萌 · 白蓮 、寒冰等事・此吒吒 , 貪吸更甚, ,謂肢節脫落 此則寒逼之聲色現前, 故曰相陵 ,是八寒後二;以寒冰等事該 、波波 。由此命終 ()、羅羅 、皆獄 , 是業果成就 神 識 中 I 放 感 氏 寒逼罪

矣

#### 是故十方,一 切如來,色目多求, 同名貪水 0 菩薩見貪 • 如避

#### 海。

知 薩見此貪愛之境,莫不遠離 音 誤吸其氣,便成瘧疾,遂至殞命也。二貪習竟 此貪吸多求 是貪習為害之故,十方一切如來,向人形容謂之色,自己觀察謂之目 , 同名貪水 。謂貪之為害,勝於毒水 ,如避瘴海 0 瘴者癘氣也,凡山海熱處即有之,人若不 , 飲之者 ,必至腐腸 爛 , 胃 異 0 菩 同

#### 癸二 慢習

#### 波為水 三者, 慢習交陵 ,如人口舌 • 發於相恃, ,自相綿味 馳流 因而水發 不息。 0 如是故有 • 騰逸奔波 。積

姓大貴 馳流 為 現行 屬水 慢 , , 亦六種根本煩惱之一,本屬於惑,今云習者,以前世多慢,猶有種習,發 重加現習 0 有勢多財等 山峙水馳 ,互相交陵;彼此交相陵越 , 尊己卑他 必致奔騰 0 , 如是故有 其性高 ... , 騰躍縱逸,奔馳之波,於自心中 馳心上流 ,方得成業 ,不知 。發於相恃者 正息 然我 :謂自恃豪 慢屬 ; 預 Ш

之舌,舐於上齶,綿絞其舌上之味,因而遂有口水發生是也 現積波為水之相矣!如人口舌,自相綿味,因而水發者:此以例驗知,如人以口中

#### 習相鼓 ,故有血河、灰河 • 熱砂 、毒海 • 融銅 • 灌吞諸事

萬狀 億 毒無量故也。 骨 河 血 終 劫 7地獄 肉徧流 0 故感 愚謂 習 此 熱砂者: , 縱廣深淺 皆以類相感 ,如大河海,血水涌沸,男女萬數,出沒其中。 血河等報 但言熱砂 謂種習猶 融銅灌吞者:《地藏經》云:烊銅灌口,熱鐵澆身 灌頂云 , 五 ,不合水義 0 存 《灌 , 百由旬 更有多事 , : 現習重増 頂疏》云:獄有 ·即黑砂 , , 或熱砂連毒海為句 , 灰湯涌沸 地獄 故以諸字該之。前騰逸奔波 , 慢流益 , 熱風暴起 兩山 ,罪人入河, 甚 , , 故曰 罪人走入 ,吹熱黑砂 ;蓋以海沸熱砂 . 相鼓 鐵刺刺 灰河者:經律異相云 , , 兩山忽合,如磨蓋 謂鼓盪陵越也; 身 來著 積波為水 了, 萬 , 膿 , 罪人 沒溺 死萬生, 血 流 罪人 出 ,心中之 燒皮徹 ,由此命 動經 痛苦 :灰 , 壓 苦

#### 是故十方,一 切如來 • 色目我慢 ,名飲癡水 0 菩薩見慢 • 如避巨

獄相初萌

此

則

血河灰河

,

融

銅灌吞諸事

,

是業果成就矣

#### 溺。

竟 也 則 癡 , 後皆倣此 迷 是慢習為害之故,十方一切如來,色目我慢一事,名飲癡水。西域有水,飲之 類倒 , 猶嶺海之貪泉, 0 如避 巨溺 : 巨海洪濤 **滇黔之啞泉相類** , 沉溺難出 0 而菩薩見此自心之慢 有智之者 莫不嚴避 也 , 非 三慢習 見 他慢

#### 癸四 瞋習

是故有 四 者 • 瞋 • 力山 習交衝 、鐵橛 • 發於相忤。忤結不息 • 劍樹 • 劍輪 、斧、 ,心熱發 鉞 鎗 • 火, 鋸 0 鑄氣為 如人銜 金 冤 0 如

#### 氣飛動。

忤犯 以為 為 現行 金 結 瞋 恨 亦六種根本煩惱之一,本屬於惑,今云習者,以宿生多瞋, 如是故有 重加 而 不休息 現習 ,刀山鐵橛等事 , 互相交衝 ,不得報復 彼此 , 0 遂起瞋心 刀山者:聚刀為山;鐵橛者:《正脈云: 衝突 ,方得成業 ;瞋是心中 0 火, 發於相忤者 故曰心熱發火 : 謂 猶餘種習 仵 :逆侵犯 | 橛即! 鑄 肺氣 , 發 棍

知 屬 也 如世 劍 鋸 付付者 人銜冤 解 屬 :豎劍為樹; 0 , 於自心中 有欲報復 劍輪者:團劍為輪 ,觀其形色, 預現殺氣之相矣 便有殺氣飛動者 。如人 ; 斧 , 、銜冤 劈屬 , , , 是也 殺氣飛動者 黃金飾斧為鉞; : 此 以例 鎗

驗

刺

#### 習相擊 • 故有宮割 斬斫 • 剉 刺 槌 • 撃諸 事

0

萌 臀 割 神識故感宮割 ,此皆世 此 斬謂斫其首 習, 則 種 謂種習猶存 種諸 刑引用耳 、斬斫、 刑現前 , 名為斬斫 。前之心熱發火, 剉 ,是業果成就 , 現習 刺 ; 重增 、 槌 **剉**謂折其體 、擊諸事 , 矣 瞋 鑄 S 忤愈盛 氣 ;刺謂穿其身 為金 0 , 《指掌疏》云:宮謂割其勢 益相攻擊,念念在殺 , 故有刀山鐵 ;槌謂笞其背 **撇等** ,心中之獄 。由是命終 ; 擎謂: ,名為宮 杖其 相 初

## 是故十方,一切如來,色目瞋恚,名利刀劍。 菩薩見順 如避

#### 戮。

薩 見 (此自心瞋恚之境,速宜遠之,如逃避天誅大戮,不敢有犯也。 是瞋習為害之故 , 十方一切 如來 色目此瞋恚 事 , 名利 刀劍 四瞋習竟 , 觸之即死 菩

大佛頂如來密困修證了義諸菩薩萬行首楞嚴經講義第二十卷

#### 癸 五 **詐習**

## 五者,祚習交誘,發於相調 ,引起不住,如是故有,繩木絞校 ; 如

#### 水浸田 ,草木生長 0

覺不知 現習, 以木局 為愚弄 生長者: 交相 ;由是引心令起,不肯止住,造業無休,則諂詐之術,愈出愈奇,能令人不 , 此以例驗知 入其圈套 謂校而匣之,令不得脫 乃小隨煩惱之諂 哄誘,以成其業。發於相調者:謂諂詐不實 。如是故有 , 如世間以水浸田中 。今云習者,宿世慣行諂詐, ,繩木絞校:絞以繩引 0 此亦於自心, ,能令草木,不覺不知 預現地獄之相矣 ,謂絞而結之,令不得解 猶有種習 ,彼此欺瞞 , 而自生長是也 發為 如水浸田 ,發於相調 現行 ,草木 重 ; 校 互 加

#### 鞭、杖、檛、 棒,諸事 o

手之杻 耳 即 習 此物也。在身則受鞭杖檛棒諸事 , 在足之械 ,謂種習猶存 , 在項曰枷 , 現習重增, , 在 頸臼 諂詐愈甚,更相 0 . 鎖 鞭策屬 , 械枷 ,杖條屬 節校 延引 0 易日 ,由此命終 檛箠 : 屨校滅: 屬 , 棒棍屬 , 神識故感在 趾 何 前繩 校 滅

木絞校 心中之獄相初萌;此則杻械枷鎖等,是業果成就矣。

# 是故十方,一切如來,色目奸偽,同名讒賊。菩薩見詐,如畏豺

#### 狼。

惡獸 猶勝於賊,遇之者,莫不傾家蕩產。菩薩見自心之詐,迴避不及,如畏豺狼 猶是也。五詐習竟 ,故當避之。且能卜事,出必有獲。此如諂詐之徒,以術誘人,百發百中, 是許習為害之故,十方一 切如來, 色目此奸詐虛偽 , 名 為 讒賊 , 以讒言哄誘 3。豺狼 亦

#### 癸六 誑習

#### 土、屎、尿,穢污不淨。如塵隨風,各無所見。 **六者,誑習交欺** 發於相罔 • 誣罔不止,飛心造奸。 如是故有 塵

無者 行 重 誑 誣罔 ,乃小隨煩惱之一,亦屬於惑。今云習者:以宿世多誑,尚有種習 加現習 以為有 ,交相欺瞞 虚者誣罔以為實;誣罔不止 ,方得成業 0 發於相罔者:謂矯誑虛 ,以為得計,遂飛動其心 偽 , 發於誣罔 ,造設奸 , 發為現 所以

惑 心 謀 ; 中 不 預 神 知 出鬼沒,令人不覺,墮其計中。 現 者 地獄之相矣 , 正 如風捲塵沙 0 如 煙隨風 , 塵隨 ,各無所見者:此 風勢, 由其用心如是, 攪亂虛空, 以例 昏天黑地 故有塵土屎尿,穢污 驗知 , ,令人對面各無所 誣罔之計 ,令人迷 不 淨

#### 習相加 • 故有沒溺騰擲 • 飛墜漂淪諸 事 0

是也

其 中 於人 屎尿 相 有 初萌 也。 沸 命 習 故受沒溺 溢 終 ;今見有沒溺等 ,謂 飛墜者 神 , 罪人沒溺於其 識 溺騰擲等 種習猶存 , 見有沒溺騰擲 ;誑須飛心鼓揚 :隨風上下之相 , ,現習重增, 是業果成就矣 業果成就 屰 也 0 , 騰擲者 飛墜 ;漂淪者:隨沸浮沉之相 , 故受騰擲 矣 飄淪諸 0 誣罔愈甚 : 《指掌疏》云:沒溺者 似是黑砂 事 0 前 0 了, 故曰 塵 前 地獄 土屎尿 塵 土 [相加。 屎尿 , 謂 0 穢污不淨 風 , 《正脈》 謂誑業倍造 吹黑砂 穢污 : 似是沸! 不淨 云:誑能陷害 ,心中之獄相 , 罪 屎地 , , 如 心中之獄 人騰 獄 是故 擲 , 於

是故十方,一 切如來 • 色目欺誑 • 同名劫殺 0 菩薩見誑 • 如踐蛇 初萌

;今則

沒

#### 虺。

其害 他 殺命 , 恐洩我機,暗取其利;皆屬妄語,而舉心不同也。六誑習竟 是誑習為害之故,十方一切如來,色目此欺誑,害人自害,同於劫殺;謂劫財 極 問 言可 誑之與詐 '畏也。菩薩見自心之誑 有 何差別?答 , : 如踐踏蛇虺 **詐**謂 誘他 , 期墮 蛇虺時常含毒螫人, 我 術 , 明 取 其利 踐之必受 誑謂欺

#### 癸七 怨習

## 七 者,怨(ᆴ)習交嫌,發於銜恨。如是故有,飛石投礫。 匣貯車

## 艦,甕盛囊撲。如陰毒人,懷抱畜惡。

投礫 以石 怨 人於甕 怨即 塊 以成其業。發於銜恨者:謂銜怨不捨,懷恨在心, 匣貯 ;投礫者 , 怨恨 而 車艦 外 ,以宿 以 火灸 : ,甕盛囊撲,於自心預形地獄之相矣。 投以碎石 一世有怨,種習仍存,發為 , 如昔人有請公入甕者是也。囊撲者:收入於囊 ;匣貯者: 匣床盛貯 現行 ;車檻者 重加現習 誓其報復 《指掌疏》 : 車 內檻禁; 0 交相憎嫌 云 : 如是故有 ,而舉 飛石者 甕盛者 , 彼此 ; 飛石 · 以 撲 : 飛 盛 懷

人, 之, 懷 如秦始皇囊撲二弟之類是也。皆由銜怨害人,而害具即從自心中生也。 :抱畜惡者:此以例驗知 ,正如陰毒之人,懷抱奸謀 ,心畜惡念,暗算害人者 如陰毒

#### 習相吞 • 故有投擲、擒捉 • 擊射拋撮諸事 0

是也。

捉等, 究竟反為自害;懷怨者 死 擒拏捉取 是故有,命終神識 , 所 業果成就矣。 習 謂 囊撲者是也 ,謂種習猶存 ;入匣車入甕囊也。 ,見有投擲擒捉,擊射拋攝諸事 0 撮折其身 ,現習 宜知警矣。前飛石投礫等 擊射者 更增 , 所謂 , 怨恨愈深 : 礫則擊其頭 運貯 ` 車檻 , 故曰 。投擲者:礫投石擲;擒捉者 ,心中之獄相初萌;今則投擲擒 ;石則射其身;拋撮 ` 相吞 甕盛者是也 ,即所謂恨不生噉 始而 心欲害 者 : 抛撲令 也。 如

#### 是故十方,一切如來,色目怨家, 名違害鬼 0 菩薩見怨, 如飲鴆

#### 酒。

是怨習為害之故,十方一切如來, 色目怨恨之家,名違害鬼;違背正理 ,暗中

害人,極惡之鬼。而菩薩見此怨恨之心,不敢有犯。如飲鴆酒:鴆鳥最毒 ,羽毛瀝

酒,飲之則腸寸寸斷矣!七怨習竟。

#### 癸八 見習

#### 生相反 八者 • 見習交明 。如是故有 • ,王使主吏 如薩迦耶 ,證執文籍,如行路人,來往相見 見戒禁取, 邪悟諸業, 發於違拒, • 出

其自類 云諸業 如持牛戒狗戒 撥 為 與戒禁取 無因 現行 薩 見:即惡見,於諸諦理,顛倒推求。見習者:以宿生諸見熾盛,猶有種習,發 迦耶 果 , 亦自違拒 由此 重加現習, 0 ,取字雙用。邊見背中 四 :此云有身:即是身見,執我我所。二、邊見: 異執 ,為生天因之類。然此五種,通稱惡見。文中見戒禁取句,應是見取 ` 見取:非果計果,如以無想為涅槃之類。五 ;不唯他出之見相反,即與自生之見,亦多相反;如自語相違 , 故云發於違拒 彼此交相立破 ,邪見背正 ;互相是非 ,欲明己見,故曰交明。此見行相差別有 ,皆為邪悟 , 故云出生相反 。如上五見,各有所作 執斷執常 、戒禁取:非因計 ;不唯與正 。 <u>=</u> 違拒 邪見  $\dot{\overline{\mathcal{H}}}$ 因 故 即

使者 自 [教相違之類 主吏者:主掌簿書之官吏,證其所執之文籍,於自心中,預現其相矣 。且而不肯從人就正 ,如是故有 ,王使主吏等 0 王使者:琰魔羅 如行 王之

一習相交 • 故有勘問 ,權許考訊, 推鞠察訪 • 披究照明

是也

路人

往來相見者

:此以喻驗知

,

如行路之人

,

彼此來往

,

互相看見,不

可

得

## 子,手執文簿,辭辯諸事。

問權詐 甚確 籍 見業 逼 ||考訊 ,心中之獄 一習: 照明 問 . 等 如 此 ` , 謂種習猶存 諸 嚴 謂 神識習氣 相初萌 事 推 始 重鞠 而勘校審問 , 直得無理可申 ;今勘問 ,於時則有善惡童子,手執文簿,言辭辯別,載之甚詳 , 從旁體察訪問 , 現習 , 權詐等 重增 權稱詐偽 地獄重罪,乃甘心領受矣 , ,是業果成就矣 互相交對 , 此 , 此 似主吏事也 似王 ,辨別是非 一使事也 0 仍復不得其情 0 • 如不得其情 由 0 前王使主吏 此 命終 , , , 再 轉 神 識 披究 啟 ,證執文 覧有勘 有 ,證之 生前 司

是故十方, 切如來, 色目惡見,同名見坑 0 菩薩見諸虛妄偏執

#### 如臨毒壑。

深坑 偏 敹 是見習為害之故,十方一切如來,形容觀察,同名見坑。謂此五種惡見,甚於 0 如 經悞入,即不能出 臨毒壑者 以邱壑中 0 菩薩見諸虛妄偏執者:見理不真曰虛妄 , 有毒蛇等物,入之則必喪法身 ,傷慧命 , 自是他 , 急宜避 非

#### 癸九 枉習

之。八見習竟

## 九 者,枉習交加,發於誣謗。如是故有,合山合石,碾磑耕磨 如

### 讒賊人,逼枉良善。

相對 實 加 石合之, 現習, ; 枉者 如是故有 罪人入中 交相加逼,以成其業。發於誣謗者:所謂本無其事,誣之為有,謗 如笮蒲萄相似 枉屈 ,合山等物,已具自心。準 ,謂駕禍逼人。今云習者,以宿世好枉,猶有 山自然合,骨肉糜碎 0 碾 即大熱鐵輪 , 山還故處;合石者:臥罪人大石之上 《經律異相》云:合山 轢諸罪人,令身破碎;磑:小磨也 **]種習**, :謂大石 發為 Ш 現行 以為 , 以 兩 再 Ш

讒賊人 石 耕 : 謂犁耕 壓 其 , 逼枉 身上 , 良善者: , 破其舌也;磨: 迴旋而磨也;是有欲逼人,而逼己之具,先現自心,吁可 此以例 験知 即石磨地獄 , 如讒 賊 ,謂捉罪人撲熱石 人 0 讒 : 譖也 賊 , 舒 ::害也 布手足, 0 讒虢 畏也 以大熱 為 如

名讒賊人;逼壓無辜,枉害良善者是也。

#### 習相排 • 故有押捺槌按 ,蹙漉衡度諸事 0

身於權 抑 心中之獄 揉捺, 習:謂種習猶存 衡 相初萌 令其服罪也。 , 秤 補 ;今押捺搥按等, 輕重 , 尺量短長 設不服罪 ,現習重增,互相排擠,枉害不止;由此命終,神識故感押 , , 是業果成就 名 曰 蹙其身於囊袋 | 衡度 0 , 諸事者 自作自受矣 ,壓之而漉其 : 以總其餘 血 0 , 名曰 前合山合石等 蹙漉 掛其

#### 是故十方,一 切如來,色目怨謗,同名讒虎。 菩薩見枉 • 如遭霹

#### 蹇。

於虎 是枉 菩薩見枉屈之事 習為害之故 ,十方一 如遭霹靂 切如來 。霹靂是迅雷擊物之聲,遭之者,莫不魂飛魄散 色目怨害誣 膀 , 同 名讒 虎 讒言傷 害 惡過

矣!九枉習竟

#### 癸十 訟習

## 十者,訟習交諠,發於藏覆,如是故有,鑑見照燭 0 如於日中,

訟 , 乃諍訟;諠,即諠訴。今云習者:以宿生好訟,猶有種習 , 發為現行

, 重

能藏影

0

,

加現習 使其不得隱藏;於自心中, 罪 , 蓋覆陰私 交相諠訴,以成其業。發於藏覆者:藏者,隱藏;覆者,蓋覆 0 如是故有 ,鑑見照燭:謂鏡鑑 預現其相矣。 此以例驗知 ,以見其宿業;珠照 , 如於日中, 不能藏曲直之影 , 以燭其心曲 。隱藏己

#### 者是也

# 一習相陳,故有惡友,業鏡火珠,披露宿業,對驗諸事

世同造之惡友 披露宿業 習:謂種習猶存 對驗諸事 ,現前作證 必顯然發明,分毫不能隱藏者 ,現習重增,訟覆交陳 0 業鏡者 :能鑑宿業之鏡 , 如是故於命終 ;火珠者:能照心曲之珠 0 前鑑見照燭,心中之獄相初 ,神識見有惡友 使其 , 宿

萌;今則惡友業鏡火珠等,是業果成就矣

#### 是故十方 ,一切如來 ,色目覆藏, 同名陰賊。 菩薩觀覆, 如戴高

#### 山,履於巨海。

下品往 頭戴高 必遭劫 急宜 生 去 H 不生也。 也 固當努力 , 方 |避之。文中二習相然 墜落 是訟習為害之故 更仗他力 生者 於 <u>Щ</u> ;喻覆藏 生死 但彼仗憑佛力,非己智分。則夫悟心之人,不但地獄,一 極苦 身 , 突絕 雖具苦因 , 履巨海 無由得脫 己過,終必為害。 萬 少 無一 分得其自在 其 因 ,十方一 ,終不能出 失矣!生死關頭 , , 而 , ,此菩薩自相警惕者 更記臨終 相陵等 火車相現 切如 , 切須自 ,故戴愈重,而溺愈深 來 , 此如來警惕於人者如此 ,勿領其緣 以顯 ,急急念佛,不成獄果; 色目 忖 由因緣具足,而後事辦耳 ! 若 故此詳敘 |覆藏 , 也道 , 有 又如此。 事 力未 轉身 , , 智者宜究心焉。二徵釋十因 同名陰賊 充 處 蓋諍 ,以喻過愈覆 0 , 菩薩觀此覆過之境 , 未能作 則陰境現前 ,此所謂如 訟 切繫縛事業 0 事 謂家有陰賊 主 有因 **企** 正 , 聖賢共惕 ,而罪愈重 , 脈 則 無緣 不隨 念 云 : 佛 , 平 即 如 久 往 他

竟。

#### 云何六報?阿難!一切眾生,六識造業,所招惡報,從六根出 壬二 徴釋六報 分二 癸初 總徵略釋 二 躡徵詳釋 今初

從此入,受報時仍從此出也。 惡報為所招矣。然業報從根出者:以此六根,元為賊媒,乃賊出入之所 根無所別。今分言之:六識造業者:以識有了別,故能造業;是則六識為能招,而 識造業,所招惡報 首句總徵 0 阿難下略釋 ,從六根出者:造業招報,根識不離;無根則識無所依 。阿難!一切眾生:此指極惡眾生,須受地獄之報 初總徵略釋竟 ;既造業時 , 無 識 則

先見猛火,滿十方界,亡者神識 思報 子初分三 云何惡報從六根出?一者見報,招引惡果:此見業交,則臨終時 躡徴詳釋 丑初 臨終見墜 二 本根發相 分六 子 初 見報 二聞報 ,飛墜乘煙,入無間獄 三 正詳交報 今初 齅報 四 味報 0 五 觸報 六

首二句躡徵

。所招惡報,當分兩種:一自業報,二交業報。自業報者:

如見業

之樂 首從 色 爾 所 招 聽 必令耳聞 , 0 , 同 故受報 臨終先見鐵床銅 水 ]時各有處分也 亦然 時從 柔軟之聲 ,故云從六根出 根 重者為 **贴柱等;** , 鼻齅脂粉之香 。 如 一 正 交業報者 , 諸根隨者為從 根之識造業,連帶諸根之識 , :如見火燒聽 舌談情愛之語 , 交相受報 ,能為鑊湯洋銅等 , 身圖 如法律家 細滑之觸 例如 眼 , , 意戀 見嬌 判 0 見 罪 火既 愛欲 而 分

入 煙 成 根 而 無間 為正 矣 出 ,入無間獄 0 地獄 見覺 者見報 然以果驗因 , 餘 0 屬 根 須知極善極惡 為從 、招引惡果者:此詳釋見報等。 。火性上騰 火 , 故當臨終之時 0 , 是因中 此見業交者 ,故或飛;諸情所墜 , 眼 皆無中陰 識 : , , 即見業與餘業交作 及 先見猛火 眼家俱意識 故 云直入也。 , 謂眼識造業,所招引之惡果 , 徧 故或墜。落於煙中, , 滿十方 造業偏多 , 初臨終見墜竟 故云此見業交 世界;亡者神 , 故招引惡果 乘此煙氣 , 識 則 地 , , 從眼根 飛 獄 偏 之因 墜 以 乘 眼

#### 丑二 本根發相

發明二相:一 者明見 • 則能偏見, 種種惡物 , 生無量畏 ;二者暗

## 見,寂然不見,生無量恐。

之心 明目張膽造惡,了無忌憚;今則徧見惡物 。二者暗見:由在世於暗塵中 發明二相者:既入獄中,仍依見業,發明二相:一者明見:由在世於明塵上, 瞞心昧己造惡,全不知羞 ,火蛇火狗 ,牛頭獄卒之類,生無量 ;今則寂然不見 喪懼

#### 丑三 正詳交報

天黑地,寂無所見之境,生無量恐怖之心。二本根發相竟

能為焦丸 如是見火 ,燒聽:能為鑊湯、洋銅;燒息:能為黑煙、紫燄;燒味 • 鐵糜;燒觸:能為熱灰、爐炭;燒心:能生星火 迸灑

#### 煽鼓空界。

聞嬌聲 火所燒 為鐵床銅 如是上來所說,見報之火。按下諸科,當先有本根受報之文,今補之:燒見能 一愛語 鼻中但齅黑煙紫燄之氣 柱 , 今為見火所燒 因中所見花容玉貌 **%,耳中** ,今為見火所燒 0 因中所嘗資身補劑 -但聞鑊湯洋銅之聲 , 眼中但見鐵床銅柱之色 0 今為見火所燒 因中所齅龍涎麝香 ,舌中但嘗焦 , 今為見 因 中 所

思吳姬越豔 丸鐵糜之味。因中所觸冰肌玉體,今為見火所燒,身中但受熱灰爐炭之觸 1,今為見火所燒,心中能生星火、迸灑,煽鼓空界。此皆流逸奔色之 。因中所

報 有如是等苦,可不戒哉!初見報竟。

地,亡者神識,降注乘流,入無間獄 二者閒報 聞報 招引惡果:此聞業交,則臨終時,先見波濤 分三 丑初 臨終見墜 二 本根發相 三 正詳交報 • 沒溺天

間獄 矣 正 然以果驗因 愈沉愈下 0 , 聞 餘 一者聞報 .聽屬水,故當臨終之時,先見波濤,沒溺天地。亡者神識,降注乘流 聞業殊勝 根為從 入無間獄 ,是因中耳識,及耳家之俱意識 ,招引惡果者:此聞報, 0 。故感波濤沒溺天地,心欲上升,奈為諸情所墜,故降注乘流 此聞業交者:即聞業與餘業交作,故云此聞業交;則地獄之因 0 初臨終見墜竟 謂耳識造業,所招引之惡果,從耳根而出 ,造業偏多;故招引惡果,偏以耳根為 八人無

成

#### 本根發相

#### 發 明二相:一 者開聽 聽種 種鬧 • 精神愁亂;二者閉聽 寂 無所

#### 聞,幽魄沉沒

者閉聽 寂無所聞 動 塵 F. 發明二相者:既 : , 即靜 , 幽 聞 言相犯 .魄沉沒。二本根發相竟 塵 , 由 入獄中, 在世於靜 , 即 百 般 施設 塵中 仍依聞業 , , 欲害其身;今者聽! 不聞相犯之言,但心生疑慮 , 發明二相:一 者開聽:即 種 種鬧 , 精 ,陷害於他;今則 動塵 神 愗 , 由 也昏 豆在世於 亂

#### 丑三 正詳交報

氣 如是聞波 ;注息 、為血 ,注聞 :則能為 、種種雜穢;注觸:則能為畜、為鬼、為糞、為尿;注意: • 則能為責 雨 • 為 • ,灑諸毒蟲 為詰;注見:則能為雷 , 周滿 身體 注注 • 為 味 吼 • • 則能 為惡毒 為

## 則能為電、為雹、摧碎心魄

詰情之事 如是 聞 0 波 因 一中聞 , 因 中 言譏毀 聞 一言侮辱 , 即怒目裂眥 , 即 種種詰責 , 震聲吐氣;今則注見 , 逾於常情 ٥ 今則注聞 則能 , 為雷 則能 為 為 吼 責罪

其觸 皆流逸奔聲之報 聲作惡, 霧 為惡毒氣 腹 灑 ;今為聽水所注 ;今則聽水注味 諸 設計圖謀 毒蟲,周滿身體。因中聞說 。因中聞說 ,有如是等苦,可不戒哉!二聞報竟 ,出其不意,而害人者;今為聽水所注 , , ,花香酒氣,鼻識妄生貪著;今則注息,水隨氣變,為 則能為膿為血 則能為畜為鬼 , ,山珍海錯,舌識貪嘗其味,百計網羅 可畏之狀 雜穢之物 , 0 因中聞說 為糞為尿 ,化為電雹摧碎心魄 , , 嬌蛾美女 不淨之相 0 , 身識 因 中 雨為 貪戀 以 由 此 聞 供

三者齅報 **齅** , 招引惡果:此齅業交 丑初 臨終見墜 二 本根發相 • 則臨終時 三 正詳交報 • 先見毒氣 • 充塞遠

## 近,亡者神識,從地湧出入無間獄。

矣 正 然以果驗因 齅 餘 息 一者齅報 根 医屬氣 為 從 , 是因中鼻識 ,招引惡果者:此齅報,謂鼻識造業,所招引之惡果,從鼻根而出 , 0 具出入息 此齅業交者 ,及鼻家之俱意識,造業偏多;故招引惡果,偏 ,吸則從外而入,呼則從內而出 即齅業與餘業 交作 , 故云此齅業交 , 故臨終業感 , 則 地獄之因 以鼻根為 先見毒 成

毒氣充塞於地,故復從地湧出。九情所墜,不覺又沉,直入無間地獄。初臨終見墜 氣 ,充塞遠近。以齅業徧造,故亡者神識 ,從地湧出 0 謂初見毒氣,入地避之;奈

竟。

#### 丑二 本根發相

#### 發明二相:一 者通聞 被諸惡氣, 熏極心擾;二者塞聞 氣掩不

#### 通,悶絕於地·

齅龍麝珍饈之香而造業;今則齅氣所衝 發明二相者:既入獄中,仍依齅業 ,發明二相:一者通聞:由在世於通塵上 , 變諸惡氣 熏極難忍 , 心神 漫亂 者

於塞塵中, 不欲齅臭穢之物,依之造業;今則齅氣所衝 ,氣塞不通 悶極氣絕

臥於地。二本根發相竟

#### 丑三 正詳交報

#### 則能為沒 如是齅氣 、為溺 ,衝息:則能為質 、為洋、為沸;衝味:則能為餒、為爽;衝觸 、為履;衝見:則能為火、 為炬;衝聽 則能

#### 綻 • 為爛 • 為大肉山、有百千眼, 無量咂食;衝思:則能為灰、

## 瘴,為飛沙礰,擊碎身體。

衝聽 而造罪 風 百 觸 衝 屬 千 見 而成 息 而 誏 造 如是齅報之氣 揚 罪 以聽聞屬水 氣 , 以見覺 今則 無量 見息 , ;今則衝觸 故 為揚灰潑瘴 蛆 衝 屬 而益惡 蟲 味 火 , 因 中 咂 , , 氣 , 氣見水而 食 , 以氣見味而成臭 , 以身 見火而 故為質證其罪 0 -貪齅色塵之香而造罪;今則衝息 因 , 飛沙擲礰 稂 中 成溷 成燒 屬觸 貪求欲樂之思而造罪 ,故為沒溺於洋湯沸屎之中 , , 氣見觸 故為火為炬 , , , 擊碎身體 故為魚敗之餒 履踐 而成殺 (其形 ,皆帶揚氣;此皆流逸奔香之報 0 0 ;今則 因 因中貪視美女之色而 , 故為綻裂爛 [中貪聞嬌嬈之聲而造罪;今則 ,羹敗之爽 衝思 ,則能為質為履 · 因中 , 以思動 壞 0 因 , 一中貪! 為 貪求厭飫之味 造罪 屬 大 水情 風 肉 , 以鼻根 Ш 今 氣 有 則 遇

四 者味報 子四 味 報分三 • 招引惡果:此味業交, 丑初 臨終見墜 本根發相 則臨終時 三 正詳交報 • 先見鐵網 今初 • 猛燄熾

有

如是等苦

,

可不戒哉!三齅報竟

### • 周覆世界,亡者神識,下透掛網,倒懸其頭,入無間獄 0

滋味 業交作 味造殺 今云味 意下透掛 出 0 以 四者味報 宗報者 網捕禽獸,魚鱉之屬,故當臨終之時,先見鐵網,猛燄熾烈,周覆 根 ,故云此味業交,則地獄之因成矣。蓋舌屬金 網網 無處不到 為 賊 ,倒懸其頭 , 媒 從所嘗以為名也。 ,招引惡果者:準前眼、耳、鼻三根,既云見聞齅報 , 引識 ,故亡者神識 ,入無間獄 奔走 ,故招引惡果 ,下透掛網 此味報,謂舌識造業, 0 初臨終見墜竟 ,唯舌根 因見鐵網 而出 ,以在生時 0 所招引之惡果 又見猛燄 此味業交者: 0 為此舌根 ,此應云嘗報 , 欲身透過;不 即味 ,從舌根 世界 業 貪嘗 與餘 , 因 面

#### 丑二 本根發相

### 發明二相:一者吸氣 ,結成寒冰,凍冽肉身;二者吐氣, 飛為猛

#### 火,焦爛骨髓。

寒 故結寒冰 發明二相者 ,而凍冽身肉 : 既 **汽獄中** , 。二者吐氣 仍依味業 , , 發明二相 從內而 出 : 其氣必熱 者 吸氣 ,故飛猛火 ,從外而 入 , 其氣必 而焦爛

骨髓 。此由因中,貪食眾生身肉所感。二本根發相竟

#### 丑三 正詳交報

#### 箭 能為利兵刃;歷息:則能為大鐵籠 如是嘗味,歷嘗:則能為承、為忍;歷見:則能為然金石;歷聽:則 • 為射;歷思:則能為飛熱鐵 ,彌覆國土;歷觸 ,從空雨 F :則能為弓

根之見 根之聽 根之息,為息氣所蒸,鼻中但聞為大鐵籠,彌覆國土之氣。因中貪食眾生之血 於舌根之嘗,亦令為承當 歷於意根之思 今則歷於身根之觸 如是嘗味,所感之報。因中貪食眾生身肉,令彼承當忍受,含冤莫訴;今則歷 , , 為見火所燒 為聽水所盪 ,意思屬 ,為身根所對 , ,眼中但見然金爍石之色 耳中但聞為利兵刃之聲 風 , , 則能為飛熱鐵 為忍受,伏罪無辭 ,能為弓箭弩射之觸。因中貪食眾生之脂膏; ,從空雨下 。因中齅彼眾生之香氣;今則歷 0 0 因中聽彼眾生之受烹;今則歷於耳 因中見彼眾生之被殺;今則歷於眼 ٥ 此皆流逸奔味之報 ,有如是 今則 於鼻 肉

,可不戒哉!四味報竟

#### **觸報**分三 丑初 臨終見墜 二 本根發相 三 正詳交報 今初

牛頭獄卒,馬頭羅剎,手執鎗矟,驅入城門,向無間獄 五者觸報,招引惡果:此觸業交,則臨終時,先見大山, ,無復出路。亡者神識,見大鐵城,火蛇、火狗、虎、狼 、獅子 四面來 0

0

手執鎗**植** 躲避有處,又見有火蛇火狗,虎狼獅子等,則不敢入;奈有牛頭獄卒,馬頭羅 火 節 作 以根為賊媒,引識奔走,故招引惡果,從身根而出。 , 風 無所逃避 故云此觸業交,則地獄之因成矣。然觸業最重者 五者觸報 ,驅逼使入,不得不入。既入城中 即是四山 ,招引惡果者:此觸報 。故當臨終之時,先見大山,四面來合, 。因中以此逼人,今則轉為逼己也。亡者神識 ,謂身識造業,所招引之惡果,從身根而 ; 即無間地獄也。 此觸業交者:即觸業與餘業交 ,莫如貪淫強逼令其喪志失 無復出路;蓋自身地 初臨終見墜竟 見大鐵城 ,方喜 水 出 ; 剎

#### 本根發相

## 發明二相:一者合觸,合山逼體,骨肉血潰;二者離觸, 刀劍觸

#### 身,心肝屠裂。

觸 因 中 , 謂貪於離觸造業 見他美貌 發明二相者:既入獄中,仍依觸業,發明二相:一者合觸,謂貪於合觸造業 如玉 , 強合成事 ,因中見他色衰愛弛 ;故感合 山温體 ,棄離 ,碎骨和肉 不顧 故感刀劍觸壞其身 , 與 血而俱潰也 。二者離

丑三 正詳交報

之與肝,俱受屠裂,而分碎也。二本根發相竟

歷息 為截;歷思:則能為墜、為飛、為煎、為炙 則能為燒 如是合觸 :則能為括、為袋 、為爇;歷聽: ,歷觸:則能為道、為觀、為廳、為 、為考 則能為撞、為擊 • 為縛 ;歷嘗 、為剚 :則能為耕、為鉗 • ( 達為擊、為割為射; ) (案疑是錯簡,應是為) 為射(道、為觀、為廳、為案。人 歴見:

此 以杵 八字 觸 如是觸業 , 擊 與歷聽之文對換 以 杖觸 ,所感之報。強合之觸 , **事以刃觸** 0 甚屬有理 (幹插刃) , , ,故今依之。強合之觸, 歷於身根 射以箭觸 , , 則能為撞為擊, 皆身觸遇逼 事 歷於眼根 也 為朝 0 為射 指掌疏》 眼 見屬 以 撞

為耕 之據 務令氣不得伸,皆鼻息遇逼迫事也。強合之觸,歷於舌根,以舌嘗而遇逼迫,則能 能為括為袋 多叫苦聲 也 火 下之狀 舌嘗遇逼迫事 。強合之觸,歷於耳根 火逼迫,則為爇為燒;逼住,則為爇;逼不住,則為燒。 為 多判結聲 鉗 為煎為炙 , 0 為斬 觀為獄主之宮 (禹親),多傳呼聲 ,為考為縛。蓋括以布纏,袋以囊閉 也 為截 : ٥ 強合之觸,歷於意根 皆耳聞遇逼迫事也。 , 時熱時燥之苦, 。耕謂犁其舌,鉗謂拔其舌,斬謂斫其根 ,耳根聽聞,則為道為觀,為廳為案。蓋道為地獄之路 此皆意思遇逼迫事也。 強合之觸 , 以意思而遇逼迫 ;廳為理獄之所,多審罰聲;案為 ,考謂括而復考, , 歷於鼻根 , 則能為墜為飛 此皆流逸奔觸之報 ,以鼻息而遇逼迫 ,截謂斷其半: 此皆眼見遇逼迫事 縛謂袋而復 ,忽上忽 判罪 此皆 縛 有 則

六者思報 土。亡者神識,被吹上空,旋落乘風, • 招引惡果:此思業交 ,則臨終時 墜無間獄 • 先見惡風, 0 吹壞國

如是等苦,可不戒哉!五觸報竟。

思報分三

丑初

臨終見墜

本根發相

三 正詳交報

今初

則能 上 交作 以 空 根為賊媒, 壞 , 六者思報 故云此思業交,則地獄之因成矣 ;今約惡業 旋復為九情所墜 引識奔走,故招引惡果,唯意根而出 ,招引惡果者:此思報,謂意識造業,所招引之惡果,從意根而出; , 故臨終時 , 故從空落 先見惡風 ,乘於風力,不覺轉入無間 。蓋思屬風 , 吹壞國土 0 , 有善有惡,善思則能成 此思業交者:即思業 0 亡者神識 地獄 無所 。初臨終見墜 依 止 ,與餘業 , 惡思 被 吹

#### 丑二 本根發相

竟

#### 發明二相: 者不覺 迷極則荒 • 奔赴不息;二者不迷, 覺 知 則

## 宀,無量煎燒,痛深難忍。

發明二相者:既入獄中,仍依思業,發明二相;以思業有覺不覺 者不覺 ,即滅法塵 ,以其不覺故, 迷悶之極,心神荒亂 ,奔走不息 ,故感報亦

#### 丑三 正詳交報

迷即

覺

,

即生法塵

,

覺知則是苦境,

無量煎燒,

痛深難可忍受。二本根發相竟

船 則能為大合石 如 是那思 • 火 艦 ;結嘗 ,結思: 為 • ·則能為 則能為大叫 冰 為 霜 方 • • 為 為 喚 土 所 • 為 ?;結見 、為霧;結息:則能為大火 悔 、為泣 • 則能為鑑 ;結觸 • • 為證 則能為 ;結聽 大 車 • 火火 •

#### 小 為 日中 , 萬生萬 死 • 為 偃 • 為 仰 0

為業鏡 根 失 火檻 息者 冰 聞 所 屬 , 為 即 身 則 水 如是邪思 思業報 之鑑 觸 能 霜 是受罪 , 從 獄 若 為 若 緣 大 中 遇 , 叫 苦 風 水 處也 為惡友之證 報 , , 喚 勢劣風 所 風 其 , 風 結於現前鼻根 性 也 0 感 , ,二力俱勝 結 無定 為 報 結嘗者 悔 見者 , 風 為 風 ,令其分明也 , 觸 泣 勢劣水 : 結 遇 以思業報風 , 於現前意 , 0 皆譏 思業報 風 鼓 鼻息屬 ;則能 而 /激過 展 渴 舒 逼 風 0 根 風 分 惱 結 為 , ,結於現前眼根 , 0 , , 聽者: 則 結 聲 土為霧 風 以意 則能 為 也 於現前舌根 遇風 大身 思而 為大合石 結 思業報風 , 而 觸 如 磨盪 遇 ,觸遇風 者 微 報 阜 0 0 ,則能 風 思業 以眼見而 舌嘗貪 趙 , , 若 塵 結 而 風 則 侷 於現 報 為大火車 , 帶 寒水 能 促 風 味 為 前 遇 濕 , 方 見霧等 冷 報風 則 結 味 耳 隅 為 於 遇 根 , ` 火 則 現 風 小 , , 以耳 身 前 船 能 則 為 而 0 身 結 能 便 為 處

觸遇 萬 死 風而忽活 或被風吹 ,則能為生;觸遇風而忽斃,則能為死。一日之中, ; 而 面俯於地 ,則能為偃 ,或被風 吹, 而面向於天 巧風所吹,萬生 ,故能為仰 此

阿難!是名地獄 壬四 總示虛妄 分三 ,十因六果,皆是眾生,迷妄所造 癸初 總結妄造 二 分別輕重 重明妄發 0

皆流逸奔法之報

,

有如是等苦,

可不戒哉!三徵釋六報竟

所造 無所 妄見 得也 此結前地獄十種之習因,六交之果報,若因若果,一一皆是,不了自心,迷於 若能了 不達眾生相空;由此於諸眾生,起於妄情,十因六果,靡不資始乎此 知 , 循業妄發 ,所有因果 , 皆如夢中境界 了,夢時 非無 , 及至於醒 故云

#### 癸二 分別輕重

## 若諸眾生,惡業同造,入阿鼻獄,受無量苦, 經無量劫

少 苦有重輕,今略分析之。意謂若諸眾生,六根對十因,如是惡業,無不同造 上 **| 來所說** 地獄 因以習成,果以交報 , 大分因果 ,俱是如 此 0 然地獄數有多

無間 前之所謂純情者,以此純情即沉,入阿鼻獄,此極重無間,分明獨為一獄,與下八 有別 ,故留阿鼻不翻。入此獄中,諸苦備歷,故云受無量苦。若沉心中,有謗

大乘等,劫盡更生十方阿鼻,故云經無量真。

#### 六根各造 • 及彼所作, 兼境兼根,是人則入八無間獄 0

造外,復兼餘境即十因也餘根故。是人則入八無間獄:即前九情一想,下洞火輪,身 此六根具造十因,但不同時,故云各造。及彼所作,兼境兼根者:謂除當根各

#### 身、口、意三作殺、盜、 淫。是人則入十八地獄 0

入風火,二交過地,輕生有間

,重生無間,此即重生無間者也

入無間獄者,必是六根各造,十因互犯;是知此科之罪,較上輕微 交作、不圓造,各未盡其極,反顯上之墮阿鼻獄者,必是十因圓造,六根交作耳 此唯言身、口、意三,六根不交作故;唯言作殺、盜、淫 ,十因不圓造故 對下則重 ; 故

## 三業不兼,中間或為一殺一盜,是人則入三十六地獄 0

曰是人則入十八地獄

準

《泥犁經》

,火獄有八,寒獄有十者是也。

大佛

頂如來密困修證了義諸菩薩萬行首楞嚴經講義第二十卷

|業不兼者:謂身、口、意三,不全具也。中間或為:或者不定之辭 ,若錯落

五身意犯殺淫,六身意犯盜淫,七口意犯殺盜,八口意犯殺淫,九口意犯盜淫;方 具陳,應有九句:一身口犯殺盜,二身口犯殺淫,三身口犯盜淫,四身意犯殺盜

盡根境 各皆具二缺一之數也。是人則入三十六地獄:而受苦稍輕 , 劫數稍短矣

#### 見見一 根 ,單犯一業,是人則入,一百八地獄 0

業 是人則入一 見見一根者:於六根現見,止見一根。單犯一業者:於殺、盜、淫等 百八地獄:而受苦益輕,劫數益短矣。 以上所論 , 因以 圓兼者為 ,唯犯一

#### 笑三 重明妄發

重

單獨者為輕

;果以因重者獄少,

因輕者獄多也。二分別輕重竟

# 由是眾生,別作別造,於世界中,入同分地,妄想發生,非本來

#### 有。

果報 由是眾生 各從其類 ,造業不同,受報亦別。 。於世界中,入差別同分地獄,以受其報也。 如上五段 ,惡業不同 , 即別作別造也 此因前問 ,此諸地 所感

堪忍 幻 由 云 : 地 獄 ,不但 , 妄想發生 則 為有定處,為復自然,彼彼發業,各各私受耶?故今答云:於世界中,入同分 豈可不自忖乎?是知佛慧,不可不領;而佛戒,亦不可不遵矣!初地獄趣 滅之何 菲 地獄 私受也明矣。前又疑問:此道為復本來自有,為是眾生妄習生起耶?今答 如 ,即今目前苦事,亦是虛幻 ,非本來有 ? 絕其惡業而已!學人慎勿聞其虛 ,則是妄生也明矣。 ,由前業力, 《正脈》 幻 , 遂忽略 宛然堅實,卒難得脫 云:夫生之由己 而不絕其業 , 應悟滅亦 0 當 , 卒得 知 虚

復 次, • 辛二 歷劫燒然,後還罪畢,受諸鬼形 阿 諸鬼趣 難 ! 是諸眾生, 分三 壬初 躡前起後 非破律儀 • 詳列十類 0 犯菩薩戒  $\equiv$ ,毀佛涅槃 推本顯妄 今初 ,諸餘雜

竟

極惡 認 合中陰與 鬼者畏也,謂虛怯多畏,名之為鬼;此總標 皆不受中陰 地獄 ;若罪福皆劣 ,悉謂之鬼 。今與辨明 未即受生, : 者、 倏然有身,名中陰身 0 與中陰不同 地獄罪畢,入諸鬼趣,人皆錯 0 蓋人之初死 此屬 無而忽有 極善

戒二法 槃至 犯菩 其勝 之化 然 指 滅 犯 則 非 獄 七日 地獄 + 佛 由 不 澶 薩 切 者 死 燒盡宿業之後 種 理 地 同 生 矣 戒 戒 獄 也 稱 也 因 , 而 旅餘報耳 乃出苦之津梁 地獄 大 者 0 神 復生 ! , 乘 類多躶形三尺,自覺六根皆利 但 六交 前云:若沉 而 , 深教 即大 與前之七情三 劣者 純是化生 且 ,長壽者不過七七,短者於二三七,即受生矣;此 謗 報 0 復次, 乘 為鬼 ,則前之純情無想 等 ,今言 戒 切 心中 也 戒為妄立 ,實成佛之樞 諸 , 呵 毀者 如 而 , 餘雜 十 想 難 下 鬼 有謗 重 !是諸 所 趣則具胎 , , 業 或訶 沉下水輪 列 ` , , 或言 大乘 四十八輕等 墮在 , 地獄 為 十 要 及九情 虚妄 無罪 , 類 , ` 地 毀佛 是也 互為緩急 卵 ',去來 ,受罪眾生; , 獄 生於火際者不同 無福 , ` 或斥 禁戒 濕 ; 0 備嬰眾苦 率皆 想等業, 迅疾 上二約毀戒言之 , ` 自陷陷· 化 為 , 尚 且 即指 四生 斷 不免饑虚 , 非即 無所 滅 名為酬還罪畢 不可 此 人 , , 如 此 間 也 謗 ; 隔 處猛 約 律 彼則 礙 , 也,破即 有父母兄弟眷 諸餘 何況俱毀?真 • 均 非 毀乘言之 儀 , 火 毀 他 鬼也 由 屬 , 雜 佛 通 觀 惡業直 餓 故 業者 如影 涅 大 犯 鬼 。二者與地 小乘 一
槃
者 今重報雖 日 也 趣 夫 墮 歷 攝 而 屬 不惟 為斷 劫 此 乘 也 : 0 涅 此 此 但 燒 總

畢,輕報當受,故受諸鬼形。初躡前起後竟。

鬼 壬二詳列十類 四 **瞋習蠱毒之鬼** 分十 五 癸初 貪習物怪之鬼 怨習疫癘之鬼 六 慢習氣餓之鬼 二 淫習風魃之鬼 三 誑習畜魅之 七 枉習幽魘之鬼

見習魍魎之鬼 九 詐習役使之鬼 十 訟習傳送之鬼 今初

## 若於本因,貪物為罪,是人罪畢,遇物成形,名為怪鬼 0

為何鬼 物生貪,附之成形。故有依草附木,成精作怪之類,名為怪鬼。 於本因句,總貫十科,寄居於此:謂若於根本原因,以何種習造罪 此詳列諸鬼之趣。由前來造十習因,墮獄受報不同,上出為鬼,亦分十類:若 。若於往昔 ,以貪求財物為罪者,是人受罪既畢,而出地獄,仍依貪習 ,今依餘習 成 遇

#### 癸二 淫習風魃之鬼

## 貪色為罪,是人罪畢,遇風成形,名為魃鬼。

此 。若於往昔,以貪求美色為罪者,是人受罪既畢,而出地獄,仍依淫習,心愛遊 不言本因者,例上可知故。仍以貪名,貪為煩惱之首,冠一切業故 下皆准

大佛

蕩 ,遇風成形,名為魃鬼。魃為女鬼,亦曰女妖,故呼女子之多淫者,為魃婦也。

〈神異經》云:魃鬼長二三尺,其行如風,所現之處必大旱。蓋以酷淫,則致陰陽

不合,妖風能令云雨不成也。

#### 癸三 誑習畜魅之鬼

### 貪惑為罪,是人罪畢,遇畜成形,名為魅鬼 0

若於往昔,以貪求誑惑為罪者,以是受罪既畢,而出地獄,仍依誑習,遇畜成

形。故有狐狸野干,雞鼠成精之類,名為魅鬼。

#### 癸四 瞋習蠱毒之鬼

#### 貪恨為罪 ,是人罪畢, 遇蟲成形 名蠱毒鬼 0

若於往昔,貪求瞋恨為罪者,是人受罪既畢,而出地獄,仍依瞋習 ,懷恨在

心 遇蟲成形 。蟲謂毒蟲 ,如蟒蛇蜈蚣之類;附之蠱害於人,名蠱毒鬼 0 《灌頂》

云:兩廣習妖術,令人成蠱脹者,即此鬼也。

#### 癸五 怨習疫癘之鬼

### 貪憶為罪,是人罪畢,遇衰成形,名為癘鬼 0

雪 若於往昔,以貪憶宿怨為罪者,是人受罪既畢,而出地獄,仍依怨習 樂為衰敗 ,即遇衰成形。 衰謂四時不正,陰陽衰敗之氣 , 散瘟行疫 ,名為癘 ,蓄惡欲

#### 癸六 慢習氣餓之鬼

鬼

## 貪傲為罪,是人罪畢,遇氣成形,名為餓鬼。

為餓鬼 舉 耶?答:地獄十因 云:腹大咽小,歷劫不聞漿水之名,常被焚燒,水能害己,何於慢者,獨受其苦 舉 故遇氣成形 若於往昔,貪求傲慢為罪者,是人受罪既畢,而出地獄, 故附之成形 此乃總中之別,非獨苦耶? 。氣謂地上之氣 ,無所主宰,不得祭祀,名為餓鬼 ,各隨業習,今受報既畢, ,下有水火二輪,蒸熱發氣 仍依慢習,感報受生,遇氣成形,名 了。 問 : 餓鬼 , 升於虛空 仍依慢習 , 乃一 趣總名 , , 希望高 常懷高

經

#### 枉習幽魘之鬼

大佛

頂如來密困修證了義諸菩薩萬行首楞嚴經講義第二十卷

## 貪罔為罪,是人罪畢,遇幽為形,名為魘鬼

0

昧 故即遇幽 若於往昔,以求貪誣枉為罪者,是人受罪既畢,而出地獄,仍依枉習,趣逐暗 成形 0 幽謂幽隱暗昧,陰陽不分之氣,附此成形 ,乘睡魘人 ,令其氣

#### 癸八 見習魍魎之鬼

不得伸,

名為魘鬼

## 貪明為罪,是人罪畢,遇精為形,名魍魎鬼。

為魍! 習 若於往昔,以貪求邪見,妄作聰明為罪者,是人受罪既畢,而出地獄 魎 而無正慧 鬼 魍 ,故即遇精為形 , 謂其形暗昧 魎,謂其形不定也。抱朴子曰: 魍 精 ,謂日月精華之氣,附以成形 ,顯靈異於川 通山精 ,仍依見 形如小 澤

#### 癸九 詐習役使之鬼

兒,獨足善犯人,又好學人聲,迷惑於人也。

### 貪成為罪,是人罪畢,遇明為形,名役使鬼 0

若於往昔,以諂詐誘人,貪成己私為罪者,是人受罪既畢,而出地獄 ,仍依詐

遇明為形。明:謂咒術也,附以成形,聽役使,以作禍福;不知因中,以詐成

己,今為咒術之所役使也,名為役使鬼

#### 癸十 訟習傳送之鬼

### 貪黨為罪,是人罪畢,遇人為形,名傳送鬼 0

依訟習,遇人為形。即環師所云,附巫祝而傳吉凶者,是也。良以因中結黨 若於往昔,以貪求朋黨,助惡興訟 ,而為罪者,是人受罪既畢 , 而出 地獄 傳遞 仍

隱暗之事 , 而訐露於人,今為鬼亦附人, 發洩傳說 ,吉凶等事 ,即名傳送鬼。二詳

列十 類竟

#### 推本顯妄

阿

#### 業之所招引,若悟菩提,則妙圓明,本無所有 |難!是人皆以純情墜落,業火燒乾,上出為鬼 0 此等皆是自妄想

以九情一 此推究鬼趣之因果 墜落無間;八情二想,墜落有間 0 阿難 !是鬼趣十種 人, 皆以純情 以業報苦火,燒得妄情之水,至此 無想 ,墜落阿鼻地 獄 ; 及

大佛 頂如來密困修證了義諸菩薩萬行首楞嚴經講義第二十卷

想

始乾 法可 鬼等 裑 ,皆是自心妄想顛倒,循業發現之所招引耳。若悟得真性菩提 ,由是上出為鬼。三途以地獄得出,則為上升,此推本也。此等下顯妄:此諸 妙圓 明者:苦不能覊曰妙;業不能礙曰圓;惑不能蔽曰明 0 ,如從夢覺 則諸鬼之趣 無無

本來無所有矣!二諸鬼趣竟。

今初

畜生趣 分四 壬初 躡前起後 詳列十類 Ξ 推本顯妄 四 重答前問

#### 復次, • 冤對相值 阿難!鬼業既盡,則情與想,二俱成空,方於世間,與元負 ,身為畜生 ,酬其宿債 0

家對頭 空 報 又名旁生,此道多屬覆身旁行,故曰旁生。復次,阿難!鬼業既盡者:諸鬼之業 ,苦火之焚燒 此躡 此總標畜生趣 前也。 互相值遇 方於下 ,燒得既盡,則情與想,二俱成空,即超出鬼趣情想,故曰二俱成 。以其秉性愚蠢,不能自立 ,業債難逃,身為畜生,或被宰殺,或受驅使, 此起後 **:方於世間** , 與彼 ,多賴於人,畜養而生,故名畜 元有負欠財物 償命償財 或形命之人 ?,故 曰 , 冤 生

酬其宿債。初躡前起後竟

食類 七 服類 詳列 汁類 八 應類 分 十 癸初 九 休 類 梟 類 + 二咎類 循類 今初 Ξ 狐類 四 毒類 五 蛔類

六

#### 物怪之鬼,物銷報盡 ,生於世間 ,多為梟類 0

物餘習;以子食母 亦盡,形謝苦終,生於世間。因有貪物為怪餘習,多為梟類 物怪之鬼者:昔因貪習,遇物成形,名為怪鬼。今則所附之物已銷,所受之報 ,即怪鬼餘習;大率如是,故云多為。以一 。梟則附塊成形,即貪 例餘,下則準此

#### 癸二 咎類

### 風魃之鬼,風銷報盡;生於世間,多為咎徵,一 切異類 0

色禽 者 : 亦盡 乃凶事之前兆 風魃之鬼者:昔因淫習,遇風成形,名為魃鬼。今則所附之風已銷,所受之報 ,或為淫獸,即貪色餘習;一 , 形謝苦終 ,生於世間 ,如商羊舞水, 0 因有貪色,為魃餘習,多為咎徵 切異類句,當屬此科。下第九科,多為休徵 石燕飛風等 , 即為魃鬼兆災餘習 異類者 切異類 咎徵 或為 與

此同。十科均以類字,結尾也。

#### 癸三 狐類

## 畜魅之鬼,畜死報盡,生於世間,多為狐類 Ó

幻,迷惑於人,即貪誑餘習。千歲狐為淫婦,百歲狐為美女,即魅鬼餘習。 亦盡,形謝苦終,生於世間 畜魅之鬼者:昔因誑習,遇畜成形 。因有貪誑為魅餘習,多為狐類 ,名為魅鬼 。今則所附之畜已死,所受之報 。狐狸為妖獸 ,改形變

#### 癸四 毒類

## 蟲蠱之鬼,蠱滅報盡,生於世間,多為毒類 Ó

亦盡。 毒類 蟲蠱之鬼者:昔因瞋習,遇蟲成形 蠱滅,按諸科當是蟲字。形謝苦終,生於世間。因有貪瞋,為蠱餘習,多為 如 蚖蛇蝮蠍 ,蜈蚣蚰蜓等,時時蓄毒,即貪瞋餘習;或無故便螫,或觸之乃 ,名蠱毒鬼。 今則所附之蟲已滅,所受之報

#### 癸五 蛔類

傷

,

皆蠱

鬼餘習

### 衰癘之鬼,衰窮報盡,生於世間,多為蛔類 0

亦盡 衰癘之鬼者:昔因冤習,遇衰成形,名為癘鬼。今則所附之衰已窮,所受之報 ,形謝苦終,生於世間。因有貪憶,為癘餘習,多為蛔類 蛔 ,謂腸胃中蟲

因閉身中 ,即貪憶餘習;乘癩而生,致結蛔症,即為癘鬼餘習

#### 癸六 食類

## 受氣之鬼氣銷報盡,生於世間,多為食類。

尊己陵他,恣意食噉,今亦以身肉,供人之食。斯則以報酬報,無怪其然也 知 亦盡,形謝苦終,生於世間。因有貪慢 ,凡屬有命,盡是貪生,以豬、羊、雞、鴨、魚、鄨之類,視為可食。由是傲慢 受氣之鬼者:昔因慢習,遇氣成形,名為餓鬼。今則所附之氣已銷,所受之報 ,為餓餘習,多為食類。食類者:世人不

#### 癸七 服類

### 綿幽之鬼,幽銷報盡,生於世間,多為服類 0

綿幽之鬼者:纏綿幽暗 ,昔因枉習, 遇幽為形, 名為魘鬼。今則所附之幽已

亦名禍 其貪枉為罪,遇幽為魘之餘習;今為服類,酬償先債也。 其義有二:一 掌疏》引《異物誌》云:山鴞體有文色,土俗因形名之曰服,亦名隻狐,晝伏夜出 銷 所受之報亦盡 鳥 , 鳴則有禍。蓋畫伏夜出,即貪枉餘習;鳴則有禍 ` 為蠶蟲貂鼠等類 ,形謝苦終,生於世間。因有貪枉,為魘餘習,多為服類。 , 供人衣服。二、為驢馬駱駝等類 ,即魘鬼餘習 , 供人乘服 。又服類 ~ 指 由

#### 癸八 應類

## 和精之鬼,和銷報盡,生於世間,多為應類 0

應類,如春燕秋鴻等,知時知節,即貪明餘習,忽南忽北 報 游盡 和精之鬼者:昔因見習,遇精為形 和銷 推前後 ,應是精銷 0 形謝苦終,生於世間 ,名魍魎鬼。今者,所和之精既銷 ,即魍魎餘習 因有貪明魍魎餘習,多為 ,所受之

#### 癸九 休類

#### 明靈之鬼,明滅報盡 ,生於世間 ,多為休徵, 切諸類 0

明靈之鬼者:藉明顯靈之鬼,明即神咒,昔因詐習,遇明 為形 ,名役使鬼。今

徵聖治,即貪成餘習。 類 則所附之明力已滅,所受之果報亦盡,形謝苦終,生於世間,多為休徵,一切諸 0 休徵者:吉兆之前驗也。因有詐習,貪成役使餘習,如嘉鳳祥麟等。 諸類者 :如靈禽文獸等, 識語言 , 隨呼喚, 即役使餘習 兆休明

#### 癸十 循類

#### 依人之鬼,人亡報盡,生於世間 ,多為循類 0

之物 捕 傳遞消息 黨 傳送餘習 傳吉凶是也。今則所依之人既亡,所受之報亦盡,形謝苦終,生於世間 而 致命 依人之鬼者:昔因訟習,貪黨為罪,遇人為形,名傳送鬼。環師謂:附巫祝而 洩露人之隱惡 如 **Z麟鳳鴻燕等類,** ,亦餘習之使然也。問:如來總標 或因閉而喪生 多為循類 ,次則為鬼 0 循者順也,為人畜養 ,則何往而非酬債耶?二詳列十類竟 畢竟酬何債耶?答: ,附巫傳送,是其餘習。今則為犬為鴿 ,畜生原為酬債 ,循順於人,如犬鴿之類 或被網羅售賣 , , 竊觀此中,多有蕭散 或被籠繫玩好 。良以因 黨惡受教 0 因有貪黨 或因 | 中結

#### 壬二 推本顯妄

大佛

#### 業之所招引,若悟菩提,則此妄緣,本無所有 阿 |難!是等皆以業火乾枯,酬其宿債, 旁為畜生 0 此等亦皆自虛妄

得乾枯 無 提人人本有 生 空 物 十 生類狹;以畜者養也,明其無力自活,待人畜養,不該有力自養者,故狹也。 類畜生,亦皆是虛妄惑業之所招引,自作自受也。若悟得菩提真心,本來無 , , , 翳病若除 所謂狂心若歇,歇即菩提,勝淨明心 如 而 阿難!是等:是十類畜生等 此業報 果眼中有翳 生於世間 ,祗因妄緣障之也。菩提如何悟得,只要能緣之心不起,所緣之境自 ,則見華滅 , 猶 如空華,故謂妄緣,本無所有。清淨心中 , ,自覺空裏華紅,空本無華 償其宿債 。 生既 , 無生, 披毛戴角 ,皆以地獄 滅何所滅 ,旁為畜生 本周法界。三推本顯妄竟 、鬼趣, ,病眼妄見 ,即此不生不滅, 業報苦火燒盡,二趣妄情 ,亦為旁生, ,則見空華時 , 無能無所 是自性菩提。菩 然旁生類寬 , , 華本 譬若 此等 · 不曾 晴明 , 今

#### 壬四 重答前問

如汝所言:寶蓮香等, 及瑠璃王,善星比丘, 如是惡業 • 本自發

#### 明 • 非從天降 ,亦非地出,亦非人與。自妄所招 ,還自來受

## 心中,皆為浮虛,妄想凝結

米中 地獄 境 意 良 至還自來受 以眾 0 蓋世 全如夢中 此牒前問 ,今如來總答三途 諸 全自心 蕳 味皆具,成糖 雖 ,正明不從外得也。 , , 知禍是自招 如汝阿難所言 並無外物;故云菩提心中 如來藏 中, 、成醋 , 明 , 其同 無所不具 而猶執官刑 、成酒 , 此意,學人還須著眼 即問寶蓮香等三人墮獄。如是惡業者:前阿難偏問 一罪罰之苦趣故也。 ,隨其造時,即自發明 , 倘自循何等之業,即自發明何者之報 乃是外境 , 虚妄凝結 。今表三途,皆是自心 (,不同 《正脈疏》云: 世 ,不從外得。 間所說 本自發明者 , 自惹官刑之 非從下乃 變化妄 譬如

習生起 以 (非本來有 ·無實體 .指掌疏》云:自妄所招,還自來受,顯是我自致。菩提心中,浮想凝結 ?此云自妄所招 據 0 次別問地獄云: 前 阿難 《有總別二問;初總問七趣云:此道為復本來自有 還自來受,是答以妄習生起 此諸地獄 , 為有定處?為復自然?彼彼發業 0 菩提心中 浮想凝結 為是眾生妄 ,各各私 是答 顯 即業障本來空,未了仍須還宿債,可弗慎歟!三畜生趣竟 中,都無所有,果其徹證,無勞更疑。若乃未悟先空,只恐誤人自誤。古德云:了 興 有一定之處。故今並遣言,眾生初以一念妄動,業識潛興,名為浮想。次以見分俄 妄想凝結,是答以縱有定處,亦屬浮想凝結。良以前云:眾同分中,兼有元地,似 受?此云:自妄所招,還自來受,是答以自然,彼彼發業,各各私受。皆為浮虛 人發真歸元 結為現境 ,十方虚空,悉皆銷殞;況諸地獄鬼畜等,又在虚空中耶?是菩提心 ,是曰凝結 0 為七趣所共依;呼為同分,若眾生之自招 ,乃稱別業

楞嚴經講義第二十卷終

## 大 ·佛頂如來密因修證了義諸菩薩萬行首楞嚴經講義第二+一卷

辛四 諸人趣 分三 壬 初 躡前警起 福州 鼓山湧泉禪寺圓瑛弘悟述受法弟子明暘 詳列十類 Ξ 結嘆可憐 日新 癸初 敬校

壬初分二

負債反復徵償 || 負命殺食不已 今初

復次,阿難!從是畜生,酬償先債, 若彼酬者,分越所酬,此等眾

## 生,還復為人,反徵其剩

畜 耳 之速也 約從畜復形者,以詳明之。《正脈》云:以人趣為修進通途,諸趣皆願為之,求轉身 來,如聖賢示現,天仙謫降之類。三是惡道中來,如地獄、鬼畜及阿修羅 多種 ! <u>Ė</u> 貧賤者似鬼,囚繫者似獄。夫相似既多, , 約而言之,有三差別:一 〈寶鏡疏》 云:人者忍也,謂於世間,違順情境,能安忍故。若論 |。故諸佛但於人中成佛,裴公序《圓覺》云:整心慮,趣菩提,唯 一勝劣無量差別 ,富貴慈善者似天,聰明者似仙 是五戒,及中品為因 則知來處必多。今亦順序而談 ,剛暴者似修羅 ,直尅其果。二是從勝類中 ,愚癡者似 人趣,亦有 人道為能 。今且單 故偏

度 滿 人 也 負 分 者 文 取從畜來者 八物債 兩 , 則必 是我 而 索還其前生餘剩之債矣。 超 種 故 ?過所應償之分。此等眾生,還復為人,反徵其剩者:即乘此因緣 也;酬償先世物債 彼不死不轉 以 〔越分,於此切宜存心,至於 佛欲人警悟 復次阿難起之。觀文中徵剩索命二意,乃諸畜所以潤生為人也 負 。夫此文頗似畜生趣餘文,再四研求,前趣之文已結,當是躡前警起之 物債 , , 反 則凡心何 ,於諸畜生 〈復徴賞 ,債畢即停, 。二負命債 以知其當止乎?答:餵養 《正脈》 , 不可 死轉 鞭策 問:酬滿壽終, 兩不相干矣。若彼酬者, ,必有冥冥主宰 , 殺食不已 , 過用其力,瞋怒枉殺其身也 0 或轉別 從是畜生 , 不到 不足慮也 生, 非禮 分越所酬 , 則 酬償先債者 苦役 無可 , 越 : 。言警起 越超過 鞭策 反復為 負債 若酬 此 過 應

#### 如 彼有力, ,還為畜生,償彼餘直 兼有福德,則於人中,不捨人身,酬還彼力, 若無福

德者: 此 償 彼指被徵之人;有力指有善業之力,兼有福而仁 物債 , 而 分勝劣 0 勝者 人中償還 ;劣者 為畜償還 , 有德而賢 。如彼有 , 不必捨命 芀 兼 有 則 福

值 者 負欠等皆是。此約勝者說。若無福者下:此約劣者說。若無善業之力,及無 於人趣之中,不捨人身,酬還彼索債者, 0 , 則難保人身,還為畜生, 指掌疏》云:則現前過用得意 或被驅役,或被售賣 , 即當來反償之不得意 前世過用之力也。如被盜賊劫刦奪,親友 ,償彼前世餘剩之債 , 普願舉世仁人君子 , 故 百餘 福 德

#### 癸二 負命殺食不已

當其得意時,須防有不得意時耳。初負債反復徵償竟。

## 阿難當知:若用錢物,或役其力,償足自停。

福者 者:言被徵之人 此重明 ,則為畜生,而反徵之人,或應役其身力,故曰或役其力。是皆可以償足,自 剩債易償 ,若有善業之力,不捨人身,而反徵者,不過用其錢物而已。 ,言反徵可停。 阿難當知者:借阿 .難以警世人也。 若用錢物 若無

#### 如其 猶 八中間 如轉輪 , 殺彼身命,或食其肉 ,互為高下, 無有休息 ,如是乃至, 0 經微塵劫 ,相食相

然停止

,但不至分越所酬而已。

1290

塵 無有已時 动數 此 正 怨習難忘 明負命難解。設或為其中間,殺彼身命 **;猶旋轉車輪** 0 以肉還肉,故互來相食;以命還命,故互來相誅 一般 デ 互為· 人畜 , 循環高下 ,食其血肉,如是生生世世,經微 , 無有休息 。遞相報復

## 除奢摩他,及佛出世,不可停寢。

死業苦 佛意警誡 除此佛法之外,不可停寢。奢摩他開解照了,此自性天然本定,返妄契真 此 唯許佛法能止 , 明自力得解也。 ,不宜恣意殺生 0 奢摩 一食肉也 遇佛 他,為自性本定 出 0 世 初躡前警起竟 , 為眾生說法 , 法也 , );佛出世, 能解歷劫冤愆 為照世明燈 明他力得解 ,能止生 , 佛 也; 也

詳列十類 分 十 癸初 頑類 異類 庸類 四 狠類 五 微類 六

#### 柔類 七 勞 類 八 文類 九 明 類 + 達類 今初

## 汝今應知:彼梟倫者,酬足復形,生人道中, 參合頑類

人, 須及早省悟,不可仍依餘習 汝今應知 者 此警告阿 難 , ,旋得旋失;直貫諸科,寄居於此。 以及世人, 應當以智而 知 , 今畜報 既盡 彼梟倫者 , 幸得為 昔

途罪畢,生於人道之中;猶帶餘習,參雜混合於頑類。頑謂惡而且愚,不可化為 因惑習,為怪為梟者,今雖酬債已足,恢復本形;可見原從人道,墮落三途,現三

毫之善者也。參合頑類者:非彼一類,皆梟所化也。餘準此可知

#### 癸二 異類

## 彼咎徵者,酬足復形,生人道中,參合異類 0

於異類 形 ;可見原從人道 汝今應知,彼咎徵者:昔因淫習,為風魃為咎徵者。今雖酬債已足,恢復本 異類者 ,謂妖異之類,如身具二形,六根反常者是也 ,墮落三途,現三途罪畢,生於人道之中;猶帶餘習, 參雜混合

#### 癸二 庸類

## 彼狐倫者,酬足復形,生人道中,參於庸類。

類 見原從人道 庸類者:無超拔之氣,媚世求榮,甘為庸鄙之類 汝今應知 ,墮落三途, ,彼狐倫者:昔因誑習, 現三途罪畢 ,生於人道之中 為魅為狐者。今雖酬債已足,恢復本形;可 ;猶帶餘習 , 參雜混合於庸

#### 癸四 狠類

## 彼毒倫者,酬足復形,生人道中,參合狠類。

汝今應知 ,彼毒倫者:昔因瞋習,為蠱鬼為毒物者,今雖酬債已足,復形人

道;猶帶餘習 **參雜混合於狠類。狠類者,剛暴自用,毫無仁慈之行也** 

#### 癸五 微類

## 彼蛔倫者,酬足復形,生人道中,參合微類。

帶餘習,參合微類 汝今應知 ,彼蛔倫者:昔因冤習,為癘為蛔者。今雖酬債已足,復形人道;猶 0 微類者:卑微下賤,倡優婢僕 ,雖親附人,人不介意是也。

#### 癸六 柔類

## 彼食倫者,酬足復形,生人道中,參合柔類。

汝今應知 ,彼食倫者:昔因慢習,為餓鬼為食類者 。今雖酬債已足,復形人

道;猶帶餘習, 參合柔類。柔類者:柔弱懦性**,** 被世欺凌,不能卓立之類也。

#### 癸七 勞類

### 彼服倫者,酬足復形,生人道中,參合勞類 Ó

帶餘習,參合勞類。勞類者:勞苦不息,碌碌營生者是也。 汝今應知,彼服倫者:昔因枉習,為魘為服者。今雖酬債已足,復形人道;猶

#### 癸八 文類

### **彼應倫者,酬足復形,生人道中,參於文類** Ó

道 ;猶帶餘習,參於文類。文類者:合轍云:小有才能,通文合禮,與人應接,不 汝今應知,彼應倫者:昔因見習,為魍魎為應類者。今雖酬債已足,復形人

#### 癸九 明類

失其序,非經天緯地之大文也。

## 彼休徵者,酬足復形,生人道中,參合明類。

人道;猶帶餘習, 汝今應知 ,彼休徵者:昔因詐習,為役使鬼,為休徵者。今雖酬債已足,復形 **參合明類。明類者:乃世智辯聰** 堪為世用 ,非仰觀俯察之大明

也。

#### 癸十 達類

## **彼諸循倫,酬足復形,生人道中,參於達類。**

汝今應知 ,彼諸循倫者:昔因訟習 , 為傳送鬼 ,為循類者。今雖酬債已足,復

古窮今之大達也。二詳列十類竟。

形人道

,猶帶餘習

,

參於達類

0

達類者

《灌頂》云:諳練世故

,了達人情

非

博

#### 壬三 結嘆可憐

相殺 阿 .難!是等皆以宿債酬畢,復形人道,皆無始來 ,不遇如來,不聞正法 ,於塵勞中, 法爾輪轉 ,業計顛倒 , 此輩名 為 1,相生 可

#### 憐愍者。

頭倒 皆無始來 此警示,既得為人,當念人身,難得而易失,切宜珍重愛惜!是等皆以宿債酬 復形人道者:是等 ,不忘債與命也。 ,業計顛倒 ,指上十類人倫 為徵債而相生 ,相生相殺者: ,如人死為羊 ,皆以宿生之債,酬償已畢,恢復 此指多生,皆從無始 ,羊死為人也。為索命而相 以來, 惡業妄計 **|**人道本 種

種

形

畢

殺,如汝負我命,我還汝債也。

此輩名 者 : 成墮落;仙天無路可升,佛道從茲永隔,故名為可憐憫者。四諸人趣竟 然塵屬惑,有惑必有業,有業必有苦,如惡叉聚,自然不離 不遇如來出世,不聞諸佛正法,悔過自新,無緣解脫。於塵勞之中,法爾輪轉 為 可憐憫者 :此輩幸得為人,凶多吉少,苦多樂少,若乃一念不慎 , 故云法爾輪 , 轉 眓 轉 便 0

辛五 諸仙趣 分三 壬初 結前標後 二 正列諸仙 三 判同輪迴 今初

# 阿難!復有從人,不依正覺,修三摩地,別修妄念,存想固形,遊

## 於山林,人不及處,有十種仙。

弄精魂 求仙道 心 倫 ,初得人身,猶帶十習餘習。《正脈》云:惟此仙趣以上,方與十習無干矣!欲 梵語茂泥 發起始覺正智 厭懼 存想固形 無常 ,此翻為仙 ,以求長生不死。殊不知慾求長生則可 , , 而修楞嚴大定,以證究竟堅固之理;而反別修 想身常住,遷入山林。不依正覺,修三摩地者:不依本覺真 ,仙者遷也。 故佛告阿難:復有從於人趣,非上之十類人 ,欲求不死,實是空言 虚妄之念,撥

縱使壽千萬歲,亦不過後死而已

也。夫人既不及,彼獨能遊,則神仙具五通矣。有十種仙者:但以其所修別之。初 經中謂 形者 謂 , 錯亂修習者此也。不依正覺,修三摩地者:此不依真本也。別修妄念 .寶鏡疏》云:但凡存想,便是妄認緣影;但曰固形,便是妄認色身;即佛所 此別修妄本也。 :七金山中有一 Щ 《正脈》云:山林人不及處者,即名山洞府 , 乃神仙所居。道家所謂:崐崙倒景 , , 以此山非須彌山 神仙隱迹之處 , 存想固

天行仙 阿難!彼諸眾生,堅固服餌,而不休息,食道圓成,名地行仙。 壬二 正列諸仙 通行仙 分十 七 道行仙 癸 初 地行仙 八 照行仙 飛行仙 九 精行仙 遊行仙 絕行仙 四 空行仙 今初 五

結前標後竟

謂存想堅固形骸 之 約步履行走而言 彼諸眾生者:指別修妄本也。 ,由於服食藥餌,以諸藥物,炮煉修治,為丸作餅;服食不休,而 。後五科行字 ,作去聲讀之,約功行淺深 總冠十科 ,步居於此。前五科行字, 一而論 0 堅固 作平聲讀 服 餌 者

升空。故此與下四科,為以步履輕重 得功效,謂食道圓成。不惟百體康壯,壽年延永,必至身輕行疾,名地行仙,不能 ,遠近高下,而分勝劣耳

### 癸二 飛行仙

# 堅固草木,而不休息,藥道圓成,名飛行仙。

堅固草木者:謂存想堅固形骸 ,由於服食草木。 此與上科藥餌,不過生熟之

分 , 成 行步如飛,升高越壑 惟不餐煙火食,但服紫芝黃精、松枝柏葉;服食不休,而得功效 , 身輕勝前 ,故名飛行仙 ,謂藥道圓

### 癸三 遊行仙

### 堅固金石,而不休息, 化道圓成 ,名遊行仙 0

堅固金石者:謂存想堅固形骸,由於烹煎鉛汞,煉養丹沙,而不休息。故能化

形易骨 點石成金 ,各獲其效,謂化道圓成。為超脫而遊世外 ,因利濟而遊寰中

### 故名遊行仙。

癸四

# 大佛頂如來密因修證了義諸菩薩萬行首楞嚴經講義第二十一卷

### 一固動止,而不休息,氣精圓成 ,名空行仙

0

虚 止 以時 故得 堅固 , ·氣精 .動止者:謂存想堅固形骸,由於動止;動 起居必慎 繭化 0 形神 由是運養不息 [俱妙 , 謂氣精圓成 ,初則練精還氣 0 乘雲御龍 以運氣調身,止以養精安神 , 繼 , 遊於虛空 則 練氣還神 , 故名空行仙 終 則 練 神還 "; 動

### 癸五 天行仙

# 堅固津液,而不休息,潤德圓成,名天行仙。

累 行 池 氣合其用 似屬 0 , 後三 謂潤 嚥玉 堅固 則 《彼之小乘,以只知存想固形,全無利濟之心,但以有煙火無煙火;分之為 形 津液者:謂存想堅固形骸 ,利萬物而不宰,處寰中而無迹矣 神 似屬彼之大乘 德 液 俱 圓 , 能令水升火降 妙 成 0 , 雖 乘正御氣,遊乎天上,故名天行仙 能 高 ,以兼有利濟之心 舉遠達 , 久而 , 而猶有分齊 不息 ,由於津液;上出為津 ,水火既濟 ,但遊行未能忘身 0 至於天行,則與天地合其德 , 而結 0 《指掌》云: 內丹 ,下嚥為液;即所謂鼓天 ,不能遠達高 內 外融 此 上五 通 舉 , 與 仙 而空 物 前 無

### 癸六 通行仙

# 堅固精色,而不休息,吸粹圓成,名通行仙。

髓 日 息 ,三伐毛矣!所以視天地若蜉蝣,等古今猶旦暮也。 , 吾卻食服精氣,三千年一轉,反骨洗髓,三千年一轉,剝皮伐毛;吾生已三洗 蹈水火,任運無礙,而與造化交通,故名通行仙 粹氣潛通 堅固精色者:謂堅固其心,以求精色。採日月之精華,飡雲霞之彩色,久行不 粹即日月雲霞之精粹, 謂吸粹圓成。形與氣化 。漢武內傳 , 神與物通 東方朔遇黃眉翁 穿金

### 癸七 道行仙

### 堅固咒禁,而不休息,術法圓成,名道行仙 0

法 則 止嗜戒欲 ,咒棗 堅固咒禁者:謂堅固其心,以持咒禁。持咒,則延年益壽,護國佑民;禁戒, 書符 ,降妖袪魔;久行不息,而得功效, ,以愈疾病,禁毒驅魔,以利群生。將此道以養身, 謂術法圓成 咒是咒術 推此道以濟世, ,法是禁

故名道行仙

#### 1 3 0 0

### 癸八 照行仙

# 堅固思念,而不休息,思憶圓成,名照行仙。

堅固思念者:謂堅固其心,沉思靜念,存想頂門而出神,繫心臍輪而練氣 宗 即

而得功效,謂思憶圓成。神出入而自在,氣上下以交通,形神照應,故名照行仙

### 癸九 精行仙

繫心臍輪下,透尾閭關

,上昇夾脊雙關

,以至直透泥洹宮,衝頂出神;久行不息

# 堅固交遘,而不休息,感應圓成,名精行仙。

以坎離 精 令其交遘,以成仙胎;久行不息,而得功效,謂感應圓成。感應者,即交遘義,此 萬物化生。 堅固交遘者:謂堅固其心,以成交遘。易云:乾道成男,坤道成女,男女遘 5, 遘精 成行 《灌頂》云:此以腎水為坎男,心火為離女,取坎填離,降火提 ,故名精行仙 0 《正脈》云:至於用女子為鼎器 ,而採助淫穢 水水,

內教固

辟

為魔論

,而仙道亦鄙為下品。此為投人之欲,狂迷者多惑之,正人君子

絕口遠之可也

### 癸十 絕行仙

### 堅固變化,而不休息,覺悟圓成,名絕行仙 0

功效 心 心 堅固變化者:謂堅固其心,以窮變化 存化理 ,久則覺悟 ,而與造化相通 ,推求其術 ,謂覺悟圓 , 深研化理,久行不息,而得 成 0 移 山倒海 , 翻 易四 時

壬三 判同輪迴

故名絕行仙。二正列諸仙竟

#### 深山 阿 |難!是等皆於人中練心,不修正覺,別得生理 • 或大海島 ,絕於人境,斯亦輪迴 ,妄想流轉 ,壽千萬歲 。不修三昧 , 休 止

### **盡還來,散入諸趣。**

以求長生不死。《正脈》云:豈覺言長僅以勝短,說生終以待滅,詎識無生之至理 此結示妄想,極勸真修。是等,指上十類仙人,皆於人中,怖懼生死無常

形 本常之妙體哉 別得 .延生,妄理相應,故能壽千萬歲;但是後死,非真不死,如松柏後凋 ?!練心者 : 即別修妄念,不修正覺真心也。別得生理者 : 即 存 想固 非

真不 虚 或 七金山之外 幻 , 斯 凋 亦是輪 怖 耳 速死 0 休心依止,深山海島,絕於人煙之境:即所謂蓬萊弱水, , 而求長生 迴 其水甚弱 0 以所依既未超乎三界, ,即屬妄想,依妄想而墮生滅 ,舟楫 不能至,而羽毛皆沈 而能依豈能脫於生死?夫法身徧常 ,為神仙所居之處;並非不死之 正 是流轉 ·惟飛: 仙 可 形骸 度

昧者: 盡 因 中 , 依舊還要改頭換面 不修三昧者: 即首楞嚴大定也。因中,依不生不滅, 依 生滅 為因 乃極 , 欲 ,而來散入於諸趣之中 勸真修;言欲免輪 求不生不滅 , 無有是處 迴 , , 為本修因,然後圓成 須斷妄想 。設若不亟早修習楞嚴 可 不痛哉 ,欲斷妄想 ,果地修證 , 須憑 箮昧 三昧 , 仙 報 ; 若

地 輕 中氣 一妙長 請 無量萬物之本體 此附辯 正 生之身 命根 脈》 為命 問 ,以覺深迷。答:彼所說性命,二俱非真 , 而誇形 修 0 故說單修性者 仙 證此性者 神俱妙 者 妄謂釋教修性不修命 0 安知 ,豈但能現無量妙身 , 佛所 但得陰魂鬼仙 說性 , 是人人本有 , 萬劫陰靈難 無長生身形 , 兼能現無量天地萬物 ,蓋指身中, , 真 入聖 如 ;兼修命者 性 海 神 惑 魂 , 此 乃 為 2言者甚 性 無量 其所 方得 , 身 天

欲現即 現 者 閱前文顯性處,自然悟彼無知而妄謗矣 ,豈惟但能令住百千萬歲、雖塵沙浩劫,亦可令住。且欲收即收,一塵不立 現 ,萬法全彰,得大自在,得大受用,方謂真如佛性 。斯言信不及者,請細

修異道 中途 有紫雲蓋頂 處皆順境 仕 生 子 夫功名猶如夢境,得之不喜,失之不憂,何為怏怏於懷?呂嚴聞之不語。韓又出枕 為官 聰明俊秀 個 功名富貴事如何?莫若及早從吾脩道。呂嚴一 ,旅館候之。 昔呂嚴,三次晉京,求名不遂,乃鬱鬱而返。 , 易名洞賓 運途 語曰:子今路上辛苦,少憩一臥可也。呂嚴受之即睡,夢至一家投胎 ,忽罹殺身之禍,綁至刑場,利刀一砍,頭落驚醒,出一身大汗。韓語之 順利 ,母愛如掌上之珠,少讀書 知有高人,於是入山參訪 時呂嚴至,長吁短嘆!韓曰:相公何為如是,莫非功名不遂乎? ,連陞吏部尚書, 煉 雙雌 雄劍 , 斬妖 為人忠直 (袪魔 ,有過人之才,年既長成 適黃龍禪師,上堂說法 ,志在利 ,竟遭奸臣奏害,令殺其身 韓鍾離欲度呂洞賓即 想 ,人世總是無常,遂從之,別 生。 日路經黃龍 ,洞賓旁聽 , 所試 ( 嚴 呂 皆捷 山下 。一生所 在於 說 出 既 見

畢 中金,自從一見黃龍後,方悔從前錯用心。是可見仙道不如佛道也。 道 聲即墜地 龍 高 禪 黃龍禪師云:今日有人盜法。洞賓即出眾云:囊有長生不死藥,何用盜法?黃 .師斥云:汝這個守屍鬼。洞賓即飛出寶劍,要斬黃龍禪師之首。劍至項 方向 插 :懺 悔 ;在地中,並不飛回。洞賓用盡心力,亦不飛迴,黃首如故 ,請求開示 , 禮拜為師 , 有偈為證 蹙碎浮囊棄卻琴,從今不弄汞 五諸仙趣竟 於是相信 ; 鳴

四空祭初分三 **諸天**趣 分二 子初 標示生因 二 欲分輕重 壬初 正列諸天 二 通前總結 田初分三 = 判屬欲界 癸初 六欲 二四禪

### 阿難!諸世間人, 不求常住 ,未能拾諸妻妾恩愛 0

今稱欲 而證無漏之果也。梵語提婆, 未能捨諸 心 ,但依有為事相,而求有漏果報。是依妄本,而不依真本而修,為三界總因也 此標示生天之因 界 妻妾恩愛者:別為六欲天之因,以欲界未離三欲,皆有淫欲 以淫為諸貪之首 0 諸世間人, , 故未能捨諸妻妾 此翻為天。灌頂引論云:天者,清淨光潔 有欲離苦得樂,不求常住 , 深恩重 愛, 以修出世 不生不滅 飲食睡眠 戒定之業 , 圓湛之

,最勝最

天趣與仙趣不同,世人仙天不分,而學仙者,濫附於天,且謂諸天,皆彼祖仙 尊;或謂天者,天然自在,首出庶物。以上品十善,及世間禪定為因。《正脈》云:

哉?又仙 略辯之:仙以人身 處海 Ш , 如蓬萊崐崙 ,而戀長生,最怕捨身受身;諸天皆捨前身,而受天身 , 皆非天上。四王忉利 , 曾無卜居 況上界乎?是知 。豈其類

子二 欲分輕重 分六 丑 初 四王天 二 忉利天 Ξ 夜摩天 四 兜率天 五

天趣,最為界內尊勝之流,迥非仙與鬼神之類也。

於邪淫中 ,心不流逸 • 澄瑩生明,命終之後, 隣於日月。 如是

### 類,名四天王天。

化樂天

他化天

今初

地光明 捨 亦 《無一念思想;是正淫雖有 人身而受天身 己色為正淫,他色為邪淫。此人遵守五戒,於邪淫中,不唯身無有犯,即心中 也。 今獨約淫欲一事,以是生死根本, ,生須彌山腰 ,邪淫已無,故不奔流縱逸,而得愛水,澄淨瑩潔 ,隣於日月宮。 故約之而分勝劣耳 如是一類,名四天王天,為帝釋外 0 此人命終之後

臣 此間 多聞天王 周尺 東持國天王,居黃金埵;南增長天王,居瑠璃埵;西廣目天王,居白銀埵;北 ,七十五 ,居水晶埵。此四天離人間地,四萬二千由旬,身長拘盧舍四分之一 丈, 壽五百歲。以人間五十年,為一晝夜,合計九百萬年也

#### <u> </u> 忉利天

### 於 明,居人間頂,如是一類,名忉利天 **记妻房,淫愛微薄** ,於淨居時,不得全味,命終之後

微少淡 尺 有 矣 命終之後 晝夜 , 。如是一類,名忉利天。梵語忉利,此云三十三,在須彌山頂,四方各八天,中 天 此比前更進一步,不但 百五 薄 ,壽命一千歲,合人間數,乃三十六百萬年也。以上二天,名地居天,以未 為善見城 , 所謂 干丈 超日月之光明 有時有節也 ;帝釋身長 ,乃帝釋所居。此天離地,八萬四千由旬 ,生須彌之極頂即人間頂 。 無有邪淫 ,一拘盧舍; 然於清淨獨居之時 一,即於自己正妻,房幃之間 由其過去 ,間有淫念生起 , 0 **编修敬恭業故** 再上,即空居天 。身長 一,淫欲愛念 不得全其淨 0 半盧舍,當周 以 ,與人間 人間 超日月 百年 ,尚且 不接 味 為

離地故 佛滅 德 溢 也 ,命終皆生須彌 後 也。然此二天,形交成淫 《智論》云.昔有婆羅門,姓憍尸迦,與知友三十二人,發心修塔 有 女人,發心起塔 山頂。 僑尸迦為天主,三十二人為輔臣。 , ,與人間同;但風氣一洩,欲漏便除,非有不淨流 報為天主;三十二人助修 , 《淨名疏》云: 報為輔臣 。二緣 , 以 ·昔迦 不同 此 葉 功

者,以既在輪迴,前後更易,各引一緣耳。

### 丑三 夜摩天

中 逢欲暫交,去無思憶,於人間世,動少靜多,命終之後,於虛空 朗然安住 • 日月光明,上照不及,是諸人等,自有光明 如

### 一類,名須燄摩天。

住 曰 但欲下之時 動 0 逢欲境現前,暫時相交,過去之後,竟無追思迴憶;於人間世, 少靜多 正 脈》 , 即虛豁無礙 此於淨居 問:空居諸 ,而得全味,漸近清虛;故命終之後,於虛空中 ,例如人間大地,賢聖天仙鬼神 天 ,宮殿池樹 皆何所踞?答:七寶瑠璃 ,皆能出入自在 非有深染,故 與大 地 ,朗然安 。當知萬 無 異

法本空,由業力轉,虛實並現,而昧者未達也

事矣。 以人間二百年為一晝夜,壽二千歲也。 知時分,隨時受樂 名須燄摩天: 及 是諸 日月光明 此天離地,十六萬由旬,有地如雲,朗然安住。身長,周尺二百二十五丈。 人等,自有光明者:依正二報 此云善時分 ,上照不及者:前天雖超日月,光猶可及;此天復高,故云光明不 ,各得相應。諸經多稱夜摩 ,以日月光明不及,無分晝夜 ,身殿光明互照,故不須日月 ,故科名依之。 。而此天 惟執手成淫 以蓮華開合 。 如是 一 ,無交遘 類 善

### 丑四 兜率天

### 界,諸人天境,乃至劫壤,三災不及,如是一類,名兜率天 切時靜, 有應觸來 ,未能違戾,命終之後;上升精微,不接下 0

之 院外院。 此較勝於前也。 此人於一切時 外院 ,屬凡夫天,有小摩尼殿 ,皆能靜而不動,設有應行之觸,來相逼迫,未能違拒, 命終之後 ,上升精細微妙 0 內院,是菩薩所居,彌勒菩薩為天主,有 ,不接下界諸人天境 。然此天 猶順從 ,有內

率天 果 : 華 **》** 地 境 機 大摩尼殿 激熟領 ,三十二萬 所謂 故精 上升精微下, 此云知足天 倍 ;乃至劫壤三禪 : ,常在其中,說法教化。菩薩有時至外院小摩尼殿,說法教化凡夫,倘若 , 我此 則接引而 由 土不 旬 內院之果,而缺其因;當時譯者,過於省文也。 ,能於欲境 , 毁 有 入內院 1地如雲 , , 眾見劫燒盡之意 而菩薩住處,水、火、風 。且內院 ,生知足故,但以一笑為淫,更不必執手矣 , 於上安住 ,尚非外院所能知處,故不接下界,諸 0 ,身長周尺三百丈,以人間四百年 細察文義 ,三災之所不及,故微 , 初四句 ,外院之因 如 是 類 0 , 0 此天離 而 , 即 名兜 為 缺 《法 其

丑五 化樂天

晝夜

,壽四千歲

#### 我 地 無欲心, ,如是一類 應汝行事,於橫陳時 **,名樂變化天** • 味如嚼蠟,命終之後 ,生越化

業 故於是勉從其意 我本無欲心 應汝 0 但遇欲境 而行房事 , , 横陳之時 蓋深拒之也。 ,味如嚼蠟相似 拒之不已, ,淡然無味 迫以 大事 謂 横 陳者 繼 承家

天 化 司 地者 馬 0 餘 '相如賦云:花容自獻 : 越 經 但稱 ,是超越下天;化,謂變化五欲樂具,自所受用 化樂 ,謂自化五塵 ,玉體橫陳,謂橫放其身,陳獻於前也。命終之後,生越 ,還自受樂也。今科名依之。 但以熟視 如 是 二類 為淫 ,名樂變化 不必

笑矣 此 天 離 地 ,六十四萬 由 旬 , 有地如雲 ,於上安住 。身長周尺三百七十五丈

以人間八百年,為一晝夜,壽八千歲。

### 丑六 他化天

無世間心, 同世行事 ,於行事交,了然超越,命終之後 ,偏能出

### 超 ,化無化境,如是一 類,名他化自在天 0

自 想 間 以眼暫視 [在天: 命終之後 無世 行夫婦事,於行事相交之際,不但無味,而且了然超越,神遊境外 間心 凡五 便為淫事 立塵欲境 , 同 ,超出化無化境:化 世行事者:厭離 , 不勞自化 《正脈》 引偈云:「四王忉利欲交抱,夜摩執手兜率笑,化 ,皆他天之所變化 世間 ,即第五;無化 ,淫欲不淨, ,即下四天 ,自己得自在受用 全無樂著 。如是一 ,心希上界 也 類 但 ,毫無欲 , 名他化 權 此 天 同 世

樂熟視他暫視,此是六天真快樂」。離地一百二十八由旬,有地如雲,安住其上。

身長周尺四百五十丈。以人間一千六百年為一晝夜,壽一萬六千歲

居天宮 間 ':欲界頂天,為魔王天是否?答:《瑜伽論》云:第六天上,別有魔羅 ,即他化自在攝。是知魔天,別是一類 , 說攝或可;說即,則不可也。二欲 デ 所

### 子三 判屬欲界

分輕重竟

# 阿難!如是六天,形雖出動,心迹尚交,自此已還,名為欲界。

動 境迫不違;五天,交中無味;六天,形合心超。然此等形雖合,而心超出 鎮 壓 ,心迹尚交者:如初天,且止外動;二天,內動亦微;三天,遇境方動;四天 此結成欲界之名。欲性躁動,世人無有節制;其動也,若瀑流,若野火, 如是六天,漸能節制,而向於靜 ,因中欲心漸漸輕,生天層層高 ,似離於 形雖出 莫能

雖無心交,猶有迹交,以應事故。此雖欲有重輕

動

,但其心迹,尚然猶交。

如前四天,不唯迹交,尚兼心交,以有味故

。後二天

,總未離於男女愛情。自此已還

直至阿鼻地獄,皆欲界攝。以諸趣雖異,而欲是同,故名五趣雜居地也。

地 欲 經修楞嚴大定,以淫欲為生死冤家,故此中惟約欲。六天以寡欲而 斷欲為要,設不斷欲,十善何成?如來為人從要故,惟約欲輕欲重,而分勝劣。本 今何惟約欲事輕重,分六天耶?答:功行禪定為緣 定 生 而高 生 問 而出生死海者,必須先斬此一 善巧純熟,生夜摩 他 :天台云:六天果報,十善為本。 蹈 化 0 故 0 是知六天, 知 ,不斷淫欲 ;兼修禪定麤細 通以十善為因 , 上界猶不 關也。 ٥ · 可 望 初六欲天竟 ,生兜率;兼欲界定 兼護法生四王;兼慈化生忉利 前三天,各兼功行;後三天, , 況欲證無上菩提耶?所以欲修三摩 ,通修十善為因,但 ,生化樂 上升 各兼 ; 十善之中 ;兼不惱眾 , 四禪 兼 禪定 未 到地 以 絕

### 大佛頂首楞嚴經正文卷第八終

禪天 关 二 Ξ 四禪天 三禪天 分二 四 四禪天 子初 正分四禪 丑初分二 寅 初 結屬色界 示三天別相 子初分四 二 結苦離漏伏 丑初 初禪天 寅初分三

卯初

梵眾天

=

梵輔天

三 大梵天

今初

#### 行淫欲 阿 難 !世間一 ,若行若 切 坐,想念俱無,愛染不生 • 所修心 人,不假禪 那 • 無有智慧 ,無留欲界 0 但能執身 ;是人應念, ; 不

# 身為梵侶。如是一類,名梵眾天。

出定時 漏 禪三天;首言世間者 禪 化 十 欲界是苦、 而 之靜 錯 生, 重 八天 亂 前 開六天 色身勝故 但 , 慮 修習也 離 , 雖離 疑 則 欲界散動也 是麤 有 精 即 欲染 無有 峝 , 神 雖 禪 施滿 處 ,故名色界。又名梵世,梵者淨也,已離欲染,而得清 求 是障 出世 那 , , 尚 離 , 而 , 非但 顯非出世;而言 但以 間 有 欲 此云靜慮 區 ;欣色界是淨、 色質 分勝 , , 未能 真 禪 離 劣為類 悦為 欲 正之智慧 , 貌如童子, 絕 ;不假禪那 , 併 食 無 離食睡 者 ` , 是妙 以 為 0 , 切,所修心人者:謂不知本有寂常心性 顯 未 息 形雖出動 彼 必十八,皆上下為次也 身白銀色, ,三欲俱亡, , , 稍離 是離 惟有 無有智慧者 麤重 漏 ,心迹尚交 此 靜慮 **基身心矣** 衣黃金衣 則 稍涉 凡夫伏惑 : , 六事 謂不修首楞嚴大定 飢 0 , 略 倦 故名欲界 行 , 惟男 分四重 耳 ,超欲界道也; , 即 此 !六行者 無女 明 入 淨 禪定 色 , 0 , 通 界 詳 而 , 純 , 無 分十 號 此 厭 初 而 四 是

界無可 非 之民,故名梵眾天。壽二十小劫,身長半由旬。 身不犯;若行若坐 天;此天獨顯戒德 無漏 ト 居 :真三摩地,妙圓通矣!此是總論,應通下文。但能執身,不行淫欲,方入本 , 臨終之時 ,想念之心,亦復俱無。由是身心,俱得清淨,愛染不生, ,未彰定慧。先言執身者:表異六欲,不免身犯。而此天非但執 0 應念化生上之色界,身為梵世伴侶 0 如是一 類 故欲

### 卯二 梵輔天

# 欲習既除 ,離欲心現,於諸律儀,愛樂隨順,是人應時,能行梵

### **德。如是一類,名梵輔天。**

應時 輕安 此不但清淨身心,而且弘揚德化,已超梵眾。如是一類,名梵輔天。 謂本天,戒與定俱 欲界淫習,既已伏除,離欲淨心,已得顯現。初二句,指前天, 能行梵德者 即與定共之相;無有強行之苦,乃有安行之樂,自有不期然而然者矣。是人 。於諸律儀,愛樂隨順者:於諸梵行戒品,愛樂則悅豫 :顯是本天轉升,故云應時 , 非同前天,離下生上 但顯戒德;下 ,猶待 《正脈》云: ,隨順則 異時

既輔化,即天臣矣,壽四十小劫,身長一由旬。

### 卯三 大梵子

### 眾 身 心妙圓,威儀不缺,清淨禁戒,加以明悟,是人應時 ,為大梵王。如是一 類,名大梵天 0 能統梵

時 可畏 得 一如無二之妙,滿足分量之圓。行、住、坐、臥,四威儀之中,悉皆不缺,有威 能統梵眾 此天乃顯戒與慧俱。初天,由執身而攝心;次天,由心現而行德;此天,身心 ,有儀可仰,禁戒自然清淨;不唯清淨,加以明悟 ,猶體仁足以長人,君之道也。 如是一類,名大梵天;位超梵輔 , 此即戒與慧俱也。 是人應 故

稱 為大。壽六十小劫,身長一由旬半。初示三天別相竟 寅二 結苦離漏伏

# 阿 .難!此三膀流,一切苦惱,所不能逼,雖非正修,真三摩地。清

## 淨心中。諸漏不動,名為初禪。

此上三天,稱為勝流者:以身勝樂勝 能勝下界諸趣之流。一切苦惱 ,所不能

竟 離欲界諸惡趣生,而得清淨喜樂也。劫盡火災得至,由其內有覺觀火故 戒清淨心中,而欲界諸漏,所不能動,名為初禪;於九地中,第二名離生喜樂地 逼者:指欲界八苦,所不能逼,雖非依真本,而起正修,得證真三摩地者,然於持 0 初初禪天

無量光天 三 光音天 今初 丑二 二禪天 分二 寅 初 示三天別相 二 結憂離漏伏 寅初分三 卯初 少光天

# 阿難!其次梵天,統攝梵人,圓滿梵行,澄心不動,寂湛生光。如

### 是一類,名少光天。

行益純 行 戒德顯著 深發光,以光之勝劣為次。阿難!其次梵天,統攝梵人:似是大梵所為;梵眾天: ,而升此天 此明 。澄心下,方入此天;澄心不動,寂湛生光者:謂心水澄凝不動 ?色界,二禪三天也。前天定力,尚假戒扶,此則不假戒扶 ;梵輔天:戒與定俱;大梵天:戒與慧俱;具足戒、定、慧, 。環師亦謂 ,躡大梵之行 升進者是也。 統攝既久 則化他 , 而自不動;定 故曰圓滿梵 ,寂然發 功 深 , 自

用 湛然生光,但心光尚劣,未極其量,如是一類,名少光天。壽二大劫,身長二

由旬。

### 卯二 無量光天

#### 光光相然 • 照耀無盡 ,映十方界,徧成瑠璃。 如是一 類 • 名無量光

#### 天。

言之, 量光天。壽四大劫,身長四由旬 發 心光 , 亦 溫陵曰:定力轉明,妙光迭發,境隨光發,徧成瑠璃。由定力轉更增明,身光 非偏一 展 同正報身心 轉相然, 切十方也。 如以 , 內外明徹 火傳火,光光迭發 按二禪覆以小千世界,真小千之十方也。如是一 , **偏成瑠璃** 0 ,照耀於無盡也。 映十方界者 :約其定光 所有依報外境 ,隨所受用 類 隨 (,名無 光而 十方

### 卯三 光音天

#### 吸 持圓光 ,成就教體 發化清淨 應用無盡 0 如是一 類 名光音

#### 天。

如世間 潚 悉皆得聞之;此可為證。發化清淨,應用無盡者:發宣梵行教化,清淨無著 以上 無有窮盡 ,故曰圓光成就。教體者:《正脈》云:以此光明,代其言音,以宣彼梵行教化 吸 無有語 以文字 即 |。如是一類,名光音天。壽八大劫,身長八由旬。初示三天別相竟 取也;持,即執持;圓光,謂前天依正,光明交映,至此定深 ,代其言音, ,恐未必然 。《法華》云:光音及偏淨, 而亦以宣諸教化, 與用光明作佛事者 乃至有頂天 , 同 ,言語之音 也 有謂二禪 , 而 至圓

### 寅二 結憂離漏伏

#### 阿 難 ! 此三勝流 • 切憂懸,所不能逼, 雖非正修,真三摩地 0 清

## 淨心中,麤漏已伏,名為二禪。

以覺觀 矣 不能逼者 然雖無覺觀 此三勝流 拒之。 : 以 初禪 ,非但勝於欲界,猶復勝於初禪,以後後勝於前前也。一 今至二禪 ,仍屬有漏,而非依寂常之真心,而修實證真三摩地也。 , 乍離欲苦, , 離欲 漸遠 恐其復墜,故一 , 恐墜心息 , 切憂愁懸掛 故憂懸所不能逼,而 ,竟有不安之貌 入 切憂懸,所 無覺 初禪方得 **》,時時** 無觀

定生喜樂地,以定力功德,發生喜樂也。火災不到,而有水災,由其內心有喜水 起 漏心不動,而未能伏;此天於清淨梵行心中,麤漏已伏。麤漏 ,故曰已伏。能以定力,伏前五識,不起現行,故名為二禪。於九地中第三,名 ,指初禪愛 ,無所由

丑三 三禪天 分二 寅初 示三天別相 二 結安隱喜俱 寅初分三 卯初 少淨天

二 無量淨天 三 徧淨天 今初

故。二二禪天竟

阿難!如是天人,圓光成音,披音露妙,發成精行,通寂滅樂。如

### 是一類,名少淨天。

亦定清心安所發,不可濫於本性寂體, 即依妙理 俱發故。前二禪雖有樂支,為喜支所障,今滅喜純樂,故得其名。阿難!如是天 人:躡前光音天,圓滿光明,成就音聲, 此明色界,三禪三天也。 發成精行,離前喜動 《持地論》 ,而生淨樂,恬然安靜,而通寂滅之樂 以名同體異也。 而為教體;披發音聲,顯露妙理 目第三禪為樂俱禪,此定功德,與徧 以初入此境,故言通,而未 寂滅樂 。此天 身樂

能成,名少淨天。初伏第六意識,非真寂滅也。壽十六大劫,身長十六由旬。

### 卯二 無量淨天

### 淨 空現前 ,引發無際,身心輕安,成寂滅樂。如是一 類 **,名無量淨**

天,淨空無際 覺正報之身心,猶若太虛 淨空現前。引發無際者:以空引淨,淨與空發,虛空無有邊際,淨境亦無邊際。自 淨空現前者:前天通寂滅樂,以其淨境未亡,至此定力轉深,並淨亦空,故曰 ,故無有量也。壽三十二大劫,身長三十二由旬 ,無累無礙 ,故曰輕安,成寂滅樂。 如是一 類 , 名無量淨

#### 卯三 徧淨天

### 世界身心,一 切圓淨,淨德成就,勝託現前, 歸寂滅樂 0 如是一

### 恕,名偏淨天。

體 皆得虚寂 前天淨境 ,故曰一切圓淨。《正脈》云:此但定力所使,所謂境隨定變而已,非 ,只徧身心, 至此定力轉深 並依報之世界,正報之身心 泯同

唯心觀力所使也。

尚屬有 此已極 淨德成就:接上句,既一切圓淨,則純淨之德成就,妙樂無窮;有漏之樂,至 漏 |。自覺殊勝歸託之處現前 即 .便歸託於此,故云歸寂滅樂。如是一類 :,將謂真實安身立命處所,清淨極樂家鄉矣。不知 ,名徧淨天,以其觸處 皆成

淨樂,故名徧淨天。壽六十四大劫,身長六十四由旬。初示三天別相竟

### 寅二 結安隱喜俱

# 三摩地。安隱心中,歡喜畢具,名為三禪。 阿難!此三勝流,具大隨順,身心安隱,得無量樂,雖非正得,真

也 隱 隱 逼 ,五識已伏,但得隨順;至此三禪,已得寂滅,六識已伏,名具大隨順。身心安 阿難 雖 自 得 1在受樂 ?無量樂者:前二禪,有喜心動念,故身心不得安隱,今喜心既離 非正得真修實證之三摩地,然安隱心中, !此三天,又勝二禪之流。 0 樂稱無量者 ,以所具妙樂,周徧無量故。界內,以三禪為 初禪,苦惱不逼 歡喜畢具。安隱心,即三禪心 ,未得隨順;二禪 ,身心安 憂懸不 極樂處

飛動心 禪 火二災不到,風災得至,由其未離出入息故。三三禪天竟 歡喜畢具者;以有安隱心中,四字揀之,良以喜是動心所發,樂是靜心所融 初 、二禪離障增勝 0 於 艽 , 地中第四 縱說樂, 而仍是喜支;若在安隱心,縱說喜 ,故曰清淨心。三禪得樂增勝,故曰安隱心。《正脈》云:仍言 ,名為離喜妙樂地。 以離前初、二禪之喜 ,而仍是樂支 , 得三禪之妙樂也。 ,故通名為三 5,若在 水

樂二心,俱時頓捨,麤重相滅 阿難!復次天人, 結不動純 丑四 四禪天 熟 卯初分四 分 二 不逼身心, 辰初 寅 初 福生天 四勝流天 二 五不還天 寅初分二 **,淨福性生** 苦因已盡 二 福愛天 , 0 三 廣果天 樂非常住, 如是一類,名福生天 四 卯 初 久必壞生。 無想天 示四天別相 今初 0 苦

安立居 不逼身心。苦惱憂懸是苦因,既皆不逼,是已苦盡則樂生。三禪身心安隱 復有 :五不還天,乃聖賢別修靜慮,與凡夫不同 此四禪九天。溫陵曰四禪報境,但有三天,第四無想,乃第三廣果別開,此外 處 0 阿 難 **!**復次天人:是指三禪中 -來者 0 但以同入捨禪,故於捨心同 謂初禪離苦惱 , 二禪盡憂懸 ,得無量 分中 故云

如是 滅 雙捨苦樂之行,苦樂二心,並已捨除,故曰俱時頓捨。正以二心俱捨 樂;此天則明樂亦不當受,何以故?樂非常住之法,福業盡時 , 以 類 壞 (則苦生,今苦壞雙超,捨心不動 ,名福生天。壽一百二十五大劫,身長一百二十五由 7,即淨 福性 0 此定既發 旬 ,久必壞生,由是起 即名為生; ,名麤 故曰 重相

### 辰二 福愛天

# 拾心圓融,勝解清淨,福無遮中,得妙隨順, 窮未來際。如是一

### **親,名福愛天**

未來際 隨 然既捨心圓融 融 順 勝 也 前天苦樂二心,俱時 解清淨者:即決定勝解 如是 妙 隨順 ,無有遮限 \_\_ 者 類 , 名 大自在也;所有 福愛天 頓捨 ,而所感淨福,亦應無遮,於此無遮福 ,尚未圓融;至此捨定益深 , 此天之福 任持捨定 瀬 求 , ,於有為界中 ,能所雙亡 亦無遮限 ,不為異緣所轉 ,得大自在 · , 最 為 , 功行純熟 可愛 中, 窮未 。壽二百五十大 得 , 故曰 來際 是為 妙 隨順 [捨心圓 清 愛樂 淨 , 窮

劫

身長二百五

土由旬

#### 辰三 廣果天

### 阿 .難!從是天中,有二歧路,若於先心, 無量淨光 ,福德圓明 , 修

## 證而住。如是一類,名廣果天。

增盛 地 也 意 道 ,今無量淨光,即捨俱禪,定深而發光也。 ٥ 謂雙捨苦樂二念, 壽 圓 趣 ZH 難 五. 無想天;心念行業各別也。 明 古古大劫 !從是天 , 離 下 地染 , 身長 中 , , 而得清淨也 五百由. 修證 是福 愛天中, 而住 旬 , 水火風 如是一 若於先心: 有二種歧路 三災 類 於此光中, , 即福愛天 名廣果天 皆不能到 :一直往 ,謂廣大福德 以 四 ,妙隨順心 0 道 於九地 無量心 趣廣 中 果天 , , , 熏禪 能令所求如 名捨念清淨 所 感之果 褔 德 迂 僻

### 辰四 無想天

滅 性 若於先心 • 初半劫滅 心慮灰 雙厭苦樂,精研捨心,相續不斷, 凝 ,後半劫生。 • 經五百劫 0 如是一 是人既以生滅為因 類,名無想天 • 0 圓窮捨道, 不能發明 • 不生滅 身心俱

成泯滅 槃道 細索 報盡 識 法;冰譬捨定,冬天水結成冰,而魚夾在冰中 天 現行 也 增修捨定,令期究竟;此二天之分歧也。精研捨心三句,即指增修捨定 先心是福愛天中,雙厭苦樂之心,至廣果天,增修福德 相 多皆墮獄 , 經五 ,令其心思緣慮,有若 身心 讀無有間斷 俱滅 ||百大劫,定力攝持 , 因其在定, ,心慮灰凝者: 0 圓窮者: 未證謂 寒灰,凝 圓滿窮究,必求其究竟;捨道者:即 ,報形不壞也。 謂以捨定 證 然不動 , 以為證阿羅漢 , 滅除捨心 , , 五百劫後 而不能動。此定亦復如是 但如夾冰之魚。魚譬六識 ),定中 ?,已出 , 依舊散 ,令得圓明 海成 生死 入輪迴 0 空 後出定毀謗三 以捨定 故心 ; 至 ,祗伏六 ,心心所 然無想 , 深 為涅 一無想 身俱 搜

生此天, 凝 由 向二種根 0 後二 是人既以生滅為因,不能發明,不生滅性者:《正脈》云:出其無常之故,正 習定半劫 旬 '明其反迷識精元明 本 , 錯 亂修習耳 , 始得想滅 。前二句明其錯依六識 , , 員 無想定成 湛 不生 滅性 。後半劫生者:於四百九十九劫半 , 面 全不知用故 ,生死根本,為本修因 也 0 初 半 劫滅 ,強令灰 者 ; <u>而</u> : 初 想

寶

,

以佛狂妄說法

0

說阿

羅漢

,所作已辦

,不受後有

,以故墮入地獄

心復生 ,此定仍壞 。有成有壞,終非究竟 0 如是一 類 , 名無想天。 此天依於捨禪

處 滅 深除六 以是外道故,分二種名耳 識 ,心心 所法 ,令不起現行 初四天別相竟 ,故名無想天 。但與廣果,同修捨禪 故 同

0

0

#### 卯 結不動 純熟

,

#### 不動地 阿 難 ! 此 ,有所得心,功用純熟 四四 勝 流 • 切世間 • ,名為四禪 諸苦樂境 • 所不能動 0 雖非無為 真

0

所動; 四禪不為三災所動 尚 為樂動 阳 難 初禪苦惱 ! 至 此四勝流者 此 不逼 四 禪 , 名不動地。 , 二禪憂懸不逼 苦樂雙亡 : 並超下 -地故 然彼器非真常 , 而住捨定 0 均不為苦動 切世間 , 故曰諸苦樂境 ,情俱生滅 : 通指欲界至三禪也, **;** 三 禪得無量 , 雖非無為真境 , 所 不能動 樂 , 雖 欲界為苦樂 不 0 為苦 溫 , 而 陵 有為 曰 動

宮殿園林 問 不為三災 隨之而生; 所 動 死時 , 何言器非真常 隨之而滅 0 , 情俱生滅 器即器世間 ?答 宮殿園林 他經明此天 而非真常之境 ,天人生時 功用

至此已純熟矣

勉強 心者 明增上;三禪樂俱 情即有情 任運不 即修習捨定 :世間,與之俱生俱滅。雖非無為真常之境:如十地之第八不動地。有所得 動也 0 ,認為涅槃 , 淨樂增上 名為四禪 ;四禪捨俱 0 期其必得,名有所得心。正顯有為功用純熟 《正脈》云:初禪共戒 ,於前三天 ,福德增上,後一 ,戒德增上;二禪喜俱 天 , 捨定增 , 不 光 加

寅二 五不還天 分三 卯初 標聖果寄居 二 示五天別相 Ξ 結四天不見 今

初

此其別也。

初四

]勝流天竟。

阿難 樂雙亡,下無卜居 ! 此中復有,五不還天,於下界中, ,故於捨心,眾同分中,安立居處 九品習氣, 0 俱時滅盡

與生俱生, 還來欲界受生也 居之處 此中,即四禪天中,復有五種不還天。梵語阿那含,此云不還,三果聖人,寄 以其於下界中, 非同分別中麤惑也。由彼惑難除, 。習氣者 ,思惑種子也。 即欲界中 ,九品思惑習氣 乃貪 ( ) 膜 故分八十一品,於三界九地 ,已經斷盡 癡 慢 , 任運 ,證三果聖位 而起, 微細之惑 ,地地各 ,再不

分九品。今斷欲界,五趣雜居地中九品,於上、中、下,復各分三品,天上人間 七次往返受生斷之,乃習氣與現行皆滅,故云俱時滅盡,證三果也。此乃明聖人斷

惑之事,有異四禪伏惑不斷也。

有漏觀 九品思惑,俱時滅盡,故名為淨。淨者, 者,下、中、上、上勝、上極也。問:何故名為淨居?答:三果聖人,於下界中, 入之定,乃苦樂雙亡,捨俱禪故,於四禪捨心,眾同分中,安立居處,住此以斷七 二、三禪之樂,亦復不受,故樂亡,於色界三禪,亦無卜居;以非其同分也。而所 十二品思惑,求證阿羅漢果也。然安立居處,確在同分,而雜修靜慮,另有別業 〈俱舍》云:雜修靜慮 苦樂雙亡, 後復起無漏觀 下無卜居者:斷欲界地九品之惑盡,故苦亡,欲界無卜居;於初 , ,有五品不同 以有漏無漏 ,故生五淨居天。雜修者 , 間雜而修故。靜慮者,定慧均等之謂;五品 所居之處,故名淨居也。 , 初起無漏觀 , 次起

卯二 五天別相 分五 辰初 無煩天 二 無熱天 三 善見天 四 善現天 五

色究竟天 今初

### 阿難!苦樂兩滅,關心不交。如是一類,名無煩天 0

者,所不能免,此方不交,初得清涼,故名無煩。壽一千大劫,身長一千由旬。 是 時 類 則厭苦欣樂二心,交戰胸中,互為勝負,故曰鬪心。今既兩滅,是以不交。 按五品,此應屬下品。苦樂兩滅,即雙亡義。鬭心即欣厭二心,當苦樂未滅 ,名無煩天。 《正脈》云:盛熱曰煩,亦狀其內心,鬱陶熱中之象 ,有鬥心 如

### 辰二 無熱天

# 機括獨行,研交無地。如是一類,名無熱天。

是 無 行 , 類 今更以雜修靜慮,研究此一念,了不可得,則不唯不交,即欲交亦無地矣。如 言其唯一捨念,或放或收,更無餘念間雜。研交無地者:若有一念,不可言 此屬中品 ,名無熱天 。機,即發動之機,狀念之放也。括,即收括之括,狀念之收也。 。微煩曰熱,並熱亦無,故曰無熱天。壽二千大劫,身長二千由 獨

#### 長三 善見天

旬

1330

#### 方世界 妙見圓澄 • 更無塵象, 切沉垢 0 如是一 類 ,名善見

#### 天。

千;澄 滯 壽四千大劫 即大千之十方;妙見: , 故澄 此屬上品 , 即澄 0 內外虛融 ,身長四千 0 清 由修靜慮,發天眼通 i 朗 徹 ,妙見無礙。 ;更無塵象 由旬 即天眼通 , ,外境之障隔, 如是一 此是修得 , 既與四禪同分,亦應同見大千。十方世界: 類,名善見天。體淨用周,所見皆善也。 , 而非報得 故圓 ; , 亦無一 更勝 沼禪 切沉 垢 圓 , 內念之留 即 圓 滿 大

### 辰四 善現天

#### 精見現前 ,陶鑄無礙 0 如是一 類 **,名善現天** 0

慧力 增修靜慮 此屬上勝品。精妙之見,既已現前 任 運成就 , 體 **昭用兼勝** , 隨心自在 陶鑄無礙者:如陶師之範土為瓦 , 變現無礙 0 ,此句指前天 如是一 類 ,名善現天 ,見體清淨, ,鑄匠之鎔金造像 。壽八千大劫 見用周徧,此天 能 ,身長 以定

八千由旬

#### 辰五 色究竟天

# 究竟羣幾,窮色性性,入無邊際。如是一類,名色究竟天。

故 後 念 色界至此 入無邊際 ,下性字指空體;謂窮諸色之性,而至於空性也。又色依空現,空性即色性之性 ,用一念無漏,熏一念有漏,名上極品。窮色性性者:性是體性,上性字指色 至於一念,故曰究竟群幾。以雜修五品, 即所謂心既熏多至少,色亦窮麤至微是也。至此身雖尚在,而境界全空,故云 此屬上極品。究竟,即研窮之義;群幾,即群動之微也。《正脈》 ,是為極頂,故稱色究竟天。壽一萬六千大劫,身長一萬六千由旬。二示 無邊即虛空,際即界畔,入空無邊處之界畔 初用多念無漏 0 如是一 ,熏多念有漏 類 ,名色究竟天; 謂 :研窮多 , 乃至最

## 五天別相竟。

卯三 結四天不見

今世間 阿難!此不還天,彼諸四禪 ,曠野深山,聖道場地,皆阿羅漢,所住持故 ,四位天王,獨有欽聞 ,不能知 ,世間麤人 見 。如

#### 所不能見。

聖凡有 道場地 也。 是菩薩遊三摩地 者:以第 禪 以上 , 外道 如今世間 此結示四天不見。阿難!此五不還天,彼諸第四禪天中,四位天王:指正天 異 , 而世間麤人,所不能見,以不修無漏業故。二五不還天竟。 ,伏斷懸殊,故但仰嘉名,不知其受用,不見其依正也。問:彼之天王 四禪天,係有漏 不稱王臣 故成為四, 下 , 取例發明 為何不能知見?答:惟其菩薩 , 此言四王 不可指初、二、三、 凡夫,但能伏惑;而五不還天,是無漏聖人 0 曠野深山, ,或推尊上首,略似如王也。獨有欽聞 皆絕無人煙之地 四禪也,因上中隔絕故 ,示迹凡夫,當與凡夫, , 皆是羅漢別境 ,而能斷惑 。唯識謂 ,不能 同其 , 稱為聖 知見 知見 

#### 子二 結屬色界

# 阿難!是十八天,獨行無交,未盡形累,自此已還,名為色界

清淨無侶 孤山曰 ,故曰獨行無交。雖然離欲, :獨行無交 ,俱無情欲故 ٥ 未盡形累 依舊有化生身,未盡身形之累。自此色究竟 ,尚有色質故 。以上是十八梵天

天以還,至梵眾天,同一色界。二四禪竟。

癸三 四空 分五 子 初 標歧除聖 二 正列四天 Ξ 聖凡出墜 四 通分凡聖

## 五 結屬無色 今初

復次 發明智慧 , 阿 難 **!從是有頂,色邊際中,** • 慧光圓通 • 便出塵界 其間復有,二種歧路 ,成阿羅漢 ,入菩薩乘 • 若於捨 如是

## 一類,名為迴心大阿羅漢。

此將明 盡 鈍 頂 依 依偏空修進 思惑 識性 其 與 溫陵曰: 介利根者 無色界四天 (無色為隣,故云色邊際中。 , 以滅 即便超出塵界, : 自此而上,明無色界四天,無業果色,有定果色,依正皆然 窮研 初 ,即於色究竟,捨定心中 ` 厭色依空;二、厭空依識;三、色空識三都滅 ,先簡迴心超出也。阿難!從是色究竟天,居色界之頂 ,而不得真滅;是皆有為增上善果,未出 離分段生, 其間 證偏空理 , 上進,復有二種歧路。因三 發無漏人空智慧 , 成阿羅漢;不以小果為足 , 慧光圓通即 S輪 廻 , 不成聖道 而依識性 果人 圓滿 ,是為有 0 進修大 根有 者 四天皆 也 也 四 斷 利

出三 漢 生 因 **·無色界,此其差別也。如是一類** 一 界 。 故云入菩薩乘。其鈍根者,在色究竟天中,復由定心,欣上厭下,滅色歸空 而以大字揀之。 大阿羅漢 , 初標歧除聖竟 即 迴其捨大取小心,速入大乘;但據迹猶在聲聞 ,即利根一類 。迴心,即迴其欣上厭下之心,頓 , 故仍稱 羅

非非想處天 子二 正列四天 分四 丑 初 空無邊處天 **識無邊處天** 無所有處天 四

#### 在捨心 ,捨厭成就, 覺身為礙,銷礙入空。如是一 類 • 名為空

處。

定 凡夫外道也。 用 以入於空也 無漏 故報生空處也。 此 道 正 ,斷惑入空,即樂定那含也。二者、若於廣果,用有漏道,伏惑入定,即 示無色界 捨厭成就者:即厭有趣空也。覺得有身 溫陵曰: , 如是一類 四空天也。若在捨心:長水曰 厭己形礙 ,名為空處,壽二萬大劫。四空天無業果色,故不言 , 堅修空觀 0 滅身歸無 · 捨心有二 · 一者、若於有 ,尚是有礙 **灬 即厭** 色依空者也 ,於是銷除形礙 名空處 頂

身形之長短也。

## 丑二 識無邊處天

#### 諸 一礙既銷 無礙無滅 ,其中惟留阿賴耶識 ,全於末那,半 分微 細 0

## 如是一類,名為識處

0

分獨存 中惟留 耳 無;今既色空俱滅 依 於全分末那 色 是常言而已 壽四萬· 躡前天果相;不依於空,明本天功行與果相,即是雙厭色空,惟依於識也。 為第六意識所依之根 溫陵曰: 阿賴耶識 , 如是一 大劫 , 第七識中 意 顯 諸礙既銷 類 全於末那,半分微細者:其中於所存識中 , ,識已無托 末那識 名為識處定 而 半分微細猶存 無 。末那託六識,緣六塵,行相麤顯 , 言末那以阿 , 。外緣麤顯者,半分已滅唯留內緣 則不依於色;無礙之喜亦滅,則 , 故報生識處也。 , 賴 即是厭空依識也 耶 為 體故;末 以末那為能緣心 那 • 阿賴 , , 即第七 , 惟留第八阿 托塵 不依於空。不依於 八識 郭 , , 似有 識 賴耶為所緣境 此 微 云藏 此云染污 賴耶 細者 , 離 識 塵實 識 , 但 其 半 ,

#### 頂 (首楞嚴 經 講 義

無所有處天

#### 空色既亡,識心都滅,十方寂然, 迴無攸往。 如是一 類 • 名無所有

#### 處 0

皆無所 謂都 唯有 前 存 進 0 矣 滅 賴 此天以緣識心散 初 你那獨存 有 天 ٥ 0 此為 是知 也。壽六萬大劫 滅色歸空 此滅 外道 ; 賴 郭是 , , , 非如羅漢 昧 , 次天滅空歸識 無分別 反能破定故。 為冥諦之處也 ,種現俱斷也。下即定中所證境界, , 惟覺 , 千方 憑深定力 • 故曰空色既亡。 如是一類 , 寂然冥然 ,將幽微精細之半分, , 名無所有處 , 識心 迥 無攸往 即 , 指末那半分微 色 攸即 半分微細既 亦伏 空 所 ` 識三者 也 不行 不復 盡 , 故 細 猶

#### 丑四 非非想處天

#### 識 性不 動 以滅窮研,於無盡中, 發宣盡性, 如存不存, 若盡非

#### 盡 0 如是一 類 , 名為 非 想、 非非想 處 0

賴 郭 獨存 , 稱 為識 性 0 識性即是藏 性 ,藏性由來不動, 如本經云:常住妙明

不動周 性 窮 研 , 睝 凡 聖 圓 於無盡中 皆無可 是也 )。惜彼凡天 盡之理。二者 ,強以發宣;欲盡其性,然識性不盡有二義 ,不達斯理,但見賴耶堅固 ` 若約種子 , 則凡外未秉 ,不可動 如來 , 搖 : 斷 , 種法門 以滅定之力 者、識性即是藏 , 終 分深 不 可

盡

那含

復是鈍根

,

亦非盡時

若盡非 類 燈之半滅也。 名 為 此天既欲盡其性 盡 非想 , 以結 雖見識性盡, , 非非想 非非想處天 , 由定力所逼,識性雖存 ;得其 0 其實未盡,故曰若盡非盡 **治脈矣** 《正脈》 !蓋非想 云:末後環師 , , 即 而不起現行 非有想 , ,似殘燈之半明也。 承 如存不存 , 非 0 非 故曰如存 想 , , 即非 以結非想 **济**存 無想 如 , 似殘 是一 耳 ; 承

壽八萬大劫。二正列四天竟

子三 聖凡出墜

#### 心 此等窮空,不盡空理,從不還天,聖道窮者。 , 鈍 阿羅漢 0 若從無想 ,諸外道天,窮空不歸 如是一類 • 迷漏無聞 , 名 便 不 迴

#### 輪轉。

大佛

頂

如

空之心 是一類 羅漢, 何況圓 窮空力,經歷四天 先明聖人超出三界 令心境俱空, 一天,窮空令無;三天,窮識令滅;四天,窮性令盡 此 乃對前 此辨聖凡 頓之旨 速成 名不迴心 利 羅漢 故總謂窮空 ,出墜各異。此等 ,心境本 根 而 。二者 ,言彼住非想天中,若從五不還天,修習聖道 , 說 斷四地惑,三十六品盡,證我空理,成阿羅漢 鈍阿羅漢 0 空 利根者,乃不經四天,少修二十萬大劫也 ,豈待銷滅哉?故總斷其不了耳。 。不盡空理者:凡外未了人空之理 , 沉空滯寂 。言不迴心有二義:一者、於色界頂 ,指四空處;窮空者:正脈云:初天,窮色令銷 ,不早迴捨小取大之心 。蓋前二窮境,後二窮心;欲 此下方明聖凡 , ,小聖不達法空之理 向菩薩 ,窮空而 ,不早迴厭有: ,即出三界;如 乘 0 名為 來者 出 墜 鈍 , 今 以 SП 趣

多聞 從 而入輪迴;隨其宿業; 無想 性 次明凡夫墜入輪迴,言彼住非想天中。若從無想,諸外道天,窮空不歸者 不知三界之內 廣果諸天中, 依然流轉諸趣;即所謂:饒經八萬劫 但惟修習有漏禪定 無有安身立命處 0 0 窮空來者 所以八萬劫滿 , 則迷有漏天 , 無所 ,終是落空亡 歸託 ,作無為想 , 即當 。問:後 下 墜 ; 無

經謂無 後半 有之,無想同分,根性萬殊,未必各各皆然,無想天中,壽五百大劫,初半 ·劫生, !想,妄執涅槃,而臨終興謗墮獄,何得而入四天耶?答:但興謗墮獄 滅 時 似無 , 生時還有,以還有故 , 厭有趣空 ,所以修四空定 , 何足疑 劫 () 間或 滅

#### 子四 通分凡聖

也

之天王,即是菩薩,遊三摩地,漸次增進,迴向聖倫,所修行路 阿難!是諸天上,各各天人,則是凡夫,業果酬答,答盡入輪。彼 0

此明諸天

,王民不同也。

是諸天上者:通指六欲,

四禪

四 空 ,

惟除

Ŧ.

不還

頭藍 狸 對業因言 天 四空業果 ,是聖人故 將 弗天人, 其食盡 ·,此等天人,因中唯修有漏善業,十善八定等,為實功業;而六欲、四禪 ,以酬答之;縱獲勝福 因中在山中習定 。不還以外,各各天人,皆是凡夫,業果酬答。 0 因中起此一念,後修定生天,生到非想非非想天;天報既畢 , 眾鳥 ,不過酬答前因而已。天福既盡 爭喧 , 嫌其闠鬧 , 曾動 念瞋心 答盡入輪者 散入諸 , 最 好 趣 有 業果 墮落 如鬱 飛

界 增進,迴向 是大乘菩薩 任 飛狸之身 上菩提之果,以是悟後之修,一一 運而 , 疾 出生死也。 !墮,豈揀三途,寧不可惜!所以如來苦勸:老實念佛,帶業往生,橫超三 0 問:上界無惡,何以墮落三途?答:藏識種子,歷劫不亡,隨彼熟種 .聖倫,所修行路者:行漸次而增,位漸次而進 , 住於三摩地,遊戲神通,寄位天王之位 彼之天王,即是菩薩, 修行,悉皆回事向理,以入聖人之倫類 遊三摩地者:彼等之天王,非是凡夫,即 ,濟物利生, ·,無非借此天位 成就 즫德 一,回向 所修 漸 無 次

#### 子五 結屬無色

者,乃楞嚴大定,即所謂妙修行路者是也。所以不落輪迴

## 阿 .難!是四空天,身心滅盡 ,定性現前, 無業果色,從此逮終

#### 無色界。

化依正身境 識 亦不起 此結 :四空之名也。阿難!是四空天,前二天,身境全空,是身滅盡;後二天 是心滅盡;身心既已俱滅,定性現前 ,自在受用, 《顯揚論》 說,為定自在所生色者 ,則在定時 , 是 也。 , 所有定果色 無業果色者 , · 定中隨

眼觀之,三尺識神 約出定時 無欲色二界所感依正之業果色。 , 似中有也。從此逮終者:逮,到也,從初空處 《正脈》云:身心俱寂,依正皆空,聖 ,而到非想處

是謂三界終極於此 , 名無色界。 但憑定力,暫無依正 ,非真蘊空, 永絕業果也 初

正列諸天竟

#### 壬二 通前總結

# 此皆不了, 妙覺明心,積妄發生,妄有三界,中間妄隨,七趣沉

#### 溺 ,補特伽羅 **,各從其類** 0

現 本然,而覓三界依正,本不可得。由不了故,所以從迷積迷,以妄起妄,遂有業轉 心 **分三種** 此性本來自妙 此總結三界,皆是虛妄。 細相發生;由 ,寸絲不掛 三細 即有六麤;惑、 ,此心本來自明 自四王以至非想,皆由不了自己本妙覺性 業、苦三,悉皆俱備,故妄有三界 , 靈光獨耀 , 圓陀陀 , 光灼灼 , 本 -明真 清 淨

中間妄

隨

七趣沉溺者:

中間

,

,即三界之中

間

復隨妄業

7,沉溺.

七趣

,

以受其報

。 八

識

田

中

無量劫業種俱有

,

隨何種業成熟

,

即趣何趣受報

補特伽羅

此翻有情

者:謂各從自己之業因,而受同類之業果;故文中每言,如是一類也。六諸天趣 又云數取趣;謂諸有情,起惑造業,於三界中,數數取著,諸趣受生。各從其類

#### 復次,阿難!是三界中,復有四種 脩羅趣 分二 壬初 總標名數 別釋 阿修羅 | 極攝 類 今初 0

竟

行多相類 胎 妄有三界,中間妄隨七趣沉溺,故云三界中。復有四種者:種族而分有四 難 也 天福無天德故。舊譯無端正, **!**是三界中, 0 、溼、化 按 梵語阿修羅,又云阿素洛,乃梵音楚夏耳。瑜伽論,譯為非天,古德釋云:有 ;佛序談七趣,皆從劣向勝,今修羅列入於此 也。 、受生 按諸經論 ,而分天人鬼畜者也。種族雖然有四,以性多瞋 ,修羅所居 《長阿含》云,脩羅生女端正 似惟局於欲界,今言三界中者, , 因 具有四趣故也 ,生男多醜 ,行多妒 根據上 , 復次 從男彰名 , 日卵 ,以性 科 , ßп

別釋趣攝 分四 癸初 卵生鬼攝 二 胎生人攝 三 化生天攝 四 溼生畜

#### 

## 若 |於鬼道,以護法力,乘通入空,此阿修羅,從卵而生, 鬼 趣所

#### 漏。

生飛空 入其中 咒 , 若 護戒護禪 於 , 因果類鬼 鬼道 以護法為因,果中更勝 , , 及依法修行之人 是此類前因;言彼元從鬼趣, ,故鬼趣所攝 , ,皆得以護法稱之。由此善業力故 故能乘通入空界居之。此阿修羅 以善願善心 護持佛法 ,從卵而生 , 捨彼. , 或 鬼趣 護經 ;卵 , 來 護

#### 癸二 胎生人攝

#### 若於天中 降德貶墜 • 其所 下居 居 • 隣於日月 此阿修羅 從胎而

#### 山,人趣所攝。

若於天中 ,降德貶墜,是此類前因;言彼在天中,降德貶墜者: 《指掌疏》云:

位 色天以梵行持 墜落修羅 身 , 福 , 欲天以少欲為德 報似天 ,住處亦等 , 若梵行稍虧 0 其所 下 居 , 情慾稍 隣於日月宮,下接人間 重者 , 皆為降德 0 貶謫天 《正法

念》 羅 云:有阿修羅住須彌山側,於欲界中化身大小, 從 胎 而 出 人趣所攝 , 情重被貶,故感從胎而出,胎因情有故也。 隨意能作,即 此 類 也。 以情欲同 此阿修

人,故為人趣所攝。

#### 癸二 化生天攝

#### 有 修羅 Ē • 執持世界 • 力 洞無畏 ;能與梵 • 及天帝釋 四

# 惟。此阿修羅,因變化有,天趣所攝。

權 主 天 有 中 7修羅 同天 有立業建功之績 , 有修 時來與戰 帝 而 釋 人 無 所罰之語 羅王者: 所 0 三十三天 執持世 怖畏也 。本與帝釋爭權,而四王為先鋒 ,其意可見。力洞無畏者:力即神通之力,洞者 中 界者: 揀異修羅之眾 。故能與梵王 , 有爭王圖霸之謀 尊 , 四王 《正脈》云:亦能驅役鬼神 四洲都統 、及天帝釋 ,此類未說前因 , 事 , 各 有 亦 從心 ` 四天爭權 專 , 四王戰之不勝 司 , , 瞋妒 ; 修 以果詳推 , ´ 以 起 羅 禍 0 不攝 福 《灌頂》 人間 ,當從人趣而來 , 故感為修羅 ,方報帝釋 , 妒 , 徹也 心 云:梵王小千之 如 起諍 《孔雀 , 能 王 帝釋又 欲 經 洞徹諸 , 福報 以人 竊 其

生恐怖 身 所 復不勝,於是展轉乞力諸天,乃至梵王,出力助戰;此阿修羅,因變化 攝者 , 十六萬八千由旬 : 後帝釋兵出戰 此 此阿修羅 ,福德力大,不受胞胎,乃因變化而有,能化身大小,大則化 ,手揻須彌 , 令各念摩訶般若波羅密多 ,而竟搖動 ,帝釋宮殿, , 面 得 大勝 在須彌頂 0 而 阿修羅 ,搖動不安 , 乃化· 泛天 趣

#### 癸四 濕生畜攝

身,入於藕絲孔中;此乃明變化之事,係天趣所攝

#### 歸水宿 阿 .難!別有一分,下劣修羅,生大海心,沉水穴口,且遊虚空,暮 ,此阿修羅 ,因溼氣有 ,畜生趣攝 0

以 尾 沉 一對論 供 下水穴之口 驅 而 阳 難 使 為 。化生者似王,胎生者似臣,卵生者似民,溼生者似奴婢。生在大海中心, 閻族 **!別有一分,下劣修羅者:另有一** 0 暮歸水宿者:黑夜歸於水宿,以息勞役。 ,故曰尾閭 ,水穴或指尾閭, ;乃海之穴,洩水之口也。 在碧海之東,其處有石 部份,即指 此阿修羅 旦遊虛空者:白晝遊於虛空 福力不勝 , 闊 四萬里,當百川之下 ,因濕氣有 0 屬於下劣者 畜生趣 與

食,初則味美,末後一口,竟變作青泥之味,此類畜生趣攝。二備明諸趣竟 攝者:生在大海之當中心,洩水之穴口,故因濕氣而有,其福報下劣,思食雖然得

結妄勸離 分三 庚初 藥病雙舉 二 同別俱妄 Ξ 正勸須除 庚初分三

辛初 總舉妄病 指病深根 三 定藥能除 今初

皆如空華,元無所著,但一虛妄,更無根緒 是昏沉,諸有為相,妄想受生,妄想隨業。於妙圓明,無作本心, 阿難!如是地獄、餓鬼、畜生,人及神仙, 天洎修羅,精研七趣,皆 0

心 周 沉惑也,有為業也,無非隨妄想以受生,隨妄業以受報苦也;即所謂惑、業、苦三, 精細研究 如惡叉聚也。於妙圓明下:欲明其妄,先舉其真,以反顯之。空有不羈曰妙,本來 徧 以狂華喻七趣;空原無華,病目妄見。元無所著下三句:正當見華時 曰 此總明七趣,虚妄因果。如是指前來所說 圓 , 升沉往返,若因若果,不出虚妄情想而已。皆是下:即指妄因妄果。昏 無所障蔽曰明 , 無作無為 本有真心;此七趣, ,地獄鬼畜 ,人及神仙,天洎修羅 皆如空華; 以虚空喻真 ,當處出

究也 妄想受生 生 隨 !處滅盡,豈有著落耶?是知七趣,但一虛妄名相而已 《指掌疏》云:前阿難問云:此道為復本來自有,為是眾生妄習生起?今云 ,妄想隨業 , 是答以妄習生起也。又云:但一 虚妄 , , 更無根本頭緒 更無根緒 , 是答以非 , 可 硑

#### 辛二 指病深根

本來有

忇

鬼倫 由隨順 阿 **,難!此等眾生,不識本心,受此輪迴,經無量劫,不得真淨** ,無名天趣,有無相傾,起輪迴性 , 殺 、盜、淫故。反此三種,又則出生, 0 無殺、盗、淫,有名 ; 皆

佛體真 釋之;本心者 根 而 本也。 妄理 溫 陵日 實 相 應 , 《正脈》云:上言更無根緒,而此又指病根者;蓋妄雖無體 云何復有地獄 :前問妙心徧圓 , 續非無故 本有 妙明真心 ,故復指也 ·餓鬼 ,何有 , 、畜生 亦即佛體真實 獄 阿難! 鬼 ` ,人天等道 修羅 此等七趣,一 、人、天等道?今如來以不識本 ,由不識佛體真實 ?故此結示 切眾生:據前 ;由殺 ,故受此七趣輪 ,起固 ` 盜 阿 難 、淫三為 疑云: 無因 -心等

之因 業 道 阿 途 當捨離 而 迥 修 不 , 無有 地 奪 言所 經無量劫,惡道固為不淨,而善道淨亦非真,以思惑種子,眠伏藏識之中 羅 斷 獄 無 而 , 故 , 休息 :成有 以同 亦餓鬼之倫類也。無則成四善,得生四善道。今名天趣,以天趣, 欲違之也 以不得真淨者 故 0 菲 有 為繫縛三界之根本也。有名鬼倫 無相 /真淨也。又不識即惑道,受此輪迴,即業苦二道 , 故稱輪迴性;是有為生滅性故 從上墜下 0 傾 又則 , 起 , 皆由 出生 , 輪迴性者:傾者奪也,奪有成 則成三惡道 , 隨順殺盜淫故, 無殺 盜 0 由是互奪不已, ` 淫 0 則成 ,無名天趣者:有則成三惡 , 則成四善 三惡;反此三種者 無,從下升上 顛倒 ,三惡固非 輪 。 皆由 迴 , 譬如井輪之高 可 , 隨 下:申明 知其為 則 , , 攝 墮落三 四善亦 成 仙人 四善 惡道 伏 隨

#### 辛三 定藥能除

### 、不偷 得妙發 、不淫,云何 ,三摩提者,則妙常寂,有無二無,無二亦滅,尚無不 更隨殺盜淫事?

此勸修大定。以定藥能除病之深根。若得妙發三摩提者:指妙耳門圓通也。從

此之時 常 死 能將無二之性,亦皆銷滅,正所謂斷性亦無,故云無二亦滅。 故云有無二無。 此 難 妙 勸 ?理發妙智,依妙智照妙理, 乃空性圓明 無 有三摩提 修大定也。 七趣之流轉曰寂 尚 無權小不殺 ,名大佛頂首楞嚴王,具足萬行,十方如來,一 此則迥 ,成法 妙常寂者:聞性三種德相,無七趣之繫縛曰妙 解脫 、不偷 超凡外分段生死,先得 但 能 , 以至俱空不生, 反聞 、不淫,云何更隨凡外 即反聞聞自性, [如是聞] 性 ,則有之三惡,無之四善 證無餘涅槃 人空,證有餘涅槃,而出三界矣。若 背塵合覺也。三摩提 , 作殺 ,安住首楞嚴大定矣!當 、盜、淫之事乎?是正 門超出 此則迥超權小變易生 , 無七趣之生 「,妙莊 ,本經佛告阿 俱 嚴 無 有 滅 路

#### 庚二 同別俱妄

道尚不屑為

,況邪道豈肯為之耶?初藥病雙舉竟。

#### 妄發生 阿 .難!不斷三業,各各有私,因各各私,眾私同分,非無定處。自 ,生妄無因 ,無可尋究 0

此正答前問地獄 , 為有定處 ,為復自然。 彼彼發業,各各私受。 前阿難

大佛

頂如來密因修證了義諸菩薩萬行首楞嚴經講義第二十一卷

但問

業同 字 惡業 妄無因, 句 地獄受果時,同受耶?私受耶?此通結七趣也。三業即殺、盜、淫,由不斷此三 , 即指最初一念生相 報 總結畢究虛妄也。 ,則各各有私造別業,因各各有私造別業 也 無可追尋窮究,如虚空華,本無所有也。 0 此前二句:佛結答造業各私也。次三句:結答受報 無明,無明本空,如前所云,妄性無體 而言七趣果報 , 但由一念妄動而發生 ,在眾私同分之中,非無定處 , ,有同分地也 , 並非 非有所依 心外 ,故曰生 妄之一 , 即 後三 種 別

#### 庚三 正勸須除

#### 有為功用 汝勗修行 • • 習氣不滅,落於魔道 欲得菩提 • 要除三惑。不盡三惑,縱得神通 • 皆是世間

滅除 亦復 三惑 更除四善之無 此正勸須除三惑。勗是勉也,汝勉力真實修行。欲得無上菩提者,要漸次伏斷 即殺 此 [即斷性亦無也。不盡三惑,但除世惡,而不除世善,則對待不盡 、盜 、淫 , 是謂有無二無也, ,因迷惑不了,是輪迴根本,故即名為惑。不但只除三惡之有 又不止此 ,甚至無二亦滅 無二之性 ,至若善 ,亦復

惡皆除 出 世間 ,而斷性存在,猶未盡三惑種子, 成就 !無作妙力,究竟皆是世間有為功用 縱以禪定之力,得發相似神通 ,有漏而已。 習氣不滅 , 亦不能超 ,對境復

雖 發 欲除妄 縦能 上升 倍加虛偽 終必落於天魔外道 如來說為 可哀憐者 ,汝妄自造 非菩提

#### 0

,

•

•

菩提咎 世智以妄研 趣 者 以凡 深憫之也 , , 真為 正 〔夫天人,不達真修,向外求心,已是虛偽 此承接上文,既落天魔外道,雖欲修習,銷除虛妄,倍加虛偽。 |是以暴易暴,以妄除妄 故 。 且 可哀而可憐者也。 崩 ,乘神通而造業,違遠圓通,背涅槃城,枉費 拉前問 現前種種諸妄 , 佛體真實 , 《正脈疏》 皆由汝自心所造 , 。云何復有人天等道者,故答之曰:汝妄自造 則虛偽 云:倍加虚偽者, 中 更加一倍虛偽者矣 ,實非菩提之過咎;菩提即佛體也 。而況外道天魔全無正念, 如各自謂得無上道 功力,翻成惡因 0 以故如來 《寶鏡疏》云: 而欲 , 故 說 實假 **如來** 此七 除妄 , 非

|結妄勸

離竟

#### 己四 判決邪正

# 作是說者,名為正說;若他說者,即魔王說

若使能作是說,勸人欲得菩提,要盡除三惑者,此人即是代佛宣揚 ,名為正

辨識 說 。若讚歎殺 ,勿為所惑。古德云:修禪不持戒,即是魔羅業,以妄修於妄,真實可憐憫 、盜 、淫,不礙真修,無須斷絕 ,此人即是魔王之邪說矣!亟宜著眼

是知我正說經畢,重說七趣,不但三惡當斷,縱使四善,亦復要離,是以戒助定而 大科談七趣勸離,以警淹留竟

楞嚴經講義第二十一卷終

# 大 佛頂如來密因修證了義諸菩薩萬行首楞嚴經講義第1+1卷

福 州 鼓山湧泉禪寺圓瑛弘悟述受法弟子明陽 日新 敬校

滅 戊初分三 辨五 己初 魔令識以護墮落 普告魔境當識 分二 會眾頂禮欽承 戊初 無問自說五陰魔境 Ξ 正以詳陳魔事 因請重明五陰生 己初分三 庚

初 最後真慈不盡 二 詳標微細魔事 三 敕令諦聽許說 今初

倚 即時如來,將罷法座,於師子床,攬七寶几,迴紫金山, 0 **普告大眾及阿難言:汝等有學,緣覺、聲聞,今日迴心,趣大菩** 0 再來凭

無上妙覺 ,我今已說,真修行法

問 免致墮落 佛 此無問自說之文,以阿 :知欲修楞嚴大定,魔軍必來阻撓,若不辨明,五陰魔境令識,以保護正修 故將罷法座 , 於師 難但知請定 子床,攬七寶几 ,而定中所發微細魔事 ,床以師子名者,表其無畏也, ,非己智力 ,所能發 几 以

凭倚者

即最後真慈不盡,不待請而自說也。於是普告大眾及阿難言:

七寶稱

者

視其貴

重也

0

迴紫金山者

:如來丈六金軀

,

圓光徧

照

, 猶

如 金

Ш

再來

此乃經家敘

行之法 中未說魔事,不得不詳為辨明令識也。 謂 無上妙覺者:此敘過去,雖發迴小向大之心,捨小乘法,趣大菩提,無上覺道 述 也。 出於幽谷 汝等有學,緣覺聲聞者:乃曲為有學, 即反聞 , 遷於喬木者矣。我今已說 工夫 , 聞性具足圓 ` 通 ` ,真修行法者 常三真實故 是以特舉耳。今日迴心 · 吾現今已為汝演說 0 依此而 修 , 決定不謬 ,趣大菩提 , 真 , 但 實修 , 可 其

## 庚二 詳標微細魔事

汝猶未識 修奢摩他 ,毗婆舍那,微細魔事, 魔境現前,汝不能

## 識,洗心非正,落於邪見。

不識 正 微 合稱;奢摩他,即自性本定;毗婆舍那,即微密觀照而修;而此性修定中 細 問尚 將 魔 縱欲洗心, 妄 事 作真 不 知 若不 也 , 何 ·預知 0 亦不得其正矣;不得其正,則必落於邪見,如下之五陰魔境 洗心非正 況能識?但恐汝等, , 其何能避?設或魔境 ,落於邪見者 猶未能識。修習楞嚴大定, :謂修定原為以定水 倏爾現前 ,汝不能識 ,洗除心垢 乃雙舉性修二定 難 免 ,有種種 , 若 以 魔境 邪 , 總 為

由認邪為正,皆邪見也。

0

### 或汝陰魔 ,或復天魔,或著鬼神, 或遭魑魅,心中不明 0 認賊為

名陰魔 也 受陰十種 前 別總標 ,並依五陰起故;別則色陰十種 , ,已召外魔入心,而魔未現身也。想陰十種,方有天魔 此則詳標一 切魔境 0 或汝陰魔者: ,但是初心自現, 有通有別 當無外魔 , 通 則五十種境 0 故云或汝 ,及鬼 洯 陰魔 神 皆 魑

也 魅 ۰ 0 設 此 上二 使諸魔 陰 **現起時** , 皆由 稍失正念 , 而心中若不明了 ,引起外魔;故云或復天魔 辨識 , 或自認為 聖 , , 未得謂得 或著鬼神 或認 或遭: 魔 魑 為 魅

聖 身命 供養 ;皆是認賊為子 , 則喪法財 , 傷慧命 , 可 氶 ·危哉 !

#### 畢 又復於中, ,衰相現前,謗阿羅漢, 得少為足,如第四禪 身遭後有,墮阿鼻獄 ,無聞比 丘,妄言證聖 0 • 天報已

是於自心中 又復明行識二陰 妄生邪見 0 行陰所發 ,得少為足;且更自言 ,十種心魔;識陰 滿足菩提,不免輪墜 所發,十 稙 見魔 · 皆無 如第 外 境 应 .禪 但

無聞 比丘等: 舉一 為例 , 以發明之。 如無聞比丘 ,但修無想 , 不務多聞 報得四

禪 本未證果 便自妄言,已證小聖 反起謗辭 , 言我今已證阿羅漢果 ,阿羅漢果。天報已畢,想心復起 , 身遭 後有 謂 佛妄說羅漢 , 衰相現前 不受後 ;不知自己 有

因此謗佛,墮阿鼻獄。其害若此,可不畏哉!

魔事 槃 初 禪 , 竟 羅 統謂初果;乃至 智度論》云: 漢 有生 0 以是因緣 有一比丘 , 即 墮泥犁獄中 便謂四果 ,師心自修 0 命欲盡時 , 0 無廣聞慧 蓋經論 , 事 見中陰相 , 不識諸禪 , 而詳略異耳 ,便生邪見 , 三界地位 0 二詳標微 , 謗無涅 修得 細

## 庚三 敕令諦聽許說

# 汝應諦聽,吾今為汝,仔細分別。

烈難 堪; 正 脈》 故勞真慈如 云:不但分別 此也 0 初普告魔境當識竟 ,而更許 i 仔細者 0 以魔相 , 幽微難見;一 以魔害

## DI一會眾頂禮欽承

## 阿難起立 ,並其會中,同有學者,歡喜頂禮,伏聽慈誨 0

立 並其合會同有學者 定中魔事 ,非如來智力,安能分別?今蒙真慈,許以仔細分別,故阿難悚然起 ,咸生歡喜之心,至誠頂禮 , 謝前許說 ,俯伏諦聽慈誨 , 亦

足見敬佛尊法之至意也

相關 證護持, 東初分二 辛初 己三 正以詳陳魔事 二 示大定致魔之相 H初分四 驚動諸魔由定 分三 庚初 癸初 二 成就破亂由迷 辛初分二 標告動成之由 先明本覺同佛 二 詳分五陰魔相 二 次示妄生空界 壬初 推真妄生滅 Ξ 結示超 三比

況空界微茫 四 歸元必壞空界 今初

### 明 佛告阿難 ,覺圓心體,與十方佛,無二無別 及諸大眾:汝等當知 ,有漏世界,十二類生,本覺妙

漏 有漏世界 無為也 佛見阿難 • 蓋吾人自具如來藏性,乃本來自覺 依報也;十二類生,正報也;遠由惑現 ,及諸大眾,敬佛尊法之至意。遂告之曰:汝等當起慧照觀察,了知 ,即妙而明,即明而妙,不變隨緣 ,近由業招 ,故曰有漏 , 揀 非無

隨緣不變 , 覺性圓滿,徧在諸佛心中, 為生佛共依心體;故與十方,一 切諸佛 無

二無別也。

## 癸二 次示妄生空界

安立 息 由 汝妄想 ,有世界生 , 迷理為 ,則此十方,微塵國土, 咎 , 癡愛發生, 生發偏迷 非無漏者 • 故有空性 • 皆是迷頑 化迷不

識 業 愛也 動 釋 本末 也 ٥ 0 發起能見見分 如 由 前 由 而有其念 指掌 根本 汝無始妄想,迷本有之真理,以為過咎 愛故真妄和合 云 · 疏 》 ·無明之性屬癡 覺非 ,即名為愛;如前性覺必明,妄為明覺 云 : 所 ,所謂依動故能見 明 癡 , 即 變起 因明 無明 , 根本妄想之性 立所 賴耶本識 , 以不如實知 ,是乃 ?;如前云所既妄立,生汝妄能 , 名曰發生;所謂 以立所為 屬 動 , , 真如法一 ,二者同 此即無始無明 發生 也 ,蓋即指欲明覺體之念 故 時 以依 生發者 , , 即名為癡 故 不覺故心動 0 同 而無明妄想 .稱 ,是乃以妄能為 謂依 無始 。 不 前 , 說 覺 下 ,各有 所 生業 乃詳 名 , 為 心 起 為

生故 此空此 世界,如云:化迷不息,有世界生。則此世界,無非妄想安立也,明矣 頑是起妄 漏 數目之多 境 復起化迷之心,遂於空中 是曰故有空性;如前偈云,迷妄有虚空是也。化迷不息者:以見對空, 生發也。徧迷者:謂由能見,故於前本覺真心,全成晦昧,不見真覺 國 迷理 亦不言麤相者 界 同是覺明 無明所致 , , 謂 且. 揀 葯細! 由 非 無漏 徧 , 無漏 迷, 相中國土言之;不言眾生 0 則此十方,微塵國土,非無漏者:十方 , , 遂有頑空;如上云,生發偏迷, 妙心 乃明有漏 以麤相業招, , 見有色相 , 虚妄病緣 ;如前同分妄見文云:娑婆世界, 屬別業境 , 是曰有世界生;如前云,依空立世界是也 0 故云:皆是迷頑 ,以動魔之由 ,迷事妄想所致 故有空性 ,妄想安立。 , 唯 ,指同分境;微塵 在 。細相惑現 |國土振裂 , 謂由化迷, 並及十方 ,唯見頑虛 轉覺迷悶 迷是迷真 , , 無關 屬 , 諸 同 喻

有

分

眾

## 比況空界微茫

#### 當 知虚空 • 生汝心內 猶如片雲, 點太清裏;況諸世界 在虚空

#### 耶 $\ddot{\mathbf{?}}$

以太清 天,故以太清稱之。片雲,指一片浮雲,至虛至微 覺真心之內,猶如片雲,點太清裏。太清,即指天際,據儒典以氣之輕清上浮者為 世間之大,莫大於虛空,然而虛空,猶未足為大,當知無邊不動虛空,生汝本 喻真心 ,以片雲喻虛空 , 其渺小易壞 ;況諸世界 ,點在太清裏 ,又在虚空之中 C,豈能. 久存耶?此 其虚幻之

## 癸四 歸元必壞空界

義

,不益可見乎?

# 汝等一人,發真歸元,此十方空,皆悉銷殞,云何空中,所有國

## 土,而不振裂?

迷則此十方晦昧,所成之頑空,皆悉銷滅,而殞亡矣!以虛空原因迷妄而有,如前 云生發徧迷, 設使汝等,能有一人,心光內照, 故有空性,無迷故無妄空,此真顯妄破,應念化成無上知覺也 發明本有真心, 返本歸元,歸元則無迷 )。云何 無

問 : 人發真歸元,此十方空,皆悉銷殞,現在十方諸佛,成道已久,何以仍

所有結暗為色之國土,而能保全,不形振裂耶?

**頑空之中** 

燈光 見虛空?答:此虛空,是未歸元之眾生所見,非關諸佛之事。譬如眼中有翳,夜見 ,別有五色圓影,諸佛翳病已除,全空全真,唯見一真法界也。 初推真妄生滅

相關竟。

汝輩修禪,飾三摩地,十方菩薩 示大定致魔之相 分二 癸 初 諸聖心精通脗 ,及諸無漏 ,大阿羅漢 諸魔僉來惱亂 ,心精通

脗,當處湛然。

脗合。 後歸元,故不離當處,一念不生,與諸聖心泯同一際,湛然虛明,無別無二。 亡塵照理 汝等修習禪定,要嚴飾三摩地者:即反聞工夫,時時無間 《正脈》云:聖凡元一法界,特凡迷馳擾 , 住此理中 -,不昏不散;能與十方菩薩 ,別成邪聚 ,及諸無漏 ,不隔 , 大阿羅漢 , 行 住 而隔。今一旦悟 ·、坐、 心精 臥 通同

癸一 諸魔僉來惱亂

坼 切魔王 水陸飛騰,無不驚慴,凡夫昏暗,不覺遷訛 • 及與鬼神 • 諸 凡夫天,見其宮殿 • 0 無故崩裂 ,大地振

並諸 懼 天 不安也 :即六欲四禪 大地 切欲界頂天魔王,以及魔民、魔女,及與大力鬼神,亦兼夜叉羅剎 , 亦皆振搖開坼 凡夫昏暗者 ,洎及外道,無想天等,見其宮殿 獨指 0 水陸飛騰: 人道 ,昏迷暗鈍 即是三居眾生 , 謂未具五通 , 一 旦 , 見其大地振坼 無故,忽然崩壞破裂 0 不覺 , 是行 , 無不驚怖熠 諸 人入定 凡夫 , 乃

處?是故鬼神 彼等咸得 將證之故 無端被境所遷,甚至訛言,陰陽失度等 • 五種神通 ,及諸天魔, ,惟除漏盡,戀此塵勞,如何令汝, 魍魎妖精,於三昧時,僉來惱汝 摧裂其

, 故 曰

不覺遷訛

耶 ? 裂 下 時 通 , 變 如 是定 誓成佛道 於六通 此魔等來惱 震 釋 迦如 力所為 動 中 0 來 。即時下令 爾 , 時魔王 惟 ,留戀塵勞 彼等 於菩提場 除漏 , 盡通 , 即指天魔、 ,誰能領旨, 見其宮殿震動 ,安坐之時 , , 是無漏 自然不求 鬼神等;咸得五種神通者 禪定 破壞禪定?當時三位魔女, , 出世 發一 以天眼遙 , 斷 咒願 , 如何令汝,任運成道 感所發 觀 而我不成佛道 0 既 知是悉達 咸 得 : 五通 此為 太子 領旨前往 , 報通 不起此座 , , 必 而摧裂其處 於菩 知宮 , 非是修 此即 提樹 殿崩 即

愚 將 定能招魔之明證也。幸佛定力既深,願力堅固 是於汝靜 凝 , 前 邪暗之境 往 破壞 後三昧時 (,亦復 。 行 人修定 , **僉來惱亂於汝** 無可如何 ,心光一 '。是故 發 , 僉即 鬼神 , 與菩薩諸聖 皆也 ,及諸天魔 ,不為所動。後魔王親自率領魔兵魔 0 皆欲破壞禪定 , 通同 , 魍 題妖精 層合 , , 能破 彼等始安也 彼等所依 愚癡 邪 暗 無非 初 由

驚

動諸

魔由定竟

能超勝 水 然 神力,但為其客 **巛彼諸** • 了不相 魔 四 成就破亂由迷 , 迷惑必致墮落 觸 雖有大 0 汝如沸湯 怒 分六 , 五 彼塵勞內 壬初 ,彼如堅冰,煖氣漸隣 前墮淫室害淺 示喻客不成害 ,汝妙覺中 六 若墮魔類害深 二 正推迷亂由主 • 如 • 風吹光 不日消殞 今初 , Ξ 如 覺悟必 徒恃 刀 斷

中者 者 究竟與我 此示悟迷之得失也 謂 設所修 無傷 妙覺徧常心中 也 0 彼塵勞內者 。然彼等諸魔 本具正定, : · 謂彼猶· , 見其宮殿 在 邪不敵正 塵 勞 ,無故崩裂 , 生滅 , 以生滅而欲壞真常 法 中 , 雖有· , 所起 大怒 邪 行 而言雖有 0 汝 以怒 妙 覺

氣 而欲惱定心,譬如以風吹日月之光,以刀斷長流之水。了不相觸者:日月之光如

故,長流之水無痕,了不觸傷也。

彼雖徒恃五通神力,縱有大怒,亦不過但為其客,終不久住,不能成害矣! 損 且能破魔 又汝修定者 。沸湯之煖氣 ,觀智增明,猶如沸湯;彼擾惱者,邪執正固,猶如堅冰;非但無 , 漸漸隣近於堅冰 , 而堅冰之凍結 ,不日消亡殞滅矣

## 壬二 正推迷亂由主

# 成就破亂,由汝心中,五陰主人,主人若迷,客得其便 0

若深居 出走, 所說 軟二魔,不生畏懼,彼之伎倆有盡,我之不睬無窮;若觀智稍虧,迷失正念,則魔 王乘間 成就破汝戒律,亂汝定心,其過在誰?實由汝之心中,五陰主人。五陰 ,五重陰境;主人,即下所說,觀照之智 為賊所執,方得其便;以法對喻,足知悉在主也 **不動** 而 入;故喻主人若迷,客得其便。《正脈》云:魔擾行人,如客賊劫主 賊乃莫測 , 愈近愈恐。俗云:強賊怕弱主是也。 。如若陰境現前 主若自守不定,驚慌 , 觀智得力 , 無論 1,即下 , 主 強

## 玉二 覺悟必能超勝

### 邪,咸受幽氣,明能破暗,近自消殞,如何敢留 一處禪那 ,覺悟無惑,則彼魔事,無奈汝何。陰消入明,則彼群 ,擾亂禪定 ?

不見 殞 也 下, 善境,不受其惑,則彼魔力,雖然強橫 0 如 釋無奈汝何之故,陰境消除,而入大光明藏。如前云:聞熏精明,明徧法界是 則彼群邪,咸受幽氣者:彼之群魔邪怪,咸稟受幽暗之氣以成形 行人當此禪那正定之中 , 可 前 以為證 云 : 則諸幽暗 0 以汝之智慧光明, 性不能全是也。如何敢留 , 慧照觀察 能破彼之愚癡黑暗 ,亦無所施其伎,故曰無奈汝何。 ,一念不生。覺悟無惑者:覺其是魔 , 擾亂禪定者:留尚不敢留 ,故曰明能破暗 , 如 陰消 羅 近自消 ,悟非 剎 向 入明 何

## 壬四 迷惑必致墮落

能擾亂汝之禪定耶?

## 若 不明悟 ,被陰所迷,則汝阿難,必為魔子,成就魔人 0

若是五陰主人,不能明其是魔, 悟非善境,必至誤為聖證,被陰所迷矣!則汝

阿難 ,既失正受,必為魔子,凡所修為,皆是魔業,而成就魔人之類矣!

## 壬五 前墮淫室害淺

#### 如 摩登伽 • 殊 為眇劣 • 彼惟咒汝, 破佛律儀 ,八萬行中

## 戒,心清淨故,尚未淪溺。

制律儀 戒力 戒比全身 體 , 將毀者 , 且 自然無毀戒體 八萬細行之中,祗能毀汝,與女人身相觸,一戒而已。淫躬撫摩 如 摩登伽女,殊為眇小,而復下劣,彼之初心, ,事眇劣也 , 而尚未毀也。 ,尚未至於淪溺也。 此並非汝之故起淫愛,由汝心清淨故 孤 山曰:以淫女比天魔 唯以先梵天咒, , 且有! 人眇劣也 咒汝破! 初果 ,將毀戒 道共 佛所 以

## 壬六 若墮魔類害深

### 此 乃隳汝,寶覺全身,如宰臣家, 忽逢籍沒 宛轉零落, 無可哀

#### 救。

此指陰魔 ,隳壤也;此陰境現前,乃是要壞汝法身,喪汝慧命 ,故曰隳汝寶覺

全身。 成 但喪盡官位 大哀曠濟 人之下,萬民之上,一 必致出沒三途 法身慧命俱隳,故以全身稱之。如宰臣家下,設喻警覺,宰臣貴鄰天子,一 ,怎奈邪見深入,亦難救矣!初標告動成之由竟 ,且難免刑律,是宜警惕,而覺察矣!設汝果隳寶覺全身 , 所謂宛轉飄零,墮落惡趣 旦有事,觸犯天威,忽逢籍沒,削除籍貫,沒收財產,則不 , 無可依怙 0 當此之際 ; 豈 ,雖有諸 止道果不 佛

始終 庚二 詳分五陰魔相 中間十境 Ξ 分五 結害囑護 辛初 壬初分二 色陰魔相 癸初 至五 始修未破區宇 識陰魔相 辛初分三 終破顯露妄源 壬初 具示

#### 明 阿難當知 動靜不移,憶忘如一 :汝坐道場 ,銷落諸念,其念若盡, o 則諸離念, 切精

今初

汝五 場 |陰主人,主人若迷,客得其便,故囑 有 此通明色陰,始終之境也。上來所明,諸魔來擾,均由於定,而成就破亂 事有理:一 理事雙修之道場。即七卷中,嚴結壇場 阿難 ,汝當以智知 0 汝坐道場者 ,三七日後 :修道之 尅期取 , 由

證 , 惟 即 於此處 理 道場 。不結壇儀 , 修三 摩 地 ,不拘身坐,但 ,乃至端坐安居, |取前詳釋,聞 經一百日,不起於坐, 中境界 以一 名為 切時 坐 中 道場 ; 行 0

住、坐、臥四威儀之內,專注反聞,為坐道場。

念 , 一 不必更 不移 故 面 境 云 諸 為億 離念 此 故 正 銷 **於境之動** 指 切精 落 用 也 是念頭 IE. , 本具 耳 禪家 別種工夫 諸念者 , 如 根 明者:若工夫深造 聞性 打成 (根性 影 一靜;安能 入手之意 現鏡 : 即 ;億忘如 二片時 , , 此 中, 即 專注反聞照性 移之? 時 正 , 節矣 曾不障於鏡 非發光之謂也 類現 耳根圓通云:初於聞 , ! 聞性無干意識 ,其妄念自然銷盡;即前所入既寂也。其念既盡 , 指意 一切時 前 , 褪 疑 動靜二相 ;識忽滅 知性 信 **,** \_\_ 0 又銷念即 不散 0 切處 , 六 故識之憶忘 中,入流亡所也。 ,了然不生也。 , , 根舉二, 亡其所緣塵象 而為忘也, , 寂寂 精 而 不雜 , 餘 精 , 可 安能 如影滅鏡內 明 , 例知 即 明 , 《指掌疏》 其念若盡 變之, 惺 而 而諸念自然銷 也 惺 不昧 , 且 注 0 , 一識忽 云 : 聞 而鏡體如 ,則諸 正 本 起 不注 動 脈 落 , 則 靜 離

#### 當住此處,入三摩地 • 如明目人, 處大幽暗 精性妙淨 • 心未發

### 光,此則名為,色陰區宇。

摩地 乍入 屋也,宇屋之四垂也。此乃色陰未破之相 則名為色陰區宇:謂此根性,尚被色陰所拘局曰區,尚被色陰之所蓋覆曰宇,區小 來周徧法界;無奈色陰未開,心光未發,故凡見處 行人惺寂雙流,當住心於根性之處,由上工夫入手,故此三昧現前,名為入三 猶為色陰所覆 即耳門圓照三昧,是也。如明目人下,狀其在定境界,然則定力未深, , 故如明目人,處大幽暗之室 。初始修未破區宇竟 0 ,惟是無邊幽暗 雖然六精之性 , , 妙淨 絕無光明 调心 理境 此 本

#### 癸一 終破顯露妄源

#### 濁 日明朗 ,觀其所由,堅固妄想,以為其本。 ,十方洞開 無復幽黯 ,名色陰盡, 是人則能, 超越劫

百骸 若使定力功深,發本明耀,前之黑暗,悉化光明,若目之明白朗照 ,外徹山河大地,雖未能圓鑑大千, 而眼前十方, 所有之處 , 莫不洞達 內徹五臟 開 通

悉皆無礙

無復

再有幽隱黑暗

,妙淨之相,自此則精性心光徧圓

,故名為色陰盡

於眼 空耶 成 陰 皆 幽 知 他 徹 陰 也 云 盡 如 暗 中 般 , , , 名 為 瑠 方 此 中 如 如 如 ? , 豈 是 先 璃 以 珠 脫 經 開 仴 人身穿 , 以永沉 覺得 劫濁 壞 忍住 有 衣 穿裏 . 教 示 , 內 色成 光 相 濁 四 色 ]外瑩徹 Ħ. 現 <u>)</u> 陰 似 衣 科 , , 重衣服 黑暗 還照珠體 空 番 暗 也 是知上之如明目人 七大 , 以 , 識陰 空 不 , , 0 , 功 未 可 ,且不聚見於眼 蓋 , 見 , 能現量 盡失其徧界之明,豈惟 乃至色 正 ,今初 比其萬 夫 元 相 覆 脈》 到 , 織 而 但 H 藏心 為 Ē 緣 問 陰 脱最上一 而 , 體 ٥ 哉!然色陰既盡 無始 見 忍 , 良 , 從 諸 爾 , ,處大幽暗 由真 如前 各各自知 豈 色尚 色陰 細 , , 重 迷己 而心體周 即 向 心 劫濁文云 雲開 親證 見 麤 也 , 為物 ;今破 ٥ 元 不知 何 五. 本 , , 心徧 能 不知是何境界 徧 親 崩 以言 一陰生從識起 , , 隨緣 :汝見 本明, 除則從 徧 是人即 豁 , , 十方 無復 盡?答 本 到 成 現 障隔 崩 此 虚空 色 兼亦 能超 遠近 躡 , 麤 , 彼 向 解 , , 滅從 時 而 不覺現暗 又認物為己 員 , 越 ,皆如目前 切 成行 細 空見不 有學 色不 劫濁 壑頑 正是劫濁之相 融 , 先 色除 中 , 異 色 , 道 分 尚 心 陰 暗 ,今緣 , , 指掌 豈 摩 如人穿衣 昧 屬 , , , 相 是謂色 盡 乃至識 根 地 比 而 本 織妄 聚見 疏 量 奢 自 色 塵 , 於 成 嬣 而 明

是空見不分之際,堅執欲見,遂致結暗,以成色相。故云:堅固妄想,以為其本 以定力轉深 ,並空亦亡,見無所織,故能超越。超越之後,回觀色陰之所由生,即

前云:化迷不息,有世界生;化迷不息,正堅固妄想也。初具示始終竟

名善境界;若作聖解 名精明,流溢前境,斯但功用,暫得如是,非為聖證,不作聖心 阿 難!當在此中 壬二一 中間十境 分十 精研妙明 ,即受羣邪 癸 初 身能出礙 ,四大不織,少選之間 0 至 妄見妄說 ,身能 今初 出 礙 此 •

之中 惟覺一區光明,曾不覺知餘處皆暗。今在定心,譬如黑夜 此下別示 寂 照並 行時節 ,色陰十種魔境 0 亦即前 云: , 此第一身能 如明 目人,處大幽暗 出礙 。行人修定,當在此色陰未破將破 , 如散 ,對一室燈光, 心時 , 對目 而室 前 現 外 境 無

都失 明目 邊 各暗 人 覺得 皆所 處大幽暗之中 十方 不知 , 悉皆 • 黑暗 旦棄而 龍潭吹燈 |不顧 譬如吹滅室燈 ,目前現境 發明德 , Щ 室也沒了 , 專注反聞 即此境界也。 , 通天徹地 , 但 |覺無邊法界 後凡言此 , 渾 成 中 (黑暗 者 而 現 皆 如 境

精 界 即 研定力 此 , 中 曾 無 0 /增勝 精 隔 礙 研 :妙明者:即精細研究 , 0 內外 祗 因眾生 虚融 , ,妄認四大為身 所 有 身境 7,妙明 , 如雲如影 聞性 , 則內 寂 , .外塵相 不復密織堅實也 照並行也。 , 交相 組織 此 |妙明聞性 , 遂 成 質礙 , 本周法

聖證 境者 繢 若作聖解者 性 礙 豁然無礙 0 足證 而受其惑 斯 少 , 精 選之間 但 定中 心妙 崩 ; 但 證 : 永 , 設若 非虚 暫 即 證 , , 漸 身 精 蒔 心精 也 成 能 遇此 如是 研 , 0 大害, 可 出 若行 妙 妙明 增信心 礙 境 明 , 者 非常能也 聞性 , 人遇 ;流溢 至不可救矣 無有聞慧, , 少 , 此境界, 亦乃破色陰之先兆 功 選 ,謂此心光,虛融發洩於現前根塵之境 用 0 , 所現 此名下判其名,令詳其義 即 及缺涵養 頃 不起住著 刻 斬 也 得 , ]如是; 為 , ,不生羡 **輙作已證聖果之解** 時 , 誠是善祥 不久 功用 , 慕 稍 此 · 境 界 , 虧 身 0 此名 如影 , 味 虚 , 平 本 精 蘠 ,即落群邪圈 , 外境 無過 懷 崩 便 失 , , , 故 依 咎 流 如 デ 相 然照 溢前 也 非 云

為

#### 关 二 內徹拾蟲

#### SH) 難!復以此心 精研妙明 • 其身內徹;是人忽然 ,於其身內 ; 拾

出 得如是 蟯 蛔 ,身相宛然 非為聖證,不作聖心,名善境界;若作聖解 ,亦無傷毀,此名精明, 流溢形體 0 斯但精 ,即受羣 行 •

邪

0

之極 壞 內 明 不作聖證之心, ; , 拾出 此名心精妙明 即所觀聞 此第二身內透徹。行人仍復以此禪定心中 暫得如是 |蟯蛔 性 ; 誠是善祥境界 蟯 0 觀久功深,不復外溢 內身融徹 , , 流溢形體 即腹中短蟲;蛔,即腹中長蟲。拾出身相宛然, , 拾出蟯蛔,不久便失,非是聖人實證 , , 五臟虛融 堪為破陰之前兆 ,自見其身, ,四肢透徹 , 精研妙明 0 設若稍無知識 光明內徹 0 斯但定中 0 精研 。是人忽然 , , 精研之行 即能觀智慧 , 若作證聖之解 無有損傷毀 證 永 ,於其身 證 逼拶 也 妙

#### 癸二 精魄離合

者,即落群邪坑塹,而受其惑亂之害矣!

又 以此心 ,互為賓主 • 內外精研 0 忽於空中, , 其 時魂魄 聞說法聲 • 意志精神 , 或聞十方, 除執受身 同敷密義 餘 ,此名 皆涉

#### 精 魄 • 遞相離合 成就善種 • 暫得如是, 非為聖證 。不作聖心,名

## 善境界;若作聖解,即受羣邪。

意志精 精 之第 知 賓 聝 散動者為意,宛似天地晦明之氣;氣之充和者為神,氣之浸潤者為精,宛似天地風 地之氣 證 精 神 二氣 神 精藏於腎,神藏於心,除彼能執受之身根 若更約魂涉於五,則五皆為主,而魂為賓;魄等涉五亦然;故曰互為賓主。忽 而 此第三精魄離合。行人又以此禪定心中 , 只能 有六 静 魄 醫經謂 但唯 為 言氣之上升者為魂,下沉者為魄 為所執受, 外通 主; 所謂陰 : 魄本下沉 身言之。 魂藏於肝 ,第二但能 故皆涉入。 陽 餘皆涉入,互為賓 , , 內徹 · 而竟上 魄藏 晦 派於肺 , 明 《指掌疏》 此次身境虛融 升 ` 風 , , 意藏: 則 ` ,宛似陰陽二氣;氣之歛靜者為志 魄為 雨 , ,以六氣釋之。良以人稟天地之氣 主者 於脾,志藏於膽 精細研究,內身外境 ,為一身之總,安然無改 人亦應有 賓 , 0 足見定力增勝耳 而 魂本上升 魂 為主 , 所謂 , 或曰 餘四涉入 魂 而竟下沉 ` , 0 左腎 魄 其時 悉皆虛融 、 意 此之魂魄 魂魄 , 例 則 再俟考 , 氣 之 志 意志 此 魂 , 天 較 為 口

於空中 種 本位 增勝 根 身 者 內 境 故 所謂夙昔聞熏 而 , 聞說法音者 得 合於精等 內外虛 魂魄 互相涉入 融也 離 ; 此 , 則出 善因種習 0 此名 ,空與十方外境 處說 本位 精魄 也。 , , 合則入他位 , 自能發揮, 或聞 遞相離合者:或精離 十方 ,說法竟能得聞 , 同 ;此名精魄等遞互離合之意 有所聞也。 敷秘密了義者:此各處說也。 本位 , 此 暫得如是非為聖人之實 正 , 由精研 而 合於魂 妙 朗 0 , 成就 或 定力 魂離 夫 善

癸四 境變佛現

證

,一證永證也。餘準上可知

國 類 又 世界 王 以此心 • 化為如 ,及與蓮華,俱時出現;此名心魂,靈悟所染 • 暫得如是 , 來 澄 ,於時忽 露皎徹 ,非為聖證 , 見 內光發明,十方徧作 • 毘盧 。不作聖心 遮那 • 踞天光臺 ,名善境界;若作聖解 , 閻浮檀色 • 千 , 心 佛 光 圍 繞 研 • 明 百億 切 • 種 照

大佛頂如來密因修證了義諸菩薩萬行首楞嚴經講義第二十二卷

即

受羣邪

0

此第

四境變佛

現

0

行人又以此禪定心中

精研

功勝

,妙心益明

,

澄露

1
皎徹

似

始覺之智 定光融透也 內光發明,似本覺之理 ,心光顯 現也。十方無情 世界 ; 徧

見 作閻浮檀紫金之色。一 知覺之先兆也 毘 盧 遮那 0 雖 此 三編 現此 境 切有情種類 切處 , 觀 鼠照不息 , 即 法 ,盡化諸佛如來 身 , 功用增上, 佛也 0 踞天光臺 法 ,此則 ` 報 , 山河大地, 《梵網經》 化三身圓 云 顯耳 應念化成 : 時 0 於時忽 蓮 無上 華

華 云 : 俱 周 嵵 匝 出現者 干 華上 : , 蓮 復現千釋迦 華 , 即 佛所坐之蓮華 , \_\_\_ 華百億國 , 雖不言釋迦 • 或 釋迦 , 可 , 以意 即化身佛 心會釋迦 與 也。 蓮 華 及 與 蓮 俱

赫

天光師

子座

,臺即蓮

[華臺藏世界,座依於臺,故云天光臺也。千

佛圍

[繞者

:

偈

藏

世界

,

赫赫天光

,師子座上,

盧舍那佛。

此云光明徧照

,

即報

身佛

也。

天光即赫

時 茁 現 , 依 īF. 莊嚴 ,莫不 真足 , 此上 市圓顯 三身之先兆 也 0 此名心魂靈悟 所染者

反聞 此 乃是心魂 妙定之中 夙昔曾聞 ,心光研究發明 《華嚴》 , 照諸世界,暫得如是, ` 《梵網》 ` 《維摩》 等 經 不久便失, , 聞 熏靈悟所染,今於 非為聖證 證

永證,亙古常然也。餘準上可知。

#### 癸五 空成寶色

十方虚空, 又以此心 • 各各純現 • 成七寶色,或百寶色,同時徧滿 精研妙明, 此名抑按,功力逾分,暫得如是 觀察不停,抑按降伏 , ,不相留礙 制止超越 • 非為 聖證 • ;青 於時忽然 一。不作 黄 赤

聖心

,名善境界;若作聖解

,即受羣邪

0

定力超 拶之極 前 抑 滿 致 即所 反聞 !見金界 按 傾 照性 而 謂 覆 此第五空成寶色。行人又以此禪定心中,精細 心於慧力 功力逾 降伏其心 且諸色,不相留滯隔礙也。或青黃赤白,各各純一而現 也 煥然而現 ,縣密 及如 於 分 , 時忽然之間 , 來者 故制止之, 無間 , ,暫得. 皆抑 抑按即制止 ,皆觀察義 乃為色變;此見空成寶色者, 按義 如是 使得定慧均等 十方虚空, , ,不久便息 此屬 ,功力逾於常分, ,此屬於慧。抑按降伏者:抑止自心,按令不動 於定 0 成七寶色,或百 , 制 , 非為聖證 中 正 中 超 即是超越 流 越 者 入 研 • 乃為空變 0 : 究 如 制 , 現永現也。 [寶色, 妙明 止 車之兩輪 ,此為定力勝於慧力 , 即 聞 。然此色空 , 雖 為抑按 曾無混 性 然同 , ,觀察不停者 務必 寶鏡 時 雜也 ; 超 平 疏》 ,俱屬色 均 各各偏 越 云 : 此名 , 逼 , 不 恐

法 ,皆眼對之境,今既云變,則知色陰,逮亦不久,而將破矣。餘準上可知。

癸六 暗中見物

受羣邪 洞 物 又 幽 以此心 ,不殊白晝 • 暫得如是 • 研究澄徹,精光不亂,忽於夜半,在暗室內 ,而暗室物 ,非為聖證。不作聖心,名善境界;若作聖解 ,亦不除滅 ,此名心細 • 密澄其見 ,見種 所 即 視 種

處 曾聞 密澄其見,幽隱發露之時故得所視 暗中出現之物,不殊白晝,分明顯現,而暗室物,依然如故,亦不除滅。此名心光 之,令定慧均 心光凝定,不為明暗之所動亂。忽於夜半, 又有三五躶形人,高二尺許,竊室中米,傍若無人也。餘準上可知 有 此第六暗中見物。行人又以此禪定心中, 人 在靜 等 室中 0 澄徹者 ,忽見一人,自地 :澄靜其心 ,洞徹幽暗 ,照徹前境 而出 在暗室內 ,暫得如是,非為聖證。《正 研究妙明,所謂心若沉沒 ,所謂靜極光露也。 人從壁 , 見種種物 中來 對語良久 ,非室內之物 精光不亂 ,以觀起 ,各沒原 脈》云: 者: , 乃

#### 癸七 身同草木

大性 覺 又 以此心,圓入虛融,四肢忽然,同於草木,火燒刀斫 0 • 又則火光,不能燒爇 向 入純 • 暫得如是 • 縱 ,非為聖證 割其 肉 , 猶 。不作聖心 如削木, 此名塵併 • 名善境界 , 曾 無 所 • 排 74

作聖解

0

即受羣邪

0

火之燒 故曰入純曾無傷觸也。 削 謂 木相 圓入 此第 似 , ,刀之斫 忘身如遺 《七身同草木。行人又以此禪定心中,反聞 , 此 名諸 , 曾無所 塵 0 併 四肢有情之體 此不過暫得如是,非為聖證,一 銷 覺知 , 四 一大排遣 0 又則 , 草木無情之物 火光 0 向入純者 ,縱使焚 燒 功勝,內身外境, : , 即一 以有情者 證永證也。餘準上 ,不能令爇 向反聞 , 同 專 , 刀割 於無情 切 無不虛融 , 其 純覺遺身 司知 肉 故 , 猶 雖 是 如 經

癸八 徧見無礙

或 又 以此心 具足七寶 • 成就清 0 光明徧滿;又見恆沙 淨 • 淨 心功 極 • 忽見大地 , 諸佛如來 ,十方山河 • **編滿空界** 皆 樓 成 殿 佛

久化成 華 麗 ;下見 ,非為聖證。不作聖心,名善境界;若作聖解,即受羣邪 地獄 • 上觀天宮 得無障礙 0 此名欣厭 0 凝想日深 0 想

殿華麗者:上國土為總報,既七寶交輝, 雜 具足七寶 此第 而 淨 八徧見無礙 心觀照功極 , 光明徧滿者:七寶交輝 0 則淨極 行人又以此禪定心中,精研妙明,成就清淨之心 光通 , ,忽見同居淨土也 自然朗徹 此樓殿為別報,自應莊嚴華麗也 。又見恆沙諸佛如來 0 大地十方山河 , 編滿 , 皆 , 純 空界 成 佛 或 樓 無

所灼 或說淨 無有 障 , -見地獄 故悉發現 土 礙 也 穢 0 土 此名欣厭 ,上觀天宮 0 , 雖說化成,亦非虛境;雖是實境,亦同幻化耳, 隨起欣淨厭穢之心 凝想 ,得無障礙者 日深 , 非今定中 想久熏習成種 :此忽見同居穢土 , 作是覺觀 。今於定中 , , 蓋是平日 地 獄天宮 非為聖證 反聞 , 聞諸 逼極 親見 , 一得 經 心光 教

#### 癸九 遙見遙聞

永得

也。

餘準上可

知

又以此心,研究深遠 , 忽於中夜 • 遙見遠方, 市井街巷 • 親族眷

### 屬 ;或聞其語 。此名迫心,逼極飛出,故多隔見,非為聖證。不作

### 聖心,名善境界;若作聖解。即受羣邪 0

族姓男女等。或聞其語者:見聞雖異 區曰市,汲水之處曰井,通衢正路曰街,旁通曲街曰巷。親族眷屬者:內外六親 且遙見遠方者:顯境不能隔。此正色陰將開,見性將圓之兆 明 以求深遠之境也。中夜正暗,不應有見。今云忽於中夜能見者,顯暗 此第九妄見妄聞 。行人又以此禪定心中,研究深遠者:《指掌疏》云:妄究妙 ,同一精明,今見性將圓 。市井街巷者:交易之 ,聞性亦爾 不能 蔽

令心光 宿世, 非同天眼 兄於路,被官責打,此是白晝,計其時日。不久鄉人至潞,問之乃分毫不爽。此必 然 是為實境,余亦親見。河南常僧在潞 禪定善根故 飛出 .正脈》云:言中夜者:偏取心境俱靜時也。但多在此時,未必局定也 ,心聞之可比也。餘準上可知 , 故多隔見,於黑暗遙遠之處 ,偶遇如此,惜其僧不知自重也。此名禪定迫心,迫到 ,皆能見聞 , 偶然靜坐,忽見鄉間市井宛然 0 非為聖證,不過偶爾如是 極處 此則顯 , 見其 , 遂

#### 癸十 妄見妄說

妙義 改 又以此心,研究精極,見善知識,形體變移,少選無端 ,此名邪心,含受魑魅,或遭天魔,入其心腹, ,非為聖證 。不作聖心,魔事銷歇;若作聖解 ,即受羣邪 無端說法 ,種種遷 • 通達

九科 此二句先明其故,魔王暗入行人心腹,持其心神。無端說法通達妙義者:此二句乃 領受妄境 改 現天龍鬼神,男女等像。少選無端者:時之最短,不假因由,現神! 人靜 界,不作聖心,名善境界;若作聖解,即受群邪。今第十科,是行人重重透過前之 而色陰將破 中, 此 此第十妄見妄說。以上九科,皆行人反聞照性,於定心中,逼極所發,各種境 ,方能到此。又以此心,研究到至精至極之處 四句先示其相,後二句乃明其故 自見其身 或邪種含藏於心,定中發現 , 魔界振裂,而魔心動怒,故來擾亂耳 ,作善知識。且自觀形體,遷變改移,或變佛身 , ,此名邪心。含受魑魅者:行人防心不密 究屬虛影非實 ,正是與諸聖,心精通脗之時 0 由此而始,見善知識者 。或遭天魔 , ,入其心腹者 或化菩薩 現通,種 種遷 乃行 或

文云 示 其相 使然 當 , 非為 魔令行人 |處禪 那 真實心開 , 覺悟 , 無端 無惑 ,得其 說法 , 果證 則彼 ,發其狂慧 魔 。不作證聖之心 事 , 無奈 ,通達無邊妙義 汝何 , 魔事自然消散歇滅 設或稍作證聖之解 ,即行人自說 無有 , , 而魔 即受群 力持 如 前

惑亂,而無可哀救矣

١

現諸 第十 隔 淨心 同 主 上 溢 |草木 見 外 染 溢 故能出礙。二 乃言魔事者,以定力欲成 功 色 者 寶鏡疏》云: +此 極 內徹之力 六 |靈悟 :由定力排併 妄見妄說者 故 ` 暗 十方上下 , 故見佛 中 , 見物者 故神 、內徹拾蟲者:由心融內徹, 然上十種 現 , 魂 故四 由邪 見無障礙 : 0 互涉 由定心澄徹 五. ,色陰將破 大虚融 , 心含魅遭魔 ` , 空成寶色者 皆依境起:一 所 以有 九 , 燒斫 ` , 聞 , 遙 精 , 此所以為動魔之端也。二中間十境竟 故有妄見妄說 光不亂 見遙聞者: 無覺。八 : 四 觀察過越 ` 故蟯蛔可拾 、境變佛 身能出 , 故於暗 ` 徧 |礙者 由 , 現者 觀 逼拶 見無礙者 0 照力 則 中 。 三 、 , 至極 : 由 前 , 由 能 九 觀 迫心 精魄離合者 主由 見諸 上 **照力**, 皆明定力 , 是以虚 精 魄 飛 欣 物 使心 厭日深 0 七 互. 空 而此 精流 故 為 : , 承 身 忽 賓

#### 壬二 結害囑護 分三 癸初 示因交互 二 迷則成害 三 囑令保護 今初

阿難!如是十種,禪那現境,皆是色陰,用心交互,故現斯事。

善境發現;若妄想復勝禪觀,須臾即隱,境界如初,故現斯事。後皆倣此。 純 但以禪觀與妄想,兩相交戰,互為勝負。若是禪觀暫勝妄想,故得心光洩露 初出由警惕 。謂此禪那,所現十境,皆是行人,於色陰中,見理未徹,正定未

#### 壬二 迷則成害

# 眾 生頑迷,不自忖量,逢此因緣,迷不自識,謂言登聖,大妄語

#### 成。墮無間獄。

謂言登聖 逢此十種因緣,暫現即隱,非同聖人實證。迷暗無知,不自覺識;但是禪那現境 眾生秉性頑鈍 是未得謂得 ,遇事迷暗,不自己惟忖思量,而我博地凡夫,豈能忽獲聖應? ,未證言證,大妄語成,墮無間獄中,經無量劫 ,受害無

#### 壬三 囑令保護

以示警惕意耳

# 汝等當依,如來滅後,於末法中,宣示斯義,無令天魔 ,得其方

### 便,保持覆護,成無上道。

顯 覆護正修,而得 魔高 令天魔得便 , 進破受、想、行、識四陰。六結解而圓通證矣 一丈 汝等當依吾言 , 亟 ,乘間而入,為害非細,故以無令囑之。保持者,保持末法;覆護者 |須宣示斯義 :漸次證入,成無上菩提之道也。透過如上十境,色陰破,而根性 ,如來滅度之後,正像已過,於末法中,魔強法弱,道高一尺, ,或結集流通,或現身說法,令末法修行 , 咸 知預 防 無

以示初心,非五陰定是此類,而不可變易也;亦非決有此定數,而不可增減也;但 看行人之用心如何耳。初色陰魔相竟 **﹑寶鏡疏》云:須知以上十境,乃至後文,四十種魔** ,皆是世尊 ,拈其大概

初 始修未破區宇 辛二 受陰魔相 一 終破顯露妄源 分三 壬初 具示始終 癸初分二 子 初 中間十境 躡前色陰盡相 Ξ 結害囑護 狀示受陰區 壬初分二

# 大佛頂如來密因修證了義諸菩薩萬行首楞嚴經講義第二十二卷

宇

#### 阿 難 **!彼善男子,修三摩提** ,奢摩他中, 色陰盡者 • 見諸佛心 如

### 明鏡中,顯現其像。

終不能 心 明 前 陰為終修 經 鏡 如明 ,不從· 此通 總 中 育 人, 見 以 顯現 人得也。 不 明受陰始終之境 ;今色陰雲開 , 望受陰為始修也。 為 處大幽暗 が所惑 其像 此判位 : ,透過前 環 師 ,到此徧成光明,名色陰盡,後皆倣此說之。見諸 , 謂 於自心 ,當在相似位 0 境 :諸 彼善男子, 奢摩他中者:微密觀 佛心, 色陰破而根性顯 顯現 , 即我妙覺明心是也。 , 躡前透過色陰十境之人,或備經 豈不親切明白 前色陰十境, ,仍復精 照 ,即動靜二相 是觀行位 故 硑 喻 眾生迷暗 , 如鏡 故曰修三摩 中 有判名字位者 ,了然不生 現 像 向 佛心 外 提 ,或不備 ·妙覺明 馳 求 , 如 也 望 色

#### 子二 狀示受陰區宇

非也。

邪 若 有所 順 不能動 得 加 ,此則名為,受陰區宇 未能用 • 猶 如 魘 人,手 足宛然 • 見聞不惑 ,心觸客

宛然 雖 然 現 發 丽了,力不自由 ;自在用也。若有所得:合上喻 , ,智慧不惑也。心觸客邪,而不能動者:合未能用也。客邪 若有 而 見聞 不能動 所得者:即 !不惑者:合若有所得也 作自由也。 0 此則名為,受陰區宇:如纔出一屋,又入一屋,故名受陰區宇 相似證也。意謂雖見本有 恐猶 :未明,故復以魘人喻之。喻行人為受陰所覆也。 ,雖見佛心,如鏡 , 雖為受陰所覆 ,妙覺明心,若有所得其體 中像。而未能用:合上喻鏡 ,而自心本具佛心 , 指魘魅 , 所有德! 鬼所著 而 手足 像雖 未能 相 宛

#### 癸二 終破顯露妄源

也

初始修未破區宇竟

#### |;是人則能,超越見濁,觀其所由,虛明妄想,以為其本 魔咎歇 其心離身 ,反觀其面 ,去住自由 無復留礙 ,名受陰 0

中 自 在 由 用 前受陰所覆,如人被魘,今受陰既盡,若魘咎頓歇也。 迷 也 執故 0 良由眾生 <sup>(7)</sup> 非局 而局 ,自從無始以來 , 生局現陰 , 死局中陰 迷為心,決定惑為色身之內,心本不局身 ,無時不局於身,安有離身之自由 其心離身四句 , 即能發

滯留隔礙 分哉?今受陰纔盡 也。 《正脈》云:當知此不同坐脫 ,其心便得離身,且能反觀其面,而得意生身,去住自由 ,而不能復來者;彼但於前幽暗位 ,無復 中

憑定力以坐脫耳。所以九峰不許泰首座也。

則能 令覺知 言盡者 受陰之所由生 ,超越見濁者:此經前見濁文云:汝身現摶四大為體,四性壅令留礙 名受陰盡者 **「,但盡其陰** 相織妄成 , 領納 : 此當 ,名為見濁;今受陰既盡 , 非盡其色,若必令盡色,則色陰盡者 前 境 圓 通 , 虚 , 显以發明 聞 所 聞 盡 , 顛倒妄想 也 0 問 ,性大不織, : 色陰先盡 ,以為其本;縱具苦樂等名 身見亦亡, ,豈全同無色界耶?是人 ,云何復有身面 故能 超 ,四大旋 ? 答 越 曾 : 所 觀 無

於其處 阿 .難!彼善男子,當在此中,得大光耀,其心發明 壬二 中間十境 • 發 無窮悲,如是乃至,觀見蚊蝱 分十 癸初 抑己悲生 至十 著有恣淫 ,猶如赤子 癸初分三 • 内抑 ,心生憐愍 子初 過 發端現相 分 , 忽 •

不覺流淚

實體也。

初具示始終竟

明體露 所覆 蝱 悲者:謂忽於有眾生之處,發同體大悲之心,悲哀不能自已;如是乃至,觀見蚊 乃自責 定 ,當在色陰已盡,受陰未破之中。得大光耀者:即指前十方洞開 皆如赤子,小兒始生, 此下別示,受陰十種魔境。此第一抑己悲生,抑責自己,悲愍眾生,行人修 未能發自在用;謂心既同佛,悟得 (,不早發度生之心,故曰內抑;若一向如此,是為過分。忽於其處 ,故以大光耀稱之。其心發明者:即指見諸佛心,如鏡現像 赤色未退,咸生憐愍之心,不覺流淚,即墮愛見矣!如 切眾生,本具光明 妙心 , ,枉受淪溺 不知尚為受陰 無復幽暗 , 發無窮 卻

#### 子二 指名教悟

是展

(轉過甚

,未免招致魔附也。

# 此名功用,抑摧過越,悟則無咎,非為聖證;覺了不迷,久自消

#### 歇。

聖人 此名有功用心,抑責摧傷, 實證同體大悲境界;從此覺了不迷,漸悟漸止, 過於越分,以致成悲 0 還復正念,久自消歇矣 若能速悟 則無過咎 ,非是

#### 子三 示迷必墜

# |作聖解,則有悲魔,入其心腑,見人則悲,啼泣無限,失於正

#### 受,當從淪墜。

見人則悲 若作聖證之解 ,啼泣無限 , 自謂同佛大悲,自以為是,悲愍不止,則有悲魔 ,遂失正受,而成邪受,種種顛倒,非惟不能增進,定當從此 ,入其心腑

### 淪墜矣。初抑己悲生竟。

癸二 揚己齊佛 金三子初 發端現相

#### 激過分 阿難!又彼定中 • 忽於其中 諸善男子 生無限勇,其心猛利 • 見色陰消 ,受陰明白 志齊諸佛 勝相現前 謂 三僧祗 感

#### 一念能越。

色陰已消 此第二揚己齊佛。 如脫去第五 重衣服 譽揚自己,頓齊諸佛,又彼進修,禪定之中,諸善男子 0 受陰明白者 : 露出 種虚 **二明境界** , 如現出第四重衣

也。 勝相現前者 ;如見佛心 鏡中現像 。感激過分者:謂 向 雖聞 ,心即是佛

服

中 尚 .未親見,今色陰既盡,親證實見,故生感激之心,雖屬好念,然而過分,忽於其 生 |無限勇氣,其心猛而且利,其志頓齊諸佛,謂諸佛修成佛位,必經三大阿僧

祇 劫 ,我今一念, 即能超越 ,一念不生,即如如佛· 也

#### 名功用,陵密子二 指名教悟

#### 此 名功用 陵率過越 悟則無咎,非為聖證 ,覺了不迷,久自消

#### 歇。

覆 , 此 依舊逆流 名功用太銳 照性 , ,志欲陵跨佛乘 則 無過 <del>答</del> 0 非為聖人,實證境界,覺了不迷, , 輕率自任,未免過分越理 。若悟尚 漸悟 漸 為受陰所 止 還復

正念,久自消歇矣。

#### 子三 示迷必墜

#### 至 作聖解,則有狂魔,入其心腑,見人則誇 ,上不見佛,下不見人,失於正受,當從淪墜 我慢無比,其心乃 0

若使作為聖證之解,則有狂魔, 得其方便 , 乘間而入其心腑, 攝其神識 見人

佛者: 生 則矜誇己德,我慢無比,因我起慢,無有比倫,其心乃至,超略三乘賢聖 揚己齊佛竟 不 縱使成佛,尚要經歷三祗,何如我之一念頓超乎?下不見人者:下至一 悟本來是佛 ,豈能知我所證乎?由此失於正受,起諸邪見,當從淪墜矣。二 。上不見 切眾

癸三 定偏多憶 岛三 子初 發端現相

切時 居 又彼定中, ,智力衰微,入中隳地,迥無所見,心中忽然,生大枯渴 ,沉億不散,將此以為 諸善男子,見色陰消,受陰明白,前無新證,歸失故 ,勤精進相 0

不得 微 失故居之所 無新證,歸失故居者:向前,則受陰未破,無有新證之境;退歸,則色陰已盡 入中隳地者 此第三定偏多億 自是迥然一 。當此之時 在此色受兩楹之中 無所見,由此定心之中,無智慧相資也。所以忽然,生大枯渴 0 又彼進修禪定之中,諸善男子 ,但應定慧等持,方能無失。今則定強慧弱 進 退兩難之際 ,二念俱隳 ,見色陰已消 進 ,受陰明白 既 故 不能 智 退亦 力衰 , 而 前

沉憶之久,必有所得。遂即以此為勤勇無間,乃是精進之相,可破受陰也。 如枯待雨 ,如渴待水,於一 切時,沉靜其心,憶念中隳之境,時刻不敢散亂;意謂

#### 子二 指名教悟

### 此名修心,無慧自失,悟則無咎,非為聖證 0

渴 ,一旦頓捨沉憶,定慧等持,則無過咎。非為聖人,實證境界,前後坐斷 此名修心 ,偏用定力,無有智慧相資,自失方便 ,悟知定強慧弱,故致沉憶枯 了,中亦

不立也。文缺覺了不迷,久自消歇兩句, 諒抄寫者之漏落也。

#### 子三 示迷必墜

#### 若作聖解 • 則有億魔,入其心腑,旦夕撮心,懸在一 處 ,失於正

#### 受,當從淪墜

若以沉憶,作為證聖之解,則有憶魔,乘間而入心腑,拘其神識;故令旦夕撮 懸在一處者:謂日夜撮取其心 懸掛 在一處,即中隳地, 沉憶不散,失於正

,

受 無慧自濟,當從淪墜矣。三定偏多憶竟 心

## 癸四 慧偏多狂 空三子初 發端現相

#### 利 又彼定中, ,以諸勝性,懷於心中,自心已疑,是盧舍那,得少為足 諸善男子,見色陰消,受陰明白,慧力過定,失於猛 0

是盧舍那 即古德所謂 心佛一如 力過定,失於猛利者:謂慧強定弱,失於過猛過利。以諸勝性,懷於心中者:以見 以佛自任 此第 四慧偏多狂 。詎非得少為足耶? ,自性本來是佛,故曰勝性。恆作是念,懷於心中,此是過於尊重己靈; ,不假修成也。得少為足者:於五陰中,纔透過色陰十境,色消受現 :太尊貴生也。自心已疑, 。又彼進修,禪定之中,諸善男子,見色陰消,受陰明 是盧舍那者:自己心中,恆常懷疑 ,己身即 白 便 慧

時 執 修成 如是 正 ,孤負己靈,故抑揚之耳。然亦有時令人,大死一番,竿頭進步 脈》 一類之語,不可勝紀,何嘗偏重已靈,全撥修證哉 問:宗門皆言,本來是佛,不待修證,何不為過?答:祖師為人,惟 ,極盡今

#### 子二 指名教悟

## 此名用心,忘失恆審,溺於知見,悟則無咎,非為聖證 0

中 自有 此名用心偏僻定力微弱,忘失恆常審察,自己分位。溺於知見者:一味過信身 如來知見, 執性礙修,故至於此。若能省悟, 色陰纔破 ,受陰方現 如鏡

子三 示迷必墜

現像

,不能得用

,依舊進修本定,則無過咎

,

非為聖證

# |作聖解,則有下劣,易知足魔,入其心腑,見人自言,我得無

# 上,第一義諦,失於正受,當從淪墜。

設若作為聖證之解,以舍那自任, 攝其神識。 見人則言,我已得無上菩提,第一義諦之理。失於正受,心隨魔 迷不知返,則有下劣易知足魔 2,乘間 入其心

愛,當從淪墜矣。 四慧偏多狂竟。

腑

癸五 歷險生憂 金三 子初 發端現相

#### 又彼定中 一,歷覽二際,自生艱險,於心忽然, • 諸善男子,見色陰消,受陰明白 生無盡憂 • 新證未獲 ,如坐鐵床,如飲 ,故心已

### 毒藥,心不欲活,常求於人,令害其命,早取解脫 0

畏 譬如坐臥鐵床,飲食俱各不安。心不欲活,恨不速死,以至求人害命,早取解脫 故心已亡者:受陰顯現,而未能用,故曰新證未獲。色陰破盡 ,進退維艱,如臨危險之處。於心忽然,生無盡憂愁。如坐鐵床,如飲毒藥者: 此第五歷險生憂。又彼進修,禪定之中,諸善男子,見色消受現,新證未獲 **歷覽二際,自生艱險者:謂經歷徧覽前後二邊際相** ,至此無餘 無所用 心 , 故曰故 自生怖

#### 子二 指名教悟

也

#### 此名修行,失於方便, 悟則無咎,非為聖證 0

此名有心修行,恐懼過甚,失於智慧觀照之方便。悟知改過忘憂,則無過咎

自可復歸本修,非為聖證境界。

#### 子三 示迷必墜

# 若作聖解,則有一分,常憂愁魔,入其心腑,手執刀劍 , 自割 其

# 肉 ,欣其捨壽;或常憂愁,走入山林,不耐見人。失於正受,當從

#### 淪墜

懷憂愁,走入山林 心 腑 設若作聖證之解,以捨命為解脫,魔得其便,則有一分,常憂愁魔,乘間 增其憂愁 ,手執 ,深厭世故,不耐見人。失於正受,妄起邪念,當從淪墜。五歷 **万**劍 , 自割其肉 , 欣其捨壽速死 7,早取 解脫 0 或有 輕微 入其 常

癸六 覺安生喜 金三子初 發端現相

險生憂竟

#### 又彼定中, 諸善男子,見色陰消 ,受陰明白 處清淨中 ,心安隱

後 ,忽然自有,無限喜生,心中歡悅,不能自止 0

方洞 者 塵 不染 崩 將謂得大自在 此第六覺安生喜。又彼進修,禪定之中,諸善男子,見色陰消,無有質礙,十 ,得大光耀 恆常清淨 ,心中歡悅 ,受陰已現,心地虛明,覩見佛心, 處此境界 ,不能自止 ,心安隱後 。此宗門下之大忌也。祖云:設有悟證 ,忽然自有 , 如鏡中像。 無限歡喜之心生。 處清淨中者 不能自止 :

講義

快須吐卻,即此之謂也。

#### 子二 指名教悟

### 此名輕安,無慧自禁,悟則無咎,非為聖證 0

此名定心成就 ,暫發輕安,身心快樂,莫可言喻 0 無有智慧,不能自禁。若能

覺悟返悔,則無過咎。非為聖人,實證境界也。

#### 子三 示迷必墜

# 若作聖解,則有一分,好喜樂魔,入其心腑,見人則笑,於衢路

### ,自歌自舞,自謂已得, 無礙解脫,失於正受,當從淪墜 0

當如是。見人則笑,恣情縱意,於衢路傍,歌舞自娛,將謂已得自在,無礙解脫 設若作為聖證之解,則有一分,好喜樂魔 ,乘間而入心腑,自謂聖心樂道 , 應

失於正受,妄起邪念,當從淪墜矣。六覺安生喜竟。

## 癸七 見勝成慢 金三子初 發端現相

又彼定中, 諸善男子,見色陰消,受陰明白,自謂已足, 忽有無

#### 媏 劣慢,一時俱發,心中尚輕十方如來,何況下位聲聞緣覺 ,大我慢起,如是乃至,慢與過慢 ,及慢過慢,或增上慢

果有實證 我慢起。言我慢者 以為七慢之總 此第七見勝成慢。又彼進修,禪定之中, 真已圓 ,是為有端,今未證言證,是為無端 , 故自謂已足,即自滿自高之意 ,乃因我起慢 一,如言我即是佛,我得無上涅槃等 諸善男子,見色消受現,以為諸妄已 0 ,將必以我為勝 依此我慢,恃己凌他,高舉為性 ,故致無端 ,故稱為大。若 , 忽有大

聲聞 勝 甚 劣計己勝,於等計己等, 對多勝者 , 彼 為慢過慢 七慢者: 但 謂 ,自甘劣少,不敬不求,為卑劣慢也。 此 本 平來同佛| 即那慢 。未得謂得 《開蒙》 0 **而已**, 尚輕如來 云:單慢 ,計劣己多,為增上慢。自全無德,謂己有德 為單慢 此則 更謂超越 ` 。於勝計己等, 不禮佛寺也 過慢、 記諸佛 慢過慢 0 七慢一時俱發 心中尚輕十方一 於等計己勝 增 ` 邪 我 , 切如來 為過慢 卑也。 此比前慧偏多狂 彼釋云 , , 為邪慢 於勝計己 何況小乘 : 於

更

#### 指名教悟

#### 此名見勝 。無慧自救,悟則無咎,非為聖證 0

此名唯見己靈尊勝 , 慢氣所使 , 起諸慢心, 且無智慧 ,自救其病 0 設若能用慧

為聖人, 實證境界 照觀

察

,

觀諸

法性平等

,

尚不見有眾生可

慢 ,

安敢慢諸十方聖賢哉?

悟則

無咎

非

#### 子三 示迷必墜

真常 像 棄地中 作聖解 , 謂檀越言 • 不自恭敬 ,疑誤眾生,入無間獄,失於正受,當從淪墜 ,則有一分 :此是金銅 • 卻崇土木 • 大我慢魔,入其心腑,不禮塔廟 ,或是土木, ,實為顛倒 經是樹葉 0 其深信者 • 或是氎 • 0 從其毀 華 • 摧毀 碎 肉 經

恣其所 佛真常 為 經典是樹葉氎華 , 不禮塔廟 , 摧毀經像 , 自說為向上真宗,不自恭敬,卻崇土木 ,則有一分大我慢魔 0 或謂 禮越言 佛像是金 銅 ` 土 木 實為顛倒 肉 身 為活 大

若終執

迷

,

作為聖證之解者

,

乘間而入心腑

攝

其神識

進修者,故作峻厲之語,而激之,實一片真慈 祖 哉?合轍問 答 獄 言不慚,疑誤一切。其深信者,從其毀碎埋棄地中,造無量罪,魔教害人,入無間 .師言句,是破草鞋,非大我慢乎?答:此為執外求,而不達自心,執言教而不肯 : 祖師 失於正受而起邪受,當從淪墜。《正脈》問:祖師門下,呵佛罵祖,何以異此? 極欲人悟一性平等,心外無佛,剿絕佛見而已,豈真增長高慢 : 臨濟不禮祖塔 ,丹霞之燒木佛,德山說一 ,誰曰慢心?若使祖師,真有慢心, 大藏教 , 如拭涕帛 ,反失平等 0 巖 頭說

癸八 慧安自足 金三子初 發端現相

則亦不免泥犁,況其他乎?七見勝成慢竟

#### 理,得大隨順。其心忽生,無量輕安,己言成聖,得大自在 又彼定中, 諸善男子,見色陰消,受陰明白, 於精明中, 0 圓悟精

悟精 中 理者 親見佛心是也。得大隨順者:既見佛心,則得大無礙,莫不隨心順意者矣。其 此第八慧安自足。又彼進修,禪定之中,諸善男子,色消受現,於精明 精明即是自心 , 識精元明之中, 圓悟至精之理 ,即是佛心 ; 謂 於自心 单 員

也 心忽生,無量輕安者:回觀色陰既消,超然無累,離諸麤 。己言成聖 ,得大自在者:因見受陰顯現 ,如鏡現像 ,瑩然朗徹,己言自己成 重染垢故, 忽生無量輕安

聖 ,自心佛心, 無二無別 ,勿勞再修 ,得大解脫自在也

#### 子二 指名教悟

#### 此名因慧,獲諸輕清, 悟則無咎 ,非為聖證 0

此名因慧:謂因於精明之中,圓悟精理之慧,獲諸輕安清淨之境,離諸麤重之

相 此 但 二時 豁悟 , 何足自滿?受陰尚未曾破 , 還依本修 ,庶無過咎 , 非為聖人

實證境界矣。

#### 子三 示迷必墜

#### 若 進 作聖解,則有一分, • 此等多作無聞比丘,疑誤眾生,墮阿鼻獄 好輕清魔,入其心腑, • 自謂滿足, 失於正受 ,當從淪 更不求

#### 多。

若作聖證之解者,則有一 分好輕清魔,乘間入其心腑。好輕清魔者 如世有不

肯親近 現 入其心腑 依 !正覺,修三摩提,一向攝念靜坐,稍獲輕清,生自足想,死而不化,年老成魔 , 毀謗 知識 開法嫌 ,持其神識 ,請求開示 Ä ,或令人聞而生疑 。自謂功行已滿,福慧已足,更不再求增進矣。此等眾生,不 ,多作無想天中, ,從謗生誤 無聞比丘 ,以謗法因 ,未證言證 , 斷菩提種 ,及至命終 故曰墮無 ,受生相

癸九 著空毁戒 剑三子初 發端現相

間獄。失於正受,而起諸邪受,當從淪墜矣。八慧安自足竟。

性 又彼定中 ,其中忽然 • 諸善男子,見色陰消,受陰明白,於明悟中,得虛明 • 歸向永滅,撥無因果, 一向入空,空心現前

### 心生,長斷滅解。

生可度,一 起 十方洞開 , 空淨之念 此第九著空毁戒。又彼進修禪定之中,諸善男子,見色消受現,於明悟中,即 ,豁然無礙 向入空,斷空之心現前,乃至心生長遠斷滅之解,即歸向永滅也 ,永沉斷滅 ,觀受陰虛明之性,廓爾顯現 , 遂致撥無因果 ,從此不假修為 ,無法可得,於其心中 , 上無佛道 可成 , ,忽然生 下無眾

#### $\begin{array}{c} 1\\4\\0\\4 \end{array}$

#### 子二 指名教悟

### 悟則無咎,非為聖證。

此斷空非是,仍依本修,則無過咎。非是聖人實證真空境界。 名定心沉沒 漏 ,今準前後 .指掌疏》云:按前後諸科,此處皆有此名等語,惟此科獨缺,或是筆授脫 ,失於照應。此名定心,沉空滯寂,未免過於沉沒,失於慧照觀察。 ,撮略本科中意 ,而補足之,亦不敢自以為是, 俟高明者更辨之 0 此 悟

#### 子三 示迷必墜

若 種俱空,破佛律儀,誤入人罪,失於正受,當從淪墜 力故,攝其前人,不生疑謗,鬼心久入,或食屎尿,與酒肉等 作聖解 • 有何持犯?其人常於,信心檀越,飲酒噉肉 • 則有空魔 ,入其心腑,乃謗持戒,名為小乘 ,廣行淫穢 ;菩薩 因魔

戒 名為小乘道。且以大乘菩薩自居,謂大象不行於兔徑,大雅不拘於小節;而菩 若以斷滅空 , 作為聖證之解 ,則有空魔 ,乘間入其心腑, 持其神識 , 乃謗持

尿 人 心 更有 薩但得悟空,何須持戒?雖飲酒食肉,無非解脫之場,詐偽貪淫,總是菩提之道 頭坐;又復廣行淫穢之事, 與酒肉等,一種淨穢俱空,破佛所制戒律威儀,又以誤言,入人於罪,失於正 .何持何犯之可得哉?其人常於信心檀越之前,飲酒噉肉 謂是逆行 ,不生疑謗 。鬼心久入者:魔鬼之心,入之既久,熏染已深 謂淫怒癡 ,即戒定慧,因其魔附之力,攝其現前之 ,謂酒肉穿腸過,佛在 或食屎

癸十 著有恣淫 分三 子初 發端現相 受,起諸邪受,當從淪墜。九著空毀戒竟

#### 又彼定中 • 諸善男子, 見色陰消 ,受陰明白,味其虚明,深入心 0

骨,其心忽有 ,無限愛生,愛極發狂 • 便為貪欲

中 者 自 由其虚明體性 此第十著有恣淫。又彼進修,禪定之中,諸善男子,見色消受現,味其虚明 然妙樂 , 非世可 ,深生味著,不能放捨,入於心骨,忽有無限愛心發生;以禪定 此 0 愛極生潤 , 情動發狂,欲境現前,不能自持 ,便成貪

欲

不能自主

指名教悟

#### 此 名定境,安順入心,無慧自持, 誤入諸欲, 悟則無咎, 非 為

登。

也 0 若以慧照觀察 此 名定境 0 安順深入心骨 ,此是妙觸受用,不生耽著,一 , 無有慧力, 以自執持 悟則無過咎,非為聖人 ,致令愛極 發狂 , 誤 , 實證境 入諸 欲

#### 子三 示迷必墜

界 。

心生厭 凡 若 衣 作聖 愚 • 平等行欲 ,其數至百 解 ,離其身體 • 則有欲魔 ,其行淫者 ,如是乃至,一百二百,或五六百,多滿 ,威德既無,陷於王難 ,入其心腑 ,名持法子,鬼神力故 0 向說欲 ,疑誤眾生,入 ,為菩提道 ,於末世 千萬 ; 化 諸 中 無間獄 攝 • 魔 白 其 •

### 失於正受,當從淪墜。

此魔附恣淫,文皆易解 。今當辨明 , 上來所 現 (十境,與色陰十境不同 0 色境從

定弱 過分 不出受陰之中,苦、樂、憂、喜、捨之五相也。二中間十境竟 大我慢。八以輕清,自生滿足。九以著空,因而毀戒。十以著有,由是貪淫,故皆 皆言失於正受,正受屬定,邪受屬魔,既失正受,必起邪受,故屬魔業 各別現起,所謂境同見異,隨見起執成魔,《灌頂》云:受陰橫開是也。以上十科 前向後,次第相生,透過一層,又現一層。《灌頂》云:色陰豎發是也。此之受陰 ,反成卑劣。五歷覽二際,故生其憂。六覺得輕安,生無限喜。七以見勝,生 發無窮悲。二以感激太過,生無限勇。三以智力衰微 ,而為沉憶 0 。一以內抑 四以慧強

阿難!如是十種 壬三 結害囑護 1,禪那現境,皆是受陰,用心交互,故現斯事。 分三 癸初 示因交互 二 迷則成害 三 囑令保護

悲 理欲交戰,互為勝負。如得大光耀,乃至得虛明性,皆觀力勝妄想也。如發無窮 ,乃至無限愛生,皆妄想勝觀力也。故現斯事 乃呼當機,而告之曰:如是十種,禪那所現之境,皆是受陰未破,用心未善,

#### 癸二 迷則成害

大佛

#### 眾 生頑迷,不自忖量 • 逢此因緣,迷不自識 • 謂言登聖,大妄語

#### 成,墮無間獄。

迷不自識者:如得大光耀 ,得虚明性等,不知何自而致 。謂言登聖者 :即未證

言證,故曰大妄語成,墮無間獄。

#### 癸三 囑令保護

# 汝等亦當,將如來語,於我滅後,傳示末法,徧令眾生,開悟斯

### 義,無令天魔,得其方便,保持覆護,成無上道 0

方便 汝等須將如來之語,傳示末法,徧令修定者,開悟了知斯義 使得保持末法,覆護正修,以便漸次修證 , 而成無上之佛道也。二受陰魔相 ,不為魔惑 心,得其

竟

楞嚴經講義第二十二卷終

## 大 佛頂如來密因修證了義諸菩薩萬行首楞嚴經講義第二十三卷

福 州 鼓 山湧泉禪寺圓瑛弘悟述受法弟子明 暘 日新 敬校

初 始修未破區宇 二 終破顯露妄源 辛三 想陰魔相 分三 壬初 具示始終 癸初分二 二 中間十境 子 初 躡前受陰盡相 Ξ 結害囑護 狀示想陰區 壬初分二 癸

鳥出籠 阿難!彼善男子,修三摩地,受陰盡者,雖未漏盡,心離其形,如 ,已能成就,從是凡身,上歷菩薩 ,六十聖位 ,得意生身 •

隨往無礙

0

宇

經 望想陰為始修也。受陰盡者:而於前境,一一透過,然猶為想陰所覆 總以不為所惑,透過前境,受陰破,仍復精研,故曰修三摩提;望受陰為終 此 通 明 '想陰始終之境。彼善男子:躡前透過受陰十境之人 ,或備經 , ,故云雖 或不備

由 未漏 無始 盡 迷執 ; 而雖之云者 非局而局 ,亦有似盡意耳 縱色陰盡 ,十方洞開 0 心離其形者:以真心周徧 , 見聞周徧,亦無離身自在之用 本來不局於身 , 此

無礙 皆實 根之體 依 意 也 行 位 妙 如 皆受陰覆之之故。 以從凡 生身 者: 甇 此 也 鳥 出 不惟能現 識 取 於五 入聖 證 .籠 中 變 而 , 喻之。 種 ` 有三 故 + 似 現 覺法 十五位 得 應是覺法自 類 聖 ; , 領生 ,且能普入諸剎 種 大 經生 位 漏 既 鳥 自 果 : : 盡 得 今受陰既盡 性 累劫 此 勝用 理 , 前 喻離根之體 此識 , 無作意生身 同 乃 , ` 入三昧 性 性意生身 指 加三漸 , , 0 , 以得 證得一分, 故 圓 即能 , 性意生身 三三能: 頓 最 適悟: 次 ,方得心離其形 , , 覺了 故云隨往無礙 樂意 和之根 籠 ;謂了佛所證法, ,及乾慧地 謂 故 成就 喻 , 方 也。 普 生身 所結之根 0 |入佛剎 到一 以 , , 切諸 得意 離 決定能以 從是博 謂 ),後加 位 根之體 法 0 生身 心寂 , 0 , , 初躡前受陰盡 豈 , 親 以 地 離 自 即九信十信 能 根之體 法為自 妙覺,恰成六十。今通名聖者 凡 凡夫之身 見離根之體 不 , 性 即 動 隨 以凡身 身 如 是第 往 , , 幻 無礙者 性 即 上 , 即是第八本識 , 八本識 柏 , 歷聖位也 , , 相 以 即 頓 上 ::恐猶 似 , 唯 修 を諸 初信至 柏 歷諸位哉?六十 識 中 喻 似 , 變故 位 位 未 八 如 七信 意去 菩薩 切 信 非 崩 也 諸 同 0 0 , , , 此 得 出 既 故 別 法 , , 此身 入 速疾 乃至 假 教 得 又以 空空 皆 種 聖 位 離

#### ナー 狀示想陰區宇

#### 次,令不寐者,咸悟其語, 如有人, 熟寐寱言 ,是人雖則,無別所知,其言已成,音韻倫 此則名為 • 想陰區宇 0

悉知 奉 位 次序可別,令不寐之人,咸皆明悟其語。是想陰未破之人,得意生身,上歷六十聖 睡 聖旨 人,昏昏不覺 熟寐 此 隨 人 往 , , 無礙 ,深睡也 則諸佛誰不親知而見耶?此則名為 所現之身相可見,位次不紊 ,而於上合下同,實未親證故。 ,而於所說之事 ;寱言 ,是自言自語也;非同醒人之言,以有想陰所覆故 , 雖則無別所知,但其寱言 , 如二 , 一漸中 雖未親證,而所現不誤;諸 想陰未破之區宇, , 言其得通 ,已成音韻 遊界 初始修未破區 , **覩佛聞** 可 聽 佛菩 法 , 倫 是深 薩 , 親 類

#### 癸二 終破顯露妄源

竟

#### 照 若 動念盡 名想陰盡 • 浮想銷除 。是人則能,超越煩惱濁 , 於覺明心, 如去塵垢 , 觀其所由 • \_• 倫生死 • 融通妄想以為 • 首 尾 圓

#### 其本。

此當 稱之。 惱 無 是 心 首 細 心 末浮 濁 也 光 從 有 動 者 故 崩 動 想 箇 圓 卵 相 然類 指 動 能 通 既 生 如 念 能 , 堂疏》云:動念者,即指第八識所含六識種子; 覺與所覺 顯 垢 既盡 無所 必有 覺之心 如 覺所覺空也 生 尾 前煩惱濁文云,又汝心中 0 , 至非 生滅 從起 想 , , 倫 浮 生 , , 滅 **粮元** 無想 生死 想不 即是根本想陰 即是第 , 而 故 根 生 ,首尾 生 俱空矣 0 元 云浮想銷除 從此 , , , 八識 《指掌疏》 即 皆 故 能 !所以不復真者 是行陰 披露 圓照者:謂三界十二類眾生,一 云如去 中 圓明照察 ,六識浮 - , 六識 0 云:前於聞 (塵垢 覺 如後文所云: 行陰既現 明 憶識誦習 種子 想 心 , , 生從何· 蓋 , , 以性識 即第 皆依 , 微 以猶為行陰所 所聞盡時 , 細 是則 見諸 來 八本識 此想起故 離 動相 覺明 , 塵 死向 超 十方 無相 如鏡 以有 出 , ;以帶妄故 今想既盡 想陰 覺得有箇 何 0 , 十二 去 類 此 微細動相 覆 , 離覺 六 識 浮 想既 嵌 , 故曰 眾生 類 以 無性 是 聞 盡 塵 , 所有 微 想如 人 所 名 不言妙覺 垢 , , 六識 聞 想陰 畢 故 則 細 既 以動念 相 能 動 盡 生 塵 殫 盡 其類 織妄 超煩 相 盡 死 中 宛 覺 微 亦 明 枝 0

生 成 ,元從融通妄想 ,名煩惱濁。今以動念既盡,浮想銷除,想除識空,故能超越。回觀想陰之所由 ,交織妄成,以其想陰,能融通質礙,如心想醋梅 ,口中水出是

也。初具示始終竟。

愛圓明,銳其精思,貪求善巧。 阿難!彼善男子,受陰虚妙,不遭邪慮,圓定發明,三摩地中,心 壬二一 中間十境 分十 癸初 **貪求善巧** 至+ 貪求永歲 癸初分七 子 初 定發愛求

界 , 者 善 愛著圓滿 : ۰ 後皆倣此。三摩地中,心愛圓明者:於此禪定心中,忽起一念,愛著圓明 謂不遭遇,受陰邪慮所惑。圓定發明:即圓通妙定,得以發明 虚謂見聞 此下別示,想陰十種魔境,此第一貪求善巧。彼指透過受陰之男子 ,發明一切妙用故 [編周 , 妙謂離身作用 。勇銳其志,精進思惟,貪求變化,更進善巧 , 如鳥出籠, 得意生身,隨往無礙 。是受陰已盡境 不遭邪慮 ,是以稱 ,將以悚 , 謂

#### 子二 魔遣邪附

大佛

頂如來密因修證了義諸菩薩萬行首楞嚴經講義第二十三卷

動人心,

以行教化

,廣作佛事

也。

#### 爾 時天魔 ,候得其便,飛精附人,口 說經法 0

之身 不得入其心腑。故假旁人惑之,轉令自亂耳。 資其邪慧 當爾之時 ,素受邪惑者 ,以令聽受 ,天魔,即六天魔王,候得其便 0 飛精 ,非真能說佛法 , 如軍門飛檄 ;若真能說佛法 ,官府之類 ,有隙 0 口說相似經法 可乘,即飛遣精魅,以附他人 , 即非魔矣 0 蓋受陰盡者 ,由魔附之力 , 魔

#### 子三 客邪投擾

其 敷座說法 女 八人不覺 ,或比丘尼,或寢暗室, • 是其魔著,自言謂得,無上涅槃 其形斯須 , 或作比丘 身有光明 ,令彼人見 0 • ,或為帝釋 來彼求巧善男子處 或為婦 •

之法 以其人一向不能說法,今竟無端能說經法,自己疑成佛道 求巧善男子處 其人:即所附之人;不覺者:雖為魔著,不自覺知。自言謂得 其形斯須者:其形貌於斯須少頃之間,或現作比丘身,以現同類身 , 敷座說法 ,蓋欲設計誘惑之耳 0 說法者 : 正說善巧方便 ,謂言得無上涅槃, ,無上涅槃者: 示 ,投其所 現 來彼 神 通

好 ,令彼生信。或現帝釋身,或現婦女身,及比丘尼者:此現異類身也。

種 親見其人 來像等。但彼乃魔自來現,此乃附人轉現。又則彼但見所現之像 種光明 **〔起信論》云:座中或現,端正男女等相。又云:或現天像、菩薩像,亦作如** ,或時說法,或時現形,或時放光,廣作善巧,鼓動其心,令其自亂耳。 斯須變化 如此非有深定妙慧,鮮有不被其惑者。 或寢暗室之中 ,或可有疑 身有 此則

#### 子四 主人惑亂

## 是 人愚迷,惑為菩薩,信其教化,搖蕩其心,破佛律儀,潛行貪

#### 欲。

行毀戒 潛行貪欲者:是魔惑亂行人,徹底主意,凡行人著魔,欲心便起 必定鑒機,自是傾心,信其教化,將所習定心,咸被搖蕩,所秉戒律,咸被破壞 是人愚而無智 ,而不解脫者此也。 ,迷不自覺 然淨行深,智慧強者 ,惑為菩薩,三輪應機 ,任其善巧莫測 身輪現通 ),口輪 ,以魔多貪欲 但察誘淫毀戒 說法 意輪 潛

便知是魔

,決非佛誨,何至迷惑,此反為驗魔之一

助耳

#### $\frac{1}{4}$

#### 子五 按其言狀

## 中好言,災祥變異,或言如來,某處出世;或言劫火, 或說刀

# 兵,恐怖於人,令其家資,無故耗散。

家資 起、刀兵小三災至,則整家以求救脫;或說休徵,某處有佛,傾資以求接引;故曰 出 世等;變異 (無故耗散。及至臨時 :中常好說言:災,是咎徵 ,即怪誕反常之言 ,了無其事 。令其家資,無故耗散者:或說咎徵,劫火大三災 ,劫火刀兵等 , 恐怖於人;祥 ,是休徵 如 來某處

#### 子六 出名示害

#### 此名怪鬼 • 年老成魔 • 惱亂是人,厭足心生。 去彼人體 ,弟 子與

#### 即,俱陷王難。

體 侶 ; 前 怪鬼 魔既 飛精附人,即此 :即遇物成形者。 不附,即無威德 鬼也。 。 弟子 年老成魔者:以為鬼既久,魔王錄為役使,得成魔王伴 惱亂是修定之人 ,即貪求善巧之人等;師, ,定力既破 , 即魔附惑人者 厭足心生 ,去彼所附 。俱陷王

難:官廳坐以妖言惑眾,敗壞風俗之罪,此是華報,果報當在地獄。

#### 子七 教悟戒迷

# 汝當先覺,不入輪迴;迷惑不知,墮無間獄

汝當聽言察理,預先覺知是魔,不為所惑, 而超出生死,不入輪迴。 倘若迷惑

不知,受其惱亂,必墮無間之獄,可不慎哉!初貪求善巧竟。

### 癸二 貪求經歷 st 子初 定發愛求

# 阿難!又善男子,受陰虚妙,不遭邪慮,圓定發明,三摩地中,心

## 愛遊蕩,飛其精思,貪求經歷。

明 作用,如鳥出籠,得意生身,隨往無礙。不遭受陰,邪慮所惑,圓通妙定,得以發 此皆色受已盡境界,不為形質所拘。於三摩禪定之中,忽起一念愛著。 此第二,貪求經歷。又善男子,透過受陰十境;虛者,見聞徧周;妙者 遊蕩 離心

大佛頂如來密因修證了義諸菩薩萬行首楞嚴經講義第二十三卷

:飛是奮起之意,飛奮其精神思慮,朝夕研究,貪求經歷剎土,大作佛事

,放蕩自在,如諸聖之遊戲神通,徧周塵剎

。飛其心思,貪求經歷

, 即此

者

者

謂遊戲神通

(首楞嚴

以為致魔之端

子二 魔遣邪附

爾時天魔,候得其便,飛精附人,口說經法 0

講解 同前

子三 客邪投擾

其人亦不覺知魔著,亦言自得無上涅槃,來彼求遊善男子處 ,敷座

金光聚 , 一眾聽人,各各如是 ,得未曾有 0

,自形無變,其聽法者,忽自見身,

坐寶蓮華,全體化成

說法

見身坐寶蓮華,全體化成紫金光聚,儼成佛道。既能如是,則心愛遊蕩之志,何患 其人至敷座說法同前。自形:指說法者,自己形貌, 無有改變。其聽者: 忽自

不遂?一眾聽法之人,各各如是,得未曾有,正所以投其欲也

子四 主人惑亂

是人愚迷,惑為菩薩,淫逸其心,破佛律儀,潛行貪欲 0

蕩 無所忌憚 是貪求經歷之人,愚迷無智,惑為菩薩,身命皈依,恣淫縱逸其心,遊戲放 :,將自修圓定之心,破佛所制律儀,暗中潛行貪欲之事。惜乎昔為佛

今為魔侶矣。

#### 子五 按其言狀

是 中好言 ,某菩薩等,來化人間,其人見故,心生傾渴,邪見密興, ,諸佛應世 • 某處某人,當是某佛,化身來此;某 種智 人即

#### 消滅 o

佛國 身來 魔附之人 此 前明自受其害 ,因彼行人,意在不離當處,徧遊塵剎,故作是說。其人,即貪求經歷者 有佛必有菩薩 ,故心生傾渴 ,此明世受其惑。口中好言 ,某人即是某菩薩等,來教化人間 日親日近,時熏時染 ,諸佛某處應世,某人當是某佛 ,故致邪見密興 , 魔 ,正見日晦 「所說, 皆以眼 ,種智銷 前 , 化 見 為

#### 出名示害

大佛

頂如來密因修證了義諸菩薩萬行首楞嚴經講義第二十三卷

滅

慧命斷絕矣

### 此名魃鬼 ,年老成魔,惱亂是人,厭足心生,去彼人體 ,弟子與

#### 師,俱陷王難。

魃鬼,即旱魃之鬼,遇風成形者

子七 教悟戒迷

### 汝當先覺,不入輪迴;迷惑不知,墮無間獄 0

準上可知,二貪求經歷竟。

癸三 貪求契合 岛世 子初 定發愛求

### 又善男子,受陰虚妙,不遭邪慮 • 圓定發明,三摩地中,心愛緜

### **淴,澄其精思,貪求契合。**

綿密 此第三,貪求契合。首四句同前。心愛緜潪者:正以不遭受陰邪慮,自覺定心 圓通妙定,得以發明,自覺妙用潪合,得意生身,上歷菩薩,六十聖位,由

是於三摩禪定心中 ,忽起愛慕 ,必至澄寂其精神,竭盡其思慮,貪求契合 ,密契至

理,脗合妙用,豁然開悟也。

#### 子二 魔遣邪附

# 爾時天魔,候得其便,飛精附人,口說經法。

即此貪求契合一念,便為致魔之由

子三 客邪投擾

間 心自開悟,念念移易,或得宿命,或有他心,或見地獄 座說法,其形及彼,聽法之人,外無遷變,令其聽者,未聞法前 其人實不覺知魔著 ,好惡諸事,或口說偈, ,亦言自得 或自誦經,各各歡娛,得未曾有 ,無上涅槃 ,來彼求合善男子處 ,或知人 分敷 ,

其人至敷座說法同前。 其 形 ,即說法者身形,及彼聽法者身形,外無遷移改

得圓 。令其在會聞法之人,未聞法前,心自然開悟,相似得圓通體,念念移易,相似 通 用 ,或得宿命通,能知過去之事,或得他心通,能知他人心念,或見地獄

了極苦之狀態 ·,或知人間好惡之諸事, 或口宣說偈語, 或自背誦經文,以上皆密契

之事

,各各歡喜娛樂,得未曾有

#### 子四 主人惡亂

# 是人愚迷,惑為菩薩,緜愛其心,破佛律儀,潛行貪欲。

緜愛者:纏緜親愛有欲密結其心, 信其教化 ,破佛律儀 , 與其同事 ,潛行貪

欲

#### 子五 按其言狀

佛 口中好言,佛有大小,某佛先佛,某佛後佛,其中亦有,真佛假 ,男佛女佛,菩薩亦然,其人見故,洗滌本心,易入邪悟

即是菩薩,故曰菩薩亦然。其人見故者:即指行人,見魔附之人,能令開悟 之人 得道 假佛者:妄窮真極,乃名為佛,豈有真假之別?男佛女佛者:自古成佛,皆以男身 。三祇煉行,百劫修因, 上乃自受其害,下乃世受其惑。口中常好說言,佛有大小,某佛先佛 ,盛行貪欲為男佛 ,女人五漏之軀,焉得作佛?菩薩亦然:亦有男菩薩,女菩薩者 , 受其 佛佛道同 欲者 ,承順魔意為女佛 ,古今一致,豈有先後之分?其中亦有 ,又以變化男女 ,倣行欲 ,其意指魔附 , 某佛後 密契 真佛 事

佛

之事,併信其所說,遂認邪為正,將妄作真,洗滌本所修心,容易入於邪悟。

子六 出名示害

# 此名魅鬼,年老成魔,惱亂是人,厭足心生,去彼人體,弟子與

師,俱陷王難

魅鬼,即遇畜成形者,餘準上可知。

子七 教悟戒迷

# 汝當先覺,不入輪迴;迷惑不知,墮無間獄。

此準上可知,三貪求契合竟。

癸四 貪求辨析 分寸 子初 定發愛求

# 又善男子,受陰虚妙,不遭邪慮,圓定發明,三摩地中,心愛根

本,窮覽物化,性之終始,精爽其心,貪求辨析 0

陰既盡,露出微細動相,不知其是六識種子,根本想陰,謬謂其因動有生,而為萬

此第四,貪求辨析。首四句同前。行人於三摩禪定之中,心愛根本者

:正以受

爽其心 物根本 無不到 現前,一一分明,即此一念,實為致魔之端 數 現 前 , 此 種 , 佛智邊事 ,而吾心之全體大用無不明矣!如本經佛云:世出 。由是一味窮覽萬物變化,性之終始;一旦豁然貫通焉 種 貪求辨析者:猶言奮其精神, , 松直 ;佛轉第 棘曲 , 鵠白鳥玄,皆了元由 八識 ,成大圓鏡智 竭其心力,貪求辨別物理,分析化性 , , 故能 乃至恆沙界外, 如是;初心希求 世法 ,則眾物之表裏精粗 ,知其本因 一滴之雨 , 真妄想也 , 盡 ,有欲 以 故 知 精 頭

子二 魔遣邪附

爾時天魔 ,候得其便,飛精附人,口說經法 0

準上可知。

子三 客邪投擾

座說法 是諸人等 其 人先不覺知魔著,亦言自得 • 身 有威神 將佛涅槃 推伏求者 , 菩提法身,即是現前,我肉身上,父父子 • • 令其座下 無上涅槃 • • 雖未聞法 來彼求元善男子處 • 自然心伏 ,敷 •

#### • 遞代相生,即是法身,常住不絕,都指現在 ,即為佛國 無別

#### 淨居,及金色相

以為根 曾聞法 佛國 菩提中真性菩提,三德之中法身德,即是現前,我肉身上,父父子子,遞代相生 魔附之身 其人至敷座說法易知。惟求元,是愛窮萬化之本元。身有威神, 即染即淨 本 ,自然心悅神伏。是諸人等下:主伴同惑,將佛之三涅槃中, ,即是法身,常住不絕,不生不滅之性 亦 有 , 一威嚴可畏之相 無別淨居 ,及金色相,即凡即聖也 , 神通 攝持之力 ,能摧伏求元之者,令其座 ,不離生滅之中, 都指現在 性淨涅槃 推伏求者 下 即為 : 指 · = 雖

#### 子四 主人惑亂

#### 其 ,推究其心,破佛律儀, 人信受,亡失先心,身命歸依,得未曾有 潛行貪欲 0 是等愚迷,惑為菩

歸依 其人,即求元之人,信其邪師 卻 以肉 .)身相生, 鄙賤之事 , 為化理元 , 受其魔教 ,得未曾有。是等愚迷,惑為菩薩 ,亡失先前 ,本所修心 舉 其身命 推 以

究其心之所好,無不承順,以纏縛為解脫,破佛律儀,以淫愛為佛性,潛行貪欲

子五按其言狀

#### 中好言 **;眼、** 耳、鼻、舌, 皆為淨土;男女二根,即是菩提涅槃真

### 處;彼無知者,信是穢言。

真處 無有 向好言,是則外道邪見,況以男女二根,污穢不淨之本,以為萬化根元,菩提涅槃 知識之者,多信是穢言,淪入魔隊 ,褻瀆佛法 中好言 ,眼耳鼻舌,皆為淨土,若為對治權宗,薦取根性,於理或可;若一 ,混亂真理 《正脈》云:大意無非誘人恣淫破戒,壞大定耳。 彼

子六 出名示害

# 此名蠱毒,魘勝惡鬼,年老成魔,惱亂是人,厭足心生,去彼人

### 6. 弟子與師,俱陷王難

取能壓伏故,又名魘勝 此名蠱毒鬼 即遇蠱成形者 ",餘可 知 ٥ 魘勝 , 即魘寐鬼,遇幽成形者。 世有厭勝之術

#### 子七 教悟戒迷

# 汝當先覺,不入輪迴;迷惑不知,墮無間獄。

四貪求辨析竟。

癸五 貪求冥感 分寸 子初 定發愛求

## 又善男子,受陰虛妙,不遭邪慮 ,圓定發明,三摩地中,心愛懸

### 應,周流精研,貪求冥感。

者 , 遠也;即指多生遠劫,有緣諸聖,應其所求也。周流精研,貪求冥感者:謂其 此第五,貪求冥感。首四句同前,彼行人於三摩禪定之中,心愛懸應者 懸

一心,周徧流歷,精細研究,貪求冥相契合,以期感格聖應而已。

子二 魔遣邪附

### 爾時天魔,候得其便,飛精附人,口說經法 0

纔起一念貪求,便是定心不密;爾時天魔, 候得其便,有隙可乘,有法能陷

故即飛遣精魅附人,口說經法,以應其感也

大佛

#### 子三 客邪投擾

其 身為奴僕 座說法 人元不覺知魔著,亦言自得,無上涅槃 ,本善知識 ,能令聽眾,暫見其身, 四事供養 ,別生法愛,粘如膠漆 • 不覺疲勞,各各令其 如百千歲 ,得未曾有 ,心生愛染,不能捨 ,來彼求應善男子處 , 座下人心 0 **,知是先** (),敷 離 •

眾之徒;心知魔附之人,原是先世師承,本身之善知識,別生一種法愛之心,如膠 身為奴僕 見 男子處, , 魔附之人 其人,魔附之人,原不覺知魔著,亦言自己得證,無上涅槃妙果,來彼求應善 敷座 四事供養,而不覺疲乏勞累。各各令其,指魔攝之眾;座下人心 ,鶴髮童顏 |為說,冥感懸應之法。能令聽眾下:詐現冥感,懸應之事 ,宛爾深修久證 ,如百千歲,心生愛染 ,不能捨離 ,暫時看 , 指 且 此 以

#### 子四 主人惑亂

似漆

,粘不可解

,得未曾有

是人愚迷,惑為菩薩,親近其心,破佛律儀,潛行貪欲。

是人愚迷無智,惑為菩薩 ,相親相近其心,日熏日染其教,信其邪說 ,破佛律

儀,學其邪行,潛行貪欲

#### 子五 按其言狀

失本心 明天,佛於中住,一切如來,所休居地,彼無知者,信是虛誑,遺 弟 中好言 ,今來相度 • 我於前世,於某生中,先度某人,當時是我,妻妾兄 **,與汝相隨** ,歸某世界,供養某佛,或言別有 ,大光

妾兄弟 此詐陳冥感,懸應之言 此詐述往昔之事 , 。口中好言,我前世於某生中 明以欲鈎牽引。今者我與汝 ,亦是夙生前緣 , 先度某人,當時是我妻 , 特 來相

度 , 與汝相隨,歸某世界,供養某佛,乃順其懸應之愛。或言別有大光明天者四

所休止居住之處。彼無知之者,信是虛妄欺誑之言,遺失本修之心,順從魔教 句 : 謬指欲界頂天,魔宮為大光明天,謬稱魔王為佛,於中止住,一 切諸佛如來

#### 子六 出名示害

## 此名癘鬼,年老成魔,惱亂是人,厭足心生,去彼人體 ,弟子與

#### 師,俱陷王難。

**癘鬼,乃遇衰成形之疫癘鬼也。** 

子七 教悟戒迷

### 汝當先覺,不入輪迴,迷惑不知,墮無間獄 0

五貪求冥感竟。

癸六 貪求靜謐 分五 子初 定發愛求

# 又善男子,受陰虛妙,不遭邪慮,圓定發明,三摩地中,心愛深

# 入,尅己辛勤,樂處陰寂,貪求靜謐。

此第六,貪求靜謐。首四句同前。於三摩禪定之中,心愛深入者:謂三摩定

境 ,心愛深窮契入,尅己工夫,不計辛勤,惟望得以深入圓通。樂處陰隱寂寞之

處,以求安靜寧謐之修。

子二 魔遣邪附

#### 爾 時 天魔 ,候得其便,飛精附人 , 口 說經法 0

殊不知三摩地中 , 不容起心動念,一 涉貪求 ,魔得其便,飛遣精靈 ,密附他

人,口說經法。

子三 邪惑事言

作畜生 說法 其 時 其 丘 傾心欽伏 人本不覺知魔著 • (,令其聽人,各知本業,或於其處 **碯詈徒眾** ,毫髮無失。 ,敕使一人,於後蹋尾 , 有人起心, ,訐露人事,不避譏嫌 ,亦言自得無上涅槃 已知其肇, ,頓令其人,起不能得,於是一 佛律儀外 **,口中好言** ,語一人言 • 來彼求陰善男子處 • 重加精苦 ,未然禍 ,汝今未死 誹 • 謗 眾 敷 • 比 已 座 •

業也 子處 敷 此 座為 顯通 過去世 說圓通之法 。或於其處者:即說法處 。令其下 :先現邪惑事 , 特語一人言,汝現今未死 ,令其聽法之人,各知 本業 ,已變作 , 即 宿

其

人,指魔附之人,本不覺知是魔著,亦言自己證得無上涅槃

,

來彼求陰善男

畜生,恐其心中不伏,敕使一人,於後蹋尾,魔力所持故,頓令其人,起不能得 如是證驗故 時聽眾 ,皆傾倒其心,而欽伏之;此顯通未來世。設或有 人起心

乃故為 禍 私心 也 用 知肇 福者 於佛所制律儀 殊 訐露 於何種 :詭異之行,以竦世也。誹謗比丘者:斥其不能精苦。 : 不 次說邪惑言 知 入事者 , 員 因 .緣 涌 :攻發人之陰私 一外,重加精苦者:如斷五味 勝 , , 肇 用 其口常好宣說未來禍福之事 即起始也;此顯 , 實不 上乎 。不避譏 此耳 通現在 0 此 |嫌者:顯己直心不諱也 中文皆宿命 ; 裸 世 0 四肢,拔髮熏鼻, , 魔意 及至其時 以為能通三世 通 , 恐與下 **詈徒眾者:** 0 科 皆應 投灰臥棘等 口中 , 顯其 ·好言未知 抄 即 , 毫髮無 寫之誤 圓 無有 通 勝 然

失,又故為詭異之言,以炫世也

#### 子四 出名示害

#### 此 大力 鬼 ,年老成魔, 惱亂是人,厭足心生,去彼人體,弟子與

#### 師,俱陷王難。

大力鬼,有大神通力之鬼,善能惑人者。餘可知

#### 子五 教悟戒迷

# 汝當先覺,不入輪迴,迷惑不知,墮無間獄。

六 貪 求 靜 謐 竟

癸七 貪求宿命 邻五子初 定發愛求

## 又善男子,受陰虚妙,不遭邪慮 ,圓定發明,三摩地中,心愛知

### 見,勤苦研尋,貪求宿命。

此第七貪求宿命。首四句同前。於三摩禪定之中,心愛知見者:意謂世人不知

者能知,世人不見者能見,所以不辭勤苦,研究尋思,貪求宿命,宿命二字,似與

上科,靜謐二字,抄寫之誤也。

#### 子二 魔遣邪附

#### 爾時天魔,候得其便,飛精附人,口說經法,其人殊不覺知魔著 **亦言自得無上涅槃,來彼求知善男子處,敷座說法** 0 •

文顯易知。

#### 邪惑事言

食藥草 聽人 珠 是 人無端 • • 及雜珍寶 藏於地下 • 不餐嘉饌 ,於說法處,得 • 簡冊符 • 有明月珠 或 (時日 牘 • 大寶珠。 諸 餐 • 奇異物 照耀其處 麻 其魔或時,化為畜生 麥 , 先授彼人, • • 其形肥充 是諸聽者 後著其 • , 得 魔力持故 未 0 曾 體 口衡 有 0 或 0 其 多

#### 謗比丘 0

有明月 符牘 光寶鏡 餐嘉饌者 六寸 瑞 應 是人即魔附之人 之類 · 其魔或 刻約信於其中,二人各持其半 珠 竹 ,碯詈徒眾,不避譏嫌 削名 因避煙火食 照 耀 先授彼人,後著其體者 簡 有 其處 時 , 韋 , 身 ,此先現邪惑之事 編 , 化畜生 名冊 是諸聽者 多食藥草 , , 竹刻為符 П , 目 啣 1覩其事 其 如黃精菖蒲之類 : , 顯是魔力所 扶而合之,相符則 珠 0 , 無端者 木片為贖 · 及雜 , 心信 色珍寶 , 其說 無故於說法處 為 , 符為 , , 或有 ?,得未; 或誘聽法之人 , 如寶印 **岢信** 符信 時日 曾 也 , 餐 漢 寶瓶之類 有 。諸奇 ,得大寶 制 0 多食 麻 以竹為之 藏 異物 麥 藥草 於地 ; 珠 及簡 , 如龍 下 , 以 不 冊

貌肥壯,血氣充滿,魔力所持之故。誹謗比丘,不修苦行,罵詈徒眾,飽食終日

# 口中好言,他方寶藏,十方聖賢,潛匿之處,隨其後者,往往見有

奇異之人。

聖 潛藏隱匿之處者:此以出世利益惑人。隨其後者往往見有奇異之人,此皆陰隱 此復說邪惑之言 0 口中常好說言,他方寶藏者:此以世間利益惑人 0 十方賢

子四 出名示害

之事,似與靜謐相合。

此 律 名山 • 與承事者 林 • 土地城隍 ,潛行五欲,或有精進,純食草木, • 川嶽鬼神,年老成魔 ,或有宣淫 無定行事 破佛戒 ,惱亂

是人。厭足心生,去彼人體,弟子與師,俱陷王難 0

山林等

,指掌管者,山神

、林神,當方土地,當邑城隍,川即

四瀆

,嶽即五

嶽 或有宣淫八句: 各專 注權 ,神為福德之鬼 《指掌疏》云:附精惑人,略以三法:或有宣說淫穢 。年老成魔者:年代既久,魔錄 為使者 , 破佛清淨戒 故曰 |成魔

律,與彼承事弟子,潛行世間五欲,此以欲破戒法也。或有無益精進,愚癡盲修。 味食草食木,令人效行,此以愚破慧法也。或有數瞋數喜,數勤數怠,數信數

疑, 無定行事。一味惱亂是人,令失本修,此以亂破定法也。厭足下準前可知

子五 教悟戒迷

### 汝當先覺,不入輪迴;迷惑不知,墮無間獄 0

七貪求宿命竟。

癸八 貪求神力 邻二 子初 定發愛求

### 又善男子, 受陰虚妙,不遭邪慮 ,圓定發明,三摩地中,心愛神

# 通,種種變化,研究化元,貪取神力。

達無礙 此第八貪求神力,首四句同前。三摩禪定之中,心愛菩薩神通,神妙莫測,通 ,種種變化;由是研究變化之元,貪求取得,神通之力。溫陵曰 :化元萬化

之本也。欲乘之以發神變耳

子|| 魔遣邪附

爾 時天魔 ,候得其便,飛精附人,口說經法 0

起心研究,即落邪思;著意貪取,便同有作。安得不為天魔,候得其便哉?

#### 子三 邪惑事言

說法 履平地 禮 曾 聽人,頂上火光,皆長數尺,亦無熱性,曾不焚燒;或水上行 其 (人誠 |無障礙;惟於刀兵,不得自在 誹謗禪律 0 ;或於空中,安坐不動;或入瓶內 是人或復手執火光 不覺知魔著 ,碯詈徒眾, • 亦言自得無上涅槃 ,手撮其光,分於所聽 **訐露人事,不避譏嫌** 0 自言是佛 • 來彼求通善男子處 ,或處囊中, • 身著白衣 0 ,四眾頭 越牖透垣 É • 受比丘 • • 是諸 敷座 • 如 •

諸聽人 今特 其人至敷座說法文易知。其人手執火光下:先現邪惑事,若但說猶不足以取 , 而 頂上 得自在 為現種 火光 0 種 或於空中,安坐不動 神變。是人或手執火光,以手撮取其光,分於所有聽眾頭上 ,皆長數尺 ,不熱不燒 , 宛似空色一如,或入瓶內 0 或水上能行 , 猶 如 履踐 平 或處囊 地 , 此 中 則 水火 是 幾

刀兵 等大小相容 不得自 ,或牖閉之而 在者 :以魔未離欲 可越,或垣隔之而能透,曾無障礙 ,身見猶存 ,故不能使刀兵觸之不傷 , 此亦神異之事 **;如風** 吹光 惟於

如刀斷水一樣

發人陰私 種 佛 律三者,唯不謗說教,以自己敷座說法,謬稱己說即是佛說,各宜信仰 謗宗門為靜坐 狂參 , 佈 是壞 自言是佛者 地獄苗 佛寶 ,譏謗憎 矣 ; **!**罵詈徒眾者:以示無私 誹謗禪律 嫌 佛 , 為極聖 自命頓超 , 所不避也 , ,猶自僭稱 是壞法寶;受比丘禮 生死。謗律學為持戒修身,究竟不出 0 但身著白衣 ; 訐露人事者: ,是壞 , 受比丘禮拜 僧寶 以表 (正直;) 0 信其 小乘 , 邪說 不避譏嫌 誹謗禪律 0 0 蓋自命為 禪 斷 ` 教 者 寶

#### 實 中常說 0 讚歎行淫,不毀麤行, • 神通自在。或復令人,旁見佛土,鬼力惑人,非有真 將諸猥媟,以為傳法 0

復令人,旁見佛土,為證自己是佛,此皆鬼力要迷惑於人,故意妄現,非有真實 此 復說迷惑之言 0 口中時常宣說 , 神 通變化 , 自 [在無礙 , 以慰愛求之心 故 或

讚歎行淫者:以男女交遘,即是法身常住不絕。並不毀麤行,將諸鄙穢猥媟之事 以為傳法,令得佛種不斷故。此將地獄種 ,以為佛種 ,吁可嘆也

子四 出名示害

#### 子與師 不化 魅 此名天地大力,山精 ,或復龍魅 ,他怪所附,年老成魔,惱亂是人。厭足心生,去彼人體,弟 ,多陷王難 ,或壽終仙 0 、海精 • 1、風精 再活 為魅,或仙期終 • 河精、 土精、 **,計年應死** 切草木, 積劫精 • 其形

者 : 之龍 應死 木,受天地之靈秀,盜日月之精華,積劫既久, 自 在 存 天地大力四字 ,及守護伏藏之龍 有 其形 想 固形 ĪĒ. 有 , ?邪,正者為神,邪者為精 本望長生不死 :以修仙者, ,通指下之五精,以是天地間 ,竊天之靈 () 豈知: 燒鉛煉汞 ,盜物之精,而為妖魅 仙壽 , ,以能與正神分權 烹養丹砂, , 亦有終盡 成為精魅。 ,大力精故。五精各有統轄 應享遐齡 , 再活 ,其力最大。 一切**奇** 或復龍魅:如守天宮殿 為 或壽終仙 魅 ,仙期告終 0 或仙 期終 再活 計 , , 草異 威權 計 年 為 應 年 魅

死, 神識難留,形骸不化,為他怪所附,可惜已往功行,反資妖孽。不依正覺,修

三摩提,而存想固形者,宜知猛省也。年老成魔下,準前可知

子五 教悟戒迷

## 汝當先覺,不入輪迴;迷惑不知,墮無間獄 0

八貪求神力竟。

癸九 貪求深空 急 子初 定發愛求

# 又善男子,受陰虚妙,不遭邪慮,圓定發明,三摩地中,心愛入

## 滅,研究化性,貪求深空。

此第九貪求深空。首四句同前。三摩禪定之中,心愛入滅者: 《寶鏡疏》 · 云 :

同 由彼不知一切法相,本自寂滅,不待更滅,無故欲將有相之法,而入無相之空。非 小乘 滅色歸空也。研究化性,貪求深空者:研究萬化之體性,即是根本想陰

微細 動 相 精研窮究 ,欲期於盡,蓋為貪求深空。言深空者,不唯身境俱空,並且

存沒自在也。

#### 魔遣邪附

爾時天魔,候得其便,飛精附人,口說經法

即此一念貪求,便是定心不密,天魔有隙可乘 , 飛精附人惑亂 ,固其宜矣

子三 邪惑事言

沒自在 說法 其 **人終不覺知魔著** 。於大眾內,其形忽空 ,或現其身 ,洞 ,亦言自得無上涅槃 |如瑠 璃 ,眾無所見,還從虛空,突然而出 • 或垂手足 0 • 來彼求空善男子處 ,作旃檀氣 。或大小便 敷座 • 存 •

如厚石蜜 ,誹毀戒律 **,輕賤出家** 

均得自 也 即 法 有 恐猶不信,特為示現,堅固信仰耳。正於大眾內,身形忽空,眾無所見:顯是 其 或現其身 而空 (人至敷座說法 在 ;正當形空無見 , 略 , 有 洞 似於妙有真空 如瑠璃者:身為眾穢所集 , 準上可 ,還從虛空,突然而出,顯是即空而 知 , 真空妙有也 。於大眾內 , 0 能現洞澈 其形忽空者:先現邪惑事 但魔力詐 現 如瑠璃寶 ,以遂貪求深空者之心 有 0 如是或存或沒 0 或垂手足,作 , 雖 說

大佛

眾 不堪 旃檀氣者:手足垢污不淨,能垂作旃檀香氣。或大小便,如厚石蜜者:大小便臭穢 誹謗戒律者:誹持戒為小乘, 能 現如厚石蜜之甜,石蜜冰糖也,顯是即染而淨 自行束縛 。輕賤出家:不得身空 。竟於現前身中 ,自解求 ,炫異惑 脫

#### 寂 中常 • 潛行貪欲 說 無因無果 ,受其欲者,亦得空心 • \_• 死永滅 • 無復後身 • 撥無因果 • 0 及諸凡 聖 0 雖得空

其欲者 達空 證 滅 見 迦旃 , 亦 ,撥因果 無 此復說邪惑之言以炫世。口中常好說言, 屬 延, ,名持法子,傳授斷滅之法,亦得心空。撥無因果,生大邪見。永嘉云:豁 復 無有 **捨生趣生** 毘羅 ,莽莽蕩蕩招殃禍 。蓋以斷滅為得空寂 胝子 , 而受身後苦樂等報 , 咸言此身 ,死後斷滅 可不懼哉? ,以行欲為 ;及諸六凡四聖 , 正同 無礙 無因無果,一 , 此見 故曰 0 雖得空寂 迷悟差別 無復後身者 死永滅:如波斯匿王 , 潛行 ; 即 使聖 即 貪欲 死永 人修 受

#### 子四 出名示害

#### 此名日月 薄触精氣,金玉芝草, **麟鳳龜鶴**, 經千萬年 ,不死為

靈 ,出生國土,年老成魔,惱亂是人。厭足心生,去彼人體,弟子

### 與師,多陷王難

不同也。餘準前可知 萬年,不死為靈。出生國土者,為物仙,為禽仙,為獸仙,與前所稱,積劫精魅者 注 也 , 0 直貫於地。地上之金玉芝草,麟鳳龜鶴,得之可以久生,可以毓秀,故云經千 然日為陽精 《指掌疏》云:日月薄蝕者:黑氣相迫曰薄,蔽其精耀曰蝕,即今日月交食是 ,月為陰精,各有光華之氣 ,周徧散注;當其薄蝕之際 ,不得散

#### 子五 教悟戒迷

### 汝當先覺,不入輪迴;迷惑不知 ,墮無間獄 0

九貪求深空竟。

癸十 貪求永歲 分五 子初 定發愛求

壽 又善男子,受陰虛妙,不遭邪慮 ,辛苦研幾,貪求永歲,棄分段生,頓希變易 ,圓定發明 • **,細相常住** 三摩地中,心愛長 0

大佛頂如來密因修證了義諸菩薩萬行首楞嚴經講義第二十三卷

深自 相 即想陰根本。 滅 此第十貪求永歲。首四句同前。於三摩禪定之中,心愛長壽,辛苦研究幾微動 , 如澄濁水,貯於靜器 《指掌疏》云:然此微細動相,不可以有心研究,但依 ,靜深不動 ,沙土自沉 本修 , 定

此身根 無形生死 易 ,而望細相常住 今棄分段之生死, 今以辛勤勞苦 1,有壽命長短之分劑,有體質大小之段落,故稱分段。變易生死者:三界外 ;三乘聖人,斷界內見思惑盡 ,是為重增妄想。分段生死者:三界內有形生死;六道眾生,依 ,研究幾微 頓希變易之生死,而得細相常住也 ,已為失計 ,生法性土,故受變易,但心念遷變移易而 ;而又貪求永歲 ,而棄分段之生 , 頓希 變

#### 子二 魔遣邪附

## 爾時天魔,候得其便,飛精附人,口說經法 0

子三 邪惑事言

說法。好言他方,往還無滯 其 人竟不覺知魔著 • **亦言自得無上涅槃** ,或經萬里,瞬息再來 • 來彼求生善男子處 。皆於彼方 • 敷座 ; 取

## 得其物;或於一處,在一宅中。 數步之間,令其從東,詣至西壁

## 是人急行,累年不到。因此心信,疑佛現前 0

其從東 則令近如遠,蓋地之可縮可舒,時之或延或促,皆魔詐現,以惑亂人心。因此心 員 出陰神 Ŧ. 往 |或還 通 通中神足通,魔力所為 縦能 殊 其人至敷座說法 //勝妙用 ),去來 ,詣至西壁,是人急行,累年不到。然所明在己,則行遠若近;而 ,不能遠方取物。張紫陽,性命雙修,能出陽神,兼能遠方取物 遠方取物 不無滯礙 ,論其淺深哉?或於一 ,仍不出天魔伎倆,又豈能與 也 ,解見在前。好言他方下:先現邪惑之事 0 瞬息時之短也,可以再來。 ,以至遠而成至近也。昔道教薛道光,修性不修命 處 ,在一宅中,不過數步之間 《法華》 皆於彼方 ,普現色身三昧 ,取得其物為證 。他方萬里之遙 [,其量] 0 明 至近 及 由 在 |本經 此觀 但能 他 , 令 , 或 此

#### 中常 說 十方眾生 ,皆是吾子,我生諸佛,我出世界 ,我是元

,疑為是佛現前

矣

## 佛,出世自然,不因修得。

大佛

頂如來密因修證了義諸菩薩萬行首楞嚴經講義第二十三卷

是依 修證之事 也 有過者矣 報 我生諸佛者:顯未生諸佛之前先生也;我出世界者:顯未出世界之前先出 此 復出邪惑之言。口中常說,十方眾生,皆是吾子者:顯未有眾生之前先有 I 也 報 ;此投其愛求之本念也。出世自然,不因修得者:正顯其徒修無益 ,諸佛眾生 , 我是元佛。既是根本元佛,今猶現在 ,而壽命之長 , 更無 撥 世 ; 無

#### 子四 出名示害

觀見 腦枯竭,口兼獨言,聽若妖魅,前人未詳,多陷王難。未及遇刑 子,未發心者 此 先已乾死,惱亂彼人,以至殂殞 名住世,自在天魔,使其眷屬,如遮文茶,及四天王,毗舍童 ,稱執金剛 ,利其虛 ,與汝長命 明 ,食彼精氣,或不因師,其修行人 。現美女身 ,盛行貪欲 ,未逾年歲 • 親自 , 肝 •

屬者: 住世自在天魔者:即欲界第六天上,別有魔王居處,亦他化自在天攝 如飛遣精魅之類。遮文茶,云奴神 ,即役使鬼,亦云嫉妒女。毘舍童子,即 0 使其眷

多陷王 之師 之不入?何宿命之不知?何神通之不具?何深空之不證?何常住之不獲?而 巧之不得?何法界之不歷?何機理之不契?何根本之不析?何感應之不成?何靜 定心中,妄起貪求之念,以致然耳。若是如法精進,一念不生,如幻修證 也 詳下 肝 剛 利彼行人,定心虚明,資發邪慧,食彼精氣,助養魔軀也。或不因師者:不因魔附 毘舍遮鬼 也 血 此二者皆足以惱亂行人,以致殂喪殞亡也。《寶鏡疏》云:以上十種 腦 :乃謂行人,與魔對語,旁人不曉,以為獨言,所言無定,聽若妖魅 雙明二俱為害。言前來因師,受惑之人,未詳是魔精所附 膜 然後現美女身 其修行人 難 ,自告枯竭,殊不知長命之說 此云噉精氣,皆隸屬四王天管轄。已發心則護人,未發心則害人,以取 譬如鱗角未成,輒思飛躍;羽毛不足,便擬扶搖;所謂學未優而 若此之不因師 , 親自觀見,魔王現身 引誘迷惑,自恃身形強壯 與美女盛行貪欲, ,徒託空言,損身之害,成為實驗 ,口稱執金剛堅固之術 未及遇刑 ,與之盛行貪欲 ,先已乾死 ,與汝長命 言未逾 , 以致弟子與師 其為 二年 。前人未 0 , , 皆 害猶速 求仕 則何善 半歲 身等金 乃忽生 兼獨 由 員

大佛

頂

丹未成而先吞,其可乎哉?故知招魔成墮者,皆自心妄想之過也。

#### 子五 教悟戒迷

## 汝當先覺,不入輪迴;迷惑不知,墮無間獄 0

二中間十境竟。

壬二 示勸末世 忽 癸初 妄稱極果

## 阿難當知:是十種魔,於末世時,在我法中, 出家修道,或附人

## 脰,或自現形,皆言已成正徧知覺。

囑咐 法 知 覺 ,現比丘身。昔佛在世,魔王欲壞法佛,佛有神力,故不能壞。佛將涅槃,召魔 此結十種魔境。勸令當機,傳示將來,令得咸知, , 此 擁 上十種 ;護佛法。有一魔作誓云:我待佛滅後,依教出家,著汝袈裟 邪魔 ,於末世時,在我佛法中,假示出家,名字修道,希圖 勿為所惑。 故呼當機 ,壞汝佛法 破 ,應當 壞佛

體

或自現形

如第十境,親自觀見,稱執金剛,

與汝長命,現美女身

盛行貪

,自食獅子身中

肉

0

或附人

其可

能否?佛即

· 墮 淚 曰

··無奈汝何!譬如獅子身中蟲

法為正 欲 。皆言已成正徧知覺者:此約智果說,已經成就,正徧知覺之佛果;了知心生萬 |知,了知法法唯心為徧知。行人當知,凡現通稱佛,必魔無疑 ,以聖人應

世, 必不輕洩也。

#### 以淫成化

#### 精,魅其心腑,近則九生,多逾百世,令真修行,總為魔眷 讚歎淫欲 破佛律儀 ,先惡魔師,與魔弟子,淫淫相傳 如是邪

其

 $\mp$ 

卌

意同 本望真修 不覺,陷入魔網;故近則九生,多逾百世也。九生百世,皆約佛滅後言之,以百年 種 生 魔附之人,與其座下弟子 此 溫陵曰:涅槃經云:末世魔眷屬,現比丘羅漢等像,混壞正法,誹毀戒律 • 讚歎淫 九生九百年也。以三十年為一世,百世三千年也。去聖時遙,人根淺薄 ,反成魔業 一、怒、 ,故曰令真修行,總為魔眷 癡 ,即是戒、定、慧,破佛所制律儀 ,以淫傳淫,延害後世。 如是邪精, 0 先 惡 魔 師 者 魅其心腑 : 指前· 舉

#### 陷魔墮獄

大佛

頂如來密因修證了義諸菩薩萬行首楞嚴經講義第二十三卷

# 命終之後,必為魔民,失正徧知,墮無間獄

既為魔眷 ,命終之後,必定以為魔民。邪見日深,正見日晦,亡失正徧知覺之

佛性 ,墮無間獄

#### 癸四 悲救報恩

度正心深信眾生,令不著魔,得正知見,我今度汝,巳出生死,汝 汝今未須先取寂滅 縱得無學,留願入彼末法之中 • 起大慈悲 救

悲五 時 , 之樂 生具有佛性 心 遵佛語,名報佛恩 句: 故教 此正 已斷三界修心 ;發起大悲心 時當末法 |勸當機 以未須先取寂 0 救度此等眾生, ,救度末世。 , ,六品煩惱,自知修證,無學道成,故勸以留願度生也。起大慈 以拔邪知邪見之苦 魔強法弱 0 滅 ,縱得成無學之道 慧眼圓明,修真三昧。令不著魔,得正知見者:能令 ,邪說競興 阿難願學菩薩久矣。自未得度 0 正 ,真偽莫辨,發起大慈心,以與正 一心者 ,還要留願 ,發無上菩提之心;深信者 ,入彼末法之中 人者 , 0 知正見 阿 菩薩發 , 信眾 難 此

不著魔王邪知邪見,而得佛法正知正見也。

今度汝,已出生死 我今度汝二句。阿難雖在二果,但為侍佛,故留殘結,佛知分段不覊,故曰我 。既出生死 ,故囑勿滅 ,當遵佛語 ,傳示末法,救度眾生,名報

如當機偈云:將此深心奉塵剎,是則名為報佛恩也。

佛恩。

假使頂戴恆沙劫

,身為床座徧三千,若不說法度眾生,是則不名報恩者

亦

壬四 結害囑護 金三 癸初 示因交互

# 阿難!如是十種,禪那現境,皆是想陰,用心交互,故現斯事

如是十種 ,禪那魔境, 皆是想陰所覆。以故觀力與妄想,交戰心中 , 互為勝

負;若妄想勝時,故現斯事。

#### 癸二 迷則成害

# 眾生頑迷,不自忖量,逢此因緣,迷不自識,謂言登聖,大妄語

### 成,墮無間獄。

謂言登聖者:不惟惑魔為聖,兼亦自言登聖 。佛為法王,如何妄竊?大妄語

大佛頂首楞嚴經講義

成,決定墮獄無疑也。

癸二 囑令保護

汝等必須,將如來語,於我滅後,傳示末法,徧令眾生,開悟斯 ,無令天魔,得其方便, 保持覆護, 成無上道 0

也。三想陰魔相竟 為救世慈航 切眾生,開悟斯義,勿墮魔網。故當機結集法藏,流通今後,為作人天眼目,以 汝等,皆叮嚀咐囑之意。必須將如來所說之語,於如來滅後,傳示末法,徧令 ,普令行人,依之修習,保持真心,覆護禪定,成無上正等正覺之道

## 大佛頂首楞嚴經正文卷第九終

初 始修未破區宇 辛四一行陰魔。相 分三 二 終破顯露妄源 壬初 具示始終 癸初分二 子 初 中間十境 攝前想陰盡相 三 結害囑護 狀示行陰區 壬初分二 癸

宇

今初

阿難!彼善男子,修三摩地,想陰盡者, 是人平常,夢想消滅,寤

#### 地 寐 山 恆 河 • • 覺 如 鏡 明 鑑 虚 明 靜 , , 猶 來 無所粘 如 睛 空 • • 過 無復 無蹤跡 麤 **運動** • 虚 塵 影 受照應 事 0 觀諸 • 1 罔 世 陳習 間 • 大

#### 惟一精真

o

常住 析 虚 復麤 本 時 陰 · 覺 盡 一摩提 無 也 無 性定 復 重 妙 想 者 故 此 # 等 涌 物 前 明 0 , 0 來影 間 塵影 真心 常 望想陰為終修 明 是人平常 或魔 行 此 Ш 同 現鏡 事 寐 陰始終之境 河 以 , 來便能 Ĺ 者 離諸夢想之擾 時 大 之靜 地 夢想 中 : , 是 約心之自體 以麤重 性境 覺知 消 而 ,望行陰為始 寐 鏡 滅 0 彼善 無所 塵 嵵 : , , 今心照· 影 不壞本修 亂 無夢 如 後云 粘著 男子 妙 , , 即 而 , , 獨影 是法 常 修 山 得 , 物 河等 清 同 寤 攝 ;三摩增 0 如是用 先 過影滅 寤 節 塵 虚 前 語之覺 想心 虚 透過 寂 , , 全依 靜 如 也 鏡 矣 進 心 |想陰十境之人 鏡 , 之光明 觀諸 中 想陰為體 寐為諸夢 ! ; , , 想陰破 故曰 動念 猶 而 下 如 鏡亦 既盡 洞 窹 晴 , 明之空 約 鑒 ; 寐 , 0 想盡 ; 無蹤 今既 心之照境 恆 而 , , 浮想銷; 1仍復精 或始終不 應 無夢 跡 物 , , 0 塵 覺 迥 而 0 妙 自 崩 無 除 據 現 無 研 起 此 無 所 虚 想 , , , 依 名 愛求 毫 性 故 靜 有 則 無 境 者 則 為 曰 0 故 修 境 分 亦 無 窹 想

氣也。 識 中 , 惟 不過虛受照應而已。 一精真,惟是一 個識精真體,即是第八本識,非究竟也 境滅 ,識中了然罔有陳習之可言。 陳者舊也, 即舊時習

### 狀示行陰區宇

#### 各命由 生 **-滅根元** 紹 • 從此披露 見 同 生基 • • 見諸十方,十二眾生, 猶 如野馬 0 熠熠清擾 ,為浮根塵 畢殫其類 • 雖未通 其

如 猶 覆 竟克殫 念既 滅 燄 如 , ,此則名為 野 故 盡 為 生滅根元者: 莊生呼 行陰根本 馬 其 , 行陰生滅 類 雖 熠 為野馬 熠清 [未得通達十二類生,各各受命元由頭緒;而見七識種子 殫 , , ,行陰區宇。 擾 粮元 所有生滅 猶盡也。 切生滅 0 野馬非塵埃 佛經多稱陽燄 從此披敷顯露 ,根本元由 , 各命由緒 皆由此流出 , 即 , , **渴鹿逐陽燄** 田 0 為識陰;同分生基,為行陰 乃第 間 故得見諸十方,十二種 0 游氣 前為想陰所覆 八識中,所含七識種子; ,春晴伏地可 遠望如水,至近則無 , 故不能見 莧 類 其狀 , 眾生 , ;今為行陰所 ,今則想陰動 同 以有微細生 如 生滅 水 分生基 0 此陰前 其光 畢

野馬 於二卷,五陰科中, 以喻行陰 ,幽隱微細動相 彼約迷位 ,取其麤相,譬如瀑流;此約修位, 。熠熠,小明也,以喻行陰動相,忽起忽滅也 取其細相 喻 同

由行陰故 究竟轉變之機 澄湛 區宇竟 清擾者: 為 浮根 ,根塵得以生滅。 揀異前後之辭 塵 ,盡在行陰。樞者 ,究竟樞穴者: 此相不盡,生死難脫,是則名為行陰區宇。初始修未破 。清是輕清 浮根 ,門之軸;穴者,門之臼。由樞穴故 ||四塵 ,非同前陰之重濁;擾是擾動 , 乃眾生根身; 十二種類 , 各各 , ,非同後陰之 門得 不同 開 關 ; 而

### 癸一 終破顯露妄源

若 水,名行陰盡 此清擾 • 熠熠元性 。是人則能,超眾生濁,觀其所由, 性入元澄, 澄元習 如波瀾滅 幽隱妄想,以為 • 化 為澄

#### 其本。

際 ;後文所謂 若此輕清擾動 ,湛不搖處是也。元性 , 熠熠生滅之根元體性 生滅根元體性 ,因定力轉深 , 即第七識。元澄 , 此體性一入於元本澄清之 :水浪停息

覺體性 滅矣。所以不能復真者,以猶為識陰所覆故 中 所 矣 日 空滅 澄 ٥ 第七識種子,名為 故 ,即第八識。一 如湛然止水;今化為澄水  $\Box$ 0 如波瀾滅 言前於覺所覺空時 , 澄本元習氣 化為澄水。以想陰如洪波 生滅根元 , 宛爾 。今於行陰盡時 ,名行陰盡 ,即第七識行陰。種習俱盡 有 個能空心生 0 ,行陰如細浪 《指掌疏》 , , 性習都盡 所空覺滅 云 : , , , , 識陰如無浪流 而復還識精元明之體 故能空與所空, 仍 按耳根圓 屬 細流 通 , 即 , 水 是 此當空 頭 八 真 識 俱

行陰既 妄成 想 ,以為其本。初具示始終竟。 是人 , 名眾生濁 盡 (則能超眾生濁者: , 則眾 生濁自然超越 0 以行陰生滅不停 如前云 , 超越之後,反觀行陰之所由來 , , 業運常遷 知見每 欲留於世間 , 遂成眾生知見 , 業運每常遷於國 , 渾濁 ,元從幽深隱微妄 真性 王 0 今者 相織

中間十計 分十 癸初 二種無因 至十 五 現涅槃 癸初分三 子 初 標由示墜

## 二 詳釋其相 三 結成外論 今初

阿難當知 :是得正知 • 奢摩他中 • 諸善男子 凝明正心 • ·類天

#### 幽清 魔 ,不得其便,方得精研 ,圓擾動元,於圓元中,起計度者,是人墜入,二無因論 窮生類本 0 於本類中, 生元露者 觀彼

0

陰十境 心 現 惑 也 日 見 力破想陰 魔 0 : 0 · 當 知 於本類中,生元露者:此下方明,邪解 凡能到此地位 而 此下別示 先 生 ,定慧均等 不起愛求 窮 種 , 0 想陰既破 警令覺知也。 十二類生,行陰深本 種 邪 ,行陰十計, 計 0 ,俱有決定善根,故稱善男子。凝明正心者:凝:不動也,於想 , 0 明:不惑也,於飛精附人, ,行陰即現 非有 十類天魔, 是得正知者:即不遭邪慮也。 外境魔事之擾 不言十境, , , 不得其便 欲於本類中 故得窮十二類生 而云十計者, 也 , 0 起計 圓通 此第 , 便能覺知。正心:雙承不動 研求生滅根元顯露者 ,並非外魔,惟是自心作孽 妙行 , 生滅 ` , 但是想破行現 乃可增修 奢摩他中者 種 根本 無 因論 此上 , 方得精 0 , 呼 : , 自緣定中所 即 呵 即行陰顯現 難 心研究 圓定發明 , (世)不 想破行 ,是謂 而 告之

觀 彼 幽 清 圓 擾動元者: 乃正觀行陰;彼即指行陰, 幽隱輕清 , 非同 . 前 想陰

也

大佛

頂

起計 動之元 意 同 起計度者 顯 ~明重 無因論 故即墜彼論中,如後車蹈前車之覆轍,故即同墮一坑壍地。後文諸論 度 初標由示墜竟 (,觀同分生基之總相,不起妄計,一味精研;自可進破行陰。今於圓元 濁 0 並不知有不擾不動之真如,亡失本修,以是墜入二無因論 :於圓擾群動之元,為諸行之本,是生滅之元,如是觀察 也。 ,乃先世外道,修心邪解,所立 圓者:徧十二類生,一一皆然;即觀行陰遷流 |違理背正之惡見耳。今行現之解 ,微細動相,為圓擾群 0 , **正** 執為勝性 脈疏》云: ,皆倣此 ,適與之 , 故 中

百功德,見八萬劫,所有眾生,業流灣環,死此生彼,祗見眾生, 者、是人,見本無因 子二 詳釋其相 分二 丑初 0 何以故?是人既得生機全破 本無因 二末無因 丑初分三 寅初 • 乘於眼根 據己見量 , 八

## 輪迴其處,八萬劫外,冥無所觀。

勝性,並不知此但行現,尚未至於盡;行陰盡後,還有識陰 首二句標定,下徵釋 。一者、是人;即於圓元中, 起計度之人 ,識陰盡後,方是本 0 計執此圓 元為

是人既 露是也 覺 運 業行遷流 每常遷於國土是也。 0 便謂 得生機全破者:生機: 乘於眼根清淨 此行陰,為生滅之元 灣轉 迴環 , 莫能自止 祗見眾生,隨業行以遷流 , 獲得 即行陰 ,本來無有因起 八百功德 0 死此生彼者:即捨生趣生也 0 破 : , 極盡其見量 即顯露義 ,故曰見本 ,輪迴在八萬劫中之處,八萬劫 。前文所謂生滅根元 , 能見八萬劫內 無因 。何以故徵 0 亦即 前文所 , 所有眾生 , 下 ,從此披 謂 釋 , 業

#### 寅二 謬成邪計

外

冥然莫辨,毫無所觀也。

#### 便作是解:此等世間,十方眾生 ,八萬劫來, 無因自有 0

混 外 沌者 便作 冥然無有 皆此 如是邪解妄計 **近類也。** 所觀 7,遂計 殊不知自己見量有限 無因 此等世間 。拘舍離等,昧為冥諦, ,十方眾生,八萬 ,未至圓極 劫來 若如來見量 即同此見。 , 無 因自有 儒宗所謂 ,豎窮三際 0 因 [八萬] , 鴻濛 横 劫

#### 寅三 夫真墮外

徧十方,

豈以八萬劫為限哉?

#### $\frac{1}{4}$

#### 由此計度,亡正徧知,墮落外道 ,惑菩提性 0

由 此 |邪計籌度,亡失正知 ,執八萬劫,無因自有;亡失徧知,墮落外道邪見

惑亂菩提正覺之性矣 0 初本無因竟

#### 末無因 分三 寅初 據己見量

人,悟鳥生鳥 二者、是人, ,烏從來黑,鵠從來白,人天本豎,畜生本横,白非洗 見末無因 0 何以故?是人於生, 既見其根 • 知人生

### 成 無復改移

鳥還自然生鳥 大 生 性 而黑。人天二句,當在下,諒抄寫之誤。若是人天,本來是豎形而立,若是畜生 , 既見其根者:謂是人於諸眾生,既見劫前,本無其根,無因而有。蓋即 詳推過去, 首二句標定 黑非染造,從八萬劫, 十二類生本元,自然而然 ,烏從來自然是黑, 見本 ,下徵釋。二者、是人:於圓元中, 無因 , 例知未來, ,由此轉計 鵠從來自然是白 見末 , 無因 成為自然外道 也。 0 白非是洗 起計度之人 何 以 故徵 成而白 知 ,下釋云: 人還自然生人 ٥ 計執此圓元 , 黑非是染造 是 以無 人於 為勝 悟

本來是橫行而走,此皆自然而然,本無有因。從八萬劫來,未嘗更改變移

#### 寅二 謬成邪計

# 今盡此形,亦復如是,而我本來,不見菩提,云何更有,成菩提

# 事?當知今日,一切物象,皆本無因。

以此驗 何更有 而 此形亦復如是,無有改移。而我本來,八萬劫前,不見十二類生,從菩提性起 :起者,還復無因,返於冥初之意而已。 此下釋成,上科全推過去,此科列定未來。今盡此形者:盡,即盡未來際,而 知劫後 ,眾生於劫後,成菩提事乎?當知今日,一切物象,既皆劫前 ,末亦無因也。言八萬劫盡 ,終成斷滅 , 無有因果而已。蓋以從無因 本 -無有因 ; 云

#### 寅三 失真墮外

# 由此計度,亡正徧知,墮落外道,惑菩提性。

由此邪計籌度,亡失正知,皆謂一切自然,亡失徧知,不達循業發現 ,以致墮

大佛頂如來密因修證了義諸菩薩萬行首楞嚴經講義第二十三卷

落外道惡見,反惑亂菩提正覺之性矣。二詳釋其相竟

子三 結成外論

## 是則名為,第一外道,立無因論。

初二種無因論竟。

癸二 四種編常 金三子初標由示墜

彼幽清,常擾動元,於圓常中。起計度者,是人墜入,四徧常論 阿難!是三摩中。諸善男子,凝明正心,魔不得便,窮生類本。 0 觀

之相。而於是中,妄起計度,圓徧常住者,是人墜入外道,四種徧常論矣 周徧處,各之曰圓 惑,定慧均等之心 想陰十境,始終不起愛求;明照不惑,於飛精附人,魔來便能覺知;正心即不動不 二類生,生滅根本,即觀察彼行陰幽隱輕清,常擾動元。於圓常中,起計度者:見 此第二,四種徧常論。是三摩中:正修定慧之中。凝明正心者:凝然不動 ,見相續處,名之曰常;殊不知此周徧相續,乃行陰遷流 。魔不得便:圓通妙行, 自可增修。 想陰既破,行陰現前 窮十 分於

子二 詳釋其相 ② 丑初 心境計常

# 者、是人,窮心境性,二處無因,修習能知,二萬劫中,十方眾

# 生,所有生滅,咸皆循環,不曾散失,計以為常。

失。 生滅;然生滅正是無常,而彼但見劫內,生滅滅生,咸皆循環,相續不斷 以其見量有限,祗見二萬劫中,十方眾生,所有心境生滅。以心境皆屬行陰,皆有 遠 ,以見心境二處 遂計心境二性,以為徧常,不計劫外無因,以為斷滅, 者、是人欲窮行陰,但約心之與境二性,以求本元,何自而起。 ,於二萬劫前 ,無因自有 。修習者:即窮心境之修習 與上科異也 ;能 然窮之不 ,不曾散 知

#### 丑二 四大計常

#### 生,所有生滅,咸皆體恆,不曾散失,計以為常。 二者、是人,窮四大元。四性常住, 修習能知 • 四萬劫中,

空 四大和合而成 如 一者、是人欲窮行陰,乘已見解,研窮四大,為變化之元。見一 虚空華 , 0 遂計四大種性 依之修習, 能知四萬劫中 ,本來常住 0 四萬劫外,則冥無所觀矣 殊不知四大,亦屬唯識 切萬法,皆從 變現 。其見量比 ,其體本

 $\begin{array}{c} 1\\4\\6\\4 \end{array}$ 

住 前 ,咸皆體性,周徧恆常,不曾散失。遂計四大之性為徧常 增加一倍,十方眾生,所有生滅 ,皆從四大和合而成。而四大種性 ,既是常

#### 丑三 八 識計常

失性 故 |者、是人,窮盡六根,末那執受 0 修習能知 **,計以為常** ,八萬劫中 切眾生 ,心意識中 ,循環不失 本元由處 ,本來常住 • 性常恆

依此修 窮 以來 中 之八識,執持根身、器界、種子故。 八識 根 三者、是人窮盡六根之中,所具之六識,並及末那之七識,恆審思量故 本元由 擅 , 周徧常住 法門深廣詳切 ,能觀八萬劫中 ,生起之處 ; 即 -以窮此循環不失之性,計以 倍前四大故,所知劫數, ; — 0 殊不知是乃行陰, 切眾生,死此生彼,展轉循環 此由行人,乘已見解,窮心(※)意(※)識(※六 相續之由,而反妄計識性恆常之故 為周徧 亦倍前人。 常住 ,不曾散失。遂謂從本 《正脈》 謂 :特以所 執受

丑四

想盡計常

# 四者、是人,既盡想元,生理更無,流止運轉,生滅想心。今已永

# 滅,理中自然,成不生滅,因心所度,計以為常。

今想破 因心路籌度,計為周徧常住。二詳釋其相竟 然,成一種不生滅。殊不知行陰,正是第七種子,微細流注,實非真不生滅;不過 擾 , 非是無流 四者、是人計想盡為常,以其既盡想陰根元,謂根本想陰 動相已盡 ,彼謬謂更無流止,運轉施為,意以生滅想心,今已永滅 ,露出行陰 , 生滅 狠根元 0 生理: ·即生滅 根 元 , ,即第八識中動相 猶 如 野 馬 , , 理 熠 中自 熠清

#### 子三 結成外論

#### 由 此計常,亡正偏知 ,墮落外道, 惑菩提性。 是則名為,第二

### 道,立圓常論。

悟萬法生滅 由此之故 , 則亡徧知 ,非是徧常,妄計徧常。亡正徧知者:不達行陰遷流,則亡正知 0 墮落外道,執此為常;不知別有真常,菩提正覺之性 是

則名為第二常見外道,立圓常論・二四種偏常竟

#### 四 種 顏倒 分三 子初 標由示墜

清, 無常 又三摩中 常擾動元 分常論 諸善男子, ,於自他中, 堅凝正心,魔不得便,窮生類本,觀彼幽 起計度者,是人墜入,四顛倒見 分

•

0

他依正 慧相資 中道了 眾生 顛倒見中 行陰 凝然不動 計觀之,二無因, 此雙計常與無常也。又三摩中,諸善男子堅凝正心者:前二科云凝明 十二 (,此云堅凝,似偏屬於定。然雖似偏屬,乃是即慧之定,定力愈深 義 而 ,皆依之建立 乃觀察行陰 0 一種類 迥 想陰十境 分無常, 絕二邊 , 生滅深本 。由此於自他法中,起諸妄計籌度者,是人墜入,四顛倒見; , ,始終不起愛求 ,而謬執斷常 似觀劫外斷處 一分常義。《合轍》云:平等性中, 幽隱輕清 ,深本既現 ,常時擾動;生滅之根元 ,而計無常 非倒見而 ,故曰 , 但依耳根妙修 正心。魔不得便, 三何哉? ;四徧常 **企** • — ,似觀劫內續處 脈》 本無自他 , 既為諸動之根元 味 云 故得想破行 反聞照性 : 四 種 而妄計自他 顛 , 自 ,而計是 倒 現 ,而堅固 ,足顯定 可 , 合前 則自 研 進 破

常;各皆單計而已。今此乃是雙計,常與無常也。

#### 子二 詳釋其相 分四 丑初 雙約自他

心性,名之為常;彼生滅者,真無常性 計 者、是人,觀妙明心, • 我偏十方 ,凝明不動 **偏十方界,湛然以為** • 切眾生 • 於我心中 ,究竟神我 • 自生自死 0 從是則 0 則我

0

生十一 莫辨 計 用 我 滿 大等二十三法 神我 十方世界 , 中間二十三法為所受用 此即外道二十五諦之最後一諦也。 根,最後立一神我。謬計冥諦為能生,中間二十三法為所生。神我為能受 者、是人觀彼幽清,常擾動元,此是行陰,生滅根元;而計為妙明真心,徧 遂立為冥諦 ,徧滿 。且以幽清常擾,不覺妄謂湛然,即不動義, 干方 。蓋是以第八識中 0 凝 從冥諦生覺大,覺大生我心,我心生五微 明不動 0 , 如彼論云:神我有知 無生無滅 , 所含第七識種子 彼有定力,能觀八萬劫 , 以故是常。 ,能思慮故 , 為神 以一切眾生 我也 自計最勝曰究竟 0 ,我以思為性 ,五微生五大,五大 ;八萬劫外 既立 ,於我心中 神我 , 名 為 , , 從是則 一,受用 則 冥然 自 神

生自死,故是無常。此於自他處計常無常也

#### 丑二 約他國土

# 二者、是人,不觀其心,徧觀十方,恆沙國土。見劫壞處,名為究竟

## 無常種性;劫不壞處,名究竟常。

災起時 面 或 種性。若見劫不壞處,不知暫時而住,不過二十小劫,便名為究竟徧常種性 土,未知是否常住?故運心徧觀,十方恆沙國土,成壞不一。彼但見劫壞之處,三 |土壤不壤, 執無常 一者、是人前觀自心,已知是常,故不復觀,又前於眾生,知是無常 ,壞後見空;不知成住壞空,乃世界之劫運,空後還有成,便名為究竟無常 ,則菩薩灰嚴土之心;若因不壞,而執真常,則凡夫增戀世之志。邪見誤 計為常無常也。 《指掌疏》云:要知界性無二,成壞隨緣,若因有 ;而於國 此以 壞

#### 丑三 約自身心

,不可不知

三者、是人,別觀我心,精細微密, 猶如微塵,流轉十方,性無移

#### 改 • 能令此身 ,即生即滅,其不壞性,名我性常 0 切死生 從我

### 流出,名無常性。

性 所受之報 依 塵 是七識種子故曰精 能 每常遷於國 此微 令此身等 ,名我性常。至於一切生死之身,從我流出,名無常性。此以自己身心計為常無 為十二類眾生根本。此即 三者、是人捨他觀自,於自己身心二途,分別而觀。別觀我心等: 細 我 ,有大小不定故 土 , 起惑造業 此觀 , 能令此身 身也 ,流注莫見故曰細 , 0 隨業受報 言精細微密者:此想破行現 0 , 以上觀心, 剎那變滅 外道所計之微細我也。第一 ,流轉十方 ,虛受照應故 , 次觀身;能令此 故云即 , 生即滅 呵 性無移改 É 微 , , 其不 指行陰根 身 , 行相 科 , 即 单 , 壞性 生即滅者 此即大小不定我也 神我 幽 本也 隱故曰密 , ,即廣大我 即 0 無移改之心 別觀 此觀心也。 : 前云業運 , 猶 我 **加微** 也 心

#### 丑四 雙非自他

常也

#### 四者、是人 知想陰盡 • 見行陰流, 行陰常流,計為常性,色受想

大佛

頂如來密因修證了義諸菩薩萬行首楞嚴經講義第二十三卷

#### $^{1}_{4}_{7}_{0}$

## 等,今已滅盡,名無常性。

不斷而常流者, 四者、是人通觀四陰,知色、受、想三陰已盡,見行陰現在遷流,以行陰相續 便計 以為常住性 。色受想等三陰滅盡 , 而無有者 , 故計以為

性。此於四陰中,計常無常也。二詳釋其相竟。

#### 子三 結成外論

### 由此計度 • 分無常, 一分常故,墮落外道,惑菩提性,是則名為

## 第三外道,一分常論。

即無罪 亦無罪 雙計 由此計度 故 無 福 成顛 福 亦 , 無所 無增損功業 倒 ,自他依正 0 傷殺 所以墮落! ,亦無施命,無縛無解 , , 因緣果報亦失;是皆足以惑菩提性 外道 及陰等 , 如僧佉論 0 各執不同,總不出一分無常 師等 , 則無涅槃;若執無常,即是斷滅 0 《智論》 云:諸法不應執常 ,是則名為第三外道 **,** 分常論 以此 0 常

## 癸四四種有邊 分三子初標由示墜

分常論

此偏言一

分者

,以二分中

,

以常為勝,

顯獨重故。

三四種顛倒竟

## 又三摩中,諸善男子,堅凝正心,魔不得便,窮生類本, 觀彼幽

# 清,常擾動元,於分位中,生計度者,是人墜入,四有邊論

論 位 文雖雙計 見聞分位 又三摩中,文同上可知。於分位中,生計度者:溫陵曰:分位有四, ,有邊無邊 ,彼我分位 ,理實但是邪計。邊見而已,非真得無邊理體,故以正教 , 生滅分位 0 於四種分位中 , 生計度者,是人墜入四有邊 謂三際分

## 子二 詳釋其相 邻 丑初 約三 際

判之,但名有邊。

者、是人,心計生元, 流用不息。 計過未者,名為有邊 0 計相續

#### 心,名為無邊。

處 續 元 有限際者 而現在遷流業用 曾無間 者、是人約分位計有邊無邊也。心計生元者:謂見行陰為十二類生,生滅根 . 斷 為有邊。然心無限際者,以當念觀心,浩渺無涯岸之謂也 名為. 無邊 ,循環不息。計過去已滅,未來未至,名為有邊 ٥ 既取現心續處 了, 為 無限際者 , 為無邊 ;則必以過未斷 ;計現在相

#### 丑二 約見聞

# 二者、是人,觀八萬劫,則見眾生,八萬劫前,寂無聞見,無聞見

# 處,名為無邊,有眾生處,名為有邊。

涘;不知惟是自己見聞不及,遂名為無邊之性。又但見有眾生處,生滅相續;不知 生 輪迴其處,八萬劫前,寂然無有聞見。彼但見無聞見處,冥然莫辨,邈無涯 二者、是人約見聞以計有邊無邊也。以定力能觀八萬劫, 則見眾生 , 生滅滅

#### 丑三 約彼我

惟是業緣,虛妄現起,遂名有邊之性

## 知,彼之知性;名彼不得,無邊之心,但有邊性。 三者、是人,計我徧知,得無邊性。彼一切人,現我知中,我曾不

知 能周徧了 ,彼知之性;名彼不得,無邊心性,但名有邊心性耳 三者、是人約彼我以計有邊無邊也。此由行人,觀己行陰,執為真我 知 , 於諸法之中 得無邊之性。而彼一切眾生 ,皆現我知之中 ,我曾不 。遂計我

#### 丑四 約生滅

中 四 者、是人 • 計其咸皆半生半滅 ,窮行陰 空 , 以 0 明其世 其所 界 見 • ,心路籌度 切所有 • • 半有邊 切眾 生 • • 半無 身之

#### 邊。

妄想心路籌度 不知是定功未至,若定功至 以定力研窮,欲求其空即滅也。以在定中,覺得行陰滅,出定之時,覺得行陰生 切皆是一 四 者 是人約生滅 半有邊 ,謬謂 , 切眾生, 以計有邊無邊 半無邊 , 則行陰自空 , 一身之中 以生時覺得有邊 也。 窮行陰空者:謂想陰既盡 ,咸皆半生半 0 如波瀾 ,滅時覺得無邊故 滅 , 滅 化為澄水。 0 以 \_\_\_\_ 例諸 今以其所見 , 行陰遷流 , 二詳釋其相 明 冊 界 所 , 用 , 今 有

#### 子三 結成外論

竟

此計 度 • 有邊 無邊 • 堕落 外道 • 惑菩提性 • 是則名為 • 第 四 外

#### 道,立有邊論。

大佛

頂如來密因修證了義諸菩薩萬行首楞嚴經講義第二十三卷

曲

道 ,菩提正性。是則名為第四外道,立有邊論。四四種有邊竟 由此妄心計度,有邊無邊,墮落外道,成其伴侶,以其邊則非中,故迷惑中

癸五四種矯亂 邻三子初標由示墜

清,常擾動元,於知見中,生計度者,是人墜入,四種顛倒 又三摩中 • 諸善男子, 堅凝正心,魔不得便 。窮生類本 ,觀彼幽

**矯亂,徧計虛論。** 

分別性,故名徧計;都無實義,故云虛論 問時,答言秘密言詞,不應皆說,或不定答。佛法訶云:此真矯亂。《灌頂》云:邪 為不死天。一生不亂答人,死後當生彼天。若實不知,而輒答者, 決擇明了 又三摩中,文同上可知。於知見中,生計度者:謂以彼定中,所知所見,不能 , 而妄生周徧計度也。是人墜入四種顛倒之見。不死者 恐成矯亂 外道計無想天 宗故有

子二 詳釋其相 兒 三丑初 八亦矯亂

者、是人,觀變化元,見遷流處,名之為變。見相續處,名之為

斷處 來問其義 之為有 愽 0 見所見處 ,名之為增。正相續中,中所離處,名之為減 。互互亡處,名之為無。以 , 答言我今,亦生亦 ,名之為生。不見 滅 |見處,名之為滅 ,亦有亦無 理都觀,用心別見 ,亦增亦減 0 相續 0 各各生處 。有求法 之因 ,於 , 性 , 名 人, 切

時,皆亂其語,令彼前人,遺失章句。

行陰未 之外 卻前 也 之為滅者 之為生者 行陰 相 後 為變化之根元,其體即是遷流 者、是人以生滅行陰分別,而成八種邪見。觀變化元者:以想盡行現,進觀 別 生 相 續之因 有 :於八萬劫外,不能見所見之處,似是眾生滅,故即名為滅。此生滅 續 : 中 於八萬 識 , 有相 陰 間 ,性不斷處者: 必有相 劫內 但見其性不斷處 續 崱 **!續之因** 無斷 能見所見之處 絕 此又於生滅之中 , , 然相 故即 , 續即 名為 似多出 0 既有遷變流 , **返即常** 中有 似為眾生生 法,名之為增 身 ,別起有因之計 也 , 其體即 轉 0 此 , , 故即 變恆 故即名為 是識 名為生 0 正相續中 陰 對 , 也 變 如前行陰已滅 , 以 0 0 見所 雖有 彼 不見見處 不 遷變 必有缺乏 知 見處 , 行 , 後 對 名 名 陰 而

之處,如出入之息,相續而缺中交是也,缺少即名為減。此增減一對也。又各各生

滅為無,故遂名為無。此有無一對也。如上八種 處,名之為有者:因觀眾生,各各生處,以生為有,故遂名為有。見互互無處,以 ,雖則以行陰之理 ,統而觀之, 而

行人用心

,差別而見,前後不一,

無有正知正見。有求法人來問修證之義

,

·答言我

遺失章句者:指前來問話之人;答者既兩可莫決,而聽者自然遺失章句也。 中無主宰,於一切時,皆亂其語。正墮矯亂論議,文少亦變亦恆一對。令彼前人 今亦生亦滅 ,亦有亦無,亦增亦減。蓋亦者,兩可之詞,顯其不墮偏執。殊不知

### 丑二 惟無矯亂

# 二者、是人 ,諦觀其心,互互無處,因無得證,有人來問,惟答一

# 字,但言其無,除無之餘,無所言說。

一者、是人諦觀其心者:於生類中,諦觀行陰之心。互互無處,因無得證者:

謂悟得一切法皆無也。有人來問,惟答其無,除無之外,無所言說也。

### 丑三 惟是嬌亂

# 三者、是人,諦觀其心,各各有處,因有得證,有人來問,惟答一

字。但言其是,除是之餘,無所言說

因有得證者:念生後必有滅相,滅後必有生相。從此證得,一 切皆有;是即有

也

餘可

知

丑四 有無矯亂

有,即是亦無,亦無之中,不是亦有,一切矯亂,無容窮詰 四者、是人,有無俱見,其境枝故,其心亦亂,有人來問,答言亦

執拗不順於理。亂者:心無主正。《寶鏡疏》云:此中第一、第四,言皆兩可 歸於滅。亦無之中不是亦有者:以滅者不定更生。一切矯亂,無容窮詰者:矯者: 木分為兩枝,其心亦復不定亂也。有人來問,即答,見亦有即是亦無者:以生者必 四者、是人觀察行陰,有無俱見。既見其念念生處,又見其念念滅處;其境如 

大佛頂如來密因修證了義諸菩薩萬行首楞嚴經講義第二十三卷

,同歸於亂也。故總結云:一切矯亂,無容窮究詰問者也。二詳釋其相竟

亦兼於矯也。第二、第三,言惟一

偏

矯義為多

而終非主

為多

而終非順理,

正

### 子三 結成外論

### 由 此計度 ,矯亂虛無,墮落外道,惑菩提性。 是則名為 ,第五外

# 道,四顛倒性,不死矯亂,徧計虛論。

道 0 迷正 虚無者: |知見,立邪知見, 虚妄邪計 , 無有實義 故曰四顛倒性。結名徧計虛論者:此人周徧計度,如執 0 墮落外道 , 迷惑菩提真性 ,是則名為 , 第五 外

## 癸六 十六有相 急三 子初 標由示墜

繩為蛇,皆至虛至妄之論也。五四種矯亂竟

清,常擾動元 又三摩中 • 諸善男子, ,於無盡流,生計度者,是人墜入,死後有相 堅凝正心, 魔 不得便 • 窮生類本 觀 發心 被幽

### 顛倒。

即計 必生 此行陰 又三 故曰是人墜入,死後有相 一摩中 , 為諸 文同上可知 三動之元 ,將來能生諸 。於無盡流者:行陰相續無盡,遷流不息。生計度者 ,發心顛倒 動 , 遂計色 0 《正脈》云:真悟無生 受、 想三,即現前 ,了知初生即 巨滅 , 將來

有滅,是知生尚空洞無相,何說死後,豈可妄計有相耶?

### 子二 詳釋其相

## 或自固身 ,隨我迴復;云色屬我。或復我依,行中相續,云我在色 ,云色是我。或見我圓,含徧國土,云我有色。 或彼前

即是色陰,此計色大我小,我在色中也。 是我也。 我迴旋往復 計我大色小 皆是我故,此計即色是我也。二者:或見我性圓融,含徧十方國土,云我有色,此 此即外道,六十二見中四計也。一者:或自堅持,固守此身形,云四大之色, 四者:或復我依行陰之中,遷流相續,云我即在色中;以行陰相續之相 ,色在我中也。三者:或彼前緣,即謂眼前之色。隨我迴復者:咸皆隨 ,即運用也.云色屬我者:色既屬我,顯是我所 ,非即我矣 **八,此計** 離色

# 皆計度言,死後有相,如是循環,有十六相。

謂色身雖死,我猶現在 ,色陰既爾,餘三亦然。如是循環,四四共有十六相

## 從此或計 ,畢竟煩惱,畢竟菩提,兩性並驅,各不相觸 0

大佛

頂如來密因修證了義諸菩薩萬行首楞嚴經講義第二十三卷

上因見行陰無盡,遂計前三陰,亦復無盡,同成有相。 此更轉計,一切諸 法

惱 無不皆然。煩惱攝盡染法,菩提攝盡淨法,則煩惱菩提, 菩提畢竟是菩提 , 決無更改 0 由是真妄兩性並驅,即並行不悖 理亦 如是 , 各各不相抵觸 煩惱畢竟是煩

也。二詳釋其相竟。

### 子三 結成外論

由 一此計度,死後有故,墮落外道,惑菩提性, 是則名為 ,第六外

# 道,立五陰中,死後有相,心顛倒論。

道 真妄各立 。立五陰中 由此計 , 無有轉煩惱之妄法,成菩提之教性 度 ,死後有相:通結五陰,惟在前四;雖在前四, ,死後有相 ,所以墮落外道,有十六相, ,故曰惑菩提性 真到底是真 義惟行陰耳 , 是則 , 妄到底是妄 名為 ・依斯立 ,第六外

# 癸七八,鍾種相邻三子初一標由示墜

論

從心顛倒

,正所謂心魔作祟,其奈之何?六十六有相竟

又三摩中, 諸善男子,堅凝正心 • 魔不得便。 窮生類本 觀彼幽

## 清 ,常擾動元,於先除滅,色受想中,生計度者 。是人墜入,死後

## 無相,發心顛倒

入, 之妄論 陰 見其無盡,而因前三,並萬法,皆當無盡。此覩已滅之前三,見其無相 前三先有今無 死後 並 又三魔中,文同上可知。於先除滅,色受想中者:見前三已滅,生妄計籌度 萬 ,故曰發心顛倒 **経無相**。 法 ,皆當無相 , 例 《正脈》云:此與上敵體相翻,故變有成無 知行陰現有 也。 發心顛倒者:違佛教修因證果之誠言, , 將來亦 應滅無 0 因計 死後 , ,蓋上覩未滅之行陰 終歸斷滅故 成外道虛無斷 ,而因計行 , 是 人墜 滅

### 子二 詳釋其相

## 綴 見其色滅,形無所因;觀其想滅,心無所繫, ,陰性銷散,縱有生理,而無受想,與草木同 知其受滅,無復連

想為意識之想,心為意根之心,心因想繫,觀其意識之想滅,則心無所繫矣 色, 四大之色;形,一身之形。形因色有 ,見其四大之色滅 則形 無所 因 矣

無知覺 復連綴 受陰之前 矣 , 與草 。據此前三陰之性,既已銷亡散滅,縱有行陰,雖是生理 ,心居受陰之後。有受居中,則色心可以連綴;知其受陰 木同 0 溫陵曰:陰性銷散 ,謂色、受、 想滅也。 生理即行 , 而 滅 無受想 ,則色心無 , 謂 無受 則

此 質現前 猶 不可 得 死後云何 • 更有諸相?因之勘校 死後相

想

則行

亦滅

也

## 無,如是循環,有八無相。

如是循 何 更有諸相耶?因之勘驗已滅 此質指現陰色心, 環 往復推檢, 非獨指色陰也。今在定中, 每一 陰生前死後皆無相 , 而知 現在未滅 , , 而色、受、 比校將來 見四陰現在皆無相可得 , 死後陰相 想、行四陰 , 定是 共有八無 死後云 無

### 從此或計 • 涅槃因果,一 切皆空,徒有名字,究竟斷滅

相

空 現前 徒有名字 質空 一無修因 ,終無實體 , 死後相空無證果 ,究竟皆歸於斷滅也。 ,從此或計涅槃因果 斷滅是大邪見 , ,撥無因果 世出 世法 , 0 以 三切 切皆

諸法,皆不離因果。所謂豁達空,撥因果,莽莽蕩蕩招殃禍。二詳釋其相竟

### 子三 結成外論

由 此計度 ,死後無故,墮落外道,惑菩提性。是則名為 , 第七外

七八種無相竟。

道,立五陰中,死後無相,心顛倒論

0

癸八八 種俱非常三子初標由示墜

清,常擾動元,於行存中,兼受想滅,雙計有無,自體相破 又三摩中, 諸善男子,堅凝正心,魔不得便,窮生類本,觀彼幽 ,是人

## 墜入,死後俱非,起顛倒論。

區 〕宇宛在也。兼受想滅者:見前三已滅,體相全空也。雙計有無者:於存計有 又三摩中,至常擾動元,同上可知。《正脈》云:於行存中者:見行陰未滅, ; 於

滅計 無也 0 自體相破者:以行陰之有,破前三之無,以前三之無,破行陰之有也。

末言墜俱非者:以破無則成非無,破有則成非有也。起顛倒之論矣

頂如來密因修證了義諸菩薩萬行首楞嚴經講義第二十三卷

大佛

### 1 4 8 4

### 子二 詳釋其相

# 色受想中,見有非有,行遷流內,觀無不無。

此正 |釋成自體相破之義 。謂前三已滅 ,故色、受 、想中,見行陰之有 , 亦 即 同

滅 而非有矣 後一 猶存 , 故行遷流內 ,觀三陰之無 , 亦即同有 , 而非無矣

### 如是循環 • 窮盡陰界 ,八俱非相, 隨得一 緣 • 皆言 死後 ,有相無

### 相。

行 四陰界限 如是循環 ,窮盡陰界者:謂如是循環,由後觀前 有無俱非 , 成八俱非相 凯凯 非有色、受、想 ,由前觀後,窮盡色、 ` 行 , 非無色、 受、 受、 想 想

行也。 隨得一 緣者:隨舉 陰 , 為所緣時 ,皆言死後非有相非無相也

## 又計諸行,性遷訛故,心發通悟,有無俱非,虛實失措 0

非 有 設有人問曰:孰虛孰實?亦莫能施對 無 諸行是指萬法 亦 菲 無 , 於此盡 ,非獨指行陰,此下例成 知盡 見 0 心發通悟者 ,故曰:虛實失措。二詳釋其相竟 ,萬法之性 非真通悟 ,悉皆遷變淆訛 , 增長邪. 知 見解 , 有 有 |競非 無俱

### 子三 結成外論

性 由此計度,死後俱非,後際昏瞢,無可道故,墮落外道, 。是則名為,第八外道,立五陰中。 死後俱非,心顛倒論 0 惑菩提

正性,是則名為,第八外道。立五陰中,死後俱非,真是從心顛倒,而立論矣。八 可說 由此計度 道有不得 ,以生前例之死後,皆是非有非無。後際昏瞢 , 道無不得,此明有無俱非,皆不可道之故,墮落外道, , 即是杳冥 , 惑菩提之 無正 理之

癸九 七 際斷滅空三子初標由示墜

八俱非相竟

清,常擾動元,於後後無,生計度者,是人墜入,七斷滅論 又三摩中 諸善男子,堅凝正心,魔不得便 0 窮生類本, 0 觀彼幽

同 念滅處,名後後無 彼由前三,此由行陰;又彼推過去,以定死後, 又三摩中,至常擾動元,同上可知 ;由是妄計 ,生人天七處,後皆斷滅 。於後後無,生計度者:溫陵曰:見行陰念 此觀未來,念念成滅 0 此與第七無相 而起計不 故計處

大佛頂首楞嚴經講義

處,有斷滅處也。

### 子二 詳釋其相

## 或計身滅,或欲盡滅,或苦盡滅,或極樂滅,或極拾滅 0

已離欲界之生 七處斷滅 一,欲染已盡故。或苦盡滅,即二禪,定生喜樂地,極喜無憂故 :或計身滅 ,即四洲 、六欲二處。 或欲盡滅 , 即 初禪 , 離生喜樂地 或極

樂滅,即三禪,離喜妙樂地,樂有終盡故。或極捨滅,即四禪,捨念清淨地,捨覺

觀喜樂故。併四空天,捨色質之礙故。

### 如是循環,窮盡七際,現前消滅 滅已無復 0

如是循環 , 推窮極盡七際 , 現前悉歸消滅,是七處皆現斷滅, 則知死後未來

更無復生之事。二詳釋其相竟。

### 子三 結成外論

### 由 此計度 死後斷滅 ,墮落外道 • 惑菩提性 • 是則名為 • 第九外

0

# 道,立五陰中,死後斷滅,心顛倒論

九七際斷滅竟

癸十 五現涅槃 分三 子 初 標由示墜

## 清,常擾動元,於後後有,生計度者,是人墜入,五涅槃論 又三摩中, 諸善男子,堅凝正心,魔不得便,窮生類本,觀彼幽 0

智,而入涅槃 有 念念遷流不住,因不住則後必有滅。此以行陰,念念相續無間,因無間,則後必是 故曰於後後有。當有實果,必不滅無也。是人墜入,五涅槃論者:不待灰身泯 又三摩中,至常擾動元,同上可知。於後後有者:此與上科相翻,前以行陰, ,即於現在所計五處,即是涅槃

詳釋其相

## 故;或以二禪,心無苦故;或以三禪,極悅隨故;或以四禪,苦樂 或以欲界,為正轉依,觀見圓明,生愛慕故;或以初禪,性無憂 二亡,不受輪迴,生滅性故 0

此計五處,現在生處,即為涅槃。 大佛 頂如來密因修證了義諸菩薩萬行首楞嚴經講義第二十三卷 顯非一人,徧計五處,各隨所見, 或計一

處

者皆亡。 悅 憂 為 圓定 處 教 而 以故心生愛慕 《現在涅槃也。或以二禪,定生喜樂地,憂愁不逼,計為現在涅槃也。今謂 , , , 得 發 每 轉 ?大隨順 欲界指六欲天,非指一天也。為正轉依者:妄計為真涅槃之境 崩 禪 處皆當有之。 生 遂謂 死 無苦者 以 依涅槃之號也。 三災不到,不受輪迴 初得天眼 ,遂計此境 , 計為 , 疑翻譯之誤倒 何 現 在涅槃也 以欲界, , 普觀 , 為現在涅槃也。 此如仙家,計六欲天上,無生死耳 天光 為正 • 耳。 , 或以四禪 , 生滅 清 |轉依?觀見圓 或 淨莊嚴 性故 以三禪, 或以初禪 , , 捨念清淨地 , 計為現在涅槃也 迥 離喜妙樂地 超 丽 , 日月之明 , 生 離生喜樂地 一愛慕 , 修捨定 故 , 極悅 0 且 0 此句 以前 , 離 , 隨者 苦惱 人間 雙捨苦樂 ,以涅槃乃佛 應通後之四 想陰既 之穢 不逼 謂 初 極喜 禪 , 計 濁 破 無

## 迷有漏天,作無為解,五處安隱,為勝淨依, 如是循環 • 五處究

竟

o

誤作涅槃無為 Ħ. 處 皆 在有漏 遂以為安隱之家鄉矣!為勝淨依者 天 中 , 今迷有 漏 天 , 竟作涅槃 **浜無為解** 為最勝清淨者之所依處 0 五處安隱者 : 以五 最勝 一處既

清淨 常、苦空、無我、不淨中,而妄計常、樂、我、淨也。二詳釋其相竟。 在 謂 推 真淨 觀五 而 ,即佛也,佛依涅槃故。如是自下向上,展轉推觀,有循環義。五處究竟者: |處,謬謂皆是無上極果也。《正脈》云:初於六欲,乍離人間之塵穢,而妄 妄謂真我 。次於初禪 。次於四禪 、二禪。乍離下界之憂苦,而妄謂真樂。次於三禪, , 暫得三災不壞 ,而妄謂真常,不生滅也 乍得隨順自 此 Ī 於 無

### 子三 結成外論

### 由 此計度 ,五現涅槃 ,墮落外道,惑菩提性,是則名為 ,第十外

# 道,立五陰中,五現涅槃,心顛倒論。

為妄 道 惑菩提性者:菩提、涅槃二種,是如來智、斷二果。今既認妄為真,將必以真 五現涅槃者:計此五處,皆現在涅槃,現受寂滅之樂,不待將來者也。 ,故曰惑菩提性 ,是則名為,第十外道。立五陰中,五現涅槃,乃是從心顛 墮落外

## 士三 結害囑護 贫三二癸初,示因交互

倒

妄計

而立論耳

。二中間十計竟

# 阿難!如是十種,禪那狂解,皆是行陰,用心交互,故現斯悟

悟 者 凡見道不真 溫陵曰:前云禪那現境,乃天魔候得其便;此云禪那狂解,乃心魔自起深孽; 斯悟:即狂解也 皆是想破 ,多歧妄計 行現 , 用定慧力 , 皆即狂解,是謂心魔 , 趣真斷妄 ,正當真妄交攻之時 ,最宜深防也。皆是行陰 ,互為勝負 ,用心交互 故現斯

亦也。 廣畢竟斷空,第十推廣畢竟滯有,若更以空有 生過,且此雙非,蓋指後陰昏瞢,不定有無,非是雙遮之中道,故非正見。第九推 有 斷 ,第七執空,第八雙非 、常,後五 問 正脈疏》云:然通論十種狂解,不出斷、常、空、有,四字而已。且前五屬 : 何 一屬空 ?無雙非?答:斷常皆過 、有。第一 0 問 斷見,第二常見 此何不為離過正見?答:有空不定是過 ,若雙非 ,攝入斷常 ,第三雙亦 , 則為離過正見, ,仍惟斷常二見而已。 ,第四、 非外道也。 第五 ,因偏 , 皆充廣雙 第六執 方始

### 癸二 迷則成害

## 眾生頑迷,不自忖量, 逢此現前,以迷為解, 自言登聖,大妄語

### **成,墮無間獄。**

何 語之業既 度 ,不知幾經歲月;如穿衣者,脫卻面上三層,只剩二層,功已過半,而乃妄言 我何人斯,逢此現前,以迷惑為解悟,未證言證,自言登聖,僭稱果位 頑迷者:謂頑癡成性,難入正悟。迷惑覆心,易生狂解,由其不自己思忖量 成 , 其必墮無間地獄矣,誠為 可惜!夫修行而至想破行現 , 外 魔 無 一、大妄 可奈

登聖致墮,豈不悲哉·

### 癸三 囑令保護

### 汝等必須, ,無令心魔,自起深孽,保持覆護 將如來語,於我滅後,傳示末法,徧令眾生,覺了斯 ,消息邪見 0

念纔萌 了斯義者 必須將如來語,於我滅度之後,傳示末法,以去聖時遙,魔強法弱 此囑作摧邪知識,蓋令未起者勿起,已起者速滅。囑阿難云:汝及在會眾等 即當以正定拒之。無令者:禁止之辭。心魔自起深孽 :謂覺察了然明白斯十種狂解之義 ,既能覺了 , 自能辨識 ,心魔 。 徧令眾生 , 邪正 : 即 一分明 计种種狂 一, 覺 妄

故 解 上是教未起者勿起。 書日 謂外魔雖不能擾,無令自己心魔,自起深孽。孽者:禍之萌也,以能為地獄因 :「天作孽,猶可違;自作孽,不可活」。今云自起者,正是自作孽耳 保持覆護 ,消息邪見者:是教已起者速滅也。 保持禪定 ),覆護

### 足,作大覺王,清淨標指 教其身心, 開覺真義 ,於無上道,不遭枝岐,勿令心祈, 得少為

進修

消息邊邪之見矣

趣無上菩提,為大覺王,標榜人天,示作成佛指南而已。四行陰魔相竟 道;得少為足,便入小乘。故囑當機,作大覺王,清淨標指。一念不生曰清淨, 枝 斷常空有 路 此囑作趣真導師,是教其未生正智令生也。身心體察,真如實義,迴然不屬於 曲 ;但一念不生,迴光照性 分曰歧,皆非正直之本。勿令心中祈求,得少為足 ,中中流入,於無上佛道 ,不遭枝歧 。蓋遭枝歧 。木旁出 , 即 **墮外** 疾

楞嚴經講義第二十三卷終

## 大 佛頂如來密因修證了義諸菩薩萬行首楞嚴經講義 第二十四卷

福 州 鼓 山湧泉禪寺圓瑛弘悟述受法弟子 明 暘 日新 敬 校

初 始修未破區宇 辛五 識陰魔相 二 終破顯露妄源 分三 壬初 具示始終 癸初分二 子 初 中間十境 躡前行陰盡相 Ξ 結害囑護 狀示識陰區 壬初分二 癸

### 宇 今初

分生機 阿難!彼善男子,修三摩地,行陰盡者,諸世間性,幽清擾動,同 ,倏然隳裂,沉細綱紐 ,補特伽羅 ,酬業深脈,威應懸絕 0

也。 者 即 故 妄念便能覺知, 同 :倏然即忽然也。 行陰盡者 此通 生 幽清擾動 基 過明識陰 也 0 基 ,諸世間性,即行陰生滅性也;諸世間一切有為之法,無非流變生滅 ,同分生機者:觀幽隱輕清, ,始終之相 :表生之處;機 常住圓定 **隳**壞裂破 , 。彼善男子:即是行陰已盡之人,或始終不起狂 故仍稱修三摩地;此中望行陰為終修 , :明動之始;其意則一 沉細綱紐, 擾動之根元,即十二類生 沉是深沉 ,細即微細 而已。 倏然隳裂 , ,望識陰為 綱為網上之大 一同 , 沉 分生機 薢 細 始修 綱 或 紐

也 面 沉 綗 受生 細 感 紐 綱 |為衣中之紐扣;此狀生機之綱紐 紐 應懸絕者 也 0 則 且受生 補 特伽羅 感 , 應即因 所 ,此云數取趣 以酬答宿業 果也 , 而言懸絕者 , ,即中有身 而酬業之深潛脈絡 ,為網衣之樞 , 以行陰既盡 ,眾生由 要也。 , 即 此 功夫至此,忽然隳裂 , , 能數數取著於諸 是行陰 深潛脈絡已斷 , 為 生 滅 因 亡 根元 趣

### 子二 狀示識陰區宇

果喪

,不復受生,故云懸絕

現幽秘 元由 靜 於 涅槃天 • • 無復馳逸 觀 0 此則名為 曲 • 執 將 完 大明悟 內外湛 • 諸類 ,識陰區宇 • 不召 明 如雞後鳴 ,入無所 ,於十方界 • 入。 瞻顧東方,已有精色 深達十方 • 已獲其同 • <u>+</u> ;精色不沉 種 。六根 類 受命 發 虚

既 明悟之前 盡 於涅 如雞最後啼鳴; 燥性 兆耳 天 ٥ 故下 , 為五陰所覆 以喻顯之 瞻 顧 怪天 0 , 前三 輪轉生 ,亦若東方已有精明之色,但未大明白,以其尚為 一陰盡 死 , , 如雞 昏如長夜,將大明悟 初 <u>`</u>  $\equiv$ 鳴 , 未見精 言將者 色 今行陰 謂 沒有

果報 不牽 故曰諸類不召 則盡十二類

昏擾乎 識陰所 所入。 復馳逸 也 掌疏約前四陰盡相言之。以受盡故虚,無領納故;想盡故靜 內外湛明:言根塵化為一味,湛明之境。入無所入者:謂初心亡所,故言入 覆故 ? 《正脈》云:亦即漸次中 絕遷流故 如是則 。工夫至此 內根外境 。內之六性,既已湛然明淨 ,行陰已盡 , 同歸湛明之一 , 塵既不緣, ,識陰已現時 體也 根無所偶 0 , 既 況夫色陰先盡 '也。六根虛靜 帷 體 , 反流全一,六用不行之時 , 內外 ,離分別故;行盡故無 ,而外之六塵 ,無復馳逸四句, 相 盡 , 故曰 豈 入 指 無

更

流 ; 既盡根塵 更何所入?

前之總 盡 元 知 此 此是無明幻力所起, 由 顯 深達 現 敹 1相而見,故曰深達也。十方世界,十二種類 十方 此為 環師謂: , 十 二 本元真心 受命 |種類,受命元由者 離於依 元由 故曰 , 心他起性 題由 即是識陰 執元 ,則識陰自可頓超。 : , , 至此根塵既銷 遂致識陰終不 然亦即是 皆不能牽引受生矣。唯見十方世界 類生別相 ,眾生投胎,受命根本元由 7,綱紐: 可破 其奈行人至此 ; 自破 雖 所謂各命 不 可 , 則第 破 由 觀此受命 緒 八識 而行陰已 , 若 顯 , 從 異

大佛

頂

之區宇 暗中之物 銷 同 有精明之色 識 猶未亡一 性 也 , , 同 0 即是行盡識現 不復 是唯識 。精色不沉 更沉 • 。雖未大明,然已東方發白 ,發現幽秘者:謂識精元明,常得現前 體變現 , 如脫外衣 , 更無別法之可得,故曰已獲其同。 , 方見最內貼體汗衫 , 顯現幽暗隱秘之處 , 此則名為識陰 ,如初見性天,已 此即已得六 , 言其 具見 未 破

### 癸二 終破顯露妄源

則能 淨 若於羣召 0 + • 方世界 超越命濁 ,已獲同中 , 及與身心 觀其所由 銷磨六門,合開成就 • 如吠瑠璃 罔象虛無 , ,顛倒妄想 內外明徹 見 • • • 名識陰盡 聞通鄰 以為其本 互用清 0 0 是人

也 不 召 群召 開之則六 銷 識陰現 磨六門 ,謂群生果報 。以六根為一 前 , 合開成就者 , 故觀 ,皆能牽召受生,故曰群召。已獲其同者:行陰已破,諸類 十方唯識 根用 : 即於同 ,以眼能見,耳、鼻 體變現 中 , 加 功 , 用行 更無 **浏**法, 銷鎔 、舌、身 磨煉 是謂已獲同 、意皆能見 , 六 根 門 頭 中 同 ,名合成 合之則 即 體

生言滅 界 就 用 命濁 寂 前 有 根 者 亦 滅 念不生,不生不滅 結 以情 中 ; 根 ;以一根為六根用,以眼不獨見色, -相背 故 及與身心 體 文云:汝等見聞 現前 如 《指掌疏》云:前於空所空滅時 , 器 云 無障 既 是 , 滅非 時也。是人則能超越命濁 如 無 交徹 吠 根根合開皆然 隔 同 無 一瑠璃 真滅 ·,此有情世界也。外器內根,全是自己心光,世界身心,蕩然不 也 異 礙 , 用 0 (失準 , 見聞者 故 可 , ,正是識陰,今於識陰盡處 內外明徹 互通也 É 元無異性 與生滅和合之相滅 [清淨 相織妄成 · 略舉六根之二;通鄰者 0 見聞通鄰 0 ,謂眼家 0 此即情界脫纏 1 (也性) 卽 , 名 為 :此經命濁 前 , 所謂 , 宛爾有箇能滅心, 而能聞、齅 , 作耳家佛事等 互用清淨者:《正脈》云:不唯情界脫 命濁 眾塵 ,故云名識陰盡 山河大地 0 0 隔 , 下則情器交徹 今以合開成就 ,對生言滅之滅,亦復俱滅 越 以 ` , 一性六用 , : 嘗 無狀 應念化成無上知覺是也 其結已解 0 「、觸、 以其迴 即是第八本識 異生 0 按耳 , 覺 脱浮 ( 也 用 同 0 ,一六俱亡 , ` 十方世界 |異相 其體不隔 圓通 知,名為開成就 塵 織 0 , , ` 然此 此當 勝 性 為 中 體 , 義 也; 此器世 無復相 柏 乃 寂 , 故是 至此 -復更 如前 是對 互用 滅 纏 知 種 現

大佛

頂

耳 性 織 空寂 0 但 故 能 能 ,故名虛無 超越。至此反觀識陰之所由來,莫非幻妄,非有謂之罔 達妄本空 ;迷背真性,名為顛倒;元無別法 , 則妄想尚無, 識陰何有?故曰識陰虛妄 ,惟此妄想,以為識陰之根本 , 本如來藏也。 ·;非無謂之象 初具示 ;體

阿 中間十執 分十 癸初 因所因: 執 至十定性辟支 桑初分三 子初 行盡 識現

### 滅

始終竟

掌疏》 即樂德 盡 之善男子 八識反本還元矣!已滅七識遷流生滅之性 ||識現,如前云 .難當知:是善男子,窮諸行空,於識還元,已滅生滅,而於寂 ,精妙未圓 此示 云 `識陰十種 具神 寂 窮諸行空者 郧常德 消 放 · 熠熠元性,性入元澄,一 。總為 邪 執 , 離生死故 第一 ;謂研 涅槃 因所因執也。 窮行陰 ,蓋必透過識陰 滅 **添即淨德** , 而至於空, ,而於識陰 澄元習, 先教以當知,以示警覺之意 滅 煩 ,始得圓滿也。 総 徴 故 即行陰已盡 如波瀾滅 ,寂滅之性 精即 我德 ,化為澄水是也。 0 於識還 ,精妙未 《寶鏡疏》云:而 , 有真體: 0 元者 是修 員 故 指行 圓 於 妙 指 通

於識陰 毫生 照於法界也。 滅 滔精 ,寂滅之性 , 惟餘 《正脈疏》云:所言寂滅者,即圓通中解結 ,雖已現前 味寂常曰妙 ,但其真精妙明 , 始是純真性體 ,尚未發光,猶為識陰所覆 0 此而未圓 ,末後之滅結也。 ,正明識陰未破 不帶纖 未能圓 尚 為

### 子二 謬解成咎

所覆

似

似常未精未妙也

迦羅 元 能令己身,根隔合開,亦與十方,諸類通覺 。若於所歸 ,所歸冥諦 ,立真常因,生勝解者,是人則墮, ,成其伴侶,迷佛菩提,亡失知見 ,覺知通溶,能入圓 0 因所因執 娑毗

為群心 以發端 類 六根之用 編含 ·耳。首二句:能令自己之身,六根隔礙銷鎔,合六根為一根之用,開一 正脈疏》云:能令下,先舉起執之由。大凡起執,必覩大定中 元表萬化托始。其言能入者, 通同溶合之境 ,躡前銷六入一之境。次三句:亦與十方,十二類生 0 覺知既已通同溶合 意明四陰蕩盡 , 能入圓元 , 歸宿於此而已。下方是所起 0 圓元 : 即識 通 一見聞 陰 也 殊勝之象 覺知 員 根為 表諸 此

如人夢 法執 知見者:迷了佛果菩提無得之真道,亡失自己因地知見之妙心矣 為冥諦;然計此非只一人,前後異出耳。成其伴侶者,即同類也。 黄髮外道 心 依 也 ,所依之境 若於所歸:即是能入圓元;由不達即是識陰,遂妄立真常 見依歸得托之地 以為極果,生殊勝之解者。是人則墮因所因執者:本非可依 , 師事梵天, ,故曰因所因執 以我為能歸,以冥諦為所歸 妄生慶幸,豈有真實哉?下明所墮同類 《正脈》云:識乃無明幻影,罔象虛無, ,前云非色非空 迷佛菩提,亡失 堪可依住,因即 娑毘 , ,而謬執能依之 拘舍黎等 |迦羅 畢竟無實 此云 昧

### 子三 出名警覺

### 是名第一 ,立所得心, 成所歸果, 違遠圓通, 背涅槃城 生外道

### 種。

今以心有所得 心 亦與諸類 識陰十相 ,此居其首,故名第一。前能令此身,根隔合開,遂立此識有所得之 , 覺知通溶 果有所歸 遂執此識成所歸之果 如人夢見拾得金寶, 。殊不知 歸於家中 , 圓滿菩提 所得所歸 歸 ,皆非真實 無所 得

也。 圓通將近;今立能立所,則違而遠矣。向者,於涅槃性天,將大明悟;今則背之, 違遠圓通,背涅槃城,生外道種:《寶鏡疏》云:向者,行盡識現,根隔合開

而入生死路矣。 向者, 覺心欲發 ,堪為佛子 今則反生外道 , 斷佛種矣,可不悲

哉!後皆倣此。初因所因執竟

癸二 能非能執 金三 子初 行盡識現

阿難!又善男子,窮諸行空,已滅生滅,而於寂滅,精妙未圓。

此第二,能非能執也,準前可知。

子二 謬解成咎

**中** 若於所歸 類流出 • 覽 。生勝解者,是人則墮,能非能執 為自體 • **盡虛空界,十二類內** 所有眾生 ,摩醯首羅 ,皆我身 ,現無

邊身,成其伴侶。迷佛菩提,亡失知見。

今仍躡所歸二字, 若於所歸者 前但執為歸托之處 躡前章也。但前 章 , 此則覽為自體,是其差別也。 有乍現勝相之文,已將識陰 , 覽為自體者 為所歸之果

生彼 即忘 應迷佛所證菩提之果覺 天 八 虚空界,十二 而此識陰行人,計我生彼十二類生,與彼計同 臂 ,以為天尊 身觀識 騎 而 白牛 彼非能生我 ,久久觀成 一種類 。今云現無邊身者:謂大自在天 , 執白拂 ,所有眾生,皆我身中,一類流出 ,故曰是人則墮 ,妄計彼天為勝,自應亡失正知正見之因心。 ,唯見識體無邊 大自在天是也 , 能非能執 ,不見有身故 0 竺法蘭云 ,故云成其伴侶。不信別有因果,自 ,自計於身中, 0 摩醯首羅 : 西域梵志 。生殊勝解者,將必以我為能 ,即以識心為自體也;遂謂盡 , 能現無邊眾生之身 即色界頂天 , 常修梵行 , 事首 乃三目 羅

### 出名警覺

### 是名第二, 立能為心 , 成能事果, 違遠圓通 , 背涅槃城 生大慢

### ,我偏圓種 0

證也。 皆我流 立能 生大慢天,即大自在天,自計能生一 出 為心 遂 謂 ,成能事果者:因見識陰,能攝能生,遂立為能為因心 成就能事之果 0 違遠圓通者 切 :則失因地心 , 起祖先慢 ,故以大慢為名 ;背涅槃城者 十方眾生 : 則亡果地 。又計自

體 , 周 福虚空,圓含一切;今行人謬計, 既同於彼, 成彼種類,故曰我徧圓 種 也。

識 正 , 脈》 緣生 如幻 問 : 此計識為自體,流出一切,何異佛說 ,生即無生;此計實生,安得一轍?又唯識正明無他心外之法 ,萬法唯識?答:佛說萬法唯 ; 此計

癸三 常非常執 分三 子初 行盡識現 能生他法

,宛爾顛倒

何疑之有!二能非能執竟

又善男子,窮諸行空,已滅生滅,而於寂滅,精妙未圓。

此第三,常非常執,準上可知

謬解成咎

非常執 常住 起,即於都起,所宣流地,作真常身,無生滅解。 若於所歸 ,既惑不生,亦迷生滅,安住沉迷。 **;計自在天,成其伴侶** • 有所歸依 ,自疑身心,從彼流出,十方虛空 。迷佛菩提,亡失知見 生勝解者,是人則墮 在生滅中, 0 咸其 早計 生

若於所歸 有所歸依者: 此與上科差別也。 上科於所歸識元, 覽為自 體 此科

於所 然既 識 說 物 真妄 不了 滅 識 識 為 相續 陰 陰 : 陰 虚空等 , 人雙迷 惑 皆 真 咸 歸 是非常 切眾生悉是自在天作 .識 不 為 如 由 始 其 心 身心從 生 為不生滅 真如不生不 終不 生起 ,方為常住真心。今識陰未盡 元 , , 安心 所 滅 , 性 皃 都 為 ,況空中 没流 生滅 :起處 故 我 住著 , 則必 **沂歸** 性 曰 滅 出 則 , , , 亦兼 所有 依處 為 迷佛果菩提之道 墮常: 故 , 故 , 與生 及虚 節 身心等 日 非 作真常之身 0 不了識陰猶屬 0 沅 空萬物 自疑 常 《楞伽 滅 切耶?即於都起 迷。 和合 執 , 所宣 我之身心 0 反生 計 經》 , , 名 和· 皆其 一,在生 自 줐流 , , 勝 塗灰: 亦迷生滅識陰 微 無有 處也 在 解者 生起 I 合識 天 細 , 滅中 從彼流出 外道說 生 生 , 0 , 所宣流 即 滅 滅 作 , , 是以識陰 非是不 :真常身 正與此天 欲 解 , 故曰 界頂 早計常住者, :計自在 也 , 地 0 0 不僅彼能 則必亡失 生不 者 既惑不生 在 , , 無生 相 魔 生 , : 竝 似 王 滅 地 天 滅 作常 天 即 , 中 滅 , 故曰 為 不亦惑乎?此正 要必 解者 處也 生我 , 0 , , 正 早計 萬 涅 住 猶 解 破和 知 物因 槃 迷 成 : , 於彼 然識 其伴 即 正 經 生 常 计方虚 我 合識 見 滅 迦 住 今 而 伭 旃 及萬 者 所 陰即 且 歸 以 延 ,

墮邪

知邪

見也

### 子三 出名警覺

# 是名第三,立因依心,成妄計果,違遠圓通,背涅槃城,生倒圓

### 種

正與涅槃,相反背矣。此與上科,同一識陰,而所執則異。前執我圓,能生萬物; 以生滅識陰,作真常身,成就妄計之果。亡失本修,自與圓通相違遠,流入外道 寸. ||因依心者:計識能生我身心為因 ,又計是我歸依之處為依。 成妄計果者 :謂

此執彼圓 ,生我身心;故曰倒圓種 。三常非常執竟

癸四 知無知執 分三 子初 行盡識現

## 又善男子,窮諸行空,已滅生滅,而於寂滅,精妙未圓 0

此第四,知無知執,準上可知

謬解成咎

異

### 若於所知 。草木為人,人死還成十方草樹,無擇徧知 • 知徧圓故,因知立解,十方草木,皆稱有情 0 生勝解者 • 與 是人則 人無

### 墮 • 知無知執 • 婆吒 • 霰尼・ 執一 切覺 • 成其伴侶 0 迷佛菩提,亡失

### 知見。

心 內 面 情 圓 :編皆有知也。 所 徧 則 崩 與 諸 溫 陵日 通 人 法 , 無異 見 知覺 遂立 : ` 所知 相 0 草木 異解 , 二分,本惟 <u></u> 正 更無外物 ,即所觀識陰也。謂識有知 脈》 為 謂 人 問 : ,人死還成十方草樹 無情皆有知 ,非謂各各有知 心, 此與佛說 迷之為二 也 -,̈́-Щ 0 十方草木 , 河化為無上知覺 同他心量也 故妄見無情 , , 互 而 二為輪轉 切法 本屬 無情 , 由 , , 不通 無所 ,有何簡別?答:今詳 知變起, , 知覺 揀擇 以 異解 , 有情 因計 大悟復歸 故 皆 知體 無情 稱有

因此立 有 童 執 情 ٥ 婆吒 今以 毘 無情 1)舍離王 名 無情 0 霰尼二外道名;婆吒 皆有 霰尼或云先尼 有 , 未登位 知 知覺 生勝 時 此計編知 解 , 此翻有 共同遊戲 者 , 是人則墮 ,名義集云:跋闍 ,竟同於彼 軍 童為 立名之意未詳 , 王蹋 謬計 故曰成其伴侶 無情 , 泣訴父母 , 此云避去,善見律云:初為牧 有知 0 執 , 切覺者 實 。父母曰:汝應避 本 迷佛菩提 無知 ::二外道 故 曰 ,亡失知 執 知 無知 去 一切

見。

### 子二 出名警覺

# 是名第四,計圓知心,成虛謬果,違遠圓通,背涅槃城 ,生倒知

種。

是名第四,計圓徧一切有知為因心,成虛無謬誤之果,則違遠圓通之因地心

木, 以顯靈異 ,詎非有知耶?答:是能依能附之精靈有知 ,非彼無情之草木有知

知種;以無情無知為有知,謂倒知種。問:世有依草附

迷背涅槃之果地覺,生倒

也。四知無知執竟。

癸五 生無生執 急三 子初 行盡識現

## 又善男子,窮諸行空,已滅生滅,而於寂滅,精妙未圓 0

此第五生無生執,準上可知。

子二 謬解成咎

## 若於圓融,根互用中 已得隨順, 便於圓化,一 切發生,求火光

### 心 本 明 役身 囟 • 樂 • 立常住 , 事 水 清 火崇水 淨 解 愛 ,是人則墮 風 , 求 周 出生死 流 • 觀 • 生 ,成其伴侶 塵 一無生執 成 就 , 各各崇事 0 • 諸 迷佛菩提 迦葉波 • 以 0 ,亡失知 此 並婆羅 羣 塵 門 • 見 發作 0 勤

7 發 欲 事 樂水之清 便於 也 於 常常 明 增 圓 崇即 已 滿 環 住 # 進 此 師 解 間 其 得 無 謂 **|隨順** 尊 員 礙 圓化之妙 淨 崇 以 種 融 : , , 識陰 為 愛風 者 融 種 化 , 常 諸 事 理 : 通 之周 雖 盡 不 司 相 即 , , 妄生計 者 以 隔 造化之真 供 然互用之妙 , 此 流 以 事 , , 六根 銷 群 此 , , 為 觀 磨 塵 或 度 塵之成: 宰也 一發生造: 尊 六 , , 互用之中 發作本因者 供於 門 , 含而未發 切諸 , 0 作 火 諸 就 並謬計能生聖 本因 法 根 , , , 觀 或尊 塵 互. , 莫不 用 即 — 0 , 而已; 中 供於 群 地 , 今識陰未 切 塵 大 由 一 字, ,得隨心 冰等 即指 果 所 此 , 以 四大 作 , 地 四 , , 皆屬 大 各隨 大能 一發生 順意 盡 切聖凡因 足見互用之妙 , , 如 則 無常 所 成 0 , 就諸 纔 略 前 見 於是求 果 無隔 得隨 , , 惟 而 事 , 莫不由之而 四 故 此 順 偏 火之光 礙 , 含而 常 大 埶 而 而已 0 各各崇 和 Ē 住 也 合 明 0 未 0 0 故 即 若 為 發

生

實則不能生

,

故曰生無生執

崇土 常 也 ,乃指 所修寧有實果?故曰迷佛菩提。 諸迦葉波,別姓也,如優樓頻螺迦葉等,婆羅門總姓,共有十八,迦葉其一 ,可以例知。以此崇事, 一類,事四大之外道。勤勞其心,役使其身,供事於火,尊崇於水,事風 求出生死,以求徧常之果,成其伴侶。所立既非真 崇事無情,立常住解,故曰亡失知見

### 子三 出名警覺

# 是名第五,計著崇事,迷心從物,立妄求因,求妄冀果,違遠圓

## 通,背涅槃城,生顛化種。

生顛倒 此是生物之正理。今既顛倒化理 之物為真因,故曰違遠圓通;將有漏之果為實證,故曰背涅槃城。生顛化種者:謂 物者:從四大無知之物。妄求因者:非因計因也;妄冀果者:非果望果也。認 **[正脈》云:計著:邪惑也。崇事:邪業也。迷心者:迷已一真靈覺之心;從** 化理之種類 。佛說應觀法界性,一切唯心造。是心為能造,而一 ,故墮外道種類。五生無生執竟 切為所造 無情

## 癸六 歸無歸執 剑三子 初行盡識現

大佛

### 又善男子,窮諸行 空,已滅生滅,而於寂滅, 精妙未圓 0

此第六歸無歸執,準上可知。

### 子二 謬解成咎

若 者 於圓明 • 是人則 , 墮 計 明 歸 中虚 無歸執 , 非滅羣化 **,無想天中,** • 以永滅依 諸舜若多 • 為所歸依 • 成其伴侶 0 生勝 0 解

## 菩提,亡失知見。

依者: 毀也 仍是罔 圓 要毀 丽 象 以永滅群化所依之空,為所歸之處,常處虛空,永為依托 即是識陰 虚 滅 **温無妄想** 群 塵所 化 , , 即便計 見前四陰皆盡 **,** 切身土 此 , , 圓 即欲 明中 , 露出識陰, 灰身 ·虛無體性 滅土 圓徧湛明, , , 纖塵 為究 竟地 不立 猶如止水 0 0 非滅群: 以永 , 更不前進。豈 滅 化者 依 0 為 而 所 非 不 知 知 歸 即

此為托 想天 之處 略舉非非想 實無 可 , 以該四空 巋 托 也 ٥ 無想天中 非取四禪無想也 , 諸 II舜若多 諸舜若多 成其伴侶者 總舉趣空天眾 : **企** 脈》 云 為同 無

乃是虛

無不實之境

,非是實有可歸之處也

0

以此生勝解者

,

是人則墮歸無歸

執

以

類也。既以斷滅為果,自應迷佛菩提,以虛無為因,自應亡失知見。

## 子三 出名警覺

# 是名第六,圓虛無心,成空亡果,違遠圓通,背涅槃城,生斷滅

#### 種。

空,見解志願皆同 現在既以斷滅居心 是落空亡。違遠圓通,以不生不滅為因地心;背涅槃城,以不生不滅為果地覺也。 於圓 [明中,以虚無之心為因,成就空亡之果,謂縱使修到非非想天,八萬劫終 ,但先心各別,此凡外種伏惑取空,彼聖性種斷惑取空也。六歸 ,將來必墮斷滅之種。 《正脈》問:此與後二何別?答:棄有取

# 癸七 貪非貪執 空三子初 行盡識空

無歸執竟

# 又善男子,窮諸行空,已滅生滅,而於寂滅,精妙未圓。

此第七貪非貪執,準上可知。

### 子二 謬解成咎

大佛

#### 若 墮 一,貪 一於圓常 (非貪執 , 固 ;諸阿斯陀,求長命者,成其伴侶 身常 住 • 同於精圓 • 長 不傾逝 。生勝解者 0 迷佛菩提 • 是 ,亡失 人則

### 知見。

識精 其伴侶 貪也 滅 搖 各與本文關涉 圓常 動 妄生貪著 圓 諸 義各有 正 而 明 脈》 不知更求真常之果, 阿斯 妄計為圓滿常 , 長 云 : 陀 ,細尋可見。 表 0 不 以此生 0 , ·傾逝 此 元表諸法統歸, 圓常亦識陰區宇 云 0 -勝解者 無比 住也。又見識為一身之主,有欲堅固此 傾 逝 由彼觀見,前四陰盡滅 ,即長壽仙也。 即 故曰迷佛菩提 , 死也, 是人則墮 融表萬 0 歷觀上來,於此 即 所謂長生不死也 化含蓄 ,貪非貪執 ;但知堅固幻妄之驅, 言諸者,以仙非一人,凡求長命者 , 明表徹體虛朗 ,而識陰現前 , 謂妄生貪著長 境 0 , 不知此 稱圓 身 ,常表究竟堅牢 元 故曰亡失知見 身 令得常住 識體精明 生 , 圓 終是無常生 , 融 而 實 圓 同 , 成 非 明 於 口

## 子二 出名警覺

### 是名第七,執著命元 ,立固妄因, 趣長勞果 • 違遠圓通 • 背涅槃

# 城,生妄延種

本修 以圓常識陰為因心。趣長勞果者:趣向長戀塵勞之果報,而不求出離之道也。亡失 執著命元者:執著識陰,為受命之根元也。立固妄因者:立堅固幻妄之色身, 故曰違遠圓通;不出生死,故曰背涅槃城。生妄延種者:謂不達自性真實常

癸八 真無真執 魯三子初 行盡識現

住,存想固形,妄冀延長壽命,以成長壽仙之種類也。七貪非貪執竟

# 又善男子,窮諸行空,已滅生滅,而於寂滅,精妙未圓

此第八真無真執,準上可知。

子二 謬解成咎

# 珍,多增寶媛,恣縱其心。生勝解者,是人則墮,真無真執,吒枳、 觀命互通,卻留塵勞,恐其銷盡,便於此際,坐蓮華宮,廣化七 迦羅,成其伴侶。迷佛菩提,亡失知見。

觀命: 即觀受命元由,乃是識陰, 與諸類通覺, 故曰互通。是知一 切身命,

大佛

頂如來密因修證了義諸菩薩萬行首楞嚴經講義

第二十四卷

咸

之身命 菩提 女横 故 縛 執 潔 留 以識陰為本 塵勞之相 0 , 0 今卻 妄 廣 迦 陳於 ,亡失正知正見 執業識 羅 化 左右 無所 留 七珍 此 塵 云 , 0 勞 依託 我 ,命元為真常,而實非真常。吒枳迦羅, 塵勞以貪欲為本, , , 切塵勞 多增寶媛者 所作 窮奢極欲 , 略 。且行盡識現 也 峝 , 没計 , 此 悉與命元有關;於是卻留住世 魔 , , 恣縱其心, :七珍即七寶 自謂三界結 故云成其伴侶 即於此際 切圓 以為妙樂 縛 [融變化,莫不隨心自在 ,媛是美女也 , , 0 惟 現坐蓮華宮 迷佛菩提 我所作 0 生勝 蕳 即天魔之異名, , 0 解者 以 使七 亡失知見 , 塵勞 取 能 其莊嚴美麗 變化欲境 , 寶羅 ,祗恐其銷盡 是人 点便於: 列於華宮 , 則墮 不 泊 吒枳此云結 )此際 結 更有 , , 真 微 縛 , 則 無上 無真 俾美 眾 妙 浜 生 香 卻 我

# 子三 出名警覺

### 是 名第八,發邪思因 • 立熾塵果 • 違遠圓通, 背涅槃城 ,生天魔

#### 種。

發邪 ;思因者:謂發邪思縱欲 , 以為因心。 立熾塵果者 謂立熾盛塵勞 , 以為果

覺 3也。違遠圓通 1,本修之因心;背涅槃城,寂滅之果覺也。不斷欲而修禪,必落魔

道,故曰天魔種。八真無真執竟

癸九 定性聲聞 分三 子初 行盡識現

又善男子,窮諸行空,已滅生滅 , 而於寂滅,精妙未圓 0

此第九定性聲聞 ,準上可知。

子二 謬解成咎

是人則墮定性聲聞 道:所謂見苦斷集 於 命明中 • 分別精麤,疏決真偽,因果相酬 0 , 諸無聞僧,增上慢者 證滅修道 **,居滅已休** ,成其伴侶 , 更不前進 ,惟求威應 0 0 生勝解 迷佛菩提 ,背清淨 者 • •

亡失知見

陰徧含 精 謂變易精微故 於命明中者:謂識陰顯露,已能通達,各命由緒,了然明白也。 , 漏 無漏 種 字, ;凡位則麤 為一 切凡聖所依。 ,謂分段麤顯故 由是分別精麤者 。疏決真偽者:疏通決擇 **:分析辨別** 便知此 , 而聖位 而聖道則 中 則 識

,

惟求真修實證 感果 真 謂修證真實故 自相酬答。而欲易麤為精 速出三界也 ;外道則偽,謂斷常偽妄故。因果相酬者:世出世間 ,捨偽從真 ,故惟求感應。感即是修,應即是證 , 皆是依因

,

證滅 者 性 足 足 感 見世間苦諦苦果,皆由集諦煩惱苦因所招;見出世間滅諦樂果,皆由道諦樂因所 : ٥ , 0 略 即不發回小向大之心,鈍阿羅漢是也。諸無聞僧者:四禪無聞比丘 生勝 自 厭 背清淨道者 、修道者:躡解惟求感應之事 謂 同 苦斷集 此計 解者 所作已辦 : , , ·謂背棄一乘實相 故曰成其伴侶。沉空滯寂 於菩薩所修大乘,不生一念好樂之心, 慕滅修道 ,生死已了, 0 居滅已休, 更不求進大乘之道 。苦、集 , 清淨之道 更不前進者 ,故迷佛果,菩提之道 (1) 是世 , 以雙離二邊垢故。 間因果。 , :居滅諦涅槃之樂 中 -止化城 是人則墮 滅 道 ,不求寶所 所謂見苦 ,是出世 灰身泯智 , 定 性 , ,及增 則 聲 蕳 , ī,是以 聞 得 心滿意 因 斷 上慢 少為 果 集 0 定

### 子三 出名警覺

亡失大乘知見

# 是名第九 圓精應心,成趣寂果, 違遠圓通, 背涅槃城 0

種。

圓通之因心 圓精應心者:圓滿易麤為精,求應之因心,成就沉空趣寂,定性之小果。不得 故曰違遠 。莫獲涅槃之極果,故稱迷背 0 生纏空種 :謂永纏於空 , 而

癸十 定性辟支 剑三 子初 行盡識現

無超脫之志。九定性聲聞竟

又善男子,窮諸行空,已滅生滅,而於寂滅,精妙未圓 o

此第十定性辟支,準上可知。

子二 謬解成咎

者,是人則墮,定性辟支。諸緣獨倫,不迴心者,成其伴侶 若於圓融,清淨覺明,發研深妙,即立涅槃,而不前進。生勝解 迷佛

# 菩提,亡失知見。

六根互用曰圓融 諸塵不染曰清淨, 照見命元曰覺明 0 發研深妙者 :發心研究

大佛

有二種 等 侶 支 地 得深妙之悟 正知正見之心,此因心也 辟支梵語 及 迷佛菩提,亡失知見者:迷了佛果,無上菩提之道 性 海 獨覺 圓 , 即 , 融 具含緣 以悟境 ,寂居觀化,無師自悟。二緣覺,觀察因緣 , 緣起 無礙 ,立為涅槃 獨二 , 覺義 故云 0 而不前 , 以 定性 為歸息之處。不知更求真如不動 ,以不復前進, 進 0 以是生勝 解者 亦即 ,此寶所也;亡失本修 , 悟明 , 不迴心者 是人 無性 (則墮入定性辟 ,此二人俱 成其 寂 ?滅場 同 .伴

## 子三 出名警覺

### 是名第 + 圓覺 **泗心** 成湛明果 • 違遠圓通 • 背涅槃城 • 生覺圓

# 明,不化圓種。

槃 槃 湛 **化城者** 成 得少為足 圓徧諸類 獨覺 謂 圓 , 得自然慧之果;洞徹 通依不生滅為因地心 , 覺 中止化城 知 通濟, 此是識陰境界,即以悟境為因心, 故曰違遠,曰背 当 明 然後圓成果地修證 ,成緣覺 生覺圓明 ,究竟無生之果。 0 今乃依識陰悟 ,不化圓種者 成湛明果。寂靜名 違遠 境 員 覺 通 , 即 背 即 立 獨 涅 涅

其理 覺 為 7、緣覺 定性 圓 ,其智明, 種耳 生此二種果位;圓明即悟證之境。獨覺無師自悟,緣覺緣生無性 。問:識陰十境,前八是外道、天、仙 即認為涅槃真境;而不能融化透過,所悟所執, 魔王 , 錯修妄本, 空淨圓影 貪戀塵勞 ,遂計 依 然

而了生死 不出三界 枉受生死 何亦判屬魔境,令人不敢修習;倘遇鈍根 判屬為魔 ,固其宜矣;而聲聞 ` 緣覺 ,有失接引,豈慈悲心者之所 ` 斷惑證真 ,已出三界

定 員 滿 無上菩提 , 聲聞 .、緣覺 7,得少為足,中止化城 ,非魔業而何哉?二中間十

《華嚴經》,忘失菩提心,修諸善法,皆為魔業。況此經乃修楞嚴大

### **結害囑護**分三 癸初 示因交互

執竟

為耶?答:准

# 證 阿 難!如是十種禪那,中途成狂,因依迷惑,於未足中, ,皆是讖陰,用心交互,故生斯位

因依迷惑者: 如是十種禪那 未至圓通中間 :謂透過行陰十境 ,或遭枝歧 識陰未曾起執 , 如前八種各起狂解 總屬禪那善境 , 因依顛狂見解 中 途 成狂 ,不自

,

大佛 頂如來密因修證了義諸菩薩萬行首楞嚴經講義 第二十四卷

覺 是識陰將 前 知 ,自謂 故曰迷惑。又於未足中,生滿足證者:未至寂滅現前 放未破 已足; 如後二種 ,用心不純。妄念與正念,交互而起。若妄念勝時 l,定性聲聞、辟支是也。然究其所以,實非外魔來擾 ,即生滿足證 , 故生斯位 ,保果不 , 皆 斯

## 癸二 迷則成害

位

節

前

干

執

邪魔 眾 息 生頑迷,不自忖量,逢此現前,各以所愛, ,將為畢竟 ,所感業終 ,所歸寧地。自言滿足,無上菩提,大妄語成 ,墮無間獄 。聲聞 、緣覺,不成增進。 先習迷心,而自休 外道

也 果 適 所愛而取。先習迷心者:積劫熏習,偏愛邪種,迷暗自心。今於定中,所現境界 與 先心 後二種於自所證果, 擬 此警惕顯害 是 相似 畢竟所 歸 投彼病根 。眾生頑而 寧地 , 自言滿足,無上菩提,妄言究竟極證 將謂即是安身立命之處 無知 發其痼 , 迷而 疾 無識 即 便欣取 ,不自思忖量度,逢此境界現前 ,而自休息 如第 所歸 。前八種 ,如第九趣寂果 果 , 第 八 ,於自所計 熾 塵果是 第

十湛明果是也

緣覺二 道邪魔 然此等,未得言得,未證言證,故云大妄語成。雖皆為妄語,而害分輕重,外 種 八種 現 , 所感有漏 前所證 ,乃是無漏所感 ,禪福之業終盡,必墮無間之獄,此約害之重者言之。 ,必無墮獄之事 0 惟是不成增進,永閉 化城 聲聞

不達寶所 ,此約害之輕者言之。其害雖分輕重,而於圓通中,皆為魔障耳。

## 癸二 囑令保護

生,覺了斯義 汝等存心,秉如來道,將此法門,於我滅後,傳示末世,普令眾 0 無令見魔 ,自作沉孽,保綏哀救, 消息邪緣 0 令其

# 身心,入佛知見,從始成就,不遭歧路。

故 十種差別之義 法寖衰,邪法增熾 。二乘 汝等,存大悲救世之心,秉如來覺他之道,將此辨魔法門,於我滅度之後,正 ,於界內見愛雖盡,而界外見愛猶存。其於涅槃,則迷真執似 0 既經覺了 ,傳示末法之世,普令眾生,覺了斯義。斯義 , 顛狂知見自息。前七是見,第八具見愛 :即中途成狂等 , 以 ;於諦理 卻 留 塵勞

罪孽 見魔 則厭有著空,不達法空,但求自利等,皆顛倒分別見也。以上諸見不生, 如外道邪魔 自作沉孽。自作者:顯非外魔來擾,乃是心中見魔之自作耳。 , 報終墮獄;聲聞辟支,永閉化城皆是也。 沉孽:謂沉 故云無令

邪緣 路 然得入佛之知見,從此為始, ; 保綏 所謂終始地位 , 即前顛倒分別見愛,全障真正知見。今既息滅,則障盡理現,令其身心 哀救 ,消息邪緣者:綏安也 中間 ·永無諸委曲相也。二詳分五魔境相 成就圓通, , 保綏禪定 中中流入薩婆若海,直至成佛,不遭歧 ,哀救行人 , 消磨息滅邪見之緣 大科竟 ; 自

庚三 結示超證 護持 分二 辛初 先示超證 後示護持 辛初分三 壬初 諸佛

#### 先證

### 如是法門, 先過去世, 恆沙劫中, 微塵如來, 乘此心開 • 得無上

#### 道。

劫中 如是 遠指多劫也。 指法之詞 微塵如來者:極言其佛之多也。前云:此是微塵佛 0 法門 ',近指 識陰 , 辨魔法門 遠該前四陰 0 先過去世 路涅槃 恆沙

門 0 方得 乘此心開者: 透過 陰如是 每於一陰未開之時 ,諸陰皆然,識陰若盡 ,須要依此法門, ,則任運得成無上佛道矣! 而辨別之,不為十種魔境所

# 壬二 識盡所超

識 陰若盡 , 則 汝 规前 • 諸根互 用 • 從互用中 能入菩薩 金剛乾

# 慧,圓明精心,於中發化。

名為金 初住 心 前 舉始終也 位 融 偈云 ; 五陰 莅 於中即於初住至等覺 六根之用 識陰若盡者:將齊此以明超 剛 中 : 現在 既盡 味 下圓明精心 便 , 能 諸 , , 解六結 乾慧親依而立 亦復不 [菩薩 入於菩 , 今各入 薩金剛 隔 越三空 於中發化者:略表中間 ,兩楹之中 每一 乾慧 ,故特稱金剛之名。 圓 證也。 , 根 崩 生滅既 , 中 , 此乾慧即前之乾慧地 此 , 發起神通變化 則汝現前諸根互相為用,六根之體 皆兼具五根之用 即 滅 圓 , |通體: 寂 滅 也 此即一 **現前時** 廓周法界曰 , 0 故 如觀世音 號精 超直入,等覺後心, 也。 , 此當圓教初 初 從互用 心 圓 住 Ė 謂純 寂照 證 獲二種殊勝 中者 0 真 無邊 住 耳 無妄之妙 根 : , 固 此 日 圓 員 蓋促 即從 明 通之 屬 通 發 圓

三種妙用也。

### 如淨 心 海璃 菩薩所行 • 内含寶月,如是乃超十信、十住、十行、十迴向 **,金剛十地** • 等覺圓明 o 四加行

莊嚴海 之智 中 行者 以初住為能超 化 不礙發揮 金 ,能斷微細無明 意 剛 為 **厕**入也 句 表 不 峝 入地 以 、喻明 ),中間諸位為所超,下入於如來 连用 , 彼指 • , 乃真修聖位 此中 , 0 瑠璃 , |耳根圓 洞照近遠 故標十地之首 -復超十 : 通 喻圓 耳 信者:全顯此經十信 , 0 是諸位通依 明精 如論悟證 0 皆以金剛 心 ; 含 月 , 利智修 已 , 故置 ]齊佛果 : ,妙莊嚴海 喻 . 斷 諸位之初 於中發化 , 乃初 0 , 如是乃超 故言金剛 住開 1;亦即: 0 , 此 出 謂圓明精 顯 以初住為能入 十信、十住等 + 0 地上金剛 地 於地特言菩薩所 , 與前 心 , 乾 性 堅利 慧位 具 , 妙 意 神

果 也 皆從初住超之。 按天台言 正 脈》 云 : : ·圓教有 於等覺復言圓明者:見始終惟此一心 蓋初住名發心住,以是義言,從初發心 1利根者 , 生超登十地 ٥ 清涼言 : , 解行 但至等覺 , 即成正覺 在躬 , , 則 生 0 發化之極 舊註謂從 圓 曠 劫之

入初住 七信超之,未敢聞命;大抵詳究圓家,只有二位:一 l,中間更不取證。二斷後別惑,從入初住,一超直至等覺,中間亦不取證 斷前通惑,從滿 觀行 • — 超直

眼明 面 :佛於圓家 極能於至迅速者 , 仍列多位者,有二意:一者、 見而分析也。 譬於飛隼上山 為引漸機 , ,令欣從圓頓也。 雖至迅疾 , 然亦自下歷上; 二者、 見佛

但眼鈍者,終不能徹見,而分析之,故須佛眼也。

## 壬三 圓證極果

# 入於如來,妙莊嚴海,圓滿菩提,歸無所得

還契性 究竟 性真本有,不從外得,是理究竟。上二句顯修成,後一 。圓滿菩提者: 入於究竟如來 離性真外 , 圓極之果 無有少法可得矣!前云狂性自歇 以證得一 切種智 0 妙莊嚴海者:以萬德莊 , 圓滿 無餘 , 是智究竟 ,歇即菩提, 句顯性具 嚴果海 0 歸 ,各盡其妙 無所得者 ,蓋從性起修 勝淨明心,不從 : , 以 是為福 契合 修修

# 辛二一後示護持 急三 壬初,首明遵古辨析

人得

也。

初先示超證

竟

### 此 是過去 • 先佛世尊 • 奢摩他中, 毗婆舍那, 覺明分析 • 微細 魔

#### 0

之中 古語云:欲知山下路 此是舉古佛辨魔法門,先佛授受,修習大定,增進聖位之心要也。奢摩他止定 , 用毘婆舍那觀慧, ,須問過來人,自然不錯。 定慧均等, 因 中始覺智明 則今之所說,亦唯遵先佛儀範 , 分析微細 魔 事 0 先 佛 是 過來

# 壬二 正令諳識護持

也。

### 魔境現前 **,汝能諳識** ,心垢洗除,不落邪見 0

心 但要心中不生勝解 果能 如我 所說 , 則諸 ,則心垢洗除。主人不迷,則彼魔事, |魔境 切現前 , 汝便能諳識 0 致 魔雖然由定 無奈汝何 ,自不落於 , 實 乃由

### 陰魔銷滅 天魔推碎 • 大力鬼神 褫魄逃逝, 魑 魅 魍 魎 無復

•

•

•

•

•

#### 出生 0

邪見網中

此正令諳識諸魔

•

摧 碎其膽 陰魔 , 即 大力鬼神,見其王尚爾摧碎 心見二魔;由心垢洗除,則陰魔銷 自應 褫 滅 也喪 0 魄逃逝 內魔既銷,則外之天魔,自 ,於十二由旬之外 魑 應

魅魍魎,諸小鬼神,自應潛蹤匿迹,無復出生。

### 直 至菩提 • 無諸少乏,下劣增進 • 於大涅槃,心不迷悶 0

提智果 此上先舉古佛辨魔法門,如是內魔外魔,一 雖然能超 ,而於諸位功德 ,無諸少乏,所謂一悟一切悟,一 併潛銷 ,故能超諸位 證一切證 , 直 至無上菩 也

悶

於寶

所

矣

縱是下劣二乘

,

亦能回小向大

,

勵志增進

0

於如

來所證

,

無餘大涅槃斷果

,心不迷

#### 身上, 邪 若 • 諸末世 心勸令,持我佛頂,陀羅尼咒,若未能誦,寫於禪堂 切諸魔,所不能動 愚鈍眾生 未識禪那 • 不知說 法 樂修三昧 一,或帶 汝 泌同

不明 此 【轉令咒護眾生 而 根不利 0 以 智 0 特約末法之世 示明 未識禪那中 , 去聖 差別境相;根不利 時遙,足深憂慮 0 況愚迷暗鈍眾生 ,不知佛 筋 說 辨 , 智 魔

恐未能 處 持 庸 法要;自力法力,二緣俱缺。而乃樂修耳根三昧,直修反聞之定。汝恐同邪者 無量 他術 , 或帶身上;一切諸 語識魔境 義 , 但 , 專 **持咒** 切法義 ,誤入邪網 ,此咒既稱佛頂 , 魔 皆 ,所不能動者:以此咒常有, 在其 ,即同於邪也。自當勸令,一 中 ٥ 設或 ,即最尊最勝之法 無讀誦性 0 而 , 未能誦 金剛藏王菩薩種族 又稱陀羅尼 心持我佛頂陀羅尼咒 寫於禪 , 即 堂 總 , 併其眷 切法 及 其住 `: 無 : 汝

# 壬三 叮囑欽古教範

屬

晝夜隨侍故也

### 汝當恭欽 ,十方如來 ,究竟修進 ,最後垂範 0

是十方. 利 終 反覆叮嚀之意,已深切矣!然教以恭欽者有二義:一者、此是十方如來, 他行也。 究竟修進之法 如 指 学疏》 來 , (寶鏡疏) 憐愍最後 云:既示辨魔之法 ,當恭敬欽承 末世 云:最後垂範者:以當機慇懃啟請 , 垂留儀範 ,而修習之,此囑 ,又申結勸之義 , 當恭敬欽承 以依法 , 末復 , 而宣 教以 ,成自利行也 ,十方如來 **-**傳之, , 汝當恭欽 此 囑 ,得成菩提 以 。二者 依 , 從始至 教 則 如 成 此 來

妙奢 範 倚 藏 五陰魔境竟 , , 乃在後之又後 重 耳 摩 詳 他,三摩 根 七趣 圓 通 , , 以勵精 正 、禪那,最初方便;是以 ,故云:最後垂範 助 雙修 修 ,發行證入 , 復辨 五 魔 , (,則最. , 正與最初方便 而防惑亂 如來,令其生信開解 初方便,能 , 此於性定 , 相照應耳 事 畢矣 , 垂 ,乃至示以三 0 0 而更迴身 大科 示 初心 初 無問 修 再來凭 習儀 如來 自 說

戊二 因請重明五陰生滅 分三 己初 躡前請問 具答三問  $\equiv$ 結勸傳示

今初

阿難 蒙如來 白 佛 即從座起 • 如 • 微細開示 佛所言 聞佛 • 五陰相中 o 示誨 • 頂禮欽奉 • 五種虛妄 , 億持無失 ,為本想心 0 於大眾 ,我等平常 中 重復

生起妄想 體慈悲聖意 當機 即從座起 重 , |復白佛 記憶受持 , 聞佛最後曲垂遺範 如佛所言 ,而不忘失,傳示於末法也 , 五陰相 , 開示教誨 中 , 五. 種妄想,如色陰中堅固妄想 ٥ ,頂禮接受,欽敬奉承法旨 於大眾中下 具陳 三 問問 · 受陰 先問 仰

中 心 虚明妄想 我等平常 , 想陰中融通妄想 ,只知五陰相妄,當體全空;並未蒙如來,微細開示, ,行陰中幽隱妄想,識陰中虛無妄想,以為根本想 五種妄想 以

### 又此五陰 • 為併銷除 • 為次第盡?如是五重 , **詣何為界?**

為根本。

此第

一問

請細說妄源也

際?此第 第漸盡耶?此第二問,請指示頓漸也。 又如是五 此次問滅 三問 陰五 ※除頓漸 重 請 。若欲破除 因界淺深也 0 又此五陰,既總是妄想,今欲破除 須 至 何等界限 如是五重,詣何為界者:此三問陰界淺深 , 為色陰邊際?何等界限 ,為當一併頓 除 , 為識陰邊 , 為當次

### 惟 願 如 來 發宣大慈 ,為此大眾 • 清明心目, 以為末世 • 切眾

# 生,作將來眼。

來語 眾 清明心目 如上三問 傳示後世,令一切修定眾生,作將來正法眼也。 , , 乃為進修法要。 心地 清淨 , 目光明 惟願如來,大慈不倦,一一 朗 辨 識 前程 , 進修無礙 初躡前請問竟 詳示 乘願 不獨為此現前大 入彼末法 將如

具答三問 分三 庚初 答生起妄想 二 答陰界淺深 Ξ 答滅除頓漸 庚初分

原生起元虚 二 判決倒計非是 Ξ 結歸故說妄想 今初

Ξ

標說妄想之由

二 詳示五重妄想

三 總結妄想所成

辛初分三

壬初

推

佛 浩阿 難 :精真 (妙明 ,本覺圓淨, 非留死生 • 及諸塵垢 • 乃至虚

# 空,皆因妄想,之所生起。

豈 死 有 明 即 淨者 也 無界 ·無故哉?夫精真妙明,本覺圓淨者:謂純 0 即受、想、行三陰;界外變易涅槃,即是識陰;依正乃至虛空,即色陰也。 妙者寂義 總之生死涅槃 乃至虚空者:乃至超略 此總明五陰,皆以妄想為本。佛告阿難:我說五陰,皆是妄想,以為其本者, 即 、外所證涅槃。如前云:想相為塵,識情為垢。二俱遠離,則汝法眼 **-彌滿清淨** ,明是照義 , ,中不容他也。非留生死者:即無界內分段生死 及諸眾生世界,而至虛空 , 此指寂照雙融 , 世界眾生, 極於虛空。前云:漚滅空本無,況復諸三 , 用也。 一無雜 ,皆因妄想之所生起 名曰本覺者 , 至真無妄 ,此指純真之心 ,揀非修成 。及諸 0 蓋界內分段生 ,應時清 塵垢 , 特 者 言圓 但

大佛

是本覺妙明心中, 元無五陰,如《心經》 云;空中無色, 無受、想、行、識,真空

### 斯元 本 覺 • 妙明真精 • 妄以發生,諸器世間 • 如演若多 • 迷 頭認

#### 影 0

實相中本

無也

喻眾生 濁並起 受陰與 精真 妄成五 若頭本在,而妄驚其失也。不達妄本空,而誤迷為有, 成業識 **介即指** 遂 此 陰 (見濁 發 喻妄生非實 用諸妄想 0 性中相知 生有情世間 ; 依 故曰 並 真法界,意顯體用互融耳。既元是一真,何有五陰?蓋以一念妄動 起 動 如演達多 ;究竟真本有 0 故能見,發生見分;依能見故境界妄現 根塵 。斯即指五陰,皆是妄想所生。元是本覺 ,用中相背 ,及器界世間 相 織 ,迷頭認影 , 想陰與煩惱濁並起。 ,識陰與命濁並起。總以不了惟心 而妄本空 0 如是空見不分, 0 以演若迷頭 。由眾生不知真本有 知見欲留 ,喻眾生不了惟心;認影狂 色陰與劫濁並起 如演若影非實 ,發生相分; 5, 即指· , 業運常遷 ,而妄迷 ,用諸妄想 本有覺性 如失 性搏 既有見相二 , 而認 , 行陰 ),展轉 四 為真 如演 與生 妙明 走 大

分

而

也。 意表五陰,從本虛妄不實矣。初推原生起元虛竟

# 壬二 判決倒計非是

### 性 妄元無因 ,猶實幻生,因緣、 • 於妄想中 ,立因緣性,迷因緣者,稱為自然 自然,皆是眾生,妄心計度 0 ,彼虚空

雖似不 自然 性,已是方便 是妄想 而 不可 依倒計而住,雖無恆有;所謂「從畢竟無,成究竟有」。是故二計不亡,則五陰牢 自然性 來 破 ,二計皆是眾生妄心,顛倒分別,妄生計度,都無實義也 -動不壞 也。 則本 正 矣 |脈》云:此中所以必斥二計者:良以五陰,始從妄想而生,雖有 以其展轉相因 ۰ 所 無所有 其實因緣、自然, ?,非有實義 以如來欲掘妄想之原,先斥所依之計也。妄元無因者:承上妄以發生 ,猶實幻妄所生。 ,元無有因 , 遞相 , 何況外道邪見,撥無因果;復迷因緣者,而稱 **追為種;** 皆為戲論 ;如前云:若有所因 前云:迷妄有虚空, 內教學者 ,故舉虛空之喻,以況顯之。彼虛空之性 ,因立因緣,故云於妄想中 ,云何名妄?是知現前 依空立世界是也。何況因緣 五陰 五 恆無;終 立 陰 , 為 因緣 , 唯

### 阿 難 **!知妄所起,說妄因緣** 。 若妄元無,說妄因緣 ,元無所有 何

### 況不知 **,推自然者?**

起處可 乘,以為不了 判決倒計非是竟 又阿難!汝果能知妄想有所起處 裑 , 當體全空, ·義而非真 則說妄想因緣者 , 何況外宗,並不知因緣,而謬推自然者, ,可說妄想以為因緣 , 元無所有矣 , 此即奪也 ,此縱許也。若妄想元無 則愈妄之甚也。 因 緣 乃內教-小

### 壬三 結歸故說妄想

# 是故如來 ,與汝發明 ,五陰本因,同是妄想。

妄想二字,重重開示 無因 有堅固、虚明等,五種差別,同是妄想,更無他物也。斯正如來,欲令眾生,了妄 둒 知 是因緣、 ,常住真心, 知真有 自然,二計俱非之故,如來與汝發明 :本也。蓋佛自第 性淨明體 ,至此五陰,說出五種妄想,以為其本,分作五重,一 (此逃) 一卷,普判眾生誤認文云:一切眾生 ,用諸妄想 ( <sub>英也</sub>) , 五 ;此想不真 一陰五重蓋覆 , 故有 ,從無始來 , 根本 輪 生因 轉 一詳 遂將 , 皆 雖

由

示,乃見為人一片婆心,成始成終之至意也。亦見本經,十卷文字,起結脈絡,勢

若迴龍,首尾相顧也。初標說妄想之由竟。

汝體先因,父母想生,汝心非想,則不能來,想中傳命 辛二二 詳示五重妄想分五 壬初 色陰妄想至五 識陰妄想王初分三 癸初 0 示體因想

為種 動 想 ,且就內身五根而言。我雖然為汝發明,五陰本因,汝猶不知,色陰為堅固妄 , 而後有赤白二渧,若汝中陰心中,非有憎愛之想,自不能攬為自體 故云,汝之形體 此別示五重妄想,先明色陰妄想,五根六塵,皆為色陰,今特顯其與妄想相應 ,納想成胎,務必父母與己,三想感應和合,而來想中,傳續命根也。 ,有質礙可見者,先因父母,俱動愛欲妄想而生 0 前云流愛 愛欲妄想

癸二 引喻詳釋

如我先言:心想醋味,口中涎生;心想登高,足心酸起;懸崖不 ,醋物未來,汝體必非,虛妄通倫,口水如何,因談醋出 ?

此引喻顯妄。如我先於想陰文中,曾言二喻,今復引之也。心想醋味 口中涎

大佛

頂如來密因修證了義諸菩薩萬行首楞嚴經講義 第二十四卷

酸也。 思崖生?此句影略也。 而應 生;心想登高 。而汝現前身體,必非與虛妄,通為一 現前色陰既爾 ',足心酸起;然懸崖不有,醋物未來。但憑虛想,而口水足酸,虛妄 而前之根本色陰 是知口水足酸,既然由想而生, ,例此可 類者,口水如何因談醋出?足酸如 汝體虛妄,亦應同於口水足 何因

知

## 癸三 結名妄想

# 是故當知,汝現色身,名為堅固,第一妄想。

關妄想?答:如前世界相續中,言堅明立礙,及堅覺寶成等,亦堅固妄想也。初色 胎 古 ,流愛妄想 ,第一妄想:謂取著有力,堅固而不可解也。 是故者:是汝體口水,虛妄通倫之故。應當得知 ,其堅固有力,自不待言矣! 《正脈》 如父母交遘,欲愛妄想 問 : ,汝現在色身之體 內根固然, 若兼外器 , 與自己投 ,名為堅 何

### 壬二 受陰妄想 分 二 癸初 轉想成受

陰妄想竟

即此所說,臨高想心,能令汝形,真受酸澀。

受 意識 臨 者 『高虚想之心,能令汝之形體 , 。想以取像為義 所謂 此明受陰,即虛明妄想也。即此色陰中所說前喻,臨高虛想之心,以發起受陰 臨高想心 !轉想成受也。懸崖不有,想雖無實,而酸澀忽形,受乃是真;如是諸受, ,即六識,曾經懸崖險處,落卸影子, ,受以領納為義,前色陰即五根,此受陰即五識,而想陰即第六 ,真受酸澀 。受酸澀處 ,即受陰,於三受中 在想心中。 今聞懸崖 是苦 則起

## 癸二 推廣結名

皆可例知其妄也。

# 由 因受生, 能動色體 ,汝今現前,順益違損,二現驅馳 ,名為虛

# 明,第二妄想。

能 也 句 !驅役自心,馳流不息。文中不言不苦不樂受者,因捨受不顯,苦樂二受,現前分 所謂順之則益 合臨高想心 由想心為因,所以受陰生起,能動色陰之形體,真受酸澀之妄境。此由因受生 ;能動色體之句,合能令汝形,真受酸澀。汝今現前 ,即樂受;違之則損,即苦受。二現驅馳者:即苦樂二者 ,正示受陰 <sup>1</sup>,現在

陰無體 別 容易明白也。 虚有所明,故名為虚明,第二妄想。二受陰妄想竟 溫陵曰:臨高空想,而酸澀真發,違順皆妄,而損益現馳,則受

### 想陰妄想 分二 癸初 身念相應

### 由 汝念慮 使汝色身 , 身非念倫 • 汝身何因 • 隨念所使 • 種種取

# ٥

所使耶 意識 之人,隨他拍轉,拍緩則步緩 能令色身 心 之妄也。 後諸根之形方取 法同 ,心生形取,與念相 此明想陰 , ?即今現前 想念與思慮 倫類;既非念 由汝念慮者:念慮 時時與念慮相應;前難云:隨念所使者此也 ; 即 ;則知 融通妄想,全以想陰之虛,能使色身之實,虛實相應,以見想陰 ,根塵相對,種種取像,想陰以取像為義 , 所以能使役汝之現前色身 根身 類 , 不 應 , ,即想陰也,亦即前所謂 ,拍急則步急,而身與念,亦若是矣 -應隨念 所取之像 , 故難以汝身之色法,何因緣故, , 必定與想念而相應也 0 而身是色法 ,浮想是也。謂由 ٥ 寶鏡疏》 ,然皆因想念心生,而 ,念是心法 。此約體通五 取喻如歌舞 隨心法之念 , 於汝之第六 色法本非 工伎 故

### 笑二 推廣結名

# 寤 即想心,寐為諸夢,則汝想念,搖動妄情,名為融通,第三妄

#### 想。

陰 通 以故搖動妄情 之定 頭 ; , 雙融色心兩處,俱通寤寐兩境 為第三妄想。不惟互融色身 睡 窹 ,獨頭不起現行故。則汝身汝想,無時無處,而不相應;良由汝之想念不息 即想心 一時即為亂夢,又通於夢中獨頭。不言定中獨頭者, ,寐為諸夢者:寤即醒也, ,或寤或寐 ,紛燃無間也。則知想陰,與前五根 ,隨念所使 ,故名融通妄想也。三想陰妄想竟 寐即睡 ,而且互通夢寐 也。醒時即是想心, 以此經三摩 , 搖動妄情 ,並五識 乃通於散位獨 ,非思惟影像 則知此 互融互

# 壬四 行陰妄想 分三 癸初 體遷不覺

# 化理不住,運運密移,甲長髮生,氣銷容皺,日夜相代, 曾無覺

#### 怡。

此 2明行陰 , 即 幽隱妄想也。化理不住者: 指行陰為變化之理體 ,有遷流之事

容漸漸 化密移 動相 異 實體 釋密移之事 用 ,體屬生滅,故云不住。運運密移者:謂念念遷變,秘密推移,表其幽深隱微之 滅 麬 如初生之時 ,無有少停,互相更代,從古及今,曾無一人,能覺悟也。波斯匿王云:變 《莊子》喻以夜壑負舟,正此密移之意;但彼謂造化,此言行陰也。此下乃 我誠不覺者此也。 ,其誰使之耶?殆行陰為之。日夜相代 ,能遷實體。意謂行陰,生、住、異、滅, , 甲漸漸長 ,及其壯也,髮漸漸生, ,曾無覺悟者:此皆日夜生、住 逮乎垂老之年,氣漸 四相遷流,念念不停 1,能遷 漸 銷

# 阿難!此若非汝,云何體遷,如必是真,汝何無覺?

耶?以見不即汝也。是汝非汝,兩不可定,足知虛妄非真矣!初體遷不覺竟 變汝之實體耶?以見不非汝也。如必此遷流之行陰,是真汝心者,汝何不念念覺知 此雙詰是非 ,顯體虛妄 。故呼阿難 ,此遷流之行陰,若果非汝心者,云何能遷

# 癸二 結名妄想

# 則汝諸行,念念不停,名為幽隱,第四妄想。

若經》云:一念之中,有九十剎那 幽 隱者: 幽深隱微 。則汝諸行:指現在行陰,念念遷流 ,一剎那中,有九百生滅 ,不得停住。 其幽隱難知 ,是非莫 《仁王般

能 受 辨 驅使於身,行則能遷變乎體。又雖說三陰通貫色身,而實要顯身為念倫 ` , 想 **徹體虛妄,故以妄想名之。又以密移不覺故,冠幽隱之號** 行之三陰 ,雖皆屬心 , 而文中皆顯與色身通貫 ;受則能令色身領境 0 《正脈》云: ,非真實 想則 大抵

壬五 識陰妄想 癸初

分四

縱奪真妄

有也。

四行陰妄想竟

又汝精明 • 湛不搖處 ,名恆常者,於身不出, 見、聞 覺 • 知 ,

若實

### 精真 ,不容習妄 0

如來藏 精 已盡 明不搖之識 此 7明識陰 遷擾俱停 性 , 眾生迷位之中 ,為恆常不變之性者,於身不出見、聞 ,即微細精想也。純一無雜,橫豎洞照,曰精明,所謂似一也。 , 曰湛 不搖處 , 離 此無別真體 , 所謂似常也。 可得 即此 , 第 似一 一卷云 .、覺 似常 : 識精 知 ,元是根本識陰 ,所謂元依 元明是也 精 若 浮想 以此 體 明 通

覺 分成六和合也。 、 知 與識精同體故。若實精一 此固以根本難知,指出 無雜,真實無妄者,自不容習種之妄染;譬如真 現前六用,令凡小之人,知現前見、耳

金

,不應混雜泥沙也

然 何 因汝等 • 覆覩前異 曾於昔年 ,記憶宛然,曾不遺失,則此精了,湛不搖中,念念 , 覩一 奇物, 經歷年歲 , 億忘俱無?於後忽

何因反難之詞 。既云若實精真,不容習妄,下正明習妄之事, 故反難云:何因 受熏,有何籌算?

緣之故 劫 官 子 來忽然之間 久,初時猶億 在 無量種習 識 八識 , 汝等曾於疇昔之年, 猶 [庫藏 田中 ,久則斯忘,久之又久,則憶忘俱無。 之使 次第成熟,豈止現生之覩物耶?則此下, ,曾不遺失,故以何因反難之。六識如聚斂之吏,七識似出 , 故 知此論收執不忘 覩一 奇異之物, , 惟約第 既見奇物 八也 於後忽然,覆覩前異者: ٥ ,必先留心 理實此 顯妄非真,精了即精明 識 , 尚 經歷年深歲 能 憶 持多 · 納之 於後

者:前念後念,受彼妄習所熏,無有停息,分劑頭數,無量無邊,有何可籌量計算 也,亦即現前見、聞、覺、知,同一無分別性,名湛不搖中。念念受熏,有何籌算

### 癸二 正申喻示

也

# 阿 .難當知:此湛非真,如急流水,望如恬靜,流急不見,非是無

# 流,若非想元,寧受妄習。

靜者: 無流也。若非想元者:謂此若非前四陰,妄想根元,寧受妄習所熏,此決言其猶有 真無流也。嘗驗其流,拋一草葉,於其水面,草葉迅疾而去,方覺其流之最急,非 常不可動搖之性也。但如急流水,《正脈》云:須取無波,平流之急水。望如恬(セン) 阿難!應當了知,此八識,湛不搖者,熏之以真則真,熏之以妄則妄 以其無波之參差,無飛湍之上下也。次二句,明其正因流急,故不可見 ,亦非真 , 非

### 癸三 的指滅時

微細妄想故也

大佛

### 非汝六根 ,互用開合,此之妄想 ,無時得滅 0

際 然此微細妄想 此之妄想 ,亦無時 ,直待何時,方得銷滅?除非汝之六根 而得滅也。 但 .經用反言以顯 故云 : ,互用之時 若非根解 `,根隔開合之 入圓通 此妄

終無滅 嵵 也。 六根互用開 合 ,正當寂滅現前時 也

### 癸四 推廣結名

# 故汝現在 ,見、聞、 覺 、知,中串習幾,則湛了內, 罔象虚無,第五

#### 顛倒 • 微細精想 0

精之性 無不 之內 武識微 此承 微 無 即 細 細 上文 即第 精 精 似有 又此識雖非妙精明心 想 明湛不搖中,一分無明為能串,而六根習幾為 非有 八識 ,未得六根互用 0 謂 迷真 中, , 凡 執似 夫計為命根 念念受熏 , 迷真 , 未盡想元 ,如第二月, , 互相 **如藏** ,二乘認作涅槃 性 串 穿 , ,故汝現 執相 0 故名精想 雖習氣幾微 似藏 在 虚 識 , 見 ,但多一 而 , 所串耳 豈非 作實 , 令 不 聞 顛 , ` 無 。 散 齅 捏而已 倒 乎 故罔象虚 而 失 ` 嘗 ? , 為 則湛 前 有 放手即 覺 四 , 然了 是 麛 無 ` 知六 為 , 若 顯 顛 知

此

倒

真月矣!二詳示五重妄想竟

# 辛三 總結妄想所成

# 阿難!是五受陰,五妄想成。

蘊 覆真性,故名五受陰,又名五取蘊。一切眾生,莫不取此以為自體 [幻軀,又名五陰身也。由是而觀,五陰,雖淺深麤細之不同,而要之皆妄想所 此總結五陰 ,即五種妄想所成也。 此五種 ,即是眾生所受報法 ,故名此身為五 0 受此五 種

(寶鏡疏》云:良以眾生,自迷如來藏性,而有妄色妄心,依此色心 ,而成五

成

悉非真心本有也。

定者 法 以二乘知見,執此五陰,為空寂者,即出世法。若在諸佛菩薩,善得中道 陰 則五乘聖教 達空即色, 故有世間凡、聖差別也。若以眾生知見,執此五陰,為實有者 ,苟能於是,用金剛觀智,蕩滌空有情計,掃除斷常知見,了一真之本具 即為出世上上法,乃第一義諦,不思議境界也。設若離此五陰之 ,亦無安立之處也。以故,迷之則凡,悟之則聖, 皆不出此 ,即世間 ,了色即 1。凡修 法 ), 達 若

諸妄以本空,則其五陰妄想之心,當體清淨,即是本如來藏,妙真如性矣!初答生

### 庚二 答陰界淺深

起妄想竟

### 際 汝今欲知 0 惟記與忘,是想邊際。惟滅與生;是行邊際 • 因界淺深:惟色與空,是色邊際 0 惟觸及離 0 湛入合湛 是受邊

#### 邊際 0

盡色, 為空 淺深者 別名而已。淺深 謂出生諸法,如地生物,而地為物因也。今五陰即界之開合,故名因界,但是陰之 深 超千 呵 若離諸 .難前第三問,如是五重,詣何為界?佛今於第二超答云:汝現今欲知 而不盡空;皆未出乎色陰邊際,而一切空忍,皆非究竟也。受陰中 此一 ·估而 濁最 科之文,披閱諸家疏釋 色相 ,即是邊際之淺深,歷五陰而各有也。如色陰中,有相 ,故悉依之。交光法師云:今考古訓,十八界,乃云界者因義 ,而棲心空淨 1;祖家 ,惟交光法師 ,謂之一色邊 ,研究有得於心 唯識 , 謂為· 空一 ,詳釋邊際之淺 顯 為 色, 色,無相 ,歸識 取著曰 , 因 界 是知

生相 忘 無念 識 消 意 為澄水是也 有 是 也 中 離 觸 入為 知 海久停 離 0 亦未 然此 識 盡 有 厭 即 , 捨日 湛 念 海 流 生 是 如二卷喻 同 細行 知盡 初入 入 出乎 為記 急不見其流 歸 , 湛 離 而 , 迷 明淨 ;按位已當 蓋泯行流 '想陰邊際, 觸 以無入為合湛, 不 , 悶 , ,斷諸取著,而 無念為忘 盡 似 , 如瀑流者是也。以修位,定心細行為滅相,如此卷喻 呵 極 滅 滅 祖 非 不盡離;亦未出乎受陰邊際 也。 , 云 雖視湛 亦未出 滅 : 而 七信 而 ,除諸念而不忘無念,是仍住於靜念之中 然此合湛境界 , 莫謂無心便是道 仍是清擾細遷 滅 切無想,皆非究竟也。 入有加 歸識 乎行陰邊際 不忘厭捨 , 經云:內外湛 齊於四 海 0 果 居然仍在識 經 , , 是猶住捨受之中。 云: 0 , ,如定中人,不免爪生髮長 分劑非淺 , 而 而 無心猶 明,入無所入是也。蓋合字有不動之 性入元澄,一 圓 切滅定 , 而 通 境 正 , 良 隔 行陰中, 在 切背捨 咸不免於最細四相 聞 , 重 以始言湛入, 所 皆非究竟也 關 故佛於離幻之後 澄元習 聞 盡 以迷位 0 ,皆非究竟也 是 , 知 終言合湛 0 , 盡 如 故 , , 識陰 散心 特 如 記 波 足以驗之。 佛言 野 所遷 瀾 麗行為 中 馬者是 滅 而 復教 更名 陰方 有念 想陰 不 是 化 以

大佛

頂

如來密因修證了義諸菩薩萬行首楞嚴經講義

第二十四卷

勝義性 白法身 是乃至但 色 旨 依 八 非汝六根 知盡湛入,而不盡合湛 知識界之深者也。是則發揮五重妄想,可謂極盡其境界矣! 何住持耶?答: 而 即 經文從互用中 是業識 不 ,大不思議 猶未究竟也。問:識陰盡時,畢竟何位?答:入初住 知湛入為識, 知空亦是色者 ,互用開合,此之妄想 , 而別經論 彼是漸教所談,初住等覺, ,不應以漸 ,頓超諸位,能入金剛乾慧,非等覺後心而何?應知勝義中,真 而不知合湛亦識者 ,終未出乎識陰邊際;所謂清光照眼,猶似迷家,而一 , 知色界之淺者也;知空色之皆色者 ,皆謂無明生相 而 難圓 ,無時得滅;是其明徵也 也。 然以此總較 , ,等覺後心方盡 知識界之淺者也; 尚隔天淵 , 因界之淺深者 ,豈遽說盡?此是圓 0 , 今言初住即盡 問 , 知湛入合湛皆識者 知色界之深者也 : ,證圓通 此之識 , 若 陰 也 但 , , 經云: 既 知 而 切明 色為 頓之 惟第 後位 如

### 庚三 答滅除頓漸

### 此 五陰元 ,重疊生起 • 生因識有 滅從色除 0

阿難前第二問云:又此五陰,為併銷除,為次第盡?故如來在此第三,而追答

之。 內向 陰元 性 外 故 此五陰生滅次第 ,是從細 日 , 生因 而 漸 著故 |識有 向 .麗 0 **,** \_\_ 0 滅 由 ,即六根結解次第 則從麤向 重疊一 識而行 重 , 細 由行而想 ,次第生起也。生 • 須從色陰先除 ,故先明五陰,生起滅除,二重 ,由想而受,由 0 則從細向麤 則受、想 受而 ` 色;如人著衣 行 因迷藏: ` 識 , 次第 性 次第漸除 , 以 此五 必自 為識

### 理則頓悟 ,乘悟併銷;事非頓除,因次第盡 0

如人脫衣

,

必自外向內

,

而漸脫

彻

之事 云: 夜暗 開 究 修之意而已 , 則五 鬼 驚机為鬼,奔馳荒越,一 如 此單陳滅除次第 想 色心諸法 前 重妄想 雖已 所云: 全銷 ,非能頓除 , 五陰本因 如紅爐點雪 , 而馳途豈能遽返 ,而仍兼始悟則 , ,務必自淺而深,因五陰之次第而漸除以 同 , 被他人說破,鬼想全銷。若就事相而論,事 是妄想 併銷除 , 無次第 0 要須 既唯妄想 , 有何淺深次第之可得耶? 歷返前途, , 而終修須次第也 ,妄性本空, 方歸舊處矣!總是頓悟 )。蓋此五陰 一念頓 釜也。 《正脈 悟 , ,  $\hat{\mathbb{E}}$ 以理推 謂 舉 乘 此心 修斷 脈 喻 漸

### 我已示汝 ,劫波巾結,何所不明,再此詢問 ?

聞不住 既滅 不生 (解静),初解動靜二結,破色陰 六參差,如何會合?答:初於聞中,入流亡所(gm b),所入既寂 明 結 亂 本以次第綰 , 終不得成;是結解 再 此乃斥問 寂 此 , 覺所覺空 詢問 滅 窺前 生 。此處破陰之文,與解六結而入圓通比之, 。取第五卷,綰巾以示倫次之文云。六結不同,一巾所造,令其雜 , ,今日當須次第而 解滅結 , 解覺結破想陰 ,定有倫次,故云:我已示汝,劫波巾結 , 破識陰 0 解 0 如是解結破陰 空覺 0 0 如是漸增 於彼既知 極圓 , ; 于 空所空滅 , ,若合符節矣 聞所聞盡 此即 破五 應理 , 解空結 , 解根結 |陰而登初住 會 ,動靜二相 0 0 前阿難· 故 , 破行陰 資云 , 破受陰 亦云 , 法數五 ,了然 何 生 :是 所 盡 滅

敷 出 漸 停 是頓! 節節 **﹑寶鏡疏》問:如何是頓悟漸除之義乎?答:如大海猛風頓息,是頓** 是漸除 悟也 而上 一,是漸除也。 ;霜露漸 .也;如嬰兒諸根頓生,是頓悟也;力量漸備 消 , 若但頓悟 是漸除也 ;如春筍頓長 而不漸除 , 則有解無行 , 即與母齊 是漸除也 , 是頓 執理迷事 悟也; ; 如 悟也;波浪 ;若但漸 太陽頓 · 枝葉分

除,而不頓悟,則有行無解,執事迷理;均非正修真三摩地也。二具答三問竟

### 己三 結勸傳示

### 汝 應將此 ,令識虛妄 ,妄想根元,心得開通,傳示將來,末法之中,諸修行 ,深厭自生,知有涅槃。不戀三界。

其自 戀三 自生者 者 令識五陰體性,虛妄根元,既是虛妄,五陰豈有真實,認妄為真,故有輪轉 薄 想 。心得開通者:謂妄想之名,雖淺深次第有異,了達同一虛妄,更無根緒 界,有漏生死因果矣。戀字與厭字 知 執心太重 色陰堅固妄想,受陰虛明妄想,想陰融通妄想,行陰幽隱妄想,識陰微細精 利 此總結五陰,勸令傳示將來也。故囑云:汝應將此五陰妄想根本元由,一一研 本有不生不滅 : 謂 不迷也。 既達五陰全妄,其體本空,則深切厭離之志,自然發生矣!知有 ,五陰難除 傳示將來下, ,真性全在 ·。諸修行者,若不思修行,則姑勿論耳。 勸其利他普益也。 ,依此為本修因地心,然後圓成果地修證 ,敵體相反,既厭而豈戀哉?二因請重明五 **偏言末法之中者** :以眾生根基淺 如要修行 ,不復更 深厭 涅槃 此勸 則當

陰生滅竟 。併上大科,談五魔令識,以護墮落竟。自阿難請談七趣以來,至此說

法,更為一周,名為超有出魔周。

壞也。 義統 則生信、發解、起行、證果,從始至終,究竟堅固,不動不壞;題中首楞嚴三字 前 根 壞 趣 是自業所招 )成而 ,則正信不堅;了義亡,則正解不固;萬行頹,則真修必墜;是始終不堅,而有 , 手此 而 想離 今知自業所招,業不造,而七趣空;邪思所致,思無邪 **〔指掌疏》云:首楞嚴** 正 |密因壞;邪思所致 上解固矣 。自阿難請定以來, 妄 ;詳辨五魔 , 而 !五陰銷 三五陰銷 , 0 都緣邪思所致;重明五陰 ,則萬行無滯 七趣空,則密因本具,而正信堅矣!五魔遁 , 五 ,翻為究竟堅固,以不動不壞為義。今經精研七趣 歷談至此,為正宗分竟 |魔起而了義亡;妄想為根,五陰覆而萬行頹 , 而真修成矣!真修既 ,總以妄想為根 成 ,而五魔遁;妄想為 妙證 0 自業所招 ,則了 必剋 0 密因 據此 義現 唯

流通分 五 結大眾法喜 今初 分五 丙初 較供佛之福 二 答獲福之多  $\equiv$ 歎滅惡之功 四 舉

#### 阿 佛 難 子若 • 承事供養 復有 人 **,心無虛度** • 徧 滿 干方 ,於意云何, • 所 有虛 空 • 盈滿 是人以此施佛因緣 七寶 • 持以 奉上 微 福 塵

成法益 是常 空七 分如首 得 矣!又以滿空七寶供養 徧 宗分如身 一一悉皆 :福多不多耶 滿 蒔 寶 此 十 前明流 -方虚空 'n ,五官具存 , 流傳 **「,欽承** 供 ;如是三心並 ,五臟全在,以為一 養 通 2無盡 分 , 則虚空. 奉事 佛 流者 ,觀之便知善惡 , 通 佛 。心無虛度者:即 達無邊 無盡 發 ,是廣 :流傳後世;通者: , 則 , 在 財 可 身之要。三流通分如足,以便行走。經有流通分,能 大心 施之勝 也 放阿難之意,以為云何?是人以此施佛 知 0 ; 此 如 ;供養諸佛 , 亦如經· 是虚空 以財施較定供佛之福 , 無有一佛,而空過者 福 田之廣 通達十 中序分,一 , 盈滿 ,是第一心;微塵諸 可 方 七寶 知 0 觀便知,是大乘 何 經分三分, , 況 則七 0 呵 持 , 則 寶無邊 以奉 難 福田之廣 ! ·設若 譬 佛 上 微 可 如 ,心無空過 殊勝 復有 塵 知 小乘。二正 人 : 數 , 愈 因 諸 以 緣 此滿 可 人 初序 佛 知

### 答獲福之多

思議 獲 阿 難答言 • 轉輪王位 ,尚不能及 :虚空無盡,珍寶無邊,昔有眾生,施佛七錢,捨身猶 ,況復現前,虛空既窮, ,是福云何 ,更有邊際 ? 佛土充徧 0 皆施珍寶 • 窮 劫

聖王 擬 窮 輪寶 例 十三天,七生人中 那即律阿 校量 議 阿 ` 尚不能及 **!難答言:虛空徧滿十方,故言** 馬 方佛土,又充徧珍寶 統 , 寶 領四大部洲所有國土 昔於殊勝福田 昔有眾生,施佛七錢 ` 象寶 0 如是福 、主兵臣寶 , 為轉輪王 [ ( 諸福田中。) 報 ,云何更有邊際 , 持以奉上 ,人中福報第一;七寶具足 、主藏 , 最後生於大貴釋種 田佛, , 獲 無盡;珍寶盈滿虛空, 臣寶、女寶 **《轉輪王位者:據達磨顯宗論云** 因以七錢,施設食供 , 微塵諸佛 、寶藏瓶 , , 餘如 縱使窮劫 。況復現前有人,虛空既 , 千子圍 《阿含》 , 故言無邊。昔有下, 後異熟報 , 以第六意識 等經 繞 0 , ;無滅尊者 不錄 七 七返生於三 寶者 ,思量 轉 : 金 舉

輪

### 歎滅惡之功

佛 夷 告 • 瞬 阿 息即 難 • 諸 經此方他方 佛 如 來 • 話師 • 阿鼻地獄 無虛妄 0 若 • 復有 乃至窮盡十方 人 • 身 其 無間 四 重 • • 靡 波 羅

#### 歷。

難 **発生信** 欲 顯 0 故先舉諸: 滅惡之功 佛 , 如來,所有 先示真實之語 語言 0 ,無有虛而不實,妄而不真,汝當諦信也 因以下:弘經之時至少 , 而滅惡獲福甚 多 恐

先墮 十方 應速 罪 0 無 此 墮 波 若復有人 間 方阿 羅 故云 夷 0 無間者 . 鼻 : **介身具** 義當 地 瞬 **急即** 獄 極惡 : , 具足一 小乘 即阿鼻之華言也。靡 經 此方 , 亦譯 7,淫 劫 ; 他 2名棄 方 、 殺 更墮 , 呵 ` 0 」鼻地 謂若犯此罪之一者 盜、妄 他方 獄等 (也) 不經歷者:顯 , 阳 ,四根本重罪;十波羅夷:大乘十 .鼻地 0 瞬 息時 獄 , 党之極短 具足 , 即應墮 十方俱經 劫 , 猶言臨 獄 , 乃至 , 況復 展轉 墮 ,諸獄備歷 俱犯 迅 速 ·種重 ? 即 窮 肋

#### 滅 能 以 變其所受 念 • 將 ,地獄苦因 此法門 • 於 , 木劫 成安樂國 中 • 開 0 示 未 學 • 是人罪障 應念消

忇

想本空 是人罪 門 法界 樂 燎 弘經之功 塵 一合覺 原 , , 於末 其 此 舉 故 漳 2,頓悟 極 頓 則何罪不消,何障不滅?所謂千年暗室,一燈能破;又如一星之火,便可 劫中 暫爾弘經,即指將要墮獄之人。能以一念者:謂能以一念, 顯 何 雖 成 , 也 即 少 灰 心  $\overline{?}$ 小乘 燼 , , 圓 惟 開 以能將此法門 通法門;深入一門,彼六知根 0 此一念心,即十方如來 四重 以 示未學 變其所受地 、大乘 念 **'**,修禪? , 其所得之益甚多 十棄 , 獄苦因, 於末劫中 那者 。應念者: ,令其各得開 成安樂國者:不惟只消罪障 , , 開示未學 成佛真體 , 應其弘經之一念,頓悟真如本有 不可 ,一時清淨 悟 為 喻 , 0 , 此法門 故能變苦因成樂國 續佛慧命 0 是人 。既頓悟已 、罪障 即 , 紹隆 圓 , 應念消 迴光 頓 , 且 ,又將 法門 佛 返照 能 種 , 化魔界 變苦為 滅 然而 此法 員 , 妄 , 背 彰

# 福超越 前之施人,百倍千倍,千萬億倍, 如是乃至, 算數譬

# 此不僅離苦得樂, 仍當得福無量 超越無比。前之施人者:即超越前以盈空珍

喻

, 所

不能及

0

成佛界矣

!

寶 不能及倍 , 奉 上塵數諸佛之人。超越百倍、千倍 。總之前人之福,任說無有邊際,回不能及於此福之少分耳。超越前 、千萬億倍,如是展轉乃至算數譬喻 人 所

約 故 略有三義 福 , 前是有漏之福 約行 : ,不以自 ` 約 佛 , 不 , 行為要 此是無漏之福 以財施為重, , 惟以化他為要 ,以能出離生死 惟以法施為重 , 以能於末劫中 ,永脫輪 ,以能一念,悟此 , 迴故 開示 未學故 0 譬如摩尼一 圓 頓 三、 法 門

### 之功竟。

丙 四

舉兩利之勝

顆

,

勝似海寶千般,阿伽陀藥,壓倒醫方萬品,則超越前福,

固其宜矣!三歎滅惡

#### 我教言 阿 難 **!若有眾生** ,如教行道,直成菩提 能誦此 經 **,無復魔業** 能持此咒, 0 如我廣說 • 窮劫不盡 · 依

弘經

利益

,

轉苦為樂,已如上說

0

今舉無惡

,

誦經持咒之人言之。能誦

此經

業相 者 能 應 誦 ii 持顯文 有 正 有助 , , 心不亂,若文若義 自能得益 0 如我廣說 , 了解: , 窮劫不盡者:此誦持之福 分明 0 能持此咒者 :能加持密咒 ,如我 以 四 , 無

礙辯才,廣為宣說,窮劫說其所得之福,所受之報,尚不能盡。然而自利之行 尚

且如此,何況更能利他乎?

是顯密雙修,而自行化他,仍復自他兩利也 末法,一 法 **編令眾生** 依 我教言 切未學眾生,覺了如斯辨魔之義,此即如教而行利他之道。誦經持咒,既 ,覺了斯義 , 如教行道者:如前文言 0 此首二句, 即 ,汝等必須,將如來語,於我滅後 依我教言 0 下於我滅後 , 宣傳開示 ,傳示末 徧 令

音,自然直成菩提,無復魔業。此功德所以無盡,而稱讚所以靡窮也。 曲 住 相 直成菩提 超直入 【指掌疏》 ,妙覺果海 , 無復魔業者:況無上菩提, 云:此經顯密雙修 , 圓滿菩提 , 自他 於其 午間 兩利 必須 , 兩利圓滿,方克證入 中 如風帆揚於順水, -中流入 , 更無魔業肆擾 若獅絃奏於群 從初發心 , 諸 委

### 丙五 結大眾法喜

羅 佛 說此經已。比丘 及諸他方,菩薩二乘,聖仙童子,並初發心,大力鬼神 、比丘尼、優婆塞 優婆夷,一 切世間 • 天人阿修 ,皆大

## 歓喜,作禮而去

復說流通 離 禪那證位 次說奢摩他路 以警淹留;次辨五魔令識,以護墮落;三請重明五陰,生滅之相,正宗已竟 佛說此經已者:自阿難請定之後,如來初示佛定總名,令知諸佛,修因 ,較量持福,滅惡之功,兩利之勝,至此所應說者,皆已說竟 ,令住圓定 ,令悟密因 , 疾趣菩提 , 大開圓解;三說三摩修法 ;正說妙定始終已竟。 ,令依耳根 復詳初心緊要 , \_\_\_ 門深入; , 初談七 剋果; 趣勸 四說

今則俱 也。 至 者 他方二乘 八部列三, 及諸 比丘 故 內修聖道 序分不列 列 ,序分中 他方,菩薩、二乘者:他方菩薩,序分中,咨決先來眾,及音感後至眾 、比丘尼、優婆塞、優婆夷,解見在前。序分,唯列比丘,餘三或是後來 餘亦 以如來凡說法處,必有四眾 ,外現仙身 應有 ,唯列辟支無學,並未列羅漢,或亦後來,故以俱列 並初發心, ;以如來說法處, ,不壞童真 大力鬼神者 , 故稱聖仙童 必有八部, 為內護故 鬼神特加發心;大力者: 亨 0 為外護故。 0 或因 切世間 聞 法而來 , 天 序分不列 人、 , 表其立志護 或因 0 阿修 聖仙童子 , |護咒而 非所急 羅

法

潚 既 聞正宗,而獲本妙圓心;復聞流通,而知究竟弘益。依如來之密因 ,起了義

之修證 ,發菩薩之萬行,一超直入,妙莊嚴海;自慶成佛有分,皆大歡喜也。 作禮

而 進而聞法於師 ,退而修法於己;作禮 :表謝法之儀;而去: 為自修之行

又去不徒去,要休去,歇去,冷湫湫地去,正所謂狂性自歇,歇即菩提,勝淨明

心,本周法界,不從人得也。全部正文,講解已竟

首楞嚴經講義第二十四卷

# 大佛頂首楞嚴經正文卷第十終

稽首十方婆伽梵 切尊法賢聖僧 本師釋迦牟尼佛 首楞嚴經最上乘

願賜慈悲垂護念 頓令下智成淨慧 每於深奧玄妙旨 精研細討得領會

啟悟密因與了義 逆流照性發明耀 門深入達心源 究竟堅固無動壞

妄性本空真本具 超直入如來地 仰符聖意述微言 普願流通續慧命

### 圓 瑛老法師事略

皈 依弟子葉性禮謹 識

辛卯五 章種種 謹 遑 類 集緇素於一堂,宏佛法以濟世 年譜 , 而門徒實有不能已於言者,茲者七十有四, 法師誕生靈異,弱冠出家 |月,欣逢法師七十壽辰,迺節採前刊,增編近事,不尚虛文,但求紀實 ,已於六十壽辰時 , 俾貢世人獲悉師之宏願 ,由孫明法居士。 , 0 翰墨精通 禪、淨兼通,行、解相應。諸山卓 ,及其為教盡瘁之苦衷, , 詩 刊傳《事略》 ` ·文優美 時大佛頂首楞嚴經講義刊行於世 ,尤其餘事耳 中見之矣。轉瞬 以勵來者 錫 惟師 ! , ·似此道 勝 十有四年 仍謙 地傳 德文 遜未 , 有 經

**讀前篇** ,筆之於左

生如幻 興化 覺 而 梅峰 法 法師福建古田縣人,俗姓吳,父諱元雲,母闕氏,禱觀音大士,夢抱子至,既 師生 , 便欲 [寺增西上人為師,法名弘悟,字圓瑛 0 出家 五齡椿萱失蔭,稍長業儒 , 為叔父所阻 0 十九歲大病癒後 ,聰穎絕倫 ,韜光則別號也。 ,有神· 發願出家 童之稱 , 即投稿 翌年依鼓山湧泉寺 。年十八 荊 鼓 頓 Ш 悟 禮 人

年禪七 寺寄禪和尚 身融 妙蓮和尚授具足戒。二十一歲至常州天寧寺,依冶開和尚參究禪宗 內外根塵色即空;洞徹靈明無罣礙 · ,帶病參禪,至二七第二日,定境現前,身心廓然!即說偈曰:狂心歇處幻 別號八指頭陀者,從習禪定, ,千差萬別一時通。 一心參究 廿五歲 ,經四寒暑。是 , 參寧波天童

,

是夏,買舟渡老虹橋,適退潮覆舟,溺水幾殆;得慶再生,殆天遣作道揆焉 故 興鄞縣接待寺 修習教觀 嚴經讀之,凡向之未通者,無不明晰。復從通智、諦閑、祖印、慧明、道階諸法師 遂 甘八歲冬,定中前境復現,身心俱空,自是慧業增明,定功益力,乃取前習楞 同寄禪和尚 宗說兼通,辯才無礙 , 寺為歷朝古剎 ,入都請願 0 , 組織中華佛教總會 從新拆建,並創辦佛教講習所 ,已使海內,共仰宗風矣!前清宣統元年 以挽頹風 辛亥光復 時被選為參議長 佛門多 法師重

六年 ,任寧波佛教會會長 ,並創立僧民學校二所

七年 創辦寧波佛教孤兒院 真 ` 養兼: 施 , 工 ` 讀並重 , 各省聞風 ,相率倣效

此慈善事業 ,實佛徒應行舉辦,方合慈悲為本之宗旨

九年春, 赴北 平。演講 《楞嚴》 《法華》 兩經, 法緣甚盛。時北五省旱災,師

發起 佛教籌賑會,勸募鉅款,賑救災黎。是年秋,在寧波七塔寺講楞嚴經

社。

十 一

年

,

赴南洋群島,

新加坡

`

檳榔嶼講經

,感化者眾

0

遂倡設檳城佛教研究

薦既 車夫 拔 講 人士 而 剛寺等處,宣揚佛化,法雨頻施,三根普被。時新竹州有一小塘,名湖渒者 各家屬們相告, 經時 小, 生者亦不至枉死 畢 十二年, , 呼曰菩薩至矣!請登車。師訝以詢?車夫云:前夜湖 應持齋禁屠以示誠敬,果能允諾 然年必淹斃數命 復 得來函 返臺 遊化臺灣時 謂菩薩將來超度,故知之。迨師抵湖 南講經 照辦 ,從此安全,真奇蹟也。 ,視為慘事 越七 , 請 , 曾在基隆靈泉寺 澤日超薦 日 , ,地方紳耆恭請法師親為超度 州中 , , 來函致謝 自當任之。 遂即 , 覆函 臺中慎齋堂 是秋 日 , ,由臺南回至泉州 紳云 屆時 湖 首途 群呼菩薩 :當商之官廳 , 水為之涸 臺南開元寺 , ,有數鬼魂 到州時往迓法駕之 師因與約 , , 歡喜若狂 死者得蒙超 , , 同 師 ,各向其 新竹州金 在臺南 轉道和 水淺 全州 ! 超

尚,轉物當家,三人發願,重興開元寺

·四年春成立 十三年, 重新建築大開元寺, 。十四年夏 , 在廈門南普陀寺 併創辦開元慈兒院,陸續收養孤兒,二百餘名 , 講 《楞嚴經》

數丈 歸 方人士之信心 道 中 驗 會 應驗之事 場 , , 其 家 將 欲請超度 保管本息 Ħ. 寶 供宴客之用 幡 躍 年 人 非 鴚 入河 初 , 樹 至法師處 ; 。後果如默禱 ,師亦以全坡素食為約,歡迎到埠,道場將開, 重 , 三渡南洋 有賣水果者 , 以垂永久。 去而 天雨 , 法師勸令放生,並為其說法 欲來 復還 , , 報告所得之病, 籌募慈兒院基 , , , 時該坡有一 , 法事 翹首 師因默禱觀音大士 詣壇參觀 歌墨, ||向師| 稱謝 金 河 ,心不敬信 求為醫治 回壇抽衣,時大雨滂沱 , , , 所 每年溺死數十人 如是者三, 得之款 , , 須俟法 當揚旛時 0 ,出言褻瀆 法師即授以懺悔之法 , 於麻 觀者 事畢 , 適有一 六 , 解籠釋放 無不驚異 聞法師 呷 ,遂發神 而至。法會七日 再行下雨 , 組織基金 大蛇 在臺 ! , 即時 經 而蛇 ,關閉籠 , , 超度之 金董事 其病 以啟 病 啟建 騰身 0 既 遂 地

愈

因此敬信倍至

期中 為其救援,送至醫院,遂將其事語人。眾曰:水鬼發心護法。故不要人矣。 面 其故?答曰:見一黑面人甚大,一手執戟,一 援 。師至,見其人事不省,遂取水誦咒數遍,將水含一口 此 有一傭婦,身衣不淨,欲入壇中,纔至門首,忽然倒地,口吐白沫,請師救 【人原要尋死,復入水底,依然仍被扶上,如是者再,方始呼救,橋上行人, 有困於生計 , 欲投河自盡者 , 自橋 上一躍 手攔阻, 而下 不許進壇 覺似水中有二人 ,噴其面上即醒 , 因是驚倒 , 。少頃問 扶至水 法會

可置信 出喪,道路傳說,此即不信之果報,證信因果之說為不誣也。 言 謂我吃魚 凡欲進壇者,必須茹素更衣。時有一中學校長,信心不具,即對全體學生宣 , 遂大酌 ,吃畢往壇 0 忽有魚骨 ,且看是否能倒?此等迷信之事 , 梗喉不出,乃致身死。 法會圓滿 , 費用許多金錢 是日送聖 ,適校長 , 汝等不

十六年 以浙省鄞、奉二區, **寺產將有沒收之舉,法師挺身衛教,奔走呼號** 

幸得保存。

十七年夏 ,首都全國教育會議,議決全國寺院,改作學校,所有寺產 ,盡充教

教寺產 育基金 經 經紳士公舉 責任;又於各叢林 年經營 0 賴以保全 法師因發起組織江浙佛教聯合會,被選為主席,入都請願,卒獲成功 百廢俱舉 住持大雪峰崇聖禪寺;復接收城中法海寺 。並於各埠,創辦佛教慈幼院,佛教醫院 , 創辦佛學院 農林場等 , 養成自食能力; , 為雪峰下院 ,佛教工 旋返福州講經 廠 荒涼舊剎 ,分擔 是秋 ?。 佛 証 會

佛教產 席 入都力請廢止不平等之管理寺廟條例 十六年, 權 被選為寧波江東七塔報恩寺住持。是夏中國佛教會成立,被選為主 ,經交立法院修正 , 為監督寺廟條例保全

,

十八年秋 應杭州佛教會之請,於菩提寺講經 法喜充滿!冬復應揚州願生寺

講經。

禪宗 日 十九 為法為人,盡心盡力。具有十二不(不貪名、不圖利、不營私 祖 庭 年春 , 住 崽 ,浙東寧波天童宏法禪寺 三千餘指 冬參夏講, ,改選住持 定為常規 0 是夏五月進院 法師當選。此寺為六朝古剎 , 當 不舞弊、不苟 即 對 眾宣誓

安 坊,嚴於律已矣!隨即開講《楞嚴經》 、不放逸、不畏強、不欺弱、不居功、不卸責、不徇情、不背理。) ,四方學者雲集。每年冬季,傳授三壇大戒 可謂言表行

丕振宗風,續佛慧命,大眾心悅。

促進會 化莆 陷 云 據 律平等,無宗教階級之區分,以人民有信仰之自由,有保有財產之自由等 法師 :田梅峰寺講經 出世猶垂憂國淚 風 二十年 潮遂息。 , 意圖沒收全國寺產 :通告全國佛教徒 復被選為全國佛教會主席 是秋洪水為災,遍十六省,法師奔走籌募。普惠災黎 , 居山恆作感時詩。是年秋後 ,啟建護國道場 0 法師挺身衛教,力闢其說,以民國約法所載 。是年中央大學教職員 , 並電蒙藏院,一 , 住持福州瑞峰林陽寺 致擁護中 ,在京組織廟產興學 央 , 曾撰 東三省淪 ,人民一 , · 種種根 並往 聯 賱

法 團體組織證 心改選 廿 二年夏 法師復被選為主席。是冬天童火災,殿堂樓舍被燬者九處, , 旋獲第一 ,就佛教會執委之職。是秋入都 號許 可證書 , 以保全佛教 ,向中央黨部 0 而全國佛教徒 ,直接請求, 開選舉 計五 一十餘間 發給 大會 依

三年 兩 序 大眾 全部重新 ,悲痛萬分,僉謂此等工程,非二十年,不能恢復。法師親出募捐 , 較前更見莊嚴,並增築新樓二十八間,添設谷倉十餘間 ,加築高 ;,僅未

牆,以防火患。

處 , 終於無損 廿二年夏 光明 , 中 ·國佛教會,第五屆選舉大會 , 因復繼任主席。秋應青浦佛教徒之請,廣弘法化,冬赴餘姚 , 有嫉妒者 , 揑辭誣謗 法師 寧靜以

講演佛學。

仁王護國般若經》 廿三年夏 ,中國佛教會第六屆全國代表大會,法師仍任主席 , 著有講義 , 有國府林主席撰序, 並為題簽 是秋在南京 講

浙 乃勸南潯顧蓮成居士,及德配邢夫人,捐資獨修,發現塔頂,有一石碑 江 是歲 吳興南 福建古田縣 :潯顧重修等字 , 古祥寺之吉祥塔 0 足證前後千餘載 ,受炸彈震動 , 遙遙相對 , 塔石 。旋感塔放白光 崩裂 , 法師 文曰 發願 ,眾所共 重 : 宋 修

覩。冬復宏化寧波餘姚。

廿四年二月, 往汕頭潮陽揭陽等處講經,聽眾踴躍,皈依者千餘人。六月赴廈

門 妙釋寺講《金剛般若波羅密經》 , 聽眾尤多。並於鼓浪嶼、日光岩講經。是年在

滬,手創圓明講堂,秋間落成。

懇留 惟 和 福 尚 為主 講演 廿五 !州鼓山湧泉禪寺,乃閩中首剎,桑梓攸關,義不容辭,遂於臘月回閩 年 席 春 皈 0 秋冬間 **;赴長** 依 (座下者 八沙講經 ,各省叢林,爭迎法師為住持者, , 指不 0 臨 -勝屈 別 一時四眾數百人相送,依依不捨。 0 而天童方丈,適六年任滿 計有六處, , 堅辭法席 法師悉皆辭謝 至武漢三鎮 , 舉 大悲 , 復

運 年 士 五. 載災 戸逢 林講 組 廿六年正月初二日 經 織 區難民暨傷兵 師六十壽辰 僧侶救護隊, 月 0 仍任 , 兩序大眾 中 , 送至上海各收容所 俾戰時之用 國 , 接理鼓山湧泉禪寺住持 佛教 3會理事 , 為開千佛大戒 污經訓 長 , [練月餘,而八一三滬戰 兼全國災區救護團 ,及佛教醫院 ,五十三日。六月遊盧 0 四 月重渡武漢三鎮 ,往來通衢 團長 發生。 。召集蘇 , 温山牯嶺 眾目 ,宏法 遂用 共覩 滬 佛 利 卡 , 於居 車 界青 生 咸

冒險 奔走 約 兩月餘 0 蒙佛加被 始終僅死一 僧。 上海淪陷後 隨軍 由 湿沿途 稱僧

界

,

最為

勇敢

南 救 徒 師 至 一僧侶 護 自往 南京 眀 隊 暘 先赴新 救 南洋馬來亞半島 , 0 達漢 淡護隊 次 鈳 岩吉隆坡 加坡 , 均 , 繼續 獲如 總商 , 從事 會 願 檳 募集醫藥費 榔 , , 請 救護 不 嶼 -幸滬漢| 總 求 組織 10。當抗 商 會 誦 , 以資 戦時 組 接濟各處收 0 相 織 (接濟 繼 , 淪陷 如新 以各處收容所 容所 蓋無經費 加 , 坡 而 漢 , 並 П 並 [救護隊 函 滙 , , 監款組織 寧 直 經 同虛設 過費無著 波 佛教 織 , 祗得 漢 會  $\Box$ 0 第二 法師 隨軍 + , |月間 組 僧侶 至河 織 即 第 偕

皆出 洲頗著聲望 廿七 盲 師 年 賜 春 彻 , 允稱 , 0 師 夏 間 大 更承南洋檳榔嶼極樂寺之請 剎 法 師 0 師住 口 國 持後 , 視察各收容所 , 百廢 俱 舉 , , , 及佛教醫院 煞費苦心 住持法席 , 0 寺為鼓山之下院 及今寺院 , 成績均佳 , 日 , 重 趨 莊 赴 於歐 南 嚴 洋

報告

,

繼

續募款救濟

成立 憲 兵司 廿 令部 八 法師在 年 秋 , 謂 堂禮佛 法師 再 口 或 乃 到滬 抗 忽有日方汽車四 日 分子 ,當時即有某甲 , 曾 在南洋募鉅 輛 載憲兵多人 暗思陷害 款 接 濟 , 0 至九 指使某乙, 如臨<sup>.</sup> 月 大敵 日 密報 , 法師 圓 明 日 及 蓮 本 須明暘 池 南京 會

恐嚇 政 員 誘 待 皆 能 滿 師 府 丽 法 為 加 師 , 講 師 立 淨 被 徒 遂 南 三人 堂 |拘某乙治以反造之罪, 後 同 十. , , 洋宣 與之合作 乃 而 時 , 於身命 被逮 閉 審 膫 , 以免 撫使之命 門 訊 處 謝客 法師 可 0 是時 建道 不至 飢寒 , 師 , , 專事 一危險 , 以老病 場 秋 面 0 已搭輪 次日 風正 目 , 著述 猙 大 , 逮捕嚴 獰 緊 卻之 旋 拘送南京 出 心念佛 訶 0 , , 國 衣服 乃某甲 幾瀕 拘 ٥ 農歷 訊 禁於南 幸當局明察其情 於危 單 , , , -以奸謀| 拷打終日 越 薄 九月廿八 恬 I 靜若 平 京日本 , , 法師 宿,竟然不飢不寒 法師 不 -憲兵司 遂 日 時 , 從容陳辯 乃默禱 可見報應之速 , , 0 , 釋放 反向 審 未予置信 令部 間 觀音大士 重 返滬 時 , 慶誣 率 , 0 師復念 為折 先 0 0 菩薩 報 始 問 0 , 終得 放自 後憲兵團 復自 箙 明 , 謂 地獄 暘 於 , 且 法 由 師 飢 然氣 寒 師 漸 天宮 受偽 仍 長勸 加優 種 充 既 住 種

講 相 陀 義》 .經 廿九 要解 兼 善 講 年 詩文 彌陀經講義》 義》 , 法師 , 書法 仍在講堂, 佛說八大人覺經講義》 |亦妙 , 佳編 《法華弘傳序講義》 著有 墨寶 《勸修念佛法門》 遍 布寰宇 , 楞嚴綱 六 (普門品講義》 , 旬 要》 以前 《發菩提心文講義》 等 書 , E 0 著有 法師 《心經講 不特精 大 乘 起信論 義 通 , 性 彌

吼堂詩集》 , 更有《仁王護國般若經講義》 等。曾由上海佛學書局,及圓明法

施會,出版流通,命名為圓瑛法彙

卅年夏 , 天津居士林 , 派代表來滬 ,約請赴天津講經 , 法師以著書辭 ,不克前

往。

卅一年,該林復請弘法 ,法師以情殷不可卻,遂于夏間首途,並應北平佛教徒

之請,在廣濟寺講經兩閱月。

卅二年春 應無錫南京講經,秋應天津、北平、保定等處之請 ,前往講經

卅三年夏 , 應 無錫 ` 蘇 渆 , 秋冬應南京講經 , 臘月返滬 0 此三年中間 , 信仰皈

依者,不可勝數。

嚴專宗學院 卅四年春,法師因鑒說法人才缺乏,遂考取青年優秀僧伽卅二人,創辦圓明楞 ,於四月初八日, 佛誕日成立,法師自任院長 , 每日講經 ,復兼編著楞

嚴講義,已成十六卷,恆至夜分,歷久忘倦。

三十五年二月初四日 ,法師升座講演,約一小時,忽覺舌強,辭不達意 ,頗自

請應慈老法師 轉 徒等 治 **駭異!反覆再講,愈覺不支** 此 知 是中風險症 後 發 漸 顧 漸 減 , 講 恢復 壽 , 《華嚴要解》 以延師壽 ,治療經一 雖曰醫藥生效 0 , 明暘師趨至座旁,扶到寢室,已不省人事。急延醫診 星期後 即各地道友信徒, , 並請覺澄法師講 ,究亦師之道力, 神識始清 ,而半身感不遂。全院學生,及信 亦為祈禱 《圓覺經》 以及各方祈禱之力也 , 越二月, 手足方能動 是秋恭

休息,遂請守培老法師 三十六年春 ,師為教心切,復欲升座講經,眾弟子以法師病體未健,力勸再事 , 講 《大乘起信論》 0 又請靜權老法師講 /地藏 ※經》

之緜 情 痍 未復 0 延 爱集緇素四眾 是年農曆五月十二日, 最近 囑勿多事 |復據海內外各地來函 , 0 禮佛誦經 惟眾弟子 法師七十壽誕,弟子等欲為其祝嘏 , ,恭請 以師齒德兼尊 ,屆時為師舉行誕辰慶祝者 社會名流 ,惠然蒞止,禱民生之樂康 , 聲譽遠播 , 總當 ,計廿餘處 , 略示敬意 師 以烽 火猶 , , , 祝道脈 以 驚 具見大 一般群 , 瘡

南洋檳城極樂寺 自法師廿七年春接任以來,迨廿八年秋回國, 寺務由 志崐和 德所

被

,

群情

<mark>象</mark>然

菩提 歡 歡 手 意 載 出 悅 續 迎 代 **學院** 今值 致 未 理 得 完 駐 , , 未 錫 公舉 勝利 並 , 暨 曾有 東 遂 職 諸 蓮 即 達 事 交通 Щ |覺苑 明老 照 0 允 大德 臨 行 應 莂 恢 和 0 , 承王 , . 尚 旋 時復荷歡送 於 復 赴埠 檳 臘 0 , 學 深 盼 城 月 迎接 仁居 淪陷 中 日 師 飛錫 師 旬 0 王 ,於十二月廿六日安抵星洲 為 , 駐錫 寺眾艱苦撐持 率 代 南 , 及林 徒 表 來 圓通寺承各寺邀宴 明 , , 楞真苑 暘 以慰眾 返 偕行 或 迎 長 請 望 0 監院 (厚待 道 0 0 法師 經 由 別德師 是邀集諸 香 , , 並 港 以 歡 講 , 該 眾意難 飲浹洽 , 蒙 等 楞 坡僧 嚴經 該 山 , 長老開 以法 卻 地 伽策 大 佛 , 意 師 教 兼 進 聯 會 極 口 , 社 聞 合 或 , 眾 會 九

歡 中 霹 商 菙 迎者 公所 旬 震 大 會 佛 册 堂 七 至 學 , 開 年 同 檳 社 , 至 開 IE. 榔 諸 會 極樂寺 歡 歡 月 嶼 專 體 迎 迎 , 望後 大會 極 , 0 道 樂 開 隨即 經怡保 赴吉隆坡 寺 會 , 旋赴 大眾 歡 開 泖 會歡迎 巴生 , , , 承三 暨 並請 , 該 北 坡 一寶洞 坡 馬 開 ` 久別 佛 觀 佛 示 音 教 教 , , 宗鑑 重逢 亭 同 徒 法 百 師 人 , 餘 致 講 決 , 到站 師 祭 彌 人 演 覺忻幸 轉 0 , 暨 至 慧 物 歡 埠 辯 迎 東 老 蓮 ! 迎 如 和 , 雪 流 小 極樂寺於淪陷 接 尚 築 蘭 , 0 法 群 該 莪 , 眾 勝 佛 師 地 到 傾 進 僑 教 法師 督 徒 嵵 , 與諸 假 假 , 月 幸 及 華 中

圓瑛 老法師事略

喜慰無量 兩序大眾開會 !嗣復應華嚴寺之請,講 , **愈舉法師復位住持** 《八大人覺經》 ,由盛慧老和尚 ,適福州鼓山湧泉寺 , 為護理方丈,本年三月上浣 ,來函詳述

得大眾同心苦守,而寺宇依然如故,且新建藥師殿

,並修理全部殿堂,法師見之,

為法師宏開壽戒

章讚揚備至 道 多 國 賢和尚之請 序首領公議,今歲法師逢七秩晉一誕辰,大眾為開千佛壽戒,四眾雲集,數百餘 法師之所賜 而宣揚大乘佛法,高豎戒幢,使未信者生信,增長善根;已信者深造 於五月上 濟濟一堂, 極樂寺 ,逾古稀年齡,而能為法忘驅 , 講 自妙蓮老和尚,開山以來,迄今六十餘載, 一旬 為馬來亞空前之勝會,至四月八日圓滿 ,實至深且鉅也。 放程 《勸修念佛法門》 , 經吉隆坡 ` 綜計所收信徒,三千餘人,無怪乎所經各地 ,善信受化者眾。 新加坡,由香港乘機抵滬 , 誠難能而 可貴也。 法師 0 道風 以國 後復應吉打坡觀音亭 0 |內要務待理 遠播 此行也 , 譽冠 , 雖 南洋 ,精 , 為 硕 一欲返 進行 日 報 如 兩 無

三十八年春 法師整理舊稿,將《一吼堂文集》 ,《住持禪宗語錄》 弘化紀

尚餘三分之一,大願未償,遂從事續編,閉門謝客,專一其心,於是編至辛卯四 念冊,《盂蘭盆經講義》 付印流通,廣宣法益。更有《楞嚴經講義》已編十六卷,

助印者,不乏其人。足徵法師一生,研究《楞嚴》 ,近代推為獨步!將見是書出世,

令人捨識用根,忘塵照性,悟圓理,起圓修,得圓證,疾趣無上菩提矣!

月,佛誕前三日編畢,全部共廿四卷,裝成五冊,即行問世。凡海內外,參加附印